


ኢራሳ ጫቆ ማጻፋ ጋሞሶ



New Testament in Gamo (ET:gmv:Gamo)

ኦሪሳ ጩቆ ማጻፋ ጋሞላ
New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

Contents

ማቶሳ	1
ማርቆሳ	28
ሉቃሳ	45
ዮሃንሳ	73
ሃዋርያት ኦሶ	93
ኦሮሜ	119
1 ቆሮንቶሴ	130
2 ቆሮንቶሴ	141
ጋላቲያ	148
ኤፌሶኔ	152
ፕሊዲሲዮሴ	156
ቆላሲያሴ	159
1 ታሶሎንቄ	162
2 ታሶሎንቄ	165
1 ዲሞቶሳ	167
2 ዲሞቶሳ	170
ቲቶሳ	173
ፕላሞና	175
ኢብራዌ	176
ያቆቤ	185
1 ጴጥሮሳ	188
2 ጴጥሮሳ	192
1 ዮሃንሳ	194
2 ዮሃንሳ	197
3 ዮሃንሳ	198
ዩሁዳ	199
ዮሃንሳ ኣጅታ	200

ማቶሲ ዓፊዳ
ኑ ጎዳ ዩሱስ ኪርስቶስ ሚሺራቾ ቃላ
ጊዳ ቆፋ

ማቶሲ ሚሺራቾ ቃላይ፡ ዩሱስ ኪርስቶሲ ቡርፕ ያናይሳ ሲገላሲዲ ኢዛ ገሽ ዮቴቲዳ ዳሬ አሻናይይ ኢዛ ገዲዳይሳን ያሲ ካሴ ጋልዓ ጫቆ ማፃፋን ባ ዳሬዛስ አሚዳ ሂደታ ቃላ ኩገሱዳይ ኢዛ ባጋራ ገዲዳይሳ ዮቴዛ ሚሺራቾ ቃላራ ዳስ። ሄሲካ ሄ ሚሺራቾ ቃላይ፡ ዩሱስ ኪርስቶሲ ኢስታ ገደን ዩሌቲ ዲጩዳ አይሁዳ አሳስ ዓላላ ገደንታ አላሚ አሳስ ኩሚላሳ።

ማቶሲ ሚሺራቾ ቃላይ፡ ዳርፕ ናጌቴላን ገጌቲዳ ማፃፋ። ማፃፋዚ ኮይርፕ ዩሱሳስ ዩሌቴላ ገሽ ዮቶ ደሚዲ ኢዛ ደንቃቴ ገሺኔ ኢዚ ፓጩቴዳ ፓጩዛ ሎዔሱ ዮቲዳፕ ጉዬ ኢዚ ጋሊላ ዳሬን ሳባኪዳይሳ፡ ታማርሲዳይሳኔ አሳ ሃርጌሬ ፓሊዳይሳ ቆንጩሴስ። ቃሴካ ዩሱሲ ጋሊላ ዳሬፕ ዩሩሳላሚ ቢዳይሳ፡ ኢዚ ሃይሳ ሃ አላሚዛ ቦላ ዳዒዳ ዳዎ ገሺኔ ሃ አላሚዛ ቦላ ጋምዒዳ ወርሴላ ላይላን ወርሴላ ሳሚንታን ሃሂዳ ሃናታ ገሽ ዮቴስ። ሄይቲካ ዩሱሲ ካቂቲዳይሳ፡ ሃይቂዳይሳኔ ሃይቆፕ ዳንዲዳይሳ።

ሃ ሚሺራቾ ቃላዚ፡ ዩሱሲ ያሳ ዎጋ ቢርሻናስ ኢዛስ ጎዳቲሊ ዲዛዳኔ ያሳ ካዎቴላ ገሽ ታማርሲዛ ገታ አስታማሬ ሂስቲ ሺሺስ። ኢዛ ቲሚርቴዛፕ ዳሪዛ ባጋይ ኢቻሹ ዲማ ዲማ ኪፊሊን ሻኬቲስ።

1. ያሳ ካዎቴላን ዲዛይታ ሃኖ፡ ኢስታ ኦሶ፡ ኢስታ ሺኔ፡ ኢስቲ ሃናና ሚላ ኢስታስ ቤሲዛዚኔ ኢስታስ ቤሲዛ ወርሴላ ኤፃ ሻኪ ኤሪሲዛ ዙማ ቦላ ሳባኪዳ ቃላ (ሺምፖ 5-7)

2. ታማኔ ናምቡ ኢዛ አሽካራቲ ሚሺራቾ ቃላ ዮታናስ ኪቲቲ ቢሺን ኢስታስ አሚቲዳ ዎጋታ (ሺምፖ 10)

3. ያሳ ካዎቴላ ገሽ ሺቂዳ ዲማ ዲማ ለሚሶታ (ሺምፖ 13)

4. ዩሱሳ ዎስቲ ካላናኮኔ ኢስታስ ጌላና ማላ አሚቲዳ ቲሚርቴ (ሺምፖ 18)

5. ሃይሳ ሃ ዎዴዛ ወርሴላ ገሺኔ ያሳ ካዎቴላይ ያናይሳ ገሽ አሚቲዳ ቲሚርቴ (ሺምፖ 24-25)

- ሃ ማፃፋይ ኦይኪዳ ኩሚላ ቆፋ
- ዩሱስ ኪርስቶሳ ዩሌቴላ ዛርኬኔ ኢዛ ዩሌቴላ 1:1-2:23
- ፃማቂዛ ዮሃሂሳ ኦሶ 3:1-12
- ዩሱሳ ፃማቂቴሊኔ ኢዛ ፓጩቴላ 3:13-4:11
- ዩሱሲ ጋሊላን ኦሶ ደሚዳስ 4:12-18:35
- ዩሱሲ ጋሊላፕ ዩሩሳላሚ ቡስ 19:1-20:34
- ዩሱሳ ወርሴላ ሳሚንታን ጋኪዳ ሜቶታ 21:1-27:66
- ዩሱሲ ሃይቆፕ ዳንዲ ቤቲዳስ 28:1-20

* 1:16 ኪርስቶሳ ኪርስቶሳ ጉሲ “ሚሲሄ” ዎይኮ “ቲዩቲዳይሳ” ጉሳ።
 አሳ 7:14 * 1:25 ሉቃ 2:21

ዩሱስ ኪርስቶሳ ዩሌታ ዛርኬ
(ሉቃ 3:23-38)

1 ዳወቲ ና፡ አብራሃሚ ና ገዲዳ ዩሱስ ኪርስቶሳ ዩሌቴላ ዛርኬይ ሃይሳሬ ካሊዛይሳ፤

2 አብራሃሚ ዩሳቃ ዩሊዳስ፤ ዩሳቂ ያቆቤ ዩሊዳስ፤ ያቆቤይ ዩሁዳኔ ኢዛ ኢሻታ ዩሊዳስ፤

3 ዩሁዳይ ቲማሪፕ ፋሪሳኔ ዛራ ዩሊዳስ፤ ፋሪሳይ ኤስሮሚ ዩሊዳስ፤ ኤስሮሚይ አራሚ ዩሊዳስ፤

4 አራሚይ አሚናዳቤ ዩሊዳስ፤ አሚናዳቤይ ኔፃሶኔ ዩሊዳስ፤ ኔፃሶኔይ ሳሎሞኔ ዩሊዳስ፤

5 ሳሎሞንካ ቦዔዜ ኤራዓቢፕ ዩሊዳስ፤ ቦዔዜይ ኡሩቲፕ ኢዮቤዳ ዩሊዳስ፤ ኢዮቤዳይ ኢሴዬ ዩሊዳስ፤

6 ኢሴዬይ ካዎ ዳወቲ ዩሊዳስ፤ ዳወቲይ ኦሪዮ ማቼይሬ ሶሎሞኔ ዩሊዳስ።

7 ሶሎሞንካ ሮቢዓሚ ዩሊዳስ፤ ሮቢዓሚይ አቢያ ዩሊዳስ፤ አቢያይሳ አሳሬ ዩሊዳስ፤

8 አሳሬይ ዮሳፕፃ ዩሊዳስ፤ ዮሳፕፃይ ኢዮራሚ ዩሊዳስ፤ ኢዮራሚይ ኦዚያ ዩሊዳስ፤

9 ኦዚያይ ኢዮዓታሚ ዩሊዳስ፤ ኢዮዓታሚይ አካዜ ዩሊዳስ፤ አካዜይ ሂዚቃሲ ዩሊዳስ፤

10 ሂዚቃሲ ሚናሴ ዩሊዳስ፤ ሚናሴይ አሞፃ ዩሊዳስ፤ አሞፃይካ ዮሲያሳ ዩሊዳስ፤

11 ዮሲያሲ ባቢሎኔ ዲያ ላይላ ኢኮኛኔኔ ኢዛ ኢሻታ ዩሊዳስ።

12 ባቢሎኔ ዲያፕ ጉዬ ኢኮኛኔይ ሳላቲያሌ ዩሊዳስ፤ ሳላቲያሌይ ዜሩባቤሌ ዩሊዳስ፤

13 ዜሩባቤሌይ አቢዮዳ ዩሊዳስ፤ አቢዮዳይ ኤሊያቂሚ ዩሊዳስ፤ ኤሊያቂሚይ አዛሬ ዩሊዳስ፤

14 አዛሬይ ሳዶቂ ዩሊዳስ፤ ሳዶቂይ አኪሚ ዩሊዳስ፤ አኪሚይ ኤሊዮዳ ዩሊዳስ፤

15 ኤሊዮዳይ አላዛሬ ዩሊዳስ፤ አላዛሬይ ማታኔ ዩሊዳስ፤ ማታኔይ ያቆቤ ዩሊዳስ፤

16 ያቆቤይካ ኪርስቶሳ ጌቴቲዳይሳ ዩሱሳ ዩሊዳ ማራሞ ኤካና ገገሲዳ ዮሴሬ ዩሊዳስ። *

17 ሄሳ ገሽ አብራሃሚፕ ዩዲ ዳወቲ ጋካናስ ታማኔ ኦይዲ ዩሌቴላ፤ ቃሴ ዳወቲፕ ባቢሎኔ ዲያ ዎዳ ጋካናስ ታማኔ ኦይዲ ዩሌቴላ፤

ባቢሎኔ ዲያፕ ኪርስቶሳ ዩሌቴላ ጋካናስ ታማኔ ኦይዲ ዩሌቴላ ገደስ።

ዩሱስ ኪርስቶሳ ዩሌታ

18 ዩሱስ ኪርስቶሳ ዩሌቴላ ታሪኬይ ሃይሳሬ ካሊ ዲዛይሳ፤ ኢዛ አያ ማራማ ዮሴሬስ ገጌታ ዲሺን ኢዚ ኢዚራ ጋይቶንታ ዲሎ አያናን ቃንላታዳ ቤታዲስ። *

19 ኢዞ ገገሲዳ ዮሴሬይ ዲሎ አስ ገዲዳ ገሽ ማራሞ አሳ ሲገላን ቆንጩ ኬሶንታ ቆታራ አጋናስ ባ ዎዝናራ ቃቺዳስ።

20 ሃይሳ ኢዚ ቆፕሺን ያሳ ኪታንቻይ አጉሞራ ኢዛስ ቆንጩዲ “ዳወቲ ና ዮሴሬ! ኔ ገገሲዳ ማራማ ቃንላቲዳይ ዲሎ አያናን ገዲዳ ገሽ ኢዞ ኔሶ ኤፋናስ ባቦፋ።

21 ኢዛ አቲማ ና ዩላና፤ ኢዚ አሳ ናጋራፕ አሻናይ ገዲዳ ገሽ ኢዞ ሱገላ ኔ “ዩሱሳ” ጋ ሱገላና” ገደስ። *

22-23 ጎዳይ ናቤ አሳያሳ ዲናን “ሄኮ! ጌላይይ ቃንላታና፤ አቲማ ናካ ዩላና፤ ናዛ ሱገላይካ አማኑዔላ ጌቴታና፤ ሄሳ ቢርሼሊካ ‘ዳሲ ኦናራ ዳስ’ ጌቴቲዲ ዓፊቲዳይሲ ፖሌታና ማላ ሃይሲ ወሪካ ሃሂደስ” ገደስ። *

24 ዮሴሬይካ ጳስኮሬ ቤገዲ ጎዳ ኪታንቻይ ኢዛ አዛዚዳ ማላ ማራሞ ባሶ ኤፊዳስ።

* 1:18 ሉቃ 1:27 * 1:21 ሉቃ 1:31 * 1:22-23

25 ጊደ አቲን ባዳ ኢዛ ኮይሮ ናዛ ዬላና ጋካናስ ኢዛ ኤኪቤና። ዬሌቲዳ ጉላ ናዛ ሱንላ “ዬሱሳ” ጊደስ። *

ናይቲ ዉሪ ዉሪዳ ጊሽ ሚናናስ ዳንዳዮንታ ኢፃዱስ” ጌቲቲዲ ናቤ ኤርማሳን ዮቲቲዳይስ ፖሌቲዳስ። *

2

አዋ ኦርቮይ ሞኪዛ ባጋፊ ዪዳ ኤራንቻታ

1 ካዎ ሄርዶሳ ዎዴ ዬሱሲ ቤቴሌሜ ዩሁዳን ዬሌቲዳፍ ጉዬ አዋ ኦርቮይ ሞኪዛ ባጋፊ ኤራንቻቲ ዬራሳላሜ ዪዲ 2 “ዬሌቲዳ ኣይሁዳ ካዎይ አዋን ዲዜ? አዋ ኦርቮይ ሞኪዛ ባጋራ ኢዛ ያሊንቴዛ ቤዪዲ ኢዛስ ጎይናና ዪደስ” ጊዲ ኦይቹዳ።

3 ካዎ ሄርዶሲ ሄሳ ሲይዲ ዳጋሚዳስ፤ ዬራሳላሜን ዲዛ አሳይ ዉሪ ኢዛራ ዳጋሚዳስ። 4 ኢዚካ ቄሴታ ሃላቃታኔ ዎጋ ታማርሲዛይታ ኡባ ሺሺዲ “ኪርሰቶሲ አዋን ዬሌታኔ?” ጊዲ ኦይቹዳስ።

5-6 ኢስቲካ ኢዛስ “ናቤይ ጭሁዳ ቢታን ዲዛሬ ሃኔ ቤቴሌሜ!

ታ ዳሬ ኢስራዔል ናጊዛዳይ ኔፔ ኬዛና ጊሽ ሃንኮ ዩሁዳ ሃሪዛይታፔ አዛንካ ጉፃካ”

ጊዲ ፃፊዳ ጊሽ ኢዚ ቤቴሌሜ ዩሁዳን ዬሌታና” ጊዲ ዮቲዳ። *

7 ሄሳፊ ጉዬ ሄርዶሲ ሄ ኤራንቻታ ጌማራ ዪይጊሲዲኔ ኢስታ ሃሳይሲዲ ያሊንቴዚ ኢስታስ ቤቴዳ ዎዴዮ ሻኪ ኤሪዳስ። 8 ኤራንቻታ ቤቴሌሜ ዬዲዲ “ቢዲ ጉላ ናዛ ኮዩቲ፣ ታካ ባዳ ኢዛስ ጎይናና ማላ ዳሚዳ ማላ ሃ ታኮ ሲሚዲ ኢዚ አዋን ዲዛኮን ታስ ዮቲቲ” ጊደስ።

9 ኤራንቻቲካ ካዎይ ኢስታስ ጊዳይሳ ሲዪዳፔ ጉዬ ሲሚ ቢዳ፤ አዋ ኦርቮይ ሞኪዛ ባጋራ ኢስታስ ቤቴዳ ያሊንቴይ ኢስታ ካሌሳዲ ጉላ ናዚ ዲዛሶ ጋሌዳስ።

10 ኢስቲ ያሊንቴዛ ቤዪዳ ዎዴ ዳር ኡፋዬቲዳ። 11 ኬሌ ጌሊዲ ጉላ ናዛ ኢዛ አዮ ማራሚራ ዳሚዲኔ ጉሊባቲዲ ኢዛስ ጎይኒዳ፤ ባ ሳይኔ ሳይኔ ደይዲ ዎርቃ፣ ኤፃኔኔ ካርቤ ጊዛ ሚሽ ኢዛስ አሚዳ።

12 ኢስቲ ሄርዶሳኮ ሲሞንታ ማላ አጉሞን ኬሂ ናጌታና ማላ ጌቲቲዳ ጊሽ ሃራ ኦጌራ ባ ዳሬ ሲሚዳ።

ጊብፄ ቢታ ቤቴ ቡስ

13 ኤራንቻቲ ቢዳፔ ጉዬ ጎዳ ኪታንቻይ ዮሴፌስ አጉሞራ ቤቴዲ “ሄርዶሲ ጉላ ናዛ ዎፃና ኮዩዛ ጊሽ ኔ ሲማና ዎዴ ታ ኔና ኤሪሳና ጋካናስ ዳንዳዳ ጉላ ናዛ አዩይራ ኤካዳ ዲጌ ጊብፄ ቢታ ባቃታዳ ሄን ዳሻ” ጊደስ።

14 ሄሳ ጊሽ ዮሴፌይ ዳንዲዲ አዩዮ ናዛራ ኤኪዲ ጊዳራ ዲጌ ጊብፄ ቢታ ቢዳስ። 15 ሄርዶሲ ሃይቃና ጋካናስ ሄን ዳዲዳስ። ሄሳንካ “ታ ናዛ ታ ጊብፄ ቢታፊ ዪይጋዲስ” ጊዲ ጎዳይ ካሴ ናቤ ዳናን ሃሳዩዳይሲ ፖሌቲዳስ። *

16 ኤራንቻቲ ኢዛ ባሌላዳይሳ ኤሪዳ ዎዴ ሄርዶሲ ኬሂ ሃንቁቲዳስ። ኤራንቻቲ ኢዛስ ካሴ ዮቲዳ ማላ ባ አስ ኪቲዲ ናሞራ ላይላኔ ናሞራ ላይላ ኩሞንታይታ ቤቴሌሜኔኔ ቤታሌሜ ዩሻን ዲዛ ጉላ አቲማ ናይታ ኡባ ዎፂሲዳስ።

17-18 ሄሳን “ዬሆይኔ ጊታ ዋሶ ጊሪሳይ ኤራማን ሲዬቲዳስ፤ ኢራዔላ ባ ናይታስ ዩካዲስ፤

ጊብፄ ናዚሬቲ ሲሞ

19 ሄርዶሲ ሃይቁዳፔ ጉዬ ጎዳ ኪታንቻይ አጉሞራ ዮሴፌስ ጊብፄ ቢታን ቤቴዲ፣ 20 “ዳንዳዳ ጉላ ናዛኔ ኢዛ አዩዮ ኤካዳ ኢስራዔል ቢታ ሲሚ፤ ናዛ ዎፃና ኮዩዛይቲ ሃይቁዳ” ጊደስ። 21 ዮሴፌይ ዳንዲዲ ናዛ አዩይራ ኤኪዲ ኢስራዔል ቢታ ሲሚዳስ።

22 ጊደ አቲን ኦርካላዎሲ ባ አዋ ሄርዶሳ ሶን ዩሁዳን ካዎቲዳይሳ ሲይዲኔ ሄ ባናስ ባቢዳስ፤ ጎዳይ አጉሞራ ኢዚ ሄ ቦንታ ማላ ዮቲዳ ጊሽ ጋሊላ አዉራጃ ቢዳስ። 23 ናዚሬቲ ጌቲቲዛ ካታማዮ ቢዲ ሄን ዳስ ኦይኪዳስ። ሄሳንካ ካሴ ናቤታን “ናዚሬቲ አስ ጌቲታና” ጌቲቲዲ ካሴቲዲ ሲንላፊስ ሃሳዩቲዳይሲ ኩሚዳስ። *

3

ፃማቁዛ ዮሃኒሳ ሳባኮ

(ማር 1:1-8፤ ሉቃ 3:1-18፤ ዮሃ 1:19-28)

1-2 ሄ ዎዴ ፃማቁዛ ዮሃኒሲ አሳስ “ሳሎ ካዎቲላ ማቲዳ ጊሽ ኢንቴ ናጋራፔ ሲሚቲ” ጊ ሳባኪሼ ዩሁዳ ባዘራ ዪዳስ። *

3 “ጎዳ ኦጌ አሊቲ፣ ዎጋ ኦጌዛካ ሎዔሊቲ ጊሼ ባዘ ቢታን ዋሲዛ ቃላ”

ጌቲቲዲ ካሴ ናቤ ኢሳያሳን ዮቲቲዳይሲ ዮሃኒሳ ጊሻሳ። *

4 ዮሃኒሲ ጋሚላ ኢሲኬፊ ኦሴቲዳ ማይዮ ማይዔስ። ባ ፃሳን ዳፎ ጊፃስ፤ ኢዚ ሚዛ ቁማይ ዳጌራ ኤሳኔ ቦሌ። * 5 ዬራሳላሜ፣ ኩሜላ ዩሁዳፔኔ ዮርዳናሴ ሻፋ ማታን ዲዛ ዳሬ አሳይ ዉሪ ዮሃኒሳኮ ዎፂዲ፣

6 ባ ናጋራካ ኢዛስ ፓዲሼ ዮርዳናሴ ሻፋን ኢዛ ኩሼን ፃማቁቲዳስ።

7 ዳር ፋርሳዌቲኔ ሳዱቃዌቲ ኢዚ ፃማቁዛሶ ዪሺን ቤዪዲ ዮሃኒሲ “ኢንቴና ሾሻቶ! ኢንቴ ሲንላራ ዲዛ ሃንቆፊ አታና ማላ ኢንቴና ኦኒ ቤሲዳ? * 8 ኢንቴ ኢንቴ ናጋራፔ ሲሚዳይሳ ቤሲዛ አሶ አሊቲ። 9 ናኑ አዋይ አብራሃሜይ ኦስ ዳስ” ጊዛይሳን ኢንቴርካ ኢንቴና ባሌላፍቲ፤ ታ ኢንቴስ ያሲ ሃይታ ሹቻታፔ አብራሃሜስ ና ኦሊ ዳንላናስ ዳንዳዬስ ጋይስ። *

10 ሄኮ ካልታይ ቃንፃናስ ሚላታ ጋርሳን ጊጌቲ ኡቲዳስ፤ ሄሳ ጊሽ ሎዮ አይፊ አይፎንታ ሚላ ዉሪ ቃንፃታናኔ ታማን ዩጌታና።

* 11 ታኒ ማርቲላስ ሃላን ፃማቃይስ፤ ሃራይ አቶ ሺን ታ ኢዛ ጫማ ቶካናስ ቤሶንታይይ ታፔ አፂዛ ሚናይ ጉዬራ ያና፤ ኢዚካ ዪሎ አያናኒኔ ታማን ኢንቴና ፃማቃና።

12 ካል ሱራጊዛ ጥላይ ኢዛ ኩሼን ዳስ፤ ኢዚካ ባ ካላ ባሌዛ ፒቲ ጌሻና፤ ባ ጊሰቴዛካ ካላ ዲዔን ቆላና፤ ሃፓ ጊዲኮ ቶዮንታ ታማን ፀጋና” ጊደስ።

ዬሱሲ ፃማቁቲዳስ

(ማር 1:9-11፤ ሉቃ 3:21-22)

13 ሄ ዎዴ ዬሱሲ ዮሃኒሳን ፃማቁታናስ ጋሊላፔ ዮርዳናሴ ሻፋ ቢዳስ። 14 ጊደ አቲን ዮሃኒሲ “ሃይሲ

* 2:5-6 ሚክ 5:2 * 2:15 ሆሴ 11:1 * 2:17-18 ኤር 31:15 * 2:23 ማር 1:24፤ ሉቃ 2:39፤ ዮሃ 1:45 * 3:1-2 ማቶ 4:17፤ ማር 1:15 * 3:3 ኢሳ 40:3 * 3:4 2ካዎ 1:8 * 3:7 ማቶ 12:34፤ 23:33 * 3:9 ዮሃ 8:33 * 3:10 ማቶ 7:19

ሃኔና፤ ታኒ ኔናን ፃማቄታና ቤሲሺን ኔኒ ዋናዳ ታኮ ያይ?” ጊዲ ኢዛሪ ማርሼቲዳስ።

15 ዩሱሲካ “አይኮይ ባዋ፣ ኤሮ ጋርኪ? ሃይሳ አሉዲ ኑኒ ያሎቱል ኡባ ፖላናስ ኑስ ቤሲስ” ጊዳስ። ዮሃንሲካ ኢዛ ቆፋ ኤሮ ጊ ኤኪዳስ። 16 ዩሱሲ ፃማቄቲዲ ሃሳፌ ኬዚዳ ማላ ሄራካ ሳሎይ ዶዬቲን ያሳ እያናይ ሃራጼ ካፎ ሚሳቲዲ ኢዛ ቦላ ዋጂሺን ቤዪዳስ። 17 ሳሎፔካ “ታኒ ኢዛን ኡፋዬቲዛ ናዚኔ ታ ሲቁዛ ታ ናዚ ሃይሳ” ጊዛ ቃላይ ሲዬቲዳስ። *

4

ዩሱሲ ፓጩቲዳስ
(ማር 1:12-13፤ ሉቃ 4:1-13)

1 ሃሳፌ ጉዬ ያሎ እያናይ ፃላዔን ፓጩታና ማላ ዩሱሳ ዲጌ ባዞ ቢታ ኤፊዳስ። * 2 ኦይዲ ታሙ ጋላሲኔ ኦይዲ ታሙ ቃማ ያሚዳፔ ጉዬ ዩሱሲ ጋፊዳስ። 3 ፓጩዛይሲ ዩሱሳኮ ሸቄዲ “ኔ ያሳ ና ጊዲኮ ኣኔ ሃይታ ሹቻታ ኡኩል ጊዳና ማላ ኣዛዛ” ጊዳስ።

4 ዩሱሲካ “ኣሲ ያሳ ዲናፔ ኬዚዛ ቃላንፔ ኣቲን ካላን ፃላ ዳና ጌቲቲ ፃፊቲዳስ” ጊዲ ኢዛስ ዛሬዳስ። *

5 ቃሴካ ፃላዔይ ዩሱሳ ጌሻ ካታማዮ ኤፊ ያሳ ኬላ ቁስቲ ቦላ ኬሲዲ፣ 6 “ኔ ያሳ ና ጊዲኮ ኣኔ ሃይሳፊ ዲጌ ጉፓ፤ ኣይሲ ጊኮ

ኣኔ ቶሆይ ሹቻን ቆጶቶንታ ማላ ከታንቻቲ

ባ ኩሼራ ኔና ኦይኪ ዳንላና ማላ ኔ ጊሽ

ያሲ ባ ከታንቻ ከታና ጌቲቲ ፃፊቲዳስ” ጊዳስ። *

7 ዩሱሲካ “ጌሻ ማፃፋን ኣኔ ጎዳ ያሳ ፓጩፋ ጌቲቲ ፃፊቲዳስ” ጊዲ ዛሬዳስ። *

8 ቃሴካ ፃላዔይ ዩሱሳ ኬሂ ቆቃ ዙማ ቦላ ኬሲዲ ሳሎ ጉፓንሉን ዲዛ ካዎቲል ቦንቸዛራ ኡባ ኤሂ ቤሲዲ፣ 9 “ኔ ኩንዳዳ ታስ ጎይኒኮ ሃይሳ ኡባ ታ ኔስ ኢማና” ጊዳስ።

10 ዩሱሲ “ሃይሶ ፃላዔ! ታ ሲንሳፊ ሃካ! ኣኒ ኔ ጎዳስ ያሳስ ጎይና፤ ኢዛስ ፃላላ ኣዛዜታ” ጌቲቲ ጌሻ ማፃፋን ፃፊቲዳስ” ጊዳስ። *

11 ሃሳፌ ፃላዔይ ኢዛ ኣጊዲ ቢዳስ፤ ከታንቻቲካ ዪዲ ኢዛ ማዲዳ።

ዩሱሲ ሳባኮ ኦይኪዳስ
(ማር 1:14-15፤ ሉቃ 4:14-15)

12 ዩሱሲ፣ ዮሃንሲ ቃሹቲዳይሳ ሲይዲ ጌዴ ጋለላ ሲሚዳስ። * 13 ናዚሬቲ ካታማ ኣጊዲ ዛቢሎኔ ኒፍታሎሜ ሄራን ኣባ ማታን ዲዛ ቁፊርናሆሜ ካታማን ዲስ ኦይኪዳስ። *

14-16 “ሄሳን ዛቢሎኔኒኔ ኒፍታሎሜ ቢታን፣ ዮርዳኖሴ ሄ ፒንላን ኣባ ሳንቄራ ኤፊዛ ኦይ ማታን ዲዛ

ኣይዛቤ ጊዲዳ ጋለላ ዳሬ ኣሳይ፣

ቆማን ዲዛ ዳሬይ ዋልቃማ ፖፖ ቤዪዳስ።

ሃይቆ ኩዋ ጊዳን

ዲዛ ዳሬስ ፖፖይ ፖዒዳስ”

ጌቲቲዲ ናቤ ኢሳያሳ ዲናን ካሴቲዲ ሃሳዬቲዳይሲ ፖሎቲዳስ።

17 ዩሱሲ ሄ ዋዴፔ ሃ ሲሚን “ሳሎ ካዎቲል ማቲዳስ፣ ማርታ ጌለቲ” ጊዲ ሳባኮ ኦይኪዳስ። *

ኮይሮ ዩሱሳ ካሊዳይታ ያይጌቲል
(ማር 1:16-20፤ ሉቃ 5:1-11)

18 ዩሱሲ ጋለላ ኣባ ሳንቄራ ኣጂሹ ናምዑ ኣሻንታ፤ ሄይቲካ ጳፅሮሳ ጌቲቲዛ ሲሞና ኢዛ ኣሻ ኣንዲራሳ ቤዪዳስ። ኢስቲካ ሞሌ ኦይኪዳይታ ጊዲዳ ጊሽ ሞሌ ኦይኪዛ ጌቲ ኣባን ዩጊሹ ዳቲስ። 19 ዩሱሲ ኢስታ “ሃ ዪቲ! ታና ካለቲ! ታ ኣንጌቲና ኣስ ኦይኪዛ ኣስ ኬሳና” ጊዳስ። 20 ኢስቲ ሄራካ ሞሌ ኦይኪዛ ጌቲዛ ዩጊ ኣጊዲ ዩሱሳ ካሊዲ።

21 ጉል ሲንላ ቢሹ ሃራ ናምዑ ኣሻንታ ዛቢዳሳ ና ናምዓታ ያቆቤኔ ዮሃንሳ ቤዪዳስ፤ ኢስቲካ ባ ኣዎ ዛቢዳሳራ ዋጎሎ ጊዳን ሞሌ ጌቲ ሎዔጱቲስ። ዩሱሲካ ኢስታ ያይጊን፤ 22 ኢስቲ ሄራካ ዋጎሎዛኔ ባ ኣዎ ኣጊዲ ካሊዲ።

ዩሱሲ ሃርጊዳይታ ፓላዳስ
(ሉቃ 6:17-19)

23 ዩሱሲ ኣይሁዳታ ኢስታ ዋጎ ኬላን ታማርሲሹኔ ካዎቲል ሚሹራቾ ቃላ ሳባኪሹ ቃሴ ዳሬ ጊዳን ኣይ ሃርጊይካ ሳኪዳይታ ፓላሹ ኩሜላ ጋለላን ዩዪዳስ። *

24 ሃሳ ጌዳን ሎፖ ናሾይ ኩሜላ ሶሪያ ቢታን ሲዬቲዳስ፤ ዳሬይካ ዲማ ዲማ ሳኮን ዳሮ ዋዬቲዳይታ፣ ዳይዳንላ ኢስታን ጌሊዳይታ፣ ቦላፊ ቢታን ዩጊዛ ሃርጊይ ዲዳይታኔ ሲሊዳይታ ኢዛኮ ኢሂን ኢባካ ፓላዳስ። 25 ሃሳፊ ዳንዲዳይሳን ጋለላፔ፣ ታሙ ካታማታፔ፣ ዩራሳላሚፔኔ ዩሁዳፔ፣ ዮርዳኖሴ ሻፋ ፒንላፊ ዩዳ ዳሮ ኣሳይ ኢዛ ካሊዳስ። *

5

ዩሱሲ ዙማ ቦላ ታማርሲዳ ቲሚርቲ

1 ዳሮ ዳሬይ ሸቄዳይሳ ቤዪዲ ዩሱሲ ፑዴ ዙማ ቦላ ኬዚ ኡቲዳስ፤ ኢዛ ካሊዳይቲካ ኢዛኮ ዪዳ። 2 ኢዚካ ኢስታ ሂዝጊ ታማርሶ ኦይኪዳስ፤

ቱማ ኣንጆ ዳማና ኣሳቲ
(ሉቃ 6:20-23)

3 “ኣያናን ባና ካዉሺዳይቲ ኣንጃቲዳይታ፤

ኣይሲ ጊኮ ሳሎ ካዎቲል ኢስታታ።

4 ቃጴቲዳይቲ ኣንጃቲዳይታ፣

ኣይሲ ጊኮ ኢስቲ ሚኔታና። *

5 ኣሸኬቲ ኣንጃቲዳይታ፤

ኣይሲ ጊኮ ኢስቲ ቢታ ላታና። *

6 ያሎቲል ጋፊቲዳይቲኔ ሳሞቲዳይቲ ኣንጃቲዳይታ፤

ኣይሲ ጊኮ ኢስቲ ካላና። *

* 3:17 ሜጴ 22:2፤ ማቶ 12:18፣17:5፤ ማር 1:11፤ ሉቃ 9:35 * 4:1 ኢብ 2:18፤ 4:15 * 4:4 ዛሬ 8:3 * 4:6 ማዛ 91:11-12 * 4:7 ዛሬ 6:16 * 4:10 ዛሬ 6:13 * 4:12 ማቶ 14:3፤ ማር 6:17፤ ሉቃ 3:19-20 * 4:13 ዮሃ 2:12 * 4:17 ማቶ 3:2 * 4:23 ማቶ 9:35፤ ማር 1:39 * 4:25 ታሙ ካታማፔ ጊሪኬ ቃላ ሃሳዪዳይቲኔ ኣይሁዳ ጊዳንታ ዳሬቲ ኢሲፊ ዲዛሰይ ታሙ ካታማታ ጌቲቲስ። ሄ ካታማታፔ ዳሮ ባጋቲ ጌለላ ኣባፊ ኣዎ ኣርሼይ ጌልዛሶ ባጋራኔ ፑዴሃ ባጋራ ኡሻቻ ቦላ ዳቲስ። * 5:4 ኢሳ 61:2 * 5:5 ማዛ 37:11 * 5:6 ኢሳ 55:1-2

- 7 አሳሰ ሎዎ ኦሊዛይት አንጃትዳይታ፤ አይሲ ጊኮ ኢስታሰካ ሎዎይ ኦሴታና።
- 8 ዎዚና ዓሎቲ አንጃትዳይታ፤ አይሲ ጊኮ ኢስቲ ያሳ ቤያና።
- 9 ሳርቴላ ኦሊዛይት አንጃትዳይታ፤ አይሲ ጊኮ ኢስቲ ያሳ ናይታ ጌቲቲ ያይጌታና።
- 10 ዓሎቴላ ጊሽ ጎዳቲዛይት አንጃትዳይታ፤ አይሲ ጊኮ ሳሎ ካዎቴላ ኢስታሳ። *
- 11 “ታ ጌደን አሳይ አንቴና ጫዩኮ፣ ጎዲኮኔ ኢታ ዮዎ ዋርደራ አንቴ ቦላ ሃሳዩኮ አንቴ አንጃትዳይታ። *
- 12 አንቴ ሳሎን ዳማና ዋጋይ ኬሂ ጌታ ጊዲዳ ጊሽ ኡፋይሳን ጉፒቲ። አንቴፊ ሲንላን ዲዛ ናቤታካ ሃሳዩ ጎዲዳ። *

ማዒኔ ንዎ ለሚሶ
(ማር 9:50፤ ሉቃ 14:34-35)

- 13 “አንቴ ሃ ቢታ አሳሰ ማዒኔ ማላ። ማዒኔይ ባ ማልዎቴላ ዩዲዛ ጊዲኮ ጌዴ ካሬ ዩጌቲዲ ዩዴቴላፊ አቲን፣ ዛሪዲ ዳማናሰ ዳንዳዩዜ? * 14 አንቴ ዳሪሰ ፖዎ። ዙማ ቦላ ዲዛ ካታማያ ቆቴታናሰ ዳንዳዎኩ። *
- 15 አሲ ያምፔ ኦይሊዲ ኬላን ዲዛ አሳ ኩሜላሰ ፖዳና ማላ ቆቃሶን ዋሴሰ አቲን ጌማ ሶን ዋላ ኤሬና። *
- 16 ሃሳዩካ አሳይ አንቴ ሎዎ ኦሶ ቤዩዲ ሳሎን ዲዛ አንቴ አዎ ቦንቻና ማላ አንቴ ፖዎይ አሳ ሲንላን ፖዎ። *

ሙሴ ዋጋ ጊሽ

- 17 “ታኒ ሙሴ ዋጋኔ ናቤታ ቃላ ሻራና ዩዳ አንቴሰ ሚሳቶፖ፤ ፖላናሰ ያዲሰ አቲን ሻራናሰ ያቤኬ። 18 ታ አንቴሰ ቱሙ ጋይሰ፤ ሳሎይኔ ሳዓይ አቆና ጋካናሰ ሙሴ ዋጋይ ወሪ ፖሌታና አቲን ዋጋፔ ኢሲ ፒዳሌይካ ዎይኮ ቁሪኛካ ሻሬቱኩ። * 19 ሃሳ ጊሽ ኦኒካ ሃ አዛዙታፔ ጉዳዘር ጊዲኮካ ኦሎንታ ዩጌ አቆኮ፣ ሃንኮይታካ ዩዴ አቆና ማላ ታማርሲኮ ሳሎ ካዎቴላን ሃሳዳይ ጉላ ጌቲቲ ያይጌታና፤ ጊደ አቲን ሃይታ አዛዙታ ኦሊ ፖሊሽ ሃንኮይታ ፖላና ማላ ታማርሲኮ ሃሳዳይ ሳሎ ካዎቴላን ጌታ ጌቲታና። 20 ታ አንቴሰ ጋይሰ፣ አንቴ ዓሎቴላ ፋርሳዌታፔኔ ሙሴ ዋጋ ታማርሲዛይታ ዓሎቴላፔ አቆንታ ኦጊኮ ሳሎ ካዎቴላ ጌላና ዳንዳዩኬታ።

አሰ ዎቆናሰ ቤሴና

- 21 “ካሴ አሳታሰ ‘ዎቆፓ፤ ዎቆዳዳ ቦላ ፒርዳታና’ ጌቲቲዳይሳ አንቴ ሲዩዳታ። * 22 ታ ቃሴ አንቴሰ ጊዛይ ባ ኢሻ ቦላ ኦጌይ ባይንዳ ሃንቁቲዛዳ ቦላ ፒርዳታና፤ ኦኒካ ባ ኢሻ ‘ናፓይ’ ጊዛይይ ዳላታ ሲንላን ኦይሽታና። ‘ኤያይ’ ጊዛይ ጋናሜ ታማ ፒርዳይ ናጌሰ። 23 ሃሳ ጊሽ ኔኒ ያርሾ ሺሺዞሶን ያሳሰ ያርሻና ጊሺን ኔ ኢሻይ ኔ ቦላ ሚሽቴዳዚ ኔሰ ቆቴቲኮ፣ 24 ኔ ያርሺዛይሳ ሃን ያርሾሶን አጋጋዳ ኮይር ባዳ ኔ ኢሻራ ጊጋ፤ ሃሳፊ ጉዩ ሲማዳ ኔ ያርሾዛ ያሳሰ ሺሻ።
- 25 “ኔና ሞቲዳ ኔ ሞርኬይ ኔ ቦላ ፒርዲሶንታ ማላ፣ ፒርዲዛ ዳናይ ቃቺዛይሳሰ ኔና ኦሊ ኢሞንታ ማላ፣ ቃሾ

ኬላን ኔ ዎቆንታ ማላ ቡር ኦጌ ቦላ ዳሼ ኔ ሞርኬራ ኤሌላ ጊጋይቻ። 26 ታ ኔሰ ቱሙ ጋይሰ፤ ኢዚ ፒርዲሲ ወርሲዳ ጊዲኮ ወርሴላ ሳንቲዮ ቃንግና ጋካናሰ ቃሾፔ ቢርሼታካ።

ላይማታናሰ ቤሴና

- 27 “ ‘ላይማቶፓ’ ጊዛይሳ አንቴ ሲዩዳታ። *
- 28 ታኒ ጊዲኮ አንቴና ሃዘጋይሰ፤ ማጫሳ አሞ አይፊራ ያሊዳዳይ ወሪ ባ ዎዘናን ኢዚራ ላይማቲዳሰ።
- 29 ናጋራ ኦላናሰ ኔ ኡሻቻ አይፊይ ኔሰ ጋሶ ጊዲኮ ኔፔ ኬሳ ዎራ ዩጋ፤ ኔ አሳቴላይ ኩሜላ ጌዳ ጋናሜ ታማን ዩጌታናፔ ኔ አሳቴላፊ ኢሲና ፓጪኮ ሎዎ። 30 ኔ ኡሻቻ ኩሼይ ናጋራ ኦሶሰ ጋሶ ጊዲኮ ኔፔ ቃንግ ዲጋ፤ ኔ አሳቴላይ ኩሜላ ጋናሜን ዩጌታናይሳፊ ኔ አሳቴላፊ ኢሲ ቢሊቲይ ኔሰ ፓጪኮ ጊዲኮ ሎዎ።
- 31 “ ‘ማቾ አንጂ ዩዲዛዳይ ፒርማ ዋራቃታ ኢዚሰ ኢማና ቤሴሰ’ ጌቲቲዳሰ። * 32 ታኒ ቃሴ አንቴና ሃዘጋይሰ፣ ሃራ አሳራ ላይማቲሺን ቤዮንታ ዲሼ ባ ማቾ አንጂዛዳይ ወሪ ኢዛ ላይማታና ማላ ኦሴሰ። ሃሳዩካ አንጃትዳር ኤኪዛዳይካ ላይማቲዳ ማላ ቆዴቲሰ። *

ጫቆ ጊሽ

- 33 “ካሴ አሳታሰ ‘ዎርዶ ጫቆፋ፤ ያሳ ሲንላን ኔ ጫቁዳይሳ ናጋ’ ጌቲቲዳይሳ አንቴ ሲዩዳታ። * 34 ታ ቃሰ አንቴና አይኮካ ጫቆፍቴ ጋይሰ፤ ሳሎይ ያሳሰ ኡቲዛ አልጋ ጊዲዳ ጊሽ ሳሎን ጫቆፍቴ። * 35 ቢታይ ያሳ ቶሆይ ዩዴዛሶ ጊዲዳ ጊሽ ቢታንካ ጫቆፍቴ። ዎጋ ካዎ ካታማ ጊዲዳ ጊሽ ዩራሳላሚንካ ጫቆፍቴ። *
- 36 አንቴ ሁዒንካ ጫቆፍቴ፤ አንቴ ሁዒ ቢናናፔ ኢሲኔዮካ ቦላ ዎይኮ ካሬላ ሂሰታናሰ ዳንዳዩኬታ።
- 37 ሃሳ ጊሽ አንቴ አንቴ ጊደን ሃሳዩቲሺን አንቴ ሃሳያይ “ኤ” ጋናዝ ጊዲኮ “ኤ” ጌቲ “አካይ” ጋናዝ ጊዲኮ “አካይ” ጌቲ፤ ሃሳፊ ካሬ ጊዲዳይ ወሪ ኢታ አሳፔ ዩዛዛ።

ሃሎ ኬሶ ጊሽ
(ሉቃ 6:29-30)

- 38 “ ‘ኣይፊ ጊሻሰ ኣይፊ ኣቻ ጊሻሰ ኣቻ’ ጌቲቲዳይሳ አንቴ ሲዩዳታ። * 39 ታ ቃሴ አንቴሰ ጊዛይ ኢታ ኦሊዳዳራ ኤቆቶፒቲ፤ ጊደ አቲን ኔሰ ኡሻቻ ሻጋላ ባቁዛዳሰ ሃንኮይሳካ ዩሻ ቤሳ። 40 ኢሲ ኣሲ ኔ ጊደራ ማይዲዳይሳ ኔፔ ኤካናሰ ኔና ሞቲኮ ቦላራ ማይዲዳይሳካ ጉጃዳ ኢዛሰ ኢማ። 41 ኢሲ ኣሲ ኔና ኢሲ ሳቲ ኦጌ ኔ ባና ማላ ዎልቃሊኮ ኢሲፊ ናምዑ ዳኮ ጊዳና ኦጌ ኢዛራ ባ። 42 ኔና ዎሲዛዳሰ ኢማ፤ ኔፔ ታልዒ ኤካናሰ ኮዩዛዳሰ ዘኮ ዛርፓ።
- 43 “ ‘ኔ ሳጌ ሲቃ፤ ኔ ሞርኬ ኢፃ’ ጌቲቲዳይሳ ሲዩዳታ። 44 ታ ቃሰ አንቴና አንቴ ሞርኬታ ደሲቲ፤ አንቴና ጎዲዛይታሰ ዎሲቲ ጋይሰ። 45 አንቴ ሃሳዩ ኦሊኮ አንቴ ሳሎ አዎሰ ናይታ ጊዳና። ኢዚ አዎ ኣርሼ ኢታታሲኔ ሎዎታሰ ኢሲ ቦላ ጋሊ ኢማሰ። ኢራካ ዓሎታሲኔ ናጋራንቻታሰ ኢሲ ቦላ ቡኪሴሰ። 46 አንቴና

* 5:10 1ጴፀ 3:14 * 5:11 1ጴፀ 4:14 * 5:12 2ታር 36:16፤ ሃዎ 7:52 * 5:13 ማር 9:50፤ ሉቃ 14:34 * 5:14 ዮሃ 8:12፤ 9:5 * 5:15 ማር 4:21፤ ሉቃ 8:16፤ 11:33 * 5:16 1ጴፀ 2:12 * 5:18 ሉቃ 16:17 * 5:21 ኬሳ 20:13፤ ዛሬ 5:17 * 5:27 ኬሳ 20:14፤ ዛሬ 5:18 * 5:31 ማቶ 19:7፤ ማር 10:4 * 5:32 ማቶ 19:9፤ ማር 10:11-12፤ ሉቃ 16:18፤ 1ቆር 7:10-11 * 5:33 ሉቁ 19:12፤ ታይ 30:2፤ ዛሬ 23:21 * 5:34 ያቆ 5:12፤ ማቶ 23:22 * 5:35 ኢሳ 66:1፤ ማዛ 48:2 * 5:38 ኬሳ 21:24፤ ሉቁ 24:20፤ ዛሬ 19:21

ደሲዛይታ ዓላላ አንቲ ደሲኮ አንቲስ አዛ ጎዓይ ዲዜ? ቃራዓ ቃንዲሲዘይቲ ሃሳዎ ኦሌቲኔ? 47 አንቲ አሻታ ዓላ አንቲ ሳርቲኮ ሃንኮይታ፤ አዛን ሎዔቲ? አማኖንታይቲካ ሃሳዎ ኦሌቲኔ። 48 ሃሳ ገሽ አንቲ ሳሎ አዋይ ዋሶይ ባይንዳይታ ገዲዳ ማላ አንቲካ ዋሶይ ባይንዳይ ገዲቲ። *

6

ማንቆስ ማዶ አዋ

1 “አሲ አንቲና ቤያና ማላ አሳ ሲንላን ሎዎ አላንታ ማላ ናጌቲቲ፤ ሃሳዎ ኦሊኮ አንቲ ሳሎ አዋ፤ ጎዓ ዳሜኬታ። * 2 አንቲ ማንቆታስ ማዶ አሚዛ ዋዳ አሲ ታና ቤዮ ገዲ አሳ ሲንላን ቦንቸታናስ ኦጌኔ ኣይሁዳ ዋሳ ኬላን ፀረምባ ፑኒሲዛ ቆጴ፤ ቆሞን ሃኒዛይታዎ አላፍቲ። ታ አንቲስ ቱሙ ጋይሰ፤ አሲቲ ባ ዋጋ ኡባ ሃን ኤኪቸዳ። 3 አንቲ ማንቆታስ አሚሽን ኡሻቻ ኩሼይ ኦሊዛ ሃዲሪሳ ኩሼይ ኤርፖ። 4 አንቲ አዋይ ጌማን ገደ፤ ቆታን ኦሴቲዳይሳ ቤዪዛ አንቲ አዋይካ አንቲ ዋጋ አንቲስ አማና።

ዋሳ ገሽ

(ሉቃ 11:2-4)

5 “አንቲ ዋሲሼ ቆጴ፤ ቆሞን ሃኒዛይታ ማላ ሃናፕቲ፤ አሲቲ አሲ ቤያና ማላ ኣይሁዳ ዋሳ ኬላታኒኔ ኣይዱ ኦጌ ቦላ ኤቁዲ ዋሳናስ ደሴቲስ። ታ አንቲስ ቱሙ ጋይሰ፤ አሲቲ ኩሜላ ዋጋ ኤኪቸዳ። * 6 ኔ ዋሳና ጌሊዛ ኔ ኪፊሌ ጌላ፤ ካሬካ ኔ ቦላ ጎርዳዳ ጌማን ዲዛ ኔ አዋኮ ዋሳ። ጌማን ኦሴቲዳይሳ ቤዪዛ ኔ አዋይ ኔ ኦሶ ማላ ኔስ አማና።

7 “አማኖንታ አሳይ አሲ ቃላ ዛሪ ዛሪ ዋሲኮ አሲታስ ሲዬቲዛ ሚሳቲን አሲቲ ዛሪ ዛሪ ገዛይሳዎ አንቲካ ዋሲሼ አሲ ቃላ ዛሪ ዛሪ ጎፕቲ። 8 ገደ አቲን አንቲ አዋይ አንቲ ዋሳና፤ ካሴቲዲ አንቲስ አዚ ኮሺዛኮኔ ኤሪዛ ገሽ አንቲ አሲታ ሚሳቶፕቲ። 9 አንቲ ዋሲሼ ‘ሳሎን ዲዛ ኔ አዋዉ!

ኔ ሱንሳ አንጃቶ።

10 ኔ ካዎቴሳ ሃዮ፤

ኔ ሼኔይ ሳሎን ገዲዳ ማላ ሳዓንካ ሃና።

11 ሃቸሰ ገዲዛ ካላ

ኩሰ ሃቸ አማ።

12 ኦ ኩና ቆሃዳይታስ አቶ ገዛ ማላ

ኔካ ኦ ቆሆ ኩሰ አቶ ጋ።

13 አታ፤ ኩና አሻ አቲን ኩና ፓጩን ጌልላ፤

ቦንቸይ ሜር፤ ሜርና ጋካናስ ኔይሳ። አማን።

ገ ዋሲቲ።

14 “አንቲ አንቲና ቆሃዳይታስ አቶ ገኮ አንቲ ሳሎ አዋይ አንቲስ አቶ ጋና። 15 ቃሴ አንቲ አሳ ናጋራ አቶ ጎንታ ኢደኮ አንቲ አዋይካ አንቲ ናጋራ አቶ ጌና።

ዎማ ገሽ

16 “አንቲ ዎማ ዎሚሼ ቆጴ፤ ቆሞራ ዎሚዛይታዎ ሹሎፍቲ። አሲቲ ባ ዎሚዛይሳ አሲ ኤራና ማላ ባ ኣይፊሶ አሴቲስ። ታ ቱሙ ጋይሰ፤ ሃሳዎ ኦሊዛይቲ ባ ዋጋ ኩሜላ ኤኪቸዳ። 17 ኔኒ ዎማ ዎማሼ ኔ ኣይፊሶ

ሜጩታ። ኔ ሁዔ ቲዬታ። 18 ሃሳዎ ኔ ዎሚኮ ጌማን ዲዛ ኔ አዋይ ዓላላ ኤሪዛይኔ አሲ ኦኒካ ኤርንታ ቆታን ገደና። ቆታን ኦሴቲዳይሳ ቤዪዛ ኔ አዋይካ ኔ ዋጋ ኔስ አማና።

ሳሎን ዲዛ ሃር

(ሉቃ 12:33-34)

19 “ቢላይ ሚዛሶን ቡቁዲኔ ሸይዲ ሞሪቲዛሶን ካይሶይ ቦኪዲ ካይሳናስ ዳንዳዪዛሶን፤ ሃ ቢታ ቦላ አንቲስ ሚሼ ሸሸፍቲ። * 20 ገደ አቲን ቢላይ ማናስ፤ ቡቁዲ ዎይኮ ሸይዲ ሞሪቶንታሶን፤ ካይሶይ ቦኪ ኤካና ዳንዳዮንታሶን ሃን ሳሎን አንቲስ ሚሼ ሸሸፍቲ። 21 ኔ ሚሻይ ዲዛሶን ኔ ዎዝናይ ሃን ዳስ።

22 “ኣይፊይ ኣሳቴላስ ፖዮ፤ ሃሳ ገሽ ኔ ኣይፊይ ፓዓ ገዲኮ። ኔ ኩሜላ ኣሳቴላይካ ፖዮ ገደና። 23 ኔ ኣይፊይ ሃርጋንቻ ገዲኮ። ኔ ኩሜላ ኣሳቴላይካ ጳማ ዓላ ገደና። ሂሳቲኮ ኔናን ዲዛ ፖይ ጳማ ገዲኮ። ቃሴ ጳማይ ዋኒዳ ገርድ ገደ ጳማ ገደንዳ?

24 “አሲ አሲ ናምቡ ጎዳስ ኦላና ዳንዳይና። አሳ አዲዲ ናምባንላዛ ዳሳና፤ ዎይኮ አሳ ቦንቸዲ ናምባንላ ሌቃና፤ ዎሳሲኔ ሚሻሰ ናምባታስ ጋሊ ኦላናስ ዳንዳይቲና።

ዳር ቆፖፍቲ

25 “ሃሳ ገሽ ታ አንቲና አንቲ ዲሳ ገሽ ኣይ ሚና? ኣይ ኡዪና? ኣይ ማይዲና? ገዲ ሂርጎፍቲ ጋይሰ። ሸምፖይ ቁማ፤ አሸይ ማይዎ፤ ኣጴኔ? 26 ኣኔ ሳሎ ካፎታ ያለቲ! ዜሬቲና፤ ማጴቲና፤ ዲዳን ቆሌቲና ሸን አንቲ ሳሎ አዋይ አሲታ ሚዜስ። አንቲ አሲታፊ ኬሂ ኣጴኬቲ? 27 ኣኔ አንቲፊ ዳር ዋይቲዲ ባስ አሚቲዳ ላይላ ቦላ ሃራ አሲ ጋላስ ጉጃና ዳንዳይዛ አሲ ዲዜ? *

28 “ቃሴ ማይዎ ገሽ ኣዛስ ሂርጌቲ? ኣኔ ጮ ዳንገን ዲዛ ጨሻታ ያለቲ፤ ዳቡሬቲና ዎይኮ ሱቁቲና። 29 ሃሳ ገሽ ታ አንቲና ገዛይ ሃራይ አቶ ሸን ካዎ ሶሎሞኒካ ባ ቦንቸራ ሃ ጨሻታ፤ አሲኔይ ማላ ሎዎ ማይዲቤና። 30 አንቲና ፓጩ አማኖ ዲዛይቶ! ሃቸ አሳ ኣይፊን ቤቲዲ ዋንቶ ታማን ዎጳና ማታ ሃይሳ ማይዚዛ ያሲ አንቲና ሃሳፊ ሎዔላ ኣላ ማይዛናስ ዳንዳይኔ? 31 ሃሳ ገሽ ኦ ኣይ ማኔ? ኣይ ኡዮኔ? ኣይ ማይዳኔ? ገዲ ሂርጎፍቲ። 32 ሃንኮ አማኖንታ አሳይ ሃይሳ ዳሚናስ ዳር ቆፕቲ። ሃይሲ ዉሪ አንቲስ ኮሺዛይሳ አንቲ ሳሎ አዋይ ኤሪስ። 33 ሃራ፤ ሲንሳቲዲ ያሳ ካዎቴላ ያሎቴላ ኮዪቲ፤ ሃይቲ ዉሪ አንቲስ ጉጃታና። 34 ሃሳ ገሽ ዋንቶስ ኬሂ ቆፖፍቲ፤ ዋንቶ ማቶይ ዋንቶስ ኣቆ፤ አሲ አሲ ጋላሳይ ባሲ ገዲዛ ማቶራ ዳስ።

7

ሃራ አሳ ቦላ ፐርዳናስ ኮሺና

(ሉቃ 6:37-42)

1 “አንቲ ቦላ ፐርዳቶንታ ማላ ሃራ አሳ ቦላ ፐርዳፍቲ። 2 አንቲ ፐርዲዳ ማላ አንቲ ቦላካ ፐርዳታና። አንቲ ማኪዳ ሚሻራ አንቲስ ማኬታና። * 3 ኔ ኣይፊን ዲዛ ገታ ሚላ ቤዮንታ ዳሼ ኔ አሻ

* 5:48 ሉዊ 19:2፤ ዛሪ 18:13 * 6:1 ማቶ 23:5 * 6:5 ሉቃ 18:10-14 * 6:19 ያቆ 5:2-3 * 6:27 ባስ አሚቲዳ ላይላ ቦላ ሃራ አሲ ጋላስ ጉጃና ዳንዳይዛ አሲ ዲዜ? ገዛይሳ አሲ አሲ ጌሻ ማፃፃብ ቢርሼላን “ባሲ ዲዛ ኣዲሳቴላ ቦላ አሲ ዋፃ ዋይ ጉጃናስ ዳንዳይዛ አሲ ዲዜ?” ገዛዚ ዳስ። * 7:2 ማር 4:24

አይፈን ዲዛ ቁሪ ቡራ አዛሰ ያለይ? 4 ኔ አይፈን ገታ ሚሊ ዲሸን ኔ አሻ ላኔ ታ ኔ አይፈፎ ቁሪ ቡራዮ ከሳይሰን ጋናሰ ዋና ዳንዳያይ? 5 ኔኖ ቆጴፔ ቆሞን ሃንዛይሶ ካሴታዳ ኔ አይፈን ዲዛ ገታ ሚላ ከሳይቻ። ሄሳፌ ካላዳ ኔ አሻ አይፈን ዲዛ ቡራ ከሳናሰ ሎዔላ ያለንዳሳ። 6 ባ ቶሆን ዩጶንታ ማላኔ ሲሚዲ አንቴና ሳዊ ዳኬሬላንታ ማላ አንጃቲዳይሳ ካናታ ሲንላን ዩጎፍቴ፤ ቃሴ አንቴ ዋርቃካ ጉዲንላታ ሲንላን ዩጎፍቴ።

ዎሲቴ፣ ኮዩቴ፣ ቆዊቴ
(ሉቃ 11:9-13)

7 “ዎሲቴ አንቴሰ አሜታና፤ ኮዩቴ አንቴ ዳማና፤ ካሬ ቆዊቴ አንቴሰ ደዩታና። 8 ዎሲዳ ኡባሰ አሜታና፤ ኮዩዛ አሲ ዳማና፤ ቆዊዛዳሰ ካሬይ ደዩታና። 9 አንቴ ገደፌ አሳዳሰ ናይ ኡኩል ዎሲኮ ሹቕ አሚዛ አዋይ ዳንዳ? 10 ዎይኮ ሞሌ ዎሲኮ ሸሽ አሚዛዳይ ዳንዳ? 11 ሂሰቲን አንቴ አታታ ገዲ ኡቲዲ አንቴ ናይታሰ ሎዎ ሚሸ አሞ ኤሪዛይታ ገዲኮ አንቴ ሳሎ አዋይ አዛ ዎሲዛይታሰ ዋኒዲ አጃዛ ሎዎ ሚሸ አሜኔ? 12 ሄሳ ገሽ ሃራ አሲ አንቴሰ ኦላና ማላ አንቴ ኮዩዛይሳ፣ አንቴካ ሃራታሰ ኦሊቴ። ሙሴ ዎጋይኔ ናቤቲ ሃይሳን ኮዩቴሰ። *

አሆ ፔንጌኔ ፀንላ ፔንጌ
(ሉቃ 13:24)

13 “ፀንላ ፔንጌራ ጌሊቴ፤ ቆዮሶ ኤፊዛ ኦጌይ ገታ፤ ፔንጌይካ አሆ፤ ዳር አሳይ ሄ ፔንጌዛራ ጌሊሰ። 14 ዳዎስ ጋሊዛ ኦጌይ ገዲኮ ፀንላ፤ ፔንጌይካ ፀንላ፤ ጌላናይቲካ ጉላታ ያላላ።

ዎርዶ ናቤታ
(ሉቃ 6:43-44)

15 “አሰታሰ ገደ ባጋይ ካና ሱይቴ ማላ ገዲ ኡቲዲኔ ደርሳ አቴ ማይዲዲ አንቴ ገደ ጌሊዲ ገደራ ኦሊዛ ዎርዶ ናቤታ፤ ናጌቲቴ። * 16 አንቴ አሰታ፣ አሰታ ኦሶን ኤሪንዳታ። አጉንላ ዎራፔ ዎይኔይ፣ ከንዲቸ አጉንላፌ ባላሴ አይፌይ ማዌቲዜ? 17 ሄሳላካ ሎዎ ሚሊ ወሪ ሎዎ አይፌሰ፤ አታ ሚሊካ አታ አይፌ አይፌሰ። 18 ሎዎ ሚሊ አታ አይፌ አይፋናሰ ዳንዳዮንታይሳ ማላ አታ ሚሊ ሎዎ አይፌ አይፋናሰ ዳንዳዮና። 19 ሎዎ አይፌ አይፎንታ ሚሊ ወሪካ ቃንዳታና ነታማን ዩጌታና። * 20 ሄሳ ገሽ አንቴ አሰታ አሰቲ አይፊዛ አይፊን ሻኪ ኤራና። *

21 “ሳሎን ዲዛ ታ አዋ ሼኔ ፖሎንታ ዲሼ ታና ሳደ! ጎደ! ገዛይ ወሪ ሳሎ ካዎቲል ጌሊና። 22 ሄ ጋላሰ ዳርቲ ሳደ! ጎደ! ኑኒ ኔ ሱንላን ቲንቢቴ ዮቲቤኮኒ? ኔ ሱንላን ዳይዳንሊ ከሴቤኮኒ? ኔ ሱንላን ዳር ማላታ ኦሊቤኮኒ?” ጋና። 23 ሄ ዎዴ ታ አሰታሰ ሳታ አንቴና ሙሊካ ኤሪኬ! አንቴ አታቲ ታፔ ሃኪቴ፤ ጋዳ ቆንጩራ ታ አሰታሰ ዮታና።

ኬል ኬዊዛ ኤያኔ ኤራ አሳ ለሚሶ
(ሉቃ 6:47-49)

24 “ሂሰቲኮ ሃይሳ ታ ቃላ ሲይዲ ኦሶን ፔይሽዛዳይ ባ ኬል ዛላ ቦላ ኬዊዛዳ ሚሳቴሰ። 25 ዳዎ ኢራይ

ቡኪን፤ ሃርይካ ሃርቲዳሰ፤ ጫርኮይካ ጫርኪዳሰ፤ ኬላካ ሱጊዳሰ ሸን ዛላ ቦላ ኬዳቲዳ ገሽ ኩንዲቤና።

26 “ሃይሳ ታ ቃላ ሲይዲ ኦሶንታዳይ ገዲኮ ባ ኬል አጩ ቦላ ኬዊዳ ኤያ አሳ ማላ። 27 ዳዎ ኢራይ ቡኪን ሃርይካ ሃርቲዳሰ፤ ጫርኮይካ ጫርኪዳሰ፤ ሄ ኬላካ ሱጊዳሰ፤ ኬላይካ አታ ኩንዳል ኩንዲዳሰ” ገደሰ። 28 ዩሱሲ ታማርሲ ወርሲን አሳይ አዛ ቲሚርቲዛን ማላሌቲዳሰ። 29 ጋሶይካ ሙሴ ዎጋ ታማርሲዛይታ ማላ ገደንታ ኢዚ ጎዳቴል ዲዛ አሳ ማላ ታማርሲዳሰ።

8

ዩሱሲ አንቸራቻ ሃርጌይ እይኪዳ አዳዛ ፓሊዳሰ
(ሉቃ 6:37:41-42)

1 ዩሱሲ ዙማ ቦላፌ ዎጂን ዳር ዳሪይ አዛ ካሊዳሰ። 2 አሲ አንቸራቻ ሃርጌይ ዲዛዳይ ዩሱሳኮ ሸቂዲ አዛ ሲንላን ጉልባቲዲ “ጎደ! ኔ ኮይኮ ታና ፓላናሰ ዳንዳያሳ” ገደሰ * 3 ዩሱሲ ባ ኩሼ ዩዲዲ “ታ ደሳዲሰ፤ ፓዎ!” ገን አዳዚ ሄ ሃርጌዛፔ ሄራካ ፓዊዳሰ። 4 ቃሴካ ዩሱሲ አዳዛ “ኔ ፓዊዳይሳ አናሰካ ዮቶፓ፤ ገደ ኦቲን ባዳ ኔና ቁሴሰ ቤሳ። አሰቲ አዛዚዳ ያርሾዛ ጋላ፤ ሄሲካ አሰታሰ ማርካ ገደና” ገደሰ።

ዩሱሲ ማቶ ሃላቃዛ አሸካራ ፓሊዳሰ
(ሉቃ 7:1-10)

5 ዩሱሲ ቁፊርናሆሚ ጋኪዳ ማላ ማቶ ሃላቃይ ኢዛኮ ሸቂዲ አዛ ሂዝጊ ዎሲዳሰ። 6 “ጎደ! ታ አሸካራይ ኬሂ ሳኬቲዲ ኬላን ኢቸዲ ዳሰ” ገደሰ።

7 ዩሱሲካ አዛሰ “ታ ባዳ ፓላና” ገደሰ። 8 ማቶ ሃላቃይ አዛሰ ዛሪዲ “ታ ኔና ታ ኬል ጌልላናሰ ቤሲዛዳ ገዲኬ፤ ገደ ኦቲን ኔ ሃን ዳዳ አሲ ቃላ ያላ ገኮ ታ አሸካራይ ፓዎና። 9 ታሰካ ታና አዛዚዛ ሃላቃቲ ታፔ ቦላራ ዳቴሰ፤ ቃሴካ ታሰ አዛዜቲዛ ዎታዳራቲ ታፔ ጋርሳራ ዳቴሰ፤ አሰታፌ አሳ ‘ባ!’ ገኮ ቤሰ፤ ቃሴ አሳ ሃያ!’ ገኮ ዩሰ፤ ታ አሸካራ ሃሳ ኦላ!’ ገኮ ኦሊሰ” ገደሰ።

10 ዩሱሲ አዛ ዛርዛን ማላሌቲዲ ባና ካሊዛይታሰ “ታ አንቴሰ ቱሙ ጋይሰ፤ ሃራይ ኦቶሺን አሰራዔሌታ ገደን ሃይሳ ማላ አማናይ ዲዛዳ አሳዳካ ዳማቤኬ። 11 ታ አንቴሰ ዮታይሰ፤ ዳርቲ አዋ አርሼይ ሞኪዛ ባጋፌኔ ወሊዛ ባጋፌ ያና። ሳሎ ካዎቲላ ማዳን አብራሃሚንታራ ዩሳቃንታራኔ ያቆቤንታራ አሲፌ ኡታና። * 12 ሳሎ ካዎቲል አሰታሰ ገደና ቤሲዛ አሳቲ ሃን ካሪ ቆማን ዩጌታና። ሄንካ ዩሆይኔ አቻ ጋርጩቻ ገደና” ገደሰ። * 13 ዩሱሲካ ማቶ ሃላቃሰ “ኔ ባ ኔ አማና ማላ ኔሰ ሃና” ገደሰ፤ አሸካራዚ ሄራካ ፓዊዳሰ።

ዩሱሲ ዳርታ ፓሊዳሰ
(ማር 1:29-34፤ ሉቃ 4:38-41)

14 ዩሱሲካ ቡር ጴጥሮሳ ኬል ጌልሸን ጴጥሮሳ ቦሎቲያ ሚሾ ሃርጌ ሳኬታዳ ኢቸዳር ቤዩዳሰ። 15 ኢዚ ኩሼ ዩሱሲ ቦቸን ሚሾ ሃርጌይ አገዳሰ። አዛካ ዳንዳዳ ዩሱሳ ሞካዲሰ።

* 7:12 ሉቃ 6:31 * 7:15 ካና ሱይቴ አሲ አሲ ባጋ ጋሞላ ቃላን ሱጴሚ ጌቲቴሰ። * 7:19 ማቶ 3:10፤ ሉቃ 3:9 * 7:20 ማቶ 12:33 * 8:2 አንቸራቻ ጌሻ ማፃፋይ ቆንጩሲዛ ማላ አሳቴላ ቦላ ቦላራ ጋልባን ኬዚዛ ዳማ ዳማ ሃርጌታ ኡባ ቤሴሰ። * 8:11 ሉቃ 13:29 * 8:12 ማቶ 22:13፤ 25:30፤ ሉቃ 13:28

16 ሃ ጋላ ለማሪስ ዳይዳንሌ ኦይኪዳ ዳር አሳታ ዩሱሳኮ ኤሂዳ። ኢዚካ ቱና ኣያናታ ባ ቃላራ ኢስታፊ ኬሲዳ። ሃርጋንቻታካ ኡባ ፓሌዳ። 17 ኢሳያሲ “ኢዚ ኦ ሃርጌ ኤኪዳ። ኦ ሳኮካ ቶኪዳ።” ገዳ ቃላይ ሃይሳን ፖሊቲዳ።

18 ዳር አሳይ ኢዛ ገዳሊዳይሳ ቢዱዲ ዩሱሲ አሳ አባፊ ሄ ፕንሳ ፒናና ማላ አዛዚዳ። 19 ሄሳ ዎዴ ኢሲ አይሁዳ አማኖ ታማርሲዳይ ኢዛኮ ሸቁዲ “አስታማሬ! ኔ ቢዛሶ አዎካ ታ ኔና ካላና” ገዳ።

20 ዩሱሲካ ኢዛሰ ዛሪዲ “ዎርካናታሰ ኦላይ ዳሰ፤ ሳሎ ካፎታሰ ኬሌ ዳሰ፤ ታሰ አሳ ናሰ ገዲኮ ሁዔ ጌልሊዛሶይ ባዎ” ገዳ።

21 ኢዛ ካሊዛ ኢሲ ሃራ አሲ ቃሴ “ጎዶ! ኮይር ባዳ ታ አዎ ዋጎ?” ገዳ። † 22 ኢዚ ቃሴ “ሃይቁዳይቲ ባ ሃይቁላ ዋጌቶ፤ ኔጌ ገዲኮ ታና ካላ” ገዳ።

ዩሱሲ አባ ዳምባላ ጮዑ ሂሰቲዳሰ (ማር 4:35-41፤ ሉቃ 8:22-25)

23 ሄሳፊ ጉዬ ዩሱሲካ ዋጎሎን ጌሊን ኢዛ ካሊዛይቲካ ኢዛሪ ኢሲፊ ቢዳ። 24 ቆፖንታ አባ ገደን ዳምባላይ ዳንዲዲ ዋጎሎዮ ሚታና ጋካናሰ ኢስታ ዋይሲዳ። ሄሲ ዉሪ ሃሊሽን ዩሱሲ ዲሰኪዳ። 25 ኢዛ ካሊዛይቲ ኢዛ ቤገሊዲ “ጎዶ! ኦ ቆዮሰ፤ ኦና አሻ!” ገዳ።

26 ዩሱሲካ ኢስታ “ኢንቴኖ አማኖይ ፓጪዳይቶ! አዛሰ ሃይሳ ማላ ባቤቲ?” ገዳ። ሄሳፊ ዳንዲዲ ጫርኮዛኔ አባ ዳምባላ ኢዚ ሃንቁን ሄራካ ሲርጵ ገዳ።

27 ኢስቲካ “ሃይሲ አባይኔ ጫርኮይካ ኢዛሰ አዛዜቲዛይይ ኢዚ ዋሊዳዳ?” ገዲ ማላሌቲዳ።

ቱና ኣያናፔ ፓዲዳ ናምዑ አሳታ (ማር 5:1-20፤ ሉቃ 8:26-39)

28 ኢዚ አባ ፒዲ ጌርጌሴኖኔ ጌቲቲዛ ዴሬ ጋኪዳ ማላ ዳይዳንሌ ኦይኪዳ ናምዑ አሰ ዳይቲ ባ ዲዛ ዲፎፔ ኬዚዲ ኢዛሪ ጋገዳ። አሲ ሄ ኦጌዛራ አቆናሰ ዳንዲዳቶንታ ማላ አሳሰ ዳር ኬሂ ሜቶ ገዲ ዴቲሰ። 29 ኢስቲካ “ዎሳ ናዉ! ኔሰ ኦናራ አዛ ኢሲፊቲላ ዲዜ? ኦ ዎዴይ ጋኮንታ ዲሺን ኦና ፀጋና ያዲ?” ገዲ ዋሲዳ።

30 ሄን ኢስታፊ ጉላ ሃኪዲ ዳር ጉዲንላ ዉዴይ ኢሲ ቦላ ሃሚቲሰ። 31 ዳይዳንላቲ ዩሱሳ “ኔ ኦና ኬሳና ገዲኮ ሃይታን ዳር ጉዲንላታን ኦ ጌላና ማላ ኦሰ ፒቃዳ አማ” ገዲ ዋሲዳ። 32 ዩሱሲካ ኢስታ “ቢቲ!” ገዳ። ዳይዳንላቲካ ኢስታፊ ኬዚዲ ጉዲንላታን ጌሊዳ። ጉዲንላቲ ዉሪካ ባ ዲዛሶ አፎራ ቢቻርሽ አባን ጌሊዲ ሃላን ሚቲቲዲ ሃይቁዳ።

33 ጉዲንላ ሃሚዛይቲ ኤሌሊዲ ካታማይ ዲዛሶ ቢዲ ጉዲንላይ ሃኖይሳኔ ዳይዳንሌ ኢስታ ኦይኪዳ አሳታ ቦላ ሃሊዳይሳ ኡባ አሳሰ ዮቲዳ። 34 ካታማ አሳይ ዉሪ ዩሱሳራ ጋጋናሰ ኬዚዳ። ዩሱሳ ቤዩዲኔ ኢስታ ዴሬ ዩዲ ባና ማላ ኢዛ ዋሲዳ።

9

ጉንዳ አዴዛ ፓዎ (ማር 2:1-12፤ ሉቃ 5:17-26)

† 8:21 ታ አዎ ዋጎ? ኢዛ አዎይ ሃይቃና ጋካናዉ ሃሚዲ ሃይቁኮ ዋጊ ያናሰ ዲዛ ኢዛ አዎዛ ቤሲዛ ሚሳቲሰ። * 9:2 ሃላ፡ ኢሲ ኢሲ ባጋ ጋዎላ ቃላን ሃላ ጉሲ ዛጸ ጉሳ። * 9:13 ማቶ 12:7 † 9:17 ሉካዎ፡ ኢሲ ኢሲ ባጋ ጋዎላ ቃላን አሳር ጉሳ።

1 ሄሳፊ ጉዬ ዩሱሲ አባ ቦላ ዋጎሎራ ፒዲዲ ካሴ ባ ዲዛ ካታማ ዩዳ። 2 ሄን ኢሲ ጉንዳ አዴዛ፤ አሳይ ሃላራ ቶኪዲ ዩሱሳኮ ኤሂዳ። ዩሱሲካ ኢስታ አማኖ ቤዩዲ ጉንዳ አዴዛ “አይኮይ ባ፤ ሃይሶ ናዘ! ኔ ናጋራይ አቶ ጌቲቲዳ።” ገዳ። *

3 ሄ ዎዴ ሙሴ ዎጋ ታማርሲዛይቲ “ሃይሲ ዎሳ ጫሻ” ገዲ ባ ዎዘናን ቆፒዳ።

4 ዩሱሲ ኢስታ ቆፋ ኤሪዲ “ኢንቴ ዎዘናን ኢታ ዮዎ አዛሰ ቆፒቲ? 5 ኔ ናጋራይ አቶ ጌቲቲዳ። ጉሳፊኔ “ዳንዲዳ ባ!” ጉሳፊ አዎይሲ ካዉሽ? 6 ገደ አቲን አሳ ናሰ ቢታ ቦላ አሴ ናጋራፔ ማራናሰ ሽኔይ ዲዛይሳ ኤራና ማላሳ” ገዲ ጉንዳ አዴዛ “ዳንዲ! ኔ ሃላ ኤካዳ ጌዴ ኔሶ ባ” ገዳ። 7 ጉንዳ አዴዚካ ዳንዲዲ ባሶ ቢዳ። 8 ዳሬይካ ሄሳ ቤዩዲ ማላሌቲሳኔ ባሶን ኩሚዲ ሃይሳ ሲሬ ጎዳቲላ አሳሰ አሚዳ ዎሳ ጋላቲዳ።

ዩሱሲ ማቶሳ ዳይገዳሰ (ማር 2:13-17፤ ሉቃ 5:27-32)

9 ዩሱሲ ሄፔ ዳንዲዲ ቢሽ ኢሲ ማቶሳ ጌቲቲዛይይ ቃራዎ ቃንዲሲዛሶን ኡቲዳይሳ ቤዩዲ “ታና ካላ!” ገን፤ ዳንዲዲ ኢዛ ካሊዳ።

10 ዩሱሲ ማቶሳን ማዳ ቦላ ዲሺን ዳር ቃራዎ ቃራዲዘይቲኔ ናጋራንቻቲ ኢዛኮ ዩዲ ኢዛራኔ ኢዛ ካሊዛይታራ ኢሲፊ ማናሰ ኡቲዳ። 11 ፋርሳዌቲ ሄሳ ቢዩዲ ዩሱሳ ካሊዛይታ “ኢንቴና ታማርሲዛይሲ ቃራዎ ቃንዲሲዛይታራኔ ናጋራንቻታራ ዋሰቲ ኢስታራ ኢሲፊ ካላ ሚዜ?” ገ ኦይቸዳ።

12 ዩሱሲካ ኢስቲ ገዛይሳ ሲይዲ ኢስታ “አኪሚይ ኮሽዛይ ሳኬቲዳይታሰ አቲን ሳኬቶንታ ፓዎታሰ ገዳና።

13 ሄሳ ገሽ “ኢንቴ ቢዲ ያርሾ ገደንታ ማርቲላ ዳሳይሰ” ገዛ ቃላ ቢርሽላ ታማሪቲ። ናጋራንቻታ ዳይጋና ያዲሰ አቲን ዲሎታ ዳይጋናሰ ያቤኬ” ገዳ። *

ዩሱሳ ካሊዛይቲ ዎማ ያምንታ ጋሶ (ማር 2:18-22፤ ሉቃ 5:33-39)

14 ዎማቁዛ ዮሃንሳ ካሊዛይቲ ዩሱሳኮ ዩዲ “ኦኔኔ ፋርሳዌቲ ዎሚሽን ኔና ካሊዛይቲ አዛሰ ዎሜቲኔ?” ገ ኦይቸዳ።

15 ዩሱሲ ኢስታሰ “ሚሺራ ላጌቲ ሚሺራዚ ኢስታራ ዲሺን ሙዞታና ቤሲዜ? ሚሺራይ ኢስታፊ ኤኬታና ዎዴይ ያና፤ ኢስቲ ሄ ዎዴ ዎማና።

16 “ጋልዳ ማይዎ ቦላ ኦራላ ዋሶ ዎላ ሲኪዛ አሲ ዳና። ጋልዳ ቦላ ኦራላ ዎላ ሲኪኮ ኦራላዚ ጋላዳዚ ፔዴሬሊዲ ሃ ዳሲ ዳሪሳና። 17 ኦኔካ ኦራላ ዎይኔ ጫጃ ጋልዳ ሉካዎን ጉጃና። ጉጃዚ ገዲኮ ሉካዎዚ ቆቃና፤ ዎይኔ ጫጃዚካ ጉካና፤ ሉካዎዚካ ጎዳይ ባይንዳዚ ገዳና። ገደ አቲን ኦራላ ዎይኔ ጫጃይ ኦራላ ሉካዎዚን ጉጃቲሰ። ሄሳ ማላራ ዎይኔ ጫጃዚኔ ሉካዎዚ ሎዎ ናጌቲዲ ጋምዳና” ገዳ። †

ያዲሮሳ ናዮኔ ዩሱሳ አፋላ ማጫራ ቦቸዳ ማጫሳኖ (ማር 5:21-43፤ ሉቃ 8:40-56)

18 ዩሱሲ አሳ ሃሳይሶን ዲሺን ኢሲ ሹሚይ ኢዛ ሲንላን ኩንዲዲ “ታሰ ና ዳራ ሃይቃና ጋዉሰ። ኢዛ ፓዎ ዳና ማላ ያዳ ኔ ኩሽ ኢዚ ቦላ ዎላርኪ?” ገን።

19 ዩሱሲ ዳንዲዲ ኢዛራ ቢዳሰ፤ ዩሱሳ ካሊዛይቲካ ኢዛራ ቢዳ።

20 ታማኔ ናምዑ ላይላ ኩሜላ ኢዚፔ ሱሌ ጉኪዛ ኢሲ ማጫሲ ዩሱሳ፤ ጉዩራ ያዳ ኢዛ አፋላ ማጫራ ቦቻዲሰ። * 21 ኢዛ ሃሳ ኦሊዳይ “ታ ኢዛሰ አፋላ ማጫራ ቦቻዳኮ ፓፃና” ገዛ አማኖይ ኢዚ ዋዝናን ዲዛ ገሽ ቦቻዲሰ።

22 ዩሱሲካ ጉዩ ሲሚ ያሊዲ ማጫሳኖ “አይኮይ ባ፣ ታ ናዩ፤ ኔና ኔ አማኖይ ፓሊዳሰ” ገን ማጫሳያ ሄራካ ፓፃጋዲሰ።

23 ዩሱሲካ ሹሜዛ ሶ ማታ ጋኪሽን ዳሬይ ዛዩራኔ ዲንኬራ ዋሲሽ ዩኪዛይሳ ቤዒዲ። 24 “ኪቸቲ! ናያ ጲሰካዲሰ አቲን ሃይቃቤኩ” ገን ኢሰቲ ኢዛ ቦላ ሚጪዳ። 25 ዳሬይ ወሪ ኬላፊ ኬዚን ኢዚ ኬሌ ጌሊዲ ናይ ኩሽ ኦይኪዳሰ፤ ናያካ ዳንዳ ኤቃዲሰ። 26 ኢዛ ጎባቲላ ሄ ዳሬ ኡባን ሴቲቲዳሰ።

ዩሱሲ ዲና ዲዳዛኔ ቆቂታ ፓሊዳሰ

27 ዩሱሲካ ሄፔ ቢሽን ናምዑ ቆቂቲ “ዳወቲ ናዉ! ኑና ማራሪኪ!” ገዲ ዋሲሽ ኢዛ ጌዶ ካሊዳ።

28 ቆቂቲካ ዩሱሲ ጌሊዳ ኬላ ኢዛ ካሊዲ ጌሊዳ። ዩሱሲካ ኢሰታ “ታ አንቲ አይፊ ፓላና ዳንዳዒዛይሳ አማኔቲ?” ገዲ ኦይቸዳሰ። ኢሰቲካ “ኤ፣ ጎዶ!” ገዲ።

29 ሃሳፊ ጉዩ ዩሱሲ ኢሰታ አይፊ ቦቸዲ “አንቲ አማኖ ማላ አንቲሰ ሃኖ!” ገዲሰ። 30 ኢሰታ አይፊይካ ያሊዳሰ። ዩሱሲካ “ሃይሳ ኦኒካ ኤርንታ ማላ” ገዲ ሚንላ ዮቲዳሰ።

31 ገዶ አቲን ኢሰቲ ቢዲ፣ ሄራ ኡባሶን ዩሱሳ ገሽ ዋራሲዳ። 32 ኢሰቲ ሄፔ ኬዚሽን ዳይዳንላ ኦይኪዳ ኢሲ ዲና ዲዳ ኦሰ ዩሱሳኮ ኤሂዳ። 33 ዳይዳንላዚ ኬዚዳፔ ጉዩ ሄ ዲና ዲዳ አዳዚ ሃሳያ ኦይኪዳሰ፤ ዳሬዚካ ማላሊቲዲ “ሃይሳ ማላ ሃኖይ ኢሰራዔሌ ቢታን ሃኒን ኑ ቤዩ ኤርኮ” ገዲ።

34 ገዶ አቲን ፋርሳዌቲ ዛሪዲ ኢዛ “ዳይዳንላ ኬሲዛይ ዳይዳንላታ ሃላቃና” ገዲ። *

ዩሱሲ አሳሰ ሚቸቲዳሰ

35 ዩሱሲ አይሁዳታ ዋሳ ኬላን አይሁዳታ ታማርሲሽኔ ያሳ ካዎቲላ ሚሽራቾ ቃላ ዮቲሽ ቃሴካ ሃርጌ ኡባፊ አሳ ፓሊሽ ጉታታን ጉታታን ዩዩዳሰ።

* 36 አሳይ ወሪ ሄሚዳይ ባይንዳ ዶርሳ ማላ ከሂ ሜቶቲቲዲ ያሊዛይ ባይንዳዳ ገዲዳይሳ ቤዩዳ ዋዳ ኢሰታሰ ዳር ሚሽቲዳሰ። * 37 ባና ካሊዛይታሰካ “ማፃ ጋኪዳ ካሳይ ዳር ሽን ማፃ ሸሽዛይቲ ጉላታ። 38 ሃሳ ገሽ ካላ ጎዳይ ካሳኮ ኦሳንቻታ ዩዳና ማላ ዋሲቲ!” ገዲሰ።

10

ዩሱሳ ካሊዛ ታማኔ ናምዳታ ከቲቲላ (ማር 3:13-19፤ ሉቃ 6:12-16)

1 ዩሱሲ ባና ካሊዛ ታማኔ ናምዳታ ባኮ ያይጊዲ፣ ኢሰቲ ቱና አያናታ ኬሳና ማላ ቃሴካ ሳኮፔኔ ሃርጌፊ ፓላና ማላ ኢሰታሰ ጎዳቲላ አሚዳሰ። 2 ታማኔ ናምዑ ሃዋሪታ ሱንላይ ሃይሳፊ ካሊዛይሳ፤ ኮይር ጴፀርሳ ጌቲቲዛ ሲሞና፣ ኢዛ ኢሻ ኢንዲራሳ፣ ዛቢዶሳ ና ያቆቤኔ ኢዛ ኢሻ ዮሃንሳ፣ 3 ፒሊጶሳኔ ባርቲሊሞሳ፣ ቶማሳኔ ቃራፃ ሸሽዛ ማቶሳ፣ ኢልፊዮሳ ና ያቆቤኔ ታዶሳ፣ 4 ባ ባጋሰ ሚሽቲዛ ሲሞናኔ ጉዩፔ ዩሱሳ ሃይቆሰ አሊ አሚዳ አሰቆርንቶ ዩሁዳ። * †

5 ሃይታ ታማኔ ናምዳታ ኡባ “ጌዳ አይዛቤታ ጋላ ቦፒቲ፤ ሳማሪያ አሳ ካታማ ጌሎፒቲ። 6 ገዶ አቲን ኢሰራዔሌ ዳራ ጋርሳፊ ቆዩዳ ዶርሳታኮ ቤቲ። 7 ቢዲኔ ‘ሳሎ ካዎቲላ ማቲዳሰ!’ ገዲ ሳባኪቲ።

* 8 ሃርጋንቻታ ፓሊቲ፣ ሃይቁዳይታ ሃይቆፔ ዳንላቲ፣ አንቸራቻ ሃርጊዛይታ ጌሽቲ፤ ዳይዳንላታ ኬሲቲ፤ አንቲ ሚላ ኤኪዳይሳ ሚላ አሚቲ፤ 9 ዋርቃ፣ ቢራ ዋይኮ ፃርቁማላ ገዲን አንቲ ኪሴን ኦይኮፍቲ። 10 ኦሳንቻሰ ሃቸሰ ሃቸሰ ገዲዛዚ ኮሽዛ ገሽ አንቲ ኦኔሰ ገዲ ሽንቁ፣ ኮሽንታ ማይያ፣ ጫማ ዋይኮ ጉፊ ኤኪ ቦፒቲ። *

11 “ኢሲ ካታማ ዋይኮ ኢሲ ጉታ አንቲ ጌሊዛ ዋዳ አንቲና ሞካናዳ ኮዩ ዳሚዲ ኢዛ ኬላን ሸምፒቲ፤ ሄፔ ኬዛና ጋካናሰ ሄን ዲሸቲ። 12 አንቲ ኦና ኬሊካ ጌሊሽ ‘ሳር’ ገቲ። 13 ሄ ኬላይ ሳርታይ ቤሲዛ ኬሊ ገዲኮ አንቲ ሳርታይ ሄ ኬላሰ ገዲ፤ ሰርታይ ቤሲንታ ኬሊ ገዲኮ አንቲ ሳርታይ አገዲ አንቲሰ ሲሞ። 14 አይ አሲካ አንቲና ሞኪ ኤካናሲኔ አንቲ ገዛ ሲያናሰ ኮኖንታዳ ገዲኮ ሃሳዳ ኬላፊ ዋይኮ ሄ ካታማፔ ኬዚሽ ኢሰታ ቦላ ዩዛ ጎሜፔ አንቲ አቲዳይሳሰ ማርካ ገዲና ማላ አንቲ ቶሆ ቦላ ዲዛ ጉዳላ ፒቲዲ ኬዚቲ።

* 15 ታ አንቲሰ ቱሙ ጋይሰ፤ ፐርዳ ጋላሰ ሄ ካታማይ ቦላ ጋካና ፐርዳይ ሰዶሜ ቦላን ጋሞራ ቦላ ጋኪዳ ፐርዳፊ ዳፃ ገዲና። *

16 “ታ አንቲና ዶርሳ ማላ ካና ሱይቲታ ገዶራ ኪታይሰ። ሃሳ ገሽ ሸሻ ማላ ጪንጫታኔ ሃራጴ ማላ አሽኬታ ገዲቲ። * 17 አሳይ አንቲና ኦይኪዲ ፐርዲዛ ዲላታሰ ሸሻና፤ አይሁዳቲ ባ ዋሳ ኬላን አንቲና ጋራፋና፤ ሃሳ ገሽ ኢሰታፊ ናጌቲቲ። * 18 ታ ጌዶን ዳሬ ሃሪዛይታኮኔ ካዎታኮ አንቲና ኤፋና፤ ኢሰታ ሲንሱኒኔ አማኖንታ አሳታ ሲንላን አንቲ ማርካ ገዲና። 19 አንቲና ኢሰቲ ኦይኪዛ ዋዳ ኑ አይ ገ ሃሳዩና? ዋዘጊ ዛር አሚኖ?” ገ ሃርሳፍቲ። ሄ ዋዳ አንቲ ጋናዚ አንቲሰ አሚታና። 20 አንቲናን ሃሳያናይ አንቲ አዎ አያናፔ አቲን አንቲና ገዳኬታ።

21 “አሻይ ባ አሻ ሃይቆሰ አሊ አማና፤ አዎይ ባ ና ቦላ፣ ናይቲ ባና ዩሊዳይታ ቦላ ማካላቲላን ዳንዲዲ

* 9:20 ታይ 15:38፤ ዛሬ 22:12 * 9:34 ማቶ 10:25፤ 12:34፤ ማር 3:22፤ ሉቃ 11:15 * 9:35 ማቶ 4:23፤ ማር 1:39፤ ሉቃ 4:44 * 9:36 ማር 6:34 * 10:4 ባ ባጋሰ ሚሽቲዛ ሲሞና ሃይሲ ሃ ሱንላይ ጉጃቲዳይ ኢሲ ኢሲ አሳቲ ኢዚ ባ ሃይማኖቲካሰ ሚሽቲዛ ገሻሳ ጌቲሰ። ሃራቲ ቃሴ ኢዚ ኢሲ አሳ አይሌቲላፊ ኬሲዛ ኢሲ ዲርጂቲ ገደን ዲዛ ገሻሳ ጌቲሰ። † 10:4 አሰቆርንቶ ሃይሳ ሃ ቃላ ገሽ ሸቁዛ ናምዑ ቆፋቲ ዳቲሰ፤ ኢሳይ ዩሁዳይ አሰቆርንቶ ገዛ ዳሬፔ ዩዳይሳ ቤሳናሰ ጎራቲሽ ሃራቲ ቃሴ ዩሁዳ፣ ዋርዳንቻኔ ባሌላዛይሳ ገዲ ጫያናሰ ጎራቲዛ ሱንላ ጌቲሰ። * 10:7 ሉቃ 10:4-12 * 10:10 1ቆር 9:14፤ 1ጊዎ 5:18 * 10:14 ሃዎ 13:51 * 10:15 ማቶ 11:24 * 10:16 ሉቃ 10:3 * 10:17 ማር 13:9-11፤ ሉቃ 12:11-12፤ 21:12-15 * 10:22 ማቶ 24:9፤ ማር 13:13፤ ሉቃ 21:17

ሃራ አሳን ዋዲሳና። 22 ታ ገሽ አሲ ወሪካ አንቴና አፃና። ገደ አትን ወርሴል ጋካናሰ ሚቅኒ ኤቁዳይ አዚ አታና። * 23 አሳይ አንቴና አንቴ ዲዛ ሄራፔ ጎዲኮ ሃራሶ ከቸቱ! ታ አንቴሰ ቱሙ ጋይሰ፤ አንቴ አሰራዔሌ ካታማ ኡባ ጋኮንታ ዲሺን ታ አሳ ናይ ያና።

24 “አሸካሪይ ጎዳፕ ዋይኮ ካሊዛይይ ካሌሊዛይዔ አዲና። * 25 ታማሬይ ባና ታማርሲዛይሳ ማላ ዋይኮ አሸካሪይ ጎዳ ማላ ገዲኮ ሄሲ አዛሰ ገዳና። ኬላ አዋ ‘ቢዔሊዜቡላ’ ገኮ ሶ አሳ አይሲ ሄሳፌ አታ ጌቴኔ! *

26 “ሄሳ ገሽ አሰታሰ ባቦፍቴ፤ ጌሜቲዳይ ቆንጮንታ ቆቴቲዳይ ገሽ ኬዘንታ አቴና። * 27 ታ አንቴሰ ጴማራ ዮቲዳይሳ ፖፖን ሃሳዪቴ፤ ሃይላን ሲዩዳይሳ ቆንጮን ሃሳዪቴ። 28 አሸ ዋዲኮፌ አትን ሸምፖ ዋዳናሰ ዳንዳዮንታይታሰ ባቦፍቴ፤ ሄሳፌ አሸኔ ሸምፖ ጋሊ ጋናሚ ታማን ዳይሳናሰ ዳንዳዪዛይሳሰ ባቢቴ። 29 አሲ ሳንቴን ባይዜቲዛ ናምቡ ሲኔ ካፎታፔ አሲኒያካ አንቴ ሳሎ አዋ ሸኔይ ባይንዳ ጮ ኩንዳ አቴኩ። † 30 ሃራይ አቶ ሸን አንቴ ሀዔ ቢናናይካ ታዩቦን ዳሰ። 31 ሄሳ ገሽ ባቦፍቴ። ዳር ሲኔ ካፎታፔ አንቴ ዋጋይ አዲ ቦንቸቲዳዛ።

32 “አሳ ሲንላን ታሰ ማርካቲዛይሰ ታካ ሳሎን ዲዛ ታ አዋ ሲንላን አዛይሰ ማርካታና። 33 ቃሴ አሳ ሲንላን ታና ካዲዳይ ታካ ሳሎን ዲዛ ታ አዋ ሲንላን አዛ ካዳና። *

34 “ታ ቢታ ቦላ ሳርቴል ኤሃናሰ ዩዳ አንቴሰ ሚሳቶፖ፤ ማሻ ኤሃናሰ አትን ሳርቴል ኤሃናሰ ያቤኬ። 35 ታኒ ዩዳይ ና አዋፔ፤ ማጫ ና አዩፔ፤ ና ማቾ ለሎቲፔ ሻካናሳ። 36 አሳሰ ሞርኬይ ሶ አሳ ገዳና።

37 “ታፔ አሊዲ ባ አዋ ዋይኮ ባ አዮ ሲቁዛይይ ታሰ ገዳናሰ ቤሴና። ታፔ አሊዲ ባ አቴማ ና ዋይኮ፤ ማጫ ና ሲቁዛይይ ታሰ ገዳናሰ ቤሴና። 38 ባ ማሰቃሌ ቶኪዲ ታና ካሎንታ አሲ ታሰ ገዳናሰ ቤሴና። * 39 ባ ሸምፖ አሻናሰ ኮዩዛይይ ዳይሴሰ፤ ባ ሸምፖ ታ ገሽ አሊ አሚዛይይ አሸሰ። *

40 “አንቴና ሞኪ ኤኪዛይይ ታናካ ሞኪ ኤኬሰ። ታና ሞኪ ኤኪዛይይ ታና ከቲዳይካ ሞኪ ኤኬሰ። *

41 አሲ ናቤ ናቤቴላን ሞኪ ኤኪዛይይ ሄ ናቤዛ ዋጋ ዳማና። ያሎ አሰ አዛ ያሎቴላ ገሽ ሞኪ ኤኪኮ ሄ ያሎዛ ዋጋ ኤካና። 42 ሄሳ ገሽ ታ አንቴሰ ቱሙ ጋይሰ፤ ኦኒካ ሃይታ ጉላታፔ ታና ካሊዛይ ገዲዳ ገሽ አሲ ፀዓ አርፃ ሃል ኡሽኮ ሂኒሰካ ዋጋይ ዳዩና” ገደሰ።

11

ፃማቁዛ ዮሃንሲ ከቲዳ አሳታ (ሉቃ 7:18-35)

1 ዩሱሲካ ባና ካሊዛ ታማኔ ናምቡ አሳታሰ አዛዘ አሚ ወርሲዳፔ ጉዬ ታማርሳናሲኔ ሳባካናሰ ጋሊላን ዲዛ ካታማታ ቢዳሰ።

* 10:24 ሉቃ 6:40፤ ዮሃ 13:16፤ 15:20 * 10:25 ማቶ 9:34፤ 12:24፤ ማር 3:2፤ ሉቃ 11:15 * 10:26 ማር 4:22፤ ሉቃ 8:17 † 10:29 ሲኔ ካፎ አሲ አሲ ባጋ ጋሞሶ ቃላን ሲኔ ገዛይሲ ገሽ ካፎ ጉሳ። * 10:33 29ሞ 2:12 * 10:38 ማቶ 16:24፤ ማር 8:34፤ ሉቃ 9:23 * 10:39 ማቶ 16:25፤ ማር 8:35፤ ሉቃ 9:24፤ 17:33፤ ዮሃ 12:25 * 10:40 ማር 9:37፤ ሉቃ 9:48፤ ዮሃ 13:20 * 11:14 ማቶ 17:10-13፤ ማር 9:11-13 * 11:20-21 ማቃ ገዛይሲ አሲ አሲ ባጋ ጋሞሶ ቃላን ዋር ጌቴሰ። * 11:24 ማቶ 10:15፤ ሉቃ 10:12

2-3 ዮሃንሲ ቃሾ ኬላን ዲሼ ከርሰቶሳሰ ኦሊዛ ሃናታ ሲይዲ ባና ካሊዛይታ አዛኮ ዩዲዲ “አሲ አሸዛይይ ያና ጌቴቲዳይ ኔኔዬ? ሃራ ናገኖ?” ገዲ ኦይቸዳሰ።

4 ዩሱሲካ ዛሪዲ “ቢዲ አንቴ ሲዳይሳኔ አንቴ ቤዩዳይሳ ዮሃንሳሰ ዮቲቴ። 5 ቆቁቲ ያሌቴሰ፤ ዋቤቲ ሃሙቴቴሰ፤ አንቸራቻ ሃርገዛይቲ ፓፀቴሰ፤ ቱሌቲ ሲዩቴሰ፤ ሃይቁዳይቲ ሃይቆፔ ፓፂ ዳንዳይቴሰ፤ ማንቆታሰ ሚሸራቾ ቃላይ ዮቴቴሰ። 6 ታናን ጴጶቶንታዳይ አንጃቲዳይ” ገደሰ።

7 ዮሃንሳ ካሊዛይቲ ቢዳፔ ጉዬ ዩሱሲካ አሳሰ ዮሃንሳ ገሽ “አይ ቤያናሰ ዲጌ ባዞ ቢዳቲ? ጫርኮይ ቃሊዛ ሾምቦቆ ቤያናሰ ዩዳቲ? 8 ዋይኮ አይ ቤያናሰ ኬዚዳቲ? ሎፖ ማይፖ ማይዒዲ ሎዒ ኡቲዳይ ቤያና ዩዳቲ? ሎፖ ማይፖ ማይዒዲ ሎዒዛይቲ ካዋታ ኬላን ዳቴሰ። 9 ሂሰቲን አይ ቤያና ኬዚዳቲ? ናቤ ቤያና ኬዚዳቲ? ኤ፣ ታ አንቴሰ ጋይሰ ናቤፔ አዲዛይሳ ቤያናሳ።

10 “ኔ ባና ኦጌ ኔሰ ገረሳናይ ኔፔ ካሴታ ታ ኔሰ ከታና ጌቴቲዲ አዛ ገሽ ካሴ ያፊቲዳይይ አዛኮ!” ገደሰ። 11 ታ አንቴሰ ቱሙ ጋይሰ፤ ማጫሳፔ ዩሌቲዳ አሳፔ ፃማቁዛ ዮሃንሳ ሚሳቲዛ አሲ ቢታ ቦላ ዳንዲቤና። ገዲኮካ ያሳ ካዋቴላን አሰ ኡባፌ ላፋ አሲ ዮሃንሳፔ አዳና።

12 “ፃማቁዛ ዮሃንሳ ዋይፔ ሃ ሰሚን ሃዒ ጋካናሰ ሳሎ ካዋቴላያ ዳር ባፂታ ቦላ ዳወሰ። ሚኖ አሳቲ ያላ አዚ ዳማና። 13 ናቤቲካ ሙሴ ዋጋይካ ወሪ ዮሃንሳ ዋይ ጋካናሰ ቡርፔ ሃናናይሳ ዮቲዳ። 14 ሂሰቲኮ አንቴ ኤካና ኮይኮ አዚ ያና ጌቴቲዳ ኤላሲ አዛኮ! *

15 ሲዩዛ ሃይሊ ዲዛ አሰ ሲዮ! 16-17 “ሃይሳ ሃ ዋይ አሳ አዛን ለሚሶ? ገያን ኡቲዲ ባ ላጌታ ኡ አንቴሰ ዲሊ ዲዳን አንቴ ዱርቤኬታ! ዩሆ ዚላልል ዚላለን ዩኪቤኬታ!” ገዛ ናይታ ሚሳቲቴሰ። 18 ዮሃንሲ ሙሳፌኔ ኡሻፌ ናጌቲዲ ዩዳ ገሽ ‘አዚ ዳይዳንላራ ዳሰ’ ገዳ። 19 ታ አሳ ናይ ማሸኔ ኡያሽ ዩን ‘ሃይሲ ሚዲ ካሎንታ አሳ፣ ኡሻንቻ፣ ቃራፃ ሸሽዛይታሲኔ ናጋራንቻታሰ ላጌኮ!’ ገዳ። ገደ አትን ያሳ ኤራቴሊ ባ ኦሶን ያላዲሰ” ገደሰ።

አማናንታ ኢዲዳ ገሽ ዋላሴቲዳ ካታማታ (ሉቃ 10:13-15)

20-21 ሃሳፌ ጉዬ ዩሱሲ አዚ ማላታታ ኦሊዳ ካታማ አሳይ ማርቴላን ጌሎንታ አገዳ ገሽ “ኩራዚኔኔ ቤቴሳይዳ! አንቴና አዬ አና! አንቴ ቦላ ኦሴቲዳ ማላታይ ያርሴ ቦላኔ ሲዶና ቦላ ኦሴቲዳኮ አሰቲ ማቃ ማይዒዲኔ ቢዳንላን ኡቲዲ ቤኒ ቤኒ ማርቴላን ጌላናኮሽን። * 22 ሃሳ ገሽ ታኒ አንቴሰ ገዛይ ፐርዳ ጋላሰ አንቴፌ አዲ ያርሴሲኔ ሲዶናሰ ቁፃቴይ ካወያና።

23 “ሃኔ ቁፊርናሆሚ ፑዳ ሳሎ ቶቁ ቶቁ ጋናሰ ኮያዲ? ገደ አትን ኔኒ ዲጌ ሲፖሌ ዋዳንዳሳ፤ ኔ ቦላ ኦሴቲዳ ማላታይ ሰዶሜን ኦሴቲዳኮ ሰዶሜይ ሃቺ ጋካናሰ ዳናኮሽን። 24 ሃሳ ገሽ ታ ኔና ገዛይ ፐርዳ ጋላሰ ቁፃቴይ ኔፔ ሰዶሜሰ ካወያና” ገደሰ። *

ከርስቶስ አሚካ ሽምግ
(ሉቃ 10:21-22)

25 ሄ ዋዴ ዩሱሲ “ሳሎን ሳዓ ጎዶ! ታ አዋዉ! ሃይሳ ዳር ኤራንቻታፔ ጨንጫታፔ ቆታዳ ቁሪ ናይታስ ኔ ቆንጨሲዳ ገሽ ታ ኔና ጋላታይስ። 26 ታ አዋዉ! ኤ ሃይሲ ኔ ሲንሳን ሎ? ኔ ሽኔ ገዲዲ ቤተዳስ።
27 “ዉሪካ ታ አዋፔ ታስ አሚቴዳስ፤ አዋፔ ኣቲን ናዛ ገሽ ኤሪዛ ኣስ ባዋ፤ ቃሴ ናዛፔ ናዚ ባ ሽኔን ቆንጨሲዳ ኣሳፔ ሃራይ አዋ ኤሪዛ ኣስ ባዋ። *
28 “ቶሆይ ዳዲዳይቶ፣ ዳቡሪዳይቶ አንቴ ዉሪካ ታኮ ሃ ዩቴ፤ ታካ አንቴስ ሽምግ አሚና። 29 ታ ቃምባራ ቶኪቴ፤ ታፔካ ታማሪቴ፤ ታኒ ታ ዋዝናን ኣዳኔ አሽኬ፤ አንቴ ሽምግስ አንቴ ሽምግ ዳማና። 30 ታ ቃምባራይ ቫይኮኔ ታ ቶሆይ ካዉሻ” ገዳስ።

12

ሳምባታ ገሽ ሸቂዳ ኣይሾ
(ማር 2:23-28፤ ሉቃ 6:1-5)

1 ሃሳፌ ጉዬ ዩሱሲ ሳምባታ ጋላስ ካላ ገደራ ኣጂ ቢዳስ። ኢዛ ካለዛይቲካ ጋፊዳ ገሽ ቲያ ዴዲሲ ሸጌቹ ሙስ ኣይኪዳ። 2 ፋርሳዌቲ ሃሳ ቤዩዲ ዩሱሳ “ሄኮ ኔና ካለዛይቲ ሳምባታ ጋላስ ኣፊታናስ ቤሶንታይሳ ኣፊቲስ” ገዳ።
3 ኢዚካ ኢስታስ ዛሪዲ “ዳዉቴይኔ ኢዛሪ ዲዛ ኣሳቲ ጋፊዳ ዋዴ ኢዚ ኣይ ኣፊዳኮኔ ናባቢቤኬቲ? 4 ያሳ ኬፍ ጌሊዲ ቁሴታፔ ኣቲን ዳዉቴይኔ ኢዛሪ ዲዛይቲ ቦቻናስ ቤሶንታ ዲማቲዳ ኡኬል ሚዳስ። 5 ቃሴ ቁሴቲ ሳምባታ ሻሪዲ ያሳ ኬላ ገደን ኣሶ ኣፊኮ ሞሮ ገደንታይሳ ሙሴ ዋጋፔ ናባቢቤኬቲ? 6 ገዲኮካ ታ አንቴስ ገዛይ ያሳ ኬላፊ ኣጂዛዳይ ሃን ዳስ። 7 ታኒ ያርሾ ገደንታ ማርቴል ደሳይሱ ገዛ ቃላይ ኣይ ጉሲኮኔ አንቴ ኤሪዛኮ ያሎታ ቦላ ፐርዴኬታኮሺን። * 8 ኣሳ ናይ ሳምባታስ ጎዳ” ገዳስ።
9 ሄፔ ኢዚ ጌዴ ኣጂሽ ኣይሁዳታ ዋሳ ኬላን ጌሊዳስ። 10 ሄንካ ኢሲ ኩሽ ሲሊዳዳይ ዳስ። ዩሱሳ ሞታናስ ጋሶ ኮይዲ “ሳምባታ ጋላስ ጋላናስ ቤሲዜ?” ገዲ ኢዛ ኣይቹዳስ።
11 ኢዚካ ኢስታ “አንቴፊ ኣሳዴ ደርሲ ሳምባታ ጋላስ ኣላን ጌሊኮ ባ ደርሳ ኢዚ ጌሊዲ ኣላፊ ጎቹ ኬሲ ኤሬኔ? * 12 ሂሰቲኮ ኣሲ ደርሳፊ ኬሂ ኣጂኔ? ሃሳ ገሽ ሳምባታ ጋላስ ሎ? ኣሶይ ዲጌቲና” ገዳስ።
13 ቃሴካ ኣዳዛ “ኔ ኩሽ ፐዲሳ!” ገዳስ፤ ኣዳዛካ ባ ኩሽ ፐዲሲን ሂንኮ ኩሽዛ ማላ ጋፃ ገዲዳስ።
14 ገደ ኣቲን ፋርሳዌቲ ሄፔ ኬዚዲ፣ ዩሱሳ ዋስቲ ኣይኪ ዋቆናኮኔ ባ ገደን ዘሬቲዳ።

ያሲ ደሪዳ ኣሸካራ

15 ዩሱሲ ኢስታ ቆፋ ኤሪዲ ሄፔ ሃራሶ ሸርዒ ገዳስ። ዳር ዳሬይ ኢዛ ካለዳስ፤ ሃርጋንቻታካ ኡባ ጋላዳስ። 16 ኢዚ ኣናኮኔ ኣሳስ ዮቶንታ ማላ ኢስታ ኣዛዚዳስ። 17-21 ሄሲካ ሃኒዳይ ናቤ ኣሳያሳን “ታ ደሪዳይኔ ታ ኢዛን ኡፋዴቲዛ ታ ናይ ሃይሳኮ! ታ ኣያናፔ ታ

ኢዛ ቦላ ዋላና፤ ኢዚካ ኣማኖንታ ዳሬታስ ቱሙ ፐርዳ ኣዋጃና፤ ማርሼቲና፤ ዋይኮ ዋሴና። ኢዛስ ቃላይካ ካሬን ሲዬቲና፤ ቱማ ፐርዳ ያኖስ ጋላና ጋካናስ ዲንጨቲ ኡቲዳ ሸምቦቆካ ሚንፊናኔ ጨዋቲዛ ሙቃዳካ ቶይሴና፤ ኣይዛቤቲ ኢዛ ኡፋይሳን ናጋና” ጌቲቲ ዮቴቲዳ ቲንቢቲ ቃላይ ፖሌታና።

ዩሱሳን ቢዔሊዜቡላ
(ማር 3:20-30፤ ሉቃ 11:14-23)

22 ሃሳፊ ጉዬ ዳይዳንፊ ኦይኪን ፃላናሲኔ ሃሳያናስ ዳንዳዮንታ ኢሲ ኣስ ዩሱሳኮ ኤኪ ዩዳ። ዩሱሳካ ኢዛ ጋላን ኣዳዚ ፃላናሲኔ ሃሳያናስ ዳንዳዩዳስ። 23 ኣሳይ ዉሪካ ማላሌቲዲ “ሃይሲ ኣዳዚ ዳዉቴ ናሻ?” ገዳስ።
24 ገደ ኣቲን ፋርሳዌቲ ሃሳ ሲዩዳ ዋዴ “ሃይሲ ኣዳዚ ዳይዳንፊ ኬሲዛይ ዳይዳንፋ ሃላቃ ቢዔሊዜቡላ ዋልቃን ያላ ገደናስ ቤሴስ” ገዳ። *
25 ዩሱሳካ ኢስታ ቆፋ ኤሪዲ “ባ ገደን ኢሶይ ኢሳፊ ሻኬቲዛ ካዋቴል ዉሪካ ኩንዳና፤ ባ ገደን ሻኬቲዛ ካታማይ ዋይኮ ኬላ ኣሲ ሚኔና። 26 ያላዔይ ያላዔ ኬሲዛ ገዲኮ ያላዔይ ባ ገደን ሻኬቲዳስ ጉሳ። ሃሳሶ ሃኒኮ ኢዛ ካዋቴል ዋኒ ሚናና ዳንዳዩዳ? 27 ታኒ ቢዔሊዜቡላ ዋልቃን ኬሲዛ ገዲኮ አንቴ ናይቲ ኣዛ ዋልቃን ኬሳኔ? ሃሳ ገሽ አንቴ ናይቲ አንቴ ቦላ ፐርዳና። 28 ገደ ኣቲን ታኒ ዳይዳንፊ ኬሲዛይ ያሳ ኣያናን ገዲኮ ያሳ ካዋቴል አንቴኮ ዩዳስ ጉሳ።
29 “ዋይኮ ኢሲ ኣስ ዋልቃራ ዲዛዴ ኬፍ ጌሊዲ ሚሽ ቦንቃና ኮይኮ ካሴቲዲ ሄ ዋልቃራ ዲዛ ኣዳዛ ኣይኪ ቃቸንታ ዋስቲ ቦንቃኔ? ቃቸዳፔ ጉዬ ቦንቃና ዳንዳዩዳስ።
30 “ታናራ ገደንታዳይ ታናራ ኤቁቴስ፤ ታናራ ኢሲፊ ሸሾንታ ኣሲ ዉሪካ ላሌስ። * 31 ሃሳ ገሽ ታ አንቴስ ቱሙ ጋይስ፤ ናጋራ ኣሶይኔ ጫሽ ዉሪ ኣሳስ ኣቶ ጌቲታና ሸን ያሎ ኣያና ጫዩዳይ ማሬቴና። 32 ኣይ ኣሲካ ኣሳ ና ቦላ ሃሳዩዛ ኢታ ቃላ ገሽ ማሬታና ሸን፣ ያሎ ኣያና ቦላ ሃሳዩዛ ኢታ ቃላይ ገዲኮ ሃይሳ ሃ ዋዴን ገዲን ዋይኮ ቡሮ ያና ዋዴን ገዲን ማርይ ዳና። *

ሎ? ሚሊ ሎ? ኣይፊን ኤሬቲስ
(ሉቃ 6:43-45)

33 “ሚሊ ዉሪ ኣይፊን ኤሬቲዛይሳ ማላ አንቴ ሎ? ኣይፊ ዳማናስ አንቴስ ሎ? ሚሊ ደ፤ አንቴስ ኢታ ሚሊ ዲዛ ገዲኮ አንቴ ኢታ ኣይፊ ኤካና። * 34 አንቴኖ ማርሼራ ዲዛ ሸሻቶ! አንቴ ኢታታ ገዲ ኡቲዲ ዋስቲ ሎ? ሃሳያናስ ዳንዳዩቲ? ኡሎ ገደን ኩሚዳዚ ዲናራ ሃሳዩቲስ። *
35 “ሎ? ኣሲ ባ ዋዝናን ኩንፊ ዋላዳ ሎ? ቆፋፔ ሎ? ሃሳዩስ፤ ኢታ ኣሲካ ባ ዋዝናን ኩንፊ ዋላዳ ኢታቲላፊ ኢታ ዮ? ኬሴስ። 36 ገደ ኣቲን ታ አንቴስ ገዛይ ኣሳይ ባ ሃሳዩዳ ሃዳ ቃላ ኡባ ገሽ ፐርዳ ጋላስ ዉሪካ ኣይሸታና። 37 ጋሶይካ ኔ ቃላፔ ዳንዲዳይሳን ኔ

* 11:27 ዮሃ 3:35፤ 1:18፤ 10:15 * 12:7 ማቶ 9:13 * 12:11 ሉቃ 14:5 * 12:24 9:34፤ 10:25 * 12:30 ማር 9:40 * 12:32 ሉቃ 12:10 * 12:33 ማቶ 7:20፤ ሉቃ 6:44 * 12:34 ማቶ 3:7፤ 23:33፤ 15:18፤ ሉቃ 3:7፤ 6:45

ደላዳ አታናኔ ኔ ቃላፔ ዳንዲዳይሳን ኔ ቦላ ፐርዳታና” ገደሰ።

ማላታ ቤያናሰ ሸቂዳ ኦይሾ
(ማር 8:11-12፤ ሉቃ 11:29-32)

38 ሄሳፌ ጉዬ ኢሲ ኢሲ ሙሴ ዋጋ ታማርሲዛይቲኔ ፋርሳዌቲ ዬሱሳ “አስታማሬ! ኑ ኔፔ ማላሊሲዛ ማላታ ቤያናሰ ኮዮሰ” ገደደ። * 39 ኢዚ ኢሰታሰ ዛሪዲ “ሃ ኢታኔ ላይማ ዬሌታይ ማላታ ኦይቼሰ፤ ገደደ ኣቲን ናቤ ዮናሳ ማላታፔ ኣቲን ሃራ ማላታይ ኢሜቲና። * 40 ዮናሲ ገታ ዋሌ ኡሎ ገደን ሄሹ ቃማኔ ሄሹ ጋላስ ጋምዒዳ ማላ ኣሳ ናይካ ሄሹ ጋላሲኔ ሄሹ ቃማ ቢታ ጋርሳን ጋምዒና። 41 ናናዌ ኣሳይ ፐርዳ ጋላስ ሃይሳ ሃ ዬሌታራ ዳንዲዳ ሃ ዬሌታ ቦላ ፐርዳና፤ ጋሶይካ ናናዌ ኣሳይ ዮናሳ ማርካቴላን ማሮቲላ ጌሊዳ ገሻሳ። ሄኮ ዮናሳፔ ኣጲዛዳይ ሃን ዳሰ። 42 ዳጌሃ ዳሬ ካዎያ ሶሎሞኔ ኤራቴላ ሲያናሰ ቢታ ጋፀ ዳንዲዳ ዩዳ ገሽ ፐርዳ ጋላስ ኢዛ ሃይሳ ዬሌቲላራ ዳንዲዳ ሃ ዬሌቲላ ቦላ ፐርዳና። ሄኮ ሶሎሞኔ ኣጲዛዳይ ሃይሳን ዳሰ።

43 “ቱና ኣያናይ ኣሳፔ ከዚዲ ሸምፖ ዳማናሰ ሃላ ባይንዳ ማላ ቢታን ዳቡሬሰ። ገደደ ኣቲን ባ ኮዩዛ ሸምፖ ዳማና። 44 ሄሳፌ ቃሴ ካሴ ታ ዲዛሶ ሲማ ባና ገደደ ቤኒሶ ኢዚ ሲሚሽን ካሴ ኢዚ ዲዛሶይ ኣይኮይኔ ባይንዳ ማላ ከሌ ገዲዲ ጌዬዳይሳኔ ገቤቲ ዲዛይሳ ዳሚሰ። 45 ሄሳፌ ቢዲ ሃራ ባፔ ኢቲዛ ላፑን ኢታ ኣያናታ ባናራ ኤኪዲ ዬሰ። ኢሰቲካ ሄ ኣዳዛን ጌሊዲ ዳናና። ሄ ኣዳዛሰ ካሴ ዲሳፌ ጉዬ ዲሳይ ኢታ ገደና። ሃይሳ ኢታ ዬሌቲላሰካ ሄሳ ማላ ሃናና” ገደሰ።

ዬሱሳ ኣዩዮኔ ኢዛ ኢሻታ
(ማር 3:31-35፤ ሉቃ 8:19-21)

46 ዬሱሲ ኣሳሰ ዮቲሽን ኢዛ ኣዩያኔ ኢሻቲ ኢዛ ዮቻና ኮይዲ ካሬን ኤቂዳ። 47 ኢሲ ኣሲ “ሄኮ ኔ ኣያኔ ኔ ኢሻቲ ኔና ሃሳዩሳናሰ ካሬን ኤቂዳ ኔና ኮዬቲሰ” ገደሰ። *

48 ዬሱሲካ “ታ ኣያ ኦኔ? ታ ኢሻቲቶ። ኢሰቲ ኦናንቲ?” ገደሰ። 49 ባ ኩሹራ ባና ካሊዛይታኮ ማላቲዲ “ታ ኣያኔ ታ ኢሻቲ ሃይታንታ። 50 ሳሎን ዲዛ ታ ኣዋ ሸኔ ኦሊዛይቲ ዉሪካ ታሰ ኢሻ፣ ሚቾኔ ኣዮ” ገደሰ።

13

ዜሬላ ዜሪዛዳ ለሚሶ
(ማር 4:1-9፤ ሉቃ 8:4-8)

1 ሄ ጋላሲ ዬሱሲ ከላፌ ካሬ ከዚዲ ኣባ ላንቄን ኡቲዳሰ። 2 ዳር ዳሬይ ኢዛ ዩዩ ኣጲ ገደሊዳ ገሽ ኣሳ ኣባ ጋፀን ኣገዲ ዋሳሎ ገደ ጌሊ ኡቲዳ። * 3 ዳር ዮፆ ለሚሶራ “ኢሲ ጎሻንቻይ ዜሬላ ዜሪናሰ ከዚዳሰ። 4 ኢዚ ዜሪሽን ኢሲ ኢሲ ዜሬላ ኦጌ ዳናን ዋጲን ካፎቲ ዩዲ ማፂ ሚዳ። 5 ኢሲ ኢሲ ዜሬላ ማላኔ ሹቻቲዛ ቢታ ቦላ ዋጲን ቢታይ ማላ ቢታ ገዲዳ ገሽ ኤሌ ጫሪዳሰ። 6 ገደደ ኣቲን ኣዋይ ኣዋቲን ሹሊዲኔ ፃፀ ዬደንታ ኣገዳ ገሽ ማሊዳሰ። 7 ኢሲ ኢሲ ዜሬላይ ኣጉንሳ ገደን ዋጲዳሰ፤ ኣጉንሳይካ ዲጪዲ ጫሬቻ

ጩሊዳሰ። 8 ሃራ ዜሬላካ ሎፆ ኦርዳ ቢታን ዋጲዲ ኣይፊካ ኣይፊዳሰ፤ ኢሶይ ፃቱ፣ ኢሶይ ኡሱፑን ታሙ ኢሶይ ሄሹ ታሙ ኣይፊ ኢሚዳሰ። 9 ሲዩዛ ሃይላ ዲዛዳይ ሲዮ!” ገ ዮቲዳሰ።

10 ሄሳፌ ኢዛ ካሊዛይቲ ኢዛኮ ሸቂዲ “ኣዛሰ ለሚሶራ ዮታይ?” ገደደ።

11 ኢዚካ ኢሰታሰ “ሳሎ ካዋቲላ ፀራ ኤርይ ኢንቲሰ ኢሚቲዳሰ፤ ኢሰታሰ ገዲኮ ኢሚቲቤና። 12 ዲዛዳሰ ዲዛይሳ ቦላ ጉጂታናኔ ዳራና ሺን ባይንዳዳፌ ሄና ዲዛራካ ኤኬታይቻና። * 13 ታ ሃይሳሎ ለሚሶራ ዮቲዳይ ኢሰቲ ሲዩሼ ኤዘጎንታ ገሺኔ ፃሊሼ ዳሞንታ ገሻሳ።

14-15 “ኢሳያሲ
“ኣንቲ ሲሳ ሲያናሽን ዩሺ ቆፔኬታ፤
ፃሎ ፃላና ሺን ዋዘናን ዋሌኬታ፤
ዳሬዛ ዋዘናይ ሙሚዳሰ፤
ኢሰታ ሃይላይካ ሲዩና፤
ፃሎንታ ማላ ባ ኣይፊ ቁልምዒዳ፤
ሄሲ ባይንዳኮ ኢሰቲ ባ ኣይፊራ ቤዩዲኔ
ባ ሃይላራ ሲይዲ
ባ ዋዘናን ዩሺ ቆፔዲ
ታኮ ሃ ሲሚን
ታ ኢሰታ ፓላና ሺን።
ገዲ ቲንቤቲ ቃላይ ኢሰታን ፖሊቲዳሰ። *

16 “ኣንቲ ኣይፊዳይ ፃሊዛ ገሺኔ ኣንቲ ሃይላቲ ሲዩዛ ገሽ ኣንቲ ኣንጅቲዳይታ። 17 ታ ኣንቲሰ ቱሙ ጋይሰ፤ ዳር ናቤቲኔ ዳር ፃሎ ኣሳቲ ሃራ ኣንቲ ቤዩዛይሳ ቤያናሲኔ ሃራ ኣንቲ ሲዩዛይሳ ሲያናሰ ኣሞቲዳ ሺን ኢሰታሰ ሃኒቤና።

18 “ሂሰቲኮ ሃራ ዜሬላ ለሚሶዛ ቢርሹላ ሲዩቲ፣
19 ካዋቲላ ቃላ ሲይዲ ዩሺ ቆፖንታ ኣይ ኣሳ ዋዘናፔካ ፃላዔይ ዩዲ ዜሬቲዳ ዜሬላ ኤሶን ማፂቻና። ሄሲካ ኦጌ ቦላ ዋጲዳ ዜሬላ። 20 ሹቻ ቦላ ዜሬቲዳይሲ ቃላ ሲዩዳ ማላ ኡፋይሳን ሲይዲ ሃራካ ኡፋይሳን ኤኪዛዳ ሚሳቲሰ። 21 ገደደ ኣቲን ፃፀ ዬዳናሰ ዳንዲዳንታ ኣገዳ ገሽ ዳር ጋምፆንታ ቃላ ገደን ማቶይኔ ጎዴቲላ ዩዛ ዋዳ ኤሌሊ ቆጶቲሰ። 22 ኣጉንሳ ገደን ዜሬቲዳ ዜሬላይ ቃላ ሲይዲ ሃይሳ ሃ ኣላሚዛሰ ዳር ሚቶቲላኔ ዳራቲላ ቆፋን ባሊቲዲኔ ጩሊቲዲ ኣይፊ ኢሞንታ ኣሳ ማላ። 23 ሎፆ ቢታን ዜሬቲዳ ዜሬላይ ቃሴ ቃላ ሲይዲ ዩሺ ቆፐዛዳ ሚሳቲሰ፤ ቱሙ ኣይፊ ኣይፊሰ፤ ኢሶይ ፃቱ፣ ኢሶይ ኡሱፑን ታሙ፣ ኢሶይ ሄሹ ታሙ ኣይፊ ኢሚዳሰ” ገደሰ።

ሌሾ ለሚሶ

24 ዬሱሲ ቃሴካ ሃራ ለሚሶ ኢሰታሰ “ሳሎ ካዋቲላ ባ ጎሻ ጋይን ሎፆ ዜሬላ ዜሪዳዳ ሚሳቲሰ። 25 ገደደ ኣቲን ኣሲ ዉሪ ኢቶዳ ዋዳ ሞርኬይ ዩዲ ገሰቲዛ ገደን ሌሾ ዜሪዲ ቢዳሰ። 26 ገሰቲዚ ዲጪዲ ኣይፊ ኣይፊዛ ዋዳ ሌሾይካ ኢዛራ ኢሲፊ ቤቲዳሰ።

27 “ካላ ጎዳ ኣሸካራቲ ጎዳዛኮ ሸቂዲ ሳይ! ኔኒ ኔ ጎሻን ሎፆ ዜሬላ ዜሪቤኪ? ሃይሲ ሌሾይ ኣዋፔ ዩዳ?” ገደደ።

* 12:38 ማቶ 16:1፤ ማር 8:11፤ ሉቃ 11:16 * 12:39 ማቶ 16:4፤ ማር 8:12 * 12:47 ኢሲ ኢሲ ጌሻ ማፃፊታን ፓይዳ ኦይዲ ታማኔ ላፑና ቦላ ዲዛ ቃላይ ዳና። * 13:2 ሉቃ 5:1-3 * 13:12 ማቶ 25:29፤ ማር 4:25፤ ሉቃ 8:18፤ 19:26 * 13:14-15 ኢሳ 6:9-10

28 “ኢዚካ ኢስታስ ‘ሃሳ ሞርኬይ ኦሊዳስ’ ገደሰ። ኣሸካራቲካ ‘ኑ ቢዲ ሌሾዛ ሾዳና ማላ ኮያይ?’ ገ ኦይቸዳ።

29 “ኢዚካ ኢስታስ፣ ‘ኣካይ ሃኔና፤ ጋሶይካ ኢንቲ ሌሾዛ ሾዳና ገሰቲዛራ ጋሊ ሾዳና፤ 30 ኣገቲ! ማፃ ዋዳይ ጋካናስ ኢሲፊ ዲጮ፤ ሄ ዋዳ ማዲዛይቲ ሌሾዛ ካሴቲዲ ቆሪ ማዲ ታማን ፀጋናስ ማርቄን ማርቄን ቃቸቲ፤ ገሰቲዛ ቃሴ ሺሺዲ ጎታራን ጌልላቲ’ ጋዳ ታ ኢንቲስ ኮታና” ገ ኮቲዳስ።

ሚላ ኣይፊ ሌሚሶኔ ኢርሾ ሌሚሶ (ማር 4:30-32፤ ሉቃ 13:18-19)

31 ሃራ ሌሚሶ ኢስታስ “ሳሎ ካዎቴላ ኢሲ ኣሲ ባ ጋዳ ገደን ዜሪዳ ባርዛፊ ሚላ ኣይፊ ማላ። 32 ባርዛፊ ሚላ ኣይፊይ ሃራ ሚላ ኣይፊ ኡባፊ ዳር ላፋ ገዲኮካ ዲጮዳ ሚላ ኡባፊ ገታ ገዳዉስ። ሳሎ ካፎቲካ ኢዚ ሃጋ ቦላ ኬዲዲ ዳና ጋካናስ ገታ ሚላ ገዳዉስ” ገደሰ።

33 ሃዒካ ሃራ ሌሚሶ ኢስታስ “ሳሎ ካዎቴላ ማጫሲ ሊዳይ ዳንዳና ማላ ሊዳ ገደን ጉጂዳ ጉላ ኢርሾ ሚሳታዉስ” ገደሰ።

34 ዩሱሲ ሃይሳ ኡባ ኣሳስ ሌሚሶራ ኮቲዳስ። ሌሚሶይ ባይንዳ ኢሲኖካ ኮቲቤና። 35 ሃሳንካ ካሴ ናቤ ዲናን

“ታ ዲና ታ ሌሚሶን ደያና፤ ኣላሚይ ሚዴቶሳፔ ሃ ሲሚን ቆቴቲዳይሳ ታ ሃሳያና”

ጌቲቲ ኮቲቲዳይሰ ፖሌቲዳስ። *

ሌሾ ሌሚሶዛ ቢርሽላ

36 ሃሳፊ ዩሱሲ ኣሳ ኣገዲ ሶ ጌሊዳስ። ኢዛ ካሊዛይቲ ኢዛኮ ሸቂዲ “ካላ ገደን ዲዛ ሌሾዛ ገሽ ኔ ኮቲዳ ሌሚሶዛ ቢርሽላ ኦስ ኮታ” ገደሰ።

37 ኢዚካ ኢስታስ ዛሪዲ “ሎፖ ዜሬላ ዜሪዳይ ኣሳ ና። 38 ጎሻይ ሃይሳ ኣላሚዛ፤ ሎፖ ዜሬላይ ካዎቴላ ናይታ ገዲዳይሳ ቤሴስ፤ ሌሾይ ቃሴ ፃላዔ ናይታ።

39 ሌሾዛ ዜሪዲ ቢዳ ሞርኬይ ዳቡሎሳ። ማፃ ዋዳይ ኣላሚ ዉርሴላ ገዲሺን ማዲዛይቲ ፆሳ ኪታንቻታ።

40 “ሌሾይ ቆሬቲዲ ታማን ፀጌቲዛይሳ ማላ ኣላሚ ዉርሴላን ሃሳላ ሃናና። 41 ኣሳ ናይ ባ ኪታንቻታ ኪታና፤ ኢስቲካ ናጋራስ ጋሶ ገዲዳይታኔ ኢታ ኦሊዛይታ ኢዛ ካዎቴላ ገደፊ ኡባ ቆሪ ኬሳና። 42 ዩሆይ ዲዛሶኔ ኣቕ ጋርጨዛሶን ዳር ዋልቃማ ታማን ኢስታ ዩጋና። 43 ሃሳ ዋዳ ያሎቲ ባ ኣዎ ካዎቴላን ኣዎ ኣርሼ ማላ ፖዳና። ሲዩዛ ሃይላ ዲዛይይ ሲዮ!

ቆታን ዲዛ ሃርኔ ኢንቆ ጌቲቲዛ ዋርቃ ሌሚሶ

44 “ሳሎ ካዎቴላ ጋዳ ገደን ቆቴቲዳ ሚሽ ሚሳቲስ። ኢሲ ኣስ ሄ ሚሻዮ ዳሚዲ ዛሪ ቆቴዳስ። ኡፋይሳፊ ዳንዲዳይሳን ቢዲ ባስ ዲዛዚ ኡባ ባይዚዲ ሄ ሚሽያ ዲዛ ቢታ ሻሚዳስ።

45 “ሃሳላካ ሳሎ ካዎቴላ ኣልፖ ዋርቃ ኮዩዛ ዛልዓንቻ ሚሳቲስ። 46 ዳር ኣልፖ ገዲዳ ኢንቆ ገዛ ሹቻ ዳሚዳ ማላ ቢዲ ባስ ዲዛዚ ኡባ ባይዚዲ ሻሚዳስ።

ሞሌ ገቲ ሌሚሶ

* 13:35 ማዛ 78:2 * 14:3 ሉቃ 3:19-20

47 “ቃሴካ ሳሎ ካዎቴላ ኣባ ገደን ዩጌቲዲ ዲማ ዲማ ሞሌ ኦይኪዳ ሞሌ ገቲ ሚሳቲስ። 48 ሞሌ ኦይኪዛይቲ ገቲይ ኩሚን ጎቸዲ ኣባ ላንቄ ኬሲዳ። ሃን ኡቲዲ ሎፖ ሎፖ ሞሌ ቆሪዲ ኬሼን ጉጂዳ። ኢታ ሞሌታ ዋራ ዩገዳ። 49-50 ኣላሚ ዉርሴላን ሃሳላ ሃናና። ኪታንቻቲ ዩዲ ናጋራንቻታ ያሎታፔ ሻኪዲ ዩኪዛሶኔ ኣቕ ጋርጨዛሶ ጌዳ ቶፖንታ ታማን ዩጋና።

51 “ዩሱሲ ኢስታ ሃይሲ ዉሪ ኢንቲስ ጌሊዳ?” ገደሰ። ኢስቲካ “ኦ” ገደሰ።

52 ኢዚካ ዛሪዲ “ሃሳ ገሽ ሳሎ ካዎቴላ ፀራይ ጌሊዳ ሙሴ ዋጋ ታማርሲዛይይ ኦኒካ ኢዛሰ ሚንጂ ዋሊዳ ኣልፖ ሚሻፊ ኦራላኔ ካሴ ጋልዓ ሚሽ ኬሲዛዳ ሚሳቲስ” ገደሰ።

ናቤይ ባ ዳሬን ቦንቸቲና (ማር 6:1-6፤ ሉቃ 4:16-30)

53 ዩሱሲካ ሃይታ ሌሚሶታ ኮቲ ዉርሲዲ ሄፔ ሃራሶ ቢዳስ። 54 ጌዳ ባ ዳሬ ቢዲ ኣይሁዳታ ዋሳ ኬላን ኣሳ ታማርሶ ኦይኪዳስ። ኢስቲካ ማላሌቲዲ “ሃይሲ ኣዳዚ ሃይሳ ኤራቴላኔ ሃይታ ማላታታ ኦላና ዋልቃ ኣዎፔ ዳሚዳ? 55 ሃይሲ ኣናፃዛ ና ዳይ? ኢዛ ኣዩይ ሱንላ ማራሞ ገዳይ? ኢዛ ኢሻቲ ያቆቤ፣ ዮሴፊ፣ ሲሞናኔ ዩሁዳ ገዳይ? 56 ሚቸቲ ኦናራ ዲዛይታ ገዳይ? ሂስቲን ሃይሲ ኣዳዚ ሃይሳ ኡባ ኣዎፔ ኡኪዳ?” ገደሰ።

57 ሃሳ ገሽ ኢስቲ ኢዚ ገዛይሳ ኤኪቤቲና። ዩሱሲካ ኢስታስ “ናቤይ ባ ዳሬኒኔ ባ ኬላን ቦንቸቲና ኣቲን ሃራሶን ቦንቸቲስ” ገደሰ። 58 ኢስቲ ኣማናንታ ኣገዳ ገሽ ዳር ማላታታ ሃን ኦሊቤና።

14

ፃማቂዛ ዮሃንሳ ሃይቆ (ማር 6:14-29፤ ሉቃ 9:7-9)

1 ሄ ዋዳ ጋለላ ዳሬ ሃሪዛ ሄርደሲ ኣሳይ ዩሱሳ ናሽዚይሳ ሲይዳስ። 2 ሄርደሲ ባ ኣሸካራታስ “ሃሳ ገዲኮ፣ ፃማቂዛ ዮሃንሲ ሃይቆፔ ዳንዲዲ ዩዳስ ጉሳካ! ሃይሲ ዉሪ ገታ ማላታይ ኢዛ ኩሼን ኦሴቲዛይ ሃሳሳ” ገደሰ።

3 ሄርደሲ ባ ኢሻ ፒሊጶሳ ማቕ ሄርዲያዲ ጋሶን ዮሃንሳ ኦይላዲ ቃሾ ኬላን ዩገዳስ። * 4 ጋሶይካ ዮሃንሲ ሄርደሳ “ኔ ኢዛ ኤካና ማላ ዋጋ ገዳና ገዳ ገሻሳ” ገደሰ። 5 ሄርደሲካ ዮሃንሳ ዋቆናስ ኮዩሺን ኣሳይ ዮሃንሳ ናቤ ማላ ያለዚ ገሽ ባቢዳስ።

6-7 ሄርደሲ ባ ዩሌቴላ ጋለሰ ሄርዲያዲ ናያ ዩላን ኢዛ ኡፋይሲዳ ገሽ ናያ ኢዛ ኦይቸዳዝ ኡባ ኢማናስ ኢዚሰ ጫቂዳስ። 8 ናያካ ኣዩይ ዞሬን “ፃማቂዛ ዮሃንሳ ሁዔ ኬሬን ዋላዳ ሃዒ ሃንን ታስ ኢማ” ጋዲስ።

9 ሄ ዋዳ ካዎዚ ኢዛሰ ሚሽቲዳስ። ገደ ኣቲን ጫቂዳ ገሺኔ ኢዛራ ዲዛ ኢማላታ ገሽ ገዲ ናይ ኦይሾይ ፖሌታና ማላ ኣዛዚዳስ። 10 ኪቲዳኔ ዮሃንሳ ዋይኔ ኬላን ዲሺን ቆዴ ቃንፂሲዳስ። 11 ቃንፂቲዳ ሁዔዛ ኬሬን ዋሊዲ ናይሰ ኢሚዳ። ናያካ ኤካዳ ባ ኣዩይሰ ኢማዲስ። 12 ዮሃንሳ ካሊዛይቲ ኢዛ ኣሃ ኤኪዲ ሞገዲኔ ሃኒዳይሳ ኡባ ዩሱሳሰ ኮቲዳ።

ዩሱሲ ኢቻሹ ሺ ኣሳ ሚዚዳስ (ማር 6:30-44፤ ሉቃ 9:10-17፤ ዮሃ 6:1-14)

13 ሃሳ ሲዩዳ ማላ ዩሱሲ ካሴ ባ ዲዛሶ አገዲኔ ዋጎሎን ጌሊዲ ባርካ ሃራ አሲ ባይንዳሶ ቢደሰ። ዳሬይካ ሃሳ ሲይዲ ካታማይ ዲዛሶፕ ቶሆራ ኢዛ ካሊደሰ። 14 ዩሱሲካ ዋጎሎዛፕ ዋዲሽ ዳሮ አሳ ቤዩዲ አሳሰ ሚሽቴዳሰ። ሳኩቴዛይታካ ፓሏዳሰ።

15 ጋይይ ቃሚ ቃሚ ቢዛይሳ ቤዩዲ ኢዛ ካሊዛይቲ ኢዛኮ ሸቂዲ “ሃይሲ ኑ ዲዛሶይ ባዘ፤ ጋይይካ ቃሚ ቃሚ ቢዛ ጊሽ ጌዴ ጉታታን ጉታታን ቢዲ ባሲ ማናዝ ሻማና ማላ አሳ ዩዳ” ጊዳ።

16 ጊዳ ኣቲን ዩሱሲካ ኢሰታ “ኢንቴ አሳሰ ማናዝ ኢሚቴ ኣቲን አሳይ ባናሰ ኮሺና” ጊዳሰ።

17 ኢሰቲካ ኢዛሰ ዛሪዲ “ሃይሳን ኑሰ ኢቻሹ ኡኩሌኔ ናምዑ ሞሌፕ ኣቲን ሃራይ ባዎ” ጊዳ።

18 ኢዚካ ኢሰታ “ኣኔ ሃይታ ዲዛይታ ሃ ታሰ ኤኪ ዩቴ” ጊዳሰ። 19 ቃሴካ አሳይ ማታ ቦላ ኡታና ማላ አዛዚዳሰ። ኢቻሹ ኡኩላኔ ናምዑ ሞሊታ ባ ኩሽን ኦይኪዲ ባ አይፊ ፑዴ ሳሎ ቶቁ ሂሰቲ ጋላቲዲ፣ ኡኩላ ማንላ ባና ካሊዛይታሰ ኢሚዳሰ። ኢሰቲካ አሳሰ ኢሚዳ።

20 አሳይ ወሪካ ሚዲ ካሊዳሰ። ሃሳፊ ጉዩ ኢዛ ካሊዛይቲ አሳፕ ሚሺን ኣቲዳይሳ ታማኔ ናምዑ ሌማቴ ኩማላ ሸሺዳ። 21 ሚዳ አሳይ ማጫሳቲኔ ጉላ ናይቲ ጉጃቶንታ ኣቲማሳይ ዓላላ ኢቻሹ ሸ ጊዳና።

ዩሱሲ አባ ቦላ ሃሙቲዳሰ
(ማር 6:45-52፤ ዮሃ 6:15-21)

22 ሃራካ ኢዛ ካሊዛይቲ ዋጎሎን ጌሊዲ ጌዴ ፒንሳ ኢዛፕ ካሴቲዲ ፒናና ማላ አዛዚዲ አሳ ሞይዛናሰ ባሲ ጉዩ ኣቲዳሰ። 23 ዳሬዛ ሞይዚዳፕ ጉዩ ዋሳ ዋሳናሰ ባርካ ዙማ ቦላ ኩዚዳሰ። ጋይይ ቋሚንካ ያን ዙማ ቦላ ባርካ ዳሰ። 24 ሃሳ ዋዴ ዋጎሎያ አባ ካንላ ቢሺን ዳምባላይ ዳንዲዲ ዳሮ ሜቶሎ ኦይኪዳሰ።

25 ቃማፕ ኮይሮ ኩቶይ ባቂሺን ዩሱሲ አባ ቦላራ ሃሙቲዲ ኢዛ ካሊዛይቲ ዲዛሶ ዩዳሰ። 26 ዩሱሳ ካሊዛይቲካ ኢዚ አባ ቦላራ ሃሙቲ ዩሺን ቤዩ ባቢዳ ጊሽ ኢዛ ሞይቲሌ ጊዲኔ ዋሲዳ።

27 ዩሱሲ ሃራካ “ኣይኮይ ባ! ታናኮ፤ ባቦፍቲ!” ጊዳሰ።

28 ጴጥሮሲ “ጎዶ! ኔና ጊዲኮ ታ አባ ቦላራ ሃሙታዳ ነኮ ባና ማላ ታና አዛዛ” ጊዳሰ።

29 ዩሱሲ ኢዛ “ሃያ!” ጊዳሰ። ጴጥሮሲካ ዋጎሎዛፕ ዋዲሽ ሃላ ቦላራ ሃሙቲዲ ዩሱሳኮ ዩዳሰ።

30 ጊዳ ኣቲን ጫርኮዛ ዋልቃ ቢዩዲ ባቢዳ ጊሽ ሃላን ሚቴቴላ ኦይኪዲ “ጎዶ! ታና ኣሻ!” ጊ ዋሲዳሰ።

31 ዩሱሲ ሃራካ ባ ኩሽ ዩዲ ኦይኪዲ “ኔና፣ አማናይ ፓጪዳይሶ! አዛሰ ሲዳዲ?” ጊዳሰ።

32 ዩሱሲኔ ጴጥሮሲ ዋጎሎዛን ጌሊዲ ማላ ጫርኮይ ሲርጵ ጊዳሰ። 33 ሃሳፊ ጉዩ ዋጎሎን ዲዛይቲ “ኔኔ ቱሙ ያሳ ና!” ጊዲ ኢዛሰ ጎይኒዳ።

ዩሱሲ ጌንሴሬዳን ሃርጋንቻታ ፓሏዳሰ

34 ዩሱሲኔ ኢዛ ካሊዛይቲ አባ ፒኒዲ ጌንሴሬዳ ጌቲቲዛሶ ጋኪዳ። 35 ሃን ዲዛይቲ ዩሱሳ ጊዲዳይሳ ኤሪዲ፣ ሃ ሃራን ዩዩ አዳናሰ ዲዛ አሳሰ ኪታ ዩዲዳ። አሳይካ ሃርጋንቻታ ኡባ ዩሱሳኮ ኤሂዳሰ። 36 ሃርጋንቻቲ ኢዛ አፋላ ያራ ዓላላ ቦቻና ማላ ዩሱሳ ዋሲዳ። ቦቻዳይቲ ወሪካ ፓዳ።

* 15:14 ሉቃ 6:39 * 15:18 ማቶ 12:34

15

1 ቃሴካ ዩራሳላሚፕ ዩዳ ፋርሳዌቲኔ ሙሴ ዋጋ ታማርሲዛይቲ ዩሱሳኮ ሸቂዲ 2 “ኔና ካሊዛይቲ ካሴ ኑ አዋታ ዋጋ አዛሰ ዳይሲዛ? ቁማ ማናሰ ኩሽ ሚጮፕቴና” ጊዳ።

3 ዩሱሲካ ኢሰታሰ “ኢንቴ ኢንቴ ዋጋሰ ጊዲ ያሳ አዛዛ አይሰ ሻሬቲ? 4 ያሲ ኔ ኣዩዮኔ ኔ አዋ ቦንቻ፤ ባ አዋ ቦላ ዋይኮ ባ አዩ ቦላ ኢታ ቃላ ሃሳዩዳይይ ሃይቆ! ጊ አዛዚዳሰ። 5 ኢንቴ ጊዲኮ አይ አሲካ ባ አዋ ዋይኮ ባ አዩ ታ ኢንቴሰ ኦሳናሰ ቤሲዛዝ አይ ሚሽካ ያሳሰ ያርሾ ኦላ ሸሻዲሰ። ጊኮ፣ 6 ሃ አዳዚ ባ አዋ ዋይኮ ባ አዩ ቦንቹዳሰ። ጌታ፤ ሃሳ ጊሽ ኢንቴ ዋጋ ጊሽ ያሳ ቃላ ሻሬታ። 7-9 ኢንቴና፣ ቆዴፕ ቆሞን ሃኒዛይቶ! ኢሳያሲ ኢንቴ ጊሽ ዮቲሽ ሃይሲ ዳሬይ

ታና ዲናን ዓላላ ቦንቹሰ፤ ዋዝናይ ጊዲኮ ታፕ ሃኪዳሰ፤ ሚላ ሃዳ ታና ጎይኔሰ፤ ኢሰታ ቲሚርቴይካ አሲ ዋሏዳ ዋጋ፣ ጊዲዲ ሲንላፊ ሃናናይሳ ዮቲዳይሲ ቱማኮ” ጊዳሰ።

10 ዩሱሲ አሳ ባኮ ዳይጊዲ “ሲዩቴ ዋዝናን ዋሏቴ። 11 አሰ ቱኒሲዛይ ኢዛዴ ዲናራ ሃ ኬዚዛይሳፊ ኣቲን ዲናራ ዲጌ ጌሊዛይ ቱኒሴና” ጊዳሰ።

12 ቃሴ ኢዛ ካሊዛይቲ ኢዛኮ ሸቂዲ “ፋርሳዌቲ ኔ ጊዳይሳ ሲይዲ ሃንቁቴዳይሳ ኤራዲ?” ጊዳ።

13 ኢዚ ኢሰታሰ “ታ አዋ ሳሎይሲ ቶኮንታ ሚሊ ወሪካ ቶቃሌታና። 14 ኢሰታ ኣጋጊቴ ኢሰቲ ቆቁቲ ካሌሊዛ ቆቁታ ጊዲዳ ጊሽ፣ ቆቁቲ ቆቁ ካሌሊኮ ናምዓይ ኢሶይ ኢሳራ ኦይኬቲዲ ኣፎን ወላና” ጊዳሰ። *

15 ጴጥሮሲ ዩሱሳ “ኔ ዮቲዳ ለሚሶዛ ኑሰ ቢርሻ” ጊዳሰ።

16 ኢዚካ “ኢንቴ ሃዲ ጋካናሰካ ኤሪቤኬታ ጉሴ? 17 ዲናራ ጌሊዛይ ወሪ ዲጌ ቃንሌ ካንላዲ ጌዴ ካሪ ኬዚዛይሳ ኤሪኬቲ? 18 ዲናራ ኬዚዛይ ጊዲኮ ዋዝናፕ ፑልቴሰ። አሰ ቱኒሲዛይ ሃሳ። * 19 ኢታ ቆፋይ፣ ሸምፖ ዋዲይ፣ ላይማይ፣ ላይማታናሰ ቃቃቶይ፣ ካይሶይ፣ ዋርዶ ማርካቴሊኔ አሳ ሱንሳ ሞሮይ ወሪ ዋዝናፕ ፑልቴሰ። 20 አሰ ቱኒሲዛይ ሃይታንታፊ ኣቲን ኩሽ ሚጮፕቶንታ ሙሲ አሰ ቱኒሴና” ጊዳሰ።

ካናኔ ዳሬ ማጫሳይ አማና
(ማር 7:24-30)

21 ዩሱሲ ሃፕ ኬዚዲ ጌዴ ዓርሴኔ ሲዶና ጌቲቲዛ ዳሬ ቢዳሰ። 22 ኢሲ ካናኔ ማጫሲ ዲዛራ ሃ ሃራፕ ኬዛዳ ዩሱሳኮ ያዳ “ጎዶ፣ ዳወቲ ናወ! ታሰ ሚሹታ! ታ ናያ ቱና ኣያናይ ኦይኪን ኬሃ ዋያወሰ” ጋዳ ዋሳዲሰ።

23 ጊዳ ኣቲን ኢዚ ኢሲ ቃላካ ኢዚሰ ዛሪቤና። ሂሰቲን ሃ ዋዴ ኢዛ ካሊዛይቲ ኢዛኮ ሸቂዲ “ኑና ካላ ካላ ዋይሲዛ ጊሽ ኔ ኢዛ ሞይዚኮቹ?” ጊዲ ኢዛ ኦይቹዳ።

24 ኢዚካ ኢሰታሰ “ታኒ ኢሰራዔሌ ኬላፊ ዳዩዳ ደርሳታኮ ዓላላ ኪቲታዲሰ” ጊዳሰ።

25 ማጫሳያካ ዩሱሳ ቶሆ ቦላ ኩንዳዳ “ጎዶ! ታና ማዳርኪ!” ጋዳሰ።

26 ዩሱሲ ኣቲን ኢዚ ኢሲ ቃላካ ኢዚሰ ዛሪቤና። ሂሰቲን ሃ ዋዴ ኢዛ ካሊዛይቲ ኢዛኮ ሸቂዲ “ኑና ካላ ካላ ዋይሲዛ ጊሽ ኔ ኢዛ ሞይዚኮቹ?” ጊዲ ኢዛ ኦይቹዳ።

27 ኢዚካ ኢሰታሰ “ታኒ ኢሰራዔሌ ኬላፊ ዳዩዳ ደርሳታኮ ዓላላ ኪቲታዲሰ” ጊዳሰ።

28 ማጫሳያካ ዩሱሳ ቶሆ ቦላ ኩንዳዳ “ጎዶ! ታና ማዳርኪ!” ጋዳሰ።

29 ዩሱሲ ኣቲን ኢዚ ኢሲ ቃላካ ኢዚሰ ዛሪቤና። ሂሰቲን ሃ ዋዴ ኢዛ ካሊዛይቲ ኢዛኮ ሸቂዲ “ኑና ካላ ካላ ዋይሲዛ ጊሽ ኔ ኢዛ ሞይዚኮቹ?” ጊዲ ኢዛ ኦይቹዳ።

30 ኢዚካ ኢሰታሰ “ታኒ ኢሰራዔሌ ኬላፊ ዳዩዳ ደርሳታኮ ዓላላ ኪቲታዲሰ” ጊዳሰ።

31 ማጫሳያካ ዩሱሳ ቶሆ ቦላ ኩንዳዳ “ጎዶ! ታና ማዳርኪ!” ጋዳሰ።

26 ኢዚካ ኢዚሰ ዛሪዲ “ናይታ ካል ኤኪዲ ካና ቡቱላታሰ ዩጋናሰ ቤሴና” ገደሰ።

27 ኢዚካ “ኤ ጎደ፤ ቡታላቲካ ባ ጎዳ ማዳፔ ጋዴን ዎጂዳ ካል ማፂ ማቴሰ” ጋደሰ።

28 ሂዘገን ዩሱሲካ ማጫሳዮ “ሃኔ ማጫሳዮ፥ ኔ ኣማኖይ ገታ! ኔ ኮይዳ ማላ ኔሰ ሃኖ” ገደሰ። ማጫሳይ ናያካ ሄራካ ፓዳዲሰ።

29 ዩሱሲ ሄፔ ዳንዲዲ ጋለላ ኣባ ላንቁ ቢዲ ሄን ዲዛ ኢሲ ዙማ ቦላ ኬዚ ኡቲዳሰ። 30 ቆዳን ዳሮ ዳሬይ ዎቤታ፥ ቆቁታ፥ ሰላታ፥ ሃሳዮንታ ዲዳታ ሃራታካ ዳሮ ሃርጋንታታ ኤሂዲ ኢዛ ሰንፋን ዎሊዳሰ፤ ኢዚካ ኢሰታ ፓሊዳሰ። 31 ዲዳይ ሃሳዩሺን፥ ቶሆ ሰላይ ፓዩሺን፥ ዎቤይ ሰቲ ገዲ ሃሙቲሺን፥ ቆቁይ ያሊሺን ቤዪዲ ኣሳይ ማላሌቲዳሰ፤ ኢሰራዔል ጎዳካ ጋላቲዳሰ።

ዩሱሲ ኦይዲ ሺ ኣሳ ሚዚዳሰ (ማር 8:1-10)

32 ዩሱሲ ባና ካለዛይታ ያይገዲ “ኣሳይ ታናራ ሄዥ ጋለሰ ጋምዲዳ ገሺኔ ማና ካሊ ባይንዳ ገሺ ኣሳይ ታና ሚቹሰ። ኣጌ ቦላን ጋፋን ዳቡሪዲ ኩንደንታ ማላ ማላ ኡሎራ ዩዳናሰ ኮዩኮ” ገደሰ።

33 ኢዛ ካለዛይቲ “ሃይሳን ኣይኮይካ ባይንዳ ባዘ ቢታን ሃይሳ ከና ዳሬ ሚዛናሰ ገዲዛ ቁማ ኑ ኣዎፔ ዳማኔ?” ገደሰ።

34 ዩሱሲ ኢሰታ “ኢንቴሰ ኣፑን ኡኬሌ ዲዜ?” ገ ኦይቹን ኢሰቲካ “ላፑን ኡኬሌኔ ቂ ጉላ ሞሌቲ ዳቲሰ” ገደሰ።

35 ኢዚካ ዳሬዚ ጋዴን ኡታና ማላ ኣዛዚዳሰ።

36 ላፑን ኡኬላኔ ሞሌዛ ባ ኩሺን ኦይኪዲ ጋላቲዳፔ ጉዬ ማንሊዲ ባና ካለዛይታሰ ኢሚዳሰ፤ ኢሰቲካ ዳራሰ ገሺዳ። 37 ኣሳይ ዉሪካ ሚዲ ካለዳሰ፤ ዩሱሳ ካለዛይቲ ኣሳፔ ኣቲዳይሳ ላፑን ለማቴ ኩሚሳ ሺሺዳ። 38 ሚዳይቲካ ናይቲኔ ማጫሳይ ባይንዳ ኣዳቲ ያላላ ኦይዲ ሺ ገዲዳ።

39 ዩሱሲ ዳሬዛ ሞይዚዳፔ ጉዬ ዎጎሎን ጌሊዲ ማገደኔ ጌቲቲዛሶ ቢዳሰ።

16

1 ፋርሳዌቲኔ ሳዱቃዌ ጌቲቲዛይቲ ዩሱሳኮ ሸቂዲ ኢዛ ፓጫናሰ “ሳሎፔ ማላታ ቤሳ” ገዲ ኦይቹዳ። *

2 ኢዚካ ኢሰታሰ “ኣማርሳ ዎዴ ሳሎይ ዘዒኮ ርጋይይ ኣዎታና ጌታ። 3 ዎንታ ቦላ ሳሎይ ዳይኮ ዳይዳሰ፤ ሃቹ ኢራይ ቡካና ጌታ፤ ሳሎ ሜቆ ያሊዲ ሻኪ ኤሬታ ሺን ታ ያና ዎዴ ማላታ ሻኪ ኤራናሰ ዳንዳዬኮታ። * 4 ሃይሲ ኢታኔ ሳይማ ዩሌታይ ማላታ ኮዬሰ፤ ገደ ኣቲን ዮናሳ ማላታፔ ኣቲን ሃራ ማላታይ ኢዛሰ ኢሚቴና” ገደሰ። ዩሱሲ ኢሰታ ሄን ኣገገዲ ሃራሶ ቢዳሰ። *

5 ኣባ ፒኒዳ ማላ ዩሱሳ ካለዛይቲ ቁማ ኦይካናይሳ ባሌቲዳ። 6 ዩሱሲካ “ቆፒቴ፤ ፋርሳዌታ ኢርሾሬኔ ሳዱቃዌታ ኢርሾሬ ናጌቲቴ” ገደሰ። *

7 ኢሰቲ ቃሴ ባ ገደን “ኑኒ ካል ኦይኮንታ ገሺ ሄሳ ገደሰ” ገዲ ኢሰይ ኢሳራ ሃሳዬቲዳ

8 ዩሱሲካ ኢሰታ ቆፋ ኤሪዲ “ኢንቴኖ ኣማኖይ ፓጫዳይቶ! ካል ኦይኮንታ ገሺ ኣዛሰ ኢሰይ ኢሳራ ሃሳዬቲ፥? 9 ኢቻሹ ኡኬሌ ኢቻሹ ሺ ኣሳሰ ገዲዲ ኣፑን ለማቴይ ቲርፒን ኢንቴ ዳንሊዳኮኔ ዩሺ ቆፐኮቲ፥? *

10 ሃሳዎካ ላፑን ኡኬሌ ኦይዲ ሺ ኣሳሰ ገዲዲ ኣፑን ለማቴይ ቲርፒን ኢንቴ ዳንሊዳኮኔ ዎዘናን ዎሊቤኮታ ጉሴ? * 11 ሂሰቲን ታ ኢንቴሰ ዮቲዳይ ካል ገሺ ገደንታይሳ ዎንዲ ዩሺ ቆፐኮቲ፥? ሃዒካ ፋርሳዌታ ኢርሾሬኔ ሳዱቃዌታ ኢርሾሬ ናጌቲቴ” ገደሰ።

12 ሃዒ ኢዚ ኢሰታ ቆሬሲዛይ ቡኬሶ ዳንፋናሰ ጉጂዛ ኢርሾ ገሺ ገደንታ ፋርሳዌታኔ ሳዱቃዌታ ቲሚርቴሬ ናጌታና ማላ ገዲዳይሲ ኢሰታሰ ጌሊዳሰ።

ጳፅርሲ ዩሱሲ ያሳ ና ገደይሳ ዮቲዳሰ

13 ዩሱሲ ቁሳሪያ ፒሊጲሲዮሴ ጌቲቲዛ ቢታ ጋኪዳ ዎዴ ባና ካለዛይታ “ኣሳይ ታና ኣሳ ና ኦና ገዜ?” ገዲ ኦይቹዳሰ።

14 ኢሰቲካ “ኢሲ ኢሲ ኣሳይ ሳማቁዛ ዮሃኒሳን ጌሰ፤ ባጋ ኣሳይ ኡላሳን ጌሰ፤ ባጋይ ኡኤርማሳ ዎይኮ ናቤታፔ ኢሳዳ ገደንታ ኣጌና ጌሰ” ገደሰ። *

15 ኢዚካ ኢሰታ “ኢንቴ ታና ኦና ጌቲ፥?” ገደሰ።

16 ሲሞና ጌቲቲዛ ጳፅርሲ “ኑኒ ከርሰቶሳ ዳዎ ያሳ ና ገዲኪ?” ገዲ ዛሪዳሰ። *

17 ዩሱሲ “ዮና ና ሲሞና ኔኒ ኣንጄቲዳዳይ! ኔሰ ሃይሳ ቆንጫሲዳይ ሳሎን ዲዛ ታ ኣዎፔ ኣቲን ኣሾኔ ሱሌ ገደና። 18 ኔኒ ዛላ፤ ሃይሳ ዛላ ቦላ ታኒ ታ ዎሳ ኬሌ ከፃና፤ ጋናሚ ፔንጌቲካ ኢዙ ያኔቲና። 19 ሳሎ ካዎቴላ ቁልፔታ ታ ኔሰ ኢማና፤ ኔኒ ቢታ ቦላ ሃኖ ገዛይ ዉሪ ሳሎኒካ ሃናና። ቢታ ቦላ ኔ ሃኖፕ ገዳይሲ ዉሪካ ሳሎኒካ ሃኔና” ገደሰ። *

20 ቃሴካ ኢዚ ከርሰቶሳ ገዲዳይሳ ኢሰቲ ኦናሰካ ዮቶንታ ማላ ባና ካለዛይታሰ ሎዔሌ ዮቲዳሰ። †

ዩሱሲ ባ ቦላ ጋካና ሜቶ ገሺ ናምዓንጎላካ ዮቲዳሰ

21 ሃሳሬ ሃ ሲሚን ዩሱሲ ዩሩሳላሚ ባናይሳ፥ ሄን ዳሬ ጨማታን፥ ቁሴታ ሃላቃታኒኔ ሙሴ ዎጋ ታማርሲዛይታ ኩሺን ዎዬ ኤካናይሳ፥ ሃይቃናይሳኔ ሄዥጎላ ጋለሰ ሃይቆፔ ዳንዳናይሳ ባና ካለዛይታሰ ቆንጫሲዲ ዮቲዳሰ።

22 ጳፅርሲ ዩሱሳ ጌዴ ኢሲ ባጋ ዛሪዲ “ጎደ! ሃይሲ ኔ ቦላ ጋኮሬ!” ገዲ ሃንቁዳሰ።

23 ዩሱሲ ጳፅርሳኮ ሸቂዲ “ሃይሶ ያላዔ! ሃይሳሬ ኪቻ! ኔኒ ኣሳዛፔ ኣቲን ያሳ ዮፆይ ኔ ዎዘና ገደን ባይንዳ ገሺ ኔ ታሰ ቆጶ ገዲዳሳ” ገደሰ።

24 ቃሴካ ዩሱሲ ባና ካለዛይታሰ “ታና ካላናሰ ደሲዛ ኣሲ ባና ካደ፤ ባ ማሰቃሌ ቶኪዲ ታና ካሎ። ‡

25 ባ ሺሞፕ ኣሻና ኮዩዛ ኣሲ ዉሪ ጳይሳና፤ ገደ ኣቲን ባ ሺሞፕ ታ ገሺ ጳይሲዛይይ ኣሻና። * 26 ኣሲ ኣላሚን ዲዛዘ ኩሚሳ ሃሪድ ባ ሺሞፕ ጳይሲኮ ኢዛ ኣይ ማዳኔ? ዎይኮ ኣሲ ባ ሺሞፕ ገሺ ቃንፃና ዳንዳዩዛዚ

* 16:1 ሉቃ 11:38 * 16:3 ኢሲ ኢሲ ገሻ ማፃፊታን ፓይዶ ናምዓኔ ሄዥ ቦላ ዩሱሲ ሃሳዩዳ ለሚሶዛ ጎዔቲቴና። * 16:4 ማቶ 12:39፤ ሉቃ 11:29 * 16:6 ሉቃ 12:1 * 16:9 ማቶ 14:17-21 * 16:10 ማቶ 15:34-38 * 16:14 ማር 6:14-15፤ ሉቃ 9:7-8 * 16:16 ዮሃ 6:68-69 * 16:19 ማቶ 18:18፤ ዮሃ 20:23 † 16:20 ከርሰቶሳ ጉሲ ያሳሬ ቲዩቲዳይ ጉሳ። ‡ 16:24 ማሰቃሌ ጉሲ ሜቶ ጉሳ። * 16:25 ማቶ 10:39፤ ሉቃ 17:33፤ ዮሃ 12:25 * 16:27 ማቶ 25:31፤ ማዛ 62:12፤ ኦር 2:6

አዘ? 27 አሳ ናይ ባ አዋ ቦንቸራኔ ሳሎ ኪታንቻታራ ያና፤ አሳሰ አሳሰ አዛ ኦሶ ማላ አዛዳ ዋጋ አማና። * 28 ታ አንቴስ ቱሙ ጋይስ፤ ሃይሳን ኤቁዳ አሳታ ገደፌ አሳ ናይ ባ ካዋቱላራ ዪሺን ቤያና ጋካናስ ሃይቆይ አሰታ ቦቸንታ አሳቲ ዳቴስ” ገደስ።

17

ዩሱሳ ማዳይ ላማቲዳስ
(ማር 9:2-13፤ ሉቃ 9:28-36)

1 ኡሱቸን ጋላሳፌ ጉዬ ዩሱሳ ጳጳርሳኔ ያቆቤ ቃሴካ ያቆቤ አሻ ዮሃንሳ ሳናራ ኤኪዲ አሰታራ ዓላላ አሲ ጶቃ ዙማ ቦላ ኬዚዳስ። * 2 አሰቲ ሄን ዲሺን ዩሱሳ ማዳይ ላማቲዳስ፤ አዛ አይፌሶይ አዋ አርሼ ማላ ፖዲዳስ፤ አዛ ማይደይካ ፖዎ ማላ ያልቁዳስ። 3 ሄራካ ሙሴይኔ ኤላሲ ዩሱሳራ ሃሳዪሼ አሰታሰ ቤቲዳስ። 4 ጳጳርሲ ዩሱሳ “ሳደ! ኑ ሃንን ዲዛኮ ኦስ ሎዎኮ! ኔ ሽኔ ገዲኮ አሲ ዳሴ ኔስ። አሲ ዳሴ ሙሴስ። አሲ ዳሴ ኤላሳስ ሄቸ ዳሴ ኦሎ?” ገደስ።

5 አዚ ቡሮ ሃሳያን ዲሺን ፖዲዛ ሻራይ አሰታ ካሚዳስ፤ ሻራ ጋላራ “ታኒ አዛን ኡፋዬቲዛ ታ ደሲዛ ታ ናይ ሃይሳ፤ አዚ ገዛዝ ሲዪቲ” ገዛ ቃላ ገሪስ ሲዬቲዳስ። *

6 አዚ ካሊዛይቲካ ሄሳ ሲዪዳ ዋዳ ዳጋሚዲ ቢታ ቦላ ጉፋኒዳ። 7 ዩሱሳ አሰታኮ ሸቂ አሰታ ባ ኩሼን ቦቸዲ “ዳንዲቲ፤ ባቦፍቲ!” ገደስ። 8 አሰቲ ጶቁ ገ ያሊሺን ዩሱሳ፤ ኣቲን አዛራ ሃራ አሰ ኦናካ ቤዲቤቲና።

9 አሰቲ ዙማ ቦላፌ ዋዲሺን ዩሱሳ “አሳ ናይ ሃይቆፕ ዳንዳና ጋካናስ አንቴ ቤዮይሳ ኦናሰካ ዮቶንታ ማላ” ገ አዛዚዳስ።

10 ዩሱሳ ካሊዛይቲ “ሂስቲን ሙሴ ዋጋ ታማርሲዛይቲ፤ ኤላሲ ካሴቲዲ ያና ቤሴስ አዛስ ገዘ?” ገዲ አይቸዳ። *

11 አዚካ አሰታሰ “ቱማኮ፤ ኤላሲ ዪዲ ዉርሲካ ገሊሳና ገዲ ዛሪዳስ። 12 ታ አንቴስ ገዛይ ኤላሲ ዪዳስ፤ ገደ አቲን አሳይ ባ ኮይዳ ማላ አዛ ቦላ ኦሊዳስ አቲን አዛ ኤርቤና፤ ሃሳላካ አሳ ናይ አሰታ ኩሼን ዋዬ ቤያና” ገደስ። *

13 ሄ ዋዳ ዩሱሳ ካሊዛይቲ ዩሱሳ አሰታሰ ዮቲዛይስ ፃማቁዛ ዮሃንሳ ገሽ ገዲዲይሳ ኤሪዳ።

ዳይዳንላ ኦይኪዳ አሲ ና ዩሱሳ ፓሊዳስ
(ማር 9:14-29፤ ሉቃ 9:37-43)

14-15 ዩሱሳኔ አዛ ካሊዛይቲ አሳኮ ሲሚዳ ማላ አሲ አሲ ዩሱሳኮ ሸቂዲ አዛ ሲንላን ጉልባቲዲ “ሳደ! ታ ና ዳይሳ ቦላፌ ዩገዛ ሃርጌይ ዳር ዋይሲዛ ገሽ ታስ ማራሪኪ! ዳር ዋዳ ታማን ኩንዳስ፤ ሃላንካ ጌሊስ። 16 ታኒ ናዛ ኔና ካሊዛይታኮ ኤሃዲስ ሺን አሰቲ አዛ ፓላና ዳንዳይቤቲና” ገደስ።

17 ዩሱሳ “ኔኖ አማኖንታ ጌላ ዩሊታዘ! አይዳ ጋካናስ ታ አንቴናራ ዳኔ? ቃሴ አይዳ ጋካናስ ታ አንቴና ዳንዳይኔ? እኔ ናዛ ሃ ታኮ ኤሂቲ” ገደስ። 18 ሃሳፌ

ጉዬ ዩሱሳ ዳይዳንላ ሴሪዲ ናዛፕ ኬሲዳስ፤ ናዚካ ሄ ሳቴፕ ሲሚዲ ፓዲዳስ።

19 ዩሱሳ ካሊዛይቲ ዓላላ አዛኮ ሸቂዲ “ኑኒ ዳይዳንላ ኬሳናስ አዛስ ዳንዳይቤይኮኒ?” ገዲ አይቸዳ።

20 አዚካ አሰታሰ “አንቴስ አማኖይ ፓጩ ገዲዳ ገሽ ዳንዳይቤይታ፤ ታ አንቴስ ቱሙ ጋይስ፤ ቁሪ ጋሼ አይፌ ማላ አማኖይ አንቴ ቦላ ዲዛኮ ሃይሳ ዙማ “ሃይሳፌ ዳንዳይ ጌዳ ባ!” አንቴ ገዳኮ አዚ አንቴስ ባና። አንቴና ያናይ ዳና። * 21 ሃይሳ ማላይ ገዲኮ ያማኒኔ ዋሳን አቲን ሃራን ኬዜና” ገደስ። *

22 አሰቲ ጋሊላን አሲፌ ዲሺን ዩሱሳ አሰታ “ታና አሳ ና አሳስ አሊ አማና። 23 አሰቲካ አዛ ዋዳና፤ አዚካ ሄቸንላ ጋላስ ዳንዳና” ገን አዛ ካሊዛይቲ ኬሂ ሚሽቲዳ።

የሳ ኬላ ገራ ቃንዎ

24 ዩሱሳኔ አዛ ካሊዛይቲ ቁፊርናሆሜ ጌቲቲዛሶ ጋኪዳፕ ጉዬ የሳ ኬላ ገራ ኤኪዛይቲ ጳጳርሳኮ ሸቂዲ “አንቴ አሰታማሪይ የሳ ኬላ ገራ ናሞሱ ዲናሪዛ አይስ ቃንዳኔ?” ገዲ። *†

25 አዚካ አሰታሰ “ቃንዳኔ” ገደስ። ጳጳርሲ ሶ ጌሊዳ ማላ ዩሱሳ ካሴቲዲ “ሲሞና ዳሬ ካዋቲ ገራ ገዲን ዋይኮ ቃራፃ ገዲን ባ ናይታፕ ኤኪዛዬ? ሃራታፕ ኤኪዛ ሚሳቲዬ?” ገደስ።

26 ጳጳርሲካ “ሃራታፕ ኤኪቲስ” ገደስ። ዩሱሳ “ሂስቲኮ ናይታ ቦላ አጮይ ባ ጉሳካ! 27 ሂስቲኮካ አሰታ ኑ ቆዳዳንታ ማላ ኔ ሞሌ ኦይኪዛ ገቲ ኤካ ባዳ አሳን ዩጋ፤ ኮይር ኦይኪዳ ሞሊዛ ዳና ኔ ፖቃዳ ዳሚዛ ሚሻ ኤካዳ ታ ሱንላራ ኔ ሱንላራ ገራ ቃንዎ” ገደስ።

18

ሳሎ ካዋቲላን ኡባፌ አዳናይ ኦኔ?
(ማር 9:33-37፤ ሉቃ 9:46-48)

1 ሄ ዋዳ ዩሱሳ ካሊዛይቲ አዛኮ ሸቂዲ “ሳሎ ካዋቲላን ኑ ጋራሳን ኡባፌ አዳናይ ኦኔ?” ገ አይቸዳ። * 2-3 ዩሱሳ አሲ ና ያይገ ኤሂዲ አሰታ ገደን ኤሲዲ “ታ አንቴስ ቱሙ ጋይስ፤ አንቴ ሲሞንታ አዲኮኔ ጉላ ናይታ ማላ ሃኖንታ አዲኮ ሙሊካ ሳሎ ካዋቲላ ጌሊኬታ። * 4 ሃሳ ገሽ ሃ ናዛ ማላ ባና ዘቁሲዛይይ ሳሎ ካዋቲላን ኡባፌ አዳና። 5 ሃይሳ ማላ ጉላ ና ታ ሱንላን ኤኪዛይይ ታና ኤኬስ። *

6 “ገደ አቲን ታና አማኒዛ ጉላታፕ አሳይ ቆዳዳዚዛይ ዳዎ ዋዳ ሹቕ ባ ቆዳን ቃሽቲዲ አሳ ጨማን ዩጌቲዲ ማቲቲኮ አዛስ ሎዎ ገደና” ገደስ። 7 ሃና አላሚያ አሲ ቆዳና ጋሶ ገዲዳ ገሽ አዚስ አይ-አና! ቆዳይ ዩስ አጌና ሸን ቆዳዳዘስ ጋሶ ገዲዛይስ አይ-አና!

8 ኔ ኩሼይ ዋይኮ ኔ ቶሆይ ኔና ቆዳናስ ጋሶ ገዲኮ ኔፕ ቃንዎ ዲጋ! ኔ ናሞሱ ኩሼራ ዋይኮ ናሞሱ ቶሆራ ጌዳ ሚርና ታማን ዩጌታናፕ ዋቤ ዋይኮ ቶሆ

* 17:1 2ጴጥ 1:17-18 * 17:5 ሜዴ 22:2፤ ዛሬ 18:5፤ ማቶ 3:17፤ 12:8፤ አሳ 2:7፤ ማር 1:11፤ ሉቃ 3:22 * 17:10 ሚክ 4:5
* 17:12 ማቶ 11:14 * 17:20 ማቶ 21:21፤ ማር 11:23፤ 1ቆር 13:2 * 17:21 አሲ አሲ ጌላሻ ማፃፋታን ፓይዶ ናሞሱ ታሚኔ አሲን ቦላ ዲዛ ቆፋይ ጉጃቲቤና፤ ቃላይካ ማር 9:29 ዲዛይሳ ማላ። * 17:24 ኬሳ 30:13-15፤ 38:26 † 17:24 አሲ ዲናሪይ ሄ ዋዳ አሲ አሳስ ናሞሱ ጋላሳ ዳሞዛ ላጌ። * 18:1 ሉቃ 22:24 * 18:2-3 ማር 10:15፤ ሉቃ 18:17 * 18:5 ማር 9:42-48፤ ሉቃ 17:1-2

ሲላ ገዳዳ ሄ ጌዴ ዳይይ ዲዛሶ ጌሎይ ኔሰ ሎዓና።
9 ሃሳብ ኔ ኣይፊይ ኔሰ ዱጶ ገዲኮ ኔፔ ኬሳ ዬጋ!
ናምዑ ኣይፊፊ ጌዴ ጋናሜ ታማን ኔ ዬጌታናፕ ኢሲ
ኣይፊፊ ዳይይ ዲዛሶ ኔ ጌሊዛይሲ ኔሰ ሎዓ። *

10 “ሃይታ ጉሳታ ገደፊ ኢሲኒዮካ ኢንቴ ካጶንታ
ማላ ናጌቲቲ! ታ ኢንቴሰ ቱሙ ጋይሰ፤ ሳሎን ዲዛ
ኢሰታ ኪታንቻቲ ሳሎን ታ ኣዋ ኣይፊፊ ኡባ ጋላሰ
ጸሌቲሰ። 11 ኣሳ ናይ ጳዩዳይታ ኣሻናሰ ዩዳሰ። **

**ጳዩዳ ደርሳ ለሚሶ
(ሉቃ 15:3-7)**

12 “ኣኔ ታሰ ዮቲቲ ኢሳዳሰ ጻቲ ደርሲ ዲኮ ቃሴ
ኢሰታፊ ኢሲና ጳይኮ፣ ሃንኮ ኡዲፋን ታማኔ ኡዲፋናታ
ዙማ ቦላ ዩጊዲ ጳዩዳር ኮያና ቢ ኤሬኔ? 13 ታ ኢንቴሰ
ቱሙ ጋይሰ፤ ሃንኮ ጳዮንታ ኣቲዳ ኡዲፋን ታማኔ
ኡዲፋን ደርሳታፔ ኣሊዲ ቤቲዳ ደርሳይን ኡፋዬቲሰ።
14 ሃሳብ ሃ ጉሳታ ገደፊ ኢሶይ ጳያና ማላ ሳሎን
ዲዛ ኢንቴ ኣዋ ሹኔ ገደና።

ቆሃዳዳሰ ኣይ ኦላና ቤሲዛኮ

15 “ኔ ኢሻይ ኔና ቆሃኮ ኢዛኮ ባዳ ኢዛ ጻላ ኔናራ
ኤካዳ ኢዛ ሞሮ ኢዛሰ ዮታ፤ ኢዚ ኔ ገዛ ሲዩኮ ኔ
ኢሻ ኔ ኣሰ ኦላሳ። * 16 ኢዚ ኔ ገዛይሳ ሲዮንታ ኢደኮ
ዮገይ ወሪ ናምዑ ማርካን ዋይኮ ሃሹ ማርካን ላጲዛ
ገሽ ኢሳዳ ዋይኮ ናምዑ ኣሰ ኔናራ ኤካ ባዳ ኢዛ
ሃሳይሳ። * 17 ኢዚ ኢሰታካ ሲዮንታ ኢደኮ ዋሳ ኬላሰ
ዮታ፤ ዋሳ ኬላዮካ ሲዮንታ ኢደኮ ኢዛይ ኔ ኣማናንታዳ
ማላኔ ዮቲን ሲሞንታ ኢታ ኣሳ ማላ ቆዳ።

18 “ታ ኢንቴሰ ቱሙ ጋይሰ፤ ኢንቴ ቢታ ቦላ
ቃቺዳይ ወሪካ ሳሎንካ ቃሹቲዳ ገደና፤ ኢንቴ ቢታ ቦላ
ቢርሺዳዚ ሳሎንካ ቢርሹቲዳይሳ ገደና። * 19 ቃሴካ
ታ ኢንቴሰ ቱሙ ጋይሰ፤ ኢንቴ ቢታ ቦላ ናምዑ ገዲዲ
ኣይ ሚሺካ ኤሮ ኤሮ ገዲ ኢንቴ ኣይቺኮ ሳሎን ዲዛ
ታ ኣዋይ ኢንቴሰ ኢማና። 20 ናምዑ ዋይኮ ሃሹ ገዲዲ
ታ ሱንላን ኢንቴ ሸቁዘሶን ሃን ኢንቴ ገደን ታ ዳና”
ገደሰ።

ማር ገሽ

21 ሃሳ ዋዴ ጳፀርሲ ዩሱፋኮ ሸቁዲ “ጎደ! ታ
ኢሻይ ታና ቆሃኮ ታ ኢዛሰ ኣፑንቶ ኣቶ ጎ? ላፑንቶ
ኣቶ ጎ?” ገደሰ። *

22 ዩሱሲካ ኢዛሰ ዛሪዲ “ላፑን ታሙቶ ላፑን ኣቲን
ላፑንቶ ጻላላ ጋ፣ ገኬ፤ *

23 “ሃሳ ገሽ ሳሎ ካዎቲላ ኣሸካራ ቦላ ዲዛ ሚሹ
ሸሻና ኮይዳ ካዎ ሚሳታወሰ። 24 ሚሻ ቆዳ ኣይኪዳ
ማላ ኢዛ ኣሸካራታፔ ዳር ሚሎኔ ቢራ ኣጮይ ኢዛ
ቦላ ዲዛይ ኤኪ ዩዳ። † 25 ኣሸካራይካ ኢዛ ቦላ ዲዛ
ኣጮዛ ቃንገይ ያንዳ ገሽ ኢዚካ ኢዛ ማቺያካ ኢዛ
ናይቲኔ ኢዛሰ ዲዛዚ ወሪ ባይዘቲዲ ሚሻይ ቃንጻታና
ማላ ኢዛ ጎዳይ ኣዛዚዳሰ። 26 ሄ ዋዴ ኣሸካራዚ ጎዳዛ
ቶሆ ቦላ ኩንዲዲ ታኒ ታ ቦላ ዲዛ ኣጮዛ ወርሲ ኔሰ

ቃንጻና ጋካናሰ ታሰ ጉላ ዋዴ ኢማርኪ!” ገዲ ዋሲዳሰ።
27 ኢዛ ጎዳይካ ኢዛሰ ሚሹቲዲ ኢዛ ኣጮዛ ወርሲ
ማሪዲ ዩዲዳሰ።

28 “ሄ ኣሸካራይካ ባ ጎዳ ኣቻፊ ኬዚዳ ማላ ጉላ
ኣጮይ ኢዛ ቦላ ዲዛ ባ ላጌ ዳሚዲኔ ኔ ቦላ ዲዛ
ታ ሚሻዮ ሃዲ ሃኒን ቃንጻ” ገዲ ጨሊ ኣይኪዳሰ። †

29 ሄ ኢዛ ላጌ ኣሸካራይ ታሰ ጉላ ዋዴ ኢማርኪ! ታ
ኔሰ ቃንጻና” ገዲ ኢዛ ቶሆ ቦላ ኩንዲዲ ዋሲዳሰ።

30 “ገደ ኣቲን ኢዛሰ ጉላ ዋዴ ኢማናሰ ኮዮንታ
ኢዲዲ ኢዛ ላጌዚ ባ ቦላ ዲዛ ኣጮዛ ቃንጻና ጋካናሰ
ቃሹ ኬላን ዩገደሰ። 31 ሃሳ ኢዚ ኣሊሽን ቤዩዳ
ኣሳይኔ ሃንኮ ኢዛ ላጌ ኣሸካራቲ ዳር ሚሹቲዳ። ቢዲካ
ሃኒዳይሳ ወርሲ ባ ጎዳሰ ዮቲዳ።

32-33 “ሄ ዋዴ ጎዳዚ ሄ ኣሸካራ ጻይገሲ ኤሃዲ፣
ሃይሶ ኔና! ኢታዞ፣ ኔ ታና ዋሲን ኔ ቦላ ዲዛ ኣጮዛ ታ
ኔሰ ኣጋዲሲሽን ታ ኔና ማሪዳ ማላ ኔካ ኔ ላጌዛ ማራናሰ
ቤሴኔ? 34 ገዲ ኢዛ ቦላ ዲዛ ኣጮዛ ኢዚ ወርሲ
ቃንጻና ጋካናሰ ቃቻና ማላ ቃቺዛይታሰ ኣሊ ኢሚዳሰ።
35 ሃሳ ገሽ ኢንቴ ኢሶይ ኢሳ ዋዘናፔ ማርንታ ኣገኮ
ሳሎን ዲዛ ታ ኣዋይካ ኢንቴና ማሪና” ገደሰ።

19

**ዩሱሲ ኤኮ ገሽን ጌሎ ገሽ ታማርሲዳሰ
(ማር 10:1-12)**

1 ዩሱሲ ዮቲ ወርሲዳፔ ጉዬ ጋሊላ ኣገዲ ዮርዳኖሴ
ፒንላን ዲዛ ዩሁዳ ኣወራጃ ቢዳሰ። 2 ዳር ዳሪይ ኢዛ
ሃን ካሊን ኢዚካ ሃርጋንቻታ ፓሊዳሰ።

3 ፋርሳዌቲ ኢዛ ፓጫናሰ ኢዛኮ ሸቁዲ ኣይ ጋሶንካ
“ኣሲ ባ ማቾ ኣንጂ ዩዳና ቤሲዜ?” ገዲ ኣይቺዳ።

4 ኢዚካ ኢሰታሰ “ዮሲ ኮይሮፔ ማጫኔ ኣዴ
ሜጲዳይሳ ናባቢይኬቲ? ገደሰ። * 5 ቃሴካ ኣሲ
ኣዋኔ ኣዮ ኣገዲ ባ ማቺራ ኢሲፊ ገደሰ። ናምዓይካ
ኢሲ ኣሾ ገዴቲሰን ጌቲቲዳይሲ ሃይሳ ጌዶን ገዴኔ?
ገደሰ። * 6 ናምዓይ ኢሲ ኣሾ ኣቲን ሲንላፊ ናምዑ
ገዴቲና። ሃሳ ገሽ ያሲ ጋሊ ዋዲዳይሳ ኣሲ ሻኮፎ”
ገደሰ።

7 ኢሰቲካ ኢዛሰ “ሂሰቲን ሙሴይ ኣሲ ባ ማቾ
ኣንጂ ዩዲዳ ኣንጂ ዋራቃታ ኢዚሰ ኢሚ ዩዶ” ገዲ
ኣዛሰ ኣዛዚዳ?” ገዲ። *

8 ዩሱሲካ ኢሰታሰ “ሙሴይ ኢንቴ ዋዘና ሙሚቲላ
ቤዩዲ ማቺታ ኢንቴ ኣንጅና ማላ ፒቃዴ ኢንቴሰ ኢሚዳሰ
ኣቲን ኮይሮፔ ሃሳ ማላ ገደና።

9 “ታ ኢንቴሰ ቱሙ ጋይሰ፤ ባ ኣዚናፔ ሃራራ
ላይማቶንታ ዲሺን ባ ማቾ ኣንጂዲ ሃራ ማቾ
ኤኪዳይ ወሪ ላይማቲሰ። ኣንጅቲዳርካ ኤኪዳይ
ኢዚራ ላይማቲሰ” ገደሰ። * 10 ዩሱሳ ካሊዛይቲ
ኢዛሰ “ማቺ ዋጋይኔ ኣዚና ዋጋይ ሃይሳ ማላ ገዲኮ
ማቾ ኤኮንታ ኣሳይ ሎዖ” ገዲ።

* 18:9 ማቶ 5:29 * 18:11 ሉቃ 19:10 * 18:11 ኢሲ ኢሲ ገሻ ማጻፋቲ ፓይዶ ታማኔ ኢሲን ቦላ ዲዛ ቆፋ ጉጃቲሰ፤ ኢዚካ ሉቃሳ
ሹምፖ 10 ቦላ ዲዛይሳ ማላ። * 18:15 ሉቃ 17:3 * 18:16 ዛሬ 19:15 * 18:18 ማቶ 16:19፤ ዮሃ 20:23 * 18:21 ሉቃ
17:3-4 * 18:22 ሜዴ 4:24 † 18:24 ዳር ሚሎኔ ቢራ ዳር ሚሎኔ ቢራ ገዛይሲ ኣማራላ ማጻፋን ሚክሊቲ፣ ገሰ፤ ኢሲ ሚክሊቲይ ሄ
ዋዴ ኢሲ ኣሳሰ ታማኔ ኢቻሹ ላይላ ዳዋዘፔ ቦላ ገዲዳይሳ ቤሴሰ። ‡ 18:28 ጉላ ኣጮይ ገዛይሳ ኣማራላ ማጻፋን ጻቲ ዲናሬ” ገሰ፤ ሄ
ዋዴ ኢሲ ኣሳሰ ኢሲ ጋላሳ ኦሶ ዳዋዘ ቤሴሰ። * 19:4 ሜዴ 1:27፤ 5:2 * 19:5 ሜዴ 2:24 * 19:7 ዛሬ 24:1-4፤ ማቶ 5:31
* 19:9 ማቶ 5:32፤ 1ቆር 7:10-11

11 ገደ ኣቲን ዩሱሲ ኢስታስ “ኢሲ ኢሲ ኢሜቲዳ ኣሳታፔ ኣቲን ሃይሳ ቲሚርቲዛ ኦኒካ ኤካናስ ዳንዳዬና።
 12 ጋሶይካ ኢሲ ኢሲ ኣሳይ ባ ኣዩ ኡሎፔ ዩሎቲሼ ሹፋ ገደዲ ዩሎቲስ፤ ኢሲ ኢሲ ኣሳይ ኣሳ ኩሼን ቃራቲቲዲ ጉንዲሎስ፤ ኢሲ ኢሲ ኣሳይ ሳሎ ካዎቲሳስ ገደ ዓና ባርካ ጉንዲላ ኦሲዛ ኣሲካ ዴስ። ሃይሳ ኤካናስ ዳንዳዩዛዴይ ኤኮ” ገደስ።

ዩሱሲ ጉላ ናይታ ኣንጂዴስ
 (ማር 10:13-16፤ ሉቃ 18:15-17)

13 ሄ ዎዴ ዩሱሲ ኢስታ ቦላ ባ ኩሼ ዎሊዲ ዎሳና ማላ ጉላ ናይታ ኢዛኮ ኤኪ ኤሂዳ፤ ገደ ኣቲን ኢዛ ካሊዛይቲ ናይታ ኤሂዳ ኣሳታ ቦላ ሃንቄቲዳ። 14 ዩሱሲ “ናይቲ ሃ ታኮ ዩቶ፤ ዲንፍቲ፤ ሳሎ ካዎቲላ ሃይታንታ ማላሳ!” ገደስ።

15 ባ ኩሼ ናይታ ቦላ ዎሊዲ ኣንጂዳፔ ጉዬ ሄፔ ዴንዲ ቢዴስ።

ናቴላ ዱሬ ኣዴዛ ኦይሻ
 (ማር 10:17-31፤ ሉቃ 18:18-30)

16 ሃሳፌ ጉዬ ኢሳይይ ዩሱሳኮ ሸቂዲ “ኣስታሚሬ! ማርና ዴዎ ዴማናስ ታኒ ሎዎ ኦሶ ኣይ ኦሶ?” ገደ ኦይቺዴስ። 17 ዩሱሲካ “ታና ኣዛስ ሎዎ ገሽ ኦይቺይ? ሎዎይ ኢሲ ዎሳ ያላላ፤ ጌዴ ዴዎይ ዲዛሶ ኔ ጌላና ኮይኮ ኣዛዘታ ናጋ” ገደስ።

18-19 ኣዴዚ “ኣዛዘቲ ኣዎይቲ?” ገደ ኦይቺዴስ። ዩሱሲካ ዛሪዲ “ኣስ ዎቶ፤ ላይማቶ፤ ካይሶቶ፤ ዎርዶ ማርካቶ፤ ኔ ኣዎኔ ኔ ኣዮ ቦንቻ፤ ኔ ሸር ኔ ማላ ሲቃ” ገደስ። * 20 ናቴላዚ ዛሪዲ “ሃይሳ ወርሳ ታ ናጋዲስ፤ ሃራይ ኣዚ ታስ ፓጩዴ?” ገደስ።

21 ዩሱሲካ ዛሪዲ “ኔ ሙሌ ዓላና ኮይኮ ባዳ ኔ ሃራዳዝ ወርሳ ባይዛዳ ሚሻ ወርሳ ማንቆታስ ኢማ፤ ኔኒ ሳሎን ሚሽ ዴማንዳሳ፤ ሃሳፌ ጉዬ ሲማ ያዳ ታና ካላ” ገደስ።

22 ኣዴዚ ሃሳ ሲይዲ ኢዛስ ዳር ሚሽ ዲዛ ገሽ ኬሂፔ ሚሽቲሼ ቢዴስ። 23 ዩሱሲ ባና ካሊዛይታ “ታ ኢንቲስ ቱሙ ገይስ፤ ዱሬቲ ሳሎ ካዎቲላ ጌላናይሲ ዳር ሜቶ። 24 ቃሴካ ታኒ ኢንቲስ ገዛይ ዱሬይ ሳሎ ካዎቲላ ጌላናይሳፌ ጋሜላይ ናርፔ ሉኮራ ኣዴላ ካወያና” ገደስ። *

25 ሃሳ ሲዩዳ ኢዛ ካሊዛይቲ ዳር ቆፒዲ “ሂስቲን ኦኒ ኣታናስ ዳንዳዩዜ?” ገደ ዩሱሳ ኦይቺዳ።

26 ዩሱሲካ ኢስታ ያሊዲ “ሃይሲ ኣሳ ኣቻን ዳንዳዩቲና፤ ያሳ ኣቻን ገደኮ ወሪካ ዳንዳዩቲስ” ገደስ።

27 ጴጥሮሲ ኢዛስ ዛሪዲ “ኦ ወርሲካ ኣገዲ ኔና ካሊዳስ፤ ሂስቲን ሃዲ ኦ ኣይ ዴማኔሻ?” ገደስ።

28 ዩሱሲካ ኢስታስ “ታ ኢንቲስ ቱሙ ገይስ፤ ኣሳ ናይ ቡር ያና ኦራፋ ኣላሚን ባ ቦንቻ ኣልጋ ቦላ ኡቲዛ ዎዴ ኢንቲ ታና ካሊዳይቲ ታማኔ ናዎ። ኣልጋ ቦላ ኡቲዲ ታማኔ ናዎ። ኢስራዴሌ ናይታ ቦላ ፒርዳና። *

29 ታ ሱንጎ ገሽ ገደ ባ ኬላ፤ ባ ኢሻታ፤ ባ ሚቺታ፤ ባ ኣዎ፤ ባ ኣዮኔ ባ ናይታ፤ ዎይኮ ባ ቢታ ኣገዛ ኣሲ ወሪ ያቲ ኩሼ ዳኮ ኤካና፤ ሜጲና ዴዎካ ላታና። 30 ገደ

ኣቲን ዳር ሲንጼ ገደዳ ኣሳቲ ጉዬ ገደና፤ ዳር ጉዬን ዲዛ ኣሳቲ ሲንጎታና። *

20

ዎይኔ ኣታኪልቲ ኦሳንቻታ ለሚሶ

1 “ሳሎ ካዎቲላ ባ ዎይኔ ኣታኪልቲ ገደን ኦሲዛ ኦሳንቻታ ቃፃራናስ ማላደራ ኬዚዳ ኢሲ ኣታኪልቲይ ዲዛ ጋዳዴ ሚሳታወስ። 2 ኢሲ ጋላሳ ዳሞዛ ገደዛዝ ሃሳዬቲዲ ገገዳፔ ጉዬ ኦሳንቻታ ዎይኔ ኣታኪልቲ ኦሶ ኦይላዴስ።

3 “ማላዶ ሄቩ ሳቲን ኬዚዲ ኦሶይ ባይንዳ ሜላ ገያይ ኤቁዛሶን ኤቁዳ ሃራ ኣሳታ ዴሚዴስ። 4 ኣንቲ ቢዲ ታ ዎይኔ ገደን ኦላቲ፤ ታ ኢንቲስ ቤሲዛ ሚሼ ኢማና ገደስ። 5 ኢስቲካ ቢዳ። ቃሴካ ጋላሳፌ ኡሱቸን ሳቲኒ ኡዲፋን ሳቲ ቦላ ኬዚዲ ሃራ ኦሳንቻታ ኦሶን ጌልላዴስ። 6 ኦማርሳ ዎዴ ታማኔ ኢሲ ሳቲ ገደዛ ዎዴ ኬዚዲ ጮ ኤቁዳይታ ሃራታ ዴሚዲ ኣንቲ ኩሜላ ጋላስ ኦሶይ ባይንዳ ኣዛስ ሃይሳን ኤቁቲ?” ገደ ኦይቺዴስ።

7 “ኢስቲካ ኦና ኦሊሲዛ ኣሲ ዳዩዳ ገሽ ኤቁዶስ” ገደ። ኢዚካ ኢስታ ኣንቲካ ቢዲ ታ ዎይኔ ኣታኪልቲ ገደን ኦላቲ” ገደስ።

8 “ጋዴይ ቃሚሺን ዎይኔ ኣታኪልቲካ ጎዳይ ኦሳንቻታ ኣላፊዛስ ጉዬፔ ዩዳይታፔ ኦይካዳ ኮይር ዩዳይታ ጋካናስ ዲዛ ኦሳንቻታ ወርሲ ያይጋዳ ኢስታ ኦሶ ዎጋ ቃንፃ” ገደስ። * 9 ታማኔ ኢሲንጎ ሳቲ ቦላ ኦሶን ጌሊዳይቲ ዩዲ ኢሶይ ኢሶይ ኩሜላ ጋላሳ ዎጋ ኤኪዳ።

10 “ኮይር ኦሶን ጌሊዳይቲ ዩሼ ባ ዎዝናራ ሃንኮይታፔ ቦላራ ዳር ዴማና ገ ቆፒሺን ኢስታሰካ ሃንኮይታፔ ገና ኢሚዴስ። 11-12 ሚሻ ኤኪሼ ቃንፃዛዴ ቦላ ሃይቲ ወርሴላን ኦሶን ጌሊዲ ኢሲ ሳቲ ያላላ ኦላዳይቲ ኩሜላ ጋላስ ኦሶን ዱሪዲ ኣዎን ፀጌቲዲ ፔዲዳ ኦሳራ ዎስታ ኢስታስ ኢሲ ገና ቃንፃይ?” ገደ።

13-14 “ኢዚካ ኢስታፌ ኣሳዴስ ታ ጃላወ! ኔና ቆሃቤኬ፤ ኢሲ ጋላሳስ ገደዛ ዳሞዛን ኦላናስ ታናራ ገጋቤይኪ? ሃዲ ሄሂ ኔ ገሻ ኤካዳ ባ፤ ኔስ ኢሚዳይሳ ማላ ወርሴላን ዩዳይሳሰካ ታ ኢማና ኮያይስ። 15 ሂስቲን ታ ሚሻን ታ ዶሲዳዚ ኦላናስ ዳንዳዩኪና? ዎይኮ ታ ኪያ ገደዳይሲ ኔና ቃናቲሲዜ?”

16 “ጉዬን ዲዛይቲ ሲንጼ፤ ሲንጼን ዲዛይቲ ጉዬ ኣቆና” ገደስ። *

ዩሱሲ ባ ሃይቆ ገሽ ሃቫንጎ ዮቲዴስ
 (ማር 10:32-34፤ ሉቃ 18:31-34)

17 ዩሱሲ ዩራሳላሚ ቢሼ ባና ካሊዛ ታማኔ ናዎዓታ ዲማ ሻኪ ኤኪዲ 18 “ሄያ ኦኒ ዩራሳላሚ ባና ጎስ፤ ኣሳ ናይ ቁሴታ ሃላቃሲኔ ሙሴ ዎጋ ታማርሲዛይታስ ኣጲ ኢሜታና፤ ኢስቲካ ኢዚ ሃይቃና ማላ ኢዛ ቦላ ፒርዳና። 19 ኢዛ ቦላ ቁጲ ካዳናሲኔ ጋራፋና ማላ፤ ዎቆና ማላካ ዴሬታስ ኣላ ኢማና፤ ሃቫንጎ ጋላስ ኢዚካ ሃይቆፔ ዳንዳና” ገደስ።

ዛቢዳሳ ናይታ ኣዩይ ኦይሻ
 (ማር 10:35-45)

* 19:18-19 ኬሳ 20:13-16፤ ዛሬ 5:17-20፤ ሉዌ 19:18 * 19:24 ጋሜላይ ገዛይሳ ኢሲ ኢሲ ባጋ ጋሞላ ቃላን ጋሌይ ጌቲስ።
 * 19:28 ማቶ 25:31፤ ሉቃ 22:30 * 19:30 ማቶ 20:16፤ ሉቃ 13:30 * 20:8 ሉዌ 19:13፤ ዛሬ 24:15 * 20:16 ማቶ 19:30፤ ማር 10:31፤ ሉቃ 13:30

20 ሃሳፊካ ዛቢደሳ ናይታ ኣያ ባ ናይታራ ዮሱሳኮ ሺቃዳ ኢዛ ሲንሳን ጉልባታዳ ዮሱሲ ኢዚሰ ኢሲ ሚሽ ኦላና ማላ ዋሳደሰ። 21 ኢዚካ ኢዛ “ኣይ ኮያይ?” ገደሰ፤ ኢዛካ “ሃይቲ ታ ና ናምዓቲ ኔ ካዎቲላን ኢሶይ ኔ ኡሻቻራ፣ ኢሶይ ኔ ሃዲርሳራ ኡታና ማላ ኦላርኪ!” ገደሰ።

22 ዮሱሲካ ዛሪዲ “ኢንቲ ዋሲዛዝ ኤሬኬታ፤ ታኒ ኡዩዛ ፀዓ ኢንቲ ኡያና ዳንዳያኔ?” ገደሰ። ኢሰቲካ “ኤ ዳንዳዮሰ” ገደሰ።

23 ኢዚካ “ታ ፀዓፕ ቱሙ ኢንቲ ኡያናሺን ታ ኡሻቻኒ ኔ ታ ሃዲርሳን ኡቲላ ታ ኣዋይ ገገሲዳዳንታሰ ኣቲን ታኒ ኢሚዛዝ ዳና” ገደሰ። 24 ታማቲ ሃሳ ሲይዲ ናምዑ ኢሻታ ቦላ ሃንቁቲዳ። 25 ዮሱሲ ኢሰታ ኢሲ ቦላ ያይገዲ “ኣይዛቤ ሃላቃቲ ባ ሃሪዛ ዳሬ ቦላ ጎዳቲዛይሳ ማላ ጎዳቲላ ዲዛይቲ ዋልቃራ ሃሪዛይሳ ኢንቲ ኤሬታ። 26 ኢንቲ ገደን ሃሳ ማላ ሃናናሰ ቤሴና፤ ኢንቲሬ ገታ ገደና ኮዩዛይይ ኢንቲሰ ኦላዛይ ገደ። *

27 ኢንቲሬ ቦላ ገደናሰ ኮዩዛይይ ኢንቲሬ ጋርሰ ገደ።

28 ኣሳ ናይ ኣሳይ ኢዛሰ ኦላና ማላ ገደንታ ኣሳሰ ኦላናሲ ና ቪምፖ ዳርታ ገሽ ኣላ ኢማናሰ ዩዳሰ” ገደሰ።

ዮሱሲ ኣይሬ ቆቄ ናምዑ ኣሳታ ፓላደሰ
(ማር 10:46-52፤ ሉቃ 18:35-43)

29 ዮሱሲ ባና ካሊዛይታራ ኢያርኮሬ ኬዚዲ ቢሺን ዳር ዳሬይ ኢዛ ካሊደሰ። 30 ሃን ኣይሬይ ቆቄዳ ናምዑ ኣሳቲ ኦኔ ዳናን ኡቲ ዳቲሰ። ዮሱሲ ኣጂ ቢዛይሳ ሲይዲ “ጎደ! ዳወቲ ናዉ ኦና ማራ!” ገደ ዋሲዳ።

31 ዳሬዚ “ሃይዚቲ!” ገደ ሃንቁደሰ፤ ገደ ኣቲን ኢሰቲ ዳርሲ ዋሲሼ “ጎደ! ዳወቲ ናዉ ኦና ማራ!” ገደ።

32 ዮሱሲካ ኤቁዲ ኢሰታ ያይገዲ “ታ ኢንቲሰ ኣይ ኦላና ማላ ኮዩቲ?” ገደሰ።

33 ኢሰቲካ “ኦ ኣይሬይ ያላና ማላ ኮዮሰ” ገደ።

34 ዮሱሲ ኢሰታሰ ሚሹቲዲ ኢሰታ ኣይሬታካ ባ ኩሹራ ቦሹቺን ሃራካ ያሊዲ ኢዛ ካሊዳ።

21

ዮሱሲ ገታ ቦንቸን ዮሩሳሌም ጌሊደሰ
(ማር 11:1-11፤ ሉቃ 19:28-38፤ ዮሃ 12:12-19)

1 ኢሰቲ ዮሩሳሌም ማታን ዳብራዛይቲ ዙማ ቦላ ዲዛ ቤቲፋጌ ጌቲቲዛሶ ጋኪዳ ማላ ዮሱሲ ባና ካሊዛይታፕ ናምዓታ ከቲደሰ። 2 “ሃና ኢንቲ ማታን ዲዛ ጉታዮ ቢዲ ኢንቲ ሃ ጋኪዳ ማላ ኢሲ ሃሪ ዲዛራ ባ ጉቲይራ ቃሹታ ዲሺን ኢንቲ ዳማና። ቢርሺዲ ሃ ታኮ ኤኪ ዩቲ። 3 ኢንቲ ኢንቲና ኣይሰ ሃይሳላ ኦላቲ?” ገኮ ጎዳይ ኢሰታ ኮዩሰ ገቲ፤ ኢንቲና ኦይቺዛይይ ሃራካ ዮዳና።

4-5 “ሃይሲካ ሃኒዛይ ካሴ ናቤን ያዮኒሰ ሂዝጌቲ
“ሃኮ! ኔ ካዎይ ኣሸኬ ገዲዲ ሃራዮኔ ሃሪይ ጉቲዮ ቶገዲ ኔኮ ያና’ ጌቲቲዳይሲ ፖሌታናሳ” ገደሰ። *

6 ኢዛ ካሊዛይቲ ዮሱሲ ኢሰታሰ ዮቲዳ ማላ ኦላዳ። 7 ሃሪዮ ኢዚ ጉቲይራ ኤሂዲ ባ ማይዮ ኢሰታ ቦላ ዋላን ኢዚካ ሃሪታ ቶገደሰ። *

8 ዳራፕ ዳሪዛ ባጋይ ባ ማይዮ ኦኔ ቦላ ሚጪደሰ፤ ባጋ ኣሳይ ሚሳ ቦንጮ ዲላ ዲላ ኦኔ ቦላ ኣላ ኣላ ዩጊደሰ። 9 ኢዛፕ ሲንሳራ ቢዛ ዳሬይኔ ጉዬራ ካሊዛ ዳሬይካ ባ ቃላ ቶቁ ሂሰቲዲ “ሆሳና! ዳወቲ ናይ ጋላቲቶ!

ጎዳ ሱንሳን ዩዳይ ኣንጄቲዳዳይ! ያሲ ጋላቲቶ!” ገደ። †

10 ኢዚ ዮሩሳሌም ጌሊዳ ዋይ ካታማ ኣሳይ ዉሪ “ሃይሲ ኦኔ?” ገደ ያርክ ያርኪደሰ።

11 ኢዛ ካሊዲ ዩዳ ዳሬይካ “ሃይሲ ጋሊላ ገደን ዲዛ ናዚሬቲፕ ዩዳ ናቤ ዮሱሳ ገደኔ?” ገደሰ።

ዮሱሲ ያሳ ኬሌን ዛልዔ ዛልዒዛ ኣሳ ጎዲደሰ
(ማር 11:15-19፤ ሉቃ 19:45-48፤ ዮሃ 2:13-22)

12-13 ሃሳፊ ዮሱሲ ያሳ ኬላ ጌሊዲ ያሳ ኬላ ካሪ ገደን ጋላን ባይዚዛይታኔ ሻሚዛይታ ጎዲደሰ። ሚሽ ላሚዛይታ ሃራጵዛታኔ ሃራጵ ባዩዚዛይታ ኦይይ ሺሪ ሺሪ ዩጊዲ “ ታ ኬላይ ዋሳ ኬሌ ጌቲቲሰ ጌቲቲዲ ያሬቲደሰ፤ ኢንቲ ቃሴ ቦንቁዛይታ ጎንጎሎ ሂሰቲዳታ” ገደሰ። *

14 ኣይሬ ቆቄታኔ ቶሆይ ሲሊዳ ኣሳታ ዮሱሳኮ ያሳ ኬሌ ኤሂዳ። ኢዚካ ኢሰታ ፓላደሰ። 15 ገደ ኣቲን ቁሴታ ሃላቃቲኔ ሙሴ ዋጋ ታማርሲዛይቲ ኢዚ ኦላዳ ማላታታ ቤዩዳይሳኒኔ ጉላ ናይቲ “ዋዜ ካዎ፣ ጋላታይ ዳወቲ ናሰ ገደ!” ገደ ዋሲዛይሳ ሲዩዳ ገሽ ዳር ሃንቁቲዳ።

16 ኢሰቲካ ዮሱሳ “ሃይቲ ናይቲ ገዛይሳ ሲያይ?” ገደ፤ ዮሱሲካ ኢሰታሰ “ኤ ሲያደሰ፤ ናይታ ዲናፕኔ ቆሚዛ ቁሪ ናይታ ዲናን ታኒ ጋላታ ገገሳዲሰ ገዛሶ ሙሌራካ ናባቢ ኤሬኬቲ?” ገደሰ። 17 ኢሰታ ዩጊ ኣገዲ ሃ ካታማፕ ኬዚዲ ቢታኒያ ጌቲቲዛሶ ቢዲ ሃን ኣቁደሰ።

ኣይሬይ ባይንዳ ባላሴ ሚሊዮ
(ማር 11:12-14፤ 20-24)

18 ዮሱሲ ዋንቲላ ጋላሰ ማላደ ጉዬ ካታማ ሲሚሺን ኢዛ ጋፊሲደሰ። 19 ኦኔ ማታን ኢሲ ባላሴ ጌቲቲዛ ሚሊ ቤዩዲ ጌዴ ኢዚኮ ሸቁሺን ሃይላ ያላላፕ ኣቲን ኣይሬይ ባይንዳይሳ ቤዩዲ “ሃያፕ ጉዬ ኔ ቦላ ኣይሬይ ደፖ!” ገን ባላሴ ሚላያ ሃራካ ሚላዲሰ።

20 ዮሱሳ ካሊዛይቲ ሃሳ ቤዩዲኔ ማላሌቲዲ “ሃና ባላሴያ ዋናዳ ሃራካ ሚላዳ?” ገደ። 21 ዮሱሲካ ኢሰታ “ታ ኢንቲሰ ቱሙ ጋይሰ፤ ኢንቲሰ ኣማናይ ዲኮኔ ኢንቲ ሲዶንታ ኣገኮ ባላሴ ሚላይ ቦላ ሃኒዳይሳ ማላ ያላላ ገደንታ ሃይሳ ዙማ ሃይሳፊ ቶቃሌታዳ ዲጌ ኣባን ጌላ’ ኢንቲ ገዳኮካ ኢዚ ጌላና” ገደሰ። 22 ኢንቲሰ ኣማናይ ዲኮ ኢንቲ ዋሳን ኦይቺዳ ሚሽ ዉርሲካ ኤካና።

ዮሱሳ ጎዳቲላ ገሽ ሸቁዳ ኣይሻ
(ማር 11:27-33፤ ሉቃ 20:1-8)

23 ዮሱሲ ያሳ ኬሌ ጌሊዲ ታማርሲሺን ቁሴታ ሃላቃቲኔ ዳሬ ጪማቲ ኢዛኮ ሸቁዲ “ሃይሳ ዉርሳ

* 20:26 ማቶ 23:11፤ ማር 9:35፤ ሉቃ 22:26 * 21:4-5 ዛካ 9:9 * 21:7 ሃሪታ ቶገደሰ ገዛይሲ NIV ጋርሳን ዳሰ፤ ሃራይ ቃሴ ቲንቤቲይ ፖሌታና ማላ ሃሪ ጉቲ ቦላ ኡቲደሰ ባጋ ገሻ ማፃፋይ ጌሰ። † 21:9 ሆሳና ኢብራዌታ ቃላሪ ሆሳናና ጉሳ “ኣቶቱላ” “ኦና ኣሻርኪ!” ጉሳ። * 21:12-13 ኢሳ 56:7፤ ኤር 7:11

ኦና ሸኔን ኦላይ? ሃይሳ ኦላናሰ ሸኔ ኔሰ ኦኒ አሚዳ?” ጊዲ አዛ ኦይቺዳ።

24 ዩሱሲካ አሰታሰ ዛሪዲ “ታካ አንቴና አሲኖ ኦይቻይሰ፤ አንቴ ታሰ ዛሪኮ ታካ ሃይታ ኦላዛይታ ኦና ሸኔን ኦላዛኮኔ አንቴሰ ዮታና። 25 ዮሃንሳ ዲንቃቴይ አዋፔ ዪዴ? ሳሎፔ ዪዴዬ? አሳፔ?” ጊዴሰ። አሰታካ “ኦ ሳሎፔ ዪዴሰ” ጊኮ “ሂሰቲን አዛሰ አማኒቤኬቲ?” ጋና ጊዲ ባ ጊዶን አሰይ አሰይ አሳራ ዘራቲዳ። 26 ቃሴ ኦ አሳፔ ጊኮ፣ አሳይ ወሪካ ዮሃንሳ ናቤ ጊዲ አማኒዛ ጊሽ ኦ ባሰሰ” ጊዳ።

27 ሂሳ ጊሽ ዩሱሳሰ “ኦ ኤሮኮ” ጊዲ ዛሪዳ። አዛካ አሰታሰ “ሃይታ ታ ኦላዛይታ ኦና ሸኔን ኦላዛኮኔ ታካ አንቴሰ ዮቲኬ” ጊዴሰ።

ናሞዑ ናይታ ለሚሶ

28 ዩሱሲ አሰታ “አንቴሰ አይ ሚሳቲዬ? ናሞዑ አቲማ ናይ ዲዛ አሳዳይ ዳሰ፤ አዛካ ኮይሮ ናዛኮ ቢዲ ናታ ናዛ! ሃቺ ጌዴ ዋይኔ ሚሳሶ ባዳ ኦላ ጊዴሰ። 29 ናዚ ቃሴ ቢኬ!” ጊዲኔ ጉዬፔ ሙዛቲዲ ቢዴሰ።

30 “ናሞዳንላ ናዛካ ካሴይሳላካ ባ!” ጊን ናዚ ኤሮ!” ጊዲ ቦንታ አጋጊዴሰ። 31 ሃይታ ናሞዳታፔ አዋ ሸኔ ፖሊዳይ አዋይሰ?” ጊዲ ኦይቺዳ። አሰታካ “ኮይሮ ናዛ!” ጊዳ። ዩሱሲካ አሰታሰ። “ታ አንቴሰ ቱሙ ጋይሰ፤ ቃሪዎ ቃንዲሲዛይቲኔ ላይማቲዛይቲ ሳሎ ካዋቴላ አንቴፊ ሲንላን ጌላና።

32 “ፃማቁዛ ዮሃንሲ አንቴና ዲሎቴላ ኦጌ ቤሳናሰ አንቴኮ ዪዴሰ ሽን አንቴ አዚ ጊዛይሳ አማኒቤኬታ፤ ጊዶ ኦቲን ቃሪዎ ቃንዲሲዛይቲኔ ላይማቲዛይቲ ጊዲኮ አማኒዳ፤ አዚ ሃኒዳይሳ አንቴ ቤዪ ሲሚዲካ ማርቴላን ጌሊዲ አማኒቤኬታ” ጊዴሰ። *

ዋይኔ ሚላ ጊዶን ኦላዛ ጎሻንቻ ለሚሶ (ማር 12:1-12፤ ሉቃ 20:9-19)

33 “ሃራ ለሚሶካ ሲዪቲ፤ ዋይኔ ሚላ ቶኪዛሶይ ዲዛይይ ሄ ዋይኔዛሰ ቢርዳ ዩሽ አላዲ ዋይኔዛ አይፊ ጉሞዳናሰ ኦላ ቦኪዴሰ። ዋይኔዛ ናጋናሰ ሚላ ቦላ ሻኮ ጊሲዴሰ። ሄሳፊ ጉዬ ጋዴዛ ዋይኔ ሚላራ ጎይዛይታሰ ኪራ አሚዲ ሃራ ዳሪ ቢዴሰ። *‡ 34 ቦኒይ ጋኪሽን ዋይኔ ሚላዛ አይፊ ኤካናሰ ባ አሽካራታ ጋዴዛ ጎይዛይታኮ ዩዲዴሰ። 35 ጋዴዛ ጎይዛይቲ አሽካራታ ኦይኪዲ አሳ ዋዲዳ፤ አሳ ቃሴ ሹቻን ጫዲዳ። 36 ጋዳ ጎዳይ ካሴይታፔ እዲዛ ሃራ አሽካራታ ዩዲዴሰ። ጎይዛይቲ ሃዳካ ካሴይታ ቦላ ኦላዳይሳ ማላካ አሰታ ቦላካ ፖሊዳ። 37 ወርሴላን ኦኒ ኤሪዜ ኦሲቲ አዛ ቦንቻናኮኔ” ጊዲ ባ ና አላ ዩዲዴሰ። 38 ጊዶ ኦቲን ጋዳ ጎይዛይቲ ናዛ ቤዪዳ ማላ ሃይሲ አዛ ላታናይሳኮ! ኦኔ ሃ ዪቲ፣ አዚ ዋዲዳ ጋዳ ላቶሰ” ጊዳ። 39 ናዛ ኦይኪዲ ዋይኔይ ቶኬቲዳሶፔ ጌዴ ካሬ ኬሲዲ ዋዲዳ።

40 “ኤሮ! ዋይኔዛ ጎዳይ ዪዛ ዋዴ ሄ ጋዳ ጎዳዛ አሳታ ዋሰታና አንቴሰ ሚሳቲዬ?” ጊዴሰ። 41 አሰታካ “ሃይታንታ አታታ ዳር ዋይሲ ዋዲዳ ዋይኔይ ቶኬቲዛ ጋዳፔ ቤሲዛ ዋይኔ አይፊ ዋዴራ አዛሰ አሚዛ ሃራ ጋዴ ጎይዛይታሰ ኪራሳና” ጊዲ አዛሰ ዛሪዳ።

42 ዩሱሲካ አሰታሰ “ጌሻ ማፃፋን

ጊሞቤ ኬዲዛይቲ አታ ጊዲ ዋራ ዩጊዳ ሹቻይ ኬላሰ ማዛኔ ቦላ ዋዲዛ ሹቻ ጊዲዴሰ፤

ያሲ ሃይሳ ኦላዳሰ፤ አዛ ኦሶይካ ኦ አይፊሰ ማላሊሲዛዝ”

ጌቲቲ ያፊቲዳይሳ ናባቢቤኬቲ? *

43 “ሃሳ ጊሽ ታ አንቴሰ ያሳ ካዋቴላ አንቴፊ ኤኬታዳ አይፊ አይፊዛ ዳሪታሰ አሚታና። 44 ሃይሳ ሹቻ ቦላ ኩንዲዛይ ሜቃና፤ ሹቻይ አዛ ቦላ ዋዲዳይይካ ሊቃና” ጊዴሰ። §

45 ቁሴታ ሃላቃቲኔ ፋርሳዌቲ አዛ ለሚሶይ አሰታ ጊሽ ጊዲዳይሳ ኤሪዳ። 46 ጊዶ ኦቲን አሰቲ አዛ ኦይኪ ቃቾንታ ማላ አሳይ ዩሱሳ ናቤ ማላ ያሊዛ ጊሽ ባቢዳ።

22

ሳርጌሰ ያይጌቲዳ አሳታ ለሚሶ (ሉቃ 14:15-24)

1 ቃሴካ ዩሱሲ ሃራ ለሚሶ 2 “ሳሎ ካዋቴላ ባ ናሰ ሳርጌ ጊሲዴዳ አሲ ካዋ ሚሳታወሰ። 3 ካዋይካ ዲጊሳሰ ዮቲዳይታ ያይጋናሰ ባ አሽካራታ ዩዲዴሰ፤ ያይጌቲዳይቲካ ኦ ቦኮ” ጊዳ።

4 “ቃሴካ ሃራ አሽካራታ ኣካሴ አሰታሰ ዮቲዳይታ ሄኮ ታ ሳንጋ ቦራታኔ ሞዲዳ ሜሄታ ሹካዳ ዲጊሳ ጊሲሳዲሰ፤ ወሪካ ጊጌቲዳ ጊሽ ሳርጌሶ ሃ ዪቲ!” ጊዲ ዮቲቲ። 5 ያይጌቲዳይቲ ጊዲኮ አዛ ያይሳ ወዳን ዩጎንታ ኦጊዲ አሰይ ባ ጎሻሶ፣ አሰይ ባ ዛልዴሶ ቢዴሰ። 6 ሃንኮ ኦቲዳይታ፣ አሽካራቲ ኦይኪዲ ዳር ዋይሲዲ ዋዲዳ።

7 “ካዋይካ ሃንቁቲዲ ዋታዳራታ ዩዲዲ አሽካራ ዋዲዳይታ ዳይሲዴሰ፤ አሰታ ካታማ ፀጊዴሰ። 8 ባ አሽካራታካ ሳርጌዛ ዲጊሴይ ጊሲዴሰ፤ ጊዶ ኦቲን ሳርጌዛሶ ያይጌቲዳይቲ ሳርጌሰ ቤሲዛይታ ጊዲቤቲና። 9 ጌዴ ኦጌ ቦላ ኬዚዲ አንቴ ዳሚዳ አሰ ወርሲ ሃ ሳርጌ ዲጊሴሰ ያይጌቲ” ጊዴሰ። 10 አሽካራቲካ ኦጌ ቦላ ኬዚዲ ባ ዳሚዳይታ ሎዎታካ አታታካ ወርሲ ሽሺዲ ሳርጌዛሶ አማላ ኩንላዳ።

11 “ካዋይካ ያይጌቲዳ አማላ ቤያናሰ ሶ ጌሊዛ ዋዴ ሳርጌ ማይዎ ማይዎንታ አሰ ዳሚዴሰ። 12 ሃይሶ! ሳርጌ ማይዎ ማይዎንታ ዋናዳ ሃይሳ ጌላናሰ ዳንዳያዲ?” ጊ ኦይቺን አዳዛሰ ዛራና ቃላይ ዳዪዴሰ። 13 ካዋይካ ባ አሽካራታ ሃይሳ አዳዛ ቶሆኔ ኩሼ ሺሺ ቃቺዲ ሄን ካሪን ዲዛ ቋማን ኬሲ ኦላቲ፤ ሄን ዩሆኔ አቻ ጋርጬቻ ጊዳና። *

14 “ያይጌቲዳይቲ ዳርታ፤ ዳሪቲዳይቲ ጊዲኮ ጉላታ” ጊ ዮቲዴሰ።

ጊራ ቃንፃናሰ ሸቂዳ ኦይሾ (ማር 12:13-17፤ ሉቃ 20:20-26)

15 ሃሳፊ ጉዬ ፋርሳዌቲ ኬዚ ቢሼ “አዛ ዳናፔ ባላ ቃላ ዋሰቲ ዳሚ ኦይኪኖ?” ጊዲ ዘሪቲዳ። 16 ባና ካሊዛይታ ሄርዳሳ አሳታራ አዛኮ ከቲዲ “አሰታማሬ! ኔኒ ቱማንቻኔ ያሳ ኦጌ ቱማፔ ታማርሲዛዴ ጊዲዳይሳኔ ኦናሰካ ዲማ ማዶ ኦሶንታ ወርሳካ አሲ ማላ ኔ

* 21:32 ሉቃ 3:12፤ 7:29-30 * 21:33 አሳ 5:1-2 ‡ 21:33 ሻኮ አሲ አሲ ባጋ ጋሞላ ቃላን ቱላ ጌቲቲሰ። * 21:42 ማዛ 118:22-23 § 21:44 አሲ አሲ ጌሻ ማፃፋቲ ጋይዶ ኦይዲ ታማኔ ኦይዲ ቦላ ዲዛይሳ ጉጃቲሰ፤ ቆፋይካ ሉቃሳ ሸሞፖ 20:18 ዲዛይሳ ሚሳቲሰ። * 22:13 ማቶ 8:12፤ 25:30፤ ሉቃ 13:28

ጸሊዘይሳ ኑ ኤርስ። 17 ኔስ አይ ሚሳቲዛኮኔ እኔ ኑስ የታ? ቁሳሬስ ገራ ቃንግናስ ቤሲዜ? ቤሲኔ?” ገደ።

18 ዩሱሲካ አሰታ ጌኔ ቆፋ ኤሪዲ “አንቴኖ ቆጵፔ ቆሞን ሃኒዛይቶ ታና የግን ባሌሌ አይካናስ አዛስ ኮዩቲ? 19 አንቴ ገራ ቃንግዛ ሚሻ እኔ ታና ቤሲቴ” ገን አሰቲካ አሲ ዲናሬ ጌቲቲዛ ሚሽ አዛስ ኤሂዳ። 20 አዚካ “ሃይሳ ሚሻ ቦላ ዲዛ ሚሲሌይኔ ፃፊቲዳ ሱንሳይ ኦናይሴ?” ገደሰ።

21 አሰቲካ አዛስ “ቁሳሬይሳ” ገደ። አዚካ አሰታስ ዛሪዲ “ቁሳሬይሳ ቁሳሬስ፣ ግሳይሳ ግሳስ አሚቲ” ገደሰ። 22 ሄሳ ሲዩዳ ዋዴ ማላሌቲዲኔ አዛ አገ ቢዳ።

ሃይቁዳይታ ዴንሳ ገሽ ሸቁዳ ኦይሾ
(ማር 12:18-27፤ ሉቃ 20:27-40)

23 “ሃይቁዳይታስ ዴንዶይ ባዎ” ገዲ አማኒዛ ሳዲቃዌቲ ሄ ጋላስ ዩሱሳኮ ሸቁዲ፣ * 24 “አሰታማሬ! ሙሴይ ሓሳዴይ ማሻ ኤኪዲ ና ዩሎንታ ሃይቁኮ አዛ አሻይ ሃይቁዳይሳ ማሻ ኤኪዲ ባ አሻ ላቲዛ ና አዛስ ዩሎ” ገደሰ። * 25 ኑ አቻን ላቸን አሻቲ ዴቲስ ሸን ኮይሮ አሻይ ማሻ ኤኪዲ ና ዩሎንታ ሃይቁዳ ገሽ ካሎ አሻይ አዛ ማቼኖ ኤኪዴሰ። 26 ናምዓንሎ አሻይካ ሃይቁዳ አሻሎ ና ዩሎንታ ሃይቁዴሰ፤ ሄሳሳካ ሃኒሸን ማጫሳያ ላቸንሳ አሻ ጌላዲሰ። 27 ወርሴሳን ማጫሳያ ሃይቃዲሰ። 28 ሄሳ ገሽ ላቸናቲ ወሪካ አዛ ኤኪዲ ሸን ሃይቆፔ ዴንሳ ጋላስ ማጫሳያ ላቸንታፔ አዋይሳ ማሻ ገዳኔ?” ገደ።

29 ዩሱሲካ አሰታስ ዛሪዲ “ጌሻ ማፃፋታኔ ግሳ ዋልቃ አንቴ ኤርንታ ገሽ ባሌቲታ። 30 ሃይቆፔ ዴንዲዳፔ ጉዬ አሳይ ሳሎ ከታንቻታ ማላ ገደና ኦቲን ኤኬቴቲናኔ ጌሌቲና። 31-32 ሃይቁዳይታ ዴንሳ ገሽ ገዲኮ ያሲ ሓቲ አብራሃሜ ግሳ፣ ዩሳቃ ግሳ፣ ያቆቤ ግሳ፣ ገዲ አንቴስ የቶይሳ ናባቢቤኬቲ? ያሲ ገፃታ ግሳ ኦቲን ሃይቁሳታ ያሴ ገደና” ገደሰ። * 33 ዴሬይካ ሄሳ ሲይዲ አዛ ቲሚርቲዛን ማላሌቲዳሰ።

ወርሶፔ አጲዛ አዛዘ
(ማር 12:28-34፤ ሉቃ 10:25-28)

34 ዩሱሲ ሳዲቃዌታ ጮው ሂስቲዳይሳ ሲይዲ ፋርሳዌቲ አሲ ቦላ ሸቁቲዳ። 35-36 አሰታ ገደሬ አሲ ሙሴ ዋጋ ሎዔሌ ኤሪዛይይ ዩሱሳ ገጫናስ ኮይዲ “አሰታማሬ! ሙሴ ዋጋታ ገደን ኡባሬ አጲዛይ አዋይሴ?” ገዲ አይቸዴሰ። *

37 አዚካ ዛሪዲ “ኔ ግዳ ግሳ ኔ ኩሜላ ዋዝናፔ፣ ኔ ኩሜላ ሸምገሬ፣ ኔ ኩሜላ ቆፋፔ ደሳ።” * 38 ሃይሲ ኮይሮኔ ኡባሬ አጲዛ አዛዘ። 39 ናምዓንሎካ አዛ ሚሳቲስ፣ ሄሲካ ኔ ሸሮ ኔ ሁዔ ማላ ደሳ፣ ገዛይሳ። * 40 ሙሴ ዋጋይኔ ናቤታ ቲሚርቲይ ወሪካ ሃይታ ናምዑ አዛዘታን ቃሹቲስ” ገደሰ።

ከርሰቶሳ ገሽ ሸቁዳ ኦይሾ
(ማር 12:35-37፤ ሉቃ 20:41-44)

41 ፋርሳዌቲ አሲ ቦላ ሸቁቲ ዲሸን ዩሱሲ አሰታ። 42 “ከርሰቶሳ ገሽ አንቴ አይ ጌቲ? አዚ ኦና ና?”

ገ ኦይቸዴሰ፤ አሰቲካ አዛስ ዛሪዲ “አዚ ዳወቲ ና” ገደ።

43-44 አዚካ አሰታስ “ሂሰቲን ዳወቲይ ዩሎ ኣያና ዋልቃን ‘ግሳይ ታ ግዳ’ ገዲ ዋኒ ያይገዴ? ሓ ኔ ሞርኬታ ኔ ቶሆ ገደን ጉልባቲሳና ጋካናስ ኔ ታ ኡሻቻን አታ!፣ ገደሰ። * 45 ሄሳ ገሽ ዳወቲይ አዛ ሓ ግዳ’ ገዲ ያይገኮ ዋኒዲ አዛስ ና ገደና ዴንዳዩዜ?” ገደሰ። 46 አዛስ አሲ ቃላ ዛሪና ዴንዳዩዳ አሲ ዋይኮ ሄ ጋላሳሬ ሲሚን አዛ ኦይሾ ኦይቻና ፃሊዳ አሲ ኦኒካ ቤቲቤና።

23

ዩሱሲ ፋርሳዌታኔ ሙሴ ዋጋ ታማርሲዛይታ ካጲዴሰ

(ማር 12:38-39፤ ሉቃ 11:43-46፤ 20:45-46)

1 ቃሴካ ዩሱሲ ዴሬዛሲኔ ባና ካሊዛይታስ፣ 2 “ሙሴ ዋጋ ታማርሲዛይቲኔ ፋርሳዌቲ ሙሴ ዋምባራ ቦላ ኡቲዳ። 3 ሄሳ ገሽ አሰቲ አንቴስ የቲዛይሳ ወርሲ ኦሌቲኔ ናገቲ፤ ገደ ኦቲን አሰቲ ዲናን ሃሳዩዛይሳ ማላ ኦሶን ቤሶንታ ገሽ አንቴ አሰታ ኦሶ ካሎፍቲ።

4 “ሄሳሳካ አሲ ቶካናስ ዴንዳዮንታ ዴፃ ቶሆ ቃቸዲ አሳ ሃሼ ቦላ ዋሌቲስ ሸን ባሲ ገዲኮ ቢራጼ ያሪንካ ቦቸቲና። 5 አሰታ ኦሶ ወርሲ አሲ ቤያና ማላ ኦሌቲስ፤ ባ አሸንኪታቤ ጌሻ ማፃፋ ገደፋ ፃፊ ኤኪዳ አሲ አሲ ያቁሲታ ኪታቤ ሲኪዲ ሊጴ ቦላ ዋይኮ ኩሸን ቃቸዛዝ ኦሌቲስ። ባ ማይያ ማጫራ አዲሴቲስ። 6 ዲጊሳይ ዲዛሶን ቦንቸ ሶ አይሁዳ ዋሳ ኬላንካ ሲንላራ ኡታና ደሴቲስ። 7 ሄሳሳካ ገያ ገደን ሳሮ ጌቲታናሲኔ አሳይ አሰታ ሓሰታማሬ!፣ ጋና ማላ ኮዩቲስ።

8 “አንቴ ገዲኮ ሓሰታማሬ፣ ጌቲቲ ያይጌቶፍቲ። አንቴ ኦሰታማሬይ አሳ ፃላላ ገዲሸን አንቴ ወሪካ አሶይ አሳስ አሻንታ። 9 ሳሎን አንቴስ አሲ አዋይ ፃላላ ዲዛ ገሽ ቢታ ቦላ ኦናካ ሓዋወ!፣ ገዲ ያይሳፒቲ። 10 አንቴ ኦሰታማሬይ አሲ ኪርሰቶሳ ፃላ ገዲዳ ገሽ አንቴ ሓሰታማሬቶ!፣ ጌቲቶፍቲ። 11 አንቴ ገደን ኡባሬ አጲዛይይ አንቴስ ኦሌዛዴ ገደና። * 12 ባና ቆቁሲዛይይ ካወያና፤ ባና ካወሸዛይይ ቦንቸታና። *

13 “አንቴኖ ቆጵፔ ቆሞን ሃኒዛይቶ፣ ሙሴ ዋጋ ታማርሲዛይቶ፣ አንቴኖ ፋርሳዌቶ! አሳይ ግሳ ካዋቲሰ ጌሎንታ ማላ አሳ ቦላ አንቴ ፔንጌ ጎርዲዛ ገሽ አንቴና አዩ-አና! አንቴ አንቴስ ጌሌኬታኔ ጌላናስ ኮዩዛይታካ ጌልሌኬታ። 14 አንቴኖ ቆጵፔ ቆሞን ሃኒዛይቶ፣ ሙሴ ዋጋ ታማርሲዛይቶ፣ ቃሴካ ፋርሳዌቶ! አንቴስ አዩ-አና! አዚናይ ባይንዳ ማጫሳታ ኬላ ካሎሲሽ አሳ አይሬ ሲንላን አዲሳ ዋሳ አንቴ ዋሲዛ ገሽ አንቴ አታ ፒርዳ ፒርዴታና። *

15 “አንቴኖ ቆጵፔ ቆሞን ሃኒዛይቶ፣ ሙሴ ዋጋ ታማርሲዛይቶ፣ ቃሴካ ፋርሳዌቶ! አሲ አሰ አይሁዳ አማኖን ጌልላናስ አባ ቦላራኔ ቢታ ቦላራ ዩዩ ዳቡርዲኔ

* 22:23 ሃዋ 23:8 * 22:24 ዛሬ 25:5 * 22:31-32 ኬሳ 3:6 * 22:35-36 ሉቃ 10:25-28 * 22:37 ዛሬ 6:5 * 22:39 ሉቁ 19:18 * 22:43-44 ማዛ 110:1 * 23:11 ማቶ 20:26-27፤ ማር 9:35፤ 10:43-44፤ ሉቃ 22:26 * 23:12 ሉቃ 14:11፤ 18:14 * 23:14 አሲ አሲ ጌሻ ማፃፋቲ ገይዶ ታማኔ ኦይዲ ቦላ [14] ዲዛ ቆፋ ጉጃቲስ፤ ቆፋይካ ማርቆሳን ሸምገ 12:40 ዲዛይሳ ሚሳቲስ።

አማንሉዳ አሳ አንቴፊ ናምዑ ኩሼ አሉዲ ጋናሜ ና አንቴ ኬሲዛ ጊሽ አንቴና አዬ-አና!

16 “አንቴኖ! አንቴሰ ቆቄ ኡተዲ ሃራታ ካሌሉዛይቶ! አንቴሰ አዬ-አና! ሓኒካ ያሳ ኬላን ጫቁኮ አይኮይ ባ፣ ጊዶ አተን ማሳ ኬላ ጊዶን ዲዛ ምርቅን ጫቁኮ ጫቆ ጎሜይ ጋካና፣ ጌታ። 17 አንቴኖ ቆቄዳይቶ! ባሌተዳይቶ፣ ምርቃፊኔ ምርቃ ዲማሲዳ ያሳ ኬላፊ አዋይሲ አጁዜ? 18 ሃሳላካ ሓኒካ ያርሾ ያርሽዛሶ ሶላ ጫቁኮ አይኮይ ባዋ፣ ሽን ያርሽዛሶን ዲዛ ያርሾ ሶላ ጫቁኮ ጫቆይ ጎሜሰ፣ ጌታ። † 19 አንቴኖ ቆቄቶ! ያርሾፔኔ ያርሾ ሽሽዛሶፔ አዋይሲ አጁዛይ? 20 ሃሳ ጊሽ ያርሾ ሽሽዛሶ ሶላ ጫቁዛይይ ያርሾሶዛ ሶላኔ ያርሽዛሶ ሶላ ዲዛ ኡባ ሚሻን ጫቁሰ። 21 ሃሳላካ ያሳ ኬላዛ ሶላ ጫቁዳይ ያሳ ኬላኒኔ አዛ ጊዶን አቁዛይሳን ጫቁሰ። 22 ሳሎን ጫቁዛይይካ ያሳ አልጋኒኔ አልጋ ሶላ ኡተዳይሳን ጫቁሰ። *

23 “አንቴኖ ቆጄፔ ቆምን ሃኒዛይቶ፣ ሙሴ ዋጋ ታማርሲዛይቶ፣ ፋርሳዌቶ! አንቴሰ አዬ አና! አሱታፔ፣ አኑጋፔኔ ካትካልዓፊ ታማፊ አሲኖ አሜታ ሽን ዋጋታፔ ምናተዛይታ ሄይተካ ቱማ ፐርዳ፣ ማርቴሌኔ አማኔቴላ ጊዲኮ ካጁዳታ። ሄይታ አጎንታ ዲሼ ሃይታንታ አንቴ ኦላናሰ አንቴሰ ቤሴሰ ሽን አገዳታ። * 24 አንቴኖ ቆቄ ኡተዲ ካሌሉዛይቶ! ኡዔ ጋጪዲ ኡዬታ ሽን ጋሜላ ሙሚ ሚቲታ!

25 “አንቴኖ ቆጄፔ ቆምን ሃኒዛይቶ፣ ሙሴ ዋጋ ታማርሲዛይቶኔ ፋርሳዌቶ! አንቴሰ አዬ-አና! ፀዓሲኔ ኬሬሰ ሶላ ባጋ ቁጩታ ሽን አዛ ጊዶን ዲዛይሳ አንቴ ቦንቃኒኔ ኡዜቴላን ሽሽዳታ። 26 ኔኖ ቆቄ ፋርሳዌዘ! ኮይርታዳ ፀዓሲኔ ኬሬሰ ጊዶ ባጋ ጌሻ! ሃሳፊ ጉዬ ካሬ ባጋይ ጌሽ ጊዳና።

27 “አንቴኖ ቆጄፔ ቆምን ሃኒዛይቶ፣ ሙሴ ዋጋ ታማርሲዛይቶ፣ ቃሴ ፋርሳዌቶ! ሶላ ባጋይ ናራራ ሜሽቴዲ ሎዒዛይቲ ጊዶይ ጊዲኮ ሃይቁዳይታ ሜቁሌኔ ዳር ቴናኔቴላን ኩሚዳ ዱፎታ ሚሳተዘ ጊሽ አንቴና አዬ-አና! * 28 አንቴካ ሶላ ባጋራ አሳሰ ዓሎ አሳታ ሚሳተታ፣ አንቴ ጊዶይ ጊዲኮ ጨሞኒኔ አታቴላን ኩሚዳሰ።

29 “አንቴኖ ዱናን ጨሚዛይቶ! ሙሴ ዋጋ አሰታማሬቶ፣ ቃሴካ ፋርሳዌቶ! አንቴሰ አዬ-አና! ናቤታ ዱፎ ሎዒሉዛይቶ፣ ዓሎ አሳታ ዱፎ ሃወልቴራ ጊሊሲዛይቶ! 30 ኑ አዋቲ ናቤታ ዋጁዛ ዋጁ ኑ ዲዛኮ አሰታራ ዙፔኮኮኮ ሽን፣ 31 አንቴ ናቤታ ዋጁዳ አሳታ ናይታ ጊዲዳይሳ አንቴ ዱናራ አንቴርካ አንቴ አንቴ ሶላ ማርካቴታ። 32 ሂሰቲኮ ኦሴቴዲ ፖሌቶንታ ኦጌ ሶላ ዲዛ አንቴ አዋታ ኦሶ ፖሊቴ። ‡

33 “አንቴኖ ዱኪዛ አታ ሾሻ ናይቶ! ጋናሜ ታማ ፐርዳፊ አንቴ ዋኒ አታኔ? * 34 ሃሳ ጊሽ ናቤታኔ ኤራንቻታ አሰታማሬታካ ታ አንቴሰ ዬዳና። አንቴ አሰታ ጊዶፊ አሲ አሲ አሳታ ዋጁና። ባጋይታ አንቴ ካቃና፣ ባጋይታ አንቴ አይሁዳ ዋሳ ኬላን ጋራፋናኔ ሃ ካታማፔ ሃራ አንቴ ጎዳና። 35 ሃሳ ጊሽ ዓሎ አቤሌ ሱላፊ ሃ ሲሚን ያሳ ኬላኒኔ ያርሾ ያርሽዛሶ ጊዶን አንቴ

ዋጁዳ ባራኪዮ ና ዛካራሳ ሱላ ጋካናሰ ቢታ ሶላ ጉኪዳ ዓሎታ ሱላ ኡባሰ አንቴ አይሼታና። * 36 ታ አንቴሰ ቱሙ ጋይሰ፣ ካሴ አጁዳ ዮዖ ኡባሰ ሃይሲ ሃ ዬሌታይ ኦይሼታና።

37 “ሃኔ ዬሩሳሌሚ! ናቤታ ዋጁዛሬ! ኔኮ ኪቴቲዳይታ ሹቻራ ጫዲዛሬ! ሃኔ ዬሩሳሌሚ ኩቶ አያ ባ ጨዬታ ባ ቁፊ ጊዶ ሽሽዛ ማላ ታ ኔ ናይታ ሽሻናሰ አፑን ዋጁ ኮያዲናሽን ኔ ጊዲኮ ኮያባካ። 38 ሃኮ አንቴ ኬሌ ካይሰ ጊዲ አታና። * 39 ታ አንቴሰ ቱሙ ጋይሰ፣ አንቴ ጎዳ ሱንላን ዪዛይይ አንጅቲዳዳ ጋና ዋጁይ ጋካናሰ ናምዓንሉ ታና ቤዬኬታ” ጊዳሰ። *

24

ዋጁ ወርሴላ ማላታታ (ማር 13:1-2፣ ሉቃ 21:5-6)

1 ዬሱሲ ያሳ ኬላፊ ኬዚ ቢሸን አዛ ካሊዛይቲ ያሳ ኬላዚ ሹቻን ኬጃቲዳይሳ ቤሳና ኮይዲ ዬሱሳኮ ሽቁዳ። 2 አዚካ አሰታሰ “ሃይሳ ወርሲ ጃሌቲ? ታ አንቴሰ ቱሙ ጋይሰ፣ ሃይሲ አንቴ ቤዪዛ አሰይ አሳ ሶላ ዲዛ ሹቻይ ላሌቶንታ አሲ ሹቸካ ሃይሳላ ዳና” ጊዳሰ።

3 አዚ ዳብራዛይቲ ጌቴቲዛ ዙማ ሶላ ኡቲ ዲሸን አዛ ካሊዛይቲ ዓላላ አዛኮ ሸቁዲ “አኔ ኦሰ ዮታ፣ ሃይሲ ኔ ጊዛይሲ አይዴ ሃናኔ? ኔ ዩሳሲኔ ዋጁ ወርሴላሰ ማላታይ አዜ?” ጊ ኦይቺዳ።

4 ዬሱሲካ ዛሬዲ “አኒካ አንቴና ባሌሉንታ ማላ ናጌቲቴ። 5 ቡር ዳሮቲ ሓታ ከርሰቶሳ ጊሼ ታ ሱንላን ያና፣ ዳርታካ ባሌላና። 6 ኦላኔ ኦላ ጊሽ ሃሳዬቲዛ ዋሬ አንቴ ሲያና። ሃ ዮዖቲ ወሪካ ዋልቃራ ፖሌታና ሽን ወርሴሌ ቡር ጊዲዳ ጊሽ አንቴ ሃይሳን ዳጋምንታ ማላ ናጌቲቴ። 7 ዳሬይ ዳሬ ሶላ፣ ካዋይ ካዋ ሶላ ዳንዳና፣ ዲማ ዲማ ዳሬን ኮሻይኔ ቢታ ቃሊ ሃናና። 8 ሂሲ ወሪካ ሚፃሰ ሌሶ ማላ። 9 ሄ ዋጁ አንቴና ዋዕሰ አሌ አሚና፣ አንቴና ዋጁና፣ ታ ሱንላ ጌዶን ዳሬ ኡባን አንቴ አጃቲዳይታ ጊዳና። *

10 “ሄ ዋጁ ዳር አሳይ ጁጁታና፣ አሰይ አሳ አሌ አሌ አሌ አሚናኔ ባ ጊዶን አጃታና። 11 ዳር ምርዶ ናቤቲ ዳንዳናኔ ዳርታ ባሌላና። 12 አታቴሌ ዳሪዘ ጊሽ ዳርታፔ ሲቆይ አርፃና። 13 ወርሴሌ ጋካናሰ ሚኒዳይይ አታና። * 14 ዳሬ ኡባሰ ማርካ ጊዳና ማላ ሃይሲ ካዋቴላ ሚሽራቾ ቃላይ ኩሜላ አላሜን ዮቲታና፣ ሃሳፊ ጉዬ ወርሴሌ ያና።

15 “ሃሳ ጊሽ ናቤ ዳኔላን ዮቲቲዳይሳ ማላ ሓራሲዛ ቱናቴሌ” አንጅቲዳሶን አቁዳይሳ አንቴ ቤዪዛ ዋጁ ናባቢዛይይ ዋዘናን ዋሉ። * 16 ሄ ዋጁ ዩሁዳን ዲዛይቲ ፑዴ ዙማ ሶላ ጋንጌቶ። 17 ኬላ ካራ ሶላ ዲዛይይ ኦኒካ ባ ሚሽ ኬላፊ ኬሳና ጊዲ ዱጌ ዋጁ። * 18 ጋይ ጊዶን ዲዛይይ ኦኒካ ባ ማይዖ ኤካና ጊዲ ሶ ሲሞፎ። 19 ሄ ጋላሳታን ቃንላራ ዲዛ ማጫሳታሲኔ ና ጃንሉዛ አዬታሰ አዬ-አና! 20 ሃሳ ጊሽ አንቴ ጋንጎይ

† 23:18 ያርሾ። አሲ ባ ጎዳሰ ጊዲ አሌዛ ኦሶይ ወሪ ያርሾ ጌቴቲሰ። * 23:22 አሳ 66:1፣ ማቶ 5:34 * 23:23 ሉዌ 27:30 * 23:27 ሃዋ 23:3 ‡ 23:32 ቦኔ፣ አሰታ ዳሬን ሚላቲ ሃይላ ኬሲዛይኔ ጨሊሊዛይ ቦኔይ ማቲሽን ጊዳይሳ ቤሴሰ። * 23:33 ማቶ 3:7፣ 12:34፣ ሉቃ 3:7 * 23:35 ሜጴ 4:8፣ 2ታር 24:20-21 * 23:38 ኤር 22:5 * 23:39 ማዛ 118:26 * 24:9 ማቶ 10:22 * 24:13 ማቶ 10:22 * 24:15 ዳኔ 9:27፣ 11:31፣ 12:11 * 24:17 ሉቃ 17:31

ባልጎ ወይኮ ሳምባታ ጋላስ ጊደንታ ማላ ዋሲቲ። 21 ሃ ዋዴ ኣላሚይ ሜዴቶሳፕ ሃቺ ጋካናስ ሃኒ ኤርንታ ሚሺ ሲንፋፊካ ኢዛ ሚሳቲዛይ ባይንዳ ዋልቃማ ሜቶይ ሃናና። 22 ሃ ጋላሳቲ ቃምንታኮ ኣሾ ማይዒዳ ኣሲ ወሪ ኣቴና ሺን ደሬቲዳይታ ጊሽ ሃ ጋላሳቲ ቃማና።

23 “ሃ ዋዴ ኦኒካ ሓኮ ከርሰቶሲ ሃይሳን ዴሰ! ዋይኮ ሓሳን ዴሰ፣ ጊዛዴ ኣማኖፕቲ። 24 ዋርዶ ከርሰቶሳኔ ዋርዶ ናቤቲ ቡር ዴንዲዲ ኢስታስ ዳንዳዬቲኮ ደሬቲዳይታ ባለፋናስ ጊዲ ዋልቃማ ማላታኔ ካሴ ኦሴቲ ኤርንታ ሚሽ ኣፋና።

25 “ሓኮ ሃይሳ ታ ኢንቴስ ካሴታ ኮታይሰ። 26 ሃሳ ጊሽ ሓኮ ሂርኪ ባዞን ዴሰ፣ ጊዲ ኢንቴስ ኮቲኮ ሃ ኬዞፕቲ፤ ሓኮ ኢልፕኔን ዴሰ፣ ጊኮ ኣማኖፕቲ። *

27 ዋልቃንፊ ኣዋ ኣርሼይ ሞኪዛሶራ ዋልቃሚዲ ኣዋ ኣርሼይ ወሊዛሶ ጋካናስ ፖሲዛይሳ ማላ ኣሳ ና ዩሳይካ ሃሳፊ ሃናና። 28 ኣሃይ ዲዛሶ ኣንኮ ካፎይ ሺቁሰ። *

29 “ሃራካ ሃ ኢታ ሜቶ ጋላሳታፕ ጉዬ

ኣዋ ኣርሼይ ቋማና፤ ኣጊናይ ባ ፖዩ ዲጋና፤ ያሊንቴቲ ሳሎፕ ቆቆፊታና፤ ሳሎ ዋልቃማቲካ ቃፃና። *

30 ሃ ዋዴ ኣሳ ና ማላታይ ሳሎ ቦላ ቤታና። ቢታ ቦላ ዲዛ ዴሬይ ወሪ ዬካና፤ ኣሳ ናይካ ሳሎ ሻራ ቦላ ዳር ዋልቃራኔ ጊታ ቦንቸራ ዩሺን ኣሳይ ቤዳና።

31 ከታንታታካ ዳር ዋልቃማ ፀሩምባ ጊሪሳራ ዬዳና። ኢስቲካ ደሬቲዳይታ ኦይዲ ማሲዜኔፕ ሳሎስ ሃ ባጋ ጋፀፕ ሃ ጋፀ ባጋ ጋፀ ጋካናስ ወርሲ ኢሲ ሶ ሸሻና።

32 “ባላሴ ጌቲቲዛ ሚላፊ ሃይሳ ታማሪቲ፤ ባላሴ ሚላይስ ኡንቁሎይ ጨሊሊዛ ዋዴ ኢዛ ሃይሳ ከሲሺን ቦኔይ ማቲዳይሳ ኢንቴ ኤሬታ። 33 ሃሳፊ ሃይታ ኢንቴ ቤዩዛ ዋዴ ኢዚ ፔንጌ ማቲዳይሳ ኢንቴ ኤራና። 34 ታ ቲሙ ጋይሰ፤ ሃይሲ ወሪ ፖሌታና ጋካናስ ሃ ዬሌታይ ኣጴና። 35 ሳሎይኔ ሳሳይ ኣቋና ሺን ታ ቃላይ ጊዲኮ ሙሌካ ኣጴና።

ጎዳይ ያና ጋላስ ኦኒካ ኤሬና (ማር 13:32-37፤ ሉቃ 17:26-30፤34-36)

36 “ሃ ጋላሳዮኔ ሃ ሳቲዮ ኣዋፕ ኣቲን ሳሎ ከታንታታ ጊዲንካ ናዛ ጊዲንካ ኦኒካ ኤሬና። 37 ኖሃ ዋዴ ሃኒዳይሳ ማላ ኣሳ ና ዩሲ ሃሳ ማላ ጊዳና። * 38 ቋይሲዛ ሃፋፊ ካሴ ኖሃይ ማርካቤን ጌሊዛ ጋላስ ጋካናስ ኣሳይ ሚሼኔ ኡዩሼ፣ ኤኪሼኔ ጌሊሼ ጋምዒዴሰ። 39 ሃ ዋዴይ ጋካናስ ኣዚ ሃናናኮኔ ኣሳይ ኤርንታኔ ቆፖንታ ባሻ ሃፋይ ዩዲ ሚቲዳይሳ ማላ ታ ኣሳ ናይ ዩዛ ዋዴይካ ሃሳፊ ሃናና። *

40 “ሃ ዋዴ ናምዑ ኣሳቲ ኢሲፊ ጎሻን ፔዓና ሺን ኢስታፊ ኢሳዴይ ኤኬታና፤ ኢሳዴይ ኣታና። 41 ናምዑ ማጫሳቲ ዋፃን ኢሲፊ ጋጫና ሺን ኢስታፊ ኢሲኔያ ኤኬታና ኢሲኔያ ኣታና።

42 “ሂስቲኮ ኢንቴ ጎዳይ ያና ጋላሳ ኢንቴ ኤርንታ ጊሽ ቤጊዲ ናጊቲ። 43 ሃይሳ ዋዝናን ዋላቲ፤ ካይሶይ ቃማፊ ኣፋንፋ ሳቲ ቦላ ያናኮኔ ኤሪዞኮ ኢዛ ሚሽ ካይሶይ ኤኮንታ ማላ ኬፋ ኣዋይ ቤጊዲ ናጋና። 44 ኣሳ ናይካ

ኢንቴ ቆፖንታ ሳቲ ቦላ ያና፤ ኢንቴካ ሃሳፊ ጊጌቲዳይታ ጊዲቲ።

45 “ዋዴራ ሶ ኣሳ ቁማ ሚዛና ማላ ጎዳይ ባ ኬፋ ኣሳ ቦላ ሹሚዳ ኣማኔቲዛ ጨንጫ ኦሳንቻይ ኦኔ? 46 ኬፋ ኣዋይ ሲሚዲ ዩዛ ዋዴ ኢዛስ ኢሚዳ ሃዳራ ኦላ ፖሊሼ ቤቲዳ ኦሳንቻይ ኣንጃቲዳይሳ። 47 ታ ኢንቴስ ቱሙ ጋይሰ፤ ጎዳይ ኢዛ ባ ሃሪዳ ኡባ ቦላ ሹሚሰ። 48 ጊደ ኣቲን ሃ ኦሳንቻይ ኢታ ጊዲዲ ሓ ጎዳይ ጋምዒዲ ያና ጊ ቆፕዲ፣ 49 ዴንዲ ሃንኮ ኦሳንቻታ ዋቋ ኦይኪኮ ማላቲዛይታራ ሚኮኔ ኡዩኮ፣ 50 ኢዚ ቆፖንታ ጋላሳኒኔ ሳቲን ኢዛ ጎዳይ ዩዲ፣ 51 ኢዛ ቃንፃላ ካዓና፤ ኢዛ ኤፃ ቆጴፕ ቆምን ሃኒዛይታራ ኣፋና። ሃንካ ዬሆይኔ ኣቻ ጋርጨቶ ሃናና።

25

ታሙ ጌላፖታ ለሚሶ

1 “ሃ ዋዴ ሳሎ ካዋቲላ ሚሺራ ሞካናስ ያምፕ ኦይኪዲ ኬዚዳ ታሙ ጌላፖታ ሚሳታወሰ። * 2 ሃ ታማታፕ ኢቻሹ ጌላፖቲ ኤያታ፣ ሃንኮ ኢቻሻቲ ቃሴ ጨንጫታ። 3 ኤያቲ ኩራዜ ያምፕ ኦይኪዳ ሺን ወሪኮ ጉጃና ሃራ ናጌ ላምባ ኦይኪቤቲና። 4 ጨንጫቲ ጊዲኮ ባ ኩራዜዛራ ወሪኮ ጉጃና ላምባ ሃራ ዓርሙሴን ኦይኪዳ። 5 ማቸዮ ኤካና ሚሺራይ ዮንታ ጋምዒን ጳሰኮይ ዴን ኣሳይ ወሪካ ጳሰኪዴሰ።

6 “ሌላ ጊደላ ጊዲሺን ሚሺራዚ ዩሰ! ኬዚዲ ሞኪ ኤኪቲ!፣ ጊዛ ፃይሳ ቃላይ ሲዬቲዴሰ። 7 ሃሳ ዋዴ ጌላፖቲ ወሪካ ዴንዲዲ ባ ያምፕ ያምፕ ኦይሴሶኔ ጊጌቲላ ኦይኪዳ። 8 ኤያቲ ጨንጫታ ሓ ያምፕይ ቶዓና ጊዛ ጊሽ ኢንቴ ላምባፕ ኮስ ኢሚቲ፣ ጊዳ።

9 “ጨንጫ ጌላፖቲ ኢስታስ ዛሪዲ ሓስ ዲዛ ላምባይ ኦሳራኔ ኢንቴሳራ ጊደንታ ጊሽ ቢዲ ላምባ ባይዚዛይታፕ ኢንቴስ ሻሚቲ፣ ጊዳ። 10 ኢስቲ ላምባ ሻማና ቢ ከቺን ሚሺራዚ ጋኪ ዋዴዴሰ። ካሴ ጊጌቲ ኡቲዳ ጌላፖቲ ቡላቻሶ ኢዛራ ጌሊዳ፤ ካሬይካ ጎርዴቲዴሰ።

11 “ጉላ ጋምዒሼ ሃንኮ ጌላፖቲ ዩዲ ሓደ! ጎደ! ካሬ ኮስ ደያ!፣ ጊዳ። 12 ኢዚካ ዛሪዲ ሓ ኢንቴስ ቱሙ ጋይሰ፤ ታ ኢንቴና ኤሪኬ!፣ ጊዴሰ። 13 ሃሳ ጊሽ ያና ጋላሳ ዋይኮ ሳቲዛ ኢንቴ ኤርንታ ጊሽ ጊጌቲዲ ናጊቲ።

ሃቹ ኦሳንቻታ ለሚሶ (ሉቃ 19:11-27)

14 “ያሳ ካዋቲላ ባሲ ዲዛዚ ወርሲ ባ ኣሽካራታስ ሃዳራ ኢሚዲ ሃራ ዴሬ ባና ዴንዲዳ ኢሲ ኣስ ሚሳቲሰ። * 15 ኣሽካራታስ ኢሳስ ኢሳስ ኢስታ ዋልቃ ማላ ጊጊሲዲ ኢሳስ ኢቻሹ ሺ ቢራ፣ ኢሳስ ናምዑ ሺ ቢራ፣ ሃንኮይሳስ ቃሴ ኢሲ ሺ ቢራ ኢሚዲ ቢዴሰ። 16 ኢቻሹ ሺ ቢራ ኤኪዳ ኣዴዚ ሃራካ ሚሻን ዛልዔ ኦይኪዲ ሃራ ኢቻሹ ሺ ቢራ ዋዴሲዴሰ። 17 ቃሴካ ናምዑ ሺ ቢራ ኤኪዳይሲ ሃራ ናምዑ ሺ ቢራ ዋዴሲዴሰ። 18 ኢሲ ሺ ቢራ ኤኪዳይሲ ባ ጎዳ ቢራ ቢታን ሞጊዲ ቆቲዴሰ።

* 24:26 ሉቃ 17:23-24 * 24:28 ሉቃ 17:37 * 24:29 ኢሳ 13:10፤ 34:4፤ ኢዩ 2:10፤31፤ 3:15፤ ኣጁ 6:12-13፤ ሃዚ 32:7፤ ኢዩ 2:10፤ 3:15 * 24:37 ሜዴ 6:5-8 * 24:39 ሜዴ 7:6-24 * 25:1 ሉቃ 12:35 * 25:14 ሉቃ 19:11-27

19 “እሽካራታ ጎዳይ ባ ቢዳሶን ዳር ዎዴ ጋምዒ ሲሚዲ ሚሻ ኢስታራ ሳላዔቲዳሰ። 20 ኢቻሹ ሺ ቢራ ኤኪዳ እሽካራይ ሃራ ኢቻሹ ሺ ቢራ ዎዲሲዳይሳ ኤኪ ዩዲ ጎዳ! ኔ ታስ ኢቻሹ ሺ ቢራ እማዳሳ ሺን ሄኮ ሃይሳ ታ ሃራ ኢቻሹ ሺ ቢራ ዎዲሳዲሰን ገዴሰ። 21 ኢዛ ጎዳይካ ሎዎ ኦላዳሳ፤ ኔኖ ሎዎ እማኔቲዳ እሽካራዙ! ኔ ጉላ ሚሻን እማኔቲዳ እስ ገዲዳ ገሽ ታ ኔና ዳር ሚሻ ቦላ ሹማና፤ ጌዴ ኔ ጎዳ ኡፋይሳሶ ጌላ፣ ገዴሰ።

22 “ሃሳላካ ናምዑ ሺ ቢራ ኤኪዳይሲ ጎዳዛኮ ሸቂዲ ጎዳ! ኔ ታስ ናምዑ ሺ ቢራ እማዳሳ ሺን ሄኮ ሃራ ናምዑ ሺ ቢራ ዎዲሳዲሰን ገዴሰ። 23 ጎዳዚካ ሎዔላዳሳ፤ ሃይሶ ሎዎኔ ታስ እማኔቲዳ እሽካራዙ! ኔኔ ጉላን እማኔቲዳዴ ገዲዳ ገሽ ታ ኔና ዳር ሚሻ ቦላ ሹማይሰ፤ ጌዴ ኔ ጎዳ ኡፋይሳሶ ጌላ፣ ገዴሰ።

24 “ኢሲ ሺ ቢራ ኤኪዳ እሽካራይ ሸቂዲ ጎዳ! ኔኔ ዜርንታሶፔ ማዒዛዴ ኔ ላሎንታሶፔ ሺሺዛ ማንፄ ኢታ እስ ገዲዳይሳ ታ ኤራይሰ። 25 ሃሳ ገሽ ታ ባባዳ ቢታ ቦካዳ ኔ ቢራ ቦኪዳ ኦላን ሞጋዳ ቆታዲሰ፤ ኔ ሚሽ ሃሳ ቦያ!” ገዴሰ።

26 “ኢዛ ጎዳይ ዛሪዲ ሃይሶ ኢታ ኦዛላ እሽካራዙ! ታኒ ዜርንታሶፔ ማዒዛዴ ላሎንታሶፔ ሺሺዛዴ ገዲዳይሳ ኔ ኤራይ? 27 ሂሰቲን ታ ሲማ ዩዛ ዎዴ ታ ሚሻ ዩሎራ ታ ኤካና ማላ ቲርፒሲ ዛልዒዛ ኣሳሰ ኔ እማናሰ ቤሴሴሺን” ገዴሰ።

28 “ ኣኔ ሃዒ ኢዛፔ ሺ ቢራ ኤኪዳ ታሙ ሺ ቢራይ ዲዛዴሰ እማኔ። 29 ዲዛዴሰ ጉጃታና ኔ ዳሪ ዳሪ ባና፤ ባይንዳዴፊ ሄ ዲዛ ጉላያካ ኢዛፔ ኤኬታይቻና። * 30 ሃይሳ ጎዳይ ባይንዳ እሽካራ ጌዴ ዩኪዛሶኔ ኣቼይ ጋርጩቲዛሶ ሄን ካሬን ዲዛ ቆማን ኬሲ ዩጊቲ” ገዴሰ። *

ወርሴላ ፒርዳ

31 “ኣሳ ናይ ባ ኪታንቻታ ኡባራ ቦንቸን ዩዛ ዎዴ ባ ቦንቸ ኣልጋ ቦላ ኡታና። * 32 ዴሪይ ወሪ ኢዛ ሲንሱ ሺቃና፤ ኢዚካ ሜሄ ሃሚዛዴይ ዴይሺ ዶርሳፊ ቆሪ ሻኪዛ ማላ ኣሳ ኢሳ ኢሳፊ ቆሪ ሻካና። 33 ዶርሳታ ኢዛሰ ኡሻቻ ባጋራ፣ ዴይሻታ ሃዲርሳ ባጋራ ኤሳና። 34 ሄ ዎዴ ካዎይ ኡሻቻ ባጋራ ዲዛይታ ሓንቲኖ! ታ ኣዎይ ኢንቲና እንጃዳይቲ ሃ ዩቲ! ኣሳሚይ ሚዲቶሳፔ ኢንቲሰ ገብቲዳ ካዎቲሳ ላቲቲ! ጋና። 35 ጋሶይካ ታኒ ጋፊን ታና ሚዚዴታ፤ ታ ሳማቲን ታና ኡሺዴታ፤ ታ እማሳ ገዲዳ ዩን ታና ሞኪ ኤኪዴታ። 36 ታ ካሎቲን ታና ማይዚዴታ፤ ታ ሳኬቲን ታና ሃርገሲዴታ፤ ታ ቃሼቲን ታና ኦይቸዴታ” ጋና።

37 “ዒሎቲካ ዛሪዲ ጎዳ! ኔ ጋፊን ኦ ኔና ኣይዳ ሚዚዴኒ? ዎይኮ ኔ ሳሞቲን ኣይዳ ቤዩዲ ኦ ኔና ኡሺዴኒ? 38 ኦ ኣይዳ ኔና ቤዩዲ እማሳቲሳ ሞኪዴኒ? ዎይኮ ኣይዳ ኔ ካሎቲን ቤዩዲ ኔና ማይዚዴኒ? 39 ሃሳላካ ኔ ሳኬቲን ዎይኮ ቃሼቲን ኣይዳ ቤዩዲ ኔና ኣይቸዴኒ?” ጋና። 40 ካዎይካ ዛሪዲ ጎዳ ኢንቲሰ ቱሙ ጋይሰ፤ ሃይታ ላፋ ገዲዳ ታ ኢሻታፔ ኢሳዴሰ ኦላዲይሲ ኢንቲ ታስ ኦላዲ ማላ፣ ጋና።

41 “ቃሴካ ሃዲርሳ ባጋራ ዲዛይታሰ፤ ሓንቲኖ ቃንጌቲዳይቶ! ታፔ ሻኬቲዲ ዳቡሎሳሲኔ ኢዛ ኪታንቻታሰ ገብቲዳ ሜርና ታማን ቢቲ ጋና። 42 ጋሶይካ ታ ጋፊን ታና ሚዚዴኬታ፤ ታ ሳሞቲን ታና ኡሺዴኬታ፤ 43 ታና እማሳቲሳ ሞኪዴኬታ፤ ታ ካሎቲን ታና ማይዚዴኬታ፤ ታ ሳኬቲኒኔ ቃሼቲን ታና ኦይቸዴኬታ” ጋና።

44 “ኢሰቲካ ዛሪዲ ጎዳ! ኔ ጋፊን ዎይኮ ኔ ሳሞቲን ዎይኮ ኔ እማሳ ገዲን ዎይኮ ኔ ካሎቲኒኔ ኔ ሳኬቲን ዎይኮ ኔ ቃሼቲን ኦ ኔና ቤዩዲ ኣይዳ ኔሰ ጋኪቤኮኒ?” ጋና።

45 “ሄ ዎዴ ኢዚካ ኢስታሰ ዛሪዲ ጎዳ ኢንቲሰ ቱሙ ጋይሰ፤ ሃንታ ላፋ ታ ኢሻታፔ ኢሳዴሰ ኢንቲ ኦላንታ ኢገዳይሲ ታስ ኢንቲ ኦላንታ ኢገዳ ማላ፣ ጋና። 46 ሃይቲ ጌዴ ሜርና ፒርዳን ባና፤ ዒሎቲ ገዲኮ ሜርና ዴዎኮ ባና” ገዴሰ። *

26

ኣይሁዳቲ ዩሱሳ ዎዳናሰ ማቄቲዳ (ማር 14:1-2፤ ሉቃ 22:1-2፤ ዮሃ 11:45-53)

1-2 ዩሱሲ ሃሳ ሃሳዩ ወርሲዳፔ ጉዬ ባና ካሊዛይታሰ “ናምዑ ጋላሳፊ ጉዬ ፓዚጋ ገዲዳይሳ ኤራቲ? ኣሳ ናይ ካቄታናሰ ኣቋ እሚታና” ገዴሰ። *

3-4 ሃሳፊ ጉዬ ቄሴታ ሃላቃቲኔ ዴሪ ጨማቲ ቃያፋ ጌቲቲዛ ቄሴታ ሃላቃ ገቤን ሸቂዲ ሃላራ ዩሱሳ ኦይሉዲ ዎዲሳናሰ ማቄቲዳ። 5 ገዶ ኣቲን “ኣሳ ገዶን ኦሺ ዴንዶንታ ማላ ባባሌ ጋላሰ ገዶ?” ገዲ ቃቸዳ።

ዩሱሳ ሺቶ ቲዩዳ ማጫሳዮ (ማር 14:3-9፤ ዮሃ 12:1-8)

6 ዩሱሲ ቢታኒያን ኢንቸራቻ ሃርጌራ ዲዛ ሲሞና ጌቲቲዛዴ ሶን ዲሺን፣ 7 ኢሲ ማጫሲ ዲዛራ ዎጋይ ኬሄ ኣልዎ ገዲዳ ኣልባሰዒርሴ ጌቲቲዛ ሺቶ ቢልቃፄ ኩሜሳ ኣይካዳ ዩሱሳኮ ሺቃዳ ኢዚ ማዳን ኡቲዲሺን ኢዛ ሁዔ ቦላ ሺቶዛ ጉሳዲሰ። ** 8 ኢዛ ካሊዛይቲ “ሃሳ ቤዩዲ ሃይሲ ኣዛሰ ማላ ሞሪቲዜ? 9 ሺቶዚ ዳር ዎጋሰ ባይዜቲዳ ሚሻይ ማንቆታሰ ኢሜቲዛኮቸ?” ገዲ።

10 ዩሱሲ ሃሳ ኤሪዲ “ሃኖ ማጫሳዮ ኣዛሰ ዎይሴቲ? ኢዛ ታሰ ሎዎ ኦላዲሰ። 11 ማንቆቲ ኡባ ዎዴ ኢንቲናራ ዴቲሰ፤ ታ ገዲኮ ኡባ ዎዴ ኢንቲናራ ዲኬ ገዴሰ። * 12 ኢዛ ሺቶዛ ታ ቦላ ጉሲዳይሲ ታና ሞሳሰ ገገሳናሳ። 13 ታ ኢንቲሰ ቱሙ ጋይሰ፤ ሃይሲ ሚሽራቸ ቃላይ ሳካኬቲዛ ኣላሚ ዩሽን ኣዎንካ ኢዛ ኦላዲይሲ ኢዞ ቆፊሲዛዝ ገዲዲ ሃሳዬታና” ገዴሰ።

ዩሁዳይ ዩሱሳ ኣሉ እማናሰ ገብቲዳሰ (ማር 14:10-11፤ ሉቃ 22:3-6)

14 ሃሳፊ ጉዬ ታማኔ ናምዎታፔ ኢሶይ ኣሰቆርንቶ ዩሁዳ ጌቲቲዛይሲ ቄሴታ ሃላቃታኮ ቢዲ፣ 15 “ታ ኢንቲሰ ኢዛ ኣሳ እሚኮ ኢንቲ ታሰ ኣይ እማኔ?” ገዴሰ። ኢሰቲካ ኢዛሰ ሄዙ ታሙ ቢራ ኢዛ ኩሼን

* 25:29 ማቶ 13:12፤ ማር 4:25፤ ሉቃ 8:18 * 25:30 ማቶ 8:12፤ 22:13፤ ሉቃ 13:28 * 25:31 ማቶ 16:27፤ ማቶ 19:28 * 25:46 ዳኔ 12:2 * 26:1-2 ኬሳ 12:1-27 * 26:7 ኣልባሰዒርሴ ቦንቸ ሚሽ ኢዛፔ ኦሲቲዛ ቦላ ኣልዎ ሹቻ። * 26:7 ሉቃ 7:37-38 * 26:11 ዛሬ 15:11 * 26:15 ዛካ 11:12

ታዲህ አሚዳ። * 16 ሄ ጋላሳፊ ሲሚዲ የሁዳይ ዩሱፊ አሰታሰ አላ አማናስ አንጃ ዎዳ ናጊሼ ጋምዲዳስ።

ጎዳ ካዎ

(ማር 14:12-21፤ ሉቃ 22:7-13፤ ዮሃ 13:21-30)

17 ኡኬላ ባዓሌ ጌቲቲዛ ባዓሌ ጋላሰ ኢዛ ካሊዛይቲ ዩሱሳኮ ሸቂዲ “ኔ ፓዚጋ ማናሶ አዋን ጊሊሳና ማላ ኮያይ?” ጊዳ።

18 ኢዚካ አሰታሰ ዛሪዲ ጌዳ ካታማ ቢዲ ኤቤሎ ጌቲቲዛ አሰ “አሰታማሬይ ታ ዎዳይ ማቲዳ ጊሸ ታና ካሊዛይታራ ፓዚጋ ታ ኔ ኬላን ቦንቻና ጊዳስ” ጊዲ ዮቲቲ” ጊዳስ። 19 ኢዛ ካሊዛይቲካ ዩሱሲ አሰታ አዛዚዳ ማላ ፓዚጋ ካዎ ጊሊሲዳ።

20 ጋዳይ አማርሲሺን ዩሱሲ ታማኔ ናምዓታራ ማዳን ኡቲዳስ። 21 አሰቲ ሙሳን ዲሺን ኢዚ አሰታሰ “ታ ቱሙ ጋይስ፤ አንቲፊ አሰይ አላ አማና” ጊዳስ።

22 አሰቲካ ኬሂ ሙዘቲዲ ታራን ታራን “ጎዶ ታኔሻ?” ጊዳ። 23 ኢዚካ ዛሪዲ “ታና አላ አማናዳይ ኬሬን ታናራ ኩሼ ዩዲዛዳ። * 24 ኢዛ ጊሸ ካሴ ዓፊቲዳይሳ ማላ አሳ ናይ ባና፤ ጊዶ አቲን አሳ ና አላ አሚዳዳስ አይ-አና! ሄሳዳይ ዩሌቶንታ አቲዳኮ ኢዛስ ሎጎኮሺን” ጊዳስ። 25 ኢዛ አላ አማና የሁዳይ “አሰታማሬ! ታኔሻ?” ጊዳስ። ኢዚካ “ኤ፣ ኔ ጊዳ ማላ” ጊዳስ።

26 አሰቲ ሙሳን ዲሺን ዩሱሲ ሚዛ ቁማፕ ኤኪዲ አንጃዳስ። ማንላዲኔ ባና ካሊዛይታሰ አሚዲ “ሄዩቲ ሚቲ፤ ሃይሲ ታ አሻኮ” ጊዳስ። 27 ቃሴካ አሻ ዳንላዲ ጋላቲዳኔ ባና ካሊዛይታሰ አሚዲ “ዉሪካ ሃይሳፊ ኡዩቲ፤ 28 ዳር አሳ ናጋራፕ ማራና ጉኪዛ ታ ኦራሳ ጫቆ ሱላይ ሃይሳ። * 29 ታ አንቲሰ ጊዛይ ታ አዎ ካዎቲላን ታ አንቲናራ ኦራሳ ዎይኔን ኡሻዛ ኡያና ጋካናስ ሃይሳፊ ሲንላን ሃይሳ ዎይኔ ኡሻ አንቲናራ ኡዩኬ” ጊዳስ።

30 ማዛሙራ ዩዳዳፕ ጉዬ ፑዳ ዳብራዛይቲ ጌቲቲዛ ዘማ ቦላ ኬዚዳ።

ጳጳርሲ ኢዛ ካዳናይሳ ዩሱሲ ካሴቲዲ ዮቲዳስ (ማር 14:27-31፤ ሉቃ 22:31-34፤ ዮሃ 13:36-38)

31 ዩሱሲ አሰታሰ “አንቲ ዉሪ ሃቺ አማርሲ ታናን ቆጵቲዲ ታና ዩጊ ባና፤ ሃሚዳይሳ ታ ሸጫና፤ ማሄቲኔ ላለታና፤ ጌቲቲዲ ካሴ ዓፊቲዳስ። * 32 ጊዶ አቲን ታኔ ዳንዲዳፕ ጉዬ አንቲፊ ሲንላታዳ ጌዳ ጋለላ ባና” ጊዳስ። *

33 ጳጳርሲ ዛሪዲ “ሃንኮይቲ ዉሪ ኔ ጌዶን ቆጵቲኮካ ታኔ ሙሌካ ቆጵቲኬ!” ጊዳስ።

34 ዩሱሲካ ኢዛስ ዛሪዲ “ቱሙ ጋይስ፤ ሃቺ ቃማ ኩቶይ ዋሶንታ ካሴታዳ ሄቶቶ ኔ ታና ካዳና” ጊዳስ።

35 ጳጳርሲ ቃሴ “ኔናራ ታ ሃይቃና ኮሺኮካ ሙሌካ ታ ኔና ካዲኬ!” ጊዳስ። ዩሱሳ ካሊዛ ሃንኮይቲካ ኩሚላ ኢዛይሳላካ ጊዳ።

ጌቲሴማኔን ዩሱሳ ዋሳ (ማር 14:32-42፤ ሉቃ 22:39-46)

36 ሄሳፊ ጉዬ ዩሱሲ ባና ካሊዛይታራ ጌዳ ጌቲሴማኔ ጌቲቲዛሰ ቢዳስ። አሰታካ “ሄ ባዳ ታ ዋሲሺን አንቲ ሃይሳን ኡቲሺቲ” ጊዳስ። 37 ጳጳርሳሪ

ዛቢዳሳ ናይታ ናምዓታ ባናራ ኤኪ ቢዲ ሙዘቲላኔ ዳር ቆፎ ኦይኪዳስ። 38 ሄሳፊካ “ታ ሸምፖፖ ሃይቃና ጋካናስ ዳር ሙዘታዲስ፤ ታናራ ሚኒዲ ሃኒን ታኪቲ” ጊዳስ።

39 አሰታፊ ጉላ ጌዳ ሃኪ ቢ ጉፓንዲ “ታ አዎዉ! ኔስ ዳንዳዩቲኮ ሃይሲ ማቶይ ታፕ አጵ፤ ጊዶ አቲን ታኔ ኮይዳ ማላ ጊዶንታ ኔኒ ኮይዳ ማላ ሃና” ጊ ዋሲዳስ። 40 ሄሳፊ ሲሚዲ ባና ካሊዛይታኮ ዩዲ አሰቲ ጳጳርሳኒን ዳሚዳስ። ጳጳርሳካ “ሃይቶ አሳቶ! አንቲ ታናራ ኢሲ ሳቲኮኔ ሚናናስ ዩኒዳ? 41 ፓጩን አንቲ ጌሎንታ ማላ ሚኒዲ ዋሲቲ፤ አያናይ ጌቲዳስ ሺን አሻይ ጊዲኮ ዳቡራንቻ” ጊዳስ።

42 ቃሴካ ናምዓንላ ቢዲ “ታ አዎዉ! ሃይሳ ኡያናሲ ታስ አቶንታ ሚሸ ጊዲኮ ኔ ሼኔይ ፖሌቶ” ጊዲ ዋሲዳስ። 43 ቃሴካ ኢዚ ዩሺን አሰታ አይፊን ጳጳርሳይ ዳዲዳ ጊሸ ኢቸዳይታ ቤዩዳስ። 44 አሰታ አጊዲ ቃሴካ ቢዲ ሄቸንላ ካሴ ዋሲዳ ቃላ ዛሪ ዋሲዳስ።

45 ሄሳፊ ባና ካሊዛይታኮ ሲሚዲ “ሃሳካ ሸምፕዲ ጳጳርሳይቲ? ሄኮ ሃሳ ሳቲይ ማቲዳስ፤ አሳ ናይ ናጋራንቻታ ኩሼን አጵ አሚታና። 46 ዳንዲቲ አኔ ቦስ! ታና አላ አሚዳይ ዩሳ ቦላ ዳስ” ጊዳስ።

ዩሱሲ ኦይኬቲዳስ (ማር 14:43-50፤ ሉቃ 22:47-53፤ ዮሃ 18:3-12)

47 ኢዚ ሃሳዩሺን ታማኔ ናምዓታፕ ኢሶይ የሁዳይ ዩዳስ። ቁሴታ ሃላቃቲኔ ዳሪ ጨማቲ ዩዲዳ ዳር አሳይ ቶራኔ ዲርቃ ኦይኪዲ የሁዳራ ኢሲፊ ዳስ። 48 የሁዳይካ “ታ ዩሪዛይይ ኢዛ ጊዲዳ ጊሸ ኦይኪቲ” ጊዲ ካሴ ዮቲ ዋላዳስ።

49 ሲቲ ጊ ዩሱሳኮ ቢዲ “አሰታማሬ! ሳር” ጊሼ ዩሱሳ ዩሪዳስ። 50 ዩሱሲካ “ታ ላጌ! ኔ ዩዳ ቆፋ ፖላ” ጊዳስ። ሄራካ አሳይ ሸቄቲዲ ዩሱሳ ኦይኪዲ ቃቸዳስ። 51 ዩሱሳራ ዲዛይታፕ ኢሶይ ጊላ ማሻ ሾዲዲ ቁሴታ ሃላቃዛ አሸካራ ሃይላ ቃንጂዳስ።

52 ዩሱሲካ “አኔ ኔ ማሻ ኮሆን ዛሪ ጌልላ፤ ማሻ ሾዲዛይቲ ማሻን ጳያና። 53 ኮሺኮ ታኔ ታ አዎ ኦይቸዛኮ ዳር ሺዬን ቆዳቲዛ ኦሊዛ ኪታንቻ ታስ ዩዶንታ አጋና ሚሳቲዜ? 54 ሄሳላ ኦሊኮ ቃሴ ጌሻ ማፃፋታን ሃናና ጌቲቲዳይሲ ዋኒ ፖሊታኔ?” ጊዳስ።

55 ሄ ዎዳ ዩሱሲ አሳ “ፓንጋ ኦይኪዛ አሳላ ማሻኔ ዲርቃ ኤኪዲ ታና ኦይካና ዩዳቲ? ዋንቲን ዋንቲን ያሳ ኬላን ኡታዳ ታ ታማርሲሺን ካሴ ኦይኪቤኬታ ሺን። *

56 ጊዶ አቲን ሃይሲ ዉሪካ ሃኒዳይሲ ካሴ ናቤቲ ጌሻ ማፃፋታን ዮቲዳይሲ ፖሊታናሳ” ጊዳስ። ሄ ዎዳ ዩሱሳ ካሊዛይቲ ኢዛ ዩጊዲ ጳዩዳ።

ዩሱሲ ፐርዳ ዲላታ ሲንላ አጵዳስ (ማር 14:53-65፤ ሉቃ 22:54-55፤63-71፤ ዮሃ 18:13-14፤19-24)

57 ሄ ዎዳ ዩሱሳ ኦይኪዲ አሳቲ ሙሴ ዎጋ አሰታማሬቲኔ ዳሪ ጨማቲ ኢሲፊ ሸቂዳሶን ቁሴታ ሃላቃ ቃያፋኮ ኤፊዳ። 58 ጊዶ አቲን ጳጳርሲ ቁሴታ ሃላቃ ጊቤ ጋካናስ ሃሆራ ዩሱሳ ካሊዳስ። ጊቤ ጊዶ ጌሊዲ ሃኒዛይሳ ዉርሴላ ቤያናስ፤ ጊቤ ናጊዛይታራ ኡቲዳስ።

* 26:23 ማዛ 41:9 * 26:28 ኬሳ 24:8፤ ኤር 31:31-34 * 26:31 ዛካ 13:7 * 26:32 ማቶ 28:16 * 26:55 ሉቃ 19:47፤ 21:37

59 ህ ዎዴ ቁሴታ ሃላቃቲኔ ኣይሁዳታ ዲላታይ ኩሚል ዩሱሳ ዎዲሳናሰ ዎርድ ማርካ ኮዩደሰ። 60-61 ዎርድ ማርካቲ ዳርቲ ሸቁኮካ ቤሲዛ ማርካቴል ዳሚቤቴና፤ ጊዶ ኣቲን ጉዩፔ ናምዑ ኣሰ ዳይቲ ሸቁዲ “ሃይሲ ኣዳዚ ታ ያሳ ኬላ ላላዳ ሃቡ ጋላሳራ ዛራዳ ኬፃና ዳንዳያይሰ ጊደሰ” ጊዲ ማርካቲዳ። *

62 ህሳ ሲዩዳ ቁሴታ ሃላቃይ ኡቴላፌ ዳንዲ ኤቁዲ “ሃይቲ ኣሳቲ ኔ ቦላ ማርካቲዳይሳሰ ኣይኮካ ዛሪኪ?” ጊደሰ። 63 ዩሱሲካ ጮዑ ጊደሰ። ቁሴታ ሃላቃይ “ታ ኔና ዳዎ ያሳ ሱንላን ኣይቻይሰ! ኔኒ ኪርሰቶሳ፣ ያሳ ና ጊዲኮ ታሰ ዮታ!” ጊደሰ።

64 ዩሱሲካ “ኔ ጎይሳካ ማላ፤ ጊዶ ኣቲን ኢንቴሰ ኡባሰ ታ ዮቲዛይ ሲንላፌ ኣሳ ናይ ዎልቃማዛ ኡሻቻን ኡቲዲ ሳሎ ሻራራ ዩዛ ዎዴ ኢንቴ ቤያና” ጊደሰ። *

65 ህ ዎዴ ቁሴታ ሃላቃይ ባ ማይዎ ዳኪዲ “ያሳ ቦላ ጫሻ ቃላ ሃሳዩደሰ፤ ኮሰ ሃይሳፌ ኣዲዛ ሃራ ኣዛ ማርካ ኮሺዜ! ያሳ ቦላ ጫሻ ቃላ ኢዚ ሃሳዩሸን ኢንቴ ኢንቴ ሃይላራ ሲዩደታ። 66 ኢንቴሰ ኣይ ሚሳቲዜ?” ጊደሰ። ኢሰቲካ ዛሪዲ ኢዛሰ “ሃይቆይ ቤሴሰ” ጊዳ።

67 ህ ዎዴ ዩሱሳ ኣይፊሶን ጩቲሼ ኢጪዳ፤ ባጋይቲ ባቂሼ፣ 68 “ኪርሰቶሳ! ኔ ኔና ናቤ ጋሳሺን ኔና ባቂዳይ ኦናኮኔ ኣኔ ኮሰ ዮታ” ጊዳ።

ጳፅርሲ ዩሱሳ ካዲደሰ
(ማር 14:66-72፤ ሉቃ 22:56-62፤ ዮሃ 18:15-18፤25-27)

69 ህሳፌ ጉዩ ጳፅርሲ ቁሴታ ሃላቃ ጊቤን ኡቲ ዲሺን ኢሲ ኬላ ጊደን ኦሲዛ ማጫሰ ዲዛራ ኢዛኮ ሸቃዳ “ኔኒካ ጋሊላ ዩሱሳራ ዲዛዳ!” ጋዲሰ።

70 ኢዚ ቃሴ “ኔ ኣይ ጊዛኮኔ ታ ኤሪኬ!” ጊዲ ኡባ ኣሳ ሲንላን ካዲደሰ። 71 ጊቤዛፔ ኬዚዛ ፔንጌ ኢዚ ቢሸን ኢሲ ሃራ ኦሳንቻያ ኢዛ ፃላዳ ህን ጋዳን ዲዛይታሰ “ሃይሲ ኣዳዚ ናዚሬቲ ዩሱሳራ ዲዛዳኮ!” ጋዲሰ።

72 ኢዚካ “ታ ኢዛ ኤሪኬ!” ጊዲ ናምዓንሉ ካዲደሰ። 73 ጉል ጋምዲሸን ህን ኤቁዳ ኣሳቲ ሸቁዲ ጳፅርሳ “ኔ ሃሳያይ ኔ ሃይታራ ዲዛይሳ ቆንጨሴሰ፤ ቱማፔ ኔ ኢሰታ ባጋ ኣሳ” ጊዳ። 74 ኢዚካ ጫቂሼ ኣማቲሼ ህሳ ኣዳዛ “ታ ኤሪኬ!” ጊደሰ። ሄራካ ኩቶይ ዋሲደሰ።

75 ህሳ ዎዴ ዩሱሲ ካሴ ጳፅርሳሰ “ኩቶይ ዋሳናሰ ኔ ታና ህቡቶ ካዳና” ጊዲ ዮቲዳ ቃላይ ቆፊቲን፣ ጳፅርሲ ካሬ ኬዚዲ ጫሞ ዩሆ ዩኪደሰ።

27

የሁዳይ ካቂቲ ሃይቂደሰ
(ማር 15:1፤ ሉቃ 23:1-2፤ ዮሃ 18:28-32)

1 ማላዶ ዎንታራ ቁሴታ ሃላቃቲኔ ዳሬ ጨማቲ ዉሪካ ዩሱሳ ዎቆና ኦጌ ዘሬቲዳ። 2 ዩሱሳ ቃቺ ኤፊዲ ጋዜ ጲላዎሳሰ ኣሉ ኢሚዳ።

3-4 ኢዛ ኣሉ ኢሚዳ የሁዳይካ ዩሱሳ ቦላ ፐርዳቲዳይሳ ቤዩዲ “ኣላ ኢሞንታ ኣጋርኪና” ጊዲ ባ ኤኪዳ ህቡ ታሙ ቢራ ቁሴታ ሃላቃታሰኔ ዳሬ ጨማታሰ ዛሪ ኢሚዲ “ዲሎ ኣሰ ኣላ ኢሚዳ ጊሸ ታ ሞራዲሰ” ጊደሰ። ኢሰቲካ “ሂሰቲን ኮሰ ኣይ ሜቶ! ኔ ኤራ

ኤካ!” ጊዳ። 5 ህሳ ጊሸ የሁዳይ ቢራ ኤፊዲ ያሳ ኬላ ጊደን ዩጊዲ ኬዚ ቢዲ ጨሌቲ ሃይቂደሰ።

6 ቁሴታ ሃላቃቲ ቢራ ዳንሉዲ “ሱላ ዎጋ ጊዲዳ ጊሸ ያሳ ኬላ ሚሻን ጉጃናሰ ቤሴና” ጊዳ። 7 ባ ጊደን ዘሬቲዲ ኢሚዳ ጊዲዳ ኣሳታሰ ዳሬ ጊዳና ማላ ኢሲ ኡርቃ ሚሸ ሜዲዛ ሂላዛ ጋዴ ሻሚዳ። 8 ህሳ ጊሸ ህ ጋዴይ ሃቺ ጋካናሰ ሱላ ጋዴ ጌቲቲሰ።

9-10 ኢዛሰ ዎጋ ጊዳና ማላ “ኢሰራዴሌ ናይቲ ሄሪጊዳ ህቡ ታሙ ቢራ ቆዲ ኤኪዳ። ያሲ ታና ኣዛዚዳ ማላ ኡርቃ ሜዲዛ ሂላዛ ጋዴሰ ኢሚዳ” ጌቲቲዲ ናቤ ኤርማሳ ዳናን ዮቲቲዳይሲ ፖሌቲደሰ።

ዩሱሲ ጲላዎሳ ሲንላን
(ማር 15:2-5፤ ሉቃ 23:3-5፤ ዮሃ 18:33-38)

11 ህ ዎዴ ዩሱሲ ዳሬ ሃሪዛይሳ ሲንላ ሸቁደሰ። ዳሬ ሃሪዛይሲካ “ኔኒ ኣይሁዳ ካዎ?” ጊዲ ኦይቺደሰ። ዩሱሲካ “ኔ ጊዳ ማላ ጊደ” ጊደሰ። 12 ቁሴታ ሃላቃቲኔ ዳሬ ጨማቲ ኢዛ ሞቲሺን ዩሱሲ ኢሰታሰ ኣይኔ ዛሪቤና። 13 ህ ዎዴ ጲላዎሲ ዩሱሳ “ኣፑን ዮጆን ኔና ሞቲዛኮኔ ሲዩኪ?” ጊደሰ። 14 ዳሬ ሃሪዛይሲ ኬህ ማላሌታና ጋካናሰ ዩሱሲ ኢሲ ቃላካ ዛሪቤና።

15 ዳሬ ሃሪዛይሳሰ ባባሌ ጋላሰ ዳሬይ ቃሾ ኣሳፔ “ኤቤሎይ ኮሰ ቢርሼቶ!” ጊ ኦይቺኮ ኢሳዳ ቢርሺዛ ዎጋይ ዳሰ። 16 ህ ዎዴ ጌኔ ኦሶን ኤሬቲዳ ባርባኔ ጌቲቲዛ ኢሲ ቃሾ ኣሲ ዳሰ። 17 ዳሬይ ሸቁዳ ማላ ጲላዎሲ “ባርባኔፔኔ ኪርሰቶሳ ጌቲቲዛ ዩሱሳፔ ታ ኢንቴሰ ኦና ቢርሻና ማላ ኮይቲ?” ጊደሰ። 18 ጲላዎሲ ኢሰቲ ጮ ቃናቲሰ ኣሉ ኢሚዳይሳ ኤሪሼ ኦይቺደሰ።

19 ኢዚ ፐርዳ ኣልጋ ቦላ ኡቲ ዲሺን ኢዛ ማቼያ “ኢዛ ጌደን ሃቺ ታኒ ኣጉሞራ ዳር ሜቶታዲሰ፤ ህሳ ዲሎ ኣዳዛ ቦላ ኔ ኣይኮካ ኦሎንታ ማላ” ጊዛ ኪታ ጲላዎሳሰ ዩዳዲሰ።

20 ጊደ ኣቲን ቁሴታ ሃላቃቲኔ ጨማቲ ኢሰታሰ ባርባኔይ ቢርሼታና ማላኔ ቃሴ ዩሱሳ ዎቆና ማላ ዎሳናሰ ዳሬዛ ቃላይ ጋጋና ማላ ኦሉዳ። 21 ዳሬ ሃሪዛይሲ “ናምዓታፔ ኦና ቢርሻና ማላ ኮይቲ?” ጊ ኦይቺን፣ ኢሰቲ “ባርባኔ ቢርሻ!” ጊዳ።

22 ጲላዎሲካ “ሂሰቲኮ ኪርሰቶሳ ጌቲቲዛ ዩሱሳ ዎሰቶ?” ጊደሰ። ዉሪካ “ካቂቶ!” ጊዳ።

23 ጲላዎሲካ ኣይሲ? “ኣይ ኢታ ኦሉዳ?” ጊዲ ኢሰታ ኦይቺደሰ። ኢሰቲካ ቃሴ ኬህ ዋሲዲ “ካቂቶ!” ጊዳ። 24 ጲላዎሲ ሃኒዛይሲ ዉሪካ ኣሳይ ባ ጊደን ቡልዓኬቴላፌ ኣቲን ሃራ ኣይ ጎዓይ ባይንዳይሳ ዩሺ ያሊዲ “ሃይሳ ኣዳዛ ሱላ ጎሜፔ ታ ጌሻ፤ ሃይሳፌ ጉዩ ኢንቴ ሼኔ” ጊዲ ሃሉ ኤሂሲዲ ዳሬዛ ሲንላን ባ ኩሼ ሜጩቲደሰ። *

25 ዳሬይ ዉሪ “ኢዛ ሱሉ ኮ ቦላኔ ኮ ናይታ ቦላ ጋኮ” ጊዲ ዛሪደሰ። 26 ህ ዎዴ ባርባኔ ኢሰታሰ ቢርሺዲ ዩሱሳ ጋራፊሲዳፔ ጉዩ ካቃና ማላ ኣሉ ኢሚደሰ።

ዎታዳራቲ ዩሱሳ ቦላ ቂሊጪዳ
(ማር 15:16-21፤ ዮሃ 19:2-3)

27 ህሳፌ ዎታዳራቲ ዩሱሳ ጌዩ ዳሬ ሃሪዛይሳ ጊቤ ኤኪ ቢዲ ዉሪ ሸቁዲ ዩሱሳ ጊደ ኣሉዳ። 28 ኢዛ ማይዎ ቃሪዲ ሃራ ዘዎ ማይዎ ማይዚዳ። 29 ኣጉንላ

* 26:60-61 ዮሃ 2:19 * 26:64 ዳኔ 7:13 * 27:24 ዛሬ 21:6-9

አክሊሌ ፃዕዲ ገጊሲዳ፤ አዛ ሁዔ ቦላ ዋሊዳ፤ ሸምቦቆ ጉፊ ኡሻቻ ኩሼን ኦይሊዲኔ አዛ ሲንሳን ጉልባቲዳ “አይሁዳ ካዎ! አንቴስ ቶ!” ጊዳ አዛ ቁጂዳ። 30 አዛ ቦላ ጩቲዳ፣ ሸምቦቆ ጉፊዛ አዛ ኩሼ፣ ኤኪዲ ዩሱሳ ሁዔን ዛሪ ዛሪዳ ሸጩዳ። 31 አዛ ቦላ ቁጂ ካዲደይሳፊ ጉዬ ቃሴካ ዘዎ ማይዎዛ ቃሪ ኤኪዲኔ ካሴ አዛ ማይዎዛ ዛሪ ማይዲዳ ካቃናሶ ኤኪ ቢዳ።

ዩሱሳ ካቁቴስ

32 አሰቲ ኤኪ ቢሺን ቃሪና ጌቲቲዛሶፕ ዩዳ ሲሞና ጌቲቲዛይሳ ደሚዳ ማስቃለዛ አዛ ዋልቃሪ ቶሲዳ። 33-34 ቢርሸቻይ “ሁዔ ጉጌ” ጌቲቲዛ ጎልጎታ ጋኪሺን ጩዬሪ ዋላኬቲዳ ዎይኔ ጫጃ “ኡያ” ጊዳ አሚዳ፤ ጊዳ አቲን አዚ ጋንዒ ኤኪዲ ኡያና ኮይቤና። * 35 አዛ ካቁዳፕ ጉዬን አዛ ማይዎዛ ቦላ ሳማ ዩጊዳ ገሸቲዳ። 36 ሄን ኡቲዳ አዛ ናጊዳ። 37 “ሃይሲ አይሁዳ ካዎ ዩሱሳ” ጊዛ ሞቶ ቃለ አዛ ሁዔ፣ ቦላሪ ዋሊዳ። 38 ናምቡ ዎምባይታፕ አሶይ ዩሱሳ፣ ኡሻቻ ባጋራ፣ አሶይ ሃዲርሳ ባጋራ አዛራ አሲፊ ካቁቴዳ።

39-40 እጌራ አጂ ቢዛ አሳይ ጩዬሺኔ ሁዔ ቃሊሽ * “ዶሳ ኩላ ላላዳ ሄሹ ጋላሳን ሃራ ከፃና ጊዛይሶ! እኔ ኔና አሻ፣ ኔ ዶሳ ና ጊዲኮ እኔ ማስቃለ ቦላፊ ዎቶ” ጊዳ። *

41 ቁሴታ ሃላቃቲ ዳሬ ጩማታራ ጊዲዳ አዛ ቦላ ቁጂሽ፤ 42 “ሃራ አሳ አሺዳሰ ሸን ባና አሻናሰ ዳንዳይቤና፤ አዚ አሰራዔሌ ካዎ ጊዲኮ እኔ ሃዲ ማስቃለ ቦላፊ ዎቶ፤ ኦካ አዛ አማናና። 43 ዶሳን አማኔቲዳሰ፤ ባና ዶሳ ና ጊዳ ማላ ዶሲ አዛ ዶሲዛ ጊዲኮ እኔ ሃዲ አዛ አሻ” ጊዳ። * 44 አዛራ አሲፊ ካቁቴዳ ፓንጋቲካ ሃሳላ ጫሻ ቃለ አዛ ቦላ ቆቆፊዳ።

ዩሱሳ ሃይቆ

(ማር 15:33-41፤ ሉቃ 23:44-49፤ ዮሃ 19:28-30)

45 ጋላሳፊ ኡሱፑን ሳቲፕ ቢዲ ኡዲፋን ሳቲ ጋካናሰ ኩሚላ ቢታይ ቆሚዳሰ። 46 ኡዲፋን ሳቲ ጊዲሺን ዩሱሲ ቃለ ቆቆ ሂስቲዳ “ኤሎሄ! ኤሎሄ! ሳማ ሳባቁታን” ጊዳ ዋሲዳሰ። ሃሳ ጉሳሰ ቢርሸላይ “ታ ዶሶ! ታ ዶሶ! ታና አይሲ አጋዲ?” ጉሳ። * 47 ሄን ጋዳን ኤቁዳ አሳታፕ አሲ አሲ አሳቲ አዛ ዋሶዛ ሲይዳ “ኤላሳ ያይጌሰኮ!” ጊዳ። 48 አሰታፊ አሳዳይ ዎዒ ቢዲ ዛንሻ ሚሳቲዛ ሴፊኔጌ ጌቲቲዛ ሚሽ ኤኪዲ ጩሊዳ ዎይኔ ጫጃን ዩጊ ጩዲሲዲኔ ሸምቦቆ ጌቲቲዛ ሚላ ያሪን ቃሲዳ ኡያና ማላ ዩሱሳ ዲናኮ ሸሺዳሰ። * 49 ሃንኮ አሳይ ቃሴ “አጋጊቲ እኔ፣ ኤላሲ ዩዲ አዛ አሺን ቤያና” ጊዳ። 50 ዩሱሲ ቃሴካ ቆቆ ቃላን ዋሲዳ ሸምፖ ኬዚዳሰ።

51 ሄ ዎዳ ዶሳ ኩላ ማጋላሻይ ቦላ ሁዔራ ዲጌ ሲሚ ዳኬቲዳ ናምቡ ኬዚዳሰ፤ ቢታይ ቃዒዳሰ፤ ዛላቲ ዛዒዳ። * 52 ዲፎቲ ዳዩቲዳ፤ ካሴ ሃይቁዳ ዶሳ አሳፕ ዳሮ ባጋይ ዳንዲዳሰ። 53 ዲፎቲ ኬዚዳ ዩሱሳ ዳንላፊ ጉዬ ጌዳ ጌሻ ካታማ ጌሊዳ ዳርታ አይፊን ቤቲዳ። 54 ማቶ ሃላቃይኔ አዛራ አሲፊ ዩሱሳ ናጊዛይቲ

ቢታ ቃላኔ ሃጊዳይሳ ዉርሲ ቤዩዲ ዳር ባቢዳ። ቃሴ “ሃይሲ ቱማፕ ዶሳ ናኮ!” ጊዳ። 55 ጋሊላፕ ዩዲ ዩሱሳ ኮሺዛዛን ኦሊ ማዳናሰ ካሊዛ ዳር ማጫሳቲ ሃጊዛይሳ ዉርሲካ ሃሆራ ያሊሽ ሄን ዳቲሰ። 56 አሰታ ጊዳን ማግዳሊፕ ዩዳ ማራሚራኔ፣ ያቆቤኔ ዮሴፊ እኖ ማራሚራ፣ ቃሴካ ዛቢዳሳ ናይታ አዩዩራ አሲፊ ዳቲሰ።

ዩሱሲ ሞጌቲዳሰ

(ማር 15:42-47፤ ሉቃ 23:50-56፤ ዮሃ 19:38-42)

57 ጋዳይ ኦማርሲሺን ዮሴፊ ጌቲቲዛ አሲ ዲራ አዳ ዳይሲ አርማቲያሳ ጌቲቲዛሶፕ ዩዳሰ። አዚካ ባ ባጋራ ዩሱሳ ካሊዛይ። 58 አዚ ጸላዶሳ ሲንላ ሸቁዲ ዩሱሳ አሃ አዛሰ አማና ማላ ዎሲን ጸላዶሲካ አዛሰ አማና ማላ አዛዚዳሰ። 59 ዮሴፊይ አሃ ኤኪዲ ጌሺዛ ሞጎ አፋላን ፃዒዳሰ። 60 ሹቶ ዎጩዲ ባሲ ገጊሲዳ ዲፎን ኤፊ ዋሊዳ ጌታ ሹቶ ጌንዳርሲዳ ዲፎዛ ጎርዲዳሰ። 61 ሃሳ ዎዳ ማግዳሊ ማራሚራኔ ሃራ ማራሚራ ዲፎዛ ጊናን ኡቲዳ።

62 ሳምባታሰ ጊጌቲዛ ዎንቴላ ጋላሰ ቁሴታ ሃላቃቲኔ ፋርሳዌቲ ጸላዶሳ ሲንላ ሸቁዲ፣ 63 “ጎደ! ሄ ዎርዶይ ካሴ ጋዳ ዲሽ “ሄሹ ጋላሳፊ ጉዬ ታ ዳንዳና” ጊዳ ቃላይ ኦ ዎዝናን ቱርቸ ጊዳሰ። * 64 ሃሳ ገሽ አዛ ካሊዛይቲ አዛ አሃ ካይሶቲ ኤኪዲ ዳሬሰ “አዚ ሃይቆፕ ዳንዲዳሰ” ጊዳ ዎራሶንታ ማላ ሄሻንላ ጋላሰ ጋካናሰ ዲፎይ ናጌታና ማላ አዛዛ፤ አካይ ጌኮ ካሴይሳፊ ጉዬ ባላይ አዴላ ጊዳና” ጊዳ። 65 ጸላዶሲ “አንቴስ ናጊዛይቲ ዳቲሰ፤ ቢዲኔ አንቴስ ኤሬቲዳ ማላ ናጊሲቲ” ጊዳሰ። 66 አሰቲካ ቢዲ ዲፎዛ ዲና ማታሚን ጎርዲዳ ናጋና ዛቤ ኤሲዳ።

28

ዩሱሲ ሃይቆፕ ዳንዲዳሰ

(ማር 16:1-8፤ ሉቃ 24:1-12፤ ዮሃ 20:1-10)

1 ሳምባታይ አጂዳፕ ጉዬ ሳሚንታፕ ኮይሮ ጋላሰ ቡሮ ሳሎይ ዘዒሺን ማግዳሊ ማራማኔ ሃራ ማራማ ዲፎዛ ቤያና ቢዳ። * 2 ቆፖንታ ዲሺን ጌታ ቢታ ቃሊ ሃጊዳሰ፤ ጎዳ ኪታንቻይካ ሳሎፕ ዎቶ ዲፋኮ ቢዲ ሹቻ ጌንዳርሲዳ አዛ ቦላ ኡቲዳሰ። 3 ኪታንቻሰ ሜቆይ ዎልቃንላ ፖዎ ማላ፤ ማይዎይካ ሻቻ ማላ ቦላ። 4 ዲፎ ናጊዛይቲ ኪታንቻዛሰ ባቢዳ ኮኮሪዲኔ ሃይቁላ ሚሳቲዳ።

5-6 ኪታናቻይ ማጫሳታ “ባቦፍቴ፤ አንቴ ካቁቴዳ ዩሱሳ ኮዩዛይሳ ታ ኤራይሰ፤ አዚ ሃዒ ሃን ባዎ፤ አዚ ካሴ ዮቲዳ ማላ ሃይቆፕ ዳንዲዳሰ፤ ሃ ዩዲ አዚ አቸዳሶ ቤይቲ። 7 ሃዒካ ኤሌሊ ቢዲ አዛ ካሊዛይታሰ “ሃይቆፕ ዳንዲዳሰ። አንቴፊ ካሴቲዳ ጋሊላ ቤሰ፤ አንቴ አዛ ሄን ዳማና” ጊዳ ዮቲቲ። ሃሳ ታ አንቴሰ ዮታዲሰ” ጊዳሰ። 8 ማጫሳቲካ ባቦኔኔ ኡፋይሳን ኩሚዳ አዛ ካሊዛይታሰ ዮታናሰ ኤሌሊዳ ዎላን ዲፎይ ዲዛሶ ዩጊ አጊዳ ቢዳ።

9 ሃራካ ዩሱሲ አሰታ ዳሚዳ “ሃይቶ ሳር” ጊዳሰ። አሰቲካ ዩሱሳኮ ሸቁዲኔ አዛ ቶሆ ኦይኪዳ አዛሰ ጎይኒዳ። 10 ዩሱሲ አሰታ “ባቦፍቴ! ቢዲኔ አሰቲ

* 27:33-34 ማዛ 69:21 * 27:39-40 ማዛ 22:7፤ 109:25 * 27:39-40 ማቶ 26:61፤ ዮሃ 2:19 * 27:43 ማዛ 22:8
 * 27:46 ማዛ 22:1 * 27:48 ማዛ 69:21 * 27:51 ኬሳ 26:31-33 * 27:63 ማቶ 16:21፤ 17:23፤ 20:19፤ ማር 8:31፤ 9:31፤ 10:33-34፤ ሉቃ 9:22፤ 18:31-33 * 28:1 ሳምባታ ሃይሳ ቦላ ሳምባታይ ቁራ ጋላሳ።

ጋሊላ ባና ማላ ታ አሻታሰ የጥቴ። ኢሰቲ ታና ሄን ቤያና” ጊደሰ።

ናጊዛይታ ማርካቴል

11 ማጫሳቲ ቡር ኦጌ ቦላ ዲሺን ናጊዛይታፔ ጉላ ባጋቲ ካታማ ቢዲ ሃኒዳይሳ ወርሲ ቁሴታ ሃላቃታሰ የጥቴዳ። 12-13 ቁሴታ ሃላቃቲካ ዳሬ ጨማታራ ሸቄቴዲ ዘሬቲዳ፤ ዋታዳራታሰ ጊዲዛ ሚሽ አሚዲ “ ሉኒ ቋሲኪዳሺን ኢዛ ካሊዛይቲ ቃማራ ዩዲ ካይሶቲ ኤፊዳ፣ ጌቲ ጊዳ። 14 ሃይሲ ዋሬይ ዳሬ ሃሪዛይሳ ማታን ሲዬቲኮካ ኦኒ ኢዛሰ ሎዔሳ የታና፤ አይኮ ኢታይካ አንቲ ቦላ ጋኮንታ ማላ ኑ አላና” ጊዳ። 15 ዋታዳራቲካ ሚሻ ኤኪዲ ኢሰቲ ጊዳ ማላ ኦሊዳ፤ ሃይሲ የግዚ ሃቺ ጋካናሰ አይሁዳታ አቻን ዳርሶን የጥቴቲሼ ዳሰ።

ዩሱሲ ባና ካሊዛይታ አይፌን ቤቲደሰ

(ማር 16:14-18፤ ሉቃ 24:36-49፤ የሃ 20:19-23፤ ሃዋ 1:6-8)

16 ሄሳፌካ ዩሱሳ ካሊዛ ታማኔ ኢሰኔቲ ዩሱሲ ኢሰታ ቤሲዳ ጋሊላን ዲዛ ዙማ ቦላ ኬዚዳ። 17 ዩሱሳ ቤዩዳ ማላ ኢዛሰ ጎይኒዳ፣ ኢሰታ ጋራሳፌ ጉዲዛ ባጋቲ ሲቋዳ።

18-20 ዩሱሲካ ባና ካሊዛይታኮ ሸቄዲ “ሳሎኒኔ ሳዓን ጎዳቴሌ ታሰ አሜቲደሰ። ሄሳ ጊሽ ቢዲ ዳሬ ኡባ አዋ፣ ናዛኔ ዲሎ አያና ሰንሳን ፃማቂሼ፤ ታና ካሊዛይታ ኦሊቴ፤ ታ አንቲና አዛዚዳይሳ ወርሲ ናጋና ማላ ታማርሲቴ። ታካ አላሜ ወርሴል ጋካናሰ ታ አንቲናራ ዳይሰ” ጊደሰ። *

* 28:18-20 ሃዋ 1:8

ማርቆስ ዓፊዳ

ኑ ጎዳ ዩሱስ ከርስቶሳ ሚሺራቸ ቃላ

ጊዳ ቆፋ

ማርቆስ ሚሺራቸ ቃላይ “ሃይሲ ያሳ ና ዩሱስ ከርስቶሳ ሚሺራቸ ቃላስ ኮይሮ” ጉሳን ደሚስ። ሃይሳ ሃ ሚሺራቸ ቃላዛ ጊዳን ዩሱሲ ኦሳንቻኔ ኢዚ ጎዳቲላራ ዲዛይ ጊዳ ሸቆዳስ። ጎዳቲላይካ ኢዛ ቲሚርቲን፣ ዳይዳንሳታ ቦላ ዲዛ ዋልቃኒኔ ኢዚ ኣሳ ናጋራ ኣቶ ጊዳይሳን ኤሬቲዳስ። ዩሱሲ “ኣሳ ናጋራ ኣይሌቲላፊ ኬሲ ኤካናስ ታ ሸምፖ ኣሳ ጊሸ ኣሳ ኢማናስ ዩዳ ኣሳ ናይ ታና” ጊዳ ባርካ ዮቲዳስ።

ማርቆስ ዩሱሳ ታሪኬ ሺሺዳይ ቆንጩኒኔ ዋልቃይ ኩሚዳ ኦጌራ ጊዳሺን ኢዚ ቲሺ ሂሰቲ ጻሊዳይ ዩሱሳ ቃላኔ ኢዛ ቲሚርቲዛ ጊዳንታ ኢዚ ኦሊዳ ገታ ማላታ ኦሶታ። ኢዚ ፃማቁዛ ዮሃንሳ ጊሸ፣ ዩሱሳ ደንቃቲ ጊሸኔ ኢዚ ኤኪዳ ሜቶዛ ጊሸ ቃንሳራ ዮቲዳ፤ ጉዩን ዩሱሲ ታማርሲዳ ቲሚርቲዛ ጊሸኔ ኢዚ ሃርጋንቻታ ፓሊዳይሳ ቢርሽ ዮቲስ። ዩሱሳ ካሊዛይቲ ጉዩ፤ ዩሱሳ ሎዔሊ ኤሪ ኤሪ ቢዳ ማላ ዩሱሳራ ኤቁቲዛይቲ ቃሴ ዩሱሳ ካሴ፤ ኣሊ ኢደ ኢደ ቢዳ። ማፃፋስ ወርሴሳ ሸምፖቲ ዩሱሲ ቢታ ቦላ ዳዒዳ ወርሴሳ ላይሳን ወርሴሳ ሳሚንታን ፖሊቲዳ ኦሶታ፤ ሃራፔካ ኢዛ ካቁቲላ ጊሸኔ ኢዛ ዳንሳ ጊሸ ዮቲቲስ።

ማርቆስ ሚሺራቸ ቃላስ ወርሴሳን ዲዛ ናምዑ ከፊሌቲ ኢሲ ኢሲ ማፃፋታን ፃላላ ዳቲስ።

- ሃ ማፃፋይ ኦይኪዳ ኩሚላ ቆፋ
- ሚሺራቸ ቃላስ ኮይሮ ደሚስ 1:1-13
- ዩሱሲ ባ ኦሶ ኮይሮ ጋሊላን ደሚዳስ 1:14-9:50
- ዩሩሳሌምን ዩሱሳ ኦሶ 10:1-52
- ዩሩሳሌምኒኔ ሄ ሄራን ወርሴሳ ሳሚንታን ዩሱሳ ጋኪዳ ሜቶ 11:1-15:47
- ሃይቆፔ ጎዳ ዳንላ 16:1-8
- ሃይቆፔ ዳንዲዳ ጎዳ ቆንጩሊኔ ፑዳ ሳሎ ቡሰ 16:9-20

ፃማቁዛ ዮሃንሳ ማርካቲላ
(ማቶ 3:1-12፤ ሉቃ 3:1-18፤ ዮሃ 1:19-28)

- 1 ያሳ ና ዩሱስ ከርስቶሳ ኮይሮ ሚሺራቸይ ሃይሳ፤
- * 2 ናቤ ኢሳያሳ ባጋራ
- “ሄኮ ኔስ ኦጌ ሎዔላናዳ ታ ኪታናዳ ኔፔ ሲንሳራ ዩዳና።” *
- 3 “ሳዳስ ኦጌ ጊሲቲ፤ ኢዚ ባና ኦጌ ሱሪሲዳ ኦሊቲ፤ ጊሸ ባዘ ቢታን ዋሲዛ ጊሪስ” ጌቲቲ ፃፊቲዳስ። *
- 4 ሄሳላካ ፃማቁዛ ዮሃንሳ ኣሳ ፃማቁሺኔ “ኢንቲ ናጋራ ሲሚዳ ፃማቁቲቲ፣ ያሲ ኢንቲ ናጋራ ኣቶ ጋና” ጊ

* 1:1 ኢሲ ኢሲ ጊሸ ማፃፋታን ያሳ ና ጊዛ ቃላዚ ፃፊቲቤና። * 1:2 ሚል 3:1 * 1:3 ኢሳ 40:3 † 1:6 ያሳ ጉሲ ኢሲ ኢሲ ጋዋ ኣሳታ ቃላራ ዳባ ጌቲቲስ። * 1:6 2ካዎ 1:8 * 1:11 ሜዴ 22:2፤ ማዘ 2:7፤ ኢሳ 42:1፤ ማቶ 3:17፤ 12:18፤ ማር 9:7፤ ሉቃ 3:22 † 1:21 ኣይሁዳታ ዋሳ ኬሌ ጊዛይሳ ኣማራሶ ቃላን “ሚኩራቤ” ጌቲቲስ።

ኣዋጂሺ ባዘራ ኬዚ ዋጂዳስ። 5 ዩሁዳ ዳሬይ ኩሚላ ዩሩሳሌም ኣሳይ ወሪ ዮሃንሳኮ ቢ ቢዲ ባ ናጋራ ናጋራ ፓዲ ፓዲ ዮርዳኖሴ ሻፋን ዮሃንሳ ኩሺን ፃማቁቲዳስ። 6 ሄ ዋዳ ዮሃንሲ ማይዒዛይ ጋሚላ ኢሲኬፔ ኦሴቲዳ ማይዳ፤ ቃሴ ባ ያሳን † ዳሮ ጊዳስ። ኢዚ ሚዛ ቁማይ ቦሌኔ ዳጌራ ኤሳ። * 7 ኢዚ “ታኒ ሆካዳ ኢዛ ጫማ ቃሾ ቢርሻናስ ቤሶንታይይ፣ ታፔ ኣጂዛይይ ታፔ ጉዩራ ያና። 8 ታኒ ኢንቲና ሃሳን ፃማቃይስ ኢዚ ጊዳኮ ኢንቲና ዲሎ ኣያናን ፃማቃና” ጊዳ ሳባኪዳስ።

ዩሱሳ ፃማቁቲሊኔ ፓጩቲላ

9 ሄ ዋዳ ዩሱሲ ጋሊላ ጊዳን ዲዛ ናዚሬቲ ጌቲቲዛ ካታማይ፤ ዮርዳኖሴ ሻፋ ዩዲ ዮሃንሳ ኩሺን ፃማቁቲዳስ። 10 ዩሱሲ ፃማቁቲዳ ሃሳፊ ኬዚዳ ማላ ሳሎይ ደዩቲን ዲሎ ኣያናይ ኢዛ ቦላ ሃራጵ ካፎ ሚሳቲዳ ዋጂሺን ቤዩዳስ። 11 ቃሴካ “ታ ደሲዛ ናይ ኔና፣ ኔናን ታ ኦፋዩታይስ” ጊዛ ቃላ ጊሪሲ ፑዳ ሳሎ፤ ሴቲቲዳስ። *

12 ሄራካ ዲሎ ኣያናይ ኢዛ ዳጌ ባዘ ካሌሊ ኤፊዳስ። 13 ሄን ባዘንካ ኦይዲ ታሙ ጋላስ ጋካናስ ፃላዔራ ፓጩቲሺ ጋምዒዳስ። ደባታራ ኢሲፊ ዳዒዳስ። ኪታንቻቲካ ኢዛ ማዲዳ።

ዩሱሲ ዋሌ ኦይኪዛ ኦይዳ ኣሳታ ባና ካላና ማላ ያይጊዳስ

14-15 ዮሃንሲ ቃሾ ኬላ ጌሊዳይሳፊ ጉዩ ዩሱሲ ያሳ ሚሺራቸ ቃላ ሳባኪሺ ጌዳ ጋሊላ ቢዲ “ዋዳይ ጋኪዳስ፤ ያሳ ካዋቲላ ማቲዳስ፤ ናጋራ፤ ሲሚቲ፣ ሚሺራቸ ቃላን ኣማንቲ” ጊዳ ሳባኪዳስ።

16 ዩሱሲ ጋሊላ ኣባ ኣቻራ ኣጂን ሲሞናይኔ ኢዛ ኢሻ ኢንዲራሲ ዋሌ ኦይኪዛይታ ጊዳዳ ጊሸ ኢሰቲ ዋሌ ኦይኪዛ ጌቲ ኣባን ዩሺሺን ቤዩዳስ። 17 ዩሱሲ ኢሰታ “ሃ ዩቲ! ታና ካሊቲ፤ ኢንቲ ዋሌ ኦይኪ ሺሺዛ ማላ ታ ኢንቲና ኣሰ ኦይኪዛይታ ኦላና” ጊዳስ። 18 ኢሰቲ ሄራካ ዋሌ ጌቲዛ ዩጊ ኣጊዳ ዩሱሳ ካሊዳ።

19 ጉላ ጌዳ ሲንላ ኣጂዳ ዛቢዳሳ ና ያቆቤይኔ ኢዛ ኢሻ ዮሃንሲ ዋሳሎን ኡቲዳ ዋሌ ጌቲ ጊሲሲሺን ቤዩዳይኔ ሄራካ ኢሰታ ያይጊዳስ። 20 ኢሰቲካ ባ ኣዋ ዛቢዳሳስ ቃፃራቲዳ ኦሊዛ ኣሳታራ ኢሲፊ ዋሳሎዛ ጊዳን ኣጊዳ ዩሱሳ ካሊ ቢዳ።

ቱና ኣያናይ ኢዛ ቦላ ዲዛይ ዩሱሲ ፓሊዳስ

21 ሄፔካ ቁፊርናሆሚ ቢዳ። ሄራካ ዩሱሲ ኣይሁዳታ ሳምባታ ጋላስ ኣይሁዳታ ዋሳ ኬላ ጌሊዳ ታማርሶ ኦይኪዳስ። ‡ 22 ፃፊታ ማላ ጊዳንታ ጎዳቲላራ ዲዛ ኣሳ ማላ ኢዚ ታማርሲን ኣሳይ ወሪ ኢዛ ቲሚርቲዛን ማላሌቲዳስ።

23 ሄ ዋዳ ኣይሁዳታ ዋሳ ኬላን ዲዛ ቱና ኣያናይ ኢዛ ቦላ ዲዛ ኢሲ ኣይይ 24 “ናዚሬቲ ዩሱሳ ኔ ኦፔ ኣዚ ከያይ? ኦና ጃይሳና ያዲ? ኔ ኦናኮኔ ታ ኔና ኤራይስ፤ ኔኒ ያሳ ጌሻዛ” ጊዳ ዋሲዳስ።

25 ዩሱሳኢካ ቱና ኣያናዛ “ጮዑ ጋዳ ኢዛ፤ ኬዛ!” ጊዳ ሃንቁዳስ።

26 ቱና ኣያናይ ኣዳዛ ጌንዳርሲዳ ኢዚ ቃኬቲሺን ኢዛ፤ ዋሲሺ ኬዚዳስ። 27 ዳሬይ ወሪ “ኣሶ ሃይሲ

አዛ ፓላ? ሃይሲ ጎዳቴላራ ዲዛ ኦራላ ተሚርቲ፤ ቱና ኣያናታካ ኣዛዘሰ፤ ኢሰቲካ ኢዛሰ ኣዛዘቲቲሰ” ገ ማላሌቲሼ ኣሳይ ባ ገደን ኢሶይ ኢሳ ኦይሼቾ ኦይኪዳሰ።

28 ሄራካ ኢዛ ኦሶ ዋሪይ ኩሜል ጋሊላ ዩሾን ዲዛ ዳሬ ኡባን ሲዩቲዳሰ።

ዩሱሲ ዳር ሃርጋንቻታ ፓላዳሰ

29 ኣይሁዳታ ዋሳ ኩላፌ ኩዚዳ ማላ ያቆቤራኔ ዮሃንሳራ ኢሲፌ ጌዴ ሲሞናሶኔ ኢንዲራሳሶ ጌሊዳ። 30 ሄ ጌሊዳ ማላ ሲሞና ቦሎቲያ ሚሻ ሃርጌ ሳኩታዳ ኢቲዳይሳ ኢዛሰ ዮቲዳ። 31 ሄሳ ገሽ ዩሱሲ ኢዚኮ ሸቁዲ ኢዚ ኩሼ ኦይኪዳ ዳንላዳሰ። ሚሻይ ኣገን ኢዛ ዳንዳዳ ኢሰታ ሞካዲሰ።

32 ኣዋ ኣርሼይ ወሊዳፔ ጉዩ ጋዳይ ጳሚሺን ኣሳይ ሃርጋንቻታኔ ዳይዳንላ ኦይኪዳ ኣሳ ወርሲ ዩሱሳኮ ኦኪ ዩዳሰ። 33 ሄ ካታማዩን ዲዛ ኣሳይ ወሪ ኩላ ካሬን ሸቁዳሰ። 34 ኢዚካ ዳማ ዳማ ሃርጌን ሳኩቲዳይታ ዳርታ ፓላዳሰ። ዳር ዳይዳንላታካ ኩሲዳሰ። ገደ ኣቲን ዳይዳንላቲ ዩሱሲ ኦናኮኔ ኤሪዛ ገሽ ዳይዳንላቲ ሃሳያና ማላ ዩሱሲ ኮይቤና።

ዩሱሲ ጋሊላን ሚሺራቾ ቃላ ታማርሲዳሰ

35 ባዘይ ዘዎንታ ማላዳ ዋንታራ ዩሱሲ ዳንዲዲ ኢሲ ኣሲ ባይንዳሶ ቢዲ ሄን ዋሳ ኦይኪዳሰ።

36 ሲሞኒኔ ኢዛራ ዲዛይቲ ዩሱሳ ኮያና ኩዚ ቢዳ።

37 ኢሰቲ ኢዛ ዳሚዲ ኣሲ ወሪ ኔና ኮሻን ዳሰ ገደ።

38 ዩሱሲካ “ታ ዩዳይ ታማርሳናሰ ገደዳ ገሽ ኣኔ ሚሺራቾ ቃላ ዮታናሰ ማታን ዲዛ ጉታታ ቦሰ” ገደዳ።

39 ሄሳ ገሽ ኣይሁዳታ ዋሳ ኩላን ጌሊ ጌሊ ሳባኪሼኔ ዳይዳንላ ኩሲሼ ጋሊላ ኩሜላን ዩዩዳሰ።

ዩሱሲ ኢንቲራቻ ሃርጌዛዳ ፓላዳሰ

40 ኢሲ ኢንቲራቻ ሃርጌዛዳይ ዩሱሳኮ ሸቁዲኔ ኢዛ ሲንላን ጉልባቲዲ “ኔ ሼኔ ገዲኮ ኔ ታና ፓላና ዳንዳያሳ” ገ ዋሲዳሰ። ስ

41 ዩሱሲካ ኣዳዛሰ ሚሹቲዲ ባ ኩሼ ዩዲ ኢዛ ቦቲዲኔ “ታ ኔ ፓሃና ማላ ኮያይሰ፤ ፓሃ!” ገደዳ።

42 ሄራካ ኣዳዛ ኢንቲራቻ ሃርጌይ ኣገን፡ ኣዳዚ ፓዳዳሰ። 43-44 ዩሱሲካ ኣዳዛሰ “ኣናሰካ ሃይሳ ኔ ሃሳዮንታ ማላ ናጌታ፤ ገደ ኣቲን ባዳ ቄሴሰ ኔና ቤሳ። ዳሬዛሰ ማርካ ገደና ማላ ኔ ፓዳዳይሳሰ ሙሴይ ኣዛዚዳ ያርሾዛ ሸሻ” ገዲ ኩሄ ሚንላ ዮቲዳሰ።

45 ገደ ኣቲን ኣዳዚ ኩዚ ቢዲ ባ ቢዳ ኡባሶን ዋሪ ዳርሲ ጳርጨዳሰ። ሄሳ ጌደን ዩሱሲ ኣይ ካታማንካ ቆንጨራ ጌላናሰ ዳንዳይቤና። ሄሳፌ ዳንዲዳይሳን ካታማፔ ካሬራ ኣሲ ባይንዳሶን ዳሰ ኦይኪዳሰ። ኣሳይ ገዲኮ ዳማ ዳማሶፔካ ኢዛኮ ዩዳሰ።

2

ዩሱሲ ቶሆ ሲላ ኣዳዛ ፓላዳሰ

(ማቶ 9:1-8፤ ሉቃ 5:17-26)

1 ጉላ ጋላሳፌ ጉዩ “ዩሱሲ ቁፊርናሆሚ ሲሚዲ ሶን ዳሰ” ገዛ ዋሪ ኣሳይ ሲዩዳሰ። 2 ሄሳ ገሽ ኩላራ ካሬራ ኡቲዛሶይ ጳያና ጋካናሰ ዳር ዳሬይ ሸቁዳሰ። ኢዚካ ያሳ ቃላ ኣሳሰ ሳባኪዳሰ። 3 ኦይዲ ኣሰ ዳይቲ ኢሲ ቶሆይ

ሲሊዳ ኣሰ ቶኪዲ ኢዛኮ ኡሂዳ። 4 ኣሳ ዳርቲላፌ ዳንዲዳይሳን ዩሱሲ ዲዛሶ ጋላናሰ ዳንዳዮንታ ገሽ ዩሱሲ ዲዛ ገናራ ካራ ቃሪዲ ሃርጋንቻዛ ኢዚ ኢቲዳ ሃላራ ዩሱሳ ሲንላ ዳጌ ዋላዳ። * 5 ዩሱሲ ኣሳታ ኣማኖ ቤዩዲ ቶሆይ ሲሊዳ ኣዳዛ “ታ ናዘ! ኔ ናጋራይ ኣቶ ጌቲቲዳሰ” ገደዳ።

6-7 ሄን ጋዳን ኡቲዳ ኢሲ ኢሲ ሙሴ ዋጋ ፃፊቲ ባ ዋዝራ ሃይሲ ኣዳዚ ዋሰቲ ሃይሳሶ ገዜ? “ያሳ ቦላ ጫሻ ቃላ ሃሳዩሰ። ኢሲ ያሳፌ ኣቲን ናጋራ ማራና ዳንዳዩዛይ ኣኔ?” ገዲ ቆፒዳ።

8 ዩሱሲ ሄራካ ኢሰቲ ባ ዋዝናን ቆፒዳይሳ ባ ኣያናን ኤሪዲ “ኢንቲ ዋሰቲ ሃይሳሶ ቆፒቲ? 9 ቶሆይ ሲሊዳ ኣዳዛ፤ ኔ ናጋራይ ኣቶ ጌቲቲዳሰ” ጉሳፊኔ ‘ዳንዳዳ ኔ ሃላ ቶካዳ ባ ጉሳፌ ኣዋይሲ ማቲዜ?’ 10 ገደ ኣቲን ኣሳ ናሰ ቢታ ቦላን ናጋራ ማራና ጎዳቴላ ዲዛይሳ ኢንቲ ኤራና ማላ” ገዲ ቶሆ ሲላ ኣዳዛ፤ 11 “ዳንዳዳ ኔ ቶኪታ ዩዳ ሃላ ቶካዳ ኔሶ ባ” ገደዳ።

12 ኢዚካ ዳንዲዲ ኣሳይ ወሪ ቤዩሺን ሃላ ቶኪዲ ቢዳሰ። ሄን ጋዳን ዲዛ ኣሳይ ወሪ ሃኖዛን ማላሌቲዲ “ካሴ ሃይሳ ማላይ ሃኒን ቤይቦኮ” ገዲ ያሴ ጋላቲዳሰ።

ዩሱሲ ለዌ ያይገዳሰ

(ማቶ 9:9-13፤ ሉቃ 5:27-32)

13 ቃሴካ ዩሱሲ ጋሊላ ኣባ ላንቄ ቢዳሰ። ዳር ዳሬይ ኢዛኮ ዩን ኢዚካ ዩዳ ኣሳ ታማርሲዳሰ። 14 ኢዚ ኦኔራ ኣጲ ቢሺን ኢልፊዮሳ ና ለዌይ ቃሪፃ ሸሽዛሶን ኡቲዳይሳ ቤዩዲ “ሃያ ታና ካላ” ገደዳ። ኢዚካ ዳንዲዲ ዩሱሳ ካሊዳሰ።

15 ሄሳፌ ጉዩ ለዌ ሶን ካላ ማዳን ኡቲ ዲሺን ቃሪፃ ሸሽዛ ዳር ኣሳቲኔ ናጋራንቻቲ ኢዛራ ካሊ ዩዳ ገሽ ኢሰቲ ዩሱሳራኔ ኢዛ ካሊዛይታራ ኢሲፌ ማዳን ኡቲዳ። 16 ፋርሳዌታ ባጋፊ ገዲዳ ሙሴ ዋጋ ታማርሲዛይቲ ዩሱሲ ናጋራንቻታራኔ ቃሪፃ ሸሽዛይታራ ሚሺን ቤዩዲ ኢዛ ካሊዛይታ “ቃሪፃ ቃንዲሲዛይታራኔ ናጋራንቻታራ ኣዛሰ ሚዜ?” ገዲ ኦይቲዳ።

17 ዩሱሲካ ኢሰቲ ገዛይሳ ሲይዲ “ኣኪሜይ ሃርጋንቻታሰ ኮሼሰ ኣቲን ሃርጎንታይታሰ ገደና። ታካ ናጋራንቻታ ያይጋናሰ ያዲሰ ኣቲን ዲሎታ ያይጋናሰ ያቤኬ” ገደዳ።

ያማ ገሽ ሸቁዳ ኦይሾ

(ማቶ 9:14-17፤ ሉቃ 5:33-39)

18 ዮሃንሳ ካሊዛይቲኔ ፋርሳዌቲ ያማ ያሚቲሰ። ኢሲ ኢሲ ኣሳቲ ዩሱሳኮ ዩዲ “ዮሃንሳ ካሊዛይቲኔ ፋርሳዌታ ካሊዛይቲ ያሚቲሰ ሸን ኔና ካሊዛይቲ ኣዛሰ ያሚቲኔ?” ገ ኦይቲዳ።

19 ዩሱሲካ ኢሰታሰ “ሚሺራይ ኢሰታራ ዲሺን ሚሺራ ላጌቲ ያሚ ኤሪዛ? ሚሺራይ ኢሰታራ ዲሺን ያሚ ኤሪቲና። 20 ሚሺራይ ኢሰታፌ ኤኩታና ዋይይ ያና። ሄ ዋዳ ኢሰቲ ያማና።

21 “ጋልፃ ማይያ ቦላ ኦራላ ዋሶ ዋላ ሲኪዛዳይ ኦኒካ ዳና፤ ሃሳሶ ኦሊኮ ኦራላዚ ጋልፃ ዳኪ ዳኪ ዩጌሰ፤ ዳኩላይካ ካሴፔ ጌዳ ኣጲ ኢቲሰ። 22 ሃሳሶካ ኦራላ ዋይኔ ጫጃ ጋልፃ ሉካሞን ዋላዛዳይ ዳና። ዋላዛ ገዲኮ ዋይኔ ጫጃዚ ጋልፃ ሉካሞዛ ጳሴሰ፤ ዋይኔ

§ 1:40 ንቲራቻ ጌሻ ማፃፋይ ቆንጨሲዛ ማላ ኣሳቴላ ቦላ ቦላራ ጋልባን ኩዚዛ ዳማ ዳማ ሃርጌታ ኡባ ቤሴሰ። * 2:4 ሃላራ ገዛይሳ ኢሲ ኢሲ ባጋ ጋሞሶ ቃላራ ዛጳራ ጌቲሰ።

ጫጃዚኔ ሉካዎዚ ናምዓይ ዋሬቴቴሰ። ሄሳ ገሽ ኦራፋ ዋይኔ ጫጃይ ዳናሰ ቤሲዛይ ኦራፋ ሉካዎና” ገዴሰ።

ሳምባታ ገሽ ሸቂዳ ኦይሾ
(ማቶ 12:1-8፤ ሉቃ 6:1-5)

23 ዩሱሲ ኣይሁዳታ ሳምባታ ጋላሰ ገሰቴ ቲያ ገደራ ኣጲሽን ኢዛ ካሊዛይቲ ኢዛራ ኢሲፌ ቢሼ ቲያ ፀጶ ኦይኪዳ። * 24 ፋርሳዌቲ “ኔና ካሊዛይቲ ሳምባታ ጋላሰ ዲጌቲዳ ሚሽ ኣዛሰ ኦሊዞ?” ገዴ ዩሱሳ ኦይቹዳ።

25 ኢዚካ ኢሰታሰ “ዳወቲይ ጋፊዲ ሚዛ ሚሽ ኮይዳ ዋዴ ኢዛራ ኢሲፌ ዲዛይታራ ኢዚ ኦሊዳይሳ ናቤቢቤኩቲ? * 26 ኣቢያታሬይ ቄሴታ ሃላቃቲፋን ዲሽን ኢዚ ያሳ ኩፍ ጌሊዲ ቄሴቲ ያላላ ማናሰ ቤሲዛ ዲማ ካሳ ባሲ ሚዲኔ ባናራ ዲዛይታሰ ኢሚዴሰ” ገዴሰ። *

27 ቃሴካ ዩሱሲ ኢሰታሰ “ሳምባታይ ኣሳሰ ሚጴቲዴሰ ኣቲን ኣሲ ሳምባታሰ ሚጴቲቤና። 28 ሄሳ ገሽ ታ ኣሳ ናይ ሳምባታ ጎዳ” ገዴሰ።

3

ዩሱሲ ኩሼይ ሲሊዳ ኣዴዛ ፓሊዴሰ
(ማቶ 12:9-14፤ ሉቃ 6:6-11)

1 ሃራ ጋላሰ ዩሱሲ ኣይሁዳ ዋሳ ኩፍ ጌሊዴሰ። ሄንካ ኩሼይ ሲሊዳይይ ዴሰ። 2 ዩሱሳ ዋታናሰ ጋሶ ኮዩዛ ኣሳቲ ኢዚ ኣይሁዳታ ሳምባታ ጋላሰ ፓላናኮኔ ገዴ ፓሊሺን ቤያና ኮይዳ።

3 ኢዚካ ኩሼይ ሲሊዳ ኣዴዛ “ሄን ሸቂ ኡቲዳ ኣሳ ሲንሳን ዴንዳ ኤቃ” ገዴሰ። 4 ሄሳፌ ጉዬ ዩሱሲ ኣሳ “ሳምባታ ጋላሰ ቤሲዛይ ሎጶ ኦሶዬ? ኢታ ኦሶ? ኣሳ ሸምፖ ኣሾዬ? ዋይኮ ሸምፖ ዋዴ?” ገዴ ኦይቹዴሰ። ኢሰቲካ ጮቡ ገዴ።

5 ኢሰታ ዋዝና ሸታቲፋን ሚሹቲዲ ኢዛ ገደሊዲ ዩዩ ኣጲ ኤቂዳ ኣሳ ሃንቆራ ዪሊዲ ኣዴዛ “ኔ ኩሼዛ ፒዲሳ!” ገዴሰ። ኣዴዚካ ባ ኩሼ ፒዲሲን ኩሼዚ ሙሊራ ፓሊዴሰ። 6 ፋርሳዌቲ ኩዚ ቢዲ ኢዛ ዋሰቲ ጳይሳናኮኔ ሄርዶሳ ባጋ ገዴዳ ኣሳታራ ዞሬቲዳ።

ኣባ ላንቄን ዳር ኣሳይ ዩሱሳኮ ሸቂዳሰ

7 ዩሱሲ ባና ካሊዛይታራ ኣባኮ ቢዴሰ። ጋለላፔኔ ዩሁዳፔ ዩዳ ዳር ዴሬይ ኢዛ ካሊዴሰ። 8 ኢዚ ኦሊዛይሳ ሲይዲ ኣሳይ ዩሁዳፔ፣ ዩራሳላሚፔ፣ ኤደሚፔ፣ ዮርዳኖሴ ፒንሳን ዲዛ ዴሬታፔ ቃሴ ዪርሴፔኔ ሲደና ሄራፔ ኢዛኮ ዩዴሰ። 9 ኣሳይ ዳሪዳ ገሽ ኢዛ ኡንዴፊንታ ማላ ጉላ ዋሳሎ ኢሰቲ ገሊሳና ማላ ባና ካሊዛይታ ኣዛዚዴሰ። 10 ኢዚ ዳር ሃርጋንቻታ ፓሊዳ ገሽ ሳኮይ ዋይሲዛይቲ ወሪ ኢዛ ባ ኩሼራ ቦቻናሰ ዳፊቲዳ። * 11 ቱና ኣያናቲካ ዩሱሳ ቤዩዳ ማላ ኢዛ ሲንሳን ኩንዲዲ “ኔኒ ያሳ ና” ገዴ ዋሲዳ።

12 ገዴ ኣቲን ኢዚ ኦናኮኔ ቱና ኣያናቲ ቆንጩሶንታ ማላ ኬሂፔ ሃንቁዴሰ።

ዩሱሲ ባና ካሊዛ ታማኔ ናምዓታ ደሪዴሰ
(ማቶ 10:1-4፤ ሉቃ 6:12-16)

* 2:23 ዛሬ 23:25 * 2:25 1ሳሜ 21:1-6 * 2:26 ለዌ 24:9 * 3:10 ማር 4:1፤ ሉቃ 5:1-3 * 3:18 ባ ባጋሰ ሚሹቲዛ፣ ሲሞና ሃይሲ ሃ ሰንሳይ ጉጃቲዳይ ኢሲ ኢሲ ኣሳቲ ኢዚ ባ ሃይማኖቲዛሰ ሚሹቲዛ ገሻሳ ጌቲሰ። ሃራይቲ ቃሴ ኢዚ ኢሲ ኣሳ ኣይሉቴላፌ ዋዚዛ ኢሲ ዲርጂቲ ገዴን ዲዛ ገሻሳ ጌቲሰ። * 3:29 ሉቃ 12:10 * 4:1 ሉቃ 5:1-3

13 ዩሱሲ ፑዴ ዙማ ቦላ ኬዚዲ ባ ኮዩዛይታ ባኮ ያና ማላ ዪይገዴሰ። ኢሰቲካ ኢዛኮ ዩዳ። 14 ኢዛራ ኢሲፌ ገዴና ማላኔ ሳባካናሰ ዩዳና ማላ ታማኔ ናምዓታ “ሃዋሪታ” ገ ሱንሊዴሰ። 15 ኣሳፔ ዳይዳንሳታ ኬሳና ማላ ኢሰታሰ ጎዳቴላ ኢሚዴሰ።

16 ኢዚ ሱንሊዳ ታማኔ ናምዓታ ሱንሊ ሃይሳፌ ካሊዛይሳ፤ ጴፅሮሳ ጌቲቲዳ ሲሞና፣ 17 ቢያሪኔጌሴ ዋይኮ ዳዳ ናይታ ጌቲቲዳ ዛቢደሳ ናይታ ያቆቤኔ ዮሃንሳ፣ 18 ኢንዲራሳ፣ ፒሊጶሳ፣ ባርቴሌሞሳ፣ ማቶሳ፣ ቶማሳ፣ ኢልፊዮሳ ና ያቆቤ፣ ታደሳ፣ ባ ባጋሰ ሚሹቲዛ ሲሞና፣ * 19 ዩሱሳ ኣሊ ኢሚዳ ኣሰቆርንቶ ዩሁዳ።

ዩሱሳኔ ቢዔሊዜቡላ
(ማቶ 12:22-32፤ ሉቃ 11:14-23፤ 12:10)

20 ሄሳፌ ጉዬ ዩሱሲ ኢሲ ሶ ጌሊዴሰ። ኢዚኔ ኢዛ ካሊዛይቲ ካላ ማና ዋዴይ ኢሰታሰ ጳያና ጋካናሰ ዴሬይ ቃሴካ ዳሪ ሸቂዴሰ። 21 ኢዛ ሃኖታ ሲዩዳ ኢዛ ደቦቲ “ጎዮንታ ኣኔና” ገዴ ባናራ ኤኪ ባናሰ ኢዚ ዲዛሶ ጋኪዳ።

22 ዩራሳላሚፔ ዩዳ ያፊቲካ “ቢዔሊዜቡላ ጌቲቲዛ ዳይዳንሳታ ሃላቃይ ኢዛ ቦላ ዴሰ። ኢዚ ዳይዳንሳታ ኬሲዛይ ዳይዳንሳታ ሃላቃ ዋልቃኮ!” ገዴ።

23 ኢዚካ ኢሰታ ዪይገዴ ለሚሶራ “ፃላዔይ ኣሳፔ ፃላዔ ዋሰቲ ኬሳኔ? 24 ባ ገደን ሻኮይ ዲዛ ካዎቴሊ ሚናናሰ ዳንዳዬና። 25 ኢሲ ኩላ ኣሲካ ባ ገደን ሻኬቲኮ ኤቃናሰ ዳንዳዬና። 26 ሄሳታካ ፃላዔይ ባ ጋራሳን ኢሶይ ኢሳራ ሻኬቲኮኔ ኢጻቲኮ ሚኒ ኤቃናሰ ዳንዳዬና። ሄሲካ ኢዛሰ ወርሴላ ገዴና።

27 “ሄሳ ገደን ኢሳዴይ ኮይርቲዲ ዋልቃማ ኣሰ ቃቸንታ ዲሼ ዋልቃማዛሶ ጌላናሲኔ ኢዛ ሚሼ ቦንቃናሰ ዳንዳዬና፤ ኢዛ ኣቆ ቦንቃናሰ ዳንዳዬቲዛይ ዋልቃማዛ ቃቸኮ ፃላላ።

28 “ታ ኢንቴሰ ቱሙ ጋይሰ፤ ኣሳ ናይታሰ ናጋራይኔ ጫሻ ወሪ ማሬታና። 29 ገዴ ኣቲን ዪሎ ኣያና ቦላ ጫሻ ቃላ ሃሳዩዛ ኣሳ ኡባሰ ማርናሰ ናጋራ ኣጮ ገዴና ኣቲን ማሬቲና” ገዴሰ። * 30 ሄሳ ኢዚ ገዴይ ኢሰቲ ኢዛ “ኔ ቦላ ቱና ኣያናይ ዴሰ” ገዴ ገሻሳ።

ዩሱሳ ኣዩዮኔ ኢዛ ኢሻታ
(ማቶ 12:46-50፤ ሉቃ 8:19-21)

31 ሄሳፌ ጉዬ ኢዛ ኣዩዮኔ ኢዛ ኢሻቲ ካሬ ዩ ኤቂዲኔ ኣሴ ኢዛኮ ከቲ ዪይገሲዳ። 32 ኢዛ ዩዩ ኣጲ ኡቲዳ ዳር ኣሳይ “ሄኮ ኔ ኣዩዮኔ ኔ ኢሻቲ ካሬን ኤቂዲ ኔና ኮዬቲሰ” ገዴ።

33 ኢዚካ ዛሪዲ “ታ ኣያ ኦኔ? ታ ኢሻቲ ኦናንቲ?” ገዴሰ። 34 ኢዛ ዩዩ ኡቲዳ ኣሳኮ ዪሊዲ “ታ ኣዩዮኔ ታ ኢሻቲ ሃይታንታኮ! 35 ያሳ ሼኔ ኦሊዛይ ወሪ ኢዚ ታ ኢሻ፣ ታ ሚቸኔ ታ ኣዮ” ገዴሰ።

4

ዜሬላ ዜሪዛዴ ለሚሶ
(ማቶ 13:1-9፤ ሉቃ 8:4-8)

1 ቃሴ ዩሱሲ ሃራ ዋዴ ኣባ ኣቻን ታማርሶ ኦይኪዴሰ። ኢዛኮ ኬሂ ዳር ዴሬይ ሸቂዳ ገሽ ኣባ

ጊደን ዲዛ ዋጎሎ ዲዛሪን ገሊዲ ኡተዳሰ፤ አሳይካ ወሪ አባ አቻን ሸቀደሰ። * 2 ኢዚካ ዳር የጾታ ለሚሰ ሂደት ታማርሲዳሰ። 3 “ሲዩቲ! ኢሳይይ ዜሬላ ዜሪናሰ ኬዚዳሰ። 4 ኢዚ ዜሪሸን ኢሲ ኢሲ ዜሬላ ኦጌ ሰላ ዋዲዳሰ። ኦጌ ሰላ ዋዲዳ ዜሬላ ካፎቲ ማዲ ሚዳ። 5 ባጋይ ማላ ቢታን ዋዲዳሰ። ሄ ቢታይ ማላ ጊዲዳ ገሸ ሄራካ ጫሪዳሰ። 6 ጊደ ኣቲን ኣዋ ኣርሼይ ኬዚዳ ማላ ሹሊዲ ዓጶ ዩደንታ ገሸ ማላዳሰ። 7 ቃሴ ኢሲ ዜሬላ ኣጉንላ ጊደን ዋዲዳሰ፤ ኣጉንላይካ ዲጪዲ ጩሊዳ ገሸ ኣይፊቤና። 8 ሃራ ዜሬላ ቃሴ ሎጾ ኦርዳ ቢታ ሰላ ዋዲዳ ገሸ ጫሪዲ ዲጪዳሰ፤ ኣይፊካ ኣይፊዳሰ፤ ኢሳይ ሄዙ ታሙ፣ ኢሳይ ቃሴ ኡሱፑን ታሙ፣ ኢሳይ ቃሴ ያቲ ኣይፊዳሰ።”

9 ዩሱሲ ቃሴካ “ሲዩዛ ሃይላ ዲዛዳይ ሲዮ!” ጊዳሰ።

ዩሱሲ ለሚሰራ የቲዛ ጋሶ
(ማቶ 13:10-17፤ ሉቃ 8:9-10)

10 ዩሱሲ ባርካ ዲሸን ታማኔ ናምዓቲኔ ካሴ ኢዛራ ዲዛ አሳይ ኢዚ የቲዳ ለሚሰዛ ገሸ ኢዛ ዛሪ ኣይቸዳ። 11 ኢዚካ ኢሰታሰ “ኢንቴሰ ያሳ ካዋቲላ ፀራ ኤሮይ ገሊዳሰ ሸን ካሪን ዲዛይታሰ ጊዲኮ የጾይ ወሪ ለሚሰራ የቲቲሰ። 12 ሄሰካ ካሴ ኢሰቲ ቤዩዲ ቤዩዳይሳ ኣኬኮንታ ማላኔ ሲሞንታ ማላ፣ ቃሴካ ኢሰታ ናጋሪይ ማሪቶንታ ማላኮ” ጊዳሰ።

13 ቃሴካ ዩሱሲ “ሃይሲ ለሚሰይ ኢንቴሰ ገሊቤኔ? ሂሰቲን ሃራ ለሚሰ ኢንቴ ዋሰቲ ኤራኔ? 14 ዜሪዛይይ ቃላ ዜሪሰ። 15 ኢሲ ኢሲ አሳቲ ኦጌ ሰላ ዋዲዳ ዜሬላ ሚሳቲቲሰ፤ ኢሰቲ ቃላ ሲዩዛ ዋዳ ያላዔይ ዩዲ ሄራካ ኢሰቲ ሲዩዳ ቃላ ኢሰታ ዋዝናፕ ኤኪቸሰ። 16 ሃሳላካ ሃራቲ ማላ ቢታ ሰላ ዋዲዳ ዜሬላ ሚሳቲቲሰ። ኢሰቲ ቃላ ሲዩዲ ኡፋይሳን ኤኬቲሰ። 17 ጊደ ኣቲን ኢሰቲ ዓጶ ዩደንታ ገሸ ጉላ ዋዳ ጋምሲሸን ቃላ ጊደን ማቶይ ዋይኮ ጎዳታይ አሳታ ሰላ ዩዛ ዋዳ ሄራካ ጳጳቲቲሰ። 18 ሃራቲ ቃሴ ኣጉንላ ጊደን ዋዲዳ ዜሬላ ሚሳቲቲሰ፤ ኢሰቲ ቃላ ሲሲ ሲዩቲሰ። 19 ጊደ ኣቲን ሃ ቢታ ማቶይ፣ ሚሻ ሲቆይኔ ሃራ ኣሞይ ኢሰቲ ሲዩዳ ቃላ ጩሊዲ ኣይፊ ኣይፎንታ ማላ ዲጌሰ። 20 ሃንኮይቲ ሎጾ ቢታን ዜሬቲዳ ዜሬላ ሚሳቲቲሰ፤ ሃይቲካ ቃላ ሲዩዲ ኤኪዛይኔ ሄዙ ታሙ ኣይፊ፣ ኡሱፑን ታሙ ኣይፊኔ ያቲ ኣይፊ ኣይፊዛይታ” ጊዳሰ።

ጌማን ዲዛ ያምፕ
(ሉቃ 8:16-18)

21 ቃሴካ ዩሱሲ “ያምፕ ኦይላዲ ጌማሶን ዋይኮ ኣርሳ ጊደን ዋላ ኤሬቲ? ፖባና ማላ ቆንጩሶን ዋላታ ጊዳኔ? * 22 ሃሳ ገሸ ቆቲቲዲ ቆንጩ ኬዘንታይ፣ ፖጾን ኬዘንታ ጌማን ኣታናይ ባዋ። * 23 ሃሳ ገሸ ሲዩዛ ሃይላ ዲዛዳይ ሲዮ!” ጊዳሰ።

24 ጉጂዲካ “ኢንቴ ሲዩዳይሳ ዋዝናን ዋላቲ፤ ኢንቴ ማኪዛ ሚሻራ ኢንቴሰ ማኬታና፤ ሃሳፊካ ዳርይ ጉጂታና። * 25 ዲዛዳሰ ጉጂታና ሸን ባይንዳዳፊ ኢዛሰ ዲዛራካ ኤኬቲቻና” ጊዳሰ። *

ዲጪዛ ዜሬላ ለሚሰ

26 ቃሴካ ዩሱሲ “ያሳ ካዋቲላ ዜሬላ ዜሪዛ ኢሲ ኣሰ ሚሳታወሰ። 27 ዜሪዳይይ ኦማርሰ ጲሲኬሰ። ዋንቲሸን ዳንዳሰ፤ ጊደ ኣቲን ኢዚ ኤርንታ ዲሸን ዜሬቲዳ ካሳይ ሞኪዲ ዲጩሰ። 28 ጋዴያካ ኮይር ጫራቶ፣ ካላላዳ ፑጲ፣ ቅሴካ ፑጲዛ ሰላ ሎጾ ኣይፊ ኢማወሰ። 29 ካሳይ ካዲፕ ጉዩ ሰኔይ ጋኪን ኬላ ኣዋይ ሄራካ ማፃ ኣይኬሰ” ጊዳሰ።

ሳናፊጩ ጌቲቲዛ ሚላ ኣይፊ ለሚሰ

30 ዩሱሲ “ያሳ ካዋቲላ ኦ ኣዛራ ገኒሳኔ? ኣዛራ ለሚሳኔ? 31 ቢታ ሰላ ኡባሬ ላፋ ጊዲዳ ሳናፊጩ ኣይፊ ሚሳታወሰ። 32 ዜሬታዳ ዲጪዳፕ ጉዩ ቃሰ ኣታኪልቲታ ኡባሬ ኣጲዛ ገሸ ካፎቲ ዩዲ ሄ ኣታኪልቲይ ሃጋታ ኩዋ ጊደን ሸምፕቲሰ” ጊዳሰ።

33 ዩሱሲካ አሳይ ኤካናሰ ዳንዳይዳሳ ኬና ሃይታ ሚሳቲዛ ሃራ ዳር ለሚሰራ ኢሰታሰ የቲዳሰ። 34 ኣይ ሚሸ ጊዲኮካ ኣሳሰ ለሚሰይ ባይንዳ የቲ ኤሪና። ኢዚኔ ኢዛ ካሊዛይቲ ያላ ዲዛ ዋዳ ጊዲኮ ወርሲ ቢርሸ የቲሰ።

35 ሄ ጋላሰ ጋይይ ቃሚሸን ባና ካሊዛይታ “ኣኔ ጌዳ ሄ ፐንላ ፐናሰ” ጊዳሰ። 36 ኢሰቲ አሳ ሄን ኣጋጊዲ ኢዚ ኡቲ ዲዛ ዋጎሎዛራ ዩሱሳ ኤኪ ቢዳ። ሃራ ዋጎሎቲካ ኢሰታራ ኢሲፊ ዳቲሰ። 37 ሄ ዋዳ ዋልቃማ ዳምባላይ አባ ሰላ ዳንዲዲ ዋጎሎዛ ሃላ ኩማና ጋካናሰ ዳምባላይ ሸጩቸዳሰ። 38 ጊደ ኣቲን ዩሱሲ ቦርኮላ ቦርኮቲዲ ዋጎሎዛሰ ጉዩ ባጋን ኢቸዳሰ። ኢሰቲካ ኢዛ ዳንላዲ “ኣሰታማሬ! ኦኒ ጳዩሸን ኔና ማቴኔ?” ጊዳ።

39 ኢዚካ ዳንዲዲ ጫርኮዛ “ጮቡ ጋ!” ኣባካ “ዋፑ ጋ!” ጊዳሰ፤ ጫርኮይካ ጮቡ ጊዳሰ፤ ሙሉካ ጮቡ ጊዳሰ። 40 ባና ካሊዛይታካ “ሃይሳላ ኣዛሰ ባቢዳቲ? ሃይሳ ጋካናሰ ኢንቴሰ ኣማኖይ ባዌ?” ጊዳሰ።

41 ኢሰቲካ ኬሄ ባቢዲ ባ ጊደን ኢሳይ ኢሳራ “ጫርኮይኔ ኣባይ ኢዛሰ ኣዛዜቲዛይ ሃይሲ ኦኔ?” ጌቲቲዳ።

5

ዩሱሲ ኢሲ ቱና ኣያናይ ኢዛ ሰላ ዲዛዳ ፓላዳሰ
(ማቶ 8:28-34፤ ሉቃ 8:26-39)

1 አባ ፒኒዲ ጌዳ ጌርጌሴኖኔ ጌቲቲዛሶ ቢዳ። 2 ዩሱሲ ዋጎሎዩፕ ዋዲዳ ማላ ቱና ኣያናይ ኢዛ ሰላ ዲዛዳይ ዲፎፕ ኬዚዲ ዩሱሳራ ጋጋና ኢዛኮ ዩዳሰ። 3 ሃይሲ ኣዳዚ ዲፎሶን ዲዛዳይ ሃራይ ኣቶሸን ኦኒካ ኢዛ ሳንሳላታንካ ቃቻናሰ ዳንዳይቤና። 4 ዳር ዋዳ ቶሆ ቢራታራኔ ሳንሳላታራ ቃሸቲሰ። ጊደ ኣቲን ኩሼ ሳንሳላታ ዲጩላ ዩጌሰ፤ ቶሆ ቢራታካ ማንሌሬላ ዩጌሰ፤ ኦኒካ ኢዛ ኦይኪዲ ቲቃናሰ ዳንዳይቤና። 5 ጋላሰኔ ቃማ ዲፎታ ጊደኒኔ ዙማታ ሰላ ዩዩ ዩዩ ዋሲሼ ባ ሰላ ሹቻራ ቃንጻሬላዲ ማዲንሌሰ።

6 ኢዚካ ዩሱሳ ሃሆን ቤዩዳ ማላ ዋሳን ኢዛኮ ዩዲ ኢዛ ሲንላን ጉልባቲዲ ጎይኒዳሰ። 7 ኬሃ ዋሲዲ “ሃይሶ ዋጋ ያሳ ና ዩሱሳ፣ ኔሰ ታናራ ኣዚ ዲዜ? ያሳ ሱንላን ታ ኔና ዋሳይሰ ታና ዋሳይሰ” ጊዳሰ። 8 ኢዚ ሃሳ ጊዳይ ዩሱሲ ካሴ “ኦኒ ቱና ኣያናይ ሃይሳፊ ኬዛ” ጊዳ ገሻሳ።

* 4:21 ማቶ 5:15፤ ሉቃ 11:33 * 4:22 ማቶ 10:26፤ ሉቃ 12:2 * 4:24 ማቶ 7:2፤ ሉቃ 6:38 * 4:25 ማቶ 13:12፤ 25:29፤ ሉቃ 19:26 * 5:9 ለኒኔ ጉሲ ዳር ዋታዳራታ ቡቲ [ጪፊራ] ጉሳ።

9 ሃሳፌ ቃሴ ዩሱሲ ኢዛ “ኔ ሱንሌ ኦኔ?” ጊዲ ኦይቸዳሰ። ኢዛካ “ኦኔ ዳርታ ጊዲዳ ገሽ ታ ሱንሌ ለኔን ጌቲቲሰ” ጊዳሰ። *

10 ሄ ዳሬፔ ከሴ ዩዳንታ ማላ ዩሱሳ ከሂ ዋሲዳሰ።

11 ሄን ማታን ዙማ ቦላ ዳር ትዲንላ ሄሜቲሰ።

12 ቱና ኣያናቲ “ኦ ትዲንላታን ጌላና ማላ ኦሰ ኤር ጋርኪ?” ጊዲ ዩሱሳ ዋሲዳ። 13 ኢዛካ ኢሰታሰ “ኤር” ጊዳሰ። ቱና ኣያናቲካ ኣዳዘፔ ከዚዲ ትዲንላታን ጌሊዳ። ናምቡ ሺ ጊዲዳ ትዲንላይ ወሪ ኣፎዛሪ ዳጌላ ጌንዳሬቲ ዋጂዲ ኣባን ማቲቲዳ።

14 ትዲንላ ሄሚዛይቲ ባቃቲዲ ሃኒዳይሳ ካታማኒኔ ዳሬ ጊዳን ዮቲዳ። ዳሬይካ ሃኒዳይሳ ቤያናሰ ባ ዲዛሶፔ ዲዛሶፔ ከዚዳሰ። 15 ዩሱሳኮ ዩዲ ዳር ዳይዳንላ ኢዛ ቦላ ዲዛ ኣዳዘ ዋዘናይ ኢዛሰ ሰሚን ማይያ ማይዲዲኔ ዋጋራ ኡቲዳይሳ ዩዳ ኣሳይ ቤዩዲ ባቢዳሰ። 16 ሃይሳ ቤዩዳ ኣሳይ ዳይዳንላ ኢዛ ቦላ ዲዛ ኣዳዘ ገሺኔ ትዲንላቲ ሃናይሳ ዳሬዛሰ ዮቲዳ።

17 ሃሳፌ ጉዩ ሄ ዳሬ ኣሳይ ዩሱሲ ኢሰታ ዳሬ ዩዲዲ ባና ማላ ዋሲዳሰ።

18 ዩሱሲ ዋጎሎን ጌሊሺን ዳይዳንላቲ ኢዛፔ ከዚዳ ኣዳዘ ዩሱሳራ ዳናሰ ዋሲዳሰ።

19 ዩሱሲ ቃሴ ኢዚ ኦይቸዳይሳ ኣካይ ጊዲኔ “ኦኔ ጌዳ ኔ ሶ ባ፣ ጎዳይ ኔሰ ኣይ ማላ ጌታ ሚሽ ኦሊዳኮኔ ኢዚ ኔሰ ኦሊዳ ማርቲላ ኔ ሶ ኣሳሰ ዮታ” ጊዳሰ።

20 ኣዳዘካ ባሶ ቢዲ ዩሱሲ ኢዛሰ ኦሊዳ ጌታ ሚሽ ወርሲ ታሙ ካታማ ጌቲቲዛ ዳሬን ዮቲን ሰዩዳይ ወሪካ ማላሊቲዳሰ።

21 ቃሴካ ዩሱሲ ዋጎሎን ጌሊዲ ጌዳ ፒንላ ፒኒዲ ኣባ ኣቻን ዲሺን ዳር ኣሳይ ኢዛ ኣቸ ሺቁዲኔ ኢዛ ጊዳሊዳሰ። 22 ኣይሁዳታ ዋሳ ከላ ሃላቃታፔ ኢሶይ ኢያዒርሳ ጌቲቲዛይሴ ኢዚ ዲዛሶ ቢዲ ዩሱሳ ዳሚዳ ማላ ኢዛ ቶሆ ቦላ ኩንዲዲ 23 “ታሰ ጉላ ና ዲዛራ ሃይቃና ጋወሰ። ኢዛ ሃይቆንታ ጋዓ ዳና ማላ ኔ ሃ ያዳ ኔ ኩሼ ኢዚ ቦላ ዋላርኪ?” ጊዲ ከሂ ዋሲዳሰ።

24 ዩሱሲካ ኢዛራ ኢሲፌ ቢዳሰ። ዳር ኣሳይ ኢዛ ኡንዴላና ጋካናሰ ካሊዳሰ።

25 ታማኔ ናምቡ ላይላ ኩሚላ ሱላ ኢዚ ቦላፌ ጉኪዛ ማጫሰ ዲዛራ ሄን ኣሳራ ዳወሰ።

26 ኢዛ ባሲ ዲዛ ሚሽ ወርሳ ኦንጋና ጋካናሰ ኣኪሚፔ ኣኪሚ ላሞን ዳር ዳቡራዲሰ። ጊዳ ኣቲን ሳኮይ ኢዚሰ ጌዳ ዳሪዳሰ ኣቲን ኣይኮካ ሎዲቤና። 27 ኢዛ ዩሱሳ ገሽ ሰዩዳ ማላ ኣሳ ጊዳራ ዩሱሳ ጉዩራ ካላዳ ኢዛ ማይያ ቦቻዲሰ። 28 ጋሶይካ “ታ ኣይ ሃናዳካ ኢዛ ማይያ ኩሼራ ቦቻ ቦቻዳኮካ ታ ጋዓና” ጋዳ ቆፒዳ ገሻሳ።

29 ጉኪዛ ሱላይ ሄራካ ኤቁ ኣጊዳሰ፤ ኢዛካ ጋዒዳይሳ ባ ኣሳቲላን ኤራዲሰ። 30 ባፔ ዋልቃይ ከዚዳይሳ ዩሱሲ ኤራዲ ጌዳ ኣሳኮ ሰሚዲ “ታ ማይያ ኦኔ ቦቻዳይ?” ጊዳሰ።

31 ኢዛ ካሊዛይቲ ቃሴ “ሃይሲ ዳሬይ ኡንዴቲዲ ሱጌቲሺን ቤያሼ ዋናዳ ‘ታና ቦቻዳይ ኦኔ?’ ጋይ” ጊዳ።

32 ዩሱሲ ሃሳ ኦሊዳይ ኦናኮኔ ቤያናሰ ዩሺ ያሊዳሰ።

33 ማጫሳያካ ባሰ ኣዚ ዋኒዳኮኔ ኤራዳ ባባሼኔ ኮኮራሼ ያዳ ዩሱሳ ሲንሳን ጉፋናዳ ሃኒዳ ቱማ ወርሳ

ኢዛሰ ዮታዲሰ። 34 ኢዛካ “ታ ናዩ! ኔ ኣማናይ ኔና ኣሺዳሰ። ሳርን ባ! ኔ ዋዩፔ ጋዓ!” ጊዳሰ።

35 ዩሱሲ ቡር ሃሳያን ዲሺን ኣይሁዳታ ዋሳ ከላ ሃላቃ ኢያዒርሳ ሶፔ ዩዲ ኢያዒርሳሰ “ኔ ናያ ሃይቃዲሰ፣ ጎዳ ሚላ ኣዛሰ ዳቡሪሳይ?” ጊዳ።

36 ጊዳ ኣቲን ዩሱሲ ኢሰታ ሃሳያ ለፒ ሂሰቲዲ ኣይሁዳታ ዋሳ ከላ ሃላቃዛ “ኔ ኣማና ዓላ ኣማና ኣቲን ባቦፋ!” ጊዳሰ። 37 ጳጳርሳ ያቆቤራኔ ያቆቤ ኣሻ ዮሃኒሳፔ ኣቲን ሃራይ ኦኒካ ኢዛ ካላና ማላ ኮይቤና።

38 ጌዳ ኣይሁዳታ ዋሳ ከላ ሃላቃ ሶ ጋኪዳ ማላ ኣሳይ ዋሲሼ ጫሞ ዩሆ ዩኪዛይሳ ቤዩዳሰ። 39 ሶ ጌሊዲ “ሃይሲ ወሪ ኣዛ ዋሶኔ ኣዛ ዩሆ? ናያ ጲሰካዲሰ ኣቲን ሃይቃቤይኩ” ጊዳሰ።

40 ቃሴ ኣሳይ ወሪ ኢዛ ቦላ ሚጫዳሰ፤ ኣሳ ወርሲካ ከላፌ ከሴዲ ናይ ኣዋኔ ናይ ኣዩዮ ቃሴካ ኢዛራ ኢሲፌ ዩዳይታ ኢዛ ካሊዛይታ ዓላ ካሊላዲ ናያ ዲዛ ሶ ጌሊዳሰ። 41 ናይ ኩሼካ ኦይኪዲ “ዓቢታ ኩሞ!” ጊዳሰ። “ዓቢታ ኩሞ” ጉሳሰ ቢርሼላ “ሃኔ ናዩ፣ ዳንዳ” ጉሳ።

42 ናያካ ሄራካ ዳንዳ ኤቃዲሰ፤ ሄኔ ሃኔ ሃሙታዲሰ። ኢዚሰካ ላይላይ ታማኔ ናምቡ ላይላ፤ ኣሳይካ ሄ ሃናዛን ዳር ማላሊቲዳሰ። 43 ዩሱሲ ሃይሳ ኦኒካ ኤርንታ ማላ ከሂ ሚንላ ዮቲዳሰ፤ “ናይሰ ማና ቁማ ኢሚቲ” ጊዳሰ።

6

ናዚሬቲ ኣሳይ ዩሱሳ ኤኪቤቴና (ማቶ 13:53-58፤ ሉቃ 4:16-30)

1 ሃሳፌ ጉዩ ዩሱሲ ሄፔ ዳንዲዲ ጌዳ ባ ዳሬ ቢዳሰ። ኢዛ ካሊዛይቲካ ኢዛራ ቢዳ። 2 ኣይሁዳታ ሳሞባታይ ጋኪን ኣይሁዳታ ዋሳ ከላ ጌሊዲ ታማርሲሺን ሰዩዳ ኣሳይ “ሃይሲ ኣዳዘ ሃይሳ ወርሲ ኣዋፔ ኤኪዳ? ሃይሲ ኢዛሰ ኣሚቲዳ ኤራቲላይ ኣዜ? ቃሴ ሃይቲ ኢዚ ኦሊዳ ማላታቲ ዋኒ ኢዛ ኩሼን ሃኒዛ?” ጊሼ ማላሊቲዳ። 3 “ሃይሲ ኣናፃዘ ጊዳኔ? ማራሚ ና ያቆቤንታ ዮሳንታ፣ ዩሁዳንታኔ ሰሞናንታ ኣሻ ጊዳኔ? ኢዛ ሚቸቲ ኦናራ ሃን ኦ ማታን ዲዛይታ ዳቲኔ?” ጊዲ ሃሳፌ ዳንዲዳይሳኒ ኢዛን ኡፋዩቲቤቴና።

4 ዩሱሲካ ኢሰታሰ “ናቤይ ቦንቸቶንታይ ባ ዳሬን ባ ዳቦታ ጊዳኒኔ ባሶ ኣሳ ኣቻን ዓላ” ጊዳሰ። *

5 ሄን ጉላ ሃርጋንቻታ ቦላ ኩሼ ዋላ ጋላሬፔ ኣቲን ሃራ ኣይኮ ማላታካ ኦላናሰ ዳንዳይቤና። 6 ኢሰታሰ ኣማናይ ባይንዳይሳ ቤዩዲ ማላሊቲዳሰ። ሃሳፌካ ዩሱሲ ጉታን ጉታን ዩዩ ዩዩ ታማርሲዳሰ።

ባና ካሊዛ ታማኔ ናምባታ ዩሱሲ ከቲዳሰ (ማቶ 10:5-15፤ ሉቃ 9:1-6)

7 ታማኔ ናምባታ ባኮ ያይጊዲ ናምቡ ናምቡ ሂሰቲ ከቲሼ ቱና ኣያናታ ቦላ ኢሰታሰ ጎዳቲላ ኢሚዳሰ።

8 ኢዚ “ኦኒሰ ጊዲዛ ጉፌ ኣቲን ኦኒ ሺንቁ ዋይኮ ኮርጅ ዋይኮ ሚሼ ኦይኮፍቲ። * 9 ጫማ ኣሊቲ ጊዳ ኣቲን ላማና ማይያ ኦይኮፍቲ። 10 ኢሲ ከላ ኢንቲ ጌሊኮ ሄ ካታማፔ ኢንቲ ከዛና ጋካናሰ ሄ ከላን ዲቲ።

* 6:4 ዮሃ 4:44 * 6:8 ሉቃ 10:4-11 * 6:11 ጊዲዚ ኦራላ ጫቆ ማፃፃፎ 1947 ማርቲላ ላይላን ጎፊቲዳ ኣማራላ ገሻ ማፃፃይ ሃይሳፌ ካሊዲ ዲዛ ቆፋ ጉጃቲሰ፤ “ኢንቲሰ ቱማ ጋይሰ፤ ሄ ካታማይፔ ሶዶሚኒኔ ጋሞራሰ ፒርዳ ጋላሰ ሎዳና” ሃይሳ ሃ ቆፋይ ጌሪኬ ቃላን ቢርሼቲዳ ማፃፃታን ዳና። * 6:11 ሃዋ 13:51

11 አዋንካ ኦሪካ አንገትና ሞኪ ኤኮንታ ኢደኮ ሄፕ ኬዚሽ ሄ ዳሬታ ቦላ ማርካ ገዳና ማላ አንገት ቶሆ ቦላ ዲዛ ጉዳላ ቆቆፍቴ” ገዲ አዛዚዳስ። **

12 ኢስቲካ ሄፕ ኬዚዲ ዳሬይ ማርቴላን ገላና ማላ ሳባኪዳ። 13 ዳር ዳይዳንጎታ ኬሲዳ፤ ዳር ሃርጋንቻታ ዛይቴ ተዩ ተዩዲ ፓላዳ። *

ፃግቁዛ የሃረጎ ሃይቆ
(ማቶ 14:1-12፤ ሉቃ 9:7-9)

14 ዩሱሳ ሰንሴ ካሴፕ ኤሬቲ ኤሬቲ ቢሺን ካዎ ሄርዶሲ ሄሳ ሲዩዳስ። ኢሲ ኢሲ አሳቲ “ሃይሳ ማላ ማላታታ ኦሲዛ ፃግቁዛ የሃረጎ ሃይቆፕ ዳንዲደኪ” ገዲ።

15 ባጋይቲ “ኤላሳ” ጌቲስ፤ ባጋ አሳይ ቃሴ “ካሴ ናቤታፕ ኢሳ ሚሳቴስ” ጌቲስ።

16 ሄርዶሲ የጋዛ ሲይዲ “ታ ኢዛ ቆጼ ቃንዲሲዳ የሃረጎ ሃይቆፕ ፓዳ ዳንዲደኪ” ገዲ። 17 ሄርዶሲ ባ አሻ ፒሊጶሳ ማቾ ሄርዲያዶ ኤኪዳ ጌዶን ኦይኮቲዲ ቃሽታና ማላ አዛዚዲ የሃረጎ ቃሾ ኬሌ ጌልላዳስ።

18 የሃረጎ ሄርዶሳ “ኔ አሻ ማቾ ኔ ኤኮንታ ማላ ዋጋይ ኔና ዲጌስ” ገዲ ገሽ ቃቺዳስ። *

19 ሄርዲያዳ ሄሳ ገሽ ሆሎታዳ ኢዛ ዋጲሳናስ ኮያዲስ ሺን ዳንዲያቤኩ። 20 ጋሶይካ የሃረጎ ዲሎኔ ጌሻ አስ ገዲዳይሳ ሄርዶሲ ኤሪዛ ገሽ የሃረጎስ ባቤሲኔ ኢዛ ናጌስ። የሃረጎ የቲዛይሳ ሄርዶሲ ሲይዲ ሄርገዛ ገዲኮካ ኢዚ የቲዛይሳ ዋዝናፕ ሲዩስ።

21 ሄርዶሳ ዩሎታ ጋላስ ቦንቻናስ ቶቃ ሹማታስ፤ ኦላ ዋታዳራታ አዛዚዛ ዋናታሲ፤ ጋላላ ቢታን ኬሂ ኤሬቲዛ ገታ አሳታስ ገቢራ ኬሲዳስ፤ ሄሲካ ሄርዲያዲስ ገጋ ጋላስ ገዲዳስ። 22 ሄርዲያዲ ማጫ ናያ ገላዳ አሳ ሲንጎን ዩሎ ዩዊን ሄርዶሳኔ ኢዚ ያይገዳ አሳ ኢዚ ዩላይ ኡፋይሲዳስ። ካዎይካ ናዮ “ኔ ኮዩዛ ሚሽ ወርሳ ታና ኦይቻ ታ ኔስ አማና” ገዲ። 23 ቃሴካ ታ ካዎቲሳ ባጋ ገዲዳኮካ ኔ ኦይቸኮ ወርሳ ታ ኔስ አማና ገዲ ኢዚስ ጫቁዳስ።

24 ናያካ ኤሌላ ኬዛዳ ባ አዩዮ “ካዎ አይ ኦይቾ?” ገዲ። አዩያካ “ፃግቁዛ የሃረጎ ሀዔ ቃንፃዳ አማ ጋ” ገዲ።

25 ናያካ ኤሌላ ኬዛዳ ካዎዛኮ ገላዳ “ፃግቁዛ የሃረጎ ሀዔ ኬሬን ዋላዳ ኔ ታስ አማና ማላ ኮያይስ” ጋ ኦይቻዲስ።

26 ካዎይ ሄ የጋዛን ዳር ሞጴቲዳስ፤ ገዶ አቲን ያይጌቲዳ አማላ ገሽኔ ጫቁዳ ቃላ ገሽ ኢዚስ አካይ ጋናስ ኮይቤና። 27 ሄሳ ገሽ ዋታዳራታፕ ኢሳ ኤሶን ኪቲዲ የሃረጎ ቆጼ ቃንዲዲ ኢዛ ሀዔ ኤኪ ያና ማላ አዛዚዳስ፤ ኢዚካ ቢዲ ቃሾ ኬላ ገዶን የሃረጎ ቆጼ ቃንዲዳስ። 28 ሀዔዛ ኬሬራ ኤሂዲ ናይስ አማዳስ፤ ናያካ ባ አዩይሲ አማዳስ። 29 የሃረጎ ካሊዛይቲካ ሄሳ ሲዩዳ ማላ ዩዲ የሃረጎ አሃ ኤኪ ኤፊዲ ሞገዲ።

ዩሱሲ ኢቻሹ ሺ ዳሬ ሚዚዳስ
(ማቶ 14:13-21፤ ሉቃ 9:10-17፤ ዮሃ 6:1-14)

30 ሄሳፊ ጉዩ ሃዎሬቲ ሲሚዲ ዩሱሳ አቻን ዩዩ አጲ ባ አላዳይሳኔ ባ ታማርሲዳይሳ ወርሲ ኢዛስ የቲዳ። 31 ዳር አሳይ ዩሼኔ ቢሼ ገዛ ገሽ ቁማ ሚዛ ዋይይካ

ቤቲቤና፤ “አኔ አንገት ፃላ ታናራ አሲ ባይንዳሶ ቢዲ አኔ ጉላ ሽምፕ ኤኮቲ” ገዲ። 32 ሄሳ ገሽ ኢስቲ ባርካ ዋጎሎን ጌሊዲ ኢሲ አሲ ባይንዳሶ ቢዲ።

33 ኢስቲ ቢሺን ዳርቲ ቤዩዲ ቶሆራ ዋላን ኢስታሬ ሲንሴ አጲዳ። 34 ዩሱሲ ዋጎሎዛፕ ዋጲዛ ዋይ ዳር ዳሬይ ሽቁ ኡቲዳይሳ ቤዩዳስ። ሄሚዛይይ ባይንዳ ማሃ ማላ ገዲዳ ገሽ አሳስ ቃጴቲዳስ። ዳር የጋካ ታማርሶ ኦይኪዳስ። *

35 ሄ ዋይ ጋይይ ቃሚ ቃሚ ቢዛ ገሽ ኢዛ ካሊዛይቲ ኢዛኮ ሸቁዲ “ሃይሲ ኑ ዲዛሶይ ባዛኮ፣ ጋይይካ ቃሚዳስ። 36 ሃይሳ ሄራን አሲ ዲዛሶ ቢዲ አሳይ ባስ ሚዛ ካላ ሻሚ ማና ማላ አሳ ዩዳ” ገዲ።

37 ኢዚ ኢስታስ ዛሪዲ “አሳስ ሚዛ ሚሽ ኢንቴ አሚቴ” ገዲ። ኢስቲካ ማላሌቲዲ “ኦኒ ቢዲ ናምዑ ያቲ ዲናሬራ ካላ ሻሚዲ ሃይሳ አሳስ አሚዛኮ ገዲንዳ?” ገዲ። †

38 ኢዚካ ኢስታስ “አንገቲስ አይ ላጌ ኡኬላ ዲዛኮኔ አኔ ቢዲ ያሊቲ” ገን ኢስቲ ቢ ያሊዲ “ኢቻሹ ኡኬላኔ ናምዑ ሞሌይ ዳስ” ገዲ።

39 ሄሳፊ ካሊዲ አሳ ጪሊላ ማታ ቦላ ኦይዳን ኦይዳን ኡቲሳና ማላ አዛዚዳስ። 40 አሳይካ ያቲ ያቲኔ ኢቻሹ ታሙ ኢቻሹ ታሙ ገዲዲ ኦይዳን ኡቲዳስ።

41 ኢዚካ ኢቻሹ ኡኬላኔ ናምዑ ሞሌታ ባ ኩሼን ኦይኪዲ ፑዳ ሳሎ ያሊዲ አንጂዲኔ ኡኬላ ማንሴ ማንሴ አሳስ ገሻና ማላ ባና ካሊዛይታስ አሚዳስ፤ ናምዑ ሞሌታካ ኡባ አሳስ ሻኬሬላዳስ። 42 አሳይ ወሪካ ሚዲ ካሊዳስ። 43 ዩሱሳ ካሊዛይቲ አሳይ ካሊ ሚን ኦቲዳይሳ ታማኔ ናምዑ ፒላ ኩሜላ ሺሺዳ። 44 ካላ ሚዳ አሳፕ ኦቲማሳይ ፃላ ኢቻሹ ሺ።

ዩሱሲ አባ ቦላራ ሃሙቲዳስ
(ማቶ 14:22-33፤ ዮሃ 6:15-21)

45 ሄራካ ኢዚ አሳ ሞይዚሽ ኢዛ ካሊዛይቲ ሲንጎቲዲ ጌዴ ፒንሳ ቤቲሳይዳ ጌቲቲዛሶ ፒናና ማላ አዛዚዳስ። 46 ሄፕካ ኢስታ አጋገዲ ዋሳናስ ፑዳ ዙማ ቦላ ኬዚዳስ።

47 ጋይይ ቃሚን ዋጎሎይ አባ ገዶን ዲሺን ኢዚ ባርካ ቢታ ቦላ ዳስ። 48 አባ ቦላ ጫርኮይ ኬሂ ማቲዳ ገሽ ኢዛ ካሊዛይቲ አባ ሺሪ ሺሪ ዋጎሎ ላገዛ ሚሻራ ባፃቲሺን ዩሱሲ ቤዩዳስ። ዋንታ ቦላ ኢስታኮ ዩዳስ፤ ዩዲኔ ኢስታ አቻራ አጲ ባናላ ሃረዳስ።

49 ገዶ አቲን አጲ ባና ሃረሺን ኢዛ ቤዩዳ ማላ ሞይቲሌ ቤዩዳ ሚሳቲን ወሪካ ዋሲዳ። 50 ወሪካ ኢዛ ቤዩዲ ዳጋሚዳ፤ ኢዚካ ሄራካ ኢስታ የቺዲኔ “አይኮይ ባ፤ ታናኮ ዳጋሞፍቲ!” ገዲ። 51 ኢዚካ ዋጎሎን ኢስታኮ ጌሊን ጫርኮይ ጮዑ ገዲ። ኢስቲካ ዳር ማላሌቲዳ። 52 ካሴ ኢዚ ኡኬላን ኦላዳ ማላታ ቢርሼላ ኢስቲ ኤርጎታ ገሽ ኢስታ ዋዝናይ ዶጪዳስ።

53 አባ ፒኒዲ ጌንሴሬፃ ጌቲቲዛሶ ጋኪዳ፤ ዋጎላፕ ዋጲዲ ዋጎሎዛ ሄን ቃቺዲ አገ ቢዳ። 54 ኢስቲ ዋጎሎፕ ዋጲዳ ማላ አሳይ ዩሱሳ ኤሪዳስ። 55 ወሪካ ባ ዲዛሶ ዲዛሶ ዋፃሬቲዳ ሃርጋንቻታ ሃላን ቶኪ ቶኪ ኤኪዲ ዩሱሲ ዲዛሶ ኤሂዳ። 56 ኢዚ ጋኪዳ ጉታን ዋይኮ ካታማ ገዶን ዋይኮ ዳሬ ገዶን ገዲን ሃርጋንቻቲ ኢዚ አጲሺን ኢዛ ዋሲዲኔ ኢዛ ማይጋ ቦቺዲ ፓፃና

* 6:13 ያቆ 5:14 * 6:18 ሉቃ 3:19-20 * 6:34 ታይ 27:17፤ 1ካዎ 22:17፤ 2ታር 18:16፤ ሄዚ 34:5፤ ማቶ 9:36 † 6:37 ሄ ዋይ 200 ዲናሬ ዳማናስ ኢሲ አሲ 200 ጋላስ ኦላናስ ኮሼስ።

ማላ ሺሺ ሺሺ ዲቡሻይ ዲዛሶን ዋሉዳ። ኢዚ ኣጲ ቢሺን ኢዛ ማይዎ ቦቹዳይቲ ወሪ ፓዒዳ።

7

ካሴ ኣይሁዳ ኣዋታ ዎጋ
(ማቶ 15:1-9)

1 ሃሳፌ ጉዬ ፋርሳዊቲኔ ዩሩሳላሜ፤ ዩሩ ኢሲ ኢሲ ፃፊቲ ዩሱሳ ላንቄን ዩዩ ኣጲዳ። 2 ዩሱሳ ካሊዛይታ፤ ባጋይቲ ሜጠቶንታ ቂታ ኩሼራ ካል ሚሺን ቤዩዳ።

3 ፋርሳዊቲኔ ካሴ ጠማ ኣይሁዳ ኣሳቲ ካሴ ዳሬ ዎጋ ናጋናሰ ኩሼ ሎዔሊ ሜጠቶንታ ካል ሚ ኤሬቴና።

4 ጊያ ቢ ሰሚኮካ ቦላ ሜጠቶ ጌዮንታ ዲሼ ካል ሚ ኤሬቴና። ሃሳቶካ ዋንጫካ፣ ኦቶካ፣ ኬሬካ፣ ኢቸዛ ሂልካ ማታ ሃራ ዎጋታካ ናጌቴሰ።

5 ፋርሳዊቲኔ ፃፊቲ ዩሱሳ “ኔና ካሊዛይቲ ካሴ ኣዋታ ዎጋ ማላ ዲሰ ኣጊዲ ኣዛሰ ኩሼ ሜጠቶንታ ካል ሚዞ።” ጊዲ ኦይቸዳ።

6 ኢዚካ ኢሰታሰ “ኢሳያሲ ቆዴ፤ ቆሞን ሃጊዛ ኢንቲ ጊሽ ሃይሲ ዳሬይ ባ ሚቴርሻን ፃላላ ታና ቦንቸሰ፤ ዋዝናይ ጊዲኮ ታ፤ ሃኪዳሰ።

7 ታሰ ሚላ ሃዳ ጎይኔቴሰ፤ ኢሰታ ተሚርቴይካ ኣሲ ዋሉዳ ዎጋ ፃላ፣ ጊዲ ዮተዳይሰ ቱማ” ጊዳሰ።

8 ያሳ ዎጋ ኣጊዲ ኣሲ ዋሉዳ ዎጋ ናጌቴሰ። 9 ቃሴካ “ኢንቲ ዎጋሰ ጊዲ ያሳ ዎጋ ኢንቲ ኣጋጊዛ ጠንጫቲላ ኦይ ኢንቲሰ ዳሰ። 10 ኣይሰ ጊኮ ሙሴይ ኔ ኣዮኔ ኔ ኣዋ ቦንቻ፤ ባ ኣዮኔ ባ ኣዋ ጫዩዛዳይ ሙሉካ ሃይቆ ጊዳሰ። * 11 ጊደ ኣቲን ኢንቲ ቃሴ ኣሲ ኣሲ ባ ኣዋ ዎይኮ ባ ኣዮ ኢንቲ ታ፤ ዳማናሰ ኮሺዛ ማዶ ታ ያሳሰ ኢማዲሰ፣ ጊኮ፤ 12 ኢንቲ ቃሴ ሃይሳዳይ ባ ኣዋሰካ ባ ኣዩይሲ ሃራ ኣይኮካ ኦላና ማላ ኮዩኮታ። 13 ሃሳ ጊሽ ኢንቲ ዎጋ ናጋና ጊዲ ያሳ ቃላ ላሚታ። ሃይታንታ ሚሳቲዛ ዳርታ ኦሌታ።” ጊዳሰ።

14 ቃሴካ ዩሱሳ ኣሳ ባኮ ያይጊዲ “ወሪካ ታ ጊዛ ሲዩቲኔ ዎዝናን ዋሉቲ። 15 ካሬ፤ ኡሎ ጊደ ጌሊዲ ኣሰ ቱኒሲዛ ኢሲ ሚሺካ ዳና። ሃራ፤ ኣሴ ቱኒሲዛይ ኬላ ኣዋ፤ ጌዳ ካሬ ኬዚዛ ሚሻ። 16 ሲዩዛ ሃይላ ዲዛይ ሲዮ!” ጊዳሰ። *

17 ኢዚ ኣሳ ካሬን ኣጊዲ ኬል ጌሊን ኢዛ ካሊዛይቲ ኢዚ ዮተዳ ለሚሶዛ ቢርሼል ዩሱሳ ኦይቸዳ። 18 ኢዚካ ኢሰታ “ኢንቲሰካ ዮይይ ጌሌኔ? ካሬ፤ ጌሊዲ ኣሴ ቱኒሲዛ ሚሺ ኣዚካ ዳና። 19 ካሬ፤ ጌሊዛይ ጌዳ ዎዝናን ጊደንታ፤ ዳጌ ቃንላ ጊደ ጌሊሰ ቃሴ ሃ፤ ኢዛዳ ኣሳቲላፊ ጌዳ ካሬ ኬዜሰ።” ዩሱሳ ሃሳ ጊደይ ኣሲ ሚዛ ካል ወሪካ ጊሽ ጊዲዳይሳ ቆንጠሳና።

20 ካሊሊዲካ “ኣሳ፤ ኬዚዛይ ኣሴ ቱኒሴሰ። 21 ኣሳ ዎዝና ጊደፊ ኬዚዛይ ኢታ ቆፋታ፣ ላይማ ኣሞኔ ካይሶቲል፣ ኣሴ ዎዶ፣ ላይማቲል። 22 ዩቄቲል፣ ኢታቲል፣ ባሌል፣ ላይማ ካሰ፣ ቃናቴቲል፣ ኣሳ ሱንሳ ሞር፣ ኦቶሬቲል ኣዛላ። 23 ሃይቲ ኢታ ሃናቲ ወሪ ኣሳ፤ ኬዜቴሲኔ ኣሴ ቱኒሴቴሰ” ጊዳሰ።

ኢሲ ማጫሳይ ኣማኖ
(ማቶ 15:21-28)

* 7:10 ኬሳ 20:12፤ 21:17፤ ዛሬ 5:16፤ ሉቄ 20:9

24 ዩሱሳ ሃ፤ ኬዚዲ ያርሴ ጌቴቲዛ ዳሬ ቢዳሰ። ሃን ኢሳዳ ኬል ጌሊዲ ኢዚ ሃን ዲዛይሳ ኣሲ ኤርንታ ማላ ኮዩዳሰ። ጊደ ኣቲን ኢዚ ሃን ኢዛ ዲሳይ ቆቴታናሰ ዳንዳዩቲቤና።

25 ሃራካ ኢሲ ቱና ኣያናይ ኣይኪዳ ጉላ ና ዲዛሪ ኣያ ዩሱሳ ሃን ዲዛይሳ ሲያዳ ኢዛኮ ያዳ ኢዛ ቶሆ ቦላ ኩንዳዲሰ። 26 ማጫሳያ ኣይሁዳ ጊደንታ ጊሪኬ ቃላ ሃሳዩዛ ማጫሳሽን ኢዛ ዩሉቲዳሶይ ሲርፊንቄ ጌቴቴሰ። ኢዛካ ዩሱሳ ናይ፤ ቱና ኣያና ኬሳና ማላ ዎሳዲሰ። 27 ዩሱሳ ዛሬዲ ኢዚሰ “ናይታ ቁማ ኤኪ ካናሰ ዩጋናሰ ቤሶንታ ጊሽ ኮይር ናይቲ ሚ ካሉቶ” ጊዳሰ።

28 ኢዛካ ዛሬዳ “ኤ ጎዶ! ካናቲካ ማዳ ማታን ዳዒዲ ናይታ ኩሼ፤ ጋዴን ዎዶዳይሳ ሚቴሲኮ” ጊዳሰ።

29 ኢዚካ “ሃሰቲኮ ኔኔ ሃሳ ጊዳ ጊሽ ባ! ዳይዳንሳይ ኔ ናይ፤ ኬዚዳሰ” ጊዳሰ። 30 ኢዛ ሲማዳ ሶ ቢሺን ናያ ዳይዳንሳይ ዩዲን ፓፃዳ ሃፃን ኢቸዳር ዳማዲሰ።

ዩሱሳ ኢሲ ዲና ዲዳይ ሃይላ ቱሌ ኣሰ ፓሌዳሰ

31 ሃሳፌ ዩሱሳ ያርሴ ቢታፊ ዳንዲዲ ሲዶና ጊዛሶራ ኣጲ ታሙ ካታማ ጊዛሶራ ካንሲዲ ጌዳ ጋሊላ ኣባኮ ጋኪዳሰ። 32 ኣሳይ ኢሲ ሃይላ ቱሌኔ ኣይፊ ቆቄ ኣሲ ኢዛኮ ሃ ኤኪ ዩዲ ዩሱሳ ኢዛ ቦላ ባ ኩሼ ዎላና ማላ ዎሲዳ።

33 ዩሱሳካ ኢዛ ኣሳ፤ ሻኪ ኤኪ ቢዲ ባ ኩሼ ቢራዴታ ኣዳዛ ሃይላን ጌልሊዳሰ፤ ቃሴካ ጩቶ ጩቲዲ ኣዳዛ ኢንፃርሳ ቦቹዳሰ። 34 ፑዳ ሳሎ ያሊዲኔ ቶኪ ሺምፕዲ “ኤፊታ” ጊዳሰ። ሃሰካ “ፖጌታ” ጉሳ። 35 ሃራካ ኣዳዛ ሃይላቲ ፖጌቲዳ፤ ኢንፃርሳይካ ቢርሼቲን ጌሺ ሃሳዩዳሰ።

36 ዩሱሳ ሃይሳ ቤዩዳይቲ ኣናሰካ ዮቶንታ ማላ ኣዛዚዳሰ፤ ጊደ ኣቲን ኣሳይ ኢዚ ኣዛዚዳይሳፊ ቦላራ ኬሃ ጉጂዲ ዮተዳ። 37 ዳሬዚካ ዎጋ፤ ኣል ማላሊቲዲ “ኢዚ ኦሊዳይሲ ወሪ ሎዎ፤ ቱሌቲ ሲያና ማላ፣ ዲና ዲዳይቲ ሃሳያና ማላ ኦሊዳሰ” ጊዳ።

8

ዩሱሳ ኦይዲ ሺ ኣሰ ሚዚዳሰ
(ማቶ 15:32-39)

1 ሃ ዎዳ ቃሴ ዳር ኣሲ ሸቂዳሰ። ሸቂዳ ኣሳሰ ሚዛ ካል ባይንዳ ጊሽ ዩሱሳ ባና ካሊዛይታ ያይጊዲ።

2 “ሃይቲ ኣሳቲ ታናራ ሃቶ ጋላሰ ጋካናሰ ጋምዒዳ ጊሺኔ ቃሴካ ኢሰታሰ ሚዛ ካል ባይንዳ ጊሽ ታና ሚቸቴሰ።

3 ኢሰታፊ ኢሲ ኢሲ ኣሳቲ ሃሆ፤ ዩዳ ጊሽ ሃይሳ ጋፋራ ታ ኢሰታ ሶ ዩዲኮ ዳቡሪዲ ኦጌ ቦላ ኩንዳና” ጊዳሰ።

4 ኢዛ ካሊዛይቲካ ዛሬዲ “ሃይሳ ባዞን ሃይሳ ማላ ዳሬ ሚዛና ቁማ ኣዋ፤ ዳማኔ?” ጊዳ።

5 ኢዚካ ኢሰታ “ኢንቲኮን ኣፑን ኡኬል ዲዜ?” ጊ ኦይቸዳሰ። ኢሰቲካ “ላፑን ኡኬል ዳሰ” ጊዳ።

6 ኢዚካ ኣሳይ ጋዴን ኡታና ማላ ኣዛዚዳሰ፤ ላፑን ኡኬል ባ ኩሼን ኦይኪ ጋላቲዲኔ ሚንሲዲ ኣሳሰ ጊሺቻና ማላ ባና ካሊዛይታሰ ኢሚን ኢሰቲካ ዳሬዛሰ ጊሺዳ። 7 ቃሴካ ሃን ዲዛ ቄሪ ጉላ ሞሌታ ጊሽ ያሳ ጋላቲዲ ጉላ ሞሌታ ኣሳሰ ጊሺቻና ማላ ባና ካሊዛይታ

* 7:16 ኢሲ ኢሲ ጌሻ ማፃፋቲ ፓይዶ 16 ቦላ ዲዛ ቆፋ ጉጃቴሰ።

አዛዚዳስ። 8 ዳሬይካ ሚዲ ካሊዳስ። ሄሳፊካ እዛ ካሊዳይቲ ማዳፊ ፓላሂዳ ካል ላቸን ፒሳ ኩሜል ዳንሳዳ። 9-10 ሄሳ ሚዳ አሳይ ኦይዲ ሺ ገዳና። ሄ አሳ ሞይዚዲ ባና ካሊዳይታራ ዋጎሎን ጌሊዲ ጌዴ ዳልማኑታ ጌቲቲዛሶ ቢዳስ።

11 ፋርሳዌቲ ዩዲ ዩሱሳራ ፓላሚቲል ኦይኪዳ። እዛ ፓጫናሰ ኮዩዲ ባና ሳሎፔ ማላታ ቤሳና ማላ ኦይቸዳ።

* 12 እዚካ ቶኪ ሸምፒዲ “ሃይሲ ዩሌታዚ አዛሰ ማላታ ኮዩዜ? ታ ኢንቴሰ ቱማ ጋይሰ፤ ሃይሳ ዩሌታሰ ኢሲ ማላታይካ አሚቴና” ገዳስ። * 13 ኢሰታ ሄን አጊዲኔ ዋጎሎን ጌሊዲ ሄ ፒንል ፒኒዳስ።

ፋርሳዌታ ኢርሾኔ ሄርዳሳ ኢርሾ
(ማቶ 16:5-12)

14 እዛ ካሊዳይቲ ካል ኦይኮንታ ባሌቲዳ ገሽ ኢሲ ኡኩል ኦቲን ዋጎሎ ገደን ሃራ ኦይ ካሊካ ዳና።

15 ዩሱሲ ኢሰታ “ፋርሳዌታ ኢርሾፊኔ ሄርዳሳ ኢርሾፊ ናጌቲቲ” ገዲ አዛዚዳስ። *

16 ኢሰቲ ቃሴ ባ ገደን ኢሶይ አሳራ “እዚ ኑና ሃይሳ ገዛይ ኑስ ካል ባይንዳ ገሻሳ” ገ ዮቲቲዳ።

17 ቃሴ ዩሱሲ ኢሰታ ቆፋ ኤሪዲ “ኑስ ካሊ ባይንዳ ገሽ ጋሳ ገዲ ኢንቴ ገደን አዛሰ ሃሳዬቲቲ? ሃሳካ ዩሺ ቆፔኬቲ? ዋዘናንካ ዋሕኬቲ? ዋይኮ ኢንቴ ዋዘናይ ሹቻቲዳ? 18 ኢንቴሰ አይፊይ ዳሰ ሺን ያሌኬቲ? ሃይሌ ዳሰ ሺን ሲዩኬቲ? አኬኬኬቲ? * 19 ኢቻሹ ኡኩል ኢቻሹ ሺ አሳሰ ታ ሚንሳ አሚን አቸን ፒሳ ኩሜል ካል ዳንሳዳቲ?” ገዳስ።

ኢሰቲካ ዛሪዲ “ታማኔ ናምዑ” ገዳ። 20 እዚካ “ላቸን ኡኩል ኦይዲ ሺ አሳሰ ታ ሚንሳ አሚን አቸን ፒሳ ኩሜል ካል ዳንሳዳቲ?” ገ ኦይቸን ኢሰቲካ “ላቸን” ገዳ።

21 እዚካ ኢሰታ “ሂሰቲን ሃሳ ጋካናሰ ዩሺ ቆፒቤኮታካ!” ገዳስ።

ዩሱሲ ቤቴሳይዳን ኢሲ ቆቄ አሲ ፓሊዳስ

22 ሄሳፊ ጌዴ ቤቴሳይዳ ጌቲቲዛሶ ቢዳ። ጉሳ አሳቲካ ኢሲ አይፊ ቆቄ አሲ ዩሱሳኮ ኤሂዲ ዩሱሲ እዛ ቦቻና ማላ ዋሲዳ። 23 እዚካ ሄ ቆቄዛ ኩሹ ኦይኪ ጎቸዲ አሲ ዲዛሶፔ ጌዴ ካሬ ኬሲ አዳዛ አይፊን ጨቲዲኔ ባ ኩሹ እዛ ቦላ ዋሊዲ “ሃሳ ኔሰ አዚ ቤቴዜ?” ገ ኦይቸዳስ።

24 እዚካ ቶቄ ገ ያሊዲ “አሳይ ሚል ሚሳቲዲ ቃዳቲሹ ቤቴሰ” ገዳስ።

25 ቃሴካ ዩሱሲ ባ ኩሹታ እዛ አይፊታ ቦላ ዋሊዳስ፤ ሄራካ እዛ አይፊቲ ያሊዳ፤ ፖዖይካ እዛሰ ሲሚን ወርሲካ ጌሺ ያሊዳስ። 26 ቃሴ “ሃ ጉታታ ገደ ጌሎፓኔ ኦናሰካ ዮቶፓ” ገዲ እዛ ጌዴ እዛሰ ዩዲዳስ። *

ዩሱሲ ያሳፔ ከቲቲዳዴ ገዲዳይሳ ጳፀርሲ ማርካቲዳስ
(ማቶ 16:13-20፤ ሉቃ 9:18-21)

* 8:11 ማቶ 12:38፤ ሉቃ 11:16 * 8:12 ማቶ 12:39፤ ሉቃ 11:29 * 8:15 ሉቃ 12:1 * 8:18 ኤር 5:21፤ ሂዘ 12:2፤ ማር 4:12 * 8:26 ገዲዘ ጫቆ ኦራሳ ማፃፋዚ 1947 ማርቲላ ላይላን ያፊቲዳ አማራላ ገሻ ማፃፋዚኔ ኢሲ ኢሲ ቤኒ ገሪኬ ቃላን ያፊቲዳ ገሻ ማፃፋቲ ሃይሳፊ ካሊዛ ቆፋይ ጉጃቲዳስ። ሂሰቲኮ ሃይሳ ኦናሰካ ዮቶፓ። * 8:28 ማር 6:14-15፤ ሉቃ 9:7-8 * 8:34 ማቶ 10:38፤ ሉቃ 14:27 * 8:35 ማቶ 10:39፤ ሉቃ 17:33፤ ዮሃ 12:25 * 9:2 2ጴፀ 1:17-18

27 ዩሱሲ ባና ካሊዳይታራ ቁሳሪያ ፒሊጲሲዮሴ ጌቲቲዛ ዳሬ አቻን ዲዛ ጉታታ ቢዳስ፤ ኢሰቲ ኦጌ ቦላ ዲሺን ባና ካሊዳይታ “ታና አሳይ ኦና ጌዜ?” ገዲ ኦይቸዳስ።

28 ኢሰቲካ ዛሪዲ ኔና “ፃማቁዛ ዮሃኒሳ ገዛይቲካ ዳቴሰ፤ ባጋቲ ቃሴ ኤላሳ ጌቲሰ፤ ሃራቲ ቃሰ ናቤታፔ ኢሳዴ ጌቲሰ” ገዲ ዮቲዳ። *

29 ካሌሊዲካ ኢንቴቶ ታና ኦና ጌቲ? ገዲ ኦይቸዳስ። ጳፀርሲ “ኔኒ ከርሰቶሳ” ገዳስ።

30 ዩሱሲካ ባ ገሽ ኦናሰካ ኢሰቲ ዮቶንታ ማላ ሚንሳ ዮቲዳስ።

ዩሱሲ ባ ሃይቃናይሳ ካሴቲዲ ዮቲዳስ
(ማቶ 16:21-28፤ ሉቃ 9:22-27)

31 ሄሳፊ ዩሱሲ ባና ካሊዳይታ፡ “አሳ ናይ ዳር ዋዩ ቤያናይሳኔ ዳሬ ጨማታን፡ ቁሴታ ሃላቃኒኔ ያፊታን ካዴታናይሳ አሳ ኩሹን ሃይቃናይሳ፡ ሃይቆፔ ሃዥንላ ጋላሰ ዳንዳናሰ ቤሴሰ” ገዲ ታማርሶ ኦይኪዳስ።

32 እዚካ ሄሳ ኢሰታሰ ቆንጨሲ ዮቲዳስ፡ ጳፀርሲካ እዛ ዲማ ሻኪ ኤፊዲ “ሃሳላ ጎፓ!” ገዲ ሃንቁዳስ።

33 ዩሱሲ ቃሴ ባና ካሊዳይታ ዩሺ ያሊሹ ጳፀርሳ “ሃይሶ ያላዔ ኔ ታፔ ጌዴ ጌዩ ባ! ኔኒ አሳዛፔ ኦቲን ያሳዝ ቆፓካ!” ገዲ ሃንቁዳስ።

34 ሄሳፊ ጌዩ አሳ ባና ካሊዳይታራ ኢሲፊ ባኮ ያይገዲ “ታና ካላናሰ ደሲዛይይ ዲኮ ባና ካዶ፤ ባ ማሰቃሌ ቶኪዲ ታና ካሎ። * 35 ባ ሸምፖ አሻና ደሲዛይይ ቆይሳና ሺን ታ ገሺኔ ታ ሚሺራቾ ቃላ ገሽ ባ ሸምፖ ቆይሲዛይይ ወሪካ አሻና። * 36 አሲ አላሚ ኩሜል ሃሪኮኔ ባ ሸምፖፊ ቆይሲኮ እዛ አይ ጎዓኔ?

37 ዋይኮ አሲ ባ ሸምፖ ገሽ ላሚ ኤካናይ አዚ ዲዜ?

38 “ሃይሳ ላይማኔ ናጋራንቻ ዩሌታ ገደን ዲሹ ታናኒኔ ታ ቃላን ዩላቲዛ አሲ ወሪ ታ አሳ ናይ ታ አዋ ቦንቾራኔ ጌሻ ኪታንቻታራ ዩዛ ዋዴ እዛን ዩላታና” ገዳስ።

9

1 ካሌሊዲካ ዩሱሲ “ታ ኢንቴሰ ቱማ ጋይሰ፤ ሃይሳን ኤቁዳ አሳፔ ያሳ ካዋቲሊ ዋልቃራ ዩሺን ቤያና ጋካናሰ ሃይቆንታ ጋምዓና ኢሲ ኢሲ አሳቲ ዳቴሰ” ገዳስ።

ዩሱሳ ሜቆይ ላሚቲዳስ

2 ኡሱቸን ጋላሳፊ ጌዩ ዩሱሲ ጳፀርሳ ያቆቤኔ ዮሃኒሳ ባናራ ካሌሊ ኤኪዲ ኢሲ ገታ ዙማ ቦላ ኬዜዳስ። ኢሰቲ ባርካ ዲሺን ኢሰታ ሲንላን እዛ ሜቆይ ላሚቲ ዋዲዳስ። * 3 እዚ ማይዲዳ ማይዖይ ቢታ ቦላ ኦኒካ ማይዖ ሚጨዲ ሄሳ ማላ ቦላናሰ ዳንዳዮንታ ቦል ቦቲዳስ። 4 ሄ ዋዴ ኤላሲኔ ሙሴይ ዩሱሳራ ሃሳዬቲሹ ኢሰታሰ ቤቲዳ።

5 ጳፀርሲ ዩሱሳ “አሰታማሬ! ኑኒ ሃን ሃይሳን ዲዛኮ ኑሰ ሎዖ፤ ኔሰ ኢሲ ዳሴ፤ ሙሴሰ ኢሲ ዳሴ፤ ቃሴ ኤላሳሰ ኢሲ ዳሴ፤ ሄዥ ዳሴታ ኑ ኦሊኮቸን?”

ገደድ። 6 ዳር ባቢዳ ገሽ ጳጳርሲ ባ ገዛይሳ ኤሪዲ ገቢና።

7 ሄራካ ሻራይ ኢስታ ካሚን ሻራ ገደራ “ሃይሲ ታ ደሲዛ ታ ናዘኮ! ኢዚ ገዛ ሲዩቱ” ገዛ ቃላ ገሪሲ ዩደሰ። *

8 ሄራካ ኢስቲ ዩሺ ያለን ዩሱሳፕ ኣቲን ኦኒካ ሃራ ኣስ ኢስታራ ዳና።

9 ኢስቲ ዙማ ቦላፌ ዲጌ ዎጲሽን ኣሳ ናይ ሃይቆፕ ዳንዳና ገካናስ ሃይሳ ኢስቲ ቤዩዳይሳ ኦናስካ ዮቶንታ ማላ ኣዛዚደሰ። 10 ኢስቲካ ባስ ዮቲዳ ቃላ ባ ዎዘናን ኦይኪዳ ሽን “ሃይቆፕ ዳንዳ ጉሲ ኣይ ጉሳኮን” ገዲ ባ ገደን ሃሳዩቲዳ

11 ቃሴ ኢስቲ ሙሴ ዎጋ ታማርሲዛይቲ “ካሴቲዲ ኤላሲ ያና ኮሼስ ኣዛስ ገዘ?” ገዲ ኢዛ ኦይቹዳ። *

12 ዩሱሲ ኢስታሰ “ቱሙካ ኤላሲ ካሴቲ ዩዲ ወርሲካ ገረሳና። ሂሰቲንካ ኣሳ ናይ ዳር ዎዩ ኤካናሲኔ ካጲታናስ ቤሴስ ጌቲቲ ያፌቲዳይሲ ኢንቴስ ኣይ ሚሳቲዩ? 13 ገደ ኣቲን ታ ኢንቴስ ገዛይ ኤላሲ ገዲኮ ዩደሰ ሽን ኣሳይካ ኢዛ ገሽ ያፌቲዳ ማላ ባና ኮሼዳ ማላ ኢዛ ቦላ ኦሊደሰ” ገደሰ።

ዩሱሲ ኢታ ኣያናይ ኦይኪዳ ኢሲ ና ፓሊደሰ
(ማቶ 17:14-20፤ ሉቃ 9:37-43)

14 ዲጌ ገደን ኣቲዳ ዩሱሳ ካሊዛይታኮ ኢስቲ ሲሚ ዩሺን ዳር ኣሳይ ኢስታ ገደሊን ሙሴ ዎጋ ታማርሲዛይቲ ኢስታራ ፓላሚቲዛይሳ ቤዩዳ። 15 ዳሬይ ኢዛ ዳሚዳ ማላ ማላሊቲዲ ሳርካናስ ኢዘኮ ዎደደሰ።

16 ኢዚካ ኢስታ “ኢንቴ ኢስታራ ኣዛ ገሽ ፓላሚቲቲ?” ገዲ ኦይቹዳ።

17 ኣሳ ገደፌ ኢሳይይ “ኣስታማሬ! ቱና ኣያናይ ኢዘን ጌለን ዲና ዲዲዳ ታ ና ዳይሳ ታ ኔኮ ኤካ ያዲሰ። 18 ኣያናዚ ዳንዲዛ ዎዩ ቦላፌ ዩጌስ፤ ዲናራ ጎፖንቶ ኬሲ ኬሲ ዩጌስ፤ ኣቻካ ጋርጩስ፤ ኣሳቲላካ ዘዲሴስ። ቱና ኣያና ኬሴቶ ጋዳ ኔና ካሊዛይታ ታ ኦይቹን ኢስቲካ ዳንዳይቤቲና” ገደሰ።

19 ዩሱሲካ ኢስታሰ ዛሬዲ “ኢንቴኖ ኣማናንታ ዩሌታቶ፣ ኣይዳ ገካናስ ታ ኢንቴናራ ዳኔ? ቃሴ ኣይዳ ገካናስ ታ ኢንቴና ዳንዳያኔ? ኣኔ ናዛ ሃ ኤሂቲ” ገደሰ።

20 ኣሳይካ ናዛ ኢዘኮ ኤሂደሰ፣ ቱና ኣያናይ ዩሱሳ ቤዩዳ ማላ ናዛ ሄራካ ጋዴን ጌንዳርሲዲ ኮኮርሲዲኔ ዲናራ ጎፖንቶ ጮፑ ሂሰቲደሰ።

21 ዩሱሲ ናዛ ኣዎ “ሃይሲ ሃርጌይ ኢዛ ኣዩዳሳፕ ኦይኪዳ?” ገደሰ። ናዛ ኣዎይካ “ናቲላፌ ደሚዲ” ገደሰ። 22 “ኢዛ ዎጲናስ ኮይዲ ዳር ዎዩ ታማንካ ሃላንካ ዩጌስ። ኔስ ዳንዳይቲኮ ኔስ ሚሼታኔ ኦና ማዳ” ገደሰ።

23 ዩሱሲ ቃሴ “ ኔስ ዳንዳይቲኮ” ጋይ? ኣማኒዛደሰ ወሪካ ዳንዳይቲሰ” ገደሰ።

24 ናዛ ኣዎይ ሄራካ “ታ ኣማናይሰ ሽን ታ ኣማናይ ላፋ፣ ታና ማዳሪከ?” ገዲ ዋሲደሰ።

25 ኣሳይ ዎጫሚሹ ቡሬቲ ኤኪዲ ኢዘኮ ዩዛይሳ ዩሱሲ ቤዩዲ “ሃይሲ ቱሌኔ ዲዳ ኣያናዘ! ሃይሳ ናዛፕ ኬዛ፣ ኔ ቃሴ ሲማዳ ጌሎንታ ማላ ታ ኔና ኣዛዛይሰ” ገዲ ቱና ኣያና ሴሪደሰ።

26 ቱና ኣያናዚካ ኬሂ ዋሲደሰ፤ ናዚካ ኬሂ ቃኬቲዳፕ ጉዩ ናዛፕ ኬዚደሰ። ዳርቲ ሃይቁዳሰ ጋና ገካናስ ናዚ ኣሃ ሚሳቲደሰ። 27 ገደ ኣቲን ዩሱሲ ናዛ ኩሼ ኦይኪ ዳንዲደሰ። ናዚካ ዳንዲ ኤቁደሰ።

28 ዩሱሲ ሶ ጌሊዳፕ ጉዩ ኢዛ ካሊዛይቲ “ኦ ኢዛፕ ቱና ኣያና ኬሳናስ ኣዛስ ዳንዳይቤይኮን?” ገዲ ኢዛ ኦይቹዳ።

29 ኢዚካ ኢስታሰ “ሃይሳ ማላይ ኬዛና ዳንዳይዛይ ዎሳኒኔ ዮማን ያላ” ገደሰ።

ዩሱሲ ባ ሃይቆ ገሽኔ ባ ዳንደ ገሽ ቃሴካ ዮቲደሰ
(ማቶ 17:22-23፤ ሉቃ 9:43-45)

30 ሄፔ ዳንዲ ጋለላ ባጋራ ኣጲ ቢዳ። ዩሱሲ ባ ዲዛሶ ኦኒካ ኤራና ማላ ኮይቤና። 31 ጋሶይካ ዩሱሲ ባና ካሊዛይታሰ “ኣሳ ናይ ኣሳ ኩሼን ኣጲ ኢሚታና ኢስቲካ ኢዛ ዎጲና፣ ሄዳንሳ ጋላሳፌ ጉዩ ኢዚ ዳንዳና” ገዲ ኢስታ ታማርሲዛ ገሻሳ። 32 ገደ ኣቲን ኢዚ ገዛይሲ ኢስታሰ ጌሊቤና፤ ኢዛ ኦይቻናስካ ባቢዳ።

ኡባፌ ኣጲዛይ ኦኔ?
(ማቶ 18:1-5፤ ሉቃ 9:46-48)

33 ሄሳፌ ጉዩ ቁሬርናሆሚ ቢዳ። ኢዚ ኬፍ ጌሊዲ “ኢንቴ ዩሼ ኦጌ ቦላ ኣዛ ገሽ ፓላሚቲዳቲ?” ገ ኦይቹዳ።

34 ኢስቲ ቃሰ ኦጌ ቦላ “ኦ ገደን ኦፕ ኡባፌ ኣጲዛይ ኦኔ?” ገዲ ፓላሚቲዳ ገሽ ወሪካ ጮቡ ገዳ። *

35 ኢዚ ኡቲዳፕ ጉዩ ታማኔ ናምባታ ያይገዲ “ኮይር ገዳና ኮዩዛዳይ ኡባፌ ወርሴሊኔ ኡባታስ ኣሽካራ ገደ” ገደሰ። *

36 ቁ ጉላ ና ኤሂዲ ኢስታ ገደን ኤሲደሰ። ኢዲሚዳኔ 37 “ሃይታ ጉላ ናይታፕ ኢሳዳ ታ ሱንላን ሞኪ ኤኪዛይይ ታናካ ሞኪ ኤኬስ። ታና ሞኪ ኤኪዛይይ ወሪ ታና ያላላ ገደንታ ታና ከቲዳይሳካ ሞኪ ኤኬስ” ገደሰ። *

ኦና ኢያንታይ ወሪ ኦ ባጋ
(ሉቃ 9:49-50)

38 ዮሃኒሲካ “ኣስታማሬ! ኢሳይይ ኔ ሱንላን ዳይዳንሊ ኬሲሺን ኦ ቤይደሰ። ኢዚ ኦና ካሎንታ ገሽ ኬሶንታ ማላ ዲገደሰ” ገደሰ።

39 ዩሱሲ ቃሴ “ዲጎፍቲ፤ ኦኒካ ታ ሱንላን ማላታ ኦሊዲ ኤሶቲዲ ታ ቦላ ኢታ ሃሳያናስ ዳንዳይና።

40 ኦናራ ኤቁቶንታይ ወሪ ኦናራ ደሰ። * 41 ታ ኢንቴስ ቱሙ ጋይሰ፤ ኢንቴ ቲዩቲዳ ኪርሰቶሳሰ ገዲዳ ገሽ ታ ሱንላን ኢሲ ዋንጫ ሃላ ኢንቴና ኡሺዳይይ ወሪ ባ ኦሶይሰ ዎጋ ጳዩና። *

ኣሳስ ጳጳ ገዳናፕ ናጌቲላ
(ማቶ 18:6-9፤ ሉቃ 17:1-2)

42 “ሃይታ ታና ኣማኒዛ ሃ ጉላታፕ ኢሳደሰ ጳጳ ገዲዛይ ወሪ ዳዎ ዎጻ ሹቹ ኢዛ ቆጴን ቃሹቲን ዲጌ ኣባ ገደ ኦሊቲዳኮ ኢዛስ ሎዎ ገዳና። 43 ሄሳ ገሽ ኔ ኩሼይ ኔና ባሌሊኮ ኔፕ ቃንጻ ዩጋ፤ ናምቡ ኩሼራ ዳዳ ጌዳ ጋናሚ ታማን ኔ ባናይሳፌ ኩሼ ዲጻ ገዳዳ ጌዳ

* 9:7 ማቶ 3:17፤ ግር 1:11፤ ሉቃ 3:22 * 9:11 ሚላ 4:5፤ ማቶ 11:14 * 9:34 ሉቃ 22:24 * 9:35 ማቶ 20:26-27፤ 23:11፤ ግር 10:43-44፤ ሉቃ 22:26 * 9:37 ማቶ 10:40፤ ሉቃ 10:16፤ ዮሃ 13:20 * 9:40 ማቶ 12:30፤ ሉቃ 11:23 * 9:41 ማቶ 10:42 * 9:43 ማቶ 5:30 * 9:44 ኢሲ ኢሲ ገሻ ማጻፋቲ ፓይደ 44 ቦላ ዲዛ ቆፋ ጉጃቲስ፤ ቆፋዚካ ፓይደ 48 ቦላ ዲዛይሳ ሚሳቲሰ።

ዳዖን ጌሎይ ነሰ ሎዖ ገዳና። * 44 ጋናሜን ጉፁኔይ ሃይቁና፣ ታማይኔ ቶዔና። * 45 ነና ኔ ቶሆይ ባሌሊኮ ኔፔ ቃንፃ ዲጋ፤ ናምዑ ቶሆራ ዳዳ ጌዴ ጋናሜ ታማን ዩጌታናፔ ኔ ዋቤ ገዳዳ ጌዴ ዳዖን ጌሎይ ነሰ ሎዖ። 46 ጋናሜን ጉፁኔይ ሃይቁና፣ ታማይኔ ቶዔና። † 47 ነና ኔ ኣይፌይ ባሌሊኮ ዋጫ ኬሳዳ ኔፔ ዲጋ፤ ናምዑ ኣይፌራ ዳዳ ጌዴ ጋናሜን ዩጌታናፔ ኣሲ ኣይፌራ ያሳ ካዋቴላ ጌሎይ ነሰ ሎዖ። * 48 ጋናሜን ጉፁኔይ ሃይቁና ታማይኔ ቶዔና። *

49 “ቡሮ ኣሲ ወሪ ታማን ፓጩታና።

50 “ማዒኔይ ሎዖ፤ ገደ ኣቲን ማዒኔይ ባ ማዒኔቴላ ዩዲኮ ኣንቴ ዋስቲ ኢዛ ማልዖ ኤራኔ? ኣንቴ ኣሳቴላን ማዒኔይ ዳዖ። ኣንቴ ኣንቴ ገደን ዶሴቲቴ” ገደሰ። *

10

ማቾ ኣንጂ ዩዳናሰ ቤሴና

(ማቾ 19:1-12፤ ሉቃ 16:18)

1 ዩሱሲ ሄፔ ደንዲዲ ጌዴ ዩሁዳ ጌቴቲዛ ዳሬኔ ዮርዳኖሴ ሻፋፔ ፒንላን ዲዛ ዳሬ ቢደሰ። ዳሬይካ ቃሴ ኢዛ ዩዩ ኣጂን ኢዚ ካሴ ባ ኦሊዛ ማላ ኣሳ ታማርሲደሰ።

2 ኢሲ ኢሲ ፋርሳዊቲ ኢዛኮ ዩዲ “ኣሲ ባ ማቾ ኣንጂ ዩዳናሰ ቤሴይ?” ገዲ ኢዛ ፓጩ ኦይሾ ኦይቸዳ።

3 ኢዚካ ኢሰታሰ “ሙሴይ ኣንቴና ኣይ ገ ኣዛዚዳ?” ገዲ ዛሪ ኦይቸዳሰ።

4 ኢሰቲካ ኢዛሰ “ሙሴይ ታ ኢዛ ኣንጂ ዩዳዲሰ ገዛ ዋራቃታ ፃፊ ኣሚዲ ኣንጂ ገደሰ” ገዲ። *

5 ዩሱሲካ ዛሪዲ ኢሰታ “ሙሴይ ሃይሳ ማላ ዋጋ ፃፊዳይሲ ኣንቴ ዋዘናይ ሚኒዳ ገሻሳ። 6 ገደ ኣቲን ኮይሮ ያሲ ሜጂሾ ማጫኔ ኣዴ ኦሊ ሜጂደሰ። * 7 ሃሳ ገሽ ኣሲ ባ ኣዋኔ ባ ኣዮ ኣገዲ ባ ማቸራ ዋጭቲ። 8 ናምዓይ ኢሲ ኣሾ ገደቲሰ፤ ሃሳ ገሽ ኢሰቲ ናምዓይ ኢሲናፔ ኣቲን ናምዑ ዳቴና። 9 ሃሳ ገሽ ያሲ ጋሊ ዋዒዳይታ ኣሲ ሻኮሮ።” ገደሰ።

10 ቃሴካ ኢሰቲ ሶ ጌሊን ኢዛ ካሊዛይቲ ሄ ዮዖዛ ገሽ ዛሪ ኢዛ ኦይቸዳ። 11 ኢዚ ኢሰታሰ “ኣኒካ ባ ማቾ ኣንጂ ዩዲዲ ሃራ ማጫሰ ኤኪኮ ሄ ማጫሳይ ቦላ ላይማ ኦሌሰ። 12 ማጫሳያካ ባ ኣዚና ኣጋዳ ሃራ ኣዴ ጌሊኮ ኢዛካ ላይማታዉሰ” ገደሰ። *

ዩሱሲ ጉላ ናይታ ኣንጂደሰ

(ማቾ 19:13-15፤ ሉቃ 18:15-17)

13 ዩሱሲ ባ ኩሾ ዋላና ማላ ኣሳይ ናይታ ኢዛኮ ኤሂደሰ። ኢዛ ካሊዛይቲ ቃሴ ኤሂዳ ኣሳ ቦላ ሃንቁቲዳ። 14 ዩሱሲ ሃሳ ቤዩ ሃንቁቲዲ “ናይቲ ታኮ ዩቶ፤ ዲጎፍቲ፤ ያሳ ካዋቴሊ ሃይታንታ ማላሳ። 15 ታ ኣንቴሰ ቱሙ ጋይሰ፤ ያሳ ካዋቴላ ሃይሳ ጉላ ናይታ ማላ ኤኮንታዳይ ኢዚን ሙሌካ ጌሊና” ገደሰ። * 16 ናይታ ኢዲሚዲ ኢሰታ ቦላ ባ ኩሾ ዋሊዲ ኣንጂደሰ።

ኢሲ ዲሬ ኣዴ

(ማቾ 19:16-30፤ ሉቃ 18:18-30)

17 ሄፔ ቡሮ ኦፔ ኬዚሽን ኢሳዴይ ዋዒሾ ኢዛኮ ጋኪዲኔ ኢዛ ሲንላን ጉልባቲዲ “ኪያ ኣሰታማሬንቶ! ታኒ ሚርና ዴዖ ዴማና ማላ ኣይ ኦላና ታሰ ቤሴይ?” ገ ኦይቸደሰ።

18 ዩሱሲካ “ኣዛሰ ታና ኪያ ጋይ? ኢሲ ያሳፊ ኣቲን ኪያይ ባ” ገደሰ። 19 “ኣኒ ኣዛዘታ ኤራይ? ‘ዋጶፓ፤ ላይማቶፓ፤ ካይሶቶፓ፤ ዋርዶ ማርካቶፋ፤ ኣሰ ባሌላፋ፤ ኔ ኣዋኔ ኔ ኣዮ ቦንቻ’ ገዛይታ” ገደሰ። *

20 ኣዴዚካ ዛሪዲ “ኣሰታማሬ! ታ ሃይታ ወርሳ ናቴላፊ ኦይካዳ ናጋዲሰ” ገደሰ።

21 ዩሱሲ ኢዛ ፃሊዲኔ ደሲዲ “ሂሰቲኮ ሃዒ ነሰ ኢሲ ሚሽ ፓጩሰ። ባዳኔ ነሰ ዲዛ ወርሳ ባይዛ፣ ሚሻ ማንቆታሰ ኣማ፤ ኔኒ ሳሎን ሸቁዳ ሚሽ ዴማንዳሳ፤ ሂሰታዳኔ ሃያ ታና ካላ” ገደሰ። 22 ኣዴዚካ ሃሳ ሲይዲ ዳሮ ዩሎቲደሰ። ኢዛሰ ዳሮ ሃርይ ዲዛ ገሽ ሙዛቲሾ ቢዳሰ።

23 ዩሱሲ ዩሽ ኣሊ ፃሊዲ ባና ካሊዛይታ “ዴሬታሰ ያሳ ካዋቴላ ጌሎይ ኣይ ማላ ዳዖ!” ገደሰ።

24 ኢዛ ካሊዛይቲካ ኢዛ ሃሳያን ማላሌቲዳ። ዩሱሲ ቃሴ ዛሪዲ “ናይቶ! ያሳ ካዋቴላ ጌሎይ ኣይ ማላ ዳዖ ሚሾ! 25 ዲሬይ ያሳ ካዋቴላ ጌላናይሳፊ ጋሚላይ ናርፔ ለኮራ ኣቆናይሲ ካዉያና!” ገደሰ።

26 ኢዛ ካሊዛይቲካ ዳርሲ ማላሌቲዲ ባ ገደን ኢሶይ ኣሳ “ሂሰቲን ኦኒ ኣታና ዳንዳዩዜ?” ገዲ።

27 ዩሱሲ ኢሰታ ፃሊዲኔ “ሃይሲ ኣሳሰ ዳንዳዩቴና፤ ያሳ ማታን ገዲኮ ሃሳ ማላ ገደና። ያሳሰ ወሪካ ዳንዳዩቴሰ” ገደሰ።

28 ጴጥሮስ ቃሴ “ሄኮ፤ ኦኒ ወርሲካ ኣገዲ ኔና ካሊደሰ” ገደሰ።

29 ዩሱሲካ ዛሪዲ “ታ ኣንቴሰ ቱሙ ጋይሰ፤ ታ ገሽኔ ሚሽራቾ ቃላ ገሽ ገዲ ባ ኬሌ፣ ዋይኮ ባ ኢሻታ፣ ዋይኮ ባ ሚቸታ፣ ዋይኮ ባ ኣዮ፣ ዋይኮ ባ ኣዋ፣ ባ ናይታ፣ ዋይኮ ባ ጋዴ ኣገዲ ኣሰ ወሪ፣ 30 ሃይሳ ሃ ዋዴዛን ሃዒ ጎዴቴላራ ኬላታ፣ ኢሻታ፣ ሚቸታ፣ ኣዩታ፣ ናይታኔ ጋዴካ ጭኑሾ ኣሊ ኤኮንታይኔ ቡሮ ያና ኣላሚዛንካ ሚርና ዴዖ ላቶንታዳይ ዳና። 31 ገደ ኣቲን ሲንላቲዳ ዳሮቲ ጉይታና፤ ጉይቲዳይቲ ሲንላታና” ገደሰ። *

ዩሱሲ ባ ሃይቁ ዴንዳናይሳ ሄቫንላ ዮቲደሰ

32 ኢሰቲ ዩሩሳላሜ ኤፊዛ ኦፔ ቦላ ዲሺን ዩሱሲ ኢሰታፊ ሲንሌ ሲንሌ ቤሰ። ኢዛ ካሊዛይቲ ኢዛ ቡሳን ማላሌቲዳ። ሃንኮ ኢዛ ጌደን ዲዛ ኣሳይ ቃሰ ኢዛሰ ባቢደሰ። ቃሴካ ታማኔ ናምዓታ ዴሬዛፔ ዲማ ሻኪዲ ባ ቦላ ኣዚ ጋካናኮኔ ኢሰታሰ ሂዘገ ዮቲደሰ፤ 33 “ኦኒ ዩሩሳላሜ ኬዛና፤ ኣሳ ናይ ቁሴታ ሃላቃታሲኔ ሙሴ ዋጋ ታማርሲዛይታሰ ኣጂ ኣሚታና፤ ኢሰቲካ ኢዛ ቦላ ሃይቆ ፐርዳ ፐርዳናኔ ዳሬ ኣሳሰ ኣሊ ኢማና። 34 ኢዛ ቦላ ቁጂ ካዳና፤ ኢዛ ቦላ ጩታና፤ ኢዛካ ጋራፋናኔ ዋዳና ሺን ኢዚ ሄቩ ጋላሳፊ ጉይን ሃይቆፔ ዴንዳና።”

ያቆቤይኔ ዮሃኒሲ ዋሲዳ ዋሳ

(ማቾ 20:20-28)

† 9:46 ኢሲ ኢሲ ገሻ ማፃፋቲ ፓይዶ 46 ቦላ ዲዛ ቆፋ ጉጃቲሰ፤ ቆፋይካ ፓይዶ 48 ቦላ ዲዛይሳ ሚሳቲሰ። * 9:47 ማቾ 5:29
 * 9:48 ኢሳ 66:24 * 9:50 ማቾ 5:13፤ ሉቃ 14:34-35 * 10:4 ዛሬ 24:1-4፤ ማቾ 5:31 * 10:6 ሜጴ 1:27፤ 5:2 * 10:12
 ማቾ 5:32፤ 1ቆር 7:10-11 * 10:15 ማቾ 18:3 * 10:19 ኬሳ 20:12-16፤ ዛሬ 5:16-20 * 10:31 ማቾ 20:16

35 ቃሴ ዛቢደሳ ናይቲ ያቆቤይ ኮሃኒሲ ኢዛኮ ሸቁዲ “አስታማሪ! ኮኒ ኔና ዋሲዳይሳ ኔ ኦሰ ወርሳ ኦላና ማላ ኦ ኮኮሰ” ገደ።

36 ኢዚካ ኢስታሰ “ታ ኢንቴሰ አይ ኦላና ማላ ኮኮተ?” ገደሰ። 37 ኢስቲካ “ኔኒ ኔ ካዎቲላ ቦንቾ ዎዴ ኦፐ ኢሳዴይ ኔ ኡሻቻን ኢሳዴይ ኔ ሃዲርሳን ኡታና ማላ ኦሰ ኤር ጋርኪ?” ገደ።

38 ዩሱሲካ “ኢንቴ ኦይቸዛይሳ ኤሬኬታ። ታኒ ኡያና ኡሻ ኡያናሲኔ ታኒ ፃማቂቲዛ ዪንቃታ ፃማቂታናሰ ዳንዳያንዳቲ?” ገደሰ። * 39 ኢስቲካ ዛሪዲ “ኤ፣ ዳንዳዮሰ” ገደ። ዩሱሲካ “ታ ኡዩዛ ኡሻ ኢንቴ ኡያናኔ ታ ፃማቂቲዛ ዪንቃታ ኢንቴ ፃማቂታና። 40 ገደ ኢቲን ታ ኡሻቻራ ዎይኮ ታ ሃዲሪሳራ ኡቴላ ያሲ ኢስታሰ ገቢሲዳይታሰ ኢቲን ታ ኢማና ሚሽ ገደና” ገደሰ።

41 ታማቲ ሄሳ ሲይዲ ያቆቤይ ኮሃኒሳ ቦላ ሃንቁቲዳ። 42 ዩሱሲካ ኢሲ ቦላ ሸሸዲ “ዴሬ ሃላቃ ጌቲቲዛይቲ ዴሬ ሃሪዛይሳ ማላ ኢስታ ሹሜቲ ኢስታ ቦላ ባ ጎዳቴላ ቤሲዛይሳ ኢንቴ ኤሬታ። 43 ገደ ኢቲን ኢንቴ ገደን ገታ ገደና ኮዩዛ ኡባይ አሸካሪ ገደ። * 44 ሲንሌ አጳና ኮዩዛይ ወሪካ ኡባሰ አይሌ ገደ። 45 አሳ ናይ ገዲኮ አሳሰ ኦላናሲኔ ባ ሹምፖ ዳርታ ገሽ አላ ኢማናሰ ዩዴሰ ኢቲን አሴ ኦሲሳናሰ ዩቤና።” ገደሰ።

ዩሱሲ ቆቄ ባርፃሞሳ አይፌ ፓሊዴሰ (ማቶ 20:29-34፤ ሉቃ 18:35-43)

46 ሄፔ ጌዴ ያርኮ ቢዳ። ዩሱሲኔ ኢዛ ካሊዛይቲ ሃራ ዳር አሳታራ ኢያርኮፌ ኬዚሽን ፃሞሳ ና ባርፃሞሳ ጌቲቲዛ አይፌ ቆቄይ ኦጌ ቦላ ኡቲዲ ዎሴሰ። 47 ኢዚካ ዩዛይ ናዚሬቲ ዩሱሳ ገዲዳይሳ ሲይዲ “ዳወቲ ና ዩሱሳ ታና ማራ” ገደ ኬሂ ዋሲዴሰ።

48 ዳርቲ ኢዚ ጮቡ ጋና ማላ ሃንቁዳ፤ ገደ ኢቲን ኢዚ “ዳወቲና! ታና ማራ” ገደ ኬሂ ዋሲዴሰ።

49 ዩሱሲካ ኤቁዲ “ኢዛ ሃ ያይጌቲ” ገደሰ። ኢስቲካ ቆቁዛ “አይኮይ ባ ዴንዳ ኔና ያይጌሰ” ገደ።

50 ኢዚካ ባ ማይዎ ቃሪ ዩጊዲ ፑሱኩ ገ ዴንዲ ኤቁዲ ዩሱሳኮ ዩዴሰ።

51 ዩሱሲካ “ታ ኔሰ አይ ኦላና ማላ ኮያይ?” ገደሰ። ቆቁዚካ “አስታማሪንቶ! ታ ያላናወ ኮያይሰ” ገደሰ።

52 ዩሱሲካ ዛሪዲ “ባ ኔና ኔ ኢማኖይ ፓሊዴሰ” ገደሰ። ሄራካ ኢዛ አይፌይ ያሊዴሰ። ኢዚካ ዩሱሳ ካሊ ቢዴሰ።

11

ዩሱሲ ገታ ቦንቾራ ዩራሳላሚ ጌሊዴሰ (ማቶ 21:1-11፤ ሉቃ 19:28-40፤ ዮሃ 12:12-19)

1 ኢስቲ ጌዴ ዩራሳላሚን ዳብራዛይቲ ጌቲቲዛ ዙማ አቻን ዲዛ ቤቲፋጌኔ ቢታኒያ ጌቲቲዛሶ ማቲዳ ዎዴ ዩሱሲ ባና ካሊዛይታፔ ናምባታ ሂዘጊ ከቲዴሰ። 2 “ጌዴ ኢንቴ ሲንሳን ዲዛ ጉታዮ ቢቲ። ኢንቴ ሄ ጌሊዳ ማላ ሄን አሲ ቶጊ ኤርንታ ቃሾን ዲዛ ሃሪ ጉቲ ኢንቴ ዴማና፤ ቢርሺዲ ኢዛ ሃ ኤኪ ዩቲ። 3 ኦኒካ ኢንቴና ‘ሃይሳ አይሰ ኦላቲ?’ ገኮ ጎዳሰ ኮሼሰ ገዲ ዮቲቲ፤ ኢዚካ ኢንቴሰ ኤሶን ዛሪ ዩዳና” ገደሰ።

* 10:38 ሉቃ 12:50 * 10:43 ሉቃ 22:25-26 * 11:17 ኢሳ 56:7፤ ኤር 7:11 * 11:23 ማቶ 17:20፤ 1ቆር 13:2 * 11:26 ኢሲ ኢሲ ጌሻ ማፃፋቲ ፓይዶ 26 ቦላ ዲዛ ቆፋ ጉጃቲሰ። * 11:26 ማቶ 6:14-15

4 ኢስቲካ ቢዲ ኢሲ ኬላ ካሬን ኦጌ ቦላ ቃሾቲ ዲዛ ሃሪ ጉቲ ዴሚዲ ቢርሺዲ። 5 ሄን ኤቁዳ ኢሲ ኢሲ አሳቲ “ሃሪ ጉቲዛ አዛሰ ቢርሺቲ?” ገ ኦይቸዳ።

6 ዩሱሳ ካሊዛይቲ ዩሱሲ ኢስታሰ ገደ ማላ አሳታሰ ዮቲን ኤር ኤኪ ቢቲ ገደ። 7 ጉቲዛካ ዩሱሳኮ ኤሂዲ ባ ማይዎ ኢዛ ዘኮ ቦላ ዩጊን ዩሱሲ ኢዛ ቶጊዴሰ። 8 ዳር አሳይ ባ ማይዎ ኬሲ ኬሲ ኦጌ ቦላ ሚጨዴሰ። ባጋ አሳይ ጨሊላ ሚላ ሃይላ ቃንፃ ቃንፃዲ ኦጌ ቦላ ላሊዴሰ። 9 ዩሱሳፔ ሲንሳራኔ ጉዩራ ዲዛ አሳይ ቃላ ቶቁ ሂሰቲዲ

“ሆሳና፤ ጎዳ ሱንሳን ዩዛይይ አንጃቲዳዴ።

10 ሃና ዩዛራ ኦ አዎ ዳወቲ ካዎቲላያ አንጃቲዳር፤

ሆሳና! ቦላ ሳሎን ያሲ ቦንቾቶ”

ገሽ ዋሲዴሰ።

11 ዩሱሲ ዩራሳላሚ ጋኪዲ ሃሳፊካ ያሳ ኬሌ ጌሊዴሰ። ሄ ሄራን ዲዛይሳ ወርሲ ያሊዲ ጋዴይ ቃሚዳ ገሽ ታማኔ ናምባታራ ጌዴ ቢታኒያ ኬዚዴሰ።

ዩሱሲ ቃንጊዳ ባላሴ ሚላዮ (ማቶ 21:18-19)

12 ዎንቴላ ጋላሰ ኢስቲ ቢታኒያፔ ኬዚ ቢሽን ዩሱሲ ጋፊዴሰ። 13 ኢዚ ኢሲ ሃይላ ጨሊሊዳ ባላሴ ጌቲቲዛ ሚላ ሃሆን ቤዩዲ አይፌይ ዳናኮኔ ገዲ ኢዚኮ ዩዴሰ። ገደ ኢቲን ባላሴ ሚላ አይፎንታ ዎዴ ገዲዳ ገሽ ሃይላፊ ኢቲን ኢሲ አይፊካ ኢዚፔ ዴሚቤና። 14 ሄሳ ገሽ ሚላዮ “ሃኒፊ ጉዩ ሚርናሰ ኦኒካ ኔፔ አይፊ ሞፖ!” ገደሰ። ኢዛ ካሊዛይቲካ ኢዚ ገዛይሳ ሲዩዳ።

15 ጌዴ ዩራሳላሚ ቢዳ፤ ሄፔካ ጌዴ ያሳ ኬሌ ጌሊዲ ሄን ባይዚዛይታኔ ሻሚዛይታ ኬሲ ጎዶ ኦይኪዴሰ። ሚሽ ላሚዛይታ ፃራጶዛኔ ሃራጶ ባይዚዛይታ ኦይዴ ጉፋንላ ጉፋንላ ዩጊዴሰ። 16 ኦኒካ አይ ሚሽ ቶኪዲ ያሳ ኬሌ ገቤ ገደራ አቶንታ ማላ ዲጊዴሰ። 17 ኢስታካ ታማርሲሽ “ታ ኬላ ዴሬ ኡባሰ ዎሳ ኬሌ ገደና ጌቲቲ ያፊቲቤኔ? ገደ ኢቲን ኢንቴ ቃሴ ካይሶታ ጎንጎሎ ኬሲዴታ” ገደሰ። *

18 ቁሴታ ሃላቃቲኔ ሙሴ ዎጋ ታማርሲዛይቲ ሄሳ ሲይዲ ኢዛ ዎስቲ ጳይሳናኮኔ ኦጌ ኮሽ ኦይኪዴ። ገደ ኢቲን ዴሬይካ ኢዛ ቲሚርቲዛን ማላሌቲዳ ገሽ ኢዛሰ ባሲዳ።

19 ኢስቲካ ጋዴይ ቃሚን ካታማይፔ ኬዚ ቢዳ።

20 ዎንቴላ ጋላሰ ማላዳ ኢስቲ ኦጌራ አቋ ቢሽን ባላሴ ሚላያ ፃጶፔ ሚሊዳር ቤዩዳ። 21 ዮያዚ ኢዛ ዎዝናን ኦኬኬቲን ጳፀርሲ ዩሱሳ “አስታማሪ! ሄኮ፣ ሃና ኔ ቃንጊዳ ባላሴያ ሚላዲሰ” ገደሰ።

22 ኢዚካ ዛሪዲ “ዮሳ አማንቴ። 23 ታ ኢንቴሰ ቱሙ ጋይሰ፤ ‘ኦኒካ ሃይሳ ዙማዛ ኔ ቶቃሌታዳ ጌዴ አባን ጌላ’ ገዛኮኔ ሃሳካ ዎዝናን ሲቶንታ አማኒዳኮ ኢዛዴሰ ሃናና። * 24 ሄሳ ገሽ ኢንቴ ዎሳን ኦይቸዳዝ ወርሲ ኤኪዳ ማላ አማኒኮ ኢንቴሰ ሃናና። 25 ሃሳካ ኢንቴ ዎሳሰ ኤቁዛ ዎዴ ኢንቴ ሳሎ አዎይ ኢንቴ ናጋራ አቶ ጋና ማላ ኢንቴካ ኢንቴና ቆሂዳይታ ናጋራ ወርሲ አቶ ገቲ።

* 10:38 ሉቃ 12:50 * 10:43 ሉቃ 22:25-26 * 11:17 ኢሳ 56:7፤ ኤር 7:11 * 11:23 ማቶ 17:20፤ 1ቆር 13:2 * 11:26 ኢሲ ኢሲ ጌሻ ማፃፋቲ ፓይዶ 26 ቦላ ዲዛ ቆፋ ጉጃቲሰ። * 11:26 ማቶ 6:14-15

26 አንቲ ኣቶ ጎንታ ኢደኮ አንቲ ሳሎ ኣዋይካ አንቲ ናጋራ ኣቶ ጌና።” ጊደሰ። **

27 ቃሴካ ዩሩሳሌሚ ዩዳ። ዩሱሲ ያሳ ኬሌ ካሪ ጊደን ጌዴኔ ሃኔ ዩዩተሺን ቄሴታ ሃላቃቲ። ሙሴ ዋጋ ታማርሲዛይቲኔ ዴሬ ጨማቲ ኢዛኮ ሸቂዲ። 28 “ሃይሳ ኔ ኦሊዛይ ኣይ ጎዳቲሳራ? ሃይታ ኔ ኦላና ማላ ሃይሳ ማላ ጎዳቲሳ ኔሰ ኦኒ ኢሚዳ?” ጊዳ።

29 ዩሱሲካ ኢሰታሰ ዛሪዲ “ኣኔ ታካ አንቲና ኢሲ ኦይሾ ኦይቻይሰ አንቲካ ታሰ ዛሪኮ ታካ ሃ ዮጎታ ኣይ ጎዳቲሳራ ኦሊዛኮኔ አንቲሰ ዮታና። 30 ዮሃኒሳ ዊንቃቲይ ያሳፊይዮ? ኣሳፎ? ኣኔ ታሰ ዛሪቲ” ጊደሰ።

31 ኢሰቲካ ባ ጊደን ኢሶይ ኢሳራ “ኑ ሳሎፎ ጊኮ ኢዚ ኦና ሂሰቲን ኣዛሰ ኢዛ ኣማኒቤይኬቲ?” ጋና፤ 32 ኑ ኣሳፎ ጊኮ” ዮሃኒሲ ቱሙ ናቤ ጊዲዳይሳ ዴሬይ ወሪ ኣማኒዛ ጊሽ ሃሳላ ጋና ባቢዳ።

33 ሃሳ ጊሽ “ኑ ኤርኮ” ጊዲ ዩሱሳሰ ዛሪዳ። ዩሱሲካ “ሂሰቲኮ ታ ሃይታ ኣዛ ጎዳቲሳራ ኦሊዛኮኔ ታካ አንቲሰ ዮቲኬ” ጊደሰ።

12

ዎይኔ ሚሊ ቶኪዛ ጎሻ ኣሳታ ለሚሶ (ማቶ 21:33-46፤ ሉቃ 20:9-19)

1 ቃሴ ኢሰታሰ ለሚሶራ ዮቲሼ “ኢሳዳይ ባ ዎይኔ ሚሊ ቶኪዳሰ። ኬላ ዩሺ ኣሌ ኬሊዳሰ፤ ዎይኔ ሚላ ኣይፊ ጉምዓና ኦላ ቦኪዳሰ። ናጌ ኬሌካ ኬዊዳሰ። ሃሳፊ ጎሻንቻታሰ ኪራ ኢሚዲ ሃራ ዴሬ ቢዳሰ። 2 ሚላይ ኣይፊዛ ዎይ ዎይኔ ሚላ ኣይፊ ኤካዳ ያ ጊዲ ኣሽካራታፎ ኢሳዳ ጎሻንቻታኮ ዩዲዳሰ። 3 ጎሻንቻቲ ኣሽካራዛ ኦይኪ ሾጪዲ ጮ ሚላ ኩሼ ዩዲዳ። 4 ናምዓንሉካ ሃራ ኣሽካራ ዩዲዳሰ። ጎሻንቻቲ ሃራካ ኣሽካራ ኦይኪዲ ኢዛሰ ሁዔታራ ቆዒዲ ካወሺዲ ዛሪ ዩዲዳ። 5 ሃራካ ዛሪዲ ሃራ ኣሽካራ ዩዲዳሰ። ሃ ዩዳይሳካ ዎጂዳ፤ ሃራ ዳርታ ጊደፊ ኢሲ ኢሲ ኣሳታ ቆይዳ፤ ባገይታ ዎጂዳ።

6 “ሃራካ ኪቶንታ ኣቲዛ ሃራይ ዴሰ፤ ኢዚካ ኣዎይ ደሲዛ ኢዛ ናዛ። ታ ናዛ ኢሰቲ ቦሳና ጊ ቆፕዲ ወርሴላን ባ ናዛ ዩዲዳሰ። 7 ጎሻንቻቲ ቃሰ ባ ጊደን ሃይሲ ዋና ኢዛ ላታና ናዛ፤ ሃ ዩቲ ኔ ኢዛ ዎጂኮ ቢታይ ኦሰ ጊዳና ጊዳ። 8 ሃሳ ጊሽ ሃን ኦይኪ ዎጂዲ ዎይኔ ሚላያ ዲዛሶፎ ሃራሶ ኬሲ ዩጊዳ።

9 “ሂሰቲን ዎይኔ ሚላ ጎዳይ አንቲሰ ኣይ ኦላና ሚሳቲዬ? ኢዚ ያና፤ ጎሻንቻታካ ዎጂና፤ ዎይኔ ሚላ ሃራታሰ ኢማና። 10-11 ጌሻ ማፃፋን

ሹቻ ኬሌ ኬዊዛይቲ ሃኔና ጊዲ ዎራ ዩጊዳ ሹቻይ ኬላ ማዛኔሰ ቦላ ሁዔ ጊዲዳሰ፤ ሃሳካ ጎዳይ ኦሊዳሰ። ሃሲካ ኔ ኣይፊሰ ማላሊሲዛዛ ጌቲቲዲ ፃፊቲዳይሳ ናቤቢኬቲ?” ” ጊደሰ። **

12 ኢዚ ኢሰታሰ ለሚሶዛ ዮቲዳይ ኢሰታ ጊሽ ጊዲዳይሳ ኣይሁዳ ሃላቃቲ ኤሪዳ ጊሽ ኢዛ ኦይካናሰ ኮይዳ። ጊደ ኣቲን ኣሳሰ ባቢዳ ጊሽ ኣጊ ቢዳ።

* 12:10-11 ማዲዜኔ ሹቻይ፣ ቱሲ ኬሌ ናጊዛይሳ ማላ ሹቻ ኬሌ ኩንደንታ ማላ ናጊዛይሳ። * 12:10-11 ማዛ 118:22-23 * 12:18 ሃዎ 23:8 * 12:19 ዛሬ 25:5 * 12:26 ኬሳ 3:6 * 12:31 ለዌ 19:18 * 12:32 ዛሬ 4:35 * 12:33 ሆሴ 6:6 * 12:34 ሉቃ 10:25-28

ጊራ ጊሽ ሸቂዳ ኦይሾ (ማቶ 22:15-22፤ ሉቃ 20:20-26)

13 ዩሱሳ ዮጎን ቃፃና ማላ ፋርሳዌታፎኔ ሃርደሳ ባጋታፎ ጉላ ኣሳታ ደሪዲ ኢዛኮ ዩዲዳ። 14 ኢሰቲካ ኢዛኮ ዩዲ “ኣሰታማሬ! ኔኒ ሞሮይ ባይንዳ ኣሰ ጊዲዳይሳ ኔ ኤርሰ፤ ኔ ኦናሰካ ባባዳ ዎርዶ ማዳካ፤ ያሳ ኦጌ ፃላላ ቱሙ ታማርሳሳ። ኦርሜ ካዎ ቁሳሬሰ ጊራ ቃንፃናሰ ቤሲዜዬ? ቤሴኔ? ኔ ቃንፃናዬ? ቃንፃፊና?”

15 ዩሱሲ ኢሰታ ኦይሾይ ቆጴፎ ቆሞ ጊዲዳይሳ ኤሪዲ “ኣዛሰ ታና ቃፃና ኮይቲ? ኣኔ ኢሲ ዲናሬ ሃሚቲ ታ ቤያይሰ” ጊደሰ።

16 ኢሰቲካ ሚሻ ኤሂን “ሃይሲ ኢዛ ቦላ ዲዛ ሚሲሌዚ ኦና ሚሲሌ? ኢዛ ቦላ ፃፊቲዳይሲ ኦና ጊዜ?” ጊደሰ። ኢሰቲካ “ቁሳሬይሳኮ” ጊዳ። 17 ዩሱሲካ “ቁሳሬይሳ ቁሳሬሰ፤ ያሳይሳ ያሳሰ ኢሚቲ” ጊደሰ። ኢሰቲካ ኢዛ ዛርን ማላሊቲዳ።

ሃይቆፕ ዴንላ ጊሽ ሸቂዳ ኦይሾ (ማቶ 22:23-33፤ ሉቃ 20:27-40)

18 ሃሳፊ ጉዬ ሃይቆዳይታሰ ሃይቆፕ ዴንላ ባዎ ጊዛ ሳዲቃዌቲ ኢዛኮ ዩዲ ኢዛ ሃዘጊ ኦይቺዳ። *

19 “ኣሰታማሬ! ኢሲ ኣሲ ማቾ ኤኪዲ ና ዩሎንታ ሃይቁኮ ሃይቆዳይሳ ኣሻይ ኢዛ ማቼዮ ኤኪዲ ኢዛሰ ላታ ና ዩላና ማላ ካሴ ሙሴይ ኦሰ ፃፊዳሰ። * 20 ጊደ ኣቲን ላፑን ኣሻንቲ ዴቲሰ፤ ኢሰታፊ ባይራይ ማቾ ኤኪዲ ና ዩሎንታ ሃይቆዳሰ። 21 ካሎዚ ሂ ማጫሳዮ ኤኪዲ ሃራካ ና ዩሎንታ ሃይቆዳሰ፤ ሃቸንላይካ ዩሎንታ ሃይቆዳሰ። 22 ላፑናቲካ ሂ ማጫሳዮ ኤኪዲ ላታ ዩሊቤቲና ወርሴላን ማጫሳያካ ሃይቆዳሰ። 23 ሂሰቲን ላፑናቲካ ኢዛ ኤኪዳሺን ሃይቆፕ ዴንደይ ዲዛ ጊዲኮ ሃ ማጫሳያ ኢሰታፊ ኦና ማቾ ጊዳኔ?” ጊዳ።

24 ዩሱሲካ ኢሰታሰ “ኣንቲ ባሌቲዛይ ጌሻ ማፃፋታኔ ያሳ ዎልቃ ኤርንታ ጊሻሳ። 25 ሃይቆዳይቲ ዴንዲዛ ዎይ ሳሎ ኪታንቻታ ማላ ጊዳና ኣቲን ኤኬቲቲናኔ ጌሌቲቲና። 26 ሃይቆዳይታ ዴንላ ጊሻሰ ጊዲኮ ሙሴ ማፃፋን ሃሲካ ቄሪ ዎራ ጊደን ኤዊዛ ታማ ጊደፊ ያሲ ታኔ ኣብራሃሚ ያሳ፤ ዩሳቃ ያሳ፤ ያቆቤ ያሳ፤ ጊዛይሳ ናባቢኬቲ? * 27 ያሲ ጋፃታ ያሳ ኣቲን ሃይቆላታ ያሲ ጊዳና። ሃሳ ጊሽ ኣንቲ ዳር ባሌቲዳታ” ጊደሰ።

28 ኢሰቲ ፓላማን ዲሺን ፃፊታፎ ኢሳዳይ ኢሰታ ፓላማ ሲይዲኔ ዩሱሲ ኦይሹቲዳይሳሰ ሎዔላ ዛሪዳይሳ ኣኬኪዲ “ኤር! ኣዛዘታፎ ኡባፊ ኣጂዛይ ኣዎይሴ?” ጊዲ ኦይቺዳሰ።

29 ዩሱሲ ኢዛሰ ሃዘጊዳሰ “ኡባፊ ኣጂዛይ ሃይሳ ኣኢሰራዔሌ ሲያ! ጎዳ ያሲ ኢሲ ጎዳ። 30 ኔካ ጎዳ ኔ ያሳ ኔ ኩሚላ ዎዘናፎ፤ ኔ ኩሚላ ሸምፖፊ፤ ኔ ኩሚላ ቆፋፎ፤ ኔ ኩሚላ ዎልቃፊ ደሳ። 31 ናምዓንሉካ ኔ ላጌ ኔ ሁዔ ማላ ደሳ፤ ሃ ናምዓታፎ ኣጂዛ ኣዛዘይ ባዎ።” * 32 ፃፊዚካ “ኣሰታማሬ፤ ሎፖ ጋዳሳ፤ ግሲ ኢሲኖ ጊዲዳይሳኔ ኢዛፎ ሃራይ ባይንዳይሳ፤ ኔ ዮቲዳይሲ ሊኬ።” * 33 ኢዛ ኔ ኩሚላ ዎዘናፎ ኔ ኩሚላ ቆፋፎ ኔ ኩሚላ ዎልቃፊ ደሶይ ቃሴካ ኔ ላጌ ኔ ሁዔ ማላ ደሶይ ፀጌቲዛ ያርሾፊኔ ሃራ ያርሾ ኡባፊ ኣጂሰ”

ገደሰ። * 34 ዩሱሲካ አዳዚ ዩሺ ቆፒዲ ዛሪዳይሳ ቤዩዲ “ኔጊ ያሳ ካዎቴላፌ ሃሆን ዳካ” ገደሰ። ሄሳፊ ጉዬ ኢዛ ኦይቻናሰ ፃሊዳዳይ ቤቴቤና። *

35 ዩሱሲ ያሳ ኬሌ ጋላን ታማርሲሽ “ሙሴ ዎጋ ታማርሲዛይቲ አዛሰ ሲርሰቶሳ ዳወቴ ና፣ ገዛ? 36 ዳወቴይ ያሎ አያናን ሃሳዩሽ ሳዳይ ታ ጎዳ ኔ ሞርኬታ ታ ኔ ቶሆ ጋርሰ አላና ጋካናሰ ታ ኡሻቻን ኡታ ገደሰ፣ ጌሰ። * 37 ሂሰቲን ዳወቴይ ባ ዳናሪ ኢዛ ሳዳ፣ ገዙ ሞኒዲ ሲሚ ኢዛሰ ና ገዳኔ?” ገደሰ። ዳር ዳሬይካ ኢዚ ገዛይሳ ኡፋይሳራ ሲዩዳሰ።

38 ኢዚ ታማርሲሽ “ሙሴ ዎጋ ታማርሲዛይታ፣ ናጌቲቲ፣ ጋዳራ ጎሽቲዛ አዳሳ ማይያ ማይዲዲ ዩሽ ዩያና ደሴቴሰ፤ አዎንካ አጂ አጂ አሲ ኢሰታሰ ቦንቸ ሳርታ ኢማና ማላ ኮዬቴሰ። 39 አይሁዳታ ዎሳ ኬላን ጾቃሶ፣ ገቢራሶካ ቦንቸሶ ኮዬቴሰ። 40 ኢሰቲ አዚናይ ባይንዳ ማጫሳ ኬላ ካሎሴቴሰ፤ ቃሴካ ባና ቤሳናሰ አዳሳ ዎሳ ዎሴቴሰ። ሃይታንቲ ኢታ ፒርዳ ፒርዳታና” ገደሰ።

አምዔይ ሙፀዎታ (ሉቃ 21:1-4)

41 ዩሱሲካ አሳይ ሙፀዎታ ዩገዛሶን ኡቲዲ ዳር አሳቲ ኢሚዛይሳ ያሳ ኬላ ሚሻ ሺሺዛ ሳዒኔን ዩገዛይሳ ያሊዳሰ። ዳር ዳሬቲ ዳር ሚሽ ዩጊዳ። 42 ኢሲ አዚናይ ባይንዳ አምዔ ዲዛራ ኢሲ ሲከናፌ ዳርንታ ፃርቁማላ ቢራታ፣ ኦሴቲዳ ናምዑ ሚሽ ዩጋዲሰ። 43 ዩሱሲ ባና ካሊዛይታ ያይጊዲ “ታ ኢንቴሰ ቱሙ ጋይሰ፤ ሳዒኔዛን ዩጊዳ ኡባፌ ሃና ማንቆ አምዔያ አጼላ ዩጋዲሰ። 44 ሃይቲ ወሪ ባሰ ዲዛ ቲርፓ ሚሻፌ ዩጊዳሺን ሃና ቃሴ ባ ማንቆቴላፌ ባሰ ዲዛይሳ ሲንላፌ ኢዙ ኮሺዛይሳራ ወርሳ ኢማዲሰ” ገደሰ።

13

ያሳ ኬሌ ላሌታናይሳ ዩሱሲ ካሴቲዲ ዮቲዳሰ (ማቶ 24:1-2፤ ሉቃ 21:5-6)

1 ኢዚ ያሳ ኬላፌ ኬዚሺን ኢዛ ካሊዛይታ፣ ኢሶይ “አሰታማሬ! ሃይሲ ኬላይኔ ኬላይ ኬጻቲዳ ሹቻይ አይ ማላ ሎዲዛኮኔ ሃይሳ ቤያይ?” ገደሰ። 2 ዩሱሲካ ዛሪዲ “ሃይታ ገታ ኬላታ ያላይ? ሹቻቲ ኢሶይ ኢሳ ቦላ ዲዛ ማላ ዳቴና፤ ወሪካ ላሌታና” ገደሰ።

ዎዴ ወርሴላ ማላታታ (ማቶ 24:3-14፤ ሉቃ 21:7-19)

3 ዩሱሲ ያሳ ኬላ ገናራ ዳብራዛይቲ ዙማ ቦላ ኡቲዲሺን ጸፀርሲ፣ ያቆቢ፣ ዮሃኒሲኔ ኢንዲራሲ ያላ ኢዛኮ ሸቂዲ፣ 4 “ሃይሲ አይዴ ሃናናኮኔ ኮሰ ዮታ። ሃይሲ ወርሴላን ፖሌታናሰ ማላታይ አዜ?” ገ አይቸዳ።

5 ዩሱሲካ ኢሰታሰ “ኦኒካ ኢንቴና ባሌላንታ ማላ ናጌቲቲ። 6 ቡር ዳርቲ ታ ከርሰቶሳ ገሺ ታ ሱንላን ያና፤ ዳርታካ ባሌላና። 7 ኢንቴ ኦላኔ ኦላ ዎሬ ሲዩዛ ዎዴ ዳጋሞፍቲ። ሄሲ ሃናናይሲ አቴና። ወርሴላ ገዲኮ ቡርና። 8 ዳሬይ ዳሬ ቦላ ካዎይ ካዎ ቦላ ዳንዳና።

* 12:36 ማዛ 110:1 * 13:11 ማቶ 10:17-20 * 13:13 ማቶ 10:22 * 13:14 ዳኔ 9:27፤ 11:31፤ 12:11 * 13:16 ሉቃ 17:31 * 13:19 ዳኔ 12:1፤ እጁ 7:14 * 13:25 ኢሳ 34:4፤ እጁ 6:13፤ እዩ 2:10 * 13:26 ዳኔ 7:13፤ እጁ 1:7 * 13:28 ሃይሲ ሃ ቆፋይ ቤሲዛይሲ ኢሰታ ዳሬን ዲዛ ሚላቲ አጠዛይኔ ሃይላቲ ጠሊሊዛይ ቦኔ ገዲዳይሳ ቤሳና።

ዳርሶን ቢታ ቃሊኔ ኮሻይ ሃናና፤ ሄይቲ ወሪ ሚፃሰ ሌሶ ማላ።

9 “ኢንቴ ኢንቴሰ ናጌቲቲ። ቡር ኢንቴና ዳሬ ዲላታን አሉ ኢማና። ኢሰቲ ኢንቴና አይሁዳታ ዎሳ ኬላን ጋራፋና። ኢንቴ ታ ማርካታ ገዳና ማላ ታ ገሽ ዳሬ ዳናታ ሲንላኒኔ ካዎታ ሲንላን ኤቃና። 10 ኮይርቲዲ ሚሽራቸ ቃላይ ዳሬ ኡባሰ ሳባኬታና ቤሴሰ። 11 ኢንቴ አይኬቲዲ ፒርዳሰ ሸቂዛ ዎዴ ሂና ሄ ሳቴዩን ኢንቴሰ ኢሚቲዛር ሃሳዩቴ አቴን ቤዲ ኔ አይ ገና? ገዲ ካሴቲ ሂርሳፍቲ። ሃሳያናይ ያሎ አያና፣ አቴን ኢንቴና ገደኬታ። *

12 “ኢሻይ ኢሻ፣ አዎይ ባ ና ሃይቆሰ አሉ ኢማና፤ ናይቲ ባና ዩሊዳይታ ቦላ ማካላናኔ ዎሳና። 13 ታ ጌደን ኢንቴ አሳ ኡባን ኢጻቲዳይታ ገዳና። ወርሴላ ጋካናሰ ሚኒ ኤቂዳዳይ ገዲኮ አታና። *

ዩራሳላሚ ቦላ ጋካና ገታ ሜቶ (ማቶ 24:15-21፤ ሉቃ 21:20-24)

14 “ኢንቴ ሃራሲዛ ቱናቴሉ ኢዛሰ ቤሶንታሶን ኤቂዳሼ ቤይኮ ናባቢዛዳይ ዎዝናን ዎሶ፤ ዩሁዳን ዲዛይቲ ፑዴ ዙማ ቦላ ባቃቴቶ። * 15 ኬላ ካሬን ዲዛዳይ ሶ ጌሎፖ፤ ባ ሚሽ ኬሳና ገዲ ኬሌ ጌሎፖ። 16 ጎሻሶን ዲዛዳይ ባ ማይያ ኤካናሰ ጉዬ ሲሞፎ። * 17 ሄ ጋላሳታን ሻራ ማጫሳታሲ ና ቋንሌዛይታሰ አዬ-አና! 18 ሄሲካ ባላሳን ገደንታ ማላ ያሴ ዎሴቴ። 19 ኮይር ያሴ ሜጼቴላ ወርሲ ሜጾሶፔ ሃዲ ጋካናሰ ዎይኮ ሃይሳፌ ጉዬ ኢዛ ሚሳቲዛይ ባይንዳ ገታ ሜቶይ ሃናና። * 20 ጎዳይ ሄ ጋላሳታ ቃንሶንታኮ ኦኒካ አቴና ሺን ባሲ ዳሬቲዳይታ ገሽ ሄ ጋላሳታ ቃንሌዳሰ።

21 “ሄ ዎዴ ኦኒካ ሄኮ ከርሰቶሲ ሃይሳን ዳሰ፤ ገዙ ዎይኮ ሄኮ ሄን ዳሰ ገዙ አማናፒቲ። 22 ዎርዶ ከርሰቶሳቲኔ ዎርዶ ናቤቲ ቡር ዳንዲዲ ማላታታኔ ካሴ ሃኒ ኤርንታ ፓላ ሚሽ አላና። ኢሰታሰ ዳንዳዬቲኮ ሃራይ አቶ ሺን ዳሬቲዳይታካ ባሌላና። 23 ሄሳ ገሽ ናጌቲቲ፤ ሄ ዎዴይ ጋኮንታ ዲሺን ሃራ ሃይሳ ወርሳ ታ ኢንቴሰ ዮታዲሰ።

ከርሰቶሳ ናምዒንሶ ዩሰ (ማቶ 24:29-31፤ ሉቃ 21:25-28)

24 “ሄ ዎዴ ሄ ሜቶዛፔ ካሊዲ አዎ አርሼይ ጱማና፤ አገናይካ ፖዑሱኩ። 25 ያለንቴቲ ሳሎፔ ቆቆፌታና፣ ሳሎን ዲዛ ዎልቃማቲ ቃፃና። * 26 ሄ ዎዴ አሳ ናይ ገታ ዎልቃራኔ ቦንቸራ ሳሎ ሻራራ ዩሺን አሳይ ኢዛ ቤያና። * 27 ኢዚካ ኪታንቻታ ዩዲዲ ኦይዲ ባጋፌ ቢታ ጋፃፔ ጋፃ ጋካናሰ ዲዛ ባሰ ዳሬቲዳይታ ሺሻና።

ባላሴ ሚላይ ሌሚሶ (ማቶ 24:32-35፤ ሉቃ 21:29-33)

28 “ለሚሶዛ ባላሴ ሚላፌ ታማሪቲ። ኡንቁሎይ ጠሊሊዛ ዎዴ ሃይሉ ኬሲሺን ቦኔይ ማቲዳይሳ ኢንቴ ኤሬታ። * 29 ሃሳሶካ ሃይቲ ታ ገዳይቲ ፖሌቲሺን ኢንቴ ቤይኮ ዎዴይ ማቲ ዩዲ ፔንጌ ጋኪዳይሳ ኤሬቲ። 30 ታ

አንቲስ ቱሙ ጋይስ፤ ሃ የጾታ ፖሊታና ጋካናስ ሃይሲ ሃ ዩሌታይ አዲና። 31 ሳሎይኔ ሳዓይ አዳና ሺን ታ ቃላይ ጊዲኮ አዲና።

ጎዳይ ያና ጋላሳዮኔ ሳቲዮ ኦኒካ ኤሬና (ማቶ 24:36-44)

32 “ቃሴ ሄ ጋላሳይ ጊሽ ዋይኮ ሄ ሳቲይ ጊሽ ታ አዋፔ አቲን ሳሎ ኪታንቻታ ጊዲንካ ናዛ ጊዲንካ ኦኒካ ኤሬና። 33 ሄሳ ጊሽ ዋይይ አይዳኮኔ አንቲ ኤርንታ ጊሽ ናጌቲቲ፣ ሚኒቲኔ ዋሲቲ። 34 ሄሲካ ባ ኬፍ አሽካራታስ አገዲ አሽካራታ አሳ አሳ ኦሶ ኦይፊዲ ፔንጌ ናጊዛይሲ በጊዲ ናጋና ማላ አዛዚዲ ቢዳ አሳ ሚሳቲስ። *

35 “ሂስቲኮ ኬፋ አዋይ አይዳ ያናኮኔ ዋይኮ ቃማ ሌላ ጊዳል ያናኮኔ ዋይኮ ኮይሮ ኩቶይ ባቁሽን ያናኮኔ ዋይኮ ዋንታ ቦላ ባዘይ ዘዒሽን ያናኮ ኢንቲ ኤርንታ ጊሽ በጊዲ ናጊቲ። 36 አንቲ ቆፖንታ ዲሺን ኢዚ ዩዲ አንቲ ጳስኪዲሽን አንቲና ዳዋሮ።

37 “ታ አንቲስ የቲዛይሳ አሳ ኡባስ የታይስ፤ ሚኒዲ ናጊቲ! ጋይስ” ጊዳስ።

14

አሳይ ዩሱሳ ዋዳናስ ማቄቲዳስ (ማቶ 26:1-5፤ ሉቃ 22:1-2፤ ዮሃ 11:45-53)

1 ፓዚጋኔ ኡኬፋ ሙሳ ባዓሌ ጋላሳይ ቦንቸታናስ ናምዑ ጋላሲ አቲሽን ቄሴታ ሃላቃቲኔ ሙሴ ዋጋ ታማርሲዛይቲ ዩሱሳ ባሌፊ ኦይኪዲ ዋዳና ኦጌ ኮይዳ። *

2 ጊዳ አቲን “አሳይ ሜቶ ሜጶንታ ማላ ባዓሌ ጋላሳታን ጊዳ።” ጊዳ።

3 ኢዚ ቢታኒያ ጌቲቲዛ ሶን ኢሲ አንቸራቻ ሃርጋንቻ ጊዲዳ ሲሞና ሶን ቁማ ቦላ ዲሺን ዋጋይ ዳር አልፎ ጊዲዳ ናርዶሴ ጌቲቲዛ ሸቶይ ኩሚ ኡቲዳ አልባስደርሴ በልቃፃ ኦይኪዳ ኢሲ ማጫሳያ በልቃፃዛ ማንፋዳ ሸቶዛ ዩሱሳ ሁዔ ቦላ ጉሳዲስ። *

4 ሄን ጋዳን ዲዛ አሳታፔ ኢሲ ኢሲ አሳቲ “ሃይሲ ሸቶዚ አዛስ ዋጋይ ባይንዳ ጉኪዜ?” ጊዲ ባ ጊዳን ሃንቄቲዳ። 5 “ሸቶዚ ባይዞ ባይዚዳኮ ሄዡ ፃቲ ዲናሬፔ ቦላራ ባይዜቲዲ ማንቆታስ አሜቲኔሽን” ጊዲ ማጫሳዮካ ካጲዳ። *

6 ጊዳ አቲን ዩሱሲ አስታስ “አጊቲ! ሃና ማጫሳዮ አዛስ ዋይሴቲ? ኢዛ ታስ ሎፖ ሚሽ ኦላዲስ።

7 ማንቆቲ አይ ዋይካ አንቲናራ ዳቲስ። አንቲ ኮይዳ ዋይ አይዳካ ኢስታ ማዳናስ ዳንዳይታ ሽን ታ ጊዲኮ ኡባ ዋይ አንቲናራ ዲኬ። * 8 ሃና ባ ኦላናስ ዳንዳይዛሪ ኬና ኦላዲስ። ታስ ሞጎስ ጊዳና ማላ ታ አሾ ካሴታ ቲያዲስ።

9 ታ አንቲስ ቱሙ ጋይስ፤ ሃይሲ ሚሺራቾ ቃላይ አላሚ ኩሚፋን ሳባኬቲዛሶን አዋንካ ኢዛ ኦሊዳይሲ ኢዞ ሃሳዒሲዛዝ ጊዲዲ ሃሳይታና” ጊዳስ።

የሁዳይ ዩሱሳ አሊ አማናስ ጊዳዳስ (ማቶ 26:14-16፤ ሉቃ 22:3-6)

10 ሃሳፌ ጉዬ ታማኔ ናምዓታፔ አሶይ አስቆርንቶ የሁዳይ ዩሱሳ አሊ አማናስ ቄሴታ ሃላቃታኮ ቢዳስ።

11 አሰቲካ ሃሳ ሲይዲ ኡፋዬቲዳ፤ ኢዛስ ሚሾ አማናስ

ኢዛራ ጊዲዳ። ሃሳ ጊሽ ዩሱሳ አሊ አማናስ አንጃ ዋይ ናጊሾ ጋምዒዳስ።

12 ፓዚጋ ደርሲ ሹኬቲዛ ኡኬፋ ሙሳ ቦንቸዛ ኮይሮ ጋላስ ዩሱሳ ካሊዛይቲ ዩሱሳኮ ሸቄዲ “ፓዚጋ ካዋ ማናሶ አዋን ጊሳና ማላ ኮይይ?” ጊ ኦይቸዳ።

13 ኢዚካ ባና ካሊዛይታፔ ናምዓታ “ጌዳ ካታማ ቢቲ፤ አንቲ ቢሽን ሃፍ ኦቶራ ቶኪዳ አሳዳይ አንቲናራ ጋጋና። 14 ኢዚ ቢዲ ጌሊዛሶ ጋካናስ ኢዛ ካለቲ። ኬፋዳዛስ ላስታማሬይ ኔና ታና ካሊዛይታራ ፓዚጋ ካዋ ማናስ ታስ ጊዲዛ አማላ ሸምፖሶይ አዋይሴ? ጊዳስ? ጊቲ። 15 ኢዚካ ቦላ ፖቄ ቦላ ዲዛ ጊሺ ኡቲዳ አሆ ሶ አንቲና ቤሳና፤ ሄን ኢዛን ጊሲሲቲ” ጊ ኪቲዳስ።

16 ኢዛ ካሊዛይቲካ ኬዚዲ ጌዳ ካታማ ቢዳ። ወሪካ ዩሱሲ ጊዳ ማላ ሃኒ ቤቲዳስ፤ ፓዚጋካ ሄን ጊሲዲዳ።

17 ጋይይ ቃሚሽን ዩሱሲ ባና ካሊዛ ታማኔ ናምዓታራ ጋኪዳስ። 18 አሰቲ ማዳን ዲሽን “ታ አንቲስ ቱሙ ጋይስ፤ አንቲ ጊዳፌ አሶይ ኢዚካ ታናራ ኢሲፌ ሚዛይሲ ታና አሊ አማና” ጊዳስ። *

19 አሰቲካ ሙዛቲዲ “ታኔሻ? ታኔሻ?” ጊዲ አሶይ አሶይ ዩሱሳ ኦይቸዳ።

20 ኢዚካ አሰታስ “ታማኔ ናምዓታፔ አሶይ ታናራ ባ ኩሾ ኬሬን ዩዲዛዳ። 21 ካሴ ፃፊቲዳ ማላ አሳ ናይ ኢዛ ጊሽ ሃይቃና ሽን አሳ ና አሊ አሚዛዳስ አዬ-አና! ሃሳዳይ ካሴ ዩሌቶንታ አገዳኮ ኢዛስ ሎፖኮሽን!” ጊዳስ።

ጎዳ ካዋ ኤኮ ዋጋ (ማቶ 26:26-30፤ ሉቃ 22:14-23፤ 1ቆር 11:23-25)

22 አሰቲ ሚሽን ኡኬፋ ኤኪ አንጃዲኔ ማንፋዲ ባና ካሊዛይታስ “ሃይሳ ታ አሾ ሃይቲ” ጊ አሚዳስ።

23 ኡሻካ ዳንፊ ጋላቲዲ አሰታስ አሚን አሰቲ ወሪካ ኡዩዳ። 24 ቃሴ ዩሱሲ “ሃይሲ ዳርታ ጊሽ ጉካና ታ ኦራፋ ጫቆ ሱፋ። * 25 ታ አንቲስ ቱሙ ጋይስ፤ ኦራፋ ዋይኔፔ ጊሺዳ ኡሻ ፆሳ ካዋቲፋን ታ ኡያና ዋይ ጋካናስ ናምዓንፋ ሃይሳ ኡዩኬ” ጊዳስ።

26 ሃሳፌ ጉዬ ማዛሙራ ኢሲፌ ዩዲ ፑዳ ዳብራዛይቲ ዙማ ቦላ ኬዚዳ።

27 ዩሱሲ “ ታ ሃሚዛይሳ ሸጫና ሄ ዋይ ኢዛ ደርሳቲ ላሌታና፣ ጌቲቲ ፃፊቲዳይሳ ማላ አንቲ ወሪካ ታናን ዲጴታና። * 28 ታ ዳንዲዳይሳፌ ጉዬ ጊዲኮ ታ አንቲፌ ካሴታዳ ጋሊላ ባና” ጊዳስ። *

29 ጴጥሮስካ “አሳይ ወሪ ጴጴቲኮካ ታኒ ጴጴቲኬ!” ጊዳስ።

30 ዩሱሲካ “ታ ኔስ ቱሙ ጋይስ፤ ሃቸ ቃማ ኩቶይ ናምዑቶ ዋሳና ጋካናስ ኔኒ ታና ሄዡቶ ካዳና” ጊዳስ።

31 ጴጥሮስ ቃስ “ታ ኔናራ ሃይቁዛኮካ ሙሌካ ኔና ካዲኬ” ጊዲ ኬሂ ሚንፊ የቲዳስ። ሃንኮይቲካ ወሪ ኢዛይሳላ ጊዳ።

ዩሱሲ ጌቲሴማኔን ዋሲዳስ (ማቶ 26:36-46፤ ሉቃ 22:39-46)

32 ሃሳፌ ጉዬ ጌቲሴማኔ ጌቲቲዛሶ ቢዳ ዩሱሲካ ባና ካሊዛይታ “ታኒ ዋሲሽን አንቲ ሃይሳን ጋምዒሽቲ”

* 13:34 ሉቃ 12:36-38 * 14:1 ኬሳ 12:1-27 * 14:3 ሉቃ 7:37-38 * 14:5 300 ዲናሬይ ጉሲ በኒ ዋይ አሳስ ላይላ ዳሞዛ። * 14:7 ዛሬ 15:11 * 14:18 ማዛ 41:9 * 14:24 ኬሳ 24:8፤ ኤር 31:31-34 * 14:27 ዛካ 13:7 * 14:28 ማቶ 28:16

ገደብ። 33 ጳጳሮሳ፣ ያቆቤኔ የሃኒሳ ሳናራ ኤኪ ቢደብ። ከሂ ቆፒደቤኔ ማቶቲደብ። 34 ቃሴካ ኢሰታሰ “ታ ሼምፖ ደር ማቶታደብ ኢንቲ ሃን ዲሺቲ። ጳሰኮንታ ናገቲ” ገደብ።

35 ኢሰታ ኣቻፌ ጉሉ ጌዴ ፖቁዲ ቢታ ቦላ ጉፋኒዲ ሃንኮ ሃ ሳቲያ ኢዛፔ ኣቆና ማላ ዋሲደብ። 36 “ታ ኣዋወ! ኔሰ ወሪ ዳንዳዬቲሰ፤ ሃይሳ ዋዬ ፀዓ ታፔ ሃሳ። ገዲኮካ ኔ ሼኔፔ ኣቲን ታ ሼኔይ ሃናፖ” ገደብ።

37 ኢዚ ሃፔ ሰሚ ዩሺን ኢዛ ካሊዛይቲ ጳሰኪዳይታ ቤዩደብ። ጳጳሮሳካ “ሰሞና ጳሰካዲ? ሃራይ ኣቶ ሺን ኢሰ ሳቲካ ማናዳ ናጎይ ኔና ያኒዳ? 38 ኢንቲ ፓጩን ጌሎንታ ማላ ቤገዲ ዋሲቲኔ ማኒቲ። ኣያናይ ገጌቲ ኡቲደሰ ሺን ኣሾይ ገዲኮ ዳቡራንቻ” ገደብ።

39 ቃሴካ ቢዲ ኮይርይሳዎ ዋሲደብ። 40 ኢዚ ናምዓንሉ ሰሚ ዩሺን ኢሰታ ኣይፊን ጳሰኮይ ዳዒን ጳሰኪዳይታ ዳሚደሰ ሺን ኢሰቲ ኢዛሰ ኣይ ዛራናኮኔ ኤሪቤቲና።

41 ሃቫንላ ዩዲ “ሃራካ ኢንቲ ኢቸዲ ሼምፔቲ? ሃራ ገዳና፣ ሳቲያካ ጋካዲሰ፤ ሃኮ ኣሳ ናይ ናጋራንቻታ ኩሼን ኣቋ ኢሚታና። 42 ኣኔ ኤቂቲ ቦሰ፤ ታና ኣሉ ኢማናዳይ ዩደብ” ገደብ።

ዩሱሲ ኦይኬቲደቤኔ ኣቋ ኢሚቲደብ
(ማቶ 26:47-56፤ ሉቃ 22:47-53፤ የሃ 18:3-12)

43 ዩሱሲ ቡር ሃሳያን ዲሺን ታማኔ ናምዓታፔ ኢሶይ ዩሁዳይ ዩደብ። ኢዛራ ኢሲፌ ቁሴ ሃላቃታፔኔ ሙሴ ዋጋ ታማርሲዛይታፔ ከቲቲዳ ዳር ኣሳይ ገላ ማሻኔ ዱርቃ ኦይኪዲ ዩደብ። 44 ኢዛ ኣሉ ኢማና ዩሁዳይ ኢሰታሰ “ኣሳ ገደፊ ታ ዩሪዛይይ ኢዛ ገዲዳ ገሻሰ ኦይኪዲ ሎዔሉ ናገ ኤፊቲ” ገዲ ካሴቲ ማላታ ኢሚ ዋላደብ።

45 ጋኪዳ ማላ ዩሁዳይ ዩሱሳኮ ሸቂዲ “ኣሰታማሬ!” ገዲ ዩሪደብ። 46 ኣሳቲካ ዩሱሳ ኦይኪዳ። 47 ኢዛ ኣቻን ኤቂዳ ኢሶይ ማሻ ኮሆፔ ሸዲ ቁሴታ ሃላቃ ኣሸካራ ሃይላ ቃንጻደብ። 48 ዩሱሲካ ኢሰታሰ “ፓንጋ ማላ ታና ኦይካና ማሻኔ ዱርቃ ኦይኪዲ ዩቲ? 49 ዋንቲን ዋንቲን ያሳ ኩሳን ታማርሳሼ ታ ኢንቲናራ ዲሺን ኦይኪቤኬታ ሺን ካሴ ፃፊቲዳይሲ ፖሊታና ማላ ሃይሲ ሃኒደብ” ገደብ። *

50 ሃሳ ዋዴ ኢዛ ካሊዛይቲ ወሪ ኢዛ ዩገ ኣገ ቢዳ። 51 ባ ካሎቲሉ ቁሪ ናፃላን ካሚዳ ኢሲ ናይ ዩሱሳ ካሊሺን ኣሳይ ኢዛ ኦይኪን፣ 52 ናዚ ናፃላ ዩገዲ ካሎ ከቸደብ።

ዩሱሳ ፒርዳ ዲላታኮ ሸሸዳ
(ማቶ 26:57-68፤ ሉቃ 22:54-55፣63-71፤ የሃ 18:13-14፣19-24)

53 ዩሱሳካ ጌዴ ቁሴታ ሃላቃኮ ኤፊዳ። ቁሴታ ሃላቃቲ፣ ዳሬ ጨማቲኔ ሙሴ ዋጋ ታማርሲዛይቲ ሃን ኢሲፌ ወሪ ሸቂዳ። 54 ጳጳሮሲካ ዩሱሳ ሃሆራ ካሊሸ ቁሴታ ሃላቃ ገቤ ጋካናሰ ቢደብ። ኢዚ ሃን ኡቲዲ ሃራ ኣሳታራ ታማ ሆሲሺን፣ 55 ቁሴታ ሃላቃቲኔ ዳሬ ጨማቲ ወሪ ዩሱሳ ዋቆናሰ ማርካታና ኣሰ ኮይዳ ሺን ዳማናሰ ዳንዳዩቤቲና። 56 ዳርቲ ኢዛ ቦላ ዋርደራ ማርካቲኮካ ማርካታ ቃላይ ኦይኬቲቤና።

57 ኢሲ ኢሲ ማርካቲ ዳንዲዲ ዋርደራ፣ 58 “ሃይሲ ኣዳዚ ታ ኣሳ ኩሼን ከፃቲዳ ያሳ ከላ ላላዳ ኣሳ ኩሼይ ቦቸንታዝ ሃራ ያሳ ከላ ሃቻ ጋላሳራ ታ ከፃና፣ ገሺን ኦ ሲዩደሰ” ገ ማርካቲዳ። * 59 ገደ ኣቲን ኢሰታ ማርካቲሉ ኢሲ ቦላ ዋቆቤና።

60 ቁሴታ ሃላቃይካ ኢሰታ ሲንላን ኤቂዲ “ሃይቲ ኔ ቦላ ማርካቲዛይሲ ኣዜ? ኔ ኣዛሰ ዲና ዛሪኪ?” ገዲ ዩሱሳ ኦይቸደብ።

61 ገደ ኣቲን ዩሱሲ ኢሰታሰ ኣይኮካ ዛርንታ ጮ-ገደብ። ቁሴታ ሃላቃይ ቃሴካ “ኣንጃቲዳ ያሳ ናይ ኪርሰቶሲ ኔኔ?” ገ ኦይቸደብ።

62 ዩሱሲካ ዛሪዲ “ኤ፤ ታናኮ! ኣሳ ናይ ዋልቃማ ያሳ ኡሻቻን ኡቲሺኔ ሳሎ ሻራራ ዩሺን ኢንቲ ኢዛ ቤያና” ገደብ። *

63 ቁሴታ ሃላቃይ ባ ማይዎ ዳኪዲ “ኦሰ ሃራ ኣዛ ማርካ ኮሺዜ? 64 ኢዚ ጫሻ ቃላ ያሳ ቦላ ሃሳይሺን ኢንቲ ሲዩዳታ፤ ሃራኹ ኢንቲሰ ኣይ ማሳቲዜ?” ገደብ። ኢሰቲካ “ኢዛሰ ሃይቆይ ቤሴሰ” ገዲ ወሪካ ኢሲ ቃላን ፒርዲዳ። *

65 ሃሳ ዋዴ ኢሲ ኢሲ ኣሳቲ ኢዛ ቦላ ጩኾ ጩቲዳ፤ ኢዛ ኣይፊ ጎዚ ኦይኪዲ ኢጨሼ “ኣኔ ቲንቢቲ የታ” ገዲ። ባጋይቲ ቃሴ ሻጋላን ባቂሼ ኤፊዳ።

ጳጳሮሲ ዩሱሳ ካዲደብ
(ማቶ 26:69-75፤ ሉቃ 22:56-62፤ የሃ 18:15-18፣25-27)

66 ጳጳሮሲ ዱጌ ባጋራ ሃን ገቤ ገደን ዲሺን ቁሴታ ሃላቃ ጋራዳታፔ ኢሲኒያ ያዲሰ። 67 ጳጳሮሲ ታማ ሆሲሺን ቲሺ ሂሰታ ፃላዳ “ኔኒ ናዚሬቲ ዩሱሳራ ዳሳ ገዲኪ?” ገዲሰ።

68 ኢዚ ቃሰ “ኔ ገዛይሳዳ ታ ኤሪኬ፤ ኔ ገዘይሲ ታሰ ጌሌና” ገዲ ካዲደብ። ሃሳፌ ጌዴ ፔንጌ ፖቁ ኤቂ ዲሺን ሃራካ ኩቶይ ዋሲደብ።

69 ሃ ጋራዴያ ኢዛ ቤዩዳ ማላ ሃን ኤቂዳ ኣሳታሰ “ሃይሲ ኣዳዚ ኢዛራ ዲዛ ኣሳታፔ ኣሳዳኮ!” ገዳ ቃሴካ ሃሳያዲሰ። 70 ኢዚ ቃሴካ ካዲደብ። ጉላ ዋዴ ጋምዲሺን ሃን ኤቂዳ ኣሳቲ ጳጳሮሳ “ኔኒ ጋሊላ ኣሳ፣ ሃሳ ገሸ ቱማፔ ኔ ኢሰታፌ ኣሳዳ” ገዲ።

71 ገደ ኣቲን ኢዚ ቃሰ “ኢንቲ ገዛዴ ታ ኤሪኬ!” ገሺ ጫቆኔ ባና ቃንጌሉ ኦይኪደብ።

72 ሃራካ ኩቶይ ናምዓንሉ ዋሲደብ። ጳጳሮሲካ “ኩቶይ ናምዓ ዋሳናሰ ኔ ታና ሃቫ ካዳና” ገዲ ዩሱሳ ቃላይ ኢዛሰ ቆፊቲን ሃቂሚዲ ዩኪደብ።

15

ዩሱሳ ጲላዖሳኮ ኤፊዳ
(ማቶ 27:1-2፣11-14፤ ሉቃ 23:1-5፤ የሃ 18:28-38)

1 ማላደ ዋንታራ ቁሴታ ሃላቃቲ፣ ዳሬ ጨማቲኔ ሙሴ ዋጋ ታማርሲዛይቲ ኩሚላ ሻንጎ ኣላፊታራ ኢሲፌ ዘሪቲዲ ዩሱሳ ቃቸ ኤኪ ኤፊዲ ጲላዖሳሰ ኣሉ ኢሚዳ።

2 ጲላዖሳካ ዩሱሳ “ኔ ኣይሁዳታ ካዎ?” ገ ኦይቸደብ። ዩሱሲካ “ኤ፣ ኔ ገዲ ማላ” ገዲ ኢዛሰ ዛሪደብ።

* 14:49 ሉቃ 19:47፤ 21:37 * 14:58 የሃ 2:19 * 14:62 ዳኔ 7:13 * 14:64 ሉቃ 24:16

3 ቄሴታ ሃላቃቲካ ዳር ዮዖ ኢዛ ቦላ ሺሺ ሞቲዳ።
4 ጲላዎሲ ቃስ “ኔ አዛስ ኮይሻ ዛሪኪ? ሄኮ ኔና ዳር ዮዖን ሞቲቲስ” ጊዲ ቃሴካ ኦይቸዳስ።

5 ጊዲ ኣቲን ዩሱሲ ሃዒካ ኢዛስ ኣይኮካ ዛር ኢሞንታ ገሽ ጲላዎሲካ ማላላቲዳስ።

6 ፓዚጋ ባዓሌ ጋላስ ጲላዎሲ ዳሬይ ቢርሻና ማላ ኦይቸዳዳ ቢርሽ ዩዲዛ ሞጋይ ካሴ ዳስ። 7 ኢታ ኦሶን ዳሬ ቦላ ዳንዲዲ ሽሞፖ ሞዲዳ ኣሳታራ ኢሲፊ ቃሽቲዳ ባርባኔ ጌቲቲዛ ኢሳዳይ ዳስ። 8 ዳሬይካ ዩዲ ካሴ ሎሴ ጊዲዳይሳ ኢዚ ኦላና ማላ ጲላዎሳ ዋሲዳስ።

9 ጲላዎሲካ ኢስታስ “ታ ኢንቲስ ኣይሁዳ ካዎ ቢርሻና ማላ ኮይቲ?” ጊ ኦይቸዳስ። 10 ጲላዎሲ ሄሳሶ ኦይቸዳይ ካሴ ቄሴታ ሃላቃቲ ዩሱሳ ቃናቲን ኣሌ ኢሚዳይሳ ኤሪዛ ገሻሳ።

11 ቄሴታ ሃላቃቲ ቃስ “ኢዛ ኤፃ ባርባኔይ ቢርሽቶ!” ጊ ኦይቸና ማላ ዳሬዛ ዳንሌዳዳ።

12 ጲላዎሲ “ሂስቲኮ ኢንቲ ኣይሁዳ ካዎ ጊዛ ኣዳዛ ዋስታና ማላ ኮይቲ” ጊዳስ።

13 ኢስቲ ቃሴካ “ካቃ! ካቃ!” ጊ ዋሲዳ።

14 ጲላዎሲካ “ኣይ ኢታ ኦሌዳ?” ጊ ኢስታ ኦይቸዳስ። ኢስቲ ቃስ “ካቃ! ካቃ!” ጊዲ ካሴፕ ኣሌ ዋሲዳ።

15 ጲላዎሲካ ዳሬዛ ኡፋይሳና ጊዲ ባርባኔ ኢስታስ ቢርሽዳስ። ዩሱሳ ጋራፊዲ ካቃናስ ኣሌ ኢሚዳስ።

ዎታዳራቲ ዩሱሳ ቦላ ቂሊጪዳ
(ማቶ 27:27-30፤ ዮሃ 19:2-3)

16 ዎታዳራቲ ዩሱሳ ዳሬ ሃሪዛይሳ ጊቤ ኤኪ ቢዲ ኣቲዳ ዎታዳራታ ወርሲ ሺሺዳ። 17 ዩሱሳ ዘዎ ማይዎ ማይዚዳ፤ ኣኾንሳ ኣክሊሌ ፃፂዲ ኢዛ ሁዒን ዎሊዳ።

18 ሄሳፊካ “ኣይሁዳ ካዎ ሳርይ ኔስ ጊደ!” ጊሽ ኢዛ ሳርሊዳ። 19 ኢዛ ሁዒ ጉፊራ ሾጪዳ፤ ኢዛ ቦላካ ጩቲዳ ጉልባቲዲ ኢዛስ ጎይኒዳ። 20 ኢዛ ቦላ ቂዲ ካዒዳፕ ጉዩ ካሴ ማይዚዳ ዘዎ ማይዎዛ ቃሪ ኤኪዲ ካሴ ኢዛ ማይዎዛ ዛሪ ማይዚዲ ካቃናስ ኤኪ ቢዳ።

ዩሱሳ ካቄቲሳ
(ማቶ 27:31-44፤ ሉቃ 23:27-43፤ ዮሃ 19:17-27)

21 ኣላከሳንድሮሳኔ ሩይሳ ኣዎ ሲሞና ጌቲቲዛ ኢሲ ቃሪና ዳሬ ኣሲ ዳሬፕ ካታማ ዩዛይሳ ዩሱሳ ማስቃሌ ዎልቃራ ኦይኪ ቶሲዳ። * 22 ሄሳፊ ጉዩ ዩሱሳ ጎልጎታ ጌቲቲዛሶ ኤፊዳ፤ ኢዛስ ቢርሽሳይ “ኣሳ ሁዒ ጉጌ” ጉሳ። 23 ካርቤ ጌቲቲዛ ጫሞራ ዋላኬቲዳ ዎይኔ ጫጃ ኡያና ማላ ኢዛስ ኢሚን ኢዚ ኤኮንታ ኢዲዳስ።

24 ሄሳፊ ጉዩ ኢዛ ካቄዳ፤ ኢዛ ማይዎ ኢሳዳ ኢሳዳ ኣዎይሲ ጋካናኮኔ ጊዲ ሳማ ዩጊዲ ገሽቲዳ።

25 ኢስቲ ኢዛ ካቄሺን ዎንታፊ ሄዙ ሳቲ ጊዲዳስ።

26 ኢስቲ ማስቃሌ ቦላ ፃፊ ሺሺዳ ሞቶ ቃላይ “ኣይሁዳ ካዎ” ጊዛ ቃላ። 27 ኢዛራ ኢሲፊ ናሞዑ ፓንጋታ ኢሳ ኢዛፕ ኡሻቻራ ኢሳ ሃዲርሳራ ካቄዳ። 28 ሄሳንካ ካሴ ማፃፋይ “ኢታታራ ኢሲፊ ታይቤቲዳስ” ጊዳ ቲንቢቲ ቃላይ ፖሌቲዳስ። **

* 15:21 ኦር 16:13 * 15:28 ኢሲ ኢሲ ጌሻ ማፃፋቲ ፓይዳ 28 ቦላ ዲዛ ቆፋ ጉጃቲስ፤ ቃላይካ ሉቃሳን 22:37 ቦላ ዲዛይሳ ሚሳቲስ።
* 15:28 ኢሳ 53:12 * 15:29 ማዛ 22:7፤ 109:25፤ ማር 14:58፤ ዮሃ 2:19 * 15:34 ማዛ 22:1 † 15:36 ጫሊዳ ዎይኔ ጫጃ ካቄቲዳ ኣሲ ባ ዋዬ ባላና ማላ ኡሽቲስ። * 15:38 ኬሳ 26:31-33 * 15:41 ሉቃ 8:2-3

29 ኦጌራ ኣዲ ቢዛይቲካ ባ ሁዒ ቃሊሽ “ኦይ! ኦይ! ዮሳ ኬላ ላላዳ ሄዙ ጋላሳን ኬፃናይ ኔኔ?” ጊዲ ኢታ ጫሽ ጫዩሽ፤ * 30 “ኣኔ ሃዒ ማስቃሌ ቦላፊ ዎዳዳ ኔና ኣሻ” ጊዳ።

31 ሄሳሳካ ቄሴታ ሃላቃቲኔ ሙሴ ሞጋ ታማርሲዛይቲ ባ ጊደን ኢሳይ ኢሳስ “ሃራታ ኣሺዳስ ሺን ባና ኣሻና ዳንዳይቤና” ጊዲ ኢዛ ቂዲዳ። 32 “ኦ ኢዛ ቤዩዲ ኣማናና ማላ ኣኔ ሃይሲ ኪርሰቶሲ ኢሰራዒሌታ ካዎይ ሃዒ ማስቃሊፕ ዎዳ” ጊዳ። ኢዛራ ካቄቲዳይቲካ ኢዛ ቦላ ጫሽ ኮሪዳ።

ዩሱሳ ሃይቆ

(ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱፑን ሳቲፕ ኦይኪዲ ኡዲፋን ሳቲ ጋካናስ ቢታይ ወሪ ዲሚዳስ። 34 ኡዲፋን ሳቲ ቦላ ዩሱሲ “ኤሎሄ! ኤሎሄ! ላማ ሳባቂታኔ” ጊዲ ቃላ ጶቁ ሂስቲዲ ዋሲዳስ። ሄሳስ ቢርሽሳይ “ታ ያሶ! ታ ያሶ! ኔ ታና ኣዛስ ኣጋዲ?” ጉሳ። *

35 ሄን ጋዲን ኤቂዳ ኣሳፕ ኢሲ ኢሲ ኣሳቲ ሄሳ ሲይዲ “ኤላሳ ዪይጌስኮ” ጊዳ። 36 ሄሳፊ ኢሲ ኣሲ ኤሌሊ ቢዲ ጫሊዳ ዎይኔ ጫጃ ኢስፖንጃ ማላ ሚሻን ጌልሊ ኬሲዲ ሚላ ዪራን ኦይሊዲ ኡያና ማላ ዩሱሳስ ሺሺዳስ። ሄሳፊ ቃሴ “ኣኔ ኣጋጊቲ፤ ኤላሲ ዩዲ ኢዛ ካቆፕ ዎሊሽን ኦ ቤያና” ጊዳስ። †

37 ሄሳፊ ዩሱሲ ቃላ ጶቁ ሂስቲ ዋሲዲ ሽሞፖ ኬዚዳስ።

38 ዮሳ ኬሌ ማጋላሻይ ሁዒራ ዲጌ ናሞዑ ኬዚ ዳኬቲዳስ። * 39 ዩሱሳ ገናራ ኤቂዳ ኢሲ ማቶ ሃላቃይ ዩሱሲ ሄሳሶ ጊታ ቃላራ ዋሲዲ ሽሞፖ ኬዚሽን ቤዩዲ “ሃይሳይይ ቱሙ ያሳ ናኮሺን” ጊዳስ። 40 ሄሳ ዎዳ ማጫሳቲ ሃኒዛይሳ ሃሆን ዲዲ ዪሊዳ። ኢስታ ጊደፊ ማግዳሊፕ ዩዳ ማራማኔ ካሎቲዛ ያቆቤኔ ዮሳ ኣዮ ማራማራ ቃሴካ ሳሎማራ ኢሲፊ ዳቲስ። 41 ሄይቲ ማጫሳቲ ጋሊላን ዩሱሳ ካሊሽኔ ኢዛስ ኦሊሽ ጋሞዒዳይታ። ኢስታራካ ኢሲፊ ሃራ ዳር ማጫሳቲ ዩራሳላሚ ቢዳ። *

42 ጋዳይ ቃሚ ቃሚ ቢሽን ሳሞባታስ ጊጌቲዛ ጋላሲ ጋኪዳስ። 43 ዳሬ ጪማታ ጊደን ቦንቸቲዳ ኢሲ ኣርማቲያሳ ዳሬ ኣስ ዮሴፊ ጌቲቲዛይሲ ያሳ ካዎቲሳ ናጊሽ ዲዛይይ ባቦንታ ጲላዎሳኮ ቢዲ ዩሱሳ ኣሃ ዋሲዳስ። 44 ጲላዎሲካ ኢዚ ሂኒ ዎዳ ኤሌራ ሃይቂዳይሳ ሲይዲ ማላላቲዳስ። ማቶ ሃላቃ ዪይጌስዲ “ኢዚ ሃይቂ ጋሞዒዳ?” ጊዲ ኦይቸዳስ። 45 ኢዚ ሃይቂዳይሳ ማቶ ሃላቃይ ጌሽ ኤራዳፕ ጉዩ ዩሱሳ ኣሃ ዮሴፊስ ኢሚዳስ። 46 ዮሴፊካ ሞጎ ማይዎ ሻሚዲ ኣሃ ማስቃሊፕ ዎሊዲ ሞጎ ማይዎን ፃፂዲ ሹቻፊ ዎጩቲዳ ዲፎን ሞጊዳስ። ዲፋ ዲና ሹቻራ ጎርዲዳስ። 47 ማግዳሊፕ ዩዳ ማራማራኔ ዮሴፊ ኣዮ ማራማራ ዩሱሳ ኣሃ ኣዎን ሞጊዳኮኔ ቤዩዳ።

16

ዮሴፍ ሃይቆፔ ዳንዲዳስ

(ማቶ 28:1-8፤ ሉቃ 24:1-12፤ ዮሃ 20:1-10)

1 ሳምባታይ አዲድ ጉዬ ማግደሌ ማራማ፣ ያቆቤ አዮ ማራማራኔ ሳሎማራ ኢሲፌ ቢዲ ዮሴፍ አሃ ቲያናስ ሺቶ ሻሚዳ። 2 ሳሚንታፌ ኮይሮ ጋላስ ማላዶ ዋንታራ ቡሮ አዋ አርሼይ ኬዚዳ ማላ ዮሴፍ ዲፎኮ ቡሮ ቢሺን፣ 3 “ዲፎዛ ዲናፔ ሹቻ ኑስ ኦኒ ገንዳርሳኔ?” ጊዲ ባ ጊደን ሃሳዬቲዳ።

4 ኢስቲ ቶቁ ጊ ያሊሺን ዳሮ ጊታ ሹቻይ ዲፎዛ ዲናፔ ገንዳሪዳይሳ ቤዩዳ። 5 ጌዴ ዲፎዛ ጊደ ጌሊዳ ማላ ኢሲ ቦላ ማይዖ ማይዲዳ ፓንሳ ኡሻቻ ባጋራ ኡቲዳይሳ ቤዩዳ ዳጋሚዳ።

6 ኢዚ ቃስ ኢስታስ “ዳጋሞፍቲ! ኢንቲ ካቁቲዳ ናዚሬቲ ዮሴፍ ኮዬታ፤ ኢዚ ዳንዲዳስ ሃን ዳና፣ ኢስቲ ኢዛ ዋሊዳሶ ሃይሳ ቤይቲ። 7 ጊደ አቲን ኢንቲ ቢዲ ኢዛ ካሊዛይታሲኔ ጳፅርሳስ ካሴ ኢንቲስ ዮቲዳ ማላ ኢንቲፌ ካሴቲዲ ኢዚ ጋሊላ ባና። ኢንቲ ኢዛ ሄን ዳማና ጊዲ ኢስታስ ዮቲቲ” ጊዳስ። *

8 ማጫሳቲካ ማላሌቲሼኔ ኮኮርሼ ዲፋፔ ኬዚ ባቃቲዳ። ባቢዳ ገሽ ኦናሰካ አይኮካ ቃቲቤቲና። *

9 ሳሚንታፌ ኮይሮ ጋላስ ዋጋ ዋንታ ማላዶራ ኢዚ ሃይቆፔ ዳንዲዳፔ ጉዬ ዮሴፍ ኢዚፔ ላፑን ዳይዳንሳ ኬሲዳ ማግደሌ ማራማሶ ኮይሮ ቤቲዳስ። † 10 ኢዛካ ባዳ ካሴ ኢዛራ ዲዛይቲ ካዮቲሼኔ ዩኪሼ ዲሺን ዳማዳ ዮታዲስ። 11 ኢስቲ ዮሴፍ ፓዳ ዲዛይሳኔ ኢዛ ታ ዮሴፍ ቤያዲስ ጊዳይሳ ሲይዲ አማንቤቲና።

ዮሴፍ ባና ካሊዛ ናምዓታስ ቤቲዳስ

(ሉቃ 24:13-35)

12 ሄሳፌ ጉዬ ኢዛ ካሊዛይታፔ ናምዓቲ ጌዴ ዳሪ ጋርስ ቢሺን ዮሴፍ ኢስታስ ሃራ አስ ሚሳቲ ቤቲዳስ።

13 ኢስቲካ ሰሚዲ ሄሳ ኢዛ ካሊዛይታፔ አቲዳይታስ ዮቲዳ። ጊደ አቲን ኢዛ ካሊዛይቲ ሲይዲ አማንቤቲና።

ዮሴፍ ባና ካሊዛ ታማኔ ኢሲኔታስ ቤቲዳስ

(ማቶ 28:16-20፤ ሉቃ 24:36-49፤ ዮሃ 20:19-23፤ ሃዋ 1:6-8)

14 ሄሳፌ ጉዬ ታማኔ ኢሲኔቲ ማዳ ቦላ ዲሺን ዮሴፍ ኢስታስ ቆንጨዳስ። ኢዚ ሃይቆፔ ዳንዲን ኢዛ ቤዩዳ አሳቲ ኢስታስ ዮቲን ሲይዲ አማንታ አገዳ ገሽ ኢስታስ አማኖይ ባይንዳይሳኔ ኢስታ ዋዘና ሙሜቲላ ገሽ ኢስታ ቦሪዳስ። 15 ኢስታሲካ “አላሚ ኡባሶ ቤቲ፣ ሚሺራቾ ቃላ ሜዴቲላ ኡባሰ ሳባኪቲ። *

16 አማንዳይኔ ፃማቁቲዳይ አታና። አማንታይ ጊዲኮ ፐርዳታና። 17 ታና አማንዛይታ ሃይቲ ማላታቲ ካላና። ኢስቲ ታ ሱንሳን ዳይዳንሳታ ኬሳና፣ ኦራላ ቃላንካ ሃሳና። 18 ኢስቲ ሾሻታ ባ ኩሼራ ኦይካና፤ ዋዲዛ ማርዜ ኡዩኮካ ኢስታ ቆሄና። ባ ኩሼ ሃርጋንቻታ ቦላ ዋሊ ዋሲኮ ሃርጋንቻቲ ፓዳና” ጊዳስ።

ዮሴፍ ጉዬ ሳሎ ቢዳስ

(ሉቃ 24:50-53፤ ሃዋ 1:9-11)

* 16:7 ማቶ 26:32፤ ማር 14:28 * 16:8 ኢሲ ኢሲ ቤኒ ጌሻ ማፃፋታን ፓይዶ ኦስፑናፔ ጉዬ ዲዛ ቆፋይ ሃይሳፌ ካሊዲ ፃፊቲዳስ። ማጫሳቲ ጳፅርሳኔ ባ ላጌታኮ ቢዲ ኪታንቻዚ ኢስታስ ዮቲዳይሳ ኡባ ኢስታስ ዮቲዳ። ሄሳፌ ጉዬ ዮሴፍ ኢሺዛ ላሜቶንታ ጌሻ ሚሺራቾ ቃላ አዋ አርሼይ ሞኪዛሶፔ ወሊዛሶ ጋካናስ ባና ካሊዛ ታማሪታ ባጋራ ኪቲዳስ። † 16:9 ኢሲ ኢሲ ቢርሼላታንኔ ኢሲ ኢሲ ሃራይታፔ ዲቁቲዳ ጌሻ ማፃፋታን ፓይዶ 9-20 ጋካናስ ዲዛ ቆፋይ ፃፊቲቤና። * 16:15 ሃዋ 1:8

19 ጎዳ ዮሴፍ ሄሳ ዮቲዳፔ ጉዬ ጉዬ ሳሎ ዳንዲ ቢዲ ያሳ ኡሻቻን ኡቲዳስ። 20 ኢዛ ካሊዛይቲ ሄሳፌ ኬዚዳ ኡባሰን አዲ አዲ ሳባኪዳ። ጎዳይካ ኢስታራ ኦሊዳስ። ኢስታ ቲሚርቲዛ ኤኪዲ ኦሊዳይታስ ባ ዮቲዳ ቃላካ ማላታ ኦሊ ኦሊ ሚንሳዳስ።

ሉቃስ ፩ ዓፊዳ

ኑ ጎዳ ዩሱሲ ኪርሰቶስ ሚሺራቾ ቃላ

ጊዳ ቆፋ

ሉቃስ ሚሺራቾ ቃላይ ዩሱሲ ዳር ዎዴፔ ካሴ ያናይሳኮ ጌቲቲ ናቤታን ኢሰራዔል አሳሰ የቲቲ ኡቲን ኢሰራዔል አሳይ ናጊ ኡቲዳ ኪርሰቶሲ “አሰ ወርሲ አሺዛዴ” ጊዳዳይሳ ቆንጨናሳ። ሉቃስ ዩሱሳ “ማንቆታስ ሚሺራቾ ቃላ ሳባካናሰ” ባ አዎፔ ኪቲቲዳዴ ጊዳዳይሳይ ሚሺራቾ ቃላዚካ አሳሰ ዲዛ ዲማ ዲማ ሜቶስ ኦጌ ቤሲዛይሳ የቲሰ። ሉቃስ ሚሺራቾ ቃላዛ ጊዳን ሃራፔካ ዩሱሳ ሂደታ ገሽ የቲዛ ኮይር ሸዎፖቲኔ ወርሴላ ሸዎፖታን ሎዔል የቲዳይ ሂደታ ገሻሳ። ዩሱሲ ፑዴ ሳሎ ቢዳፔ ጉዬ አማኖይ ዎኒ ናምዓንሶ ዲጨዳኮኔ ሃዎሬታ ማፃፋን ሃይሳ ፃፊዳይ ሄ ማፃፋዛን የቲዳሰ።

ኪታንቻቲ ዩዲዳ ዩሳ ገሽ ዩሱሲ ዩሌቲን ሜሄ ሄሚዛይቲ ኢዛ ቤዩዳይሳ፣ ዩሱሲ ቡር ጉላን ዲሺን ያሳ ኬል ቢዳይሳ አሳሰ ሚሻ ጊዳዳ ሄ ሳማሪያ አዴዛ ኦሶን ቆዩዲ ቤቲዲ ናዛ ታሪኬይ ሄይቲ ወሪካ ሉቃስ ሚሺራቾ ማፃፋን ፃላላ ቤቲቲሰ። ኢዛ ሚሺራቾ ቃላዛን ጋፃፔ ጋፃ ጋካናሰ አዴፊ የቲዳይ ዎሳ ገሽ፣ ዲሎ አያና ገሽ፣ ማጨሳታስ ዩሱሳ ኦሶ ጊዳን ኢሰታስ አሜቲዳ ገሻኔ ያሲ ናጋራ አቶ ጊዳይሳ የቲሰ ጉሰ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1-4
- ፃማቁዛ የሃኒሳ ዩሌቲላኔ ዩሱሳ ዩሌቲላ 1:5-2:52
- ፃማቁዛ የሃኒሳ ኦሶ 3:1-20
- ዩሱሳ ፃማቁቲላኔ ፓጨፔላ 3:21-4:13
- ዩሱሲ ባ ኦሶ ኮይር ጋላላን ዶሚዳሰ 4:14-9:50
- ጋላላፔ ዩሩሳላሚ ቡሰ 9:51-19:27
- ዩሩሳላሚኔ ሄ ሄራን ወርሴላ ሳሚንታን ዩሱሳ ጋኪዳ ሜቶ 19:28-23:56
- ጎዳ ዴንዶ ቆንጨፎላኔ ፑዴ ሳሎ ቡሰ 24:1-53

1 ቦንቾ ቶፊሎሳ ኑ አቻን ሃኒዳ የፆታ ገሽ ዳር አሳቲ ባሲ ሃኒዳ ማላ ፃፊዳ። 2 ሄ ታሪኬዚካ ኮይርፔ ዴንላዲ ባ አይፊራ ቤዩዳ ማርካቲኔ ያሳ ቃላ የቲዳይቲ ኑሰ አላዲይሳ። 3 ታካ ታ ባጋራ ፃጵፔ ዴንላዳ ኬሃ ናጌታዳኔ ፓጨ ያላዳ ታሪኬዛ ወርሳ ሲንፊ ፃፊታናሰ ቤሲዛይሳ ሲንላሳዳ ካሊዲ ፃፊታናሰ ቤሲዛይሳ ካሌላዳ ናጌታዳ ኔሰ ፃፋና ማላ ታሰ ሎፆ ጊዳ ቤቲዳሰ። 4 ሃይሳ ወርሴሳ ታ አላዛይ ኔ ታማሪዳይሲ ቱማ ጊዳዳይሳ ኔና ኤር ጉሳሳ።

ፃማቁዛ የሃኒሲ ዩሌታናይሳ ኪታንቻ ጋብሬሌይ ካሴቲዲ የቲዳሰ
 5-6 ሄርዶሲ ዩሁዳ ቢታን ካዎቲዳ ዎዴ አቢያ ጌቲቲዛ ቁሴታ ሃላቃ ባጋፊ ቁሴቲላ ኦሶ ታሪይ ኢዛ ጋኪዳ ዛካራሳ ጌቲቲዛ ኢሲ ቁሴይ ዳሰ። ኢዛ ማቼያካ ኤሊሳቤፆ ጌቲታወሰ፣ ኢዛካ አርኔ ባጋ አሳ። ናምዓቲካ

ጎዳ አዛዘኔ ኢዛ ዎጋ ዎሶይ ባይንዳ ናጊዲ ዲዛይታኔ ያሳ ሲንላን ዲሎ አሳ። *

7 ጊዳ አቲን ኤሊሳቤፆ ና ዩሎንታ ማካራ ጊዳዳ ገሽ ኢሰታስ ናይ ባዎ፤ ናምዓቲካ ዎዴይ ሱጌቲዳ አሳ።

8 ዛካራሲ ያሳ ሲንላን ቁሴቲላ ኦሶ ታሪይ ኢዛ ጋኪን ኢዚ ኦሊሺን 9 ቁሴታሰ ዲዛ ዎጋ ማላ ያሳ ኬላን ጌሊዲ ኤፃኔ ጨዎሳና ማላ ኤፃይ ኢዛ ጋኪዳሰ።

10 ኤፃይይ ጨዎቲሺን አሳይ ወሪካ ካራን ዲዲ ዎሴሰ።

11 ጎዳ ኪታንቻይ ኤፃይይ ጨዎቲዛ ሶፔ ኡሻቻ ባጋራ ኤቁዲ ዛካራሳሰ ቤቲዳሰ። 12 ዛካራሲካ ኢዛ ቤዩዲ ኬሄ ዳጋሚዲ ባቢዳሰ። 13 ኪታንቻይ ዛካራሳሰ “ባቦፋ! ኔ ዎሳይ ሴቲቲዳሰ፣ ኔ ማቼያ ኤሊሳቤፆ ኔሰ አቲማ ና ዩላና ኢዛ ሲንላካ ኔ የሃኒሳ ጋዳ ሱንላና። 14 ኢዛ ዩሌታን ኔኒ ዳር ኡፋዬታና፤ ዳር አሳይካ ኡፋዬታና። 15 ጎዳ ሲንላን ኢዚ ጌታ ጊዳና። ዎይኔፔ ኦሴቲዳ ጫጃ ጊዳንካ ሃራ ማሶሲዛ ኡሻ ጊዳንካ ኢዚ ኡዩና፤ ኢዚ ቡር ባ አዩይ ቃንላን ዲሺ ዲሎ አያናን ኩማና። * 16 ኢሰራዔል አሳፔ ዳርታ ኢሰታ ያሳኮ ዛራና። 17 አዎታ ዎዘና ኢሰታ ናይታኮ፣ አዛዜቶንታይቲካ ጌዴ ዲሎታ ጨንጫቲላኮ ዛራና ማላኔ ጎዳሰ ቤሲዛ ዳሪ ገሺሳና ማላ ኤላሳ አያናኔ ኢዛ ዎልቃን ጎዳፔ ሲንላራ ኢዚ ባና” ጊዳሰ። *

18 ዛካራሲ ኪታንቻሰ፣ “ታኒ ጨማ፤ ታ ማቼያካ ጨማዳሰ፤ ታኒ ሃይሳ አዛን ኤራኔ?” ጊዲ ኦይቼዳሰ።

19 ኪታንቻይካ ዛሪዲ “ታኒ ያሳ ሲንላን ኤቁዛ ጋብሬሌ። ታኒካ ሃ ሚሺራቾዛ ኔሰ ጋላናሰ ኪቲታዳ ያዲሰ። * 20 ሄኮ ኔኒ ባ ዎዴን ፖሌታና ታ ቃላ አማናንታ ኢዲዳ ገሽ ኔ ዳናይ ዲዳና፣ ኔኒካ ሃሳያና ዳንዳያካ” ጊዳሰ።

21 ሄ ዎዴ ዳሪይ ዛካራሲ “ያሳ ኬላፊ ኬዘንታ አዛሰ ጋምዲዳኮ” ጊዲ ሞጴቲሼ ናጊዳሰ። 22 ኢዚ ያሳ ኬላፊ ኬዚዲ አሳ ሃሳዩሳናሰ ዳንዳይቤና። ማላቲ ማላቲ ቤሶፔ አቲን ሃሳያናሰ ዳንዳዮንታ አገን አሳይ ኢዚ ያሳ ኬላን ያሳፊ ኦራላ ሚሽ ቤዩዳይሳ ኤሪዳሰ።

23 ዛካራሲካ ባ ኦሶ ታሪይ ፖሌቲዳፔ ጉዬን ባሶ ሰሚዳሰ። 24 ሄሳፊ ካሊን ኢዛ ማቼያ ኤሊሳቤፆ ና ቃንላታዳሰ፣ ኢቻሻንሶ አገናይ ጋካናሰ አሲ ባና ቤዮንታ ማላ ቆቲታዳሰ። 25 ኢዛካ ጎዳይ ባ ማርታን ታ ሌቁቲዳይሳ አሳ ጊዳፊ ዲጋናሰ ሃ ዎዴዛን ሃይሳ ታሰ ኦሊዳሰ ጋዲሰ።

ዩሱሲ ዩሌታናይሳ ጋብሬሌይ ካሴቲዲ የቲዳሰ
 26 ኤሊሳቤፆ ቃንላቲዳ ኡሱፑንላ አገናን፣ ያሲ ባ ኪታንቻ ጋብሬሌ፣ ጋላላ ቢታን ዲዛ፣ ናዚሬቲ ጊዛ ካታማ ዩዲዳሰ። 27 ኢዚካ ካዎ ዳወቲ ዜሬል ጊዳዳ የሴፊ ጌቲቲዛ አሳሰ ጊጋ ኡቲዳ ማራሞ ጌቲቲዛ ጌላያይኮ ኪቲቲዳሰ። * 28 ዩዲኔ ኢዛ ዲዛሶ ጌሊዲ “ሃኔ ያሲ ኔና አንጂዳሬ ሳር ያሲ ጎዳይ ኔናራ ዳሰ ኔንካ አንጃቲዳር” ጊዳሰ።

29 ማራማ ኪታንቻ ሃሳያን ኬሃ ዳጋማዳ፣ “ሃይሲ አይ ጊዛ ሳርታ?” ጋዳ የፆዛ ኬሃ ቆፓዲሰ።

30 ኪታንቻይካ ማራሞ “የሲ ኔናን ኡፋዬቲዛ ገሽ ባቦፋ! 31 ኔኒ ቃንላታና፤ አቲማ ናካ ዩላና፣ ሱንላካ ዩሱሳ ጋዳ ሱንላና፤ * 32 ኢዚካ ጌታ ጊዳና፤ ኡባፊ ቦላ ያሳ ና ጌቲታና፣ ጎዳ ያሲ ኢዛ አዎ ዳወቲ ካዎቲላ

* 1:5-6 1ታር 24:10 * 1:15 ታይ 6:3 * 1:17 ሚላ 4:5-6 * 1:19 ዳኔ 8:16፤ 9:21 * 1:27 ማቶ 1:18 * 1:31 ማቶ 1:21

ኢዛን አማር። 33 ኢዚ ኢስራዔል ናይታ ቦላን ማርናስ ካዎታና፤ ኢዛ ካዎታናሲካ ወርቤሌ ዳና” ገደሰ።

34 ማራማካ ኪታንቻሰ “ታኒ ኣዳ ጌላቤኬ፣ ሺን ሃይሲ ዋኒ ሃናኔ?” ጋዳ ኣይቻደሰ።

35 ኪታንቻይካ ማራማካ “ደሎ ኣያናይ ኔ ቦላ ዎታና ወርሶፊ ቦላ ያሳ ዎልቃይ ኔ ቦላ ኩዋሳና፤ ሄሳ ጊሽ ዩሌታና ናዚ ጌሻ ያሳ ና ጌቲታና። 36 ኣሲ ዩሌኩ ኢዛ ማካሪ ጊዲ ሃሳዩዛ ኔ ዳቦያ ኤሊሳቤ፣ ጨማቲሳን ኣቲማ ና ቃንሳታዳ ዩላናስ ኡሱፑንላ ኣገና ኣይካደሰ።

37 ያሳሲ ሃናንታ ሚሺ ባዎ” *

38 ማራማካ ዛራዳ “ሄኮ ታኒ ያሳ ኣይሌ ዲኪና፤ ኔ ጊዳ ማላ ታሰ ሃና” ጊን ኪታንቻይ ኢዚ፤ ሻካቲዲ ቢደሰ። ማራማ ኤሊሳቤ፣ ቤያና ባደሰ።

39 ማራማካ ሄ ዎዳ ማታሪ ኤሶታ ዳንዳዳ ፑዳ ጌዜ ዳሬን ዲዛ ኢሲ ዩሁዳ ካታማ ባደሰ። 40 ዛካራሳ ኬሌ ጌላዳ ኤሊሳቤ፣ ሳርታደሰ። 41 ኤሊሳቤ፣ ማራማ ሳርላ ሲዩዳ ማላ ቃንሳን ዲዛ ናዚ ኢዚ ቃንሳን ጉፒደሰ። ኤሊሳቤ፣ ሻካቲዲ ካሳ ኣያናይ ኩሚደሰ።

42 ኢዛካ ባ ቃላ ቶቁ ኦላዳ “ማጫሳ ኡባፊ ኔ ኣንጃቲዳር፤ ኔ ቃንሳን ዲዛ ናዚካ ኣንጃቲዳላ። 43 ታ ጎዳ ኣያ ታኮ ያዳ ታና ኣይቻናስ ታኒ ኦኔ? 44 ኔ ሳርካ ቃላ ታ ሲዩዳ ማላ ታ ኡሎ ጊደን ዲዛ ናይ ኡፋይሳ ጉፒደሰ። 45 ፖሌታና ጊዲ ጎዳይ ኢዚሰ ዮቲዳይሳ ኣማኒዳሪ ኢዛ ኣንጃቲዳር” ጋደሰ

ማራማ ጋላታ ዎሳ

46-49 ማራማካ

“ኢዚ ባ ኣይሌ ካወሻቲላ ያሊዳ ጊሽ ታ ሸምፒያ ጎዳ ቶቁ ኦላዳ ቦንቻወሰ። * ታ ኣያናይካ ታና ኣሸዛ ታ ያሳን ኡፋይታወሰ። ዎልቃማ ጎዳይ ታሰ ጊታ ሚሹ ኦላዳ ጊሽ ሃቸፊ ሲንሳን ኣሲ ወሪ ታና ኣንጃቲዳር ጋና። ኢዛ ሱንሳይካ ጌሻ። *

50 ኢዛ ማርይ ኢዛሰ ባቢዛይታሰ ና ና ጋካናስ ዳና።

51 ባ ዎልቃን ዳር ሚኖ ኦሶ ኦላዳሰ፤ ባ ዎዝና ቆፋን ኦቶሬቲዛይታ ላሊደሰ።

52 ካዎታ ካዎቲላፊ ዎላደሰ፤ ኣሸኬታ ቃሴ ቶቁ ቶቁ ሂሰቲደሰ። *

53 ጋፊዳይታ ሎዎ ሚሻን ካልላደሰ፤ ዲሬታ ጊዲኮ ማላ ኩሹ ዩዲደሰ።

54-55 ካሴ ኦ ኣዎታሰ ኣብራሃሚሴ ኢዛ ቆዎታሰ ጊዳ ቃላ ናጋናሰ

ባ ማራቲላ ዩሺ ቆፒዲ

ባ ኣይሌ ኢስራዔል ማዲደሰ” ጋደሰ። *

56 ማራማካ ኤሊሳቤ፣ ኣቻን ሄቹ ኣገና ሲሬ ጋዎዳዳ ባሶ ሲማዲሰ።

ፃማቁዛ ዮሃንሲ ዩሌቲደሰ

57 ኤሊሳቤ፣ ዩሎ ጋላሳይ ጋኪን ኣቲማ ና ዩላደሰ። 58 ኢዚ ጉታቲኔ ዳቦቲካ ጎዳይ ኢዚሰ ጊታ ማራቲላ ኦላደሰ ሲይዲ ኢዚራ ኢሲፊ ኡፋይቲዳ።

59 ዩሌቲዳ ኦሶፑንላ ጋላሰ ቃዎራሰ ዩዳ። ኢዛ ኣዎ ሱንሳን ዛካራሳ ጊዲ ሱንሳና ኮይዳ። * 60 ጊደ ኣቲን ኣያ “ሃንና፣ ኢዛ ሱንሳ ዮሃንሳ ጌቲቶ” ጋደሰ።

* 1:37 ሜዲ 18:14 * 1:46-49 1ሳሜ 2:1-10 * 1:46-49 1ሳሜ 1:11 * 1:52 ኢዮ 5:11፤ 12:19 * 1:54-55 ሜዲ 17:7 * 1:59 ሉዌ 12:3 * 1:76 ሚል 3:1

61 ኢስቲካ ኢዚሰ “ኔ ዳቦታፔ ዮሃንሳ ጌቲቲዲ ያይጌቲዳ ኣሲ ኦኒካ ባዎ” ጊዳ። 62 ኣዎይ ዛካራሲ “ናዛ ኦና ጊዲ ሱንሳና ኮይዳኮኔ” ማላታን ኣይቸደ።

63 ዛካራሰካ ፃፊዛ ሚሹ ኢዛሰ አማር ማላ ኣይቸ ኤኪዲ ሱንሳይ “ዮሃንሳ” ጊዲ ፃፊን ኣሳይ ወሪካ ማላሌቲደሰ። 64 ሄራካ ዛካራሳ ዳናይ ፖጌቲዲ ኢንፃርሲ ቢርሹቲን ያሳ ጋላታ ኣይኪደሰ።

65 ኢዛ ጉታቲ ወሪ ዳር ባቢዳ። ሃይሲ ወሪካ ቶቃ ጌዜ ቢታን ዩሁዳ ዳሬን፣ ኡባሶን ሃሳዩቲደሰ።

66 ሃይሳካ ሲዩዳ ኣሲ ወሪካ “ሃ ጉላ ናይ ኣይ ሃናኔሻ?” ጊዲ ሃናዛ ወርሲካ ባ ዎዝናን ኣይኪደሰ። ጎዳ ኩሹይ ቱማፔ ኢዛራ ኢሲፊ ዳሰ።

ዛካራሲ ቲንቢቲ ዮቲደሰ

67 ናዛ ኣዎይ፣ ዛካራሲ ያሎ ኣያናን ኩሚዲ ቲንቢቲ ሃሳዩሹ

68 “ዲዲ ባ ኣሳ ኣሸዳ ጊሽ ኢስራዔል ያሲ ጋላቲቶ።

69-70 ቤኒ ዎዳ ባ ጌሻ ናቤታ ዲናን ሃሳዩቲደሰ ማላ

ባ ኣይሌ ዳወቲ ኬላን ኣሸዛ ዎልቃ ኦሶ ዳንላደሰ።

71 ኢዚ ኦና ኦ ሞርኬታፔ፤ ኦና ኢዲዛይታ ኩሹፔ ኣሹሰ።

72 ሃይሳ ኢዚ ኦላዳይ ኦ ኣዎታሰ ባ ማራቲላ ቤሳናሳ፣

ባ ጌሻ ጫቆዛ ዩሺ ቆፓናሳ።

73-75 ካሴ ኦ ኣዎ ኣብራሃሚሴ ጫቆዳይሳ ቆፓና ማላኔ ኦ ሞርኬታ ኩሹፔ ኢዚ ኦና ኬሲን ኦኒ ኢዛሰ

ባቦይ ባይንዳ ኦላናሲኔ ኦ ዲዛ ዎዳ ኡባን ባ ሲንሳን ኦና ጌሻቲላኔ ያሎቲላን ኡሳናሳ።

76 ጎዳ ኦጌ ጊሳናሰ ኔ ኢዛፔ ሲንሳራ ቢዛ ጊሽ ታ ናዛ ኔኒ ዎጋ ያሳ

ናቤ ጌቲታና። *

77 ኣሳይ ባ ናጋራፔ ማራቲዳ ጊሽ ዳሬሰ ኣቶቲላ ኤራቲላ ኔ ኢማና ማላ

78 ኦ ያሳ ሎዎ ማራቲላፊ ዳንዲዳይሳን ሳሎፔ ኦሶ ኣዎይ ኬዚደሰ።

79 ሄሲካ ሉማን ዲዛይታሰኔ ሃይቆ ኩዎ ጊደን

ዲዛይታሰካ ፖዲሳና ማላኔ ኦ ቶሆታካ ሳርቲላ ኦጌ ካላላናሳ” ጊደሰ።

80 ጉላ ናዚካ ዲጨደሰ፤ ኣያናኒካ ሚኒደሰ። ኢስራዔል ኣሳሰ ቆንጨኝ ቤታና ጋካናሰ ባዛ ቢታን ዳዲደሰ።

2

ዩሱሲ ዩሌቲደሰ

(ማቶ 1:18-25)

1 ሄ ዎዳ ቢታ ቦላን ዲዛ ኣሲ ወሪካ ታዩቤቲዲ ፃፊታና ማላ ኦርሜ ካዎ ኣወጊሰዮሳፔ ኣዎጃይ ኬዚደሰ። 2 ሄሲካ ቄሬኔዎሳ ጌቲቲዛይሲ ሶሪያ ጌቲቲዛ ዳሬ ሃሪዛ ዎዳ ሃኒዳ ኮይር ዳሬ ታይቦ። 3 ሃሳ ጊሽ ኣሲ ወሪ ፃፊታናሰ ባ ዳሬ ዳሬ ቢደሰ።

* 1:37 ሜዲ 18:14 * 1:46-49 1ሳሜ 2:1-10 * 1:46-49 1ሳሜ 1:11 * 1:52 ኢዮ 5:11፤ 12:19 * 1:54-55 ሜዲ 17:7 * 1:59 ሉዌ 12:3 * 1:76 ሚል 3:1

4 የሱጢያውን አሾ ዳቦቴን ዳወቴ ባጋፊ ገዲዳ ገሽ ጋለላ አወራጃ ገደን ዲዛ ናዚሬቴ ካታማፔ ዩሁዳ አወራጃ ቤቴሌሜ ጌቴቲዛ ዳወቴ ካታማፔ ዩደስ።
 5 ኢዚ ዓፊታና ቢሽን ኢዛስ ገቢታ ዳሽ ዩላና ማቲዳ ማራሚራ ቢደስ። 6 ኢስቲካ ሄን ዲሽን ኢዚስ ዩሎ ዋዳይ ጋኪደስ። 7 ኢዛካ ኮይሮ አቱማ ና ዩሊዳይሳፊ ጉዩ ኢማሊ አቁዛ ኬላን አቁዛሶይ ባይንዳ ገሽ ናዛ ጫርቃራ ዓፃዳ ሚዛ ሲንላን ኢሽሳዲስ።

ሜህ ሄሚዳይታኔ ኪታንቻታ

8 ቤታሌሜ አቻን ደርሳ ሄሚዛ አሳቲ ደርሳ ናገሽ ቃማራ ካሬን አቁዛይቲ ዳቴስ። 9 ጎዳ ኪታንቻይካ ኢስታኮ ዩደስ፤ ጎዳ ቦንቾ ፖይይካ ኢስታ ላንቄን ዩዩ አቋናስ ፖሊደስ። ኢስቲካ ኬሂ ዳጋሚዳ ገሽ።
 10 ኪታንቻይ ኢስታ “ባቦፍቴ! ታኒ አሳ ኡባስ ገዲዛ ገታ ኡፋይሳ ሚሽራቾ ኢካ ያዲስ። 11 ሃቶ ካዎ ዳወቴ ካታማ ቤታሌሜን ሽምፖ ቋሌይ ዩሉቲደስ። ኢዚካ ጎዳ ኪርስቶሳ ጌቴቲስ። 12 ጫርቃራ ዓፃቲ ኢቺዳ ጋጪኖ ና ዳማንዳታ ሄሲካ ኢንቴስ ማላታ ገደ” ገደስ።

13 ኢዛራካ ሃራ ዳሮ ሳሎ ኪታንቻቲ ቤቲዳ። ያሳ ጋላቲሽ።

14 “ቦላ ሳሎን ያሳስ ቦንቾይ ገደ ሳሮቴሊካ ቢታ ቦላን ኢዚ ደሲዛ አሳ ኡባስ ገደ” ገደ።

15 ኪታንቻቲ ኢስታፊ ሻኬቲዲ ሳሎ ሲሚን ደርሴ ሄሚዳይቲ ባ ገደን ኢሶይ ኢሳ “አኔ ሃ ዩቴ ጎዳይ ኑስ ቆንጨሲዳይሳኔ ሃኒዳይሳ ቤቴሌሜ ካታማ ቢዲ ቤዮስ” ገደ።

16 ኢስቲካ ኤሌሊ ቢዲ ማራሚራ፡ የሱጢያው ሚዛ ሲንላን ኢቺዳ ናዛ ዳሚዳ። 17 ቤይዳይሳፊ ጉዩን ጎዳ ኪታንቻይ ናዛ ገሽ ኢስታስ ዮቲዳይሳ ወርሲ ዛሪ ዮቲዳ። 18 ሄሚዳይቲ ዮቲዳይሳ ሲዩዳ አሳይ ወሪ ኬሂ ማላሌቲደስ። 19 ገደ አቲን ማራማ ዮዎዛ ወርሳ ባ ዋዘናን ዋላ ዳንላ ቆፓሽ ጋምዳዲስ። 20 ሄሚዳይቲካ ሃንዳይስ ወሪካ ኪታንቻይ ኢስታስ ዮቲዳ ማላ ገዲዲ ቤቲዳ ገሽ ሲይዳይሳሲኔ ቤዩዳይሳስ ኡባስ ያሳ ጋላቲሽኔ ቦንቾሽ ሲሚዳ።

ጋጪኖ ና ዩሱሳ ያሳ ኬሌ ኤፊዳ

21 ናዚ ዩሉቲን ኦስቸንላ ጋላሳን ቃፃሬቲዛ ዋዳይ ጋኪን አዩያ ኢዛ ቃንላታናፔ ካሴ ኪታንቻይ ገዳ ማላ ዩሱሳ ጌቴቲዲ ሱሚደስ። *

22-23 ሙሴ ዋጋ ማላ ኢስቲ ጌዩዛ ዋዳይ ወሪን የሱጢያው ማራማ ጉላ ና ዩሱሳ ጎዳ ያሳ ሲንሌ ሽሻናስ ኤኪዲ ዩሩሳላሜ ኬዚዳ። ሄሲካ ጎዳ ዋጋን ኮይሮ ዩሉቲዛ አቱማ ናይ ወሪ ጎዳስ ዲማ ገደና ጌቴቲዲ ዓፊቲዳይሳ ፖላናሲኔ * 24 ቃሴካ ጎዳ ዋጋን ናምቡ ሃራጴ ካፎታኔ ዋይኮ ናምቡ ሃራጴ ካፎ ጨዩታ ጌቴቲዳይሳ ማላ ያርሾ ሽሻናሳ። *

25 ሄ ዋዳ ዩሩሳላሜ ካታማን ዓሎኔ ያሳ ባቢዛ ኢሲ ሲሞና ጌቴቲዛ አሲ ዳስ፤ ኢዚካ ኢስራዔሌ ናይታ አቶቴላ ናገዛ አሳኔ ዓሎ አያናይ ኢዛ ቦላ ሽምፕዳ አሳ። 26 ቃሴካ ኪርስቶሳ ቤዮንታ ዲሽ ሃይቆንታ ማላ ዓሎ አያናይ ኢዛስ ቆንጨደስ። 27 ኢዚካ ሄ ዋዳ ዓሎ አያናይ ካሌሊን ያሳ ኬሌ ላሻ ጋላ ጌሊደስ። ናዛ አዩዩራኔ

አዋራ ሙሴ ዋጋን ቤሲዛይሳ ፖላናስ ጉላ ና ዩሱሳ ኤኪዲ ጌሊዳ ዋዳ። 28 ሲሞኒ ናዛ ኤኪ ኢዲሚዲ ያሳ ጋላቲሽ።

29-31 “ጎደ! ኔ ጫቂዳ ቃላ ማላ ሃራ ታኒ ኔ አይሌይ ኔ አሽዛይሳ ታ አይፊራ ቤዩዳ ገሽ ሃሳ ታና ሳሮን ኤካ፤

አሳ ኡባ ሲንላን ኔ ገሊሲዳ አቶቴላ ሃራ ታኒ ታ አይፊራ ቤያዲስ።

32 ሃይሲካ ኡባ ዳሪስ ጌሜቲዳይሳ ቆንጨሲዛ ፖዮ፡ ኔ ዳሬ ኢስራዔሌሲካ ቦንቾ” ገደስ።

33 ኢዛ አዋይኔ አያ ኢዛ ገሽ ሃሳዬቲዳ ዮዎዛን ማላሌቲዳ። 34 ሲሞኒካ ኢስታ አንጂደስ፤ ማራሞካ “ዳሮ አሳ ዋዘና ቆፋይ ቆንጫና ማላ ሃይሲ ኢስራዔሌን ዲዛ ደርታስ ቋዮሲኔ አቶቴላ፤ ኢዛ ኢዳዛይታስ ቃሴ ማላታ ገደና ማላ ደሬቲደስ። 35 ቃሴካ ዳርታ ዋዘና ቆፋይ ቆንጫና ማላ ናዛ ሚሻይ ቃራ ማሻ ማላ ኔ ዋዘና ጳልቃና” ገደስ።

36 ቃሴካ አሴሬ ባጋፊ ፋኑዔሌ ና ሃና ጌቴቲዛ ጨሚዳ ናቤይ ዳወሰ፤ ኢዛካ ባ ኮይሮ አዚናራ ላቸን ላይሌ ኩሚሳ ዳዳዲስ። 37 ላይላይ ኢዚስ ኦሱቸን ታማኔ ኦይዲ ላይሌ ገደና ጋካናስ ቃማኔ ጋላስ ያማሽኔ ዋሳሽ ያሳ ኬላፊ ሻኬቶንታ አምዔቴላን ጋምዳዲስ።

38 ሄ ዋዳካ ሽቃዳ ያሳ ጋላታዲስ። ዩሩሳላሜ ዋዜቴሌ ናገሽ ዲዛይታስ ኡባስ ጉላ ናዛ ገሽ ዮታዲስ።

ናዚሬቴ ሲሚዳ

39 የሱጢያው ማራሚራ ጎዳ ዋጋን አዛዜቲዳይሳ ፖሊዲ ጋለላ አወራጃን ዲዛ ባሶ ናዚሬቴ ካታማ ሲሚዳ። * 40 ጉላ ናዚካ ዲጨዲ ሚኒ ሚኒ ቢደስ፤ አቶ ኤራቴላን ኩሚደስ፤ ያሳ አቶ ኪያቴላይካ ኢዛ ቦላ ደስ።

41 ኢዛ አዋይኔ አያ ላይላን ላይላን ፓዚጋ ቦንቻናስ ዩሩሳላሜ ቤቴስ። * 42 ናዛስ ላይላይ ታማኔ ናምቡ ላይሌ ኩሚዳ ዋዳ ካሴ ሎሴ ገዲዳይሳ ማላ ፓዚጋ ቦንቻና ኬዚዳ። 43 ፓዚጋ ባባሌዛ ቦንቻዲ ባሶ ሲሚሽን ዩሱሲ ዩሩሳላሜን አቲደስ። ዩሊዳይቲካ ኢዚ አቲዳይሳ ኤሪቤይቴና። 44 ባናራ ኢሲፊ ቢዛ ኦጌ አሳራ ዳስ ገሽ ኢሲ ጋላሳ ኦጌ ቢዳ። ገደ አቲን ኢዚ ኢስታራ ባይንዳይሳ ኤሪዲ ባ ዳቦታ አቻኒኔ ላጌታ አቻን ዲዛኮኔ ገዲ ኮይዳ።

45 ኮዩ ኮይዲ ቤቶንታ ኢዳን ዩሩሳላሜ ሲሚዳ።

46 ሃቸ። ጋላሳፊ ጉዩ ያሳ ኬላን ታማርሲዳይታ ገደን ኡቲዲ ሲዩሽ፡ አሳታ ኦይቺሽኔ ኢስታ ኦይሻ ዛሪሽ ያሳ ኬላን ዲሽን ዳሚዳ። 47 ሲዩዳይቲ ወሪ ዩሱሳ አኬካኒኔ ኢዛ ዛርዛን ዳሮ ማላሌቲዳ።

48 የሱጢያው ማራማ ኢዛ ቤዩዳ ዋዳ ማላሌቲዳ። ማራማካ “ታ ናዛ አይስ ሃይሳ ማላ አላዲ? ኔ አዋይኔ ታኒኔ ኔና ኮዩሽ ኬሂ ማቶቴቲደስ” ጋዲስ።

49 ኢዚካ ዛሪዲ “ታና አይስ ኮዩዳቲ? ታኒ ታ አዎ ኬላን ዳናስ ቤሲዛይሳ ኤሪቤይቲ ገደስ።” 50 ገደ አቲን ኢስታስ ኢዚ ዮቲዳይሲ ጌሊቤና።

51 ሄፔ ሲሚን ኢስታራ ኢሲፊ ናዚሬቴ ዋዳዲ ኢስታስ አዛዜቲሽ ዳዳዲስ። ኢዛ አያ ማራማካ ሄ ሃኒዳ ሚሻ ወርሳ ባ ዋዘናን ናጋሽ ጋምዳዲስ። 52 ዩሱሲ

* 2:21 ሉቃ 12:3፤ ሉቃ 1:31 * 2:22-23 ኬሳ 13:2፤12 * 2:24 ሉቃ 12:6-8 * 2:39 ማቶ 2:23 * 2:41 ኬሳ 12:1-27፤ ዛሬ 16:1-8 * 2:52 1ሳሜ 2:26፤ ሉቃ 3:4

አጼ ኤራቴላን፣ ጌሳኒኔ ሳባን ያሳ ሲንላኒኔ አሳ ሲንላን ዲጩደሰ። *

3

ፃጋማቂዛ የሃሂሳ ቲሚርቴ (ማቶ 3:1-12፤ ማር 1:1-8፤ የሃ 1:19-28)

1 ሂብራደሴ ጌቲቲዛይሰ ቄሳሬይ ካዎቲዳ ታማኔ ኢቻሻንሎ ላይላን ጳጳሳ ጳጳሳ ጊዛይሴ ዩሁዳ ቢታ ሃሪዛ ዎዴ፣ ሄርደሲ ጋሊላ ቢታ ሃሪዛ ዎዴ፣ ኢዛ ኢሻይ ፒሊጳሲ፣ ኢጱሪያሳኔ ሂራኮንደሴ ቢታ ሃሪዛ ዎዴ፣ ሊሳኖሲካ ኦብሎኔ ቢታ ሃሪዛ ዎዴ፣

2 ሃናይኔ ቃያፋይ ቄሴታ ሃላቃ ጊዲዳ ዎዴ ያሳ ቃላይ ባዞ ቢታን ዲዛ ዛካራሳ ና የሃሂሳኮ ዩዳሰ።

3 የሃሂሲ የርዳኖሴ ሻፋ ኢቻን ዲዛ ዴሬታ “ኢንቲ ናጋራ አቶ ጋናሰ ናጋራፔ ሲሚዲ ፃጋማቂቲ፣” ጊዲ የቲዳሰ 4 ሄሲካ ቃሴ ናቤ ኢሳያሲ

“ባዞን ሂዝጊዲ ዋሲዛ አሳ ኮሺንቺ “ሳዳሰ ኦጌ ጊሲቲ ባሲዲካ ሎዴላቲ።”

5 ሾባ ቢታይ ወሪ ኩማና፤ ዙማቲኔ ዙሞቡላቲ ወሪ ዘቂ ጋና፤ ጌላ ኦጌይ ሲቲ ጋና፤

ዋሪቲዳ ኦጌይ ሎጾ ጊዳና።

6 አሳ ዜሬላ ኡባ ኢሺዛ ያሳ ዎልቃ ቤያና፣ ጊዲ ባዞን ዋሲዛ አሳ ቃላ ጊሪሰ”

ጊዲ ባ ማፃፋን ፃፊዳ ማላ።

7 የሃሂሲካ ኢዛ ኩሺን ፃጋማቂታና ዩዛ አሳሰ “ኢንቲኖ ሃ ሾሻ ናይቶ! ያና ዲዛ ያሳ ሃንቆሬ ሃካና ማላ ኦኒ ኢንቲና ዘሪዳ? * 8 ኢንቲ ናጋራ ኦሶፔ ሲሚዲይሳ ኤሪሲዛ ኦሶ ኦላቲ ኡ ኣዎይ ኣብራሃሚይ ኦሰ ዴሰ፣ ጉሰ ኣጊቲ ጊዳሰ። “የሲ ባሰ ጊኮ ሃ ሹቻታፔ ኣብራሃሚሰ ና ኦላ ዴንሳናሰ ዳንዳዲዛይሳ ኤሪቲ” * 9 ካልታይ ሚሐ ቃንፃናሰ ሚሐ ፃጳን ዴሰ። ሎጾ ኣይሬ ኣይፎንታ ኢታ ሚላ ወሪ ቃንፃቲዲ ታማን ዩጌታና” ጊዳሰ። *

10 አሳይካ “ሂሰቲን ኣይ ኦላኒ?” ጊዲ ኦይቺዳሰ።

11 የሃሂሲካ አሳሰ “ናሞዑ ማይያይ ዲዛይ ኢሲ ማይያይ ባይንዳ አሳሰ ኢሞ፤ ቃሴካ ቁማይ ዲዛይካ ባይንዳዳሰ ሻኪዲ ኢሞ” ጊዳሰ።

12 ቃራፃ ሺሺዛይቲካ ፃጋማቂታናሰ ዩዲ “ኣሰታማሬ! ኦ ኣይ ኦላና?” ጊዳ። *

13 ኢዚካ “ኢንቲ ኣዛዜቲዳይሳሬ ቦላራ ቃራፃ ሺሾፕቲ” ጊዳሰ።

14 ዎታዳራቲካ “ኦኒ ቃሴ ኣይ ኦላና?” ጊዲ ኦይቺዳ። ኢዚካ “ኦና ሚሺካ ጊዲን ዎልቃን ኤኮፍቲ፤ ቃሴካ ኦና፤ ዎርዶን ሞቶፕቲ፤ ኢንቲ ዳሞዛይ ኢንቲሰ ጊዳና” ጊዳሰ።

15 አሳይ የሃሂሳ ቤዩዲ “ሃይሲ ኪርሰቶሴ?” ጊዲ ባ ዎዝናን ሲዲዳሰ። 16 የሃሂሲካ ኡባሰ “ታኒ ኢንቲና ሃላን ፃጋማቂቲ፤ ጊዳ ኣቲን ታ ኢዛ ጫማ ቢርሻናሰ ቤሶንታ ታፔ ኣጲዛዴይ ያና። ኢዚ ኢንቲና ሂሎ ኣያናኒኔ ታማን ፃጋማቂቲ። 17 ባሌዛን ዲዛ ካላ ጋሬዛፔ ጌሻሰ ካላ ሱራጊዛ ፒላይ ኢዛ ኩሺን ዴሰ። ባሌዛ ኩሚላ ጌሻና፤ ጊሰቲዛ ቃሴ ዲዩን ቆላና፤ ጋሬዛካ ቶጾንታ ታማን ጱጋና” ጊዳሰ።

* 3:7 ማቶ 12:34፤ 23:33 * 3:8 የሃ 8:33 * 3:9 ማቶ 7:19 * 3:12 ሉቃ 7:29 * 3:22 ሜጴ 22:2፤ ማዛ 2:7፤ ኢሳ 42:1፤ ማቶ 3:17፤ ማር 1:11፤ ሉቃ 9:35 * 4:4 ዛሬ 8:3 * 4:8 ዛሬ 6:13

18 የሃሂሲ አሳ ሃራ ዲማ ዲማ ዘሬ ቃላራ ሚኒሌላ ዘሪሼ ሚሺራቾ ቃላ የቲዳሰ። 19 ጊዳ ኣቲን ጋሊላ ቢታ ሃሪዛ ሄርደሲ ባ ኢሻ ማቾ ሄርዲያዶ ኤኪዳ ጊሺኔ ሃራ ዳር ኢታ ኦላዲ ጊሻ የሃሂሲ ኢዛ ሃንቂዳ ጊሻ። 20 ካሴ ሞር ቦላ ሃራ ጉጂዲ ሄርደሲ የሃሂሳ ቃሾ ኬላን ዩጊዳሰ።

ዩሱሲ ፃጋማቂቲዳሰ (ማቶ 3:13-17፤ ማር 1:9-11)

21 አሳይ ፃጋማቂቲዳፔ ጉዬ ዩሱሲካ ፃጋማቂቲዳሰ፤ ኢዚ ዋሲሺን ሳሎይ ዶዬቲዳሰ። 22 ሂሎ ኣያናይካ ሃራጴ ሚሳቲዲ ኢዛ ቦላ ዎዲዳሰ። “ሳሎፔ ታ ዶሲዛ ናይ ኔና፤ ኔናን ታኒ ኡፋዬታይሰ” ጊዛ ቃላይ ዩዳሰ። *

ዩሱሳ ዜሬላ ዘርኬ (ማቶ 1:1-17)

23 ዩሱሲ ያሳ ኦሶ ኦይኪሺን ላይላይ ኢዛሰ ሂቹ ታሙ ላይላ ማላ ጊዳና። አሳይካ ኢዚ የሴሬ ና፣ ኤሌ ና፣ 24 ማቲ ና፣ ሌዌ ና፣ ሚልካ ና፣ ዩሁዳ ና፣ የሴሬ ና፣ 25 ማቶቲዮ ና፣ ኣሞፃ ና፣ ናሆሚ ና፣ ኢሲሊሚ ና፣ ናጌ ና፣ 26 ማቲ ና፣ ማቶቲዮ ና፣ ሴሜዬ ና፣ የሴሬ ና፣ ዩሁዳ ና፣ 27 የናኔ ና፣ ሬሴ ና፣ ዜሩባቤሌ ና፣ ሴላቲያሌ ና፣ ኔሬ ና፣ 28 ሚልካ ና፣ ሃዴ ና፣ የሳ ና፣ ቆሳሚ ና፣ ኤሊሞዳሚ ና፣ ኤራ ና፣ 29 ኢያሶ ና፣ ኤሊባዛሬ ና፣ የራሚ ና፣ ማቲ ና፣ ኤሌ ና፣ 30 ሲሞና ና፣ ዩሁዳ ና፣ የሴሬ ና፣ የና ና፣ ኤሊያቄሚ ና፣ 31 ሚሊያ ና፣ ማይናኔ ና፣ ማፃፎ ና፣ ናታኔ ና፣ ዳዉቲ ና፣ 32 ኢሴዬ ና፣ ኢዮቤዴ ና፣ ቦዴዜ ና፣ ሶሎሞኔ ና፣ ናሶኔ ና፣ 33 ኣሞናዳቤ ና፣ ኣራሚ ና፣ ኣርኔ ና፣ ኤሰሮሚ ና፣ ፋሬሴ ና፣ ዩሁዳ ና፣ 34 ያቆቤ ና፣ ዩሳቃ ና፣ ኣብራሃሚ ና፣ ታራ ና፣ ናኮሬ ና፣ 35 ሲሮሃ ና፣ ራጉዌ ና፣ ፋሌቄ ና፣ ኣቤሬ ና፣ ሳላ ና፣ 36 ቃዩኒሚ ና፣ ኣርፋኪሲዳ ና፣ ሴሚ ና፣ ኖሃ ና፣ ላሚሃ ና፣ 37 ማቲሳላ ና፣ ሄኖኬ ና፣ ያሬዴ ና፣ ማላሊዴሌ ና፣ ቃዩናሚ ና፣ 38 ሄኖሴ ና ሴቲ ና ኣዳሚ ና፣ ያሳ ና፣ ሚሳቲዳሰ።

4

ዩሱሲ ፓጩቲዳሰ (ማቶ 4:1-11፤ ማር 1:12-13)

1 ዩሱሲ ሂሎ ኣያናን ኩሚዲ የርዳኖሴ ሻፋፔ ሲሚዳ ማላ ሂሎ ኣያናይ ኢዛ ካሌላዲ ባዞ ቢታ ኤሬዳሰ። 2 ሄንካ ፃላዴን ኦይዲ ታሙ ጋላሰ ፓጩቲዳሰ። ሄ ፓጩቲዛ ጋላሳታን ኣይኮካ ሞንታ ጊሻ ወርሴላን ጋሬዳሰ።

3 ፃላዴይካ ዩሱሳ “ኔ ያሳ ና ጊዲኮ ኣኔ ሃይሳ ሹቻ ካላ ጊዳና ማላ ኣዛዛ” ጊዳሰ።

4 ዩሱሲካ ዘሪዲ “ኣሲ ካላን ፃላ ዴና ጌቲቲዲ ፃሬቲዳሰ” ጊዲ ፃላዴሰ ዘሪዳሰ። *

5 ሄሳሬ ካሊዲ ፃላዴይ ዩሱሳ ኢሲ ቆቃ ዙማ ቦላ ኬሲዲ ሳሎ ጉፋንሎን ዲዛ ካዎቲላ ቄጲዳ ኣይሬይ ፃላናሰ ቤሲዲኔ። 6 “ሃይሲ ኔ ቤዩዛ ቢታ ካዎታ ጎዳቲላይኔ ቦንቾይ ወሪካ ታሰ ኣሚቲዳሰ፤ ታካ ታ ዶሲዛዳሰ ኣማናሰ ዳንዳዩዛ ጊሻ ኔሰካ ኣማና።

7 “ሃሳ ጊሻ ኔኒ ኩንዳዳ ታሰ ጎይኒኮ ሃይሲ ወሪካ ኔሰ ጊዳና” ጊዳሰ።

8 ዩሱፊካ ዛሬዲ “ኔ ጎዳ ያሳሰ ኩንዳዳ ኢዛሰ ያላ ጎይና ጌቴቲዲ ዓፊቲዳሰ” ጌዳሰ። *

9-11 ሃሳፊካ ዩሱፊካ ዩሩሳላሜን ያሳ ኩላ ያሩ ከሲ ኤሲዲ ያሳ ማፃፋን “ኔና ናጋና ማላ ያሲ ኔ ገሽ ባ ኪታንቻ አዛዛና፤ ኔ ቶሆይ ሹቻን ጳጳቶንታ ማላ ኪታንቻቲ ባ ኩሼራ ኔና ጳቁ ሂስቲ ኦይካና ጌቴቲዲ ዓፊቲዳ ገሽ አኔ ኔ ያሳ ና ጌዲኮ ሃይሳፊ ዲጌ ኩንዳ” ጌዳሰ። *

12 ዩሱፊካ “ኔ ጎዳ ያሳ ፓጮፋ” ጌቴቲዳሰ ጌዲ ዛሬዳሰ። *

13 ያላዔይካ ባ ፓጫናይሳ ወርሲዳፔ ጉዬን ሃራ ባሰ ኢንጃ ዋዴይ ቤታናሽ ዩሱፊካ ሻኩቲዳሰ።

ዩሱፊካ ጋሊላን ታማርሶ ኦይኪዳሰ
(ማቶ 4:12-17፤ ማር 1:14-15)

14 ዩሱፊካ ያሎ አያና ዋልቃን ጋሊላ ሲሚዳሰ። ኢዛ ጎባቴላይ ጋሊላ አቻን ዲዛ ዳሬታን ሲዩቲዳሰ።

15 ኢዛካ አይሁዳታ ዋሳ ኩላን ታማርሲሽን ኢዛ ቲሚርቲይ ሎዒን አሳይ ወሪካ ኢዛ ጋላቲዳሰ።

ናዚሬቲን ዩሱፊካ አዲዳ
(ማቶ 13:53-58፤ ማር 6:1-6)

16 ሄፔ ባ ዩሌቲዳ ካታማ ናዚሬቲ ዩዲ ካሴ ሳምባታ ጋላሰ አይሁዳ ዋሳ ኩላ ጌሊዛ ማላ ጌሊዲ ያሳ ማፃፋ ናባባናሰ ዳንዲ ኤቁዳሰ። 17 ናቤ ኢሳያሳ ማፃፋይ ኢዛሰ አሜቲን ማፃፋ ደዩዳ ማላ።

18-19 “ጎዳ አያናይ ታ ቦላ ዳሰ፤ ማንቆታሰ ሚሺራቾ ቃላ ዮታና ማላ ታና ቲዩዳሰ፤ ቃሽቲዳይታሰ ቢርሹቲላ።

ቆቁቲ ያላና ኦጌ ታ አዋጅና ማላ። ሜቶቲዳይታ አሻና ማላ። ደሴቲዳ ጎዳ ላይላ አዋጅ ታ ዮታና ማላ ታና ኪቲዳሰ”

ገዛ ሶ ዳሚ ናባቢዲ።።

20 ማፃፋካ ጎርዲዲ አይሁዳ ዋሳ ኩላ ናገዛይሳሰ ዛሬ አሚዲ ኡቲዳሰ። አይሁዳታ ዋሳ ኩላን ዲዛይቲ ወሪካ ኢዛ ቲሽ ኦሊ ያሊዳ። 21 ኢዛካ ኢሰታሰ “ሃይሲ ኢንቲ ኢንቲ ሃይላራ ሲዩዳ ማፃፋ ቃላይ ሃቺ ፖሊቲዳሰ” ጌዳሰ።

22 አሳይ ወሪካ ኢዛ ገሽ ሎዎ ያላላ ሃሳዩቲሰ። ቃሴካ ኢዛ ዳናፔ ኩዚዛ ሎዎ ቃላፔ ዳንዲዳይሳን ማላላቲዲ “ሃይሲ ዮሴፊ ና ጌዴኔ?” ጌዳ።

23 ኢዛካ “ጳሌ ጎዳ ኔርካ ኔና ፓላ። ቁፊርናሆሚን ኔኔ ኦሊሽን ኩ ሲዩዳይሳ ሃይሳን ኔ ካታማንካ ኦላ ገዛ ለሚሶ ኢንቲ ታ ቦላ ማላታናይሳሰ ሲዴይ ባዋ” ጌዲ ኢሰታሰ ዮቲዳሰ። 24 ቃሴካ “ታ ኢንቲሰ ቱማ ጋይሰ ናቤይ ባ ዩሌቲዳ ዳሬን ቦንቸቲ ኤሬና። *

25-26 “ጌዳ ኣቲን ታ ኢንቲሰ ቱማ ጋይሰ ሄቩ ላይላ ኔ ባጋ ጋካናሰ ሳሎይ ጎርዳቲን ዋልቃማ ኮሻይ ቢታ ቦላ ሃንዲ ኤላሳ ዋዴ ሄ ላይላታን አዚናይ ባይንዳ ዳር ማጫሳቲ ኢሰራዔሌ ቢታን ዳቲሰ ሽን ኤላሳይ ኢሰታፊ ኢሲኔይኮካ ከቲቲቤና። ጌዳ ኣቲን ሲዳና ጌቴቲዛ ቢታን ሴራጲታ ጌቴቲዛ ካታማን ዲዛ ኢሲ አዚናይ ባይንዳ ማጫሴይኮ ከቲቲዳሰ። * 27 ናቤ ኤሊሳዔ ዋዴ ኢሰራዔሌ ዳሬን ዳር ኢንቸራቻ ሃርገዛይቲ ዳቲሰ

ሽን ሶሪያ ቢታ ኣሳ ጌዲዳ ኒዒሚኔፔ ኣቲን ሄ ዳርታፔ ኦኒካ ኢንቸራቻ ሃርገሬ ፓዒቤና” ጌዳሰ። *

28 አይሁዳታ ዋሳ ኩላን ዲዛይቲ ወሪካ ሃሳ ሲይዲ ዳር ሃንቁቲዳ። 29 ባ ኡቲዳሶፔ ዳንዲ ኤቁዲ ዩሱፊካ ካታማፔ ካሬ ከሲዲ ዲጌ ዛሬ ዩዳናሰ ኢሰታ ካታማያ ኦሴቲዳ ዙማ ቦላ አፎቲዛሶን ኦሴቲዳሶ ኤኪ ኤፊዳ። 30 ጌዳ ኣቲን ኢዚ ኢሰታ ጌዳራ ሻኪ ዩጌዲ ኣጂ ቢዳሰ።

ዩሱፊካ ቱና አያና ከሲዳሰ *

31 ሄፔካ ጋሊላ አወራጃን ዲዛ ቁፊርናሆሚ ጌቴቲዛ ካታማ ዋዲዳሰ። ሄንካ ሳምባታ ጋላሰ ዳር ኣሳ ታማርሶ ኦይኪዳሰ። 32 ኢዚ ጎዳቴላራ ሃሳዩዛ ገሽ ኢዛ ቲሚርቲዛን ማላላቲዳ። *

33 አይሁዳታ ዋሳ ኩላን ቱና አያናይ ኦይኪዳ አዳይ ዳሰ። ኢዛካ ባ ቃላ ጳቁ ሂስቲዲ 34 “ናዚሬቲ ዩሱፊካ ሃዒ ታ ዋና? ኔናራ ታና ኣዚ ጋሊዳ? ኔ ዩዳይ ኦና ጳይሳናሴ? ኔ ኦናኮኔ ታ ኤራይሰ ኔ ያሳ ያሎ ጌዲኪ?” ጌዲ ዋሲዳሰ።

35 ዩሱፊካ ቱና አያናዛ ሃ አዳዛፔ “ጮቡ ጋዳ ኩዛ” ጌዲ ሴሪዳሰ። ቱና አያናይካ ዳር ኣሳ ሲንላን አዳዛ ቦላፊ ዩጌዲ ኢሲ ቆሆካ ጋላንታ ዩዲዲ ኩዚዳሰ።

36 አሳይ ወሪካ ማላላቲዳ ባ ጌዳን ኢሶይ ኢሳራ “ኣሶ ሃይሲ አይ ገዛ ቲሚርቲ? ጎዳቴላራ ኔ ዋልቃራ ኢታ አያናን አዛዜሰ፤ ኢሰቲካ ኩዜቲሰ” ጌዲ ሃሳዩቲዳሰ። 37 ዩሱፊካ ጎባቴላይካ ኡባሰ ጋኪዳሰ።

ዩሱፊካ ዳር ሃርጋንቻታ ፓሊዳሰ
(ማቶ 8:14-17፤ ማር 1:29-34)

38 ሃሳፊ ጉዬ ዩሱፊካ አይሁዳ ዋሳ ኩላፊ ኩዚዲ ሲሞና ኩላ ጌሊዳሰ። ሲሞና ቦሎቲያ ዋልቃማ ሚሾ ሃርጌይ ኦይኪን ሳኬታዳ ዲሽን ዩሱፊካ ኢዞ ፓላርኪ” ጌዲ ዋሲዳ። 39 ዩሱፊካ ኢዚኮ ሽቁዲ ሚሾ ሃርጌዛ ሴሪዳሰ። ሚሻ ሃርጌይካ ዩዲን ሄራካ ዳንዳ ኤቃዳ ኢማሳታ ዋካዲሰ።

40 አዋ አርሼይ ወላና ገሽን ዲማ ዲማ ሃርጌይ ኦይኪዳ ኣሳ ወርሲ ኢዛኮ ኤኪ ዩዳ። ኢዛካ ሃርጌዛ ኣሳታ ኡባ ቦላ ባ ኩሼ ዋሊዲ ፓሊዳሰ። 41 ቱና አያናንቲ ቃሴካ ዩሱፊካ “ኔኒ ያሳ ና” ገሼኔ ዋሲሼ ዳር ኣሳታፔ ኩዚዳ፤ ጌዳ ኣቲን ኢዚ ኢሰታ ሴሪዳሰ፤ ቱና አያናንቲ ኢዚ ከርሰቶሳ ጌዲዳይሳ ኤሪዛ ገሽ ኢሰቲ ኢሲኖካ ሃሳያና ማላ ኮይቤና።

ዩሱፊካ ቃሴካ ጋሊላን ታማርሲዳሰ

42 ጋዴይ ዋኒቲሽን ዩሱፊካ ኢሲ ኣሲ ባይንዳሶ ቢዳሰ። ዳር ኣሳይካ ኢዛ ኮዩሼ ኢዚ ዲዛ ሶ ጋኪዳሰ። ኢዚ ኢሰታፊ ሻካቲዲ ቦንታ ማላ ዲጋናሰ ኮይዳ። 43 ጌዳ ኣቲን ኢሰታሰ “ጌዴ ሃራ ካታማ ባዳ ያሳ ካዋቲላ ሚሺራቾ ቃላ ዮታናሰ ታሰ ቤሴሰ፤ ታኒ ከቲቲዳ ጌታ ቆፋይ ሄሳኮ” ጌዳሰ።

44 ኢዛካ ዩሱዳን አይሁዳ ዋሳ ኩላን ቃላ ጉጂ ዮቲዳሰ።

5

ዩሱፊካ ኮይር ሃዋሬታ ያይጌዳሰ
(ማቶ 4:18-22፤ ማር 1:16-20)

* 4:9-11 ማዛ 91:11-12 * 4:12 ዛሬ 6:16 * 4:24 ዮሃ 4:44 * 4:25-26 1ካዎ 17:1፣8-16 * 4:27 2ካዎ 5:1-14 * 4:30 ማር 1:21-28 * 4:32 ማቶ 7:28-29

1 ዩሱሲ ገንብሪያ አባ ላንቄን ኤቄዲ ያሳ ቃላ ታማርሲሺን ሲዩዛ አሳይ ኢዛ ኢንዔሊደሰ።

2 ሄ ዎዴ ናምቡ ዋጎሎቲ አባ አቻን ዲሺን ዩሱሲ ቤዩደሰ። ሞሌ ኦይኪዛይቲ ዋጎሎታፔ ዎዲዲ ሞሌ ገቲታ ማጩቲሰ። 3 ዩሱሲ ዋጎሎታፔ ሲሞና ዋጎሎን ጌሊዲ ቢታፊ ጌዴ አባ ገደ ሺሻና ማላ ኦይቸዲኔ ዋጎሎ ገደን ኡቲዲ አሳ ታማርሲደሰ።

4 ታማርሲ ወርሲዳፔ ጉዩ ሲሞና “አባይ ጨማቲዛሶ ሺቃ ሞሌ ኦይካናሰ ኢንቲ ገቲዛ አባ ገደ ዩገቲ” ገደሰ።

5 ሲሞናይ ዩሱሳሰ ዛሪዲ “ጎደ! ቃማ ኩሚሳ ደቡሪ አቄዲ ኢሲኖካ ኦይኪቦኮ፤ ገደ አቲን ኔ ቃላን ገቲዛ ዩጋና” ገደሰ። *

6 ዩገዳ ዎዴ ዳር ሞሌ ኦይኪዲ። ገቲይካ ዳክቲደሰ። * 7 ሃራ ዋጎሎን ዲዛይቲ ዩዲ ኢሰታ ማዳና ማላ ኩሼራ ወቲ ያይገደ። ኢሰቲካ ዩዲ ናምቡ ዋጎሎታ ሞሌ ኩንሊዲ። ዋጎሎቲካ ዲጌ ማቲቲሳ ኦይኪዲ።

8 ሲሞና ገቲቲዛ ጳፀርሲ ሄሳ ቤዩዲ ዩሱሳ ቶሆ ቦላ ኩንዲዲ “ጎደ! ታ ናጋራንቻ ገዲዳ ገሽ ታ አቻፊ ኪቻ” ገደሰ። 9 ኢዚ ሄሳ ገደይ ኢዚኔ ኢዛሪ ዲዛይቲ ኦይኪዲ ዳር ሞሌዛን ማላላቲዳ ገሻሳ። 10 ቃሴካ ሲሞና ላጌቲ ዛቢደሳ ናይቲ ያቆቤይኔ ዮሃኒሲካ ወሪ ማላላቲዳ። ዩሱሲካ ሲሞና “ባቦፋ! ሃይሳፊ ጉዩ ኔ አሰ ኦይኪዛዴ ገዳና” ገደሰ።

11 ኢሰቲካ ዋጎሎታ ቢታኮ ሺሺዲ ወርሲካ ዩጌ አገዲ ዩሱሳ ካሊዲ።

ዩሱሲ ኢንቸራቻ ኦይክቲዳ አዳዛ ፓሊደሰ

12 ዩሱሲ ካታማታፔ ኢሲኔዩን ዲሺን ኢንቸራቻ ሃርጌይ ቦላ ወርሲ ኦይኪዳ ኢሲ አሲ ሄ ካታማን ደሰ። ሄ አዳዚካ ዩሱሳ ቤዩዲ ኢዛ ሲንላን ኩንዲዲ “ጎደ! ኔ ኮይኮ ታና ፓላና ዳንዲያሳ” ገዲ ዎሲደሰ።

13 ዩሱሲ ባ ኩሼ ዩዲ ቦቸዲ “ታ ደሳዲሰ፣ ፓፃ” ገደሰ። ኢንቸራንቻይ ሄራካ ጳዩደሰ። 14 ዩሱሲ ኢዛሰ “ሃይሳ ኦናሰካ ዮቶፓ፤ ገደ አቲን ባዳ ኔና ቄሴ ሃላቃሰ ቤሳ፤ ኢሰታሰ ማርካ ገዳና ማላ ኔ ጌዩዳይሳሰ ሙሴይ አዛዚዳ ያርሾዛ ሸሻ” ገዲ አዛዚደሰ። *

15 ገደ አቲን ኢዛ ገሽ አሳይ ሃሳዩዛ ዎሪይ ካሴፔ አኪ አኪ ቢደሰ። ኬሂ ዳር አሳይ ኢዛ ሃሳያ ሲያናሲኔ ባና ሳኪዛ ሃርጌፊ ፓፃናሰ ኢዛኮ ሸቄደሰ። 16 ዩሱሲ ዳር ዎዴ አሲ ባይንዳሶ ቢዲ ዎሲደሰ።

ዩሱሲ ሲላ አዳዛ ፓሊደሰ

(ማቶ 9:1-8፤ ማር 2:1-12)

17 ዩሱሲ ታማርሲሺን አሳይ ጋሊላፔኔ ዩሁዳፔ ቃሴካ ዩራሳላሜፔ ዩዳ ፋርሳዌቲኔ ዎጋ ታማርሲዛይቲ ሄን ኡቲዳ። ኢዚ ፓላና ማላ ጎዳ ዎልቃይ ኢዛራ ደሰ።

18 ሄ ዎዴ አሳይ ኢሲ ኩሚሳ ቦላይ ሲሊዲ ቃፆንታ ሃርጋንቻ ሃላራ ቶኪ ኤኪ ዩዲ ኬሌ ጌልሊዲ ዩሱሳ ሲንላን ዎላናሰ ፓጪዲ። 19 አሳ ዳርቲላፊ ዳንዲዳይሳኒ ኬሌ ጌልላናሰ ያኔቲዳ ገሽ ፑዴ ኬላ ካራ ቦላ ኬዚዲኔ ካራ ቃሪዲ ሃርጋንቻ ሃላራ ቶኪ ኤሂዲ አሳ ገደራ ዩሱሳ ሲንላን ዎሊዲ። 20 ዩሱሲ ኢሰታ ኦማኖ ቤዩዲ “ሃይሶ ኔኒ ኔ ናጋራፔ ማሬታዳሳ” ገደሰ።

21 ሙሴ ዎጋ ፃፊዛይቲኔ ፋርሳዌቲ “ሃይሲ ያሳ ቦላ ፃላቲላን ሃይሳላ ሃሳዩዛይ ኢዚ ኦኔ? ኢሲ ያሳፊ አቲን ናጋራ ማራናሰ ኦኒ ዳንዲዩዜ?” ገዲ ቆፒዳ።

22 ዩሱሲ ኢሰታ ቆፋ ኤሪዳ ገሽ “ኢንቲ ኢንቲ ዎዝናን አይሰ ሄሳላ ቆፒቲ? 23 ኔኒ ናጋራፔ ማሬታዳሳ ጉሳፊኔ ‘ዳንዲዳ ባ’ ጉሳፊ አዎይሲ ካወሼ? 24 ገደ አቲን ታ ሃይሳ ገደይ አሳ ናሰ ቢታ ቦላ አሳ ናጋራፔ ማራናሰ ጎዳቲላ ዲዛይሳ ኢንቲ ኤራና ማላ” ገደሰ። ቃሴካ ሄ ሲላ አዳዛ “ኔና ጋይሰ! ዳንዲ ኤቃ! ኔ ሃላ ቶካዳ ባ!” ገደሰ።

25 ኢዚ ሄራካ ኢሰታ ሲንላን ዳንዲ ኤቄደሰ። ካሴ ባ ኢቸዳ ሃላ ቶኪዲ ያሳ ጋላቲሼ ባሶ ቢደሰ።

26 ሄ ዎዴ አሲ ወሪ ማላላቲደሰ። ያሳ ጋላቲሼ “ሃቶ ማላሊሲዛዝ ቤይደሰ” ገዲ ዳር ባቢዳ።

ዩሱሲ ማቶሳ ገቲቲዛ ለዌ ያይገደሰ

(ማቶ 9:9-13፤ ማር 2:13-17)

27 ሄሳፊ ጉዩ ዩሱሲ ሄፔ ኬዚ ቢደሰ። ለዌ ገዛ ኢሲ ቃሪፃ ቃንፃሲዛይሲ ቃሪፃ ቃንፃዛሶን ኡቲዳይሳ ቤዩዲ “ታና ካላ” ገደሰ። 28 ኢዚካ ወርሲ አገዲ ኢዛ ካሊደሰ።

29 ለዌይካ ዩሱሳሰ ባ ኬላን ገታ ዲገሳ ዲገሲደሰ። ቃሪፃ ቃንፃሲዛ ዳር አሳቲኔ ሃራ አሳቲካ ኢሰታራ ኢሲፊ ማዳን ኡቲዳ። 30 ፋርሳዌቲኔ ኢሰታ ፃፊቲ “ቃሪፃ ቃንፃሲዛይታሪኔ ናጋራንቻታራ ኢሲፊ አዛሰ ማቲ?” ገዲ ዩሱሳ ካሊዛይታ ቦላ ዙዙማቲዳ። *

31 ዩሱሲካ ኢሰታሰ “ሃርጋንቻታሰ አቲን ፓፃ አሳሰ አኪሜ ኮሼና። 32 ታካ ናጋራንቻታ ማርቲላኮ ዛራናሰ ያዲሰ አቲን ሂሎታ ያይጋናሰ ያሴኬ” ገደሰ።

ዎማ ገሽ ኦይቸቲዳ ኦይሾ

(ማቶ 9:14-17፤ ማር 2:18-22)

33 ኢሰቲካ ዛሪዲ “ዮሃኒሳ ካሊዛይቲ ዳር ዎዴ ያሜቲሴኔ ዎሴቲሰ። ፋርሳዌታ ካሊዛይቲካ ኢዛላ ኦላቲሰ። ኔና ካሊዛይቲ ገዲኮ ኡባ ዎዴ ማቲሴኔ ኡዩቲሰ” ገደ።

34 ዩሱሲካ ኢሰታሰ ዛሪዲ “ሚሺራይ ኢሲፊ ዲሺን ዲገሳሰ ያይገቲዳይታ ያሚሳናሰ ቤሲዜ? 35 ገደ አቲን ሚሺራይ ኢሰታፊ ሻኬታና ዎዴይ ያና ኢሰቲ ሄ ዎዴ ያማና” ገደሰ።

36 ኢሰታሰ “ኦራላ ማይያፔ ቃንፃ ኤኪዲ ጋልፃ ማይያ ቦላ ዎሊ ሲኪዛዴይ ዳና፤ ዎሊ ሲኪኮ ኦራላዚ ጋልፃራ ጋንጎታ ገሽ ጋልፃዛ ዳካና። 37 ዎይኔፔ ኦሴቲዳ ኦራላ ጫጃ ጋልፃ ሉካሞን ኩንሊዲ ዎሊዛ አሲ ኦኒካ ባዎ፤ ዎሊዛ ገዲኮ ዎይኔፔ ኦሴቲዳ ኦራላ ጫጃይ ጋልፃዛ ዳካና። ዎይኔ ጫጃዚካ ቢታን ጉካና፤ ጋልፃ ሉካሞይ ሲንላፊ ጎፆንታዝ ገደና። 38 ሄሳ ገሽ ኦራላ ዎይኔ ጫጃይ ኦራላ ኦጎርን ጉጃታናሰ ቤሴሰ። 39 ሂሰቲኮ ጫላ ዎይኔ ጫጃ ኡዩዳፔ ጉዩ ጫሎንታዚ ኡያና ኮዩዛይ ኦኒኔ ዳና ጋሶይካ ጫላይ ሎፆ ገዛ ገሻሳ” ገደሰ።

6

ሳምባታ ገሽ ኦይሼቲዳ ኦይሾ

(ማቶ 12:1-8፤ ማር 2:23-28)

* 5:5 ዮሃ 21:3 * 5:6 ዮሃ 21:6 * 5:14 ለዌ 14:1-32

* 5:30 ሉቃ 15:1-2 * 6:1 ዛሬ 23:25

1 ኢሲ ሳምባታ ጋላስ ዩሱሲ ካላ ገደራ አጁ ቢሸን ኢዛ ካሊዛይቲ ቲያ ፀጸ ኤኪዲ ባ ኩሼን ሸጊቺ ሚሸን፤ * 2 ፋርሳዊታፔ ኢሲ ኢሲ አሳቲ “ሳምባታ ጋላስ ኦላናስ ቤሶንታይሳ አይሲ ኦላቲ?” ገደ።

3 ዩሱሲካ ኢሰታስ “ዳወቲይ ኢዛራ ዲዛ አሳቲ ጋሬዳ ዎዴ ኢዚ ኦላዲይሳ ናባቢቤኮቲ?” * 4 ኢዚ ያሳ ኮሌ ጌሊዲ ቁሴቲ ያላ ማና ማላ አዛዜቲዳ ዲማ ኡኩላ ባሲ ሚዲ ባናራ ዲዛይታስ ኢሚዴስ” ገዲ ዛሪዴስ። *

5 ቃሴካ ዩሱሲ “አሳ ናይ ሳምባታ ጎዳ” ገዲ ኢሰታስ ዮቲዴስ።

ዩሱሲ ኩሼይ ሲሊዳ አዳዛ ፓሊዴስ
(ማቶ 12:9-14፤ ማር 3:1-6)

6 ዩሱሲካ ሃራ ሳምባታ ጋላስ አይሁዳ ዎሳ ኮሌ ጌሊዲ ታማርሲሸን ኡሻቻ ኩሼይ ሲሊዳ ኢሲ አሲ ሄን ዴስ። 7 ሙሴ ዎጋ ታማርሲዛይቲኔ ፋርሳዊቲ ዩሱሳ ሞታናስ ጋሶ ኮይዲ እኔ ኢዚ ሳምባታ ጋላሳን አዳዛ ፓሊኮ ቤያና ገዲ ናጊሼ ጋምዲዳ። 8 ዩሱሲካ ኢሰታ ዎዝና ቆፋ ኤሪዲ ኩሼይ ሲሊዳ አዳዛ ኡባ ሲንሳን “ዴጎዳ ኤቃ” ገዴስ። አዳዚካ ዴጎዳ ኤቁዴስ።

9 ዩሱሲካ ኢሰታ “ታ ኢንቴና ኢሲ ሚሸ እኔ ኦይቻይስ፤ ሳምባታ ጋላስ ኦላናስ ቤሲዛይ ሎጎ ኦሶዬ? ኢታ ኦሶ? ሸምፖ አሾ ዎይኮ ጳይሶ?” ገዲ ኦይቻዴስ።

10 ቃሴካ ዩሱሲ ባ ዩሾን ዲዛ ወርሲ ዩሺ ያሊዳፔ ጉዩን አዳዛ “ኔ ኩሼ ፒዲሳ” ገዴስ። አዳዚካ ዩሱሲ ገዲ ማላ ኦሊዴስ። ኢዛ ኩሼይካ ፓዲዴስ።

11 ገደ ኦቲን አሳቲ ሃንቁቲዳ፤ ዩሱሳ ቦላ አይ ኦላናስ ኮሺዛኮኔ ባ ገደን ዞሬቲዳ።

ዩሱሲ ታማኔ ናምቡ ሃዋሬታ ደሪዴስ
(ማቶ 10:1-4፤ ማር 3:13-19)

12 ሄ ጋላሳታፔ ኢሲ ጋላስ ዩሱሲ ዎሳናስ ዙማ ቦላ ኬዚዲ ቃማ ኩሜሳ ያሳ ዎሲሼ አቁዴስ። 13 ጋዴይ ዎንቲሸን ባና ካሊዛይታ ያይጊዲ ኢሰታፊ ታማኔ ናምባታ ደሪዴስ። ኢሰታካ “ሃዋሬታ” ገዲ ሱንላዴስ።

14 ኢሰቲካ ጳፅሮሳ ገዲ ሱንላዲ ሲሞናኔ ኢዛ ኢሻ ኢንዲራሳ፣ ያቆቤ፣ ዮሃንሳ፣ ፒሊጶሳ፣ ባርቴሌሞሳ፣ 15 ማቶሳ፣ ቶማሳ፣ ኢልፊዮሳ ና ያቆቤ፣ ባ ባጋስ ሚሸቲዛ ሲሞና፣ 16 ያቆቤ ና ዩሁዳኔ ዩሱሳ አሊ ኢሚዳ አሰቆርንቶ ዩሁዳ።

ዩሱሲ ዳር አሳ ታማርሲዴስኔ ፓሊዴስ
(ማቶ 4:23-25)

17 ዩሱሲካ ኢሰታራ ኢሲፊ ዙማ ቦላፊ ዲጌ ዎጲዲ ዴጎባሶን ኤቁዴስ። ኢዛ ካሊዛይታፔ ዳር አሳይ ሄን ዴስ፣ ዩሁዳፔኔ ዩራሳላሚፔ፣ ቃሴካ ያርሴፔኔ ሲደና አባ አቻፊ ዩዳ ኬሄ ዳር አሳይካ ሄን ዴስ። 18 ኢሰቲካ ዩዳይ ዩሱሲ ገዛይሳ ሲያናሲኔ ሃርጌፊ ፓዳናሳ። ቲና ኢያናይካ ዎይሲዛይቲ ወሪ ፓዲዳ። 19 ዎልቃይካ ኢዛፔ ኬዚዲ ዳርታ ፓሊዛ ገሽ አሳይ ወሪ ኢዛ ቦቻናስ ዩዴስ።

አንጅኔ ዎዬ ጋሶታ
(ማቶ 5:1-12)

* 6:3 1ሳሚ 21:1-6 * 6:4 ለዌ 24:9 * 6:22 1ጴፀ 4:14
ኢሲ ባጋ ጋሞሶ ቃላን ቁንጻሌ ጌቲቲስ። * 6:31 ማቶ 7:12

20 ዩሱሲካ ባና ካሊዛይታስ “ያሳ ካዎቲላይ ኢንቴስ ገዲዳ ገሽ ኢንቴና ማንቆቶ! ኢንቴ ኢንጅቲዳይታ፤

21 ኢንቴ ጉዬፔ ካላና ገሽ ሃዲ ጋሬዛይቶ!

ኢንቴ ኢንጅቲዳይታ፤ ኢንቴ ጉዬፔ ሚጫና ገሽ ኢንቴና ሃዲ ዩኪዛይቶ!

ኢንቴ ኢንጅቲዳይታ፤

22 አሳይ ታ ገሽ ኢንቴና ኢዲሸን ባ ገደፊ ሻኪሸን፤ ቦርሸኒኔ ኢንቴና ኢታ ሱንላራ ያይጊሸን ኢንቴ ኢንጅቲዳይታ፤ *

23 “ኢንቴስ ሳሎን ገታ ዎይቶይ ዲዛ ገሽ ሄ ዎዴ ኡፋይሳን ጉፒቲ፤ አይስ ጊኮ ኢሰታ አዋቲ ናቤታ ቦላ ሃሳሉ ኦሊዳ። *

24 ገደ ኦቲን ኢንቴና ዲሬቶ ኢንቴ ሃዲ ኡፋዬቲዳ ገሽ ኢንቴና አዬ-አና!

25 ኢንቴና ሃዲ ካሊዳይቶ ኢንቴና አዬ አና! ኢንቴ ጉዬፔ ጋፋና፤ ኢንቴና ሃዲ ሚጫዛይቶ!

ኢንቴስ አዬ አና! ኢንቴ ጉዬፔ ሚሸታናኔ ዩካና።

26 “አሲ ወሪ ኢንቴ ገሽ ሎጎ ሃሳዩዛ ዎዴ ኢንቴንስ አዬ-አና! አይስ ጊኮ ኢሰታ አዋቲ ዎርዶ ናቤታስ ሃሳ ማላ ኦሊዳ።

ሞርኬ ሲቆ ገሽ
(ማቶ 5:38-48፤ 7:12)

27 “ገደ ኦቲን ታ ዮቲዛይሳ ሲዩዛይቶ ታኒ ኢንቴስ ዮቲዛይ ኢንቴ ሞርኬታ ሲቁቲ፤ ኢንቴና ኢዲዛይታስ ሎጎ ኦሊቲ፤ 28 ኢንቴና ቃንጊዛይታ ኢንጅቲ፤ ኢንቴና ቆሂዛይታስ ዎሲቲ፤ 29 ኢሲ ሻጋላን ባቁኮ፣ ናምባንሎ ሻጋላ ጉጃ ቤሳ፤ ኦኒኔ ኔ ቦላራ ማይዲዳይሳ ቃሪ ኤኪኮ ጋላራ ማይዲዳይሳካ ዲጎፋ። *

30 “ኔና ዎሲዛ ኡባስ ኢማ፤ ኔ ሚሻ ኤኪዳ አሲ ዛሪ ኢማና ማላ ኦይቻፋ።

31 “አሲ ኢንቴስ ኦላና ማላ ኢንቴ ኮዩዛይሳሉ ኢንቴካ ሃራ አሳስ ኦሊቲ። *

32 “ናጋራንቻቲካ ባና ሲቁዛይታ ሲቁዛ ገሽ ኢንቴ ኢንቴና ሲቁዛይታ ያላ ሲቁኮ ኢንቴስ አይ ዲማ ኢንጅይ ዲዜ? 33 ኢንቴ ኢንቴስ ሎጎ ኦሊዛይታስ ያላላ ሎጎ ኦሊኮ ኢንቴስ አይ ዲማ ኢንጅይ ዲዜ? አይሲ ጊኮ ናጋራንቻቲካ ሃሳሉ ኦሊዛ። 34 ታልዔ ኤኪዲ ዛራና ዲንዳዬቴስ ገዛይታስ ያላ ኢንቴ ታልዔኮ ኢንቴ ሃራ አይ ዲማ ኢንጅ ዴማኔ? አይሲ ጊኮ ናጋራንቻቲካ ኢሰቲ ታልዔዳይሳ ሲሬ ዛሪዲ ኤካናስ ናጋራንቻታስ ታልዔቴስ። 35 ገደ ኦቲን ያሲ ባና ጋላቶንታይታሲኔ ኢታታስ ኪያ ገዲዳ ማላ ኢንቴ ሞርኬታ ሲቁቲ፤ ሎጎ ኦሊቲ፤ ጉዬፔ ዛሪዲ ኤካናስ ቆፖንታ ዲሼ ታልዔ ኢሚቴ፤ ሃሳንካ ኢንቴስ ኩሼ ዛርይ ገታ ገደና፤ ቃሴካ ኢንቴ ዎጋ ያሳ ና ገደና። 36 ኢንቴ አዋይ ኪያ ገዲዳ ማላ ኢንቴካ ኪያታ ገዲቲ።

ሃራ አሳ ፒርዳናስ ቤሴና
(ማቶ 7:1-5)

37 “ኢንቴ ሃራታ ቦላ ፒርዳፍቲ ኢንቴ ቦላካ ፒርዳፍቲ፤ ኢንቴ ቦላ ፒርዳይ ዳርንታ ማላ ሃራታ ቦላ ፒርዳ ዳርናፍቲ፤ አሳስ አቶ ጊቲ ኢንቴሰካ አቶ ጌቲታና። 38 ኢሚቴ! ኢንቴሰካ ኢሜታና፤ ኢንቴስ ኢንቴ ማኪዳ ሚሻን ሲሚዲ ማኬታና፤ ሃራፔካ ናቁ ባቁቲዲ ዩጌቲ

* 6:23 2ታር 36:16፤ ሃዋ 7:52 * 6:29 ሻጋላን ጊዛይሳ ኢሲ

ኩሚዲ ዋራ ጉካናሹ ሎዎ ማኪዛ ሚሻን ማኬቲዲ ኢንቴስ ኢሚታና” ገደሰ።

39 ቃሴካ ዩሱሲ ኢስታሰ ለሚሶን “ቆቄይ ቆቄ ካለፋናሰ ዳንዳዩዜ? ካለፈኩካ ናምዓቲ ኢሶይ ኢሳራ ኦይኬቲዲ ኦላን ጌሌቴኔ? * 40 ታማሪይ ባና ታማርሲዛዴፌ ኦይና፣ ገደ ኦቲን ሎዔል ታማሪዳ ኦሲ ወሪ ባ ኦስታማሪ ማላ ገደሰ። *

41 “ኔ ኦይፌ ገደን ዲዛ ቱሳ ያሎንታ ዳሼ ኔ ኢሻ ኦይፌ ገደን ዲዛ ቡራ ኦይሰ ያላይ? 42 ኔ ኦይፌን ዲዛ ቱሳ ቤዮንታ ኔ ኢሻ ‘ታኒ ኔ ኦይፌን ዲዛ ቡራ ኦይ ኬሳይሰ ገናሰ ዋስታ ዳንዳያይ?’ ኔኖ ቆጵፔ ቆሞን ሃንዛይሶ ኮይርታዳ ኔ ኦይፌን ዲዛ ቱሳ ኬሳ፤ ሃሳፌ ጉዩ ኔ ኢሻ ኦይፌን ዲዛ ቡራ ኬሳናሰ ሎዔል ያላንዳሳ።

ሚላ ባ ኦይፌን ኤሬቴሰ
(ማቶ 7:17-20፤ 12:34-35)

43 “ሎዎ ሚላ ኢታ ኦይፌ ኦይፌና፤ ቃሴካ ኢታ ሚላ ሎዎ ኦይፌ ኦይፌና። 44 ሚላ ወሪካ ባ ኦይፌን ኦይፌን ኤሬቴሰ፤ ኦቲንፋፌ ባላሴ ጌቴቲዛ ሚላ ኦይፌይ ማጻቴና፤ ላዴፔ ዋይኔ ኦይፌይ ቃንጻቴና። * 45 ሎዎ ኦሲ ባ ዋዝና ኩሚዳ ሎዎ ሚሻ ኬሴሰ፤ ኢታ ኦሲካ ባ ዋዝና ኩሚዳ ኢታ ሚሻፌ ኢታ ኬሴሰ፤ ኦሲ ወሪካ ባ ዋዝና ኩሚ ፓላሂዳይሳ ባ ዲናን ሃሳዬሰ። *

ናምዑ ቆሞ ኬል ኬጂዛ ኦሳታ
(ማቶ 7:24-27)

46 “ታኒ ገዛይሳ ኦልኬታ ሺን ኦይሰ ታና ‘ጎደ! ጎደ!’ ጌቲ? 47-48 ታኮ ዩዲኔ ታ ቃላ ሲይዲ ፖሊዛይ ወሪ ኦና ሚሳቲዛኮኔ ታ ኢንቴና ቤሳና፤ ኬል ኬግናሰ ዘቂ ኦል ቦኪዲ ሹቻ ቦላን ባ ኬል ኬጂዳ ኦሳ ሚሳቴሰ። ሃር ሃል ዩዲ ሄ ኬል ሱጊደሰ፤ ገደ ኦቲን ሚኒ ኬጻቲዳ ገሽ ቃላናሰ ዳንዳይቤና። 49 ገደ ኦቲን ታ ቃላ ሲይዲ ፖሎንታ ኦሲ ባ ኬል ሎዔል ባሶንታኔ ገደን ሹቻ ዩሳንታ ኬጂዳ ኦሳ ሚሳቴሰ፤ ሃርይካ ኬል ሱጊን ኬላይ ሄራካ ኩንዲዲ ኢታ ላሌል ላሌቴደሰ” ገ ዮቴደሰ።

7

ዩሱሲ ማቶ ሃላቃዛ ኦሻካራ ፓሊደሰ
(ማቶ 8:13፤ ዮሃ 4:3)

1 ዩሱሲ ሃሳ ወርሲካ ዴሬ ሲንፋን ዮቴ ወርሲዳይሳፌ ጉዩ ቂፎርናሆሚ ገዛሶ ቢ ጌሊደሰ።
2 ሃን ቂፎርናሆሚን ማቶ ሃላቃይ ዴሰ፤ ሄ ኦዴዛሰ ኢዚ ሰቂዛ ኦሻካራይ ሃርጊዲ ሃይቆሰ ሸምፖ ቦላ ዴሰ።
3 ኢዚካ ዩሱሳ ገሽ ሲይዲ “ባ ኦሻካራ ፓላና ማላ ዩሱሳ ዋሴሪኬቲ!” ገዲ ኢሲ ኢሲ ኦይሁዳ ባጋ ኦሳታፔ ጨማታ ዩሱሳኮ ዩዲደሰ። 4 ከቴቲዲ ቢዳ ኦሳቲ ዩሱሳኮ ዩዲ “ሃይሳ ኦዴዛ ገሽ ኔ ኦሻካራዛ ፓላና ቤሴሰ። 5 ኦይሰ ገኮ ሃይሲ ኦዴዚ ኦ ኦሳ ዳር ደሴሰ፤ ኦሳካ ኦይሁዳ ዋሳ ኬል ኬጂሲዳይ ኢዛ” ገዲ ሚንላ ዋሲደሰ።

6 ዩሱሲካ ኢስታራ ቢደሰ። ዩሱሲ ኦዴዛ ኬላኮ ማቲዛ ዋዴ ኦዴዚ ባ ላጌታ ዩሱሳኮ ዩዲዲ “ጎደ! ኔ ታ ኬል ጌላናሰ ቤሴና፤ ታካ ኔና ታ ኬል ጌልፋናሰ ቤሲዛ ኦሲ ገደንታ ገሽ ሃ ያሼ ዳቡርፓ። 7 ታኒ ኔ ሲንፋን ቤታናሰ ቤሶንታ ኦሳ ጊዲዳ ገሽ ኔኮ ባቤይኬ፤

ሃሳ ገሽ ኔኒ ሃን ዳዳ ቃላ ያላ ገኮ ታ ኦሻካራይ ፓላና። 8 ታሰካ ታና ኦዴዚዛ ኦሲ ታፔ ቦላራ ዴሰ። ታፔ ጋርሳራ ታኒ ኦዴዚዛ ዋታደራቲ ዴቴሰ። ኢሳ ‘ሃያ!’ ገኮ ዩሰ፤ ኢሳ ‘ሃ ባ!’ ገኮ ቤሰ፤ ኦሻካራይካ ‘ሃሳ ኦላ!’ ገኮ ኦዴዚቴዳይሳ ኦልሰ” ገደሰ።

9 ዩሱሲካ ኦዴዚ ገደይሳ ሲይዲ ኦዴዛ ሃናቴላን ማላሌቴደሰ። ጉዩ ሲሚዲ ባና ካሊዛ ዴራሰ “ታ ኢንቴሰ ገዛይ ሃይሳ ማላ ገታ ኦማና ሃራይ ኦቶ ሺን ኢሰራዔሌ ናይታ ገደንካ ዴማቤኬ” ገደሰ።

10 ዩሱሳኮ ከቴቲዳ ኦሳቲ ጉዩ ከቴዳ ሃላቃሶ ሲሚዳ ዋዴ ኦሻካራይ ፓሚዳይሳ ቤዩዳ

ዩሱሲ ኢሲ ኦምዔይ ና ሃይቆፔ ዴንላደሰ

11 ሃሳፌ ጉዩን ዩሱሲ ጋምዮንታ ዲሼ ናይኔ ጌቴቲዛ ካታማ ባና ካሊዛይታራኔ ዳር ዴሬራ ኢሲፌ ቢደሰ።

12 ኢዚ ቢዲ ካታማ ጌሊዛ ሚፃ ጋኪሺን ሄ ካታማይፔ ዳር ኦሳይ ኦሃ ቶኪ ኤኪዲ ኬዚ ዋዲደሰ። ሃይቆዳይሰ ባ ኦይይሰ ኢዚ ሚፃ ኢሲና። ኦይይሰካ ኦዴናይ ባዋ፤ ካታማፔ ዳር ኦሳይ ኢዚራ ኢሲፌ ዴሰ። 13 ጎደይካ ኢዛ ቤዩዳ ዋዴ ኢዚሰ ሚቴቲዲ “ኦይኮይ ባዋ፤ ዩኮፋ!” ገደሰ።

14 ሸቂዲኔ ኦሃ ቶኪዳ ሃላ ቦቺን ኦሃ ቶኪዳይቲ ሲቲ ገ ኤቂዳ። ዩሱሲካ “ሃይሶ ናዞ ኔና ጋይሰ ዴንዳ!” ገደሰ። 15 ሃይቆዳ ናዚካ ሱሪ ኡቲዲ ሃሳያ ኦይኪደሰ። ዩሱሲካ ናዞ ኦይይሰ ኤፌ ኢሚደሰ።

16 ኦሳይ ወሪካ ኬሂ ባቢዲ ያሳ ጋላቲሼ “ገታ ናቤይ ኦ ገደፌ ዴንዲደሰ፤ ያሰካ ሃይሳ ዴሬዛ ዩዲ ቤይደሰ” ገደሰ። 17 ሃይሲ ዩሱሳ ገሽ ሃሳዬቲዛ ሎዎ ሃሳያይ ኩሚሳ ዩሁዳኒኔ ዩሁዳ ዩሾን ዲዛ ዴሬታን ኬዚደሰ።

ፃማቂዛ ዮሃኒሳፔ ዩሱሳኮ ከቴቲዳ ኦሳታ
(ማቶ 11:19)

18 ፃማቂዛ ዮሃኒሳ ካሊዛይቲካ ሃይሳ ወርሲ ዮሃኒሳሰ ዮቴዳ። ዮሃኒሲካ ኢስታ ገደፌ ናምዓታ ያይጊዲ። 19 “ኢዚ ያና ጌቴቲዲ ሃሳዬቲዛይሰ ኔኔዬ? ሃራ ኦሰ ናጊና? ገ ኦይቸቴ” ገዲ ጎዳኮ ዩዲደሰ።

20 ቢዳ ኦሳቲ ዩሱሳኮ ጋኪዲ “ፃማቂዛ ዮሃኒሲ ‘ኢዚ ያና ጌቴቲዲ ሃሳዬቲዛይሰ ኔኔዬ? ሃራ ኦሰ ናጊና?’ ገዲ ኔኮ ኦና ዩዲደሰ” ገዲ።

21 ሄ ዋዴ ዩሱሲ ዳር ኦሳ ዋዩፔ፣ ሃርጌፌኔ ቱና ኦያናፔ ፓሊደሰ። ዳር ቆቂታ ኦይፌይካ ያሌሰ። 22 ዮሃኒሲ ከቴን ኢዛኮ ዩዳይታ “ቢዲ ኢንቴ ኢንቴ ኦይፌራ ቤዩዳይሳኔ ሲዩዳይሳ ዮሃኒሳሰ ዮቴቲ። ኦይፌ ቆቂቲ ያሌቴሰ፤ ቶሆ ዋቤቲ ሱራ ሃሙቴቲሰ፤ ኢንቸራቻ ሃርገዛይቲ ፓሚዳ፤ ቱሌቲ ሲዩዳ፤ ሃይቆዳይቲ ሃይቆፔ ዴንዲዳ፤ ማንቆታሰ ሚሺራቾ ቃላይ ዮቴቲሰ። *

23 ታናን ቆዱቶንታ ኦሲ ወሪካ ኢንጃቲዳይሳ” ገደሰ።

24 ዮሃኒሲ ከቴዳ ኦሳቲ ዩሱሳ ኦቻፌ ቢዳይሳፌ ጉዩ ዩሱሲ ዳር ኦሳሰ ዮሃኒሳ ገሽ “ኢንቴ ኦይ ቤያናሰ ባዞ ኬዚዴጉ? ጫርኮይ ሄኔ ሃኔ ቃልፈዛ ሸምቦቆ ቤያናሰ? 25 ኦይ ቤያናሰ ኬዚዴቲ? ሎዒዛ ማይዎ ማይዒዳ ኦሰ ቤያና ኬዚዴቲ? ሎዎ ማይዎ ማይዒዲ ዋሪፅ ገዛይቲ ኢሻሎ ዲሳ ዲዛይቲ ካዎ ኬላን ዴቴሰ። 26 ሂሰቲኮ ኦይ ቤያናሰ ኬዚዴቲ? ናቤ ቤያናሰ? ኤ ታ ኢንቴሰ ቱማ ጋይሰ፤ ኢንቴ ኬዚዳይ ናቤፔ ኦዲዛዴ

* 6:39 ማቶ 15:14 * 6:40 ማቶ 10:24-25፤ ዮሃ 13:16፤ 15:20 * 6:44 ማቶ 12:33 * 6:45 ማቶ 12:34 * 7:22 ኢሳ 35:5-6፤ ኢሳ 61:1 * 7:27 ሚል 3:1

ቤያናሳ። 27 ያሳ ቃላን ሄ ባና ኦጌ ኔሰ ባሲ ሎዔላና ኪቴቴዳ አሰ ታ ኔፔ ሲንሳራ ዬዳና፣ ጌቴቴዳ ኢዛ ጊሽ ፃፊቴዳይሰ አዛኮ። *

28 “ታኒ አንቴሰ ገዛይ ማጫሳፔ ዬሌቴዳ አሳ ገደን የሃረሳፔ አጁዛይይ ኦኒካ ዳና፤ ያሳ ካዎቴላን ገዲኮ አሳ ኡባፊ ጉሉ ጌቴቴዳ አሲ የሃረሳፔ አጁና” ገ ዮቴዳሰ።

29 ቃራፃ ቃንፂሲዛይቴካ አቶንታ ሃይሳ ዬሱሳ ቃላ ሲዩዳይቴ ወሪካ የሃረሳ ኩሼን ፃማቁቴዳ ያሳሰ ቤሲዛ ቦንቾ አሚዳ። * 30 ፋርሳቁቴኔ ሙሴ ዋጋ ኤራንቻቴ የሃረሳ ኩሼን ፃማቁቶንታ ጊሽ ያሲ አሰታሰ ዋና ቆፋ ኦሌዳ ሺሺዳይሳ ሃራይሲዳ።

31 ቃሴካ ዬሱሲ ዛሪዳ “ሂሰቴኮ ሃዒ ዬሌታ አዛን ለሚሰ? አሰቴ አይ ሚሳቴዞ? 32 ጊያን ኡቴዳ ባ ገደን አሲን አሳራ ያይጌቴዳ “አንቴሰ ኦኒ ዲላ ዲዳደሰ ሺን ዲሪቤኬታ፤ ዘላሊሰ ዘላሊደሰ ሺን ዲኪቤኬታ፤ ገዛ ናይታ ሚሳቴቴሰ” ገዳሰ። 33 አይሰ ገኮ ፃማቁዛ የሃረሳ ካላ ሞንታኔ ዎይቴ ኦሴቴዳ ጫጃ ኡዮንታ ዩን “ዳይዳንሲ ኢዛ ቦላ ዳሰ” ገዳታ።

34 አሳ ናይ ቃሴ ሚሼኔ ኡዩሼ ዩን “ጋንጃማኔ ኡሻንቻ፤ ቃራፃ ሺሺዛይታራኔ ናጋራንቻታራ ላጌቴሰ” ገዳታ። 35 ሃሳ ጊሽ ኤራቴላ ቱማቴላይ ኢዚ ናይታ ኡባታ አቻን አማኔቴዳሰ” ገዳሰ።

ኢሲ ማጫሳያ ዬሱሳ ቶሆ ሺቶ ቴያዲሰ

36 ሃሳፊ ጉዬ ፋርሳቁቴፔ ኢሲ አሲ ዬሱሳ ቁማ ማናሰ ባ ኬሌ ያይጊን ዬሱሲ ያይጊዳ ፋርሳቁ ኬላ ቢዳ ኡቴዳሰ። 37 ሄ ካታማን ዲዛ ኢሲ ናጋራንቻ ማጫሰ ዲዛራ ዬሱሲ ፋርሳቁ ኬላን ቁማ ማዳ ቦላን ዲዛይሳ ሲያዳ ኢሲ አልባሰፂርሴ ቢልቃፃ ሺቶ ኤካ ያደሰ። 38 ያዳኔ ዬሱሳፔ ጉዬራ ኢዛ ቶሆ አቻን ኤቃዳ ዩካሼኔ ባ አፋንላን ኢዛ ቶሆ ጫጂሳዳ ባ ሁዔ ቢናናራ ቁጫሼኔ ዬራሼ ሺቶ ቴያዲሰ። 39 ዬሱሳ ቁማሰ ያይሲዳ ፋርሳቁይካ ሃሳ ቤዩዳ “ሃይሲ አዳዚ ናቤ ገዲዳኮ ሃና ኢዛ ቦቹዳ ማጫሳያ ኢዛ ኦናኮኔ አይ ኦሌዛ አሳኮኔ ኤራናኮ ሺን፤ ኢዛ ናጋራንቻኮ ሺን” ገዲ ባ ዎዝናን ቆፒዳሰ።

40 ዬሱሲ “ሲሞና! ኔሰ ታ የታናዚ ዳሰ” ገዳሰ። ሲሞናይካ “አሰታማሬ! ኤር ዮታ” ገዳሰ።

41 ዬሱሲ ዛሪዳ “ኢሲ ሚሼ ታልዔ አሚዛዳፊ ታልዔ ኤኪዳ ናሞፀ አሳቴ ዳቴሰ፤ አሰታፊ አሳ ቦላ ኢቻሹ ያት ዲናሬይ ዳሰ፤ ናሞዳንሉዛ ቦላ ኢቻሹ ታሙ ዲናሬይ ዳሰ። * 42 አሰታሰ ቃንፂዛ ሚሺ ዳዩን ታልዔ አሚዳይሲ ናሞዳታ አጮዛ ወርሲካ ማሪዳሰ። ሂሰቴኮ ሃ ናሞዳታፔ ሃ ታልዔ አሚዳይሳ ዳርሲ ዳሳናይ አዎይሴ?” ገዳሰ።

43 ሲሞናይካ ዛሪዳ “ዳር አጮይ ማሪቴዳይሳ ጋዳ ቆፓይሰ” ገዳሰ። ዬሱሲካ “ቴሙ ፕርዳዳሳ” ገዳሰ።

44 ሄ ማጫሳይኮ ዩዩዳ ሲሞና “ሃኖ ማጫሳዮ ያላይ? ታ ኔ ኬሌ ጌሊን ኔ ታ ቶሆሰ ሃሌ ሺሻቤካ፤ ኢዛ ገዲኮ ታ ቶሆ ባ አፋንላን ጫጂሳዳ ባ ሁዔ ቢናናራ ቁጫዲሰ። 45 ኔኒ ኡባካ ታና ዬራቤካ፤ ኢዛ ግዲኮ ታ ጌሎሶፔ ኦይካዳ ታ ቶሆ ዬር አጋቤኮ። 46 ኔ ታ ሁዔ ዛይቴ ቴያቤካ ሺን ኢዛ ገዲኮ ታ ቶሆ ሺቶ ቴያዲሰ።

47 “ሃሳ ጊሽ ታ ኔና ገዛይ ኢዛ ታና ኬሃ ደሲዳ ጊሽ ኢዛ ባ ዳር ናጋራፔ ማሪታዲሰ፤ ጉላራ ማሪቴዛ አሳ ሲቆይካ ጉላ” ገዳሰ።

48 ዬሱሲ ማጫሳዮ “ኔ ናጋራፔ ማሪታዳሳ” ገዳሰ።

49 ኢዛራ ኢሲፊ ማዳን ኡቴዳ አማላቴካ “ሃይሲ ናጋራ ማሪዛይ ኢዚ ኦኔ?” ገዲ ባ ዎዝናራ ቆፒዳ።

50 ዬሱሲካ ማጫሳዮ “ኔና ኔ አማናይ አሺዳሰ፤ ሳርን ባ!” ገዳሰ።

8

ዬሱሳ ካሊዳይታኔ ኢዛሰ ኦሌዳ ማጫሳታ

1 ሃሳፊ ጉዬ ዬሱሲ ያሳ ካዎቴላ ሚሺራቾ ሳባኪሼ ዲማ ዲማ ካታማታ ገደራኔ ጉታታ ገደራ አጁዳሰ። አጁዳ ቢዛ ዎዳ ኢዛ ካሊዛ ታማኔ ናሞዳቴ ኢዛራ ዳቴሰ። 2 ቃሴካ ቱና አያናፔኔ ኢታ ሃርጌፊ ፓዲዳ ኢሲ ኢሲ ማጫሳቴ ኢዛራ ዳቴሰ። አሰቴካ ላፑን ቱና አያናይ ኢዚፔ ኬዚዳ ማግዳሌ ጌቴቴዛ ዳሬፔ ዩዳ ማራሞ። 3 ካዎ ሃርደሳሶን ኦሌዛ ኩዛ ማቾ ዮሃኖ ቃሴካ ሶሲኔ ሃራ ዳር ማጫሳቴ ዳቴሰ። አሰቴካ ባሰ ዲዛ ሚሻራ ዬሱሳሰ ኦሌዛይታ።

ካላ ዜሪዛዳ ለሚሶ

(ማቶ 13:1-9፤ ማር 4:1-9)

4 ዳር ዳሬይ ኢሲፊ ሺቁዳ ዲሺን ቃሴካ አሳይ ዲማ ዲማ ካታማፔ ኢዛኮ ዎጂዛ ዎዳ ዬሱሲ ለሚሶራ ታማርሲሼ።

5 “ኢሲ ጎሻንቻይ ዜሬላ ዜራናሰ ኬዚዳሰ፤ ኢዚ ዜሪሺን ባጋይ ኦጌን ዎጂዳ አሳ ቶሆን ዬጄቴዳሰ፤ ሳሎ ካፎቴካ ዩዳ ማፂ ሚዳ፤ 6 ኢሲ ዜሬላይ ሹቻ ጋዴን ዎጂዳ ሃራካ ጫሪዳሰ፤ ጋዴዚካ ሚላ ጋዴ ገዲዳ ጊሽ ኤሌ ሚሊቹዳሰ። 7 ቃሴካ ሃራ ዜሬላ አጉንላ ገደን ዎጂዳሰ፤ አጉንላይካ ኢዛራ ኢሲፊ ዲጪዳ ጫሪቻይካ ዲጮንታ ማላ ጩሊዳሰ። 8 ቃሴካ ሃራ ዜሬላይ ሎን አራዳ ጋዴን ዎጂዳሰ፤ ጫሪዳ ዎዳካ ያቴ ኩሼ አይፊዳሰ” ገዳሰ።

ዬሱሲ ለሚሶን ሃሳዩዳ ጋሶ

(ማቶ 13:10-17፤ ማር 4:10-12)

ዬሱሲ ሃሳያ ወርሲዳ ቃላ ጶቁ ሂሰቴዳ “ሲዩዛ ሃይላ ዲዛ አሲ ሲዮ!” ገዳሰ።

9 ዬሱሳ ካሊዛይቴ “ዜሬላ ለሚሶዛሰ ቢርሼላ አማ” ገዲ ኦይቹን። 10 ኢዚካ አሰታሰ “ያሳ ካዎቴላ ፀራ ኤርይ አንቴሰ አሚቴዳሰ፤ ሃራታሰ ገዲኮ ለሚሶራ የታይሰ ቃሴካ ሃራቴ ቤዩዳ ዎዝናን ዎሶንታ ማላኔ ሲይዳ ዩሺ ቆፖንታ ማላ ሃረዳሰ።

ዬሱሲ ዜሬላ ለሚሶ ቢርሺዳሰ

(ማቶ 13:18-23፤ ማር 4:13-20)

11 “ዜሬላ ለሚሶይካ ሃይሳ፤ ዜሬላ ጌቴቴዳይሲ ያሳ ቃላ። 12 ኦጌ ለንቁን ዎጂዳይሲ ቃላ ሲዩዛይታ፤ ገደ አቴን አሰቴ አማኒዳ አቶንታ ማላ ያላዔይ ዩዳ ቃላ ኢሰታ ዎዝናፔ ኤኪቹዛይታ። 13 ሹቻ ቦላ ዎጂዳይቴካ ቃላ ሲይዳ ኡፋይሳራ ኤኪዛይታ፤ አሰቴካ ሃዒሰ አማኔቴሰ አቴን ሜቶይ ኢሰታ ቦላ ጋኪዛ ዎዳ ያጶ ዩዳንታ ጊሽ ኤሌራ አማኖ ካዲዛይታ። 14 አጉንላ ገደን ዎጂዳይቴ ቃላ ሲዩዛይታ፤ ሂይቴካ ሃይሳ ሃ አላሚ ቆፋኒኔ አቆታን፤ ሃይሳ ቢታ ቦላ ዲሳ ሎዔቴላን

* 7:29 ማቶ 21:32፤ ሉቃ 3:12 * 7:41 ዲናሬይ ሄ ዎዳ ኢሲ አላንቻሰ ኢሲ ጋላሳ ዳሞዛ።

ጩሌተዱ ሎዔል አይፊ አሜቴና። 15 አራዳ ቢታን ዋዲዳይሲ ቃላ ሱሬኒኔ ሎዎ ዋዝናን ሲይዱ ናጊዛይታኑ ዳንዳያን ሚኒዱ አይፊ አይፊዛይታ።

ቆንጩን ኡቲዳ ዎምፕ
(ማር 4:21-25)

16 “ፖፖ ፖሲሲዱ ባላ ጊደን ዎይኮ አርሳ ጊደን ዎሌዛ አሲ ባዋ፤ ጊደ አቲን ኬሌ ጌሊዛ አሳሰ ፖሻና ማላ ቆንጩሶን ዎሌቲሰ። * 17 ቆቴቲዱ ቆንጩ ኬዘንታይ፤ ፖፖን ኬዚዱ ኤሬቶንታ ጌማን አታና ሚሺ ዳና። *

18 “ሦሳ ጊሽ አንቲ ሲዩዛይሳ ናጌቲ ሲዩቲ፤ ዲዛ አሳሰ ጉጃታና ባይንዳዳሰ ኡባፌ ኢዛሰ ዲዛ ማሳቲዛራካ ኤኬታይቻና” ጊ ዛሪዳሰ። *

ዩሱሳኔ አዛ አሻታ
(ማቶ 12:46-50፤ ማር 3:31-35)

19 ሃሳፌ ጉዬ ዩሱሳ ኣያኔ አዛ አሻቲ ዩሱሳኮ ዩዳ። ጊደ አቲን አሳ ዳርቴላፌ ዴንዲዳይሳን ኢዛኮ ሺቃናሰ ዳንዳዩቤቲና። 20 ሄ ዎዴ አሳይ ዩሱሳሰ “ኔ አዩያኔ ኔ አሻቲ ኔና ቤያናሰ ኮይዱ ካሬን ኤቁዳ” ጊዱ ዮቲዳ።

21 ዩሱሲካ ዛሪዱ “ታ አያኔ ታ አሻቲ ያሳ ቃላ ሲይዱ ናጊዛይታ” ጊዳሰ።

ዩሱሲ አባ ዳምባላዛ ሴሪዳሰ
(ማቶ 8:23-27፤ ማር 4:35-41)

22 ኢሲ ጋላሰ ዩሱሲ ባና ካሊዛይታራ ዎጎሎ ጊደ ጌሊዱ “አባፌ ሄ ፒንሳ ፒናሰ” ጊዳሰ። 23 ኢሰቲካ ፒኒሺን አባ ቦላ ዳምባላይ ዴንዲዱ ዎይሲዛ ዎዴ ዩሱሲ ዲሰኪዳሰ። ሃላይካ ዎጎሎዛ ጊደ ጌሊን አሳይ ዳር ሜቶቲቲዳሰ። 24 ዩሱሳ ካሊዛይቲ ኢዛኮ ሸቁዱ “ጎዶ! ጎዶ! ኑ ዉራና ሃናሰ” ጊዱ ዩሱሳ ዲሰኪዳሰ ዴንሳዱ።

ኢዚካ ቤጊዱ ጫርኮዛኔ አባ ዳምባላ ሴሪን ጫርኮይኔ አባ ዳምባላይ ጮዑ ጊዳሰ። 25 ኢዚካ ባና ካሊዛይታ “አንቲ አማኖይ አዎ ቢዴ?” ጊዳሰ። ኢሰቲካ ባ ጊደን ባቢሼኔ ማላሌቲሼ “ጫርኮኔ ሃሌ አዛዚዛይ፤ ኢሰቲካ ኢዛሰ አዛዜቲዛይ ኢዚ ኦኔ?” ጊዳ።

ዩሱሲ ዳይዳንላቲ ኦይኪዳ አዳዛ ፓሊዳሰ
(ማቶ 8:28-34፤ ማር 5:1-20)

26 ኢዛፔ ጉዬ ጋሊላፔ ሄ ፒንሳን ዲዛ ጌርጌሴኖኔ ጌቲቲዛ ዴሪ ዎጎሎራ ፒኒዳ። 27 ዩሱሲ ዎጎሎዛፔ ጋዴን ዎዲዳ ዎዴ ዳይዳንሳ ኢዛ ቦላ ዲዛ ኢሳዳይ ካታማፔ ኬዚዱ ኢዛ ዳሚዳሰ። ሄ አዳዚ ዳር ዎዴ ማይዎ ማይዎንታ ካሎ ዲዛዳኔ ኬላን አቆንታ ዱሬ ባሰ አቆሶ ኦሊዳ አሳ። 28 ዩሱሳ ቤዩዳ ዎዴ ዎሲሼ ዩሱሳ ሲንላን ኩንዲዳሰ፤ ቃላ ዶቁ ሂሰቲዱ “ቦንቸ ያሳ ና ዩሱሳ! ታሲኔ ኔሰ አይ ጋይቶቲላ ዲዜ? ኔ ታና ዎይሶንታ ማላ ታ ኔና ዎሳይሰ” ጊዳሰ። 29 ቱና አያናይ ሄሳ ጋናሰ ዳንዳዩዳይ አዳዛፔ ኬዛና ማላ ዩሱሲ አዛዚዳ ጊሻሳ። ቱና አያናዚካ ዎዴን ዎዴን ዳንዲዛ ጊሽ አዳዚ ሳንሳላታኒኔ ቢራታን ቶሆ ቃቸ ናጊንካ ቃሼቲዳ ሳንሳላታ ዲሌሬሊዱ ኢዛ ቦላ ዲዛ ዳይዳንሳይ ኢዛ ዲጌ ባዞ ዛሪ ኤፊሰ።

30 ዩሱሲ “ኔ ሱንሳ ኦኔ?” ጊዱ ኦይቸዳሰ፤ ኢዚካ ዳር ዳይዳንላቲ ኢዛን ጌሊዱ ዲዛ ጊሽ ታ ሱንሳ

“ሊንኔ” ጊዳሰ። 31 ዳይዳንላቲካ ባና ዉርሴላ ባይንዳ ጩማ ኦላን ዩጎንታ ማላ ሚንሳዱ ዎሲዳ።

32 ሄንካ ዙማ ቦላ ዳር ጉዳንሳ ሃሚቲሰ፤ ዳይዳንላቲ “ጉዳንላ ዉዴዛን ጌሊቲ” ጊዱ አዛዛና ማላ ዎሲን ዩሱሲ “ኤር ጌሊቲ!” ጊዳሰ።

33 ዳይዳንላቲ አዳዛፔ ኬዚዱ ጉዳንላታን ጌሊዳ። ጉዳንላቲ አፎዛ ዱጉንላራ ቢቻርሼ ቢዱ አባን ጌሊዱ አባን ሚቲቲዳ።

34 ሃሚዛይቲ ሃኒዳይሳ ቤዩዳ ዎዴ ቤርቲ ቢዱ ካታማ አሳሲኔ ዴሪ አሳሰ ዮቲዳ። 35 ሃንዳይሳ ቤያና ጊዱ አሳይ ባ ዲዛሶፔ ዩሱሳኮ ዩዳሰ። ዳይዳንሳይ ኢዛፔ ኬዚዳ አዳዚካ ዎዝናይ ካሃይ ሰሚን አፋላ ማሲዱ ዩሱሳ ቶሆ ጊደን ኡቲዳይሳ ቤዩዱ ባቢዳ።

36 ዳይዳንላን ኦይኬቲዳ አዳዚ ፓዲሺን ቤዩዳይቲ ኢዚ ዎኒ ፓዲዳኮኔ ዴሪዛሰ ዮቲዳ። 37 ጌርጌሴኖኔ ማታን ዲዛ አሳይ ኬሂ ባቢዳ ጊሽ ዩሱሳ “ሃይሳፌ ኪቻ!” ጊዱ ዎሲዳ፤ ኢዚካ ዎጎሎዛን ጌሊዱ ሰሚ ቢዳሰ።

38 ዳይዳንላይ ኢዛፔ ኬዚዳ አዳዚ ዩሱሳሪ ኢሲፌ ዳና ማላ ዎሲዳሰ። 39 ጊደ አቲን ዩሱሲ ኢዛ “ኔሶ ሰማዳ ያሲ ኔሰ ኦሊዳ ጊታ ሚሽ ዮታ” ጊዱ ሞይዚዳሰ። አዳዚካ ዩሱሲ ኢዛሰ ኦሊዳ ጊታ ሚሽ ባ ካታማን ዲዛ አሳሰ ኡባሰ ቆንጩን ዮቲሼ ቢዳሰ።

ያዲሮሳ ናኔ ዩሱሳ ማይዎ ቦቹዳ ማጫሳዮ
(ማቶ 9:18-26፤ ማር 5:21-43)

40 አሳይ ዉሪ ዩሱሳ ዩሳ ናጊሼ ጋምሲዳ ጊሽ ኢዚ ሰሚሽን ኡፋይሳን ሞኪ ኤኪዳ። 41 ሄ ዎዴ ኢያዲሮሳ ጌቲቲዛ አይሁዳ ዎሳ ኬሌ ሃላቃይ ዩዱ ዩሱሳ ቶሆ ቦላ ኩንዲዱ ባሶ ባና ማላ ዎሲዳሰ። 42 ኢዚ ሃሳላ ኦይቸዳይ ኢዛሰ ታማኔ ናምዑ ላይሳ ኩሚዳ ኢሲ ማጫ ናይ ሳኬታዳ ሼምፖ ቦላ ዲዛ ጊሻሳ።

ኢዚ ሄ ቡሳን ዲሺን ዴሪይ ዳሪዳ ባ ጊደን ሱጌቲዳ ኢዛ ኬሂ ኡንዲሲዳሰ። 43 ታማኔ ናምዑ ላይሳ ሱላ ኢዚፔ ጉኪሺን ዲዛ ኢሲ ማጫሳያ ባሰ ዲዛ ሚሻ ዉርሳ ዳሌ ኤሪዛ አሳታሰ አማ ዉርሲን ኢዚ ፓላናሰ ዳንዳዩዳ አሲ ኢሳዳይካ ባዎ። 44 ኢዛካ ጉዬራ ሺቃዳ ዩሱሳ አፋላ ማጫራታ ቦቻዳሰ፤ ኢዚፔ ጉኪዛ ሱላይ ሃራካ ኤቁ አጊዳሰ

45 ዩሱሲካ “ታና ቦቹዳይ ኦኔ?” ጊዳሰ። ዉሪካ ኦኒ ቦቹቤኮ ጊ ካዲዳ ዎዴ ጳፅርሲ ዛሪዱ “ጎዶ! አሲ ዉሪ ዩዩ አዲዱ ኔና ሱጌሬሊዱ ኡንዲሴሰ” ጊዳሰ።

46 ጊደ አቲን ዩሱሲ “አሲ ታና ቦቹዳሰ፤ ዎላቃይ ታፔ ኬዚዳይሳ ታ ኤራይሰ” ጊዳሰ።

47 ማጫሳያ ኤሬቶንታ ቆቴታዳ ባናሰ ዳንዳዮንታይሳ ኤራዳ ኮኮራሼ ያዳ ዩሱሳ ሲንላን ኩንዳዳሰ። ኢዛካ ዩሱሳ ዎና ቦቹዳኮኔ ቃሴካ ኤሌራ ዎና ፓዲዳኮ ኡባ አሳ ሲንላን ዮታዳሰ። 48 ኢዚካ “ታ ናዩ! ኔ አማኖይ ኔና ፓሊዳሰ፤ ሳርን ባ!” ጊዳሰ።

49 ዩሱሲ ቡር ማጫሳይሰ ሃሳያ ቦላ ዲሺን አይሁዳ ዎሳ ኬሌ ሃላቃ ኢያዲሮሳ ኬላፌ ኢሲ አሲ ኢያዲሮሳሰ “ኔ ናያ ሃይቃዳሰ፤ ሃሳ ጊሽ ሃይሳፌ ጉዬ አሰታማሬዛ ሚላ ዳቡርሶፋ!” ጊዳሰ።

50 ዩሱሲ ሃሳ ሲይዱ ኢያዲሮሳ “አይኮይ ባ፤ ባቦፋ! አማና አቲን ኔ ናያ ፓፃና” ጊዳሰ።

51 ዩሱሲ ኢያዲሮሳ ኬሌ ጌሊዛ ዎዴ ጳፅርሳ፤ ዮሃንሳኔ ያቆቤ ቃሴካ ናይ አዎፔኔ አዩዩፔ አቲን ሃራይ ኦኒካ ኢዛራ ጌላና ማላ ኮይቤና። 52 ሄ ዎዴ አሳይ ዉሪ

* 8:16 ማቶ 5:15፤ ሉቃ 11:33 * 8:17 ማቶ 10:26፤ ሉቃ 12:2 * 8:18 ማቶ 25:29፤ ሉቃ 19:26

ናይሰ “ወ ወይ!” ገ ዋሲ ዩኪሺን ዩሱሲ “ዩኮፍቴ ኢዛ ኢቻዲስ ኣትን ሃይቃቤኩ” ገደሰ።

53 ኣሳይካ ናያ ሃይቁዳይሳ ኤሪዛ ገሽ ዩሱሳ ቦላ ሚጪደሰ። 54 ገደ ኣትን ኢዚ ናይ ኩሼ ኦይኪዲ “ታ ናዩ! ዳንዳ!” ገደሰ። 55 ናይሰ ሽምፖይካ ሲሚደሰ። ሄሪካ ዳንዳ ኤቃዲስ፤ ዩሱሲካ ኢዚሰ ሚዛ ሚሽ ኢማና ማላ ኣዛዚደሰ። 56 ናዮ ዩሊዳይቲካ ማላሌቲዳ። ገደ ኣትን ኢዚ ሃኒዳይሳ ኦናሰካ ዮቶንታ ማላ ኣዛዚደሰ።

9

ዩሱሲ ሃዋሬታ ሚሺራቾ ቃላ ዮታና ማላ ከቲደሰ (ማቶ 10:5-15፤ ማር 6:7-13)

1 ዩሱሲካ ታማኔ ናምዑ ሃዋሬታ ኢሲፌ ዪይገዲ ዳይዳንሳታ ከሳና ማላኔ ሃርጌፌ ፓላና ማላ ኢሰታሰ ዋልቃኔ ጎዳቴላ ኢሚደሰ። 2 ቃሴካ ያሳ ካዋቴላ ዮታናሲኔ ሃርጊዛይታ ፓላናሰ ኢሰታ ከቲደሰ። 3 ኢሰታሰ “ኦኔ ቢሼ ጉፌ ዋይኮ፣ ቃሪዊቴ ዋይኮ፣ ቁማ ዋይኮ፣ ሚሽ ዋይኮ ናምዑ ማይዖ ኦይኪ ባናሰ ኮሼና። * 4 ኢንቴካ ሄ ካታማይፔ ኬዛና ጋካናሰ ኮይር ጌሊዳ ኦና ኬላንካ ገዲን ሄን ጋምዲቴ። 5 ካታማ ኣሳይ ኢንቴና ሞኪ ኤኮንታ ኢዲኮ ሄ ካታማይፔ ኬዚዲ ኢንቴና ሞኮንታይታሰ ማርካ ገደና ማላ ኢንቴ ቶሆን ዲዛ ጉዳላ ፒቲዲ ኬዚቴ” ገደሰ።

6 ኢሰቲካ ጎዳይ ገደ ማላ ኬዚዲ ሚሺራቾ ቃላ ዮቲሼኔ ሃርጋንቻታ ፓሊሼ ጉታን ጉታን ዩዩዳ።

ሄርደሲ ዩሱሳ ዋሬ ሲይደሰ (ማቶ 14:1-12፤ ማር 6:14-29)

7-8 ሄ ዋዴ ኢሲ ኢሲ ኣሳቲ “ዮሃኒሲ ሃይቆፔ ዳንዲደሰ” ባጋይቲ “ኤላሲ ኬዚዲ ቤቴደሰ።” ቃሴ ባጋይቲ “ቤኒ ናቤታፔ ኢሶይ ሃይቆፔ ዳንዲደሰ” ገዲ ሃሳዩቲዛ ገሽ ዩሁዳ ቢታ ሃሪዛ ሄርደሲ ሄሳ ሲይዲ ሃኒዛ ሚሻን ባ ዋዘናን ሜቶቴደሰ። 9 ሄርደሲካ “ታኒ ኢዛ ቆዴ ቃንዲዳ ዓማቁዛ ዮሃኒሲ ሃይቁደሰ። ሂሰቲን ኢዛ ገሽ ሃይሳ ማላ ሃሳዩቲሺን ታ ሲዩዛይሰ ኢዚ ኦኔ?” ገዲ ኢዛ ባ ኣይፌራ ቤያና ኮይደሰ።

ዩሱሲ ኢቻሹ ሺ ኣሳ ሚዚደሰ (ማቶ 14:13-21፤ ማር 6:30-44፤ ዮሃ 6:1-14)

10 ሃዋሬቲካ ሲሚዲ ኢሰቲ ኦሊዳይሳ ወርሲ ዩሱሳሰ ዮቲዳ። ኢዚካ ኢሰታ ያላ ባናራ ኤኪዲ ቤቴሳይዳ ጌቲቲዛ ፖቁላን ዲዛ ካታማ ቢደሰ። 11 ገደ ኣትን ዳር ኣሳይ ሄሳ ኤሪዲ ኢሰታ ካሊደሰ። ኢዚካ ኢሰታ ሞኪ ኤኪዲ ያሳ ካዋቴላ ገሽ ዮቲደሰ። ቃሴካ ሃርጌፌ ፓላናሰ ቤሲዛይታ ፓሊደሰ።

12 ጋዴይ ለምዲሺን ታማኔ ናምዑ ሃዋሬቲ ኢዛኮ ሸቁዲ “ኦኒ ዲዛይ ባዘ ቢታን ገዲዳ ገሽ ኣሳይ ቢዲ ባሰ ኣቃናሶኔ ሚዛ ሚሽ ኮያና ማላ ኣሳ ሞይዛ” ገዲ።

13 ገደ ኣትን ኢዚ ኢሰታሰ ዛሪዲ “ኢንቴ ኢሰታሰ ሚዛዝ ኢሚቴ” ገደሰ። ኢሰቲካ “ኦሰ ኢቻሹ ኤኬላፌኔ ናምዑ ሞሌፔ ሃራይ ባ። ሃ ኣሳሰ ገዲዛ ካላ ኮሺኮ ሻማናሰ ቤሴሰ” ገዲ። 14 ዩሱሲካ ባና ካሊዛይታ “ኣሳ ኢቻሹ ታሙ፣ ኢቻሹ ታሙ ሂሰቲ ሻኪ ሻኪ ኤቲሲቴ” ገደሰ። ሄንካ ኢቻሹ ሺ

ገዲዛ ኣቲማሳይ ደሰ። 15 ዩሱሳ ካሊዛይቲካ ዩሱሲ ኣዛዚዳ ማላ ኣሳ ወርሲ ኤቲሲዳ። 16 ዩሱሲካ ኢቻሹ ኤኬላኔ ናምዑ ሞሌታ ኦይኪዲ ፑዴ ሳሎ ዪሊዲ ያሳ ጋላቲደሰ። ኢዚካ ኤኬላ ማንላዲ ኣሳ ጋላና ማላ ባና ካሊዛይታሰ ኢሚደሰ። 17 ኣሳይ ወሪካ ሚዲ ካሊደሰ። ዩሱሳ ካሊዛይቲካ ኣሳፔ ኣቲዳ ታማኔ ናምዑ ለማቴ ኩሜላ ማዳፌ ዳንላዲ።

ጳፅርሳ ኣማኖኔ ኢዛ ማርካቴላ (ማቶ 16:13-19፤ ማር 8:27-29)

18 ኢሲ ጋላሰ ዩሱሲ ባርካ ዋሲሺን ኢዛ ካሊዛይቲ ኢዛኮ ዩዳ። ኢዚካ ኢሰታ “ኣሳይ ታና ኦና ገዜ?” ገዲ ኦይቸደሰ።

19 ኢሰቲካ ኢዛሰ “ኢሲ ኢሲ ኣሳይ ዓማቁዛ ዮሃኒሳ፤ ባጋይቲ ኤላሳ፤ ሃራቲ ቃሴ ቤኒ ናቤታፔ ኢሶይ ሃይቆፔ ዳንዲደሰ ጌቲሰ” ገዲ።

20 ኢዚካ ኢሰታ “ኢንቴቾ ታና ኦና ጌቲ?” ገዲ ኦይቸደሰ። ጳፅርሲካ “ኦኒ ያሳፌ ከቲቴዳ ከርሰቶሳ” ገዲ ዛሪደሰ። *

ዩሱሳ ካሎይ ቃንዲሲዛ ዋጋ

(ማቶ 10:38-39፤ 16:24-28፤ ማር 8:34-38፤ ሉቃ 14:25-27)

21 ዩሱሲካ ኢሰታ “ሃይሳ ኦናሰካ ዮቶፒቴ” ገዲ ሚንላ ዮቲዲ 22 ቃሴካ “ኣሳ ናይ ዳር ዋዬ ኤካናሰ ቤሴሰ፤ ዳሬ ጨማታን፣ ቁሴ ሃላቃታኒኔ ሙሴ ዋጋ ያፊዛይታን ኢዳታኒ ኢሰታ ኩሼን ሃይቃናሲኔ ሄዳንላ ጋላሳን ሃይቆፔ ዳንዳና” ገደሰ።

23-24 ቃሴካ ኡባሰ “ባ ሽምፖ ኣሻና ገዛ ኣሲ ወሪ ቆይሳና ሺን ባ ሽምፖ ታ ገሽ ገዲ ቆይሲዛ ኣሲ ኣሻና። ሄሳ ገሽ ታና ካላና ኮዩዛ ኣሲ ዲኮ ባና ካዳ፤ ኡባ ጋላሰ ባ ማሰቃሌ ቶኪዲ ታና ካሎ። * 25 ኣሲ ኣላሚ ጎዓ ሙሌ ዳሚዲ ባ ሽምፖ ቆይሲኮ ኣዛ ጎዳይ ዲዜ? 26 ኦኒካ ታናኒኔ ታ ቃላን ዩላቲኮ ኣሳ ናይ ባ ቦንቾራ፣ ኣዋ ቦንቾራኔ ጌሻ ኪታንቻታ ቦንቾራ ዩዛ ዋዴ ታኒ ኢዛን ዩላታና። 27 ታ ኢንቴሰ ቱሙ ጋይሰ፤ ሃይሳን ኤቁዳ ኣሳፔ ሃይቃናፔ ሲንላን ያሳ ካዋቴላ ቤያና ኢሲ ኢሲ ኣሳቲ ዳቴሰ” ገደሰ።

ዩሱሳ ሜዶይ ላሚቲደሰ

(ማቶ 17:1-8፤ ማር 9:2-8)

28 ዩሱሲ ሄሳ ገደ ኦሱፑን ጋላሳ ማላፔ ጉዬ ዋሳናሰ ዙማ ቦላ ኬዚደሰ። ቢሼ ባናራ ጳፅርሳ፣ ዮሃኒሳኔ ያቆቤ ኤኪ ቢደሰ። 29 ኢዚ ዋሲሺን ኢዛ ኣይፌሶይ ላሚቲደሰ። ኢዛ ሜዶይካ ዋልቃንላ ማላ ያለቁዲ ቦቲደሰ። 30 ናምዑ ኣሳቲ ሙሴይኔ ኤላሲ ኢዛራ ሃሳዩቲዳ 31 ኢሰቲካ ቦንቾራ ቆንጨዲ ዩሩሳላሚን ፖሊታና ዲዛ ዩሱሳ ሃይቆ ገሽ ሃሳዲቲዳ። 32 ጳፅርሳኔ ኢዛራ ዲዛይታ ዳዖ ጲሰኮይ ኦይኪደሰ። ኢሰቲካ ጲሰኮፌ ቤገዲ ዩሱሳ ቦንቾኔ ናምዑ ኣሲ ኢዛራ ኤቁዳይታ ቤዩዳ። 33 ሄ ናምዑ ኣሳቲ ዩሱሳፔ ሻኬቲ ቢሺን ጳፅርሲ ዩሱሳ “ጎዳ! ኢሲ ዳሴ ነሰ፣ ኢሲ ዳሴ ሙሴሰ፣ ኢሲ ዳሴ ኤላሳሰ ኦሊዲ ሃን ዲዛኮ ኦሰ ሎዖኮ! ሺን” ገደሰ። ገደ ኣትን ጳፅርሲ ባ ገዛይሳ ኤርንታ ገደሰ።

* 9:3 ሉቃ 10:4-11 * 9:20 ዮሃ 6:68-69 * 9:23-24 ማቶ 10:38-39፤ ሉቃ 14:27፤ 17:33፤ ዮሃ 12:25 * 9:35 ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22

34 እዚ ሄሳ ሃሳዩሽን ሻራይ ዩዲ ኢስታ ገንጠዳስ። ሻራ ገደ ገሊዲ ባቢዳ። 35 ሻራ ገደፊካ “ታኒ ደሪዳ ታ ናይ ሃይሳ፤ እዛ ሰዩቲ” ገዛ ቃላይ ሴቲቲዳስ። *
 36 ቃላይ ሴቲቲዳ ዋዳ ዩሱሲ ፃላ ቤቲዳስ። ዩሱሳ ካሊዛይቲካ ሃኒዳ ሚሻ ወርሲ ባ ዋዝናን ኦይኪዳ ኦቲን ኦናሰካ ዮቲቤቲና።

ዩሱሲ ኢታ ኣያናይ ኦይኪዳ ናዛ ፓሊዳስ
 (ማቶ 17:14-18፤ ማር 9:14-27)

37 ዋንቴላ ጋላስ ኢስቲ ዙማ ቦላፊ ዋዲን ዳር ኣሳይ ዩዲ ዩሱሳራ ጋገዳስ። 38 ሄ ዋዳ ኣሳ ገደፊ ኢሳዳይ ቃላ ዶቁ ሂስቲዲ “ታማሪሲዛይሶ! ታስ ኢሲ ናይ ፃላ ዲዛ ገሽ እዛ ኔ ፃላና ማላ ታ ኔና ዋሳይሰ።
 39 እዛ ኢታ ኣያናይ ኦይኪሽን ሃሳዳይ ባይንዳ ዋሴሰ፤ ቃኬቲሽ ዱናራ ጎፖንቶ ኬሴሰ፤ ቆሆ ጋሊዳፔ ጉዬ ዳር ዋይሲዲ ኣኼሰ። 40 ኔና ካሊዛይቲ ናዛፔ ኬሳና ማላ ኢስታ ታ ዋሳዲሰ፤ ገደ ኦቲን ኬሳና ዳንዳዩቤቲና” ገዳስ።

41 ዩሱሲካ ኢስታስ ዛሪዲ “ኣማናንታ ሃ ዋዳ ዋቤ ኣሳቶ! ታኒ ኢንቴናራ ኣይዳ ጋካናሰ ዳኔ? ኢንቴናካ ኣይዳ ጋካናሰ ዳንዳያኔ? ናዛ ኣኔ ሃ ኤሃ!” ገዳስ።

42 ናዚ ዩሽን ኢታ ኣያናይ እዛ ቦላፊ ዩገን ቃኬቲዳስ። ዩሱሲካ ኢታ ኣያናዛ ሴሪዲ ናዛ ፓሊዳ ናዛ ኣዋስ ኢሚዳስ። 43 ኣሳይካ ወሪ ፆሳ ገታቲላን ማላሌቲዳስ።

ዩሱሲ ባ ሃይቆ ገሽ ናምዓንላ ዮቲዳስ
 (ማቶ 17:22-23፤ ማር 9:30-32)

እዚ ኦሊዳይሳን ኣሳይ ወሪ ማላሌቲሽን ዩሱሲ ባና ካሊዛይታ 44 “ኣሳ ናይ ኣሳ ኩሽን ኣዲዲ ኢሚታና፤ ኢንቴካ ሃ ዮዎዛ ባሎፕቲ” ገዳስ።

45 ገደ ኦቲን እዚ ገዛይሲ ኢስታስ ገሊቤና። ኣይሰ ገቡ ኢስቲ ኣኩኮንታ ማላ ዮዎዛ ኢስታፊ ገሚቲዳስ፤ ዛሪዲካ ኦይቸንታ ማላ ባቢዳ።

ኡባፊ ኣዲዳይ ኦኔ?

(ማቶ 18:1-5፤ ማር 9:33-37)

46 እዛ ካሊዛይቲ “ኦኒ ኦናፔ ኣዲዳይ?” ገዲ ባ ገደን ፓላሚቲዳ። * 47 ዩሱሲካ ኢስታ ዋዝና ቆፋ ኤሪዲ ጉላ ና ኤኪ ዩዲ ባ ማታን ኤሲዲ 48 “ሃ ጉላ ና ታ ሱንላን ኤኪዛይይ ኦኒካ ዲኮ ታና ኤኬሰ፤ ታና ኤኪዛይይካ ታና ከቲዳይሳ ኤኬሰ። ኢንቴ ኡባፊ ጉላ ኣሲ እዚ ኡባፊ ኣዲሰ” ገዳስ። *

ኢንቴ ገዛይሳ ኢዮንታይ ኢንቴ ባጋ
 (ማር 9:38-40)

49 ዮሃኒሲካ “ጎደ! ኢሲ ኣሲ ኔ ሱንላን ዳይዳንሳ ኬሲሽን ቤይዳስ። ገደ ኦቲን እዚ ኦናራ ካሎንታ ገሽ ዲጋናሰ ኮይደሰ” ገዳስ።

50 ዩሱሲካ “ኢንቴና ኢዮንታ ኣሲ ወሪ ኢንቴ ባጋ ገዲዳ ገሽ ዲጎፍቲ” ገዳስ።

ሳማሪያ ኣሳይ ዩሱሳ ሞካናሰ ኮይቤቲና

51 ዩሱሲ ሳሎ ቢዛ ዋዳይ ማቲዳ ገሽ ዩሩሳላሚ ባናሰ ዳንዲዳስ። 52 እዚካ ሲንሳሊዲ ኣሴ ከቲዳስ።

ኢስቲካ ኮሺዛ ሚሽ ገሊሳናፔ ካሴቲዲ ሳማሪያ ቢታን ዲዛ ኢሲ ጉታ ቢዳ። 53 ገደ ኦቲን ዳሪይ እዚ ዩሩሳላሚ ቢዛይሳ ኤሪዳ ገሽ ሞኪ ኤኪቤቲና። 54 እዛ ካሊዛይታፔ ያቆቤይኔ ዮሃኒሲ ሃኒዛይሳ ቤዩዲ “ጎደ! ኤላሲ ኦሊይሳላ ታማይ ሳሎፔ ዋዲዲ ኢስታ ዲፕ ሂሰቶ!” ገዲ ኣዛዛና ማላ ኮያይ?” ገዲ። **

55 ገደ ኦቲን ዩሱሲ ኢስታኮ ዩዩዲ “ኢንቴሰ ኣይ ማላ ኣያናይ ዲዛኮኔ ኤሪኬቲ? ኣሳ ናይ ዩዳይ ኣሳ ሽምፖ ኣሻናሰ ኦቲን ዳይሳናሰ ገዳና” ገዲ ኢስታ ሴሪዳስ። 56 ኢስቲ ወሪካ ሃራ ጉታ ቢዳ።

ዩሱሳ ካሊዛይታ ጋኪዛ ፓጩ
 (ማቶ 8:19-22)

57 ኢስቲካ ቢርሽን ኢሲ ኣሲ ኢስታኮ ሸቂዲ “ታኒ ኔኒ ቢዛ ኡባሶ ኔና ታ ካላና” ገዳስ።

58 ዩሱሲ “ዋርኬናታስ ኣቁዛ ኦላይ፣ ካርታስ ቃሴ ኣቁዛ ካር ኬሊ ዳሰ፤ ገደ ኦቲን ኣሳ ናሰ ባ ሁዔ ኣይሲዛሶይካ ባዋ” ገዳስ።

59 ዩሱሲካ ሃንኮይሳ “ታና ካላ” ገዳስ። ሄ ኣዳዚካ “ጎደ! ታ ካሴታ ሳዳ ታ ኣዋ ሞጎ?” ገዳስ።

60 ዩሱሲካ “ኣጋጋ፣ ሃይቂዳይቲ ሃይቂዳይታ ሞጌቶ። ኔኒ ገዲኮ ባዳ ፆሳ ካዋቴላ ኣሳሰ ዮታ” ገዳስ።

61 ቃሴካ ሃራ ኣሲ “ጎደ! ታ ኔና ካላና ሽን ኮይር ሶ ባዳ ታ ኬላ ኣሳ ሳር ጋዳ ዮዮ?” ገዳስ። *

62 ገደ ኦቲን ዩሱሲ “ቦራ ካሶ ኦይኪዲ ጎዩሼ ጉዬ ዛሪ ያሊዛይይ ኦኒካ ፆሳ ካዋቴላሰ ቤሴና” ገዳስ።

10

ሚሺራቸ ቃላ ታማርሳና ማላ ዩሱሲ ባና ካሊዛ ላፑን ታማኔ ናምዓታ ከቲዳስ

1 ሃሳፊ ጉዬ ጎዳይ ሃራ ላፑን ታማኔ ናምዑ ኣሰ ደሪዲ ሱንጠዳስ። ኢስታካ ናምዑ ናምዑ ሂስቲዲ እዚ ባና ሶሆታኔ ካታማታ ወርሲካ ኢስቲ ካሴቲዲ ባና ማላ ከቲዳስ። * 2 “ማፃ ጋኪዳ ካላይ ዳር፤ ካላ ማፂ ሺሺዛይቲ ጉላታ ሃሳ ገሽ ካላ ጎዳይ ካላ ማፂዲ ሺሺዛይታ ካላይ ዲዛሶ ዩዳና ማላ ዋሲቲ። * 3 ሃሳ ገሽ ቢቲ ደርሳቲ ካና ሱይቲ ገደራ ቢዛ ማላ ታ ኢንቴና ዩዳይሰ። * 4 ኮርጆ ዋይኮ ቃራፂቲ ዋይኮ ጫማ ኤኮፍቲ፤ ኦኔ ቦላ ኦናካ ሳር ጎፕቲ። *

5 “ኢንቴ ኦና ኬሊካ ገሊዛ ገዲኮ ኮይርቲዲ ‘ኬላ ኣሶ ሳር!’ ገቲ። 6 ሄ ኬላን ሳር ደሲዛ ኣሲ ዲኮ ኢንቴ ሳርታይ ሄ ኬላን ሽምፓና፤ ሳር ደሲዛ ኣሲ ደንታ ኣገኮ ኢንቴ ሳርታይ ኢንቴሰ ሲማና። 7 ኢንቴሰ ማና ሺሺዳ ካላ ወርሲ ሚሽኔ ኡዩሼ ሄ ኢንቴ ገሊዳ ኬላን ኡቲቲ፤ ኦሊዳዳሰ ባ ዋልቃ ዋጋ ኤካናሰ ኢዛሰ ቤሴሰ። ሃ ኬላፊ ሄ ኬላ ዩዮፕቲ። *

8 “ኢንቴ ኣይ ካታማካ ጋኪዛ ዋዳ ኣሳይ ኢንቴና ሞኪ ኤኪኮ ኢስቲ ኢንቴሰ ኣሊዳ ቁማ ሚቲ። 9 ሄ ካታማን ዲዛ ሃርጋንቻታ ፓሊዲ ፆሳ ካዋቴላ ኢንቴኮ ማቲዳስ ገዲ ዮቲቲ። 10 ገደ ኦቲን ኢንቴ ቢዲ ኢሲ ካታማ ገሊሽን ሄ ካታማ ኣሳይ ኢንቴና ሞኪ ኤኮንታ ኢዲኮ ሄ ካታማ ኣሳይ ሸቂዛ ዲቡሻ ኬዚዲ፤ 11 ሓ ቶሆ ቦላ ዲዛ ኢንቴ ካታማ ጉዲላ ኢንቴሰ ማርካ

* 9:46 ሉቃ 22:24 * 9:48 ማቶ 10:40፤ ሉቃ 10:16፤ ዮሃ 13:20 * 9:54 ኢሲ ኢሲ ገሻ ማፃፋቲ “ኤሊያሲ ኦሊይሳ ማላ” ገዛ ቃላ ጉጃቲስ። * 9:54 2ካዋ 1:9-16 * 9:61 1ካዋ 19:20 * 10:1 ላፑን ታማኔ ናምዓታ ኢሲ ኢሲ ገሻ ማፃፋታ ቢርሽላሰ “ላፑን ታማ” ያ ገቲሰ። * 10:2 ማቶ 9:37-38 * 10:3 ማቶ 10:16 * 10:4 ማቶ 10:7-14፤ ማር 6:8-11፤ ሉቃ 9:3-5 * 10:7 1ቆር 9:14፤ 1ፂዎ 5:18

ገደና ማላ ኑ ቶሆ ቦላፌ ፒቶስ ሺን ያሳ ካዎቱላይ ኢንቴኮ ማቲዳይሳ ኤሪቴ፣ ገቱ። 12 ታ ኢንቴስ የታይስ ፒርዳ ጋላስ ሄ ካታማ ፒርዳፌ ሶዶማ ካታማ ፒርዳይ ካወሼ ገደና። *

አማኖታ ኢዲዳ ገሽ ዋላሴቲዳ ካታማታ (ማቶ 11:20-24)

13 “ኩራዚኔ ኔና አዩ-አና! ቤቴሳይዳ ኔና አዩ አና! ኢንቴናን ኦሴቲዳ ማላታቲ ዲሮሴኔኔ ሲደናን ኦሴቲዳኮ ኢስቲካ ማይዎ ማይዲዲኔ ቢዲንላ ጎርፔቲዲ ሄ ዎዴ ቤኒ ማሪታናሺን። * 14 ገደ አቲን ፒርዳ ዎዴ ኢንቴፌ ዲሮሴሲኔ ሲደናስ ካወያና። 15 ሃኔ ቁፊርናሆማ ፑዳ ሳሎ ቶቁ ቶቁ ጋዲ? ኔኒ ዱጌ ሲዎሌ ዎቶና። *

16 “ኢንቴ ገዘይሳ ሲዩዛ አሲ ታና ሲዩስ፤ ኢንቴና ኤኮንታ አሲ ታናካ ኤኮና፤ ታና ኤኮንታይካ ታና ከቲዳይሳ ኤኮና” ገደስ። *

ዩሱሲ ከቲዳ ላፑን ታማኔ ናምዓቲ ቢዳሶፔ ሲሚዳ

17 ላፑን ታማኔ ናምዓቲካ ኡፋዬቲሼ ሲሚዲ “ጎደ! ሃራይ አቶ ሺን ዳይዳንጎቲካ ኔ ሱንጎን ኑስ ሃራቲዳ” ገዲ ዮቲዳ።

18 ኢዚካ ኢስታስ “ፃላዔይ ዎልቃንጎ ማላ ሳሎፔ ኩንዲሺን ታ ቤያዲስ።

19 “ሂስቲኮ ሾሻኔ ማሲማሶ ኢንቴ ዬቶና ማላ ሞርኬ ዎልቃ ኡባ ቦላ ኢንቴስ ጎዳቲላ ኢማዲስ፤ ኢንቴና ቆሃዛ ኢሲ ሚሺካ ዳና። * 20 ኢንቴ ሱንጎይ ሳሎን ፃፊቲዳ ገሽ ኡፋዬቲቲ አቲን ቱና አያናቲ ኢንቴስ ሃራቲዳ ገሽ ኡፋዬቶፍቲ” ገደስ።

ዩሱሲ ባ ኡፋይሳ ቆንጨሲዳስ (ማቶ 11:25-27፤ 13:16-17)

21 ሄ ዎዴ ዩሱሲ ያሎ አያናን ኡፋዬቲዲ “ሳሎሲኔ ሳባስ ጎዳ ገዲዳ አሶ ሃይሳ ወርሳካ አቶ ኤራንቻታፔኔ ኤራቻታፔ ቆታዳ ቁሪ ጉላ ናይታስ ኔ ቆንጨሲዳ ገሽ ታኒ ኔና ጋላታይስ፤ ኤ፣ ታ አዎዉ! ሃይሲ ኔ ሎዎ ሸኔይ ሃኒዳስ።

22 “ወሪ ታ አዎ ማታፔ ታስ ኢማቲዳስ፤ ቃሴካ ኢዛ ናይ ኦናኮኔ አዎፔ አቲን ኤሪዛይ ባዎ። አዎይ ኦናኮኔ ናዛፔ አቲን ዎይኮ ናዚ ኢዛስ ቆንጨሳናስ ደሲዳዴፔ አቲን ኤሪዛይ ባዎ” ገደስ። *

23 ባና ካሊዛይታኮ ሲሚዲ ኢስታስ ዲማ “ኢንቴ ቤዩዛይሳ ቤዩዛ አይፊቲ ኢንጃቲዳይታ። 24 ታ ኢንቴስ ቱማ ጋይስ ዳሮ ናቤቲኔ ካዎቲ ኢንቴ ሃዲ ቤዩዛይሳ ቤያናስ ኮይዲ ቤይቤቲና፤ ኢንቴ ሃዲ ሲዩዛይሳካ ሲያናስ ኮይዲ ሲይቤቲና” ገደስ።

አሳስ ቃጂቲዛ ሳማሪያ አዳዛ

25 ኢሲ ጋላስ ሙሴ ዎጋ ታማርሲዛ ኢሲ አሲ ዩሱሳ ፓጫናስ ኮይዲ “ታማሪሲዛይሶ ታኒ ማርና ዳዎ ላታናስ አይ ኦላ?” ገዲ ኦይቹዳስ። *

26 ዩሱሲካ ዛሪዲ “ዎጋ ማፃፋን አይ ጌቲቲ ፃፊቲዳ? ኢዛፔ ኔስ ጌሊዳይ አዜ?” ገዲ ኦይቹዳስ።

27 አዳዚ ዛሪዲ “ኔ ጎዳ ያሳ ኔ ኩማላ ዎዝናፔ፣ ኔ ኩማላ ሸምፖፊ፣ ኔ ኩማላ ዎልቃፊኔ፣ ኔ ኩማላ ቆፋፔ

ሲቃ፤ ኔ ላጌካ ኔ ሁዔ ማላ ሲቃ ጌስ” ገዲ ዛሪዳስ። *

28 ዩሱሲካ “ሎዎ ዛራዳሳ። ኔኒካ ሄሳሎ ኦሊኮ ማርና ዳዎ ዳማና” ገደስ። *

29 አዳዚ ባና ዲሊሳናስ ኮይዲ “ሂስቲን ታ ላጌይ ኦኔ?” ገዲ ዩሱሳ ኦይቹዳስ

30 ዩሱሲካ ዛሪዲ “ኢሲ አዳዚ ዩሩሳላማፔ ኢያርኮ ዎጂሺን ፓንጋቲ ዳሚዲ ኢዛ ማይዎ ቃሪ ኤኪዳ፤ ኬሂ ቆፃሪሊዲ ሃይቆፔኔ ፓፃፔ ገደን ዩጌ አገዲ ቢዳ።

31 ኢሲ ቁሴይ ሄ ኦጌራ ባሲ ዳጌ ዎጂሼ ኢሙንሶንታ ሄ ቆፃቲዳ አዳዛ ዳሚዲ ፖቁራ ዩጌ አጂዳስ። 32 ቃሴካ ኢሲ ለዎ ባጋ አሳፔ ኢሲ አዳዚ ሄ ኦጌራ አጂሼ ቆፃቲዳ አዳዛ ቤዩዲ ሃዲካ ፖቁዲ አጂዳስ። 33 ኢሲ ሳማሪያ ቢታ አሲ ሄ ኦጌራ አጂ ቢሼ ቆፃቲዳ አዳዛ ቦላ ጋኪ ዎጂዳስ፤ አዳዛ ቤዩዲኔ ኬሂ ሚሼቲዳስ። 34 አዳዛኮ ሸቁዲኔ ማዲንጎ ጳላና ማላ ዎጋሪ ሚሳ ዛይቲኔ ዎይኔ ጨጃ ማዲንጎ ቦላ ጉሲዲ ቃቹዳስ፤ አዳዛ ባ ሃሪ ቶጊሲዲ ኢማሊ ሸምፒዛሶ ኤፊዲ ሎዔሊ ያሊዳስ።

35 ዎንቴላ ጋላስ ኢማሊ ሸምፒዛ ኬላ ጎዳስ ናምዑ ዲናሪ ኢሚዲኔ ኔና ሃራ ሚሻ ኬሲሲኮ ታ ሲማሼ ኔስ ኢማና፤ ኔፔ ኬሳዳ ሎዔላ ናጋ” ገደስ።

36 “ሂስቲኮ ሃ ሄዙ አሳታፔ ፓንጋታን ቆፃቲዲ ሃይቆፔኔ ፓፃፔ ገደን ዩጌቲዳዳስ ኬሂ ማታ ላጌይ ኔስ አዎይሳ ሚሳቲዜ?” ገደስ።

37 ሙሴ ዎጋ ታማርሲዛይሲካ “ሂሲ ኔ ሚቹቲዳይሳኔ ማዲዳይሳ!” ገደስ። ዩሱሲካ ኢዛስ “ኔካ ባዳ ኢዛይሳሎ ኦላ” ገደስ።

38 ዩሱሲኔ ኢዛ ካሊዛይቲ ኦጌ ቢሺን ዩሱሲ ኢሲ ጉታ ጌሊዳስ፤ ማርታ ጌቲቲዛ ኢሲ ማጨሲያ ባሶን ዩሱሳ ሞካ ኤካዳስ። 39 ኢዚስ ማራሞ ጌቲቲዛ ኢሲ ሚቹያ ዳዉስ። ማራማካ ኢዛፔ ቃላ ሲያሼ ጎዳ ቶሆ ጋርሳን ኡታዲስ። * 40 ገደ አቲን ማርታይ ኦሶ ዳሮፔ ዳንዲዳይሳን ዳቡራዳ ዩሱሳኮ ሸቃዳ “ጎደ! ታ ሚቹያ ኦሶ ወርሳ ታ ቦላ አጋዳ ኡቲሺን ኔኒ ጮዑ ጋይ? ኢዛ ታና ማዳና ማላ ኢዚስ የታ አቲን” ጋዲስ።

41 ገደ አቲን ጎዳይ “ሃኔ ማርታኔ! ኔኒ ዳሮ ሚሻ ገሽ ቆፋ ዳራሳ፤ ዲርባታሳ፤ ቲጋታሳ። 42 ኮሺዛይ ገዲኮ ኢሲ ሚሽ ፃላ፤ ማራማካ ሎዎ ኤፃ ዶራዲስ፤ ሂሲካ ኢዚፔ ኤኮቲና።”

11

ዩሱሲ ዎሳ ገሽ ታማርሲዳስ (ማቶ 6:9-13፤ 7:7-11)

1 ኢሲ ጋላስ ዩሱሲ ኢሲሶን ዎሲዳስ፤ ኢዚ ዎሳ ወርሲሺን ኢዛ ካሊዛይታፔ ኢሶይ “ጎደ! ፃማቁዛ የሃኒሲ ባና ካሊዛይታ ዎሳ ታማርሲዳይሳሎ ኔካ ኑና ዎሳ ታማርሳ!” ገደስ።

2 ኢዚካ ኢስታስ “ዎሲሼ ኑ አዎዉ! ኔ ሱንጎሊ ኢንጃቶ፤ ኔ ካዎቲሊ ሃዮ፤

3 ሃቸስ ገዲዛ ቁማ ኑስ ኢማ፤

* 10:12 ሜዲ 19:24-28፤ ማቶ 10:15፤ 11:24 * 10:13 ኢሳ 23:1-18፤ ሂዚ 26:1-28:26፤ ኢዩ 3:4-8፤ አሞ 1:9-10፤ ዛካ 9:2-4 * 10:15 ኢሳ 14:13-15 * 10:16 ማቶ 10:40፤ ማር 9:37፤ ሉቃ 9:48፤ ዮሃ 13:20 * 10:19 ማዛ 91:13 * 10:22 ዮሃ 3:35፤ 10:15 * 10:25 ማቶ 22:35-40፤ ማር 12:28-34 * 10:27 ዛሪ 6:5፤ ለዌ 19:18 * 10:28 ለዌ 18:5 * 10:39 ዮሃ 11:1

4 ኑና ቆሃዳይታ ኑ ማሪዛ ማላ ኑና ማሪ፤
 ፓጩንካ ኑና ገልላፋ፣ ገ ዋሲቱ” ገደሰ።
 5-6 ቃሴካ “አንቲፊ አሳደሰ ላጌይ ዲኮ ሌላ ገደላ ሄ ላጌዛሶ ቢዲ ታሰ አሲ አማላ ኦጌፕ ዪን ማዛና ካላ ባይንዳ ገሽ ሄቸ ሶሎይ ዲኮ ታሰ ታልዓሪኪ?” 7 ላጌዚካ ዛሪዲ ታና ዋይሶፓ፤ ካሪይካ ጎርዴቲዳሰ፤ ታንካ ናይታራ ኢቻዲሰ። ሃዒ ዳንዳዳ አማናሰ ዳንዳይኬ፣ ጋንዳ? 8 ታካ አንቲሰ የታይሰ ላጌቱላ ገሽ ዳንዳዲ አምንታ ኣገኮካ ኢዚ ኦይቸን ሳሌሊዳ ገሽ ዳንዳዲ ኮዩዛይሳ ወርሲ አሚዳሰ።

9 “ሃሳ ገሽ ታን አንቲሰ ገዛይ፤ ዋሲቱ አንቲሰ አሚታና፤ ኮዩቱ አንቲ ዳሚና፤ ካሪ ቆፃቲ አንቲሰ ደይታና። 10 አይሰ ገኮ ዋሲዛይ ወሪ ኤካና፤ ኮዩዛይካ ዳሚና ካሪ ቆፃዛደሰካ ደይታና።

11 “አንቲፊ አዋ ገዲ ኡቲዲ ኢዚ ዩሊዳ ናይ ሞሌ ኦይቸኮ ሾሽ አሚዛይ ዳንዳ? 12 ዋይኮ ጵጵሌ ኦይቸኮ ማሰማሶ አሚዛይ ዳንዳ? 13 አንቲ ኢታታ ገዲሼ አንቲ ናይታሰ ሎን አምታ አም ኤሪኮ፤ ሳሎን ዲዛ አንቲ አዋይ ባና ዋሲዛይታሰ ፃሎ አያናን ዋሰቲ ዳርሲ አሜን?” ገደሰ።

ዩሱሳኔ ቢዔሊዜቡላ
 (ማቶ 12:22-30፤ ማር 3:20-27)

14 ኢሲ ጋላሰ ዩሱሳኔ ሃሳይሶንታ ዱዳ ዳይዳንላ ኬሲዳሰ። ዳይዳንላዚካ ኬዚዳፕ ጉዬ ዱና ዱዳ አዳዚ ሃሳይዳሰ፤ ቤዩዳ አሳቲካ ዳርሲ ማላሊቲዳ። 15 ገደ ኣቲን ኢሲ ኢሲ አሳቲ “ቢዔሊዜቡላ ጌቲቲዛ ዳይዳንላታ ሃላቃን ዳይዳንላታ ኬሲሰ” ገዳ። *

16 ኢሲ ኢሲ አሳይ ኢዛ ፓጩናሰ “ሳሎፕ ማላታ ቤሳ” ገዲ ኦይቸዳ። * 17 ገደ ኣቲን ዩሱሳኔ ኢሰታ ቆፋ ኤሪዲ “ባ ገደን ሻኬቲዛ ካዋቲላ ወሪ ጳያና፤ ባ ገደን ሲጋይ ባይንዳ ኬሊካ ኩንዳና። 18 አንቲ ታና ብዔሊዜቡላን ዳይዳንላታ ኬሲሰ፣ ገዲ ሃሳይታ ሺን ፃላዔይካ ባ ገደን ኢሶይ አሳፊ ሻኬቲኮ ኢዛ ካዋቲላ ዋን ሚናኔ? 19 ሂሰቲኮ ታን ዳይዳንላታ ቢዔሊዜቡላ ኬሲኮ አንቲ ናይቲ ኦናን ኬሳንዳቶ? ሃሳ ገሽ አንቲ ናይቲ አንቲ ቦላ ፐርዲዛይታ ገዳና። 20 ገደ ኣቲን ታን ዳይዳንላታ ኬሲዛይ ያሳ ዋልቃን ጋኪዳሰ፤ ያሳ ካዋቲላይ አንቲኮ ማቲዳር ኤሪቲ።

21 “ሚኖ አሲ ሎዔላ ገዳቲዲ ባ ኬሌ ናገኮ ኬላን ዲዛ ሚሺ ሎዎን ናጌቲሰ። 22 ገደ ኣቲን ኢዛፕ ሃሪ ሚኖ አሲ ዩዲ ያኒኮ ኢዚ ኣማኔቲዳ ኦላ ሚሻታ ዋላ ኤኪዲ ኢዛሰ ዲዛ ሃርዛካ ወርሲ ሃሪሰ ገሻና።

23 “ታናራ ገደንታይ ታናራ ኤቁቲሰ፤ ታናራካ ሸሾንታይ ላሌሰ። *

ኢታ አያናይ ኣገ ቢዳሶ ሲሚ ዩሰ
 (ማቶ 12:43-45)

24 “ቱና አያናይ አሳፕ ኬዚዳ ዋዴ ሸምፖሶ ኮዩሽ ሃላ ባይንዳ ሚላ ሶን ዋይቲሰ፤ ሸምፖሶይ ጳይኮ ታን ካሴ ኬዚዳሶ ጉዬ ሲማና፣ ጌሰ። 25 ኢዛፕ ሲሚዲ ዩሺን ካሴ ኢዚ ኣገ ቢዳ ኬላይ ፐቲቲዲኔ ገገ ኡቲዳይሳ ዳሚሰ። 26 ሃሳፊ ሲሚ ቢዲ ባፕ ኢቲዛ ሃሪ ላፑን ዳይዳንላታ ባናራ ኤኪዲ ዩሰ፤ ኢሰቲካ ጌሊዲ ሄን ዳና፤ ሃሳደሰካ ኮይርይሳፊ ጉዬይሲ ኬሂ ኢታ ገዳና” ገዳ።

ቱሙ ኣንጅ

27 ዩሱሳኔ ሃሳ ሃሳዩዛ ዋዴ አሳ ገደፊ ኢሲ ማጫሰ ዲዛራ ባ ቃላ ጵቁ ኦላዳ “ኔና ቶኪዳ ቃንሳኔ ኔ ጳሚዳ ጳንላቲ ኣንጅቲዳይታ” ጋዲሰ።

28 ገደ ኣቲን ኢዚ “ኣንጅቲዳይቲ ያሳ ቃላ ሲይዲ ኣዛዜቲዛይታ” ገደሰ።

ዮናሲ ማላታ ገደላ
 (ማቶ 12:38-42፤ ማር 8:12)

29 ዳር ዳሪይ ዩሱሳኔ ሸቁዳ ዋዴ ዩሱሳኔ “ሃይሲ ዩሌታይ ኢታ ዩሌታ፤ ገታ ማላታ ቤያናሰ ኮዩሰ። ገደ ኣቲን ዮናሳ ማላታፕ ሃሪ ዲማ ማላታይ አሚቲና። 30 ጋሶይካ ዮናሲ ናናዌ አሳሰ ማላታ ገዲዳ ማላ አሳ ናይ ታን ሃ ዩሌታሰ ማላታ ገዳና። * 31 ዲጌሃ ዳሪ ማጫ ካዎያ ሶሎሞኔ ኤሪቲላ ቤያናሰ ቢታ ጋፃፕ ዳንዳዳ ዩዳ ገሽ ፐርዳ ዋዴ ኢዛ ሃ ዩሌታራ ዳንዳዳ ፐርዳና፤ ሄኮ ሶሎሞኔፕ ኣጲዛይይ ሃን ዳሰ። * 32 ዮናሲ ሳባኪሺን ሲይዲ ናናዌ አሳይ ባ ናጋራፕ ማሪቲዳ ገሽ ሃ ዩሌታራ ኢሲፊ ዳንዳዲ ፐርዳና። ገደ ኣቲን ዮናሳፕ ኣጲዛይ ሃን ዳሰ።

33 “ዎምፕ ኦይሊዲ ካሪፕ ጌሊዛ አሳሰ ፖሳና ማላ ቆንጩሶን ዋሌቲሰ ኣቲን ጌማሶን ዋሊዛ አሲ ዳና። 34 ኔ አሳቲላሰ ፖይ ኔ ኣይፊ፤ ኔ ኣይፊይ ፓፃ ገዲኮ ኔ ኩሜላ አሳቲላይ ፖፃ ገዳና። ኔ ኣይፊይ ሳኬቲኮ ኔ ኩሜላ አሳቲላይ ጳማ ገዳና። 35 ሃሳ ገሽ ኔናን ዲዛ ፖይ ጳሞንታ ማላ ናጌታ። 36 ሂሰቲኮ ኔ አሳቲላይ ፖፃ ገዲኮ ጳሚዳ አሳቲላ ዳና ኣገኮ ኔ ኩሜላ አሳቲላይ ያምፕ ሎዔላ ፖሊዛ ማላ ሎዒ ቤታና” ገደሰ።

ዩሱሳኔ ፋርሳዌታኔ ዋጋ ታማርሲዛይታ ዋላሲዳሰ
 (ማቶ 23:1-36፤ ማር 12:38-40)

37 ዩሱሳኔ ሃሳያ ወርሲዳ ማላ ኢሲ ፋርሳዌይ ባናራ ቁማ ማናሰ ዩሱሳኔ ያይገደሰ። 38 ዩሱሳኔ ቁማ ማና ኩሽ ሜጩቶንታ ኣገዳይሳ ቤዩዲ ማላሊቲዳ።

39 ጎዳይ ኢዛሰ “ሃዒ አንቲ ፋርሳዌቲ ፀዓሲኔ ኬሬሰ ቦላ ባጋ ሜጩ ጌሽታ፤ አንቲ ገደ ባጋዚ ኡዜቲላኒኔ ኢታቲላን ኩሚዳሰ። 40 አንቲኖ ኤያቶ! ካሪ ባጋ ሚጲዳይ ገደ ባጋ ሚጲቤኔ? 41 ዮንን ገዲኮ ገደን ዲዛይሳ ሙፀዋታ አሚቲ፤ ሄ ዋዴ ወሪካ አንቲሰ ጌሽ ገዳና።

42 “አንቲኖ ፋርሳዌቶ! አንቲሰ አዩ አና! አኑጋፔኔ ፃሎታፕ ቃሴካ ዲማ ዲማ ካሳፊ ታማፊ ኢሲኖ ኬሴታ፤ ገደ ኣቲን ቱማ ፐርዳኔ ያሳ ደሳናይሳ ኣገ ኣጲታ። ዮንን ገዲኮ አንቲ ኣገ ኣጳናሰ ቤሴና። ሃንኮይሳ አሳንታ አንቲ ኦላና ቤሲዛይቲካ ሃይታ።

43 “አንቲኖ ፋርሳዌቶ! አንቲሰ አዩ-አና! ኣይሁዳ ዋሳ ኬላን ኡታናሰ ቦንቸ ኦይዴ ኮዩታ፤ ገያ ገደንካ አሳይ አንቲ ሲንላን ሆካና ማላ ደሴታ። 44 ኣሲ ኤርንታ ኢዛ ቦላራ ቢዛ ቆቲቲ ዲዛ ዱፎ አንቲ ሚሳቲዛ ገሽ አንቲና አዩ-አና!” ገዳ።

45 ሙሴ ዋጋ ኤሪዛይታፕ ኢሶይ ዛሪዲ “አሰታማሬ! ኔ ሃሳላ ሃሳዩዛ ዋዴ ኑናካ ጫያሳ” ገደሰ።

46 ዩሱሳኔካ ዛሪዲ “አንቲኖ ሙሴ ዋጋ ኤሪዛይቶ አንቲሰካ አዩ-አና! አሲ ቶካናሰ ዳንዳዮንታ ዳዮ ቶሆ አሳ ቶሴታ። አንቲ ገዲኮ አንቲሰ ቢራጼ ያራኒካ ቦቹኮታ።

* 11:15 ማቶ 9:34፤ 10:25 * 11:16 ማቶ 12:38፤ 16:1፤ ማር 8:11 * 11:23 ማር 9:40 * 11:30 ዮሃ 3:4 * 11:31 1ካዎ 10:1-10፤ 2ኦር 9:1-12

47 “እንገቱ አዋቲ ዋዲዳ ናቤታ ዲፎ እንገቱ ሎዔሊዛ ጊሽ እንገቱስ እዩ እና። 48 ሂስቲኮ እንገቱ እንገቱ አዋታ ኦሶ ሚንገሊዛ ማርካታ፤ ኢስቲ ናቤታ ዋዲዳ፤ እንገቱካ ኢስታ ዲፎ ሎዔሊታ።

49 “ሂሳ ጊሽ ያሳ ኤራቴላ ሂዘጋዲስ ናቤታኔ ሃዋሪታ ታ ኢስታስ ዩዳና፤ ኢስቲካ ኢስታፊ ኢሳ ኢሳ ዋዳና፤ ሃራታካ ጎዳና። 50 ሂሳ ጊሽ ሃ ዩሌታይ ቢታይ ማዴቶሶፕ ሃዒ ጋካናስ ጉኪዳ ናቤታ ኡባ ሱላ ጊሽ ኦይሼታና። 51 እቤሌ ሱላፊ ኦይኪዲ ያርሺዛሶፕኔ ያሳ ከላ ጊደን ጉኪዳ ዛካራሳ ሱላ ጋካናስ ኮዩቴስ።” ኤ ታ እንገቱስ ጊዛይ ሃ ዩሌታይ ሃይሳስ ኦይሼታና።

52 “እንገቱኖ ዋጋ ኤሪዛይቶ! እንገቱስ እዩ-እና! ኤራቴላ ፔንጌ ቁልፊ ዋልቃራ ዋላ ኤኪዲ እንገቱስካ ጌሊቤኬታ፤ ጌላናይታካ ዲጌታ” ጊዴስ።

53 ዩሱሲ ሄፔ ኬዚዳፔ ጉዬ ያፊቴኔ ፋርሳዌቲ ኤቁቴሼ ኦይሻን ሼምፖ ዲጊዳ። 54 ኢዛ ዲናፔ ኬዚዛ ቃላን ኢዛ ቃዳናስ ናጌቲዳ።

12

ዩሱሲ “ሎ? ሚሳቲዛ ፋርሳዌታ ኢታቴላፊ ናጌቲቴ” ጊዴስ

1 ½ ዋዴ ዳር ዴሬይ ባ ጊደን ኢሶይ ኢሳራ ዩዴታና ጋካናስ ሸቁ ኡቲዳሼ ዩሱሲ ባና ካሊዛይታ “ፋርሳዌታ ኢርሾፊ ናጌቲቴ፤ ሄሲካ ቆዴፔ ቆሞ ሃና። *

2 ቆንጮንታ ካሜቲዲ አታናይኔ ኤሬቶንታ ቆታን አታና ሚሽ ዴና። * 3 ሂሳ ጊሽ እንገቱ ጌማን ሃሳዩዲዚ ወሪ ቆንጮ ኬዛና፤ ቃሴካ እንገቱ ቆልዓን ሃይሳን ሳሱኬቲ ሃሳዩዲዚ ወሪ ዴሬ ሲንሳን ኮቴታና።

እናስ ባባናስ ቤሲዛኮኔ (ማቶ 10:28-31)

4 “ታ ላጌቶ! ታ እንገቱስ ጊዛይ አሾ ያላ ዋዳናፔ ኦቲን ሃራ አይኮካ ኦላናስ ዳንዳዮንታይታስ ባቦፍቴ። 5 ጊደ ኦቲን እንገቱ ባባናስ ቤሲዛይ ኦናኮኔ ታ እንገቱና ቤሳና፤ አሾ ዋዲዳፔ ጉዬ አሾኔ ሼምፖ ኢሲፊ ጋሊ ጋናሜ ታማን ዩጋናስ ዳንዳዩዛይሳስ ባቢቴ። ኤ ኢዛስ ባቢቴ ጋይስ።

6 “ሲኔ ካፎ ኢቻሻቲ ናምዑ ሳንቴስ ባይዜቴቴስ፤ ጊደ ኦቲን ኢስታፊ ኢሲኒዮካ ያሲ ደጌና። 7 እንገቱ ሁዔ ቢናናይ ኩሜላ ታይሶን ዴስ። ሂሳ ጊሽ ባቦፍቴ፤ ዳር ሲኔ ካፎታፔ እንገቱ አዴታ።

ኪርሰቶሳ ጊሽ ማርካታና ኮሼስ (ማቶ 10:32-33፤ 12:32፤ 10:19-20)

8 “ታ እንገቱስ ኮታይስ ታ ጊሽ አሳ ሲንሳን ማርካቲዛ አሳ ኡባስ አሳ ናይ ቃሴካ ያሳ ኪታንቻ ሲንሳን ኢዛ ጊሽ ማርካታና። 9 ጊደ ኦቲን አሳ ሲንሳን ታና ካዲዳዴይ ያሳ ኪታንቻ ሲንሳን ካዴታና።

10 “አሳ ና ቦላ ካወሻ ቃላ ሃሳዩዛዴስ ናጋራይ ወሪ ማሪታና ሺን ያሎ አያና ጫዩዛዴይ ማሪቴና። *

11 “አሳይ እንገቱና ኦይኪዲ ዴሬ ሃሪዛይታኮኔ ጎዳቲዛይታኮ፣ አይሁዳ ዋሳ ኬሌ ኦይኪ ኤፊኮ ኣይ ጊ ዛሪና? አይ ጊና? ጊዲ ሂርሳፍቴ። 12 አይስ ጊኮ

እንገቱ ሃሳያናስ ቤሲዛይሳ ያሎ አያናይ ሄ ዋዴ እንገቱና ታማርሳና።”

ዲሬ አዴዛ ኤያቴላ

13 ዳር አሳ ጊደሬ ኢሳዴይ “አስታማሬ! ታ አሻይ ኦ አዋ ላታ ሚሻፊ ታና ጋኪዛይሳ ታስ አማና ማላ ኢዛስ ኮታ” ጊዴስ።

14 ዩሱሲካ “ሃይሶ! ታና እንገቱ ቦላ ፐርዲዛ ዳና ኦሊዳይ ኦኔ?” ጊዴስ። 15 ቃሴካ ኢስታስ “አሳስ ዳር ሚሽ ዲኮካ ሼምፖይ ሄ ዲሬቴላን ደንታ ጊሽ ናጌቲቴ፤ ዩቁቴላፊ እንገቱና ኬሂ ናጌቲ” ጊዴስ።

16 ዛሪሊዲካ ኢስታስ “ሎዔሊ ካላ ኢሚዛ ጋዴ ጎዳ ጊዲዳ ኢሲ ዲሬ አሲ ዴስ። 17 ሄ አዴዚካ ባ ዋዛናን ኮታ ካላ ሺሻዳ ዋሊዛሶይ ባይንዳ ጊሽ አይ ኦሎ?” ጊዲ ቆፒዴስ።

18 “አዴዚካ ኮታስ ዲዛ ጎታራታ ላላዳ ሃራ አኪዛዝ ኬፃና፤ ሂስታዳ ታስ ዲዛ ካላኔ ታስ ዲዛዝ ወርሳ ኢዛን ሺሻና። 19 ታ ሼምፖኮታ ታ ሼምፖዬ! ዳር ዋዴስ ጊዲዛ ካላ ሺሺዳ ጊሽ ሼምፓ ኡታዳ ማ፤ ኡያ፤ ኡፋዬታ” ጋና ጊዴስ።

20 “ጊደ ኦቲን ኮታ ሃይሶ ኤያዝ! ኔ ሼምፖኮ ሃቸ አማርስ ኔፔ ኤካና ኮዩቴስ፤ ሂሳ ጊሽ ኔ ኔስ ሺሺዳይስ ኦናስ ጊዳኔ?” ጊዴስ።

21 “ሂሳ ጊሽ ያሳ አቻን ዲሬ ጊደንታ ባስ ሚሼ ሺሺዛ አሳ ወርሴሊካ ሂሳ ማላ” ጊ ሌሚሶን ኮቴዴስ።

የሳን አማኔቴላ (ማቶ 6:25-34)

22 ሂሳፊ ጉዬ ዩሱሲ ባና ካሊዛይታስ “እንገቱስ ታ ኮታይስ እንገቱ ዲሳስ ኣይ ማናኮኔ ዋይኮ እንገቱ ቦላስ አይ ማይናኮኔ፤ ጊዲ ጩጮፔፔ። 23 አይስ ጊኮ ሼምፖይ ካላፊ አሳቴሊ ቃሴ ማይፖፔ አዴስ።

24 ቁርታ ያለቴ ዜሬቴና፤ ማፃቴና፤ ካላ ሺሺዛ ጎታራይ ኢስታስ ባዋ ሺን ያሲ ኢስታ ሚዜስ። ሂስቲኮ እንገቱ ኢስታፊ ኬሂ አዴኬቴ? 25 ጊደ ኦቲን እንገቱ ዳርሲ ቆፒዲ ባ ላይላ ቦላ ኢሲ ጋላስ ጉጃና ዳንዳዩዛይ ኦኔ? * 26 ሂስቲኮ ጉላ ሚሽ ኦሶይ እንገቱስ ዳንዳዩቶንታሼ አይስ ሃራ ሚሻስ ኬሂ ቆፔቴ?

27 “ጩሻቲ ዋኒዲ ዲጩዛኮኔ ኦኔ ያለቴ፤ ዋዩቴና፤ ሱቁቴና፤ ጊደ ኦቲን ታ እንገቱስ ኮታይስ፤ ሶሎሞኔይካ ጊታ አሳ ሺን ኢስታፊ ኢሲኔይላ ማይዲቤና። *

28 ሂስቲኮ ያሲ ሃቸ ቤቲዲ ዋንቶ ታማን ዋዳና ማታ ሃይሳላ ማይዚዛ ጊዲኮ እንገቱና አማናይ ፓጩዳይቶ! እንገቱና ዋስቲ አሊ ማዩዜኔ?

29 “ሂሳ ጊሽ ኣይ ማና? አይ ማይዲና?” ጊዲ እንገቱ ዋዛናይ ዳርሲ ቆፒፎ። 30 ቢታ ቦላን ዲዛ አሲ ወሪ ሃይሳ ኮዩስ፤ ጊደ ኦቲን ሃይሲ ወሪ እንገቱስ ኮሺዛይሳ እንገቱ ሳሎ አዋይ ኤሬስ። 31 ኡባፊካ ኮይርሊዲ ያሳ ካዋቴላ ኮዩቴ፤ ሃይሲ ወሪ እንገቱስ ጉጃቲ አማታና።

ሳዓ ቦላ ሚሼ ሺሻናስ ቤሴና (ማቶ 6:19-21)

32 “እንገቱና ጉላ ወዴ ማህ ማላ ጊዲዳይቶ! ካዋቴላ እንገቱስ አማናስ እንገቱ አዋስ ሎ? ቆፋ ጊዲዳ

* 12:1 ማቶ 16:6፤ ማር 8:15 * 12:2 ማር 4:22፤ ሉቃ 8:17 * 12:10 ማቶ 12:32፤ ማር 3:29 * 12:25 ባ ላይላ ቦላ ኢሲ ጋላስ ጉጃና ጊዛይሳ ኢሲ ኢሲ ጌሻ ማፃፊታ ቢርሼላን ባሲ ዲዛ አዲሳቴላ ቦላ ኢሲ ዋዳ ፑዴ ጉጃናስ ዳንዳዩዛይ ኦኔ? ጊዛዚ ዴስ። * 12:27 1ካዋ 10:4-7፤ 2ታር 9:3-6

ገሽ ባቦፍቴ። 33 እንገን ዲዛይሳ ባይዚዲ ማንቆታስ ኢሚቴ፤ ካይሶይ ኤኮንታሶን፤ ቢላይ ሞንታሶን፤ ጨሞንታ ኮርጅን ወርንታ ሚሽ ሳሎን ሺሺቴ። 34 እንገቴ ዋዝናይ እንገቴ ሚሽ ዲዛሶን ዳና” ገደሰ።

ኦሳንቻታ ሚኖቴል

35 “ቃንሳን ገደዲ ገጌቴቴ፤ እንገቴ ፖያይካ ፖፖ። * 36 ኢሰታ ጎዳይ ቡላቻ ዲጊሳፔ ሲሚዲ ያናሽ ናጌቴዛይታይ ኢዚ ዩዲ ፔንጌ ቆደሽን ኤሌ ደያናሰ ገገ ኡቴዳ አሳታ ሚሳቴቴ። * 37 ኢሰታ ጎዳይ ዩዛ ዋዳ ጴሰኮንታ ናገዲ ኡቴዳ አሽካራቴ ኢሰታ አንጃቴዳይታ፤ ታ እንገቴሰ ቱሙ ጋይሰ፤ ኢሰታ ጎዳይ ባሰ ቃንሳን ገደ ኤቁዲ ኢሰታ ማዳን ኡቴሲዲ ሙዛና። 38 አማርሰ ዋይኮ ሌላ ገደላን ዩዲ ኢሰታ ጴሰኮንታ ዲሽን ዳሚኮ ሄ አሽካራቴ አንጃቴዳይታ። 39 ካይሶይ አይ ዋዳ ያናኮን ኤሪዛ ገዲዳኮ ኬላ ጎዳይ ካይሶይ ቦኪሽን ጮሀ ገዲ ቤሶንታይሳ ኤሪቴ። * 40 አሳ ናይ እንገቴ ቆፖንታ ዋዳን ያናይሳ ኤሪዲ እንገቴካ ገጌቴዲ ናገቴ” ገደሰ።

ኢታ ኦሳንቻታይ ሎፖ ኦሳንቻታ ሌሚሶ (ማቶ 24:45-51)

41 ጳጳርሲካ “ጎዳ! ሃይሳ ሌሚሶ ኔ የቴዛይ ኑስ ፃላዬ? ኡባ አሳሳራ?” ገደሰ። 42 ጎዳይካ “ሂሰቲኮ ባሶ አሳሰ ኮሺዛ ዋዳን ቁማ አማኑ ማላ ኬላዳይ ኬላ አሳ ቦላ ዋሊዛ አማኔቲዳ ዋዝናማ አሲ ኦኔ? 43 ጎዳይ ሲሚሽን ሄሳላ ኦሊሽ ቤቴዛይይ ኢዚ አንጃቴዳይ። 44 ታ እንገቴሰ ቱሙ ጋይሰ፤ ባሰ ዲዛ ሚሽ ኡባ ቦላ ሄሳዳ ጎዳሳና። 45 ገደ አቲን ኢዛዳይ ታ ጎዳይ ኤሌ ዬና ጋምዳና ገዲ ቆፐዲ አዳ አሽካራታይ ማጫ አሽካራታ ቡኪኮ፤ ቃሰካ ኮይዳ ማላ ሚዲኔ ኡዩዲ ማላቴኮ፤ 46 ሄሳዳ ጎዳይ ኢዚ ቆፖንታ ጋላሳን ያና ገዲ ኤዙጎንታ ሳቴን ያና። ዩዳካ ኢዛ ቃንጻሬሌ ዬገዲ ኢዛ ኤፃ አማኖንታይታራ ኢሲፊ ኦላና። 47 “ባ ጎዳ ቆፋ ኤሪዲ ገጌቶንታይኔ ጎዳ ሸኔ ኦሎንታ አሽካራይ ኢታ ሾቻ ሾጩታና። 48 ገደ አቲን ኤርንታ ዲሽ ሾቻሰ ቤሲዛ ሞር ኦሊዳ አሽካራይ ጉላራ ሾጩታና። ዳር አሚቲዳ አሳ ኡባፊ ዳርይ ኮዬቴሰ፤ ዳር ሃዳራ ኤኪዳዳፊ ዳርይ ኮዬቴሰ።

ወርሲ አገዲ ዬሱሳ ካሎ (ማቶ 10:34-36)

49 “ታኒ ዩዳይ ቢታ ቦላን ታማ ኤላና። ሄ ታማይ ሃዲ ኤፃ ኬዚዳኮ ታና ዳር ኡፋይሳና። 50 ገደ አቲን ታኒ ፃማቂታና ፃንቃታይ ዳሰ፤ ሄ ፃንቃታይ ፖሌታናሽ ታኒ ኬሃ ማቶቲታዲሰ። * 51 እንገቴሰ ታኒ ቢታ ቦላ ሳር ኤሃና ዩዳ ሚሳቴዬ? ገደና፤ ታ እንገቴሰ የታይሰ ታኒ ዩዳይ አሳ አሳፊ ሻካና። 52 ሃይሳፊ ሲንሳን ኢሲ ኬላን ባ ገደን ሻኬቲዳ ኢቻሹ አሳቲ ዳና። ናምዳቲ ሄቫታ ቦላ ሄቫቲ ናምዳታ ቦላ ዳንዲዲ ባ ገደን ሻኬታና። 53 አዋይ ባ አቱማ ና ቦላ፤ አቱማ ናይካ ባ አዋ ቦላ፤ አፃ ባ ማጫ ናይ ቦላ ማጫ ናያካ ባ አዋይ ቦላ፤ ቦሎታ ባ ና ማቻ ቦላ፤ ና ማቻካ ባ ቦሎቲ ቦላ ዳንዲዲ ባ ገደን ሻኬታና” ገደሰ። *

ዋዳዛ ሃናታ ኤር (ማቶ 16:2-3)

54 ቃሰካ ዳሬዛሰ “እንገቴ አዋ አርሼይ ሞኪዛ ባጋራ ሻራይ ኬዚሽን ቤዩዲ ‘ኤሌራካ ኢራይ ያና’ ጌሰ ጌታ፤ እንገቴ ገዲ ማላካ ሃኔሰ። 55 ዲጌሃ ባጋራ ፑዳሃ ጫርኪሽን ጋላሳይ ሆፖ ገደና ጌታ፤ እንገቴ ገዲ ማላካ ሃኔሰ። 56 እንገቴና! ሎፖ ሚሳቴዛ ኢታቶ፤ ሳሎይሳኔ ሳሳ ሜቆ ቤዩዲ ሃናናይሳ ኤሬታ ሽን ሂሰቲን ሃ ዋዳዛ ኤርይ እንገቴና ዋኒ ያኒዜ?” ገደሰ። 57 “ሂሰቲኮ እንገቴ አይሰ ቱማ ፐርዳኬቴ?”

ሞርኬራ ሲጌቴል (ማቶ 5:25-26)

58 “ኔ ሞርኬራ ዳና ሲንሳን ኤቃና ቢሽን ቡር ኦጌ ቦላን ዳሽ ኢዛራ ገጋና ኦጌ ኮያ፤ ኔ ሂሰቶንታ አገኮ ኢዚ ኔና ጎቹዲ ዳና ሲንሳ ኤፋና፤ ዳናይካ ኔና አሊዲ ሃላቃሰ አማና፤ ሃላቃይካ ኔና ዋይኔን ዬጋና። 59 ታ ኔሰ የታይሰ፤ ዳናይ ፐርዲዳ ወርሴላ ሳንቲሜፖ ቃንፃ ወርሳና ጋካናሰ ሃፔ ኬዛካ።”

13

ናጋራፔ ሲሞንታይ ወሪ ጳያና

1 ሄ ዋዳ ኢሲ ኢሲ አሳቲ ዬሱሳኮ ዩዲ “ጲላያሲ ኢሰታ ሱሌ ኢሰታ ያርሾራ ጋሌ ዋላኪዳ ጋሌላ አሳታ” ገሽ ዬሱሳሰ የቴዳ። 2 ኢዚካ ዛሪዲ “ሂሰቲን ሄሳ ማላ ሜቶይ ኢሰታ ቦላ ጋኪዳ አሳቲ ሃንኮ ዋይይ ጋኮንታ አቲዳ ጋሌላ አሳ ኡባፊ አጲዳ ናጋራንቻ ገዲዳ ገሽ ገዲ ቆፐቴ? 3 ገደና! ታ እንገቴሰ የታይሰ እንገቴ ማራቶንታ ኢፂኮ እንገቴ ወሪካ ሄ አሳታ ማላ ጳያና። 4 ዋይኮ ሳልሆሜን ገምቤይ ኢሰታ ቦላ ኩንዲን ሃይቁዳ ታማኔ ኦሱፑን አሳቲ ዩራሳላሜን ዲዛ አሳ ኡባፊ ናጋራንቻ ገዲዳ ገሽ ገዲ ቆፐቴ? 5 ገደና! ታ እንገቴሰ የታይሰ እንገቴ ማራቶንታ ኢፂኮ እንገቴ ወሪካ ሄ አሳታ ማላ ጳያና” ገደሰ።

አይፎንታ ባላሴ ሚላይ ሌሚሶ

6 ቃሰካ ኢሰታሰ “ኢሲ አሲ ዋይኔ ቶኪዛሶን ቶኬቲዳ ኢሲ ባላሴ ገዛ ሚሊ ዳወሰ፤ ሄ ባላሴ ሚላይኮ አይፊ ኮያና ዩዲ ኢሲ አይፊካ ዳሚቤና። 7 ዋይኔ አታኪልቴ ኦሊዳይሳሰ ‘ሄኮ ታኒ አይፊ ዳማና ጋዳ ሃቸራ ሄቻ ላይላ ሃ ባላሴይኮ ሲሜሬታ ያዳ ኢሲ አይፊካ ዳማቤኬ፤ ሄሳ ገሽ ኢዞ ቃንፃ ዲጋ፤ አዛሰ ጮ ቢታ ፀንፃዜ?’ ገዲ ሌሚሶ የቴዳሰ። 8 ኢዚካ ዛሪዲ ‘ጎዳ! ታኒ ኢዚ ፃጸን አሻ ዬጋዳ ኦሴላ ጻላና ማላ ሃላይላሰ አጋጋርኪ? 9 ዩዛ ላይላሰ ኢዛ አይፊኮ ሎፖ፤ አይፎንታ ኢፂኮ ቃንፃንዳሳ’ ” ገደሰ።

ዬሱሲ ኢሲ ቁና ማጫሲዮ ሳምባታ ጋላሰ ፓሌዳሰ

10 ዬሱሲ ሳምባታ ጋላሰ ኢሲ አይሁዳ ዋሳ ኬላን ታማርሲሽን፤ 11 ታማኔ ኦሱፑን ላይላ ኩሜል ኢታ አያናይ ኦይኪዲ አሳቴል ፓጩሲዳ ኢሲ ማጫሳያ ሄን ዳወሰ፤ ኢዛካ ዘኮይ ቁኒዳ ገሽ ሙሌካ ቶቁ ጋናሰ ዳንዳዑኩ። 12 ዬሱሲ ኢዞ ቤዩዳፔ ጉዬ ጻይገዲ “ሃኔ ማጫሳዬ! ኔኒ ኔና ሳኪዛ ሃርጌዛፔ ፓፃዳሳኮ” ገደሰ። 13 ዬሱሲ ባ ኩሽ ኢዚ ቦላ ዋሊን ኢዛ ሄራካ ሲቲ ጋዳ ኤቃዲሰ፤ ያሳካ ጋላታዲሰ።

* 12:35 ማቶ 25:1-13 * 12:36 ማር 13:34-36 * 12:39 ማቶ 24:43-44 * 12:50 ማር 10:38 * 12:53 ሚክ 7:6

14 እይሁዳታ ዋሳ ኩላ ሃላቃዚካ ሳምባታ ጋላስ ፓሌዳይሳስ ዩሱሳ ቦላ ሃንቁቲዲ ኢዛኮ ዩዛ ዳሬዛ “ኦሶስ ቤሲዛ ኡሱቸን ጋላሳቲ ዲዛ ጊሽ ሄ ኦሶ ጋላሳታን ዩዲ ፓዌቲ ኣቲን ሳምባታ ጋላስ ዮፒቲ” ጊዳስ። *

15 ጎዳይካ ዛሪዲ “ኢንቴኖ ቆጴፔ ቆምን ሃሳዩዛይቶ! ኢንቴ ጊደፌ ኢሳዳይ ባ ቦራ ዋይኮ ባ ሃሬ ሳምባታ ጋላስ ባሶን ቃሼቲዳሶፔ ቢርሺዲ ሃሌ ኡሻናስ ኤፊ ኤሬኔ? 16 ሂሰቲን ሃና ማጫሳያ ኣብራሃሚ ና ጊዳዳ ታማኔ ኦሱቸን ላይላ ኩሚላ ፃላዔይ ቃቸን ዲዛሶፔ ሳምባታ ጋላስ ቢርሺታናስ ኢዚሰ ቤሴኔ?” ጊዳስ። 17 ዩሱሳ ሂዝጊ ኦይቸዳ ዋዳ ኢዛራ ኤቁቲዛይቲ ወሪካ ዩላቲዳ፤ ጊደ ኣቲን ዳሬይ ወሪካ ኢዚ ኦይቸዳ ማላሊሲዛ ኦይሻን ኡፋዬቲዳስ።

ሳናፊጮ፣ ጌቲቲዛ ሚላይ ዜሬላ ለሚሶ
(ማቶ 13:31-33፤ ማር 4:30-32)

18 ቃሴካ ዩሱሳ ዛሪዲ “የሳ ካዎቲሌ ኣይ ሚሳቲዜ? ኢዞ ኣዛራ ለሚሶ? 19 ኢሲ ኣሲ ሳናፊጮ ጌቲቲዛ ሚላ ኣይፊ ባ ጋዴን ቶኪን ሞካ ዲጫዳ ጊታ ጊዲን ካፎቲ ኢዚ ሃጋ ጊደን ዲሳሶ ጊሳና ጋካናስ ዲጪዳ ሳናፊጮ ሚላ ሚሳታዉስ” ጊዳስ። *

ኢርሾ ለሚሶ
(ማቶ 13:33)

20 ቃሴካ “የሳ ካዎቲሌ ኣዛራ ለሚሶ? 21 ኢሲ ማጫሲ ሙኑቃ ጫሊሳናስ ዳሮ ጲሌራ ዋላኪዳ ጉላ ኢርሾ ሚሳታዉስ” ጊዳስ።

ፀንላ ፔንጌ
(ማቶ 7:13-14፤ 21-23)

22 ሄሳፊ ጉዬ ዩሱሳ ዩሩሳላሚ ቢሼ ካንላ ቢዛ ካታማኔኔ ጉታታን ኣሳ ታማርሲሼ ኣጲሺን፤ 23-24 ኢሳዳይ ኢዛኮ ሸቁዲ “ጎደ! ፐርዳፊ ጉላ ኣሳቲ ፃላ ኣታኔ?” ጊዲ ኦይቸዳስ። ኢዚካ ዛሪዲ “ፀንላ ፔንጌይራ ጌላናስ ባዌቲቲ፤ ዳሮቲ ጌላናስ ኮዬቲስ ሸን ኢሰታስ ሃኔና። 25 ኩላ ጎዳይ ዳንዲዲ ባ ካሬ ጎርዲ ጊዲን ኢንቴ ካሬን ኤቁዲ ጎደ! ካሬ ደያርኪ!” ጊዲ ፔንጌ ቆፃና ሸን ኢዚ ዛሪዲ “ኢንቴ ኦናኮኔ ኣዎፔ ዩዳኮኔ ታ ኢንቴና ኤሪኮኔ” ጋና ጊዳስ።

26 “ኢንቴኒካ ኢዛሰ ዛሪዲ ኦኒ ኔናራ ኢሲፊ ሚደሲኔ ኢሲፊ ኡዩደሰ፤ ኩ ዲቡሻን ኦና ኔ ታማርሳዳሳ” ጋና።

27 “ኢዚካ ዛሪዲ ኢንቴና ኢንቴ ኦናኮኔ ኢንቴ ኣዎፔ ዩዳኮ ታ ኢንቴና ኤሪኮኔ፤ ኢንቴ ማካላቲ ወሪካ ታፔ ሃኪቲ” ጋና ጊዳስ። *

28 “ኢንቴ ኣብራሃሚ፣ ዩሳቃ፣ ያቆቤኔ ናቤታ ኡባታ ያሳ ካዎቲላን ቤዩዛ ዋዳ ኢንቴ ካሬን ዩጌቲ ኣቲኮ ሄ ዋዳ ኢንቴስ ዩሆኔ ኣቻ ጋርጮኙ ጊዳና። * 29 ኣሳይ ኣዎ ኣርሼይ ሞኪዛ ባጋፊኔ ወሊዛ ባጋፊ ፑዳሃፔኔ ዲጌሃፔ ዩዲ ያሳ ካዎቲላ ማዳን ኡታና። 30 ሄኮ ጉዬን ዲዛይታፔ ባጋይቲ ሲንሌ ኣቆና ሲንላን ዲዛይታፔ ባጋቲ ጉዬ ኣቆናይቲ ዳቲስ” ጊዳስ። *

ዩሱሳ ዩሩሳላሚ ዋላሲዳስ

31 ሄ ዋዳ ፋርሳዌታፔ ኢሲ ኢሲ ኣሲ ዩዲ “ሄርዶሲ ኔና ዋቆናስ ኮዩዛ ጊሽ ሃይሳፊ ዳንዳ ኪቻ” ጊዳ።

32 ዩሱሳ ኢሰታስ “ታኒ ቡሮ ሃቸኔ ዋንቶ ዳይዳንሳታ ኣሳፔ ኩሳና፤ ሃርጊዛይታካ ፓላና፤ ሄዳንላ ጋላስ ታ ቆፋሶ ታ ጋላና” ጊዳስ ጊዲ ሄ ዋርካናስ ዮቲቲ። 33 ጊደ ኣቲን ናቤይ ዩሩሳላሚ ካሬን ሃይቃናስ ቤሶንታ ጊሽ ሃቸኔ ዋንቶ ዋንቶፔይንካ ታ ሲንሌ ቡስ ጉጃና።

34 “ሃኔ ዩሩሳላሚ ናቤታ ዋቂዛሬ ኔኮ ኪቲቲዳይታ ሹቻራ ጫዲዛሬ! ኩቶይ ባ ጪዬታ ባ ቁፊ ጋርስ ሸሺዛ ማላ ኔ ናይታ ሸሻናስ ኣቸን ዋዳ ኮያዲናሸን ኔ ጊዲኮ ኣካይ ጋዳሳ። 35 ሄኮ ኢንቴ ኩላይ ካይዚዳስ፤ ታ ኢንቴስ ዮታይስ፣ ጎዳ ሱንላን ዩዛዳይ ኣንጃቲዳስ፣ ኢንቴ ጋና ዋዳይ ጋካናሽ ናምዳንላ ታና ቤዩኬታ” ጊዳስ። *

14

ቃሴካ ዩሱሳ ኢሲ ሃርጋንቻ ሳምባታ ጋላስ ፓሌዳስ

1 ኢሲ ጋላስ ዩሱሳ ቁማ ማናስ ፋርሳዌታ ሃላቃታፔ ኢሳ ሶ ጌሊዳ ዋዳ ኣሳይ ወሪ ዩሱሳ ኣይ ኦላናኮኔ ጊዲ ኣይፊ ኢዛ ቦላ ቶኪ ያሊዳስ። 2 ሄንካ ኣሳቲላይ ኢዛስ ፑሪን ዋዩቲዛ ኢሲ ኣሲ ኢዛ ሲንላን ዳስ። 3 ዩሱሳካ ሙሴ ዋጋ ኤሪዛይታኔ ፋርሳዌታ “ሳኪቲዛይ ሳምባታ ጋላስ ፓላናስ ኮሺዜዬ? ኮሺኔ?” ጊዲ ኦይቸዳስ።

4 ኢሰቲካ ጮቡ ጊዳ፤ ኢዚካ ኣዳዛ ቦቸዲ ፓሌ ዩዲዳስ። 5 ቃሴካ “ኢንቴፊ ኢሲ ኣሳስ ሳምባታ ጋላስ ናይ ዋይኮ ቦራይ ኩንዲዲ ኣሳን ጌሊኮ ኤሶን ሄራካ ኬሶንታይ ኦኔ?” ጊዳስ። *

6 ኢሰቲካ ኦይሻስ ኣይኮ ዛርካ ዳማናስ ዳንዳዩቤቴና

ባና ዚቁ ሂሰቲላኔ ኢማላ ሞኮ

7 ያይጌቲዳ ኣሳቲ ኡታናስ ቦንቾ ሶ ኮዩሸን ዩሱሳ ቤዩዲ ለሚሶራ ኢሰታስ። 8 “ኢሲ ኣሲ ኔና ሳርጌስ ያይሲኮ ቦንቾሶን ኡቶፋ፤ ኔፔ ቦላራ ቦንቾቲዛይ ያይሴቲኮ፤ 9 ኢንቴና ናምዳታካ ያይጊዳይ ዩዲ ኦኔ ኡቲዳሶዛ ሃይሳዳስ ዩዳ” ጋና፤ ኔኒካ ዩላታሽ ዚቃሶ ባንዳሳ። 10 ጊደ ኣቲን ኔ ያይሴቲዳ ዋዳ ዚቃሶ ያላዳ ኡታ፤ ኔና ያይጊዳይ ዩዲ ኦታ ላጌዞ! ሃያ ቆቃሶን ኡታ” ጋንዳስ፤ ኔኒካ ሄ ዋዳ ኔናራ ማዳን ኡቲዳ ኣሳ ኡባ ሲንላን ቦንቾታና። 11 ኣይሰ ጊኮ ባና ቆቁ ሂሰቲዛይ ወሪ ዚቁ ጋና፤ ባና ዚቁ ሂሰቲዛይ ወሪ ቆቁ ጋና” ጊዳስ። *

12 ዩሱሳካ ያይጊዳይዛ “ቁማ ዋይኮ ካዎ ሚዛናስ ያይሲኮ ኔይሳላ ኔና ያይሲዲ ሚዞንታ ማላ ኔ ላጌታ ዋይኮ ኔ ኢሻታ፣ ኔ ዳቦታ ዋይኮ ዲሬታ ዋይኮ ዲሬ ጉታታ ያይጎፓ። 13 ጊደ ኣቲን ኣሳ ያይሳዳ ሚዛና ኮይኮ ማንቆታ፣ ኩሼይ፣ ቶሆይ ባይንዳ ዋይኮኔ ቆቁታ ያይሳ፤ ኔኒ ኣንጃታና። 14 ያይሴቲዳይቲ ኩሼ ዛራናስ ዳንዳዮንታ ጊሽ ያሎታ ዳንላ ዋዳ ኔስ ኩሼይ ዛሬታና” ጊዳስ።

ዋጋ ዲጊሴ ለሚሶ
(ማቶ 22:1-10)

* 13:14 ኩሳ 20:9-10፤ ዛሬ 5:13-14 * 13:19 ሃጋ ጊዛይሳ ኢሲ ኢሲ ጋዎ ዳሬ ኣሳቲ ሃንጌ ጌቲስ። * 13:27 ማዛ 6:8
* 13:28 ማቶ 22:13፤ 25:30 * 13:30 ማቶ 19:30፤ 20:16፤ ማር 10:31 * 13:35 ማዛ 118:26 * 14:5 ማቶ 12:11
* 14:11 ማቶ 23:12፤ ሉቃ 18:14

15 ማዳን የሱሳራ አሲፌ ኡተዳይታ፤ አሲይ ሃይሳ ሲይዲ “ጾሳ ካዎቱላን ሸቂዲ ማዳፌ ሚዛ አሲ አንጃቲዳዳ” ገደሰ።

16 የሱሲካ “አሲ አሲ ዎልቃማ ዲጊሴ ገጊሲዲ ዳር አሰ ያይጊደሰ።

17 “ዲጊሴ ማና ዎዳይካ ጋኪን ያይጊቲዳ አማላታ፡ ‘ወሪካ ገጊዳ ገሽ ሃ ዩቲ!’ ገዲ ያይጋና ማላ ባ አሽካራ ዩዲደሰ። 18 ገደ አቲን ወሪካ ባሲ ሃራ ጋሶ ሸሺዲ አሲይ ‘ሃዒ ጋዴ ሻማዲሰ፤ ታ ባዳ ቤያናሰ ቤሴሰ፤ ሃቺሰ ታና ላንጮፋ’ ገደሰ።

19 “ሃንኮይሲካ ‘ታኒ ኢቻሹ ዋዎ ቦራ ሻማዲሰ። አሰታ ፓጫ ያላና ገሽ ሃቺ ታና ላንጮፋ’ ገደሰ።

20 “ቃሴ ሃራ አሳዳይካ ‘ታኒ ቡር ሚሺራቴላን ዳይሰ፤ ባናሰ ዳንዳይኮ’ ገደሰ።

21 “አሳንቻይካ ከቲቲዳሶ፤ ሰሚዲ ሃቸቲ ገዳይሳ ባ ጎዳሰ ዮቲዳሰ። ሄ ዎዳይካ ዲጊሳ ገጊሲዳይሲ ሃንቁቲዲ አሳንቻ ‘ኤሌላ ኦይዲ ኦጌ ከዛዳ ማንቆታ፡ ኩሼይኔ ቶሆይ ባይንዳ ዎቤታ ቆማፃታኔ አይፌይ ባይንዳ ቆቁታ ሃ ጌልላ’ ገደሰ።

22 “አሳንቻዚካ ዛሪዲ ‘ታ ጎደ! ኔ ታና አዛዚዳይሳ ወርሳ ፖላዲሰ፤ ሃዒካ ሃራ ኡቴሳሶይ ዳሰ’ ገደሰ።

23 “ጎዳዚካ አሳንቻዛ ‘ጌዴ አይዲ ኦጌ ከዛዳ ታ ከሌ ኩማና ማላ ፑዳኔ ዲጌ አጂዛይታ ዎልቃራ ሃ ጌልላ። 24 ታኒ ቱማ ጋይሰ፤ ዲጊሳ ማና ያይሴቲዳይታ፤ አሳዳይካ ዲናን ጌልሌና’ ” ገደሰ።

የሱሳ ካሎይ ባና ያርሾ ኮዩሰ
(ማቶ 10:37-38)

25 ዳር ዳሪይ አዛራ አሲፌ ቢዛይሳ የሱሲ ቤዩዲኔ ጉዬ ሰሚ 26 “ታኮ ዩዛይ ወሪ ባ አዎ፡ ባ ማቸኔ ናይታ፡ ባ አሻታኔ ሚቸታ፡ ባ ሸምፖ ገዲን ኢዎንታ አገኮ ታና ካሊዛዴ ገዳናሰ ዳንዳይና። * 27 ባ ማሰቃሌ ቶኪዲ ታና ካሎንታይ ታና ካሊዛዴ ገዳናሰ ዳንዳይና። *

28 “አንቴፌ አሲ አሲ ከሌ ከፃናሰ ኮይኮ ፖላናሰ ዳንዳይናኮኔ ዳንዳይናኮኮ ኮይርቲዲ ባሰ ዲዛ ቢራ ቆፖንታይ ኦኔ? 29 ከላ ከፃና ደሚዲ ወርሳናሰ ሃኖንታ ኢዳኮ ቤዩዳ አሲ ወሪ አዛ ቦላ ሚጫና። 30 አሰቲካ ‘ሃይሲ አዳዚ ከሌ ከፃ ኦይኪዳሰ ሸን ፖሊቤና’ ገ ሚጫና።

31 “ዎይኮ አሲ ካዎይ ሃራ ካዎራ ኦላሰ ገጌቲዲ ናምቡ ታሙ ሸ አሲ ኤኪ ዩዛ ካዎ ዛራናሰ ታሙ ሸ ኦላ አሳራ ዛራናኮኔ ኡቲዲ ቆፖንታይ ኦኔ? 32 ኦላ ዛራናሰ ዳንዳይናኮኮ ሚሳቲዲ ቤቲኮ ቡር ሃሆን ዲሸን ማቃይናናሰ ጋና ዩዳሰ። 33 ሃሳሶካ አንቴፌ ኦናካ ገዲን ባሰ ዲዛይሳ አንጎታይ ታና ካሊዛዴ ገዳናሰ ዳንዳይና።

ማልዎንታ ማጻኔ ለሚሶ
(ማቶ 5:13፤ ማር 9:50)

34 “ማጻኔይ ሎዎሽን ባ ማጻኔቱላ ማልዎ ዩዲኮ ዛሪዲ ዋኒ ማልዎና ዳንዳይኤ? 35 ጋዴን ዩጊን አራዲሶንታ ገሽ ጮ ካሪ ዎራ ዩጌቲሰ፤ ሲዩዛ ሃይላ ዲዛ አሲ ሲዮ!” ገደሰ።

15

ቆዩዲ ቤቲዳ ዶርሳ ለሚሶ
(ማቶ 18:12-14)

1 አሲ ጋላሰ ቃራፃ ሸሸዛይቲኔ ናጋራንቻቲ ወሪ የሱሳ፤ ሲያናሰ አዛ አቺ ሸቂዳ። 2 ፋርሳዌቲኔ ፃፊቲ “ሃይሲ አዳዚ ናጋራንቻታ ኢዳና፤ አሰታራካ ሚሰ” ገዲ ባ ገደን ዙዙሚቲዳ።

3 የሱሲካ አሰታሰ ለሚሶ ሃዘገ ዮቲዳሰ፤

4 “አንቴ ገደፌ አሳዳሰ ያቲ ዶርሲ ዲኮ ሄ ያቲ ዶርሳታ፤ አሲና ቆይኮ አቲዳ ኡዲፋን ታማኔ ኡዲፋናታ ዳንባን ዩጊዲ ቆይዳይሳ ዳማና ጋካናሰ ኮያና ቦንታይ ኦኔ? 5 ዳሚዲ ኡፋይሳራ ሃሸን ቶኪ ኤኪዲ፤ 6 ባሶ ሰሚሰ፡ ባ ላጌታኔ ጉታ አሳታ አሲ ቦላ ያይጊዲ ‘ቆይዳ ታ ዶርሳዮ ዳማዲሰ፤ ታናራ አሲፌ ኡፋይቲቲ’ ጋና። 7 ታ አንቴሰ ዮታይሰ ‘ሃሳሶካ ማርቲላ ኮሸንታ ኡዲፋን ታማኔ ኡዲፋን ያሎታ፤ ማሪቴላን ጌሊዛ አሲ ናጋራንቻን ሳሎን ኡፋይሰ ገዳና።”

ቆዩዲ ቤቲዳ ቦላ ሸሊንጌ ለሚሶ

8 “ዎይኮ አሲ ታሙ ቢራ ሳንቲሚይ ዲዛ ማጫሳዎ ሄ ታማፌ አሲኔያ ቆይኮ ያምፔ ኦይላዳ ዳማና ጋካናሰ ከላ ጋርሰ ፒታዳ ሎዔላ ኮዮንታ ማጫሰ ኦኔ? 9 አዛካ ዳሚዳ ዎዳ ባ ላጌታኔ ባ ጉታታ አሲፌ ያይጋዳ ‘ታፔ ቆይዳ ቢራ ሳንቲሚያ ዳሚዳ ገሽ ታናራ አሲፌ ኡፋይቲቲ’ ጋንዲሰ። 10 ታ አንቴሰ ዮታይሰ ‘ሃሳሶካ ማርታን ጌሊዛ አሲ ናጋራንቻ አሳን ያሳ ኪታንቻታ አቻን ኡፋይሰ ገዳና።”

ቆዩዲ ቤቲዳ ናዛ ለሚሶ

11 “አሲዳሰ ናምቡ ናይቲ ዳቲሰ። 12 አሰታፊካ ካሎ ናዚ ባ አዎ ኦሎ! ኔሰ ዲዛ ሚሻፌ ታ ገሻ ታሰ አማ፡ ገደሰ። አዎይካ ባሰ ዲዛ ሚሻ ባ ናይታሰ ገሸደሰ።

13 “ዳር ዎዳ ጋምዎንታ ዲሼ ካሎ ናዚ ባ ሚሻ ወርሲ ሸሸ ኤኪዲ ሃሆ ቢታ ቢዳሰ። ሄንካ ባሰ ዲዛ ሚሻ ጎዳይ ባይንዳ ጮ ሚላ ቆይሲዳሰ። 14 አዚካ ባሰ ዲዛይሳ ወርሲ ቆይሲዳ፤ ጉዬን ሄ ቢታን ኢታ ኮሻይ ዳንዲን ዳር ዎይቲዳሰ። 15 ሃሳ ገሽ ሄ ዳሪን ዲዛ አሳፔ አሳዳኮ ሸቂዳሰ። አዛዳይካ ባ ጉዲንላ ሄማና ማላ ጉዲንላ ሄሚዛሶ ዩዲዳሰ። 16 ናዚካ ጉዲንላቲ ሚዛ ሃርቆዛ፤ ማናሰ አሞቲዳሰ ሸን ሄሳካ አሚዛዳይ ቤቲቤና።

17 “ገደ አቲን አዛ ዎዝናይ ሰሚዳ ዎዳ ‘ታ አዎ አሸካራታ አፑናታ፤ ካሌ ቲርፒዜ ሸን ታኒ ሃይሳን ጋፋን ሃይቃና ማታዲና? 18 ዳንዳዳ ታ አዎ ሶ ባዳ፡ አሎ! ሳሎን ያሳ፡ ሳዓን ታ ኔና ቆሃዲሰ።” 19 ሃይሳፌ ጉዬ ‘ታኒ ኔ ና ጌቲታዳ ያይጌታናሰ ታሰ ቤሴና፤ ኔ አሸካራታ፤ አሳ ማላ ታና ቆዳ’ ገደሰ። 20 ሃሳ ገሽ ዳንዲዲ ባ አዎኮ ቢዳሰ። ገደ አቲን ቡር አዚ ሃሆራ ዩሸን አዎይ ቤዩዲ ሚሸቲዲኔ አዛኮ ዎዳ ቢዲ ኢዲሚ ኦይኪዲ ዩሪዳሰ።

21 “ናዚካ ኦሎ! ሳሎን ያሳ፡ ሳዓን ታ ኔና ቆሃዲሰ፤ ሃይሳፌ ጉዬ ታ ኔ ና ጌቲታዳ ያይጌታናሰ ታሰ ቤሴና’ ገደሰ።

22 “ገደ አቲን አዎይ አሸካራታሰ ‘ኤሶቲዲ ኡባፌ ዶሪቲዳ ማይዎ ኤሂዲ ማይዘቲ፤ አዛ ቢራዴን ሚግዳ፤ አዛ ቶሆንካ ጫማ አላቲ። 23 ሞዶ ሚርጎ ቦራ ኤሂዲ ሹኪቲ፤ ሚዲ ኡፋይቶሰ። 24 ሃይሲ ታ ናዚ ሃይቆዳሰ ሸን ፓዲዳሰ፤ ቆይዳሰ ሸን ቤቲዳሰ’ ገደሰ፤ ሃሳፌ ጉዬን ኡፋይቲላ ኦይኪዳ።

* 14:26 ማቶ 10:37 * 14:27 ማቶ 10:38፤ 16:24፤ ማር 8:34፤ ሉቃ 9:23

25 “ሄሲ ሃኒዛ ዎዴ ባይራ ናዚ ጎሻሶን ዳሰ፤ ሃፔካ ሲሚዲ ሶ ማቲዳ ዎዴ ዲላ ዲሪሰ ሲይዳሰ። 26 ኢዚካ አሽካራታፔ ኢሳ ያይጊዲ ‘ሄሲ አዜ?’ ገ ኦይቸዳሰ። 27 አሽካራዚካ ‘ኔ አሻይ ዩዳሰ፤ ኢዚ ሳርኒኔ ሎዎን ሲሚዳ ገሽ ኔ አዎይ ዎቶ ሚርጎ ሶራ ሹኪዳሰ’ ገዳሰ። 28 “ባይራ አሻዚካ ሃንቁቲዲ ሶ ጌላናሰካ ስይቤና። አዎይካ ካሪ ኬዚዲ ኢዚ ሶ ጌላና ማላ ዎሲዳሰ። 29 ገዳ ኣቲን ኢዚካ ዛሪዲ አዎሰ ‘ሃኮ ታኒ ሃይሳ ጋካናሰ ኔሰ አይሌ ማላ ኦላዲሰ፤ ኔ አዛዘፔ ኢሲኖካ ፓጩሳቤኬ፤ ገዳ ኣቲን ታኒ ታ ላጌታራ ኡፋዬታና ማላ ኔ ታሰ ኢሲ ዳይሻ ላቃካ አማቤካ። 30 ገዳ ኣቲን ሃይሲ ኔ ናዚ ኔሰ ዲዛይሳ ወርሲ ላይማቲዛይታራ ወርሲዲ ዩሺን ዎቶ ሚርጎ ሶራ ኢዛሰ ሹካዳሳ’ ገዳሰ። 31 “አዎይካ ‘ታ ናዙ ኔ ኡባ ዎዴ ታናራ ዳሳ፤ ታሰ ገዲዳይ ወሪካ ኔሳ። 32 ሃይሲ ኔ አሻይ ሃይቁዳሰ ሺን ፓዲዳሰ፤ ጳዩዳሰ ሺን ቤቲዳሰ፤ ሃሳ ገሽ ኩኒ ኡፋዬታናሰ ቤሴሰ’ ” ገዳሰ።

16

ጨንጫ ሃንጎንቻ ለሚሶ

1 ዩሱሲ ባና ካሊዛይታሰ “ኢሲ ዲሬ አዳ ዳይሳሰ ኢዛ ኬላ አይሲዛ ኢሲ አሲ ዳሰ፤ ኢዚ ሄ ዲሬ አዳዛ ሚሻ ኦጌይ ባይንዳ ላሊዛይሳ ዎሪይ ሃ ዲሬ አዳዛ ሃይሳን ዎቶዳሰ። 2 ዲሬ አዳዚ ሄ አዳዛ ያይጊዲ ‘ሃይሶ ታ ሲይዛይሲ ሄሲ አዜ? ሃይሳፌ ዶማዳ ኔ ታ ኬላሰ አይሲዛይ ገዳናሰ ዳንዳዮንታ ገሽ ኔ አላፊቲላ ገደን ዲዛ ሚሻ ኦይኪዳ ማዘጋባ ታሰ ዛራ’ ገዳሰ። 3 “ኬላ አይሲዛ አዳዚ ባ ዎዘናራ ‘ታ ጎዳይ ታና ታ አላፊቲላፌ ጎዳና ገሰ፤ ጎዳ ማናሰ ታሰ ዎልቃይ ባዎ፤ ዎሳናሰ ዩላታይሰ፤ ሃሳ ገዲዳ ገሽ አይ ኦሎ?’ ገዲ። 4 ታኒ አላፊቲላፌ ኬዚኮ አሳይ ታና ዎኪ ኤካና ማላ ኦላና ኦጌ ታ ኤራይሰ። 5 “ሃሳ ገሽ ኢዛ ጎዳ አጮይ ኢሰታ ሶላ ዲዛ አሳታ አሳ አሳ ያይጊዳሰ። ኮይሮ ዩዳይሳ ‘ኔ ሶላ ጎዳ አጮይ አፑኔ?’ ገዳሰ። 6 “ ኢሲ ያቲ 9ሮ ኩሚላ ዛይቲይ ታ ሶላ ዳሰ’ ገዳሰ። አላፊዚ ዛሪዲ ካሴ ኔ ፋራሚዳ ዎራቃታ ሄዩ ኤካ ኡታዳ ኤሌ ኢቻሹ ታሙ 9ሮ ጋዳ 9ፋ ገዳሰ። 7 “ካሊዲ ሃንኮይሳ ‘ኔቶ ኔ ሶላ አፑን ዲዜ?’ ገዳሰ። ‘ያቲ ኦጎሮ ገሰቲይ ዳሰ’ ገዳሰ። አላፊዚ ዛሪዲ ‘ካሴ ኔ ታልዓሽ ፋራሚዳ ዎራቃታ ሄይ ኦሱፑን ታሙ ኦጎሮ ጋዳ 9ፋ’ ገዳሰ። 8 “ጎዳዚካ ሹጮቹዛ አላፊዚ ኦሊዳ ጨንጫቲላ ገሽ ኢዛ ናሺዳሰ። ሃ አላሜ ናይቲ ባና ሚሳቲዛይታራ ዲዛ ጋጎቲላን ፖዎ ናይታፔ አጲዳ ጨንጫታ።

ሚሽ ቤሲዛሶን ፔይሾ ኮሽሰ

9 “ሃሳ ገሽ ታኒ ኢንቲና ገዛይ ሃ ቢታ ሚሻይ ወሪዳ ዎዴ ሜርና ኬላን ኢንቲ ኤኬታና ማላ ሃሳ ኢንቲሰ ዲዛ ሚሻራ ኢንቲሰ ላጌ ሜቋቲ ጋይሰ። 10 ጉላ ሚሻን አማኔቲዛይ ዳሮ ሚሻንካ አማኔታና፤ ጉላ ሚሻን አማኔቶንታይ ዳሮ ሚሻንካ አማኔቲና። 11 ሂሰቲኮ ኢንቲ ሃ ቢታ ሚሻን አማኔቶንታ ኢዲኮ ቱማ ሚሻ ሃዳራ ኦይኪቲ ገዲ ኦኒ ኢንቲሰ አማኔ? 12 አሳ ሚሻን ኢንቲ አማኔቶንታ ኢዲኮ ኢንቲሰ ቡዞ ገዳና ሚሽ ኦኒ አማኔ?

13 “ናምቡ ጎዳሰ ኢሲቶ ኢሲ ሶላ አዛዜታና ዳንዳዩዛይ ኦኒካ ዳና፤ ዎይኮ ኢሳ ዶሲዲ ኢሳ ኢዳሰ ዎይኮ ኢሳኮ ሸቁዲ ሃንኮይሳ ሌቁሰ። ያሳሲኔ ሚሻሰ ኢሲፌ ጋሌ ሃሪታናሰ ዳንዳዩኬታ” ገዳሰ። * 14 ሚሽ ዳርሲ ሰቁዛ ፋርሳዌቲ ሄሳ ወርሲ ሲይዲ ዩሱሳ ቁቋዳ። 15 ዩሱሲካ ኢሰታሰ “ኢንቲ ኢንቲና አሳ አቻን ያሊሴታ፤ ገዳ ኣቲን ያሲ ኢንቲ ዎዘና ኤሪሰ። አሳ አቻን ቦንቸቲዳይ ያሳ ሲንጎን ቱና” ገዲ ኢሰታሰ ዮቲዳሰ።

ሙሴ ዎጋኔ ኤኮ ጌሎ ገሽ (ማቶ 5:31-32፤ 11:12-13፤ ማር 10:11-12)

16 “ሙሴ ዎጋይኔ ናቤቲ ዮሃኒሲ ያና ጋካናሰ ዮቲሹ ጋምዒዳ። ሄሳ ካሊዲ ቃሴ ያሳ ካዎቲላ ሚሽራቾ ቃላይ ሳባኬቲዳሰ። ኢሲ ወሪካ ሄ ጌላናሰ ዎቶቲሰ። * 17 ገዳ ኣቲን ሙሴ ዎጋፔ ኢሲ ቁሪና ኩንዳ አታናይሳፌ ሳሎይኔ ሳባይ አቋናይሲ ካወሻ ገዳና። * 18 “ባ ማቾ አንጂ ዩዲዲ ሃራ ማቾ ኤኪዛ ኢሲ ወሪካ ላይማቲሰ፤ ባ አዚናፔ አንጃታ ቢዳር ኤኪዳይሲካ ላይማቲሰ። *

ዲሬ አዳዛኔ ማንቆ አላዛሪ

19 “ቃሴካ ዩሱሲ ኢሰታሰ ‘ሎዎ ማይዎ ማይዒዲ ጋላሰ ጋላሰ ሎዎ ዲሳ ኡፋይሳን ዲዛ ኢሲ ዲሬ አሲ ዳሰ’ ገዳሰ። 20 ሄ አዳዛ ፔንጌን ኩሚላ ሶላይ ማዲንሰ 9ላ ገዲዳ ኢሲ አላዛሪ ጌቲቲዛ ማንቆ አዳ ዲዛይሲ ኢቸዲ ዳሰ። 21 ኢዚካ ሄ ዲሬ አዳዛ ኬላን አሳይ ካሰ ሚሻን ማዳፌ ጋዴን ዎቋዛ ሱፓ ማዲ ማናሰ አዎቲሰ። ካናቲካ ኢዛ ማዲንላ ላጩቲሰ። 22 “ሃ ማንቆ አዳዚ ሃይቁን ሳሎ ኪታንቻቲ አብራሃሜ ኪዎ ኤኪ ቢዳ፤ ቃሴ ዲሬ አዳዚካ ሃይቁዲ ዎጌቲዳሰ። 23 ኢዚ ሲዎሊን ዎዩቲሹ ቆቁ ገዲ ሃሆን አብራሃሜ ያሊዳሰ፤ አላዛሪካ ባ ኪዎን ኦይኪ ዲሺን ቤይዳሰ። 24 “ዲሬ አዳዚ ‘አዎ አብራሃሜ! ሃይሳን ዎዩቲዛ ታሰ ሚቸታርኪ! ገ አላዛሪይ ባ ቢራጴ ያራ ኢርፃ ሃላን ቦቸዲ ታ ኢንፃርሰ ኢርፃሳና ማላ ሃ ዩዳርኪ!’ ገዲ ዎሲዳሰ። 25 “ገዳ ኣቲን አብራሃሜይ ‘ታ ናዙ ኔኒ ቢታ ሶላ ዳሽ ሎዎ ዲሰ ዳሲዳይሳ ማላ አላዛሪይ ካሴ ዎዩ ቤዩዳይሳ ኔ ቆፓ፤ ገዳ ኣቲን ሃሳ ኢዚ ኡፋዬቲሺን ኔኒ ዎዩታሳ’ ገዳሰ። 26 ሄሲ ወሪ ሃኒሺን ሃን ዲዛ ኢሲ ሃፔ ሄ ኢንቲኮ አቋንታ ማላ ቃሴካ ኢንቲኮን ዲዛይ ሃ ኦኮ አቋና ኮዩዛይይ ሃ አቋንታ ማላ ኢንቲሴኔ ኦሰ ገደን ገታ ኣፎይ ገጌቲዳሰ ገዳሰ። 27-28 “ዲሬ አዳዚ ቃሴ ‘አሶ! ሄሲ ሃሳ ገዲኮ ኔኒ አላዛሪ ዲጌ ታ አዎሶ ዩዳና ማላ ታ ኔና ዎሳይሰ፤ ታሰ ኢቻሹ አሻቲ ዳቲሰ፤ ሃይቲ ሃይሳ ሃ ዎዩሶ ዮንታ ማላ ቢዲ ኢሰታሰ ሎዔሌ ዮታና ማላ አላዛሪ ዩዳርኪ?’ ገዳሰ። 29 “አብራሃሜይ ኢዛሰ ዛሪዲ ‘ሙሴይኔ ናቤቲ ሄን ኢሰታ አቻን ዲዛ ገሽ ኢሰታፌ ሲዬቶ’ ገዳሰ። 30 “ኢዚካ ዛሪዲ ‘አዎ አብራሃሜ ሃሳ ማላ ገዳና፤ ሃይቁዳ አሳፔ ኢሲዳይ ሃይቆፔ ዳንዲ ቢኮ ኢሰቲ ያሳ ማርቲላን ጌላና’ ገዳሰ።

* 16:13 ማቶ 6:24 * 16:16 ማቶ 11:12-13 * 16:17 ማቶ 5:18 * 16:18 ማቶ 5:32፤ 1ቆር 7:10-11

ዋሳና ጸላ ከሌ ቢዳ፤ አሰይ ፋርሳዌ፣ ሂንኮይሲ ቃራፃ ሺሺዛዴ። 11 ፋርሳዌዚካ ኤቁዲ ባ ገሽ 'ዶሶ! ታኒ ሃራ አሳ ማላ ቦንቁዛዴ፣ ማካሊዛዴ፣ ላይማቲዛዴ ሃራፔካ ሃይሳ ቃራፃ ሺሺዛዴ ማላ ገደንታ አገዳ ገሽ ታ ኔና ጋላታይሰ። 12 ሳሚንታን ናምዓ ያማይሰ፤ ታሰ ዲዛ ታማፌ አሳ አማይሰ' ገዲ ዋሲዳሰ።

13 “ገደ አቲን ቃራፃ ሺሺዛዴዚ ሃሆን ኤቁዲ ፑዴ ሳሎ ቶቁ ገዲ ያላናሰ ኮይቤና፤ ገደ አቲን ባ ቲራ ኢጨሽ 'ዶሶ! ታና ናጋራንቻዛ ማራርኪ!' ገዴሰ።

14 “ታ አንቴሰ የታይሰ፤ ያሳ ሰንላን ፋርሳዌዚ ያሎቴላ ዳሚቤና ሸን ሃይሲ ቃራፃዛይሲ ያሊዲ ባሶ ሲሚዳሰ። ባና ቶቁሲዛይ ወሪ ዘቁ ጋና፤ ባና ዘቁሲዛይ ገዲኮ ቶቁ ጋና” ገዴሰ። *

15 ዬሱሲ ቦሽሬላና ማላ አሳይ ጉላ ናይታ ኢዛኮ ኤሂዳሰ። አዛ ካሊዛይቲካ ሄሳ ቤዩዲ ሃንቁቲዳ።

16 ገደ አቲን ዬሱሲ ጉላ ናይታ ባኮ ያይገዲ “ጉላ ናይቲ ታኮ ያናይሳ ዲጎፍቲ፤ ያሳ ካዋቴላ ሃይታንታ ማላታሳ። 17 ታ አንቴሰ ቱሙ ጋይሰ፤ ያሳ ካዋቴላ ጉላ ና ማላ ኤኮንታይ ወሪ ኢዚን ጌሊና” ገዴሰ።

ሃ ቢታ ሃርኔ ሳሎ ካዋቴላ
(ማቶ 19:16-30፤ ማር 10:17-31)

18 አይሁዳታ ሃላቃታፔ አሰይ “ኪያ አሰታማሪ! ሜርና ዴፃ ላታናሰ ታ አይ አሉ?” ገዲ አይቺዳሰ።

19 ዬሱሲካ “አዛሰ ታና ኪያ ጋይ? አሲ ያሳፌ አቲን ሃራ ኪያይ ዴና። 20 ‘ላይማቶ፣ ዋቶ፣ ካይሶቶ፣ ዋርዶ ማርካቶ፤ ኔ አዋ ቦንቻ’ ገዛ አዛዘዛታ ኔ ኤራሳ” ገ ዛሪዳሰ። *

21 አዴዚካ “ሃይታ ገዲኮ ጉላ ናቴላፌ ዶማዳ ናጋዲሰ” ገዴሰ።

22 ዬሱሲካ ሄሳ ሲይዲ “ሂሰቲኮ ኔሰ አሲ ሚሺ ፓጩሰ፤ ኔሰ ዲዛዚ ወርሳ ባዩዛዳ ማንቆታሰ አማ፤ ሳሎ ማዘጋገን ዴማንዳሳ፤ አዛፔ ጉዬ ያዳ ታና ካላ” ገዴሰ። 23 ገደ አቲን አዴዚ ሄሳ ሲዩዳ ዋዴ ዳር ሃርይ ኢዛሰ ዲዛ ገሽ ከሂ ሚሽቲዳሰ።

24 ዬሱሲካ አዴዛ ያሊዲ “ዳር ሚሺ ዲዛ አሳቲ ያሳ ካዋቴላ ጌላናይሲ አይ ማላ ሚቶ! 25 ዴሬይ ያሳ ካዋቴላ ጌላናይሳፌ ጋማላይ ናርፔ ሉኮራ አፋናይሲ ማታና” ገዴሰ።

26 ሄሳ ሲዩዳ አሳይ “ሂሰቲን ኦኒ አታና ዳንዳዩዜ?” ገዴሰ።

27 ዬሱሲካ አሳ አቻን ዳንዳዩቶንታይ ያሳ አቻን ዳንዳዩቴሰ ገዴሰ።

28 ጳፀርሲካ “ሄኮ ኦኒ ኦሰ ዲዛዘ ኡባ አገዲ ኔና ካሊዳሰ” ገዴሰ።

29 ዬሱሲካ አሰታሰ “ታ አንቴሰ ቱሙ ጋይሰ፤ ያሳ ካዋቴላ ገሽ ገዲ ባ ከሌ፣ ባ ማቾ፣ ባ አሽንታ ዋይኮ ባና ዬሊዳይታ ዋይኮ ባ ናይታ አገዳዴይ፣ 30 ሃዲ ዋዴ ዳር ዳኮ ኩሽ ኤኮንታይኔ ዩዛ ዋዴ ቃሴ ሜርና ዴፃ ኤኮንታይ ኦኒካ ዳና” ገዴሰ።

ዬሱሲ ባ ሃይቆ ገሽኔ ዴንላ ገሽ ሃቫንላ ዮቲዳሰ
(ማቶ 20:17-19፤ ማር 10:32-34)

31 ዬሱሲካ ባና ካሊዛ ታማኔ ናምዓታ ዴማ ኤፊዲ “ሃዲ ኦኒ ዬራሳላሚ ከዛና ጎሰ፤ ናቤቲ አሳ ና ገሽ ያፊዳይሲ ወሪ ፖሌታና። 32 ዴሬ አሳሰ አላ አማና፤

አሰቲካ ኢዛ ቁጂ ካዳና፤ ዋይሳና፤ ኢዛ ቦላ ጩታና። 33 ጋራፋና፤ ሄሳፊካ ዛሪዲ ዋቆና፤ ኢዚካ ሃቫንላ ጋላሰ ሃይቆፔ ዴንዳና” ገዴሰ።

34 ኢዛ ካሊዛይቲ ገዲኮ ሄሳ ኡባፌ አሲኖካ ኤሪቤይቲና። ኢዛ ገዛይሲካ አሰታሰ ጌሊቤና። ኢዚ አዛ ገሽ ሃሳዩዳኮኔ ኤሪቤይቲና።

35 ዬሱሲ ኢያርኮ ጌቲቲዛሶ ማቲዳ ዋዴ አሲ ቆቁ አዴይ ኦኔ ዴናን ኡቲዲ ዋሴሰ። 36 ሄ ቆቁ አዴዚካ ዳር አሳይ ኦኔራ አጂዛይሳ ሲይዲ “ሂሰ አዜ?” ገ ኦይቺዳሰ። 37 አሰቲካ ኢዛሰ “ናዚሬቴ ዬሱሲ ሃይሳራ አጂሰ” ገዲ ዮቲዳ።

38 ኢዚካ “ዳወቲ ና ዬሱሳ ታሰ ቃጂታ” ገ ዋሲዳሰ።

39 ዬሱሳፔ ሲንሌቲ ቢዛይቲ “ጩባ ጋ!” ገዲ ሃንቁቲዳ። ገደ አቲን ኢዚ “ዳወቲ ናወ! ታሰ ቃጂታ” ገዲ ዳርሲ ዋሲዳሰ። 40 ዬሱሲካ ኤቁዲ አዴዛ ኢዛኮ ኤሃና ማላ አዛዚዳሰ፤ ኢዚካ ኢዛኮ ሸቁዳ ዋዴ 41 “ታ ኔሰ አይ አላና ማላ ኮያይ?” ገዲ አይቺዳሰ። ቆቁዚካ “ጎዶ ያላናሰ ኮያይሰ” ገዴሰ።

42 ዬሱሲካ “ኔና ኔ አማኖይ ፓሊዳሰ ያላ” ገዴሰ። 43 አዴዚ ሄራካ ያሊዳሰ፤ ያሳካ ቦንቺሽ ዬሱሳ ካሊዳሰ። ሄሳ ቤዩዳ ዴሬይ ወሪ ያሳ ጋላቲዳሰ።

19

ዬሱሲካ ዜኪዮሳ

1 ዬሱሲ ኢያርኮ ጌቲቲዛሶራ አጂ ቢሸን፣ 2 ዜኪዮሳ ጌቲቲዛ አሲ አሲ ሄን ዬሱሲ ቢዛ ኦኔ ቦላ ዳሰ። ኢዚካ ዴሬ ቃራፃ ቃንዲሲዛይታሰ ሃላቃኔ ከሂ ዴሬ አሳ። 3 ኢዚ ዬሱሳ ጌቲቲዛይሲ አዋይሳኮኔ ቤያናሰ ኮዩሸን ቃንላ አሳ ገዲዳ ገሽኔ ዳር ዴሬይ ዬሱሳ ካሊዛ ገሽ ዬሱሳ ቤያናሰ ዳንዳይቤና። 4 ዬሱሲ ሄ ኦኔራ አጂሸን ሲንሌ አጂዲ ኦኔ ቦላ ዲዛ አሲ ኤላ ሚሳ ቦላ ከዚዳሰ። *

5 ዬሱሲ ኤላ ጋርሰ ጋኪዲ ቶቁ ሂሰቲ ያሊዲ “ዜኪዮሳ! ሃቶ ታ ኔ ከላን ፔፃናሰ ቤሴሰ። ኤሌላ ዋቆ” ገዴሰ።

6 ኢዚካ ኤሌ ዋቆዲ ኡፋይሳን ሞኪ ኤኪዳሰ። 7 ሄ ዋዴ ሄን ኢዛራ ዲዛ አሳይ ሄሳ ቤዩዲ “ናጋራንቻ አሳ ከላን አማቶ ማና ጌሰ” ገዲ ወሪካ ባ ገደን ዙዙማቲዳ።

8 ገደ አቲን ዜኪዮሲ ኤቁዲ “ጎዶ! ታኒ ታሰ ዲዛ ሚሽ ኡባፌ ባጋ ሻካዳ ማንቆታሰ አማና፤ ታኒ ኦናፔካ ዋርዶራ ቦንቃ ኤኪዳዚ ዲኮ አይዲ ኩሽ ጉጃዳ ኢዛዳሰ አማና” ገዴሰ።

9 ዬሱሲካ “ሃ አዴዚ አብራሃሜ ና ገዲዳ ገሽ ሃቶ ሃ ከላሰ ፓፃቴላ ዩዳሰ” ገዴሰ።

10 ሃይሳሰ ጋሶይካ አሳ ናይ ሃ ዩዳይ ቆዩዳይሳ ኮያናሰኔ አሻናሳ። * 11 አሳይ ሃይሳ ሲዩሸን ሊሚሶራ ሃሳፃ ኦይኪዳሰ፤ ጋሶይካ ኢዚ ዬራሳላሚ ጋካናሰ ማቲዳ ገሽኔ አሳታሰ ያሳ ካዋቴላ ቆንጫና ሃኒዛ ሚሳቲዳ ገሻሳ። * 12 ሄሳ ገሽ “አሲ ካዋ ናይ ባ ካዋቴላ ሹሜቴላ ኤኪ ያናሰ ሃሆ ቢታ ቢዳሰ። 13 ባ አሸካራታ ገደፌ ታማታ ያይገዲ ታሙ ሚናኔ አሰታሰ አሚዲ

* 18:14 ማቶ 23:12፤ ሉቃ 14:11 * 18:20 ከሳ 20:12-16፤ ዛሬ 5:16-20 * 19:4 አሲ አሲ ባጋ ጋሞላ ቃላን ኤላ ሚሳ ገዛይሳ ቦላ ጌቲሰ። * 19:10 ማቶ 18:11 * 19:11 ማቶ 25:14-30

ታ ሲማዳ ያና ጋካናሰ ሃይሳ ሚሻን ዘልዒቲ፣ ገደሰ።
†

14 “ሄ ዳሬ አሳቲ ቃሴ ኢዛ ኢዳዳ ገሽ ሳይሲ ኢዳዲ ኑ ቦላ ካዎታና ማላ ኮኮኮ፣ ገዲ አሰ ኢዛ ጌድራ ኪታ አሉ ዩዲዳ።

15 “ገደ አቲን ሃ ካዎ ናዚ ካዎ ገዲዲ ጉዬ ባ ዳሬ ሲሚደሰ። ካሴ ቢሾ ታሙ ሚናኔ ኢሚዳ ታሙ አሽካራቲ ኢዚ ኢሚዳ ቢራን ዘልዒዲ አይ ከና ቲርፊሲዳኮኔ ኤራናሰ ኢሰታ ያይገደሰ።

16 “ኢሰታፊ ኮይርይ ሸቂዲ ሳደ! ኔ ታሰ ኢሚዳ ታሙ ሚናኔ ሃራ ታሙ ዩሊደሰ፣ ገደሰ።

17 “ጎዳዚካ ኢዛ ሳ ኣማኔቲዳ አሽካራ፤ ሎዎ አላዳሳ። ኔ ጉላ ሚሻን ኣማኔቲዳ ገሽ ታሙ ካታማታ ኔ ሃራና ማላ ኔሰ ኢሚዳሰ፣ ገደሰ።

18 “ናምዓንጸዘካ ኢዛኮ ሸቂዲ ሳደ! ኔ ታሰ ኢሚዳ ሚናኔ ሃራ ኢታሾ ሚናኔይ ዎዲደሰ፣ ገደሰ።

19 “ኢዛ ጎዳዚ ኢዛሰ ዛሪዲ ሳይ አይሳና ማላ ታሙ ካታማቲ ኔሰ ኢሚቲዳ፣ ገደሰ።

20-21 “ቃሴካ ሃንገ ኦሳንቻይ ሸቂዲ ሳደ! ኔኒ ዎሶንታሶፔ ኤከዛዴ፤ ዜርንታሶፔ ማዳዛዴ፤ ሚንፄ ኢታ አሰ ገዲዳ ገሽ ታ ኔሰ ባባዳ ጨርቃን ፃፃ ዎሉዳ ኔ ሚናኔዮ ሄይ ኤካ፣ ገደሰ።

22-23 “ኢዛ ጎዳዚ ዛሪዲ ኢዛሰ ሳይሰ ኢታ ኦሳንቻዘ! ታ ኔ ቃላን ኔና ዛራ ፐርዳይሰ። ታኒ ዎሶንታሶፔ ኤከዛዴ፤ ዜርንታሶፔ ማዳዛ ሚንፄ ኢታ አሰ ገዲዳይሳ ኤራሳሽን ታኒ ታ ሚሻ ዩሎራ ኤካና ማላ ሄ ሚሻን ኦላና ኦሳታሰ ኣዛሰ ኢማቤኪ?” ገደሰ።

24 ኢዛ “ጎዳዚካ ሃን ኤቂዳ አሳታ ኢዛ ኩሼፔ ሚናኔዛ ኤኪዲኔ ታሙ ሚናኔይ ዲዛይሳሰ ኢሚቲ፣ ገደሰ።

25 “ኢሰቲካ ዛሪዲ ሳደ! ኢዛሰ ታሙ ሚናኔይ ደሰኮ፣ ገደሰ።

26-27 “ኢዚካ ዛሪዲ ዲዛደሰ ኡባሰ ሃራይ ጉጃታና፤ ባይንዳደሰ ካሴ ዲዛይሰ ኢዛፔ ኤኬቲቻና። * ገደ አቲን ታኒ ኢሰታ ቦላ ካዎቶንታ ማላ ኮይዳይታ ሃይታ ታ ሞርኬታ ታኮ ሃ ኤሂዲ ታ ሲንሳን ሹኪቲ” ገደሰ።

28 ሃሳ ሃሳዩ ሲሚዲ ዩሱሲ ዩሩሳላሚ ኬዛናሰ ኢሰታፊ ሲንሳቲ ቢደሰ። 29-31 ዳብራዛይቲ ጌቲቲዘ ዙማ ቦላ ዲዛ ቤቲፋኔኔ ቢታኒያ ጌቲቲዘ ካታማታኮ ማቲዳ ዎዴ ባና ካሊዛይታፔ ናምዓታ “ሃኒ ኢንቲ ሲንሳን ዲዛ ቁሪ ካታማዮ ቢቲ፤ ቢዲ ካታማዮ ኢንቲ ጌሊሽን ኦኒካ ቶጊ ኤርንታ ኢሲ ቃሼቲ ዲዛ ሃራ ጉቲ ኢንቲ ዳሚና፤ ኢዛ ቢርሺዲ ሃ ታሰ ኤኪ ዩቲ፤ ኢንቲና ኦኒካ ሳዛሰ ቢርሹቲ?” ገዲ ኦይቺኮ ሳዳሰ ኮሼሰ ገቲ” ገ ከቲደሰ።

32 ከቲቲዳይቲካ ቢዲ ኢዚ ኢሰታሰ ዮቲዳ ማላ ሃራ ጉቲዛ ዳሚዳ። 33 ኢሰቲ ጉቲዛ ቢርሺን ጉቲዛ ጎዳቲ ቤዩዲ “ኣዛሰ ቢርሹቲ?” ገዲ ኦይቺዳ።

34 ኢሰቲካ “ሳዳሰ ኮሼሰ” ገደሰ። 35 ሃራ ጉቲዛ ዩሱሳኮ ኤሂዲ ባ ማይዎ ወርሲ ጉቲዛ ቦላ ዩጊዲ ዩሱሳ ሃራ ጉቲዛ ቶጊሲዳ። 36 አሳይ ወሪካ ባ አፋላ ዩሱሲ ቢዛ ኦኔ ቦላ ሚጨደሰ።

37-38 ዳብራዛይቲ ዙማ ቦላራ ዲጌ ዎሊዘ ኦኔዛኮ ማቲዳ ዎዴ ቆዳይ ባይንዳ ዳሬይ ባ ቤዩዳ ማላታ ገሽ ወሪካ ኡፋይሳራ ባ ቃላ ቆቁ ሂሰቲዲ “ጎዳ ሱንሳን ዩዛ ካዎይ አንጃቲዳይሳ፤ ሳርይ ሳሎን ቦንቻይ ሳሎፔ ቦላ ሳሎን ገደ” ገደሰ። *

39 ዴሬታፔ ኢሲ ኢሲ ፋርሳዌቲ ዩሱሳ “ኣሰታማሬ! ሃ ኔና ካሊዛ አሳይ ገዛይሳ ጎንታ ማላ ሃንቃ” ገደሰ።

40 ኢዚካ ኢሰታሰ ዛሪዲ “ሃይቲ ጮዑ ገዳኮኔ ሹቻቲካ ዎሳና” ገደሰ።

41-43 ዩሱሲ ዩሩሳላሚ ማቲሼ ካታማዮ ቤዩዲ ኢዚሰ ዩኪደሰ። “ኔሰ ሳር ገዲዛዘ ሃቺ ኔ ኤሪዳኮ ኣዜ ዲዛይ? ሃራ ኔ ኣይፊፔ ቆቲቲዳ ገሽ ኔ ሞርኬቲ ሃራ ሃራ ኔና ገደሊዲ ኤንዔላና ዎዴ ያና። 44 ኔና ኔ ጌቤ ገደን ኔናራ ዲዛ ኔ ናይታ ወርሲ ቢታ ኬሳና። ሹቻካ ሹቻ ቦላፊ ላሎንታ አኔቲና። ሄሲ ወሪካ ያሲ ኔና ኮዩሽን ኔኒ ኤርንታ አጊዳ ገሻሳ” ገደሰ።

45 ሃሳፊ ካሊዲ ዩሱሲ ያሳ ኬላ ጌሊዲ ያሳ ኬላ ገደን ዘልዒዛይታ ኬሲደሰ። 46 ቃሴካ “ታ ኬላይ ዎሳ ኬላ ገደና ጌቲቲዲ ያፊቲደሰ፤ አንቲን ገዲኮ ፓንጋይ ዲዛ ጎንጎሎ ሂሰቲዳታ” ገደሰ። *

47 ዎንቲን ዎንቲን ያሳ ኬላን ኢዚ ታማሪሲሽን ያፊቲኔ ዳሬ ሃላቃቲ ኢዛ ዎሳናሰ ኮይዳ። *

48 ገደ አቲን ዳሬይ ወሪካ ኢዛራ ኦይኬቲዲ ኢዚ ታማርሲዛይሳ ካሊዛ ገሽ ኦላናዚ ኢሰታሰ ከርቂ ገደሰ።

20

ዩሱሳ ዎልቃ ፓጫና ሸቂዳ ኦይሻ
(ማቶ 21:23-27፤ ማር 11:27-33)

1 ኢሲ ጋላሰ ዩሱሲ አሳ ያሳ ኬላን ታማርሲሽኔ ሚሺራቾ ቃላ ሳባኪሽን ቁሴ ሃላቃቲ ያፊቲኔ ዳሬ ጨማቲ ሸቂቲዲ ኢዛኮ ዩዳ። 2 “ሃይሳ ኔ ኦላዛይ ኦና ሼኔኔ? ኔሰ ሼኔ ኢሚዳይ ኦኔ?” ገዲ ኢዛ ኦይቺዳ።

3 ኢዚካ ኢሰታሰ “ታካ ኢንቲና ኢሲ ኦይሾ ኦይቻይሰ፤ አኔ ታሰ ዛሪቲ። 4 ዮሃንሳ ዊንቃታይ ሳሎፔ? አሳፔ?” ገደሰ።

5 ኢሰቲካ ባ ገደን ኢሰይ አሳራ “ኑ ዮሃንሳ ዊንቃታይ ሳሎፔ፣ ገኮ ኢዚ ኦና ሂሰቲን ኣዛሰ ኣማኒቤኬቲ?” ገና። 6 አሳፔ፣ ገኮ አሳይ ወሪ ዮሃንሲ ናቤ ገዲዳይሳ ኣማኒዛ ገሽ ኦና ሹቻራ ጫዳና” ገ ዘራቲዳ።

7 ሃሳ ገሽ “ኢዚ ኣዎፔኮኔ ኦ ኤርኮ” ገዲ ዛሪዳ።

8 ዩሱሲካ ሂሰቲኮ “ታካ ኣዛ ዎልቃን ኦላዛኮኔ ኢንቲሰ ዮቲኬ” ገደሰ።

ዎዩኔ ኣታክሊቲ ጎሻንቻታ ሎሚሶ
(ማቶ 21:33-46፤ ማር 12:1-12)

9 ቃሴካ ዩሱሲ አሳሰ ለሚሶራ “ኢሳዴይ ዎይኔ ሚሰ ቶኪደሰ፤ ጋዴ ጎዩዛይታሰ ኪራ ኢሚዲኔ ሃራ ዳሬ ቢዲ ሃን ጋምዒደሰ። * 10 ካዳዛ ቦኔ ዎዴ ካሳፊ ኤኪ ያና ማላ ባ አሽካራታፔ ኢሳዴ ጋዴዛ ጎይዳ አሳታኮ ዩዲን ጋዳ ጎዩዛይቲ ኪታ ቢዳይሳ ቆዳዲ

† 19:13 ሚናኔ ሚናኔይ ሚሻቲ አይ ላጌ ዳዳዘኮ ኤራናሰ ማዲዛ ሚሻ፤ ቃሴካ ሚሽ ገዲዲ ዘልዒሲካ ማደሰ። ኢሲ ሚናኔይ ሄ ዎዴ አሳደሰ ሄዙ ጋላሳሰ ኦሶ ዳዋዛ ሊኬ ገዳና። * 19:26-27 ማቶ 13:12፤ ማር 4:25፤ ሉቃ 8:18 * 19:37-38 ማዛ 118:26 * 19:46 አሳ 56:7፤ ኤር 7:11 * 19:47 ሉቃ 21:37 * 20:9 አሳ 5:1

ሚላ ኩሼ ይደዱ። 11 ካለፈደካ ሃራ አሸካራ ይደን ገሻንቻቲ ሃራካ ኦይኪ ቆይዲኔ ካወሺዲ ሚላ ይደዱ። 12 ሃራካ ካለፈዲ ሃሻንሶ አሸካራ ይደን ገሻንቻቲ ኢዛካ ቆይሬሌ ማደንሰዲ ጌዴ ካሪ ኬሲ ይገደ።

13 “ወይን ሚላ ጎዳይ ሃራ ኣይ ኦሎ? ኦኔ ኤሪዛይ ታ ኬሃ ሲቁዛ ታ ናዛ ይደዱኦ ኢዛ ቦንቻንዴቶሻ?” ገደሰ።

14 “ገደ ኣቲን ቢታ ጎደዛይቲ ናዛ ቤዩዳ ማላ ባ ገደን ሃይሲ ኢዛ ላታና ናዛ ገደኔ? ሃ ዩቲ ኢዛ ወዲ ቢታ ላቶሶ” ገደ ዘራቲዳ። 15 ወይን ሚላ ቶኪዳሶፕ ጌዴ ካሪ ኬሲዲ ናዛ ወዲዳ። ሂሰቲኮ ሃራ ወይን ሚላ ጎዳይ ሃ ኣሳታ ዋሰታኔ? 16 ዩዲኔ ሃ ገሻንቻታ ዳይሳና፤ ወይን ሚላ ቶኪዳሶዛ ሃራታሰ ኢማና” ገደሰ። ዳሪይካ ሃሳ ኢዚ ገደይሳ ሲይዲ “ሃይሳ ማላይ ሃናፖ” ገደሰ።

17 ዩሱሲካ “ኢሰታኮ ያሊዲ ሃሰቲን ሹቻን ኬሌ ኬዛካ ኣሳቲ ለቁ ኣገዳ ሹቻይ ኬላሰ ዋና ሁዔ ገደና” ጌቲቲዲ ያፊቲዳ ለሚሶዛሰ ቢርሼላይ ኣዜ?” ገደሰ። * 18 ሃ ሹቻ ቦላ ኩንዲዳይ ወሪ ሹቻን ቆይታና፤ ሹቻይካ ኢዛ ቦላ ወዲዳይ ወሪካ ሊቃና” ገደሰ።

ገራ ቃንዖ ገሻሰ ሸቁዳ ኦይሻ

19 ያፊቲኔ ቁሴታ ሃላቃቲ ሂሲ ለሚሶዚ ኢሰታ ቦላ ሃሳዩቲዳይሳ ኤሪዲ ሃራካ ኢዛ ኦይካናሰ ኮይዳ ሺን ዳሪዛሰ ባቢዳ። 20 ዩሱሳ ዋልቃራ ሃሪዛይታሰ ኣሌ ኢማናሰ ኢዛ ደናፕ ኬዚዛ ባላ ቃላ ዳሚዲ ኦይካናሰ ካሊ ካሊ ናገደኔ ያሎ ኣሳ ሚሳቲዲ ኢዛ ካሊ ኢዛ ደናፕ ዮዖ ናገዛ ኣሳታ ኢዛኮ ይደዱ። 21 ኢዛ ደናፕ ዮዖ ኮዩዛ ኣሳቲ ዩሱሳ “ኣሰታማሬ! ኔኒ ቱማ ሃሳዩዛይሳኔ ቱማ ታማርሲዛይሳ ቃሴካ ያሳ ኦጌ ኔ ቱሙ ታማርሲዛይሳኔ ኦናካ ሻካ ማደንታይሳ ኦ ኤርሰ። 22 ገደ ኣቲን ቁሳሬሰ ገራ ገራናሰ ቤሲዜ? ቤሴኔ?” ገደ ኦይቲዳ።

23 ኢዚካ ኢሰታሰ ዲዛ ጌኔ ቆፋ ኤሪዳ። 24 “ኣኔ ኢሲ ዲናሬ ታና ቤሲቲ፤ ሃይሲ ኢዛ ቦላ ዲዛ ሜዳዚኔ ያፊቶይሲ ኦናይሴ?” ገደሰ። ኢሰቲካ “ቁሳሬይሳ” ገደ።

25 ኢዚካ ዛሪዲ ኢሰታሰ “ቁሳሬይሳ ቁሳሬሰ፤ ያሳይሳ ያሳሰ ኢማቲ” ገደሰ።

26 ሃሳ ገሽ ኢዚ ሃሳዩዳ ቃላፕ ኤኪዲ ኣሳ ሲንሳን ኢዛ ቃዖናሰ ደንዳይቤቴና፤ ኢዚ ኢማዳ ቃላን ማለላቲዲ ጮዑ ገደ።

ሃይቁዳይታ ደንላ ገሽ

(ማቶ 22:23-33፤ ማር 12:18-27)

27 ሃይቁዳይታ ደንላ ባዋ ገዛ ሳዱቃዊታፕ ኢሲ ኢሲ ኣሳቲ ዩሱሳኮ ዩዲ ኦይሾ ሺሺዳ። * 28 “ጎደ! ኢሳዳይ ማቶ ኤኪዲ ና ዩሎንታ ሃይቁኮ ሃ ሃይቁዳይሳ ማቶ ኢዛ ኣሻይ ኤኪዲ ባ ኣሻ ላታና ና ኢዛሰ ዩሎ” ገደ ሙሴይ ኦሰ ያፊዳሰ። * 29 ሂሰቲን ላፕን ኣሻቲ ዳቲሰ ሺን ኢሰታፊ ባይራይ ማቶዲ ና ዩሎንታ ሃይቁዳሰ። 30 ኢዛ ካሎዚካ ኢዛሶ ሃይቁዳሰ፤ 31 ሃሻንሶዚካ ኢዛ ኤኪዳሰ፤ ላፕናቲ ወሪካ ሃ ማጫሳዮ ኤኪዲ ወሪካ ና ዩሎንታ ሃይቁዳ። 32 ወርሴላን ማጫሳዮ ሃይቁዳሰ። 33 ላፕናቲካ ሃ ማጫሳዮ ኤኪዳ

ሺን ሃ ማጫሳዮ ወርሴላን ሃይቁዳይቲ ደንዲዛ ዋዴ ኢዛ ኣዋይሳ ማቶ ገደኔ?”

34 ዩሱሲ ኢሰታሰ “ሃ ዳሬ ናይቲ ጌሌቲሲኔ ኤኬቴሰ። 35 ቡሮ ያና ኣላሚን ሃይቁዳይታ ደንላ ዳማናሰ ቤሲዛይቲ ገደኮ ጌሌቴና ኤኬቴና። 36 ኢሰቲ ኪታንቻታ ማላ ገደና ገሽ ሃሳፊ ጉዩ ሃይቁቴና ሃይቆፕ ደንላ ናይታ ገደዲ ገሽ ኢሰቲ ያሳ ናይታ። 37 ሙሴይ ቁሪ ዋራ ገሽ ያፊቲዳ ታሪኬዛን ጎዳ ኣኣብራሃማ ያሳ፤ ዩሳቃ ያሳ ያቆቤ ያሳ፤ ጉሳን ሃይቁዳይቲ ደንዳይሳ ቤሴሰ። * 38 ወሪካ ኢዛሰ ዳዖይ ዲዛ ገሽ ኢዚ ፓዖታ ያሳፊ ኣቲን ሃይቁላታ ያሴ ገደና” ገደሰ። 39 ኢሲ ኢሲ ያፊቲ “ኣሰታማሬ! ሎዖ ጋዳሳ” ገደ። 40 ሃሳፊ ጉዩ ኣይ ኣሲካ ኢዛ ኦይቻናሰ ያለቤና።

ያሳይ ቲዩዳይሳ ገሽ ሸቁዳ ኦይሻ

(ማቶ 22:41-46፤ ማር 12:35-37)

41 ሃሳፊ ጉዩ ዩሱሲ “ኣሳይ ማሲሄ ዋኒዲ ኢዚ ዳወቲ ና ገዜ? 42-43 ጋሶይካ ዳወቲይ ባ ያፊዳ ማዛሙሬ ማዖፋታን ታ ኔ ሞርኬታ ኔ ቶሆ ጋርሰ ኣላና ጋካናሰ ጎዳይ ታ ጎዳ ኔ ታ ኡሻቻን ኡታ” ዋኒዲ ገደ? * 44 ሂሰቲኮ ዳወቲይ ኢዛ ሳዳ ገ ያይገሼ ዋኒ ኢዛሰ ና ገደኔ?” ገደሰ።

45 ዳሬይ ወሪ ሲዩሺን ባና ካሊዛይታሰ 46 “ጎሽቲዛ ኣዳሳ ቃምሴ ማይዲዲ ዩሼ ደሲዛይታፕኔ ገያይ ዲዛሰን ሳርኬቴላ ኮዩዛይታፕኔ ኣይሁዳ ዋሳ ኬላን ቶቃ ኦይዳኔ ዲገሳሶን ቦንቻሶ ኮዩዛይታፕ ያፊታፕ ናጌቲቴ። 47 ሃይታንቲ ኣምዔታ ኬላ ካሎሲዛይታ። ኣሲ ኢሰታ ቤያና ማላ ዋሳ ኣዲሴቴሰ፤ ሃይታንታ ኢታ ፕርዳይ ናጌሰ” ገደሰ።

21

ኣምዔይ ኣምታ

(ማር 12:41-44)

1 ዩሱሲ ቶቁ ገ ያሊሺን ዲሬ ኣሳቲ ያሳ ኬላን ሙፀዋታ ኢዛን ሺሺዛይሳ ገደን ሙፀዋታ ዩገሺን ቤይዳሰ። 2 ቃሴካ ኢሲ ኣምዖ ዲዛራ ናምዑ ሲኪና ገደዛ ናምዑ ያርቁማላ ሄ ሙፀዋታ ኢዛን ሺሺዛይሳን ዩገሺን ያሊዲ። 3 “ታ ኣንቴሰ ቱሙ ጋይሰ፤ ሃና ኣምዔያ ኡባ ኣሳፕ ቦላራ ኣዴላ ኢማዳሰ ገደሰ። 4 ሃይቲ ኣሳቲ ኢማዳይ ባሰ ዲዛ ቲርፓፊ ገደሺን ኢዛ ገደኮ ባሰ ባይንዳ ዋልቃፊ ባሰ ዲዛርኔ ባ ዲሳሰ ኮሺዛር ወርሳ ዩጋዳሰ” ገደሰ።

ያሳ ኬላ ላሌታናይሳ ዩሱሰ ካሴቲዲ ዮቲዳሰ

(ማቶ 24:1-2፤ ማር 13:1-2)

5-6 ኢዛ ካሊዛይታፕ ኢሲ ኢሲ ኣሳቲ ያሳ ኬላይ ሎዖ ሹቻኒኔ ኣሳይ ኢማዳ ኣምታን ኣይ ማላ ሎዲ ኬፀቲዳኮ ገደ ባ ገደን ሃሳዩቲሺን ዩሱሲ ሲይዲ “ሃይሲ ኣንቴ ቤዩዛይሲ ወሪ ላሌቶንታ ሹቶ ሹቻ ቦላ ኬሌቲዳ ማላ ኣቶንታ ዋይይ ያና” ገደሰ።

7 ኢሰቲካ ኢዛ “ኣሰታማሬ! ሃይሲ ወሪ ኣይዳ ሃናኔ? ቃሴ ሃይሲ ሃናናይሳሰ ማላታይ ኣዜ?” ገደ ኦይቲዳ።

8 ኢዚካ ኢሰታሰ “ኣንቴ ባሌቶንታ ማላ ናጌቲቴ፤ ዳርቲ ባና ታ ኪርሰቶሳኮ! ዋይይካ ማቲዳሰ፣ ገሽ

* 20:17 ማዛ 118:22 * 20:27 ሃዋ 23:8 * 20:28 ዛሬ 25:5 * 20:37 ኬሳ 3:6 * 20:42-43 ማዛ 110:1

ታ ሱንጎሩ ያና ሺን አንቲ ኢስታ ካሎፍቴ። 9 ኦላ ገሺኔ ዳሬ ማካላቴላ ገሺ ሲዱዛ ዎዴ ዳጋሞፍቴ። ሄሲ ወሪ ካሴቲዲ ሃናናሰ ቤሴሰ፤ ወርሴሌ ጋኪዴሰ፤ ገዶ ኦቲን ሄሪካ ሃኔና” ገዴሰ።

10 ቃሴ “ዳሬይ ዳሬ ቦላ፣ ካዎይ ካዎ ቦላ ዳንዳና። 11 ቢታይ ዎልቃማ ቃል ቃዓና፤ ኮሻይኔ ቦሻይ ዲማ ዲማሶን ሃናና፤ ዳር ባቢሲዛዚኔ ሳሎፔ ገታ ማላታይ ቤታና።

12 “ሄሲ ወሪ ሃናናፔ ካሴቲዲ አሳይ አንቲና ኦይካናኔ ጎዳና፤ አይሁዳ ዎሳ ኬሌኔ ቃሾ ኬሌ ጌልላና፤ ካዎታ ሲንሌኔ ዳናታ ሲንሌ ሸሻና። ሄሲ ወሪ ታ ሱንጎላ ገሺ አንቲ ቦላ ጋካና። 13 ሄሲ ወሪካ ማርካታናሰ ሎዎ ቃዳ ገዳና። 14 ሄሳ ገሺ ኦና አይቸዛይታሰ ኦ አይ ዛሪና? ገዲ ካሴቲዲ ሂርጎንታ ማላ ሃይሳ ዎዝናን ዎላቴ። * 15 አንቲ ሞርኬታፔ አንቲናሪ ኤቁታናሲኔ ባሌላናሰ ዳንዳዮንታ ቃላኔ ጨንጫቴል ታ አንቲሰ አማና። 16 አንቲና ዩሊዳይቲኔ አንቲ አሻቲ፣ አንቲ ዳቦቲኔ አንቲ ላጌቲ ወሪ አንቲና አሊ አማና፤ አንቲፊ ባጋታ ዎሳና። 17 ታ ሱንጎላ ገሺ ኡባ አሳ አቻን አንቲ አይታና። 18 ገዶ ኦቲን አንቲ ሁዔ ቢናናታፔ ኢሲናካ ጳዩኩ። 19 አንቲ ሚኒ ኤቁኮ አንቲ ሹምፖ አንቲ አሻና።

ዩሱሲ ዩሩሳላሜ ጳዮ ገሻሰ ካሴቲዲ ዮቲዳሰ (ማቶ 24:15-21፤ ማር 13:14-19)

20 “ኦላ አሳይ ዩሩሳላሜ ገዶሊሺን ቤይኮ ኢዚሰ ጳዩዛ ዎዴ ማቲዳይሳ ኤሪቴ። 21 ሄ ዎዴ ዩሱዳን ዲዛይቲ ፑዴ ዙማ ቦላ ጋንጌቶ፤ ካታማን ዲዛይቲካ ካታማፔ ኬዚቴ፤ ዳሬ ገዶን ዲዛይቲካ ሄ ካታማዮ ጌሎፔቶ። 22 ዓፊቲዳይሰ ወሪ ፖሌታናሰ ሃና ሃሎ ኬሲዛ ዎዴ። * 23 ቢታ ቦላ ገታ ሜቶይ ሃናና፤ ሃይሳ ዳሬዛ ቦላ ሃንቆይ ያና፤ ሄሳ ገሺ ሄ ዎዴ ቃንጎሩ ዲዛ ማጫሳታሲኔ ጳንሌዛ አይታሰ አይ አና! 24 ባጋ አሳይ ማሻን ሃይቃና፤ ባ ዳሬፔ ሃራ ዳሬ ዲዔታና፤ ዩሩሳላሜይካ ያሴ ኤርንታ ዳሬታ ዎዴይ ፖሌታና ጋካናሰ፣ ያሴ ኤርንታ አሳታን ዩዴቲዳር ገዳና።

አሳ ና ናምባንሉ ዩሳ ገሺ (ማቶ 24:29-31፤ ማር 13:24-27)

25 “አዎ አርሼ ቦላ፣ አገና ቦላኔ ያለንቲ ቦላ ማላታይ ቤታና፤ አባፊኔ አባ ዳምባላ ገሪሳፊ ዳንዲዳይሳን ቢታ ቦላ ዲዛ ዳሬይ ሂርጋናኔ ሜቶቲታና። * 26 ሳሎ ዎልቃማቲ ቃዓዛ ገሺ አሳይ ቢታ ቦላ አዜ ሃናኔሻ ጉሳኒኔ ናጎን ዓላ ዳቡራና። 27 ሄ ዎዴ አሳ ናይ ዎልቃራ፣ ገታ ቦንቸራኔ ሻራራ ዩሺን ቤያና። * 28 አንቲካ ሃይቲ ሃ ታ ገዳይቲ ፖሌቲል አይኪሺን አንቲሰ አቴላ ዎዴይ ማቲዳ ገሺ ሲቲ ገ ኤቁቴ፤ አንቲ አይፊ ፑዴ ቶቁ ሂሰቲቴ” ገዴሰ።

ጎዳ ዩሳ ማላቲዛ ባላሴ ሚላይ ለሚሶ

29-30 ካሌሊዲ “ባላሴ ሚላኔ ሃራ ሚላታ ወርሲ ያለቲ፤ ሄ ሚላቲ ሃይሌ ኬሲሺን አንቲ ቤዩዛ ዎዴ ቦኔይ ማቲዳይሳ አንቲ ኤሬታ። 31 ሃሳሉካ ሃይታንቲ ጌቲቲዳይቲ ፖሌቲሺን አንቲ ቤዩዛ ዎዴ ያሳ ካዎቲል አንቲኮ ማቲዳይሳ ኤሪቴ።

* 21:14 ሉቃ 12:11-12 * 21:22 ሆሴ 9:7 * 21:25 አሳ 13:10፤ ሂዚ 32:7፤ አዩ 2:31፤ አጁ 6:12-13 * 21:27 ዳኔ 7:13፤ አጁ 1:7 * 21:37 ሉቃ 19:47 * 22:1 ኬሳ 12:1-27

32 “ታ አንቲሰ ቱሙ ጋይሰ፤ ሃይሲ ወሪ ፖሌታና ጋካናሰ ሃ ዩሌታይ አዴና። 33 ሳሎይኔ ሳዓይ አፋና ሺን ታ ቃላይ አዴና።

34 “ሂሰቲኮ ዎጋይ ባይንዳ ዲሳን፣ ዳር ኡሻኒኔ ዲሳሰ ሂርጋን አንቲ ዎዝናይ ዳቡርፖ፤ ሄሳ አሳንታ ኢዩኮ ሄ ጋላሳይ አንቲ ቆፖንታ ናርዎ ማላ አንቲ ቦላ ጋኮንታ ማላ ናጌቲቴ። 35 ሃይሲ ቢታ ቦላን ዲዛ አሳ ኡባ ቦላ ጋካና። 36 ሄሳ ገሺ ቡር ያናይሳፊ አንቲ ኬሲ ኤካና ማላኔ አሳ ና ሲንጎላን ኤቃናሰ ዳንዳያና ማላ ኡባ ጋላሰ ሚኒዲ ዎሲቴ” ገዴሰ።

37 ዩሱሲ ጋላሰ ጋላሰ ያሳ ኬላን ታማርሲ ታማርሲዲ ኦማርሰ ኦማርሰ ዳብራዛይቲ ጌቲቲዛ ዙማ ቦላ ኬዚ ኬዚ አቁሰ። * 38 አሳይ ወሪካ ኢዛፔ ሲያናሰ ማላዶ ዎንታራ ዩሱሳኮ ያሳ ኬሌ ዩሰ።

22

ዩሱሳ ቦላ ማቁቲዳ ማቆ

(ማቶ 26:1-5፤ 14:16፤ ማር 14:1-2፤ ዮሃ 11:45-53)

1 ሄ ዎዴ ፓዚጋ ጌቲቲዛ ኡኬላራ ቦንቸቲዛ ባዓሌይ ማቲ ኡቲዳሰ። * 2 ቁሴታ ሃላቃቲኔ ዓፊቲ ሃንኮ ዳሬ አሳሰ ባቢዛ ገሺ ዩሱሳ ጳይሳና ኦጌ ኮይዳ።

ዩሱዳይ ዩሱሳ አሊ አማና ዙሬቲዳሰ

(ማቶ 26:14-16፤ ማር 14:10-11)

3 ዩሱሳ ካሊዛ ታማኔ ናምባታፔ አሰቆርንቶ ዳሬ አሳ ዩሱዳ ጌቲቲዛይሳን ያላዔይ ጌሊዳሰ። 4 ዩሱዳይካ ቁሴታ ሃላቃታኮኔ ያሳ ኬላ አላፊታኮ ቢዲ ኢስታሰ ዩሱሳ ዎሰት አሊ አማናኮኔ ኢስታራ ሃሳዩቲዳሰ። 5 አሰቲካ ሄሳን ኡፋዩቲዲ ሚሼ አማናሰ ኢዛራ ገገዳ። 6-7 ዩሱዳይካ ኢስታ ቆፋ ደሲዳሰ፤ ዩሱሳ ኢስታሰ አሲ ቤዮንታ አሊ አማናሰ አንጄ ዎዴ ናገሺን ፓዚጋ ዶርሳ ሹኪዲ ኡኬላራ ቦንቸቲዛ ባዓሌ ጋላሰ ጋኪዳሰ።

ዩሱሲ ባና ካሊዛይታራ ፓዚጋ ካዎ ሚዳሰ

(ማቶ 26:17-25፤ ማር 14:12-21፤ ዮሃ 13:21-30)

8 ዩሱሲካ ባና ካሊዛይታ “ፓዚጋ ካዎ ማናሰ ቢዲ ኦሰ ገገሲቴ” ገዲ ጸፅርሳኔ ዮሃኒሳ ከቲዳሰ።

9 አሰቲካ “ኦ አዎን ገገሳና ማላ ኮያይ?” ገዴ።

10 አዚካ ዛሪዲ “አንቲ ጌዴ ዩሩሳላሜ ካታማ ጌሊሺን ሃላ ኦቶ ቶኪዳ አሲ አንቲና ዳሜና፤ አንቲካ ኢዚ ቢዲ ጌሊዛ ኬሌ ጋካናሰ አዛ ካሊቴ። 11 ኬላዳዛሰ ላሰታማሬይ ታና ካሊዛይታራ ፓዚጋ ካዎ ማናሰ አማላ ኬሌ አዎን ዲዜ?” ጌሰ ጌቲ። 12 አዚካ አማላሰ ገጌቲዳ አሆሶ አንቲና ቤሳና፤ ኢዚ ቤሲዛ ሶን ገገሲቴ” ገዴሰ። 13 አሰቲካ ቢዲ ዩሱሲ ገዳ ማላ ኬላ ዳሚዲ ፓዚጋ ሃን ገገሲዳ።

ጎዳ ካዎ ኤኮ ዎጋ

(ማቶ 26:26-30፤ ማር 14:22-26፤ 1ቆር 11:23-25)

14-15 ዎዴይ ጋኪዳ ማላ ዩሱሲ ሃዎሬታራ ቁማ ማዳን ኡቲዲ “ታ ዎዩ ቤያናፔ ካሴታዳ ሃይሳ ፓዚጋ አንቲናራ ኢሲፊ ማናሰ ኬሂ አዎታዲሰ። 16 ታ አንቲሰ ቱሙ ጋይሰ፤ ያሳ ካዎቲላን ሃይሳ ቢርሼሊ ፖሌታና

ጋካና ሃይሳ ፓዚጋ ናምዓንሉ ታ ኢንቴና ሚኬ” ገደሰ።

17 ዋይኔፔ ኦሴቲዳ ኡሻ ፀዓራ ኤኪዲኔ ያሳ ጋላቲ ሲሚዲ “ሃይቲ፤ ወሪካ ኢዛፔ ኡይቲ” ገዲ ኢስታሰ ኢሚደሰ። 18 “ታ ኢንቴሰ ቱሙ ጋይሰ፤ ሃይሳፊ ጉዬ ያሳ ካዋቲሉ ያና ጋካና ናምዓንሉ ሃ ዋይኔ ኡሻፊ ኡዩኬ” ገደሰ።

19 ኡኩላ ኤኪዲ ያሳ ጋላቲደሰ። ኢዛፔ ኢስታሰ ማንሉ ኢሚዲ “ሃይሰ ኢንቴ ገሽ ኢሚታና ታ ኢሾ ለሚሶ ገዲዛ ገሽ ሃይሳ ኡባ ዋዴ ታና ቆፓናሰ ኦሊቲ” ገደሰ። 20 ኢዛሶካ ካዋፔ ጉዬ ኡሻ ፀዓ ዳንሲዲ “ሃይሰ ኡሻይ ኢንቴ ገሽ ታ ሱላን ሃናና ኦራሉ ጫቆ ዋጋ። *

21 “ገደ ኣቲን ታና ኣሉ ኢማናዴ ኩሼይ ታ ኩሼራ ኢሲፊ ማዳን ደሰ። * 22 ኣሳ ናይ ካሴቲዲ ኢዛ ገሽ ሃናናይሰ ወሪ ኡቲዳ ማላ ኢዚ ባና፤ ገደ ኣቲን ኢዛ ኣሉ ኢሚዛደሰ ኣዩ-ኣና” ገደሰ።

23 ኢስቲካ ሃሳ ኦላናይ ኦኔ? ገዲ ባ ገደን ኢሶይ ኢሳ ኦይሼራዲ።

24 ቃሴካ “ኣኒ ኦናፔ ኣጲዛኮኔ” ገዲ ባ ገደን ኢሶይ ኢሳራ ፓላሚቲዳ። * 25 ዩሱሲካ ኢስታ “ዴሪ ሃሪዛ ካዋቲ ባ ዴሪ ኣሳ ዋልቃራ ሃሪቲሲኔ ኢስቲካ ሎዎ ካዋታ ጌቲቲዲ ያይጌቲቲሰ። * 26 “ኢንቴ ገዲኮ ሃሳሶ ሃናፕቲ፤ ኢንቴፊ ገታ ገዲዳዴይ ዋይኮ ታ ኦፔካ ኣጲይሰ ገዛ ኢሲ ኡባፊ ቁሪ ና ማላ ገደ፤ ሃሪዛዴይ ሃሪቲዛዴ ማላ ገደ። * 27 ቁማ ኡቁዲ ሚዚዳዴፊኔ ኡቲዲ ሚዛዴፊ ኦኒ ኣጲዜ? ኡቲዲ ሚዛዴ ገዴኔ? ታኒ ቃሴ ኢንቴ ገደን ኣሽካራ ማላ ዳይሰ። *

28 “ኢንቴን ገዲኮ ታፔ ሻኬቶንታ ታ ዋይሺን ታ ማታን ኡቁዳይታ። 29 ታ ኣዋይ ታና ካዋሉዳይሳ ማላ ታኒካ ታ ካዋቲላን ኢንቴና ካዋላና። 30 ሄሲካ ታ ካዋቲላን ታ ማዳፊ ኢንቴ ማና ማላኔ ኡያና ማላ። ቃሴካ ታ ካዋቲላ ኣልጋን ኡቲዲ ታማኔ ናምዑ ኢሰራዔሌ ናይታ ቦላ ፐርዳናሳ” ገደሰ። *

ጴጥሮስ ኢዛ ካዳናይሳ ዩሱሲ ካሴቲዲ ዮቲደሰ (ማቶ 26:31-35፤ ማር 14:27-31፤ ዮሃ 13:36-38)

31 ቃሴካ ዩሱሲ ሲሞና ያይገዲ “ሲሞና! ያላዔይ ኢንቴና ገሰቲ ማላ ሱራጋናሰ ዋሲደሰ። 32 ገደ ኣቲን ታኒ ኔፔ ኣማናይ ጳዮንታ ማላ ኔ ገሽ ያሳ ዋሳዲሰ፤ ኔካ ሲሚዳ ዋዴ ኔ ኢሻታ ሚንጼላ” ገደሰ።

33 ሲሞኒካ ዛሪዲ “ኅደ! ታ ኔናራ ቃሼታናሲኔ ሃይቃናሰ ገጋ ኡታዲሰ” ገደሰ።

34 ዩሱሲካ ዛሪዲ “ጴጥሮሳ ሃኙ ኩቶይ ኢሲቶ ዋሳናሰ ታ ኢዛ ኤሪኬ” ጋዳ ሂቶቶ ኔ ታና ካዳና” ገደሰ።

35 ቃሴካ ዩሱሲ ኢስታ “ታ ኢንቴና ካሴ ጫማይ፡ ኮርጂይኔ ቃራጻቲ ባይንዳ ከቲዳ ዋዴ ኢንቴሰ ኣዚ ፓጪዴ?” ገዲ ኦይቲደሰ። ኢስቲካ “ኣይኮይካ ፓጪቤና” ገደ። *

36 ኢዚካ ዛሪዲ “ሃሲ ገዲኮ ኮርጂካ ቃራጻቲይካ ዲዛዴይ ኦይኮ፤ ገላ ማሻይ ባይንዳዴይ ባ ማይዎ

ባይዚዲ ሻሞ። 37 ታ ኢንቴሰ ቱማ ጋይሰ “ማካላታራ ኢዚ ኢሲፊ ታይቤቲደሰ” ጌቲቲ ካሴ ያፊቲዳ ቃላይ ታ ቦላ ፖሌታና ቤሴሰ፤ ታ ገሽ ያፊቲዳይሳሰ ፖሎይ ቱማፔ ጋኪደሰ” ገደሰ። *

38 ኢዛ ካሊዛይቲ ቃሴ “ኅደ! ሄኮ ናምዑ ገላ ማሻቲ ሃይሳን ዴቲሰ” ገደ። ኢዚካ ኢዛ ገሽ “ሃይሰ ገደና” ገደሰ።

39 ካሴ ኢዛሰ ሎሴ ገዲዳ ማላ ፑዴ ዳብራዛይቲ ጌቲቲዛ ዙማ ቦላ ኬዚ ቢደሰ። ኢዛ ካሊዛይቲካ ኢዛ ካሊ ቢደ። 40 ሄ ጋኪዳ ማላ “ኢንቴ ፓጪኩን ጌሎንታ ማላ ዋሲቲ” ገደሰ። 41 ዩሱሲ ባና ካሊዛይታፔ ኣሲ ሹኙ ኦሊዲ ጋላናሶ ማላ ሃኪ ቢዲ ጉልባቲ ዋሲደሰ። 42 “ታ ኣዋወ! ኔ ሼኔ ገዲኮ ሃና ማቶ ታፔ ዲጋ፤ ገደ ኣቲን ኔ ሼኔይ ሃናፔ ኣቲን ታ ሼኔይ ሃናፖ” ገዲ ዋሲደሰ። 43 ሳሎፔ ከታንቻይ ቆንጪዲ ዩሱሳ ሚንጼሉደሰ። 44 ኢዚካ ኬሂ ፀጌቲዲ ዋሲሺን ኢዛ ኣሳቲላፊ ጫዋይ ሱላ ማላ ጉኪደሰ።

45 ዋሳፔ ዳንዲዲ ባና ካሊዛይታኮ ቢደሰ። ኢስቲካ ኢዛሰ ሚሼቲዲ ቆፕሺን ጲሰኮይ ኤፊዳሼ ዩሱሲ ኢስታኮ ዩዲ። 46 “ኣይሰ ጲሲኬቲ? ኢንቴ ፓጪኩን ጌሎንታ ማላ ሃሲ ዳንዲዲ ዋሲቲ” ገደሰ።

ዩሱሲ ኣጲ ኢሚቲደሰኔ ኦይኬቲደሰ (ማቶ 26:47-56፤ ማር 14:43-50፤ ዮሃ 18:3-11)

47 ኢዚ ቡር ሃሳያን ዲሺን ዩሱሳ ካሊዛይታፔ ኢሶይ ዩሁዳ ጌቲቲዛይሰ ባናራ ዳር ኣሳ ካሌሉ ኤኪ ዩዲ ዩሱሳ ዩራናሰ ኢዛኮ ሸቁደሰ። 48 ገደ ኣቲን ዩሱሲ ኢዛ “ዩሁዳ! ታና ኣሳ ና ዩርን ኣሳ ኢማይ?” ገደሰ።

49 ዩሱሳ ዩዩ ኣጲ ዲዛ ኣሳይ ሃናዛ ሎዔሉ ያሊዲ “ኅደ! ሃይታንታ ማሻራ ቡሉና?” ገደ። 50 ኢስታፊ ኢሶይ ቁሴታ ኣላፊ ኣሽካራ ኡሻቻ ሃይሉ ማሻራ ቃንጂደሰ።

51 ዩሱሲ ኢስታ “ኢንቴ ሃሲ ታሰ ኣገቲ!” ገዲ ኣሽካራ ሃይላ ቦቺዲ ፓሉደሰ።

52 ቃሴካ ኢዛ ኦይካና ዩዳ ቁሴታ ሃላቃታ ያሳ ኬላ ኣላፊታኔ ጪማታ “ፓንጋ ኦይከዛ ኣሳ ማላ ገላ ማሻኔ ዲርቃ ኤኪዲ ዩዴቲ? 53 ጋላሰ ጋላሰ ታ ኢንቴናራ ያሳ ኬላን ዲሺን ታ ቦላ ኩሼ ዋሉቤኬታ፤ ሃይሰ ጲማይ ካዋቲዳ ኢንቴ ዋዴ” ገደሰ።

54 ሃሳፊ ጉዬ ዩሱሳ ኦይኪ ኤኪዲ ቁሴታ ሃላቃሶ ጌሊዳ፤ ጴጥሮሲካ ዩሱሳ ሃሆራ ካሊደሰ። 55 ኣሳይ ቁሴታ ሃላቃ ጋላን ታማ ኤሉዲ ሆዲሼ ኢሲ ቦላ ኡቲዳሼ ጴጥሮሲካ ኢስታራ ኢሲፊ ኡቲደሰ። 56 ኢሲ ጋራዴያ ጴጥሮሲ ታማ ሆዲዛይታራ ኡቲደይሳ ቤያዳኔ ቲሺ ኦላ ያላዳ “ሃይሰ ኣዴዚካ ዩሱሳራ ደሰ!” ጋደሰ።

57 ጴጥሮሲካ “ሃኔ ማጫሳዬ! ታ ኢዛ ኤሪኬ” ገዲ ካዲደሰ።

58 ጉሉ ጋምዲሺን ሃራ ኢሳዴይ ኢዛ ቤዩዲ “ኔካ ኢዛራ ዲዛይታፔ ኢሳ ገዲኪ?” ገደሰ። ጴጥሮሲካ “ሃይሰ ታኒ ኢስታራ ዲኬ!” ገደሰ።

* 22:20 ኤር 31:31-34 * 22:21 ማዛ 41:9 * 22:24 ማቶ 18:1፤ ማር 9:34፤ ሉቃ 9:46 * 22:25 ማቶ 20:25-27፤ ማር 10:42-44 * 22:26 ማቶ 23:11፤ ማር 9:35 * 22:27 ዮሃ 13:12-15 * 22:30 ማቶ 19:28 * 22:35 ማቶ 10:9-10፤ ማር 6:8-9፤ ሉቃ 9:3፤ 10:4 * 22:37 ኢሳ 53:12

59 ኢሲ ሳቲ ማላ ጋምራሽን ሃራ ኣሲ ቃሴካ “ጋሊላ ኣሰ ገዲዛ ገሽ ሲዴይ ባይንዳ ሃይሲ ኢዛራ ዴሰ” ገዴሰ።

60 ጳጳርሲካ ቃሴ “ሃይሶ ኔ ገዛዴ ታ ኤሪኬ!” ገዴሰ። ሃኖ ገ ኬሶንታ ዲሺን ኩቶይ ዋሲዴሰ።

61 ጎዳይካ ጳጳርሲካ ዩሽ ያለን ጳጳርሲ “ሃኖ ኩቶይ ዋሳናሰ ኔ ታና ሃሹቶ ካዳና” ገዲ ጎዳይ ካሴ ዮቶ ቃላይ ኢዛ ዋዝናን ካርፕ ገዴሰ። 62 ጳጳርሲካ ካሪ ኬዚዲ ሂቁሚዲ ዩኪዴሰ።

63 ዩሱሳ ቃቸዲ ናገዛ ኣሳቲካ ኢዛ ቦላ ቁዲ ቁዲ ካዲሽ ሹጩጩዲ። 64 ኢዛ ኣይፊ ጎዚዲ “ኔ ናቤ ገዲኮ ኔና ሹጩዲይ ኣናኮኔ ኣኔ ኤራ!” ገዲ ኣይቸዲ። 65 ሃራ ዳር ጫሻ ቃላራ ካወሺዲ።

ዩሱሳ ኣይሁዳታ ፐርዳ ዱላታ ሲንሳ ኤፊዳ
(ማቶ 26:59-66፤ ማር 14:55-64፤ ዮሃ 18:19-24)

66 ጋይይ ዋንቲን ዴሬ ጨማቲ፣ ቁሴታ ሃላቃቲኔ ሙሴ ዋጋ ታማርሲዛይቲ ዱላታ ሸቁዲ ዩሱሳ ዱላታኮ ሸሺዲ። 67 ኢሰቲካ ዩሱሳ “ኔ ኪርሰቶሴ? ኣኔ ኦሰ ዮታ” ገዲ። ዩሱሳካ “ታ ኢንቴሰ ዮቲዳኮካ ታና ኣማኔኬታ። 68 ታ ኢንቴና ኣይቸዲኮ ታሰ ዛሪኬታ። 69 ገደ ኣቲን ሃዲፔ ዶሚዲ ኣሳ ናይ ዋልቃማ ያሳ ኡሻቻን ኡታና” ገዴሰ።

70 ሄ ዋዴ ወሪካ “ሃሰቲን ኔ ያሳ ና?” ገዲ ኣይቸዲ። ኢዚካ “ታ ያሳ ና ገዲዲይሳ ኢንቴካ ጌታ” ገዴሰ። *

71 ኢሰቲካ “ሃኮ ኢዚ ባ ዱናራ ማርካቲሽን ኑ ሃይላራ ሲይዶስ፤ ሃይሳፊ ሃራ ማርካ ኣዛሰ ኮሺዜ?” ገዲ።

23

ዩሱሲ ጲላዖሳ ሲንሳ ሸቁዴሰ
(ማቶ 27:1-2፤ 11-14፤ ማር 15:1-5፤ ዮሃ 18:28-38)

1 ሃን ሸቁዳ ኣሳይ ወሪ ዴንዲዲ ዩሱሳ ጲላዖሳኮ ኤኪ ቢዴሰ። 2 “ኣይሰ ኑ ኣሳይ ቁሳሪሰ ገራ ገርንታ ማላ ባሌሊሽኔ ባና ታኒ ኪርሰቶሲ ካዎ” ገዲ ባሌሊሽን ሃይሳ ኣዴዛ ዴሚዶሰ” ገዲ ሞቲዲ።

3 ጲላዖሲካ ዩሱሳ “ኔኒ ኣይሁዳታ ካዎ?” ገዲ ኣይቸዴሰ። ዩሱሲካ ዛሪዲ “ኔ ገዳ ማላ” ገዴሰ።

4 ጲላዖሲካ ቁሴታ ሃላቃታሲኔ ሸቁዳ ኣሳሰ “ሃይሳ ኣዴዛ ቦላ ኢዛ ሞቲሲዛ ኢታ ዮገ ዴማቤኬ” ገዴሰ።

5 ኢሰቲ ካሪዲ “ሃይሲ ኣዴዚ ጋሊላፔ ሃይሳ ጋካናሰ ኩማላ ዩሁዳ ዋዩሶ ቦላ ዴሰ” ገዲ ሚንሳ ዮቲዳ።

ዩሱሲ ሄርዶሳ ሲንሳ ሸቁዴሰ

6 ጲላዖሲ ኣሳይ ገዛይሳ ሲይዲ “ዩሱሲ ጋሊላ ኣሳኮኔ ገዲ ሎዔሌ ኤራናሰ” ኣይቸዴሰ። 7 ዩሱሲ ሄርዶሳ ካዎቲላ ገደን ዲዛይሳ ሻኪ ኤራዲ ሄ ዋዴ ሄርዶሲ ዩራሳላሚን ዲዛ ገሽ ኢዛኮ ዩሱሳ ዩዲዴሰ።

8 ሄርዶሲካ ካሴ ዩሱሳ ቤያናሰ ዳር ኮዩሼ ዲዛ ገሽ ዩሱሳ ቤዩዲ ኬሂ ኡፋይዴሰ። ኢዛ ገሽ ካሴ ሲይዲ ኢዚ ኦሊሽን ቤያናሰ ኮይዲ ኡፋይቲዴሰ።

9 ዳር ኣይሻታካ ኢዛ ኣይሼሬቸዴሰ ሸን ዩሱሲ ኢዛ

ኣይሻ ዛሪቤና። 10 ቁሴ ሃላቃቲኔ ያፊቲ ሃን ኢዛ ማታን ኤቁዲ ኬሂ ዋርዶ ሞቶ ሞቲዲ። 11 ሄርዶሲካ ባ ዎታዳራታራ ኢሲፊ ኢዛ ካዲዳ፤ ካዎ ማይጾ ማይዚዲ ጌዴ ጲላዖሳኮ ዛሪ ዩዲዴሰ። 12 ሄርዶሲኔ ጲላዖሲ ካሴ ባ ገደን ኢሶይ ኣሳራ ኦሻ ሸን ሄ ጋላሰ ገዲ።

ዩሱሳ ቦላ ሃይቆ ፐርዳይ ፐርዴቲዴሰ
(ማቶ 27:15-26፤ ማር 15:6-15፤ ዮሃ 18:39-19:16)

13 ጲላዖሲ ቁሴታ ሃላቃታራ፣ ዴሬ ዳናታራኔ ዴሬ ኣሳ ሸሺዲ። 14 “ሃይሲ ኣዴዚ ኣሳይ ወሪ ማካላና ማላ ዴንሌሌሰ ገዲ ኢንቴ ታኮ ኤሂን ታ ቆርን ኢዛ ኦይሌዛ ኢሲ ኢታ ሚሺካ ዴማቤኬ። 15 ቃሴካ ሄርዶሲ ኢሲ ኢታ ሚሺካ ኢዛ ቦላ ዴሞንታ ኣገዳ ገሽ ሃ ኦኮ ዛሪ ዩዲዴሰ። ሃዲ ኢንቴ ቤዩዛ ማላ ኢዛ ሃይቆሰ ጋሊዛ ኢሲ ኢታ ሚሺካ ኦሊቤና። 16 ሃሳ ገሽ ቃዖያዳ ታ ኢዛ ዩዳና” ገዴሰ። 17 ኢዚ ሃሳ ገዳይ ኢሰታ ባዓሌ ጋላሰ ቃሼቲዳ ኣሳፔ ኢሳዴ ቢርሺዛ ዎጋይ ዲዛ ገሻሳ። *

18 ዴሬይ ወሪካ ኢሲ ቦላ “ባርባኔ ቢርሻዳ ሃይሳ ኣዴዛ ዲጋ!” ገዲ ዋሲዴሰ። 19 ባርባኔይ ካታማ ገደን ኣሳ ማካላ ዮገን ዴንሌሊዲ ኣሰ ዎዲ ቃሼቲዳ ኣሳ።

20 ጲላዖሲካ ዩሱሳ ቢርሻናሰ ኮይዳ ገሽ ቃሴካ ዛሪዲ ኣይቸዴሰ። 21 ኣሳይ ዛሪዲ ኢዛ “ካቃ! ካቃ!” ገዲ ዋሲዴሰ።

22 ጲላዖሲ ሄሻንሎካ “ኣዛሰ ካቆ? ሃይሲ ኣዴዚ ኣይ ኢታ ኦሊዴ? ታኒ ኢዛ ሃይቆሰ ጋሊዛ ኢታ ኦሶ ኢዛ ቦላ ቤያቤኬ፤ ሃሳ ገሽ ቃዖያዳ ታ ኢዛ ቢርሻ ዩዳና” ገዴሰ።

23 ኣሳይካ ቃላ ቶቁ ሂሰቲዲ ዩሱሲ ካቁታና ማላ ጲላዖሳ ኬሂ ዋሲሽ ዋሲዲ። 24 ሃሳ ገሽ ጲላዖሲ ኢሰታ ኣይሸይ ፖሌታና ማላ ኣዛዚዴሰ። 25 ኣሳ ማካሊሲዲ ሸምፖ ዎዲዳ ገሽ ቃሼቲዳይሳ ቢርሻና ማላ ኢሰቲ ዋሲዳዴ ቢርሺዲ ቃሴካ ዩሱሳ ኢሰቲ ዶሲዳ ማላ ኦሌቶ ገዲ ዴራሰ ኣሌ ኢሚዴሰ።

ዩሱሳ ካቁቲሳ
(ማቶ 27:31-44፤ ማር 15:21-32፤ ዮሃ 19:17-27)

26 ኢሰቲካ ዩሱሳ ኣይኪዲ ኤኪ ቢሺን ቃሪና ጌቲቲዛ ካታማፔ ኢሲ ሲሞና ጌቲቲዛ ኣዴይ ሃሆፔ ዩዛይሳ ዴሚዳ ዩሱሲ ካቁታና ማሰቃሌ ኮጫ ኢዚ ቶኪዲ ዩሱሳ ካሳና ማላ ዋልቃሊዳ።

27 ዳር ዴሬይ ባ ቲራ ኢጪ ኢጪ ዩኪዛ ማጫሳቲ፣

28 ዩሱሳፔ ጉዩራ ኢዛ ካሊዲ። ዩሱሲ ኢሰታኮ ሲሚ ያሊዲ “ኢንቴ ዩራሳላሚ ማጫሳይ ኢንቴሲኔ ኢንቴ ናይታሰ ዩኪቴ ኣቲን ታሰ ዩኮፍቴ። 29 ሲንሳፊ ኢንቴ ሃኮ ማካራ ገዲዳ ማጫሳቲ፣ ዩሎንታ ኡሎቲኔ ናይ ጳሞንታ ጳንሳቲ ኣንጃቲዳይታ!” ጋና ዋዴይ ሲንሳራ ዩሰ። 30 ሄ ዋዴ ኣሳይ ሐማቶ! ኑ ቦላ ዋዲቲ፤ ቁሪ ዙማቲካ ኑና ቆቲቲ፣” ጋና። * 31 ሂሰቲን ቃዬ ሚላ ቦላ ሃይሳላ ኦሊዳይቲ ሚላ ሚላ ቦላ ዋሰታኔሻ?” ገዴሰ።

32 ኢዛራ ኢሲፊ ሃይቃና ማላ ሃራ ናምዑ ኢታ ኦሊዳ ኣሳታ ኢዛራ ኤፊዳ። 33 ቃሪኒዮ ጌቲቲዛሶ ጋሊዲ ካቁዳ። ኢታ ኦሊዳይታፔ ኢሳ ኡሻቻ ባጋራ ኢሳ ሃዲርሳ ባጋራ ካቁዳ። 34 ዩሱሲካ “ታ ኣዋወ! ሃይቲ

* 22:70 ያሳ ና? ገዛ ኣይሻይ ኢሲ ኢሲ ባጋ ጋሞላ ቃላን ያሳ ናይ? ቆፋ ጉጃቲስ፤ ቆፋዚካ ማርቆሳን ሸምፖ 15:6 ዲዛይሳ ሚሳቲስ። *

* 23:17 ኢሲ ኢሲ ጌሻ ማጻፋቲ ፓይዶ 17 ቦላ ዲዛ 23:30 ሆሴ 10:8፤ ኣጂ 6:16

ባ ኦሊዎስ ኤሪዲ ኦሪታ ገሽ ኢስታስ አቶ ጋ!” ገደሰ። ኢስቲካ ኢዛ ማይዎዛ ሳማ ዩጊዲ ባ ገደን ገሽቲ ኤኪዳ። * 35 ሄሲ ሃኒሽን አሳይ ወሪ ኤቁ ያሊዳስ፤ ዳናቲካ “ኢዚ ሃራ አሳ አሽደስ ሽን ያሳፊ ደሪቲዳ ኪርሰቶሲ ኢዛ ገዲኮ እኔ ሃዒ ባና አሾ” ገዲ ቁፏዳ። *

36 ዎታዳራቲካ ሸቁዲ ዎይኔ፤ ኣጌቲዳ ጫላ ኡሻ ኡሽዲ ኢዛ ቁፏዳ። * 37 “ኔኒ አይሁዳ ካዎ ገዲኪ? እኔ ሃዒ ኔና አሻ” ገዲ።

38 ኢዛ ሁዒ፤ ቦላ ባጋራ ማስቃሌ ኮጫ ቦላ “ሃይሲ አይሁዳታ ካዎ” ገዛ ቃላ ፃፊ ቃጲዳ።

ዩሱሲ ናምዑ ፓንጋታራ ካቁቲዳስ
(ማቶ 27:38-44፤ ማር 15:27-32)

39 ኢታ ኦሊዲ ካቁቲዳ አሳታ፤ ኢሶይ ጫሻ ቃላ ዩሱሳ ቦላ ቆቆፊዳስ። “ኔ ኪርሰቶሳ ገዲኪ? እኔ ኔናካ ኦናካ አሻ” ገደሰ።

40 ኢታ ኦሊዲታ፤ ኢሶይ “ኔኒ ኔሰ ቤሲዛ ፐርዳ ኤካሽ ያሳሰ ባቢኪ? 41 ኦኒ ኦ ኦሊዳ ኢታ ኦሶስ ቤሲዳሳ ኤኮሶ፤ ሃይሲ አዳዚ ገዲኮ ኢሲ ኢታካ ኦሊቤና” ገደሰ።

42 ዩሱሳ “ኔኒ ኔ ካዎቴላራ ዩዛ ዎዳ ታና ቆፓ!” ገደሰ።

43 ዩሱሳካ ዛሪዲ “ታ ኔሰ ቱሙ ጋይሰ፤ ሃቶ ኔ ታናራ ጋናቲን ዳና” ገደሰ።

ዩሱሲ ሃይቁዳስ
(ማቶ 27:45-56፤ ማር 15:33-41፤ ዮሃ 19:28-30)

44 ሃሳ ዎዳ ጋይይ ሴታ ጋላሰ ሽን ቢዲ ኡዲፋን ሳቲ ጋካናሰ ኩሚሳ ቢታ ቦላ ቆሚይ ቆሚዳስ። 45 አዎ አርሼ ፖይይ ዲጌቲዳስ። ያሳ ኬላ ማጋላሻይካ ዳከቲዲ ናምዑ ኬዚዳስ። * 46 ዩሱሳካ ኬሂ ዋሲዲ “ታ አዎዎ! ታኒ ታ ሽምፖ ኔ ኩሼን ኢማይሰ” ገዲ ማላ ሽምፖ ኬዚዳስ። *

47 ማቶ ሃላቃይ ሃሳ ቤዩዲ “ሃይሲ አዳዚ ቱማፔ ያሎ አሳኮሽን” ገዲ ያሳ ጋላቲዳስ።

48 ሃሳ ቤያናሰ ሃን ሸቁዲ ዳሪይ ወሪ ሄ ሃኒዳይሳ ቤዩዲ ቲራ ኢጪ ኢጪዲ ሰሚዳስ። 49 ገደ አትን ዩሱሳ ካሴ ሎዒላ ኤሪዳይቲ ወሪ ቃሴካ ጋሊላፔራ ኢዛ ካሊዛ ማጫሳቲ ሃሳ ያሊሽ ሃኪ ኤቁዳ። *

ዩሱሳ ሞጌቲላ
(ማቶ 27:57-61፤ ማር 15:42-47፤ ዮሃ 19:38-42)

50 አይሁዳታ ዲላታ አሳ፤ ኢሶይ ኢዚካ ዮሴፊ ጌቲቲዳይሲ ኢሲ ዳሮ ኪያኔ ያሎ አሳ። 51 ኢዚካ ካሴ አሳይ ዩሱሳ ቦላ ዲላቲሽን ሄ ዲላታን ዳና፤ ኢዚካ ኢሲ አርማቲያሳ ጌቲቲዛ አይሁዳታ ካታማ አሳ ሽን ያሳ ካዎቴላ ያናይሳ ናጊሼ ጋምዒዳስ። 52 ኢዚካ ጳላያሳኮ ቢዲ ዩሱሳ አሃ ባሰ አማና ማላ ጳላያሳ ዋሲዳስ። 53 ጳላያሳ ኢዛሰ ኤሮ ገን ዮሴፊይ አሃ ማስቃሌ ኮጫ፤ ዎሊዳ ማላ ፃዒዲ ሹቻፊ ዎጩቲዳ ካሴ ሃራ አሲ ሞጌቶንታ ዲፎን ኤፊዲ ዎሊዳስ።

54 ሄ ጋላሳይ አሳይ ሳምባታሰ ገጌቲዛ ጋላሰ ገዲዳ ገሽ ሳምባታይ ጌላና ሃኔሰ።

55 ጋሊላፔ ዳንዲዲ ዩሱሳራ ዩዳ ማጫሳቲካ ዮሴፊ ካሊ ቢዲ ዲፎዛ ቤዩዳ። ዩሱሳ አሃ ዎሰት ዎሊዳኮኔ ቤዩዳ። 56 ሄፔ ሰሚዲ ሸቶኔ ቲዩዛ ሚሽ ገገሲዳ። ዎጋይ ገዛ ማላ ሳምባታ ጋላሰ ሸምፒዳ። *

24

ዩሱሲ ሃይቆፔ ዳንዲዳስ
(ማቶ 28:1-10፤ ማር 16:1-8፤ ዮሃ 20:1-10)

1 ዎጋ ዎንታ ማላደራ ማጫሳቲ ባ ገገሲዳ ሸቶዛ ኤኪዲ ዩሱሳ ዎሊዳ ዲፎዛኮ ቢዳ። 2 ሹቻይካ ዲፎዛ ዲናፔ ገንደሪዲ ዲዛይሳ ቤዩዳ። 3 ገደ አትን ገደ ጌሊዲ ዩሱሳ አሃ ዳምንታ አገዳ ገሽ። 4 ኢስታሰ ሃንዛዚ ቆይን ኢስቲ ቶሎ ገደሽ ቆፖንታ ያለቁቲዛ ማይዎ ማይዒዳ ናምዑ አሳቲ ኢስታ አቻን ኤቁዳ። 5 ማጫሳቲካ ኬሂ ባቢዲ ዲጌ ቢታ ያሊሽን “ሄ አሳቲ ፓይዲ ዳንዲዳይሳ ሃይቆላታ ገደን አይሰ ኮዩቲ? 6 ኢዚ ዳንዲዳስ! ሃን ባዎ። ቃሴካ ኢዚ ጋሊላን ዲሽ እንቲሰ ካሴ አይ ገዳኮኔ እኔ ቆፒቲ። 7 አሳ ናይ ናጋራንቻታ ኩሼን አፏ ኢማታናሲኔ ካቁታናሰ። ሃይቆፔካ ሃቸንላ ጋላሰ ዳንዳናሰ ቤሴሰ” ገዲ ዮቲ ዎሊዳስ። *

8 ማጫሳቲካ ሄ ዎዳ ካሴ ኢዚ ገዲ ቃላ ሃሳዩዳ። 9 ማጫሳቲ ዲፎሶፔ ሰሚዲ ሃሳ ወርሲ ዩሱሳ ካሊዛ ታማኔ ኢሲኔታሲኔ ሃራታሰ ዮቲዳ። 10 ሃሳካ ሃዎሬታሰ ዮቲዳይ ማግዳሌ ገዛሶፔ ዩዳ ማራሞኔ ዮሃና ጌቲቲዛሪራ ያቆቤ ማራሞኔ ኢስታራ ኢሲፊ ዲዛ ሃራ ማጫሳታ። 11 ገደ አትን ኢስታሰ ማጫሳቲ ዮቲዳይሲ አጉሞ ሚሳቲን አማኒቤቲና። 12 ገደ አትን ጳፀሮሲ ዎላን ዩሱሳ ዲፎኮ ጋኪዲኔ ሆኪዲ ዲፎ ገደ ያሊሽን ኢዛ አሃ ፃዒዳ ማይዎይ ያላ ዲዛይሳ ቤዩዲ ኬሂ ማላሌቲሽ ባሶ ሰሚዳስ።

ዩሱሲ ባና ካሊዛ ናምዳታሰ ቆንጪዳስ
(ማር 16:12-13)

13 ሄ ጋላሰ ኢዛ ካሊዛይታ፤ ናምዳቲ ዩራሳላማፔ ታማኔ ኢሲ ኪሎማቲሬ ሃኪዛ ኢማሆሴ ጌቲቲዛ ካታማ ቤቲሰ። 14 ቢሽ ኢስቲ ሄ ዎዳ ሃኒዳ ዩሱሳ ሃይቆ ገሽ ባ ገደን ሃሳይቲቲሰ። 15 ኢስቲ ሃሳይቲሽን ዩሱሲ ኢስታኮ ሸቁዲ ኢስታራ ኢሲፊ ቢሽን። 16 ኢስቲ ኢዛ ኤሮንታ ማላ ኢስታ አይፊይ ኦይኬቲዳስ።

17 ዩሱሲ ኢስታ “ሃይሲ አኔ ሃሙቲሽ እንቲ እንቲ ገደን ሃሳይቲዛይሲ አኔ?” ገደሰ። ኢስቲካ ዳጋማራ ሞጲቲሽ ሲቲ ገ ኤቃገዳ። 18 ኢስታ ገደፊ ኢሶይ ቃሊዮጳ ጌቲቲዛይሲ ዛሪዲ “ሃ ማታ ጋላሳታን ዩራሳላማን ሃኒዳይሳ ኤሮንታ ኢማላ አሲ ኔና ያላ?” ገደሰ።

19 ኢዚካ ኢስታሰ ዛሪዲ “አዚ ሃኒዳ?” ገን ኢስቲ ቃሴ ዛሪዲ “ያሳ ሲንላኒኔ ኡባ አሳ ሲንላን ኦሶኒኔ ቃላን ሚኖ ናቤ ገዲዳ ናዚሬቲ ዩሱሳ ገሽ ገዳ። 20 ኢዛካ ቁሴታ ሃላቃቲኔ ዳናቲ ሃይቆ ፐርዳሰ አላ ኢማዳኔ ካቁዳ። 21 ኦኒ ገዲኮ “ኢሰራዒሌ ዎዘናይ ኢዛ” ገዲ ኡፋዩቲዳሲሽን ሃራፔካ ሃሲ ሃኒን ቃሴ ሃቶ ሃቸንላ ጋላሳ። 22 ቃሴ ኦ ገደፊ ኢሲ ኢሲ ማጫሳቲ

* 23:34 ማዛ 22:18 * 23:35 ማዛ 22:7 * 23:36 ማዛ 69:21 * 23:45 ኬሳ 26:31-33 * 23:46 ማዛ 31:5
* 23:49 ሉቃ 8:2-3 * 23:56 ኬሳ 20:10፤ ዛሬ 5:4 * 24:7 ማቶ 16:21፤ 17:22-23፤ 20:18-19፤ ማር 8:31፤ 9:31፤ 10:33-34፤ ሉቃ 9:22፤ 18:31-33

ኑና ከሄ ማላሊሲዳ፤ አስተካ ማላዶ ዋንታራ ጌዴ አዛ ዲፎሮ ቢዲ፤ 23 አዛ አሃይ ቤቶንታ ኢዲን ዩዲ አዚ ፓዓ ዲዛይሳ አስታሰ ዮቲን ኪታንቻታ ቤዩዲይሳ ኑስ ዮቲዳ። 24 ኑፔካ አሲ አሲ አሲ አዛ ዲፎሮ ቢዲ ማጫሳቲ ጊዳ ማላ ቤዩዳ አቲን ዩሱሳ ዴሚቤቴና” ጊዳ።

25 አዚካ አስታሰ “አንቲ ዋዝናን ዋሶንታይቶ! አንቲ ዋዝናይ ካሴ ናቤቲ ዮቲዳይሳ አማናናፔ ታኪዳይቶ! 26 ያሳፌ ኪቲቲዳይሲ ሃ ማቶዛ ኤካናሲኔ ጌዴ ባ ቦንቸሶ ጌላናሰ ቤሴኔ?” ጊዳ። 27 ሙሴፔኔ ናቤታፔ ደሚዲ ጌሻ ማዓፋታን አዛ ጊሽ ዓፌቲዳይሳ አስታሰ ሎዔል ዮቲዳ።

28 አስቲ ባ ቢዛሶ ማቲዳ ዋዴ ዩሱሲ አዲ ቢዛ ሚሳቲዳ። 29 አስቲካ ቃሴ “ጋዴይ ቃሚዛ ጊሽ ኑናራ አቃ” ጊዲ አዛ ከሄ ዋሲን አስታራ አቃናሰ ጌሊዳ።

30 አስታራ አሲፌ ማዳን ኡቲዲ ኡኬል ባ ኩሼን ኦይኪዲ አስታሰ ማንላ ማንላ አሚዳ። 31 ሄሳ ዋዴ አስታ አይፌይ ደዩቲን አዛ ጊዲዳይሳ ኤሪዳ፤ አዚካ አስታ አይፌፔ ጌሚዳ። 32 አስቲካ “ኑ ዩሼ ኦጌ ቦላ ዲሺን ኑና ሃሳዩሲዲ ጌሻ ማዓፋታካ ቆንጨሲዲ ኑስ ጌላናሼ ዮቲን ኑ ዋዝናይ ታማ ማላ ፀጌቲቤኔ?” ጊዲ አሶይ አሳራ ሃሳዩቲዳ

33 ሄራካ ዴንዲዲ ዩሩሳላሚ ሲሚ ቢዳ። ታማኔ አሲኔቲኔ አስታራ አሲፌ ዲዛይቲካ አሲ ቦላ ሸቄ ዲዛይታ ደሚዳ። 34 አስቲካ ባ ጊዳን አሶይ አሳሰ “ሳዳይ ቱሙ ዴንዲዳስ! ሲሞናሰካ ቤቲዳስ” ጊዳ።

35 አዛ ካሊዛይታፔ ናሞዓቲ ኦጌ ቦላ ሃኒዳይሳኔ ዩሱሲ ኡኬል ማንላ ማንላ አሚዳ ዋዴ አስቲ ዋሰት ኤሪዳኮ አስታሰ ዮቲዳ።

ዩሱሲ ባና ካሊዛይታሰ ቆንጨዳስ

(ማቶ 28:16-20፤ ማር 16:14-18፤ ዮሃ 20:19-23፤ ሃዋ 1:6-8)

36 ሄሳ ጊሽ አስቲ ባ ጊዳን ሃሳዩቲሺን ዩሱሲ አስታ ጊዳን ኤቁዲ “ሳርይ አንቲስ ጊዳ!” ጊዳ።

37 ጊዳ አቲን አስቲ ሞይቲሌ ቤዩዳ ሚሳቲን ከሄ ደጋሚዳ። 38 አዚካ አስታሰ “አዛሰ ዳር ቆፔቲ? አዛሰ አንቲ ዋዝናራ ሲዴቲ? 39 ታ ኩሼታኔ ታ ቶሆታ ሃ ጸሊቲ ታናኮ፤ ቃሴካ ታና ኦይኪ ቤዩቲ፤ ታና አንቲ ቤዩዲይሳ ማላ ሞይቲሌሰ አሸይኔ ማቁል ዳና” ጊዳ።

40 ሄሳ ጊ ሲሚዲ ባ ቶሆታኔ ባ ኩሼታ አስታ ቤሲዳ። 41 አስቲካ ኡፋይሳ ዳርፔኔ ማላሌቲላፌ ዴንዲዳይሳን ቡር አማናንታ ዲሺን ዩሱሲ “ሄሳን አይኮ ሚዛዚ ዲዜ?” ጊዲ አስታ ኦይቹዳ። 42 አስቲካ ሞሌ ዲዳ አሲ ባርሰ አዛሰ አሚዳ። 43 አዚካ ኤኪዲ አስታ ሲንሳን ሚዳ።

44 አዚካ “አንቲናራ ታ ዲዛ ዋዴ ሙሴ ዋጋን ናቤታኔ ማዛሙራ ማዓፋታን ታ ጊሽ ዓፌቲዳይሲ ዉሪካ ፖሌታናሰ ቤሴሰ’ ጋዳ ታ አንቲስ ዮቲዳ ታ ቃላይ ሃይሳኮ” ጊዳ።

45 ሄ ዋዴ ጌሻ ማዓፋታ አስቲ ኤራና ማላ ዋዝና አስታሰ ደዩዳ። 46 አስታሰካ “ኪርሰቶሲ ዋዩ ቤያና፤ ሄቫንሶ ጋላሰ ሃይቆፔ ዴንዳና ጌቲቲዲ ዓፌቲዳ። 47 ዩሩሳላሚፔ ደሚዲ ኡባ ዴሬሰ ናጋራፔ ሲሞይኔ ማርቴላ አዛ ሱንሳን ዮቲታና። 48 አንቲካ ሃይሳሰ ማርካታ። 49 ታካ ታ አዋይ አሚዳ ኡፋይሳ አንቲስ

ዩዳና፤ አንቲ ቃሴ ዋልቃ ቦላፌ ማይዳና ጋካናሰ ዩሩሳላሚ ካታማን ታኪቲ” ጊዳ። *

ዩሱሲ ፑዴ ሳሎ ቢዳስ (ማር 16:19-20፤ ሃዋ 1:9-11)

50 ሄሳፌ ጉዩ አስታ ኤኪዲ ቢታኒያ ጌቲቲዛሶ ኬዚዳ። ባ ኩሼታካ ዴንላዲ አስታ አንጂዳ። *

51 አስታ አንጂሼ አስታፌ ሻካቲዲ ፑዴ ሳሎ ቢዳ።

52 አስቲካ አዛሰ ሆኪ ጎይኒዳ፤ ከሄ ኡፋዩቲሼ ዩሩሳላሚ ሲሚዳ። 53 ኡባ ዋዴ ያሳ ኬላን ያሳ ጋላቲሼ ጋሞዲ።

* 24:49 ሃዋ 1:4 * 24:50 ሃዋ 1:9-11

የሃኒሳ ፃፊዳ
ኑ ገዳ ዩሱስ ከርሰቶሳ ሚሺራቾ
ቃላ
ጊዶ ቆፋ

የሃኒሳ ሚሺራቾ ቃላይ ዩሱስ አሾ ማይዲዳ አሳ ጊደን ቤተዳ ዳዎ ያሳ ቃላ ጊዲዳይሳ ቆንጨሴስ። ሄሲካ አዋይ ጎዳ ያሳ ጊዲዳ ማላ፣ ዩሱሲካ ጎዳ ያሳ ጊዲዳይሳ ቤሴስ። የሃ 1:1፤ 8:58፤ 12:41፤ 20:28። ማፃፋዚ ሎዔላ ቆንጨሴሳ ማላ ሃይሲ ሚሺራቾ ቃላይ ፃፊትዳይ ናባቢዛይት ዩሱሲ አሰ አሽዛዳ ጊዲዳ ያና ጌቲቲዳ ያሳ ና ጊዲዳይሳ አማና ማላኔ አሳይ ኢዛ አማኒዳ ማርና ዳዎይ ኢዛን ዲዛይሳ ኤራና ማላሳ። (20:31)

ሚሺራቾ ቃላዛሰ ኮይር ከፍለይ ማርናሰ ዲዛ ያሳ ቃላይኔ ዩሱሲ አሰና ጊዲዳይሳ ኮይር ሸሽዳፕ ጉዬ ዩሱሲ አሰ አሽዛዳ ጊዲዳ ያና ጌቲቲዳ ያሳ ናይ ኢዛ ጊዲዳይሳ ቤሲዛ ዲማ ዲማ ማላታታካ ሸሽሶ። ሄሳፌ ቃሴ ሄ ማላታታፕ እይ እይፌይ ቤቲዳኮኔ ቆንጨሴሳ ታሪኮቲ ካሉቲስ። ሃይሲ ሃ ከፊሌዚ አሲ አሲ አሳቲ ዩሱሳን አማኒዳ ኢዛ ካሊዛይታ ጊዲዳይሳኔ ሃራ አሳቲ ቃሴ ኢዛራ ዋኒ ኤቁቲዳኮኔ ኢዛን ኑ አማኖ ጊዛይሳ የቲቲስ። (13:17) ጋካናሰ ዩሱሲ እይኮቲዳ አማርሰ ባና ካሊዛይታራ ኢዛሰ እይ ማላ ሚና ኢሲፊቴላ ዲዛኮ ኢዛሰ ካቁቲሳ ዋይይ ማቲሺን ኢዚ ባና ካሊዛይታሰ ጊሲዛ ቃላኔ ሚንጭላዛ ቃላ ኢዚ አሰታ ሲሲዳይሳ ቆንጨሴቲስ። ሃንኮ አቲዳ ወርሴላ ሸምፖቲ ቃሰ ዩሱሲ እይኮቲዳይሳ፣ ፐርዳሰ ሸቁዳይሳ፣ ኢዛ ካቁቲሳ ጊሺኔ ሃይቆፕ ዳንላ ጊሺ ሄሳላካ ኢዛ ዳንላፌ ጉዬ ባና ካሊዛይታሰ ኢዚ ባና ቆንጨሴዳይሳ የቲስ።

የሃኒሳ ዩሱስ ከርሰቶሳ ባጋራ ቤተዛ ማርና ዳዎ ሎዔላ ቤሲዛይ፣ ያሳ ኪያቲላ ሃዒፕ ደሚዳ ዩሱሳ፣ ኦጌ፣ ቱማኔ ዳዎ ሂሰቲ አማኖን ኤኪዛይታሳ። የሃኒሳ ሚሺራቾ ቃላ ሃራታፕ ዲማሲዛይ አያና ቱማቲላ ኤሪሳናሰ ኮሄ ኤሬቲዳ አሲ ሃቾ ሃቾ ጎዔቲዛ ሚሻታ ሃይቲካ ሃላ፣ ቁማ፣ ፖ፣ ሄሚዛዳ፣ ደርሳታ፣ ዋይኔ ሚሳኔ ዋይኔ ሚላ እይፌ ሚሳቲዛይታ ለሚሶን የቲዛይሳ።

- ሃ ማፃፋይ ኦይኪዳ ኩማላ ቆፋ
- ጌሎሶ 1:1-18
- ፃማቁዛ የሃኒሳኔ ዩሱሳ ካሊዳ ኮይር ታማሬታ 1:1-19-51
- ዩሱሲ ያሳ ኦሶ ደሚዳሰ 2:1-12:50
- ዩሩሳላሜኒኔ ሄ ሄራን ዩሱሳሰ ወርሴላ ኦሶ ጋላሳታ 13:1-19:42
- ሃይቆፕ ጎዳ ዳንላኔ ኢዛ ቆንጨሴሳ 20:1-31
- ኩሻ ቆፋ 21:1-25

1 ቃላይ ካሴ ኮይር ዳስ። ቃላይካ ያሳ አቻን ዳስ። ሃ ቃላይካ ያሳ። 2 ኢዚ ኮይር ያሳ አቻን ዳስ። 3 ሜዴቲላ ወሪ ኢዛን ሜዴቲዳሰ። ሜዴቲዳዛን ኢዚ ባይንዳ ሜዴቲዳይ ኢሲናካ ዲኩ። 4 ዳዎይ ኢዛን ዳወሰ። ሃና

ዳዎያ አሳሰ ፖ። 5 ፖይ ዱማን ፖሲሴሰ። ዱማይ ፖ ሙሌካ ያኔና።

6 ያሳፌ ከቲቲዳ የሃኒሳ ጌቲቲዛ አሳዳይ ዳስ። * 7 ኢዛ ማርካቲሳን አሲ ወሪ አማና ማላ ፖሶ ማርካ ጊዲ ዩዳሰ። 8 ኢዚ ፖ ጊሽ ማርካታና ዩዳሰ አቲን ኢዚ ባ ሁዔሰ ፖ ጊዳና። 9 አሳ ኡባሰ ፖ አሚዛ ቱሙ ፖይ ሃይሳ ሃ አላሜዛን ዩሱሳን ዳስ።

10 ቃላይካ ካሴ አላሜን ዳስ። አላሜይካ ሜዴቲዳይ ኢዛና። ጊዶ አቲን አላሜይ ኢዛ ኤሪቤና። 11 ኢዚ ባ ባጋታኮ ዩን ኢዛ ባጋቲ ኢዛ ኤኪቤቲና። 12 ጊዶ አቲን ኢዛ ኤኪዳይቲ ኢዛ ሱንሳን አማኒዳይቲ ኢሰቲ ያሳ ናይታ ጊዳና ማላ ማታ ኢሰታሰ አሚዳሰ። 13 ኢሰቲካ ያሳ ናይታ ጊዲዳይ ያሳፌ ዩሌቲዳ ጊሽ አቲን አሳ ዜሬላፌ ሄሲካ አሳ ዋጋን ዋይኮ አሾ ሸኔን ጊዳና።

14 ቃላይካ አሰ ጊዲዳሰ። ያሳ ኪያቲላኒኔ ቱማን ኩሚዳ ኦናን አቁዳሰ፤ ኢሲ ናሰ አዋ ማታን ዲዛ ቦንቾ ሚሳቲዛ ኢዛ ቦንቾ ኑ ቤይደሰ።

15 የሃኒሲካ “ታፕ ጉዬራ ዩዛይሲ ታፕ አዴሰ። ጋሶይካ ኢዚ ታፕ ካሴካ ዳሰ ጋዳ ታ ኢንቴሰ የቲዳይሲ ሄኮ ሃይሲ ኢዛኮ!” ጊ ማርካቲዳሰ።

16 ኢዛ ኩማላ ኪያቲላን ኑ ወሪ ኪያቲላ ቦላ ኪያቲላ ኤኪደሰ። 17 ዋጋይ ሙሴ ባጋራ አሚቲዳሰ፤ ኪያቲላኔ ቱማይ ጊዲኮ ዩሱስ ከርሰቶሳ ባጋራ ኦሰ ዩዳሰ። 18 ያሴ ቤዩዳይ ኦኒካ ባዋ። ጊዶ አቲን ያሳ አዋ ማታን ዲዛ ያሳ ና ኢሶይ ፃላላ ኢዛ ቆንጨሴዳሰ።

ፃማቁዛ የሃኒሳ ማርካቲላ
(ማቶ 3:1-12፤ ማር 1:1-8፤ ሉቃ 3:15-17)

19 እይሁዳታ ዳናቲ ዩሩሳላሜፕ ቁሴታኔ ለዋ ናይታ የሃኒሳኮ ከቲዳ “ኔ ኦኔ?” ጊዲ አይቺሺን።

20 የሃኒሲ “ታኒ ከርሰቶሳ ጊዲኬ” ጊዲ ጌሺ ማርካቲዳሰ አቲን ማርካታናሰ አዲቤና።

21 ኢሰቲካ “ሂሰቲን ኔ ኦኔ? ኔ ኤላሳ?” ጊዲ አይቺዳ። ኢዚካ “ጊዲኬ” ጊዲ ኢሰታሰ ዛሪዳሰ። ኢሰቲካ “ኢዚ ያና ጌቲቲዳ ናቤይ ኔኔ?” ጊዳ። ኢዚካ “አካይ ታና ጊዲኬ” ጊዳሰ። *

22 ኢሰቲ ቃሰ “ሂሰቲን ኔ ኦኔ? ኦና ከቲዳ አሳሰ ኑ የታና ማላ ኔ ኔና ኦና ጋይ?” ጊዳ። 23 ኢዚካ “ናቤ ኢሳያሲ የቲዳ ማላ ታኒ ‘የሳ ኦጌ ሱሪሲቲ’ ጊሽ ባዛ ቢታን ዋሲዛዳ ቃላ ጊሪሳ” ጊዳሰ *

24 ፋርሳዌታፕ ከቲቲዳ አሲ ኢሲ አሳቲ 25 ሄሳ ጊሽ “ኔ ያሲ ከቲዳዳ ዋይኮ ቡር ያና ጌቲቲዳ ናቤይ ኔና ጊደንታ ጊዲኮ ሂሰቲን አዛሰ ኦና ፃማቃይ?” ጊዲ ኢዛ አይቺዳ።

26 የሃኒሲካ ኢሰታሰ “ታ ሃላን ፃማቃይሰ፤ ጊዶ አቲን ኢንቲ ኤርንታይይ ኢንቲ ጊደን ኤቁዳሰ። 27 ታፕ ጉዬራ ያናይሲ ኢዛ። ታ ኢዛ ጫማ ቃሾ ቢርሻናሰ ቤሲዛይ ጊዲኬ” ጊዳሰ።

28 ሃይሲ ወሪ ሃኒዳይ የሃኒሲ ፃማቁዛ የርዳናሴ ሻፋፕ ሄ ፐንላን ዲዛ ቢታኒያ ጌቲቲዛ ካታማና።

ያሳ ደርሰ

29 ዋንቲላ ጋላሰ የሃኒሲ ዩሱሲ ባኮ ዩሺን ቤዩዲ “ዳሬ ናጋራ ቢታፌ ዲጋና ያሳ ደርሲ ሄኮ ሃይሲቾ!

30 ‘ታፕ ጉዬራ ያናይሲ ኢዚ ታፕ ካሴካ ዲዛ ጊሽ ታፕ አዴሰ’ ጋዳ ታ ኢንቴሰ የቲዛይ ሃይሲቾ! 31 ታካ

* 1:6 ማቶ 3:1፤ ማር 1:4፤ ሉቃ 3:1-2 * 1:21 ሚላ 4:5፤ ዛሬ 18:15-18 * 1:23 አሳ 40:3

ታ ባጋራ ኢዛ ኤሪቤኬ ሺን ገዲኮካ ኢዚ ኢሰራዔል ዳሬሰ ቆንጫና ማላ ታ ሃላን ፃማቃሼ ያዲሰ” ገደሰ።
 32 ካሌሊዲካ ጥሃኒሲ ሂዘጊ ማርካቲደሰ “ዲሎ ኣያናይ ሃራጵ ካፎ ሚሳትዲ ሳሎፔ ዋጂሺኒኔ ኢዛ ቦላ ኡተሺን ቤያዲሰ። 33 ታ ታ ባጋራ ኢዛ ኤሪቤ ከን ታ ሃላን ፃማቃና ማላ ታና ከተዳዳይ “ዲሎ ኣያናይ ኢዛ ቦላ ዋጂ ሸምፕሺን ኔ ቤያናይ ዲሎ ኣያናን ማጫናይ ኢዛ” ገዲ ታሰ ጥቲደሰ። 34 ታካ ሃሳ ቤያዲሰ። ሃሳ ገሽ ኢዚ ያሳ ና ገዲዳይሳ ታ ማርካታይሰ” ገደሰ።

ኮይር ዩሱሳ ካሊዳይታ

35 ዋንቴላ ጋላሰ ጥሃኒሲ ባና ካሊዛ ናምዓታራ ህን ኤቁደሰ። 36 ዩሱሲ ኢዛ ኣቻራ ኣጂሺን ጥሃኒሲ ቤዩዲ “ያሳ ደርሲ ሄኮ ሃይሲቶ!” ገደሰ።
 37 ጥሃኒሳ ካሊዛ ናምዓቲ ሃሳ ሲይዲ ዩሱሳ ካሊዳ። 38 ኢሰቲ ኢዛ ካሊሺን ዩሱሲ ጉዬ ዩይ ያሊዲ “ኣይ ኮዩቲ?” ገደሰ። ኢሰቲካ “ኣሰታማሬ! ኔ ደሳሳይ ኣዋ?” ገደ።
 39 ኢዚካ ኢሰታ “ሃ ዩዲ ቤይቴ” ገደሰ። ሃሳ ገሽ ቢዲ ኢዚ ኣዋን ዲዛኮ ቤዩዳኔ ህ ጋላሰ ኢዛራ ኢሲፊ ፔዒዳ። ዋደይካ ጌዴ ታሙ ሳቴሶ ቢደሰ።
 40 ጥሃኒሲ ጥቲዳ ቃላ ሲይዲ ዩሱሳ ካሊዳ ናምዓታቴ ኢሰይ ሲሞና ጳፅርሳ ኢሻ ኢንዲራሳ።
 41 ኢንዲራሲ ኮይር ባ ኢሻ ሲሞናኮ ቢዲኔ “ያሲ ከተዳ ከርሰቶሳ ኑ ዳሚደሰ!” ገደሰ። 42 ሃሳፊ ጉዬ ኢንዲራሲ ሲሞና ዩሱሳኮ ኤኪ ዩደሰ።
 ዩሱሲካ ኢዛ ቲሺ ሂሰቲ ያሊዲ “ሃይሶ! ኔ ዮና ና ሲሞና፤ ሃይሳፊ ጉዬ ኔ ኬፋ ጌቲታና።” ኬፋ ጉሲ ጳፅርሳ ጉሳ ዋይኮ ዛላ ሹቶ ጉሳ።

ዩሱሲ ፒሊጶሳኔ ናቲናዔሌ ያይጊደሰ

43 ዋንቴላ ጋላሰ ዩሱሲ ጋሊላ ባናሰ ኮይደሰ። ፒሊጶሳካ ዳሚዲ “ታና ካላ” ገደሰ። 44 ፒሊጶሲካ ኢንዲራሳ ማላኔ ጳፅርሳ ማላ ቤቴሳይዳ ካታማ ኣሳ።
 45 ፒሊጶሲ ናቲናዔሌ ዳሚዲ “ሙሴይ ዋጋ ማፃፋን ቃሴ ናቤቲካ ቡርፔ ሃናይሳ ጥቲዛ ባ ማፃፋታን ኢዛ ገሽ ፃፊዳ ኣዳዛ ኑ ዳሚደሰ። ኢዚካ ዮሴፊ ና ናዚሬቴ ዩሱሳኮ!” ገደሰ።
 46 ናቲናዔሌይ ቃሰ “ናዚሬቴፔ ሎዎ ሚሺ ቤቲ ኤሪዬ?” ገ ኦይቺን ፒሊጶሲ ኢዛ “ሃ ያዳ ቤያ” ገደሰ። 47 ናቲናዔሌይ ዩሱሳ ቤያና ዩሺን ዩሱሲ ቤዩዲ ኢዛ “ሄኮ! ጌኔይ ባይንዳ ቱሙ ኢሰራዔሌ ኣሳ!” ገዲ ኢዛ ገሽ ጥቲደሰ።
 48 ናቲናዔሌይካ ዛሪዲ “ታና ዋስታ ኤራዲ?” ገ ኦይቺን ዩሱሲካ “ፒሊጶሲ ኔና ያይጋናፔ ካሴ ባላሴ ሚላ ጋርሳን ኔ ዲሺን ታ ኔና ቤያዲሰ” ገ ዛሪደሰ።
 49 ናቲናዔሌይ “ኣሰታማሬ! ኔ ያሳ ና፤ ኔ ኢሰራዔሌ ካዋ” ገደሰ።
 50 ዩሱሲካ ኢዛሰ “ኔ ኣማኒዳይ፤ ታ ኔና ‘ባላሴ ሚላ ጋርሳን ቤያዲሰ’ ገዳ ገሺ? ኔ ቡር ሃሳፊ ኣጂዛ ደር ሚሽ ቤያና። 51 ጉጂዲካ ታ ኢንቴሰ ቱሙ ጋይሰ፤ ቡር ሳሎይ ደዩቲን ያሳ ከታንቻቲ ኣሳ ና ቦላ ዋጂሺኒኔ ኬዚሺን ኢንቴ ቤያና” ገደሰ። *

2

ዩሱሲ ሃሌ ዋይኔ ኡሻ ኬሲደሰ

1 ሃሻንላ ጋላሰ ጋሊላ ገደን ዲዛ ቃና ጌቲቲዛ ካታማን ሳርጌይ ደሰ። ዩሱሳ ኣዩያካ ህን ዳወሰ።
 2 ዩሱሲኔ ኢዛ ካሊዛይቲካ ሳርጌዛሶ ያይጌቲዳ።
 3 ሳርጌዛሶን ዋይኔፔ ኣጌቲዳ ኡሻይ ወሪን ዩሱሳ ኣያ ዩሱሳ “ዋይኔ ኡሻይ ወርደሰ” ጋዲሰ። 4 ዩሱሲካ ኢዛ “ኣዬ! ታሰ ኔናራ ኣዚ ዲዜ? ታ ዋደይ ጋኪቤና” ገደሰ።
 5 ህ ዋደ ዩሱሳ ኣዩያ ማራማ ህን ጋደዛን ዲዛ ኦሳንቻታ “ኢዚ ኢንቴና ገዛይሳ ኦሊቴ” ጋዲሰ።
 6 ኣይሁዳታሰ ጌሾ ዋጋይ ዲዛ ገሽ ኡሱፑን ሹቻፊ ሚጄቲዳ ባላቲ ህን ጋደን ዳቲሰ። ኢሰቲካ ኢሶይ ኢሶይ ናምፁ ኦቶ ዋይኮ ሃሹ ኦቶ ሃሌ ኦይኬቴሰ። 7 ዩሱሲ ኦሳንቻታ “ባላታ ሃሌ ኩንሊቴ” ገን ኢሰቲካ ባላታ ዲና ጋካናሰ ሲልቲ ሂሰቲ ኩንሊዳ። 8 ሃሳፊ ቃሴካ ኦሳንቻታ “ኣኔ ሃዒ ዲቁዲ ሳርጌዛ ኣላፊዛሰ ኢዛፔ ኢሚቴ” ገደሰ። ኢሰቲካ ዲቁ ዲቁ ኢሚዳ። 9 ኣላፊዚካ ዋይኔ ኡሻን ለሚቲዳ ሃላ ጋንዲ ያሊዲ ኢዚ ኣዋፔ ዩዳኮኔ ኤሪቤና። ሃላ ዲቁዳይቲ ገዲኮ ኤሪቴሰ። ሃሳ ገሽ ሳርጌዛ ኣላፊይ ሚሺራዛ ያይጊዲ። 10 “ኣሲ ወሪ ሳርጌሶን ኮይር ሎዎ ኡሺ ሺሺሰ፤ ኣሳይ ማላቲዳፔ ጉዬ ኢታ ኤሃሰ፤ ገደ ኣቲን ኔ ገዲኮ ሎዎ ኡሺ ሃና ጋካናሰ ዋሳጋዳሳ” ገደሰ።
 11 ዩሱሲ ሃሳ ማላሊሲዛ ማላታ ኡባፊ ኮይር ጋሊላ ጌቲቲዛ ዳሬን ቃና ካታማን ኦሊደሰ። ባ ቦንቸካ ሃሳ ማላን ቆንጫሲደሰ። ኢዛ ካሊዛይቲካ ኢዛን ኣማኒዳ።
 12 ሃሳፊ ጉዬ ዩሱሲ ባ ኣዩይራ ባ ኢሻታራኔ ባና ካሊዛይታራ ዲጌ ቁፊርናሆሜ ዋጂዲ ህን ጉላ ዋደ ታኪዳ። *

ዩሱሲ ያሳ ኬላን ዛልዒዛይታ ጎዲደሰ
 (ማቶ 21:12-13፤ ማር 11:15-17፤ ሉቃ 19:45-46)

13 ኣይሁዳታ ፓዚጋ ባዓሌይ ማቲዳ ገሽ ዩሱሲ ያራሳላሜ ቢደሰ። * 14 ያሳ ኬላ ገቤ ገደን ቦራታ፡ ደርሳታኔ ሃራጵታ ባይዚዛይታ ቃሴካ ሚሹ ለሚዛይቲ ሚሹ ለሚሺን ዳሚደሰ። 15 ሃሳ ቤዩዲ ዋደር ፀርቃፊፔ ደቁ ኤኪዲ ኣሳኔ ቦራታካ ያሳ ኬላ ገቤፊ ኬሲደሰ፤ ሚሽ ለሚዛይታ ሚሻካ ቆርጨዲ ኢሰታ ፃራጵዛታካ ሺሪ ሺሪ ዩጊደሰ።
 16 ሃራጵ ባይዚዛ ኣሳካ “ሃይሳ ወርሲ ጌዴ ዲጊቲ! ታ ኣዋ ኬላ ዛልዒ ኬሌ ሂሰቶፍቴ” ገደሰ። 17 ህ ዋደ ኢዛ ካሊዛይቲ “ኔ ኬላ ሚሻይ ታና ታማ ማላ ፀጌሰ” ጌቲቲ ፃፊቲዳ ቃላ ሃሳዩዳ። *
 18 ሃሳፊ ጉዬ ኣይሁዳ ኣሳ ሃላቃቲ ዩሱሳ “ኔ ሃይሳ ወርሳ ኦላናሰ ሺኔይ ኔሰ ዲዛይሳ ቆንጫሳናሰ ኔ ኑና ኣይ ማላሊሲዛ ማላታ ቤሳኔ?” ገ ኦይቺዳ።
 19 ዩሱሲካ ኢሰታሰ “ኣኔ ሃይሳ ያሳ ኬላ ላሊቲ፤ ታ ኢዛ ሃሹ ጋላሳራ ዛራ ኬፃና” ገ ዛሪደሰ። *
 20 ኢሰቲካ ኢዛ “ሃይሳ ያሳ ኬላ ኬፃናሰ ካሴ ኦይዲ ታማኔ ኡሱፑን ላይሰ ኤኪደሰ፤ ሂሰቲን ኔኒ ሃሹ ጋላሳራ ኬፃ ኩንሳኔ?” ገ ኦይቺዳ።

* 1:51 ሜዴ 28:12 * 2:12 ማቶ 4:13 * 2:13 ኬሳ 12:1-27 * 2:17 ማዛ 69:9 * 2:19 ማቶ 26:61፤ 27:40፤ ማር 14:58፤ 15:29

21 ገደ አቲን ዩሱሲ “ያሳ ኩላ” ገደይ ባ አሳቴላ ገሻሻ። 22 ሃሳ ገሽ ዩሱሲ ሃይቁ ዳንዲን ኢዛ ካለዛይቲ ሃ የጋዛ ዩሽ ቆጥዲ ኤሪዳኔ ሃይሳ ካሴ ማፃፋን ፃፊቲዳይሳኔ ዩሱሲ ኢሰታሰ ካሴቲ የቲዳ ቃላ አማኒዳ።

23 ፓዚጋ ባዓሌ ጋላሰ ዩሱሲ ዩሩሳላሚን ዲሹ ኦሊዳ ማላታታ ቤዩዲ ዳር አሳይ ኢዛ አማኒዳሰ። 24 ቃሴ ዩሱሲ አሳ ወርሲ ኤሪዛ ገሽ ኦናካ አማኒቤና። 25 ኢዚ አሳ ዋዝናን ዲዛ ወርሲ ኤሪዛ ገሽ ኦኒካ ኢዛሰ አሳ ገሽ የታናሰ ኮሺቤና።

3

ዩሱሳኔ ኒቆዲሞሳ

1 ፋርሳቄታ ባጋ አሰ ገዲዳ አይሁዳታ ሃላቃታፕ ኢሲ ኒቆዲሞሳ ጌቲቲዛ አሲ ዳሰ። 2 ኢዚ ቃማራ ዩሱሳኩ ቢዲ “አሰታማሬ! ያሲ ኢዛር ዲዛዳ ገዲኮሬ አቲን ሃይታ ኔ ኦሊዛ ማላሊሲዛ ማላታታ ኦላናሰ ዳንዲዩዛይ ዳና። ሃሳ ገሽ ኔ ያሳ አቻሬ ዩዳ አሰታማራ ገዲዳይሳ ኑ ኤርሰ” ገደሰ።

3 ዩሱሳኩ ኢዛሰ ዛሪዲ “ታ ኔሰ ቱሙ ጋይሰ፤ አሲ ናምዓንሉ ዩሌቶንታ አገሪ ያሳ ካዋቲላ ቤያናሰ ዳንዲዩና” ገደሰ። 4 ኒቆዲሞሲካ ዛሪዲ “ሂሰቲን አሲ ጨሚዳፕ ጉዬ ዋኒዲ ናምዓንሉ ዩሌታና ዳንዲዩዜ? ቃሴካ ጌዴ ባ አዩ ኡሎን ሲሚ ጌሊዲ ዩሌታኔ?” ገዲ አይቺዳሰ።

5 ዩሱሳኩ ኢዛሰ “ታ ኔሰ ቱሙ ጋይሰ፤ አሲ ሃላፊኔ ሂሎ አያናፕ ዩሌቶንታ ዲሹ ያሳ ካዋቲላ ጌላናሰ ዳንዲዩና። 6 አሳፕ ዩሌቲዳይ አሳ። አያናፕ ዩሌቲዳይ አያና። 7 ሃሳ ገሽ ሓንቲ ናምዓንሉ ዩሌታናሰ ኮሺሰ ታ ኔና ገዳ ገሽ ማላሊቶፋ። 8 ጫርኮይ ባ ኮይዳ ባጋ ጫርኮሰ። ኔ ጫርኮሰ ገሪሰ ሲያሳ አቲን ኢዚ አዋፕ ዩዛኮኔ አዋ ቢዛኮ ኤራካ። አያናፕ ዩሌቲዳይካ ሃሳ ማላ” ገደሰ።

9 ኒቆዲሞሲ “ሃይሲ ዋኒ ሃናና ዳንዲዩዜ?” ገዲ አይቺዳሰ። 10 ዩሱሳኩ ኢዛሰ “ኢሰራዔሌ አሰታማራ ገዳ ኡታዳ ሃሳ ኔ ኤሪኪ? 11 ታ ኔሰ ቱሙ ጋይሰ፤ ኑኒ ኑ ኤርዛይሳ የቶሰ። ኑ ቤዩዳይሳ ማርካቶሰ ገደ አቲን ኢንቲ ኑ ማርካቲላ ኤኬኬታ። 12 ታ ኢንቲሰ ሃይሳ ሃ ቢታ የዎ የቲን አማናንታ ኢደኮ ሳሎ ሚሽ የቲኮ ዋሰቲ አንቲ አማናኔ? 13 ሳሎፕ ዲጌ ዋዲዳ አሳ ናፕ አቲን ፑዴ ሳሎ ኬዚዳይ ሃራይ ኦኒካ ዳና። *

14 “ባዛ ቢታን ሙሴይ ሾሽ ቆቁ ሂሰቲ ካቁዳይሳሉ ሃሳሉካ አሳ ናይ ቆቃሶን ካቁታናሰ ቤሴሰ። * 15 ሃሲካ ኢዛን አማኒዛይይ ወሪካ ሜርና ዴዎ ዴማናሳ። 16 ያሳ ና አማኒዛይ ወሪ ሜርና ዴዎ ዴማናፕ አቲን ጳዮንታ ማላ ያሲ ሃይሳ አላሜዛ ዳር ሰቁዳ ገሽ ባ ሜዳ ኢሲ ናዛ አሚዳሰ። 17 ያሲ ባ ናዛ ሃ ዲጌ አላሜ ከቲዳይ አላሜ አሳይ ኢዛን አማኒዲ አታና ማላሳ አቲን ኢዚ አላሜ አሳ ቦላ ፐርዳናሰ ገደና።

18 “ኢዛ አማኒዛዴ ቦላ ፐርዳቲና። ኢዛ አማናንታይይ ገዲኮ ያሳ ና ኢሲኔዛን አማናንታ ገሽ ካሴካ ፐርዳቲ ኡቲዳሰ። 19 ፐርዳይካ ሃይሳ ማላ፣ ፖይ ሃ አላሜ ዩዳሰ ሺን አሳሰ ኦሶይ ኢታ ገዲዳ ገሽ አሳይ ፖፕፕ ዳር ቆማ ደሲዳሰ። 20 ኢታ ኦሊዛይይ

ወሪካ ፖፕ ደሴና። ኢዚ ኦሊዛ ኢታ ኦሶይ ቆንጨ ኬዛንታ ማላ ኢዚ ባ ሁዔሰ ፖይ ዲዛሰ ኬዜና። 21 ቱሙ ኦሊዛይይ ገዲኮ ፖይ ዲዛሰ ዩሰ። ኢዚ ፖይ ዲዛሰ ዩዛ ጋሶይ ያሳ አዛዙ ማላ ኢዚ ኦሊዳ ኦሶይ ቆንጨና ማላሳ” ገደሰ።

ዩሱሳኔ ፃማቁዛ የሃኒሳ

22 ሃሳሬ ካሊዲ ዩሱሲ ባና ካሊዛይታራ ዩሁዳ ዴሪ ቢዳሰ፤ ሃንካ አሳ ፃማቁሼ ኢሰታራ ጉላ ዎዴ ጋምዲዳሰ። 23 ሃ ዎዴ ሳሊሜ አቻን ሄናኔ ጌቲቲዛሶን ዳር ሃሊ ዲዛ ገሽ የሃኒሲ አሳ ፃማቁሼን አሲካ ኢዛኮ ቢዲ ፃማቁቲዳሰ። 24 ሃሳ ዎዴ የሃኒሲ ቡር ቃሾ ኬላ ጌሊቤና። *

25 ሃ ዎዴ የሃኒሳ ካሊዛይታ ገደኒኔ ኢሲ ኢሲ አይሁዳ አሳታ ገደን አይሁዳታ ጌሾ ዎጋ ገሽ ገታ ፓላማይ ዳንዲዳሰ። 26 የሃኒሳ ካሊዛይቲ ኢዛኮ ሸቁዲ “አሰታማሬ! ኔናራ የርዳናሴ ሻፋ ፒንላን ኢሲሬ ዲሺን ኔ ኢዛ ገሽ ማርካቶ አዴዚ ሃኮ ፃማቁሰ፤ አሲካ ኢዛኮ ቤሰ” ገደ። 27 የሃኒሲካ ኢሰታሰ “ኦናሰካ ያሳሬ አሜቶንታ ዲሺን አይኮይካ ዳና ዳንዲዩና።

28 “ታኒ ኢዛፕ ሲንሳታ ከቲታዲሰ አቲን ያና ገዳ ከርሰቶሲ ታና ግዲኮ” ጋዳ ታ ኢንቲሰ የቶይሳሰ ኢንቲ ኢንቲ ሁዔራ ታ ማርካታ። * 29 ሳርጌ ዎዴ ኤካና ሚሺራይ ዲዛይይ ኢዚካ ሚሺራ። ሚሺራ ላጌይ ገዲኮ ሚሺራዛ አቻን ኤቁዲ ሚሺራዚ ገዛዝ ሲዩሰ። ሚሺራዛ ያላ ሲይዲ ኡፋይቲሰ። ሃሳ ገሽ ታ ኡፋይሲ ሃዲ ፖሊቲዳሰ። 30 ኢዚ ቆቁ ቆቁ ጋና ማላ ታካ ዘቁ ዘቁ ጋና ኮሺሰ።

31 “ፑዴፕ ዩዛይይ ኡባሬ ቦላ። ጋርሳ ቢታሬ ዩዳይይ ኢዚ ቢታሬኔ ቢታዚ የቲሰ። ሳሎፕ ዩዛይይ ኢዚ ኡባሬ ቦላ። 32 ኢዚ ባ ቤዩዳዚኔ ባ ሲዩዳዝ ማርካቲሰ። ገደ አቲን ኢዛ ማርካቲላ ኤኪዛይይ ዳና። 33 ኢዛ ማርካቲላ ኤኪዛይይ ገዲኮ ያሳ ቱማንቻ ገዲዳይሳ ቆንጨሴሰ። 34 ያሲ ከቲዳይይ ያሳ ቃላ የቲሰ። ያሲካ ኢዛዳሰ ባ አያና ማኪ አሜና።

35 “አዋይ ባ ና ደሴሰ። ሃኒዛ የዎ ወርሲ ኢዛ ኮሺን አላ አሜሰ። * 36 ናዛን አማኒዛዳሰ ሜርና ዴይይ ዳሰ። ናዛን አማናንታይ ገዲኮ ያሳ ሃንቆይ ኢዛ ቦላ ዳና አቲን ዴዎ ዴሜና” ገደሰ።

4

1 ሃ ዎዴ ዩሱሲ የሃኒሳፕ ቦላራ ዳር አሳ ባና ካሊዛይይ ኦሊዛይሳኔ ፃማቁዛይሳ ፋርሳቄቲ ሲዩዳ። 2 ገደ አቲን ፃማቁዛይቲ ኢዛ ካሊዛይታፕ አቲን ኢዚ ፃማቁቤና። 3 ኢዛ ገሽ ሃሳዩቲዛይሳ ፋርሳቄቲ ሲይዳ ዩሱሲ ኤሪዲ ዩሁዳ ዴሪ አገዲ ጋሊላ ዴሪ ሲሚ ቢዳሰ። 4 ኢዚ ሃ ቢሺን ሳማሪያራ ኦቂ ባናይሲ ኢዛሰ አቶንታዝ ገዲዳሰ።

5 ሃሳ ገሽ ሲካር ጌቲቲዛሶ ሳማሪያ ካታማ ቢዳሰ። ሲካራ ያቆቤ ባ ና የሴሬሰ አሚዳ ቢታ አቻን ዳወሰ። * 6 ሃንካ ያቆቤ ሃላ ኦላይ ዳሰ። ዩሱሲ ኦጌ ሃሙቲ ዳቡሪዳ ገሽ ሃ ኦላይ አቻን ኡቲዳሰ። ዎዴይካ ጋላሳሬ ኡሱፑን ሳቲ ማላ።

* 3:13 ሳሎፕ ዲጌ ዋዲዳሰ አሳ ናፕ አቲን ፑዴ ሳሎ ኬዚዳይ ሃራይ ኦኒካ ዳና ኢሲ ኢሲ ገሻ ማፃፋቲ ሳሎን ዲዛ አሳናፕ አቲን ጌቲሰ።
* 3:14 ታይ 21:9 * 3:24 ማቶ 14:3፤ ማር 6:17፤ ሉቃ 3:19-20 * 3:28 የሃ 1:20 * 3:35 ማቶ 11:27፤ ሉቃ 10:22
* 4:5 ሜዴ 33:19፤ ኢያ 24:32

7 ሃሳብ ዋዳ ኢሲ ሳማሪያ ዳሬ ማጫሰ ዲዛራ ሃሌ ዲቃናሰ ሃ ሃላ ኦላኮ ያዲሰ። ዩሱሲካ ኢዞ “ታና ሃሌ ኡሻ” ገደሰ። * 8 ሃሲ ሃሲሽን ዩሱሳ ካሊዛይቲ ቁማ ሻማና ካታማ ቢዳ። 9 ሃና ሳማሪያ ማጫሳያ ዩሱሳ “ኔ አይሁዳ አሰ ገዳ ኡታዳ ዋናዳ ታና ሳማሪያ ማጫሰ ሃሌ ኡሻ” ገ ያይቻይ?” ገዲሰ። ኢዛ ሃሳ ገዳይ አይሁዳ አሳሲኔ ሳማሪያ አሳሰ ገሳቴሌ ደንታ ገሻሳ። *

10 ዩሱሲካ ኢዚሰ “የሳ አምታይኔ ኔና ታና ሃሌ ኡሻ” ገዛዳይ ኢዚ ኦናኮኔ ኔ ኤሪዛኮ ኔ ኢዛ ዋሳናሰ ቤሴሰ። ኢዚካ ኔሰ ዴዎ ሃሌ አማናኮሽን” ገደሰ። 11 ኢዛካ ኢዛሰ “ጎደ! ኔሰ ሃሌ ዲቁዛ ሚሺ ዴና፤ ሃላ ኦላይካ ዳር ጪማ፤ ሂሰቲን ኔ ዴዎ ሃሌ አዋፔ ዴማኔ? 12 ኔ ሃይሳ ሃላ ኦላዛ ኦሰ አሚዳ ኦ አዋ ያቆቤፔ አቆይ? ኢዚኔ ኢዛ ናይቲ ኢዛ ማሄቲካ ሃይሳ ሃ ኦላፊ ሃሌ ኡዩዳ” ገዲሰ።

13 ዩሱሲ ኢዚሰ “ሃይሳ ሃ ሃላፊ ኡዩዛይ ወሪ ናምዓንሉ ሳምቲዳ ዛሪ ሃሪ ኡያናሽን። 14 ታ አሚዛ ሃሌ ኡዩዛይይ ገዲኮ ማርናሰ ሙሌካ ሳምቲና። ገሰይካ ታ አሚዛ ሃሌ ኡዩዛይሰ ማርና ዴዎሰ ፑልቲዛ ፑልቶ ሃሌ ገዳና” ገደሰ።

15 ማጫሳያካ “ጎደ! ሃይሳፊ ጉዬ ታና ሃሌ ሳምንታ ማላኔ ቃሴካ ታ ሃሌ ዲቃና ሃ ዮንታ ማላ ሃሳ ኔ ገዛ ሃላ ማላ ሃሌ ታሰ አማርኪ?” ገዲሰ። 16 ዩሱሲካ ኢዞ “ባዳኔ ኔ አዚና ያይጋ ኤካዳ ያ” ገደሰ። 17 ማጫሳያካ ዛራዳ “ታሰ አዚናይ ዴና” ገዲሰ። ኢዚ ሂዝገን ዩሱሲ “ኔ ታሰ አዚናይ ዴና” ጉሳይ ቱሙኮ። 18 ገሰይካ ካሴ ኔሰ ኢቻሹ አዚናቲ ዴቲሰ። ቃሴ ሃሳ ኔናራ ዲዛይሲ ኔ አዚና ገደና። ሃሳ ገሽ ኔ ቱሙ ገዳሳ” ገደሰ።

19 ማጫሳያ ኢዛሰ “ጎደ! ኔኔ ናቤ ገዲዳይሳ ታ ሃሳ ኤራዲሰ። 20 ካሴ ኦ አዋቲ ሃይሳ ዙማ ቦላ ጎይኒዳ። አንቲ ቃሴ ኣሳይ ጎይናሰ ቤሲዛሶይ ዩሩሳላሚንኮ!” ገታ” ገዲሰ።

21 ዩሱሲካ ኢዚሰ “ሃኔ ማጫሳዬ፣ ያሳ አዋሰ ሃይሳ ዙማ ቦላ ዋይኮ ዩሩሳላሚን አንቲ ጎይናንታ ዋዴይ ያናይሳ አማና፤ 22 አንቲ አንቲ ኤርንታ ያሳሰ ጎይኔታ። ኦ ገዲኮ አሳሰ አቶቴሌ አይሁዳፔ ገዲዳ ገሽ ኦኔ ኦ ኤሪዛ ያሳሰ ጎይናሰ። 23 ገደ አቲን ቱሙ ጎይኒዛይቲ ያሳ አዋሰ አያናኔኔ ቱማን ጎይኒዛ ዋዴይ ቡር ያና። ሃራይ አቶሽን ሃሳካ ዩዴሰ። ያሳ አዋይካ ኮዩዛይ ሃሳ ማላ ጎይኒዛይታ። 24 ያሲ ባ ሁዴሰ አያና፤ ኢዛ ጎይኒዛይቲ አይናኔኔ ቱማን ጎይናሰ ቤሴሰ” ገደሰ።

25 ማጫሳያካ “ከርሰቶሲ ያናይሳ ታ ኤራይሰ፤ ኢዚ ዩዲ ሃኒዛዝ ወርሲ ኦሰ ዮታና” ገዲሰ። 26 ዩሱሲካ ኢዚሰ “ሃሳ ኔናራ ሃሳዩዛይ ታ ኢዛ” ገደሰ።

27 ሃሲ ሃሲሽን ኢዛ ካሊዛይቲ ባ ቢዳሶፔ ሲሚዳ። ዩሱሲ ማጫሳራ ሃሳዩዛይሳ ማላሌቲዳ። ገደ አቲን “ሃኔ አይ ኮያይ? ዋይኮ ሃሲራ አዛሰ ሃሳያይ?” ገዲ ኦኒካ ኦይቹቤና። 28 ሃሳፊ ጉዬ ማጫሳያ ኦቶዛ ሃን አጋገዳ ጌዴ ካታማ ባዳ አሳሰ፤ 29 “ታ ኦሌዳዝ ወርሲ ታሰ ዮቲዳዴ ሃ ዩዲ ቤይቲ። ኦኔ ኤሪዛይ ያሲ ቲዩዳ ከርሰቶሲ ኢዛኮኔ!” ገዲሰ።

30 አሰካ ካታማፔ ኬዚዲ ዩሱሳኮ ቢዴሰ። 31 ሃ ዋዴ ዩሱሳ ካሊዛይቲ ዩሱሳ “አሰታማሬ! ቁማ ማ”

ገዲ ዋሲዳ። 32 ኢዚ ቃሰ “አንቲ ኤርንታይ ታ ሚዛ ቁማይ ታሰ ዴሰ” ገደሰ።

33 ሃሳ ገሽ ኢዛ ካሊዛይቲ “አይኮ ሚዛ ካሳ አሲ ኢዛሰ ኤሂዴሻ?” ገዲ ባ ገደን ሃሳዬቲዳ 34 ዩሱሲካ ኢሰታሰ ዛሪዲ “ታ ቁማይ ታና ከቲዳ ታ አዋ ሼኔ ኦሶኔ ኢዛ ኦሶ ገሎ። 35 አንቲ ቃሰ ኣሳ ማፃይ ገካናሰ ቡር ኦይዴ አገናይ አቲዴሰ” ገታ ገዴኬቲ? ቃሰ ታ ገዲኮ አንቲና ‘ቋቋ ገዲ ካሳይ ማፃ ገኪዳይሳ ያሌቲ’ ገይሰ። 36 ማፃዛዴይ ባ ዳዋዛ ኤካና። ሚርናሰ ገዲዛ አይፊ ሸሻና። ሃሳ ገሽ ዜሪዛዴይኔ ማፃዛዴይ ኢሲፊ ኡፊዬታና። 37 ሃሳ ገሽ አሳዴይ ዜራና፤ ሃራ አሲ ማፃና ጌቲቲዛ ለሚሶይ ቱማ። 38 ታ አንቲና አንቲ ዳቡርንታይሳ ማፃና ማላ ዩዳዲሰ። ሃራቲ ኦሶን ዳቡሪዳ። ገደ አቲን አንቲ ኢሰታ ዳቡርሳን ጎዴቲዴታ” ገደሰ።

39 ማጫሳያ “ታ ኦሌዳዚ ወርሲ ታሰ ኢዚ ዮቲዴሰ” ገዳ አሳሰ ማርካቲዳ ማላ ካታማፔ ዳር ሳማሪያ አሳይ ኢዛን አማኒዴሰ። 40 ሃሳ ገሽ ሳማሪያ አሳይ ዩሱሳኮ ዩዲኔ ኢዚ ኢሰታኮን ገምዓና ማላ ዋሲዳ። ኢዚካ ናምቡ ጋለሰ ሃን ገምዒዴሰ። 41 ኢዛ ቃላ ሲይዲ ዳር አሳይ ኢዛ አማኒዴሰ። 42 ማጫሳያካ “ሃሳ ኦ ኢዛ አማኒዛይ ኔ ዮቲዳ ቃላ ገሽ ያላ ገደንታ ኦካ ኦ ባጋራ ኢዛፔ ሲዩዳ ገሽኔ ቱማፔ ኢዚ ዴሬ አሽዛዴ ገዲዳይሳ ኤሪዳ ገሻሳ” ገዲ።

ዩሱሲ ሹማዛ ናዛ ፓሊዴሰ

43 ዩሱሲ ሳማሪያን ናምቡ ጋለሰ ገምዒዳፔ ጉዬ ጋለላ ቢዴሰ። 44 ኢዚ ባ ባጋራ “ናቤይ ባ ዴሬን ቦንቹቲና” ገ ዮቲዴሰ። * 45 ገደ አቲን ኢዚ ጋለላ ቢን ጋለላ አሳይ ኢዛ ሎዴሌ ዋኪ ኤኪዴሰ። ገሰይካ ፓዚጋ ባዓሌ ቦንቻና ዩሩሳላሚ ቢዳሶን ሃን ዲሺን ኢዚ ኦሌዳይሳ ወርሲ ቤዩዳ ገሻሳ። *

46 ሃሳፊ ጉዬ ዩሱሲ ሃሌ ዋይኔ ጫጃ ኦሌዳ ጋለላ ዴሬ ገደን ዲዛ ቃና ጌቲቲዛ ካታማ ናምዓንሉ ቢዴሰ። ሃ ዋዴ ቁፊርናሆሚን ኢዛሰ ናይ ሳኬቲዳ ኢሲ ካዎ ሹማይ ዴሰ። * 47 ኢዚካ ዩሱሲ ዩሁዳ ዴሬፔ ጌዴ ጋለላ ዩዴይሳ ሲይዲ ዩሱሳኮ ቢዴሰ። ዩሱሲ ዴጌ ቁፊርናሆሚ ዋቆና ማላኔ ዳር ሳኬቲዳ ሃይቃና ገዛ ናዛ ፓላና ማላ ዩሱሳ ዋሲዴሰ። 48 ዩሱሲካ ኢዛሰ “አንቲ ገታ ማላታታኔ ማላሊሲዛዝ ቤዮንታ አይኮካ አማኔኬታ” ገደሰ።

49 ሹማዚካ ዛሪዲ “ጎደ፣ ታ ናዚ ሃይቆንታ ኤሌላ ዋቆኪ!” ገደሰ። 50 ዩሱሲካ ኢዛ “ኔኔ ኔሰ ባ! ናዚ ፓዲዴሰ” ገደሰ። አዴዚካ ዩሱሲ ኢዛሰ ዮቲዳ ቃላ አማኒዲ ሶ ሲሚ ቢዴሰ። 51 ኢዚ ሶ ቢሽን ኢዛ አሽካራቲ ኢዛራ ኦኔን ጋገዲ “ኔ ናዚ ፓዲዴሰ” ገዲ ኢዛሰ ዮቲዳ።

52 ሹማዚካ ናዚ አይ ሳቲን ፓዲዳኮኔ ኢሰታ ዛሪ ኦይቹዴሰ። ኢሰቲካ ኢዛሰ “ቃማ ጋላሳፊ ላፑን ሳቲን ኢዛ ሚቹዛይሲ አገዴሰ” ገዲ። † 53 ናዛ አዋይካ ዩሱሲ “ኔ ናዚ ፓዲዴሰ” ገዲይ ሃ ኢሰቲ ኢዛሰ ዮቲዳ ዋዴ ገዲዳይሳ ኤሪዴሰ። ሃሳ ገሽ ሃ ጋላሳፊ ኦይኪዲ ኢዚኔ ኢዛ ሶ አሳይ ወሪ ዩሱሳ አማኒዳ።

54 ሃይሲ ማላታይ ዩሱሲ ዩሁዳፔ ጋለላ ዩዲ ኦሌዳ ናምዓንሉ ማላታ።

* 4:7 ቲካናሰ ገዛ ቃላ ኢሲ ኢሲ ጋዋ አሳቲ ዲቃናሰ ጌቲሰ። * 4:9 ሃዚ 4:1-5፤ ኢያ 4:1-2 * 4:44 ማቶ 13:57፤ ማር 6:4፤ ሉቃ 4:24 * 4:45 የሃ 2:23 * 4:46 የሃ 2:1-11 † 4:52 ቃማ ገዛ ቃላ ኢሲ ኢሲ ባጋ ጋዋ ቃላን ዘኔ ጌቲሰ።

5

ዩሱሲ ኢሲ ቶሆይ ሲሊዳዳ ፓሊዳስ

1 ሃሳፌ ካሊዲ አይሁዳታ ባዓሌይ ዲዛ ገሽ ዩሱሲ ዩሩሳላሜ ቢደሰ። 2 ዩሩሳላሜን ደርሲ ጌሊዛ ጉንጌ አቻን ኢብራዌታ ቃላራ “ቤተሳይዳ” ጌቲቲዛ ኢሲ ፑልቶፌ ሸቆዲ ኤሊዳ ሃሊ ደሰ። ኢዛፔ ቦላራ ካማይ ዲዛ ኢቻሹ ኦጌቲ ዳቲሰ። * 3 ዳሮ ሃርጋንቻቲ፣ አይፌ ቆቁቲ፣ ቶሆ ዋቤቲኔ ቶሆ ሲላቲ ኦጌ ቦላ ኢቺዲ ሃላይ ቃጻታና ጋካናሰ ናጌቲሰ። 4 ኢሲ ኢሲ ዋዴ ጎዳ ኪታንቻይ ሃላን ዋጲዲ ሃላ ቃሌሰ። ሃላ ቃላፌ ካሊዲ ኮይርቲዲ ሃላን ጌሊዛ ሃርጋንቻይ ባና ሳኪዛ አይ ሃርጌፌካ ፓደሰ። † 5 ሄን ጋዳን ሄሹ ታማኔ ኦሱቸን ላይላ ኩሚላ ሳኬቲዳ ኢሳዳይ ደሰ። 6 ዩሱሲ አዳዛ ሄን ኢቺዳይሳ በዩዲኔ ኢዚ ዳር ላይላ ሳኬቲዳይሳ ኤራዲ “ኔ ፓፃና ኮያይ?” ጌደሰ።

7 ሃርጋንቻዚካ ዛሪዲ “ጎዶ! ሃላይ ቃጻቲዛ ዋዴ ታና ሃላን ጌልላዛ ኢሲ ዳና፤ ታ ቡሮ ባና ገሽን ሃራይ ታፔ ካሴቲ ሃላን ጌሊሰ” ጌደሰ 8 ዩሱሲካ ኢዛ “ዳንዳ! ኔ ኢቺዳ አልጋ ቶካዳ ባ!” ጌደሰ።

9 አዳዚካ ሄራካ ፓደደሰ። ባ አልጋ ቶኪ ኤኪዲ ቢደሰ። ሄሲ ሃኒዳይ አይሁዳታ ሳምባታ ጋላሳ። 10 ሄሳ ገሽ አይሁዳታ ሃላቃቲ ፓደዳ አዳዛ “ሃቶ ሳምባታራ ኔ አልጋ ቶካና ማላ ሙሴ ዋጋይ አዛዜና” ጌደ። *

11 ኢዚካ ኢሰታሰ “ ኔ ኢቺዳ አልጋ ቶካዳ ባ ጌ ዮቲደሰ” ጌደሰ። 12 ኢሰቲካ “ኔና አልጋ ቶካዳ ባ ጌዳይ ኦኔ?” ጌ ኦይቺዳ። 13 ዳሬይ ዳሪዳ ገሽኔ ዩሱሲ ሄፔ ሃኪ ቢዳ ገሽ ኢዛ ኦኒ ፓሊዳኮኔ አዳዚ ኤሪቤና።

14 ሃሳፌ ጉዬ ዩሱሲ አዳዛ ያሳ ኬላን ዳሚዲ “ሄኮ ሃራ ኔ ፓፃዳሳ፤ ካሴይሳፌ አጲዛ ኢታ ሚሺ ኔ ቦላ ጋኮንታ ማላ ናምባንሶ ናጋራ ኦሶፋ” ጌደሰ

15 አዳዚካ ቢዲኔ ኢዛ ፓሊዳይ ዩሱሳ ጌዲዳይሳ አይሁዳታ ሃላቃታሰ ዮቲደሰ። 16 አዳዛ ሳምባታ ጋላሰ ፓሊዳ ገሽ አይሁዳታ ዳናቲ ዩሱሳ ኦይካና ዩዳሊዳ። 17 ዩሱሲካ ኢሰታሰ “ታ አዋይ ኡባ ዋዴ ኦሌሰ፣ ታካ ኦላና” ጌደሰ፤ 18 ሄሳ ጋሶን አይሁዳታ ዳናቲ ዩሱሳ ዋጲና ማላ ካሴፔ አሊ ዳንሌሊዳ። ቃሴ ኢዚ ሳምባታ ዋሪዳ ገሽ ያላ ጌደንታ “ዮሲ ታ አዋ” ጌዳ ገሽኔ ባና ያሳራ ጌሲሲዳ ገሻሳ።

ያሳ ና ጎዳቲላ

19 ዩሱሲ ኢሰታሰ “ታ ኢንቲሰ ቱሙ ጋይሰ፤ አዋይ ኦሊሽን በዩዳይሳ ኦሶፔ አቲን ናዚ ባ ሸኔን አይኔ ኦሌና። አዋይ ኦሊዛይሳ ኢዛ ናይ ሄሳሶካ ኦሌሰ። 20 ጋሶይካ አዋይ ናዛ ደሴሰ። ባ ኦሊዛይሳካ ወርሲ ኢዛ ቤሴሰ፤ ኢንቲ ማላሌታና ማላ ሃይሳፌካ አጲዛ ኦሶ ቡሮ ቤሳና። 21 አዋይ ሃይቆዳይታ ዳንሌዛይሳሶኔ ዳዎ ኢሚዛይሳሶ ናዚካ ሄሳሶ ባ ኮዩዳደሰ ዳዎ ኢሚና። 22 አዋይ ኦና ቦላካ ፐርዳና። ጌዳ አቲን ፐርዳ ማታ ወርሲ ባ ናዛሰ ኢሚደሰ። 23 ኢዚ ሄሳሶ ኦሊዳይ አሳይ ወሪ አዋ ቦንቻና ማላኔ ቃሴካ ናዛካ ቦንቻና ማላሳ። ናዛ ቦንቻንታይ ናዛ ኪቲዳ አዋካ ቦንቻና።

24 “ታ ኢንቲሰ ቱማ ጋይሰ፣ ታ ቃላ ሲዩዛደሰኔ ታና ኪቲዳይን አማኒዛደሰ ሜርና ዳዎይ ደሰ። ኢዛዳይ ሃይቆፔ ጌዴ ዳዎን ፒኒደሰ አቲን ኢዛ ቦላ ፐርዳቲና። 25 ታ ኢንቲሰ ቱማ ጋይሰ፣ ካሴ ሃይቆዳ አሳቲ ያሳ ና ቃላ ሲዩዛ ዋዴይ ያና፤ ሄ ዋዴያካ ሃና፤ ሲዩዛይቲ ወሪ ዳዎን ዳናና። 26 ጋሶይካ አዋይ ባ ባጋራ ዳዎይ ዲዛ ማላ ናዚካ ባ ባጋራ ዳዎይ ዳና ማላ ኦሊደሰ። 27 ኢዚ አሳ ና ጌዲዳ ገሽ ፐርዳና ማላ ጎዳቲላ ኢዛሰ ኢሚደሰ። 28 ሃይሳን አይኮካ ማላሌቶፍቲ። ጋሶይካ ቡሮ ካሴ ሃይቆዲ ዲፎን ዲዛይቲ ወሪ ኢዛ ቃላ ጌሪሰ ሲዩዛ ዋዴይ ያና። 29 ሎዎ ኦሊዳይቲ ሃይቆፔ ዳንዲዲ ፓፃና። ጌዳ አቲን ኢታ ኦሊዳይቲ ሃይቆፔ ዳንዲዲ ፐርዳታና። *

ዩሱሳሰ ማርካቲዳ አሳታ

30 “ታ ታ ሸኔን አይኮካ ኦላናሰ ዳንዳዩኬ፤ ጌዳ አቲን ታ አዋፔ ታ ሲዩዳ ማላ ፐርዳይሰ። ታና ኪቲዳይሳ ሸኔ ኦላይሰ አቲን ታ ሸኔን ታ ኦሶንታ ገሽ ታ ፐርዳን ባላይ ባዋ። 31 ታኒ ታ ገሽ ታርካ ማርካቲኮ ታ ማርካይ ቱሙ ጌዳና። 32 ጌዳ አቲን ታ ገሽ ማርካቲዛዳይ ሃራይ ደሰ። ኢዚካ ታ ገሽ ማርካቲዛዳ ማርካቲላይ ቱሙ ጌዲዳይሳ ታ ኤራይሰ። 33 ኢንቲ ዮሃኒሳኮ አሴ ኪቲዳታ ሸን ኢዚካ ቱሙ ማርካቲደሰ። * 34 ታ ሃይሳ ገዛይ ኢንቲ አታና ማላ አቲን ታሰ ሃራ ማርካቲላ ኮሺዳ ገሽ ጌዳና። 35 ዮሃኒሲ ኤዲዲ ፖሲሲዛ ፖዎ ማላ። ኢንቲካ ጉላ ዋዴ ኢዛ ፖዎን ኦፋዬታና ኮዩዳታ። 36 ታሰ ጌዲኮ ዮሃኒሳ ማርካቲላፌ አጲዛ ማርካይ ደሰ። ታ ማርካይካ ታ አዋይ ታሰ ኢሚዳ ኦሶ። ሄሲካ ታ ኦሊዛ ኦሶይ ታ አዋይ ታና ኪቲዳይሳ ታሰ ማርካቲሰ። 37 ታና ኪቲዳ ታ አዋይካ ባ ሁዔራ ታሰ ማርካቲደሰ። ኢንቲ ጌዲኮ ኢዛ ቃላ ጌሪሰ ሙሌካ ሲይቤይኬታ። ኢዛሰ ሜቆካ ሙሌራ ቤይቤኬታ። * 38 ኢዚ ኪቲዳዳን ኢንቲ አማናንታ ገሽ ኢዛ ቃላይ ኢንቲ አቻን ዳና። 39 ኢንቲሰ ጌሻ ማፃፋታፔ ሜርና ዳዎ ዳማናሰ ሚሳቲን ማፃፋታ ፒሊጌታ፤ ማፃፋቲካ ታ ገሽ ማርካቲቲሰ። 40 ጌዳ አቲን ኢንቲ ዳዎ ዳማናሰ ታኮ ሃ ያና ኮዩኬታ።

41 “ታ አሳፔ ቦንቻ ኮዩኬ። 42 ታ ኢንቲና ኤራይሰ፤ ያሳ ሲቆይ ኢንቲናን ባይንዳይሳካ ኤራይሰ። 43 ታኒ ታ አዋ ሰንላን ያዲሰ ሸን ኢንቲ ታና ሞኪ ኤኪቤኬታ። ሃራ አሲ ቃሴ ባ ሱንላን ዩኮ ኢንቲ ኢዛ ሞኪ ኤኬታ። 44 ኢንቲ ኢንቲ ጌደን ኢሶይ አሳፌ ቦንቻ ኮዩዛይቶ! ኢሲ ያሳፌ ቤቲዛ ቦንቻ ኮዩንታይቶ ኢንቲ ዋኒዲ ታና አማናና ዳንዳዬቲ? 45 ታ አዋ ሰንላን ኢንቲና ሞታናይ ኢንቲሰ ታና ሚሳቶ። ኢንቲና ሞታናይ ኢንቲ ኢዛ ሂደታ ኦሊዛ ሙሴ፤ 46 ሙሴይ ታ ገሽ ፃፊዳይሳ አማኒዳኮ ኢንቲ ታና አማናና። 47 ኢዚ ፃፊዳይሳ ኢንቲ አማናንታ ኢኪኮ ቃሴ ታ ቃላ ኢንቲ ዋኒ አማናኔ?” ጌደሰ።

6

ዩሱሲ ኢቻሹ ሺ አሳ ሚዚደሰ

(ማቶ 14:13-21፤ ማር 6:30-44፤ ሉቃ 9:10-17)

1 ሃሳፌ ጉዬ ዩሱሲ ዪቢራደሴ ጌቲቲዛሶ ጋሊላ አባፌ ሄ ፒንላ ፒኒደሰ። 2 ዩሱሲ ሃርጋንቻታ ፓሊዳ

* 5:2 ቤተሳይዳ ኢሲ ኢሲ ጌሻ ማፃፋቲ “ቤተዛታ” ገሽን ሃራይቲ ቃሴካ “ቤተሳይዳ” ጌቲሰ። ቢሪሸላይካ “ማርቲላ ኬላ” ጉሳ። † 5:4 ኢሲ ኢሲ ጌሻ ማፃፋቲ ፓይዳ ሄሻሰ ወርሴላ ቦላፔ ቢዲ ኦይዲ ወርሴላ ጋካናወ ዲዛ ቆፋ ጉጂቲና። * 5:10 ናሂ 13:19፤ ኤር 17:21 * 5:29 ዳኔ 12:2 * 5:33 ዮሃ 1:19-27፤ 3:27-30 * 5:37 ማቶ 3:17፤ ማር 1:11፤ ሉቃ 3:22

ማላታ ቤዪዳ ገሽ ዳር አሳይ ኢዛ ካሊዳስ። 3 ዬሱሲ ባና ካሊዛይታራ ዩዴ ዙማ ቦላ ኬዚ ኡቲደስ። 4 ሄ ዎዴ አይሁዳታ ፓዚጋ ባዓሌይ ማቲ ኡቲደስ። 5 ሄ ዎዴ ዳር ዳሬይ ኢዛዮ ዪዛይሳ ዬሱሲ ዶቁ ገ ያሊዳ ፒሊጶሳ “ሃይሳ ዳራስ ገዳና ቁማ አዋፔ ሻማና ዳገዳዪዚ?” ገደስ። 6 ዬሱሲ ፒሊጶሳ ሄሳፉ ኦይቸዳይ ኢዛ ፓጫናስ ገዲፔ ኣቲን ኢዚ ባ ኦላናይሳ ኤሬስ።

7 ፒሊጶሲካ ኢዛስ “ኢሲ ኢሳዳስ ኢሲ ባርስ ገዲዛ ካሕ ሻማዛዮካ ናምዑ ያቱ ዲናሬን ሻማዳ ካሕካ ሃይሳስ ገደና” ገደስ። 8 ዬሱሳ ካሊዛይታፔ ኢሶይ ሲሞና ጶፀርሳ አሻ ኢንዲራሲ። 9 “ኢቻሹ ባንጋ ኡኬሌኔ ናምዑ ሞሌ ኦይኪዳ ኢሲ ናይ ሃይሳን ዳስ። ገደ ኣቲን ሃና ሃይሳ ሃ ዳሬዛስ ኣይ ገዳኔ?” ገደስ።

10 ዬሱሲካ ዛሪዲ “አሳ ኡባ ኡቲሲቴ” ገደስ። ሄን ጋዳን ዳር ማታይ ዲዛ ገሽ አሳይ ኡቲደስ። አሳ ቆዳይካ ኢቻሹ ሺ ገዲዛዛ። 11 ሄሳፌ ጉዬ ዬሱሲ ኡኬላ ኡኪዳ ጋላታ ዎሳ ዎሲዲ ኡቲዳ አሳስ ገሺደስ። ሞሌዛካ ሄሳፉካ ገሺቺደስ። አሳይ ዉሪካ ባስ ገዲዛዛ ዳሚደስ። 12 አሳይ ዉሪካ ካሊ ሚን ዬሱሲ ባና ካሊዛይታ “ማዳን ኣቲዳ ካላ ኢሲኖካ አሻንታ ሺሺቴ” ገደስ። 13 ኢስቲካ አሳይ ሚሺን ኢቻሹ ኡኬላፌ ኣቲዳ ታማኔ ናምዑ ለማቴ ኩማሕ ሺሺዳ።

14 አሳቲካ ዬሱሲ ኦሊዳ ማላታ ቤዪዳ “ሃይሳይይ ቱማፔ ሃ አላሚ ያና ናቤዛዮ!” ገደስ። 15 አሳይ ቃሴ ዎልቃራ ዬሱሳ ካዎላና ቆፒዳይሳ ኤሬዲ ዬሱሲ ቃሴካ ኢስታፌ ሃቢ ቢዲ ዙማ ቦላ ኬዚደስ።

ዬሱሲ አባ ቦላራ ሃሙቲደስ
(ማቶ 14:22-27፤ ማር 6:45-52)

16 ጋዴይ ቃሚሺን ዬሱሳ ካሊዛይቲ ዲጌ አባዮ ዎዲዳ። 17 ዎጎሎን ጌሊዲ ቂሬርናሆማ ባና ኬዚዳ። ኢስቲ ኬዚሺን ጋዴይ ሚደስ። ዬሱሲ ሄሳ ጋካናሲካ ኢስታኮ ዪቤና። 18 ዎልቃማ ጫርኮይ ጫርኪዛ ገሽ አሳይ ኬሄ ቃዲደስ። 19 ኢዛ ካሊዛይቲ ባጋ ሳቲ ኦጌ ማላ ዎጎሎዛ ላገዳፔ ጉዬ ዬሱሲ አባ ቦላራ ቶሆራ ሃሙቲ ዎጎሎዛዮ ማቲሺን ዳሚዲ ባቢዳ። 20 ኢዚካ ኢስታስ “ታናኮ! ባቦፍቴ!” ገደስ። 21 ኢስቲካ ኢዛ ኡፋይሳራ ጌዴ ዎጎሎዛ ገደ ኤካና ኮይዳ። ሄራካ ዎጎሎዛካ ኢስቲ ባናሶ ጋኪደስ።

ዬሱሲ አሳስ ደዎ ቁማ

22 አባፌ ሄ ፒንላን ኣቲዳ አሳይ ዎንቴላ ጋላስ አባ ቦላ ኢሲ ዎጎሎይ ያላ ዲዛር ቤዪደስ። ዬሱሳ ካሊዛይቲ ካሴ ባርካ ቢዳይሳኔ ዬሱሲ ኢስታራ ዎጎሎን ጌሎንታይሳ ኤሬዳ። 23 ገደ ኣቲን ሃንኮ ዎጎሎቲ ያቢራደሴፔ ዳንዲዲ ዬሱሲ ጋላታ ዎሳ ዎሲን አሳይ ካላ ሚዳሶ ዪዳ። 24 አሳቲካ ዬሱሲ ዎይኮ ኢዛ ካሊዛይቲ ሄን ባይንዳይሳ ቤዪዲ ሄ ዎጎሎታን ጌሊዲ ዬሱሳ ኮሽ ቂሬርናሆማ ቢደስ። 25 አባፌ ሄ ፒንላን ኢዛ ዳሚዲ “ኣስታማሬ! ኔ አይዴ ሃይሳ ያዲ?” ገደ።

26 ዬሱሲካ ኢስታስ “ታ ኢንቴስ ቱማ ጋይስ ኢንቴ ታና ኮዪዛይ ካሕ ሚ ካሊዳ ገሽ ኣቲን ማላታ ቤዪዳ ገሽ ገደና። 27 ዳያና ካላስ ኦላፍቴ። ገደ ኣቲን ሃሳፌ ኣሊዲ ያሳ አዎይ ኣማንሒዛ ማታማ ኢዛ ቦላ ሾጩዳ ገሽ አሳ ናይ ኢንቴስ ኢሚዛ ማርና ዳዎስ ገዲዛ ካላስ ኦሊቴ” ገደስ። 28 ኢስቲካ ኢዛ “ሃስቲን ያሳ ኦሶ

ኦላናስ ኑ አይ ኦሊኖ?” ገደ። 29 ዬሱሲካ “የሳ ኦሶይ ያሲ ኪቲዳ ኢዛ ናዛን ኣማኖ” ገዲ ኢስታስ ዛሪደስ።

30 ኢስቲካ ኢዛስ “ኑ ቤዪዲ ኔና ኣማናና ማላ ኔ ኑና አይ ማላታ ቤሳኔ? ቃሴካ አይ ኦላኔ? 31 ኢስቲ ማና ማላ ኢስታስ ቁማ ሳሎፔ ኢሚደስ፣ ጌቲቲ ያፌቲዳ ማላ ካሴ ኑ አዎቲ ባዞ ቢታን ማና ጌቲቲዛ ካሕ ሚዳ” ገደ። * 32 ዬሱሲ ኢስታስ “ታ ኢንቴስ ቱሙ ጋይስ፤ ሳሎፔ ዎዲዳ ቁማ ኢንቴስ ኢሚዳይ ሙሴ ገደና። ቱሙ ቁማ ሳሎፔ ኢንቴስ ኢሚዳይ ታ አዎ። 33 ጋሶይካ ያሳ ቁማይ ሳሎፔ ዎዲዳ ኣላሚስ ዳዎ ኢሚዳይሳ” ገደስ። 34 ሄሳ ገሽ አሳይ “ሳዶ ሄሳ ማላ ቁማ ኑስ ኡባ ዎዴ ኢማርኪ!” ገደስ።

35 ዬሱሲካ ኢስታስ “ዳዎ ቁማይ ታና፤ ታኮ ዪዛ ኣሲ ሙሌካ ጋፌቲና፤ ታና ኣማኒዛይይ አይዴካ ሳሚቴና። 36 ካሴ ታ ኢንቴስ ገዳ ማላ ኢንቴ ታና ቤይዳታ ሺን ኣማኒቤይኬታ። 37 ታ አዎይ ታስ ኢሚዳይ ዉሪካ ታኮ ያና። ታኮ ዪዛዴ ታ ጌዴ ካሬ ጎዲኬ። 38 ጋሶይካ ታ ሳሎፔ ዎዲዳይ ታና ኪቲዳይሳ ሼኔ ኦላናስ ኣቲን ታ ሼኔ ኦላናስ ገደና። 39 ታና ኪቲዳይሳ ሼኔይ ታስ ኢሚዳይታፔ ኢሳዴካ ዳይሶንታ ዉርሴላ ጋላስ ታ ደንላና። 40 ኤ ታ ሼኔይ ናዛ ቤዪዲ ኢዛ ኣማኒዛይይ ዉሪ ሚርና ዳዎ ዳማናሳ። ታኒካ ዉርሴላ ጋላስ ኢዛ ሃይቆፔ ዳንላና” ገደስ። 41 ሄሳ ገሽ ዬሱሲ “ሳሎፔ ዎዲዳ ቁማይ ታና” ገደ ገሽ አይሁዳቲ ኢዛ ቦላ ዙዙማቲዳ። 42 “ሃይሲ ዮሴፌ ና ዬሱሳ ገደኔ? ኢዛ ኣዎይ ኢዛ ኣዮ ኑ ኤርኮኒ? ሃስቲን ሃዲ ኢዚ ሳሎፔ ዎዲዳስ፣ ዎን ገዜ?” ገደ።

43 ዬሱሲካ ኢስታስ “ኢንቴ ኢንቴ ገደን ዙዙማታ። 44 ታና ኪቲዳ ታ አዎይ ያይገዳዴፌ ኣቲን ታኮ ያና ዳንዳዪዛይይ ኦኒካ ዳና። ባርካ ታኮ ያና ዳንዳዪዛይ ኦኒካ ዳና። ታኮ ዪዛዴካ ዉርሴላ ጋላስ ታ ኢዛ ሃይቆፔ ዳንላና። 45 ናቤታ ማፃፋታን አሳይ ዉሪ ያሳፌ ታማሪዳዴ ገዳና ጌቲቲ ያፌቲደስ። ሄሳ ገሽ ኣዎፔ ሲይዲ ታማሪዳ አሲ ዉሪ ታኮ ያና። * 46 ሄሳ ጉሲ ኣዎ ቤዪዳ ኣሲ ዳስ ጉሲ ገደና። ኣዎ ቤዪዳይ ያሳ ኣቻፌ ዪዳይሳ ያላ። 47 ታ ኢንቴስ ቱማ ጋይስ፤ ታናን ኣማኒዳ አሳስ ሚርና ዳይይ ደስ። 48 ታኒ ዳዎ ቁማ። 49 ካሴ ኢንቴ ኣዎቲ ባዞ ቢታን ማና ሚዳ። ገደ ኣቲን ዉሪካ ሃይቂዳ። 50 ሳሎፔ ዎዲዳ ቁማይ ሃይሳ። ሃይሳ ሚዳይይ ሙሊካ ሃይቂና። 51 ሳሎፔ ዎዲዳ ዳዎ ቁማይ ታና። ሃይሳ ሃ ቁማፔ ሚዳይይ ዉሪካ ሚርናስ ዳና። ኣላሚስ ዳዎ ገዳና ማላ ታ ኢሚዛ ቁማይ ታ ኣሾዛ” ገደስ።

52 ሄሳ ዎዴ አይሁዳቲ “ሃይሲ ኣዳዚ ኑ ኢዛ ኣሾ ማና ማላ ዎስቲ ኢማኔ?” ገዲ ባ ገደን ፓላማቲዳ። 53 ሄሳ ገሽ ዬሱሲ ኢስታ “ታ ኢንቴስ ቱሙ ጋይስ፤ አሳ ና ኣሾ ኢንቴ ሞንታ ኣገኮ። ኢዛ ሱሐካ ኡዮንታ ኣገኮ ኢንቴስ ዳዎይ ዳና። 54 ታ ኣሾ ሚዳደስኔ ታ ሱሐ ኡዪዛዳስ ኡባስ ሚርና ዳይይ ዳስ። ታካ ኢዛዴ ዉርሴላ ጋላስ ሃይቆፔ ዳንላና። 55 ጋሶይካ ታ ኣሾይ ቱሙ ቁማ። ታ ሱሐይካ ቱሙ ኡሻ። 56 ታ ኣሾ ሚዳይኔ ታ ሱሐ ኡዪዛይ ዉሪ ታናን ዳና። ታካ ኢዛዴን ዳና። 57 ዳዎ ኣዎይ ታና ኪቲዳ ማላኔ ታካ ኢዛን ዳዎን ዲዛ ማላ ሄሳፉካ ታ ኣሾ ሚዳይይ ዉሪ ታናን ዳዎን ዳና። 58 ሄሳ ገሽ ሳሎፔ ዎዲዳ ቁማይ ሃይሳ። ኢዚካ ካሴ ኢንቴ ኣዎቲ ሚዳይሳ ማላ ገደና። ጋሶይካ ሄ ቁማ ሚዳይቲ ሃይቂዳ። ሃ ቁማ ሚዳይቲ ገዲኮ ሚርናስ

* 6:31 ኬሳ 16:4፤15፤ ማዛ 78:24 * 6:45 ኢሳ 54:13

ዳና” ገደሰ። 59 ዩሱስ ሃይሳ ቂፊርናሆሜን አይሁዳታ ዋሳ ከላን ታማርሲዛ ዋዴ ዮቲዳሰ።

ሜርና ዴዎ ቃላ

60 ኢዛ ካሊዛይታፔ ዳሪዛይቲ ሄሳ ሲይዲ “ሃይሲ ዮዎዚ ዴዎ፤ ሃይሳ ኦኒ ኤካና ዳንዳዩዜ?” ገደ። 61 ዩሱሲካ ኢዛ ካሊዛይቲ ሄሳ ዮዎዛ ገሽ ዙዙሜቲዳይሳ ባ ዋዝናን ኤሪዲ “ሃይሲ ኢንቴና ዳዳዜ? 62 አሳ ናይ ከርሰቶሲ ባ ዲዛሶ ሲሚ ከዜሽን ቤይኮ ኢንቴ አይ ጋኔ? 63 አሳሰ ዴዎ ኢሚዛይ ያሳ አያናኮ! አሳ ዋልቃይ ቃሴ አይኔ ጎዔና፤ ታ ኢንቴሰ ዮቲዳ ቃላይ ዴዎ ኢሚዛ አያና። 64 ገደ አቲን ኢንቴ ገደን ኢሲ ኢሲ አማናንታ አሳቲ ዴቲሰ” ገደሰ። ዩሱሲ ኢሰታሰ ሄሳ ገደይ ኮይርፔ ደሚዲ ኢሰታ ገደን አማናንታይቲ ኦናንታኮኔ ቃሴ ኢዛ አሉ አማናይይካ ኦናኮኔ ኤሪዛ ገሻሳ። 65 ካሌዲዳካ ዩሱሲ “አዋ ሹኔይ ባይንዳ ታኮ ሃ ያና ዳንዳዩዛይ ዴና ጋዳ ታ ኢንቴሰ ዮቲዳይ ሄሳሳ” ገደሰ።

66 ሄሳፊ ዴንዲዳይሳን ኢዛ ካሊዛይታፔ ዳርቲ ጉዬ ሲሚዳ። ሄ ጋላሳፊ ደሚዲ ዩሱሳ ካሎ አገደ። 67 ሄሳ ገሽ ዩሱሲ ባና ካሊዛ ታማኔ ናምዓታ “ኢንቴካ ባና ኮዩቲ?” ገደሰ። 68 ሄሳ ዋዴ ሲሞና ጌቲቲዛ ጳፀርሲ “ሳዶ ኔሰ ሜርና ዴዎይ ቃላይ ዲሽን ኑ ኦናኮ ባኔ? 69 ኔ ጌሻ ያሳ ና ገዲዳይሳ ኤሪዲ ኦኒ አማኒደሰ” ገደሰ። 70 ዩሱሲካ ኢሰታ “ታ ኢንቴና ታማኔ ናምዓታ ደራቤኪና? ሂሰቲን ኢንቴፊ ኢሶይ ያላዔ” ገደሰ። 71 ኢዚ ሄሳ ገደይ ሲሞና ና አሰቆርንቶ ዩሁዳ ገሻሳ። አይሲ ገኮ ዩሁዳይ ታማኔ ናምዓታፔ ኢሳ ገዲዳኮካ ዩሱሳ አሉ አማናይ ኢዛ ገዲዳ ገሻሳ።

7

ዩሱሲ ዳሴ ባዓሌሰ ዩሩሳላሚ ቢዴሰ

1 ሄሳፊ ጉዬ ዩሱሲ ጋሊላ ገደን ዩዩቲዳሰ። ገደ አቲን ዩሁዳን ዩያናሰ ኮይቤና። ጋሶይካ አይሁዳቲ ኢዛ ዋዳና ኮዩዛ ገሻሳ። 2 ሄ ዋዴ አይሁዳታ ዳሴ ባዓሌይ ማቲ ኡቲዳሰ። 3 ሄሳ ገሽ ዩሱሳ አሻቲ ኢዛኮ ሸቁዲ “ኔና ካሊዛይቲ ኔ ኦሉዛ ኦሶዛ ቤያና ማላ ኔ ሃይሳፊ ዴንዳዳ ዩሁዳ ዴሬ ባ፤ 4 ጋሶይካ ቆንጮን ኤሪታና ኮዩዛይይ ባ ኦሶ ጌማን ኦሉና። ኔካ ሃይታንታ ወርሳ ኦላሽ ኔና አላሜን ቆንጮሳና ኮሼሰ” ገደ። 5 ኢሰቲ ሄሳ ገደ ጋሶይ ኢዛ አሻታካ ገዲን ኢዛን አማናንታይታ ገዲዳ ገሻሳ።

6 ዩሱሲካ ኢሰታሰ “ታ ዋዴይ ቡር ጋኪቤና፤ ኢንቴ ዋዴይ ገዲኮ ኡባ ዋዴ ኢንቴሰ ገጋኮ። 7 ዴሬይ ኢንቴና ኢዳና ዳንዳዩና። ታና ገዲኮ ኢዳሰ፤ ጋሶይካ ታ አላሜ ኦሶይ ኢታ ገዲዳይሳ ኢዛሰ ማርካቲዛ ገሻሳ። 8 ሃዒ ኢንቴ ጌዴ ባዓሌዛሶ ቤቲ። ታሰ ዋዴይ ጋኮንታ ገሽ ሃይሳ ሃ ባዓሌዛሶ ታ ቤኬ” ገደሰ። 9 ሄሳ ገዲ ዩሱሲ ጋሊላን አቲዳሰ።

ዩሱሲ ዳሴ ባዓሌሶን ቤቲዳሰ

10 ገደ አቲን ኢዛ አሻቲ ባዓሌዛሶ ቢዳፔ ጉዬ ዩሱሲ ቆንጮራ ገደንታ ቆታራ ባዓሌዛሶ ቢዳሰ። 11 አይሁዳቲ “ኢዚ አዋን ዲዜ?” ገሽ ባዓሌዛሶን ኮይዳ። 12 ዴሬይካ ኢዛ ገሽ ገደራ ሳሱኪ ሃሳዩቲዳሰ። ኢሲ ኢሲ አሳቲ “ኢዚ ሎዎ አሳ” ገሽን

ባጋይ ቃሴ “ሎዎ ገደና። ኢዚ ዴሬ ባሌሌሰ” ገደ። 13 ገደ አቲን አይሁዳታ ዳናታሰ ባቢዛ ገሽ ኦኒካ ኢዛ ገሽ ቆንጮን ሃሳይቤና።

14 ባዓሌዚ ዉራና ባጋ ጋኪሽን ዩሱሲ ያሳ ከሌ ቢዲ ታማርሶ ኦይኪዳሰ። 15 አይሁዳቲ “ሃይሲ አዴዚ ታማርንታ ዲሼ ሃይሳ ወርሲ ዋሰቲ ኤሪዳ?” ገዲ ማላላቲዳ።

16 ሄሳ ገሽ ዩሱሲ “ታ ታማርሲዛ ቲሚርቲይ ታና ከቲዳ ታ አዋፔ ታሰ ኢሚቲዳሰ አቲን ታፔ ገደና። 17 ታና ከቲዳይሳ ሹኔ ኦላና ኮዩዛይይ ዲኮ ሃይሲ ሃ ቲሚርቲይ ያሳፊ ቤቲዳይሳ ዋይኮ ታ ታፔ ሃሳይዳይሳ ገዲኮካ ኤሪና። 18 ባፔ ሃሳዩዛይይ ባ ቦንቾ ኮዩሰ። ከቲዳይ ቦንቾ ኮዩዛይይ ገዲኮ ኢዚ ቱማንቻ። ዋርዳይ ኢዛ ቦላ ዴና። 19 ሙሴይ ኢንቴሰ ዋጋ ኢሚዳሰ ገዴኔ? ገዲኮካ ኢንቴ ገደን ዋጋ ናገ ገሊዳይይ ኦኒካ ዴና። ኢንቴ አዛሰ ታና ዋዳና ኮዩቲ?” ገደሰ።

20 ዴሬይካ ኢዛ “ኔ ቦላ ዳይዳንሉ ዴሰ! ኔና ዋዳና ኮዩዛይ ኦኒ?” ገደሰ። *

21 ዩሱሲካ ኢሰታሰ “ታ ኢሲ ኦሶ ኦላዲሰ፤ ኢንቴ ወሪካ ሃና ሃ ኦሶይን ማላላቲታ። 22 ሙሴይ ኢንቴሰ ቃፃራ ዋጋ ኢሚዳሰ፤ ሄ ዋጋይካ ኢሚቲዳይ ካሴ አዋታፔ ቤቲዳሰ አቲን ሙሴፔ ገደና። ሂሰቲን ሄኮ ኢንቴካ ሳምባታ ጋላሲካ አሰ ቃፃሬታ። * 23 ሂሰቲኮ ሙሴ ዋጋይ ሻሬቶንታ ማላ አሲ ሳምባታ ጋላሰ ቃፃሬቲዛዝ ገዲኮ ሂሰቲን ታ ሳምባታ ጋላሰ አሳሰ ኩሜላ አሳቲላ ጋሊን አዛሰ ታ ቦላ ሃንቄቲቲ? * 24 ሱሬ ፐርዳ ፐርዲቲ አቲን አሳ አይፊሶ ዩሊዲ ማዶ ፐርዳ ፐርዶፍፔ” ገደ ዛሪዳሰ።

ከርሰቶሳ ገሽ ዴንዲዳ ፓላማ

25 ዩሩሳላሚ አሳፔ ኢሲ ኢሲ አሳቲ “ኢሰቲ ዋዳና ኮዩዛ አዴዚ ሃይሳ ገዴኔ? 26 ሄኮ ኢዚ ቆንጮን ሃሳዩሰ ሽን ኢሰቲ ኢዛ አይኮካ ገቤቲና። ሃይሰ ያሲ ከቲዳይ ገዲዳይሳ ዳናቲ ቱሙ ኤሪዛሻ? 27 ሂሰቲን ሃይሲ አዴዚ አዋ አሳኮኔ ኑ ኤርሰ። ያሲ ከቲዳይይ ዩሽን ቃሴ ኢዚ አዋፔኮኔ ኤሪዛይይ ኦኒካ ዴና” ገደ። 28 ሄሳ ገሽ ዩሱሲ ያሳ ከላን ታማርሲሼ ባ ቃላ ጶቁ ሂሰቲዲ “ኢንቴ ታና ቱሙ ኤሪታ። ታ አዋፔ ዩዳኮኔ ኢንቴ ኤሪታ። ቃሴ ታኒ ታ ሹኔን ያቤኬ። ታና ከቲዳይሲ ኢዚ ቱማንቻ። ገደ አቲን ኢንቴ ቃሴ ኢዛ ኤሪኬታ። 29 ታ ገዲኮ ኢዛ አቻፊ ዩዳ ገሽኔ ኢዚ ታና ከቲዳ ገሽ ታ ኢዛ ኤሪይሰ” ገደሰ። 30 ሄሳ ዋዴ ኢዛ ኦይካናሰ ኮይዳ፤ ገደ አቲን ቡር ዋዴይ ጋኪቤና ገሽ ኦኒካ ኦይኪቤና። 31 ገዲኮካ ዴሬዛፔ ዳርይ ኢዛን አማኒዳሰ። አሳይ “ያሲ ከቲዳይይ ዩዛ ዋዴ ሃይሲ አዴዚ ኦሶ ማላታፔ ቦላራ ሃራ ኦላኔ?” ገደሰ።

ዩሱሳ ኦይካና ዋታዳራቲ ከቲቲዳ

32 አሳይ ዩሱሳ ገሽ ጋርሳራ ሳሱኬቲ ሃሳዩቲሽን ፋርሳዌቲ ሲዩዳ። ሄሳ ገሽ ቄሴታ ሃላቃቲኔ ፋርሳዌቲ ዩሱሳ ኦይካናሰ ያሳ ከላ ፔንጌ ናገዛይታ ዩዲዳ። 33 ሄ ዋዴ ዩሱሲ “ታ ኢንቴናራ ጉላ ዋዴ ዳሻና፤ ሃሳፊ ጉዬ ታና ከቲዳይሳኮ ታ ሲማ ባና። 34 ኢንቴ ታና ኮያና ሽን ዳሜኬታ። ኢንቴ ታ ዲዛሶ ያናሰ ዳንዳዩኬታ” ገደሰ።

35 ሄሳ ገሽ አይሁዳታ ዳናቲ ባ ገደን ኢሶይ ኢሳራ “ሃይሲ አዴዚ ኑ ዳዋንታ ማላ አዋ ባኔሻ? ኦኔ

* 7:20 ዳይዳንሉ ጉሰ ያላዔ ኦሳንቻታ ጉሳ። * 7:22 ለዌ 12:3፤ ሜዴ 17:10 * 7:23 ጥሃ 5:9

ኤሪዘይ ገሪኬታ ገደ ላሌቲ ዲዛ አይሁዳታኮ ቢዲ ገሪኬታ ታማርሳኔሻ? 36 ኢዚ ሓገገቲ ታና ኮያና ሺን ዳሜኬታ፤ ታ ዲዛሶ አገገቲ ያናሰ ዳንዳዬኬታ ገሺን ሄሲ አይ ጉሴ?” ገደ።

ደዎ ሃሌ

37 ገታ ባዓሌዛ ወርሴዓ ጋላሰ ዩሱሲ ዳንዲ ኤቁዲኔ ባ ቃላ ጾቁ ሂሰቲዲ “ሃላ ሳሜቲዳዳይ ዲኮ ሃ ታኮ ዩዲ ኡዮ። * 38 ጌሻ ማፃፋይ ገደ ማላ ታና አማኒዛዳፌ ደዎ ሃላ ፑልቶይ ፑልታና” ገደሰ። * 39 ኢዚ ሄሳ ገደይ ኢዛን አማኒዛይቲ ቡርፔ ኤካና ያሎ አያና ገሻሳ። ጋሶይካ ዩሱሲ ቦንቼቲዛ ዎዳይ ቡር ጋኮንታ ገሺ ያሎ አያናይ አሜቲቤና።

ዳሬዛ ገደን ሻኬቲላ ማዴቲዳሰ

40 ሄሳ ገሺ ዳሬዛፔ ኢሲ ኢሲ አሳቲ ሄ ቃላ ሲይዲ “ያና ገዛ ናቤይ ቱማፔ ሃይሳ” ገደ። 41 ሃራቲ “ሃይሰ ያሲ ከቲዳዳይ” ገደ። ባገይቲ ቃሴ “ያሲ ከቲዳዳይ ጋሊላፔ ዋኒ ያኔ? 42 ያሲ ከቲዳዳይ ዳወቲ ዜሬላፌ ዩሌታናይሳኔ ዳወቲ ካታማ ቤቲሌማፔ ያናይሲ ካሴ ጌሻ ማፃፋን ያፌቲቤኔ?” ገደ። * 43 ሄሳ ገሺ ኢዛ ጋሶን ዳሬይ ባ ገደን ሻኬቲ ዎዴዳሰ። 44 ኢሰታፌ ኢሲ ኢሲ አሳቲ ኢዛ ኦይካና ኮይዳ። ገደ ኣቲን ኦኒካ ኢዛ ኦይኪቤና።

አይሁዳታ ዳናቲ አማኒቤቲና

45 ሄሳፌ ጉዬ ያሳ ኬሌ ናገዛይቲ ቄሴታ ሃላቃታኮኔ ፋርሳዌታኮ ሲሚዲ ቢዳ። ኢሰቲካ “ኣዛሰ ኢዛ ኤኮንታ ዩዳቲ?” ገደ። 46 ዎታዳራቲካ ዛሪዲ “ሃ ኣዳዚ ሃሳዩዛይሳ ማላ አይ ኣሲካ ሃሳዩ ኤሬና” ገደ። 47 ፋርሳዌቲ ኢሰታ “ኢንቲካ ባሌቲዳቲ? 48 ዳናታፔ ዎይኮ ፋርሳዌታፔ ኢዛ አማኒዳይቲ ዲዛሻ? 49 ሃይሲ ሙሴ ዎጋ ኤርንታ ዳሬይ ቱማፔ ቃንጌቲዳይሳ” ገደ። 50 ሃይሳፌ ካሴ ዩሱሳኮ ቢዳ ፋርሳዌታፔ ኢሳ ገደዳ ኒቆዳሞሲ ኢሰታሰ * 51 “ኑ ዎጋን ኢሲ ሞቲቲዛዳይ ባ ሞቶሰ ዛር አሚን ሲዮንታኔ ኢዚ አይ ኦሌዳኮኔ ኤሬቶንታ ዲሺን ፐርዳይ ፐርዳቲ ኤሬኬ?” ገደሰ። 52 ኢሰቲካ “ኔካ ጋሊላ ኣሴ? ጋሊላፔ ናቤይ ዳንደንታይሳ ፐልጋዳ ጋካ ኤራ” ገደ። 53 ሄሳፌ ጉዬ ኢሶይ ኢሶይ ባሶ ቢዳሰ። †

8

ላይማን ኦይኬቲዳ ማጫሳዮ

1 ሄሳፌ ጉዬ ዩሱሲ ዳብራዛይቲ ቢዳሰ። 2 ዎንቲላ ጋላሰ ማላደ ዎንታራ ያሳ ኬሌ ሲሚ ዩዳሰ። ዳሬይካ ወሪ ኢዛኮ ዩን ኢዚ ኡቲዲ ኢሰታ ታማርሶ ኦይኪዳሰ። 3 ሙሴ ዎጋ ታማርሲዛይቲኔ ፋርሳዌቲ ኢሲ ላይማታሺ ኦይኬቲዳ ማጫሰ ዲዛር ኤኪ ዩዲ ዳሬ ሲንሳን ኤሲዳ። 4 ዩሱሳካ “ኣሰታማሬ! ሃኮ ሃና ማጫሳያ ላይማታሺ ኦይኬታዳሰ። 5 ሃኒ ማላ ማጫሲ ሹቻን ጫዳታ ሃይቃና ማላ ሙሴይ ኑ ዎጋን ኑና ኣዛዚዳሰ፤ ኔኒቶ ሃኒ ገሺ አይ ጋይ?” ገደ። * 6 ኢሰቲ ኢዛ

ሄሳ ገደይ ኢዛ ቦላ ሞቶሰ ገደዛ ጋሶ ዳማናሲኔ ኢዛ ፓጫና ኮይዳ ገሻሳ። ገደ ኣቲን ዩሱሲ ሆክዲ ቢታ ቦላ ባ ቢራዴራ ዓፎ ኦይኪዳሰ።

7 ኢሰቲ ኢዛ ዛሪ ዛሪ ኦይቹን ጾቁ ገደ “ኢንቲ ገደፌ ናጋራይ ባይንዳ ኣሲ ኮይር ሹቹ ኢዚ ቦላ ኦሎ” ገደሰ። 8 ሄሳፌ ቃሴካ ሆኪዲ ቢታ ቦላ ያፌዳሰ። 9-10 ኢሰቲካ ሄሳ ሲይዲ ጪማታፔ ኦይኪዲ ወሪካ ኢሶይ ኢሶይ ቢዳሰ። ሄሳ ገሺ ዩሱሲ ሄን ኤቁዳ ማጫሳይራ ያላ ኣቲዳሰ። “ሞቲዛይቲ ኣዎን ዲዛ? ኔ ቦላ ፐርዲዳይ ኦኒካ ዳይ?” ገደሰ።

11 ኢዛካ “ሳደ ኦኒካ ባዎ” ገደሰ። ዩሱሲካ “ታካ ኔ ቦላ ፐርዲኬ፤ ባ! ናምዓንሉ ናጋራ ኦላፋ” ገደሰ። *

ዩሱሲ ኣላሚሰ ገዮ

12 ቃሴ ዩሱሲ “ታኒ ኣላሚሰ ገዮ። ታና ካሊዛዳይ ወሪ ደዎ ገዮ ዳማና። ጳማን ሲሜሬቲና” ገደ ኢሰታሰ ዮቲዳሰ። * 13 ፋርሳዌቲ “ኔኒ ኔ ገሺ ማርካታሳ፤ ኔ ማርካይ ቱሙ ገደና” ገደ። *

14 ዩሱሲካ ኢሰታሰ “ታኒ ታ ገሺ አይ ማርካቲኮካ ታ ኣዎፔ ዩዳኮኔ ቃሴ ታ ኣዎ ባናኮኔ ታ ኤሪዘ ገሺ ታ ማርካቲላ ቱማ። ኢንቲ ገደኮ ታ ኣዎፔ ዩዳኮኔ ቃሴ ኣዎ ባናኮኔ ኤሬኬታ። 15 ኢንቲ ኣሾ ቆፋ ማላ ፐርዳታ። ታ ገደኮ ኦና ቦላካ ፐርዲኬ። 16 ታ ፐርዲኮካ ታ ፐርዳይ ቱሙ ፐርዳ። ጋሶይካ ታ ታርካ ፐርዲኬ፤ ታና ከቲዳ ታ ኣዎይካ ታናራ ዳሰ። 17 ናምዑ ኣሳታ ማርካይ ቱሙ ገደዳይሲ ኢንቲ ዎጋን ያፌቲዳሰ። 18 ሄሳ ገሺ ታኒ ታ ገሺ ማርካታይሰ፤ ታና ከቲዳ ታ ኣዎይካ ታሰ ማርካቲሰ” ገ ዛሪዳሰ። 19 ኢሰቲካ “ኔ ኣዎይ ኣዎን ዲዜ?” ገደ ኢዛ ኦይቹዳ። ዩሱሲካ ኢሰታሰ “ታና ገደን ታ ኣዎካ ገደን ኢንቲ ኤሬኬታ፤ ኢንቲ ታና ኤሪዘኮ ታ ኣዎካ ኤራናኮሺን” ገደ ኢሰታሰ ዛሪዳሰ።

20 ዩሱሲ ሄሳ ኢሰታሰ ዮቲዳይ ያሳ ኬላ ገቤን ሚሼ ዎሊዛ ሳዲ ኣቻን ታማርሲሼ ዮቲዳሰ ሺን ኢዛሰ ኦይኬቲዛ ዎዳይ ጋኮንታ ገሺ ኦኒካ ኢዛ ኦይኪቤና። 21 ዩሱሲ ቃሴካ “ታ ባና ሺን ኢንቲ ታና ኮያና ኢንቲ ኢንቲ ናጋራራ ሃይቃና ኣቲን ታ ቢዛሶ ባና ዳንዳዬኬታ” ገደሰ።

22 አይሁዳቲካ ባ ገደን ኢሶይ ኢሳራ ኢዚ “ ታ ቢዛሶ ኢንቲ ባና ዳንዳዬኬታ ገዛይ ባርካ ባና ዎዳናሴሻ?” ጌቲቲዳ።

23 ኢዚ ቃሴ ኢሰታ “ኢንቲ ጋርሳ ኣሳ፤ ታኒ ቦላ ኣሳ፤ ኢንቲ ሃይሳ ኣላሚ ኣሳ፤ ታኒ ሃ ኣላሚፔ ገደኬ። 24 ኢንቲ ታ ኦናኮኔ ኤሪዲ ኣማኖንታ ኣገኮ ኢንቲ ኢንቲ ናጋራራ ሃይቃና ገሺ ታ ኢንቲ ኢንቲ ናጋራራ ሃይቃና ገደይ ሄሳ ገሻሳ” ገደሰ።

25 ኢሰቲካ ኢዛ “ኔ ኦኒ?” ገደ። ዩሱሲካ ኢሰታሰ “ሃዲ ጋካናሰ ታ ኢንቲሰ ኢዛ ገሺ ዮቲዛዳይ ታና። 26 ታ ኢንቲ ቦላ ሃሳያናይሲኔ ፐርዳዛ ዮይ ዳርይ ዳሰ። ገደ ኣቲን ታና ከቲዳዳይ ኣማኔቲዳዳይ፤ ታካ ኢዛፔ ሲዩዳይሳ ሃ ኣላሚዛሰ ዮታይሰ” ገደሰ።

* 7:37 ሊዌ 23:36 * 7:38 ሄዚ 47:1፤ ዛካ 14:8 * 7:42 2ሳሜ 7:12፤ ሚክ 5:2 * 7:50 ዮሃ 3:1-2 † 7:53 ሄሳፌ ጉዬ ኢሶይ ኢሶይ ባሶ ቢዳሰ ገዛ ቃላይ ኢሲ ኢሲ ጌሻ ማፃፋታን ያፌቲቤና። * 8:5 ሊዌ 20:10፤ ዛሪ 22:22-24 * 8:11 ዳር ማፃፋቲኔ ካሴ ቤኒ ዎዳ ጌሻ ማፃፋታ ቢርሼላቲ ሸምፖ 7:53፤ ሸምፖ 8:11 ጋካናዉ ዲዛ ቆፋቲ ጉጃቲቤቲና። ኢሶቲ ኢሶቲ ዮሃሊ ሚሺራቾ ማፃፋን ሸምፖ 21:34፤ ጉዬራ ጌላሴቲሰ። ሃራቲ ቃሴ ሉቃሳ ሚሺራቾ ሸምፖ 21:38፤ ጉዬራ ጌላሴቲሰ። ኢሲ ኢሲ ጌሻ ማፃፋቲ ቃሴካ ዮሃሊ 7:36፤ ጉዬራ ጌላሴቲሰ። * 8:12 ማቶ 5:14፤ ዮሃ 9:5 * 8:13 ዮሃ 5:31

27 ኢዚ ኢስታስ ኣዋ ገሽ የተዘይሳ ኣኬቢቤቴና።
 28 ሃሳ ገሽ ዩሱሲ “ኢንቴ ኣሳ ና ቶቁ ሂሰቲዲ ካቀዳ ዋዴ ታኒ ኢዛ ገዳዴይ ታና ገዲዳይሳ ኢንቴ ኤራና። ኣዋይ ታና ታማርሲዳይሳ የታዲስ ኣቲን ታኒ ታ ሼኔ ማላ ኣይኮካ ኦቶንታይሳ ኢንቴ ኣኬካና። 29 ታና ከቲዳይሲ ኢዚ ታናራ ዴስ። ኣይ ዋዴካ ታ ኡፋይሲዛዝ ኦላዛ ገሽ ኢዚ ታና ፃላላ ዩጊ ኣጊቤና” ገዴስ።
 30 ኢዚ ሃሳ የተዳ ማላ ዳር ኣሳይ ኢዛን ኣማኒዴስ።

ፖ ዓይታ

31 ዩሱሲ ባና ኣማኒዳ ኣይሁዳታ “ኢንቴ ቱሙ ታ ቃላን ዲኮ ኢንቴ ቱማፔ ታና ካሊዛይታ ገዴና።
 32 ቱማይ ኣዛኮኔ ኢንቴ ኤራናኔ ቱማይካ ኢንቴና ዋዛና” ገዴስ።

33 ኢስቲካ ኢዛስ ዛሪዲ “ኦኒ ኣብራሃሜ ናይታኮ! ኦ ኣናሰካ ኣይሌቲ ኤርኮ። ሂሰቲን ኔ ኦና ዋናዳ ኢንቴ ዋዜታና ኃይ?” ገዴ። *

34 ዩሱሲካ ኢስታስ “ታ ኢንቴስ ቱሙ ኃይስ፤ ናጋራ ኦላዛይ ወሪ ናጋሪስ ኣይሌ፤ 35 ኣይ ዋዴካ ኣይሌይ ስን ሉዩ ዳዳና። ዩሎይ ገዲኮ ኣይዴካ ስን ዴስ።
 36 ሂሰቲኮ ናዚ ኢንቴና ዋዚኮ ኢንቴ ዋዜቲዳይታ ገዴና።
 37 ኢንቴ ኣብራሃሜ ናይታ ገዲዳይሳ ታ ኤራይስ። ገዴ ኣቲን ታ ቃላ ኢንቴ ኤር ገ ኤኮንታ ገሽ ታና ዋዳናስ ኮይታ። 38 ታኒ ታ ኣዋ ኣታን ቤዩዳይሳ ኢንቴስ የታይስ። ኢንቴ ቃሴ ኢንቴ ኣዋፔ ሲዩዳይሳ ኦላታ” ገዴስ።

39 ኢስቲካ ኢዛስ “ኦ ኣዋይ ኣብራሃሜ” ገዲ ዛሪ የቲን፣ ዩሱሲ ኢስታስ “ኢንቴ ኣብራሃሜ ና ገዲዳኮ ኣብራሃሜኦ ኦላና። 40 ኢንቴ ገዲኮ ታ ያሳፊ ሲዩዳ ቱማ ኢንቴስ የቲን ታና ዋዳናስ ገዳ ዴንዲዳታ። ገዴ ኣቲን ኣብራሃሜይ ሃሳኦ ኦላቤና። 41 ኢንቴ ኢንቴ ኣዋኦ ኦላታ” ገዴስ። ኢስቲካ ዛሪዲ “ኦ ላይማን ዩሌቲዳ ና ገዴኮ። ኦ ኣዋይ ኢሲ ያሳ ፃላላ” ገዲ ኢዛስ ዛሪዳ።

ፃላዔ ናይታ

42 ዩሱሲ ኢስታስ “ኢንቴ ኣዋይ ያሳ ገዲዳኮ ታካ ያሳፊ ኬዛ ዩዳ ገሽ ኢንቴ ታና ደሳናኮሺን፤ ታና ኢዚ ከቲዳስ ኣቲን ታ ታርካ ታ ሼኔን ያቤኬ። 43 ታ የተዘይሳ ኣይስ ዩሺ ቆፔኬቲ? ኃሰይካ ኢንቴ ታ ቃላ ሲያና ኮየንታ ገሻሳ። 44 ኢንቴ ኢንቴ ኣዋ ፃላዔ ናይታ፤ ኢንቴ ኣዋ ኣዋ ፖላና ኮይታ፤ ኢዚ ካሴካ ሽዎፖ ዋዳዳዴ። ኢዛ ኣታን ቱማይ ደንታ ገሽ ኢዚ ቱማን ኤቁቤና። ኢዚ ባ ሁዔስ ዋርዳንቻኔ ዋርዶ ኣዋ ገዲዳ ገሽ ኢዚ ዋርዶ ሃሳያ ባፔ ሜዳ ኤኪዲ ሃሳዩስ። 45 ታ ቃሴ ቱሙ ሃሳዩዛ ገሽ ኢንቴ ታና ኣማኔኬታ። 46 ኢንቴ ገዴፊ ታና ኔ ሃና ናጋራ ኦላዳሳ ገዲ ማርካራ ላላናስ ሞታና ዳንዳዩዛይይ ዲዜ? ታ ቱሙ ሃሳዩዛይ ገዲኮ ሂሰቲን ኣዛስ ታና ኣማኔኬቲ? 47 ያሳፊ ገዲዳ ኣሲ ያሲ ገዛ ሲዩስ። ኢንቴ ገዲኮ ያሳፊ ገዴንታ ገሽ ያሳ ቃላ ሲዩኬታ” ገዴስ።

ዩሱሲ ባ ገሽ ሃሳዩዴስ

48 ኣይሁዳቲካ ዛሪዲ “ኦ ኔና ኔ ሳማሪያ ኣሳ፤ ኔ ቦላ ዳይዳንላ ዴስ’ ገዴይስ ቱሙ ዴኔ?” ገዴ።

49 ዩሱሲ ኢስታስ “ታኒ ታ ኣዋ ቦንቻይስ ኣቲን ዳይዳንላ ታ ቦላ ባዎ። ኢንቴ ገዲኮ ታና ካዉሼታ።
 50 ታኒ ታስ ቦንቻ ኮይኬ። ታ ቦንቻታና ማላ ኮይዛይይ ቃሴ ዴስ። ኢዛካ ፐርዳ ፐርዳናዴ። 51 ታ ኢንቴስ ቱሙ

ኃይስ፤ ኦኒካ ታ ቃላ ናገኮ ሃይቆ ሙሌካ ሃይቁና” ገዴይስ።

52 ኣይሁዳቲ ኢዛ “ኔ ቦላ ዳይዳንላ ዲዛይሳ ሃዒ ኦኒ ኤሪዳስ። ኣብራሃሜይ ሃይቁዴስ፤ ናቤቲካ ኢዛላ ሃይቁዳ። ኔ ቃሴ ኦኒካ ሙሌ ሃይቆ ቤዩና ኃ የታሳ።

53 ኔ ኦ ኣዋ ኣብራሃሜፔ ኣዳይ? ኢዚ ሃይቁዴስ፤ ናቤቲካ ሃይቁዳ ሂሰቲን ኔ ኔና ኦና ኃና ኮያዲ?” ገዴ።

54 ዩሱሲካ ኢስታስ “ታ ታርካ ታና ቦንቻኮ ታ ቦንቻይ ሃዳ። ታና ቦንቻዛይይ ገዲኮ ኢንቴ ኦኒካ ኦ ያሳ ገዛይ ታ ኣዎ። 55 ኢንቴ ኢዛ ኤርንታ ኣገኮካ ታ ቃሴ ኤራይስ። ታ ኢዛ ኤሪኬ ገኮ፣ ታካ ኢንቴ ማላ ዋርዳንቻ ገዴይስ። ታ ቃሴ ኢዛ ኤራይስ፣ ኢዛ ቃላካ ናጋይስ። 56 ኢንቴ ኣዋ ኣብራሃሜይ ታ ኃላስ ቤያናስ ኣሞቲዲ ቤይዴሲኔ ኡፋዬቲዴስ” ገዴስ።

57 ኣይሁዳቲ ቃሴ “ኔስ ቡር ኢቻሹ ታሙ ላይላ ኩሞንታ ኔኒ ኣብራሃሜ ቤያዲ?” ገዴ። 58 ዩሱሲካ “ታ ኢንቴስ ቱሙ ኃይስ፤ ኣብራሃሜይ ዩሌታናፔ ካሴካ ታኒ ዳይስ” ገዴስ።

59 ኣይሁዳቲ ሄራካ ኢዛ ጫዳናስ ወሪ ሹቕ ዴንላዳ። ገዴ ኣቲን ዩሱሲ ኢስታ ማታፔ ቆቴቲዲ ያሳ ኬላፊ ኬዚ ቢዴስ።

9

ዩሱሲ ቆቁ ገዲ ዩሌቲዳይሳ ኣይፊ ፓላዴስ

1 ዩሱሲ ኦኒራ ኣዲ ቢሼ ባ ኣይይ ኡሎፔ ዩሌቶሳፊ ኣይፊ ቆቁዳዴ ቤዩዴስ። 2 ኢዛ ካሊዛይቲ ኢዛ “ኣስታማሬ! ሃይሲ ኣዴዚ ቆቁ ገዲ ዩሌታና ማላ ናጋራ ኦላዳይ ኦኔ? ኢዛ ዩሌዳይቲ ኦላዳይ? ኢዚ ኦላዴ?” ገዲ ዩሱሳ ኦይቺዳ። 3 ዩሱሲካ ኢስታስ “ኢዛ ገዲንካ ኢዛ ዩሌዳይቲካ ናጋራ ኦላቤቴና። ኢዚ ሃሳዳ ሃኒዲይ ያሳ ኦሪይ ኢዛ ቦላ ቆንጫናሳ። 4 ኃላሳራ ታና ከቲዳዴ ኦሪ ኦላናስ ታስ ቤሴስ። ቡር ኦኒካ ኦላናስ ዳንዳየንታ ቃማይ ያና። 5 ሃ ቢታ ቦላ ዲዛ ዋዴ ሃ ቢታስ ፖይይ ታና” ገዴስ። *

6 ሃሳ ገ ሲሚዲ ቢታ ቦላ ጩቕ ጩቲዲ ባ ጩቻን ኡርቃ ሹገሲዲ ኣዴዛ ኣይፊዛ ሄ ኡርቃ ቲዩዲ፣ 7 “ባዳ ሴሊሆሚን ኣሳይ ፃማቁቲዛሶን ማጩታ” ገዴስ። ሴሊሆሚ ጉሲ ከቲቲዳይሳ ጉሳ። ኣዴዚካ ቢዲ ማጩቲዲኔ ፃሊሹ ሲሚ ዩዴስ። 8 ኢዛ ዶላቲኔ ካሴ ኢዚ ሃን ዋሲሽን ቤዩዳ ኣሳይ “ሃይሳዴይ ካሴ ኡቲዲ ዋሲዛ ኣዴዛ ዴኔ?” ገዴ።

9 ኢስታፊ ኢሲ ኢሲ ኣሳቲ “ኤ ኢዛኮ” ገዴ። ባጋይቲ “ኢዛ ዴና” ገዴ። ኢዚ ቃሴ “ታ ኢዛኮ” ገዴስ። 10 ኢስቲካ “ሂሰቲን ኔ ኣይፊይ ዋኒ ፃሊዴ?” ገዴ ኦይቺዳ። 11 ኢዚካ ዛሪዲ “ዩሱሳ ጌቲቲዛ ኣሲ ቢታ ቦላ ኡርቃ ሙኑቁዲ ታ ኣይፊዛ ሄ ኡርቃ ቲዩዲኔ ታና ‘ባዳ ሴሊሆሚን ማጩታ’ ገ የቲን ታ ባዳ ማጩታዳ ፃላናስ ዳንዳያዲስ” ገዴስ። 12 ኢስቲካ “ሂሰቲን ሃሳይይ ሃዒ ኣዋን ዲዜ?” ገዴ። ኢዚካ “ታ ኤሪኬ” ገዴስ።

ፋርሳዌቲ ኣዴዚ ዋኒ ፓዲዳኮኔ ቆር ኦይኪዳ

13 ኢስቲካ ሄ ካሴ ኣይፊ ቆቁ ኣዴዛ ፋርሳዌታኮ ኤፊዳ። 14 ዩሱሲ ኡርቃ ሙኑቁዲ ኣዴዛ ኣይፊ ፓላዴ ኃላሳይ ኣይሁዳታ ሳሞባታ ኃላሳ። 15 ሃሳ ገሽ ፋርሳዌቲ ኣዴዛ ኢዚ ዋሰቲ ፃሊዳኮኔ ኢዛ ኦይቺዳ። ኣዴዚካ ዛሪዲ “ኢዚ ታ ኣይፊን ኡርቃ

* 8:33 ማቶ 3:9፤ ሉቃ 3:8 * 9:5 ማቶ 5:14፤ ጥሃ 8:12

ተደዳሰ፤ ታካ ማጠቃለያ፤ ሄኮ ሃዒ ያላደሰ” ገደሰ። 16 ፋርሳዊታ፤ ኢሲ ኢሲ አሳተ “ሃይሲ አዳዚ ሳምባታ ቦንቸንታዳ ገዲዳ ገሽ ኢዚ ያሳፊ ገደና” ገዲ። ባጋይ ቃሴ “ናጋራንቻይ ሃይሳ ማላ ማላታ ዋኒ ኦላና ዳንዳይዜ? ገዲ። ሄሳ ገሽ ኢሰታ ገደን ፓላማይ ማዴቲዳሰ። 17 ሂሰቲን ካሴ አይፊ ቆቄ አዳዘኮ ሲሚዲ “ሃ ኔ አይፊ ፓላዳ አዳዘ ገሽ ኔ አይ ጋይ? ገዲ። አዳዚ ዛሪዲ “ኢዚ ናቤኮ!” ገደሰ። 18 አይሁዳቲ አዳዘ ዩሊዳ አይሪሪ ኦቆ ማይገሲ ኤሂሳና ጋካናሰ አዳዚ ካሴ ቆቄ ገዲዳይሳ አማኒቤቴና።

19 ኢሰቲካ ዩሊዳይታ “አንቲ ኅሰ ቆቄ ናይ ዩሊቲዳሰ? ገዚ ናዚ ሃይሴ? ሂሰቲን ሃዒ ዋኒዲ ያላና ዳንዳይዜ?” ገዲ። 20 ዩሊዳይቲካ ሂዘገ ዛሪዳ “ኢዚ ኑ ና ገዲዳይሳኔ ቆቄ ገዲዲ ዩሊቲዳይሳ ኤርሰ። 21 ሃዒ ቃሴ ኢዚ ዋኒ ያላና ዳንዳይደኮኔ ኢዛ አይፊ ኦኒ ፖጊዳኮኔ ኑ ኤርኮ። ኢዚ ባና ዳንዳይዳዳ ገዲዳ ገሽ ኢዚ ባ ገሽ ዮታናሰ ዳንዳይሰ፤ ኢዛ አይቸቲ” ገዲ። 22 ኢዛ ዩሊዳይቲ ሃሳፍ ገዳይ ኦኒካ ዩሰሳ ኢዚ ከርሰቶሳ ገዲ ማርካቲዳይ ወሪ አይሁዳታ ዋሳ ኩላፊ ጎዳታና ማላ አይሁዳቲ ካሴ ሴራ ኦላዳ ገሽ አይሁዳታሰ ባቢዲ ገዲ። 23 ሃሳ ገሽ “ኢዛ ዩሊዳይቲ ኢዚ ባና ዳንዳይዳዳ ገዲዳ ገሽ ኢዛ አይቸቲ” ገዲ።

24 ካሴ ቆቄ አዳዘ ቃሴካ ያይገዲ “ሃይሶ ኔ ቱማዮ ዮታዳ ያሳ ቦንቻ። ሃይሲ አዳዚ ናጋራንቻ ገዲዳይሳ ኑ ኤርሰ” ገዲ። 25 ኢዘካ “ኢዚ ናጋራንቻ ገዲን ታ ኤሪኮ። ገደ አቲን ታ ካሴ ቆቄ ገዲዳርኔ ቃሴ ሃዒ ታ ያሊዛር ሃና ያላ ኤሪሪሰ” ገደሰ። 26 ኢሰቲ ቃሴ ኢዛ “ኢዚ ኔሰ አይ ኦላዳ? ኔ አይፊዛ ዋሰቲ ፖጊዳ?” ገዲ አይቸዳ 27 ኢዘካ “ታ አንቲሰ ካሴ ዮቲን ዋዘናን ዋላ ሲይቤኮታ ሽን ሃዒ ቃሴ አዛሰ ዛሬላ ሲያና ኮዩቲ? አንቲካ ኢዛ ካሊዛይታ ገደና ኮዩቲ?” ገደሰ። 28 ሃሳፊ ጉዩ ኢዛ “ኑ ሙሴ ካሊዛዳንታ፤ ኔ ኢዛ ካሊዛዳ ገዲ። 29 ካሴ ያሲ ሙሴራ ሃሳዩቲዳይሳ ኑ ኤርሰ። ሃይሲ አዳዚ አዋፕ ዩዳኮኔ ኑ ኤርኮ” ገዲ። 30 አዳዘካ ኢሰታሰ “ኢዚ አዋፕኮኔ አንቲ ኤርንታይሲ ማላሊሴሰ። ገደ አቲን ታ አይፊ ያሊሲዳይዜ ኢዛ። 31 ያሲ ባሰ ያዩዛዳሲኔ ኢዛ ሽኔ ኦላዛዳሰ አቲን ናጋራንቻ አሰ ሲዮንታይሳ ኑ ኤርሰ። 32 አይፊ ቆቄዲ ዩሊቲዳዳ አይፊይ ያሊዳሰ ገዛይሳ አላማይ ማዴቶሳፕ ኦኒካ ሲዩ ኤሪና። 33 ሃይሳዳይ ያሳፊ ገደንታኮ ሃይሳ አላናሰ ዳንዳይና” ገደሰ። 34 ኢሰቲካ ኢዛ “ኔኒ ኔሰ ሙሴ አሳቴላይ ናጋራን ሙኑቁቲን ዩሊቲዳይሲ ኑና ታማርሳና ዋና ያላዲ?” ገዲ ኢዛ ጎዲዳ።

አያና ዮይዶ ጳሚዳዳ

35 አዳዘ ጎዲዳይሳ ዩሰሲ ሲይዳሰ። ኢዛ ዳሚዲኔ “ኔ አሳ ናን አማናይ?” ገደሰ። 36 አዳዘካ “ጎደ! ታ ኢዛን አማናና ማላ ኢዚ ኦኒ?” ገዲ አይቸዳሰ። 37 ዩሰሲካ “ኔ ኢዛ ቤያዳሳ፤ ሃዒ ኔናራ ሃሳዩዛይ ኢዘኮ!” ገደሰ። 38 አዳዘካ “ጎደ! ኢዛ አማናዲሰ” ገዲ ኢዛሰ ሆኪ ጎይጎይ። 39 ዩሰሲካ “ቆቄቲ ያላና ማላኔ ያሊዛይቲ ቆቃና ማላ ፐርዳናሰ ታ ሃይሳ ሃ አላማ ያዲሰ” ገደሰ። 40 ኢዛራ ዲዛ ፋርሳዊታ፤ ኢሲ ኢሲ አሳቲ ሃሳ ሲይዲ “ሃሲ አይ ጉሴ? ሂሰቲን ኑካ ቆቄ?” ገዲ። 41 ዩሰሲካ ኢሰታ “አንቲ ቆቄታ

ገዲዳኮ አንቲሰ ናጋራ ገደና ሽን አንቲ ሃዒ ኅ ያሊሰ” ገዚ ገሽ አንቲ ናጋራንቻ ገዲዳ ማላ ዳና” ገደሰ።

10

ሎዮ ሃንሳንቻ

1 ዩሰሲ፡ “ታ አንቲሰ ቱሙ ጋይሰ፤ ደርሳታ ዩሪ ፔንጌራፕ አቲን ሃራ ባጋራ ጉፕ ጌሊዛይ ካይሶኔ ቦንቁዛዳ። 2 ፔንጌራ ጌሊዛዳይ ኢዚ ደርሳታ ሃሚዛዳ። 3 ፔንጌ ናጊዛዳይ ኢዛሰ ፔንጌዛ ደዩሰ። ደርሳቲካ ኢዛ ቃላ ሲዩቲሰ። ባ ደርሳታ ሱንሳራ ሱንሳራ ያይገ ኬሴሰ። 4 ባይታ ወርሲ ኬሲዳፕ ጉዩ ኢሰታ ሲንሳ አዲዲ ካሌሌሰ። ደርሳቲካ ኢዛ ቃላ ኤሪዛ ገሽ ኢዛ ካሌቲሰ። 5 ኢማሳ አሳ ቃላ ኤርንታ ገሽ ኢዛፕ ባቃቲቲሰ አቲን ሙሊካ ኢዛ ካሌቲና። 6 ዩሰሲ ሃሳ ለሚሶዛ ኢሰታሰ ዮቲዳሰ ሽን ኢሰቲ ቃሴ ኢዚ ኢሰታሰ ዮቲዳይሳ አይኮካ ኤሪቤቴና። 7 ሃሳ ገሽ ዩሰሲ ቃሴካ ኢሰታሰ “ታ አንቲሰ ቱሙ ጋይሰ፤ ደርሳታ ፔንጌይ ታና። 8 ታፕ ካሴ ዩዳይቲ ወሪ ካይሶኔ ቦንቁዛይታ። ደርሳቲ ገዲኮ ኢሰቲ ገዚ ሲይቤቴና 9 ፔንጌይ ታና። ታ ባጋራ ጌሊዛዳይ ወሪ አታና፤ ጌላናኔ ኬዛና፤ ሃሚቲዛሶካ ዳማና። 10 ካይሶይ ካይሶታና፤ ዋዳሰኔ ጳይሳናሰ ያላ ዩሰ። ታ ገዲኮ አንቲሰ ዳይይ ዳና ማላኔ አንቲሰ ኬሂ ዳራና ማላ ያዲሰ።

11 “ታ ሎዮ ሃሚዛዳ፤ ሎዮ ሃሚዛዳይ ባ ሽምፖ ባ ደርሳታ ገሽ አላ አማሰ። 12 ሚሹራ ቃዳሪቲዲ ሃሚዛዳይ ገዲኮ ደርሳቲ ኢዛሰ ገደንታ ገሽ ካና ሱይቴይ ዩዛ ዋዳ ደርሳታ ዩጊዲ ባሰ ባቃቲሰ። ካና ሱይቴይካ ደርሳታ ዳፊ ዳፊ ማሰኔ ላሌሰ። * 13 ባቃቲዛዳይ ሚሻን ቃዳሪቲዳዳ ገዲዳ ገሽኔ ደርሳታሰ ሚሹቶንታ ገሻሳ።

14 “ሎዮ ሃንሳንቻይ ታና። ታኒ ታ ደርሳታ ኤሪይሰ፤ ኢሰቲካ ታና ኤሪቲሰ። 15 ሂሲካ አዋይ ታና ኤሪዛይሳ ማላ ታኒ ታ ሽምፖ ደርሳታ ገሽ አላ አማና። * 16 ሃይሳ ሃ ደርሳ ዩሪን ጌሎንታይቲ ታሰ ሃራ ደርሳቲ ዳቲሰ፤ ታ ኢሰታካ ሃ ኤሃናሰ ታሰ ቤሴሰ። ኢሰቲካ ታ ቃላ ሲያናኔ ኢሲ ማሄ ገደና። ሃሚዛይሲካ ኢሳዳ ገደና። 17 ታ ዛራዳ ዳንሳናሰ ታ ሽምፖ ታ አላ አማዛ ገሽ ታ አዋይ ታና ደሴሰ። 18 ታኒ ታ ሽምፖ ታ ደሳራ አላ ኢማዲሰ አቲን ኦኒካ ታፕ ዋላ ኤኮና፤ ታ አላ አማናሰ ገዲን ዋይኮ ዛራ ዳንሳናሰ ገዲን ሽኔይ ታሳ፤ ሃሳ ሄ አዛዘዛ ታኒ ታ አዋፕ ኤካዲሰ” ገደሰ።

19 ሃሳ ሄ ቃላፕ ዳንዲዳይሳን አይሁዳታ ገደን ቃሴካ ሻኬቲላ ማዴቲዳሰ። 20 ዳር አሳይ “ኢዛ ቦላ ዳይዳንላ ዲዛ ገሽኔ ጎሽ ገዲዳ ገሽ አንቲ ኢዚ ገዛይሳ አይሰ ሲዩቲ? ገዲ።

21 ባጋይቲ ቃሴ “ዳይዳንላ ዲዛዳይ ሃይሳ ማላ ዳና። ዳይዳንላ ቆቄዳ አይፊ ፓላ ኤሪዜ?” ገዲ።

አይሁዳቲ አማናንታ አዲዳ

22 ዩራሳላሚን ያሳ ኬላ ኦራሶ ባዓሌ ቦንቻ ዋዳይ ጋኪዳሰ፤ ሄ ዋዳይካ ባላጎ። 23 ዩሰሲ ያሳ ኬላ ገቤ ገደን ሶሎሞን ሲማራቴላሶራ አዲሽን። 24 አይሁዳቲ ኢዛ ገደ አላዲ “ኔ አይዴ ጋካናሰ ኑ ዋዘና ሂርጋን ጋምሳሲኔ? ኔ ያሲ ከቲዳዳ ገዲኮ ኑሰ ቆንጪሳ ዮታ” ገዲ።

* 10:12 ካና ሱይቴ ጉሲ ኢሲ ኢሲ ጋሞሶ ቃላራ ሱዳሚ ጌቲቲሰ።

* 10:15 ማቶ 11:27

25 ዩሱፊክ ኢስታሰ “ታ ኢንቴሰ የታዲሰኮ ሺን ኢንቴ ቃሴ አማኒቤይኬታ። ታ አዋ ሱንጎን ታ ኦሊዛ ማላታቲ ታ ጊሽ የቴቴሰ። 26 ኢንቴ ቃሴ ታ ደርሳታ ጊደንታ ጊሽ ታና አማኒኬታ። 27 ታ ደርሳታ ታ ቃላ ሲዩቴሰ። ታካ ኢስታ ኤራይሰ፤ ኢስታካ ታና ካሌቴሰ። 28 ታ ኢስታሰ ሚርና ዴፖ አማና፤ ሙሌካ ኢስታ ጳዩቴና፤ ኢስታ ታ ኩሼፔ ዋሊ ኤካናሰ ዳንዳያናዴይ ኦኒካ ዳና። 29 ታሰ ኢስታ አሚዳ ታ አዋይ ኡባፌ አዴሰ። ታ አዋ ኩሼፔ ኢስታ ኦኒካ ቦንቃናሰ ዳንዳዬና። 30 ታኒኔ ታ አዋይ ኦ ኢሲኖ” ጊደሰ።

31 አይሁዳቲ ኢዛ ጫዳናሰ ቃሴካ ሹቾ ዳንሊዳ። 32 ዩሱፊክ “አዋፔ ጊዲዳ ዳር ጊታ ማላታታ ታ ኢንቴና ቤሳዲሰ። ሂሰቲን ሃ ታ ቤሲዳይታፔ አዋሪ ጊሽ ታና ሹቻራ ጫዳቲ?” ጊደሰ።

33 አይሁዳቲካ “ኦ ኔና ሹቻራ ጫዳዛይ ኔ ጫ አሰ ጊዳ ኡታዳ ኔና ኔርካ ያሴ ኬሳዳ ጫሻ ቃላ ኔ ሃሳዱዳ ጊሻሳፌ ኦቲን ኔ ሎፖ ኦሊዳይሳ ጊሽ ዳና” ጊዲ ኢዛሰ ዛሪዳ። 34 ዩሱፊክ ኢስታሰ “ኢንቴ ዋጋ ጊደን ናታ ኢንቴና ያሳታ ጋዲሰ” ጌቴቲ ዓፌቲቤኔ? * 35 ያሳ ቃላይ ኢስታሰ ዩዳ አሳታ ያሴ ጊኮኔ ማፃፋይ ሻሬታናሰ ዳንዳዮንታ ጊዲኮ” 36 ሂሰቲን ናታ ያሳ ና ጊዳ ጊሽ አዋይ ባ ሻኪ ዲማሲዳይሳኔ ሃ ዲጌ አላሜ ከቲዳይሳ ኢንቴ ኔ ጫያዳሳ ጊዲ ታና ዋርዶራ አዛሰ ሞቴቲ? 37 ታ አዋይ ኦሊዛይሳ ታ ኦሶንታ ኦኒኮ ታናን አማኖፒቴ። 38 ታ ኢዛሶ ኦሊዛ ጊዲኮ ኢንቴ ታና አማኖንታ ኦኒኮካ ታ አዋይ ታናን ዲዛይሳ ታካ ኢዛን ዲዛይሳ ኢንቴ ኤራና ማላኔ ዩሺ ቆፓና ማላ ኢዚ ኦሊዳ ማላታን አማኒቴ” ጊደሰ።

39 ቃሴካ ኢስታቲ ኢዛ ኦይካናሰ ኮይዳ ሺን ኢዚ ኢስታ ኩሼፔ ኬሲ ኦኪ ቢደሰ። 40 ሃሳፌ ጉዬ ዩሱፊ፡ የሃኒሲ ካሴ ዓማቁዛሶ ጌዴ የርዳናሴፔ ሄ ፒንሳ ሲሚዲ ሄን ጋምዲደሰ። * 41 ዳር አሳይ ኢዛኮ ዩዴሰ፤ ኢስታቲ ቃሴ “የሃኒሲ ኢሲ ማላታካ ኦሊቤና፤ ጊደ ኦቲን ሃይሳ አዳዛ ጊሽ ኢዚ የቲዳይሲ ዉሪካ ቱሙኮ” ጊዳ። 42 ሄንካ ዳር አሳይ ዩሱፊን አማኒደሰ።

11

አላዛሬ ሃይቆ

1 ቢታኒያ ጌቴቲዛሶን ማራማኔ ማርታይ ዲዛ ጉታን አላዛሬ ጌቴቲዛይይ ሳኬቲደሰ። 2 ኢዚ ኢሻ አላዛሬይ ሳኬቲዳ ማራማ ካሴ ዩሱፊ ቶሆ ቦላ ሺቶ ጉሳዳ ዩሱፊ ቶሆ ባ ሁዔ ቢናናን ቁጩዳርኮ። 3 ሚቹቲካ “ጎደ! ኔ ደሲዛይሲ ሳኬቲደሰ” ጊዲ አሰ ዩሱፊኮ ከቲዳ።

4 ዩሱፊ ሃሳ ሲይዲ “ሃ ሳኮይ ያሳ ናይ ኢዛን ቦንቆታና ማላኔ ያሲ ቦንቆታናሳፌ ኦቲን ኢዛ ሃይቆሰ ጋሊዛዝ ዳና” ጊደሰ። 5 ዩሱፊ ማርታ ኢዚ ሚቹዮ ማራማኔ አላዛሬ ሲቁሰ። 6 ጊደ ኦቲን አላዛሬይ ሳኬቲዳይሳ ሲዩ ዋሊዲ ሄን ባ ዲዛሶን ናምቡ ጋላሰ ጋምዲደሰ። 7 ሃሳፌ ጉዬ ባና ካሊዛይታ “ኦኔ ዩሁዳ ቢታ ሲሚ ቦሰ” ጊደሰ። 8 ኢስታካ “ኦስታሚ! ጉሳ ዋዴፔ ካሴ አሳይ ኔና ሹቻራ ጫዳና ኮዩቴሰኮሺን፤ ኔ ቃሴ ሃዲ ሄ ሲማ ባኔ?” ጊዳ።

9 ዩሱፊ ኢስታሰ “ኢሲ ጋላሳን ታማኔ ናምቡ ሳቲይ ዳሰ ዴኔ? ጋላሳራ ሃሙቲዛ ኢሲ ሃ አላሚዛ ፖፖን ሲሚሬቲዛ ጊሽ ጳጳቴና። 10 ጳጳቴዛይይ ጊዲኮ ኢዚ

ቃማራ ሃሙቲዛዴ። ጋሶይካ ፖፖይ ባይንዳ ጊሻሳ” ጊደሰ። 11 ሃሳ ኢስታሰ የቲዳፔ ጉዬ “ኦ ላጌ አላዛሬይ ጳሰኪደሰ፤ ታካ ኢዛ ጳሰኮፌ ዴንጎና ባይሰ” ጊደሰ። 12 ኢዛ ካሊዛይቲ ኢዛ “ጎደ! ኢዚ ጳሰኪዳ ጊዲኮ ዴንዳና” ጊዳ። 13 ዩሱፊ ኢስታሰ ሃሳ የቲዳይ አላዛሬ ሃይቆ ጊሻሳ ሺን ኢዛ ካሊዛይታሰ ቃሴ ጳሰኮ ጊሽ የቲዳ ሚሳቲደሰ። 14 ሃሳ ጊሽ ቆንጩራ ኢስታሰ “አላዛሬይ ሃይቁደሰ። 15 ኢንቴ አማናና ማላ ታ ሄን ዳንታ ኦኒዳይሲ ኢንቴ ጊሽ ታና ኡፋይሴሰ፤ ሃዲ ጊዲኮ ኦኔ ጌዴ ኢዛኮ ቦሰ” ጊደሰ።

16 ቃሴ ዲዲሞሳ ጌቴቲዛ ቶማሲ ሃንኮ ዩሱፊ ካሊዛይታ “ኦኔ ኦካ ቢዲ ኢዛራ ኢሲፌ ሃይቆሰ” ጊደሰ። *

ዩሱፊ አላዛሬ ሚቹታ ሚንሌዳሰ

17 ዩሱፊ ቢ ጋኪሺን አላዛሬይ ሃይቁ ሞጌቲን ኦይዲ ጋላሰ ጊዲደሰ። 18 ቢታኒያይ ዩራሳላማፔ ባጋ ሳቲ ኦኔ ሃኬሰ። 19 ኢስታ ኢሻይ ሃይቁዳ ጊሽ ማራማኔ ማርታ ሚንሌዳናሰ ዳር አይሁዳ አሳይ ኢስታኮ ሸቁደሰ።

20 ዩሱፊ የሳ ማርታይ ሲያደ ኢዛ ሞካ ኤካና ባደሰ፤ ማራማ ጊዲኮ ሶን ኡታዲሰ። 21 ማርታይ ዩሱፊ “ጎደ! ኔ ሃን ዲዛኮ ታ ኢሻይ ሃይቁናኮሺን። 22 ሃዲካ ጊዲኮ ኔ ዋሲዳ ዉርሲ ያሲ ኔሰ አማናይሳ ታ ኤራይሰ” ጊደሰ።

23 ዩሱፊክ ኢዚሰ “ኔ ኢሻይ ዴንዳና” ጊደሰ። 24 ማርታይ ቃሴ “ዉርሴላን ዴንጎ ዋዴ ኢዚ ዴንዳናይሳ ታካ ኤራይሰ” ጊደሰ። 25 ዩሱፊክ ኢዚሰ “ዴንዳይኔ ዴይ ታና፤ ታና አማኒዛይይ ሃይቁኮካ ጋፃ ዳና። 26 ታናን ዲዛይይኔ ታና አማኒዛይይ ሙሊካ ሃይቁና፤ ሃሳ ኔ አማናይ?” ጊደሰ።

27 ኢዛካ ዛራዳ “ኤ ጎደ! ኔኒ ዲጌ ሃ አላሚዛ ከቲቲዳ ያሳ ና ጊዲዳይሳ ታ አማናይሰ” ጊደሰ። 28 ሃሳ ጋዳኔ ሲማዳ ባ ሚቹዮ ማራማ ዲማ ያይጋ ኬሳዳ “ኦስታማሬይ ኔና ኮዬሰ” ጊደሰ። 29 ማራማካ ሃሳ ሲዩዳ ማላ ኤሌላ ዴንዳና ኢዛኮ ባደሰ። 30 ሃሳ ጋካናሰ ዩሱፊ ማርታራ ጋጊዳሶን ዳሰ ኦቲን ጌዴ ጉታ ጊደ ጌላቤና 31 ማራማ ሚንሌዳሽ ኢዚራ ሶን ዲዛ አይሁዳቲካ ማራማ ፑሱኩ ጋ ዴንዳ ኤቃዳ ኬዚዳይሳ ቤዩዲ ኢዛ አላዛሬ ዲፎ አቻን ዩካና ቢዛ ሚሳቲን ኢዛ ካሊዳ።

32 ማራማ ዩሱፊ ዲዛሶ ጋካ ኢዛ ዴሚዳ ማላ ኢዛ ቶሆ ቦላ ጉፋናዳ “ጎደ! ኔ ሃን ዲዛኮ ታ ኢሻይ ሃይቁናኮሺን” ጊደሰ።

33 ኢዛኔ ኢዛ ካሊ ዩዳ አይሁዳቲ ዩኪዛይሳ ዩሱፊ ቤዩዲ ዳር ሚሹቲዲ 34 “ኢዛ አዋን ሞጊዴቲ?” ጊዲ ኦይቹደሰ፤ ኢስታካ “ጎደ! ሃ ያዳ ቤያ” ጊዳ። 35 ዩሱፊክ አፋንፃደሰ። 36 አይሁዳቲካ “ኢዚ ኢዛ አይ ማላ ሲቁዛኮ ቤይቴ” ጊዳ። 37 ኢስታ ጊደፌ ኢሲ ኢሲ አሳቲ “ሃይሲ ቆቁ አዳዛ አይፌ ፖፖዳይሲ ሃይሳይይ ሃይቆንታ ማላ አላናሰ ዳንዳይኔ?” ጊዳ።

ዩሱፊ አላዛሬ ሃይቆፔ ዴንሊደሰ

38 ዩሱፊ ኢዛ ዋዛናይ ሚሹቲን ጌዴ ዲፎኮ ቢደሰ፤ ዲፎዚካ ሹቻራ ጎርዴቲዳ ጎንጎሎ። 39 ኢዛካ ኢስታ “ሹቻ ዴንሊቴ!” ጊደሰ። ሃይቁዳይሳ ሚቹያ ማርታይ “ጎደ! ኢዚ ሃይቁን ሃቹ ኦይዲ ጋላሰ ጊዲዳ ጊሽ ያንቃናኮ!” ጊደሰ። 40 ዩሱፊክ “ኔ አማኒዛ ጊዲኮ ያሳ ቦንቆ ቤያንዳሳ ጋዳ ኔሰ ታ የታቤይከና?”

* 10:34 ማዛ 82:6 * 10:40 የሃ 1:28 * 11:16 ዲዲሞሳ ጉሲ ሚንቴ ጉሳ።

ገደደህ። 41 ሃሳ ገሽ ሹቻ ዳንጤ፤ ዩሱሲካ ጉዳ ሳሎ ያለዱ “ታ አዋወ! ኔ ታ ገዛዝ ሲዩዳ ገሽ ታ ኔና ጋላታይሰ። 42 ኔ ኡባ ጋላሰ ታ ገዛዝ ሲዩዳይሳ ታ ኤራይሰ፤ ገደ አትን ታ ሃሳ ገዳይ ሃይሳን ኤቁዳ አሳቲ ኔ ታና ከተዳይሳ አማናና ማላሳ። 43 ዩሱሲ ሃሳ ገዳፔ ካሌሊዱ ቃላ ጶቁ ሂሰቲዱ “አላዛሬ! ሃ ከዛ!” ገዱ ያይገደሰ። 44 ሃይቁዳ አላዛሬይካ ኩሜላ አሳቲላይ ሞጎ ማይዎን ፃፃቲዳ ማላ ዱፎፕ ከዚደሰ። ዩሱሲካ “ቢርሽ ዩዳቲ ቦ!” ገደሰ።

አሳይ ዩሱሳ ዋዳናሰ ጌማን ዘሬቲደሰ (ማቶ 26:1-5፤ ማር 14:1-2፤ ሉቃ 22:1-2)

45 ሃሳ ገሽ ማራሞ ማንጤላና ዩዳ አይሁዳታፔ ዳር አሳይ ዩሱሲ ኦሊዳይሳ ቤዩዱ ኢዛን አማኒደሰ። 46 ኢሰታፌ ባጋቲ ቢዱ ዩሱሲ ኦሊዳይሳ ፋርሳዌታሰ ዮቲዳ። 47 ሃሳ ቁሴታ ሃላቃቲኔ ፋርሳዌቲ አይሁዳታ ደላታ ሽቃና ማላ ያይገዱ “ሃ አደዚ ዳር ደማ ደማ ማላታታ ኦሊዳይ ገዱዳ ገሽ ኦ አይ ኦሊኮ ሎ? 48 ኦ ጮቡ ገቡ አሲ ወሪ ኢዛን አማናና ኦርማ አሲካ ዩዱ ሃይሳ ኦ ቢታኔ ኦ አሳ ኦፔ ኤካና” ገደ።

49 ኢሰታ ገደፌ አሳይይ ሂ ላይላ ቁሴታሰ ዋና ሃላቃ ቃያፋይ “አንቲ አይኮካ ኤሬኮታ። 50 ዳሬይ ወሪ ዳያናፔ ዳሬ ገሽ ኢሲ አሲ ሃይቁኮ ሎ ገዳናይሳ ገሽ ዩሽ ቆፔኮቲ?” ገደሰ። 51 ኢዚ ሃሳ ባፔ ገደንታ ሂ ላይላ ኢዚ ቁሴታሰ ሃላቃ ገዱዳ ገሽ ዩሱሲ አይሁዳ ዳሬ ገሽ ሲንፋፌ ሃይቃናይሳ ዮቲዳሰ። 52 ኢዚ ሃይቃናይ ሂ ዳሬ አሳሰ ፃላላ ገደንታ ካሴ ላሌቲዳ ያሳ ናይታካ ኢሲ ቦላ ሽሻናሳ።

53 ሂ ጋላሳፌ ሃ ሲሚን ኢዛ ዋዳናሰ ማቁቲዳ። 54 ሃሳ ገሽ ዩሱሲ ሂ ጋላሳፌ ሃ ሲሚን አይሁዳታ ገደን ቆንጮራ ሲሜሬቲቤና። ገደ አትን ዲጌ ባዘ ቢታ ማታን ዲዛ ኤፊሬሜ ጌቲቲዛ ካታማይ ዲዛሶ ቢዱ ባና ካሊዛይታራ ሄን ታኪደሰ።

55 አይሁዳቲ ፓዚጋ ባዓሌይ ማቲዳ ማላ ባዓሌይ ጋካናፔ ካሴ ጌሾ ዋጋ ኦላናሰ ዳር አሳይ ደማ ደማ ዳሬፔ ዩራሳላሜ ዩደሰ። 56 አሳይ ዩሱሳ ኮዩሼ ያሳ ከላን ኤቁዳ ባ ገደን ኢሶይ አሳራ “አንቲሰ አይ ሚሳቲዜ? ባዓሌዛሰ ዩኔኻ?” ገደሰ። 57 ቁሴታ ሃላቃቲኔ ፋርሳዌቲ ቃሴ ዩሱሳ ኦይካናሰ ኢዚ አዋን ዲዛኮኔ ኤሪዛይይ ኢሰታሰ ማላታና ማላ ካሴ አዛዚ ዋሊዳ።

12

ዩሱሳ ሽቶ ቲዩዳ ማጫሳዮ (ማቶ 26:6-13፤ ማር 14:3-9)

1 ፓዚጋ ባዓሌሰ ቡር ኡሱፑን ጋላሲ አቲሽን ዩሱሲ ሃይቆፔ ዳንጤዳ አላዛሬይ ዲዛሶ ቢታኒያ ቢደሰ። 2 ሄን ዩሱሳሰ ካዋ ካሊዱ ማርታይ ኢዛ ካዋ ሚዚሽን ኢዛራ ኢሲፌ ማዳን ኡቲዳይታፔ ኢሶይ አላዛሬ። 3 ማራማ ዳር አልዎ ዋጋራ ሻሜቲዳ ባጋ ሊትሮ ገዱዛ ጌሻ ናርዶሴ ሽቶ ኤካ ያዳ ዩሱሳ ቶሆ ቦላ ጉሳዳ ቶሆዛ ባ ሁዔ ቢናናራ ቁጫዱሰ። ከላካ ሽቶ ሳዎይ ኩሚደሰ። * 4 ዩሱሳ ካሊዛይታፔ ኢሶይ ዩሱሳ አሊ ኢማና አሰቆርንቶ ዩሁዳይ። 5 “ሃይሲ ሽቶዚ ሄዡ ፃቱ ዲናሬሰ ባይዜቲዱ ሚሻይ አዛሰ ማንቆታሰ

አሜቲቤኔ?” ገደሰ። 6 ኢዚ ሃሳ ገዳይ ሚሻ ሽሽዛ ካራዲቲ ኦይኪዛይይ ኢዛ ገዱዳ ገሽ ሽቁዛ ሚሻፌ ባሰ ሽሽዱ ጎዔቲዛዳ ገዱዳ ገሻሳ አቲን ማንቆታሰ ሚሽቲዱ ገደና።

7 ዩሱሲ ቃሴ “ሃይሲ ሽቶዚ ታሰ ሞጎ ጋላሳሰ ቆሬቲዳዝ ገዱዳ ገሽ ሂ ዋዳ ጋካናሰ ኢዛ ባ አቻን ናጉ፣ ቦሻፍቲ። 8 ማንቆቲ አይ ዋዳካ አንቲናራ ዳቲሰ። ገደ አቲን አንቲ ታና ኡባ ዋዳ ዳሜኮታ” ገደሰ። *

9 ሂ ዋዳ ዳር አይሁዳ አሳቲ ዩሱሲ ሄን ዲዛይሳ ኤሪዱ ኢዛኮ ዩዳ፤ ዩዳይቲካ ዩሱሳ ፃላላ ኮሽ ገደንታ ዩሱሲ ሃይቆፔ ዳንጤዳ አላዛሬካ ቤያናሳ። 10 ሃሳ ገሽ ቁሴታ ሃላቃቲ ዩሱሳራ አላዛሬካ ጋሊ ዋዳናሰ ባ ገደን ዘሬቲዳ። 11 ሄሲካ አላዛሬ ገደን ዳር አይሁዳ አሳይ ዩሱሳኮ ቢ ቢዱ ኢዛ አማኒዛ ገሻሳ።

ዩሱሲ ቦንቻን ዩራሳላሜ ጌሊደሰ (ማቶ 21:1-11፤ ማር 11:1-11፤ ሉቃ 19:28-40)

12 ዋንቲላ ጋላሰ ባዓሌዛ ቦንቻና ዩዳ ዳሬይ ዩሱሲ ዩራሳላሜ ዩዛይሳ ሲይደሰ። 13 ዛምባ ሃይላ ኤኪዱ ዩሱሳ ሞካና ከዚደሰ፤ ዳሬይ ቃላ ጶቁ ሂሰቲዱ “ሆሳና! ጎዳ ሱንፋን ዩዛ ኢሰራዔሌ ካዎይ አንጃቲዳይሳ!” ገደሰ። *

14-15 ቤኒ “ሃኔ! ያዮኔ ናዩ፣ ባቦፋ! ሄኮ ኔ ካዎይ ሃሬ ጉቲ ቶጊዱ ዩሰ” ጌቲቲ ያሬቲዳ ማላ ዩሱሲ ሃሬ ጉቲ ዳሚዱ ቶጊደሰ። *

16 ኢዛ ካሊዛይቲ ሃሳ ወርሲ ኮይሮ ዋዛናን ዋሊቤፔና። ኢዛ ገሽ ያሬቲዳይሳኔ ኢዛሰ ኦሲቲዳ ሃናካ ወርሲ ዩሱሲ ሃይቆፔ ዳንዲዳፔ ጉዩ ኤሪዳ።

17 አላዛሬ ዳፎፔ ያይገዱ ሃይቆፔ ዳንጤዳ ዋዳ ኢዛራ ኢሲፌ ዲዛ አሳይ ኢዛ ዳንፋ ገሽ ማርካቲዳ። 18 ዳር አሲካ ኢዚ ሃሳ ማላ ጌታ ማላታ ኦሊዳይሳ ሲይዱ ኢዛ ሞካና ከዚደሰ። 19 ሃሳ ገሽ ፋርሳዌቲ ባ ገደን ኢሶይ አሳ “ሂሰቲን ኦኒ አይ ኦላና ዳንዳዩዛኒ? ቤይቲ! ኩሜላ ዳሬይ አቶንታ ኢዛ ካሊሰ” ገደ።

ዩሱሲ ባ ሃይቃናይሳ ካሴቲ ዮቲዳሰ

20 ጎይናናሰ ባዓሌዛሰ ሽቁዳ አሳ ገደን ገሪኬ ዳሬ አሳቲካ ዳቲሰ። 21 ኢሰቲካ ጋሊላ ገደን ዲዛ ቤቲሳይዳ ጌቲቲዛ ዳሬ አሰ ፒሊጶሳ ጌቲቲዛይኮ ቢዱ “ጎደ! ኦ ዩሱሳ ቤያና ኮዮሰ” ገደ።

22 ፒሊጶሲካ አንዲራሳሰ ዮቲዳሰ። አንዲራሲኔ ፒሊጶሲ ቢዱ ዩሱሳሰ ዮቲዳ። 23 ዩሱሲካ ኢሰታሰ “ሄኮ አሳ ናይ ቦንቻቲዛ ሳቲይ ጋኪደሰ። 24 ታ አንቲሰ ቱሙ ጋይሰ፤ ገሰቲ አይፌይ ቢታን ዋዳዳ ሃይቆንታ ጮቡ ጋ ኡቲኮ ባርካ አታዉሰ። ኢዛ ሃይቁዛ ገዱኮ ሃራ ዳር አይፋዉሰ። 25 ባ ሽምፖ ደሲዛይይ ዳይሴሰ። ሃይሳ ቢታ ቦላ ባ ሽምፖ ኢዳዛይይ ገዱኮ ሜርና ዳዎ ዳሜሰ። 26 ታሰ ኦላና ኮዩዛይይ ታና ካሎ፤ ታሰ ኦሊዛይይ ታ ዲዛሶን ዳና፤ ታሰ ኦሊዛይይ ታ አዋይ ኢዛ ቦንቻና” ገደሰ።

ዩሱሲ ኢዛ ቡርፔ ጋካና ሜቶ ገሽኔ ሃይቆ ገሽ ዮቲዳሰ

27 ቃሴካ ዩሱሲ “ሄኮ ታ ሽምፖና ማቶታዱሰ ‘ታ አዋወ! ሃ ሳቲይፔ ታና አሻ ጎሻ?’ ታ ሂዛጎንታ ማላ ታ ዩዳይ ሃና ሃ ማቶ ሳቲይሳ።

* 12:3 ሉቃ 7:37-38 * 12:8 ዛሬ 15:11 * 12:13 ማዛ 118:25-26 * 12:14-15 ዛካ 9:9

28 “ታ አዋወ! ኔ ኔ ሱንሳ ሱንቻ” ገደሰ። ሃሳፊ ካሊዲ “ታኒ ታ ሱንሳ ሱንቻዲሰ፤ ቃሴካ ጉጃ ሱንቻና” ገዛ ቃላይ ሳሎፔ ዪደሰ።

29 ሃን ጋዳን ኤቁዳ አሳይ ሃሳ ሲይዲ “ዳዳይ ዳዳቴሰ” ገዳ። ባጋይቲ ቃሴ “ኪታንቻኮ ሃሳዪደይ” ገዳ።

30 ዬሱሲ “ሃይሲ ገሪሳይ ዪዳይ አንቴ ገሻሳ አቲን ታ ገሽ ገደና። 31 ሃይሲ አላሜይ ፒርዳታና ዋዴይ ሃይሳ፤ ሃይሳ ዳሬዛ ሃሪዛ ፃላዲይ ሃሳ ጌዴ ካሪ ዬጌታና። 32 ታኒ ቆቁ ጋዳ ካቁቲዛ ዋዴ አሳ ወርሳ ታኮ ዛራና” ገደሰ። 33 ዬሱሲ ሃሳ የቲዳይ ኢዚ አይ ማላ ሃይቆ ሃይቃናኮ ኤሪሳናሳ።

34 አሳይ ቃሴ “ኑ ዋጋን ፃፊቲዳይ ‘ዎሲ ከቲዳይይ ሜርናሰ ዳና’ ገሰ፤ ሂሰቲን ኔ ቃሴ ዋናዳ ‘አሳ ናይ ቆቁ ገ ካቁታና ቤሴሰ’ ጋይ? ኔ ገዛ አሳ ናይ አዋይሴ?” ገዲ አይቸዳ። *

35 ዬሱሲ አሰታሰ “ሃሳ ጉሳ ዋዴሰ አንቴናራ ፖይ ደሰ፤ ጋዴይ ቆሞንታ ፖራ ሃሙቲቲ፤ ቃማራ ሃሙቲዛዳይ ኢዚ አዋ ቢዛኮኔ ኤሪና። 36 አንቴ ፖራ ናይታ ገዳና ማላ ፖይ ዲሺን ፖራን አማኒቲ” ገደሰ። ዬሱሲ ሃሳ ገዳፔ ጉዬ ቢዲ አሰታ አይፊፔ ገሚደሰ።

አይሁዳቲ አማኒቲና

37 ዬሱሲ አሰታሰ ሃሳ ማላ ማላታ አሰታ ሲንሳን አሊንካ አይሁዳቲ ኢዛን አማኒቲና። 38 ሃሲ ሃኒዳይ ናቤ አሳያሲ

“ሳደ! ኑ ማርካቲሳ አማኒዳይ ኦኔ?”

ዎሳ ቃላይ ኦናሰ ቆንጪዳ?” ገዳ ማላ። *

39 ሃሳ ገሽ አማናናሰ ዳንዳይቤቴና፤

ጋሶይካ ናቤ አሳያሲ ካሴ፤

40 “አሰቲ ባ አይፊን ቤዪዲ፤

ባ ዋዛናን ዩሺ ቆፒዲ፤

ሲሞንታ ማላኔ ኢዚ አሰታ ፓላንታ ማላ

ዎሲ አሰታ አይፊ ቆቁሲደሰ፤

አሰታ ዋዛናካ ሙሚሲደሰ”

ገ ፃፊዳ ገሻሳ። *

41 አሳያሲ ሃሳ ገዳይ ዎሲ ከቲዳይ ሱንቻ ቤዪዳ ገሻሳ፤ ሃሳ ገሽ ዬሱሲ የቲደሰ።

42 ገዲኮካ አይሁዳታ ሃላቃታፔ ዳር አሳይ ዬሱሳ አማኒደሰ። ገደ አቲን አሰታ አይሁዳታ ዋሳ ከላፊ ጎደንታ ማላ ፋርሳቂታሰ ባቢዲ ባ አማና ቆንጪጌን ማርካቲቤቴና። 43 አሰቲ ሃሳሶ ሃኒዳይ አሰታሰ ዎሳፊ አሜቲዛ ሱንቻፊ አሊዲ አሳፔ አሜቲዛ ሱንቻ ደሲዳ ገሻሳ።

44 ዬሱሲ ባ ቃላ ቆቁ ሂሰቲዲ “ታና አማኒዛዳይ ታናን ፃላላ ገደንታ ታና ከቲዳይሳንካ አማኒሰ። 45 ታና ቤዪዳዳይ ታና ከቲዳይሳካ ቤያና። 46 ታና አማኒዛይ ወሪ ቆሚን ደንታ ማላ ታ ፖራ ገዳዳ ሃይሳ ሃ አላሜዛ ያዲሰ። 47 ታ ቃላ ሲይዲ አላንታዴ ቦላ ፒርዳናይ ታና ገዲኬ። ጋሶይካ ታ ዪዳይ አላሜ አሻናሰ አቲን አላሜ ቦላ ፒርዳናሰ ገደና። 48 ታና ኮዮንታዴይ ታ ቃላ ኤኮንታዴ ቦላ ፒርዳናይ ደሰ፤ ታ ኢዛሰ የቲዳይ ቃላይ ወርሴሳ ጋላሰ ኢዛ ቦላ ፒርዳና። 49 ጋሶይካ ታኒ ጮ ታ ሽኔን የታቤይኬ፤ ታ ገዛይሳኔ ታ የቲዛ አዛዛ ታሰ አሚዳይ ታና ከቲዳይ ታ አዋ 50 ኢዛ አዛዛይ ሜርና ዳዎ

ገዲዳይሳ ታ ኤራይሰ፤ ሃሳ ገሽ ታ የቲዛይ ወሪ አዋይ ታሰ የቲዳይሳ” ገደሰ።

13

ዬሱሲ ባና ካሊዛይታ ቶሆ ሚጪደሰ

1 ሃ ዋዴይካ አይሁዳታ ፓዚጋ ባዳሌፔ ካሴ ዬሱሲ ሃይሳ አላሜዛ ዬዲዲ አዋኮ ባና ሳቲይ ጋኪደይሳ ኤሪደሰ፤ ሃይሳ አላሜዛን ዲዛ ባ ባጋታ ወርሲ ሲቁደሰ። ወርሴሊ ጋካናሲካ ደሲደሰ።

2 ዬሱሲኔ ኢዛ ካሊዛይቲ አሲፊ ካዎ ሚሸን ሲሞና ናይ አሰቆርንቶ ዩሁዳይ ዬሱሳ አሊ አማና ማላ ፃላዲ ኢዛ ዋዛናን ኢታ ቆፋ ጌልዲደሰ። 3 ዬሱሲ አዋይ ኢዛሰ ጎዳቴላ ወርሲ አሚዳይሳኔ ኢዚ ዎሳ አቻፊ ኬዚዲ ዪዳይሳ፣ ቃሴ ሲሚዲ ዎሳኮ ባናይሳ ኤሪሰ።

4 ሃሳ ገሽ ማዳ ቦላፊ ዳንዲዲኔ ማይዎ ቃሪ ዋሊዲ ፖፃ ኤኪዲ ፃሳን ገደደሰ። * 5 ቶሆ ሚጪዛ ጎንጌን ሃሌ ጉጃዲ ባና ካሊዛይታ ቶሆ ሚቹ ኦይኪደሰ፤ ባ ገደዳ ፖፃንካ ሚጪዳ ቶሆዛ ቁጪደሰ።

6 ዬሱሲ ሲሞና ጌቲቲዛ ጴፀርሳኮ ሸቂን ሲሞና ጌቲቲዛ ጴፀርሲ ኢዛ “ሳደ! ኔ ታ ቶሆ ሚጫኔ?” ገደሰ። 7 ዬሱሲካ “ታኒ ኦሊዛይሳ ኔ ሃሳ ኤራካ ጉዬፔ ቃሴ ኔ ኤራንዳሳ” ገደሰ።

8 ጴፀርሲካ “ኔ ታ ቶሆ ሙሌካ ሚጫካ” ገደሰ። ዬሱሲ ቃሴ “ታ ኔ ቶሆ ሚጫንታ አገኮ ኔሲኔ ታሰ አሲፊቴላ ዳና” ገደሰ። 9 ሲሞና ጌቲቲዛ ጴፀርሲካ ካሪዲ “ሳደ ሃሳ ገዲኮ ታሰ ቶሆ ፃላላ ገደንታ ኩሼራ ሁዔራ ወርሳ ሚጫ” ገደሰ። 10 ዬሱሲ ቃሴ

“ባ አሳቴላ ሚጫቲዳደሰ ኩሜላ ቦላይ ገሽ ገዲዳ ገሽ ኢዛሰ ቶሆ ሚቻፊ አቲን ሃራ ኮሼና። አንቴ ጌሻ ሺን ኡባታ ዳኬታ” ገደሰ። 11 ዬሱሲ “አንቴ ኡባቲካ ገሽ ዳኬታ” ገዳይ ኢዛ አሊ አማናዳይ ኦናኮኔ ኤሪዛ ገሻሳ።

12 አሰታ ቶሆ ሚጪዳፔ ጉዬ ባ ማይዎ ኤኪ ማይዲዲ ካሴ ባ ኡቲዳሲን ሲሚ ኡቲደሰ። ቃሴ አሰታሰ “ታ አንቴሰ አይ ኦሊዳኮኔ ዋዛናን ዋሊደቲ?” *

13 አንቴ ታና አሰታማሪኔ ጎዳ ጌታ፤ ታ ቃሰ አሰታማሪኔ ጎዳ ገዲዳ ገሽ አንቴ ጉሳይ ቱሙኮ።

14 ሂሰቲኮ ታ አንቴሰ ጎዳኔ አሰታማሪ ገደሸ አንቴ ቶሆ ሚጪዛ ገዲኮ አንቴካ አንቴ ገደን ኢሶይ አሳ ቶሆ ሚጫና ቤሴሰ። 15 ታ አንቴሰ ኦሊዳይሳ ማላ አንቴካ ኦላና ማላ ታ አንቴሰ ለሚሶ ቤሳዲሰ። 16 ታ አንቴሰ ቱሙ ጋይሰ፤ አሸካራይ ጎዳፔ አዴና፤ ከቲቲዳዳይ ከቲዳዳይ አዴና። * 17 አንቴ ሃይሳ ኤሪዳ ኦሶን ፔይሺኮ አንቴ አንጃቲዳይታ።

18 “ታ ሃይሳ ገዛይ አንቴ ኡባታ ገሽ ዳና። ታኒ ታ ዳሪዳይታ ወርሳ ኤራይሰ፤ ገደ አቲን ‘ታ ካላ ሚዳዳይ ታ ዋርሴ ገዲዲ ታ ቦላ ዳንዲደሰ’ ገዛ ማፃፋ ቃላይ ፖሊታናሰ ኮሼሰ። * 19 ታ ሃይሳ ሃሳራ አንቴሰ የቲዛይ ኢዚ ፖሊቲዛ ዋዴ ታ ኦናኮኔ አንቴ አማናና ማላ። 20 ታ አንቴሰ ቱሙ ጋይሰ፤ ታ ከቲዳይ ኤኪዛዳይ ታና ኤኮሰ፤ ታና ኤኪዛዳይ ታና ከቲዳይ ኤኮሰ” ገደሰ። *

* 12:34 ማዛ 110:4፤ አሳ 9:7፤ ሃዚ 37:25፤ ዳኔ 7:14 * 12:38 አሳ 53:1 * 12:40 አሳ 6:10 * 13:4 ፃሳ ገዛ ቃላይ ኢሲ ኢሲ ጋሞ አሳታ ቃላን ዳባ ጌቲቲሰ። * 13:12 ሉቃ 22:27 * 13:16 ማቶ 10:24፤ ሉቃ 6:40፤ የሃ 15:20 * 13:18 ማዛ 41:9 * 13:20 ማቶ 10:40፤ ማር 9:37፤ ሉቃ 9:48፤ 10:16

ዩሱሲ ባና አሊ አማናዴይ ኦናኮኔ ካሴቲ ዮቲዳሰ (ማቶ 26:20-25፤ ማር 14:17-21፤ ሉቃ 22:21-23)

21 ዩሱሲ ሄሳ ገ ሲሚዲ ኬሂ ቆፋን ጌሊዲኔ “ታ አንቴሰ ቱሙ ገይሰ፤ አንቴ ገደፌ አሳዴይ ታና አሊ አማና” ገዲ ቆንጮን ዮቲዳሰ።

22 አዛ ካሊዛይቲ ሄሳ አዚ እና ገሽ ገደኮኔ ኤርንታ ገሽ ባ ገደን አሰይ አሳራ ያሌቲዳ። 23 አዛ ካሊዛይታ ገደፌ ዩሱሲ ሰቁዛ አሰይ ዩሱሳ አቻን ኡቲዳሰ።

24 ሲሞና ጌቲቲዛ ጴጥሮሲ የሃኒሳ ስምዒ ቤሲዲ “አዚ እና ገሽ ገዛኮኔ እኔ አዛ ኦይቻ” ገደሰ።

25 ሄሳ ገሽ አዚ ባ ቆጼ ጌዴ ዩሱሳ ሃይላኮ ሸሺዲ “ጎዶ! አዚ እኔ?” ገዲ ኦይቸዳሰ።

26 ዩሱሲካ ዛሪዲ “አዛዴይ ታ ሃዒ ቡዴና ዋዳን ጳምዒ ባርሲዛዴ” ገደሰ። ሄሳ ገ ሲሚዲ ቡዴና ዋዳን ጳምዒ ኤኪዲ አስቆርንቶፌ ዩዳ ሲሞና ና የሁዳ ባርሲዳሰ። 27 የሁዳይ አዛ ባጲዳ ማላ ሄራካ ፃላዔይ አዛን ጌሊዳሰ። ዩሱሲካ የሁዳ “ኔ ኦፋናሰ ቆጥዳይሳ ኤሌላ ኦፋ” ገደሰ። 28 ዩሱሲ ሄሳ አዛሰ ገደኮኔ ማዳን ኡቲዳ አሳፔ ዮጋይ ጌሊዳዴይ እኒካ ዳና። 29 የሁዳይ ሚሽ እይኪዛይ ገዲዳ ገሽ ዩሱሳ ካሊዛይታፔ ባጋቲ ዩሱሲ የሁዳ “ባላሌዛሰ ኮሽዛይሳ ሻማ ዋይኮ ማንቆታሰ ሙጮታ አማ” ገዲ ሚሳቲዳሰ።

30 የሁዳይካ ቡዴና ባጲዳ ማላ ሄራካ ኬዚዲ ቢዳሰ። አዚ ቢሸን ጋዴይ ቃማኮ።

አራፋ አዛዘ

31 የሁዳይ ኬዚ ቢዳፔ ጉዬ ዩሱሲ “አሳ ናይ ሃዒ ቦንቸቲዳሰ፤ አዛ ጋሶን ያሲካ ቦንቸቲዳሰ። 32 ያሲ አዛ ጋሶን ቦንቸቲዛ ገዲኮ ያሲካ አዛ ቦንቻና፤ ሄራካ ጋምጋንታ ቦንቻና። 33 ታ ናይቶ፣ ታ አንቴናራ ዳር ዋዴ ጋምሳኬ፤ አንቴ ታና ኮያና፣ ታ ካሴ አይሁዳታ ሃላቃታሰካ ታ ቢዛሰ አንቴ ያና ዳንዳዬኬታ” ጋዳ ዮቲዳ ማላ ሃዒካ አንቴሰካ ሄሳላ ዮታይሰ። * 34 አንቴ አንቴ ገደን አሰይ አሳራ ሰቁታና ማላ ታ አንቴሰ ኦራፋ አዛዘ አማይሰ። ታ አንቴና ሰቁዳ ማላ አንቴ አንቴ ገደን አሰይ አሳራ ሰቁቲቲ። * 35 አንቴ አንቴ ገደን ሰቁቲኮ አንቴ ታና ካሊዛይታ ገዲዳይሳ አሲ ወሪ ኤራና” ገደሰ።

ጴጥሮሲ አዛ ካዳናይሳ ዩሱሲ ካሴቲዲ ዮቲዳሰ (ማቶ 26:31-35፤ ማር 14:27-31፤ ሉቃ 22:31-34)

36 ሄሳፌ ጉዬ ሲሞና ጌቲቲዛ ጴጥሮሲ ዩሱሳ “ጎዶ! ኔ አዋ ባኔ?” ገዲ ኦይቸዳሰ። ዩሱሲ ቃሴ “ታ ቢዛሰ ኔ ሃዒ ታና ካላና ዳንዳያካ ሸን ጉዬፔ ኔ ታና ካላና” ገደሰ።

37 ጴጥሮሲ “ጎዶ! ታ ኔና ሃዒ ካላናሰ እይሰ ዳንዳዬኪና? ሃራይ አቶሺን ታኒ ታ ሸምፖካ ኔ ገሽ አላ አማና” ገደሰ።

38 ዩሱሲካ ዛሪዲ “ኔኒ ኔ ሸምፖ ታ ገሽ አላ አማኔ? ታ ኔሰ ቱሙ ገይሰ፤ ሃቸ ኩቶይ ዋሳናፔ ካሴታዳ ኔ ታና ሂቸቶ ካዳና” ገደሰ።

14

ዩሱሲ አዋኮ ጋሊዛ ኦጌ

1 ካሌሊድካ ዩሱሲ “አንቴ ዋዛናይ ማቶቶፖ፤ ያሴ አማኒቲ፤ ታናካ አማኒቲ። 2 ታ አዋ አቻን ዳር ዲሳሰይ ዳሰ፤ ሄሳ ገደንታኮ “አንቴሰ ዳናሶ ገሊሳናሰ ታ ባና ጋናሸን። 3 ባዳ ታ አንቴሰ ሶ ገሊሲዳፔ ጉዬ አንቴ ታ ዲዛሰን ዳና ማላ ታ ሲማ ያዳ አንቴና ኤካና። 4 ታ ቢዛ ኦጌ አንቴ ኤሬታ” ገደሰ።

5 ቶማሲ “ጎዶ! ኔ አዋ ቢዛኮኔ ኑ ኤርኮሺን፣ አጌዛ ኑ ዋሰቲ ኤራናሰ ዳንዳዬዚን?” ገደሰ። 6 ዩሱሲካ አዛሰ “ኦጌይ፣ ቱማይ፣ ዴያይካ ታና፤ ታ ባጋራ ገዲኮፌ አቲን እኒካ አዋኮ ባና አሲ ዳና። 7 አንቴ ታና ኤሪዛኮ ታ አዋካ ኤራናኮሺን፤ ሃዒ ሃይሳፌ ጉዬ አንቴ አዛ ኤራና፤ አዛ ቤያካ ቤይዳታ” ገ ዛሪዳሰ። 8 ፒሊጶሲ “ጎዶ! ኔ ኑና አዋ ቤሰኮ ኑሰ ገዳና” ገደሰ።

9 ዩሱሲካ አዛሰ “ፒሊጶሳ! ሃይሳ ጋካናሰ ታ አንቴናራ ዴዒንካ ኔ ታና ኤሪኪ? ታና ቤዩዳይይ አዋካ ቤይዳሰ፤ ሂሰቲን ኔኒ ዋናዳ ኑና አዋ ቤሳ ጋይ? 10 ታኒ ታ አዋን፣ ታ አዋይካ ታናን ዲዛይሳ አማኒኪ? ታ አንቴሰ ዮቲዛ ቃላ ዮቲዛይ ታ ሸኔ ማላ ዳና፤ ገደ አቲን ኦሶዛ ወርሲ ኦሊዛይ ታናን ዲዛ ታ አዋ። 11 ታኒ አዋን ዲዛ ማላ፣ አዋይካ ታናን ዲዛይሳ አንቴ አማኒቲ፤ አካይ ገኮ ታ ኦሊዛ ኦሶታ ገሺካ ታና አማኒቲ። 12 ታ አንቴሰ ቱሙ ገይሰ፤ ታና አማኒዛዴይ ታ ኦሊዛ ኦሶ ኦፋና፤ ሃሳፌካ አሊ ኦፋና፤ ጋሶይካ ታኒ አዋኮ ባና። 13 አዋይ ናዛ ጋሶን ቦንቸታና ማላ አንቴ ታ ሱንፋን ዋሲዳይሳ ታ አንቴሰ ወርሳ ኦፋና። 14 አንቴ አይ ሚሸካ ታ ሱንፋን ዋሲዳይሳ ታ ወርሳ ኦፋና።

ዩሱሲ ዓሎ አያና ገሽ አሚዳ ሂደታ

15 “አንቴ ታና ደሲዛ ገዲኮ ታ አዛዘዮ ናገቲ። 16 ታኒ አዋ ዋሳና፤ አዚካ አንቴናራ ሚርናሰ ዳና ማላ ሃራ አንቴና ሚንጤፋናዴ አንቴሰ አማና። 17 ሃይሲ ሚንጤሊዛ አያናይ ዴሬ አሳይ አዛ ቤዩ ኤርንታ ገሽ አላሚይ ኤካናሰ ዳንዳዮንታ ቱሙ አያና፤ ገደ አቲን አንቴ አዛ ኤሬታ፤ ጋሶይካ አዚ አንቴናራ ዲዛ ገሸኔ አዚ አንቴ ጋላን ዲዛ ገሻሳ።

18 “አዋይኔ አያ ባይንዳ ናይታ ማላ ታ አንቴና ፃላላ አገኬ፤ ታ ሲማዳ ሃ አንቴኮ ያና። 19 ጉፋ ዋዴፔ ጉዬ ዴሬ አሳይ ታና ቤዩና ሸን አንቴ ገዲኮ ቤያንዳታ፤ ታኒ ዴያን ዲዛ ገሽ አንቴካ ዴያን ዳንዳታ። 20 ታኒ ታ አዋን ዲዛ ማላ አንቴካ ታናን ዲዛይሳኔ ታካ አንቴናን ዲዛይሳ አንቴ ሃ ዋዴ ኤራንዳታ።

21 “ታ አዛዘ ኤኪዲ ኦሊዛዴይ ታና ደሴሰ፤ ታና ደሴዛዴካ ታ አዋይ ደሴሰ፤ ታካ አዚ ደሳና፤ ታናካ አዚዳሰ ቆንጮሳና” ገደሰ።

22 አስቆርንቶ የሁዳ ገደንታ ሃንኮ የሁዳይ “ጎዶ! ኔኒ አላሜ አሳሰ ገደንታ ኑሰ ዋሰታ ቆንጮሳኔ?” ገደሰ።

23 ዩሱሲካ አዛሰ “ታና ሰቁዛዴይ ታ ቃላ ናጋና፤ ታ አዋይካ አዛ ደሳና፤ ኑኒ አዛኮ ያና፤ ዩዲካ አዛዴራ አሲፌ ዳና። 24 ታና ደሶንታዴይ ታ ቃላ ናጌና፤ ሃይሲ አንቴ ሲዩዛ ቃላይ ታና ከቲዳ ታ አዋ ቃላፔ አቲን ታ ቃላ ገዳና።

25 “ታኒ ሃዒ አንቴናራ ዳሸ ሃይሳ አንቴሰ ዮታዲሰ። 26 አዋይ ታ ሱንፋን ዩዳና ሚንጤሊዛ ዓሎ አያናይ ቃሰ

* 13:33 የሃ 7:34 * 13:34 የሃ 15:12፣17፤ 1ዮሃ 3:23፤ 2ዮሃ 5

ሃረዝ ወርሲ እንጅና ታማርሳና፤ ታ እንጅና የቶይሳካ ወርሲ እንጅ ዋዝናን ዋላ ማላ ማዳና።

27 “ታ እንጅና ሳርቴላ ገደ አጋዳ ባይሰ፤ ታ ሳርቴላካ ታ እንጅና እማና፤ ታ እንጅና እማና ሳርቴላ አላማይ እማና ሳርቴላ ማላ ዳና። እንጅ ዋዝናይ ሂርጎሬኔ ባሰፎ።

28 “ ታ ባና፤ ባዳካ እንጅና ሰማ ያና፣ ጋዳ ታ እንጅና ካሴ የቲዳይሳ ሲዩዳታ፤ እንጅ ታና ደሲዛኮ ታኒ ታ አዋኮ ቢዛይሲ እንጅና ኡፋይሳናኮሺን። ጋሶይካ አዋይ ታፔ አዴሰ። 29 ሃይሲ ሃረዝ ዋዳ እንጅ እማናና ማላ ሃይሳ እንጅና ካሴታ የታዲሰ። 30 ሃይሳ አላማይ ሃሪዛ ያላዳይ ዩዛ ዋዳይ ጋኪዳ ገሽ ሃሲ ታ እንጅናራ ዳር ሃሳይኬ፤ እዚ ታ ቦላ አይኮካ ኦላናሰ እዛሰ ዋልቃይ ዳና። 31 ገደ አቲን ታኒ አዋ ደሲዛይሳ አላማይ ኤራና ማላ አዋይ ታና አዛዚዳይሳ ታ ወርሳ ፖላና። እኔ ሃይሳፊ ቦሰ፤ ዳንዲቲ” ገደሰ።

15

ዩሱሲ ቱሙ ዋይኔ ሚላሰ አና

1 ቃሴካ ዩሱሲ “ቱሙ ዋይኔ ሚላ አናይ ታና፤ አታኪልቴዛ አሳንቻይ ታ አዋ። 2 ታ ቦላ ዲሼ አይፊ አሞንታ ሃጋ ወርሲ ታ አዋይ ቃንፃ ዲጋና፤ አይፊዛ ሃጋ ጉጂ አይፋና ማላ ቁርፃ ገሻና። 3 ታ እንጅና የቲዳ ቃላ ጋሶን እንጅ ሃሲ ገሻታ። 4 ታናን ዲቲ፤ ታካ እንጅናን ዳና፤ ሃጋይ ዋይኔ አና ቦላ ደንታ አገኮ ባርካ አይፊ አይፋና ዳንዳየንታይሳ ማላ እንጅና ታናን ደንታ አገኮ አይፊ አይፋናሰ ዳንዳይኬታ።

5 “ታኒ ዋይኔ ሚላሰ አና፤ እንጅ ቃሰ ሃጋታ፤ ዳር አይፊ አይፊዳይይ ታናን ዲዛይኔ ታካ እዛን ዲዛይ፤ ጋሶይካ ታ ባይንዳ እንጅ አይኮካ ኦላናሰ ዳንዳይኬታ። 6 ታናን ባይንዳይይ ቃንፃቲዲ ዋራ ዩጌቲዳ ሃጋ ማላ ካሬ ዩጌቲዲ ሄን ሚላና፤ ሄይታ ማላ ሃጋቲ እሲ ቦላ ሸቁዲ ታማን ዩጌታናኔ ኤፃና። 7 እንጅ ታናን ዲኮ ታ ቃላይካ እንጅናን ዲኮ እንጅ ኮዩዳይሳ አይቺኮ ዳማና። 8 ዳር አይፊ እንጅ አይፊሺን ታ አዋይ ቦንቼቲሰ፤ እንጅ ታና ካሊዛይታ ገዲዳይሲ ሃሳን ኤሬታና።

9 “አዋይ ታና ደሲዳይሳ ታካ እንጅና ደሳዲሰ፤ ሃሳ ገሽ እንጅ ታ ሲቆን ዲቲ። 10 ታኒ ታ አዋ አዛዘ ፖሊዳ እዛ ሲቆን ዲዳ ማላ እንጅና ታ አዛዘ ፖሊኮ ታ ሲቆን ዳና። 11 ሃይሳ ታ እንጅና የቲዳይ ታ ኡፋይሲ እንጅናን ገዳና ማላኔ እንጅ ኡፋይሲካ ኩሚላ ገዳና። 12 ታ እንጅና እማና አዛዘይ ታ እንጅና ሲቁዳ ማላ እንጅና እንጅ ገደን እሲይ አሳራ ሲቁታና። * 13 አሲ ባ ላጌሰ ባ ሸምፖ አሊ አሞፔ አጂዛ ሲቆይ ዳና። 14 ታ እንጅና አዛዚዳይሳ ኡባ እንጅ ፖሊኮ እንጅ ታ ላጌታ። 15 አሸካራይ ጎዳይ አሊዛይሳ ኤርንታ ገሽ ሃይሳፊ ጉዬ ታ እንጅና አሸካራታ ገኬ። ገደ አቲን ታኒ ታ አዋፔ ሲዩዳይሳ ወርሳ እንጅና ቆንጨሲዳ ገሽ ታ እንጅና ታ ላጌታ ጋዲሰ። 16 ታ እንጅና ደራዲሰ አቲን እንጅ ታና ደሪቤኬታ፤ እንጅ ቢዲ ዳር አይፊ አይፋና ማላ እንጅ አይፊይ ኤቁ ዳና ማላ ታ እንጅና ዋላዲሰ፤ ሃሳ ገሽ እንጅ ታ ሱንላን ዋሲዳይሳ ወርሲ አዋይ እንጅና እማና። 17 ሃሳ ገሽ እንጅ እንጅ ገደን እሲይ አሳራ ሲቁታና ማላ ታ እንጅና አዛዛይሰ።

ዩሱሲ ባና ካሊዛይታ አላማይ አፃናይሳ የቲዳሰ

18 “ካሌሊዲካ ዩሱሲ እንጅና አላማይ አጂኮ እንጅና ካሴ ታና ኢዲዳይሳ ኤሪቲ። 19 እንጅና እማናንታ አላማይ አሳ ገዲኮ አላማይ አሳይ ባ ባጋ ገዲዳይ ደሴሰ። ገደ አቲን እንጅ አላማይ ባጋ ገደንታ ገሽ ታ እንጅና አላማይ ሻካዳ ደሪዳ ገሽ ዳሬይ እንጅና አፃሰ።

20 “አሸካራይ ጎዳይ አዴና፣ ጋዳ ታ ካሴ እንጅና የቶይሳ ዩሺ ቆፒቲ፤ አሰቲ ታና ጎዲዛይቲ እንጅናካ ጎዳና፤ አሰቲ ታ ቃላ ናገዛኮ እንጅ ቃላ ናጋና። 21 አሰቲ ታና ከቲዳይ ኤርንታ ገሽ ታ ጋሶን እንጅ ቦላ ሃሳ ወርሲ አላና። 22 ታ ያዳ አሰታሰ የቶንታኮ አሰታሰ ናጋራ ገደና። ሃሲ ቃሰ አሰታ ናጋራሰ ሃና ገዛ ጋሶይ ባዋ። 23 ታና ኢዲዳይ ታ አዋካ አፃሰ። 24 ሃራ አሲ ኦላንታ ኦሶ ታ አሰታ ገደን ኦላንታኮ አሰታሰ ናጋራ ገደናሺን፤ ሃሲ አሰቲ ሃሳ ወርሲ ቤዩዳፔ ጉዬ ታናካ ታ አዋካ አፃዳ። 25 ሄሲካ ሃረዳይ ካሴ ‘ታና ጋሶይ ባይንዳ ዲሺን አፃዳ’ ጌቲቲዲ አሰታ ዋጋን ፃፊቲዳ ቃላይ ፖሊታና።

26 “ገደ አቲን አዋፔ ኬዚዲ ያናይሰ ታካ ታ አዋ አቻፊ እንጅና ዩዳናይሰ ቱማ አያናይ ሚንሌሊዛይሰ ዩዲ እዚ ታ ገሽ ማርካታና። 27 እንጅ ኮይርፔካ ታናራ ዲዛ ገሽ ታሰ እንጅና ማርካታንዳታ” ገደሰ።

16

1 ቃሴካ ዩሱሲ “ሄኮ ሃይሳ ወርሳ ታ እንጅና እንጅና እማናይ ያርክ ያርኮፎ ጋዳ የታዲሰ። 2 አሰቲ እንጅና ባ ኬላፊ ጎዳና፤ ሃራይ አቶሺን እንጅና ዋጂዛይይ ወሪ ያሳሰ አሊዛይ ሚሳቲዛ ዋዳይ ያና። 3 አሰቲ ሃሳሶ አሊዛይ ታናካ ታ አዋካ ኤርንታ ገሻሳ። 4 ታ ሃይሳ እንጅና ሃራ የቲዛ ዋዳ እንጅ ታ እንጅና ገደይሳ ቆፓና።” ገደሰ። ካሌሊዲካ ዩሱሳ “ሃይሳ ወርሳ ታ እንጅና የቶንታ አገዳይ ታ እንጅናራ አሲፊ ዲዛ ገሻሳ።

ፂሎ አያና አሶ

5 “ሃሲ ቃሴ ታና ከቲዳይሳኮ ባና ጋይሰ፤ ገደ አቲን እንጅና ኦኒካ ‘ኔ አዋ ባኔ?’ ገዲ አይቻናይ ባዋ። 6 ገደ አቲን ሃይሳ ወርሳ ታ እንጅና የቲዳ ገሽ እንጅና ዋዝናይ ሙዛቲሰ። 7 ታ ቃሴ እንጅና ቱሙ ጋይሰ፤ ታ ቡሲ እንጅና ጎዳ ገዳና፤ ጋሶይካ ታ ቦንታ አገኮ ሚንሌሊዛ አያናይ እንጅና ዩና። ታ ቢዳፔ ጉዬ እዛ እንጅና ዩዳና። 8 እዚ ዩዲ አሳ ናጋራ ገሽኔ ፂሎቲላ ገሽ ቃሴካ ፐርዳ ገሽ ኤሪሳና። 9 አሳ ናጋራ ገሽ እዚ ኤሪሳናይ አሳይ ታና እማናንታ ገሻሳ። 10 ፂሎቲላ ገሽ እዚ አሳ ኤሪሳናይ ታኒ ታ አዋኮ ቢዛ ገሽኔ ቃሴ ናምዳንሎ እንጅ ታና ቤዩንታ ገሻሳ። 11 ፐርዳ ገሽ እዚ ኤሪሳናይ ሃይሳ አላማይ ሃሪዛይሳ ቦላ ፐርዳቲዳ ገሻሳ።

12 “ታ እንጅና ቡር የታና ዳር የፆይ ዳሰ፤ ገደ አቲን ሃሲ እንጅና ዳፃና። 13 ቱማ አያናይ ዩዲ እንጅና ቱማይ ዲዛሶ ካሌላና፤ ጋሶይካ እዚ ሲዩዳይሳ የታና አቲን ባፔ ገደንታ ገሽ እዚ ሲንላፊ ሃናና የፆታ እንጅና የታና። 14 ታሰ ዲዛይሳፊ ኤኪዲ እዚ እንጅና የቲዛ ገሽ ታና ቦንቻና። 15 አዋሰ ገዲዳይ ወሪካ ታይሳ፣ ‘ታሰ ገዲዳይሳፊ ኤኪዲ እዚ እንጅና የታና ታ ገዳይ ሃሳሳ” ገደሰ።

እንጅ ሙዛቲላ ኡፋይሳን ላማታና

* 15:12 ጥሃ 13:34፤ 15:17፤ 1ጥሃ 3:23፤ 2ጥሃ 5

16 ዬሱሲ ጉጂዲ “ጉላ ዋዴፕ ጉዬ እንቴ ታና ቤዬኬታ፤ ቃሴካ ጉላ ዋዴፕ ጉዬ እንቴ ታና ቤያና” ገዴሰ።

17 እዛ ካለዛይታፕ ባጋቴ ባ ገዴን “ሃይሲ ኑስ ጉላ ዋዴፕ ጉዬ እንቴ ታና ቤዬኬታ፤ ቃሴካ ጉላ ዋዴፕ ጉዬ እንቴ ታና ቤያና፤ ቃሴ ታ ኣዋኮ ባና፣ ጉሲ ኣይ ጉሴ?” ገዴ። 18 “ሂሰቲን ሃይሲ ጉላ ዋዴፕ ጉዬ፣ ገዛይሲ እዚ ኣዜ? እዚ ዮቲዛይሲ ኑስ ኤሬቴና” ገዴ ባ ገዴን ዛሪ ዛሪ ኣይሾቲዳ።

19 ኢስቲ እዛ ኣይቻናይሳ ዬሱሲ ኤሪዲ ኢስታስ ሂዘገዴስ “እንቴ እንቴ ገዴን ኢሶይ ኢሳሪ ኣይሾቲዛይ ታ እንቴስ ጉላ ዋዴፕ ጉዬ እንቴ ታና ቤዬኬታ፤ ቃሴካ ጉላ ዋዴፕ ጉዬ እንቴ ታና ቤያና፣ ገዴ ገሻሴ? 20 ታ እንቴስ ቱማ ጋይሰ፣ እንቴ ዋሳና ክካናሺን ኣላሚይ ገዴኮ ኡፋይታና። እንቴ ሙዞቲሺን እንቴ ሙዞይ ኡፋይሳን ላሚታና። 21 ማጫሲ ዬሎ ዋዴይ ጋኪሺን ሚፃስ ሂርጋወስ ሺን ና ዬላ ዬገዳፕ ጉዬ ቢታ ቦላ ናይ ዬሌቲዳ ገሽ ኡፋይሳፊ ዴንዲዳይሳን ካሴ ባ ዋይዳይሳ ዛሪ ቆፑኩ። 22 ሄሳላ እንቴካ ሃሲ ሙዞቲታ፤ ቃሴ ታ እንቴና ቤያና እንቴ ዋዞናይካ ኡፋይታና፤ እንቴ ኡፋይሳ ዛሪ ኤካናይይ ዴና።

23 “እንቴ ሄ ዋዴ ታፕ ኣይኮካ ዋሴኬታ፤ ታ እንቴስ ቱሙ ጋይሰ፤ ታ ሱንላን ታ ኣዋ ዋሲኮ እዚ እንቴስ ወርሲካ እማና። 24 ሃና ጋካናስ እንቴ ታ ሱንላን ኣይኮካ ዋሲ ኤሬኬታ፤ ዋሲቲ እንቴ ኤካና፤ እንቴ ኡፋይሳይካ ኩሚላ ገዴና።

25 “ሃሲ ጋካናስ ታ እንቴስ ለሚሶራ ዮታዲስ ሺን ሃይሳፊ ጉዬ ታ ለሚሶራ ዮቶንታ ዋዴይ ያና። ገዴ ኣቲን ኣዋ ገሽ እንቴስ ወርሳ ቆንጨሳ ዮታና። 26 ሄ ዋዴ እንቴ ታ ሱንላን ዋሳና፤ ታካ ኣዋ እንቴ ገሽ ዋሳና ገኪ። 27 ጋሶይካ ኣዋይ ባ ባጋራ እንቴና ደሲዛ ገሻሳ። ኣዋይ እንቴና ደሲዛይ እንቴ ታና ደሲዛ ገሻሳ፤ ታ ያሳ ኣቻፊ ዬዳ እንቴ ኣሚኒዳ ገሻሳ። 28 ታኒ ኣዋ ኣቻፊ ኬዛዳ ሃይሳ ሃ ኣላሚ ያዲሲኔ ቃሴካ ሃ ኣላሚዛ ኣጋዳ ኣዋኮ ታ ሲማ ባና” ገዴሰ

29 እዛ ካለዛይታ “ሂኮ ኔ ሃሲ ለሚሶ ገዴንታ ኑስ ቆንጨራ ዮታዳሳ። 30 ኔ ወርሳ ኤሪዛ ማላኔ ኣኒካ ኔና ኣይቻናስ ኮሾንታይሳ ሃሲ ኑ ኤሪደስ። ሃሳ ገሽ ኔ ያሳ ኣቻፊ ኬዚዳይሳ ኑ ኣማናስ” ገዴ።

31 ዬሱሲ ኢስታስ “እንቴ ሃሲ ኣሚኒዳታ፤ 32 ገዴ ኣቲን እንቴ እንቴ ባጋራ ባጋራ ላሌቲዲ ታና ያላ ኣጋና ዋዴይ ጋኪዴስ፤ ሄ ሳቴያካ ሃሲ ጋካዲስ። ገዴ ኣቲን ኣዋይ ታናራ ገዴዳ ገሽ ታ ታርካ ዲኬ። 33 ታ ሃይሳ እንቴስ ዮቲዛይ እንቴ ታናን ዴሲን እንቴስ ሳርቴሊ ዳና ማላ ጋዳ ዮታይሰ። እንቴ ሃ ኣላሚን ዲሺን እንቴስ ዋዬይ ዴስ፤ ገዴ ኣቲን ኣይኮይ ባ ታ ኣላሚ ዮናዲስ” ገዴሰ።

17

ዬሱሳ ዋሳ

1 ዬሱሲ ሃሳ ገዴፕ ጉዬ ፑዴ ሳሎ ቶቁ ገ ያሊዲ “ታ ኣዋወ! ሂኮ ሃሲ ሳቴይ ጋኪዴስ፤ ኔ ናይ ኔና ቦንቻና ማላ ኔኒ ኔ ናዛ ቦንቻ። 2 ኔ ቦንቻናይካ ኔ ኢዛስ ኣሚዳይታስ እዚ ሜርና ዴዎ ኣማና ማላ ኔ ኢዛስ ኣሳ

ኡባ ቦላ ጎዳቴላ ኣሚዳ ገሻሳ። 3 ሚርና ዴዎይካ ኔ ያላላ ቱሙ ያሳኔ ኔ ኪቲዳ ዬሱሲ ኪርሰቶሳ ኤር ጉሳ። 4 ኔ ታስ ኣሚዳ ኦሶ ታኒ ወርሳዳ ሃ ቢታ ቦላ ኔና ቦንቻዲስ። 5 ታ ኣዋወ! ኣላሚይ ሚዴታናፕ ካሴ ታስ ኔናራ ዲዛ ቦንቻን ሃሲካ ታና ኔ ኣቻን ቦንቻርኪ።

6 “ሃይሳ ኣላሚ ኣሳፕ ኔ ታስ ደራዳ ኣሚዳ ኣሳታስ ኔ ኣናኮኔ ታ ኢስታስ ኔና ቆንጨሳዲስ፤ ኢስቲ ካሴካ ኔይታ ሺን ኔ ታስ ኣሚዳሳ፤ ኢስቲካ ኔ ቃላ ናገዴ። 7 ኔ ታስ ኣሚዳይሲ ወርካ ኔፕ ገዴዳይሳ ኢስቲ ሃሲ ኤሪዳ። 8 ኔ ታስ ኣሚዳ ቃላታካ ኢስታስ ኣሚዳሰ፤ ኢስቲካ ኤኪዳ፤ ታ ኔ ኣቻፊ ዩዳይሳ ኢስቲ ቱማፕ ኤሪዳ፤ ኔ ታና ከቲዳይሳካ ኢስቲ ኣሚኒዳ።

9 “ታ ኢስታስ ዋሳይሰ፤ ሄይቲ ኔ ታስ ኣሚዳይቲ ኢስቲ ኔይታ ገዴዳ ገሽ ታ ኢስታስ ዋሳይሰ፤ ገዴ ኣቲን ሃንኮ ኣላሚ ኣሳስ ዋሲኬ። 10 ታስ ገዴዳይ ወርካ ኔይሳ፤ ኔይሲ ወርካ ታይሳ፤ ታካ ኢስታን ቦንቻታና። 11 ሃይሳፊ ጉዬ ታኒ ሃይሳ ኣላሚ ቦላ ዲኬ፤ ኢስቲ ገዴኮ ሃ ኣላሚ ቦላ ዴቴሰ። ሃሲ ታ ኮኮ ባይሰ፤ ገሻ ታ ኣዋወ! ሃይታ ኔ ታስ ኣሚዳይታ ኢስቲ ኑ ማላ ባ ገዴን ኢሲኖ ገዴና ማላ ኔ ታስ ኣሚዳ ኔ ሱንላን ኢስታ ናጋ።

* 12 ታ ኢስታራ ኢሲፊ ዳሼ ኔ ታስ ኣሚዳ ኔ ሱንላን ታ ኢስታ ናጋዲሰ፤ ሃሳ ገሽ ካሴ ያሬቲዳ ገኤሻ ማፃፋ ቃላይ ፖሌታና ማላ እዚ ካሴካ ቆዮሰ ዲዛ ናዛፕ ኣቲን ኢስታፊ ኦኒካ ዳይቤና። † 13 ታ ቃሴ ሃሲ ኮኮ ባይሰ፤ ታ ሃ ኣላሚዛ ቦላ ዳሼ ሃይሳ ዮቲዛይ ታ ኡፋይሲ ኢስታን ፖሌታና ማላ ጋዳ ዮታይሰ። 14 ታኒ ኔ ቃላ ኢስታስ ኣሚዳሰ፤ ታኒ ሃ ኣላሚ ኣስ ገዴንታይሳ ማላ ኢስቲካ ሃ ኣላሚ ኣስ ገዴቴና። ሃሳ ገሽ ሃ ኣላሚ ኣሳይ ኢስታ ኢዲዴስ። 15 ኔ ኢስታ ኢታፕ ናጋና ማላ ታ ኔና ዋሳይሰ ኣቲን ኔ ኢስታ ሃ ኣላሚፕ ዴንላ ኤፋና ማላ ታ ኔና ዋሲኬ። 16 ታኒ ኣላሚ ኣስ ገዴንታይሳ ማላ ኢስቲካ ሃ ኣላሚ ኣስ ገዴቴና። 17 ኔ ኢስታ ኔ ቱማን ኔስ ሻካ፤ ኔ ቃላይካ ቱሙ ቃላ። 18 ኔ ታና ሃ ኣላሚ ከቶይሳላ ታካ ኢስታ ኣላሚዛ ቦላ ከታዲስ። 19 ኢስቲ ቱማፕ ኔስ ዲማ ኣስ ገዴዳ ማላ ታኒካ ታና ኢስታ ገሽ ዲማሳይሰ።

20 “ኢስታ ቃላ ማርካቴላን ታና ኣማናይታ ገሻራ ታ ኔና ዋሳይሰ ኣቲን ታ ኔና ኢስታ ገሽ ያላላ ዋሲኬ። 21 ታ ዋሲዛይ ኢስቲ ወርካ ኢሲኖ ገዴና ማላሳ። ታ ኣዋወ! ቃሴካ ኔ ታናን ዲዛ ማላ ኢስቲካ ኑናን ገዴና ማላኔ ኔ ታና ከቲዳይሳ ሃ ኣላሚይ ኣማናና ማላ ታ ኔና ዋሳይሰ። 22 ኦኒ ኑ ገዴን ኢሲኖ ገዴዳ ማላ ኢስቲካ ባ ገዴን ኢሲኖ ገዴና ማላ ኔ ታስ ኣሚዳ ቦንቻዛ ታካ ኢስታስ ኣሚዳሰ። 23 ታ ኔና ዋሲዛይ ታ ኢስታን፤ ኔካ ታናን ገዴዳ ማላ ኢስቲካ ኩሚላ ኢሲኖ ገዴና ማላሳ። ቃሴካ ኔኒ ታና ከቲዳ ማላኔ ታና ኔ ሲቁዳ ማላ ኢስታካ ኔ ሲቁዳይሳ ኣላሚ ኣሳይ ኤሪናሳ።

24 “ታ ኣዋወ! ኔ ታና ሃይሲ ኣላሚይ ሚዴታናፕ ካሴ ደሲዳ ገሽ ኔ ታስ ኣሚዳ ታ ቦንቻዛ ኢስቲ ቤያና ማላ ሃይታ ኔ ታስ ኣሚዳይቲካ ታ ዲዛሰን ታናራ ዳና ማላ ደሳይሰ። 25 ያሎ ገዴዳ ታ ኣዋወ! ኔና ኣላሚይ ኤሪቤና፤ ታ ገዴኮ ኔና ኤሪይሰ፤ ሃይቲካ ኔ ታና ከቲዳይሳ ኤሪዳ። 26 ኔ ታና ሲቁዳ ሲቆይ ኢስታን ገዴና ማላኔ ታካ ኢስታን ገዴና ማላ ኢስቲካ ኔና

* 17:11 ኔ ታስ ኣሚዳ ሱንላን ኢስታ ናጋ ኢሲ ኢሲ ገሻ ማፃፋታ ቢርሼሳይ “ኔ ታስ ኣሚዳ ኡባ ኔ ሱንላን ናጋ” ገቴሰ። † 17:12 ኔ ታስ ኣሚዳ ኔ ሱንላን ኢስታ ናጋዲስ ኢሲ ኢሲ ገሻ ማፃፋቲ “ኔ ታስ ኣሚዳ ኡባ ኔ ሱንላን ታ ኢስታ ናጋዲስ” ገሰ።

ኤራና ማላ ኦላዲስ። ቃሴካ ኢስቲ ኤራና ማላ ኦላና” ገደሰ።

18

ዩሱሲ ባ ሞርኬታ ኩሼን አፄ አሜቲዲ ኦይኬቲደስ (ማቶ 26:47-56፤ ማር 14:43-50፤ ሉቃ 22:47-53)

1 ሃሳ ወርሲ የተዳፀፀ ጉዬ ዩሱሲ ባና ካሊዛይታራ ቁዳሮን ጌቲቲዛ ሾባ ፒኒዲ አታኪልቲ ገደ ጌሊደስ። * 2 ዩሱሲን ኢዛ ካሊዛይቲ ካሴካ ሄ ጋዴዪን ዳር ዎዴ ኢሲፌ ሸቂዛ ገሽ ዩሱሳ አሊ አሚዳ የሁዳይ ሄ ጋዴዮ ካሴካ ኤሬስ። 3 ሃሳ ገሽ የሁዳይ ዎታዳራታ፣ ቁሴታ ሃላቃታኔ ፋርሳዎታ፤ ከቲቲ ዪዳ አሸካራታ ወርሲ ካሌሊ ኤኪዲ ሄ ኢስቲ ሸቂዛሶ ዪደስ። ኢዛራ ዪዳ አሳይ ፓኖሴ፣ ያምፔ፣ ማሻኔ ቶራ ኦይኪዲ ዪደስ። 4 ዩሱሲ ባ ቦላ ጋካናይሳ ወርሲ ኤሪዲ ዪዳ አሳኮ ቢዲ “ኦና ኮዬቲ?” ገደሰ።

5 ኢስቲ ቃሴ “ናዚሬቲ ዩሱሳ ኮዮስ” ገደ። ኢዚካ ኢስታስ “ታኒ ኢዛ” ገደሰ። ኢስታስ አሊ አሚዳ የሁዳይ ኢስታራ ኢሲፌ ኤቂደስ። 6 ዩሱሲ “ታ ኢዛ” ገደ ማላ አሳቲ ጉዬ ጋንዲጋሪዲ ቢታ ቦላ ኩንዲዳ። 7 ዩሱሲ ሃዲካ “ኦና ኮዬቲ?” ገደ ኦይቺን ኢስቲ ዛሪዲ “ናዚሬቲ ዩሱሳ ኮዮስ” ገደ። 8 ኢዚካ ዛሪዲ “ታኒ ኢዛኮ! ሂስቲን ኢንቲ ኮዩዛይ ታና ገዲኮ ሃይቲ ቤቶ ቦቾፍቲ” ገደሰ። 9 ሄሲ ሃኒዳይ “ታ አዋወ! ኔ ታስ አሚዳይታ፤ አሳዳካ ታ ጳይሳቤይኬ” ገደ ቃላይ ፖሊታና ማላሳ።

10 ሲሞና ጌቲቲዛ ጳጳርሲ ገላ ማሻ ኦይኪዳ ገሽ ማሻ ኮሆፔ ሾዲዲ ኢሲ ቁሴታ ሃላቃ አሸካራ ዲዛይሳ ሃይሌ ማሻራ ቃንጂ ዩጌደስ። ሄ አሸካራዛ ሱንላ “ማልኮሳ” ጌቲቲስ። † 11 ዩሱሲ ቃሴ ጳጳርሳ “ኔ ማሻ ጌዴ ኮሆን ዛራ ጌልላ። አዋይ ታስ አሚዳ ዋዬ ኡሻ ታ ኡዮንታ አጋና ሚሳቲዜ?” ገደሰ። *

ዩሱሲ ቁሴታ ሃላቃ ሃና ሲንላ ሸቂደስ

12 ሄሳፌ ጉዬ ዎታዳራቲ፣ ኢስታ አዛዚዛይሲኔ አይሁዳታ አሸካራቲ ዩሱሳ ኦይኪዲ ቃቺዳ። 13 ኮይሮ ሄ ሳይላን ቁሴታስ ሃላቃ ቃያፋ ቦሎ ሃናኮ ኤፊዳ። 14 ቃያፋይ “ዴሬ ገሽ አሳዳይ ሃይቂኮ ሎዎ” ገደ አይሁዳታ ዳናታ ካሴ ዛሪዳዳ። *

ጳጳርሲ ዩሱሳ ካዲደስ

(ማቶ 26:69-70፤ ማር 14:66-68፤ ሉቃ 22:55-57)

15 ሲሞና ጌቲቲዛ ጳጳርሲኔ ዩሱሳ ካሊዛይታ፤ አሳዳይ ዩሱሳ ካሊዳ። ሃሳዳይ ቁሴታ ሃላቃ አቻን ኬሂ ኤሬቲዳዳ። ሃሳ ገሽ ዩሱሳራ ኢሲፌ ቁሴታ ሃላቃዛ ገቤ ጌሊደስ። 16 ጳጳርሲ ገዲኮ ፔንጌሬ ካሪ ባጋራ ኤቂደስ። ቁሴታ ሃላቃ አቻን ኬሂ ኤሬቲዳዳ ዩሱሳ ካሊዛይሲ ዪዲኔ ፔንጌን ዲዛ ጋራዴያ ጳጳርሳ ገቤ ገደ ጌልላና ማላ የተዲ ጳጳርሳ ኤኪ ጌሊደስ። 17 ፔንጌ ናገዛ ጋራዴያ ጳጳርሳ “ኔካ ሃሳ አዳዛ ካሊዛ

አሳታፔ ኢሳ ዲኪ?” ጋዲሰ። ኢዚ ቃሴ “ታኒ ኢዛ ካሊዛይ ገዲኬ” ገደሰ።

18 ዎዴይ ሜገዛ ዎዴ ገዲዳ ገሽ ኦሳንቻቲኔ አሸካራቲ ታማ ኤሊዲ ኤቆን ሆዴቲስ። ጳጳርሲካ ኢስታራ ኤቂዲ ሆዴስ።

ቁሴታ ሃላቃ፤ ዩሱሳስ ሸቂዳ ኦይሾ

(ማቶ 26:59-66፤ ማር 14:55-64፤ ሉቃ 22:66-71)

19 ሄ ዎዴ ቁሴታ ሃላቃይ ዩሱሳ ኢዛ ካሊዛይታ ገሽኔ ኢዚ ታማርሲዳ ቲሚርቲ ገሽ ኦይቺደስ። 20 ዩሱሲካ ኢዛስ “ታ አሳ ኡባስ ቆንጩን የታዲስ፤ አይሁዳቲ ሸቂዛ ኢስታ ዎሳ ኬላን ገዲንካ ያሳ ኬላን ታማርሳዲስ፤ ታ ቆታን ሃሳዩዳዚ አይኮይካ ዳና። 21 ሂስቲን ኔ ታና ኦይቺዛይ አዜ? ታ የተሸን ሲዩዳይታ ኦይቻ፤ ታ የተዳይሳ ኢስቲ ኤሬቲስ” ገደሰ።

22 ዩሱሲ ሃሳ ገደ ማላ ሄን ኤቂዳ አሸካራታ፤ ኢሶይ “ቁሴታ ሃላቃስ ሃይሳሉ ዎስታ ዛራይ” ገሽ ዩሱሳ ሻጋላን ባቃ ሻዪደስ።

23 ዩሱሲካ ዛሪዲ “ታ ኢታ ሃሳዩዳ ገዲኮ አኔ ታ ሳይሳ ኔ ማርካታ፤ ታ የተዳይ ሊኬ ገዲኮ ታና አዛስ ባቃይ?” ገደሰ። 24 ሃሳፌ ጉዬ ሃናይ ዩሱሳ ቃቺዳ ማላ ቁሴታ ሃላቃ ቃያፋኮ ዩዲደስ።

ጳጳርሲ ዩሱሳ ዛሪዲ ካዲደስ

(ማቶ 26:71-75፤ ማር 14:69-72፤ ሉቃ 22:58-62)

25 ሄ ዎዴ ሲሞና ጌቲቲዛ ጳጳርሲ ኤቂዲ ታማ ሆዴሽን ሃንኮ አሳይ ኢዛ ሃይሶ! ኔ ዩሱሳ ካሊዛይታ፤ ኢሳ ዲኪ?” ገደ። ኢዚካ ዛሪዲ “ታ ኢዛ ካሊዛይ ዲኬ” ገዲ ካዲደስ።

26 ካሴ ጳጳርሲ ኢዛ ሃይሌ ቃንጂዳይሳ ዳቦይ ቁሴታ ሃላቃ አሸካራታ፤ ኢሶይ “ዎና ታ ኦና አታኪልቲሶን ኢስታራ ዲሺን ቤያቤኪና?” ገደሰ።

27 ጳጳርሲ ቃሴካ ካዲደስ፤ ሄራካ ኩቶይ ዎሲደስ።

ዩሱሲ ጲላዎሳ ሲንላ ሸቂደስ

(ማቶ 27:1-2፤ 11-14፤ ማር 15:1-5፤ ሉቃ 23:1-5)

28 ሃሳፌ ጉዬ ዩሱሳ ቃያፋ ኬላፌ ዴሬ አይሲዛ ካዎዛ ገቤ ማላዶ ዎንታራ ኤኪ ቢዳ። አይሁዳ አሳስ ፓዚጋ ባዓሌ ደርሳ አሾ ሚዛ ዎዴ ገዲዳ ገሽ ባና ቲኒሶንታ ማላ ገዲ ማላዶራ ዴሬ አይሲዛይሳ ገቤ ገደ ጌሊቤቲና። ‡ 29 ሃሳ ገሽ ጲላዎሲ ጌዴ ኢስታኮ ኬዚዲ “ሃይሳ አዳዛ ኢንቲ አዛስ ዎቲቲ?” ገዲ ኦይቺደስ።

30 ኢስቲ ቃሴ “ሃይሲ አዳዚ ኢታ ኦሶንታዳ ገዲዳኮ ኔ ኢዛ ኔስ አሊ አሞኮሽን” ገደ

31 ጲላዎሲካ “ኢንቲ ኢዛ ኤኪ ቢዲ ኢንቲ ዎጋ ማላ ፐርዲቲ” ገደሰ። አይሁዳታ አይሲዛይቲ ቃሴ ዛሪዲ “ኔ ኢሲ ዎቶና ማላ ኩስ ፐቃይይ አሜቲቤና” ገደሰ።

32 ሄሲካ ሃኒዳይ ዩሱሲ ካሴ ኢስታስ ኢዚ ዋኒ ሃይቃናኮኔ የተዳ ቃላይ ፖሊታና ገሻሳ። *

33 ጲላዎሲ ቃሴካ ጉዬ ገቤ ገደ ጌሊዲ ዩሱሳ ዩይገሲዲ “ኔ አይሁዳታ ካዎ?” ገዲ ኦይቺደስ።

* 18:1 ሾባ ገዛይሳ ዙላ ጌቲስ። † 18:10 ኮሆፔ ገዛይሳ ኢሲ ኢሲ ጋዎ አሳይ ሾሆፔ ጌስ። * 18:11 ማቶ 26:39፤ ማር 14:36፤ ሉቃ 22:42 * 18:14 የሃ 11:49-50 ‡ 18:28 ፓዚጋ ገዛይሲ ያሳ ከታንቻይ ኢሰራዔሌ አሳታ ዎቶንታ አሸን ገብጻ አሳ ከታንቻይ ዎቶና ጋሶን ኢሰራዔሌ አሳይ ያሳ ቦንቾ ገሽ ቦንቻዛ ባዓሌ። * 18:32 የሃ 3:14፤ 12:32

34 ዩሱሲካ ዛሪዲ “ኔ ሃሳ ገዛይ ነጅዬ? ዎይኮ ሃራ አሳቲ ታ ገሽ ነስ ዮቲዶ?” ገደሰ። 35 ጲላዎሲካ “ታ አይሁዳ አሴ? ኔና ታስ አሌ አሚዳይቲ ኔ ባጋታኔ ቄሴታ ሃላቃታኮ፤ ኔ አይ አላዲ?” ገደሰ።

36 ዩሱሲካ “ታ ካዎቴሌ ሃይሳ ሃ አላሜ ቦላ ገደሰ። ታ ካዎቴሌ ሃይሳ ሃ አላሜ ቦላ ገዲዳኮ አይሁዳታ ዳናታ ኩሽን ታ ኩንደንታ ማላ ታ አሽካራቲ ታ ገሽ አሌታናኮሽን ታ ካዎቴሌ ገዲኮ ሃ አላሜ ቦላ ገደሰ።” ገደሰ። 37 ጲላዎሲካ “ሂስቲን ኔ ካዎ?” ገደሰ፤ ዩሱሲ ቃሴ “ታኒ ኔ ገዲይሳ ማላ ኤ ካዎ፤ ታ ዩሌቲዳይኔ ሃ ቢታ ዩዳይ ቱማ ገሽ ማርካታናሳ። ቱማፔ ገዲዳይ ወሪ ታ ቃላ ሲዩሰ” ገደሰ።

38 ጲላዎሲካ “ቱማይ አዘ?” ገደሰ። ሃሳፌ ጉዩ ጲላዎሲ ናምዓንሎ አይሁዳታኮ ኬዚዲ “ታ ኢዛ ቦላ አይኮ ባላ ቤያቤኬ።” 39 ገደ አቲን ካሴካ ታ አንቴሰ ፓዚጋ ባዓሌ ጋላሰ ኢሲ ቃሾ አሲ ቢርሺዛ ማላ ሃይሳ አይሁዳታ ካዎ አንቴሰ ቢርሻና ማላ ኮዩቲ?” ገደሰ።

40 ኢስቲ ገዲኮ “ኑስ ባርባኔ ቢርሻ አቲን ሃይሳ ዳና!” ገዲ ዋሲዳ። ባርባኔይ ባ ሁዔሰ ፓንጋ።

19

ዎታዳራቲ ዩሱሳ ቦላ ቂዳ ካዲዳ
(ማቶ 27:27-32፤ ማር 15:15-21)

1 ሃሳፌ ጉዩ ጲላዎሲ ዩሱሳ ኤፊዲ ጋራፊሲደሰ። 2 ዎታዳራቲካ አጉንሳ ዛወዴ ዓፂዲ ዩሱሳ ሁዔን ዎሌዳ፤ ዘዎ ካባ ማይዚዳ። 3 ኢዛኮ ሸቂ ሸቂዲ “አይሁዳ ካዎ ሳር! ሳር!” ገ ገዲ ኢዛ ሻጋላን ባቂዳ።

4 ጲላዎሲ ቃሴካ ካሪ ኬሲዲ “ሄኮ ታ ኢዛ ቦላ አይኮ ሞርካ ዳምንታይሳ አንቴ ኤራና ማላ ታ ኢዛ አንቴሰ ሃ ካሪ ኬሳና” ገደሰ። 5 ሃሳ ገሽ ዩሱሲ አጉንሳ ዛወዴ ሁዔን ዎሌ ኤኪዲኔ ዘዎ ካባ ማይዲዲ ካሪ ኬዚዳሰ። ጲላዎሲካ ኢስታሰ “ሄኮ አዳዚ ሃይሲቶ!” ገደሰ።

6 ቄሴታ ሃላቃቲኔ ኢስታ አሽካራቲ ዩሱሳ ቤዩዲ “ኔ ኢዛ ካቃ! ካቃ!” ገሽ ዋሲዳ።

ጲላዎሲ ቃሴ “ታ ታ ባጋራ ኢዛ ቦላ ኢሲ ሞርካ ዳማቤኬ፤ ኮይኮ አንቴ ኤፊዲ ካቂቲ” ገደሰ።

7 አይሁዳ አሳቲ ቃሴ “ኑስ ዎጋይ ዳሰ፤ ሃይሲ አዳዚ ባና ያሳ ና ገዛ ገሽ ኑ ዎጋ ማላ ኢዛሰ ሃይቆይ ቤሴሰ” ገደሰ። 8 ጲላዎሲ ሃሳ ኢስቲ ገዛይሳ ሲይዲ ዳር ባቢዳሰ። 9 ጌዴ ገቤ ጌሊዲ ዩሱሳ “ኔ አዎፔ ያዲ?” ገዲ ኦይቸዳሰ። ዩሱሲ ቃሴ ኢዛሰ አይ ዛርካ አሚቤና።

10 ሃሳ ገሽ ጲላዎሲ “ኔ ታስ ዮቲኪ? ታ ኔና ካቃናሰ ዎይኮ ቢርሻ ዩዳናሰ ጎዳቲሌ ታሰ ዲዛይሳ ኤሪኪ?” ገደሰ።

11 ዩሱሲካ ኢዛሰ ዛሪዲ “ሼኔይ ኔሰ ያሳፊ አሚቶንታኮ ኔሰ ታ ቦላ አይ ጎዳቲሌካ ዳናሽን፤ ገደ አቲን ታና ኔሰ አሌ አሚዳዳ ቦላ ገታ ናጋሪይ ዳሰ” ገደሰ።

ዩሱሳ ቦላ ሃይቆ ፐርዳይ ፐርዳቲዳሰ
(ማቶ 27:15-31፤ ማር 15:6-20፤ ሉቃ 23:13-25)

12 ጲላዎሲ ሃሳ ዩሱሳ ሃሳያ ሲዩዳፔ ጉዩ ኢዛ ቢርሺ ዩዳና ኮዩዳሰ ሽን አይሁዳታሰ ባቢዳ ገሽ

ኢስቲ “ኔ ሃይሳ አዳዛ ቢርሺኮ ኦርሚ ካዎ ቄሳሬ ባጋ ገደካ፤ ጋሶይካ ባና ባርካ ካዎሌዛዳይ ወሪ ቄሳሬሰ ሞርኬ” ገሽ ወሪካ ዋሲዳ።

13 ጲላዎሲ ሃሳ ሲዩዳ ማላ ዩሱሳ ጌዴ ካሪ ኬሲዲ “ሎቻ ሹቶ” ጌቲቲዛ ሰን ፐርዳ ዎምቦራን ኡቲዳሰ። ሃ ፐርዳሶይ አይሁዳታ ቃላራ “ጋባታ” ጌቲቲሰ። 14 ሃ ዎዴ ጋዴይ አሲ ፓዚጋ ባዓሌሰ ጌቲቲዛ ጋላሳ። ዎዴይካ ጋላሳፊ ኡሱፑን ሳቲ ማላ ገዲዳሰ። ሃ ዎዴ ጲላዎሲ አይሁዳታ “ሄኮ አንቴ ካዎይ ሃይሲቶ!” ገደሰ።

15 ገደ አቲን ኢስቲ ቃሰ “ጌዴ ዲጋ! ጌዴ ዲጋ! ካቃ!” ገሽ ዋሲዳ። ጲላዎሲካ “ታ አንቴ ካዎ ካቆ?” ገደሰ። ቄሴታ ሃላቃቲ ዛሪዲ “ኑስ ቄሳሬፔ ሃራ ካዎይ ዳና” ገደሰ።

16 ሃሳፌ ሲሚዲ ጲላዎሲ ዩሱሳ ካቃና ማላ ኢስታሰ አሌ አሚዳሰ። ኢስቲካ ዩሱሳ ኦይኪ ኤኪ ኤፊዳ።

ዩሱሲ ካቂቲዳሰ

17 ሃሳፌ ጉዩ ዩሱሲ ባ ካቂታና ማሰቃሌዛ ቶኪዲ “አሳ ሁዔ ጉጌ” ጌቲቲዛሰ ኬዚዳሰ። ሄሶይ አይሁዳታ ቃላራ “ጎልጎታ” ጌቲቲሰ። 18 ኢዛ ሄን ካቂዳ። ዩሱሳ ገደ ጌልሌዲ ሃራ ናምዑ አሳታ ኢዛሎ ሃዲሪሳራኔ ኡሻቻራ ካቂዳ።

19 ጲላዎሲ “ናዚሬቲ ዩሱሲ አይሁዳታ ካዎ” ገዛ ቃላ ዓፊዲ ኢዛ ማሰቃሌ ቦላ ኢዛሰ ሁዔሶራ ቃጲዳሰ።

20 ዩሱሲ ካቂቲዳሶይ ካታማሰ ማታ ገዲዳ ገሽ ዳር አይሁዳ አሳይ ጲላዎሲ ዓፊዳይሳ ናቤቤዳሰ። ዓፊቲዳይሲካ አይሁዳታ ቃላራ፣ ላቲኔ ጌቲቲዛ ቃላራኔ ገሪኬ ቃላራ። 21 አይሁዳታ ቄሴታ ሃላቃቲ ጲላዎሳ “ኔ ኢዛ አይሁዳታ ካዎ” ጋዳ ዓፂ። ገደ አቲን “ሃይሲ አዳዚ ባና ታ አይሁዳታ ካዎ ገደሰ” ጋዳ ዓፋ” ገደሰ።

22 ጲላዎሲ ቃሰ “ታ ዓፊዳይሳ ዓፋዲሰ” ገደሰ።

23 ዎታዳራቲ ዩሱሳ ካቂዳፔ ጉዩ ኢዛ ማይዶዛ ኤኪዲ ዎታዳራታ አሳ አሳ ጋካና ማላ ኦይዲ ኬሲ ሻኬሬሌዳ። ጋርሳራ ማይዲዛ ማይዶዛካ ሃሳሎ ሻኬሬሌዳ። ገደ አቲን ገደራ ማይዲዛ ማይዶዛ ሲኬቶንታ ፑዴፔ ዲጌ ጋካናሰ ጮ ዩዳ ዳሰ። 24 ሃሳ ገሽ ዎታዳራቲ ባ ገደን “ገሻን ኦና ጋካናኮኔ ኤራና ማላ ኢዛ ቦላ ሳማ ዩጋና አቲን ዳኮኮ” ገደሰ። ሄሲካ ሃኒዳይ ካሴ “ታ ማይዶ ኢስቲ ገሽቲ ኤኪዳ።

ታ ቦላራ ማይዲዛ ማይዶዛ ቦላ ሳማ ዩገዳ”

ጌቲቲዳ ጌሻ ማዓፋ ቃላይ ፖሌታና ማላሳ። ዎታዳራቲካ ሃሳ አሌዳ።

25 ዩሱሳ ማሰቃሌ አቻን ኢዛ አዩያኔ አዩዩ ሚቼያ ቃሊዮጳ ማቻ ማራማኔ ሜግ ዳሌ ጌቲቲዛሶፔ ዩዳ ማራማ ሄን ኤቂዳ። 26 ዩሱሲ ባ አዩዮኔ ኢዚ ሰቂዛ ኢዛ ካሊዛይሲ ባ አቻን ኤቂዳይታ ቤዩዲ፣ ባ አዩዮ “አዩ! ኔ ናዛ ሃሳ ቤያ” ገደሰ።

27 ሃሳፌ ካሌሌዲ ባና ካሊዛይሳ “ኔ አዮ ሂኖ ቤያ” ገደሰ። ሂኖ ሃ ሳቲይፔ ሲሚን ሄ ኢዛ ካሊዛይሲ አዩዮ ባሶ ኤፊዳሰ።

ዩሱሲ ሃይቂዳሰ

(ማቶ 27:45-56፤ ማር 15:33-41፤ ሉቃ 23:44-49)

28 ሃሳፌ ጉዩ ዩሱሲ ሃዲ ወሪካ ፖሌቲዳይሳ ኤሪዲ ጌሻ ማዓፋን ዓፊቲዳይሲ ፖሌታና ማላ “ታና ሳሜሰ” ገደሰ። *

* 19:28 ማዛ 69:21፤ 22:15

29 ህንጋዳን ጫላ ጳጳሳዊ ኦቪ ኩሚ ኦቲዳ ኢሲ 9ሮ ማላይ ዳሰ። ህሳ ጊሽ ህንጋዳን ዲዛይት ህ ጫላ ኦቫ ዛንቭ ሚሳቲዛ ሳፍናጌ ጌቲቲዛይሳራ ሂሶጶ ጌቲቲዛ ሚላ ጻራን ቃጶዲ ኢዛ ዱናኮ ሺሺዳ። 30 ዩሱሲ ህ ጫላ ኦቫ ፀንፂ ጻሊዲ “ፖሌቲዳሰ!” ጊዳሰ። ባ ሁዔ ዲጌ ዘቀሲዲ ሺምፖ ኬዚዳሰ።

31 ህሳፌ ጉዬ አይሁዳታ ዳናቲ ካቁቲዳ አሳታ ሜቁሰ ዋዲራፔ ሜንሊዲ ኢሰቲ ኢዛ ማሰቃሌ ቦላፌ ዋላና ማላ ጸላዖሳ ዋሲዳ። ኢሰቲ ህሳ አሊዳይ አይሁዳቲ ሳምባታሰ ጊጌቲዛ ጋላሰ ጊዲዳ ጊሽኔ ህ ሳምባታይካ ዳሮ ጌታ ባዓሌ ጊዲዳ ጊሽ ሳምባታ ጋላሰ አሃይ ማሰቃሌ ቦላ ጋምጋታ ማላ ኮይዳ ጊሻሳ።

32 ህሳ ጊሽ ዋታዳራቲ ቢዲ ዩሱሳራ ካቁቲዳ አሳታ ሜቁሰ ዋዲራፔ ዋዲራፔ ሜንሊዳ። 33 ኢሰቲ ዩሱሳኮ ቢን ኢዚ ካሴቲዳኔ ሃይቁዳይሳ ቤዩዲ ኢዛ ዋዲራ ሜቁሰ ሜንሊቤቲና። 34 ጊዳ ኦቲን ዋታዳራታ ጊዳፌ ኢሳዳይ ቶራራ ኢዛ ሚሊን ጫዲን ህራካ ሱላኔ ሃሊ ጉኪዳሰ። 35 ህሳ ቤዩዳይይ ኢንቲ ኢዛን አማናና ማላ ማርካቲዳሰ። ኢዛ ማርካይካ ቱማ። ኢዚ ዮቲዛይካ ቱሙ ጊዲዳይሳ ኢዚ ኤሬሰ። 36 ህሲካ ሃኒዳይ “ኢዛ ሜቁሳፌ ኢሲናካ ሜቁኩ” ጌቲቲዳ ጌሻ ማፃፋ ቃላይ ፖሊታናሳ። * 37 ቃሴካ ጌሻ ማፃፋን ሃራሶን “ኢሰቲ ባ ጫዲዳይ ቤያና” ጌሰ።

ዩሱሲ ሞጌቲዳሰ (ማቶ 27:57-61፤ ማር 15:42-47፤ ሉቃ 23:50-56)

38 አይሁዳታ ዳናታ ባቢዲ ቆታን ዩሱሳ ካሊዛ አርማቲያሳ ጌቲቲዛሶፔ ዩዳ ዮሴፌይ ዩሱሳ አሃ ኤካናሰ ጸላዖሳ ዋሲን ጸላዖሲካ ኢዛሰ ኤሮ ጊዳሰ። ህሳ ጊሽ ዮሴፌይ ቢዲ ዩሱሳ አሃ ኤኪዳሰ። 39 ካሴ ዩሱሳኮ ቃማራ ዩዳ ኒቆዲሞሲካ ባጋ ኪሎ ጊዲዛ ካርቤኔ ጎዳሪ ኦላራ ዋላኩቲዳ ሺቶ ኤኪ ዩዳሰ። 40 ህ ናምዑ አሳቲ ዩሱሳ አሃ ኤኪዲ አይሁዳቲ አሃ ፃፃዛ ማላ ሺቶ ፑኪዲ ለዔ ማይጋራ ፃፂዳ። 41 ዩሱሲ ካቁቲዳሶን ኢሲ አታኪልቲሶይ ዳሰ። ህ አታኪልቲዛሶን ኢኒካ ሞጌቶንታ ኦራላ ዲፎይ ዳሰ። 42 አይሁዳታ ሳምባታሰ ጊጌቲዛ ጋላሰ ጊዲዳ ጊሽኔ ዲፎይካ ማታን ዲዛ ጊሽ ዩሱሳ አሃ ህን ሞጊዳ።

20

ዩሱሲ ሃይቆፔ ዳንዲዳሰ (ማቶ 28:1-10፤ ማር 16:1-8፤ ሉቃ 24:1-12)

1 ዋጋ ጋላሰ ዋንታ ማላዶ ቡሮ ባዘይ ዘዲሺን ማግዳሌ ማራማ ዩሱሳ ዱፎኮ ባዲሰ። ኢዛ ህ ጋኪሽን ካሴ ዩሱሳ ዱፎ ኢዛራ ጎርዲዳ ሹቻይ ዱፎዛ ዱናፔ ዳንዲዲ ጌንዳሪዳይሳ ቤያዱሰ። 2 ህሳ ጊሽ ኢዛ ዩሱሳ ካሊዛይታፔ ሲሞና ጌቲቲዛ ጳጳሳዊ ዩሱሲ ደሲዛ ሃንኮ ኢዛ ካሊዛይሳኮ ዋፃ ባዳ “ጎዳ ዱፎፔ ኬሲ ኤኪዲ አዋን ዋሊዳኮኔ ኑ ኤሮኮ” ጋዲሰ።

3 ሃራካ ጳጳሳዊ ዩሱሳ ካሊዛ ሃንኮ ኢሶይ ኬዚዲ ጌዴ ዲፎይ ዲዛሶ ቢዳ። 4 ናምዓይካ ኢሲፌ ዋፂዳ። ጊዳ ኦቲን ዩሱሳ ካሊዛ ሃንኮይሲ ጳጳሳዊ ፒላቲ ዋፂዳ ካሴቲ ዱፎይ ዲዛሶ ጋኪዳሰ። 5 ዱፎዛ ሆኪ ጻሊዲ አሃይ ኢዛን ፃፂቲዳ ማይጋይ ፃላ ዲዛይሳ ቤዩዳሰ፤ ጊዳ ኦቲን ጌዴ ዱፎዛ ጊዳ ጌሊቤና።

6 ሲሞና ጌቲቲዛ ጳጳሳዊ ኢዛ ካሊ ጋኪዲ ዱፎዛ ጊዳ ጌሊዳሰ፤ አሃይ ኢዛን ፃፂቲዳ ጫርቃይ ህን ዲዛይሳ ቤዩዳሰ። 7 ዩሱሳ ሁዔይ ፃፂቲዳ ጫርቃይ ሃንኮ ፃላ ጫርቃታራ ጊዳንታ ዱማ ሃራሶን ፃፂቲ ዲዛይሳ ቤዩዳሰ። 8 ኮይሮቲ ጋኪዳ ዩሱሳ ካሊዛይሲካ ዱፎዛ ጊዳ ጌሊ ቤዩዲ አማኒዳሰ። 9 ጋሶይካ “ኢዚ ሃይቆፔ ዳንዳና ቤሴሰ” ጊዛ ማፃፋ ቃላ ኢሰቲ ቡሮ ሃሳዩቤቲና። 10 ህሳፌ ጉዬ ናምዓቲካ ሲሚዲ ባሶ ባሶ ቢዳ።

ማግዳሌ ማራማ ዩሱሳ ቤያዱሰ (ማር 16:9-11)

11 ማግዳሌ ማራማ ዩካሽ ዩሱሳ ዱፎፔ ካሬራ ኤቃዳ ሆካ ዱፎዛ ጊዳ ጻላዲሰ። 12 ዩሱሳ አሃይ ዲዛሶን ቦላ ማይጋ ማይዲዳ ናምዑ ኪታንቻታፔ ኢሶይ ሁዔሶን ኢሶይ ቶሆሶን ኦቲዳይታ ቤያዱሰ። 13 ኢሰቲካ ማራማ “ሃኔ ማጫሳዬ! አዛሰ ዩካይ?” ጊዳ። ኢዛካ “ኢሰቲ ታ ጎዳ ኤፊዲ አዋን ዋሊዳኮኔ ታ ኤሪኬ” ጋዲሰ።

14 ኢዛ ሃኖ ጋዳ ጉዬ ዩዩሺን ዩሱሲ ኤቁዳይሳ ዳማዲሰ ሺን ኢዚ ዩሱሳ ጊዲዳይሳ ኤራቤይኩ። 15 ዩሱሲ ኢዛ “ሃኔ ማጫሳዬ! አዛሰ ዩካይ? ቃሴ ኦና ኮያይ?” ጊዳሰ፤ ኢዚካ ኢዚሰ አታኪልቲና ጊዛዳ ሚሳቲን “ጎዳ! ኔ ኤኪዳ ጊዲኮ ኔ ዋሊዳሶ ታሰ ዮታርኪ፤ ታ ኢዛ ታሰ ኤካና” ጋዲሰ።

16 ዩሱሲ ኢዛ “ማራማ!” ጊዳሰ፤ ኢዛካ ጌዴ ኢዛኮ ሲሚዳ አይሁዳታ ቃላራ “ሬኮኔ!” ጋዲሰ፤ ህሳ ቢርሽሊ “አሰታማሬ!” ጉሳ።

17 ዩሱሲ ቃሰ “ታ ቡሮ ጉዴ ታ አዋኮ ኬዛቤኬ፤ ታና ቦቾፋ፤ ጊዳ ኦቲን ኔ ሃዒ ታ አሻታኮ ባዳ ታኒ ታ አዋኮኔ ኢንቲ አዋኮ፣ ታ ያሳኮኔ ኢንቲ ያሳኮ ኬዛና ጊዳሰ” ጋዳ ኢሰታሰ ዮታ” ጊዳሰ። 18 ህሳ ጊሽ ማግዳሌ ማራማ ዩሱሳ ካሊዛይታኮ ባዳ ኢዛ ዩሱሳ ቤዩዳይሳኔ ኢዚ ኢዚሰ ዮቲዳይሳ ኢሰታሰ ዮታዲሰ።

ዩሱሲ ባና ካሊዛይታሰ ቤቲዳሰ (ማቶ 28:16-20፤ ማር 16:14-18፤ ሉቃ 24:36-49)

19 ህ ጋላሰ ዋጋ ኦማርሰ ዩሱሳ ካሊዛይቲ አይሁዳታ ዳናታሰ ባቢዲ ካሬ ባ ቦላ ጎርዲዲ ኬላ ጊዳን ሺቆን ዲሺን ካሬይ ደዩቶንታ ዩሱሲ ኢዛ ካሊዛይቲ ሺቁ ዲዛ ኬላ ጌሊዳሰ፤ ኢሰታ ጊዳን ኤቁዲ “ሳርይ ኢንቲሰ ጊዳ!” ጊዳሰ። 20 ህሳ ጊ ሲሚዲ ባ ኩሹታኔ ባ ሚሌ ኢሰታ ቤሲዳሰ፤ ኢዛ ካሊዛይቲካ ጎዳ ቤዩዲ ኬሂ ኡፋዬቲዳ።

21 ህሳፌ ጉዬ ቃሴካ ዩሱሲ ኢሰታ “ኢንቲሰ ሳርይ ጊዳ! ታ አዋይ ታና ኪቲዳ ማላ ታካ ኢንቲና ኪታይሰ” ጊዳሰ። 22 ህሳ ጊ ሲሚዲ ኢሰታ ቦላ ኡፋ ጊዲ “ኢንቲ ጻሎ አያና ኤኪቲ። 23 ኢንቲ አሳ ናጋራ አቶ ጊኮ ኢሰታሰ አቶ ጌቲታና፤ ኢንቲ አሳ ናጋራ አቶ ጎንታ ኢጻኮ ቃሰ ኢንቲሰ አቶ ጌቲቲና” ጊዳሰ። *

ዩሱሳኔ ቶማሳ

24 ዩሱሲ ባና ካሊዛይታኮ ዩዳ ዋዴ ታማኔ ናምዓታፔ ኢሶይ ዲዲሞሳ ጌቲቲዛ ቶማሲ ኢሰታራ ዳና። 25 ህሳ ጊሽ ሃንኮ ዩሱሳ ካሊዛይቲ ቶማሳ “ኑ ጎዳ ቤይደሰ” ጊዳ። ቶማሲ ቃሰ “ሚሲማሬን ጫዳቲዳ ኢዛ ኩሹታ ታኒ ታ አይፌራ ቤዮንታ ዳሼ።

* 19:36 ኬሳ 12:46፤ ታይ 9:12፤ ማዛ 34:20 * 20:23 ማቶ 16:19፤ 18:18

ቃሴካ ታ ቢራጅ ሚሲማሪይ ጌሊዳሶን ጌልላ ያሎንታ ዳሼኔ ታ ኩሼ ኢዛ ሚሌ ማዲንላን ጌልላ ያሎንታ ዳሼ ኣማኒኬ” ጌዴስ።

26 ሄሳፊ ካሊን ኦሱፑን ጋላሳፊ ጉዬ ኢዛ ካሊዛይቲ ቃሴካ ኩላ ጊደን ዲሺን፤ ቶማሰካ ኢሰታራ ኢሲፊ ዲሺን፤ ካሪይካ ጎርዳን ዲሺን ዩሱሲ ዩዲ ኢሰታ ጊደን ኤቂዲ “ሳርይ ኢንቴስ ጊደ!” ጌዴስ። 27 ሄሳፊ ጉዬ ቶማሳ “ኔ ቢራጅ ሃ ኤሃዳ ታ ኩሼታ ቤያ። ኔ ኩሼ ሃ ኤሃዳ ታ ሚሊን ጌልላ ኣማና ኣቲን ኣማናንታዳ ጊደፓ” ጌዴስ።

28 ቶማሲ “ታ ጎደ! ታ ያሶ!” ጌዴስ።

29 ዩሱሲካ ቶማሳ “ኔኒ ታና ቤዩዳ ጊሽ ኣማናዳጎ፤ ታና ቤዮንታ ኣማኒዛይቲ ጊዲኮ ኢሰቲ ኣንጃቲዳይታ” ጌዴስ።

30 ሃይሳ ማፃፋን ፃፊቶንታ ዳር ማላታታ ባና ካሊዛይታ ሰንሳን ዩሱሲ ኦሲዴስ። 31 ጊደ ኣቲን ዩሱሲ ኢዚ ማሲሃ፣ ያሳ ና ጊዲዳይሳ ኢንቴ ኤራና ማላኔ ኢንቴ ኢዛ ሰንሳን ኣማኒዲ ዴዖ ዴማና ማላ ሃይሲ ፃፊቲዴስ።

21

ዩሱሲ ባና ካሊዛይታፕ ላፑናታስ ቤቲዴስ

1 ሄሳፊ ጉዬ ዩሱሲ ያቢራዶሴ ኣባ ኣቻን ባና ካሊዛይታስ ቃሴካ ቤቲዴስ። 2 ሲሞና ጌቲቲዛ ጳፀርሲ፣ ዲዲሞሳ ጌቲቲዛ ቶማሲ፣ ጋለላ ቃና ኣስ ጊዲዳ ናቲናዬይ፣ ዛቢዶሳ ናይቲካ ዩሱሳ ካሊዛይታፕ ሃራ ናሞዓቲካ ወሪ ኢሲፊ ዲሺን 3 ሲሞና ጌቲቲዛ ጳፀርሲ ኢሰታስ “ታ ሞሌ ኦይካና ባይሰ” ጌዴስ፤ ኢሰቲካ ኢዛስ “ኦካ ኔናራ ባና” ጌዴ። ኢዛራ ኬዚ ቢዲ ዋጎሎን ጌሊዳ ሺን ሄ ጋላስ ኣማርሰ ኢሲ ሞሌካ ኦይኪቤቲና። *

4 ጋዴይ ዋንቲሽን ዩሱሲ ኣባ ኣቻን ኤቂዴስ፤ ኢዛ ካሊዛይቲ ቃስ ኢዚ ዩሱሳ ጊዲዳይሳ ኤሪቤቲና።

5 ዩሱሲ ኢሰታ “ናይቶ ሞሌይ ዲዜ?” ጌዴስ፤ ኢሰቲካ “ኣይኮይካ ባሞ” ጌዴ።

6 ኢዚካ “ጌቲዛ ዋጎሎዛፕ ኡሻቻ ባጋራ ኣባን ዩጊቲ፤ ኢንቴ ዴማና” ጊደ ጊሽ ጌቲዛ ኣባ ጊደ ዩጊዳኔ ዳር ሞሌይ ኦይኬቲዳ ጊሽ ጌቲዛ ሞሌዛራ ጎቻና ዳንዳይቤቲና። *

7 ሄሳ ዋዴ ዩሱሳ ካሊዛይታፕ ኢዚ ሲቁዛ ኢሶይ ጳፀርሳስ “ሄሲ ጎዳኮ!” ጌዴስ። ሲሞና ጌቲቲዛ ጳፀርሲ “ሄሲ ጎዳኮ!” ጊዛ ቃላ ሲዩዳ ማላ ካሴ ኦሶ ዲጎሮ ጊዲ ማይዖ ቃሪ ዋሉዲ ካሎ ዲዛ ጊሽ ሄራካ ማይዖ ኤኪ ማይዲዲ ኣባ ጊደ ጉፕ ጌሊዴስ።

8 ዩሱሳ ካሊዛ ሃንኮይቲ ቃስ ቢታፊ ፃቲ ማትሬ ማላ ሃኪ ዲዛ ጊሽ ሞሌይ ኩሚ ዲዛ ጌቲዛ ጎቹ ኤኪዲ ዋጎሎራ ጋኪዳ። 9 ኢሰቲ ዋጎሎዛፕ ዋዲሺን ሞሌይ ኢዛ ቦላ ዲዛ ቦንቆ ታማኔ ኤኬላ ቤዩዳ።

10 ዩሱሲ ኢሰታ “ሃዲ ኢንቴ ኦይኪዳ ሞሌዛፕ ኣኔ ሃ ኤኪ ዩቲ” ጌዴስ።

11 ሄሳ ጊሽ ሲሞና ጌቲቲዛ ጳፀርሲ ዋጎሎዛ ጊደ ጌሊዲ ፃታኔ ኢቻሹ ታማኔ ሄቹ ዋጋ ጌታ ሞሊቲ ኩሚዳ ጌቲዛ ኣባፊ ጌዴ ጋዴ ቦላ ጎቹዴስ። ሄሳ ማላ ዳር ሞሌራ ዲንካ ጌቲዚ ዳኬቲቤና። 12 ሄሳፊ ጉዬ ዩሱሲ ኢሰታ “ሃ ዩዲ ሚቲ” ጌዴስ። ኢዚ ጎዳ ዩሱሳ

ጊዲዳይሳ ወሪ ኤሪዳ ጊሽ ኢዛ ካሊዛይታፕ ኢሳዴይካ “ኔ ኦኔ?” ጊ ኦይቻናስ ፃሊዳዴይ ባሞ። 13 ዩሱሲ ዩዲ ኤኬላኔ ሞሌዛ ኤኪዲ ኢሰታስ ኢሚዴስ።

14 ዩሱሲ ሃይቆፕ ዴንዲን ኢዛ ካሊዛይቲ ኢዛ ቤዩሺን ሃይሲ ሄቻንላ።

ዩሱሲ ጳፀርሳ ኦይቹዳ ኦይሻ

15 ኢሰቲ ሚ ጊሺሽን ዩሱሲ ሲሞና ጳፀርሳ “ዮና ና ሲሞና! ሃይታንታፊ ኔ ታና ኣላ ታና ደሳይ?” ጌዴስ። ኢዚካ “ኤ ታ ጎደ! ታ ኔና ደሲዛይሳ ኔካ ኤራሳ” ጌዴስ። 16 ዩሱሲ ኢዛ “ታ ቶሚዛይታ ሄማ” ጌዴስ፤ ናሞዓንላካ “ዮና ና ሲሞና! ኔ ታና ደሳይ?” ጌዴስ፤ ኢዚካ ዛሪዲ “ኤ ጎደ! ታ ኔና ደሲዛይሳ ኔካ ኤራሳ” ጌዴስ፤ ዩሱሲ ቃሴካ “ላቃታ ናፓ” ጌዴስ።

17 ሄቻንላ “ዮና ና ሲሞና! ኔ ታና ደሳይ?” ጌዴስ። ኢዚ ሄቻንላ “ኔ ታና ደሳይ?” ጊዳ ጊሽ ጳፀርሲ ሚቹቲዲኔ “ጎደ! ኔ ወርሳ ኤራሳ ታ ኔና ደሲዛይሳካ ኔ ኤራሳ” ጌዴስ፤ ዩሱሲካ ቃሴካ “ታ ደርሳታ ሄማ።

18 ታ ኔስ ቱሙ ጋይስ፤ ኔ ናቲላን ዳሼ ኔ ጌሌ ኔርካ ጊዳዳ ኔ ኮዩዳሶ ባሳሺን፤ ኔ ጨሚዛ ዋዴ ጊዲኮ ኔኒ ኔ ኩሼታ ፕዲሲን ሃራ ኣሲ ኔና ጊዳሳኔ ኔ ደሶንታሶ ኔና ኤፋና” ጌዴስ። 19 ዩሱሲ ኢዛ ሃሳላ ጊዳይ ጳፀርሲ ኣይ ማላ ሃይቆን ያሴ ቦንቻናኮኔ ኢዛስ ኤሪሳናጎ፤ ሄሳፊ ጉዬ ጳፀርሳ “ኔ ታና ካላ” ጌዴስ።

20 ጳፀርሲ ዩሼ ያሊዲ ዩሱሲ ደሲዛይሲ ኢዛ ካሊሺን ቤዩዴስ፤ ሄሳዴይ ካሴ ኢሰቲ ካዎ ሚሺን ዩሱሳ ሃይላኮ ሸቂዲ “ጎደ! ኔና ኣሌ ኢማናይይ ኢዚ ኦኔ?” ጊ ኦይቹዴስ። 21 ጳፀርሲ ኢዛ ቤዩዲ “ጎደ! ሃይሳዴይ ዋናንዴ?” ጊዲ ዩሱሳ ኦይቹዴስ።

22 ዩሱሲካ ኢዛስ “ታ ሃ ሲማ ያና ጋካናዉ ታ ኢዛ ፓፃ ዋሉኮ ኔና ኣዚ ጋሊዴ? ኔ ታና ካላ” ጌዴስ።

23 ሄሳ ጋሶን ኢሻታ ጊደን “ኢዚ ሃይቆ ሃይቆና” ጊዛ ዋሪይ ላሊቲዴስ። ጊደ ኣቲን ዩሱሲ “ታ ያና ጋካናስ ፓፃ ዳና ማላ ታ ኮይኮ ኔና ኣዜ ጋሊዴይ?” ጌዴስ ኣቲን “ሃይቃካ” ጊቤና። 24 ሄ ዮፖታ ጊሽ ማርካቲዳይኔ ፃፊዴይ ሃ ዩሱሳ ካሊዛይሳ፤ ኢዛ ማርካቲላካ ቱሙ ጊዲዳይሳ ኦኒ ኤርስ።

25 ዩሱሲ ኦሊዳ ሃራ ዳርቲ ዴቲስ። ታስ ሚሳቲዛ ማላ ኢዚ ኦሊዳ ሚሻታ ወርሲ ኢሲ ቦላ ፃፊዛኮ ፃፊቲዛ ማፃፋታ ሃይሲ ኣላማይ ቶካና ዳንዳዩና።

* 21:3 ሉቃ 5:5 * 21:6 ሉቃ 5:6

ሃዋርያት ኦሪ ገደ ቆፋ

ሃዋርያት ኦሪ ማፃፋዚ ሉቃስ ሚሺራቸ ቃላፕ ካሊዛይሳ። ሃ ማፃፋዛሰ አይፌ ቆፋይ ኮይሮ ዩሱሳ ካሊዛይቲ ዓሎ አያናይ ካሌሌን ኢዛ ገሽ የተዘ ሚሺራቸ ቃላ “ዩሩሳሌምን፣ ዩሱዳ ዴሬ ኡባን፣ ሳማሪያንኒ ቢታ ጋፃ ጋካናሰ” 1:8 ሚሺራቸ ቃላ ኢሰቲ ዋሰቲ ወርሲ ጋሌዳኮኔ ሄሳ የተናሳ። ማፃፋዚ አማናይ አይሁዳታ ጋርሳን ደሚዲ ኩሜላ አላሜ አሳይ አማናና ጋካናሰ ኢዚ ዋኒ ዋኒ አኪ አኪ ቢዳኮኔ የተዛይሳ። ሃይሳ ማፃፋ ዓፊዳይሲ አማኒዛይቲ ኦሮሜ ካዎራ ኤቁታናሰ ጋርሳራ የፆ ቃቸዛይታ ገደንታይሳኔ አማኒዛይታ አማናይ ሃንኮ አይሁዳታ አማና ፖሎኮ ጋሌዛዝ ገዲዳይሳ ኤሪሳናሰ ዳሮ ባፃቲዳሰ።

ሃዋርያት ኦሪ ማፃፋይ ዩሱሳ ገሽ ሚሺራቸ ቃላይ ጋኪዛሶይ ዋይን ዋይን አኪ አኪ ቢዛይሳኔ ዋሳ ኬሌይ ሚኒ ዓጲዳይሳ ቤሲዛ ሄቸ ገታ ከፊሌታን ሻኬታናሰ ዳንዳይሰ።

1. አማኒዛይታ አማናይ ዩሱሲ ዳንዲዲ ፑዴ ሳሎ ቢዳፔ ጉዬ ዩሩሳሌምን ደሚዳሰ።

2. ኢሰራዔሌ ዴሬ ኩሜላ ጋኪዳሰ።

3. ኦሮሜ ጉጂ ኤኪዲ ሜዲቴራኔ አባ ዩሾን ዲዛ ዴሪ ጋካናሰ ኦይኮይሳ የተሰ።

ሃዋርያት ኦሪ ማፃፋን ኬሂ ቆንጨ ቤተዛይ ዓሎ አያና ኦሪ ገዲሺን ጸንፃቆሰቲ ባባሌ ጋላሰ ዩሩሳሌምን አማኒዛ አሳ ቦላ ዋልቃራ ዋይሰሳ፣ ሄሳሶካ ሄ ማፃፋዛን የተቲዳ የታን ኡባን ቆንጨዳ ማላ ዓሎ አያናይ ዋሳ ኬላኔ ዋሳ ኬላ ካሌሌዛይታ ካሌሌዳይሳኔ ሚንሌሌዳይሳ ጉጂሰ። ቤኒ ዋይ የተተዛ አማና ቃላይ ዲማ ዲማ ኦጌራ ሳባኬቲዳሰ። ሃዋርያት ኦሪ ማፃፋን ፖሎቲዳ ኦሪቲካ ኪታዚ አማኒዛይታ ዳፆኔ ኢሰታ ኢሲፊቴላን ዲዛ ዋልቃይ አይ ማላ ሚናኮኔ ኤሪሰቴሰ።

- ሃ ማፃፋይ አይኪዳ ኩሜላ ቆፋ
- ማርካቴላሰ ገሌቲላ 1:1-26
- ዩሩሳሌምን የተቲዳ ማርካቴላ 2:1-8:3
- ዩሱዳኒኔ ሳማሪያን የተቲዳ ማርካቴላ 8:4-12:25
- ጳውሎሳ ሃዋርያታ ኦሪ 13:1-28:31
- ሚሺራቸ ቃላ የተናሰ ጳውሎሳሰ ኮይሮ ቡሰ 13:1-14:28
- ዩሩሳሌም ሸቆ 15:1-35
- ሚሺራቸ ቃላ የተናሰ ጳውሎሳሰ ናምባንሎ ቡሰ 15:36-18:22
- ሚሺራቸ ቃላ የተናሰ ጳውሎሳሰ ሄቸንሎ ቡሰ 18:23-21:16
- ጳውሎሲ ዩሩሳሌምን፣ ቂሳሬኒኔ ኦሮሜን ቃሸቲዳሰ 21:17-28:31

ሃዋርያት ኦሪ ገሻ ማፃፋ
1 ቶፊሎሳ፣ ዩሱሲ አሳናሲኔ ታማርሳናሰ አይኪዳይሳ ወርሳ ታ ኔሰ ኮይሮ ማፃፋን ዓፋዲሰ። * 2 ሄሲካ ኢዚ ፑዴ ዳንላ ጋላሰ ጋካናሰ ባ ዶሪ ከቲዳይታሰ ዓሎ

* 1:1 ሉቃ 1:1-4 * 1:4 ሉቃ 24:49 * 1:5 ማቶ 3:11፤ ማር 1:8፤ ሉቃ 3:16፤ ዮሃ 1:33 * 1:8 ማቶ 28:19፤ ማር 16:15፤ ሉቃ 24:47-48 * 1:9 ማር 16:19፤ ሉቃ 24:50-51 * 1:13 ማቶ 10:2-4፤ ማር 3:16-19፤ ሉቃ 6:14-16 * 1:18 ማቶ 27:3-8 * 1:20 ማዛ 69:25፤ 109:8

አያና ባጋራ ኢዚ ኢሰታሰ አሚዳ አዛዘኮ። 3 ኢዚ ዳሮ ዋይ ቤዩዳፔ ጉዬ ኢሰታኮ ሸቆዲ ሃይቆፔ ዳንዳናይሳ ኢሰታሰ ዳሮ ማርካራ ቆንጨሲሼ ኦይዲ ታሙ ጋላሰ ጋካናሰ ኢሰታሰ ጋላሰ ቤቲሼ ያሳ ካዎቲላ ገሽ የተዳሰ። 4 ኢሰታራ ኢሲፊ ማዳን ኡቲ ዲሼ ኢሰታ “ዩሩሳሌም፣ ኬዘፕቲ፤ ገደ አቲን ታ ኢንቲሰ የተሸን ኢንቲ ሲዩዳይሳ ታ አዋይ አሚዳ ኡፋይሳ ናገቲ። * 5 ዮሃኒሲ ሃላን ፃማቂዳሰ ሺን ኢንቲ ቃሰ ጉላ ዋዴፔ ጉዬ ዓሎ አያናን ፃማቂታና” ገዲ አዛዚዳሰ። *

6 ኢሰቲካ ኢሲ ቦላ ሸቆቲ ዲሼ “ሳይ! ኔ ኢሰራዔሌታ ካዎቲላ ዛራዳ ሃዒ ኤሳኔ?” ገ ኦይቸዳ።

7 ኢዚካ ኢሰታሰ “አዋይ ባ ሼኔን ዋሊዳ ዋይ ኤሮይ ኢንቲሰ አሚቲቤና። 8 ገደ አቲን ዓሎ አያናይ ኢንቲ ቦላ ዋዲዳ ዋይ ኢንቲ ዋልቃ ኤካና። ዩሩሳሌምን፣ ዩሱዳኒካ፣ ሳማሪያንካ ኡባሶን ቢታ ጋፃ ጋካናሰ ኢንቲ ታሰ ማርካታ ገዳና” ገዴሰ። *

9 ሄሳ ገ የተዳፔ ጉዬ ኢሰቲ ዓሊሸን ፑዴ ሳሎ ዳንዲዳሰ። ሳሎ ሻራይካ ኢሰታ አይፊፔ ኢዛ ገሌዳሰ። *

10 ኢዚ ቢሺን ኢሰቲ ኢዛ ቲሺ ሂሰቲ ፑዴ ሳሎ ዓሊሸን ቦላ ማይፆ ማይዒዳ ናምቡ አሳቲ ቆፖንታ ኢሰታ አቻን ኤቂዲ፤ 11 “ኢንቲኖ ጋሊላ አሳቶ! ኢንቲ ፑዴ ሳሎ ዓሊሸ ሃይሳን አዛሰ ኤቂዳቲ? ሃይሲ ኢንቲ ማታፔ ፑዴ ሳሎ ዳንዲሺን ኢንቲ ቤዩዛ ዩሱሲ ሳሎ ኬዚሸን ኢንቲ ቤዩዳ ማላ ሃሳሶካ ኢዚ ሃ ሲሚ ያና” ገዲ።

ዩሱዳ ሶሆን ማቲያሲ ደሬቲዳሰ

12 ሃሳፊ ጉዬ ዳብራዛይቲ ጌቲቲዛ ዙማ ቦላፊ ዋዲዲ ዩሩሳሌም ሲሚዳ። ሄ ዙማይካ ዩሩሳሌም፣ ኢሲ ኪሎ ሜትሪ ማላ ሃኬሰ። 13 ጌዴ ካታማዮ ጌሊዳ ዋይ ካሴ ባ ዲዛ ኬላ ፖቄ ቦላ ኬዚዳ፤ ሃይቲካ ጴፅሮሳ፣ ዮሃኒሳ፣ ያቆቤ፣ ኢንዲራሳ፣ ፒሊጶሳ፣ ቶማሳ፣ ባርቴሎሞሳ፣ ማቶሳ፣ ኢልፊዮሳ ና ያቆቤ፣ ባ ባጋ ማዲዛይ ጌቲቲዛ ሲሞናኔ ያቆቤ ና ዩሱዳ። * 14 ሃይቲ ወሪካ ማጫሳታፔ ዩሱሳ አዮ ማራሚራ ሃሳሶካ ኢዛ ኢሻታራ ኢሲ ዋዘናን ኢሲ ቦላ ቃንፆንታ ሚኒ ዋሲዳ።

15 ሄ ጋላሳታን ጴፅሮሲ ዪታኔ ናምቡ ታሙ አማኒዛ አሳ ገደን ኤቂዳ። 16 “ታ አሻቶ! ዩሱሳ ኦይኪዳ አሳታ ካሌሌ ኤሂዳ። ዩሱዳ ገሽ ዓሎ አያናይ ካሴቲዲ ዳወቲ ዲናን ሃሳዩዳ ጌሻ ማፃፋ ቃላይ ፖሌታና ኮሼሰ። 17 ኢዚካ ኦፔ ኢሳዳ ማላ ታይቤቲዲ ሃይሳ ሃ ኦሪዛን ጌላናሰ ቃዳ ዳሚዳሰ” ገዴሰ።

18 ገዲኮካ ሃይሳዳይ ባ ኢታ ኦሪን ዳሚዳ ሚሻን ጋዴ ሻሚዳሰ፤ ሃንካ ባ ሊጶን ጉፋኒ ኩንዲን ኢዛ አሳቲላይ ገደፊ ጳልቂቲ ዋዲዳሰ፤ ኢዛ ማራጩይ ቢታ ቦላ ዛዜቲዳሰ። * 19 ሄሲካ ዩሩሳሌምን ዲዛ አሳሰ ኡባሰ ሲዩቲዳሰ። ቢታይካ ኢሰታ ቃላራ “አኬልዳማ” ጌቲቲዳሰ፤ ሃሳሰ ቢርሼላይካ ሱላ ቢታ ጉሳ።

20 ጉጂዲካ ጴፅሮሲ “ማዛሙራ ማፃፋን ኢዛ ጋዴይ ሚላ አቶ፣ ኢዛን አይ አሲካ ደፖ፤ ቃሴካ ኢዛ ዳናቲላ ሃራ አሲ ኤኮ” ጌቲቲ ዓፊቲዳሰ። *

21 “ሄሳ ጊሽ ጎዳ ዩሱሲ ኑናራ ዲዛ ዎዴ ኡባን ኑናራ ኢሲፌ ዲዛይታ ጊዶፌ ኑ ኢሳዴ ደራናሰ ኮሼሰ።
 22 ሄሲካ የሃኒሳ ደንቃቴ ሃ ሲሚን ዩሱሲ ኑቴ ሻኬቲ ዴንዲ ባና ጋካናሰ ኑናራ ዲዛዴ ጊዳናሰ በሴሰ። ጋሶይካ ሃ ኣሳታቴ ኢሳዴይ ኑናራ ዩሱሳ ዴንሳሰ ማርካ ጊዳና ኮሼሰ” ጊዴሰ። *

23 ሄሳ ጊሽ ባርሳባሳ ዎይኮ የሰዎሳ ጌቲቲዛ የሴፌኔ ማቲያሳ ናምዐታ ሺሺዲ። 24 “ጎዳ! ን ኣሳ ኡባ ዎዳና ኡራሳ፤ ሃይታ ናምዐታ ጊዶፌ ን ኦና ደራዳኮ ኢሳዴ ኑና በሳ። 25 የሁዳይ ዩጊ ቢዳሶን ሃ ኦሳ ኦላናዴኔ ሃዋሪ ጊዳናዴ ን ደራ” ጊ ዎሲዳ። 26 ሄሳፌ ሳማ ዩጊን ሳማይ ማቲያሳሰ ኬዚዴሰ። ኢዚካ ታማኔ ኢሲ ሃዋሪታራ ኢሲፌ ታዩቤቲዴሰ።

2

ዒሎ ኣያናይ ኣማኒዛ ኣሳ ቦላ ዎዲዴሰ

1 ጸንፃቆሰቲ ጌቲቲዛ ባዓሌ ጋላሲ ጋኪዳ ዎዴ ኣሳይ ወሪካ ኢሲ ሶን ሸቂ ዲሺን፤ 2 ቆፋይ ባይንዳ ዳር ሚኖ ጎቲ ጫርኮ ማላ ጊሪሲ ዩዴሰ፤ ኣሳይ ዲዛ ኬላካ ኩሚዴሰ። 3 ታማ ላጮ ኢንፃርሳ ማላይ ኣሳሰ በቲዲ ሻኬቲ ሻኬቲ ኢሲ ኢሲ ኣሳ ቦላ ኡቲዴሰ። 4 ኣማኒዛይቲ ወሪ ዒሎ ኣያናን ኩሚዲ ኣያናይ ኢሰታሰ ሃሳያናሰ ኢሚዳይሳ ኬና ሃራ ቃላራ ሃሳያ ኦይኪዲ።

5 ሄ ዎዴ ሳሎ ጉፋንጎን ዲዛ ዴሬቴ ዩዳ ያሳሰ ባቢዛ ኣይሁዳቲ ዩራሳሳሚን ዴቲሰ። 6 ሄ ጊሪሳ ሲይዲ ዴሬይ ሸቂዴሰ። ኢሲ ኢሲ ኣሳይ ባ ቃላራ ሃሳዩዛይሳ ሲይዲ ማላሊቲዳ። 7 ማላሊቲዲኔ ጋናዚ ቆዩን “ሃይቲ ሃሳዩዛይቲ ወሪካ ጋሊላ ኣሰ ዴቲኔ? 8 ሂሰቲን ኑኒ ኑ ዩሌቲዳ ኑ ዴሬ ቃላራ ኢሰቲ ሃሳዩሺን ዎሰቲ ሲዩዛኒ? 9 ኑኒ ጳርቴና ኣሳይ፣ ሚዴ ኣሳይ፣ ኤላሚ ኣሳይ፣ ሚሶፖሚያን፣ የሁዳን፣ ቆጶዳቂያን፣ ጳንፆሳን፣ ኢሲያን፣ 10 ፊርጊያን፣ ጳንፊሊያን፣ ጊብጻን፣ ቃሪና ኣቻን ዲዛ ሊቢያቴኔ ኦርሚቴ ዩዳይቲ 11 ኣይሁዳቲኔ ጌዴ ኣይሁዳቲላን ጌሊዳ ቃርጻሴ ኣሳኔ ኣራቤ ኣሳታ ጊዳሺን ያሳ ዎልቃማ ኦሶዛ ሃይቲ ኑ ቃላራ ሃሳዩሺን ኑ ሲዮሰ” ጊዳ።

12 ወሪካ ኬሃ ማላሊቲዲኔ ጋናዚ ቆዩን ባ ጊዳን “ሃይሲ ኣዜሻ?” ጌቲቲዳ። 13 ባጋ ኣሳይ “ሃይቲ ዳር ዎይኔ ጫጃ ኡዩዳ” ጊዲ ኢሰታ ቂዲዳ።

14 ሄ ዎዴ ጳፀርሲ ታማኔ ኢሲኔታራ ኤቂዲኔ ባ ቃላ ቂቁ ሂሰቲዲ ዴራሰ ሂዘጊዴሰ “ኢንቴኖ የሁዳ ኣሳቶ! ዩራሳሳሚን ዲዛይቶ! ኢንቴ ወሪካ ሃይሳ ኢሲ ሚሽ ኤሪቴኔ ታ ጊዛይሳ ሲዩቲ። 15 ሃሲ ጋዴይ ዎንቲን ቡሮ ሄቭ ሳቲ ጊዲዳ ጊሽ ኢንቴ ቆፐዛ ማላ ሃይቲ ኣሳቲ ማላቲቤቲና። 16 ጊዳ ኣቲን ሃይሲ ካሴ ናቤ ኢዩዴሌን ሂዘጊ የቲቲዳ ቃላይ ፖሌታናሳ።

17 ‘የሲ ወርሴላ ጋላሰ
 ታ ኣያና ኣሻ ማይዲዳ ኡባ ቦላ ታ ጉሳና፤
 ኢንቴ ማጫ ናይቲኔ ኢንቴ ኣቲማ ናይቲ ቲንቤቲ ሃሳያና፤
 ዩላጋ ናይቲ ኣጃታ ቤያና፤
 ጪማቲ ኣጉሞ ኣጉሚታና። *

18 ሄ ዎዴ ታ ማጫ ኣሻካራታ ቦላኔ ታ ኣቲማ ኣሻካራታ ቦላ
 ታ ኣያናቴ ታ ጉሳና።

ኢሰቲካ ቲንቤቲ ሃሳያና።
 19 ቦላ ሳሎን ማላሊሲዛ ሃናታ ታ ቤሳና፤
 ጋርሳ ሳዓን ማላታታ ታ ቤሳና፤
 ሱላ፣ ታማይኔ ቱላላይ ሃናና።

20 ጊታኔ ቦንቾ ጊዲዳ
 ጎዳ ጋላሲ ያናቴ ካሴቲዲ
 ኣዎ ኣርሼይ ቆማና፤
 ኣጊናይካ ሱላ ሚሳታና።

21 ጎዳ ሱንሳ ጻይጊዛይ ወሪ ኣታና፣ ጊዴሰ።
 22 “ኢሰራዴሌ ናይቶ! ሃይሳ ቃላ ሲዩቲ፤ ኢንቴ ኢንቴ ባጋራ ኤሪዛይሳ ማላ ኢንቴ ጊዳን ማላታኔ ኢሲ ሲዩ ኤርንታ ሚሻታ ኢዛ ኩሼን ኦላዲ ያሲ ናዚሬቲ ዩሱሳሰ ማርካቲዴሰ። 23 ያሲ ካሴ ባ ቃቲዳይሳ ኢዛሰ በኒ ኤራቲላ ማላ ሃይሳዴ ኢንቴ ኩሼን ኣላ ኢሚዴሰ። ኢንቴካ ኢታ ኣሳታ ኩሼን ካቂቲ ሃይቃና ማላ ኦላይታ። * 24 ጊዳ ኣቲን ያሲ ኢዛ ቦላፌ ሃይቆ ዎልቃ ዲጊዲ ሃይቆቴ ዴንላዴሰ። ሃይቆይካ ኢዛ ኦይኪ ኣሻናሰ ዳንዳይቤና። * 25 ዳወቲይካ ኢዛ ጊሽ ታኒ ጎዳ ኡባ ዎዴ ታ ሲንሳን ቤያይሰ፤

ኢዚ ታ ኡሻቻን ዴሰ፤ ሙሊካ ሂርጊኬ።
 26 ሄሳ ጊሽ ታ ዎዳናይ ኡፋዩቲሰ፤
 ታ ዲናይካ ጋላቲሰ፤
 ታ ኣሻይ ኡፋይሳን ዳና።

27 ኔ ታ ሼምፖኖ ዲፎን ኣጋካ፤
 ኔ ና ጌሻዛ ዎቃና ማላ ኣጋጋካ።
 28 ኔ ዴዎ ኦጌ ታ ኤራና ማላ ኦላዳሳ።
 ኔ ታናራ ዲዛ ጊሽ ታ ኡፋይሳይ ኩሚሳ።

29 “ታ ኢሻቶ! በኒ ኣዎታቴ ዳወቲይ ሃይቂ ሞጌቲዳይሳኔ ኢዛ ዲፎይ ሃቶ ጋካናሰ ኑ ኣቻን ዲዛይሳ ባቦንታ ታ ኢንቴሰ የታና ዳንዳዒይሰ። 30 ኢዚ ናቤ ጊዲዳ ጊሽ ያሲ ኢዛ ዜራላፌ ኢሳዴ ኢዛ ካዎቲላ ኣልጋ ቦላ ዎላናይሳ ካሴ ጫቆ ቃላን የቲዳይሳ ኤሪዴሰ።

* 31 ሃሳ ካሴቲዲ ኤሪዳ ጊሽኔ ኢዛ ኣሻይ ዎቂ ዲፎን ኣቶንታ ደራቲዳ ኪርሰቶሳ ዴንሳ ጊሽ ሃሳዩዴሰ።
 32 ሄ ዩሱሳ ያሲ ሃይቆቴ ዴንላዴሰ። ኑካ ወሪ ሃይሳሰ ማርካታ። 33 ሃሳ ጊሽ ኢዚ ያሳ ኡሻቻን ቂቁ ቂቁ ጊዳቴ ጉዩ ዒሎ ኣያና ኡፋይሳ ባ ኣዎፐ ኤኪዲ ሃሲ ኢንቴ ቤዩዛይሳኔ ሲዩዛይሳ ዴጌ ጉሲዴሰ። 34-35 ዳወቲይ ፑዴ ሳሎ ኬዚቤና፤ ኢዚ ባ ዲናን ሳዳይ ታ ጎዳሰ “ታ ኔ ሞርኬታ ኔ ቶሆ ጋርሳን ዩዲሳና ጋካናሰ ታ ኡሻቻን ኡታ” ጊዴሰ። *

36 “ሃሳ ጊሽ ያሲ ኢንቴ ካቂዳ ዩሱሳ ጎዳኔ ኪርሰቶሳ ሂሰቲዳይሳ ኢሰራዴሌ ኣሳይ ወሪ ሎዴላ ኤር” ጊዴሰ።
 37 ዴሬይ ሃሳ ሲዩዳ ማላ ዎዳናይ ቦሼቲዴሰ። ጳፀርሳኔ ሃንኮ ዩሱሲ ከቲዳይታ “ኑ ኢሻቶ! ሂሰቲን ኑ ኣይ ኦላና?” ጊዳ።

38 ጳፀርሲካ “ማርቴላን ጌሊቲ፤ ኢንቴ ናጋራይ ማሪታና ማላ ኢንቴፌ ኢሲ ኢሲ ኣሲ ዩሱሳ ኪርሰቶሳ ሱንሳን ፃማቂቲቲ፤ ኢዚ ኢሚዛ ዒሎ ኣያና ኢንቴ ኤካና።
 39 ኡፋይሳ ቃላይ ኢንቴሲኔ ኢንቴ ናይታሳ፤ ቃሴካ ጎዳ ያሲ ባኮ ጻይጊዛ ሃሆን ዲዛይታሳራ ኡባሳ” ጊዴሰ።

* 1:22 ማቶ 3:16፤ ማር 1:9፤ 16:19፤ ሉቃ 3:21፤ 24:51 * 2:17 ኢዩ 2:28-32 * 2:23 ማቶ 27:35፤ ማር 15:24፤ ሉቃ 23:33፤ የሃ 19:18 * 2:24 ማቶ 28:5-6፤ ማር 16:6፤ ሉቃ 24:5 * 2:30 ማዛ 132:11፤ 2ሳሜ 7:12-13 * 2:34-35 ማዛ 110:1

40 ሃራ ዳሮ ቃላራ አስታሰ ማርካቲሽ “ሃይሳ ጌላ ዩሌቴላፊ አንቴና አሺቴ” ጌዲ አስታ ቆፊሲዳስ። 41 ሃ ጋላስ ቃላ ኤኪዳይቴኔ ፃማቁቴዳይቴ ሃቸ ሺ ማላ አሳይ ካሴይታ ቦላ ጉጃቴዳስ። 42 አስቲካ ሃዋሪታ ቲሚርቴን፣ ኢሲፊ ቁማ ሙሳኒኔ ዋሳን ሚኒዳ።

43 ሃዋሪታ ኩሺን ዳሮ ማላታቲ ኦሴቲዳ ገሽ አሲ ኡባይ አስታሰ ባቢዳስ። 44 አማኒዳይቴ ወሪካ ኢሲፊ ዳዲዳ፤ ባስ ዲዛዚካ ኡባ አሲ ቦላ ጎዔቲዳ። * 45 ባስ ዲዛ ሚሼኔ ማሃ ባይዚ ባይዚ ባ ጌዳን ኮሺዳ ማላ ገሺቸዳ። 46 ጋላስ ጋላስ ያሳ ኬላን ኢሲፊ ሸቁቴስ። ባ ኬላንካ ቁማ ኢሲፊ ኡፋይሳኒኔ ሱሬ ዋዘናራ ማቴስ። 47 አሲቲ ያሳ ጋላቲሽ ዳሬ ሲንላን ቦንቸቲዳ። ጎዳይካ አሲታ ቦላ ጋላስ ጋላስ ኦራሕ አማኒዳይታ ጉጂዳስ።

3

ጳጳርሲ አሲ ቶሆይ ሲሊዳዳ ፓላዳስ

1 አሲ ዋዳ ጋላሳፊ ኡዲፋን ሳቲ ቦላ ጳጳርሲኔ ዮሃንሲ ዋሳ ሳቲን ያሳ ኬሌ ባና ኬዚዳ። 2 አሲ ዩሌቶሳፔ ደሚዲ ቶሆይ ሲሊዳዳ ያሳ ኬሌ ጌሊዛ አሳፔ ሚሽ ዋሳና ማላ አሳይ ጋላስ ጋላስ ቶኪ ኤፊዲ ዋላን አሲ “ሎዎ” ጌቴቲዛ ያሳ ኬላ ፔንጌን ዋሲዛዳይ ዳስ።

3 አዚካ ጳጳርሲኔ ዮሃንሲ ያሳ ኬሌ ጌሊሺን ቤዱዳ አስታፊ ሚሽ ዋሲዳስ። 4 ጳጳርሲኔ ዮሃንሲ አዛ ቲሺ ሂስቲ ያሊዳ። ጳጳርሲካ አዛ “አኔ ሃ ኑና ያላ” ጌዳስ። 5 አዳዚካ አስታፊ አይኮ ዳማና ጌዲ አስታ ቲሺ ሂስቲ ያሊዳስ። 6 ጌዳ ኣቲን ጳጳርሲ አዛስ ዛሪዲ “ታስ ቢራይኔ ዋርቃይ ዳና፤ ጌዲኮካ ታስ ዲዛዝ ታ ኔስ አማይስ፤ ናዚሬቴ ዩሱስ ኪርሰቶሳ ሱንላን ዳንዳዳ ኔ ቶሆራ ሃሙታ” ጌዳስ። 7 አዛስ ኡሻቻ ኩሽ ኦይኪዲ ዳንላዳስ። ሄራካ አዳዛ ቶሆይኔ ቶሆ ቁርጳይ ሚኒዳስ። 8 ጉፔ ዳንዲ ኤቁዲ ሃሙሕ ኦይኪዳስ። ያኔ ሃኔ ሃሙቲሼኔ ጉፔሽ ያሳካ ጋላቲሽ አስታራ ኢሲፊ ያሳ ኬላ ጌቤ ጌሊዳስ። 9 አዚ ያሳ ጋላቲሽ ያኔ ሃኔ ሲማሬቲሺን አሳይ ቤዱዳስ። 10 ሃይሳዳይ ሃኒፊ ካሴ “ሎዎ” ጌቴቲዛ ያሳ ኬላ ፔንጌን ኡቲዲ ሚሽ ዋሲዳይ አዛ ጌዲዳይሳ ኤሪዳስ። አዛ ቦላ ሃኒዳይሳፊ ዳንዲዳይሳን አሳይ ኬሃ ማላሌቲዳስ።

ጳጳርሳ ሃሳያ

11 ሃ ፓዲዳ ዋሳንቻይ ጳጳርሳኮኔ ዮሃንሳኮ ሺጵ ጌዲ አስታራ ኦይኬቲ ዲሺን ዳሬይ ወሪ ማላሌቲዲ አስታኮ “ሶሎሞኔ ሲማሬቴላሶ” ጌቴቲዛሶ ዋሳን ዩዳስ። 12 ጳጳርሲ ሃ አሳ ቤዱዲ “አንቴና ኢሰራዔሌ ዳሬቶ! ሃይሳን አዛስ ማላሌቲቲ? ቃሴካ ሃይሳ አዳዛ ኩኔ ኑ ዋልቃን ዋይኮ ኩኔ ኑ ዲሎቴላን ፓላዲ ሃሙቲሲዳ ማላ ቆዲዲ ኑና አዛስ ቲሺ ሂስቲ ያሊቴ? 13 ኑ አዋንታ አብራሃሚንታ፣ ዩሳቃንታ፣ ያቆቤንታ ያሲ ባ ናዛ ዩሱሳ ቦንቸዳስ። አንቴ ቃስ አዛ ሃይቆስ አሌ አሚዳታ፤ ጸላዎሲ አዚ ቢርሻና ኮይንካ አንቴ ሳኮኮ” ጌዳታ። * 14 ጌሻኔ ዲሎዛ አንቴ ካዲዲ ሸምፖ ዋጂዛይሲ ቢርሸታና ማላ ዋሲዳታ። * 15 ዳዎ አሚዛዳ አንቴ ዋጂዳታ፤ ጌዳ ኣቲን ያሲ አዛ ሃይቆፔ ዳንላዳስ፤

ሃሳስ ኩኔ ማርካ። 16 ሃይሲ አንቴ ቤዱዳይሲኔ አንቴ ኤሪዛይሲ ሚኒ ኤቁዳይ ዩሱሳ ሱንላን አማኒዳ ገሻሳ። አንቴ ወሪካ ቤዱዛ ማላ አዚ ኩሚላ ፓፃ ዳሚዳይ ዩሱሳ ሱንላንኔ አዛ ሱንላን ቤቲዛ አማኖና።

17 “ሃዲካ ታ አሻቶ! አንቴ ሃሳ አሌዳይ አንቴ ሃላቃታ ማላ ኤርንታ ጌዲዳይሳ ታ ኤራይስ። 18 ጌዲኮካ ኪርሰቶሲ ዋዩ ኤካናይሳ ያሲ ካሴ ናቤታ ዳናን ሃሳዩዳይሳ ፖሊዳስ። 19 ሃሳ ገሽ አንቴ ናጋራይ ቁጩቲ ጳያና ማላ ማርቴላን ጌሊቴ። አንቴ ቢዛ ኦጌፔ ሲሚቴ፤ ጎዳ ማታፔ አንቴ ኦራፃና ዋዳይ አንቴስ ያና። 20 ቃሴካ ያሲ ካሴ አንቴስ ደሪ ዋሊዳ ዩሱስ ኪርሰቶሳ አዚ አንቴስ ዩዳና። 21 ያሲ ካሴ ጌሻ ናቤታ ዳናን ሃሳዩዳይሳ ማላ ሃኒዛይሳ ወርሲ ኦራፃሳና ዋዳይ ጋካናስ አዚ ሳሎን ጋምዳናስ ኮሺስ። 22 ሙሴይካ ሳኒቴ ጎዳ ያሳይ አንቴ ጌዳፊ ታ ማላ ናቤ አንቴስ ዳንላና። አዚ አንቴስ ዮቲዛይሳ ሲዩቴ። * 23 ሃ ናቤዛ ሲዮንታ አዲዳ ሸምፖይ ወሪ ዳሬ ጌዳፊ ሻኬቲ ጳዮ”

24 “ቱማፔ ሳማላፔ ሃ ሲሚን ዳንዲዳ ናቤቲ ወሪ ሃይታ ዋዳታ ገሽ ሃሳዩዳ። 25 አንቴካ ናቤታ ናይታ። ቃሴካ ያሲ አብራሃሚስ ሳኔ ዜሬላን ቢታ አሲ ወሪ አንጃታና” ጌዲ አዚ ጫቁዳ ጫቆዛ አንቴ ላታና። * 26 ያሲ ናዛ ዳንላዳ ዋዳ አንቴና አሳ አሳ አንቴ አታቲላፊ ዛሪዲ አንጃና ማላ ካሴቲዲ አንቴኮ ኪቲዳስ” ጌዳስ።

4

ጳጳርሲኔ ዮሃንሲ አይሁዳ ዳላታሶ ሸቁዳ

1 ጳጳርሲኔ ዮሃንሲ አሳስ ሃሳያን ዲሺን ቁሴታ ሃላቃቲኔ ያሳ ኬላ ናገዛይታ ሃላቃይ ቃሴካ ሳዲቃዌቲ አኬኮንታ አስታኮ ዩዳ። * 2 ዩዲኔ ሃዋሪቲ አሳ ታማርሲዛይሳሲኔ ዩሱሳ ባጋራ ቤቲዳ ሃይቁዳይታ ዳንላ ገሽ ሳባኪዛይሳስ ኬሃ ሃንቁቲዳ። 3 ጳጳርሳኔ ዮሃንሳ ጋዳይ ቃሚሺን ኦይኪዲ ዋንታና ጋካናስ ቃሾ ኬላን አይሲዳ። 4 ጌዳ ኣቲን ቃላ ሲዩዳ አሳፔ ዳሪዛ ባጋይ አማኒዳስ። አማኒዛ አቲማ አሳታ ቆዳይ ጌዳ ኢቻሹ ሺ ጋካናስ ጶቁ ጌዳስ።

5 ዋንቲላ ጋላስ አስታ ሃላቃቲኔ ጨማቲ ቃሴካ ሙሴ ዋጋ ታማርሲዛይቲ ዩሩሳላሚን ሸቁዳ። 6 አስታ ቁሴታ ሃላቃ ሃናይኔ ቃያፋይ፣ ዮሃንሲ፣ አሲኪንዲርሲኔ ቁሴታ ሃላቃሶ አሳይ ወሪ ሃ ጋዳን ቤቲዳ። 7 አስቲካ ጳጳርሳኔ ዮሃንሳ ባ ጌዳን አሌ ኤሲዲ “ሃይሳ አንቴ ኦሊዛይ አዛ ዋልቃኔ? ዋይኮ ኦና ሱንላን?” ጌዲ ኦይቸዳ።

8 ሃ ዋዳ ጳጳርሲ ዲሎ አያናን ኩሚዲ “አንቴኖ ዳሬ ሃላቃቶ! ዳሬ ጨማቶ! 9 አንቴ ሃቸ ሃ ቶሆ ሲላ አዳዛስ ኦሴቲዳ ሎዎ ኦሶይ ዋኒ አዚ ፓዲዳኮ አንቴ ኑና ኦይቸዛ ጌዲኮ፣ 10 አንቴ ካቁን ያሲ ሃይቆፔ ዳንላዳ ናዚሬቴ ዩሱስ ኪርሰቶሳ ሱንላን አዚ ፓዲዳይሳኔ አንቴ ሲንላን አዚ ኤቁዳይሳ አንቴካ ኢሰራዔሌ ዳሬ አሳይ ወሪ ሃይሳ ኤሪቴ። 11 አዚካ አንቴ ኬላ ሃላቲ ለቁ አገዳ ሹቻይ ጊንቤ ኬላስ ጉላ ቦላ ቦላራ ዋሊዛ ሹቻ ጌዲዳስ። † * 12 አቶቴሌ ሃራ ኦናንካ ባ፤ ሳሎፔ ጋርሳ ባጋራ ኑ አሳ ናይቲ አታና ማላ ኑስ አሚቲዳይ ሃይሳፊ ሃራ ሱንላ ዳና” ጌዳስ።

* 2:44 ሃዋ 4:32-35 * 3:13 ኬሳ 3:15 * 3:14 ማቶ 27:15-23፤ ማር 15:6-14፤ ሉቃ 23:13-23፤ ዮሃ 19:12-15 * 3:22 ዛሬ 18:15፣ 18 * 3:25 ሜዴ 22:18 * 4:1 ቁሴታ አሲ አሲ ጌሻ ማፃፋቲ ቁሴታ ሃላቃ ጌቴስ። † 4:11 ጉላ ገዛይሳ አሲ አሲ ባጋ ጋም አሳይ ማጋላ ዋይኮ ሹቻ ሹቻ ጌስ። * 4:11 ማዛ 118:22

13 አይሁዳት ዱላት አሳይካ ጳጳርሴን የሃረሲ ሃሳፉ ፃሊ ሃሳብዳይሳ ቤዩዲ ኢሰቲ ታማርንታ ኣሰ ገዲዳይሳ ኤሪዲ ማለላቲዳኔ ኢሰቲ ካሴ ዩሱሳራ ዲዛይታ ገዲዳይሳ ኣከሴዳ። 14 ሄ ፓዲዳ ኣዳዚ ኢሰታራ ኤቁዲሺን ቤዩዳ ገሽ ኢሰታሰ ሃራ ኣፋናሰ ጋሶይ ቆዩዳሰ። 15 ሄሳ ገሽ ኢሰታ ዱላታፔ ከሳና ማላ ኣዛዚዳ። ሄሳፌ ቃሴካ ሸቄቲዲ ባ ገደን ዘሬቲዳ። 16 ባ ገደን “ሃይታ ኣሳታ ዋሰቲኖ? ዩሩሳላሜን ዲዛ ኣሳይ ወሪ ኢሰታ ኩሼን ሃረዳ ገታ ማላታ ኤሪዳሰ። ሄሳ ገሽ ኑ ሃ የዋዛ ኣሳ ባሌፋናሰ ዳንዳዮኩ። 17 ገደ ኣቲን ሃይሲ የዋዚ ዳሬ ገደን ከሄ ኣኮንታ ማላኔ ሃይቲ ኣሳቲ ናምዓንፉ ሃይሳ ሃ ሱንፋን ሃራ ኦናሰካ የቶንታ ማላ ኢሰታሰ ሎዔላ የታና” ገደ።

18 ኢሰታ ያይገዲኔ ሙሉካ ዩሱሳ ሱንፋን ሃሳዮንታ ማላኔ ታማርሶንታ ማላ ኣዛዚዳ። 19 ጳጳርሴን የሃረሲ ቃሴ ዛሪዲ “ኑኒ ያሳፌ ቦላራ ኢንቴሰ ኣዛዘታናሰ ቤሲዛኮኔ ኣኔ ኢንቴ ያሳ ሲንፋን ፐርዲቲ። 20 ኑኒ ኑ ቤዩዳይሳኔ ኑ ሲዩዳይሳ ሃሳያናፔ ጉዬ ጎኩ” ገደ።

21 ቃሴካ ኢሰታ ቦላ ማንዲዲ ዩዲዳ። ጋሶይካ ሃንኮ ዳሬይ ወሪ ሃረዳ የዋዛ ጋሶን ወሪካ ያሴ ጋላቲዛ ገሽ ኢሰታ ቃዓናናሰ ዳንዳይቤቲና። 22 ሄ ገታ ማላታን ፓዲዳ ኣዳዛሰ ላይላ ኦይዲ ታማፌ ቦላ።

23 ጳጳርሴን የሃረሲ ቃሾፔ ቢርሼቲዲ ጌዴ ባ ኣሳታኮ ሲሚዲ ቁሴታ ሃላቃቲኔ ዳሬ ጨማቲ ኢሰታ ገዲይሳ ወርሲካ የቲዳ። 24 ኢሰቲካ ሄሳ ሲዩዳ ማላ ባ ቃላ ቆቁ ሂሰቲዲ ኢሲፌ ያሳኮ “ዋጋ ጎዳወ! ኑኒ ሳሎኔ ሳሳ፣ ኣባኔ ኣባ ገደን ዲዛይታ ወርሳ ሜቆዳሳ።

* 25 ኔ ኣሸካራ ኑሰ ኣዋ ዳወቲ ዱናራ ዒሎ ኣያናን ‘ዳሬ ኣሳይ ኣዛሰ ሃንቁቲ ዳንዲዳ? ዳሬይ ኣዛሰ ማላ ማቁቲዜ?

26 ቢታ ካዋቲ ኢሲፌ ጋገዲ ቢታ ሃሪዛይቲ ኢሲ ቦላ ሸቄቲዲ ጎዳ ቦላን ኔ ዳሬቲ ቲዩቲዳይሳ ቦላ ዱላቲዳ። ገዲ ዋሲዳ።

27 “ቲማፔ ሄርዶሲኔ ጳንዮሳ ጳሊዮሲ ኢሰራዔላታራኔ ሃራ ዳሬ ኣሳራ ሃኖ ካታማይን ኔ ዳራ ቲዩዳ ገሻ ናዛ ዩሱሳ ቦላ የዮ ቃቻናሰ ሸቄቲዳ። *

28 ሃይሳንካ ኔ ዋልቃኒኔ ኔ ሼኔን ካሴ ኔ ቆፐዳይሳ ኢሰቲ ፖሊዳ። 29 ጎደ! ሃዒካ ኢሰታ ማንዴዛ ኔ ቤያ፤ ኑኒ ኔ ኣይሌቲ ኔ ቃላ ባቦንታ ኩሜላ ፃላቴላራ የታና ማላ ዳንዳዩሳ። 30 ፓላናሰ ኔ ኩሼ ሚጫ። ኔ ና ገሻዛ ሱንፋን ገታ ማላታ ኦላ” ገደ።

31 ኢሰቲ ዋሲዳፔ ጉዬ ኢሰቲ ዲዛሶይ ቃዒዳሰ። ወሪካ ዒሎ ኣያናን ኩሚዲ ያሳ ቃላ ፃላቴላን የቲዳ።

አማኒዛይታ ኢሲፊቲላ ዲሰ

32 አማኒዛይቲ ወሪካ ኢሲ ዋዘናኒኔ ኢሲ ቆፋን ጋገ ዳቲሰ። ኢሰታሰ ዲዛይ ወሪ ኢሲ ቦላ ዳሰ ኣቲን ባሰ ዲዛዝ “ሃይሲ ታሰ ቡዘ ሚሻ” ገዛዳይ ዳና። *

33 ሃዋሪቲካ ጎዳ ዩሱሳ ዳንፋ ገታ ዋልቃን ማርካቴላ ኦይኪዳ። ኡባ ቦላ ገታ ያሳ ኪያቴላ ዳሰ። 34 ኢሰታ ገደን ሜቶታንቻይ ኣሳዳይካ ባዋ። ጋሶይካ ጋዴ ገዲን ኬሌ ገዲን ባሰ ዲዛ ወርሲ ባይዚ ባይዚ ሺሺዳ ሚሻ

35 ሃዋሪታ ኩሼን ዋሊዲ ኢሲ ኣሳዳሰ ኢዛሰ ኮሺዛ ማላ ገሼቲሰ።

36 ቆጶርሴ ጌቲቲዛሶን ዲዛ የሴፌ ጌቲቲዛዳይ ኢሲ ለዌ ባጋ ኣሲ ዳሰ። ኢዚካ ሃዋሪታን “ባርናባሳ” ጌቲቲ ሱሚዳሰ። ሄሳሰ ቢርሼላይ “ሚንሌላ ና” ጉሳ። 37 ኢዚካ ባ ጋዴ ባይዚዳ ሚሻ ኤሂዲ ሃዋሪታ ኩሼን ዋሊዳሰ።

5

ሃናኒያኔ ሳጲራ

1 ኢሲ ሃናኒያ ጌቲቲዛ ኣሲ ሳጲራ ጌቲቲዛ ባ ማቼይራ ባ ጋዴ ባይዚዳሰ። 2 ማቼያ ሳጲራይ ሎዔላ ኤሪሺን ጋዴዛ ባይዚዳ ሚሻፌ ባጋ ሻኪ ኣሺዲ ባጋ ኤሂዲ ሃዋሪታ ኩሼን ኣሚዳሰ። 3-4 ቃሴ ጳጳርሴ “ሃይሶ ሃናኒያ! ኑኒ ዒሎ ኣያና ቦላ ዋርዳታናሴኔ ጋዴ ሚሻፌ ኣሻና ማላ ፃላዔይ ኣይሰ ኔ ዋዘናን ጌሊዳ? ባይዛናፔ ካሴ ጋዴዚ ኔይሳ ገዴኔ? ኔ ባይዚዳፔ ጉዬ ቃሴ ሚሻይ ኔ ኩሼን ዳኔ? ሂሰቲን ኔ ሃይሳ ማላ ዋሰታ ኔ ዋዘናን ቆፓዲ? ኔ ያሳ ቦላ ዋርዳታዳሳ ኣቲን ኣሳ ቦላ ገዴና” ገዴሰ።

5 ሄሳ ሲዩዳ ማላ ሃናኒያይ ኩንዲ ሃይቁዳሰ። ሄሳ ሲዩዳ ኣሳይ ወሪ ዳር ባቢዳሰ።

6 ኣቲማሳይ ዳንዲዲ ኣሃ ፃዒዲኔ ሄራካ ኤፊዲ ዋገዴሰ።

7 ሄሹ ሳቲፔ ጉዬ ማቼያ ኢዚ ዋኒዳኮኔ ኤርንታ ዳሼ ያዲሰ። 8 ጳጳርሴካ “ኣኔ ታሰ የታ፤ ኢንቴ ጋዴዛ ባይዚዳ ዋጋይ ሃኖ ፃላ?” ገዴሰ። ኢዛካ “ኤ ሃኖ ሃ ዋጋይን ባይዚዳሰ” ገዴሰ።

9 ጳጳርሴካ “ኣንቴ ያሳ ኣያና ፓጫናሰ ኣይሲ ኢሲ ዳና ገዲዳቲ? ሄኮ ኔ ኣዚና ዋገዲ ኣሳቲ ዋገ ሲሚዲ ካሬን ፔንጌ ቦላ ዳቲሰ። ኢሰቲ ኔናካ ኬሲ ኤኪ ኤፋና” ገዴሰ። 10 ኢዛ ሲዩዳ ማላ ሄራካ ኢዛ ቶሆ ቦላ ኩንዲዳ ሃይቃዲሰ። ኣቲማሳይካ ሶ ጌሊዳ ማላ ሃይቁዳር ቤዩዲ ኬሲ ኤፊዲ ኢዚ ኣዚና ኣቻን ዋገዲ። 11 ኩሜላ ዋሳ ኬላ ኣሳይኔ ሄሳ ሲዩዳ ኣሳይ ወሪ ዳር ባቢዳሰ።

ሃዋሪታ ኩሼን ዳር ኣሲ ፓዒዳሰ

12 ሃዋሪቲካ ዳሬ ገደን ዳር ማላታኔ ማላሊሲዛ ሚሻ ኦሊዳ። ኣማኒዛይቲ ወሪ “ሶሎሞኔ ሲሜራቴላሰ” ጌቲቲዛ ፔንጌን ሸቄቲሰ። 13 ኢሰታሰ ባቢዳ ገሽ ኦኒካ ኢሰታራ ዋላኬታናሰ ኮዩቤና። ገደ ኣቲን ዳሬይ ኢሰታ ከሄ ቦንቼሰ። 14 ዳር ማጫሳቲኔ ኣዳቲ ዋዴፔ ዋዴን ጎዳን ኣማኒ ኣማኒ ኢሰታ ቦላ ጉጂቲዳ። 15 ሄሳ ጋሶን ጳጳርሴ ኣጲሺን ሃራይ ኣቲን ኢዛ ኤሾይ ሃርጋንቻታ ባጋ ሃርጋንቻታ ቦላ ዋቆና ማላ ሃርገዛይቲ ኢቺዛ ኣልጋ ቦላኔ ሃላ ቦላ ካሬን ኢሺሴቲሰ። 16 ዩሩሳላሜ ዩሾን ዲዛ ካታማታፔ ሃርገዛይታኔ ቱና ኣያናይ ዋይሲዛይታ ኤሂን ወሪ ፓዒዳ።

ሃዋሪታ ቦላ ጋኪዳ ጎዴቲላኔ ዋዬ

17 ሄሳ ዋዴ ቁሴታ ሃላቃይኔ ኢዛራ ዲዛ ሳዲቃዋታ ባጋቲ ወሪካ ቃናቲ ቃናቲዛይታ ፃላ ገዲዳ። 18 ሃዋሪታ ኦይኪዲ ቃሾ ኬሌ ጌልላዳ። 19 ገደ ኣቲን ጎዳ ኪታንቻይ ቃማራ ቃሾ ኬላ ካሬ ደዩዲ ኢሰታ ኬሲዲ። 20 “ቢዲ ያሳ ኬላ ገቤ ገደን ኤቁዲ ሃይሳ ዳዮ ቃላ ኡባ ዳሬሰ የቲቲ” ገዴሰ።

* 4:24 ኬሳ 20:11፤ ናሃ 9:6፤ ማዛ 146:6 * 4:27 ሉቃ 23:1፣7-11፤ ማቶ 27:1-2፤ ማር 15:1፤ ዮሃ 18:28-29 * 4:32 ሃዋ 2:44-45

21 ጋዴይ ዋንቲዳ ማላ ኢስታሰ ሮቲዳይሳ ያሳ ከላ ጊቤ ጌሊዲ ዳሬዛ ታማርሶ ኦይኪዳ፤ ቁሴታ ሃላቃይኔ ኢዛራ ዲዛይቲ ዪዲ ኣይሁዳታ ዲላታኔ ኢስራዔል ዳሬ ጨማታ ኩማል ኢሲ ቦላ ሸሺዲ። ሃዋሪታ ቃሾ ከላፊ ኤኪ ያና ማላ ኣሰ ዩዲዳ። 22 ከቲቲ ቢዳ ኣሳቲ ቢዲ ኢስታ ቃሾ ከላን ዳሚቤቴና፤ ሲሚዲኔ 23 “ቃሾ ከላይ ሎዔል ቁልፊቲ ዳሰ፤ ናጊዛይቲካ ፔንጌ ቦላ ኤቁ ዲሺን ቤዩደሰ፤ ጊዶ ኣቲን ኑ ደይ ጌሊሺን ቃሰ ከላን ኦኒካ ባ” ጊዳ። 24 ያሳ ከሌ ናጊዛይታ ሃላቃይኔ ቁሴታ ሃላቃቲካ ሃሳ ሲዩዳ ማላ ሃናዛን ዳሮ ማላላቲዳኔ ኢስታሰ ሃናይ ወሪ ቲኪ ጊዳሰ። 25 ሄራካ ኢሲ ኣሲ ዩዲ “ሃኮ ኢንቲ ቃሾ ከሌ ጌልሊዳ ኣሳቲ ያሳ ከላ ጊቤ ጊዶን ኤቁዲ ዳሬ ታማርሶን ዳቲሰ” ጊዳሰ። 26 ያሳ ከሌ ናጊዛይታ ሃላቃይ ባ ኣሳንታታራ ቢዲ ኢስታ ኦይኪ ኤኪ ዩዳሰ። ኦይኪ ኤሂዳይቲ ኣሳይ ባና ሹቻራ ጫደንታ ማላ ባቢዲ ዋልቃሶንታ ሎዳራ ኤሂዳ።

27-28 ሃዋሪታ ኤሂዲ ኣይሁዳ ዲላታ ሲንላን ኤሲዳ። ቁሴታ ሃላቃይካ ኢስታ “ሃይሳ ሃ ሱንላን ኢንቲ ታማርሶንታ ማላ ኢንቲሰ ሎዔል ሮቲዳሰሸሺን ኢንቲ ኢንቲ ቲሚርቲዛ ዩራሳላሚ ኡባን ኩንሌታ። ቃሴ ኦናካ ሃ ኣዳዘ ሱላሰ ኦይሸቴዛይታ ሂሰታናሰ ጊዳ ዳንዲዳታ” ጊዳሰ። *

29 ጴጥሮስኔ ሃንኮ ሃዋሪቲካ ዛራዲ “ኦኒ ኣሳፔ ኣሌዲ ያሳሰ ኣዛዜታናሰ ቤሴሰ።

30 “ኢንቲ ኢዛ ሚላ ቦላ ካቁ ዋዲዳ ዩሱሳ ኑ ኣዋንታ ያሳይ ኢዛ ሃይቆፔ ዳንሊዳሰ። 31 ኢዚካ ኢስራዔል ናይታሰ ናጋራፔ ሲሚዲ ማሪታና ማላ ያሲ ኢዛ ኡባሬ ቦላኔ ኣሸዛይ ሂሰቲዲ ባ ኡሻቻን ቆቁ ቆቁ ሂሰቲዳሰ። 32 ኦኒካ ሃይሳሰ ማርካታ። ቃሴካ ያሲ ባሰ ኣዛዜቲዛ ኦናሰካ ኢሚዳ ዒሎ ኣያናይካ ማርካ” ጊዳ።

33 ኣሳቲ ሄሳ ሲይዲ ኢታ ሃንቆ ሃንቁቲዳ። ዋዳካ ኮይዳ። 34 ጊዶ ኣቲን ዳሬ ኣቻን ከሂ ቦንቲቲዳ ኢሲ ዋጋ ኣሰታማራ። ኢዚካ ጋማልያሌ ጌቲቲዛ ፋርሳቁታ ባጋይ ዳሬ ጨማታ ጊዶን ዳንዲ ኤቁዲ ሃዋሪቲ ትላ ዋዳ ካሬን ጋምዳና ማላ ኣዛዚዳሰ። 35 ዳሬ ጨማታሰ ሂዝጊዳሰ “ኢስራዔል ኣሳቶ! ኢንቲ ሃይታ ኣሳታ ቦላ ኦላናይሳ ዳሮ ኣከካራ ኦላናሰ ቤሴሰ። 36 ሃይሳፊ ካሴ ኢሲ ቲዋዳሳ ጌቲቲዛይይ ባና ጊታ ኣሰ ሂሰቲ ቆዲ ዳንዲን ኦይዲ ያቲ ዳሬይ ኢዛ ካሊዳሰ። ጊዶ ኣቲን ኢዚ ኣሳ ኩሸን ሃይቁዳሰ። ኢዛ ካሊዛይቲካ ጮ ላላቲን ኢዛ ሃናይ ጮ ሚላ ኣቲዳሰ። 37 ኢዛፔ ጉዩካ ዳሬይ ታይቤቲዛ ዋዳ ጋለላ ዩሁዳይ ዳንዲዲ ዳሮ ዳሬ ባናራ ካሌሊዳሰ። ባና ካሊዛይቲካ ዳሚዳሰ ሸን ኢዚካ ዳዩዳሰ። ኢዛ ካሊዛይቲካ ወሪ ዳዩዳ።

38 “ሃሳ ጊሸ ታ ሃላ ኢንቲና ጊዛይ ሃይታ ኣሳታ ኣጊቲ፣ ቦቾፍቲ። ኢስታ ቆፋይ ዋይኮ ኢስታ ኦሰይ ኣሳፔ ጊዲኮ ዳያና። 39 ያሳፊ ጊዲኮ ቃሰ ኢንቲ ኢስታ ቲቃናሰ ዳንዳዩከታ። ኦኒ ኤሪዛይ ኢንቲ ያሳራ ኦይቲሽ ቤታናኮኔ” ጊዳሰ።

40 ኢስቲካ ኢዛ ዘሪዛ ኤኪዲ ሃዋሪታ ያይጊዲ ጋራፊሲዳ። ናምዓንላ ዩሱሳ ሱንላን ሃሳዮንታ ማላ ኣዛዚዲ ዩዲዳ። 41 ሃዋሪቲካ ኢዛ ሱንላ ጊሸ ካወያናሰ ቤሲዛ ጊሸ ዳሮ ኡፋዩቲሽ ዳሬ ጨማታ ኣቻፊ ከዚ ቢዳ። 42 ጋለሰ ጋለሰ ያሳ ከላኒኔ ኣሳ ኢሳ ከላን ዩሱሲ ኢዚ ያሲ ደሪዳዳ ጊዲዳይሳ ታማርሶፊኔ ሳባኮፔ ሙሊካ ጉዩ ጊቤቴና።

* 5:27-28 ማቶ 27:25 * 7:4 ሜዴ 11:31፤ 12:4

6

ላፑን ዳቆኔታ ደራቴል

1 ኣማኒዛይታ ቆዳይ ዳሪ ዳሪ ቢዛ ዋዳ ጊሪኬ ቢታፊ ዩዳ ኣይሁዳ ኣሳቲ ዩሁዳን ዲዛ ኣይሁዳ ኣሳ ጉዩራ ዘጊራቲዳ። ጋሶይካ ኡባ ዋዳ ሚዛ ካል ጊሸሽ ኣምዔታ ወዳቶንታ ኣጊዳ ጊሻሳ። 2 ሄሳ ጊሸ ኑ ታማኔ ናምዑ ሃዋሪቲ ኣማኒዛ ሃራታ ኢሲ ቦላ ሸሺዲ “ኦኒ ካላ ጊሸን ጌሊዲ ያሳ ቃላ ታማርሶ ኣጋናሰ ቤሴና። 3 ሄሳ ጊሸ ኑ ኣሻቶ! ኢንቲ ጊዶፊ ኤራንቻታ። ዒሎ ኣያናን ኩሚዳይታኔ ሎዎ ማርካቲል ዲዛ ላፑን ኣሳታ ደሪቲ፤ ሃይሳ ኣላፊቴል ኑ ኢስታሰ ኢማና። 4 ኦኒ ጊዲኮ ዋሳኒኔ ቃላ ዮቶን ሚናና” ጊዳ።

5 ኢስቲ ጊዳ ዮያይ ሲዩዳይታ ኡፋይሲዳሰ፤ ኣማናኒኔ ዒሎ ኣያናን ኩሚዳይቲ ኢስቲፋናሴ፣ ፒሊጶሳ፣ ጲርሰቆርሳ፣ ኒቃርና፣ ዒሞና፣ ጳርሚናኔ ዩሁዳቲላን ጌሊዲ ኣንጾኪያ ዳሬ ኣሰ ኒቆሎሳ ደሪዳ። 6 ሄይታ ኤሂዲ ሃዋሪታ ሲንል ሸሺዲ። ኢስቲካ ባ ኩሽ ኢስታ ቦላ ዋሊዲ ኢስታሰ ዋሲዳ።

7 ያሳ ቃላይ ኣኪ ኣኪ ቢዳሰ። ኣማኒዛይታ ቆዳይ ዩራሳላሚን ዳሪ ዳሪ ቢዳሰ። ቁሴታፔ ዳርቲ ኣማኒዳ።

ኢስቲፋናሴ ኦይኮቴል

8 ሄ ዋዳ ኢስቲፋናሴ ያሳ ኢሞቲላኒኔ ዋልቃን ኩሚዲ ዳሬዛ ጊዶን ጊታ ማላሊሲዛ ማላታታ ኦሊዳሰ። 9 ዋዜቲ ከዚዳ ጌቲቲ ያይጌቲዛሶፔ ኣይሁዳታ ዋሳ ከላፊ ዩዳ ኣሰ ጊዲዳ ቃሪናፔኔ ኢስኪንዲሪያፔ፤ ቃሴካ ኪልቁያፔኔ ኢሲያ ኣወራጃታፔ ዩዳ ኣሳቲካ ወሪ ኢስቲፋናሴራ ማርሽቲዳ። 10 ጊዶ ኣቲን ኤራቴላን ኢዚ ሃሳዩዛ ሃሳያኔ ኢዛን ዲዛ ኣያና ኤቁታናሰ ዳንዳዩቤቴና። 11 ሄሳ ጊሸ “ኢስቲፋናሴ ሙሴኔ ያሴ ጫዩሺን ኑ ሲዩደሰ” ጊዛ ኣሳታ ጉዩራ ጊሲዲዳ።

12 ሄ ዋዳ ዳሬዛ፣ ዳሬ ጨማታኔ ዋጋ ታማርሲዛይታ ዳንሌዲዲኔ ኢስቲፋናሴ ኦይሊዲ ዳሬ ዲላታኮ ሸሺዲ። 13 ኢዛ ቦላ “ሃይሲ ኣዳዚ ሃይሳ ያሳ ከላ ቦላኔ ዋጋ ቦላ ጫሻ ቃላ ሃሳያ ሙሊካ ኣጊቤና። 14 ጋሶይካ ሃይሲ ኣዳዚ “ናዚሬቴ ዩሱሲ ሃይሳ ያሳ ከላ ዳይሳና” ጊሸኒኔ ኦኑ ሙሴፔ ኤኪዳ ዋጋ ላማና ጊ ሃሳዩሺን ኑ ሲዩደሰ” ጊ ዋርዶራ ማርካቲዛ ኣሳታ ሸሺዲ ማርካሲዳ።

15 ዲላታ ኡቲዳ ኣሳይ ወሪ ኢስቲፋናሴ ቲሽ ሂሰቲ ያሊሽን ኢዛ ኣይፊሶይ ኢስታሰ ኪታንቻ ኣይፊሶ ሚሳቲ ቤቲዳሰ።

7

1 ቁሴታ ሃላቃይ ኢስቲፋናሴ “ሃይሲ ኔ ቦላ ሸቁዳ ዮጎዚ ቲሜ?” ጊ ኦይቲዳሰ።

2 ኢስቲፋናሴካ ሂዝጊዳሰ “ታ ኣሻቶ! ታ ኣዋቶ! ታ ጊዛይሳ ሲዩቲ! ኑ ኣዋ ኣብራሃሚይ ካራኔ ጌቲቲዛሶ ያናፔ ካሴ ቡር ሚሶጎቶሚያን ዲሺን ቦንቾ ጎዳይ ኢዛሰ ቆንጨዲ። 3 ኦኒ ዳሬፔኔ ኔ ዳቦፊ ሻኬታዳ ታ ኔና ቤሲዛሶ ባ” ጊዳሰ። 4 ኢዚካ ካልዳዊታ ቢታፊ ከዚዲ ካራኔ ጌቲቲዛ ቢታን ኡቲዳሰ። ኢዛ ኣዋይ ሃይቁዳፔ ጉዩ ኢንቲ ሃላ ዲዛሶ ሃ ዳሬ ኢዛ ኤሂዳሰ።

* 5 ሃራይ ኣቶሺን ኢሲ ቶሆይ ኤቁዛ ጋዴይ ኢዛሰ ሃይሳፊ ኢሜቲቤና። ጊዶ ኣቲን ሄ ዋዳ ኢዛሰ ኢሲ ናይካ ባይንዳ ዲሺን ኢዚኔ ኢዛፔ ጉዩን ኢዛ ዜሬላ

* 5:27-28 ማቶ 27:25 * 7:4 ሜዴ 11:31፤ 12:4

ቢታዮ ላታና ማላ ያሲ ኢዛሰ ጫቂዳስ። * 6 ቃሴካ ያሲ ኢዛሰ ሂዘጊ ዮቲዳስ ኄ ዜሬሌ አላጋ ቢታን ቤቲ አሰ ገዳና። ኦይዱ ያቱ ላይሳ አይሌቲላ ቃምባራ ገደን ዋዩታና። * 7 ገደ አቲን ኢሰታ አይሌ ማላ ሃሪዛ ዴሬ ታ ቃፃያና። ሃሳፌ ጉዬ ኢሰቲ ሄ ቢታፌ ኬዚዲ ሃኖ ሃ ሶይን ታሰ ጎይናና ገደሰ። * 8 ሃሳፌ ጉዬ ቃፃራ ዋጋ ጫቆ ኢዛሰ ኢሚዳስ። አብራሃሚይካ ዩሳቃ ዩሊዲ ኢዛ ኦሰቸንጎ ጋላሰ ቃፃሪዳስ። ዩሳቃይካ ያቆቤ ዩሊዳስ። ያቆቤይካ ታማኔ ናምቡ ቆሞታ ዩሊዳስ። *

9 ሄ ቆሞታ አዋቲ ዮሴፌ ቦላ ቃናቲዲ ኢዛ አይሌቲላሰ ዱጌ ገብፄ ባይዚዳ። ገደ አቲን ያሲ ኢዛራ ዳሰ። * 10 ማቶ ኡባፌ ኢዛ አሺዳስ። ገብፄ ካዋ ፓሮኔ ሲንጎን ቦንቾ ኢሚዳስ። ፓሮኔይ ኢዛ ገብፄ ቢታኒኔ ባ ኬላ አሳ ኡባ ቦላ አላፊቲላን ሹሚዳስ። *

11 “ሄ ዋዴ ካናኒኒኔ ገብፄን ዳሮ ማቶ ኡሂዳ ገታ ኮሻይ ዳንዲዳስ። ኑ አዋታሰካ ሚዛ ካሌ ዳዩዳስ። * 12 ያቆቤይ ገብፄ ዳሬን ካሌ ዲዛይሳ ሲይዲ ኑ አዋታ ኮይሮ ገብፄ ዩዲዳስ። 13 ኢሰቲ ናምባንላ ቢዛ ዋዴ ዮሴፌይ ኢዚ ኦናኮኔ ባና ባ ኢሻታሰ ቆንጩሲዳስ። ፓሮኔይካ ዮሴፌ ኢሻታ ኤሪዳስ። * 14 ሃሳፌ ጉዬ ዮሴፌይ ከቲዲ ባ አዋ ያቆቤኔ ላቸን ታማኔ ኢቻሹ ገዲዛ ባ ዳቦታ ኩሜላ ኤሂሲዳስ። * 15 ያቆቤይ ዱጌ ገብፄ ዋዳዳስ። ኢዚካ ኑ አዋቲካ ወሪ ሄን ሃይቂዳ። * 16 ኢሰታ አሃይካ ሴኬሜ ጌቲቲዛሶ ኤፊን አብራሃሚይ ኤሞሬ ናይታፔ ባ ሚሻን ሻሚዳ ዱሬን ሞጌቲዳስ። *

17 “ዮሲ አብራሃሚሰ ጫቂዳ ቃላይ ፖሌቲዛ ዋዴይ ማቲሺን ገብፄን ዲዛ ኑ አሳ ቆዳይ ዳሪ ዳሪ ቢዳስ። 18 ሃሳፌ ጉዬ ገብፄ ቢታን ዮሴፌ ኤሮንታ ሃራ ካዋይ ካዋቲዳስ። 19 ኢዚካ ኑ አሳ ባ ጌኔ ኦሶን ሚቶላዳስ። ቡሮ ዩሌቲዳ ጉላ ናይቲ ሃይቃና ማላኔ ዩሊዳ ናይታ ካሪ ኬሲ ዋራ ዩጋና ማላ ዋልቃሊዳስ። * 20 ሄ ዋዴ ሙሴይ ዩሌቲዳስ። ኢዚካ ያሳ አቻን ዳሴቲዳ ማላ ሎዖ ና ገዲዳስ። ባ አዋ ኬላን ሄቹ አገና አልዲሶን ዲጩዳስ። * 21 ኢዚ ጌዴ ዋራ ዩጌቲዳ ዋዴ ካዋ ፓሮኔ ማጫ ናያ ዳማዳ ባሰ ኤካዲሰ። ባ ና ማላ ኦሳዳ ዲቻዲሰ። * 22 ሙሴይካ ገብፄታ አቶ ኤራቲላ ወርሲ ታማሪዳስ። ዮዖን ኤራቴ ኦሶንካ ሚኖ ገዲዳስ።

23 “ሙሴ ላይሌ ኦይዱ ታሙ ገዲዳ ዋዴ ሙሴይ ባ ኢሻታ ኢሰራዔሌ ናይታ ቤያናሰ ባ ዋዝናን ቆፒዳስ። * 24 ኢዚካ ኢሲ ገብፄ አሲ ሙሴ ባጋ አሳፔ አሳዴ ቦላ ቆሆ ጋሊሺን ቤዩዲ ባ ባጋ አዳዛ ማዲዳስ፤ ሄ ገብፄ አዳዛ ዋዳዲ ሄ ቆሄቲዳይሳ ሃሎ ኬሲዳስ። 25 ሙሴሰ ያሲ ኢዛ ኩሹን ኢሰታ ዋዛናይሳ ኢዛ አሳይ አኬኪዛ ሚሳቲዳስ። ገደ አቲን ኢሰቲ ሃሳ ዩሺ ቆፒቤቲና። 26 ዋንቲላ ጋላሰ ቃሴካ ኢሰራዔሌ ናይታፔ ናምባቲ ባ ገደን ኦዩቲሺን ጋኪዲ ኦዩቲዛይታ ገብሳናሰ ኮይዲ ሃይቶ! አሳቶ ኢንቲ ኢንቲ ገደን ኢሻንታኮ፤ ኢንቲ ዋኒዲ ኢሶይ አሳ ቆሄቲ?” ገደሰ።

27-28 “ባ ላጌዛ ቦላ ቆሆ ጋሊዲይሲ ሙሴ ሱጊ ዩጊዲ ኄና ኑ ቦላ ኑና ሃሪዛዴኔ ኑ ቦላ ፒርዲዛዴ ኦላ ሹሚዳይ ኦኔ? ዋይኮ ቃማ ገብፄ አዳዛ ዋዳይሳላ ታናካ ዋቆና ኮያይ?” ገደሰ። 29 ሙሴይ ሃሳ ሲዩዳ ማላ ሚዲያሚ ቢታ ቤቲዲ ሃን ቤቲ አሰ ገዲ ዳዲዳስ፤ ያንካ ናምቡ አቲማ ና ዩሊዳስ። *

30 “ሃሳፌ ኦይዱ ታሙ ላይላፌ ጉዬ ሲና ዙማ አቻን ዲዛ ባዘ ቢታን ቄሪ ዋራ ገደን ኤፂዛ ታማ ላጮን ኪታንቻይ ኢዛሰ ቤቲዳስ። 31-32 ሙሴይካ ኢዛ ቤዩዳ ማላ ማላሌቲዳስ። አዛኮኔ ሻኪ ኤራናሰ ኢዚ ሃን ኢዛኮ ሸቂሺን ጎዳ ቃላይ ናታ ኔ አዋንታ ያሳ አብራሃሚ፤ ዩሳቃኔ ያቆቤ ያሳ፤ ገሺን ሲይዳስ። ሙሴይካ ዳሮ ዳጋሚዳስ፤ ያላናሰካ ያሊቤና።

33-34 “ሳዳይካ ኢዛሰ ሃይሲ ኔ ኤቂዳሶይ ጌሻሶ ገዲዳ ገሸ ኔ ቶሆፔ ጫማ ሾዳ። ገብፄን ዲዛ ታ ዳሬታ ዋዩ ታ ቱማፔ ቤያዲሰ፤ ኢሰቲ ዋሲዛ ዋዩ ዋሶዛ ታ ሲያዳ ኢሰታ አሻናሰ ዋዳዲሰ። ኔ ሃሳካ ሃያ፤ ታ ኔና ዱጌ ገብፄ ዛራዳ ኪታና፤ ገደሰ።

35 “ሂሰቲን ሄይቲ ና፡ ቦላ ኔና ሃሪዛዴኔ ፒርዲዛዴ ሂሰቲ ኦኔ ሹሚዳ?” ገዲ አሳይ ካሴ ካዳዳ ሙሴ ያሲ ቄሪ ዋራ ገደን ኢዛሰ ቤቲዳ ኪታንቻ ባጋራ ኢሰታ ሃሪዛዴኔ አሸዛዴ ሂሰቲዲ ኢሰታኮ ዛሪ ዩዲዳስ። 36 ኢዚካ ኢሰታ ካሌሊዲ ገብፄፔ ኬሲዳስ። ገብፄን፤ ዘዖ አባኒኔ ባዘ ቢታን ኦይዱ ታሙ ላይሌ ዳሮ ማላሊሲዛ ሚሻታኔ ገታ ማላታታ ኢሰታሰ አሊዳስ። * 37 “ኢሰራዔሌ ናይታሰ ናታ ማላ ናቤ ያሲ ኢንቲ ገደፌ ዳንጎና፤ ገዲይሲ ሃይሳ ሙሴኮ! * 38 ኢዚካ ሲና ዙማ ቦላ ሃሳዩዳ ኪታንቻራኔ ባዘ ቢታን ኑ አዋታራ ዳሪ ዱላታ ገደን ዳስ። ዳዖ ቃላካ ሃ ኑሰ አሳናሰ ኤኪዳስ። *

39 “ኑ አዋቲ ገዲኮ ኢዛራ ኤቁቲዳ አቲን ኢዛሰ አዛዜታናሰ ኮዮንታ ገሸ ባ ዋዝናራ ጉዬ ገብፄ ሲሚዳ። 40 ኦሮኔሰካ ና፡ ሲንጎራ ቢዛ ኤቃ ኑሰ ገብሳ! ኑና ገብፄፔ ካሌሌ ኬሲዳ ሙሴይ ዋኒዳኮ ኑ ኤሮኮ፤ ገዲ። * 41 ሄ ዋዴ ማራ ሚሲሌ ሜዳዲ ኤቃሰ ያርሾ ሺሺዳ። ባርካ ሜዳዳ ባ ኩሹ ኦሶን ኡፋዬቲዲ ጉፒዳ። *

42 “ገደ አቲን ያሲ ኢሰታሰ ዘኮ ዛሪዳስ። ኢሰቲ ሳሎ ያለንቲታሰ ጎይናና ማላ አሊ ኢሚዳስ። ሄሲካ ናቤታ ማፃፋን

‘ኢንቲኖ ኢሰራዔሌ ናይቶ!
ኢንቲ ባዘ ቢታን ኦይዱ ታሙ ላይሌ ዲዛ ዋዴ ኢንቲፌ ያርሾኔ ሙፀዋታ ታሰ ሺሺ ኤሪቲ?’

43 ሃራፔካ ኢንቲ ጎይናናሶ አሊዳ ኤቃ ሞሎኬ ዱንካናኔ ኢንቲ ኤቃ ራፋኔ ያለንቲ ሚሲሌዛ ዶቁ ዶቁ ሂሰቲ ኦይኪዳታ።

ሃሳ ገሸ ታ ኢንቲና ኢንቲ ዲዛሶፔ ዳንጎዳ ባቢሎኔራ አሳ ዩዳና፤ ጌቲቲዲ ያፊቲዳስ።

* 7:5 ሜዴ 12:7፤ 13:15፤ 15:18፤ 17:8 * 7:6 ሜዴ 15:13-14 * 7:7 ኬሳ 3:12 * 7:8 ሜዴ 17:10-14፤ 21:2-4፤ 25:26፤ 29:31-35:18 * 7:9 ሜዴ 37:11፤ 37:28፤ 39:2፤21 * 7:10 ሜዴ 41:39-41 * 7:11 ሜዴ 42:1-2 * 7:13 ሜዴ 45:1፤ 45:16 * 7:14 ሜዴ 45:9-10፤17-18፤ 46:27 * 7:15 ሜዴ 46:1-7፤ 49:33 * 7:16 ሜዴ 23:3-16፤ 33:19፤ 50:7-13፤ ኢያ 24:32 * 7:19 ኬሳ 1:10-11፤ 1:22 * 7:20 ኬሳ 2:2 * 7:21 ኬሳ 2:3-10 * 7:23 ኬሳ 2:11-15 * 7:29 ኬሳ 18:3-4 * 7:36 ኬሳ 7:3፤ 14:21፤ ታይ 14:33 * 7:37 ዛሬ 18:15፤18 * 7:38 ኬሳ 19:1-20:17፤ ዛሬ 5:1-33 * 7:40 ኬሳ 32:1 * 7:41 ኬሳ 32:2-6 * 7:44 ኬሳ 25:9፤40

44 “ዎሲ ሙሴ ቤሲዳ ለሚሰዘ ማላኔ አዘዘዳይሳ ማላ ኦሲቲዳ ያሲ አሳራ ገዢ ዲንካኔያ ኑ አዋታራ ባዘ ቢታን ዳዓዲስ። * 45 ኑ አዋቲ ዲንካኔያ ኤኪዳይሳፊ ጉዬ ያሲ ኢያሶ ካሌሊን ካሴ ኢሰታ ጎዲዳ ዳሬታ ላቲዳ ዋዴ ዲንካኔያ ኤኪ ገሊዳ። ዳወቲ ዋዴ ገካናሰ ዲንካኔያ ሄ ቢታን ዳዓዲስ። * 46 ዳወቲይካ ያሳ ሲንፋን ቦንቾ ዳሚዲ ያቆቤ ጎዳሰ አቆሶ ገዢሳናሰ ዋሲዳሰ። * 47 ገዶ አቲን ሶሎሞኔይ ኢዛሰ አቆሶ ከፂዳሰ።

48-50 “ገዶ አቲን ዋጋ ጎዳይ አሳ ኩሼይ ከፂዳ ከፋን ዳና። ሄሲካ ናቤይ

ካሴ ገሻ ማፋን ፃፊቲዳ ማላ
 “ሳሎይ ታ ኡቲዛ አልጋ፤
 ቢታይካ ታ ቶሆን ዬዲዛሶ፤
 ሂሰቲን ኢንቲ ታሰ አይ ማላ ከፊ ከፂቲ?
 ዋይኮ ታ ሸምጋናሶይ አዋይሴ? *
 ሃይሳ ወርሲ ታ ኩሼይ አሊቤኔ?”
 ገሰ ጎዳይ ያሳይ።”

51 “አንቴፍ ዋዘና ሙሙቶ! ሃይሳ ቱሌቶ! አንቴካ አንቴ አዋታ ማላ ኡባ ዋዴ ሂሎ አያናራ ኤቁቲታ። * 52 ናቤታፔ አንቴ አዋቲ ጎዶንታ ናቤይ ኦኔ? ሂሎዛ ዮሃኒሳ ካሴቲ ዮቲዳ ናቤታካ ዋዲዳ፤ አንቴካ ሃሲ ኢዛ አሊ አሚዳታይ ዋዲዳ። 53 ከታንቻ ባጋራ አንቴሰ አሚቲዳ ዋጋ ኤኪዳታ አቲን ናገቤኬታ” ገዳሰ።

ኢሰቲፋናሲ ሹቻን ጫዳቲ ሃይቂዳሰ

54 ዱላታን ዲዛ አሳይ ሄሳ ሲዱዳ ማላ ዳር ሃንቁቲዳ፣ ኢዛ ቦላ ባ አቺ ጋርጨዳሰ። 55-56 ገዲንካ ኢሰቲፋናሲ ሂሎ አያናን ኩሚዳኔ ፑዴ ሳሎ ቲሺ ሂሰቲ ጫሊሺን ያሳ ቦንቾን ዬሱሲ ያሳ ኡቫቻን ኤቁዳይሳ ቤዱዲ “ሄኮ ታ ሳሎይ ደዬቲዳይሳኔ አሳ ናይ ያሳ ኡቫቻን ኤቁዳይሳ ቤያይሰ” ገዳሰ።

57 ሄሳ ዋዴ አሳይ ቃላ ቶቁ ሂሰቲ ዋሲሼ ባ ሃይሌ ቱጨ ኦይኪዳ ኢዛኮ ኢሲፊ ዋዲዳሰ። 58 ኢሰቲፋናሲ ኦይኪዳ ካታማፔ ጌዴ ካራ ኦሊዳ። ሹቻን ጫቶ ኦይኪዳ። ሄሲ ወሪ ሃኒሺን ማርካቲካ ባ ማይያ ሳወሌ ጌቲቲዛ ገንሳ አቻን ዋሊዳ። 59 ኢሰቲ ሹቻራ ኢዛ ጫዲሺን ኢሰቲፋናሲ “ታ ጎዳ ዬሱሳ ታ ሸምጋኖ ኔኮ ኦካ” ገዲ ዋሲዳሰ። 60 ቃሴካ ጉልባቲዲ ቶቃ ቃላን “ሳዶ! ሃይታንታ ናጋራ ቆዶጋ” ገዲ ዋሲዳሰ። ሄሳ ገዳፔ ጉዬ ሃይቂዳሰ።

8

1 ሳወሌይካ ኢሰቲፋናሲ ሃይቆን ኢሰታራ ቆፋን ገዢዳሰ። ሄ ዋዴ ዬሩሳላሜን ዲዛ አሚኒዛይታ ቦላ ገታ ጎዴቲሊ ዳንዲዳሰ። ሃዋሪቲ አታፊ አሚኒዛይቲ ወሪ ዩሁዳ አወራጃኒኔ ሳማሪያ አወራጃን ኡባን ላሊቲዳ። 2 አያና ኦሶን ሚኒ ኤቁዳ አሳቲ ኢሰቲፋናሲ ዋገዲ፣ ኢዛሰ ዳር ዬኪዳ። 3 ሳወሌይ ቃሴ ዋሳ ከፋ ሳይሳናሰ ገፂ ዳንዲዳሰ። አሚኒዛ አሳ ኢሳ ኢሳ ከፋ ገሊዲ ማጫታኔ አዳታ ጎቺ ጎቺ ከሲዲ ቃሾ ከፋን ገልሊዳሰ። *

ፕሊጶሲ ሳማሪያ ዳሬን ሚሺራቾ ቃላ ማርካቲዳሰ

4 ላሊቲዳይቲ ወሪ ባ ቢዳሶን ቢዳሶን ያሳ ቃላ ዮቲዳ። 5 ፕሊጶሲካ ሳማሪያ ጌቲቲዛ ካታማ ዋዲዲ

* 7:45 ኢያ 3:14-17 * 7:46 2ሳሜ 7:1-16፤ 1ታር 17:1-14 22:4-5፤ 26:9-11

አሳሰ ኪርሰቶሳ ሳባኪዳሰ። 6 ዳር ዳሬይ ፕሊጶሲ ኦሊዛ ማላታ ቤዱዲ ኢዚ ዮቲዛ ቃላ ዋዘናፔ ሎዔሌ ሲይዳሰ። 7 ቱና አያናቲካ ዳር አሳፔ ዋሲ ዋሲ ከዚዳ። ዳር ቶሆ ሲላቲኔ ዋቤቲካ ገፂዳ። 8 ሄሳ ገሸ ሄ ካታማ አሳይ ዳር ኡፋዬቲዳሰ።

9 ገዶ አቲን ሃሳፊ ካሴ ሄ ካታማዪን ማር ማርቲዲ ሳማሪያ አሳ ዳር ማላሊሲዛዝ ኦሊዛ ኢሲ ሲሞና ጌቲቲዛ ማርይ ዳሰ። ኢዚካ ባና ገታ አሳ ማላ ቆዲዛዳ። 10 አሳይ ወሪ ጉላታፔ ገታታ ገካናሰ ወሪካ “ሃይሲ አዳዚ ገታ ዋልቃማ ጌቲቲዛ ያሳ ዋልቃ” ገሸ ኢዚ ገዛይሳ ወርሲ ዋዘናፔ ሲዬሰ። 11 ዳር ዋዴ ባ ማርቲፋ ኦሶን አሳ ማላሊሲዳ ገሸ አሳይ ኢዛ ዋዘናፔ ካሊሼ ጋምዲዳሰ። 12 ገዶ አቲን ፕሊጶሲ ያሳ ካዋቲፋ ገሸኔ ዬሱሰ ኪርሰቶሳ ገሸ ሳባኪዳይሳ ሲይዲ አሚኒዳ ማጫሳይኔ አቱማሳይ ፃማቁቲዳሰ። 13 ሲሞኒካ አሚኒዲ ፃማቁቲዳሰ። ፕሊጶሳካ ካሊ ቢዲ ሃኒዛ ገታ ማላታ ቤዱዲ ማላሊቲዳሰ።

14 ዬሩሳላሜን ዲዛ ሃዋሪቲ ሳማሪያ አሳይ ያሳ ቃላ ኤኪዲ አሚኒዳይሳ ሲይዲ ጶፀርሳኔ ዮሃኒሳ ኢሰታኮ ከቲዳ። 15 ኢሰቲካ ሳማሪያ ገኪዲ አሚኒዳ አሳይ ሂሎ አያና ኤካና ማላ አሳሰ ዋሲዳ። 16 ጋሶይካ ሄ ዋዴ ኢሰቲ ጮ ዬሱሳ ሱንፋን ፃማቁቲዳ አቲን ቡር ሂሎ አያናይ ኢሰታፊ አሳዴ ቦላካ ዋዲቤና። 17 ሄሳ ገሸ ጶፀርሳኔ ዮሃኒሲ ባ ኩሼ አሳ ቦላ ዋሊን አሳይ ሂሎ አያና ኤኪዳሰ።

18 ሲሞኒካ ሃዋሪቲ ኩሼ ዋሊ ዋሲን ሂሎ አያናይ ኢሚቲዛይሳ ቤዱዲ ጶፀርሳሲኔ ዮሃኒሳሰ ሚሼ ኤኪ ዩዲ፣ 19 “ታ ኢዛ ቦላ ታ ኩሼ ዋሊዳይይ ወሪ ሂሎ አያና ኤካና ማላ ሃይሳ ማላ ጎዳቲላ ታሰካ አሚቲ” ገን፣

20 ጶፀርሲ ኢዛሰ ዛሪዲ “ዮሳ ኢሞታ ኔ ሚሻን ሻማና ቆፒዳ ገሸ ኔኒ ኔ ሚሻራ ኢሲፊ ቆያ። 21 ኔ ዋዘናይ ያሳ ሲንፋን ሱራ ገዶንታ ገሸ ኔሰ ሃይሳ ሃ ኦሶዛን ገሻይ ዋይኮ ቃዳይ ዳና። 22 ሃይሳ ኔ ኢታቲፋ ገሸ ሃሲ ኤሌ ማርቲፋን ገላ፤ ኔ ዋዘና ቆፋ ኔሰ አቶ ጋናኮኔ ኔሰ ጎዳ ዋሳ። 23 ጋሶይካ ኔኒ ኢታቲፋን ኩሚዳይሲኔ ማካላን ቃሼታ ኡቲዳይሲ ታሰ ቤቲሰ” ገዳሰ።

24 ሲሞኒካ ዛሪዲ “አንቴ ገዳ ዮጋታፔ አይኮይካ ታ ቦላ ጋኮንታ ማላ ታሰ ጎዳ ዋሲቲ” ገዳሰ።

25 ጶፀርሲኔ ዮሃኒሲ ጎዳ ቃላ ማርካቲዳይሳፊኔ ቆንጨሲ ዮቲዳይሳፊ ጉዬ ዳር ሳማሪያ ጉታታን ሚሺራቾ ቃላ ሳባኪሼ ዬሩሳላሜ ሲሚዳ።

ቶጶያ ካዋ ሚሻ ቦላ ሹሜቲዳ ጉንዱላዛ ፕሊጶሲ ፃማቁዳሰ

26 ጎዳ ከታንቻይ ፕሊጶሳ “ዳንዳ! ዬሩሳላሜፔ ዲጌ ባጋራ ጌዴ ጋዛ ኤፊዛ ባዘ ኦጋራ ባ” ገዳሰ። 27 ኢዚካ ዳንዲ ቢዳሰ። ሂንዴኮ ጌቲቲዛ ቶጶያፔ ገዲዳ ካዋያ ባ ከፋኒኔ ባ ካዋቲፋን ዲዛ ኡባ ሚሻ ቦላ አላፊቲፋን ዋሊዳ ኢሲ ቶጶያ ጉንዱሳ አሲ ኢዛራ ገዢዳሰ። ሄ አዳዚ ያሳሰ ጎይናና ዬሩሳላሜ ቢዳሰ። 28 ኢዚ ሃፔ ሲሚሼ ጋራ-ጋራን ኡቲዲ ናቤ አሳያሳ ማፃፋ ናባቤሰ። 29 አያናይ ፕሊጶሳ “ባ! ጌዴ ጋራ-ጋራዛኮ ሸቃ” ገዳሰ።

* 7:48-50 ኢሳ 66:1-2 * 7:51 ኢሳ 63:10 * 8:3 ሃዋ

30 ፕሊጶስካ ኤሶቲዲ ፓራ-ጋሪዛኮ ቢዲ አዳዚ ናቤ አሳያሳ ማፃፋ ናባቢሽን ሲይዲ “ሄሲ ኔ ናባቢዛይሲ ኔሰ ጌሊዜ?” ጌዴሰ።

31 ጉንዲላ አዳዚካ “ታና ኤሪሲዛ አሲ ባይንዳ ታ ዋስታ ኤር?” ጌዴሰ። አዚካ ጌዴ አዚ ጋሪዛን ጌልዲ አዚ አቻን ኡታና ማላ ዋሲዴሰ። 32 አዚ ናባቢዛ ማፃፋይ

“አዚ ደርሳ ማላ ሹኬታና ለጌቲዴሰ፤ ደርሳ ላቃይ አሲኬ ቃንፃዛይሳ ሲንላን ጮው ጊዛ ማላ

ሄሳሳካ አዚ ባ ዲና ፖጊቤና። 33 ባና ካወሽዲ ፐርዳይ ባይንዳዴ ጌዲዴሰ። አዚ ሹምፖይ ቢታ ቦላፊ ዲጌቲዴሰ።

አዚ ዩሌቴላ ጊሽ ሃሳያና ዳንዳዩዛይ ኦኔ?” ጌሰ።

34 ጉንዲላ አዳዚካ ዛሪዲ ፕሊጶሳ “ናቤዚ ሃይሳ ኦና ጊሽ ጊዜ? ባ ጊሽ ጊዜዬ? ዋይኮ ሃራ አሳ ጊሽ ጊዜ? ሃያና፣ ታሰ የታርኪ!” ጌዴሰ። 35 ፕሊጶስካ ባ ዲና ደይዲ ሄ ማፃፋፔ ደሚዲ ዩሱሳ ሚሽራቾ ቃላ ጊሽ ማርካቲዴሰ።

36 አሰቲ አሲፊ ቢሼ ሃላ ዲዛሶ ጋኪዴ። አዳዚካ “ሃኮ ሃላ ሃይሳን ዴሰ፤ ሂሰቲን ታ ፃማቁቶንታ ማላ ዲጊዛይ አዜ?” ጌዴሰ።

37 ፕሊጶስካ “ኔ ኩሜላ ዋዝናፔ አማኒኮ ፃማቁታና ዳንዳያሳ” ጌዴሰ። አዳዚካ “ዩሱሰ ኪርሰቶሲ ያሳ ና ጌዲዳይሳ አማናይሰ” ጌዴሰ። *

38 አዳዚ ፓራ ጋሪዚ ኤቃና ማላ አዛዚን ናምዓይ አሲፊ ሃላን ዋጂን ፕሊጶሲ አዳዛ ፃማቁዴሰ።

39 አሰቲ ሃላፊ ኬዚሽን ያሳ አያናይ ፕሊጶሳ ዴንላ ኤፊዴሰ። አዳዚ ሃሳፊ ጉዩ አዚ ቤይቤና። ጊዶ አቲን ኡፋይሳን ባ ኦጌ ቢዴሰ። 40 ሃሳፊ ጉዩ ፕሊጶሲ አዛጾኔ ጌቲቲዛሶን ቤቲዴሰ። ቁሳሪያ ጌቲቲዛሶ ጋካናሰ አዚ ቢዛ ኦጌ ቦላ ካታማን ኡባን ሚሽራቾ ቃላ ሳባኪዴሰ።

9

ሳወሌይ አማኒዴሰ (ሃዋ 22:6-16፤ 26:12-18)

1 ሳወሌይ ጎዳ አማኒዛ አሳ ዋጳናሰ ጨቁቲሹ ቁሴታ ሃላቃኮ ቢዴሰ። 2 ጎዳ ኦጌ ካሊዛይታ ማጫሳታኔ አዴታ ዴሚ ቃቺዲ ዩራሳላሜ ኤኪ ያናሰ ዳማሰቆ ጌቲቲዛሶን ዲዛ አይሁዳታ ዋሳ ኬላሰ ባብዳቤ ፃፋና ማላ ቁሴታ ሃላቃ ዋሲዴሰ።

3 ዳማሰቆ ጋካና ማቲሽን ቆፖንታ ሳሎፔ ፖፖይ አዛ ዩሽን ፖልው ጌዴሰ። 4 አዚካ ሄራካ ቢታ ቦላ ኩንዲዲ ሳሎፔ “ሳወሌ፣ ሳወሌ፣ ታና አዛሰ ጎዳይ?” ጊዛ ቃላ ሲይዴሰ።

5 ሳወሌይካ “ጎዳ! ኔ ኦኔ?” ጌዴሰ። አዚካ አዛሰ “ታኒ ኔ ጎዴላዛ ዩሱሳኮ!” *† 6 ኔ ሃሊ ዴንዳዳ ጌዴ ካታማ ጌላ፤ ኔ ኦሳናሰ ቤሲዛዝ ኔሰ ታ የታና” ጌዴሰ።

7 ሳወሌራ አሲፊ ቢዛ አሳቲ ቃላ ጊሪሰ ሲሳፊ አቲን ኦናካ ቤዮንታ ጊሽ ባ ዲና ኦይኪ ኤቁዳ። 8 ሳወሌይ ባ

ኩንዲዳሶፔ ዴንዲዲ አይፊ ዶዩ ፃሊዛ ዋዴ አይኮካ ዴማናሰ ዳንዳይቤና። ሃሳ ጊሽ አዛራ ዲዛ አሳቲ አዚ ኩሹ ኦይኪዲ ካሌላ ኤኪዲ ዳማሰቆ ኤፊዴ። 9 ሄሹ ጋላሰ ጋካናሰ ቆቁዲኔ ካሕ ሃሌ ቤይቤና።

10 ዳማሰቆን አሲ ሃናኒያ ጌቲቲዛ አማኒዛዴይ ዴሰ። አዛሰ ጎዳይ አጁታን “ሃናኒያ” ጌዲ ፃይጌዴሰ፤ አዚካ “ዩ ጎዳ!” ጌዴሰ።

11 ጎዳይካ አዚ “ዴንዳ! ሱሬ ጌቲቲዛ ኦጌይራ የሁዳ ጌቲቲዛሶ ባ። ሄን ሳወሌ ጌቲቲዛ አሲ ፃርሴሴ አሲ ዋሲሹ ዴሰ፤ ኔ አዚ ኮያ ዴማ። 12 ጋሶይካ ሃናኒያ ጌቲቲዛይሲ ሳወሌይ ዲዛሶ ዩዲ አዚ ፃላና ማላ አዚ ቦላ ባ ኩሹ ዋሊሽን አጁታን ቤዩዴሰ።”

13 ሃናኒያይካ ዛሪዲ “ጎዳ! ሃይሳዴይ ዩራሳላሜን ዲዛ ጌሻታ ቦላ አይ ማላ አታ ሜቶ ጋሊዳኮኔ ታ ዳር አሳፔ ሲያዲሰ። 14 አዚ ሃ ዩዳይ ኔ ሱንላ ፃይጌዛይታ ወርሲ ቃቻናሰ ቁሴታ ሃላቃታፔ ጎዳቴሕ ኤኪዲኮ” ጌዴሰ።

15 ጎዳይካ አዛሰ “ኔ ባ! ሃይሲ አዳዚ አይዛቤታ ሲንላኒኔ ካዋታ ሲንላን ሃሳሳካ አሰራዴሌ ዴሬ ሲንላን ታ ሱንሕ ቶካና ማላ አዚ ታሰ ዶሬቲዳይሳ። 16 አዚ ታ ሱንላ ጊሽ አይ ማላ ዋዩ ቤያናኮ ታ አዚ ቤሳና” ጌዴሰ።

17 ሃናኒያይ ቢዲ አዛሰ የቲቲዳሶ ጌሊዴሰ። ሳወሌ ቦላ ባ ኩሹ ዋሊዲ “ታ አሻ ሳወሌ ኔ ሃ ዩሽን ኔሰ ኦጌ ቦላ ቆንጨዳ ጎዳ ዩሱሲ ኔ አይፊይ ፃላና ማላኔ ኔኒ ፃሎ አያናን ኩማና ማላ ታና ኔኮ ኪቲዴሰ” ጌዴሰ።

18 ሄራካ ሳወሌ አይፊፔ ፖቆ ማላይ ፖቁቲ ዋጂን አዚ ፃላና ዳንዳዩዴሰኔ ዴንዲዲ ፃማቁቲዴሰ። 19 ካሊካ ሚዲ ሚኒዴሰ። ኡንዴና ዋዴ አማኒዛይታራ ዳማሰቆን ጋምዲዴሰ።

ሳወሌይ ዳማሰቆኒኔ ዩራሳላሜን ታማርሲዴሰ

20 ሄራካ ዩሱሲ ያሳ ና ጌዲዳይሳ አይሁዳታ ዋሳ ኬላታን ታማርሶ ኦይኪዴሰ።

21 ሲዩዳ አሳይ ወሪ “ሃይሲ ዩራሳላሜን ሃ ሱንላ ፃይጌዛይታ ቆዩሲዛ አዳዛ ጌዴኔ? ቃሴ አዚ ሃ ዩዳይ ሄ አሳታ ቃቺ ኤኪ ቁሴታ ሃላቃታኮ ኤፋናሰ ዴኔ?” ጊሹ ማላሌቲዳ።

22 ሳወሌይ ካሴፔ ሚኒ ሚኒ ቢዴሰ። ዳማሰቆን ዲዛ አይሁዳታሰ ዩሱሲ አዚ ያሲ ኪቲዳዴ ጌዲዳይሳ አማንሊሹ አሳ ዲና ኦይሊዴሰ።

23 ዳር ጋላሳታፔ ጉዩ አይሁዳቲ ሳወሌ ዋጳናሰ ዲላቲዳ። * 24 አዚካ አሰታ ቆፋ ኤሪዴሰ። አሰቲካ አዚ ዋጳናሰ ካታማ ጌልሊዛ ኦጌን ጋላሲኔ ቃማ ናጊዳ። 25 አማኒዛይቲ ጌዲኮ አዚ ጊዶሕ ካታማ ዩሽን ዲዛ ማሰኮቲዛራ ኬሽን ዲጌ ዋሊዳ።

26 ሳወሌይ ዩራሳላሜ ዩዲ አማኒዛይታራ ዋላኬታና ኮዩን አዚ ቱሙ አማኒዛይ ጌዲዳይሳ አሰቲ አማኔቶንታ ጊሽ አዛሰ ባቢዳ። 27 ጊዶ አቲን ባርናባሲ አዚ ሃዋሪታኮ ኤፊን ሳወሌይ አዚ ዳማሰቆ ኦጌ ቦላ ጎዳ ዋሰቲ ቤዩዳኮ፣ ጎዳይካ አዛሰ አይ የቲዳኮኔ ቃሴካ ዳማሰቆን ዲሹ አዚ አይ ማላ ፃላቴላራ ዩሱሳ ሱንላን ሳባኪዳኮ አሰታሰ የቲዴሰ።

* 8:37 አሲ አሲ ጌሻ ማፃፋፔ ፓይዶ 37 ቦላ ዲዛ ቆፋ ጉጃቴሰ፤ አሲ አሶቲ ቃሴን ቆፋ ኦይኪቤቲና። * 9:5 አሲ አሲ ጌሻ ማፃፋፔ ቢርሸላይ “ቃራ ማሻ ቦላ ኔ ኤቁኮ ቆሃታና” ጊሽን ሃራይቲ ቃሰ “ጫዲዛ ቢራታራ ኔ ኤቁኮ ኔሰ ሃ ዳራና” ጌቲሰ። † 9:5 ሳወሌ ኮኮርዲኔ ያሻቲላን ማላሌቲዳ “ጎዳ! ታ ኔሰ አይ ኦላና ማላ ዳሳይ?” ጌዴሰ ጊዛ ቆፋ ጉጃቴሰ። ሃይሳካ ሹምፖ 22:10 ኔ 26:14 ቦላ ፃፊቲ ቤቲሰ።

* 9:23 2ቆር 11:32-33

28 ሃሳ ገሽ ሳወሌይ ኢስታራ ዲዳስ። ዩሩሳሌምን የዩ የዩ ኣስ ባቦንታ ጎዳ ሱንፋን ታማርሲዳስ።
 29 ገሪኬ ዳሬፎ ዩዳ ኣይሁዳታራ ሃሳይሽ ፓላማቲዳስ፤ ገዶ ኣቲን ኣሳይካ ኢዛ ዎቆናስ ኮዩዳስ።
 30 ኣማኒዛይቲ ሃሳ ኤሪዲ ዱጌ ቁሳሪያ ጌቲቲዛሶ ዎሲዲ ፃርሴሴ ዩዲዳ።

31 ሃሳ ዎዳ የሁዳኒኔ ጋለላን፣ ሳማሪያንካ ዲዛ ኣማኒዛይቲ ሳርን ዲዲ ካሴፕ ማኒዲ። ቃሴካ ያሳ ያሻቲፋን ሲማሪቲሽ ያሎ ኣያናን ማኒቲዳኔ ካሴፕ ቆዳን ዳሪ ዳሪ ቢዳ።

ኤኒያኔ ደርቃ

32 ጳጳርሲ ዳሬፎ ዳሬን የዩሽ ሊዳ ካታማን ዲዛ ኣማኒዛይታ ቤያናስ ዲጌ ዎቆዳስ። 33 ሃን ኤኒያ ጌቲቲዛይሳ ኦሱፑን ላይሳ ሃፃን ቃሹቲ ኡቲዳ ኢሲ ፑንዳ ኣስ ዳሚዳስ። 34 ጳጳርሲካ “ሃይሶ ኤኒያ! ዩሱስ ከርሰቶሲ ኔና ፓላና፤ ዳንዳ ኔ ሃፃ ዳንፋ!” ገዳስ። ኤኒያይ ሄራካ ፑሱኩ ገ ዳንዲዳስ። 35 ሊዳኒኔ ሳርናን ዲዛ ኣሳይ ወሪ ኢዛ ቤዩዲ ጎዳን ኣማኒዳስ።

36 ኢዮጶ ጌቲቲዛሶን ፃቢታ ጌቲቲዛ ኢሲ ኣማኒዛራ ዳወሰ። ኢዚ ሱንፋ ቢርሽሌ ገሪኬ ቃላራ “ደርቃ” ጌቲቲሰ። ኢዛ ኡባ ዎዳ ሎፖ ኦሶ ማና ኣላሽኔ ማንቆታ ማዳሽ ዳወሰ። ‡ 37 ሃ ዎዳ ኢዛ ሃርጋዳ ሃይቁን ኣሳይ ኣሃ ማጪ ፑዳ ፖቁን ኬሲ ዎሊዳስ። 38 ሊዳይ ኢዮጶስ ማታ ገዲዳ ገሽ ኣማኒዛይቲ ጳጳርሲ ሊዳን ዲዛይሳ ሲይዳ ናምዑ ኣሳታ ከቲዲ “ኤሌ ሃ ያርኪ!” ገ ዎሲዳ።

39 ጳጳርሲካ ዳንዲዲ ከቲቲዳ ኣሳታራ ጋኪዳ ዎዳ ኢዛ ፑዳ ሃ ፖቁ ቦላ ከሲዳ። ኣምዒቲካ ወሪ ኢዛ የዩ ኣቋ ኤቁዲ ደርቃይ ፓፃ ዳሽ ኢስታራ ኦሌዳ ቃሚሴታኔ ማይፖታ ቤሲሽ ዩኪዳ።

40 ጳጳርሲካ ኣሳ ወርሲ ከፍሌዛፕ ኬሲዲ ጉልባቲ ዎሲዳስ። ኣሃኮ ሲሚዲ “ሃኔ ፃቢታ ዳንዳ!” ገዳስ። ኢዛካ ባ ኣይፌ ደያዳ ያላዲስ። ጳጳርሲካ ቤያዳ ዳንዳ ኡታዲስ። 41 ኢዚካ ኢዚ ኩሽ ኦይኪ ዳንላዳስ። ኣማኒዛይታኔ ኣምዒታ ያይጊዲ ኢዛ ኢስታሶ ፓሊዲ ኢሚዳስ። 42 ሃ ሃናይ ኩሚፋ ኢዮጶን ኤራቲዳሲኔ ዳር ኣሳይካ ጎዳ ኣማኒዳስ። 43 ጳጳርሲካ ኢሲ ሲሞና ጌቲቲዛ ጋልባ ቃጪዛዳራ ኢዮጶን ዳር ዎዳ ዳዒዳስ።

10

ቆርኖሎሲ ጳጳርሲ ያይጊሲዳስ

1 ቁሳሪያ ጌቲቲዛ ዳሬን “ፃላኔ ዎታዳራታ” ኢሲ ቡቲ ገደን ማቶ ሃላቃ ገዲዳ ኢሲ ቆርኖሎሲ ጌቲቲዛይሲ ዳስ። 2 ኢዚካ ባ ኬፋ ኣሳ ኩሚፋራ ኣያና ሃናን ሚናኔ ያሴ ባቢዛዳ፤ ማንቆታሰካ ዳር ሙጮዎታ ኢሚዛዳኔ ዳር ዎዳ ያሴ ዎሲዛ ኣሳ። 3 ኢሲ ጋላስ ጋላሳፌ ኡዱፋን ሳቲ ቦላ ያሳ ከታንቻይ ኢዛስ ኣጂታን ቤቲዲ ኢዛኮ ዩዲ “ቆርኖሎሲ” ገ ያይጊሽን ቆንጩን ቤዩዳስ።

4 ቆርኖሎሲካ ዳጋማራ ቲሽ ሂሰቲ ያሊሽ “ጎዶ ሃይሲ ኣዜ?” ገዳስ። ከታንቻይካ ዛሪዲ “ኔ ዎሳይኔ ኔ ሙጮዎታይ ቆፊታናስ ፑዳ ያሳ ሲንሐ ጋኪዳስ። 5 ኔ ሃላ ኣስ ኢዮጶ ዩዳዳ ጳጳርሲ ጌቲቲዛ ሲሞና ያይጊሳ። 6 ኢዚካ ኣባ ማታን ዲዛ ጋልባ ቃጪዛ ሲሞና ሶን ኢማላቲሐ ዳስ” ገዳስ።

‡ 9:36 ደርቃ ሃሳ ጉሲ ገሪኬ ቃላራ “ጌሳ ጉሳ”

7 ቆርኖሎሲ ሃሳይሲዳ ከታንቻይ ኢዛፕ ሻኬቲዲ ቢዳፕ ጉዩ ባ ኣሽካራታፕ ናምዒታ ቃሴ ኣያና ዮፖስ ሚናኔ ኢዛስ ዳር ኣማኒቲዛ ዎታዳራታፕ ኢሳ ያይጊሲዳ። 8 ኢዚ ቤዩዳይሳ ወርሲ ኢስታሶ ዮቲዲ ኢዮጶ ከቲዳስ።

ጳጳርሲ ቤዩዳ ኣጂታ

9 ከቲቲዳ ኣሳቲ ዎንቴላ ጋላስ ጌዴ ካታማይኮ ማቲሽን ጳጳርሲ ኡሱፑን ሳቲ ቦላ ዎሳና ፑዳ ፖቁ ቦላ ኬዚዳስ። 10-11 ሃሳ ዎዳ ኢዚ ጋፊዳ ገሽ ቁማይ ቡር ካዲሽን ጳሰኮ ማላ ሊጲጲ ሂሰቲን ኣጂታራ ሳሎይ ዶዬቲን ኢሲ ጌታ ፃፃቲዳ ማይፖ ማላይ ኦይዲ ባጋራ ኦይኬቲዲ ዱጌ ቢታን ዎቆሽን ቤዩዳስ። 12 ሃ ማይፖዛ ቦላ ኦይዲ ቶሆይ ዲዛ ዲማ ዲማ ደዓቲ ቢታራ ጎሽቲዛ ማዴቲላቲኔ ሳሎ ቦላ ፒራጲዛ ካፎቲ ዳቲስ። 13 ሃሳ ዎዳ “ጳጳርሲ ዳንዳ ሃይታ ሹካዳ ማ” ገዛ ቃላይ ኢዛስ ሲዩቲዳስ።

14 ጳጳርሲ ቃሴ “ጎዶ ሃይሲ ሃኔና! ጌሽ ገደንታይሳ ዎይኮ ቱና ሚሻ ታ ሙሌራካ ማ ኤሪኬ” ገዳስ።

15 ሃ ካሴ ቃላይ ቃሴካ ናምዒንሐ ኢዛኮ ዩዲ “ዮሲ ጌሽዲይሳ ኔ ቱና ማላ ቆዶፓ” ገዳስ። 16 ሃሲካ ሃሹቶ ሽሬቲ ሽሬቲ ኢዛኮ ዩዳፕ ጉዩ ማይፖ ሚሳቲዛይሲ ሄራካ ፑዳ ሳሎ ቢዳስ።

17 ጳጳርሲካ ባ ቤዩዳ ኣጂታዛ ቢርሽላ ኤራናስ ዳር ሚቶቲዲ ከሂ ቆፎ ቦላ ዲሽን ቆርኖሎሲ ከቲዳ ኣሳቲ ሲሞና ኬፍ ኮዩሽ ዳሚዲ ፔንጌን ኤቁዳ። 18 ቃላ ቶቁ ሂሰቲዲ “ጳጳርሲ ጌቲቲዛ ሲሞኒ ዲዛሶይ ሃይሳን ኣዎኔ?” ገ ኦይቲዳ።

19-20 ጳጳርሲ ባ ቤዩዳይሳ ከሂ ቆፐሽን ያሎ ኣያናይ ኢዛ “ሃኮ ሃሹ ኣሳቲ ኔና ኮዩቲስ። ዳንዳ! ዱጌ ዎቆዳ ኢስታ ዩዲዳይ ታና ገዲዳ ገሽ ሲዴይ ባይንዳ ኢስታራ ባ” ገዳስ።

21 ጳጳርሲካ ዱጌ ዎቆዲ “ሃኮ ኢንቲ ኮዩዛዳይ ታናኮ! ኢንቲ ዩዳይ ኣዛሴ?” ገዳስ። 22 ኢስቲካ ኢዛስ “ኦኒ ማቶ ሃላቃ ቆርኖሎሲ ማታፕ ዩዳስ። ኢዚካ ያሳስ ባቢዛ ያሎ ኣሳኔ ኣይሁዳ ኣሳ ኡባ ማታን ዳር ቦንቸቲዳ ኣሳ። ኔካ ኢዛ ኬፍ ባና ማላኔ ኔ ገዛይሳ ኢዚ ሲያና ማላ ጌሻ ከታንቻይ ኢዛስ ዮቲዳስ” ገዳ።

23 ጳጳርሲካ ኣሳታ ባ ዲዛሶን ሞኪ ኤኪዲ ኣይሲዳስ።

ጳጳርሲ ቆርኖሎሲ ኬፋን

ጳጳርሲካ ዎንቴላ ጋላስ ዳንዲዲ ኢስታራ ቢዳስ። ኢዮጶፌ ዩዳ ኢሲ ኢሲ ኣማኒዛ ኣሳቲ ኢዛራ ኢሲፌ ቢዳ። 24 ቆርኖሎሲካ ባ ዳቦታኔ ማታ ላጌታ ባ ሶን ሽሽዲ ናጎ ቦላ ዲሽን ኢዚ ናምዒንሐ ጋላስ ቁሳሪያ ጋኪዳስ። 25 ጳጳርሲካ ጌዴ ቆርኖሎሲ ኬፍ ጌሊን ቆርኖሎሲ ኢዛ ሞኪ ኤኪዲ ኢዛ ቶሆ ቦላ ሆኪ ጎይኒዳስ። 26 ገዶ ኣቲን ጳጳርሲ “ታካ ኔ ማላ ኣሳኮ! ዳንዳ” ገዲ ዳንላዳስ።

27 ጳጳርሲካ ኢዛ ሃሳይሲሽ ኢዛራ ሶ ጌሊሽን ዳር ዳሬይ ሽቁ ኡቲዳይሳ ቤዩዳስ። 28 ኢዚካ ኢስታሶ “ኣይሁዳ ኣሲ ሃራ ዳሬ ኣሳራ ጋንጎታ ማላ ዎይኮ ሃራ ዳሬ ኣስ ገዲዳይታ ማታ ሽቆንታ ማላ ኦ ዎጋይ ዲጊዛይሳ ኢንቲ ኤራታ። ገዶ ኣቲን ታ ኦናካ ቱና ዎይኮ ኢዚ ጌሽ ዳና ጎንታ ማላ ያሲ ታሰ ቆንጪሲዳስ።

29 ሃሳ ገሸ ታ ያይገቱዳ ዋዴ ሂኮ ሲታገታ ያዲሰ። ሂሰቲን ኢንቴ ታና ኣዛሰ ያይገዳኮኔ ኤራና ኮያይሰን። ገዴሰ።

30 ቆርናሎሲካ “ኦይዲ ጋላሳፊ ካሴ ሊኬ ሃኒ ዋዴ ጋላሳፊ ኡዲፋን ሳቲን ታኒ ታ ሶን ዋሲሺን ቆፖንታ ቦላ ማይያ ማይዲዳ ኣሲ ዩዲ ታ ሲንላን ኤቁዲ 31 ታና ‘ቆርናሎሳ! ኔ ዋሳይ ሲዩቲዴሰ፤ ኔ ማንቆታሰ ኢሚዛ ሙፀ-ዋታይ ያሳ ሲንላ ጋኪዴሰ። 32 ሃሳ ገሸ ኢዮጶ ካታማ ኣሰ ኪታዳ ጳፅርሳ ጌቲቲዛ ሲሞና ኤሂሳ። ኢዚ ኣባ ኣታን ጋልባ ቃጪዛ ሲሞና ኬላን ኢማላቲላ ዴሰ። ገዴሰ። 33 ታካ ሃራካ ኔኮ ኣሰ ኪታዲሰ። ኔ ዩሳይካ ሎዎ። ሂሰቲኮ ጎዳይ ኔና ኣዛዚዳይሳ ኔ ኮሰ ዮቲኮ ያሲ ዮቲዳይሳ ኔፔ ሲያናሰ ኔ ወሪካ ሃይሳን ያሳ ሲንላን ደሰ” ገዴሰ።

34 ጳፅርሳካ “ዮሲ ኦናካ ሻኪ ማደንታይሳ ታ ቱማፔ ኤራዲሰ። * 35 ገደ ኣቲን ያሳሰ ባቢዛይታኔ ያሎ ኦሊዛይታ ወርሲ ኦና ባጋፊ ገደንካ ኢዚ ኤኬሰ። 36 ያሲ ኡባሰ ጎዳ ገዲዳ ዩሱሰ ከርሰቶሳ ባጋራ ኢሰራዔል ኣሳሰ ከቲዳ ሳርቲላ ሚሺራቸ ከታይ ሃይሳ። 37 ዮሃኒሲ ያንቃታ ገሸ ሳባኪዳፔ ጉዩን ጋለላፔ ደሚዲ ኩሚላ ዩሁዳን ሃኒዳይሳ ኢንቴ ኤሬታ። 38 ያሲ ናዚሬቲ ዩሱሳ ያሎ ኣያናኒኔ ዋልቃን ቲዩዴሰ። ኢዚካ ያሲ ኢዛራ ዲዛ ገሸ ባ ጋኪዳሶን ኡባን ሎዎ ኦሊሽ ያላዔ ጎዳቲላ ገደን ዲዛይታ ወርሲ ፓሊዴሰ።

39 “ኢዚ ኣይሁዳታ ዴሬኒኔ ዩሩሳላሚ ካታማን ኦሊዳይሳ ኡባሰ ኔ ማርካ። ቃሴካ ኣሳይ ኢዛ ሚላ ቦላ ካቁ ዋዲዴሰ። 40 ገደ ኣቲን ያሲ ኢዛ ሃቫንላ ጋላሰ ሄይቆፔ ዴንላዴሰኔ ኣሲ ኢዛ ቤያና ማላ ኦሊዴሰ። 41 ኢዚ ቆንጪዳይ ኣሳ ኡባሰ ገደንታ ሃይቆፔ ዴንዲን ኢዛራ ሚዳይታሰኔ ኢዛራ ኡዩዳይታሰ ያሲ ኮይሮ ደሪዳ ኮሰ ኢዛ ማርካታሳ። 42 ኢዚ ኔ ዴሬዛሰ ሳባካና ማላኔ ሃይቆዳይታ ቦላኔ ፓፃ ዲዛይታ ቦላ ፐርዳናሰ ያሲ ሹሚዳይ ኢዛ ገዲዳይሳ ኔ ማርካታና ማላ ኦና ኣዛዚዴሰ። 43 ኢዛ ኣማኒዳይይ ወሪ ኢዛ ሱንላን ናጋራ ማሬቲዲ ጌያናይሳ ናቤቲ ኢዛሰ ማርካቲቲሰ” ገ ዮቶ ደሚዴሰ።

44 ጳፅርሲ ሃሳ ሃሳዩሺን ቃላ ሲዩዛይታ ኡባ ቦላ ያሎ ኣያናይ ዋዲዴሰ። 45 ቃፃሬቲዳይታ ባጋፊ ጳፅርሳራ ዩዳ ኣማኒዛይቲ ያሎ ኣያና ኢሞቲላ ኣይዛቤታ ቦላ ዋዲሺን ቤዩዲ ማላላቲዳ። 46 ሃሲካ ኢሰቲ ዲማ ቃላን ሃሳዩሺኒኔ ያሳ ጋላቲሺን ሲዩዳ ገሻሳ። ሄ ዋዴ ጳፅርሲ።

47 “ሃይቲ ኣሳቲ ኔ ማላ ያሎ ኣያና ኤኪዳ ገሸ ኢሰቲ ሃሳን ፃማቁቶንታ ማላ ኢሰታ ዲጋናይ ኦኔ?” ገዴሰ። 48 ሃሳ ገሸ ዩሱሰ ከርሰቶሳ ሱንላን ፃማቁታና ማላ ኣዛዚዴሰ። ሃሳፊ ጉዩ ጳፅርሲ ጉላ ዋዴ ኢሰታራ ዳና ማላ ዋሲዳ።

11

ጳፅርሲ ኣይዛቤታ ኬላ ኣይሲ ጌሊዳኮኔ ዋላሲዳ

1 ሃዋሪቲኔ ዩሁዳን ዲዛ ኣማኒዛይቲ ኣይዛቤቲ ያሳ ቃላ ኤኪዳይሳ ሲዩዳ። 2 ሃሳ ገሸ ጳፅርሲ ፑዴ ዩሩሳላሚ ኬዚን ቃፃሬቲዳ ኣይሁዳፔ ኣማኒዛይቲ ጳፅርሳ። 3 “ኔ ቃፃሬቶንታ ኣሳታ ኬላ ጌላዳ ኢሰታራ ካላ ማዳሳ” ገዲ ዋላሲዳ።

4 ጳፅርሲ ቃሴ ኢሰታሰ ጌላና ማላ ማራራ ሂዘገ ዮቲዴሰ። 5 “ታኒ ኢዮጶ ካታማን ዋሲሺን ዲሲኮ ማላ ታና ሊጲጲ ሂሰቲዲ ኣጁታን ገታ ማይያ ሚሳቲዛ ሚሺ ኦይዲ ባጋራ ኦይኬቲዲ ሳሎፔ ታ ዲዛሰ ዋዲሺን ቤያዲሰ። 6 ታ ቲሺ ሂሰታ ያሊሺን ኦይዲ ቶሆራ ዲዛ ሜሃታ። ዋራ ደዓታ። ቤታ ቦላ ጎሹቲዛ ሜዴቲላታኔ ሳሎ ቦላ ፐራዲዛ ካፎታ ቤያዲሰ። 7 ሃራካ ታና ‘ጳፅርሳ ዴንዳ! ሃይሳ ሹካዳ ማ’ ገዛ ቃላ ሲያዲሰ።

8 “ታካ ሳዶ ሃሲ ሃኔና፤ ታኒ ቱና ዋይኮ ጌሽ ገደንታይሳ ሙሊካ ታ ዳናኮ ሺሻ ኤሪኬ” ገዲሰ።

9 “ሄ ካሴ ቃላይ ቃሴካ ‘ዮሲ ጌሺዳይሳ ኔ ቲሲፓ” ገዲ ሳሎፔ ታሰ ዮቲዴሰ። 10 ሃሲካ ሃብቶ ሺሬቲ ሺሬቲ ዮቲቲዳፔ ጉዩ ወሪካ ሲሚዲ ፑዴ ሳሎ ቤዴሰ።

11 “ቁሳሪያፔ ታኮ ከቲቲዳ ሃብቶ ኣሳቲ ሃራካ ሄ ሳቲይን ዩ ጋኪዲ ታ ዲዛ ኬላ ካሬን ኤቁዳ። 12 ታ ኣይኔ ሲታገታ ኢሰታራ ባና ማላ ያሎ ኣያናይ ታሰ ዮቲዴሰ። ሄ ኡሱፑን ኢሻቲ ታናራ ኢሲፊ ቤዲ ኣዳዛ ኬላ ጌልደሰ። 13 ኢዚካ ያሳ ኪታንቻይ ኢዛ ኬላን ኤቁዲ ኢዛሰ ቤቲዳይሳኔ ኢዮጶ ጌቲቲዛሰ ኣሰ ዩዳዳ ጳፅርሳ ጌቲቲዛ ሲሞና ያይገሳ። 14 ኢዚ ዩዲ ኔናኔ ኔሶ ኣሳ ወርሲ ኣሻና ቃላ ዮታና’ ገዲዳሳ ኮሰ ዮቲዴሰ።

15 “ታካ ባዳ ቡሮ ዮቶ ኦይኪሺን ኮይሮ ያሎ ኣያናይ ካሴ ኔ ቦላ ዋዲዳሳ ኢሰታ ቦላካ ዋዲዴሰ።

16 ካሴ ጎዳይ ኮሰ ዮቲሹ ‘ዮሃኒሲ ሃሳን ፃማቁዴሰ ሺን ኢንቴ ያሎ ኣያናን ፃማቁታና’ ገዲ ቃላይ ሃራካ ታሰ ቆሬቲዴሰ። * 17 ሃሳ ገሸ ኦኒ ጎዳ ዩሱሰ ከርሰቶሳ ኣማኒሺን ኮሰ ኣሚዳ ያሎ ኣያና ያሲ ኢሰታሰ ኢሚኮ ሂሰቲን ያሳራ ኤቁታናሰ ታኒ ኦኔ?” ገዴሰ።

18 ኢሰቲ ሃሳ ሲዩዳ ዋዴ ኢሰታሰ ገዛዚ ቆዩን ጮሁ ገ ሲሚዲ “ሃይሳ ማላ ገዲኮ ኣይዛቤቲካ ሃ ኦራላ ዴዎኮ ያና ማላ ያሲ ኣሳሰ ማርቲላ ኢሚዴሰ ጉሳ” ገዲ ያሳ ጋላቲዳ።

ኣንጾኪያን ዲዛ ዋሳ ኬላዮ

19 ኢሰቲፋናሴ ቦላ ዴንዲዳ ጎዴቲላ ጋሶን ላሊቲዳ ኣማኒዛ ኣሳይ ቃላ ኣይሁዳታሰ ያላላ ዮቲሹ ፐንቁ። ቆጲርሴኔ ኣንጾኪያ ጌቲቲዛሰ ጋካናሰ ካንላ ቤዳ። * 20 ቆጲርሴፔኔ ቃሪናፔ ዩዳ ኢሲ ኢሲ ኣሳቲ ኣንጾኪያ ቦዲ ገሪኬታሰካ ጎዳ ዩሱሳ ሚሺራቸ ቃላ ዮቲዳ። 21 ጎዳ ማደይካ ኢሰታራ ዴሰ፤ ቆዳን ኬሂ ዳሮ ኣሳይ ኣማኒዲ ጎዳኮ ሲሚዴሰ።

22 ሃሳ ዋሪይካ ዩሩሳላሚን ዲዛ ዋሳ ኬላ ኣሳ ሃይላን ዋዲን ዋሳ ኬላያ ባርናባሳ ኣንጾኪያ ዩዳዲሰ።

23 ኢዚካ ሄ ቢ ጋኪዲ ያሲ ባ ኣጶ ኪያቲላ ዴራሰ ኢሚዳይሳ ቤዩዲ ኡፋይቲዴሰኔ ኣሳይ ወሪካ ኩሚላ ዋዝናፔ ጎዳ ኣማኖን ሚናና ማላ ዞሪዴሰ። 24 ኢዚካ ያሎ ኣያናኒኔ ኣማኖን ኩሚዳ ሎዎ ኣሳ። ዳሮ ዴሬይ ጎዳ ኣማኖን ጉጃቲዴሰ።

25 ሃሳፊ ካሊዲ ባርናባሲ ሳወሌ ኮያና ፃርሴሴ ቢዴሰ። 26 ኢዛ ዴሚዲ ኣንጾኪያ ኤኪ ዩዴሰ። ናምባይካ ሃን ዲዛ ዋሳ ኬላ ኣሳራ ገዲዲ ላይላ ኩሚላ ዳሮ ዴሬ ታማርሲዳ። ሃን ኣንጾኪያን ኣማኒዛይቲ ኮይሮ “ከርሳኔ” ጌቲቲ ያይገቲዳ።

27 ሃ ዋዴ ኢሲ ኢሲ ናቤቲ ዩሩሳላሚፔ ዲጌ ኣንጾኪያ ዋዲዳ። 28 ኢሰታ ገደፊ ኢሶይ ኣጋቦሳ ጌቲቲዛይሲ ዴንዲ ኤቁዲ ያሎ ኣያናይ ኢዛ ቤሲን ኣላሜ ኡባን

* 10:34 ዛሬ 10:17 * 11:16 ሃዋ 1:5 * 11:19 ሃዋ 8:1-4 * 11:28 ሃዋ 21:10

ገታ ኮሻይ ዳንዳናይሳ የተደሰ። ሄሲካ ኦሮሜ ካዎ ቃላዎደሳ ቁሳሬ ገቱተዛይሳ ካዎቱላ ዎደ ፖሌቲደሰ። * 29 ኣማኒዛይቲ ዉሪ ኢሶይ ኢሶይ ባ ዎልቃ ኬና ሚሽ ኬሴቲዲ የሁዳን ዲዛ ኣማኒዛ ኢሻታ ማዳናሰ ቃቺዳ። 30 ማደ ሚሻ ኬሴቲዲ ባርናባሳኔ ሳዉሌ ኩሹን ጨማታሰ ጋላና ማላ ዩዲዳ።

12

ኣማኒዛይታ ቦላ ጋኪዳ ገታ ሜቶኔ ጎዴቲላ

1 ሄ ዎደ ካዎ ሄርዶሲ ኢሲ ኢሲ ኣማኒዛ ኣሳ ጎዲ ጎዲ ሜቶላደሰ። 2 የሃኒሳ ኢሻ ያቆቤ ማሻን ዎዲሲደሰ። 3 ኢዚካ ሄሳ ኦላዲይ ኣይሁዳታ ኡፋይሲዲይሳ በዩዲ ደፅሮሳካ ኦይላደሰ። ሄሲካ ሃኒዲይ ኣይሁዳታሰ ኡኩላ ባዓሌ ገቱተዛ ባዓሌ ጋላሳ። 4 ደፅሮሳካ ቃሾ ኬሌ ጌልሲዳፔ ጉዬ ኦይዲ ኦይዲ ዎታዳራቲ ታራን ታራን ናጋና ማላ ጊጌቲዳ ዎታዳራታሰ ኢሚደሰ። ኢዚ ሄሳሶ ኦላዲይ ፓዚጋ ባዓሌይ ኣዲዳ ማላ ኬሲዲ ዳሬይ ፐርዳና ማላ ሺሻናሳ። * 5 ሄሳ ጊሽ ደፅሮሳ ቃሾ ኬሌ ጌልሲዲ ናጌቲሰ። ጊዶ ኣቲን ዎሳ ኬላ ኣሳይ ኢዛሰ ኬሂ ሚኖ ዎሳ ዎሲደሰ።

6 ሄርዶሲ ደፅሮሳ ዳሬዛ ሲንሐ ሺሻና ቆፒ ኡቲ ዲሺን ሄ ቃማ ጊደላ ናምዑ ሳንሳላታን ቃሽቲዲ ናምዑ ዎታዳራታ ጊደን ኢቺደሰ። ቃሾ ኬላ ናጊዛይቲ ኬላ ፔንጌ ቦላ ኤቂ ናጊሺን፣ 7 ጎዳ ከታንቻይ ኤዚንታ ኢሰታሰ በቲደሰ። ኢሰቲ ዲዛ ከፊሌን ፖዖይ ፖዒደሰ። ከታንቻዚካ ደፅሮሳ ሚሊ ቦቺ በሳላዲ “ኤሌ ዳንዳ!” ጊደሰ። ሄራካ ሳንሳላታይ ኢዛ ኩሹፔ ጋደን ዎዲደሰ።

8 ከታንቻዚ ኢዛ “ኔ ማይጋ ማይጋ! ጫማካ ኣላ!” ጊን ደፅሮሲካ ኣዛዜቲዳ ማላ ኦላደሰ፤ ቃራካ ከታንቻይ “ኔ ጋቤ ማይጋዳ ታና ካላ” ጊደሰ። 9 ደፅሮሲካ ቃሾ ኬላፊ ኢዛ ካሊ ኬዚደሰ። ጊዶ ኣቲን ኢዛሰ ኣጉሞ በዩዛ ሚሳቲደሰ ኣቲን ከታንቻዚ ኦላዚይሲ ቱሙ ጊዲዳይሳ ኤሪቤና። 10 ኮይሮ ዛቤታፔኔ ናምዓንሎ ዛቤታፔ ኣዲዲ ጌዴ ካታማ ኬሲዛ ኦጌ ቦላ ዲዛ ቢራታ ፔንጋኮ ጋኪዳ። ፔንጌይካ ባርካ ደዩቲ ዎዲደሰ። ኢሰቲ ኬዚ ቢዳ። ኢሰቲ ቁሪ ኦጌ ዲዛር ኣዲዳ ማላ ከታንቻዚ ኢዛፔ ሻኩቲደሰ።

11 ደፅሮሳሰ ካሃይ ሲሚሺን “ጎዳይ ባ ከታንቻ ከቲዲ ኢዛ ሄርዶሳ ኩሹፔኔ ኣይሁዳቲ ታ ቦላ ቆፒዳ ኡባሬ ታና ኬሲዳይሳ ታ ሃዒ ቱማፔ ኤራዲሰ” ጊደሰ።

12 ሄሳ ኣኬኪ ኤሪዳፔ ጉዬ ዳር ኣሳይ ኢሲ ቦላ ሺቁቲዲ ዎሲዛ ማርቆሳ ገቱተዛ የሃኒሳ ኣየ ማራሚሶ ቢደሰ። 13 ኢዚ ሄ ቢዲ ካሬ ፔንጌ ቆዒን ኢሲ ሮዶ ገቱተዛ ጋራዶዳ ካሬ ኦጌ ቆዒዛኮኔ ኤራናሰ ካሬ ማታ ባዲሰ። 14 ቃላይ ደፅሮሳይሳ ጊዲዳይሳ ኤራዳ ኬሃ ኡፋዩቲዳ ጊሽ ካሬ ዶዩንታ ዎላን ጉዬ ሲማዳ “ደፅሮሲ ካሬን ፔንጌ ቦላ ኤቂደሰ” ጋዲሰ።

15 ኣሳይካ ኢዛ “ሃኔ ጎዖይ!” ጊዳ። ኢዛ ቃሰ ዛራ ዛራ ኢሰታሰ የቲን “ሂሰቲኮ ሄሲ ኢዛ ናጊዛ ከታንቻ ጊደንታ ኣጌና” ጊዳ።

16 ደፅሮሲ ቃሰ ፔንጌ ቆላ ጉጂደሰ። ኢሰቲካ ፔንጋ ደይዲ ኢዛ በዩዳ ማላ ማላሌቲዳ። 17 ኢዚካ ኢሰቲ

ጮዑ ጋና ማላ ባ ኩሹን ማላቲ በሲዲ ጎዳይ ኢዛ ቃሾሶፔ ዎሰቲ ኬሲዳኮኔ ሎዒላ የቲደሰ። “ሃይሳ ዉርሲ ያቆቤሲኔ ሃንኮ ኣማኒዛይታሰ የቲቲ” ጊደሰ። ሄሳፊካ ጌዴ ሃራሶ ቢደሰ።

18 ዎንቴላ ጋላሰ ዎንታራ ዎታዳራቲ “ደፅሮሲ ዎጊዳ?” ጊሽ ባ ጊደን ቡልዒኮቲዳ። 19 ሄርዶሲ ደፅሮሳ ኣሰ ዩዲ ኮይሲዲ ኢዚ ቆዩዳ ጊሽ ናጊዛይታ ሎዒላ ኦይቺዳፔ ጉዬ ኢሰታ ዎቆና ማላ ኣዛዚደሰ። ሄሳፊ ጉዬ ሄርዶሲ የሁዳፔ ዲጌ ቁሳሪያ ዎዲዲ ሄን ኡቲደሰ።

ሄርዶሳ ሃይቆ

20 ሄርዶሲካ ዒርሴ ኣሳራኔ ሲዶና ኣሳራ ኦሻ። ሄ ዳሬ ኣሳይ ካላ ዳሚዛይ ሄርዶሳ ዳሬፔ ጊዲዳ ጊሽ ሄ ዳሬ ካዎ ያሊዛዳ ቢላሰዖሳፔ ማዶ ቃላ ዳሚዳ ማላ ኢሲ ቦላ ጊዲዲ ሄርዶሳራ ማቃይንላናሰ ኦይቺዳ።

21 ጊጋና ባሬቲዳ ጋላሰ ሄርዶሲ ካዎቲላ ማይጋ ማይዲዲ ካዎቲላ ኣልጋን ኡቲዲ ዳራሰ ሃሳዩደሰ። 22 ዳሬዚካ “ሃይሲ ዖሳ ቃላፔ ኣቲን ኣሳ ቃላ ዳና!” ጊ ዎሲደሰ። 23 ሄርዶሲካ ዖሳሰ ቦንቾ ኢሞንታ ኣጊዳ ጊሽ ጎዳ ከታንቻይ ሄራካ ሄርዶሳ ሾጪ ዩጊን ጉፀኒ ሃይቂደሰ።

24 ዖሳ ቃላይ ጊዲኮ ዲጪዲ ኣኪ ኣኪ ቢደሰ። 25 ባርናባሳኔ ሳዉሌይ ባ ኤኪ ቢዳ ከታ ፖሊዲ ዩሩሳላሚ ሲሚዲ ማርቆሳ ገቱተዛ የሃኒሳካ ባናራ ኤኪ ሲሚዳ።

13

ባርናባሳኔ ሳዉሌይ ከቲቲዳ

1 ኣንጾኪያን ዲዛ ዎሳ ኬላን ናቤቲኔ ኣሰታማሬቲ ዳቲሰ። ሄይቲካ ባርናባሳኔ ኔጌሬ ገቱተዛ ሲሞናራ፣ ቃሬና ዳሬ ኣሰ ሉቁዮሳራ፣ ሄርዶሳራ ኢሲፊ ዲጪዳ ሚናሄራኔ ሳዉሌራ ዉሪ ኢሲፊ ዳቲሰ። * 2 ሄይቲ ዉሪ ጎዳሰ ጎይኒሼኔ ጾሚሽ ዲሺን ዒሎ ኣያናይ “ባርናባሳኔ ሳዉሌ ታ ኢሰታ ያይጊዳ ኦሶሰ ታሰ ሻኪ ኬሲቲ” ጊደሰ። 3 ኢሰቲካ ጾሚ ዎሲዲ ባ ኩሹ ኢሰታ ቦላ ዎላዳፔ ጉዬ ዎይዚዳ።

ባርናባሳኔ ሳዉሌይ ቆጲርሴ ገቱተዛሶን

4 ባርናባሳኔ ሳዉሌይ ዒሎ ኣያና ከታን ዲጌ ስላዉቂያ ዎዲዳ፤ ሄፔካ ማርካቤን ጌሊዲ ቆጲርሴ ቢዳ። 5 ሳልሜና ገቱተዛሶ ጋኪዲ ኣይሁዳታ ዎሳ ኬላታን ዖሳ ቃላ ሳባኪዳ፤ ማርቆሳ ገቱተዛ የሃኒሲካ ኢሰታራ ቢዲ ኢሰታ ማዲደሰ።

6 ኣባ ጊደን ዲዛ ቢታ ቆጲርሴ ገቱተዛ ዳሬዮ ሃ ጋፃፔ ሄ ጋፃ ጋካናሰ ካንላ ኬዚዲ ጳፋ ገቱተዛሶ ጋኪሺን ኢሲ ኣይሁዳ ኣሳ ሺን ማሮኔ ዎርዶ ናቤ ባር-ዩሱሳ ገቱተዛ ኣሰ ዳሚዳ። 7 ኢዚካ ኢሲ ሳርጎሳ ጳዉሎሳ ገቱተዛ ዎዝናማ ዳሬ ኣይሲዛይሳራ ኢሲፊ ደሰ። ሃ ዳሬ ኣይሲዛ ኣዳዚ ዖሳ ቃላ ሲያ ኮይዲ ባርናባሳኔ ሳዉሌ ያይጊሲደሰ። 8 ማርኪ ኤሊማሲ ባ ሱንላ ቢርሽላ ማላ ዳሬ ኣይሲዛይሲ ኣማናንታ ማላ ቆጲናሰ ኮይዲ ኢሰታራ ኤቁቲደሰ። 9 ጳዉሎሳ ገቱተዳ ሳዉሌይ ዒሎ ኣያናይ ኢዛን ኩሚን ማርካ ቲሺ ሂሰቲ ያሊዲ፣ 10 “ኔኖ ዒሎቲላ ኡባሰ ሞርኬዘ! ጌኔይኔ ኢታቲላ ኔናን ኩሚዳይሶ ሃይሶ ዳቡሎሳ ናዉ! ጎዳ

* 12:4 ኬሳ 12:1-27 * 13:1 ኔጌሬ ላቲኔ ቃላ ጊዲሺን ቢርሽላይ ካራላ ጉሳ።

ሱራ ኦኔ ገላሴላሬ ሸምጥኪ? 11 ሄኮ ሃላ ጎዳ ኩሼይ ኔ ቦላ ዳስ። ኔ ቆቃና፤ ሃኒሬ ጉዬ አዋ አርሼ ፖፖ ኢሲኖካ ቤያካ” ገደሰ።
 ሄራካ ሻሩማይኔ ቆማይ ኢዛ ቦላ ዋዲዳስ። ኩሼ ኦይኪ ባና ካሌላናዳ ኮሺ ያኔ ሃኔ ገደሰ። 12 ዳሪ ኦይሲዛይሲ ሃ ሃኒዳ ዮፖዛ ቤዩዲ ጎዳ ገሽ ሲዩዳ ቲሚርቴን ማላሌቲዲ አማኒዳስ።

ባርናባሲኔ ሳወሌይ ጸሊዲያ ጌቲቲዛ ዳሬን

13 ጳውሎስኔ ኢዛራ ዲዛይቲ ጳፋፔ ዳንዲዲ ጸንፊሊያ ጌቲቲዛሶን ዲዛ ጳርጌኔ ጌቲቲዛሶ ማርካቤን ጌሊ ቢዳ፤ ዮሃኒሲ ኢስታሬ ሻኩቲዲ ጉዬ ዩሩሳላሚ ሲሚዳስ። 14 ኢስቲ ገዲኮ ጳርጌኔፔ ዳንዲዲ ጸሊዲያ ገደን ዲዛ ጌዴ አንፖኪያ ቢዳ፤ ሳምባታ ጋላስ አይሁዳታ ዋሳ ኩል ጌሊ ኡቲዳ። 15 ሙሴ ዋጋ ማፃፋቲኔ ናቤታ ማፃፋቲ ናባቤቲዳፔ ጉዬ አይሁዳታ ዋሳ ኩላ ሃላቃቲ “ኑ አሻቶ! ኢንቴስ ሃይሳ አሳ ዘራና ቃላይ ዲኮ ሃሳይቲ” ገዲ ኢስታኮ አሴ ዩዲዳ።

16 ጳውሎስካ ዳንዲ ኤቁዲ ባ ኩሼራ ማላቲዲ “ኢንቴኖ ኢስራዔሌ አሳቶ! ቃሴካ ኢንቴኖ ያሳስ ያዩዛ አይዘቤቶ! ሲዩቴ። 17 ሃ ኢስራዔሌ ዳሪ ያሳይ ካሴ ኑ አዋታ ደሪዳስ፤ ኢስቲ ገብፄ ዳሪን ዲሸን ኢስታ ጶቁ ጶቁ ሂስቲዳስ። ባ ዋልቃማ ቄሴራ ሂፔ ኢስታ ኬሲዳስ። * 18 ኦይዲ ታሙ ላይላ ኩሜል ኢስታ ባዘ ቢታን ዳንዳዩዳስ። † * 19 ካናኔ ቢታን ዲዛይታ ላፑን ካዋታ ቆይሲዲ ኢስታ ቢታ ባ ዳሬታስ ጋዴ ሂስቲ ላቲሲዳስ። * 20 ሄሲ ወሪ ፖሌቲዳይ ኦይዲ ፃታኔ ኢቻሹ ታሙ ላይላታ ገደና። ሄሳሬ ጉዬ ናቤ ሳሜላ ዋዴ ጋካናስ ኢስታ ፐርዲዛ ዳናታ አሚዳስ። *

21 “ሄሳሬ ጉዬ ዳሬይ ባ ቦላ ካዋ ካዋፋና ማላ ሳሜላ ዋሲዳስ፤ ያሳይካ ቢኒያሜ ባጋሬ ቁሴ ና ሳፖሌ ኢስታስ አሚዳስ። ኢዚካ ኢስታ ኦይዲ ታሙ ላይላ ሃሪዳስ። * 22 ሳፖሌ ሻሪዳፔ ጉዬ ዳወቲ ካዋሊዳስ፤ ኢዛ ገሽ ታ ዋዘና ማላ ሃኒዛይሳኔ ታ ኮዩዳይሳ ወርሲ ኦሊዛ ኢሴዬ ና ዳወቲ ታ ዳማዲሶን ገዲ ዳወቲ ገሽ ያሲ ማርካቲዳስ። * 23 ያሲካ ባ ጫቆ ቃላላ ሃ አዳዘ ዜሬላሬ አስ አሸዛይሳ ዩሱሳ ኢስራዔሌስ ኤሂዳስ። 24 ዩሱሲ ያናፔ ካሴ ዮሃኒሲ ኢስራዔሌ ዳሬይ ወሪ ማርቴላን ጌሊዲ ፃማቂታና ማላ ሳባኪዳስ። * 25 ዮሃኒሲ ባ ኪቲቲዳይሳ ፖሎ ቦላ ዲሸ ታ ኢንቴስ ኦና ሚሳታዚና? ታ ኪቲቲዳይሳ ገዲኬ ሃራይ አቶሽን ታ ኢዛስ ቶሆ ጫማ ኪሬ ቢርሻናስ ቤሶንታይሲ ታፔ ጉዬራ ያና ገደሰ። *

26 “ኢንቴኖ አብራሃሜ ዜሬላሬ ዩሌቲዳ ኑ አሻቶ! ቃሴካ ኢንቴ ገደንካ ያሳስ ያዩዛይቲ ወሪ ሃይሲ አቶቲላ ኪታይ ኪቲቲዳይ ኑስ ኡባታሳ! 27 ዩሩሳላሚ አሳቲኔ ኢስታ ሃላቃቲ ዩሱሳ ኤሪቤቴና፤ ገደ ኦቲን ኢስቲ ኢዛ ቦላ ፐርዲዳ፤ ሄሳንካ ሳምባታን ሳምባታን ናባቤቲዛ ካሴ ናቤታ ቃላይ ኢዛ ቦላ ፖሌቲዳስ። 28 ኢዛ ሃይቆስ ጋሊዛ ኢሲ ጋሶካ ኢስቲ ዳምንታ ኦጊኮካ ጸሊዳሲ ኢዛ ቦላ ሃይቆ ፐርዳ ፐርዳና ማላ ዋሲዳ። * 29 ኢዛ

ገሽ ፃሬቲዳይሳ ኢስቲ ወርሲ ፖሊዳፔ ጉዬ ኢዛ ካቂቲዳ ሚላ ቦላሬ ጋዴን ዋሊዲ ዲፎን ሞጊዳ። * 30 ገደ ኦቲን ያሲ ኢዛ ሃይቆፔ ዳንሊዳስ። 31 ጋሊላፔ ዩሩሳላሚ ጋካናስ ባናራ ዲዛይታስ ዳር ዋዴ ቤቲዳስ፤ ሃይቲካ ሃላ ኢዛ ገሽ ዳሬታስ ማርካታ። *

32 “ኑካ ካሴ ያሲ ኑ አዋታስ ጫቂዳ ሚሸራቾ ቃላ ኢንቴስ ሳባኮስ። 33 ዩሱሳ ኪቲዲ ኢስታስ ጫቂዳ ቃላ ኑስ ኢስታ ናይታስ ፖሊዳስ፤ ሄሲካ ማዛሙራ ማፃፋን ናምባንላ ሸምጥን “ኔ ታ ናዛ፤ ታ ኔና ሃቾ ዩላዲሶን ጌቲቲ ፃሬቲዳስ። * 34 ቃሴካ ኢዚ ዋቆንታይሳኔ ያሲ ኢዛ ሃይቆፔ ዳንሊዳይሳ ሻኪ ኤራና ማላ “ኦንጃቲዳይሳኔ አማኔቲዳ

ዳወቲ አንጆ ታ ኢንቴስ አማና ገደሰ። *

35 ሄሳ ገሽ ሃራሶንካ “ኔ ገሻይ ሃይቁ ዋቃና ማላ ኔ ኮያካ ጌሰ። *

36 “ዳወቲይ ባ ዋዴን ያሳ ሸኔ ማላ ኦሊዳፔ ጉዬ ሃይቁዳስ፤ ካሴ ባ አዋታራ ሞጌቲን ኢዛ አሻይ ዋቂዳስ። 37 ያሲ ኢዛ ሃይቆፔ ዳንሊዳይሲ ኢዚ ገዲኮ ዋቂቤና። 38 ሄሳ ገሽ ታ አሻቶ! ናጋራስ ማርቴላ ቤቲዛይ ዩሱሳ ባጋራ ገዲዳይሲ ኢንቴስ ሳባኪቲዳይሳ ኤሪቴ። 39 ኢዛ አማኒዛይይ ወሪ ካሴ ሙሴ ዋጋ ባጋራ ዳምንታ ያሎቴል ዳማና። 40-41 ሄሳ ገሽ ካሴ ናቤቲ “ኢንቴኖ ቁዳዛይቶ ያሊቴ፣ ማላሊቲቴ፣ ቆይቴ፣

ኢንቴስ ኦኒካ ዮቲን አማናናስ ኢንቴና ሜቲዛ ሚሽ ታ ኢንቴ ዋዴን ኦላና ገዲ ቃላይ ኢንቴ ቦላ ጋኮንታ ማላ ናጌቲቴ” ገደሰ።

42 ጳውሎስኔ ባርናባሲ አይሁዳታ ዋሳ ኩላሬ ኬዚሸን አሳይ ኢስታ ሄሳ ኢስቲ ዮቲዳ ቃላ ካሊዛ ሳምባታ ጋላስ ዛሪ ዮታና ማላ ዋሲዳስ። 43 ሸቆይ ላሊቲዳፔ ጉዬ ዳር አይሁዳቲኔ አይሁዳታ አማኖን ጌሊዲ ያሴ ገይኒዛ አሳቲ ጳውሎሳኔ ባርናባሳ ካሊዳ። ጳውሎሳንቲካ ኢስታ ቆፍሲሼ ኢስቲ ያሳ ኪያቴላን ሚኒ ዳና ማላ ዘሪዳ።

44 ካሊዛ ሳምባታ ጋላስ ካታማ አሳፔ ጉላቲ ፃላላ ኦቲን ዳሪዛ ባጋይ ወሪ ጎዳ ቃላ ሲያና ሸቂዳስ። 45 አይሁዳቲካ ዳር ዳሪ ቤዩዲ ቃናቴቴላን ኩሚዳ። ጳውሎሳ ሃሳያ ኤቁቲሼ ኢዛ ጫዩዳ።

46-47 ጳውሎስኔ ባርናባሲ ባቦንታ ፃላቴላን “ያሳ ቃላይ ኮይር ኢንቴስ ዮቲታናስ ቤሴስ። ገደ ኦቲን ኢንቴ ቃላ ለቂዳታ። ኢንቴስ ሜርና ዳይይ ቤሶንታይሳ ኢንቴርካ ኢንቴ ቦላ ፐርዲዳ ገሽ ሃላ ኦኒ ጌዴ አይዘቤታኮ ባና ኮዮስ። ቃሴካ ጎዳይ ኦና ኦሳሳስ አቶቲላ ቃላ ቢታ ጋፃ ጋላና ማላ ታ ኔና አይዘቤታስ ፖፖ ሂስታ ኪታዲሶን ገ አዛዚዳስ” ገደ።

48 አይዘቤቲ ሃሳ ሲይዲ ዳር ኡፋዩቲዳ። ጎዳ ቃላሲካ ቦንቾ አሚዳ። ሜርና ዳይስ ገጌቲዳ ዳሬይ ወሪ አማኒዳስ። 49 ጎዳ ቃላይ ሄራን ዲዛ ዳሪ ኡባሶ ጋኪዳስ። 50 አይሁዳቲ ቃስ አያና ሃኖን ካሴፔ ሚኒዛይታኔ ዲሳን ቦንቾቲዳ ማጫሳታ ሃሳላካ ካታማን ዲዛ ገታ አሳታ ዳንሴሊዲ ጳውሎሳ ቦላኔ ባርናባሳ ቦላ

* 13:17 ኩሳ 1:7፤ 12:51 † 13:18 ዳንዳዩዳስ ኢሲ ኢሲ ገሻ ማፃፋቲ ኢስታ ሎዔላ አይኪዳስ ጌቲስ። * 13:18 ታይ 14:34፤ ዛሬ 1:31 * 13:19 ዛሬ 7:1፤ ኢያ 14:1 * 13:20 ዳኔ 2:16፤ 1ሳሜ 3:20 * 13:21 1ሳሜ 8:5፤ 10:21 * 13:22 1ሳሜ 13:14፤ 16:12፤ ማዛ 89:20 * 13:24 ማር 1:4፤ ሉቃ 3:3 * 13:25 ዮሃ 1:20፤ ማቶ 3:11፤ ማር 1:7፤ ሉቃ 3:16፤ ዮሃ 1:27 * 13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15 * 13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 * 13:31 ሃዋ 1:3 * 13:33 ማዛ 2:7 * 13:34 ኢሳ 55:3 * 13:35 ማዛ 16:10

ጎዴቱል ዳንሉዲ ባ ዳሬፔ ከሲ ጎዲዳ። 51 ጳውሎስን ባርናባሲ አሳይ ኢስታ ኢዲዳይሳ ቤሳናሰ ባ ቶሆ ቦላ ዲዛ ጉዳላ ፒቲዲ አቆኒዮን ጌቲቲዛሶ ቢዳ። * 52 አማኒዛይቲ ኡፋይሳኒኔ ዪሎ አያናን ኩሚዳ።

14

ጳውሎስን ባርናባሲ አቆኒዮን

1 አቆኒዮንን ጳውሎስን ባርናባሲ ኢሲፌ አይሁዳታ ዋሳ ኬሌ ጌሊዳ። ሄንካ ኢስቲ አሳ ሎዔል ታማርሲዳ ጊሽ ጌሪኬ አሳፔኔ አይሁዳ አሳፔ ዳርይ አማኒዳስ። 2 ሄንኮ አማኖንታ አይሁዳ አሳይ አይዛቤታ ኢስታ ቦላ ዳንሉዲ አሳይ አማኒዛይታ ኢዳና ማላ ኦሊዳስ። 3 ጳውሎስን ባርናባሲ ጎዳ ጊሽ ዓላቲላሪ አሳሰ ዮቲሽ ሄን ዳር ዋዴ ጋምዒዳ። ጎዳይካ ኢስቲ ዮቲዛ ኢዛ ቃላ ጌታ ማላታራኔ ዋልቃማ ኦሶን ቆንጨሲ ማርካቲዳስ። 4 ካታማ አሳይ ባ ጌዶን ናምዑ ኬዚ ሻኬቲዲ ባጋይ አይሁዳታ ባጋ ባጋይ ጳውሎሳንታ ባጋ ጌዲዳስ። 5 ሄ ዋዴ አይሁዳቲኔ አይዛቤቲ ባና ካሌሌዛይታሪ ኢሲፌ ጌዲዲ ኢስታ ዋይሳናሲኔ ሹቻን ጫዳናሰ ኮይዳ። 6 ኢስቲካ ሄሳ ኤሪዳ ማላ ሊስቲራኔ ዳርቤኔ ጌቲቲዛሶ ጌዴ ሊቃዎንያ ካታማታኔ ሄ ሄራን ዲዛ ዴሬ ባቃቲዳ። 7 ሄንካ ሚሺራቾ ቃላ ሳባኮ ዶሚዳ።

ጳውሎስን ባርናባሲ ሊስቲራኔ ዳርቤኔን

8 ሊስቲራን ዩሌቶሳፔ ባ ቶሆራ ሃሙቲ ኤርንታ ኢሲ ቶሆ ሲላ አዳይ ዳስ። 9-10 ሄሳይይ ጳውሎስ ሳባኪሽን ኡቲ ሲዩስ፤ ጳውሎስካ ኢዛኮ ቲሽ ሂስቲ ዪሊዲ አዴዛ ፓላና አማኖይ ኢዛ ቦላ ዲዛይሳ ቤዪዲኔ ቃላ ቆቁ ሂስቲዲ “ሲቲ ጋዳ ኔ ቶሆን ኤቃ!” ጌዳስ። አዴዚ ሄራካ ጉፒ ዳንዲዲ ሃሙላ ኦይኪዳስ። 11 አሳይ ጳውሎስ ኦሊዳይሳ ቤዪዲ ሊቃዎንያ ቃላሪ “ኤቃ ያሳቲ አስ ሚሳቲዲ ሃ ኦኮ ዋዲዳ” ጌዲ ዋሲዳስ። 12 ባርናባሳ “ዲያ” ጌዳ ጳውሎሳካ ሃሳዪዛ ዋናይ ኢዛ ጌዲዳ ጊሽ “ሄርሜኔ” ጌዳ። 13 ካታማፔ አሲ ባይንዳሶን ዲዛ ዲያ ጌቲቲዛ ኤቃ ኬላ ቄሴይ ኮርማታኔ ዓፀቲ ጊሊዳ ጨሽ ጌዴ ካታማ ጌሊዛ ኦኔ ቦላ ኤፊዲ ዴሪዛሪ ኢሲፌ ጌዲዲ ጳውሎሳሲኔ ባርናባሳሰ ያርሻና ኮይዳስ። 14 ሃዋጌቲ ባርናባሲን ጳውሎስ ሄሳ ሲዪዳ ማላ ባ ማይያ ዳኪዲ ጌዴ ዴሪዛ ጌዶ ዋዲዳ፤ ባ ቃላ ቆቁ ሂስቲዲ ሂዘጊዳ፤ 15 “ሃይቶ አሳቶ! ሃይሳ አዛሰ አሌቲ? ኩካ ኢንቲ ማላ አሳኮ! ኢንቲካ ቃሴ ሃይሳ ሜላ ሃዳ ዮጆፔ ሃኪዲ ሳሎኔ ሳዓ፣ አባካ፣ አባታ ጌዶን ዲዛይታ ወርሲ ሜዲዳ ዴያ ያሳኮ ኢንቲ ሲማና ማላ ኢንቲሰ ሚሺራቾ ቃላ ሳባኮሰ። * 16 ኢዚ ካሴ አዲዳ ዩሌቲላይኔ ዴሬይ ወሪካ ባ ኮይዳ ማላ ሃናናሰ ዩዲ ቤሲዳስ። 17 ጌዶ ኦቲን ያሲ ሳሎፔ ኢራኔ ሄሳላካ ካሌ ካዪዛ ዋዴታ አሚዲ ኢንቲ ዋዘና ካሳኒኔ ኡፋይሳ ኩንሉዳስ፤ ኡፋይሳካ ኢንቲና ካልሉዲ ሎጆ ኦሶን ባና ማርካይ ባይንዳ አጊቤና” ጌዳ። 18 ሄሳ ወርሲ ሃሳዪዲ አሳይ ኢስታሰ ያርሸንታ ማላ ዋይዲ ዲጊዳ። 19 አይሁዳቲ ቃሰ አንጾኪያፔኔ አቆኒዮንፔ ዪዳ አሳይ አሳ ዘሪዲ ጳውሎሳ ሹቻን ጫዳና ማላ አማንሉዳ። ጳውሎሳካ ሹቻን ጫዳዲኔ ሃይቂዳስ ጊ ጎቺዲ ካታማፔ ጌዴ ካሬ ኬሲዳ። 20 ጌዶ ኦቲን አማኒዛይቲ

ኢዛ ዩዩ አዲ ናጊሺን ጳውሎስ ዳንዲዲ ጌዴ ካታማ ጌሊዳስ። ዋንቲላ ጋላሰ ባርናባሳሪ ኢሲፌ ዳርቤኔ ጌቲቲዛሶ ቢዳ።

ጳውሎስን ባርናባሲ ሶሪያን ዲዛ አንጾኪያ ሲሚዳ

21 ጳውሎስን ባርናባሲ ዳርቤን ሚሺራቾ ቃላ ሳባኪዳ ዳር አሳ አማንሉዳፔ ጉዩ ጌዴ ሊስቲራ፣ አቆኒዮንኔ አንጾኪያ ሲሚዳ። 22 አማንዛይታ ዋዘና ሚንሉሊሽ ኢስቲ አማኖን ሚኒ ዳና ማላ ዘሪሽ “ኩ ያሳ ካዋቲላ ጌላናሰ ዳር ሜቶ ጌዶራ አዳናሰ ኮሺሰ” ጌዳ። 23 ሄሳፌ ጉዩ ዲማ ዲማ ዋሳ ኬላታን ጨማታ ዶሪዳፔ ጉዩ ያማኒኔ ዋሳን አማኔቲዳ ጎዳሰ ሃዳራ አሌ አሚዳ። 24 ጲሲዲያራ አዲዲ ጲንሬሊያ ሲሚዳ። 25 ጴርጌኔን ቃላ ሳባኪዲ ዲጌ አፃሊያ ጌቲቲዛሶ ዋዲዳ። 26 አፃሊያፔካ ሃዲ ጋካናሰ ኢስቲ ኦሊዳ ኦሶዛ ሃዳራ ኢስታሰ አሚቲዳ ካታማ ሶሪያን ዲዛ አንጾኪያ ማርካቤን ጌሊዲ ሲሚዳ። 27 ሄ ጋኪዳ ማላ ዋሳ ኬላ አሳ ወርሲ ሽሺዲ ያሲ ኢስታራ ኦሊዳይሳ ቃሴካ አይዛቤታሰ አማኖ ፔንጌይ ዋኒ ዶዩቲዳኮኔ ወርሲ ዮቲዳ። 28 ሄን አማኒዛይታሪ ዳር ዋዴ ጋምዒዳ።

15

ዩራሳላሚ ዲላታ

1 ኢሲ ኢሲ አሳቲ ዩሁዳፔ ዲጌ አንጾኪያ ዋዲዲ “ኢንቲ ሙሴ ዋጋ ማላ ቃፃሪቶንታ አጊኮ ኦኒካ አታናሰ ዳንዳዩኬታ” ጌዲ አማኒዛይታ ታማርሶ ዶሚዳ። * 2 ሄሲካ ጳውሎሳኔ ባርናባሳ ጌታ ፓላማኒኔ ኦሻ ጌዶ ጌልሉዳስ፤ ሄሳ ጊሽ ጳውሎስን ባርናባሲ ሃራ ኢሲ ኢሲ አማኒዛ አሳታሪ ዩራሳላሚ ኬዚዲ ሃ ዮጆዛ ጊሽ ጨማታኔ ሃዋጌታ ኦይቻና ማላ ጌቲቲዳስ። 3 ሄሳ ጊሽ ዋሳ ኬላያ ኢስታ ዩራሳላሚ ባና ማላ ከቲን ኢስቲ ፒንቄራኔ ሳማሪያራ አዲ ቢሽ ሄን ዲዛ አሳ አይዛቤቲ አማኖን ሲሚዳይሳ ዮቲዳ፤ ሄ ዋዴ አማኒዛይቲ ሄሳ ሲይዲ ኬሂ ኡፋዩቲዳ። 4 ኢስቲ ዩራሳላሚ ጋኪን ዋሳ ኬላ አሳይ ሃዋጌቲኔ ጨማቲ ኢስታ ዋኪ ኤኪዳ፤ ከቲቲ ቢዳይቲካ ያሲ ኢስታሪ ጌዲዲ ኦሊዳይሳ ወርሲ ኢስታሰ ዮቲዳ። 5 ፋርሳዌታ ባጋ አሳታፔ አማኒዳ ኢሲ ኢሲ አሳቲ ዳንዲዲ “አይዛቤቲ ቃፃሪታናሲኔ ሙሴ ዋጋ ናጋና ማላ ኢስታሰ ዮታናሰ ቤሴሰ” ጌዳ። 6 ሃዋጌቲኔ ጨማቲ ሄ ዮጆዛ ጌዶ ሎዔል ያላናሰ ሽቂዳ። 7 ዳር ፓላማፔ ጉዩ ጴፀርሲ ዳንዲ ኤቂዲ፣ “ታ አሻቶ! ጉላ ዋዴፔ ካሴ ያሲ ታና ኢንቲ ጌዶፌ ዶሪዲ አይዛቤቲ ታ ዳናፔ ሚሺራቾ ቃላ ሲይዲ አማናና ማላ ኦሊዳይሳ ኢንቲ ኤሪታ። 8 አሳ ዋዘና ኤሪዛ ያሲ ኦስ አሚዳይሳ ማላ ኢስታሰካ ዪሎ አያና አሚዲ ኢስታ ባሰ ኤኪዳይሳ ማርካቲዳስ። * 9 ኢስታ ዋዘናካ አማኖን ጌሺዲ ኦ ጌዶኒኔ ኢስታ ጌዶን አይኮ ሻኮካ ኦሊቤና። 10 ሄሳ ጊሽ ኦ አዋቲኔ ኦካ ቶካናሰ ዳንዳዮንታ ቃምባራ አማኒዛይታ ቶሳናሰ ኢንቲ አዛሰ ያሴ ፓጩቲ? 11 ኦ ኦቲዳይ ሊኬ ኢስታላካ ጎዳ ዩሱሳ አዶ ኪያቲላን ጌዲዳይሳ አማኖን” ጌዳስ። 12 ሽቂዳ አሳይ ወሪካ ጮዑ ጊን ባርናባሲን ጳውሎስ ያሲ ኢስታ ባጋራ አይዛቤታ ጌዶን ኦሊዳ ጌታ ማላታታ

* 13:51 ማቶ 10:14፤ ማር 6:11፤ ሉቃ 9:5፤ 10:11 * 14:15 ኬላ 20:11፤ ማዛ 146:6 * 15:1 ለዌ 12:3 * 15:8 ሃዋ 10:44

ገሽ የተሸነገ ማላላቲዳ ሎዔል ሲደዳስ። 13 ኢስቲ የተ ወርሲሽን ያቆቤይ ዳንዲ ኤቁዲ ሂዘገዳስ “ታ አሻቶ! ታ ገዛይሳ ሲደቱ፤ 14 ያሲ አይዘቤታ፤ ባስ ገዳና ዳሬ ካሴቲዳ ኢዚ ዋስቲ ያይገ ዋሉዳኮ ሲሞኒ ኑስ ሎዔል የተዳሰ። 15 ካሴ ናቤታን ሂዘገ ያፊቲዳ ቃላይ ሃይሳራ ጋጌስ።

16 “ሃይሳፊ ጉዬ ታ ሲማዳ ላላቲዳ ዳወቲ ኬፍ ኬፃና፤ ላላቲዳይሳ ዛራ ኤሳና፤ ዛራዳካ ኬፃና።

17 ሄሲካ አቲዳ አሳይ ጎዳ ኮያና ማላኔ ታ ሱንሳን ያይገቲዳ አይዘቤቲ ታና ኮያና ማላ ጌስ ወርሲ ኦሉዳ ያሲ፤ 18 ሃይሳ ኮይርፔካ ኤርሲዳ ያሲ ታና ገዳስ።

19 “ሃሳ ገሽ ሃ ያሳኮ ሲሚዳ አይዘቤታ ኑ ማቶንታ ማላ ሃይሲ ታ ባጋራ ታስ ቃሾ። 20 ገደ አቲን ኤቃስ ያርሼቲዳ ቱኒዳ ካል ሞፒቲ፤ ላይማፔ ሃኪቲ፤ ባወቲ ሃይቁዳ ማሄ አሾ ሞፒቲ፤ ሱል ኡየፒቲ ገዲ ኑ ኢስታስ ፃፋና ቤሴስ። * 21 ሙሴ ዋጋይ ገዲኮ ቤኒሶፊ ሳምባታ ሳምባታ ጋላስ አይሁዳታ ዋሳ ኬሳን ናቤቤቲሼኔ ካታማይ ዲዛሶን ሳባኬቲሼ ዳስ” ገዳስ።

ሃዋርያቲ አማኒዛ አይዘቤታስ ያፊቲዳ ዳብዳቤ

22 ሄ ዋዴ ሃዋሪቲ፤ ጨማቲ ኩሚላ ዋሳ ኬላ አሳራ ገዲዲ ባ ገደፊ ኢሲ ኢሲ አሳታ ደሪዲ ጳውሎሳራኔ ባርናባሳራ ጋላ አንጾኪያ ዩዳናስ ቃቺዳ። አማኒዛ አሳ ገደፊ ዋናቲዛይታ ባርሳባሳ ጌቲቲዛ ዩሁዳኔ ሲላሴ ደሪዳ። 23 ኢስታ ኩሼን አሚ ዩዲዳ ዳብዳቤዚ “አንቲ አሻታ፤ ሃዋርያቲ፤ ጨማታ፤ አይዘቤታ፤ አማኒዳ አንጾኪያኒኔ ሶሪያን፤ ኪልቂያንካ ዲዛ አማኒዛይታስ ኑ ሳሮካይ አንቲና ጋኮ።

24 “ኢሲ ኢሲ አሳቲ ኑፔ ገደንታ ባ ባጋራ ኑ አቻፊ ቢዲ ባ ሃሳያን አንቲ ዋዘና ያኔ ሃኔ ቃሉዳይሳኔ አንቲና ቡልግኪዳይሳ ኑ ሲደዳስ። 25 ሃሳ ገሽ ጉላ አሳታ ደሪዲ ደሴቲዳ ባርናባሳራኔ ጳውሎሳራ አንቲኮ ዩዳናስ ኑ ወሪካ ቃላ ጋገደስ። 26 ኢስቲ ጎዳ ዩሱስ ኪርስቶሳ ገሽ ባ ሼምፖ አሉ አሚዳይታ። 27 ሃሳ ገሽ ኑ አንቲስ ያፊዳይሳ ኢስቲ አንቲስ ባ ደናራ ሎዔል የታና ማላ ዩሁዳኔ ሲላሴ አንቲኮ ዩዲዳስ። 28 ሃይታ አንቲስ ኮሺዛ የጾታፔ ሃራ ዳጾ ቶሆ ኑ አንቲ ቦላ ዋሶንታ ማላ ኑሴኔ ያሎ አያናስ ሎጾ ሚሳቲ ቤቲዳስ። 29 ሄሲካ አንቲ ኤቃስ ሹኬቲዳ አሾ፤ ሱላፊ፤ ባወቲ ሃይቁዳ ማሄ አሾ፤ ላይማፔ አንቲ ሃካና ማላ፤ አንቲ ሃይታ ሚሳቲዛይታ፤ ሃኪኮ አንቲስ ሎጾ፤ ሳሮን ዲቲ” ገሰ።

30 ኪቲቲዳ አሳቲ ሞይዜቲዳ ዲጌ አንጾኪያ ዋዲዳ፤ ሄን አማኒዛይታ ወርሲ ሸሺዲ ኤሂዳ ዳብዳቤዛ ኢስታስ አሚዳ። 31 ዳሬይካ ናባቢዲ ሚንፍሉዛ ቃላን ኡፋዬቲዳስ። 32 ዩሁዳይኔ ሲላሴ ናቤታ ገዲዳ ገሽ ዳር ዘሪዳ አማኒዛይታ ሚንፍሉዳ። 33 ሄን ጉላ ዋዴ ጋምዒዲ አማኒዛ አሳይ ሞይዚን ጉዬ ባና ኪቲዳይታኮ ሲሚዳ። 34 ሲላሴ ቃስ ሄን አታናስ ኮዩዳስ። * 35 ጳውሎሴኔ ባርናባሳ ሃራ ዳር አሳታራ ገዲዳ ጎዳ ቃላ ታማርሲሼኔ ሳባኪሼ አንጾኪያን ጋምዒዳ።

ጳውሎሳኔ ባርናባሳ ሻኬቲል

* 15:20 ኪሳ 34:15-17፤ ለዌ 18:6-23 * 15:34 ኢሲ ኢሲ ገሻ ማፃፋቲ ጋይዶ 34 ቦላ ዲዛ ቆፋ ጉጃቲና። * 15:38 ሃዋ 13:13

36 ጳውሎሴ ጉላ ዋዴ ጋምዒዲ ባርናባሳ “ኑ ካሴ ጎዳ ቃላ የተዳ ኡባ ካታማታ ቢዲ አማንዛይቲ አይ ማላ ዲዛኮኔ እኔ ዩዩ ቤዮስ፤ ዳንዳ” ገዳስ። 37 ባርናባሳካ ማርቆሳ ጌቲቲዛ የሃሲሲ ኢስታራ ባና ማላ ኮዩዳስ። 38 ጳውሎሴ ቃስ ኢዛ ኤኪ ባናስ ኮይቤና፤ ጋሶይካ ካሴ ማርቆሴ ኢስታፊ ሻኬቲዳ ጸንፊሊያ ገዛሶን ጉዬ አቲዳ ኢስታራ ኦሶስ ሲንል ኬዘንታ አገዳ ገሻሳ። * 39 ሂስቲን ዳር ፓላማይ ኢስታ ገደን ማዴቲዳ ገሽ ባ ገደን ሻኬቲ ዋዲዳ፤ ሃሳ ገሽ ባርናባሳ ማርቆሳ ኤኪዲ ማርካቤን ጌሊዲ ቆጶርሴ ቢዳስ። 40 ጳውሎሴ ቃስ ሲላሴ ደሪዳስ። አማንዛይቲካ ጳውሎሳ ጎዳ አቶ ኪያቲላስ ሃዳራ አሚዳ፤ ጉዬ ኢዚ ኢስታፊ ሻኬቲዳ ቢዳስ። 41 አማኒዛይታ ሚንፍሉሼ ሶሪያራኔ ኪልቂያራ አቋ ቢዳስ።

16

ደምቶሲ ጳውሎሳራኔ ሲላሴራ ኢሲፊ ገዲዳስ

1 ጳውሎሴ ዳርቤኔ ጌቲቲዛሶኔ ሊስቲራ ጋኪዲ ኢዛ አዋይ ገሪኬ አስ፤ አዩያ ቃስ አይሁዳ አስ ገዲዳ ደምቶሳ ጌቲቲዛ ኢሲ አማኒዛዴ ሄን ዳሚዳስ። 2 ኢዚካ ሊስቲራኒኔ አቆኒዮን አማኒዛ አሳ አቻን ሎጾ ማርካቲል ዲዛዳ። 3 ጳውሎሴካ ደምቶሳ ባናራ ኤኪ ባናስ ኮዩዳስ። ሃሳ ገሽ ሄ ሄራን አይሁዳታ ገሽ ገዲ ደምቶሳ ቃፃሪዳስ። ጋሶይካ አይሁዳቲ ደምቶሳ አዋይ ገሪኬ አስ ገዲዳይሳ ኤሪዛ ገሻሳ።

4 ኢስቲ ኢሲ ካታማፔ ሃራ ካታማ አቋ አቋ ቢሼ ሃዋሪቲ፤ ዩራሳላማ ዋሳ ኬላ ጨማቲ ዩዲዳ ኪታ አሳይ ኤኪዲ ናጋና ማላ አማኒዛ አሳስ አሚ አሚ አቋዳ። 5 ዋሳ ኬላ አሳይ አማኖን ሚኒ ሚኒ ቢዳስ፤ ቃሴ አሳይካ ቆዳን ጋላስ ጋላስ ጉጃቲ ጉጃቲ ቢዳስ።

ጳውሎሴ ማቂዲያ ገሽ ቤዩዳ አጁታ

6 ጳውሎሴኔ ኢዛራ ዲዛ ዛታቲ ቃላ ኢሲያን ሳባኮንታ ማላ ያሎ አያናይ ዲገዳ ገሽ ፐርገያራኔ ጋላቲያ ዳሬራ አቋ ቢዳ። 7 ኢስቲ ሚሲያ ጌቲቲዛሶ ጋካና ማቲሼ ቢቲኒያ ጌቲቲዛሶ ጌላና ቆፒን ዩሱሳ አያናይ ኢስታ ዲገዳስ። 8 ሃሳ ገሽ ሚሲያራ አቋዲ ያርዒዳ ጌቲቲዛሶ ዋዲዳ። 9 ኢሲ ማቂዲያ አሲ ኤቁዲ ጳውሎሳ ሃ ማቂዲያ ፐናዳ ኑና ማዳ ገሺን ጳውሎሴ አማርስ አጁታን ቤዩዳስ። 10 ኢዚካ ሄ አጁታ ቤዩዲ ያሲ ኑ ኢስታስ ሚሺራቾ ቃላ የታና ማላ ያይገዳስ ገ ቃቺዳ ኑ ሄራካ ጌዴ ማቂዲያ ባና ኮዩዳስ።

ፒሊጶስን ሊዲያይ ጎዳ አማናዲስ

11 ማርካቤራ ያርዒዳ ጌቲቲዛሶፔ ዳንዲዲ ሲቲ ገዲ ሳሞቲራቁ ጌቲቲዛሶ ቢዳስ። ዋንቲላ ጋላስ ናጶሌ ገዛሶ ሲንል ሃሙል ጉጁዳስ። 12 ሄፔካ ኦርሜ አሳይ ቶራን ሃሪዳ ዳሬ ገዲዳ ማቂዲያ ዳሬ ዋና ካታማ ገዲዳ ፒሊጶሲዮሴ ጌቲቲዛሶ ጌሊዳስ። ሄንካ ኡንዳና ዋዴ ኡቲዳስ።

13 ሳምባታ ጋላስ ዋሳ ዋሲዛሶ ኮዩሼ ካታማ ጌሊዛሶ ፔንጌ ኬዚዲ ዲጌ ሻፋ ዋዶስ፤ ኑ ሄን ኡቲዳ ሸቂ ዲዛ ማጫሳስ ቃላ የተደሰ። 14 ቃላ ሎዔል ሲዩዛ ማጫሳታ፤ ኢሲ ሊዲያ ጌቲቲዛራ ኢዛካ ያሴ

ጎይንዛርኔ ቲያዊርኔ ካታማፔ ያዳ ዘየ ሃሪ ማይዎ ዛልዲዛር ጳውሎስ ዮተዛ ቃላ ኢዛ ዎዝናን ዎላ ሲያና ማላ ጎዳይ ኢዚ ዎዝና ዶዴዴስ። 15 ኢዛኔ ኢዚሶ አሳይካ ፃማቄተዳፔ ጉዬ ኢዛ ኢስታ ታ ያሴ አማኒዲ ኢንቲ ቱሙ ኤሪዳ ጊዲኮ ሃ ታሶ ዩዲ ጉላ ዎዴ ዲሺቲ ጋዳ ኢስታ ሚንላ ዎሳዲስ።

ጳውሎስኔ ሲላሲ ቃሾ ኬላን

16 ኢሲ ጋላስ ኑ ዎሳሶ ቢሺን ካዮ ካዮታ ማርቲዛ ኢሲ ጋሪዴ ና ዲዛሪ ኑና ዴማዲስ። ኢዛካ ባ ማርቲላን ባና አይሲዛይታሰ ዳር ሚሽ ጌልላወስ። 17 ሃና ጋሪዴ ናያ ጳውሎስኔ ኑና ካላ ካላ “ሃይቲ አሳቲ ኢንቲስ ኢንቲ አታና ኦጌ ዮተዛይቲ ዎጋ ያሳ ኦሳንቻታ” ጋ ጋ ዎሳዲስ። 18 ሃሳካ ዳር ጋላስ ሺራ ሺራ ጋዲስ። ጊዶ አቲን ጳውሎስ ሃ ኢዚ ቃላን ዳር ሜቶቲዳ ጊሽ ኢዚኮ ሲሚዲ ኢዚ ዲናራ ሃሳዩዛ ቱና አያናዛ “ኔ ኢዚፔ ኬዛና ማላ ታ ኔና ጎዳ ዩሱስ ከርሰቶሳ ስንላን አዛዛይስ” ጊዴስ። ሃ አያናይ ሃራካ ዩጊ ኢዚፔ ኬዚዴስ።

19 ኢዛ አይሲዛ አሳቲ ኢስታሰ ሚሼ ዴማዛ ኦጌይ ዲዲን ኢስታ ኡፋይሲ ቃንጻቲዳይሲ ኢስታሰ ጌሊን ጳውሎስኔ ሲላሲ ኦይኪዲ ቢታሪ ጎቺዲ ዎናቲ ዲዛሶ ጊያ ጊዶ ኤፊዳ። 20 ዴሪ አይሲዛ ዎናታኮ ሺሺዲ “ሃይቲ አሳቲ ባሰ አይሁዳ አሰ ጊዲ ኡቲዲ ኑ ካታማ ቡላኬቴስ፤ 21 ቃሴ ኑ ኦርሜ አሳቲ ኤካናሰ ዎይኮ ኦላናሰ ኑስ ቤሶንታ ዎጋ ኑ አሳ ጊዶን ላሌቴስ” ጊዴ።

22 ዴሪይካ ኢሲ ቦላ ጊዲዲ ጳውሎሳ ቦላኔ ሲላሲ ቦላ ዴንዲዴስ። ዴሪ አይሲዛይቲ ጳውሎሳንታ ማይዎ ቃሪ ኤኪዲ ዲርቃሪ ቆፃና ማላ አዛዚዳ። 23 ኢታ ቡካ ቡኪዲ ጌዴ ቃሾ ኬላን ዩጊዳ። ቃሾ ኬላ ናጊዛይሲካ ኢስታ ሎዴላ ናጋና ማላ አዛዚዳ። 24 ኢዚካ ሃሳ ማላ ሚኖ አዛዛ ኤኪዲ ቃሾ ኬላሰ ዎና ጊዶ ከፊሌ ጌልላዲ ኢስታ ቶሆ ጊታ ዲሩማራ ሺሺ ቃቺዴስ።

25 ጊዲ ጊዶላ ጊዲሺን ጳውሎስኔ ሲላሲ ዎሳንኔ ማዛሙራን ያሳ ጋላቲሺን ቃሾ አሳይ ኢስታ ዩላኔ ጋላታ ኤዘጊ ሲዩዴስ። 26 ሃሳዳይ ባይንዳ ዲንጋቲ ቃሾ ኬላ ፃጸፔ ቃላዛ ሚኖ ቢታ ቃላ ሃኒዴስ፤ ሃራካ ቃሾ ኬላ ፔንጌቲ ዶዩቲዳ። ቃሾቲዳ ኡባ አሳ ቃሾይ ቢርሺቲዴስ። 27 ቃሾ ኬላ ናጊዛይሲ ዲሰኮፊ ቤጊዲ ቃሾ ኬላ ፔንጌቲ ዶያ ዲዛይሳ ቤዩዲ ቃሾ አሳይ ወሪ ኬሲ ኤኪዲ ሚሳቲን ባና ዎቆና ማሻ ሾዲዴስ። 28 ጳውሎስ ቃሰ ባ ቃላ ቆቁ ሂሰቲዲ “ኑ ወሪ ሃን ደስ! ኔ ቦላ አይኔ ኢታ ኦላፋ” ጊ ዋሲዴስ።

29 ቃሾ ኬላ ናጊዛይሲ ያምፔ ዎሲ ኤኪዲ ጌዴ ጊዶ ፑፒ ጌሊዴስ፤ ኮኮርሺ ጳውሎሳ ቶሆ ቦላኔ ሲላሲ ቶሆ ቦላ ኩንዲዴስ። 30 ኢስታ ኤኪ ካሪ ኬዚዲ “ሃ አሳቶ! ታ አታና ማላ አይ ኦላ?” ጊዴስ።

31 ኢስቲካ ኢዛሰ “ጎዳ ዩሱሳ አማና፤ ኔካ ኔሶ አሳይካ ኢንቲ ወሪ አታና” ጊዴ። 32 ሃሳፊ ጉዬ ኢዛሰኔ ኢዛሰን ዲዛ አሳሰ ኡባሰ ጎዳ ቃላ ዮተዳ። 33 ቃሾ ኬላ ናጊዛይሲ ሃራካ ሃ ጋላሰ ቃማራ ኤፊዲ ኢስታ ማዲንላ ሜጨዴስ። ሃራካ ኢዚኔ ኢዛሰ አሳይ ወሪ ፃማቄተዳ። 34 ቃሾ ኬላ ናጊዛይሲካ ኢስታ ባ ኬሌ ኤፊዲ ኢስታሰ ካላ አላዴስ። ባሶ አሳ ኡባራ ያሳ አማኒዳ ጊሽ አዴዚ ዳር ኡፋዩዴስ።

35 ጋዴይ ዎንቲሺን ዴሪ አይሲዛይቲ “ሃይታ አሳታ ቢርሻ ዩዳ” ጊዲ ባ ሹሜታ ቃሾ ኬላ ናጊዛይሳኮ

ዩዲዳ። 36 ቃሾ ኬላ ናጊዛይሲካ ኢስታሰ “ዴሪ አይሲዛይቲ ኢንቲ ቢርሺታና ማላ አዛዚዳ፤ ሃሳ ጊሽ ሃሳ ሳርን ኬዚ ቢቲ” ጊዲ ጳውሎሳሰ ዮተዳስ። 37 ጳውሎስ ቃሰ “ኑ ኦርሜ ዩሌቴላ ጊዲሺን ፒርዳይ ባይንዳ ዴሪ ሲንላን ዲርቃሪ ቡኪዲኔ ቃሾ ኬላን ዩጊዳ። ሂሰቲን ሃሳ ቃሰ ኑና ቆታራ አሲ ኤርንታ ኬሳና ኮዩዞ? ሃሲ ሃኔና፤ ኢሰቲ ዩዲ ባርካ ቢርሺቶ!” ጊዴስ።

38 ሹሜቲ ሃ ኢዚ ጊዳ ቃላ ዴሪ አይሲዛይታሰ ዮተዳ ኢስቲካ ጳውሎስኔ ሲላሲ ኦርሜ ዩሌታ ጊዲዲይሳ ሲይዲ ዳጋሚዳ። 39 ዩዲ ኢስታፊ ማራቴላ ኦይቺዲ ዎይኔፔ ኬሲዳ። ኢስቲ ሃ ካታማዮ አጊዲ ሃራሶ ባና ማላ ኢስታ ዎሲዳ።

40 ጳውሎስኔ ሲላሲ ቃሾ ኬላፊ ኬዚዲ ሊዲያሶ ቢዳ። ሃንካ ዲዛ አማኒዛይቲ ኢስታ ዳር ሚንሌላዲ ሃፔ ኬዚ ቢዳ።

17

ጳውሎስኔ ሲላሲ ታሶሎንቄን

1 ጳውሎስኔ ሲላሲ አንፊጶላኔ አጶሎኒያ ጌቲቲዛ ዴሪራ አጲዲ ታሶሎንቄ ጌቲቲዛ ዴሪ ቢዳ። ሃንካ አይሁዳታ ዎሳ ኬላ ዴስ። 2 ጳውሎስካ ኢዛሰ ዶሴ ጊዲዳ ማላ አይሁዳታ ዎሳ ኬላ ጌሊዴስ። ሃቸ ሳሚንታ ኩሜላ ቃላፔ ኤኪ ኤኪ ኢስታራ ሃሳዩቲዴስ። 3 ከርሰቶሲ ዎዩ ኤካናሲኔ ሃይቄ ዴንዳናሰ ቤሲዛይሳ ቆንጨሲ አማንሎን “ሃይሲ ታ ሳባኪዛ ዩሱሲ ኢዚ ከቲቲ ያና ጌቲቲዳይሳኮ!” ጊዴስ። 4 አይሁዳታፔ ኢሲ ኢሲ አሳይ ባ ሲዩዳይሳ አማኒዲ ጳውሎሳራኔ ሲላሲራ ኢሲፊ ጊዲዴስ። ቃሴካ ዳር ዴሪይ ያሴ ባቢዛ ጊሪኬታፔ ዳር ኤሬቲዳ ማጫሳቲ ባ ሲዩዳ ቃላን አማኒዲ ኢስታራ ኢሲኖ ጊዲዳ።

5 አይሁዳቲ ቃሴ ኢስታ ቃናቲዲ ጊያን ዲዛ ዎርዶ አሳታ ሺሺዲ ኩሜላ ዴሪዛ ኢስታ ቦላ ዴንሌላዲ ካታማን ሺር ሜዲዳ። ጳውሎስኔ ሲላሲ ሺሺዲ ዴሪ ሲንላን ኤሳናሰ ኢሲ ኢያሶኔ ጌቲቲዛይሳሶ ኮያናሰ ኤሌሊ ቢዳ። 6 ጊዶ አቲን ኢስታ ኢያሶኔ ኬላን ዴማንታ አጊዳ ጊሽ ኢያሶኔኔ ሃራ አማኒዛ አሳታ ካታማ ዳናታ ሲንላራ ጎቺሼ “ሃይቲ አሳቲ ዴሪ ወርሲ ቡልጻኪ ካዲሺ ጋምዲዲ ቃሴ ሃሳ ሃ ዩዳ። 7 ኢያሶኔይካ ኢስታ ባ ኬላን ዎላዴስ። ሃይቲ አሳቲ ወሪ ‘ዩሱሳ ጌቲቲዛ ሃራ ካዎይ ዴስ’ ጊዲ ቄሳሪ ዎጋ ኤኬቴና” ጊሹ ዋሲዳ። 8 ዴሪይኔ ሃ ካታማ ዳናቲ ሃሳ ሲይዲ ባ ጊዶን ቡቄቲዳ። 9 ኢያሶኔኔ ሃራታካ ዋሴ ዩይጊሲዲ ዩዲዳ።

ጳውሎስኔ ሲላሲ ቤሪያን

10 አማኒዛይቲ ሃራካ ጳውሎስኔ ሲላሲ ቃማራ ቤሪያ ዩዲዳ። ኢስቲካ ሃ ጋኪዳ ማላ አይሁዳታ ዎሳ ኬላ ጌሊዳ። 11 ቤሪያ አሳይ ታሶሎንቄ አሳቲ አጲዲ አኪካራ ዲዛ አሳ። ጋሶይካ ሃይሲ ዮዎዚ ቱሜሻ? ጊ ጊዲ ጌኤሻ ማፃፋታ ቃላ ዎንቲን ዎንቲን ፒልጊ ዩሊዲ ኡፋይሳን ኤኪዴስ። 12 ሃሳ ጊሽ ኢስታፊ ዳር አሳይ አማኒዴስ። ቃሴካ ኢስታራ ቆዳን ዳርቲ ቦንቺቲዳ ጊሪኬ ዴሪ ማጫሳቲኔ አዴቲካ አማኒዳ።

13 ታሶሎንቄን ዲዛ አይሁዳ አሳቲ ጳውሎስ ያሳ ቃላ ቤሪያንካ ሳባኪዛይሳ ኤሪዳ ማላ ዴሪዛ ዴንሌላናሰ ቃሴካ ጌዴ ኢስታኮ ቢዳ። 14 ሃ ዎዴ አማኒዛይቲ ጳውሎሳ ኤሌሲዲ ጌዴ አባ አቺ ዩዲዳ። ሲላሲኔ ዓምቶሲ ሃን አቲዳ። 15 ጳውሎሳ ሞዩዚዳ አሳቲ ኢዛ

አቴና ጋሌዳ። ቃሴካ ሲላሲኔ ደምቶሲ ኢዛኮ ኤሌሊ ገካና ማላ ገዛ ኪታ ጳውሎሳፔ ኤኪዲ ሲሚዳ።

ጳውሎሲ አቴናን

16 ጳውሎሲ አቴናን ኢስታ ናጊሺን አቴና ካታማን ኤቃቲ ኩሚዳይሳ ቤዪዲ ዳር ሸኔቲዳሰ። 17 ሄሳ ጊሽ አይሁዳታ ዋሳ ኬላን አይሁዳታራኔ ያሳሰ ያዪዛ ገሪኬ አሳራ ቃሴካ ገያይ ዲዛሶን ጋላሰ ጋላሰ ባናራ ጋጊዛ አሳራ ሃሳዬቲዳሰ። 18 ኤፊቆርሴኔ ኢስቶይኮ ጌቲቲዛ ኤራንቻታ ባጋ ገዲዳይቲ ጳውሎሳኮ ሸቂዲ ኢዛራ ሃሳዬቲዳ ኢስታፊ ኢሲ ኢሲ አሳቲ “ሃይሲ ሎምቡ ሎምዳይ አይ ጋና ኮዩዜ?” ገዳ። ባጋቲ ቃሴ ዩሱሳ ጊሺኔ ሃይቆፔ ኢዛ ዳንላ ሚሺራቾ ኢዚ ሳባኪሺን ሲይዲ “ሃይሲ ሃራ ኦራላ ኤቃታ ጊሽ ኮቲዛ ሚሳቲሰ” ገዳ።

19 ኢዛ ኦይኪዲ አሪኦስፋጎሴ ጌቲቲዛ ዳሬ ዱላታ ሲንላ ኤፊዲ “ሃ ኔ ታማርሲዛ ኦራላ ቲሚርቲይ አዛኮኔ ኑ ኤራና ማላ ኔ ኮያይ?” ገዳ። 20 ቃሴ ኔ ኑና ኑ ሃይላን ሲሲዛ የዖይ ኑ ኤርንታ ኦራላ ገዲዳ ጊሽ ኢዚ አዛኮኔ ኑ ኤራና ኮዮሰ። 21 አቴና አሳይ ኩሚላ ቃሴካ ሃን ዲዛ ሃራ ዳሬ አሳይካ ባሰ ዋዴ አላናሰ ኦራላ የዖ ሃሳያኒኔ ሲሳን አቴን ሃራ ሚሻን አሌቲና።

22 ሄሳ ጊሽ ጳውሎሲ አሪዮስፋጎሴ ጌቲቲዛ ዱላታን ሸቂዳ ዳሬዛ ሲንላን ኤቂዲ “ሃይቶ አቴና አሳቶ! አንቴ ቤቶ ሚሽ ወርሲ አማኒዛይታ ገዲዳይሳ ታ ቤያይሰ። 23 ታ ያኔ ሃ ዩዩሺን አንቴ ኢስታሰ ጎይኒዛ ሚሻታ ታ ያሊሺን ‘ኤራቶንታ ያሴ’ ጌቲቲ ያፊቲዳይሳ ኢሲ ያርሾሶ ዳማዲሰ፤ ሄሳ ጊሽ ሄሳ አንቴ ኤርንታ ገዲንዛይሳ ታ አንቴና ኤሪሳና። 24 ሃይሳ አላሚዛኔ ኢዛ ገዲንካ ዲዛይሳ ወርሲ ሚዲዳ ያሲ ኢዚ ሳሎኔ ሳዓ ጎዳ። ሄሳ ጊሽ ኢዚ አሳ ኩሺን ከፀቲዳ ኬላን ዳና። 25 ኢዚ አሳ ኡባሰ ዳይኔ ሸምፖ፤ ቃሴካ ሃራ ወርሲ አማኒዛይሳ ገዲዳ ጊሽ ኢዛሰ ፓጩዛዚ ዳንታ ጊሽ ኢዚ አሳ ኩሺፔ ማዶ ኤኬና። 26 አሳ ዜሬላ ወርሲ አሳዳፊ ሚዲዳ ኢሲ ቢታ ቦላ ዳና ማላ ኦሌዳሰ፤ አሳይ ዳና ዋዴኔ ወርሴላ ዳሰ ዋሌዳሰ። 27 ሄሲካ አሲ ያሴ ኮይዲኔ ፒሊዲ ዳማናኮኔ ገዲ ዋሌዳሰ፤ ሄሲ ሄሳ ገዲኮካ ኢዚ ኑፔ ኢሲ አሳዳፊ ሃኪ ዲዛ ጊሽ ገዳና። 28 ኑ ዳዖ ዳሚዳይ፣ ዲዛይኔ ቃፀቲዛይ ኢዛና፤ አንቴ ዳሬን ዩላ ኬሲዛ ኢሲ ኢሲ አሳቲ ‘ኡካ ኢዛ ናይታ’ ገዳ ማላ።

29 “ሂሰቲኮ ኑ ያሳ ናይታ ገዲኮ ያሲ አሳ ኤራቲላን ሚዲ ኬሲዳ ዋርቃ ዋይኮ ቢራ ዋይኮ ሹቾ ሚሳቲሰ ገዲ ኑ ቆፓናሰ ቤሴና። 30 ካሴቲዲ ያሲ ሃይሳ ማላ ሃናታ አሳይ ኤርንታ ኦሌዳይሳ ዳንዳያን አዲዳሰ፤ ሃሲ ገዲኮ አሲ ወሪ ባ ዲዛሶን ዲዛሶን ማርቲላን ጌላና ማላ አዛዜሰ” ገዳሰ። 31 ኢዚ ባ ዶሲዳዳ ባጋራ ቢታ ቦላ ዲሎቲላን ፐርዳና ጋላሰ ባሬ ዋሌዳሰ። ኢዛካ ሃይቆፔ ዳንላዲ አሳ ኡባሰ ሃይሳ ቱማቲላ ኤሪሲዳሰ።

32 ኢስቲካ ሃይቆዳይታ ዳንላ ጊሽ ሲዩዳ ማላ ኢሲ ኢሲ አሳቲ ኢዛ ቂዲዳ፤ ባጋቲ ቃሰ “ሃይሳ ቃሴካ ኔፔ ሃራ ጋላሰ ሲያና ኮዮሰ” ገዳ። 33 ሄራካ ጳውሎሲ ኢስታ ገደሬ ኬዚ ቢዳሰ። 34 ኢሲ ኢሲ አሳቲ ቃሴ ጳውሎሳ ካሊዳኔ አማኒዳ፤ ሃይታፔካ ዲዮናሲዮሳ ጌቲቲዛ አሪዮስፋጎሴ ዱላታ ኬላ አባሌ ገዲዳ ዳማሪሶ ጌቲቲዛ ማጫሳያኔ ሃራቲካ ኢሲፊ ዳቲሰ።

18

ጳውሎሲ ቆርንቶሴን

1 ሄሳፊ ጉዬ ጳውሎሲ አቴናፔ ዳንዲዲ ቆርንቶሴ ካታማ ቢዳሰ። 2 ሄንካ ጳንዖሳን ዩሌቲዳ አቁላ ጌቲቲዛ አይሁዳ አሰ ዳሚዳሰ፤ ኢዚካ አይሁዳቲ ወሪ ኦርሜፔ ኬዛና ማላ ቃላዎዳሳ ጌቲቲዛ ኦርሜ ካዎይ አዛዚዳ ማላ ባ ማቼዮ ጲርሲቁላራ ማታ ዋዴ ኢፃሊያ ዳሬፔ ዩዳይሳ ቤያናሰ ጳውሎሲ ሄ ኢስታኮ ቢዳሰ። 3 ኢዚካ ኢስታላ ዳንካኔ ሲኪዛዴ ገዲዳ ጊሽ ኢስታ አቻን ኡቲዲ ዳንካኔ ሲኮን ጌሊዳሰ። 4 ሳምባታ ሳምባታ ጋላሰ አይሁዳታ ዋሳ ኬላን አይሁዳታራኔ ገሪኬ አሳታራ ሃሳዬቲሺ ኢስታ አማንላናሰ ባፀቲዳሰ።

5 ሲላሲኔ ደምቶሲ ማቂዳኒያፔ ዳጌ ኢዛኮ ዋዲን ጳውሎሲ ሳባኮን ሚኒዲ ዩሱሲ ኢዚ ኪርሰቶሳ ገዲዳይሳ አይሁዳታሰ ማርካቲዳሰ። 6 ገደ አቴን ኢስቲ ኢዛራ ኤቁቲዲ ኢዛ ጫዩዳ ጊሽ ጳውሎሲ ባ ማይዖ ቆቆፊዲ “ታ አንቴፊ ዲሎ፤ አንቴ ፐርዳታናይ አንቴ ሞርን ገዲዳ ጊሽ ታ አንቴ ሱላ ጎሜን ኦይሸቲኬ፤ ሄሳ ጊሽ ታ ጌዴ አይዛቤታኮ ባይሰ” ገዳሰ።

7 ሄፔ ኬዚዲ ቲቶሳ አዮስዖሳ ጌቲቲዛ ያሴ ዋሲዛይሳሰ ቢዳሰ፤ ሄ አዳዛ ኬላይ አይሁዳታ ዋሳ ኬላ አቻን ዳሰ። 8 አይሁዳታ ዋሳ ኬላ ሃላቃይ ቁሪሰጸሲ ባሶ አሳ ኡባራ ጎዳ አማኒዳሰ፤ ጳውሎሲ ኮቲሺን ሲዩዳ ዳር ቆርንቶሴ ካታማ አሳይ አማኒዲ ፃማቁቲዳሰ።

9 ጎዳይ ቃማን አጂታን ጳውሎሳ “ባቦፋ፤ የታ፤ ጮቡ ጎፓ፤ 10 ታ ኔናራ ዳይሰ፤ ኦኒካ ኔ ቦላ ዳንዲ ኔና ቆሃናሰ ዳንዳዩና፤ ሃሮ ሃ ካታማይን ታሰ ዳር አሲ ዳሰ” ገዳሰ።

11 ሄሳ ጊሽ ጳውሎሲ ያሳ ቃላ አሳ ታማርሲሺ ኢሲ ላይሌኔ ባጋ ኢስታራ ኡቲዳሰ።

12 ጋልዮሳ ጌቲቲዛ ዳሬ አይሲዛይሲ አካያን ዲዛ ዋዴ አይሁዳቲ ኢሲፊ ገዲዲ ጳውሎሳ ቦላ ዳንዲዳ፤ ፐርዳ ዋምቦራ ሲንላ ሸሺዲ። 13 “ሃይሲ አዳዚ ዋጋፔ ካሬራ አሳይ ያሳሰ ጎይናና ማላ አሳ ባሌሌሰ” ገዳ።

14 ጳውሎሲ ሃሳያና ቡር ዳና ደዩሺን ጋልዮሲ አይሁዳታ “አንቴኖ አይሁዳ አሳቶ! አንቴ ሸሺዳ የዖይ ዳሬ ዳንሌላ ዋይኮ ዳሬ ገታ ማቶን ዩጊዛ የዖ ገዲዳኮ ታ ዋዛናፔ ሲያናሺን። 15 ገደ አቴን አንቴ ፓላማይ ኢሲ ኢሲ ቃላታ ጊሺኔ ኢሲ ኢሲ ሱንላታ ጊሽ ቃሴካ አንቴ ዋጋ ጊሻሰ ገዲዳ ጊሽ አንቴ ሄን አንቴ ባጋራ ወርሲቲ፤ ታ ሄሳ ማላ የዖ ፐርዳናሰ ኮዩኬ” ገዳሰ። 16 ሄሳ ጊሽ ፐርዳ ዋምቦራ ሲንላፊ ኢስታ ኬሲዳሰ። 17 ሄ ዋዴ ወሪካ አይሁዳ ዋሳ ኬላ ሃላቃ ሶስቲኔሴ ጌቲቲዛይሳ ኦይኪዲ ፐርዳ ኬላ ሲንላን ቡኪዳ፤ ጋልዮሲ ገዲኮ ሄሳ ወዳንካ ዩጊቤና።

ጲርሲቁላ አቁላኔ አጲሎሳ

18 ሄሳፊ ጉዬ ጳውሎሲ ቆርንቶሴ ካታማን ዳር ዋዴ ጋምዲዳሰ። ሄፔካ አማኒዛ አሳይ ሞይዚን ጲርሲቁላራኔ አቁላራ ኢሲፊ ማርካቤን ጌሊዲ ሶሪያ ጌቲቲዛሶ ቢዳሰ፤ አዲና ዲዛይሳ ጋላናሰ ኪንኪራዖሴ ጌቲቲዛሶን ባ ሁዔ ሚዳቲዳሰ። ** 19 ኤፊሶኔ ጋኪዳ ማላ ጲርሲቁላኔ አቁላ ሄን አጋገዲ ጳውሎሲ አይሁዳታ ዋሳ ኬሌ ጌሊዲ አይሁዳታራ ሃሳዬቲዳሰ። 20 ባናራ ጋምዳና

* 18:18 አዲና ገዛይሳ ኢሲ ኢሲ ባጋ ጋምላ ቃላን “ታሳላ ዋይኮ ጋላታሰ አሜቲዛ አምታ” ጌቲሰ። * 18:18 ታይ 6:18

ማላ ኢስቲ ኦይቸን ኢዚ “ኣካይ” ገዲ ኢዲዳስ።
21 ገደ ኣቲን ኢዚ ኢስታፊ ሻኬቲሽ “ዮሳ ሼኔ ገዲኮ ታ ሲማዳ ያና” ገደሰ፤ ኤፊሶኔፕ ዳንዲዲ ማርካቤን ጌሊዲ ቢደሰ።

22 ቀሳሪያ ጌቲቲዛሶ ጋኪዳፕ ጉዬ ኬዚዲ ኣማኒዛይታ ሳር ገዲ ሄፕ ኣንጾኪያ ዎዲደሰ።
23 ኣንጾኪያን ጉላ ዎዴ ታኪዳፕ ጉዬ ሄፕ ዳንዲዲ ጋላቲያ ባጋራኔ ፊርጊያ ጌቲቲዛ ዳሬታራ ዩይ ኣዲዲ ኣማንዛይታ ሚንሌላደሰ።

24 ሄ ዎዴ ኢሲ ኢስኪንዲሪያ ካታማን ዩሉቲዳ ኣጲሎሳ ጌቲቲዛ ኢሲ ኣይሁዳ ኣሲ ኤፊሶኔ ዩዳሰ፤ ኢዚካ ታማሪዳዴኔ ጌሻ ማፃፋታ ሎዔላ ኤሪዛዳ።

25 ኢዚ ጎዳ ኦጌ ታማሪዳዴኔ ዩሱሳ ጊሽ ባላይ ባይንዳ ሃሳዩዛዴኔ ዓሎ ኣያናን ፀጌቲሽ ታማርሲዛዳ፤ ገደ ኣቲን ኢዚ ሎዔላ ኤሪዛይ ዮሃንሳ ዊንቃቲ ያላላ።

26 ኢዚካ ኣይሁዳ ዎሳ ኬላን ባቦንታ ዮቶ ኦይኪዳሰ፤ ጲርሲቁላይኔ ኣቁላይ ኢዚ ገዛይሳ ሲይዲኔ ኢዛ ጌዴ ባሶ ኤፊዲ ያሳ ኦጌ ኢዛ ካሴፕ ሎዔላ ኤሪሲዳ።

27 ኣጲሎሲ ጌዴ ኣካያ ባናሰ ኮዩን ኣማኒዛይቲ ኢዛ ሚንሌላዳ፤ ሄን ዲዛ ኣማኒዛ ኣሳይካ ኢዛ ሞኪ ኤካና ማላ ኢዛሰ ዳብዳቤ ፃፊዳ፤ ኢዚ ሄ ጋኪዳ ማላ ኢዛሰ ዲዛ ኣምታፕ ዳንዲዳይሳን ኣማኒዛይታ ዳር ማዲዛዴ ገዲደሰ።
28 ጌሻ ማፃፋታ ያይሳ ሃይሳራ ጋላ ማርካቤ ማርካቤ ዩሱሲ ኢዚ ከርሰቶሳ ገዲዳይሳ ኣይሁዳታራ ዳር ፓላሜቲዲ ዳሬ ሲንላን ኢስታ ላላደሰ።

19

ጳውሎሲ ኤፊሶኔን

1 ኣጲሎሲ ቆርንቶሴን ዲዛ ዎዴ ጳውሎሲ ፑደሃ ባጋ ዳሬራ ካንሌዲ ኤፊሶኔ ዩዲ ሄን ዲዛ ኢሲ ኢሲ ኣማኒዛ ኣሳታ ዳሚዲ 2 “ኣንቲ ኣማኒዳ ዎዴ ዓሎ ኣያና ኤኪዳቲ?” ገደሰ፤ ኢስቲካ “ኤኪቤይኮ ሃራይ ኣቶሺን ዓሎ ኣያናይ ዲዛኮኔ ኦ ሲቤይኮ” ገደ።

3 ጳውሎሲካ ኢስታ “ሂሰቲን ኣንቲ ኣዛን ፃማቁቲዳቲ?” ገደሰ፤ ኢስቲካ ኢዛሰ “ዮሃንሳ ዊንቃታን ፃማቁቲዳሰ” ገደ።

4 ጳውሎሲካ ኢስታሰ “ዮሃንሳ ዊንቃታይ ገዲኮ ኣሳይ ማርቲላን ሲሚዳይሳ ቤሲዛ ዊንቃታኮ! ዮሃንሲ ባ ባጋራ ኣሳይ ኢዛፕ ጉዬራ ዩዛ ዩሱሳ ኣማናና ማላ ዮቲደሰ” ገደሰ። *

5 ኢስቲካ ሄሳ ሲዩዳፕ ጉዬ ጎዳ ዩሱሳ ሱንላን ፃማቁቲዳ። 6 ጳውሎሲካ ኢስታ ቦላ ባ ኩሼ ዎላዳ ማላ ዓሎ ኣያናይ ኢስታ ቦላ ዎዲን ኢስቲ ዲማ ዳሬታ ቃላራ ሃሳዩዳ፤ ቲንቢቲካ ዮቲዳ። 7 ሄ ኣሳቲ ዉሪካ ታማኔ ናምዑ ገዲዛይታ።

8 ጳውሎሲ ኣይሁዳታ ዎሳ ኬላ ጌሊዲ ያሳ ካዎቲላ ጊሽ ሃሳዩቲሼኔ ኢስታ ኣማንሌሽ ሄቱ ኣገና ኩሜላ ኦናሰካ ባቦንታ ኣሳሰ ቆንጨሲ ዮቲዳሰ። 9 ኢሲ ኢሲ ኣሳይ ፓላማ ዊንዲ ገዲ ኣማናናሰ ኮይቤና፤ ጎዳ ኦጌ ቆንጨን ኢዲዳ፤ ሄሳ ጊሽ ጳውሎሲ ኢስታ ኣገዲ ሃራሶ ቢደሰ፤ ኣማኒዛይታካ ዲማ ሻኪ ኬሲዲ ዊራኖሴ ቲሚርቲ ኬላን ጋላሰ ጋላሰ ኢስታራ ሃሳዩቲደሰ።
10 ሄሳ ማላ ኦሶን ናምዑ ላይላ ጋምዲዳ ጊሽ ኢሲያ ኣዉራጃን ዲዛ ኣይሁዳቲኔ ገሪኬ ኣሳይ ዉሪ ጎዳ ቃላ ሲያና ዳንዲዳይሰ።

11 ያሲ ጳውሎሳ ባጋራ ዳር ማላሊሲዛ ማላታ ኦላደሰ። 12 ማራቤ ዎይኮ ኢዛ ኣሳቲላ ቦቲዳ ጫርቃ ኤፊዲ ሃርጋንታታ ቦቲኮ ሃርጌይ ዩዳሰ፤ ቱና ኣያናቲካ ባ ኦይኪዳ ኣሳፕ ኬዜቲሰ። 13 ዩዩ ዩዩ ኣሳፕ ዳይዳንላ ኬሲዛ ኢሲ ኢሲ ኣይሁዳ ኣሳቲ “ጳውሎሲ ሳባኪዛ ዩሱሳ ሱንላን ኣንቲ ኬዛና ማላ ኣዛዛይሰ” ገዲ ጎዳ ሱንላ ቱና ኣያናቲ ኦይኪዳ ኣሳታ ቦላ ያይጋና ፓጪዳ።

14 ኢሲ ኣይሁዳታፕ ገዲዳ ቄሴታ ሃላቃ ኣስቁዌሰ ኣቲማ ና ላቲናቲ ሄሳላ ኦላዳ።
15 ቱና ኣያናይካ “ታ ዩሱሳካ ኤራይሰ፤ ጳውሎሳካ ኤራይሰ ሺን ኣንቲ ቃሰ ኦናንቲ?” ገደሰ።

16 ቃሴካ ቱና ኣያናይ ኢዛ ኦይኪዳዴይ ጉፕዲ ኣሳታ ኦይኪዳሰ፤ ኢስታ ቦላ ዎላቃቲዲ ዳር ሚኒን ማዲንግዲ ኬላፊ ሚላ ካሎ ባቃቲዳ። 17 ሄሲካ ኤፊሶኔን ዲዛ ኣይሁዳታ ኣቻኒኔ ገሪኬ ኣሳ ኡባ ኣቻን ኤሬቲን ዉሪካ ባቢዳ፤ ሄሳንካ ጎዳ ዩሱሳ ሱንላ ቦንቸቲደሰ።

18 ኣማኒዳ ኣሳፕ ዳርይ ሸቁዲ ባ ኢታ ኦሶ ቆንጨን ፓዲደሰ። 19 ማር ማርቲዛይታፕ ዳርቲ ባ ማርቲዛ ማፃፋ ሺሺዲ ዳሬ ሲንላን ታማን ፀጌዳ፤ ማፃፋ ዎጋይ ሺሺ ቆዲን ኢቻሹ ታሙ ሺ ቢራ ማላ ገዲደሰ።

20 ሃይሳ ማላን ጎዳ ቃላይ ኬሂ ዲጨሼኔ ያኒ ያኒ ቢደሰ።
21 ሃይሲ ዉሪ ሃኒዳፕ ጉዬ ጳውሎሲ ማቁዲኒያራኔ ኣካያ ባጋራ ኣዲዲ ዩራሳላሚ ባናሰ ቆፋ ቃቸዲ “ታ ሄ ጋኪዳፕ ጉዬ ታ ኦርሚ ቃሴካ ቤያና ኮሼሰ” ገደሰ።

22 ባና ማዲዛይታፕ ናምዓታ ዊምቶሳኔ ኤሪሰያሳ ጌዴ ማቁዲኒያ ጌቲቲዛሶ ከቲዲ ባሰ ኢሲያ ኣዉራጃን ጉላ ዎዴ ሄን ዳዒደሰ።

21 ሃይሲ ዉሪ ሃኒዳፕ ጉዬ ጳውሎሲ ማቁዲኒያራኔ ኣካያ ባጋራ ኣዲዲ ዩራሳላሚ ባናሰ ቆፋ ቃቸዲ “ታ ሄ ጋኪዳፕ ጉዬ ታ ኦርሚ ቃሴካ ቤያና ኮሼሰ” ገደሰ።
22 ባና ማዲዛይታፕ ናምዓታ ዊምቶሳኔ ኤሪሰያሳ ጌዴ ማቁዲኒያ ጌቲቲዛሶ ከቲዲ ባሰ ኢሲያ ኣዉራጃን ጉላ ዎዴ ሄን ዳዒደሰ።

ኤፊሶኔን ዳንዲዳ ሸር

23 ሄ ዎዴ ጎዳ ኦጌ ጊሽ ዳር ሸርይ ሚዴቲደሰ።
24 ዲሚደርሳ ጌቲቲዛ ኢሲ ቢራ ቆዲዛይሲ ኣርፃሚሴ ጌቲቲዛ ኤቃ ሚሲሌ ቢራፕ ሴሪሰ ሚዴ ሚዴ ሂላንቻታሰ ዎዴ ሚሼ ዳሚሴሰ። 25 ኢዚካ ሄ ሂላንቻታን ሄሳ ማላ ኦሶን ኣቁዛይታ ሃራ ኣሳታ ኢሲ ቦላ ሺሺዲ “ኣሶ! ሃይሲ ኦሶዚ ኦሶ ሚሽ ኬሲዛይሳ ኢንቲ ኤሬታ፤ 26 ሃይሲ ጳውሎሳ ጌቲቲዛይሲ ኤፊሶኔን ያላ ገደንታ ኩሜላ ኢሲያ ኣዉራጃን ዲዛ ዳር ዳሬዛ ኣማንላ ኣማንላ ባሌላዛይሳ ኣንቲ ዉሪካ ቤዩዛይሳ ማላኔ ሲዩዛይሳ ማላ ‘ኣሳ ኩሼን ኦሴቲዳ ኤቃቲ ሙሌካ ያሴ ገዴቲና’ ገ ዮቲሰ። 27 ሃይሳ ኦ ኦሶዛሰ ሎዎ ሱንላ ሃራይሲዛይሳፊ ቦላራ ኩሜላ ኢሲያይኔ ኩሜላ ኣላሚይ ጎይኒዛ ዎጋ ኣርፃሚሴ ኤቃ ኬላይካ ጎሳይ ባይንዳይሳ ገደና፤ ቃሴካ ኬሂ ቶቁ ገዳ ኢዚ ቦንቸይካ ካዉያና” ገደሰ።

25 ኢዚካ ሄ ሂላንቻታን ሄሳ ማላ ኦሶን ኣቁዛይታ ሃራ ኣሳታ ኢሲ ቦላ ሺሺዲ “ኣሶ! ሃይሲ ኦሶዚ ኦሶ ሚሽ ኬሲዛይሳ ኢንቲ ኤሬታ፤ 26 ሃይሲ ጳውሎሳ ጌቲቲዛይሲ ኤፊሶኔን ያላ ገደንታ ኩሜላ ኢሲያ ኣዉራጃን ዲዛ ዳር ዳሬዛ ኣማንላ ኣማንላ ባሌላዛይሳ ኣንቲ ዉሪካ ቤዩዛይሳ ማላኔ ሲዩዛይሳ ማላ ‘ኣሳ ኩሼን ኦሴቲዳ ኤቃቲ ሙሌካ ያሴ ገዴቲና’ ገ ዮቲሰ። 27 ሃይሳ ኦ ኦሶዛሰ ሎዎ ሱንላ ሃራይሲዛይሳፊ ቦላራ ኩሜላ ኢሲያይኔ ኩሜላ ኣላሚይ ጎይኒዛ ዎጋ ኣርፃሚሴ ኤቃ ኬላይካ ጎሳይ ባይንዳይሳ ገደና፤ ቃሴካ ኬሂ ቶቁ ገዳ ኢዚ ቦንቸይካ ካዉያና” ገደሰ።

26 ሃይሲ ጳውሎሳ ጌቲቲዛይሲ ኤፊሶኔን ያላ ገደንታ ኩሜላ ኢሲያ ኣዉራጃን ዲዛ ዳር ዳሬዛ ኣማንላ ኣማንላ ባሌላዛይሳ ኣንቲ ዉሪካ ቤዩዛይሳ ማላኔ ሲዩዛይሳ ማላ ‘ኣሳ ኩሼን ኦሴቲዳ ኤቃቲ ሙሌካ ያሴ ገዴቲና’ ገ ዮቲሰ። 27 ሃይሳ ኦ ኦሶዛሰ ሎዎ ሱንላ ሃራይሲዛይሳፊ ቦላራ ኩሜላ ኢሲያይኔ ኩሜላ ኣላሚይ ጎይኒዛ ዎጋ ኣርፃሚሴ ኤቃ ኬላይካ ጎሳይ ባይንዳይሳ ገደና፤ ቃሴካ ኬሂ ቶቁ ገዳ ኢዚ ቦንቸይካ ካዉያና” ገደሰ።

27 ሃይሳ ኦ ኦሶዛሰ ሎዎ ሱንላ ሃራይሲዛይሳፊ ቦላራ ኩሜላ ኢሲያይኔ ኩሜላ ኣላሚይ ጎይኒዛ ዎጋ ኣርፃሚሴ ኤቃ ኬላይካ ጎሳይ ባይንዳይሳ ገደና፤ ቃሴካ ኬሂ ቶቁ ገዳ ኢዚ ቦንቸይካ ካዉያና” ገደሰ።

28 ኣሳይ ሄሳ ሲይዲ ኢታ ሃንቆ ሃንቁቲዲ “ኤፊሶኔ ኣርፃሚሳ ዎጋ ገታ!” ገዲ ዋሶ ደሚደሰ። 29 ሄራካ ኩሜላ ካታማይ ሸርቲደሰ፤ ዳሬይካ ዉሪ ኢሲ ቦላ ገዲዲ ማቁዲኒያ ኣሳ ገዲዳይታኔ ጳውሎሳራ ኢሲፊ ዩዩዛ ኢዛ ላጌታ ጋዩዮሳኔ ኣሪሰዊርኮሳ ኦይኪዲ ዳሬይ ካሴ ካዲዛሶ ዎላን ጌሊዲ። 30 ጳውሎሲካ ካሬ ኬዚዲ ኣሳ ሲንላ ሺቃና ኮዩን ኣማኒዛይቲ ዲገዳ። 31 ሄ ኣዉራጃ ዳናታፕ ኢሲ ኢሲ ጳውሎሳ ላጌቲ ጳውሎሲ ኣሳይ ካሴ ካዲዛሶ ያሊዲ ጌሎንታ ማላ ኣሰ ከቲዲ ዎሲዳ።

* 19:4 ማቶ 3:11፤ ማር 1:4፣7፣8፤ ሉቃ 3:4፣16፤ ዮሃ 1:26-27

32 ሸቀዳ አሳይ አንዳትዲ አሳዳይ አሲ ሚሽ ሃሳዬሽን ሃራይ ቃስ ሃራ ሃሳዬሽኔ አሳይ ወሪ ዋሴቲስ፤ ዳሪዛ ባጋ አሳይ አዛስ ሄን ሸቀዳኮኔ ኤሬና። 33 አይሁዳ አሳይ አስከንዲሮሳ ጌቲቲዛይሳ ዳሪ ገደፊ ሱጌሬል ጌዴ ሲንሐ ኬሲዳ ዋዴ አሲ አሲ አሳቲ ባ ጊሽ አዚ ሃሳያና ማላ ዋሲዳ፤ አዚካ አሲታ ጊሽ ፓላሚታና ኮይዲ አሳይ ጮው ጋና ማላ ማላቲ ቤሲዳ። 34 ጊደ አቲን አዚ አይሁዳ አስ ገዲዳይሳ ኤሪዳ ዋዴ ወሪካ አሲ ቦላ “ኤሬሶኔ አርጻሚሳ ዋጋ፤ ገታ!” ጊሽ ናምዑ ሳቲ ማላ አሳይ ዋሲዳ።

35 ሄ ካታማስ ዋና ፃፊይ አሳ ጮው ሂስቲዲ “አንቲኖ ኤሬሶኔ አሳቶ! ገታ አርጻሚሲ ኤቃ ኬላይኔ ሳሎፔ ዋዳዳ አዚ ሚሲሌ ናጊዛይ ኤሬሶኔ ካታማ አሳ ገዲዳይሳ ኤርንታይ ኦኔ? 36 ሄሳ ጊሽ ሃይሲ ሃ ቱማይ ካዳታና ዳንዳዬቶንታይሳ ማላ አንቲ ጉሊ ዩሺ ቆፓናሲኔ ሎዲ ጋናስ ቤሴስ። 37 ሃይታ አሳታ ያሳ ኬላ ቦንቆንታ ዋይኮ ኦ ያሴ ገዲዳይሳ ቦላ ጫሻ ቃላ ዳንሎንታ ዲሺን አንቲ ኦይኪዲ ሃ ጋላናስ ጮ ኤሂዳታ።

38 “ሄሳ ጊሽ ዲሞዊሮሲኔ አዛራ ዲዛ ቢራ ሴሪሲ አሊዛ ሂላንቻቲ ኦና ቦላካ ሞቲዛ ዮያይ ዲኮ ፐርዳ ኬላይ አሲታስ ዶያ ዳስ፤ ዳናቲካ ዳቲስ፤ ኮዩዳዳ ሞታናስ ዳንዳዬስ። 39 ሃይሳፊ ሃራ ጋናስ አንቲ ኮይኮ ዋጋይ ዲዛ ሸቆሶን ቤዬቶ። 40 ሄሲ አቲኮ ሃቾ ሃሂዳ ሸርይ ኦና ሞቲሶንታ ማላ ሂርጊሴስ፤ ሞቶስ ጋሊዛ ጋሶይ ባይንዳ ጊሽ ሃ ሃሂዳ ሸርዛ ጊሽ ኦ ኦይሸቲኮ ጋናዚ ኦስ ዳና” ገዴስ። 41 አዚ ሄሳ ገዳፔ ጉዬ ሸቆይ ላሌቲዳስ።

20

ጳውሎስ ማቀደኒያኔ ገሪኬ ቤዳስ

1 አሳይ ጮው ገዳፔ ጉዬ ጳውሎስ አማኒዛይታ አሲ ቦላ ጃይጊዲ አሲታ ሚንሐሊዛ ቃላራ ዞሪዳፔ ጉዬ አሲታ ሳርኪዲ ማቀደኒያ ባና ኬዚዳስ። 2 አዚ አጂ ቢዛ ዳሪን ዲዛ አማኒዛ አሳ ሎዴላ ዞሪን ሚንሐሊሽ ገሪኬ ዳሬ ቤዳስ። 3 ገሪኬን ሄቹ አገና ታኪዳፔ ጉዬ ማርካቤራ ሶሪያ ጌቲቲዛ ዳሬ ባናስ ቆፐዳስ ሺን አይሁዳ አሳቲ አዛ ቦላ አታ ኦላና ዞሪቲዳይሳ ኤሪዲ ማቀደኒያ ባጋራ ባና ቆፋ ቃቺዳስ።

4 ቤሪያፔ ጳሪዮሳ ና ሶጳጂሮሳ፣ ታሶሎንቄፊ አሪስጊሮኮሳኔ ሲኮንዳሳ፣ ዳርቤኔፔ ጋዩዮሲኔ ጃምቶሲ አሲያፔ ጊሮፊሞሲኔ ቲቁቆሲ ጳውሎሳራ አሲፊ ቤዳ። 5 ሄይቲ ወሪ ኦፔ ካሴቲዲ ጊሮዳዳን ኦና ናጊዳ። 6 ኦ ቃስ ኤኬላ ባዳሌፔ ጉዬ ፐሊጲሲዮሴፔ ማርካቤን አሲቲ ዲዛሶ ጊሮዳዳ ጌቲቲዛሶ አቻሻንላ ጋላስ ጋኪዲ ሄን ላፑን ጋላስ ጋምዲዳስ።

ጳውሎስ ወርሴላን ጊሮዳዳ ቤይዳስ

7 ሳሚንታፊ ኮይሮ ዋጋ ጋላስ አሲፊ ካሐ ማናስ ኦ ሸቀ ዲሺን ጳውሎስ ዋንቶ ባናስ ኮሺዛ ጊሽ ሸቀዳ አሳስ ቃላ ዮቲሺን አዚ ዮያዛ ሌላ ገደሐ ጋካናስ አዲሲዳስ። * 8 ቦላ ፎቁን ዳር ፖያይ ዲዛሶን ኦ ሸቀዳስ። 9 አወጸኪሴ ጌቲቲዛ አሲ ናቲላ ናይ ማሰኮቲ ቦላ ኡቲ ዲሺን ጳውሎስ ዮያዛ አዲሲዳይሳፊ ዳንዲዳይሳን አዚ ጂሰኮይ ኤኪ ቤዳስ፤ ዋልቃማ ጂሰኮን ያኔቲዲ ቦላ ሄቫንሐ ፎቁፔ ዲጌ ኩንዲን አሳይ

ዳንሊዛ ዋዴ ሃይቁዲ ቤቲዳስ። 10 ጊደ አቲን ጳውሎስ ዲጌ ዋዳዲ ናዛ ቦላ ሆኪ ኢዲሚዲኔ “ሃይቁቤና ፓፃ ዳስ፣ ዳጋሞፍቲ!” ገዴስ። 11 ጳውሎስ ሃሳፊ ፑዴ ፎቁ ኬዚዲ ኤኬላ ማንሊዲ አማኒዛይታራ ሚዳስ፤ ጋይይ ዋንታና ጋካናስ አሳታራ ሃሳዬቲሽ ጋምዲዲ ቢዳስ። 12 አሳይካ ሃይቆፔ ፓፃዳ ናዛ ጌዴ አዛሶ ኤፊዲ ወሪካ ኡፋዬቲዳስ።

ጳውሎስ ጊሮዳዳ ሚሊጻኔ ጌቲቲዛሶ ቤዳስ

13 ኦ ጳውሎሳ ማርካቤን ጌልላና ኮይዳ ጊሽ ካሴቲዲ ማርካቤን አሶሳ ጌቲቲዛሶ ቤዳስ፤ ኦ ሄሳ ኦሊዳይ ጳውሎስ አሶሳ ጋካናስ ቶሆራ ባና ኮይዳ ጊሻሲኔ ኦ ጌዴ ሲንሐ ባና ማላ አዚ አዛዚዳ ጊሻሳ። 14 ኦ አዛራ አሶሳን ጋጊዲ አዚ ማርካቤን ጌሊን አዛራ አሲፊ ሚጻሊኔ ቤዳስ። 15 ዋንቲላ ጋላስ ሄፔ ዳንዲዲ ሲንላራ ዲዛ ኪያሴ ጌቲቲዛሶ ጋኪዳስ፤ ቃሴ ዋንቲላ ጋላስ ሳሞሴ ጌቲቲዛሶ ፐሊዲ ሄፔ ዋንቲላ ጋላስ ሚሊጻ ጋኪዳስ። 16 ጳንፃቆስቲ ጌቲቲዛ አይሁዳታ ፓዚጋ ባዳሌ ባስ ዳንዳዬቲዳ ማላ ቦንቻና ዩሩሳላሚን ቤታና ኮይዲ አዚ አሲያን ዋዴይ አጶንታ ዲሺን ኤሬሶኔ አጂ ባናስ ኮይዳስ። አሲያን አዛሰ ዋዴይ አጶንታ ማላ ኤሬሶኔ ዩጊ አጳና ኮዩዳስ። አዚ ሄሳላ ኦላና ኮዩዳይ ጳንፃቆስቲ ባዳሌስ ዩሩሳላሚን ቤታናስ ኮይዳ ጊሻሳ።

ጳውሎስ ኤሬሶኔ ዋሳ ኬላ ጨማታራ ወርሴላ ሞይዛ ሳርካ ሳርኬቲዳስ

17 ጳውሎስ ሚሊጻፔ ኤሬሶኔ ዋሳ ኬላ ጨማታ አሴ ከቲዲ ጃይጊሲዳስ። 18 አሲቲካ ዩን ጳውሎስ አሲታ “ታ አሲያ ጌሊዳ ጋላሳፊ ሃ ሲሚን ኡባ ዋዴ ታ አንቲናራ ዋና ዋና ዳዲዳኮኔ አንቲ ኤሬታ። 19 አይሁዳቲ ታ ቦላ አሳ ዳንሊዲ ሂሊዳ ጌደን ዳር ሚቶይ ታ ቦላ ጋኪኮካ ታ ኩሚላ አሸኬቲላራኔ አፋንላራ ጎዳስ አላዲስ። ጮ ዳንባንካ አንቲ አንቲሶን ታ አንቲና ታማርሳሽ ጎዲዛይሳ ወርሳ አንቲሶ ዮታዲስ አቲን አንቲና ጎዲዛ ሚሻፊ አይኮካ አሻቤኬ። 20-21 አይሁዳ አሳታ ገዲንካ ገሪኬ አሳ ገዲንካ ማርቲላን ጌሊዲ ያሳኮ ሲማና ማላኔ ጎዳ ዩሱሳን አማናና ማላ ሎዴላ ዮታዲስ።

22 “ሃዒካ ታ ሄ ጋኪሺን ታ ቦላ አዚ ጋካናኮኔ ኤሪኬሽን ጊሎ አያናይ ታና አዛዚዳ ማላ ዩሩሳላሚ ባይስ። 23 ሄን ዲማ ዲማ ታና ቃሾይኔ ሜቶይ ናጊዛይሳ ጊሎ አያናይ ታስ ዮቲዳስ። 24 ጊደ አቲን ጎዳ ዩሱሲ ታስ አሚዳ ዋላ ዋፃ ወርሳና ጋካናሲኔ ኦሶ ታ ፖላና ጋካናስ ታኒ ታ ሸምፖስ ሚሽቲኬ፤ ታስ አሚቲዳ ኦሶይካ ያሳ ሚሽራቾ ቃላ ዮቶኮ። *

25 “ሃዒ ጋካናስ ታ አንቲ ጊደን ሲሚሬታሽ ያሳ ካዋቲሐ ሳባካዲስ፤ ሲማ ሃይሳፊ ጉዬ አንቲፊ ኦኒካ ሙሌ ታ አይፊሶ ቤዮንታይሳ ታ ኤራይስ። 26 ሄሳ ጊሽ አንቲፊ አሳዳይካ ጳይኮ ታ ኦይሸቶንታይሳ ሃቾ ታ አንቲና ኤሪሳይስ። 27 አይሲ ጊኮ ታ ያሳ ቆፋ ወርሳ አንቲሶ ዮታዲስ አቲን አይኮካ ታ ዮቶንታ አሸዲይሲ ዳና። 28 ጊሎ አያናይ አንቲና ያሳ ደርሳታ ሄማናስ ሹሚዳስ፤ ሄሳ ጊሽ አንቲ ሁዴሲኔ ያሳ ደርሳታስ ናጌቲቲ፤ ጎዳይ ባ ሱላን ዋዚዳ ዋሳ ኬላዮ ናጌቲ። 29 ታ ቢዳፔ ጉዬ ያሳ ደርሳታስ ሚቼቶንታ አታ አሳቲ

* 20:7 “ሳሚንታፊ ኮይሮ ጋላሳን” ቄራ ኦማርስ ዋጋይ ዋንታናዉ ጉሳ።

* 20:24 2ፂም 4:7

አንቲ ጋርስ ጌላናይሳ ታ ኤራይሰ። 30 ሃሳቡን አሲ አሲ አሳቲ አንቲ ጊደፌ ዳንዲዲ ጌላ የጾ አንቲና ታማርሲዲ አማኒዛ አሳፔ ዳርታ ጌዳ ባኮ ዛራና።

31 ሃሳ ጊሽ አንቲና አሳ አሳ ሃቸ ላይላ ቃማኔ ጋላሰ አፋንፃ ዘሪዳይሳ ዩሺ ቆፒቴኔ ናጌቲቴ።

32 “ሃዋሪካ አንቲና ያሳሰ ሚንሱ ኤሳናሲኔ አማኒዛይታ ጊደን አንቲሰ ላታሶ አማናሰ ዳንዲዲዛ አዛ አቶ ኪያቴላ ቃላሰ ታ ሃዳራ አማዲሰ። 33 ታ ኦና ቢራካ ዋርቃ ዋይኮ ማይፆ አሞታቤኬ። 34 ታ ታ ኩሼን ኦላ ኦላዳ ታሰ ማይታዳ ታናራ ዲዛዩታካ ማዲዳይሳ አንቲካ ኤሪታ።

35 ሃ ኤኪዛዳፌ ጌዳ አሚዛዳይ አንጃቲዳዳ ጊዛ ጎዳ ዩሱሳ ቃላ ኦ ዩሺ ቆፒቴዲ ኦርካ ኦ ኩሼራ ኦ ኦላ ዳሚዲ ሃራ ዳቡራንቻታ ጌዳ ማዳናሰ ኦሰ ቤሲዛይሳ ታ አንቲና ዳር ዳማ ዳማ ኦጌራ ቤሳዲሰ” ጊዳሰ።

36 ሃሳፌ ጌዩ ጳውሎሲ ኡባ አሳራ ጉልባቲዲ ዋሲዳሰ። 37 አሳይ ወሪ ዩኪዲ ጳውሎሳ ኢዲሚ ኦይኪዲ ዩሪዳሰ። 38 ሃራፔካ አሰቲ ዳር ሚሼቲዳይ ኢዚ “ሃይሳፌ ጌዩን አንቲ ናምዓንሶ ታና ቤዩኬታ” ጊዳ ጊሻሳ፤ ሃፔካ ኢዛ ማርካቤኮ ጋካናሰ ሞይዚዳ።

21

ጳውሎሲ ዩራሳላሚ ቢዳሰ

1 ኦ አሰታፌ ሻኬቲዲኔ ማርካቤን ጌሊዲ ሰቲ ጊዲ ቆሴ ጌቲቲዛ አባ ጊደን ዲዛ ዳሬ ቢዳሰ፤ ዋንቴላ ጋላሰ ሃራ ኢርዳሴ ጌቲቲዛ አባ ጊደን ዲዛ ዳሬ ጋኪዳሰ። ሃፔካ አሲ ጳዳራ ጌቲቲዛ ካታማ ቢዳሰ።

2 ሃን ጌዳ ፒንቁ ጌቲቲዛሶ ቢዛ ማርካቤ ዲዛር ዳሚዲኔ ኢዚን ጌሊዲ ቢዳሰ። 3 አባ ጊደን ዲዛ ቆጶርሴ ጌቲቲዛ ዳሬፔ ሃዲርሳ ባጋን ዩጊዲ ሶሪያ ጌቲቲዛ ዳሬ ቢዲ ያርሴ ጌቲቲዛ አባ አቻን ዲዛ ዳሬ ቢዳሰ፤ ሃሳሰ ጋሶይ ማርካቤያ ባ ጫኔቲዳ ጫና ሃን ዋላናሰ ኮሺዛ ጊሻሳ።

4 ሃን አማንዛይታ ኮዩ ዳሚዲ አሰታራ ላፑን ጋላሰ ጋምዲዳሰ፤ አሰቲካ ያሎ አያና ካሌሌን ጳውሎሳ “ዩራሳላሚ ቦፓ” ጊዲ ዮቲዳ። 5 ኦ ሃን ጋምዳና ዋይይ ወሪን አሰታፌ ሻኬቲዲ ኦ ኦጌ ቢዳሰ። አሰቲ ወሪ ባ ማቼታራኔ ባ ናይታራ አሲፌ ካታማፔ ካሬ ኬዛና ጋካናሰ ኦና ሞዩዚዳ፤ አባ አቻን ኦ ወሪ ጉልባቲዲ ዋሲዳፔ ጌዩ ዳንዲዲ አሰይ አሳራ ሳርኬቲዲ ሻኬቲዳሰ።

6 ሃሳፌ ጌዩ ኦ ማርካቤን ጌሊን አሰቲ ጌዳ ባሶ ሲሚዳ።

7 ኦ ያርሴፔ ዳንዲዲ ጌዳ ጳዳላማይሴ ጌቲቲዛሶ ጋኪዳሰ። ሃንካ አማኒዛ አሳራ ጋጊዲ ሳርኬቲዲ ሃን አሰታ አቻን አሲ ጋላሰ ጋምዲዳሰ። 8 ዋንቴላ ጋላሰ ሃፔ ኬዚዲ ቁሳሪያ ጌቲቲዛሶ ቢዳሰ፤ ቁሳሪያን ላፑን ዳቆኔታፔ አሳ ዋንጌላዌ ጳልጶሳሶ ጌሊዲ ኢዛ አቻን ሸምፒዳሰ።

* 9 ኢዛሰ ናቤ ጊዲዳ ኦይዲ ጌሎንታ ጌላፆ ናይቲ ዳቲሰ።

10 ዳር ጋላሰ ኦ ሃን ጋምዲን አሲ አጋቦሳ ጌቲቲዛ ናቤይ ዩሁዳ ዳሬፔ ዩዳሰ። 11 ሃ ናቤይ ኦኮ ሸቁዲኔ ጳውሎሳ ዳንጮ ኤኪዲ ባ ቶሆኔ ባ ኩሼ ቃቸዲ “ዳሎ አያናይ ሃይሳ ዳንጮ ጎዳ ዩራሳላሚን ዲዛ አይሁዳ አሳቲ ሃይሳላ ቃቸዲ አይዛቤታሰ አላ አማና ጌሰ” ጊዳሰ።

12 ሃሳ ሲይዲ ኦካ ኦናራ ዲዛ አሳይካ ጳውሎሲ ዩራሳላሚ ቦንታ ማላ ዋሲዳሰ። 13 ቃሰ ጳውሎሲ

“አንቲ አይሲ ዩኪ ዩኪዲ ታ ዋዝና አዛሰ ሚንሱቲ? ታኒ ጎዳ ዩሱሳ ሱንላ ጊሽ ዩራሳላሚን ቃሾ ዓላላ ጊደንታ ሃይቃናሰካ ጊጌታዲሰ” ጊዳሰ።

14 ኢዚ ኦ ዘሪ ኤኮንታ ኢዳን “ሂሰቲኮ ጎዳ ሸኔይ ሃኖ” ጊዲ አጋጊዳሰ።

15 ኦ ሃን ጉላ ጋላሳታ ጋምዲዳፔ ጌዩ ኦ ሚሼ ወርሲ ጊጊሲዲ ኤኪ ዩራሳላሚ ቢዳሰ። 16 ቁሳሪያን ዲዛ አሲ አሲ አማንዛይቲ ኦናራ አሲፌ ዩዳ፤ አሰቲካ ኦኒ ሚናሶኔ ኬላን ዳና ማላ ኦና ኢዛሶ ካሌሊዳ፤ ሚናሶኒ ካሴቲዲ አማኒዳ ቆጶርሴ ዳሬ አሳ።

ጳውሎሲ ዩራሳላሚን ያቆቤ ቤዩዳሰ

17 ኦ ዩራሳላሚ ጋኪዲ ማላ አማንዛይቲ ኦና ኡፋይሳን ሞኪ ኤኪዳ። 18 ዋንቴላ ጋላሰ ጳውሎሲ ኦናራ ያቆቤኮ ቢዳሰ፤ ሃ ዋዳ ዋሳ ኬላ ጨማቲ ሃን ዳቲሰ። 19 ጳውሎሲ አሳ ወርሲ ሳርሊዳፔ ጌዩ ያሲ ኢዛ ባጋራ አይዛቤታ ጊደን ኦላዳይሳ ወርሲ ኢሲኖ አሾንታ ዮቲዳሰ።

20 ሃሳ ሲይዲ አሳይ ወሪ ያሴ ጋላቲዳሰ፤ ጳውሎሲካ “ኦ አሻዘ ዳር ሸያን ቆዳቲዛ አማኒዛይቲ አይሁዳታ ጊደን ዲዛይሳኔ ወሪካ ሙሴ ዋጋ ዋዝናፔ ናጊዛይታ ጊዲዳይሳ ኔካ ኤራሳ። 21 ኔኒ አይዛቤታ ጊደን ዲዛ አይሁዳታ ሳንቲ ናይታ ቃፃሮፒቲ ዋይኮ ዋጋታ አላፍቲ ጋዳ ኦ ታማርሲዳ አሳይ ሙሴ ዋጋ ሻራና ማላ ኦሌሰ ጊዛ ዋሪ አሳይ ሲይዳሰ። 22 ሂሰቲን ሃዲ አዜ ሎፆያ? ሃዲ ኦ ዩሳ አሳይ ሲዮንታ አጌና። 23 ሃሳ ጊሽ ኦ ኔና ጊዛይሳ አላ፤ ኦ አቻን ታሳላ ጋላና ዩዳ ኦይዲ አሳቲ ዳቲሰ።

* 24 ኦ አሰታ ኦናራ ኤካዳ አሰታራ ጊዳዳ ኦና ጌሻ፤ አሳቲ ባ ሁዔ ሜዳታና ማላኔ ያሳ ኬላን አሚቲዛ ሙፀዋታ ሚሻ ኦ አሰታሰ ቃንፃ፤ ኦ ሃሳላ ኦላኮ ኦ ቦላ ዋሪቲዳይሲ ወሪ ሚላ ጊዲዳይሳኔ ኔካ ሙሴ ዋጋ ፖላ ናጊዛዳ ጊዲዳይሳ አሳይ ወሪ ኤራና። 25 ሃንኮ አይዛቤታፔ አማኒዳይታ ጊሽ ጊዲኮ ሳቃሰ ሹኬቲዲ ቲኒዳይሳ ሞፒቲ፤ ሱላካ ኡዮፒቲ፤ ባወታ ሃይቁዳ ሜሄ አሾ ሞፒቲ፤ ላይማፌ ሃኪቲ፤ ጊዲ ጨማቲ ቃቸዳ ቃላ ዳብዳቤ ፃፊዲ ኦ አሰታሰ ዩዲዳሰ።” *

26 ሃሳፌ ጌዩ ጳውሎሲ ሃ ኦይዲ አሳታ ባናራ ኤኪዲ ዋንቴላ ጋላሰ አሰታራ ባና ጌሺዳሰ፤ አሰቲ ጌዩዛ ጋላሳቲ አፑን ጋላሲኮኔ አሳዳ አሳዳ ጊሽ አሚቲዛ ሚሽ አሚዛ ዋይይ አይዳኮኔ ኤሪሳናሰ ያሳ ኬላ ጌሊዳሰ።

ጳውሎሲ ያሳ ኬላን ዲሼ ኦይኬቲዳሰ

27 ላፑን ጋላሰ ኩማና ማቲሺን አሲያ ዳሬፔ ዩዳ አይሁዳ አሳይ ጳውሎሳ ያሳ ኬላን ቤዩዲ ዳራ ኢዛ ቦላ ዳንጮሊዲ ኢዛ ኦይኪዳ። 28 “ኢሰራዔሌ አሳቶ! ኦና ማዲቲ! ኦ አሳኔ ኦ ዋጋ ሃይሳ ኦ ዲዛሶዛ ጫዩሼኔ ዳሬይ ዲዛሶን ኡባን አሳ ታማርሲዛይሲ ሃይሲ ኢዛኮ! ሂሰካ ጊዳና ጊዲ አይዛቤታ ያሳ ኬላ ጌላሊዲ ሃይሳ ጌሻ ሶዛ ቲኒሲዳሰ” ጊሼ ዋሲዳ። 29 አሰቲ ሃሳ ጊዳ ጋሶይ ሃይሳፌ ካሴ ኤፌሶኔ ዩሌታ ጊዲዳ ያርፊሞሳ ኢዛራ አሲፌ ካታማ ጊደን ቤዩዳ ጊሽ ኢዛ ጳውሎሲ ያሳ ኬላ ኤኪ ጌሊዳ ሚሳቲዳ ጊሻሳ። *

30 ኩሚላ ካታማይ ባ ጊደን ሸርቲዳሰ፤ ዳሬይ ወሪ አሲፌ ዋዳ ኮይዲ ጳውሎሳ ኦይኪ ኤኪዲ ያሳ ኬላ ጊቤፌ ጎሼቸ ኬሲዳሰ፤ ያሳ ኬላ ፔንጌቲ ሃራካ ጎርዳቲዳ። 31 አሳይ ጳውሎሳ ዋቆና ኮዩሺን “ዩራሳላሚ

* 21:8 ሃዋ 6:5፤ 8:5 * 21:23 ታይ 6:13-21 * 21:25 ሃዋ 15:29 * 21:29 ሃዋ 20:4

ዲዛ ኩሜላ ዳሬይ ባ ጊደን ሺርቲዳስ” ጊዛ ኪታይ ኦሮሜ ዋታዳራታ ኣዛዚዛይሳኮ ጋኪዳስ። 32 ሄሳ ጊሽ ኢዚ ዋታዳራታኔ ማቶ ሃላቃታ ካሌሌዲ ኤሶን ዋግሺ ኣሳይ ዲዛሶ ቢዳስ፤ ኣሳይ ኦላንቻታ ኣዛዚዛይሳ ቤዪዲ ጳውሎሳ ቡካ ኣጊዳ።

33 ማቶ ሃላቃዚ ኢዛኮ ሸቂዲ ጳውሎሳ ኦይኪዲ ናምዑ ሳንሳላታን ቃሽታና ማላ ኣዛዚዲ ኢዚ ኦናኮኔ ኣይ ኦሌዳኮኔ ኤራናስ ኢዛ ኦይቸዳስ። 34 ዳሬይካ ባ ጊደን ባጋይ ሄሳ፣ ባጋይ ሃይሳ ጊዳስ፤ ማቶ ሃላቃዚ ዳሬዛ ዋሶፔ ዳንዲዳይሳን ቱማይ ኣዋይሳኮኔ ኤራናስ ዳንዳዬቶንታ ኢዳን ጳውሎሳ ጌዳ ዋታዳራቲ ዲዛሶ ኤፋና ማላ ኣዛዚዳስ። 35 ጳውሎሲ ፑዳ ቶቃሶ ጋኪሺን ዳሬይ ዳር ሃንቆን ኢዛ ቦላ ማቶ ጋላናስ ኮይዳ ጊሽ ዋታዳራቲ ኢዛ ሃሽን ቶኪ ኤፊዳ። 36 ዳሬይካ “ኢዚ ሃይቆ! ሃይቆ” ጊ ዋሲሽ ኢዛ ካሊዳስ።

ጳውሎሲ ባና ኣሻና ማዲዛ ዮፖ ዮቲዳስ

37 ዋታዳራቲ ጳውሎሳ ባ ዲዛሶ ጌልላና ማቲሺን ጳውሎሲ ዋታዳራታ ኣዛዚዛይሳ “ታ ኔስ ኢሲ ሚሽ ዮታና ማላ ደሳይ?” ጊዳስ። ማቶ ሃላቃዚካ “ኔ ገሪኬ ቃላ ኤራይ?” 38 ሂሰቲን ሃሲ ማታ ዳሬ ጊደን ማቶ ዳንጼሊዳ ሸምፖ ዋጲዳ ኦይዲ ሺ ኣሳ ኤካዳ ባዘ ባቃቲዳ ጌብፆ ኣዳዚ ኔና ዲስ?” ጊዳስ።

39 ጳውሎሲካ “ታኒ ኪልቂያ ጊደን ዳር ኤሬቲዳ ፃርሴሴ ካታማን ዬሌቲዳ ኣይሁዳ ኣሳ፤ ሃይሳ ኣሳስ ታና ዮቻርኪ” ጊዳስ።

40 ኢዚ ሃሳያና ማላ ኤር ጊን ጳውሎሲ ቶቃሶን ኤቂዲ ኣሳይ ጮዑ ጋና ማላ ባ ኩሹራ ማላቲዳስ፤ ኣሳይ ጮዑ ጊን ኢስራዔሌታ ቃላራ።

22

1 “ታ ኣሻቶ! ታ ኣዋቶ! ታ ቦላ ዋርዶ ዋሊዳይሳስ ታ ኢንቴስ ኢሚዛ ዛር ሲዩቲ!” 2 ኢዚ ኣይሁዳታ ቃላራ ሃሳዩሺን ሲይዲ ካሴፔ ኣሳይ ጮዑ ጊዳስ፤ ጳውሎሲካ ሃሳያ ጉጂዲ ሂዘጊዳስ።

3 “ታኒ ኪልቂያ ጊደን ዲዛ ፃርሴሴ ካታማን ዬሌቲዳ ኣይሁዳ ኣሳ፤ ታኒ ዲጪዳይ ጊዲኮ ሃንን ዬራሳላሚና፤ ታ ኦላታ ዋጋ ወርሳ ጋማልያሌፔ ሎዔላ ታማራዲሴ ኢንቲ ሃቶ ኦሊዛይሳላ ያሳስ ሱሬ ዋዘናፔ ኦላሽ ዳዳዲስ። * 4 ሃይሳ ሃ ኦኔዛ ካሊዛ ኣሳታ ኡባ ዋጲና ጋካናስ ጎዳሊዛ ኣሳኮሺን፤ ማጫታኔ ኣዳታ ቃቻ ቃቻ ቃሽ ኬሌ ዬዲዛይኮሺን። 5 ሃይሲ ወሪ ቱሙ ጊዲዳይሳ ቁሴታ ሃላቃቲኔ ዳሬ ጨማቲካ ወሪ ታስ ማርካታና፤ ሃራይ ኣቶሺን ዳማስቆን ዲዛ ኣማኒዛ ኣሳ ቃቻ ዬራሳላሚ ኤሃዳ ቃፃይሳናስ ዳማስቆን ዲዛይታስ ፃሬቲዳ ዳብዳቤ ቁሴታ ሃላቃታፔኔ ዳሬ ጨማታፔ ኤካዲስ።

ጳውሎሲ ኪርስቶሳ ዋስቲ ኣማኒዳኮ ዮቲዳስ (ሃዋ 9:1-19፤ 26:12-18)

6 “ታኒ ዳማስቆ ቢሺኒኔ ካታማ ጌላና ማቲሺን ሴታ ጋላስ ታ ቆፖንታ ዲሺን ሳሎፔ ዋልቃማ ፖፖይ ታና ዩይ ኣጲ ፖሲዳስ። 7 ሄ ዋዳ ታኒ ቢታ ቦላ ኩንዲዳ ሳወሌ! ሳወሌ! ኔ ታና ኣዛስ ጎዳይ? ጊዛ ቃላ ሲያዲስ። 8 ታካ ሳዶ ኔ ኦኔ?” ጊዳስ፤ ኢዚካ “ታ ኔኒ ጎዲዛ ናዚሬፔ ዬሱሳ” ጊዳስ። 9 ታናራ ኢሲሬ

ዲዛ ኣሳቲ ፖፖዛ ቤዪዳ ኣቲን ኢዚ ታናራ ሃሳዩሺን ቃላ ሲይቤፔና። 10 ታካ ሳዶ ታ ኣይ ኦላ?” ጊዳስ። ጎዳይካ “ዳንዲዳ ዳማስቆ ባ፣ ኔ ኦላናይሳ ኢስቲ ኔስ ሄን ዮታና” ጊዳስ። 11 ፖፖዛ ያልቄቴላ ዳርፔ ዳንዲዳይሳን ታ ፃላናስ ዳንዲያቤኬ፤ ታናራ ዲዛ ኣሳቲ ታ ኩሽ ኦይኪ ጎቹዲ ታና ዳማስቆ ጋሊዳ።

12 ሃናኒያ ጌቴቲዛ ኢሳዳይ ሄን ዳስ፤ ሃናኒያይ ዳማስቆን ዲዛ ኣይሁዳታ ኣቻን ዳር ጋላቲቲዳይሳኔ ዋጋ ቦንቸዛ ኣሳ። 13 ኢዚ ታ ኣቶ ሸቂ ኤቂዲ “ታ ኢሻ ሳወሌ ኔ ኣይሬይ ቃሴካ ፃሎ” ጊዳስ፤ ሄራካ ታ ኣይሬይ ኢዛ ፃሊዳስ። 14 ኢዚካ ታና “ኦ ኣዋንታ ያሲ ኔ ኢዛ ሽኔ ኤራና ማላ፣ ኢዛ ፃሎዛ ኔ ቤያና ማላኔ ኢዚ ጊዛይሳ ኔ ሲያና ማላ ኔና ካሴቲ ደራዳስ። 15 ኢዚ ሄሳ ኦሊዳይ ኔ ቤዪዳይሳኔ ሲዪዳይሳ ኣሳ ኡባ ሲንሳን ኢዛስ ኔ ማርካታናሳ። 16 ሂሰቲን ሃሲ ኣዛስ ጋምዳይ? ዳንዲዳ ኢዛ ሱንሳ ፃይጋዳ ፃማቂታ፤ ኔ ናጋራፔካ ሜጨታ” ጊዳስ። 17 ሄሳሬ ጉዬ ታ ዬራሳላሚ ሲማዳ ያሳ ኬላን ዋሲሺን ኣጂታይ ታስ ቤቲዳስ። 18 ጎዳይካ ታስ ቆንጨዲ “ኔ ታ ጊሽ ኢማና ማርካቴላ ኢስቲ ኤኮንታ ጊሽ ኔ ጋምፖንታ ዳሽ ዬራሳላሚፔ ኤሌላ ኬዛ!” ጊዳስ። 19 ታካ ኢዛስ ሳዶ ታ ኣይሁዳታ ዋሳ ኬላቲ ዲዛሶ ባዳ ኔና ኣማኒዛይታ ኡባ ቃቻዳ ኢስታ ቡኪዳይሳ ባ ባጋራ ኢስቲካ ኤሬቴስ። 20 ኔ ጊሽ ማርካቴላ ኢስቲፋናሴ ኣሳይ ዋጲዛ ዋዳ ታካ ሄ ዋጲዛ ኣሳታ ኣቻን ኤቃዳ ኢስቲ ዋጲዛይሳ ታካ ደሳዲሴኔ ዋጲዛይታ ማይዮካ ናጋዲሶ” ጊዳስ። * 21 ጎዳይካ “ሃሆን ዲዛ ኣይዛቤታኮ ታ ኔና ከቲዛ ጊሽ ዳንዲዳ ባ!” ጊዳስ።

ጳውሎሲ ኦሮሜ ዳሬ ኣስ ጊዲዳይሳ ቆንጨሲዳስ

22 ኣሳይ ሂኖ ጋካናስ ጳውሎሳ ሃሳያ ዋዘናፔ ሎዔሊ ሲዩሽ ኣጊዲ ባ ቃላ ቶቂ ሂሰቲዲ “ሃይሳ ማላ ኣሲ ኦ ቢታሬ ቆዮ፤ ሃይሳ ማላ ኣሲ ኦ ቢታን ሸምፖራ ናናስ ቤሴና” ጊሽ ዋሲዳስ። 23 ኣሳይ ዋሲሽ ባ ማይፖ ቃሪ ቃሪ ወፃሽኔ ቢታ ፑዳ ሳሎ ቆርጨዳስ። 24 ማቶ ሃላቃዚ ሃሳ ቤዪዲ ጳውሎሳ ዋታዳራቲ ዲዛሶ ጌልላና ማላ ኣዛዚዳስ፤ ዳሬይካ ኢዛ ቦላ ኣዛስ ሃሳ ማላ ዋሲዛኮ ኤራና ማላ ኢዛ ጋራሬዲ ፓፃሳና ማላ ኣዛዚዳስ። 25 ጊዶ ኣቲን ዳፎን ዋፂ ቃቸዲ ኢዛ ጋራፋና ጊቴሺን ጳውሎሲ ባ ኣቻን ኤቂዳ ኢሲ ማቶ ሃላቃስ “ኦሮሜ ኣስ ፐርዳይ ባይንዳ ጋራፋናስ ኢንቴስ ፊቃይ ዲዜ?” ጊዳስ። 26 ማቶ ሃላቃይ ሃሳ ሲዪዳ ማላ ጌዳ ሃላቃታ ኣዛዚዛይሳኮ ቢዲ “ኣይ ኦላና ጋይ? ሃይሲ ኣዳዚ ኦሮሜ ኣሳኮ!” ጊዳስ። 27 ሃሳ ጊሽ ሃላቃታ ኣዛዚዛይሲ ጳውሎሳኮ ሸቂዲ “ኣኔ ታስ ዮታ፣ ኔ ኦሮሜ ኣሴ?” ጊዳስ፤ ኢዚካ “ኤ ታ ኦሮሜ ኣሳ” ጊዳስ። 28 ኣዛዚዛይሲካ “ታ ኦሮሜ ኣሳ ጊዳናስ ዳር ሚሽ ቃንፃዳ ሻማዲስ” ጊን ጳውሎሲ “ታኒ ጊዲኮ ኦሮሜን ዬሌታዲስ” ጊዳስ። 29 ሃሳ ጊሽ ኢዛ ማራማራናስ ጊጌቲዳ ኣሳቲ ሄራካ ኢዛ ኣቻሬ ሃኪዳ፤ ኣዛዚዛይሲካ ኢዚ ኦሮሜ ኣስ ሳንሳላታን ቃቸዳይሳ ዩሽ ቆፐዲ ባቢዳስ።

ጳውሎሲ ኣይሁዳታ ዲላታ ሲንሳ ሸቂዳስ

30 ዋንቴላ ጋላስ ኣዛዚዛይሲ ኣይሁዳቲ ጳውሎሳ ሞቲዛ ኣይሬ ዮፖይ ኣዛኮኔ ኤራናስ ኮዪዳስ፤ ቁሴታ

* 22:3 ሃዋ 5:34-39 * 22:20 ሃዋ 7:58

ሃላቃቲኔ አይሁዳታ ሻንጎ ዱላታ አሳይ ወሪ አሳዳይካ አቶንታ ኩሜል ሺቃና ማላ አዛዚደሰ፤ ጳውሎስካ ቃሾፕ ቢርሺዲ ሺቁዳ አሳ ሲንሐ ሺሺ ኤሲደሰ።

23

1 ጳውሎስ ዱላታ አሳ ተሽ ሂሰቲ ያሊዲ “ታ አሻቶ! ሃች ጋካናስ ታ ያሳ ሲንሐን ሎዎ ቆፋራ ዳይሲ” ገደሰ። 2 ቄሴታ ሃላቃ ሃናኒያይ ቃሴ ጳውሎስ ዱናን ሸጫና ማላ አዛ ኣቻን ኤቁዳይታ አዛዚደሰ። 3 ሄራካ ጳውሎስ ሃናኒያ “ሃይሶ አናራ ተዩቲዳ ኩሐዘ! ኔናካ ያሲ ሸጫና፤ ዋጋራ ፕርዳና ኡታዳ ዋጋይ ባይንዳ ታና ሸጫና ማላ አዛዛይ?” ገደሰ። *

4 ሄ ዋዴ ሄን ዲዛ አሳይ ጳውሎስ “ያሳ ቄሴታ ሃላቃ ጫያይ?” ገደሰ። 5 ጳውሎስካ ኢስታስ “ታ አሻቶ! አዚ ቄሴታ ሃላቃ ገዲዳይሳ ታ ኤራቤይኬ። ጋሶይካ ና ዴሪ ሃላቃ ቦላ አታ ቃላ ጎፓ” ገዛይሲ ያፊቲደሰ። ገደሰ። *

6 ጳውሎስ ሄን ዲዛ አሳፕ ባጋይ ሳዱቃዊታ፣ ባጋይ ፋርሳዊታ ገዲዳይሳ ኤሪዲኔ “ታ አሻቶ! ታ ፋርሳዊፕ ዩሌታዲሲኔ፤ ታካ ፋርሳዊ፤ ሄኮ ሃዲ ታ ፕርዴታና ሸቁዳይ ሃይቁዳይቲ ዴንዳናይሳ ታ ኡፋይሰ ኦሲዛ ገሻሳ” ገዲ ባ ቃላ ጳቁ ሂሰቲዲ ዱላታ አሳ ሲንሐን ዮቲደሰ። *

7 ጳውሎስ ሄሳ ዮቲዳ ማላ ፋርሳዊታ ገደኒኔ ሳዱቃዊታ ገደንካ አሽ ዴንዲን ዱላታይ ናምዑ ሻኬቲ ዋዲደሰ። 8 ጋሶይካ ሳዱቃዊታ “ሃይቁዳይታስ ዴንሐ ዴና፤ ከታንቻይካ ባዋ፤ አያናይካ ዴና ገዛይታ፤ ፋርሳዊቲ ቃሴ ሃይቲ ወሪካ ዴቲሰ” ገ አማኒዛይታ። *

9 ሄሳ ዋዴ ዳር ሸርይ አሳ ገደን ሃኒደሰ፤ ፋርሳዊታ ባጋታ ገዲዳ ኢሲ ኢሲ ሙሴ ዋጋ ታማሪዛይቲ ዴንዲዲ “ኑ ሃይሳ አዴዛ ቦላ አይኮካ አታ ሚሽ ዴሚሴኮ፤ አያናይ ዋይኮ ከታንቻይ አዛሰ ዮቲዳ ገዳና፤ ኑ አይ ኤሪዘኒ?” ገዲ ፓላሜቲዳ።

10 ፓላሜይ ሚኒ ሚኒ ቢዳ ገሽ አሳይ ጳውሎስ ታርሼራሶንታ ማላ ባቢዲ ሃላቃታ አዛዚዛይሲ “ዱጌ ዋዲዲ ጳውሎስ አሳ ገደፊ ሃ ኬሲ ኤኪ ዩዲ ጌዴ ዋታዳራቲ ዲዛሶ ኤፊቲ!” ገዲ ዋታዳራታ ሃላቃታ አዛዚደሰ። 11 ዋንቴላ ጋላስ ሌላ ገደላ ጎዳይ ጳውሎስ አቻን ኤቁዳ “አይኮይ ባ ኔ ዩሩሳላሜን ታስ ማርካቲዳይሳሉ ኦርሜንካ ኔ ታስ ማርካታናስ ቤሴሰ” ገደሰ።

ጳውሎስ ዋዳናስ አሳይ ማቁቲደሰ

12 ጋዴይ ዋንቴን አይሁዳ አሳቲ ሸቁቲዲ “ኑ ጳውሎስ ዋዳንታ ዲሼ ካሐ ሞኮ፤ ሃላካ ኡዮኮ” ገ ጫቁቲዳ። 13 ሄሳ ሄ ማቆዛን ኢሲፊ ገዲዳ አሳ ቆዳይ አይዲ ታማፊ ቦላሪ ደሰ። 14 ኢስቲካ ቄሴታ ሃላቃታኮኔ ዴሪ ጨማታኮ ቢዲ ኢስታስ “ኑ ጳውሎስ ዋዳንታ ዲሼ ካሐ ሞንታ ማላ ሚንሐ ጫቁደሰ። 15 ሄሳ ገዲዳ ገሽ አንቲ ዴሪ ጨማታራ ዘሪቲዲ አዛ ኬሂ ማራማሪዛ ሚሳቲዲ ኢስቲ አንቴሰ ጳውሎስ ኤሃና ማላ አዛዚዛይሳ አይቲቲ፤ ኑካ አዚ ሃ ሃኖ ጋካናፕ ካሴቲዲ አዛ ዋዳና ገጌቲደሰ” ገዳ።

16 ገደ አቲን ኢሲ ጳውሎስ ሚቲ ናይ ሄሳ ኢስታ ማቆዛ ሲዩዳ ገሽ ዋታዳራቲ ዲዛሶ ቢ ጌሊዲ ዮዎዛ ጳውሎስካ ዮቲደሰ። 17 ጳውሎስካ ማቶ ሃላቃታፕ አሳ ባኮ ያይገዲ “ሃይሲ ናዚ ዋታዳራታ አዛዚዛይሳስ ዮቲዛ ዮዎይ ዲዛ ገሽ ጌዴ አዛኮ ኤፋ” ገደሰ። 18 ማቶ ሃላቃይ ናዛ ዋና አዛዚዛይሳኮ ኤኪ ጌሊዲ “ቃሼቲዳ ጳውሎስ ታና ባኮ ያይገዲ ሃይሲ ናዚ ኔሰ ዮቲዛ ዮዎይ ዲዛ ገሽ ታ አዛ ኮኮ ሸሻና ማላ ታና ዋሲደሰ” ገደሰ።

19 አዛዚዛይሲካ ናዛ ኩሼ ኦይኪ ኤኪዲ ሃራሶ ፖቁዲ “ኔ ታስ ዮታናይሲ አዜ?” ገዲ አዛ ዴማ አይቲደሰ።

20 ናዚካ “አይሁዳ አሳቲ ጳውሎስ ዮዎዛ ሎዴላ ማራማሪዛዴ ሚሳቲሲዲ ዋንቶ ኔ አዛ ኢስታስ ሸሻና ማላ አይቻናስ ቃቲ ዋላዳ። 21 ገደ አቲን ኔ ኢስታስ ኤር ጎፓ፤ ጋሶይካ ኑ አዛ ዋዳንታ ዲሼ ካሐ ሞኮ ሃላካ ኡዮኮ” ገዲ ጫቁቲዳይቲ አይዲ ታማፊ ቦላ ገዲዛ አሲ አዛ ዋዳናስ ኦጌ ቦላ ዙጌሰ፤ ሃዲ ኢስቲ ናገዛይ ኔ ዛር ያላላ” ገደሰ።

22 አዛዚዛይሲካ “ኔ ሃይሳ ታስ ዮቲዳይሳ ሃራ ኦናካ ኤሪሶፋ” ገዲ ናዛ ሞዩዚደሰ።

ጳውሎስ ዴሪ ሃሪዛ ፊልኪሴ ሲንሐ ሸቁደሰ

23 ሄሳፊ ጉዬ ዋታዳራታ አዛዚዛይሲ ማቶ ሃላቃታፕ ናምዳታ ያይገዲ “ቃማፊ ሄቩ ሳቲ ገዲሺን ቁሳሪያ ጌቲቲዛሶ ባና ማላ ናምዑ ያቲ ዋታዳራታ፣ ላፑን ታሙ ቶጋንቻታኔ ናምዑ ያቲ ቶራ አሳ ገሺሲቲ፤ 24 ጳውሎስካ ፓራ ገሺሲዲ ዴሪ ሃሪዛ ፊልኪሴኮ ሎዮን ጋካና ማላ አሊቲ” ገደሰ።

25 ዳብዳቤ ሂዝጊ ያፊደሰ፤ 26 “ዴሪ ሃሪዛ ቦንቶ ፊልኪሴሰ፣ ቃላዋደሳ ሉሲዮሳፕ፤ ሳርይ ኔሰ ገደ። 27 ሃይሳ አዴዛ አይሁዳ አሳቲ አይኪ ዋዳና ገሽን አዚ ኦርሜ አሲ ገዲዳይሳ ታ ጋካ ኤሪዳ ገሽ ዋታዳራታራ ጋካዳ አሻዲሰ። 28 ኢስቲ አዛ አዛሰ ሞቲዛኮኔ ታ ኤራና ኮያዳ ዴሪ ዱላታኮ ሸሻዲሰ። 29 ኢስቲ አዛ ቦላ ሸሽዳ ሞቶይ ባ ዋጋ ገሽ ገዲዳይሳ ኤራዲሰ፤ ገደ አቲን አዛ ሃይቆስ ዋይኮ ቃሾስ ጋሊዛ ሚሽ ዴና። 30 ሃይሳ አዴዛ ዋዳናስ አሳይ ማቁቲዳይሳ ታ ሲያዳ ሄራካ ሲዩዳ ማላ ኮኮ ዩዳዲሰ፤ ሞቲዛይቲካ ሄን ኔ ሲንሐን ባ ሞቶ ሸሻና ማላ ኢስታስ ዮታዲሰ” ገደሰ።

31 ሄሳ ገሽ ዋታዳራቲ ባ አዛዘቲዳ ማላ ጳውሎስ ቃማራ ኤፊዲ አንቲጳጻርሴ ጌቲቲዛሶ ጋሊዳ። 32 ዋንቴላ ጋላስ ቶጋንቻቲ ጳውሎስ ሳና ማላ አሊዲ ኢስቲ ቃስ ጉዬ ሶ ሲሚዳ። 33 ቶጋንቻቲ ጌዴ ቁሳሪያ ጋኪዲ ዳብዳቤዛ ዴሪ ሃሪዛይሳስ አሚዲ ጳውሎስ አዛ ሲንሐ ሸሽዳ። 34 ዴሪ ሃሪዛይሲ ዳብዳቤዛ ናባቢዲኔ ጳውሎስ “ኔ አዋ ዴሪፕ ያዲ?” ገ አይቲደሰ። አዚ ከልቁያ ዴሪ አሰ ገዲዳይሳ ኤሪዲ፤ 35 “ኔና ሞቲዛይቲ ዩሽን ታ ኔ ዮዎ ሲያና” ገደሰ፤ ሄርዳሳ ገቤ ጋላን አዚ ናጌታና ማላ አዛዚደሰ።

24

አይሁዳ አሳይ ጳውሎስ ሞቲደሰ

* 23:3 ማቶ 23:27-28 * 23:5 ኬሳ 22:28 * 23:6 ሃዋ 26:5፤ ፒሊ 3:5 * 23:8 ማቶ 22:23፤ ማር 12:18፤ ሉቃ 20:27

1 ኢቻቮ ጋላሳፊ ጉዬ ቁሴታ ሃላቃ ሃናኒያይ ኢሲ ኢሲ ጨማታራኔ ግርጹሎሳ ጌቲቲዛ ግባቃራ ቁሳሪያ ቢደሰ፤ ኢሰቲካ ዳሬ አይሲዛ ፊልኪሴኮ ሸቂዲ ጳውሎሳ ሞቲዳ። 2 ጳውሎሲ ያይጌቲ ሸቂን ግርጹሎሲ ኢዛ ሂዘጊ ሞቲዳሰ “ቦንቾ ፊልኪሴ! ኑ ኔ ባጋራ ዳሮ ሳሮቱል ዳሚዳሰ፤ ኔ ሎ? አይሶንካ ኑ ዳሬሰ ሎዔቱል ቤቲዳሰ።

3 “ሄሳ ኔ ሎ? አሶዛ ኑ አዋን ጊዲን አይደካ ጾቁ ጊዳ ቦንቾራኔ ጋላታራ ኤኮሰ። 4 ታ ሃዒ ኔና ጋምሶሲንታኔ ዳቡሪሶንታ ቃንሳራ ኔሰ ዮቲዛይሳ ኪያቲላን ኔ ኑ ጊዛይሳ ሲያና ማላ ዎሶሰ።

5 “ሃይሲ አደዚ ኮሰ ኢታ ሃርጌ ጊዲዳሰ፤ አላሚን ዲዛ አይሁዳታ ኡባ ቦላ ማቶ ማዴሰ፤ ናዚራዌ ጌቲቲዛ ዎርዶ አሳታ ዎና ካሌላዛዳይ ኢዛኮ። 6 ኢዚ ያሳ ኬሌ ቱኒሳና ጊሺን ኑ ኢዛ አይኪዳሰ። [ኑ ዎጋ ማላ ኑ ኢዛ ቦላ ፐርዳና ቆፐዳሰ። 7 ጊዶ አቲን ዎታዳራታ ሃላቃታ አዛዚዛይሲ ለሲዮሲ ጋኪዲ ኑ ኩሼፔ ኢዛ ዎልቃራ ዎላ ኤኪዳሰ። 8 ኢዛ ሞቲዛ አሳይካ ኔኮ ያና ማላ አዛዚዳሰ።] ሃይሲ ኑ ኢዛ ቦላ ሺሺዳ ሞቶዚ ወሪ ቱሙ ጊዲዳይሳ ኔ ኔ ባጋራ ኢዛ አይቻ ጋካናሰ ዳንዳያሳ” ጊዳሰ።

9 ሂንኮ አይሁዳ አሳቲካ “ኤ ሃይሲ ዮዎዚ ወሪካ ቱሙኮ” ጊዲ አማኔቲዳ።

ጳውሎሲ ባና አሻና ኦጌ ማዲዳሰ

10 ዳሬ አይሲዛ ፊልኪሴይ ጳውሎሲ ሃሳያና ማላ ባ ኩሼራ ማላቲ ቤሲዳሰ፤ ጳውሎሲካ “ኔ ዳሮ ዎዳሶፔ ሃይሳ ዳሬዛ አይሲዛዳ ጊዲዳይሳ ታ ኤሪዛ ጊሽ ታ ቦላ ሸቂዳ ሞቶዛሰ ታ ኔሰ ኡፋይሳ ዛር ሸሻይሰ። 11 ታ ያሳሰ ጎይናናሰ ዩሩሳላሚ ቢን ሃቺ ታማኔ ናምቡ ጋላሳፊ ዳሮንታይሳ ኔ ኔ ባጋራ ኤራናሰ ዳንዳያሳ። 12 ያሳ ኬላን ጊዲን አይሁዳታ ዎሳ ኬላን ዎይኮ ካታማ ጊደን ታ አናራካ ፓላሚቲሺን ዎይኮ ዳሬ ጊደን ማቶ ማዲሺን ታና ዳሚቤቲና። 13 ሃዒ ታ ቦላ ኢሰቲ ሺሺዳ ሞቶዛሰ አይ ማርካካ ሸሻናሰ ዳንዳይቲና።

14 “ጊዶ አቲን ታ ኔሰ ቆንጨሳና ኮዩዛይ ኢሰቲ ዎርዶ ጊዛ ጎዳ ኦጌራ ኑ አዋንታ ያሳሰ ጎይናይሲኔ ሙሴ ዎጋኔ ናቤታ ማዎፋን ግፊቲዳይሳካ ኡባ አማናይሰ።

15 ኢሰቲካ ኡፋይሰ አሊዛ ማላ ታካ ናጋራንቻቲኔ ያሎቲ ሃይቆፔ ዳንዳናይሳ ያሳን አማኔታይሰ። 16 ሃሳ ጊሽ ያሳ ሲንሳኒኔ አሳ ሲንሳን ሲዴይ ባይንዳ ሃናይ ታሰ ዳና ማላ ኡባ ዎዳ ማናይሰ።

17 “ታ ዩሩሳላሚፔ ኬዘን ታሰ ዳሮ ላይሳ ጊዲዳፔ ጉዬ ታ ዳሬ አሳሰ ማዶ ሚሺኔ ያሳሰ አሚቲዛ ሚሺ ኤካ ያዲሰ። 18 ታና ኢሰቲ ያሳ ኬላን ዳሚዳይ ታ ሃሳ ጋሊሺና፤ ሄ ዎዳ ታ ጌይዛ ዎጋ ፖሊሺን ታናራ ዳሮ አሲ ዳና፤ ኦሺኔ ሸሮይካ ዳና። 19 ጊዶ አቲን ኢሲያፔ ዩዳ ኢሲ ኢሲ አይሁዳ አሳቲ ዳቲሰ፤ ኢሰታሲካ ታና ሞቶሰ ጋሊዘዚ ዲዛ ጊዲኮ ኔ ሲንሳን ታና ሞቶቶ። 20 ሃሳፊ ጉዬ ታ ዲላታ ሲንሳ ሸቂኮ ታ አሊዳ ቆሆይ ዲኮ ሄ አሳቲ ዮቲቶ። 21 ታና ሃይሳሰ ጋሊዳ ጋሶይ ታ ኢሰታ ጊደን ኤቃዳ “ሃይቆዳይታሰ ዳንሳ ዳሰ ጋ ዮቲዳ ጊሽ ሃቾ ፐርዳሰ አንቲ ሲንሳ ሸቃዲሲ’ ታ ጋዳ ቃላ ጾቁ ሂሰታ ዮታዲሰ አቲን ሃራ ታ አሊዳ ሚሺ ዳና” ጊዳሰ።

* 24:21 ሃዋ 23:6

22 ፊልኪሴይ ጎዳ ኦጌ ሎዔሊ ኤሪዛ ጊሽ “ዎታዳሪታ ሃላቃታ አዛዚዛይሳ ለሲዮሲ ዩዛ ዎዳ ታ አንቲ ዮዎዛ ጊሽ ቃሾ ጊዲዛ ዮዎ አማና” ጊዲ ኢሰታ ዩዲዳሰ። 23 ጳውሎሳ ናጊዛ ማቶ ሃላቃይ “ኢዛ ዳሮ ዎይሶንታ ሎዔሳ ናጋ፤ ኢዛ ላጌቲ ኢዛሰ ኮሺዛ ሚሺ ኤኪ ዩኮ ዲጎፋ” ጊዳሰ።

ጳውሎሲ ፊልኪሴኔ ዲሩሲላ ሲንሳ ሸቂዳሰ

24 ጉላ ዎዳፔ ካሊዲ ፊልኪሴይ አይሁዳ አሰ ጊዲዳ ባ ማቶ ዲሩሲላራ ዩዳሰ፤ ጳውሎሳካ ያይጌዲ ዩሱሰ ኪርሰቶሳን አማኖ ጊሽ ኢዚ ዮቲሺን ሲይዳሰ።

25 ጳውሎሲ ያሎቲላ ጊሽ፤ አሲ ባርካ ባና ሃር ጊሺኔ ቡርፔ ያና ፐርዳ ጊሽ ዮቲን ፊልኪሴይ ባቢዲ “ሃዒ ኔ ባ፤ ሃራ ዎዳ ታሰ ጊሺሺን ታ ኔና ያይጋ ኤካና” ጊዳሰ።

26 ፊልኪሴይ ጳውሎሳፔ ጉቦ ኤካናሰ ኡፋይሲ አሊ ናጊዳ ጊሽ ዳሮ ዎዳ ጋካናሰ ያይጊ ያይጊ ሃሳይሲዳሰ።

27 ናምቡ ላይላፊ ጉዬ ጳርቂዮሳ ፊሰዎሲ ፊልኪሴ ኦላን ሹማቲዳሰ፤ ፊልኪሴይ አይሁዳታ ኡፋይሳናሰ ኮይዲ ጳውሎሳ ቃሾሶን አጋጊዳሰ።

25

ጳውሎሲ ባ ዮዎዛ ኦርሜ ካዎይ ቤያና ማላ ኦይቺዳሰ

1 ፊሰዎሲ ባ አይሲዛ ዳሬ ቁሳሪያ ጌሊዲ ሂቹ ጋላሰ አቁቲዲ ሄፔ ዩሩሳላሚ ቢዳሰ። 2-3 ሃን ዲዛ ቁሴታ ሃላቃቲኔ ኢሲ ኢሲ አይሁዳታ ጊደፊ ጌታ ጌታ አሳቲ ጳውሎሳ ቦላ ባ ሞቶ ሸሺዳ፤ “ጳውሎሳ ሃ ዩሩሳላሚ ኤሂዲ ኮሰ ሎ? አሶ አላርኪ!” ጊዲ ዎሲዳ፤ ኢሰቲ ሃሳ ጊዳይ ጳውሎሳ ናጊዲ ኦጌ ቦላ ዎቶናሰ ኮይዳ ጊሻሳ። 4 ጊዶ አቲን ፊሰዎሲ “ጳውሎሲ ቁሳሪያን ቃሾ ኬላን ናጌቲሰ፤ ታካ ሃዒ ኤሌ ሰማዳ ሄ ኢዛኮ ባና። 5 አንቲ ጊደፊ ዳናቲሊ ዲዛይቲ ታናራ ቁሳሪያ ቤቶ፤ ጳውሎሲ አሊዳ ቆሆይ ዲዛ ጊዲኮ ሄን ሞቲቶ” ጊዳሰ።

6 ፊሰዎሲ አሱቸን ዎይኮ ታሙ ጋላሳፊ ዳሮንታ ዎዳ ኢሰታራ ጋምሲዳፔ ጉዬ ቁሳሪያ ቢዳሰ፤ ሄ ጋኪዳ ማላ ዎንቲላ ጋላሰ ፐርዳ ዎምቦራ ቦላ ኡቲዲ ጳውሎሳ ኢዛኮ ሸሻና ማላ አዛዚዳሰ። 7 ጳውሎሲ ኢዛ ሲንሳ ሸቂን ዩሩሳላሚፔ ዩዳ አይሁዳቲ ጳውሎሳ ጊዶሊዲ ማርካይ ባይንዳ ዳሮ ዳዎ ሞቶ ኢዛ ቦላ ሸሺዳ።

8 ጳውሎሲካ “ታኒ አይሁዳ ዎጋ ቦላ ጊዲን ያሳ ኬላ ቦላ ዎይኮ ኦርሜ ካዎ ቁሳሪ ቦላካ ጋሊዳ ቆሆይ ዳና” ጊዲ ኢሰታ ሞቶዛ ሻሪዛ ዛር ኢሰታሰ አሚዳሰ።

9 ጊዶ አቲን ፊሰዎሲ አይሁዳታ ኡፋይሳናሰ ኮይዲ ጳውሎሳ “ኔ ዩሩሳላሚ ባዳ ሃይሳ ዮዎዛ ሄን ታ ሲንሳን ፐርዳታና ኮያይ?” ጊዳሰ። 10 ጳውሎሲ ቃሴ ሂዘጊዲ ኢዛሰ ዛሪዳሰ “ሄኮ ታ ፐርዳታናሰ ታሰ ቤሲዛ ቁሳሪ ፐርዳ ዎምቦራ ሲንሳን ኤቃዲሰ፤ ኔካ ሎዔሳ ኤሪዛ ማላ ታ አይሁዳታ ቦላ አሊዳ አይኮ ቆሆይካ ዳና። 11 ታ ቆሃዳ ጊዲኮ ዎይኮ ታና ሃይቆሰ ጋሊዛ ቆሆ ታ አሊዳ ጊዲኮ ታ ሃይቆፔ አታና ጊሺ፤ ጊዶ አቲን ኢሰቲ ሸሺዛ ሞቶይ ማላ ሃዳ ጊዲኮ ኦኒካ ታና ኢሰታሰ አሊ አማናሰ ዳንዳይና፤ ታካ ታ ዮዎይ ቁሳሪ ሲንሳ ሸቃና ማላ “ዩጊባይኔ” ጋዲሰ።”

12 ሄሳ ዋዴ ፊሰጾሲ ባና ዘሪዛይታራ ሃሳዬቲዲ “ኔ ቁሳሬኮ ‘ዩጊባይኔ’ ጊዛ ጊዲኮ ቁሳሬኮ ባንዳሳ” ጊዴሰ።

ጳውሎሲ ኣገርጳ ሲንሉኔ ባርኒቄ ሲንሉ ሸቄዴሰ

13 ጉላ ጋላሳታፔ ጉዬ ካዎ ኣገርጳይኔ ባርኒቄይ ፊሰጾሳ “ሃሹ ሎጾን ስዳሳ” ጊ ሞካናሰ ጌዴ ቁሳሪያ ቢዳ። 14 ኢሰቲ ሄን ዳር ጋላሰ ኡቲዳ ጊሽ ፊሰጾሲ ጳውሎሳ የጾዛ ካዎ ኣገርጳሰ ሂዘጊ ዮቲዴሰ “ፊልኪሴይ ቃሾ ኬላን ዩጊ ኣገዳ ኢሳዴይ ሃን ዴሰ። 15 ታ ዩሩሳላሜን ዲዛ ዋዴ ቁሴታ ሃላቃቲኔ ኣይሁዳታ ጨማቲ ሃ ኣዴዛ የጾ ታኮ ኤሂዲ ታ ኢዛ ቦላ ፐርዳና ማላ ኦይቺዳ። 16 ታ ቃሴ ሞቲቲዳዴይ ሞቲዛይታ ሲንላን ኤቁዲ ባና ሞቲዛ የጾዛሰ ቤሲዛ ዛር ኣምንታ ዲሽን ሞቲቲዳዴ ኣሉ ኣምይ ኦርሜ ካዎቲላሰ ዎጋ ጊዴና። ጋዳ ዛራዲሰ።

17 “ሄሳ ጊሽ ኢዛ ሞቲዛይቲ ሸቄቲዲ ዩዳ ማላ ሄሪካ ዎንቲላ ጋላሰ ፐርዳ ዎምቦራን ኡታዳ ጳውሎሳ ታ ሲንሉ ሸሻና ማላ ኣዛዛዲሰ። 18 ኢዛ ሞቲዛይቲ ኢዛ ኣቻን ኤቁዳ ዋዴ ኢሰቲ ኢዛ ቦላ ሸሺዳ ሞቶይ ታ ባጋራ ኢዚ ኢታ ኦሶንታ ኣጌና ጋዳ ቆፒዳ ማላ ጊዲቤና። 19 ጊዶ ኣቲን ኢሰቲ ኢዛራ ሞቲቲዛይ ባ ኣማኖ ጊሽኔ ጳውሎሲ ኢሲ ሃይቁዳይሳ ሓጻ ዴሰ። ጊዛ ዩሱሳ ጊሽ ጊዲዴሰ። 20 ታካ ሄሳ ማላ የጾ ቆራ ያላናሰ ታና ሜቲዳ ጊሽ ጳውሎሳ ኔ ዩሩሳላሜ ባዳ ሄሳ የጾዛ ሄን ፐርዴታና ኮያይ?” ጋዲሰ። 21 ሂዘጊን ኢዚ ቃሴ የጾዚ ኦርሜ ካዎ ሲንላን ቤዬታና ማላ ኮይዲ ሓ የጾይ ቁሳሬ ሲንሉ ሸቃና ማላ ኦይቻይሰ። ጊዳ ጊሽ ኢዛ የጾ ቁሳሬኮ ታ ዩዳና ጋካናሰ ኢዚ ቃሾ ኬላን ጋምዳና ማላ ኣዛዛዲሰ” ጊዴሰ።

22 ኣገርጳይ ፊሰጾሳ “ታካ ኢዚ ጊዛ ሲያና ኮያይሰ” ጊዴሰ። ፊሰጾሲካ “ዎንቶ ሲያንዳሳ” ጊዴሰ።

23 ሄሳ ጊሽ ዎንቲላ ጋላሰ ኣገርጳይኔ ባርኒቄይ ካዎቲ ማይዲዛ ማኖ ማይዲዲኔ ዳር ቦንቸራ ዎታዳራታ ሃላቃታራኔ ሄ ካታማን ዲዛ ጊታ ኣሳታን ኣዛቤቲ ዩዲ ፐርዳ ኬሉ ጌሊዳ። ሄሳፌ ጉዬ ፊሰጾሲ ጳውሎሳ ያይጊሲዴሰ። 24 ፊሰጾሲ ሂዘጊዴሰ “ካዎ ኣገርጳ፤ ቃሰ ኦናራ ዲዛ ኣሳቶ! ኣይሁዳ ኣሳቲ ወሪ ሃይሲ ኣዴዚ ሃይሳፌ ጉዬ ፓጻ ዳና ቤሴና። ጊዲ ዋሲሽ ዩሩሳላሜንካ ሃንካ ኢዛ ቦላ ፐርዴታና ማላ ኢሰቲ ታና ኦይቺዛይ ሃይሳ ኢንቲ ቤዩዛ ኣዴዛ ጊሻሳ። 25 ታ ታ ባጋራ ኢዛ ሃይቆሰ ጋሉዛ ኢሲ ባላካ ኢዛ ቦላ ዴማቤኬ። ኢዚ ሓ የጾይ ኦርሜ ካዎ ሲንሉ ሸቄ ቤዬቶ። ጊዳ ጊሽ ታ ኢዛ ሄ ዩዳናሰ ቃቻዲሰ።

26 “ጊዶ ኣቲን ኢዛ ጊሽ ታኒ ታ ጎዳሰ ያፋና ጊዛ ኤራቲዳ የጾይ ዴና፤ ሄሳ ጊሽ ኢዛ ኢሲ ኢሲ ፓጨ ኦይቸታ ኦይቸኮ ታሰ ያፋናይሲ ዳናኮኔ ጋዳ ኢንቲኮ፤ ሃራፔካ ካዎ ኣገርጳ ኔኮ ሸሻዲሰ። 27 ጋሶይካ ቃሾ ኣሲ ዩዴ ቦላቲዛ ቶቃ ዳናኮ ቢሽን ኢዚ ሞቲቲዛ የጾ ቆንጨሶንታ ኣጎይ ኣሳ ኤያ ኬሲዛይሲ ታሰ ቤቲዴሰ” ጊዴሰ።

26

ጳውሎሲ ካዎ ኣገርጳ ሲንላን የቲዳ የጾ

1 ኣገርጳ ጳውሎሳ “ኔ ኔ ጊሽ ሃሳያናሰ ዳንዳያሳ” ጊዴሰ። ጳውሎሲካ ባ ኩሹ ዴንሉዲ ዛር ሂዘጊ ኣሚዴሰ። 2 “ካዎ ኣገርጳ! ታና ኣይሁዳቲ ሞቲዛ የጾ ኡባሰ ሃቾ ታ ኔ ሲንላን ታና ማዳና ዛር ኣሚዛ ጊሽ ታና ዳር ኡፋይሴሰ። 3 ጋሶይካ ኔ ኣይሁዳታ ዎጋኔ ኢሰታ ፓላማ ኡባ ሎዔላ ኤራሳ፤ ሄሳ ጊሽ ኔ ታ ጊዛ ኡባ ዳንዳያዳ ሲያና ማላ ታ ኔና ዎሳይሰ።

4 “ታኒ ጉላ ናቲላ ዎዴፔ ደማዳ ሞና ዴዲዳኮ ኣይሁዳ ኣሳቲ ኤራቲሰ። ኮይሮፔ ሃዲ ጋካናሰ ታኒ ታ ዴሪ ኣሳ ጊዶኒኔ ዩሩሳላሜን ታ ዴዲዳ ዴሲ ኣሳይ ኤራሰ። 5 ቃሴካ ኢሰቲ ማርካታና ኮይኮ ኦ ኣማኖ ጊሽ ታ ኬሃ ሚንላ ዎጋ ናጊዛ ፋርሳዌ ባጋ ጊዳዳ ጋምዲዳዴ ጊዲዳይሳ ኢሰቲ ኮይሮፔ ዴንሉዲ ኤራቲሰ። * 6 ሃዲ ቃሴ ፐርዳሰ ታና ሃይሳን ኤሲዳይ ያሲ ካሴ ኦ ኣዎታሰ ኣሚዳ ጨቆ ቃላ ኡፋይሳ ጊሻሳ። 7 ሃ ኡፋይሳኮ ጋካናሰ ኦ ዛርኬቲ ታማኔ ናምዓቲ ያሳ ጋላሲኔ ቃማ ጎይኒሽ ናጊዳ። ካዎ ኢንቲሰ ሆላ! ኣይሁዳቲ ታና ሞቲዛይ ሃ የጾዛ ጊሻሳ። 8 ያሲ ሃይቁዳይታ ዴንላናይሲ ዋኒዲ ኣይሁዳ ጊዲዳ ኢንቲ ኣቻን ኣማኔቲቤኔ?

9 “ታካ ታ ባጋራ ናዚሬቲ ዩሱሳ ሱንላሰ ኤቁታናሰ ቤሴሰ ጋዳ ቆፓዲሰ ሸን፤ * 10 ታኒ ዩሩሳላሜን ኦሉዳይካ ሄሳኮሸን፤ ቁሴታ ሃላቃታፔ ታ ኤኪዳ ጎዳቲላራ ኣማኒዛይታፔ ዳርታ ቃሾ ኬላን ዩጊሳዲሰ፤ ኢሰታ ዎቲሽን ዎቲዛይታራ ኢሲፌ ዳይሰ። 11 ዳር ዎዴ ኣይሁዳታ ዎሳ ኬላቲ ዲዛሶን ኣዎንካ ኢሰቲ ቃዎይታና ማላኔ ባ ኣማኖ ካዳና ማላ ኦላዲሰ፤ ኢሰታ ቦላ ዳር ሃንቁታዳካ ኢሰራዔሌፔ ካሬን ዲዛ ሃራ ካታማታካ ባዳ ኣማኒዛይታ ጎዳዲሰ።

ጳውሎሲ ኪርሰቶሳኮ ዋኒ ሲሚዳኮ የቲዴሰ

12 “ሃይሳ ሃ የጾዛሰ ቁሴታ ሃላቃታፔ ኩሜላ ጎዳቲሉኔ ኣዛዛ ኤካዳ ዳማሰቆ ጌቲቲዛሶ ታ ቢሸን፤ 13 ካዎ ኢንቲሰ ሆላ! ቡር ታ ኦጌን ዲሸን ጋዴይ ሴታ ጋላሰ ጊዲሸን ኣዎ ኣርሼ ፖጾፔ ኣቋዛ ፖጾ ቤያዲሰ፤ ሄ ፖጾይ ታናኔ ታናራ ቢታ ሳላ ኣሳታ ዩይ ኣቋዲ ሳሎፔ ፖዒዴሰ። 14 ኦ ወሪካ ቢታ ቦላ ኩንዲ ዲሸን ኣይሁዳታ ቃላራ ሳወሌ! ሳወሌ! ታና ኣዛሰ ጎዳይ? ኔኒ ቃራ ማሻ ቦላ ኤቁኮ ኔርካ ኔና ቆሃሳ። ጊዛ ቃላ ሲያዲሰ።

15 “ታካ ሳዳ! ኔ ኦኔ?” ጋዲሰ፤ ጎዳይካ ሓኒ ኔ፤ ጎዳዲ ዩሱሳኮ! 16 ሃዲ ዴንዳዳ ኔ ቶሆን ኤቃ፤ ታ ኔሰ ቆንጨዳይ ኔ ታና ሃዲ ቤዩዳይሳኒኔ ሲንላፌ ታ ኔና ቤሳናይሳን ኔ ታሰ ማርካቲዛዴ ጊዴና ማላ ታ ኔና ሹማና ኮያዲሰ። 17 ኢሰራዔሌ ኣሳ ኩሹፔኔ ታ ኔና ኢሰታኮ ኪቲዛ ኣይዛቤታ ኩሹፔካ ኣሻና። 18 ኔ ኢሰታ ኣይፌ ደያና ማላኔ ቋማፔ ፖጾን ኬሳና ማላ ቃሴካ ያላዔሲ ሃሬቲዛሶፔ ያሳኮ ኔ ዛራና ማላ ኦላና፤ ኢሰቲካ ታና ኣማኒዳ ጊሽ ባ ናጋራፔ ማሬታና ቃሴ ዶሬቲዳይታ ጊዶን ኢሰቲ ላታ ጋዴ ዴማና። ጊዴሰ።

ጳውሎሲ ባ ኦሪ ጊሽ የቲዴሰ

19 “ሄሳ ጊሽ ካዎ ኣገርጳ! ሳሎፔ ታሰ ኣሜቲዳ ኣጂታሰ ታ ኣዛዜታዲሰ። 20 ጊዶ ኣቲን ታ ካሴታዳ ዳማሰቆን ዲዛ ኣሳ ካሌላዳ ዩሩሳላሜንኔ ዩሁዳ ዴሪን ኡባን ዲዛይታ ቃሴካ ኣይዛቤቲካ ናጋራ ኦጌፔ ያሳኮ ሲሚዲ ማሬታና ማላ ኤሪሳዲሰ፤ ኢሰቲ ናጋራፔ

* 26:5 ሃዎ 23:6፤ ፒሊ 3:5 * 26:9 ሃዎ 8:3፤ 22:4-5 * 26:20 ሃዎ 9:20፤28-29

ሲሚዳይሳ በሲዛዚ ኦላና ማላ ታ ኢስታሰ ዮታዲሰ።
 * 21 ሄሳ ጋሶን አይሁዳቲ ታ ያሳ ኬላን ዲሺን ታና አይኪዲ ዋቆና ኮይዳ። 22 ሃቺ ጋካናሰካ ታሰ ያሳፊ ማዳይ ፓጩ ኤሬና። ሄሳ ገሽ ጉላሰካ ገታሰካ ማርካታሽ ሃይሳን ኤቃዲሰ። ናቤቲኔ ሙሴይ ካሴቲዲ ሃይሳ ማላይ ሃናና ገዳይሳ ዮቶፔ እቲን ታ ሃራ አይኮካ ዮታቤይኬ። 23 ኢስቲካ ዮቲዳይሲ ‘ዮሲ ከቲዳዳይ ማቶ ቤያና። ሃይቆፔ ዳንዶን ኮይሮ ገዲዲ አሲ እታና ፖዮ ኢስራዔል ዳሬሲኔ አይዛቤታሰ ቆንጫና’ ገዛይሳ” ገዳሰ። *

24 ጳውሎስ ሄሳ ዮቲሺን ፊሰጾሲ “ጳውሎስ! ሃሲ ኔ ጎዮንታ አጋካ፤ ኔ ዳሮ ታማሪዳይሲ ኔና ጎሺዳሰ” ገ ዋሲዳሰ።

25 ጳውሎስ ገዲኮ ኢዛሰ “ቦንቾ ፊሰጾሳ! ታ ኔሰ ቱማ ኤራዳ ዮታይሰ እቲን ጎያቤይኬ። 26 ታ ኢዛ ሲንሳን ቆንጩራ ዮቲዳ ካዋይ ሃይሳ ዮዎዛ ኤሬሰ፤ ሃይሲካ ቆታራ አሌቶንታይሳ ገዲዳ ገሽ ካዋይ ኤራናይሳ ታ አማኔታይሰ። 27 ካዋ አገርጳ! ናቤታ አማናሳ ገዲኪ? ኔ አማኒዛይሳ ታ ኤራይሰ” ገ ዛሪዳሰ።

28 አገርጳይካ ጳውሎስ “ሄኮ ኔ ታና ሃኖ ጉላ ዋዳ ገደን አማንላና ኮያሳ” ገዳሰ። 29 ጳውሎስካ ኢዛሰ ዛሪዲ “ጉላ ዋዳን ገዲንካ ዋይኮ ዳሮ ዋዳን ኔ ፃላ ገደንታ ዲሺን ሃቶ ታ ዮቲዳይሳ ሲዩዳይ ወሪ ሃኖ ታ ቃሹቴላያ አታ ወሪካ ታ ማላ ገዳና ማላ ታ ያሳ ዋሳይሰ” ገዳሰ።

30 ሃሳፊ ጉዬ ካዋይ፣ ዳሬ አይሲዛይሲ፣ ባርኒቄይኔ ኢሰታራ ኡቲዳ አሳይካ ወሪ ዳንዲዳሰ። 31 ኢስቲ ሄፔ ኬዚ ቢሽ ባ ገደን “ሃይሲ አዳዚ ሃይቆስ ዋይኮ ቃሾሰ ጋሌዛ ሚሽ አይኮካ አሌቤና” ገዳ። 32 አገርጳይካ ፊሰጾሳ “ሃይሲ አዳዚ ዮዎዛ ቁሳሬሰ ሽቆ ጎንታኮ አይኮ ዋሶይ ባይንዳ ማላ ዩዳታናኮ ሺን” ገዳሰ።

27

ጳውሎስ ኦሮሚ ቢዳሰ

1 ኦኒ ፃላኔ ዳሬ ማርካቤን ባና ማላ ጌቲቲ ቃሹቲዳ ገሽ ጳውሎስኔ ሃራ ቃሽ አሳታካ ካዋ አወገሰጾሳ ዋታዳራታፔ ገዲዳ ዩሊዮሳ ጌቲቲዛ ማቶ ሃላቃስ አሌ አሚዳ። 2 ኢሲያ አባ አቻን ዲዛ ዳሬታ ቢዛ ማርካቤን ጌሊዲ ቢዳሰ። ታሶሎንቄን ዲዛ ኢሲ ማቂዶኒያ አሰ አሪሰጻርኮሳ ጌቲቲዛይሲ ኦናራ ዳሰ።

3 ዋንቲላ ጋላሰ ሲዶና ገዛሶ ጋኪዶሰ፤ ዩሊዮሲ ጳውሎሳሰ ሎዎ ገዲዳ ገሽ ጳውሎስ ባ ላጌታኮ ቢዲ አሳይ ኢዛሰ ኮሺዛ ማዶ ኦላና ማላ ፒቃዳ አሚዳሰ።

4 ሄፔ ዳንዲ ኔ ቢሺን ሲንላ ባጋራ ጫርኮይ ኔ ቦላ ጫርኪዛ ገሽ አባ ገደን ዲዛ ቆጲሮሴ ዳሬን ጌሜቲዲ ጌዴ ሲንሌ ቢዳሰ። 5 ከልቂያ ገዛሶኔ ጸንፊሊያ ጌቲቲዛ ዳሬ አቻን ዲዛ አባ ፒኒዲ ሎቂያ ዳሬን ዲዛ ሙራ ጌቲቲዛ ካታማ ጋኪዶሰ። 6 ሄን ማቶ ሃላቃይ አፃሊያ ዳሬ ቢዛ ኢስኪንዲሪያ ዳሬ ማርካቤ ዳሚዲ ኦና ኢዛን ጌልሌዳሰ።

7 ዳሮ ጋላሰ ሎዲ ገ ገ ቢዲ ዳሮ ዋይቲዲ ቃንዶሴ ጌቲቲዛ ካታማ አቺ ጋኪዶሰ፤ ጫርኮይካ ኔ ሲንሌ ቦንታ ማላ ዲገን ሳልዋና አቻራ አዲዲ ቃርፃሴ ጌቲቲዛ አባ ገደን ዲዛ ዳሬን ጌሜቲዲ ቢዳሰ። 8 ዳሮ ዋይቲዲ

ላንቄ ላንቄ አይኪ ኔ አዲዳፔ ጉዬ ላሲያ ጌቲቲዛ ካታማ አቻን ዲዛ “ሎዎ” ጌቲቲዛ ማርካቤይ ኤቁዛሶ ጋኪዶሰ። *

9 ኔ ቢዛ ኦኒ ቦላ ዳሮ ዳቡራን ያማ ዋዳይ አዲዳ ገሽ ሃሲ አባ ቦላ ባናሰ ዳሮ ሜቶ ገዲዳ ገሽ ጳውሎስ ባናራ ዲዛ አሳይ ናጌታና ማላ ሃዘገደሰ፤ 10 “አሶ! ሃይሳፊ ኔ ካሊዲ ባና ቡሳይ ዳሮ ሜቶራ ዲዛይሲ ታሰ ቤቲሰ፤ ማርካቤዛን ዲዛ ጫናዛ ቦላኔ ማርካቤዛ ቦላ ፃላላ ገደንታ አሳ ሽምፖ ቦላካ ጌታ ቆሆይ ጋካና።”

11 ማቶ ሃላቃይ ቃስ ጳውሎሳ ዘሬፔ ቦላራ ማርካቤዛ ላገዛ ዋናዚኔ ማራካቤዛ ጎዳይ ገዛይሳ ሲይዳሰ። 12 ሄ ማርካቤይ ኤቁዛሶይ ባልጎይ አቆና ጋካናሰ ማርካቤሰ ሎዎ ሽምፖሶ ገደንታ ገሽ ዳሪዛ ባጋ አሳይ “ሃሙላ ሲንሌ ጉጅናሰ ዳንዳይቲኮ አዋ አርሼይ ወሊዛሶፔ ዲጌሃ ባጋራኔ ፑዳሃ ባጋራ ዲዛ ፊንቄ ጌቲቲዛሶ ቃርፃሴ ማርካቤ ሽምፖሶ ኔ ጋኪዲ ባልጎ ሄን አሶሰ” ገዲ ባ ቆፋ ሺሺዳ።

አባ ቦላ ዳምባላይ ዳንዲዳሰ

13 ዳጌሃ ባጋራ ጉላ ጫርኮይ ጫርኪሺን ቤዩዲ ኢስቲ ቆፒዳ ማላ ሃናና ሚሳቲን ባና ኬዚዳ፤ ማርካቤይ ኤቁዛሶፔ ባና ዳንዲዲ ቃርፃሴ አቻራ ላንቄ ላንቄ ኦይኪዲ አዲ ቢዳ። 14 ገደ አቲን ጉላ ዋዳፔ ጉዬ “አዋ አርሼይ ሞኪዛሶፔ ፑዳሃፔ ዩዛ ጎቲ ጫርኮ” ጌቲቲዛ ኢታ ዋልቃማ ጫርኮይ አባ ገደን ዲዛ ዳሬዩፔ ዳንዲዲ ኢስታኮ አባ ገደ ዩዳሰ። 15 ማርካቤዛ ጫርኮይ ሱገን ጫርካራ ኤቁታናሰ ዳንዳዮንታ ኢጻን ኔ ጮ- ገዲ ጫርኮይ ኤፊዛሶ ቢዳሰ። 16 ቁዳ ጌቲቲዛ አባ ገደንኮ ዲዛ ዳሬ ዲዛሪን ጌሜቲዲ ኔ ቢሺን ዳሮ ዋይቲዲ ማርካቤዛ ቁሪ ዋጎሎዩን ኦይኪዲ ኤሳናሰ ዳንዳዩዳሰ። 17 ማርካቤዛ ላገዛይቲ ቁሪ ዋጎሎዮ ማርካቤዛኮ ጎቺ ኬሲዲ ማርካቤዛ ዋዶራ ፩፻ ዓፂዳ። ማርካቤዚካ ሲርቲሴ ጌቲቲዛ አባ አጩይ ዳሪ ዲዛሶን ኩንዶንታ ማላ ባቢዲ ኢዛ ቦላ ዲዛ ሻራ ዋሌዲ ጫርኮን ላጌቲ ቢዳ። 18 ጎቲ ጫርኮይ ሚኒ ቢዳ ገሽ ዋንቲላ ጋላሰ ማርካቤዛን ጫኔቲዳ ሚሻታ አሳ አሳ አባ ገደ ዩጌሌ ኦይኪዳ። 19 ሄቸንሎ ጋላሰ ማርካቤዛሰ ኮሺዛ ሚሻታካ ባ ኩሼራ ኬሲ ኬሲ ዩጌዳ። 20 ዳሮ ዋዳ ጋካናሰ አዋ አርሼካ ያለንቲካ ቤዮንታ አገዳ ገሺኔ ጫርኮይካ ካሴፔ ሚኒ ሚኒ ቢዛ ገሽ ሃይሳፊ ጉዬ ኔ አታና ዳንዳዮኮ ገዛ ቆፋን ኡፋይሰ ቃንፂዶሰ።

21 አሳይ ካሌ ዋንታ ዳሮ ጋላሰ ኡቲዳሰ። ሄሳ ገሽ ጳውሎስ አሳ ገደን ኤቁዲ “ሃ አሳቶ! አንቲ ታ ገዛይሳ ሲይዲ ቃርፃሴፔ ዳንዶንታኮ ሃ ቆሆይኔ ሃ ቆሆይ አንቲ ቦላ ጋኬናኮሺን። 22 ሃሲካ ማርካቤዚ ፃላ ቆሃታና አቲን አንቲፊ አሳዳ ሽምፖይካ ቆይና። ሄሳ ገሽ አይኮይ ባዋ፤ ባቦፍቲ ጋዳ አንቲና ዘራይሰ። 23 ቃማ አማርሰ ታ ኢዛሰ ገዲዳ ታ ጎይኒዛ ያሳይ ከቲዳ ከታንቻይ ታ አቻን ኤቁዲ 24 ‘ጳውሎስ! ባቦፋ! ኔ ቁሳራ ሲንላን ኤቃና ቤሴሰ፤ ሄኮ ኦናራ ኢሲፊ ቢዛይታ ወርሲ ያሲ ኔ ገሽ ሃይቆፔ አሻና’ ገዲ ታሰ ዮቲዳሰ። 25 ሄሳ ገሽ አንቲኖ ሃ አሳቶ አይኮይ ባዋ፤ ያሲ ታሰ ሃይሳ ዮቲዳይሳ ፖላናይሳ ታ አማናይሰ። 26 ገዲኮካ ሃይሲ ጎቲ ጫርኮዚ ጌዴ ኢሲ አባ ገደን ዲዛ ዳሬ አቺ ኤፊዲ ኦና ዩጋና” ገዳሰ።

* 26:23 1ቆር 15:20፤ አሳ 42:6፤ 49:6 * 27:8 ላንቄ ገዛይሲ አባ ገደን ዲዛ ቃርፃሴ ጋዩ ጉሳ። † 27:27 አንዲርያ አባ ሜዲቲራኒያ አባፊ ኢሲ ባጋራ ዲዛ አባ።

27 ታማኔ አይደንሉ ቃማ እንዲሪያ አባ ገደን ጫርኮይ ኑና ዋይሲሺን ቢሽ ሌላ ገደል ማርካቤዛ ለገዛይታሰ አባፌ ቢታ ቦላ ጋኪዳ ሚሳቲዳስ። †
 28 ሃሳ ገሽ አባ ጨማቴሌ ኤራናስ አባን ዩጊ ያለዛ ዋዶር ኢስቲ ዩጊ ያለሺን፤ አባ ጨማቴሌ አይደሉ ታሙ ማትሬ ከና ገዲ ቤቲዳስ፤ ጋምቢሽ ሃዲካ ዩጊን ሃቸ ታሙ ማትሬ ከና ጨማ ገዲዳይሳ ዳሚዳ። 29 ኑ ዲዛ ማርካቤይ አባ ጋፃን ዲዛ ዛላ ሹቻራ ኢጨቶንታ ማላ ባቢዲ ማርካቤዛ፤ ገዬ ባጋራ ማርካቤይ ቃፃንታ ማላ ናገዛ ጲሺኬ ዲጌ አባ ገደ ዩጊዳ። ሃሳፌ ገዬ ኢስታስ ቃማይ ዋንታና ማላ ዋሳ ኦይኪዳ።
 30 ማርካቤዛ ለገዛይቲ ማርካቤዛ፤ ከዚዲ ባቃታና ኮይዳ ገሽ ማርካቤዛ፤ ሲንላ ባጋራ ማርካቤ ናገዛ ጲሺኬ ዩጊዛ ሚሳቲዲ ማርካቤዛ ቦላ ዲዛ ቄሪ ዋጎሎዮ ዲጌ አባ ገደ ዩጊዳ። 31 ሃሳ ዋዶ ጳውሎሲ ማቶ ሃላቃኔ ዋታዳራታ “ሃይቲ ማርካቤዛን ዲዛ አሳቲ ማርካቤዛ ቦላ ሸምፕዲ ኡቶንታ አገኮ አንቲካ አታና ዳንዳዬኮታ” ገዳስ። 32 ሃሳ ገሽ ዋታዳራቲ ዋጎሎዮ ኦይኪዳ ዋዶርዛ ቃንፂ ዩጊን ኢዛ አባ ቦላ ቶኬታና ማላ ዩዲ አገዳ።

33 ጋይይ ዋንታና ገሽን ወሪካ ካል ማና ማላ ጳውሎሲ ኢስታ ሂዘገ ዋሲዳስ “አንቲ ኣዚ ሃናኔሻ ገዲ ሂርጋን ካል ሞንታ አገን ሃቸ ታማኔ አይደንሉ ጋላሳ። 34 ሃሳ ገሽ አንቲ ካል ማና ማላ ታ አንቲና ዋሳይሰ። አንቲ ሚኮ ሚናና፤ ሙሉካ አይኮ ቆሆይካ አንቲ ቦላ ጋኪና” ገዳስ። 35 ኢዚ ሃሳ ገዳ፤ ገዬ ካል ኤኪዲ ያሴ ጋላቲዲ አሳ ኡባ ሲንላን ካል ሙስ ኦይኪዳስ። 36 ሃሳ ዋዶ ወሪካ ሚኔቲዲ ካል ሚዳ። 37 ማርካቤዛ ገደን ዲዛ አሳይ ወሪ ናምዑ ያታኔ ላፑን ታማኔ ኡሱፑና። 38 ወሪካ ሚ ካሊዳ፤ ገዬ ማርካቤን ጫኔቲዳ ገሰቲዛ ዲጌ አባ ገደ ዩጊዲ ማርካቤዛ ዳፃ ካወሸዳ።

ማርካቤዛ ሜቄዳስ

39 ጋይይ ዋንቲን ባ ዲዛሶ ኤሪቤቲና። ገደ አቲን አጨይ ዲዛሶ አባ ኩርቆንሉ ዳሚዳ። ኢስታስ ዳንዳዬቲዛኮ ማርካቤዛ ሂ ሱጊ ሸሻና ቆፒዳ። 40 ማርካቤዛ ኦይኪዛ ጲሺኬ ቃንፂዲ አባ ገደ ዩጊዳ። ሃ ዋዶ ማርካቤ ለገዛ ሚሻ ኦይኪዳ ዋዶርታ ቢርሺዳ። ሃ ባጋራ ዲዛ ሻራ ጫርኮ ባጋ ጶቁ ሂስቲዲ ከዛና አባ ጋፃ ቢዳ። 41 ገደ አቲን ማርካቤዛ ዳር አጨይ ኮሪቲ ኡቲዳይሳራ ኢጨቲዲ ዲጌ ጉፋኒዳስ፤ ሲንላ ቦላ ዲጌ ጉፋኒ ጲሺኬቲዲ ቃፃንታይሳ ገዲዳስ። ቃስ አባ ዳምባላይ ዳር፤ ዳንዲዳይሳን ገዬ ባጋራ ሜቄሪቲል ኦይኪዳስ።

42 ቃሾ አሳ፤ አሳይካ አባን ዋዳዲ ኬሲ ኤኮንታ ማላ ዋታዳራቲ ዋዳና ቆፒዳ። 43 ማቶ ሃላቃይ ቃስ ጳውሎሳ አሻናስ ኮይዳ ገሽ ኢስታ ቆፋ ኤካና ኮይቤና። ገደ አቲን ሃሌ ዋዳ ኤሪዛይቲ ማርካቤዛ፤ ዲጌ አባን ጉፒ ጉፒ ዋዳዲ ጌዴ ቢታ ቦላ ከዛና ማላ አዛዚዳስ።

44 ሃንኮ አቲዳይቲ ሜቄ ዋዳዲ ሳንቃ ቦላ አባ ፒናና ማላ አዛዚዳስ፤ ሃሳላ ሃኒዲ ወሪካ ሳርን አባ ገደፌ ቢታ ቦላ ጋኪዳ።

28

ጳውሎሲ ሚላጊያ ቢታን

1 ኑ ቢታይ ዲዛሶ ሳርቴላን ጋኪዳ፤ ገዬ ኑ ጋኪዳ አባ ገደን ዲዛ ዳሪይ ሚላጊያ ጌቲቲዛ ዳሪ ገዲዳር ኤሪዳስ። 2 ሃ ዳሪይን ዲዛ አሳይ ዳር ማላሊሲዛ ኪያቴል ኑስ ኦሊዳስ። ሃ ዋዶ ኤሪይ ቡኪዳ ገሽኔ ማን ገዲዳ ገሽ ታማ ኤሊዲ ኑና ሞኪ ኤኪዳ። 3 ጳውሎሲ አፊራ ገዛ ሚሊ ሸሺዲ ታማን ጉጂን ታማ ሴላ፤ ዳንዲዳይሳን ሾሽ ከዚዲ ኢዛ ኩሽ ቦላ ፃፃቲዳስ። * 4 ማልታ አሳይ ሾሽ ጳውሎሳ ኩሽ ቦላ ፃፃቲዳይሳ ቤዩዲ “ሃይሲ አዳዚ ሸምፕ ዋዳዳዳ፤ ጋሶይካ አባ ዳምባላ፤ ኢዚ አቲዲ ዩኮካ ፒርዲዛ ያሳፌ ኬሲ ኤኪዲ ጋፃ ዳና ዳንዳይቤና” ገዲ ባ ገደን ሃሳይቲዳ 5 ጳውሎሲ ቃስ ሾሻ ዲጌ ታማን ቆቆና ዩጊዲ አይኮካ ሃኒቤና። 6 አሳይካ “አይዳ፤ አይዳ ኢዛ አሳቲላይ ኪፃኔሻ፤ ዋይኮ ቆፖንታ ኩንዲዲ ሃይቃና” ገዲ ናገዳስ፤ ገደ አቲን ኢስቲ ዳር ዋዶ ናገሸን ኢዛ ቦላ አይኮይኔ ሃናንታይሳ ቤዩዲ ባ ቆፋ ለሚዲ “ሃይሲ አዳዚ ያሳ!” ገዳስ።

7 ሃ ኑ ዲዛሶ ማታን አባ ገደን ዲዛ ዳሪይ አይሲዛ ፑፑልዮሳ ጌቲቲዛዳስ ጋይይ ዳስ፤ ሃ አዳዚ ኑና ሞኪ ኤኪዲ ባሶን ሃቸ ጋላስ ጋካናስ ሎዴል አማቲዳስ። 8 ሃን ፑፑልዮሳ አዋ ሚሻይኔ ጉሶ ሃርጌይ ሳኪን ኢቸዲ ዳስ፤ ጳውሎሲ ኢዛኮ ጌሊዲ ኢዛሰ ዋሲዳስ፤ ኢዛ ቦላ ባ ኩሽ ዋሊዲ ፓሊዳስ። 9 ሃሲ ሃሳላ ሃኒዳ፤ ገዬ ሃ ዳሪይን ዲዛ ሃራ ሃርጋንቻቲ ዩዲ ፓዳዳ። 10 አሳይካ ኑስ ዳር ሚሽ ኤሂዲ ኑና ቦንቸዛይሳ ኑና ቤሲዳ፤ ኑ ማርካቤን ባና ዳንዲን ኑስ ኮሺዛይሳ ማርካቤን ወርሲ ጫኒዳ።

ጳውሎሲ ሚላጊያ ኦርሜ ቢዳስ

11 ኑ ሚላጊያን ሃቸ አገና ጋምቢዳ፤ ገዬ ባልጎይ አቆና ጋካናስ አባ ገደን ዲዛ ዳሪይን ጋምቢዲ ኢስኪንዲሪያ፤ ዩዛ ማርካቤን ጌሊዲ ባና ዳንዲዳስ፤ ሃ ማርካቤዛ ቦላ ዲዮሲቆርሳ ጌቲቲዛ ናምዑ ሚንቲ ኤቃታ ሚሲሌይ ዳስ። 12 ጌዴ ሲራኩሴ ጌቲቲዛ ካታማ ጋኪዲ ሃን ሃቸ ጋላስ ጋምቢዳስ። 13 ሃ፤ አባ ቦላራ ቢዲ ሬገዮሜ ጌቲቲዛ ካታማ ጋኪዳስ፤ ሃን ኢሲ ጋላስ አቁዲ ዲጌ ባጋራ ዩዛ ጫርኮይ ጫርኪዳ ገሽ ናምባንሉ ጋላስ ፑቲዮሎሴ ጌቲቲዛሶ ቢዳስ። 14 ሃን አማኒዛይታ ዳሚዲ ኢስታራ ኑ ላፑን ጋላስ ጋካናስ ኡታና ማላ ኑና ዋሲዳ። ሃ፤ ቃሴ ኦርሜ ቢዳስ። 15 ኦርሜን ዲዛ አማኒዛ አሳይ ኑ ገሽ ሲይዲ አፒዮሴ ጌቲቲዛ ገያኔ “ሃቸ አቆራታ” ጌቲቲዛሶ ጋካናስ ኑና ሞካና ዩዳ፤ ጳውሎሳይካ ኢስታ ቤዩዲ ያሴ ጋላቲዳስ፤ ሚኔቲዳስ።

ጳውሎሲ ኦርሜን

16 ኑ ኦርሜ ጌሊዳ ዋዶ ጳውሎሳ ናጋናስ ኢሲ ዋታዳራይ ኢዛሰ አማቲን ጳውሎሲ ባርካ ዳና ማላ ኢዛሰ ፊቃይ ኢማቲዳስ።

17 ሃቸ ጋላሳ፤ ገዬ ጳውሎሲ ኦርሜን ዲዛ አይሁዳታ፤ ገታ አሳታ ባኮ ያይጊሲዳስ፤ ኢስቲካ ኢዛኮ ሸቆን “ታ አሻቶ! ታኒ ኢስራዴል ዳሪ ቦላኔ ኑ አዋታ ዋጋ ቦላ ኦሊዳ ኢሲ ቆሆይካ ዳና፤ ገደ አቲን ዩራሳላሚን ታና ቃቸዲ ኦርሜ አሳታሰ አሊ አሚዳ። 18 ኦርሜ አሳቲ ታና ቆሪ ኦይቸዳ፤ ገዬ ታና ሃይቆስ ጋሊዛ ሚሽ ዳምንታ አገዳ ገሽ ቢርሺ ዩዳና ኮይዳ። 19 ገደ አቲን አይሁዳ አሳይ ታ ቦላ ኢሲ

* 28:3 አፊራ ገዛ ሚሊ ገዛይሲ ኢሲ ኢሲ ጋሞ አሳቲ ቃይፃሬ፤ ሆንፄ ሚሊል ጌቲስ።

ዎሶይ ባይንዳ ዩዳቶንታ ማላ ኤቄቲን ታ የዎይ ቁሳሬ ሲንህ ሸቂዲ ቤቶ ጋናሰ ታሰ ጊዳ ጊዲዳሰ። ጊዳ ኣቲን ታኒ ታ ዳሬታ ሞቲዛ ጋሶይ ታሰ ዳና። 20 ታ ቃሰ ሃዲ ኢንቴና ያይጊሲዳይ ኢንቴና ቤያናሲኔ ሃኖ ኢንቴሰ የታናሳ። ሃይሳ ሳንሳላታን ታኒ ቃሼቲዳይ ኢሰራዔሌ ናይታሰ ኢሜቲዳ ኡፋይሳ ጋሶና” ጊዳሰ።

21 ኢሰቲካ ኢዛሰ “ኔ ጊሽ ዩሁዳ ዳሬፔ ዓፊቲዳ ዳቢዳቤይ ኑና ጋኪቤና። ሃ ዩዳ ኣሳታፔ ኦኒካ ኔ ጊሽ ኢታ ሃሳዩዳይ ባዎ። 22 ሃይሳ ኔ ካሊዛ ኣማኖዛ ጊሽ ኣዎንካ ኣሳይ ኢታ ሃሳዩዳይሳ ኑ ኤርሰ። ሃሳ ጊሽ ኔ ቆፋይ ኣዛኮኔ ኑ ሲያና ኮኖሰ” ጊ ዛሪዳ።

23 ባሬ ኢዛሰ ኢሚዲ ሃራ ጋላሰ ኩሹ ኩሚዲ ኢዚ ዲዛ ኬሌ ዩዳ። ኢዚካ ማላዶፔ ኦማርሰ ጋካናሰ ያሳ ካዎቲላ ጊሽ ማርካቲላን ባ ቆፋ ኢሰታሰ ቆንጨሲዳሰ። ሙሴ ዎጋፔኔ ናቤታ ማፃፋታፔ ዓቃሲ ዓቃሲ ዩሱሳ ጊሽ ኢሰታሰ ቆንጨሲ የቲዳሰ። 24 ኢሰታፊ ኢሲ ኢሲ ኣሳቲ ኢዚ የቲዳ ቃላ ኣማኒዳ፤ ባጋይቲ ቃሰ ኣማኒቤቴና። 25 ኢሰቲካ ባ ጊዳን ኢሶይ ኢሳራ ቆፋን ጋጎንታ ሻኬቲዳ፤ ጳውሎሲ ወርሴላን የቲሹ “ዓሎ ኣያናይ ናቤ ኢሳያሳ ባጋራ ካሴ ኢንቴ ኣዎታሰ የቲዳይሲ ቱማኮ! 26 ኢዚ የቲዳ ቃላይ።

“ሃይሳ ዳራኮ ባዳ ኢንቴ ሲሲ ሲያና ሸን ዩሽ ቆፔኬታ፡ ኣይፊራ ቤያና ሸን ዎዝናን ዎሌኬታ ጋዳ የታ።

27 ጋሶይካ ሄ ኣሳታ ዎዝናይ ሙሚዳሰ፡

 ኢሰታ ሃይሳይካ ቱሊዳሰ፤

 ኢሰታ ኣይፊይ ቆቂዳሰ።

ሄሳሶ ሃኖንታኮ

 ኢሰቲ ባ ኣይፊራ ቤዩዲ

 ባ ሃይሳራ ሲይዲ ባ ዎዝናን ዩሽ ቆፔዲ

ታኮ ሃ ሰማናኔ

 ታካ ኢሰታ ፓላናሽን” ጊዳሰ።

28 “ሂሰቲኮ ያሲ ኣሰ ኣሽዛ ኪታይ ኣይዛቤታሰካ ኪቲቲዳይሳ ኢንቴ ኤሬቴ፤ ኢሰቲካ ኤሮ ጊዲ ኤኬቴሰ” ጊዳሰ። 29 ጳውሎሲ ሃሳ የቲዳፔ ጉዬ ኣይሁዳ ኣሳቲ ባ ጊዳን ዳሮ ፓላሜቲሹ ኬዚ ቢዳ። †

30 ጳውሎሲ ኪራቲዳ ኬላን ናሞዑ ላይህ ኩሚህ ዳዒዳሰ፤ ባኮ ዩዛ ኣሰ ወርሲ ሞኪ ኤኪዳሰ። 31 ያሳ ካዎቲህ ሳባኮን ጎዳ ዩሱሰ ኪርሰቶሳ ጊሽ ኦኒካ ኢዛ ዲጎንታ ዓላቲላራ ኣሳ ታማርሲዳሰ።

† 28:29 ኢሲ ኢሲ ጌሻ ማፃፋታን ፓይዶ 29 ቦላ ዲዛ ቆፋይ ጉጃቲቤና።

ጳውሎስ ኦሮሜ አሳሰ ፃፊዳ ኪታ ገዶ ቆፋ

ሃዋሪ ጳውሎስ ኪታይ ኦሮሜ አሳሰ ፃፊቱዳይ ጳውሎስ ኦሮሜን ዲዛ ዋሳ ኬጋዮ ጋኪ ቤያናሰ ቆፒዳ ገሽ ኢስቲ ኢዛ ገቢቲ ናጋና ማላ ኤሪሳናሲኮ። ጳውሎስን ዲዛ ቆፋይ ኦሮሜን ዲዛ አማኒዛ አሳራ ጉላ ዋዳ ኦሊዳፔ ጉዬ ኢስቲ ኢዛ ማዲኮ ኢዚ ጌዳ ኢስፔኔ ቢታ ባናሰኮ። ኢዚ ባሲ ጌሊዳ ማላ ኢስታሰካ አማኖይ ጌሊን አማኒዛይቲ ባ ዲሳን አማኖ ቤሳና ማላ አማኖ ቲሚርቲ ሃኖ ኢስታሰ ወርሲ ቢርሺ ፃፊዳ። ጳውሎስ ኪታይ ኩሜል ገዲ ቤቲዳይ ሃይሳ ሃ ኪታዛኒኮ።

ጳውሎስ ኦሮሜን ዲዛ አማኒዛ አሳሰ ባ ሳርካ ዬዲዳፔኔ ኢስታሰ ኢዚ ዋሳና ቃላ ጌሊዳፔ ጉዬ ባ ኪታሰ ዋና አይፊ ዮዮ (1:17) “ፃሳፊ ቤቲዛ ጊሎቴል አማኖኔ አማኖሰ ገዲዳ ማላ ሚሺራቾ ቃላን ቆንጨዳ።” ገዛ ቃላ ገዲዳይሳ ቤሴሰ።

ሃሳፊ ጉዬ ጳውሎስ ሃይሳ ሃ ቆፋዛ ጉጂ አሲ ፃፊሰ። አይሁዳታካ ገዲን ዋይኮ ሃንኮ ዳሬ አሳ ገዲን አሲ ወሪካ ናጋራሰ ሃሬቲዳ ገሽ ያሳሪ ኢገንታናሰ ቤሴሰ። አሳይ ያሳሪ ኢገንታናሰ ዲንዳዪዳይ ዬሱስ ኪርሰቶሳን አማኖና። ሄሲ አሳይ ያሳሪ ደሚዳ ኦራላ ኢሲፊቴላ አይፊይ ኦራላ ዳዮ ገዲዳይሳ ጳውሎስ ሎዔል ኤሪሴሰ። አማኒዛዳይ ያሳሪ ሳርን ዳዔሰ፤ ያሳ አያና ባጋራ ሃሳዳይ ናጋራፔኔ ሃይቆ ዋልቃፊ ዋዜቴሰ፤ ሽምፖ 5-8 ጋካናሰ ጳውሎስ ያሳ ዋጋ ገሺኔ አማኒዛይታ ዳዮን ኦሊዛ ያሳ ጊሎ አያናሰ ቆፋይ አዛኮኔ ቆንጨሴሰ። ቃሴካ ጉጂዲ ጳውሎስ “አሳ ዜሬላ ገሽ ያሳሰ ዲዛ ቆፋ ገደን አይሁዳይኔ አይዛቤይ ኢሲፊ ኦይኬታናሰ ዲንዳዪዳይ?” ገዛ ኦይሾሰ ዛር አማኖሰ ባፀቴሰ።

ቃሴካ ጳውሎስ ቆንጨሴዳ ማላ አይሁዳቲ ዬሱሳ አማኖንታ አቲዳይ ያሳ ቆፋ ማላ። ሄሲካ ሃኒዳይ ዬሱስ ኪርሰቶሳ ባጋራ ያሲ ቆንጨሴዳ ኢዛ አቶቴላ ኪያን ኩሜል አሳ ዜሬላ ወሪካ ጋኪ ኤካና ጋላናሳ። ገደ አቲን አይሁዳ አሳይ ዬሱሳን አማኖና ዋዳይ ያናይሳ ጳውሎስ አማኔሰ። ወርሴላን ጳውሎስ አማኖን ዋኒ ዳያናኮኔ ሃራፔካ አማኒዛይቲ ባ ጋርሳን ባሲ ዲዛ ጋይቶቴላን ሲቆ ኦይ ካላናሰ ቤሲዛይሳ ኢስታ ኤሪሴሰ። ጉጂዲካ ኢስታሰ ያሳ ኦሪ ገሽ አማኒዛይቲ ባ ዳሬ ገሽ፣ ባ ጋርሳን ኢሶይ ኢሳ ናጋናሰ ቤሲዛ አላፊቴላ ገሺኔ ቆፋፔ ዳንዲዛ ኦይሻታ ወርሲ ሁዔን ሁዔን ኤሪሴሰ።

- ሃ ማፃፋይ ኦይኪዳ ኩሜል ቆፋ
- ሃ ማፃፋዚ ኦይኪዳ አይፊ ቆፋታ 1:1-17
- አሳ ናሰ አቶቴላ ኮሺሰ 1:18-3:20
- ያሲ አሳ ና አሺዛ ኦይ 3:21-4:25
- ኪርሰቶሳ ባጋራ ቤቲዛ ኦራላ ዳዮ 5:1-8:39
- ኢሰራዔሌ አሳይ ያሳ ቆፋ ጋርሳን 9:1-11:36
- አማኒዛ አሳ ሎዮ ኦሪ 12:1-15:13
- ወርሴላ ሳርካ 15:14-16:27

* 1:13 ሃዋ 19:21 * 1:16 ማር 8:38 * 1:17 ኢብ 2:4

1 ዬሱስ ኪርሰቶሳ አይሌኔ ሃዋሪ ገዳናሰ ጊይጌቲዳ ሚሺራቾ ቃላ ዮታናሰ ጳውሎስፔ ኪቲቲዳ ኪታ።

2 ሄ ሚሺራቾ ቃላ ገሽ ካሴ ናቤታ ባጋራ ጌሻ ማፃፋታን ኡፋይሲ አሜቲዳ። 3 ሚሺራቾ ቃላይካ ባ ናዛ ገሽ ኢዚ አሾ ባጋራ ዳወቲ ዜሬላፊ ገዲዳይሳ ዮቲዛ ገሻሳ። 4 ሄሳላካ ኦ ጎዳ ዬሱስ ኪርሰቶሲ ባ ጌሻቴላ አያናን ሃይቆፔ ዳንዲዳይሲ ኢዚ ያሳ ና ገዲዳይሲ ገታ ዋልቃን ቆንጨዳ። 5 ኪርሰቶሳ ሱንላ ገሽ አማኖንታ ዳሬይ አማኖና ማላኔ አዛዜታና ማላ ኢዛ ባጋራ ኦይ ሃዋራቴላሰ ጋሊዛ ኪያቴላ ኤኪዳሰ። 6 አንቴካ ዬሱስ ኪርሰቶሳይታ ገዳና ማላ ጊይጌቲዳይታራ ዳታ።

7 ያሳን ደሴቲዳይታኔ ጌሻታ ገዳናሰ ጊይጌቲዳ ኦሮሜ ቢታን ዲዛ አንቴሰ ኡባሰ ኦ አዋ ያሳፊኔ ኦ ጎዳ ዬሱስ ኪርሰቶሳፔ ኪያቴላኔ ሳርቴላ አንቴሰ ገደ።

ጳውሎስ ኦሮሜ ቤያና ላሞቲዳሰ

8 አንቴ አማኖይ አላሜ ኩሜላን ሲዬቲዳ ገሺኔ አንቴ ገሽ ታ ጎዳ ያሳ ዬሱስ ኪርሰቶሳ ባጋራ ጋላታይሰ። 9 ታ አንቴ ገሽ ኡባ ዋዳ አይ ማላ ቆፒዛኮኔ ያሳ ና ሚሺራቾ ሳባኮን ታ ኩሜል ዋዝናፔ ኢዛሰ ኦሊዛ ያሳይ ታሰ ማርካ። 10 ታኒ ታ ዋሳን ኡባ ዋዳ አንቴና ቆፓይሰ። ሃዲ ቃሴ ወርሴላን ያሳ ሽኔ ገዲኮ ታ አንቴኮ ባና ማላ ያሲ ታሰ ኦይ ደያና ማላ ዋሳይሰ። 11 አንቴ ሚናና ማላ ማዲዛ አያና አሞቴላ ታ አንቴሰ ገሻናሰኔ አንቴና አይፊራ ቤያናሰ ላሞታይሰ። 12 ሄሲካ አንቴኔ ታኒ ኢሶይ ኢሳራ አማኖን ሚኔታናሳ።

13 ታ አሻቶ! ሃራሶን አማኖንታይታ ማታን ታሰ ሃኒዳ ማላ አንቴ ማታንካ ታሰ ኦሪ አይፊይ ቤታና ማላ ዳር ዋዳ ቆፓዲሰ ሺን ሃኖ ጋካናሰ ታ ዲጌታዳ ዲዛይሳ አንቴ ኤራና ማላ ኮያይሰ። * 14 ታማሪዳይታሰ ገዲን ታማርንታይታሰካ፤ ኤራታሲኔ ኤያታሰ ኡባሰ ታ ቦላ ታማርሳና አጮይ ዳሰ። 15 አንቴሰ ኦሮሜን ዲዛይታሲካ ታ ሚሺራቾ ቃላ ዮታናሰ ታ አሞቲዳይ ሃሳሳ።

16 አማንዛይቲ ወሪ አታና ማላ ያሳ ዋልቃ ገዲዳ ገሽ ታ ሚሺራቾ ቃላን ዬላቲኮ፤ ሄሲካ ኮይር አይሁዳታሰ ካሊዲ አይዛቤታሳ። * 17 “ጊሎይ ያሳ አማኖን ዳሰ” ጌቲቲዲ ካሴ ፃፊቲዳ ማላ ያሳ ጊሎቴል ሚሺራቾ ቃላን ቆንጨና፤ ሄ ጊሎቴል ኮይርፔ ወርሴል ጋካናሰ አማኖን ሃናና። *

አሳ ናይታ ኢታቴል

18 ቱማ ባ ኢታቴላኒኔ ማካላን ቱጪ ኦይኪዛይታ ኢታቴላ ቦላኔ ኢስታ ማካላቴላ ኡባ ቦላ ያሳ ሃንቆይ ሳሎፔ ቆንጫና። 19 ኢስቲ ኤራናሰ ቤሲዛዚ ያሲ ወርሲ ኢስታሰ ቆንጨሴዳ ገሽ ኢስቲ ያሴ ኤራናሰ ቆንጫ። 20 አላሜይ ሚዴቶሶፔ ሃ ሲሚን አሳ አይፊን ቤቲ ኤርንታ ያሳ ሃኖቴላ ሄሲካ ኢዛሰ ዲዛ ሜርና ዋልቃይኔ ያሳቴላይ ኢዚ ሜዲዳ ሜዴቴላን ቆንጫን ቤቲሰ። ሃሳ ገሽ አሳይ ሺሻና ጋሶይ ዳና። 21 ኢስቲ ያሴ ኤሪኮካ ኢዛ ያሳቴላ ማላ ቦንቲቤቴናኔ ጋላቲቤቴና። ገደ አቲን ኢስታ ቆፋይ ሜላ ጎዳይ ባይንዳዚ ገዲዳዳሴ ዩሺ ቆፖንታ ማላ ኢስታ ዋዝናይ ቋሚዳ። * 22 ኢስቲ ባና “ኤራ” ገዛይታ ገዲኮካ ኤያታ ገዲዳ። 23 ሜርና ያሳ ቦንቾ ሃይቁዛ አሳኒኔ ካፎታን፤ ሜሃታኒኔ ቢታ ቦላ ጎሽቲዛ ሜዴቴላታን ሚሳቲሲዲ ላሚዳ። *

* 1:21 ኤፌ 4:17-18 * 1:23 ዛሬ 4:16-18

24 ሃሳ ገሽ ያሲ ኢስታ ባ ገደን አሶይ አሳራ ባርካ ባ አሳቴላን ቱና ኦሶ ኦላና ማላ ገሻቴላ ባይንዳ ላይማቴላሰ አላ አሚዳሰ። 25 ኢስቲ ያሳ ቱማቴላ ዋርደን ላሚዳ፤ ማዲዳ ያሳ አገዲ ማዴቴላሰ ጎይኒዳኔ ኢስታሰ ኦላዳ። ማዲዳ ያሲ አዚ ማርናሰ ጋላቴቴዳይሳ። አሚን።

26 ሃሳ ገደን ያሲ ኢስታ ዩላቺዛ አሞቴላሰ አላ አሚዳሰ። ኢስቲ ማጫሳቲ ባናራ ዚንዳናሰ ቤሶንታይታራ ዚንዳና ማላ ባና አላ አሚዳ። 27 ሃሳሶካ አቱማ አሳይ ባሲ ቤሲዛ ማጫሳታራ ዚንዳናሰ ቤሲሺን አዳይ አዳራ ዚንዳናሰ አሞን ፀጌቲዲ ማጫሳታራ ዚንዳዚ ማላ አዳይ አዳራ ዚንዳዲ ፓላ ሚሺ ኦላዳ። ሄይታንቲ ባርካ ባ ኦላዳ ኢታ ኦሶዛሰ ቤሲዛ ቁፃቴ ባ ቦላ ኤሂዳ።

28 ቃሴካ ኢስቲ ባ ቆፋራ ያሴ ኤርይ ኑና ማዳና ገዳ ገሽ ኢስቲ ኦላናሰ ቤሶንታይሳ ኦላና ማላ ያሲ ኢስታ ጎንታ ቆፋሰ አላ አሚዳሰ። 29 ኡባ ባጋራ ማካላኔ ኢታቴላ፣ ዩቄኔ ኢታ ኦሶን ያላላ ኩሚዳ፤ ቃናቴቴላን፣ ሸምፖ ዋዶን፣ ኦሻን፣ ባሌሶኔ ጌኔን ኩሚዳይታ ቃሴካ ዚገርዛይታ ገዲዳ። 30 አሳ ሱንላ ሞሪዛይታ፣ ያሳ ኢፃዛይታ፣ አሰ ሞይዛይታ፣ ኦቶራንቻታኔ ጩቁቴዛይታ ገዲዳ፣ ኡባ ሞይ ኢታ ኦላናሰ ኦጌ ኮዩዛይታ፣ ባና ዩሊዳይታሰ አዛዜቶንታይታ፣ 31 ዩሺ ቆፖንታይታ፣ ገዳ ቃላ ዛሪ ላሊዛይታ፣ አሳሰ ሚሺቶንታይታ፤ ማንፃ ኢታታ። 32 ሃሳ “ኦላዛይቲ ዉሪካ ሃይቃናሰ ቤሴሰ” ገዛ ያሳ ዋጋ ኢስቲ ኤሪሽ ሄይታንታ ባሲ ኦሶ ያላላ ገደንታ ሃሳሶካ ኦላዛይታካ ሚንሌሌቴሰ።

2

ያሳ ፐርዳ

1 ሃሳ ገሽ ኔኖ ሃራ ቦላ ፐርዲዛይሶ ኔኒ ታ ሃኒ ገደን አላዲሰ ገዛ ጋሶይ ኔሰ ዳና። ኔ ሃራ አሳ ቦላ ፐርዲዛይሶን ኔርካ ኔሰ ኩናኔ ኤካሳ። ጋሶይካ ሃራ አሳ ቦላ ኔ ፐርዲዛይሳ ኔካ ዛራዳ ኢዛ ኦላዛ ገሻሳ። * 2 ሃይታ ማላታ ኦላዛ አሳታ ቦላ ያሳ ፐርዳይ ሊኬ ገዲዳይሳ ኑ ኤርሰ። 3 ሃሳ ገሽ ኔ አሳ ቦላ ፐርዳሽ ሄ ኔ ፐርዲዛይሳ ዛራ ኦላዛዳ ገዲኮ ኔ ያሳ ፐርዳፌ ኬሳ ኤካ አታ ኔሰ ሚሳቲዜ? 4 ዋይኮ ያሳ ኪያቴላ ኔና ማርቴላኮ ካሌላዛይሳ ሻካ ኤርንታ ዳሽ ኢዛ ገታ ኪያቴላኔ ኢዛ ዳንዳያ ዱሪቴላ ኔ ሌቃይ?

5 ገደ አቲን ኔኒ ኔ ዋዝና ሙሜቴላኔ ማርቴላ ኮኖንታ ኔ ዋዝና ገደን ቱማ ያሳ ፐርዳይ ቆንጫዛ ዋዳ ያሳ ሃንቆ ጋላሳሰ ኔ ቦላ ዳር ሃንቆ ሺሻሳ። 6 ያሲ አሳሰ አሳሰ ኢዛ ኦሶ ማላ አሚና። * 7 ሎዎ ኦሶ አጎንታ ኦላዲ ቦንቻ ሳባኔ ማርና ዳዎ ኮዩዛይታሰ ማርና ዳዎ አሚና። 8 ገደ አቲን ባርካ ባና ደሲዛይታሰኔ ቱማ አጋገዲ ኢታ ካሊዛይታ ቦላ ፐርዳይኔ ሃንቆይ ጋካና። 9 ኢታ ኦላዛ አይ አሳ ቦላ ኮይር አይሁዳ አሳ ቦላ ካሊዲ አይዛቤታ ቦላ ዋይይኔ ሚቶይ ጋካና። 10 ገዲኮካ ሎዎ ኦላዛዳሰ ኦናሰካ አይሁዳ አሳሰ ገዲን አይዛቤታሰ ሳባይ፣ ሳርቴላኔ ቦንቻይ ገዲና። 11 ያሲ ኦናካ ሻኪ ማዳና። *

12 ካሴ ዋጋይ ኤቆንታ ዋዳ ናጋራ ኦላዳ አሳይ ዉሪካ ዋጋይ ባይንዳ ዳያና፤ ዋጋይ ኤቁ ሰሚን ናጋራ ኦላዳይቲ ዋጋን ኦይኬቲዲ ፐርዳታና። 13 አይሲ ገኮ

* 2:1 ማቶ 7:1፤ ሉቃ 6:37 * 2:6 ማዛ 62:12፤ ሉም 24:12 * 3:4 ማዛ 51:4

ያሳ አቻን ፃሎ ጌቴቴዛይቲ ኤቁዳ ዋጋሰ አዛዜቲዛይታቴ አቲን ዋጋ ሲሲ ሲዩዛይታ ያላ ገዴቴና። 14 ዋጋይ ባይንዳ አይዛቤቲ ዋጋይ ዮቴዛይሳ ጮ ማላ ሃኖቴላፌ ኤሪዲ ኦላሺን ኢስታሰ ዋጋይ ባይንዳ አገኮካ ኢስታሰ ማዴቴላ ዋጋይ ዲዛ ገሽ ኢስቲ ባ ኦላናይሳ ኤሪቴሰ። 15 ኢስታ ዋዝናይ ኢስታሰ ማርካቲዛ ገሺኔ ኢስታ ቆፋይ ኢስታ ሞቲዛ ገሽ ቃሴካ ኢስታ ማዲዛ ገሽ ዋጋይ ዮቴዛይ ኢስታ ዋዝናን ፃፊቴዳይሳ ኤሪቴሰ። 16 ሄሲካ ታ ሚሺራቾ ቃላን ታማርሲዛ ማላ ያሲ አሳ ዋዝናን ቆቴቴዳይሳ ኪርሰቶሳ ባጋራ ፐርዲዛ ጋላሳን ቆንጫሳና።

አይሁዳታኔ ኢስታ ዋጋ

17 ኔ ኔና አይሁዳ አሰ ገኮ ዋጋን አማኔታሳኔ ኔሰ ያሳራ ዲዛ ኢሲፊቴላን ጩቁታሳ። 18 ዋጋ ካሊዛ ገሽ ያሳ ሺኔ ኤራዳ ኩሚላ ገዲዛዝ ሻካ ኤሪዳ ገዲኮ፣ 19 ኔ ቆቁታ ካሌላዛዳ፤ ቆማን ዲዛይታሰ ፖዎ ገዲዳይሳ ኔ አማኔቲዳዳ ገዲኮ 20 ዋጋፔ ኔ ዳሚዳ ኤሪቴላኔ ቱማቴላን ሃንኮ ኤርንታይታ ዘሪዛዳ፣ ጉላ ናይታ ታማርሲዛዳ ገዲኮ 21 ሂሰቲኮ ኔኒ ሃራታ ታማርሶ አጋዳ ኔ ሁዔሰ አዛሰ ታማሪኪ? ኔ ሃራ አሲ ካይሶቶፓ ጋ ሳባካሽ ኔሰ ካይሶታይ? 22 ኔ ሃራ አሳይ ላይማቶንታ ማላ ዮታሽ ኔሰ ላይማታይ? ኔሰ ኤቃ ኢዳሳሺን ያሳ ኬላ ሚሻ ቦንቃይ? 23 ኔሰ ዋጋን ጩቁታሳ ሺን ዋጋ ኔ ባጋራ ኦሶንታ አጋዳ ያሳ ካዉሻይ? 24 ሄሲካ “ኢንቴ ገደን ያሳ ሱንላ አይዛቤታ አቻን ጩቁቴሰ” ጌቴቴ ፃፊቴዳ ማላ ሃኒዳሰ። *

25 ኔ ዋጋ ናጋ ፖሊዛዳ ገዲኮ ቃፃራሰ ጎዓይ ዳሰ። ኔ ዋጋ ኦሶንታዳ ገዲኮ ቃሴ ኔ ቃፃራይ ጮ ሃዳ። 26 ቃፃራቶንታ ዲሽ ዋጋይ ገዛይሳ ፖሊኮ ቃፃራቲዳዳራ ገና ቆዴቴኔ? 27 ኔሰ ፃፊቴዳ ዋጋይኔ ቃፃራይ ኔሰ ዲኮ ዲዛ ዋጋ ኔ ናጎንታዳ ገዲኮ ሃንኮ ቃፃራቶንታ ዲሽ ዋጋሰ አዛዜቲዳይ ኔ ቦላ ፐርዳና።

28 አሳዳይ ጮ ማላ ሱንላሰ አሳ አይፊን ታ አይሁዳ አሰ ገዲና ገኮ ኢዚ አይሁዳ አሲ ገዳና። ቱማፔ ቃፃራቴላ ጮ ካሪራ አሾ አይፊን ቤቲዛ ቃፃራ ገዳና። 29 ገዲኮካ ኢሲ አሲ አይሁዳ አሰ ገዲናሰ ዳንዳዩዛይ ኢዛሰ ጋላ ባጋራ አይሁዳ አሰ ገዲሺና። ቃፃራይካ ቃፃራ ገዲዛይ ፃፊቴዳ ዋጋ ያላላ ገደንታ አያናን ዋዝናፔ ገዲዳ ቃፃራ ገዲኮኮ! ሃሳ ማላ አሲ ጋላታ አሳፔ ገደንታ ያሳፊ ዳሚሰ። *

3

1 ሂሰቲኮ አይሁዳ አሰ ገዳሳሰ አዛ ጎዓይ ዲዜ? ቃፃራይ አይ ጎዒዜ? 2 አዋራካ ገዲን ጎዓይ ዳር። ሃራፔ ኮይር ያሳ ቃላይ ሃዳራ አይሁዳታሰ አሚቴዳሰ። 3 ኢስታፊ ኢሲ አሳዳሰ አማናይ ባይንዳ አገኮ ያሳ አማናቴላ ዲገዜ? 4 ሙሊካ ዲገና! አሲ ዉሪካ ዋርዳንቻ ቅ1 “ኔኒ ኔ ቃላፔ ዳንዳዳይሳን ቱማንቻ፤ ቅ2 ፐርዳንካ ያኒዛዳ ገዳሳ” ሃሳላ ጌቴቴ ፃፊቴዳ ማላ ያሲ ቃሴ ቱማንቻ። *

5 ኔ ማካላ ኦሶይ ያሳ ፃሎቴላ ቆንጩን ቤሲዛይሳ ገዲኮ ሂሰቲን ኑ አይ ጋኔ? ጮ አሳ ዋጋ ማላ ፓላሚታናሰ ያሲ ባ ሃንቆ ኑ ቦላ ኤሃዛይሲ ኑሰ ቤሴና ጋኔዬ? ሃሳካ ታ ገዛይ አሳሶ ቆፋና። 6 ቱማፔ ሃሳሶ

* 2:11 ዛሬ 10:17 * 2:24 አሳ 52:5 * 2:29 ዛሬ 30:6

ሃኔና። ሃሳብ ሃኒዛ ገዲኮ ያሲ አላሜ ቦላ ዋስቲ ፒርዳንዳ?

7 ታ ዋርድቴል ያሳ ቱማቴል ቆንጨሲዛይሳን ኢዛ ቦንቾ ጌዴ ጉጂዛይሳ ገዲኮ ሂስቲን ሃሲ ጋካናሰ ዋስቲ ታ ቦላ ናጋራንቻ ማላ ፒርዳቴዜ? ገዲ ፓላሜታና አሲ ዳና ዳንዳዬስ። 8 ሃሳ ጉሲ “ሎዎይ ያና ማላ ኣኔ ኢታ ኦሎስ” ጌቴሰ ገዲ ኢሲ ኢሲ አሳቲ ኑ ቦላ ዋራሲዛይሳ ማላ። ሃይታ አሳታ ቦላ ጋኒዛ ፒርዳይ ቱሙ ፒርዳ።

አሲ ወሪ ናጋራንቻ

9 ሂስቲን ኑ አይ ገኖ? ኑኒ ኢስታፊ አጂዘኒ? ሙሉካ አጂኮ። አይሁዳታ ገዲኮካ አይዛቤታ ገዲኮካ ወሪካ ናጋራፔ ጋርሳ ባጋራ ዲዛ ገሽ ታ ወርሳካ ካሴታዳ ኢስታሰ ዮታዲስ። 10 “ዲሎይ ኦኒካ ዳና፤ አሳዳይካ ዳና። 11 ዩሺ ቆፒዛዳይ ባዋ፤ ያሴ ኮዩዛይ አሳዳይካ ባዋ።

12 ወሪካ ባሌቲዳኔ ኢሲ ቦላ ጎንጎታይታ ገዲዳ። ሎዎ ኦሊዛይ ኦኒካ ባዋ፤ አሳዳይካ ዳና።

13 ኢስታ ዲናይ ዶያ ዲዛ ዲፎ ማላ፤ ኢስታ ዲናይ ኡባ ዋዴ ባሌላ ሃሳዬስ፤ ኢስታ ሜቴርሻይ ሸሻ ማርዜራ ዳስ። *

14 ኢስታ ዲናን ቃንጌሊኔ ጨዋ ሚሽ ኩሚዳስ። *

15 ኢስታ ቶሆይ ሱል ጉሳናሰ ኤሶቴስ።

16 ኢስታ ኦጌን ጳዮይኔ ላፋቴል ዳስ።

17 ኢስቲ ሳርቴላ ኦኔ ኤራቴና።

18 ኢስታ አይፊሶን ያሳሰ ባቦይ ባዋ” ጌቴቲ ያፊቲዳ ማላ። *

19 ሃሳ ገሽ ዲናይ ወሪካ ጎርዳታና ማላ ዳሬይ ኩሚል ያሳሰ ዛር አማና ማላ ዋጋይ ገዛይ ወሪካ ዋጋፔ ገዶራ ዲዛይታሰ ገዲዳይሳ ኑ ኤርስ። 20 ሃሳ ገሽ ዋጋይ ናጋራይ አዛኮኔ ኤሪሴሰ አቲን ዋጋ ናጎን ኦኒካ ኢዛ አቻን ዲሎ ጌቴታናሰ ዳንዳዬና።

አማኖን ቤቲዛ ዲሎቴል

21 ሃሲ ቃሴ ዋጋ ካሴ ናቤቲ ኢዛሰ ማርካቲዳይሰ ዋጋፔ ካራራ ገዲዳ ያሳ ዲሎቴል ቆንጨዳስ። 22 ሃሲ ያሳ ዲሎቴል ዬሱስ ኪርሰቶሳ አማኖን ዲማቴል ባይንዳ ቤቲዛ ዲሎቴል። *

23 ጋሶይካ አሲ ወሪካ ናጋራ ኦሊዳስ። ያሳ ቦንቻይካ አሳ ናሰ ፓጨዳስ። 24 አሳይ ዬሱስ ኪርሰቶሲ አሳ ና ገሽ ኦሊዳ ኪያቴላፊ ዳንዲዳይሳን ጮ ማላ ዲሎቴል። 25 ኢዛ ሱላን ገዲዳ አማኖን ናጋራፔ ማራታና ያርሾ ሂስቲዲ ያሲ ዬሱሳ ሺሺዳስ። ኢዛ ሃሳ ኦሊዳይ ካሴቲዲ ፖሊቲዳ ናጋራ ቃዮንታ ዳንዳያን አጂዳ ባ ዲሎቴል ቤሳናሳ። 26 ኢዛ ሃሳ ሃ ዋዴዛን ኦሊዳይ ባ ዲሎቴል ሂሲካ ባ ባጋራ ዲሎ ገዲዳ ዬሱስ ኪርሰቶሳን አማኒዛዳ ዲሊሲዛይሳ ቤሳናሳ።

27 ሂስቲን ኑኒ ኢዛን ጨቁቴዛ ሚሺ አዚ ዲዜ? አይኮ ሚሻንካ ጨቁቶኮ። ኑ ጨቁታና ጋሶይ አዜ? ዋጋ ናገዛ ገሺ? ገዳና፤ አማኖና። 28 አይ አሲካ አማኖን አቲን ዋጋ ናጎን አቶንታይሳ ኑ ጌሺ ዮቶስ።

29 ያሲ አይሁዳታ ያሴ ያላላ? አይዛቤታሰካ ያሴ ገዳኔ? ኤ አይዛቤታሰካ ኢዚ ያሳ። 30 ቃዮሬቲዳይሳ አማኖን ቃሴ ቃዮሬቶንታይሳካ ሃ አማኖንካ ዲሊሲዛይካ ኢዚ ኢሲ ያሳ ያላ። * 31 ሂስቲን ሃሲ ሃሳ ገዲኮ አማኖ ጌዶን ዋጋ ጎዳይ ባይንዳ ሚሽ ኦሊና? ሙሉካ ሃሳብ ሃኔና፤ ዋጋ ኑ ሚንላና አቲን።

4

አብራሃሜይ አማኖን ዲሎቴል

1 ሃሳ ገሽ ቃሴ ኑ አብራሃሜይ ሃይሳፊ አይ ጎዳ ዳሚዳ ገኖ? 2 አብራሃሜይ ባ ኦሶን ዲሊዳኮ ኢዚ ጨቁታናዚ ኢዛሰ ዳሰኮ ሺን፤ ኢዚ ያሳ ሲንላን ጨቁታናሰ ዳንዳዬና። 3 ጌሻ ማዋፋይ “አብራሃሜይ ያሴ አማኒዳሲኔ ኢዛ አማኖይ ኢዛሰ ዲሎቴላን ቆዳቲዳስ” ጌስ። *

4 አሳዳይ ኦሶ ኦሊኮ ኢዚ ኤኪዛ ሚሻይ ኢዛሰ ጮ ኪያቴል አሜቴዛዝ ገዶንታ ኢዛዳሰ ኦሶ ዋጋ ገዳስ።

5 ገዶ አቲን ኦሶ ኦሊንታ ናጋራንቻ አሲ ዲሎ ኬሲዛ ያሳን አማኒዛዳሰ ኢዛ አማኖይ ኢዛሰ ዲሎቴላን ታይቤቴስ።

6 ዳወቴይካ ዲሎቴል ኢዛዳሰ ቆዳቲዛይ ሎዎ ኦሶን ገዶንታ አሳ ገሽ።

7 “ኢስታሰ ኢስታ ባላ ኦሶይ አቶ ጌቴቲዳይቲኔ ናጋራፔ ማራቲዳይቲ ኢንጃቲዳይታ!

8 ኢዛ ናጋራ ጎዳይ ሙሉካ ቆዶንታይይ ኢዚ ኢንጃቲዳይሳ!” ገዳስ።

9 ሃ ኢንጃዚ ቃዮሬቲዳይታሰ ያላላዬ? ዋይኮ ቃዮሬቶንታይታሳራ? “ካሴ ኮይር ኑ አዋ አብራሃሜ አማኖይ ኢዛሰ ዲሎቴላን ቆዳቲዳስ” ገዶስ።

10 ሂስቲን ዋኒ ኢዛሰ ሃሳብ ቆዳቲዳ? ኢዚ ቃዮሬቲዳፔ ጉዬ? ዋይኮ ቃዮሬታናፔ ካሴ? ኢዛሰ ዲሎቴላን ቆዳቲዳይ ኢዚ ቃዮሬታናፔ ሲንላና። 11 ኢዚ ካሴ ቃዮሬታናፔ ካሴ ዳሚዳ ዲሎቴላይ ቃዮራሰ ማላታ ገዳና ማላ ዲሎቴላሰ ማታሜ ኤኪዳስ። ሃሳ ገሽ ቃዮሬቶንታ አማኒዛይታሰ ዲሎቴል ቆዳታና ማላ ኡባታሰ ኢዚ አዋ። * 12 ኢዚ ቃዮሬቲዳይታሰካ አዋ፤ ቃዮሬቲዳይታሰ ያላላ ገዶንታ ኑ አዋ አብራሃሜይ ካሴ ቃዮሬታናፔ ሲንላ ኢዛሰ ዲዛ አማኖ ጌዶ ካሊዛይታሰ ኡባሳ።

አማኒዛ አሳሰ አሜቴዳ ኡፋይሰ

13 ኢዚ አላሜ ላቲዛዳ ገዳና ማላ አብራሃሜይኔ ኢዛ ዜራላቲ ኡፋይሳ ቃላ ኤኪዳይ ዋጋ ባጋራ ገዶንታ አማኖን ገዲዳ ዲሎቴላና። * 14 ዋጋ ናገዛይቲ ላቲዛይታ ገዲኮ አማኖሰ ጎዳይ ዳና፤ ሂዶታይካ ጮ ሃዳ ገዳናሺን፤ 15 ዋጋይ ሃንቆ ካሌሌስ። ዋጋይ ባይንዳሶን ዋጋፔ አጂል ዳና።

16 ሃሳ ገሽ ሂዶታይ አማኖን ዩዳስ። ሃሲካ ኢዛ ሂዶታይ ኢዛ ኪያቴላን ገዳና ማላኔ አብራሃሜ ዜራላሰ ኡባሰ አማኒቲዛይሳ ገዳና ማላ ሃኒዳስ። ሃሲካ ዋጋን ኢዛይታ ገዲዳይታሰ ያላላ ገዶንታ አማኖን አብራሃሜ ናይታ ገዲዳይታሰ ኡባታሳ። ኢዚካ ኦሰ ኡባሰካ አዋ። * 17 ሃሲካ “ታ ኔና ዳር ዴሬ አዋ ኦላዲስ” ጌቴቲ ያፊቲዳ ማላ ሃኒዳስ። ኢዚካ ሃይቁዳይታሰ ዳዎ አሚዛዳን

* 3:13 ማዛ 5:9፤ 140:3 * 3:14 ማዛ 10:7 * 3:18 ማዛ 36:1 * 3:22 ጋላ 2:16 * 3:30 ዛሬ 6:4፤ ጋላ 3:20 * 4:3 ሜጴ 15:6፤ ጋላ 3:6 * 4:11 ሜጴ 17:10 * 4:13 ሜጴ 17:4-6፤ 22:17-18፤ ጋላ 3:29 * 4:16 ጋላ 3:7 * 4:17 ሜጴ 17:5

ባይንዳይሳ ቃሴ ዲዛ ማላ ኮሊዛዳን አማኒዳ ያሳ ሲንሳን ኢዚ ኮሰ አዋ። *

18 ካሴ ኢዛሰ “ኔ ዜሬላ ሃሳዎ ሃናና” ጌቲቲዳ ማላ አይኮ ሂደታይካ ባይንዳ ዲሺን አብራሃሜይ ያሴ ሃናና ጌዳይሳ አማኒዳ ዳር ዳሬ አዋ ጌዲዳሰ። *

19 አብራሃሜሰ ዩሌቲን ጭላይላ ጌዲቲን አብራሃሜይ ባ አሳቲላይ ሃይቁላ ማላ ጌዲዳይሳኔ ሳራሰ ዩሎ ዋዴይ አጂ ቢዳይሳ ኤሪሽካ አማኖን ለፒቤና። *

20 ጌዴ ጉጂዳ አማኖን ማኒዳ ያሳሰ ቦንቾ አሚዳሰ አቲን ያሴ ጌዳ ቃላ ሲጂቤና። 21 ያሴ ኢዛሰ አሚዳ ሂደታይ ፖሌታናይሳ ኩሜላ ዋዝናፕ አማኒዳሰ። 22 ሄሳ ገሽ ኢዛሰ ሂሎቲላን ቆዴቲዳሰ። 23 “ኢዛሰ ሂሎቲላን ቆዴቲዳሰ” ጌዛ ቃላይ ሃሬቲዳይ ኢዛሰ ሃላላ ጌዳና።

24 ጌዳ አቲን ያሴ ኮ ሂሎቲላ ኢዛ ባጋራ ታዩቢዛ ኮ ጎዳ ዩሱሳ ሃይቆፕ ዴንሳዳይሳን አማኒዛ ኮሳራ። 25 ኢዚ ኮ ናጋራ ገሽ ሃይቃናሰ አጂ አሜቲዳሰ። ኢዚ ኮና ሂላሳናሰ ሃይቆፕ ዴንዲዳሰ። *

5

ሳርቲላኔ ኡፋይሰ

1 ሂሰቲኮ ኮኒ አማኖን ሂሊዳ ገሽ ኮ ጎዳ ዩሱሰ ከርሰቶሳ ባጋራ ኮሰ ያሳራ ሳርቲላ ዳሰ። 2 ሃይሳ ሃ አማኖዛን ማኒ ዲዛ ኪያቲላን ኮኒ ጌሊዳይ ኢዛ ባጋራ ጌዲዳ ገሽ ኡፋይሳን ያሳ ቦንቾ ገሽቲ ኤኪዛይታ ጌዲዳ ገሽ ኮ ኡፋዮሰ።

3 ሃይሳን ሃላላ ጌዳንታ ኮና ጋኪዛ ዋዬንካ ኡፋይቶሰ። ጋሶይካ ዋዬይ ዳንዳያን ጋሊዛይሳ ኮ ኤርሰ። 4 ዳንዳያይ ፓጩን ሚኖቲላ አሚሰ፤ ፓጩን ሚኖቲላ ሂደታ አሚሰ። 5 ሄ ሂደታይ ቃሴ ኮና ዩላቲና። ያሴ ኮሰ አሚዳ ሂሎ አያናን ባ ሲቆ ኮ ዋዝናን ጉሲዳ ገሽ ሄ ሂደታይ ኮና ዩላን ጋሌና።

6 ኮ ዳቡራንቻታ ጌዲ ዲሺን ያሳ ዋዴይ ጋኪዳ ማላ ከርሰቶሴ ኮ ናጋራ ገሽ ሃይቁዳሰ። 7 ሂሎ አሳ ገሽ ሃይቃና ኣሲ ቤታናይሲ ዳር ሜቲሰ። ሎዎ አሳ ገሽ ሃይቃናሰ ሃላና ኣሲ ኦኔ ኤሪዛይ ቤታና ዳንዳይሰ። 8 ጌዳ አቲን ኮ ቡር ናጋራንቻ ጌዲ ዲሺን ከርሰቶሴ ኮ ገሽ ሃይቁዳሰ። ሄሲካ ያሴ ኮና ሲቁዛ ባ ሲቆ ሄሳን ቤሴሰ።

9 ኮኒ ኢዛ ሱላን ጌዩዳይታ ጌዲኮ ሃራፕካ ኢዛ ባጋራ ያሳ ሃንቆሬ አታና። 10 ኮ ያሳሰ ሞርኬታ ጌዲ ዲሺን ኢዛ ናዛ ሃይቆን ኢዛራ ገረዳይታ ጌዲኮ ኮ ኢዛራ ገረዳፕ ጉዬ ኢዛ ናዛ ዴዎ ባጋራ ኮኒ ፓዲዳይሲ ዋኒ ኬሂ ዳሬኔ! 11 ሄሳ ሃላላ ጌዳና፤ ቃሴካ ኮኒ ሃዒ ኢዛራ ገጋ ዳሚዳ ኮ ጎዳ ዩሱሰ ከርሰቶሳ ባጋራ ያሳንካ ኡፋይሰ አላሰ።

ሃይቆይ አዳሚ ባጋራ፣ ዳይ ከርሰቶሳ ባጋራ ዩዳሰ

12 ሄሳ ገሽ ናጋራይ አሳዴ ጋሶን ዲጌ ሃ አሳሚዛ ዩዳ ማላ ሃይቆይካ ናጋራ ጋሶን ዩዳሰ። ሃይቆይካ ሄሳ ባጋራ አሳ ኡባኮ ዩዳሰ። ሄሳሰ ጋሶይ ኣሲ ወሪካ ኢዛ ባጋራ ናጋራ ኡሊዳ ገሻሳ። * 13 ዋጋይ አሚታናፕ ካሴ ናጋራይ ቢታ ቦላ ዳሰ ሽን ዋጋይ ባይንዳሶን ናጋራይ ናጋራ ጌዳና። 14 ጌዳ አቲን አዳሚፕ ሃ ሲሚን ሙሴ ዋዴ ጋካናሰ ዲዛ ዋዴን አዳሚ ማላ ዋጋ ሜንሊዲ

ናጋራ አላንታይታ ቦላካ ሃይቆይ ካዋቲዳሰ። አዳሚይ ቡር ያና ከርሰቶሳሰ ለሚሶ።

15 ጌዲኮካ ኢዛ ኪያቲላ አሞታይ አሳ ቆሆ ማላ ጌዳና። አሳዴይ ሞሪዳይሳን ዳር አሳይ ሃይቁኮካ ያሳ ኪያቲላኒ ኢሲ ኣሲ ዩሱሰ ከርሰቶሳ ኪያቲላን ዩዳ አሞታይ ዳርታሰ ኬሂ ዳሪ አሚቲዳሰ። 16-17 ቃሴካ ያሳ አሞታይ አሳዴ ባጋራ ዩዳ ናጋራፕ ቤቲዳ አይሬ ማላ ጌዳና። ጋሶይካ ኢዛ ፐርዳይ አሳዴ ናጋራ ካሊዲ ፐርዳ ኤኪ ዩዳሰ። ኢዛ አሞታይ ቃሴ ዳር ቆሆ ጋሶን ሂሎቲላ ኤሂዳሰ። ሃይቆይ አሳዴ ባጋራ ካዋቲዳይሳ ጌዲኮ ዳር ቲርፓ ጌዲዳ ያሳ ኪያቲላኒ ሂሎቲላ አሞታ ኤኪዳይቲ አሳዴ ባጋራ ሄሲካ ዩሱሰ ከርሰቶሳ ባጋራ ያንዲ ዴዎን ዳና።

18 ሂሰቲኮ አሳዴ ቆሆ ጌዳን ፐርዳይ አሳ ኡባ ቦላ ጋኪዳ ማላ ሄሳላካ አሳዴ ሂሎቲላ ኦሶን አሰ ኡባሰ ዴዎ አሚዛ ሂሎቲላ ቤቲዳሰ። 19 አሳዴይ አዛዜቶንታ ኢዳዳ ገሽ ዳር አሳይ ናጋራንቻ ጌዲዳ ማላ አሳዴ አዛዜቲላን ቃሴ ዳርቲ ሂላና።

20 ዋጋይ ዩን ሞሮይ ዳሪዳሰ። ጌዳ አቲን ናጋራይ ዳርይሳሬ ቦላራ ያሳ ኪያቲላ ኬሂ ዳሪዳሰ። 21 ሄሲካ ሃኒዳይ ናጋራይ ሃይቆ ቦላ ካዋቲዳይሳ ማላ ዩሱሰ ከርሰቶሳ ባጋራ ቃሴ ሜርና ዴይ ቤታና ማላ ኢዛ ኪያቲላ ሂሎቲላን ካዋታናሳ።

6

ናጋራፕ ሻኬቲዲ ከርሰቶሳን ዲሰ

1 ሂሰቲን ኮ አይ ጌኖ? ያሳ ኪያቲላ ዳራና ማላ ናጋራ ጉጂ ኦሊኖ? 2 ሙሊካ ጌዳና። ኮኒ ናጋራሰ ሃይቁዳሰ። ሂሰቲን ሃይሳሬ ጉዬ ኮ ዋኒ ናጋራን ዳኔ? 3 ኮኒ ዩሱሰ ከርሰቶሳራ ኢሲኖ ጌዳና ማላ ማዋቂቲዳይቲ ኢዛ ሃይቆን ኮ ኢሲሬ ጌዳናሰ ማዋቂቲዳይሳ ሃይሳ አንቲ ኤሪኬቲ? 4 ሄሳ ገሽ ከርሰቶሴ ባ አዋ ቦንቾን ሃይቆፕ ዴንዲዳ ማላ ኮኒካ ሃሳላ ኦራሳ ዴዎን ዳናሰ ሂንቃቲን ሃይቁዲ ኢዛራ ሞጌቲዳሰ። *

5 ኮኒ ሄሳ ማላ ሃይቆን ኢዛራ ኢሲኖ ጌዲኮ ቃሴ ዳንላንካ ኢዛራ ኢሲኖ ጌዳሰ። 6 ሃይሳሬ ጉዬ ኮ ናጋራሰ አይሌ ጌዳንታ ማላ ናጋራ አሳቲላይ ኪቻና ማላ ካሴ ኮ ጩጋ አሳቲላይ ኢዛራ ኢሲሬ ካቂቲዳይሳ ኮ ኤርሰ። 7 ጋሶይካ ሃይቁዳ ኣሲ ናጋራፕ ሹምፕዳሰ።

8 ኮኒ ከርሰቶሳራ ሃይቁዳይታ ጌዲኮ ኮ ኢዛራ ኢሲሬ ዳናይሳ አማኖሰ። 9 ከርሰቶሴ ሃይቆፕ ዴንዲዳ ገሽ ናምባንላ ኢዚ ሃይቆንታይሳኔ ኢዛ ቦላ ሃይቆሰ ዋልቃይ ባይንዳይሳ ኮ ኤርሰ። 10 ኢዚ ሃይቁዳ ዋዴ ኢሲቶ ወርሲ ናጋራ ገሽ ሃይቁዳሰ። ጌዳ አቲን ያሳሰ ፓዎ ዲሰ ዳሰ። 11 ሃሳላካ አንቲ ናጋራሰ ሃይቁዲ ያሳሰ ዩሱሰ ከርሰቶሳ ባጋራ ፓዎ ዲዛይሳ ኤሪቲ።

12 ሄሳ ገሽ ኢታ ኦላና ኮዩዛ ኢታ አሾ ቆፋ ኮይዲ ሃይቁዳ አንቲ አሳቲላ ቦላ ናጋራይ ካዋታና ማላ ኦላፍቲ። 13 አንቲ አሳቲላ ኢታ ኦሶ ኦሊዛ ሚሽ ኦሊ ናጋራሰ ሃሪሶፍቲ። ሄሳ ማላ ኦላናፕ ሃይቆፕ ጌዴ ዴዎን ፒኒዳ አሳታ ማላ አንቲና ያሳሰ ሃሪሶቲ። አንቲ አሳቲላ ሂሎቲላ ሚሻ ማላ ያሳሰ ሃሪሶቲ። 14 አንቲ ያሳ ኪያቲላ ጋርሳን ዴታ አቲን ዋጋ ጋርሳን ደንታ ገሽ አንቲና ናጋራይ ሃሪና።

ሂሎቲላ ኦሳንቻታ

* 4:18 ሜዴ 15:5 * 4:19 ሜዴ 17:17 * 4:25 ኢሳ 53:4-5 * 5:12 ሜዴ 3:6 * 6:4 ቆላ 2:12

15 ሂሰቲን አይ ኦሊኖ? ዋጋ ጋርሳን ገደንታ ኑኒ ያሳ ኪያቲላ ጋርሳን ዲዛ ገሽ ናጋራ ኦሊኖ? ሙሉ ኦላናስ ቤሴና። 16 እንቲ እንቲና አይሌ ማላ ሺሺዛ ዋዴ እንቲ አዛዘቲዛዴስ አይሌ ገዲዳይሳ ኤሪታ። ሄሳቱካ ጌዴ ሃይቆኮ ኤፊዛ ናጋራስ ዋይኮ ያሎቲላኮ ጋሊዛ አዛዘቲላስ እንቲ አይሌ ገዲዳይሳ ኤሪኬቲ? 17 እንቲ ካሴ ናጋራስ አይሌታ ገዲኮ እንቲስ አሜቲዳ ቲሚርቲዛስ እንቲ ዋዘናፕ አዛዘቲዳ ገሽ ያሲ ጋላቲቶ። 18 እንቲ ናጋራፕ ዋዘቲዳ ያሎቲላኮ አይሌ ገዲዳይሳ። 19 ሃይሳ ታ አሳ ቃላን እንቲስ ቆንጩን ዮቲዛይ እንቲ ዩሌቲላን ዳቡራንቻ ገዲዳ ገሻሳ። እንቲ ካሴ ዋዴ እንቲ አሳቲላ አይሌቲላሲኔ ካሴፕ አዲ ኢታና ማላ ኦሊ አሜታ ሺን ሃሲ ቃሴ ጌዴ ገሻቲላኮ ኤፊዛ ያሎቲላኮ አይሌ ሂሰቲ ሃሪሰቲ። 20 እንቲ ካሴ ናጋራስ አይሌቲዳ ዲዛ ዋዴ እንቲ ያሎቲላፊ ማላ አቲዳታ ሺን፤ 21 ሃሲ ቃሴ እንቲ ዩላቲዛ ሚሻታፕ ሄ ዋዴ አይ ጎሳ ዴሚዳቲ? ሄሳ ሄ ሃናዛ ጎሳይ ሃይቆ። 22 ሃሲ ቃሴ እንቲ ናጋራፕ ዋዘቲዳ ያሳ አይሌታ ገዲዳይሳ። ሄሲካ እንቲና ጌዴ ገሻቲላኮ ካሌሌስ። ወርሴላይካ ማርና ዴዎ። 23 ናጋራ ዋጋይ ሃይቆ፤ ገደ አቲን ያሳ አሞታይ ገዲኮ ጎዳ ዩሱስ ኪርሰቶሳ ሳጋራ ማርና ዴዎ።

7

ኤኮኔ ጌሎ ለሚሶ

1 ታ አሻቶ! ታኒ ዋጋ ኤሪዛ አሳታስ ዮታይስ። ዋጋይ ሸምፖራ ፓዳ ዲዛ አሳ ያላላ ሃሪዛይሳ እንቲ ኤሪኬቲ? 2 እሲ ማጫሲ አዘና ጌሊኮ ባ አዘናራ ኢዛ ዋጋን ቃሽቲዛይ አዘናይ ፓዳ ዲዛ ዋዴ ጋካናሳ። አዘናይ ሃይቁኮ ኢዛ ማቾ ገዲዛ ዋጋፕ እንጃታወስ። 3 ገደ አቲን አዘናይ ፓዳ ዲሺን ኢዛ ሃራ አዘና ጌሊኮ ላይማ ጌቲታወስ። አዘናይ ሃይቁኮ ቃሴ ሃራ እሲ ጌሊኮ ካሴ አዘና ዋጋፕ እንጃታዲስ አቲን “ላይማ” ጌቲቲኩ። 4 ሃሳ ገሽ ታ አሻቶ! እንቲካ ዩሱስ ኪርሰቶሳ አሳቲላ ሳጋራ ዋጋስ ሃይቁዳታ። እንቲ ሃይቆፕ ዴንዲዳ ኪርሰቶሳ ሳጋ ገዲን ኑኒ ያሳስ አይፊ አይፋናሳ። 5 ናጋራንቻ ሜዴቲላ ሸኔን ኑ ዲዛ ዋዴ ሃይቆስ ጋሊዛ አይፊ ኑ አይፋና ማላ ዋጋይ ዴንጌሊዳ ናጋራ አሞይ ኑ ቦላ ኦሊዴስ። 6 ሃሲ ገዲኮ ካሴ ኑና ዋዴ ቃቲዳ ዋጋስ ሃይቁዳ ገሽ ሄ ዋጋፕ ዋዘቲዳስ። ሄሲካ ካሴ ጩጋ ዋጋን ያፊቲዳይሳን ገደንታ ዲሺ ኦራሳ አያና ኦጌን ኑኒ ኦላናሳ።

ናጋራራ ባዳቲላ

7 ሂሰቲን ኑ አይ ገና? ባ ሁዴስ ዋጋይ ናጋራ? ሙሉካ ገዴና። ዋጋ ሳጋራ ገደንታኮ ናጋራይ አዛኮኔ ኑ ኤርኮኮ ሺን፤ ዋጋይ “አሞቶፋ!” ጎንታኮ አሞይ አዛኮኔ ቱማፕ ታ ኤሪኬ። * 8 ናጋራይ ቃሴ ዋጋፕ ኬዚዳ አዛዘይ ቤሲዳ ኦጌን ጎዴቲዳ ታ ገደን ዴማ ዴማ ኢታ አሞ ዴንጌሊዳስ። ዋጋይ ያናፕ ካሴ ናጋራይ ሃይቁዳዛ። 9 ዋጋይ ባይንዳ ካሴ ታኒ ፓዳ ዳይሲሺን ዋጋይ ዩን ቃሴ ናጋራይ ፓዳ ገዲዳይሳ። ታ ገዲኮ ሃይቃዲስ። 10 አስ አሻና ቆፊቲዳ አዛዘይካ ሃይቆ ኤኪ ዩዳይሳ

ኤራዲስ። 11 ናጋራይ ዋጋ ሳጋራ ቤቲዳ ጋሶን ጎዴቲዳ ታና ባሌሊዴሲኔ አዛዘን ዋዴዴስ። * 12 ሃሳ ገሽ ዋጋይ ባ ሳጋራ ጌሻ። አዛዘይካ ጌሻ፤ ያሎኔ ሎዎ። 13 ገደ አቲን ሎዎስ ሃኒዳይሲ ታስ ሃይቆስ ገዲዳይሳ? ሙሉካ ገዴና። ገደ አቲን ናጋራይ ባ ናጋራቲላን ኤሪታና ማላ ሎዎ ገዲዳይ ሃና ሳጋራ ታ ቦላ ሃይቆ ኤሃዴስ። ሄሲካ ናጋራይ አዛዘ ሳጋራ ካሴፕ አሊ ናጋራ ዳርሲዴስ። 14 ዋጋይ አያና ዮዎ ገዲዳይሳ ኑ ኤርሰ። ታ ቃሴ ናጋራስ አይሌ ማላ ባይዘቲዳ አሳ። 15 ታኒ ታ ኦሊዛይሳ ኤሪኬ። ታ ኦላና ኮዩዛይሳ ኦላ ኤሪኬ ሺን ታ ኢዲዛ ሚሽ አላይስ። * 16 ታ ኦላና ኮዮንታ ሚሽ ኦሊዛ ገዲኮ ዋጋይ ሎዎ ገዲዳይሳ ታ ማርካታይስ። 17 ሃሳ ኦሊዛይ ታና ገደንታ ታ ጋሳን ዲዛ ናጋራይ ኦሊስ። 18 ታናን ሄሲካ ናጋራንቻ ገዲዳይ ታ ሜዴቲላ ገደን አይኮ ሎዎ ሚሽ ባይንዳይሳ ታ ኤራይስ። ሎዎ ኦላናስ ታስ አሞቲላ ዴስ ሺን ፖላ ኦላ ኤሪኬ። 19 ታ ኦሊዛይ ኦላና ጋዳ ኮዩዛ ሎዎ ኦላ ገዴና። ገደ አቲን ታ ኦላና ኮዮንታ ኢታ ኦላ አላይስ። 20 ታኒ ኦላናስ ኮዮንታይሳ ኦሊዛ ገዲኮ ሃሳ ኦሊዛይ ታና ገደንታ ታ ገደን ዲዛ ናጋራ። 21 ሃሳ ገሽ ሃይሲ ዋጋይ ኦላን ዲዛይሲ ታስ ጌሊዴስ። ሄሲካ ታኒ ሎዎ ኦላና ኮዮይሲሺን ኢታ ኦላይስ። 22 ታኒ ታ ጋላራ ያሳ ዋጋን ኡፋይታይስ። 23 ገደ አቲን ታ አሳቲላ ገደን ኦሊዛ ናጋራ ዋጋይ ታና ቃቲ ኦይኪዳ ታ ቆፋ ዋጋራ ኦሊቲዛ ሃራ ዋጋይ ታ አሳቲላ ገደን ኦሊሺን ቤያይስ። 24 ታ አይ ማላ ላፋ አሴ! ሃይሳ ሃይቆስ አሜቲዳ አሳቲላፊ ታና አሻናይ ኦኔ? 25 ኑ ጎዳ ዩሱስ ኪርሰቶሳ ሳጋራ ጋላታይ ያሳስ ገደ። ሂሰቲኮ ታኒ ታ ሳጋራ ታ ቆፋን ያሳ ዋጋስ አይሌ ገዲሺ ታኒ ታ ሜዴቲላ ዋጋን ናጋራ ዋጋስ አይሌ።

8

ዲሎ አያናን ዴሳ ገሺኔ አሻን ዴሳ ገሽ

1 ሃሳ ገሽ ዩሱስ ኪርሰቶሳ አማኒዛይታ ቦላ ፐርዳይ ዴና። 2 ጋሶይካ ዴዎ አያና ዋጋይ ዩሱስ ኪርሰቶሳ ሳጋራ ናጋራፕ ኢሰታ ጌሺዳ ገሻሳ። 3 ናጋራንቻ አሻፕ ዴንዲዳይሳን ዋጋይ ፖላናስ ዴንዳዮንታይሳ ያሲ ባ ናዛ ናጋራንቻ አሳ ለሚሶን ናጋራስ ያርሺታና ማላ ዩዲዲ ፖሊዴስ። ሂሰቲዳ ናጋራ ኢዛ አሻን ፐርዲዴስ። 4 ሄሲካ ኑኒ አሻን ገደንታ አያናን ሲሜሬቲዛ ኑፕ ዋጋይ ኮዩዛ ያሎቲላ ፖላናሳ። 5 አሻ ሸኔ ማላ ዴና ኮዩዛ አሳታ ዋዘናይ አሻይ ኮዩዛ ሚሻን ሸምፕስ። አያና ሸኔ ማላ ዲዛይቲ ቃሴ ባ ዋዘና አያናይ ኮዩዛ ሚሻ ቦላ ዋቆፕስ። 6 አሻስ ያላላ ቆፋይ ሃይቆ ገዲሺን አያና ዮዎስ ቆፋይ ገዲኮ ዴዎኔ ሳርቲላ። 7 ናጋራስ ሃሪቲዛ ዋዘናይ ያሳራ ኦሻ። ጋሶይካ ኢዚ ያሳ ዋጋስ ሃሪቲናኔ ሃሪታናስ ዴንዳዬና። 8 አሻ ሸኔ ማላ ዲዛ አሳቲካ ያሴ ኡፋይሳስ ዴንዳዬቲና። 9 እንቲ ቃሴ ያሳ አያናይ እንቲናን ዲዛ ገዲኮ አሻን ገደንታ አያናን ዴታ። ኪርሰቶሳ አያናይ ኢዛ ቦላ ባይንዳይ ኪርሰቶሳስ ገዴና። 10 ኪርሰቶሲ እንቲ ገደን ዲኮ ቃሴ እንቲ አሳቲላይ ናጋራ ገደን ሃይቁላ ገዲኮካ እንቲ አያናይ ቃሴ ያሎቲላ ጋሶን ዴዎን ዴስ።

* 7:7 ኬሳ 20:17፤ ዛሬ 5:21 * 7:11 ሜዴ 3:13 * 7:15 ጋላ 5:17

11 ዩሱፍ ሃይቆፔ ዳንጢ ዲዛ እያናይ አንቴ ቦላ ዲዛ ገዲኮ ከርሰቶሳ ሃይቆፔ ዳንጢ ዲዛ አንቴ ገዲን ዲዛ ዲዛ እያናይ ሃይቆፎሰ ዲዛ አንቴ አሳቴላሰ ዳዖ አማና። *

12 ሃሳ ገሽ ታ አሻቶ! ሄሲካ ሃናናይ ደሳን ገዴና ሺን ኑ አሾ ሼኔ ማላ ዳናሰ አሾሰ ገደኮ። 13 አሾ ሼኔ ማላ ዲዛ ገዲኮ አንቴ ሃይቆፎና፤ አሾ ኦሶ አታዛ አንቴ እያናን ዋዲኮ አንቴ ዳዖን ዳና። 14 ያሳ እያናን ካለዛይቲ አሰቲ ያሳ ናይታ። 15 አንቴ ኤኪዳ እያናይ ዛሪዲ አንቴና አይሌቴላን ሃሪዛ እያና ገደንታ “ኑ አዋው” ገ ያይገሲዛ ናቴላ እያና ኤኪዳታ። * 16 ኑኒ ያሳ ናይታ ገዲዲይሳ፤ ሄ እያናይ ባ ባጋራ ኑ እያናራ ኢሲፌ ኑሰ ማርካቴሰ። 17 ኑኒ ያሳ ናይታ ገዲኮ ዲዛ ላቲዛይታ። ኑ ከርሰቶሳ ቦንቸዛ ላቲዛይታ ገዴና ማላ አዳፊካ ኢዛራ ኢዛ ማቶዛ ገሼቲዛይታ ገዲኮ ኑ ያሴ ላቲዛይታ፤ ከርሰቶሳራካ ኢሲፌ ላቲዛይታ።

ቡር ያና ቦንቸ

18 ሃሳ ኑ ኤኪዛ ዋይይ ቡር ኑሰ ሲንላን ገረ ኡቲዳ ቦንቸዛራ ጋሊ ያሊሺን አይኮካ ገዴና ገይሰ። 19 ማዴቴላይ ወሪካ ያሳ ናይቲ ቆንጫናይሳ ላሞቴላን ናንን ዳሰ። 20 ማዴቴላ ወሪካ ማላ ሃዳ ገዴና ማላ ፐርዴቲዳሰ። ሄሲካ ባ ደርን ገደንታ ሲንላፊሰ ሃሪታና ማላ ኢዚ ባ ሼኔ ማላ ሃሪሲዳ ገሻሳ። * 21 ሄሲካ ማዴቴላ ወሪካ ዳይሳ አይሌቴላፊ ዋዜቲዲ ያሳ ናይታሰ ገዲዳ ገዴ ቦንቸቲዳ ሼኔ ማላ ዲዛሶ ጋካናሳ። 22 ሃሳ ጋካናሰ ማዴቴላ ወሪካ ዳር ዋዩን ማፃቴሼ ዲዛይሳ ኑ ኤርሰ። 23 ኢዛ ያላላ ገደንታ ኮይሮ ያሎ እያና አሞታ ዳሚዳ ኑኒካ ኑ አሳቴላይ አታና፤ ኑ ኢዛ ና ገዴናይሳካ ላሞቴሼኔ ዋዜናራ ማፃቴሼ ዳሰ። * 24 ሃይሳ ሃ ሂደታን ያላላ አቲዳሰ። ሂደታይ ቃሴ አይፊን ቤቲዛ ማሽ ገዲኮ ቡርፔ ናገዛ ማሽ ገዴና፤ ሃሳ ባ አይፊን ቤዩዛ ማሽ ቡርፔሰ ናገዛይ ኦኔ? 25 ገደ አቲን ኑኒ ቡር ኑ አይፊን ቤዮንታ ማሽ ሂደታን ናገዛዛ ገዲኮ ሳሌታይ ባይንዳ ናንሰ።

26 ሃሳላካ ቃሴ ኑ ዳቡሪሺን እያናይ ኑና ማዴሰ። ኑኒ ዋሳ ዋሰቲ ዋሳናኮኔ ኤርንታ ገሽ እያናይ ኑኒ ቃላን ቆንጫሳናሰ ዳንዳዩቶንታ ቃላራ ኑሰ ዋሴሰ። 27 ኑ ዋዜና ፓጩ ኤሪዛ እያናይ ኢዚ እያና ቆፋ ኤሪሰ። ጋሶይካ እያናይ ያሳ ሼኔ ማላ አማኒዛ አሳሰ ኑሰ ዋሴሰ።

28 ያሴ ባና ደሲዛይታሲኔ ኢዛ ሼኔ ማላ ያይገቲዳይታሰ ኡባሰ ኦሊዛ ማሽ ወርሲካ ሎዖሰ ኦሊዛይሳ ኑ ኤርሰ። 29 ያሴ ካሴፔ ባ ኤሪዛይታ አሰቲ ኢዛ ናዛ ማሳታና ማላ ካሴካ ደሪ ዋሊዳሰ። ሄሲካ ዳር ባ አሻታ ገደፊ ኢዚ ባይራ ገዴናሳ። 30 ካሴ ኮይሮፔ ባ ደሪዳይታ አሰታ ያይገዴሰ። ቃሴካ ያይገዴይታ ያሊሲዳሰ። ባ ያሊሲዳይታካ ቦንቸዳሰ።

ያሳ ሲቆ

31 ሂሰቲን ሃሳ ኑ አይ ገኖ? ያሴ ኑናራ ገዲኮ ኑናራ ኤቁታናሰ ዳንዳዩዛይ ኦኔ? 32 ባ ናዛሰ ማሽቶንታ ኑ ገሽ አሊ አሚዳይ ኢዛ። ሂሰቲን ኡባ ማሽ ኑሰ ኢዛራ ኪያቴላን ወርሲ አዛሰ አሚኔ? 33 ያሴ ደሪዳይታ ሞቴዛይ ኦኔ? ያሊሲዛይ ያሳ። 34 ሂሰቲን ፐርዲዛይ

ኦኔ? ሃይቆዲ ሃይቆፔ ዳንዲዲ ያሳ ኡሻቻን ኡቲዳ ዩሱሰ ከርሰቶሲ ኑ ገሽ ጋናቴሰ።

35 ኑና ከርሰቶሳ ሲቆፔ ሻካናይ ኦኔ? ማቶዩ? ዋይ? ዋይኮ ጎዴቴላ? ዋይኮ ጋፋ? ዋይኮ ካሎቴላ? ዋይኮ ቆፖንታ ጋኪዛ ማቶዩ? ማሻ? 36 ሄሲካ ካሴ “ኔ ገሽ ኑ ሹኩቲዛ ደርሳ ማላ ቆዴቲዳሰ። ጋላሰ ኩሜላ ኔ ገሽ ኑኒ ሃይቆራ ባይታና” ጌቲቲ ያፊቲዳይሳ ማላ። 37 ኑና አዚካ ኢዛፔ ሻኪና። ሃይሳ ኡባን ኑና ሲቆዳይሳን ያኒዛይታፔካ ኑ አዶሰ።

38 ሃሳ ገሽ ሃይቆ ገዲን፤ ዳዖ ገዲን፤ ከታንቻታ ገዲን፤ ዋይኮ ሃሳ ዲዛ ማሽ ገዲን፤ ቡር ያና ማሽ ገዲን፤ ዋይኮ አይ ዋልቃማ ገዲን፤ 39 ቆቃ ገዲን ዋይኮ ዚቃ ገዲን፤ ዋይኮ አይ ማዴቴላ ገዲን ጎዳ ዩሱሰ ከርሰቶሳ ባጋራ ኑሰ ዲዛ ያሳ ሲቆፔ ኑና ሻካና ዳንዳዩዛ ማሽ ባይንዳይሳ ታ ሻካ ኤራዲሰ።

9

ያሳ ደር

1 ታ ዩሱፍ ሱንላን ቱሙ ገይሰ፤ ዋርደቲኬ፤ ታ ዋዜናይካ ያሎ እያና ባጋራ ታሰ ማርካቴሰ። 2 ታሰ ዋዜናፔ ከቸንታ ገታ ቆፋይኔ ማሻይ ዳሰ። 3 ታ ዳቦታ ገሽ ታ ቃንጌታዳኔ ከርሰቶሳፔ ሻኪታዳ ዋራ ዋዲዳኮ ደሳይሰ። 4 አሰቲካ አሰራዴሌ ናይታ፤ አሰቲ ያሳ ና ገዴና ማላ ያሳ ቦንቸይኔ ጫቆ ቃላይ፤ ዋጋይኔ ያሳ ኬላ ዋጋ ሂደታይ አሰታሰ አሜቲዳሰ። * 5 ካሴ አዋቲካ አሰታ ባጋ ከርሰቶሲ አሰታ ዜሬላ ዛርኬን ቆዴቴሰ። ኢዚካ ኡባፊ ቦላ ገዲዳ ሜርናሰ ጋላቴቲዳ ያሳ። አሚን።

6 ገደ አቲን ሃሳ ጉሲ ያሳ ቃላይ አቲዳሰ ጉሲ ገዴና። አሰራዴሌፔ ዩሌቲዳይ ወሪ አሰራዴሌ አሰ ገዴና። 7 አብራሃሜፔ ዩሌቲዳይቲ ኢዛፔ ዩሌቲዳ ገሽ ወሪካ ኢዛ ናይታ ገዴቴናሺን “ኔ ዜሬላ ዩሳቃ ባጋራ ያይጌታና” ጌቲቲዳ ማላ ሃኒዳሰ። * 8 ሃሳ ጉሲካ ያሳ ና ጌቲቲዳይቲ አሰቲ አሾን ዩሊዳይታ ገዴቴና፤ ገደ አቲን ና ገዴናይቲ ሂደታ ቃላን ዮቴቲ ኡቲዳይታ። 9 “ዩዛ ላይላ ሃኒ ዋዩ ታ ሃ ሲማና፤ ሳራይካ ኔሰ አቲማ ና ዩላና” ጌቲቲዳ ኢዛሰ ሂደታ ቃላይ አሜቲዳሰ። *

10 ሃሳ ያላላካ ገዴና። አርቢቃ ናይቲ አሳዴ ናኮ! ኢዚካ ኑ አዋ ዩሳቃ። 11 ማንጌቲ ዩሌቲዳ ቡር ኢታ ዋይኮ ሎዖ አላንታ ዲሺን ያሳ ቆፋይ ማናና ማላ። 12 ኦሶን ገደንታ ያይገዳይሳፊ ገዲዳ ገሽ “ባይራይ ካሎዛሰ ሃሪታና” ጌቲቲዳ አርቢቃሰ ዮቴቲዳሰ። * 13 ሄሲካ “ታ ያቆቤ ደሳዲሰ፤ ኤሳዋ ኢዳዲሰ” ጌቲቲ ካሴ ያፊቲዳ ማላ ሃኒዳሰ። * 14 ሂሰቲን ኑ ሃሳ አይ ገኖ? ያሴ ቤሶንታ ኦጌራ ማዲ ኤሪዜ? ሙሊካ ማዲ ኤሪና። 15 ያሴ ሙሴሰ “ታ ማራና ኮዩዳዴ ማራና፤ ታ ማሽታና ኮዩዛዳሰካ ማሽታና” ጌሰ። * 16 ሃሳ ገሽ አሲ ኮይዳ ማላ ገደንታ ዋይኮ አሳ ዳቡራን ገደንታ ያሴ ማሪዳ ማላ ሃኔሰ።

17 ጌሻ ማፃፋይ ፋርኔ “ታ ዋልቃይ ኔ ቦላ ቤታና ማላኔ ታ ሱንላ ቢታ ኡባ ቦላ ዮቴታና ማላ ታ ኑና ሃይሳሰ ዳንላዲሰ” ጌሰ። * 18 ሃሳ ገሽ ያሴ ማራና

* 8:11 1ቆር 3:16 * 8:15 ማር 14:36፤ ጋላ 4:6 * 8:20 ሜዴ 3:17-19 * 8:23 2ቆር 5:2-4 * 9:4 ኬሳ 4:22 * 9:7 ሜዴ 21:12 * 9:9 ሜዴ 18:10 * 9:12 ሜዴ 25:23 * 9:13 ሚላ 1:2-3 * 9:15 ኬሳ 33:19 * 9:17 ኬሳ 9:16

ኮዩዛዴ ማሪሰ። ኢዛ ዋዝና ሙሚሳና ኮዩዛዴ ዋዝና ሙሚሰሰ። 19 እንገደፊ ኢሳዴይ “ሂሰቲን ሃናይ ሂሳ ማላ ጊዲኮ ኑና ሃና ጋዝናሰ እዛሰ ዋይሲዜ? ጋሶይካ ኢዛ ሹኔ ዲጋና ዲንዳዩዛይ ኦኔ?” ጋዳ ኔ ኦይቸንታ ኢጋካ።

20 ጊዶ ኣቲን ያሳሰ ዛር ዛራ እሚዛይ ኔ ኦኔ? “ኦሴቲዳ ሚሽ ዛሪዲ ኦሲዳይሳ ኔ ታና ኣዛሰ ሃይሳሶ ኦሳዲ?” ጊ ኤሪዜ? * 21 ኡርቃ ሜዲዛዴይ ሃ ኡርቃፊ ባጋ ቦንቸሰ ባጋ ቃሴ ጮ ሂራይሶ ኦሶሰ ሜዳናሰ ኢዛ ሹኔ ጊዴይ?

22 ያሰካ ባ ሃንቆ ቤሳናሲኔ ባ ዋልቃ ኤሪሳናሰ ኮይዲ ኢዛ ሃንቆ ቆንጨሲዛይታ፣ ቆያናሰ ጊጌቲዳይታ ቆይሶንታ ኢጋጊኮቹ! 23 ኮይር ቦንቸሰ ጊጊሲዳ ኢዛ ማርቴሳ ቤሲዛይታሰ ኢዛ ቦንቸ ዲራቴሳይ ኤሪታና ማላ ኢዚ ኦሳናሳ። 24 ያይጊዳዴይ ኣይሁዳታ ባጋፊ ያላላ ጊዳንታ ኣይዛቤታ ባጋፊ ጊዲዳ ኑናካ ኣሾንታ ያይጊዳሰ።

25 ሆሴዔ ማፃፋን “ታ ዴሬ ጊዳንታይታ ታኒ ታ ዴሬታ” ጋ ያይጋና፣ ደሴቶንታይታ

ኢሰታ ታ ‘ደሴቲዳይታ’ ጋዳ ያይጋና። * 26 ቃሴካ ‘ኢንቴ ታ ዴሬ ዴኬታ’ ጌቲቲ ዮቴቲዳሶን ሂንካ ‘ኢሰቲ ዴዖ ያሳ ናይታ’ ጌቲቲ ያይጌታና።” *

27 ኢሳያሲካ ኢሰራዔል ናይታ ጊሽ “ኢሰራዔል ናይታ ቆዳይ ኣባ ኣጩ ማላ ዳሪኮካ ጉላቲ ያላላ ኣታና።

28 ጎዳይ ባ ፒርዳ ቢታ ቦላ ኤሌ ፒርዳና” ጊ ዮቴዳሰ። 29 ሂሲካ “ዋጋ ጎዳይ ኮሰ ዜሬሳ ኣሾንታኮ ኑካ ሶዶሜ ካታማ ማላኔ

ጋዋራ ካታማ ማላ ቆያናሽን” ጌቲቲዲ ካሴ ኢሳያሳ ዲናን ዮቴዳይሳ ማላ ሃኒዴሰ። *

ኢሰራዔል ናይታይ ሚሺራቾ ቃላ
30 ሂሰቲን ኑ ኣይ ጊኖ? ኣማኖን ቤቲዳ ዲሎቴሳ ዴማናሰ ኣይዛቤይ ዳቡርንታ ዴሚዴሰ። 31 ጊዶ ኣቲን ዲሎቴሳ ዋጋ ካሊዛ ኢሰራዔል ናይቲ ዴሚቤቴና። 32 ሂሲ ኣዛሰ ሂሳሶ ሃኒዴ? ኢሰቲ ኣማኖን ጊዳንታ ኦሶን ዴማና ካሊዳ ጊሻሳ። ኢሰቲካ ቆዶ ሹቻን ቆዶቲዳ። 33 ሂሲካ “ሂኮ ኣሳ ቆዶዛ ሹቾ ኢሰታ ኩንዲሲዛ ዛላ ዲዮኔ ቦላ ታ ዋላና፣ ኢዛን ኣማኒዛዴይ ዮላቴና” ጌቲቲዲ ካሴ ጌኤሻ ማፃፋን ያፊቲዳይሳ ማላ ሃኒዴሰ።

10

1 ታ ኣሻቶ! ኢሰራዔል ናይታ ጊሽ ታ ኣዋይኔ ታ ያሴ ዋሲዛይ ኢሰቲ ቆዮንታ ኣታናሳ። 2 ኢሰቲ ያሳ ዮዖሰ ሚሽቲዛይታ ጊዲዳይሳ ታ ኢሰታ ጊሽ ማርካታና ዲንዳያይሰ፤ ኢሰታ ሚሽቲሳ ጊዲኮ ኤራቴሳን ጊዴና። 3 ያሴ ኣሰ ያሊሲዛ ኦኔ ኤርንታ ኣጊዲ ባ ዲሎቴሳሰ ኦኔ ካሊዳ ኣቲን ያሳ ዲሎቴሳ ኦኔ ካሊቤቴና። 4 ኣማኒዛ ኣሳ ኡባ ያሊሳናሰ ኪርሰቶሲ ዋጋ ኡባ ፖሊዴሰ። 5 ሙሴይ ዋጋ ባጋራ ቤቲዛ ዲሎቴሳ ጊሽ ኤሪሲሽ “ሃይታ ዋጋታ ፖሊ ኦሲዛዴይ ሃ ዋጋታን ዳና” ጊዛይሳ።

* 9:20 ኢሳ 29:16፤ 45:9 * 9:25 ሆሴ 2:23 * 9:26 ሆሴ 1:10 * 9:29 ኢሳ 1:9 * 10:5 ለዌ 18:5 * 10:11 ኢሳ 28:16 * 10:15 ኢሳ 52:7 * 10:16 ኢሳ 53:1 * 10:18 ማዛ 19:4 * 10:19 ዛሬ 32:21 * 10:20 ኢሳ 65:1 * 10:21 ኢሳ 65:2 * 11:1 ፒሊ 3:5

* 6 ኣማኖን ቤቲዛ ዲሎቴሳ ቃሴ ሂዘጌሰ “ኔ ዋዝናራ ፑዴ ሳሎ ኦኔ ኬዛናይ? ጎፓ” ሂሳሶ ጉሲ ኪርሰቶሳ ሳሎፕ ዲጌ ሃ ዋላና ጉሳ። 7 ዋይኮ “ዲጌ ጨማን ኦኔ ዋላናይ?” ጎፓ! ሂሲካ ኪርሰቶሳ ሃይቆፕ ቡር ዴንላና ጉሳ።

8 ጊዶ ኣቲን ቃላይ ኣይ ጊዜ? “ቃላይ ኔ ኣቻን ዴሰ።” ኔ ዲናኒኔ ኔ ዋዝናን ዴሰ። ኦኔ ኣማኖ ጊሽ ሳባኪዛ ቃላይ ሃይሳ።

9 ኦኔ ኔ ዲናራ “ዩሱሲ ጎዳ” ጋዳ ማርካቲኮ ያሴ ኢዛ ሃይቆፕ ዴንሳዲይሳ ኔ ዋዝናን ኔ ኣማኒኮ ኣታና። 10 ኦኔ ዲላናይ ዋዝናን ኣማኒኮኔ ኣታናይ ኔ ዲናራ ማርካቲና። 11 ጌሻ ማፃፋይ ጊዛ ማላ “ኢዛን ኣማኒዛይ ወሪካ ዮላቴና።” * 12 ኣይሁዳታ ጊዳኒኔ ኣይዛቤታ ጊዳን ዲማቴሳ ዴና፣ ኢሲ ጎዳይ ኡባሰካ ጎዳ፣ ኢዛ ዋሲዛይታ ጉጂ ኣንጄሰ። 13 “ጎዳ ሱንሳ ያይጊዛይቲ ወሪካ ኣታና” ጌቲቲ ጌሻ ማፃፋን ያፊቲዳሰ።

14 ሂሰቲን ኢዛ ኣማኖንታይቲ ኢዛ ዋዝጊ ያይጋኔ? ቃሴ ኢዛ ጊሽ ሲዮንታ ዲሹ ዋሰቲ ኣማናኔ? ሳባኬይ ባይንዳ ዲሺን ዋሰቲ ሲያኔ? 15 ኪቲቶንታ ዋሰቲ ሳባካንዴቶ? ሂሲካ “ሚሺራቾ ቃላ ኤኪ ዩዛይታ ዩሲ ኣይ ማላ ሎዖ” ጌቲቲ ጌሻ ማፃፋን ያፊቲዳ ማላ ሃኒዴሰ። * 16 ጊዶ ኣቲን ሲዩዳይቲ ወሪካ ሚሺራቾ ቃላ ኤኪቤቴና፣ ኢሳያሲ “ጎዳ ኑ ዮቴዳይሳ ኦኔ ኣማኒዴ?” ጊዳ ማላ ሃኒዴሰ። *

17 ሂሳ ጊሽ ኣማኖይ ቤቲዛይ ዮቴዛ ቃላ ሲዩላና። ዮቴቲዛ ቃላይካ ኪርሰቶሳ ጊሽ ዮቴዛ ቃላፕ።

18 ጊዶ ኣቲን ኣሳይ ሲይቤኔሻ? ጋዳ ታ ኦይቻይሰ፤ ቱማፕ ኣሳይ ሲይዴሰ፤ ጌሻ ማፃፋን ያፊቲዳ ማላ “ኢሰታ ቃላይ ቢታ ኡባኒኔ

ኣላሜ ጋፃ ጋካናሰ ሲዩቲዴሰ።” *

19 ታ ቃሴካ ኦይቻይሰ፤ ኢሰራዔል ናይቲ ቃላ ኤሪቤቴኔሻ? ኮይር ሙሴይ ኢሰታሰ “ታ ዴሬ ጊዳንታይታን ታ ኢሰታ ኣዋሲሳና፣ ዩሺ ቆፖንታ ዴሬታን ታ ኢሰታ ዩሎቻና” ጊዴሰ። *

20 ኢሳያሲካ ያላቴላን “ታና ኮዮንታይታሰ ታ ቤታዲሰ፤ ታና ኦይቸንታይታሰ ታና ቆንጨሳዲሰ” ጊዴሰ። *

21 ኢሰራዔል ጊሽ ቃሴ “ታሰ ኣዛዜቶንታ ዴሬኮኔ ታሰ ኤኖ ጎንታ ዴሬኮ ኩሜላ ጋላሰ ታ ኩሺ ሚጫዲሰ” ጌሰ። *

11

ያሴ ኢሰራዔል ኣሳ ሙላ ዩጊ ኣጊቤና
1 ሂሰቲን ያሴ ባ ዴሬታ ዩጊ ኣጊዴ? ጋዳ ታ ኦይቻይሰ፤ ሙላካ ኣጊቤና፣ ታካ ታ ባጋራ ቢኒያሜ ዛሪኬ፣ ኣብራሃሜ ዜሬሳ ጊዲዳ ኢሰራዔል ኣሳ። * 2 ያሴ ኮይርፕ ባ ኤሪዳ ዴሬዛ ዩጊቤና። ኤላሲ ኢሰራዔል ናይታ ቦላ ዋቶ ያሳኮ ዋሰቲ ሺሺዳኮኔ ጌሻ ማፃፋይ ኢዛ ጊሽ ኣይ ጊዛኮ ኣንቴ ኤሬኬቲ? 3 “ጎዳ!

አሰቲ ኔ ርቤታ ዋዲ። ኔሰ ያርሺዛሶታካ ላሊዳ። ቃሴ ታኒ ታርካ አታዲሰ። ታናካ ዋዳና ጌቲሰ” ገዴሰ። *

4 ያሲ አዛሰ “ባዓሌ ጌቲቲዛ ኤቃሰ ጎይናጎታይታ ላፑን ሺ አሰ ታኒ ታሰ አሻዲሰ” ገ ዛሪዴሰ * 5 ሄሳ ማላካ ሃሊ ሃ ዋዴዛንካ ያሳ ኪያቲላን አሰራዔሌ አሳፔ ደሬቲ አቲዳ ጉላቲ ዴቲሰ። 6 ሂሰቲን ሄሲ ያሳ ኪያቲላን ገዲኮ አሳ ኦሶን ገዴና። አሳ ኦሶን ገዲዳኮ ያሳ ኪያቲላ ኪያቲላ ገዴና።

7 ሂሰቲን አይ ጋኔ? አሰራዔሌ ናይቲ ሎዔላ ኮዩዳይሳ ዴሚቤቲና። ያሳን ደሬቲዳይቲ ገዲኮ ዴሚዳ። ሃንኮ አቲዳይታ ዋዛናይ ሙሚዴሰ። 8 ካሴ “አሰታ አይፊይ ያሎንታ ማላ፣ አሰታ ሃይላይካ ሲኮንታ ማላ ያሲ ሃኖ ጋካናሰ አሰታሰ ደጨሲዛ አያና አሚዴሰ” ጌቲቲ ጌሻ ማፃፋን ፃፊቲዳ ማላ። *

9 ዳወቲይካ “አሰታ ማዳይ አሰታ ኦይኪዛ ናርፃኔ ያርዳ፤ አሰታሰ ቆጶዛዚኔ ቁፃቲ ገዴ።

10 አሰታ አይፊይ ያሎፎ፤ ጎዜቶ፤ አሰታ ዘኮይ ሜርናሰ ኩኖ” ገዴሰ።

አይዛቤቲካ አታና

11 አኔ ቃሴ ታ ዛራ ኦይቻይሰ፤ አሰራዔሌ አሳይ ናምዓንካ ኩንዳላ ዴንዴኔ? ዴንዳና። ሃራፔካ አሰራዔሌ ናይታ ቃናቲሳና ገሽ አሰታ ሞሮ ጋሶን አቶቲላ አይዛቤታሰ ጋኪዴሰ። 12 ገዴ አቲን ቃሴ አሰታ ሞሮይ አይዛቤታሰ አንጆ ገዴዴሰ። አሰታ ኩንዳላካ ቃሴ አይዛቤታሰ አንጆ ገዴኮ አሰቲ ሲሚ አቲዳኮ አይ ማላ ገታ አንጆ ገዴንዴሽን!

13 አይዛቤቶ! ታ አንቴሰ የታይሰ፣ ታ አይዛቤታሰ ኪቲቲዳይ ገዴዳ ገሽ ታ ኦሶዛ ሚናዳ ፖላና። 14 ሄሲካ ታ ባጋ አሳቲ አሞዛና ማላ ዴንፎላዳ አሰታፊ ጉላ አሳታ አሻናሰ ኡፋይሳ ኦሳይሰ። 15 ያሲ አሰታ አገዳ አይዛቤቲ ያሳራ ገሺኮ ያሲ አሰራዔሌ ናይታ ዛሪዳ ኤኪዛ ዋዴ አንቴሰ አዚ ሃናና ሚሳቲዜ? ሄሳ ጉሲ “ሃይቆፔ ዴንዲዴሰ” ጉሳ ማላ።

16 ኮይሮ ቡኬሶይ ሎፖ ገዴኮ ሃንኮ አዛፔ ኦሴቲዛይሰ ወሪካ ሎፖ ገዴሰ። ሄሳላካ አሲ ሚላ ፃጶይ ሎፖ ገዴኮ ሃንኮ አዛ ቦላ ዲዛ ሃጋቲካ ሎፖ ገዴቲሰ። 17 ኬላ ማታን ዲዛ ዋጋራ ሚላ ሃጋታ ማላቲ አንቴ ሜቂ ዋዲን ሃንኮ ዋራን ዲዛ ዋጋራ ሚላታ ሚሳቲዛ አይዛቤቲ አንቴ ኪቸሳን ገዴዲ አንቴ ሃርኔ አንቴ አንጆ ሻኪ ኤኪዛዴንታ ገዴኮ፤ 18 ሄይታ ሄ ሜቂ ዋዲዳ ሃጋታ ቦላ ኦቶሬቶፋ። አንቴ አሰታ ቦላ ኦቶሬቲኮ ቃሴ ሃኖ ዋዛናን ዋላቲ። ሄ ሚላ ቶኪዳይ ኔና ገዴካ። ሚላይ ኔና ቶኪዴሰ አቲን።

19 ሂሰቲኮ “ሄ ሃጋቲ ሜቂ ዋዲዳይ ኩ አሰቲ ኪቸሳን ገላና ማላሳ” ጎንታ አኒኬታ። 20 ቱሙ ገዴታ ሺን አሰቲ ሜቂዳይ አማኖ ፓጨፔ ዴንዲዳይሳና። አንቴ ቃሰ አማኖን ኤቂዳታ። ባቤቲ አቲን ኦቶሬቶፍቲ። 21 ያሲ ኮይሮፔ ዲዛ ሃጋታሰ ሚሹቶንታዴ ገዴኮ አንቴሰካ ሚሹቲና።

22 ሄሳ ገሽ ያሳ ኪያቲላኔ አዛ ማንፃ አታቲላ አኔ ያላ። አዛ ማንፃ አታቲላይ ኩንዲዳይታ ቦላ። አዛ ኪያቲላይ ቃሴ አንቴ አዛ ቃዴቲላ ጋርሳን ዲዛ ዋዴ ጋካናሰ ፃላላ። ሄሲ ባይንዳ አገኮ አንቴካ ቃንፃታና።

23 አሰቲ አማኖንታ ሚኒ ኤቂዳሶፔ ሲሚኮ ካሴ ባሶ ሲሚ ገላና። ያሲካ አሰታ ዛርሲ ጌልላና ዴንዳይሰ። 24 አንቴ ባዘ ዋጋራ ሚላፊ ቃንፃቲዳይቲ ካሴ አንቴ ሜዴቲላፊ ገዴንታ ሎፖ ሚላን አንቴ ገላና ዴንዳይኮ ኮይሮፔ ባ ሜዴቲላ ሃጋታ ገዴዳይቲ ሄይቲ ካሴ አዛ ቦላ ዲዛ ዋጋራ ሚላን ሲሚ ጌሎይ አሰታሰ ዋኒ ሃኔኔ?

አሰራዔሌ አሳይ ወሪካ አታና

25 ታ አሻቶ! አንቴ ጨንጫ አሰ ገዴዳይሳ አንቴሰ ሚሳቶንታ ማላ ሃይሳ ገዴ ፀራ የፖዛ አንቴ ኤርንታ አታና ማላ ታ ኮዩኬ። ሄሲካ አይዛቤታፔ ያይጌቲዳይቲ ወሪ አማናና ጋካናሰ አሰራዔሌ ናይታ ዋዛናይ ሙሚዴሰ። 26 ሄሳ ገሽ አሰራዔሌ ናይቲ ወሪካ አታና። “አሺዛይይ ያኖኔፔ ያና፤ ያቆቤፔካ አታቲላ ዲጋና። * 27 ታኒ አሰታ ናጋራ ወርሳ ጳይሲዳፔ ጉዬ ታ አሰታራ ጫቆን ጌሊዛ ቃላይ ሄሳ” ጌቲቲዲ ካሴ ጌሻ ማፃፋን ፃፊቲዳ ማላ ሃኒዴሰ። *

28 አንቴሰ አይዛቤታሰ ሚሹራቸ ቃላይ ጋካና ማላ አሰራዔሌ ናይቲ ያሳን ኢፃቲዳ አሰ ገዴዳ። ገዴኮካ ካሴ ዶሮ ማላ ገዴኮ ባ አዋታ ባጋራ አሰቲ ዶሴቲዳይታ። 29 ያሲ ዶሪዳፔኔ ባ ኪያቲላ አሚዳፔ ጉዬ ባ ኦሊዳ ሚሻን ሲሚዳ ሞዴቲና። 30 አንቴካ ካሴ አዛዜቶንታይታኮ! አሰቲ አዛዜቶንታ ኢፃን ሃሊ አንቴና ማሪዳይሳ፤ 31 ያሲ አንቴና ማሪዳ ጌዶን አሰቲካ ማሪታና ማላ ሃሊ አዛዜቶንታይታ ገዴዳ። 32 ያሲ ወርሲካ ማሪናሰ አሲ ወሪካ አዛዜቶንታ ማላ ጎርዲዴሰ።

ያሳ ሳቦ

33 ያሳ ዱሬቲላይ፣ አዶ ኤራቲላይኔ አዛ ኤራቲላይ አይ ማላ ጨማ! አዛ ፐርዳይ አይ ማላኮኔ ፓጨፔቲና። አዚ አዲዳ ጌዶይካ ኤሪቲና። * 34 “ጎዳ ዋዛና ኤሪዳይ ኦኔ? አዛሰ ዞሬ አሚዳይ ኦኔ? 35 ያሲ ዛሪ አማና ማላ አዛሰ ታልዔ አሚዳይ ኦኔ?” ጌቲቲ ፃፊቲዳ ማላ። *

36 ወሪካ አዛፔ፣ አዛን፣ አዛሳ፤ አዛሰ ቦንቸይ ሜርናፔ ሜርናሰ ገዴ! አሚን። *

12

ያሳሰ ቤሲዛ ዴፖ ያርሾ

1 ሄሳ ገሽ ታ አሻቶ! አንቴ አሳቲላ ጌሺኔ ያሴ ኡፋይሲዛ ዴፖ ያርሾ ኦሊዳ አንቴ ሺሻና ማላ ታ አንቴና ያሳ ቃዴታን ዋሳይሰ። ሄሲካ ዋዛናማ አሳ ማላ አንቴ ያሳሰ ኦሊዛ ኦሶ። 2 ሎፖ፣ ኡፋይሲዛዚኔ ኩሜል ገዴዳ ያሳ ሽኔይ አዛኮኔ አንቴ ፓጨ ኤራና ማላ አንቴ ቆፋን ኦሪዲዳ ላሜቲቲ አቲን ሃይሳ አሳሜ አሳ ሚሳቶፐፔ።

3 አንቴሰ ያሲ አሚዳ አማኖ ማላ አንቴርካ አንቴና ፓጨ ያሊቲ አቲን ሃሊ ዲዛይሳፊ ቦላራ አንቴና ዶቂሲ ያሎንታ ማላ ታኒ ታሰ አሜቲዳ ያሳ ኪያቲላን አንቴና አሳ አሳ ዞራይሰ። 4 ኑፔ አሲ አሲ አሳሰ አሲ አሳቲላ ቦላ ዴሮ ቢሊቲቲ ዲዛ ማላ ሄይቲካ ሄ ቢሊቲቲ አሲ ማላ ኦሶ ኦሎንታይሳ፤ 5 ሄሳላካ ኩ ዳርታ ገዴ ኡቲዲ ኪርሰቶሳን አሲ አሾ፤ ኩ አሶይ አሳሰ አሾ። 6 ኩሰ አሜቲዳ አሞታ ማላ ዱማ ዳማ አሞቲላ ዴሰ። አሳዴሰ ቡርፔ ሃናናዝ የቶ ገዴኮ አዛዴሰ

* 11:3 1ካዎ 19:10፣14 * 11:4 1ካዎ 19:18 * 11:8 ዛሬ 29:4፤ እሳ 29:10 * 11:26 እሳ 59:20 * 11:27 እር 31:33-34 * 11:33 እሳ 55:8 * 11:35 እኖ 41:11 * 11:36 1ቆር 8:6

አሜቲዳ አማኖ ማላ ዮቶ። 7 ኦሊ ማዲዛዳይ ኦሊ ማደ፤ ታማርሲዛዳይካ ታማርሶ። 8 ዞሪዛዳይ ጊዲኮ ዞር፤ ባይንዳይታሰ አሚዛዳይ ጉጂ አሞ። ኣይሲዛዳይ ሚኒ ኣይሶ። ማሪዛዳይካ ኡፋይሳን ማር።

ሲቆ

9 እንቲ ሲቆቲሊ ቆጶፔ ቆሞን ጊደፖ። ኢታ ጊዲዳይሳ ወርሲካ እፃፎ። ሎፖ ጊዲዳይሳራ ኢሲፊ ኦይኬቲፎ። 10 እንቲ እንቲ ጋርሳን ኢሶይ ኢሳራ እሻታ ማላ ሎዔሊ ሲቆቲፎ። ኢሶይ ኢሳ ባፔ ኣሊ ቦንቸዛይታ ጊዲፎ። 11 ጎዳሰ ኦላና ኣያናን ፀጌቲዛይታ ጊዲፎ ኣቲን ሄሳ ሄ ሚኖቴላፊ ጉዬ ጎፐፎ። 12 ሂደታን ኡፋይቲዛይታ ጊዲፎ፤ ሚቶ ዳንዳይቴ፤ ዋሳን ሚኒፎ። 13 አማኒሺ ዋዩቲዛይታሰ እንቲሰ ዲዛይሳፊ ሻኪ አሚፎ። አማላ ሞኪፎ።

14 እንቲና ቃንጊዛይታ ኣንጂፎ ኣቲን ቃንጎፎ። * 15 ኡፋይቲዛይታራ ኡፋይቲፎ፤ ሙዞቲዛይታራ ሙዞቲፎ። 16 እንቲ እንቲ ጋርሳን ዶሴቴላን ዲፎ። ማንቆታራ ኢሲፊቴላን ዳናሰ ኮዩቴ ኣቲን ኦቶሬቶፊቴኔ ጨቆቶፎ። *

17 ኣናሰካ ኢታ ጊሽ ኢታ ዛርፐፎ። ኣሳ ኡባ ኣቻን ሎፖ ሚሽ ኦላናሰ ሚኒፎ። 18 እንቲሰ ዳንዳይቲኮ እንቲ እንቲ ባጋራ ኣሳ ኡባራ ሳርን ዲፎ። 19 ታ ሲቆቶ! እንቲ ሃሎ ያሲ ኬሶ ኣቲን እንቲርካ ሃሎ ኬሶፎፎ “ሃሎ ኬሳናይ ታና ጌሰ ጎዳይ” ጌቲቴ ጌሻ ማፃፋን ፃፊቴዳሰ። *

20 ሃሎ ኬሳናፔ “ኔኒ ኔ ሞርኬይ ጋፊኮ ሚዛ፤ ኢዚ ሳሞቲኮ ኡሻ፤ ኔ ሄሳላ ኦሊኮ ታማ ቦንቆ ኢዛ ቦላ ኮራሳ” ጌቲቴዲ ጌኤሻ ማፃፋን ፃፊቴዳሰ። * 21 ኢታ ሎፖ ኦሶን ያና ኣቲን ኢታን ያኔቶፋ።

13

ዳሬ ኣይሲዛይታሰ ኣዛዘቴላ

1 ኣይ ኣሲካ ባና ኣይሲዛ ዳናታሰ ሃራታናሰ ቤሴሰ። ያሳፊ አሜቶንታ ዲሺን ዳናቴሊ ዳና። ሃዒ ዲዛ ዳናቲ ያሳፊ ዳናቲዳይታ። 2 ሄሳ ጊሽ ዳና ቦላ ማካሊዳይ ያሳ ዋጋ ቦላ ማካሊሰ። ሄ ማካሊዛይቲካ ባ ቦላ ፐርዳ ኤሄቴሰ። 3 ዳሬ ኣይሲዛይቲ ኢታ ኦሊዛይቲ ባቢሴቴሰ ኣቲን ሎፖ ኦሊዛይታ ባቢሴቴና። ኔ ዳሬ ኣይሲዛይሰ ባቦንታ ኣጋና ኮያይ? ሂሰቲኮ ሎፖ ኦላ፤ ኢዚካ ኔና ጋላታና። 4 ኢዚ ኔሰ ሎፖ ኦላናሰ ያሳ ኦሳንቻ። ጊደ ኣቲን ኔ ኢታ ኦሊዳ ጊዲኮ ኢዛሰ ባባ። ጋሶይካ ኢዚ ማሻ ጮ ማላ ጊደቤና፤ ኢዚ ኢታ ኦሊዛይ ቃፃያናሰ ያሳ ኦሳንቻ። 5 ሄሳ ጊሽ ኢዛ ቁፃቴሰ ባቦ ፃላላ ጊደንታ ኔ ቆፋንካ ዳናቲዛይሰ ኣዛዘታናሰ ቤሴሰ።

6 እንቲ ጊራ አሚዛይ ሄሳሳ። ኣይሲዛይታ ሄሳ ሄ ኦሶዛ ቦላ ያሲ ኢሰታ ዋሊዳሰ። 7 ኢሰታፊ ኢሳሰ ኢሳሰ ቤሲዛይሳ አሚፎ። ጊራ አማና ቤሲዛይታሰ ጊራ አሚፎ፤ ቃራፃ ቃንፃናሰ ቤሲዛይታሰ ቃራፃ ቃንፃፎ፤ ባባናሰ ቤሲዛይታሰ ባቢፎ፤ ቦንቻናሰ ቤሲዛይታ ቦንቸፎ።

ዋዳይ ማቲዳ ጊሽ እንቲ ጋርሳን ሲቆቲፎ

8 እንቲ ጋርሳን ኢሶይ ኢሳራ ሲቆቲላፊ ኣቲን ኦና ቦላካ ኣጮይ ደፖ። ኣሰ ሲቆዛ ኣሲ ኢዚ ዋጋ ፖሊዳሰ። 9 “ላይማቶፓ፣ ዋጶፓ፣ ኣሞቶፋ” ጊዛይቲኔ ሃራ ኣዛዘቲ

ዲኮካ “ኣሰ ኡባካ ኔ ማላ ሲቃ” ጊዛ ሃኖ ኢሲ ዋጋን ወሪካ ኩዩቲዳሰ። * 10 ሲቆይ ኣሳ ቦላ ኢታ ኦሊና፤ ሄሳ ጊሽ ሲቆይ ዋጋ ኡባሰ ኩሻ።

11 ሃይሳ ዋዳዛ ጫዲ ፃሊዲ ሄሳ ኦሊፎ። ሃዒ ሃና እንቲ ጳሰኮፊ ዳንዲዛ ዋዳ። ኦ ካሴ አማኖሳፔ ሃ ሲሚን ሃዒ ኦሰ ኣቲዛ ዋዳይ ማቲዳሰ። 12 ቃማይ ኣጲን ዋንታና ጌሰ። ሄሳ ጊሽ ኣኔ ኦ ጴማ ኦሶ ዋራ ዩጊዲ ፖፖ ኦላ ሚሺ ማይያሰ። 13 ጋላሳራ ሃሙቲዛ ማላ ኣኔ ዋጋራ ሃሙቶሰ። ማጉልላኒ ማሉን ጊደፖ፤ ላይማ ኣሞኒኔ ላይማን ጊደፖ፤ ቃናቴላኒኔ ፓላማን ጊደፖ። 14 ሄሳ ኣጊዲ ዩሱሰ ኪርሰቶሳ ማይዒፎ። ኣሾ ኣሞ ፖላናሰ ቆፖፎ።

14

ኣሳ ቦላ ፐርደፋ

1 እንቲ ጋርሳን አማኖን ቡር ሚኖንታዳ ሺሺ ኤኪቴ ኣቲን ኢዛ ቆፋ ቦላ ፐርደፎ። 2 ኢሲ ኢሲ ኣሲ ቤቲዳይሳ ወርሲ ማናሰ አማኖይ ዳሰ። ቃሴ አማኖን ሚኖንታዳይ ኣታኪልቴ ፃላላ ሚሰ። 3 ቤቲዳይሳ ወርሲ ሚዛዳይ ወርሲ ሞንታዳ ካጶፓ። ሞንታዳይ ቃሴ ሚዛዳ ቦላ ፐርደፎ። ያሲ ኡባካ ኤኪዳሰ። 4 ሃንኮ ኦሊዛይ ቦላ ፐርደዛዳይ ኔ ኦኔ? ኢዛዳይ ኩንዲኮ ዋይኮ ኤቁኮካ ጎዳሳ። ጎዳይ ኢዛ ኤሳናሰ ዳንዳይዛ ጊሽ ኢዚ ኤቃንዳሰ።

5 ኢሳዳይ “ጋላሳታፔ ኢሲ ጋላሰ ሃራ ጋላሳፊ ኣሊዲ ባሲ ዲማ ጋላሰ” ጊ ቆፔሰ። ሃራ ኣሲ ቃሴ “ጋላሳቲ ወሪካ ኢሲ ጊና” ጊ ቆፔሰ። ኢሲ ኢሲ ኣሲ ባ ዋዘናን አማኒዳ ማላ ኦሎ። 6 ኢሲ ጋላሲ ሃራ ጋላሳፊ ዲማሲ ቆፐዛዳይ ኢዚ ሄሳ ኦሊዛይ ጎዳ ቦንቻሰ ጊዲኮ ሚዛዳይካ ጎዳ ቦንቻሰ ጊዲ ሚሰ። ሚዲ ያሴ ጋላቴሰ። ሞንታዳይካ ጎዳ ቦንቻሰ ጊዲ ሙሰ ኣጌሲኔ ያሳሰ ጋላታ አሚሰ። 7 ኦፔ ኦኒካ ባሲ ዲዛዳይኔ ባፔ ባሲ ሃይቁዛዳይ ዳና። 8 ኦ ዲኮካ ጎዳሰ ደሰ። ሃይቁኮካ ጎዳሰ ሃይቆሰ። ሄሳ ጊሽ ዲኮካ ዋይኮ ሃይቁኮ ኦ ጎዳሳ።

9 ሄሳ ጊሽ ሃይቁዳይታሰኔ ፓፃ ዲዛይታሰ ጎዳ ጊዳናሰ ኪርሰቶሲ ሃይቁዲ ሃይቆፔ ፓፂ ዳንዲዳሰ። 10 ሂሰቲን ኔ ኣዛሰ ኔ ኢሻ ቦላ ፐርደይ? ኣዛሰ ኔ ኢሻ ሌቃይ? ኦ ወሪካ ያሳ ፐርደ ዋሞቦራ ሲንላ ሺቆሰ ደሰ። *

11 “ታ ፓፃ ዳይሰ።

ጉልባቴይ ወሪካ ታሰ ጉልባታና። ኢንፃርሲ ወሪ ያሳሰ ማርካታና” ጌቲቴ ካሴ ጌሻ ማፃፋን ፃፊቴዳሰ። * 12 ሄሳ ጊሽ ኦኒ ኢሲ ኢሲ ኣሲ ያሳ ሲንላ ሺቁዲ ኦ ኦሶ ጊሽ ኢዛሰ ዛር አማና።

13 ሄሳ ጊሽ ኦኒ ኦ ጋርሳን ኢሶይ ኢሳ ቦላ ፐርደናፔ ኣኔ ናጌቶሰ። ሄሳ ኣጊዲ ኦ ኢሻሰ ጴጶ ጊዲዛይሳ ዋይኮ ኢዛ ኦይኪዛ ናርፃ ዋሉንታ ማላ ኣኔ ኦ ናጌቶሰ። 14 ታኒ ጎዳ ዩሱሳን አማናዳ ሚዛ ካላን ቱናይ ባይንዳይሳ ኤራዲሰ። ጊደ ኣቲን ኢሳዳይ ኢሲ ሚሽ ቱና ጊ ቆፐኮ ሄ ሚሻይ ኢዛዳሲ ቱና። 15 ኔኒ ኔ ኢሻ ሚዛ ካላ ጌደን ጴጶ ጊዲኮ ሲቆን ሲሚሬታባካ። ኪርሰቶሲ ኢዛ ጊሽ ሃይቁዳ ኔ ኢሻ ኔ ሚዛ ካላ ጋሶን ዋጶፓ። 16 እንቲ

* 12:14 ማቶ 5:44፤ ሉቃ 6:28 * 12:16 ሉግ 3:7 * 12:19 ዛሬ 32:35 * 12:20 ሉግ 25:21-22 * 13:9 ኪሳ 20:14-15፤ 20:13፤17፤ ዛሬ 5:17-19፤21፤ ሉግ 19:18 * 14:10 2ቆር 5:10 * 14:11 ኢሳ 45:23

ሎዎ ገዲ ቆጥዞ መሽ ኢታ ጌታታና ማላ ኦሎፍቴ።
17 ያሳ ካዎቴሌ ዲሎ ኣያናን ቤተዳ ዲሎቴላ። ሳርቴሌኔ ኡፋይሳፊ ኣቲን ሙሳ ዮጶኔ ኡሻ ዮጶ ገደና። 18 ሃይሳሶ ከርሰቶሳሰ ኦሊዛዳይ ያሴ ኡፋይሴሴኔ ኣሳ ኣቻንካ ጋላቴሰ።

19 ሃሳ ገሽ ሳርቴሌ ቤተዛ ኦጌኔ ኦጌ ኦጌ ጋርሳን ሎዎናሰ ቤሲዛ ኦጌ ኣኔ ኮዮሰ። 20 ኦጌ መዛ ካላ ገሽ ገዲ ያሳ ኦሶ ኣኔ ላሎኮ። ካሌ ወሪካ ጌሻ። ገደ ኣቲን ሃራ ኣሳሰ ቆጶ ገዲዛ ካላ ሙሲ ባላ ኦሶ። 21 ኔ ኣሻሰ ቆጶ ገዲዛዚ ገዲኮ ኣሻካ ማናቴኔ ዎይኔ ጫጃ ኡያናቴ ዎይኮ ኣይ መሽካ ኔ ኦሎንታ ኣገኮ ሎዎ።

22 ሃሳ ገሽ፣ ሃይታንታ መሳተዛ መሻታሰ ኔሰ ዲዛ ኣማናይ ኔ ገደኒኔ ያሳ ገደን ዳዎ። “ሃይሲ ሊኮኮ” ገዲ ኣማናን ኤኪዳ መሻን ባርካ ባ ቦላ ፐርደንታዳይ ኢዛዳይ ኣንጃቲዳዳ። 23 ገደ ኣቲን ዎዝናራ ሲጂሽ መኮ ኢዚ ኣማናን ሞንታ ገሽ ኢዛ ቦላ ፐርዳቲዳሰ። ኣማናን ኦሎንታዚ ወሪካ ናጋራ።

15

1 ኦጌ ኣማናን መኒዳይቲ ሃንኮ ኣማናን መናታይታ ማቶ ቶካናሰ ቤሴሰ ኣቲን ኦ ፃላ ኡፋይቲዛይታ ገደናሰ ቤሴና። 2 ኦጌ ወሪካ ሃራ ኣሲ ባ ኣማናን መናና ማላ ኢዛ ጎሲዛዚኔ ኡፋይሲዛ መሽ ኣኔ ኦሎሰ። 3 ከርሰቶሲ ባና ኡፋይሲቤና፤ ሃራቴካ “ኣሳይ ኔና ጫዱዳ ጫሻይ ታና ጋከዳሰ” ጌቲቲ ካሴ ጌሻ ማፃፋን ፃፊቲዳይሲ ፖሌቲዳሰ። * 4 ኦጌ ጌሻ ማፃፋታፔ ዳመዛ ዳንዳያይኔ መናቴሌ ኦሰ ዳና ማላ ኮይርቴ ፃፊቲዳይሲ ወሪካ ኦ ኢዛቴ ኦሰ ቲመርቲ ዳመና ማላ ፃፊቲዳሰ። 5 መናቴሌኔ ዳንዳያ ኢመዛ ያሲ ኣንቲ ዩሱሰ ከርሰቶሳ ካሊሽን ኣንቲሰ ኣንቲ ገደን ኣያና ኢሲፊቴላ ኢሞ። 6 ሃሲካ ኣንቲ ኢሲ ዎዝናኒኔ ኢሲ ዱና ገዲዲ ኦ ጎዳ ዩሱሰ ከርሰቶሳ ኣዎ ያሳ ቦንቻናሳ።

መሽራቾ ቃላይ ኣማናንታ ዳሬታሰ ሳባኬቲዳሰ

7 ሃሳ ገሽ ያሲ ኣንቲና ያሳ ቦንቻን ሞኪ ኤኪዳ ማላ ኣንቲካ ኢሶይ ኣሳ ኡፋይሳን ሞኪ ኤኪቲ። 8 ካሴ ኣዎታሰ ኣሜቲዳ ሃይታ ቃላ ፖላናሰ ያሳ ቱማቴሌ ኤሬታና ማላ ከርሰቶሲ ኣይሁዳታሰ ኦሊዛዳ ገዲዳይሳ ታ ኣንቲሰ ዮታይሰ። 9 ሃሳሶካ ኣይዛቤቲ ኢዛ ማርቴላ ገሽ ያሴ ጋላታና ማላ፤ ሃሲካ “ታ ኔና ዳሬ ገደን ጋላታና፤

ኔ ሱንሳሰካ ጋላታ ዩላ ዩፃና”
ጌቲቲ ጌሻ ማፃፋን ፃፊቲዳ ማላ። *

10 ቃሴካ
“ኣይዛቤቶ!
ኣንቲካ ያሳ ዳሬታራ ኡፋይቲቴ”

ጌቲቲ ጌሻ ማፃፋን ፃፊቲዳሰ። *

11 ናሞባንሶካ
“ኣይዛቤቲ ኣንቲ ወሪካ ጎዳ ጋላቴቴ፤ ዳሬይ ወሪ ኢዛ ሳቢቴ”

ጌቲቲ ጌሻ ማፃፋን ፃፊቲዳሰ። *

12 ሃሳሶ ኣሳያሳን
“ባ ዳሬ ኣሳ ቦላ ካዎቴዛ ኢሴዬ ናይ ያና። ኣላመ ኣሳ ኣይሲዛይ ዳንዳና፤

ኢሰቲካ ኢዛን ኡፋይታና” ጌሰ። *

13 ኣንቲ ኢዛን ኣማኒዛ ገሽ ሃይታ ያሲ ኣንቲናን ኡፋይሴኔ ሳርቴላ ኩንሶ። ሃሲካ ዲሎ ኣያና ዎልቃ ሃይታ ኣንቲሰ ዳራናሳ።

ኣይዛቤታሰ ኦሳንቻ ገዲዳ ጳውሎሳ

14 ታ ኣሻቶ! ኣንቲ ሎዔቴላን፤ ኤራቴላ ኡባን ኩሚዳይታኔ ሃራታ ዞራናሰ ኤራይ ዲዛይታ ገዲዳይሳ ታ ኣዳፊ ሻካ ኤራዲሰ። 15 ታ ያሳፊ ኤኪዳ ኢሞቴላ ገና ቃሴካ ኣንቲና ቆፊሳናሰ ኢሲ ኢሲ ዮጶታ ፃላቴላን ኣንቲሰ ፃፋዲሰ። 16 ሃሳ ሄ ከያቴላይ ኢሚቲዳይ ታኒ ያሳ መሽራቾ ቃላ ሃንኮ ዳሬታሰ ዮታና ማላ፤ ቃሴካ ቄሴ ማላ ገዲዳ ዩሱሰ ከርሰቶሳሰ ኣላናሳ፤ ሃሳ ገሽ ሃንኮ ዳሬ ኣሳይ ዲሎ ኣያናን ዳሚቴዲ ያሴ ኡፋይሲዛ ያርሾ ገዲዲ ሽቃና ማላ ኣላይሰ።

17 ሃሳ ታኒ ያሳሰ ኦሊዛ ገሽ ዩሱሰ ከርሰቶሳን ጨቁታይሰ። 18 ታ ዮቲዳይሳኒኔ ታ ኦሊዳይሳን ሃንኮ ዳሬ ኣሳይ ያሳሰ ኣዛዜታና ማላ ከርሰቶሲ ታናን ገዲዲ ኦሊዳዛቴ ኣቲን ሃራ ሃሳያና ፃሊኬ። 19 ሃሲካ ሃኒዳይ ዲሎ ኣያና ዎልቃን ማላታታ ባጋራ ሃኒዳሰ። ሃሳ ማላንካ ዩራሳላሜቴ ኢልዎቆሬ ጋካናሰ ታ ከርሰቶሳ መሽራቾ ቃላ ሳባካዲሰ።

20 ሃራ ኣሲ ካሴ ኦሊዳሶን ታ ጌሎንታ ማላ ጋዳ ካሴ ከርሰቶሳ ሱንሳ ዪይጌቲ ኤርንታሶን መሽራቾ ቃላ ሳባካይሴ ታሰ ኣሞ። 21 ሃራቴካ

“ኢዛ ገሽ ኢሰታሰ ዮቲቶንታይቲ ኢዛ ቤያና፤ ሲዩ ኤርንታይቲ ሃሳናና”

ጌቲቲ ካሴ ጌሻ ማፃፋን ፃፊቲዳ ማላ ሃኒዳሰ። *

22 ሃሳ ጌደን ታ ኣንቲኮ ቦንታ ማላ ዳር ዎዳ ዲጌታዲሰ።

ኦሮሜ ቤያናሰ ጳውሎሳ ጊጌቲላ

* 23 ሃሲ ቃሰ ታሰ ሃን ኦሶይ ባይንዳ ገሽ ዳር ላይላታፔ ሃ ሲሚን ኣንቲና ቤያናሰ ታ ዳር ላሞታዲሰ። 24 ሃይሳ ታ ቆፋ ታኒ ኢሰቴኔ ቢዛ ዎዳ ፖላናሰ ቆገይሰ። ሃራ ኣሻሽ ኣንቲና ቤያናሴኔ ኣንቲናራ ጉላ ዎዳ ጋሞዳዳ ላሞታ ኣሊዳ ማላ ኣንቲ ታና ማዳና ጋዳ ሃይታ ኣላይሰ።

25 ሃሲ ቃሰ ኣማኒዛይታሰ ኢሚቴዛ ማዶ ገሽ ኤካዳ ዩራሳላሜ ባይሰ። 26 ጋሶይካ ማቁደኒያኒኔ ኣካያን ዲዛ ማንቆታ ማዳና ዳንዲዳሰ። * 27 ሃይሳ ሃ ማዶዛ ኢሰቲ ባ ዳሳን ኢሚዳይ ኢሰቲ ኦላናሰ ቤሲዛ ገሻሳ፤ ኣይዛቤቲ ኣይሁዳታራ ኢሲፊ ኣያና ኣንጅ ኤኪዛይታ ገዲኮ ኢሰቲካ ባሲ ዲዛ ቢታ ኣንጅን ኣይሁዳታ ማዳናሰ ቤሴሰ። * 28 ሃሳ ገሽ ሃይሳ ሽቁዳ ማዶ መሻ ዩራሳላሜ ኢሚዳቴ ጉዬ ኣንቲ ኣቻን ታ ኢሰቴኔ ባና። 29 ታ ሄ ኣንቲኮ ባሼ ኣንቲሰ ከርሰቶሳ ኣንጅ ኩንሳ ኤካ ባናይሳ ታ ኤራይሰ።

30 ታ ኣሻቶ! ታኒ ያሳ ዎሳን ባጭቲዛ ማላ ኣንቲካ ታናራ ባጭታና ማላ ታ ኣንቲና ጎዳ ዩሱሰ ከርሰቶሳኒኔ ዲሎ ኣያና ሲቆን ዎሳይሰ። 31 ታኒ ዩሁዳን ዲዛ ኣማናንታ ኣሳ ኩሼቴ ኣታና ማላኔ ዩራሳላሜን ዲዛ ታ ኦሎይካ ሃን ኣማኒዛይታ ኣቻን ኤኪታና ማላ ታሰ ዎሲቴ። 32 ሃሲካ ያሳ ሼኔ ማላ ሄ ኣንቲኮ ታ ኡፋይሳራ ባና ማላኔ ኣንቲናራ ኢሲፊ ሼሞፓና ማላ። 33 ሳርቴላ ጎዳይ ኣንቲናራ ኡባታራ ገደ። ኣሚን።

* 15:3 ማዛ 69:9 * 15:9 2ሳሜ 22:50፤ ማዛ 18:49 * 15:10 ዛሬ 32:43 * 15:11 ማዛ 117:1 * 15:12 ኣሳ 11:10
* 15:21 ኣሳ 52:15 * 15:22 ኦር 1:13 * 15:26 1ቆር 16:1-4 * 15:27 1ቆር 9:11

16

ሳሮካ

1 ከንኪራያሴ ዋሳ ከላን ኦሊዛ አማኔቲዳ ሚቹዮ ፔቤና እንቲሰ ሃዳራ ጋይሰ። 2 አማኒዛ አሳሰ ቤሲዛ ሞኮ እንቲ ኢዞ ጎዳ ሱንገላን ሞኪ ኤካና ማላኔ ኢዛ እንቲፊ ኮዩዛ አይ ሚሻንካ እንቲ ኢዞ ማዳና ማላ ታ እንቲና ቆፊሳይሰ።

3 ካሴ ታናራ ጎዳ ዩሱሰ ኪርሰቶሳሰ ኢሲፌ ኦሊዳ ጸርሰቁላሰኔ አቁላሰ ታ ሳሮካ ጋሏቲ። * 4 ኢሰቲ ታ ገሽ ሃይቃና ጋካናሰ ባና አሊ አሚዳ፤ ታና ፃላላ ገደንታ አይዘቤታ፤ አማኒዳይቲካ ኢሰታ ጋላቲቲሰ። 5 ኢሰታ ከላን ዲዛ አማኒዛ አሳካ ሳሮ ገቲ። ኢሲያፔ ኮይሮ ኪርሰቶሳን አማኒዳ ታ ሲቆዞ ኤጲኔያሴ ሳሮ ገቲ። 6 እንቲሰ ዳሮ ዳቡሪዳሮ ማራሞ ሳሮ ገቲ። 7 ታናራ ኢሲፌ ቃሼቲዳ አንዲራቆኔኔ ዩኒያሴ ሳሮ ገቲ። ሃይታንቲ ሃዋሬታ ጋርሳን ሎያ ሱንገራ ዲዛይታኔ ኪርሰቶሳ ታፔ ካሴ አማኒዳይታ። *

8 ታኒ ጎዳ ባጋራ ዳሮ ሲቁዞ ጸሊያያኔ ሳሮ ገቲ። 9 ኪርሰቶሳ ኦሶ ታናራ ኢሲፌ ኦሊዛ ኢርባኖኔኔ ታ ሲቁዞ ሱንገኮካ ሳሮ ገቲ። 10 ኪርሰቶሳን ኢዛ አማኖይ ፓጩቲዳ ጋላቲቲዳ ኤጲኔኔሴሰ ታ ሳሮካ ጋሏቲ። አርሲፃባሎሶ አሳሰካ ታ ሳሮካ ጋሏቲ። 11 ታ ዳቦ ሃሮዲያና ሳሮ ገቲ። ጎዳን ዲዛ ኒሪቃሶሶ አሳ ሳሮ ገቲ።

12 ጎዳን ገዲዲ ሚኖቲላን ኦሊዛ ማጫሳታ ቲሮፊሞኖኔ ጸርፊሞኖ ሳሮ ገቲ። ጎዳሰ ኦሶን ዳሮ ዳቡሪዳሪሰ ኪርሰቶሳን ታኒ ኢዞ ሲቁዞ ፃርሲዲሰ ታ ሳሮካ ጋሏቲ። 13 ጎዳን ደሬቲዳ ሩፎኔሰ፣ ታሲኔ ኢዛሰ አዮ ገዲዳሪሰ ታ ሳሮካ ዮቲቲ። *

14 አሰቁሮኔሰ፣ አፊላሶኔሰ፣ ሃሮሜኔሰ፣ ጳጸርባኔሰ፣ ሃርማኔሰኔ ኢሰታራ ዲዛ አሻታ ኡባታሰ ታ ሳሮካ ጋሏቲ። 15 ፊላጎኔሰ፣ ዩሊያሰ፣ ኔሪያሲኔ ኢዛ ሚቹይሰ ሃሳቶካ አልያኔሰ፣ ኢሰታራ ዲዛ አማኒዛይታሰካ ታ ሳሮካ ጋሏቲ።

16 ኢሶይ አሳ ዩሪ ዩር ኤኪዲ ሳሮኬቲቲ። ኪርሰቶሳን አማኒዛ ዋሳ ከላ አሳይ ወሪካ እንቲና ሳሮ ገቲ።

17 ታ አሻቶ! አሳ ጋርሳን ሻኬቲሊ ሜጲዛይታፔኔ እንቲ ታማሪዳ ቲሚርታ ኤኮንታ ኢያን እንቲሰ ጳጶ ገዲዛ አሳታፔ እንቲና ገቲቲ። 18 ሃይታንታ ማላ አሳቲ ዩሱሰ ኪርሰቶሳሰ ኦሊዛይታ ገደንታ ባ ቃንላ ካላ ገሽ ኦሊዛይታ። ሹጎ ቃላራ ሃሳያኒኔ ዋዝና ኪያ አሳታ ባለሌቲሰ። 19 እንቲ ሚሽራቾ ቃላሰ አዛዜቲዛይታ ገዲዳይሳ አሲ ወሪ ሲይዳሰ። ሄሲካ ታና ዳሮ ኡፋይሰዳሰ። ገዲኮካ እንቲ ሎያ ሃኖሰ ጨንጫታ ቃሴ ኢታ ኦሶሰ ኤያታ ገዳና ማላ ታ ኮያይሰ። 20 ሳሮቲላ ጎዳይ ፃላዔ ኤሶን እንቲ ቶሆ ጋርሰ አሊ ዲንጩሬላና።

ጎዳ ዩሱሰ ኪርሰቶሳ ኪያቲሊ እንቲናራ ገደ።

21 ታናራ ኢሲፌ ኦሊዛ ጸሞቶሲ ቃሴካ ታ ዳቦ ሉቁዮሲ፣ ኢያሶኔይኔ ሱሲጶዳሮሲ እንቲና ሳሮ ሳሮ ገቲሰ። *

22 ሃይሳ ኪታ ፃፊዳይ ታኒ ፃሪፃዮሲ እንቲና ጎዳ ሱንገላን ሳሮ ጋይሰ።

23 ታኒኔ ሃይሳን ዲዛ ኩሜላ ዋሳ ከላ አሳይ ሞኪ ኤኪዛ ጋዩዮሲካ እንቲና ሳሮ ገቲ፤ ካታማ ሚሻ ኦይኪዛ ኤሪሰያሲኔ ኑ አሻ ቆዓዳሮሲ እንቲና ሳሮ ገቲሰ። *

24 ጎዳ ዩሱሰ ኪርሰቶሳ ኪያቲሊ እንቲናራ ኡባታራ ገደ። አሚን።

25 ታኒ ዮቲዛ ሚሽራቾ ቃላይ ዩሱሰ ኪርሰቶሳ ገሽ ዮቲቲዛ ኪታይኔ ቤኒ ዋዴፔ ደሚዲ ቆታን ጋሞዒዲ ሃዒ ቃሴ ቆንጩዳ ቱማ ፀራ ባጋራ ኢዚ እንቲና አማኖን ኤሳናሰ ዳንዳዩሰ። 26 ሃዒ ቃሴ ሃይሲ ቱማይ ቆንጩዳሰ። ሜርና ያሳ አዛዞን ወሪካ አማኒዲ አዛዜታና ማላ ናቤታ ማፃፋ ባጋራ ዳሬቲ ወሪካ ኢዛ ኤራና ማላ ሃኒዳሰ።

27 ኢዚ ፃላላ ኤራ ገዲዳ ጎዳሰ ዩሱሰ ኪርሰቶሳ ባጋራ ሜርና ቦንቾይ ኢዛሰ ገደ። አሚን።

* 16:3 ሃዋ 18:2 * 16:7 ዩኒያሴ ኢሲ ኢሲ ገሻ ማፃፋቲ ዮሊያ ገቲሰ። * 16:13 ማር 15:21 * 16:21 ሃዋ 16:1 * 16:23 ሃዋ 19:29፤ 1ቆር 1:14፤ 2ጻሞ 4:20

ጳውሎስ ቆርንቶስ አሳሰ ፃፊዳ ኮይሮ ኪታ ገደ ቆፋ

ጳውሎስ ቆርንቶስ አሳሰ ፃፊዳ ኮይሮ ኪታይ ፃፊቲዳይ ኢዚ ካሴ ቆርንቶስን ኤሲዳ ዋሳ ኬላ ገደን ዲዛ አማኖን ዱሳ ገሺኔ አማኖ ገሽ ዳንዲዳ ሜቶታ ቢርሻናሰ ገዲኩ። ሄ ዋዴ ቆርንቶስ ካታማያ ኩሜላ አላሜን ኤሬቲዳ ገሪኬ አሳ ካታማ ገደይሳፔካ ቦላራ አካያ ጌቲቲዛ ኦሮሜ ካዋይ ሃሪዛ ዋና ካታማ። ሂና ሄ ካታማያ ኢዚን ዳሮ ገታ ዛልዔይ ዛልዔቲዛሶ። ሃንኮ ዳሬ ዋጋ ባጋራ ገዲኩ ዳሮ ዲቻ ቦላ ዳወሲኔ ኢታ ሃኖኒኔ ዲማ ዲማ ሚሼ አማኖን ዳሮ ኤሬቲዳሮ።

ሃዋሬይ ሃራፔካ ሎዔላ ዪሊዳይ ዋሳ ኬላይ ገደን ዲዛ ሻኮቲላ ገሽ። ኢሰታ ኢታ ኦላ ገሽ። ላይማ ገሺኔ ኤኮኔ ጌሎ ገሽ። ዋሳ ኬላ ገሽ። ዪሎ አያና አዋታታ ገሺኔ ሃይቆፔ ዳንላ ገሻሳ። ሃሳላካ ሃዋሬይ ሚሺራቾ ቃላዛ ሃይታ ሃ ኦይሻታ ቦላ ኢሰታሰ ሎዔላ ሚንላ ዛሮ አሜሰ።

“ሲቆይ” ያሲ ባ አሳሰ አሚዳ አዋታ ኡባሬ አዴሳ ገዲዳይሳ ቆንጨሲዛይ ታማኔ ሃቸንላ ሽምግይ ሃይሳ ሃ ማፃፋ ገደን ዳሮ ኤሬቲዳ ኪፍሌ ገዲ ቆሬቲሰ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1-9
- አማኒዛይታ ጋርሳን ሜጴቲዳ ሻኮቲላ 1:10-4:21
- ኢታ ኦሶኔ ሶ አሳ ዲሶ 5:1-7:40
- አማኒዛይታ አማኖንታ አሳ 8:1-11:1
- አማኒዛይታ ዱሲኔ ያሴ ጎይኖ ዋጋ 11:2-14:40
- ሃይቆፔ ኪርሰቶሳ ዳንላኔ አማኒዛይታ ዳንላ 15:1-58
- ዩሁዳን ዋዬ ቦላ ዲዛ አማኒዛይታ ማዳናሰ ኬሶ ሚሽ ሺሾ 16:1-4
- ኩሻ ቆፋ 16:5-24

1 ያሳ ሼኔን ዩሱሰ ኪርሰቶሳሰ ኪቲታናሰ ዪይጌቲዳ ጳውሎሳፔኔ ኑ አሻ ሶሰቲኔሴፔ፤

2 ቆርንቶስን ዲዛ ያሳ ዋሳ ኬላሰ፤ ጎዳ ዩሱሰ ኪርሰቶሳሰ ዲማቲዳይታሲኔ ኢሰታሳራ ኑሳራ ጎዳ ገዲዳ ጎዳ ዩሱሰ ኪርሰቶሳ ሱንላ አዋን አዋንካ ዪይጊዛ አማኒዛይታራ ገዳናሰ ዪይጌቲዳ አሳ ኡባሰ።

3 ኑ አዋ ያሳፊኔ ጎዳ ዩሱሰ ኪርሰቶሳፔ ኪያቴላኔ ሳሮይ ኢንቲሰ ገደ።

ያሳሰ ጋላታ

4 ጎዳ ዩሱሰ ኪርሰቶሳ ባጋራ ኢንቲሰ አሜቲዳ ያሳ ኪያቴላ ገሽ ኡባ ዋዴ ኢንቲ ገሺካ ታኒ ያሳ ጋላታይሰ። 5 ጋሶይ አይ ዮግንካ፤ ሃሲካ ሃሳያን ገዲን ኤራቴላ ኢንቲ ኡባን ዲሬቲዳታ። 6 ኪርሰቶሳ ገሽ ኑ ኢንቲሰ ማርካቲዳይሲ ኢንቲ ኣቻን ሚኒዳሰ። 7 ሃሳ ገሽ ኢንቲ ዩሱሰ ኪርሰቶሳ ቆንጨና ጋላሰ ናገሺን አያና አዋቴላታፔ አይኮይካ ኢንቲሰ ፓጩኖ። 8 ጎዳ ዩሱሰ ኪርሰቶሳ ናዋዕንላ ያና ጋላሳን ኢንቲ ቦላ

ቦሮይ ባይንዳ ቤታና ማላ ወርሴላ ጋካናሰ ኢዚ ኢንቲና ሎዔላ ናጋና። 9 ኢዚ ባ ናዛ ኑ ጎዳ ዩሱሰ ኪርሰቶሳ ኢሲፊቲላኮ ኢንቲና ዪይጊዳ ያሲ ኢዚ አማኔቲዳ ያሳ።

ቆርንቶስ ዋሳ ኬላ ጋርሳን ሜጴቲዳ ሻኮቲላ

10 ታ አሻቶ! ኢንቲ ጋርሳን ሻኮቲላ ዳንታ ማላ ኢንቲሰ ኢሲ ዋዘናይኔ ኢሲ ቆፋይ ዳና ማላ ኢንቲ ኢንቲ ጋርሳን ኢሲኖ ገዳና ማላ ጎዳ ዩሱሰ ኪርሰቶሳ ሱንላን ታ ኢንቲና ዋሳይሰ። 11 ታ አሻቶ! ኢንቲ ጋርሳን ፓላማይ ዲዛይሳ ታ ቃሎዔ ሶ አሳፔ ሲያዲሰ። 12 ዮግንካ ሃይሳ ማላ፤ ኢንቲ ጋርሳን ኢሲ ኢሲ አሳይ “ታ ጳውሎሳ ባጋ” ጌሰ፤ ባጋይ ቃሴ “ታ አጺሎሳ ባጋ” ጌሰ፤ ባጋይ ቃሴ “ታ ኬፋ ባጋ” ገሺን ሃራይ ቃሴ “ታ ኪርሰቶሳ ባጋ” ጌሰ። ** 13 ሂሰቲኮ ኪርሰቶሳ ሻኮቲ ዋጲዳ? ኢንቲ ገሽ ጳውሎስ ካቆቲዳ? ዋይኮ ጳውሎሳ ሱንላን ፃማቁቲዳቲ? 14 ኢንቲ ገደሬ ቁሪሰጸሳፔኔ ጋዩዮሳፔ ኣቲን ሃራ ኦናካ ታ ፃማቆንታ ገሽ ያሳ ጋላታይሰ። * 15 ሃሳ ገሽ ኦኒካ “ታ ጳውሎሳ ሱንላን ፃማቁታዲሰ” ጋና ኢሲ ዳና። 16 ቱሙካ ኢሰቲፋኖሴ ሶ አሳ ፃማቃዲሰ። ሃይታፔ ሃራ ታ ፃማቁዳኮኔ ታ ኤሪዛይይ ዳና። * 17 ኪርሰቶሳ ታና ኪቲዳይ ሚሺራቾ ቃላ ዮታናሰ ኣቲን ፃማቃናሰ ገደና። ኪርሰቶሳ ማሰቃሌይ ሃዳ ገደንታ ማላ ታ አሳፔ ገዲዳ ጨንጫቲላን ሳባኪኬ።

ያሳ ዋልቃኔ ኤራቴላ ገዲዳ ኪርሰቶሳ

18 ማሰቃሌዛ ኪታይ ጳያና ዲዛይታሰ ኤያቴላ። ገደ ኣቲን ኣታና ዲዛ ኑሰ ገዲኮ ያሳ ዋልቃ። 19 “ጨንጫታ ጨንጫቲላ ታ ኢሰታሬ ጳይሳና፤ ኤራንቻታ ኤራቴላ ታ ሃዳ ኦላና” ጌቲቲ ጌሻ ማፃፋን ፃፊቲዳሰ። *

20 ጨንጫይ ኣዋን ዲዜ? ታማሪዳ ኤራይ ኣዋን ዲዜ? ሃይሳ ዋዴዛ ፔልጊ ኤሪዛይ ኣዋን ዲዜ? ያሲ ሃ አላሜዛ ኤራቴላ። ኤያቴላ ኦላኔ? * 21 ያሳ ኤራቴላሬ ዳንዲዳይሳን አላሜይ ባ ኤራቴላ ጋሶን ያሳ ኤሮይ ያኒን ሳባኮ ኤያቴላን አማኒዛይታ አሻናሰ ያሳ ሼኔ ገዲዳሰ። 22 አይ ዋዴካ ኣይሁዳቲ ዲማ ማላታ ኮዬቲሰ። ገሪኬ አሳቲ ቃሴ ኤራቴላ ኮዬቲሰ፤ 23 ኑኒ ገዲኮ ካቆቲዳ ኪርሰቶሳ ሳባኮሰ። ሃሲካ ኣይሁዳታሰ ጲጵ፤ ኣይዛቤታሰ ቃሴ ኤያቴላ። 24 ያሲ ዪይጊዳይታሰ ኢሰቲ ኣይሁዳታ ገዲን ዋይኮ ገሪኬ ዳሬ አሳ ገዲኮካ ኪርሰቶሳ ያሳ ዋልቃኔ ያሳ ኤራቴላ። 25 ጋሶይካ አሳ ኤራፔ ያሳ ኤያቴላ ኣዲዳ ኤራቴላ፤ አሳ ሚኖቴላሬ ያሳ ሳፋቴላ ኣዴሰ፤

26 ታ አሻቶ! ካሴ ኢንቲ ዪይጌቲዛ ዋዴ ኢንቲ ኣይ ማላ ኣሳኮኔ ኣኔ ቆፒቲ። አሳ ቆፋ ማላ ገዲኮ ኢንቲሬ ዳሪዛይቲ ኤራታ ገዴኬታ። ኢንቲሬ ዳሮቲ ዋልቃይ ባይንዳይታ፤ ዳሮቲካ ገታ ኬላ አሳፔ ዩሌቲቤኬታ። 27 ገደ ኣቲን ያሲ ኤራታ ዩላቻናሰ ዳራፔ ኤያታ ዳሪዳሰ፤ ያሲ ሚኖታ ዩላቻናሰ አላሜዛፔ ደቡራንቻታ ዳሪዳሰ። 28 ያሲ ሃንኮ አማኖንታ አሳ ኣቻን ዳቴሰ ጌቲቲ ኤራቲዛ ሚሻታ ባይንዳ ሚሻ ማላ ኦላና ሃይሳ አላሜዛን ሌቁቲዳይታኔ ካወዩዳይታ ላፋታ ደሪዳሰ። 29 ሃሳካ ኢዚ ኦላዳይ ኦኒካ ኢዛ ሲንላን ጨቆቶንታ ማላ። 30 ኢንቲና ቃሴ ያሲ ዩሱሰ ኪርሰቶሳራ ኢሲፊቲላ ዳና ማላ ኦላዳሰ። ሃሳ ገሽ ያሲ ዩሱሰ ኪርሰቶሳ ኑ

* 1:12 ኬፋ ጉሲ ጸፅሮሳ ጉሲ። * 1:12 ሃዋ 18:24 * 1:14 ሃዋ 18:8፤ 19:29፤ ኦሮ 16:23 * 1:16 1ቆር 16:15 * 1:19 አሳ 29:14 * 1:20 አዮ 12:17፤ አሳ 19:12፤ 33:18፤ 44:25

ኤራቴል፣ ኑ ዲሎቴል፣ ኑ ጌሻቴሌኔ ኑና አሺዛዴ ገዳና ማላ ኦሊዴስ። 31 ሄሳ ገሽ ካሴ “ጨቁዛ አሲ ጎዳን ጨቆ” ጌቴቴ ጌሻ ማፃፋን ፃፊቴዳ ማላ። *

2

ካቄቴዳ ኪርሰቶሳ ገሽ ታማርሶ

1 ታ አሻቶ! ታ አንቴኮ ያሳ ፀራ ቆንጨሳና ቢዳይ ታሰ ዲና ቃራቴሌ ዋይኮ ኤራ ዳርይ ዲዛ ገሽ ገዴና። 2 ታ አንቴ ገዴን ዲዛ ዋይ ካቄቴዳ ዬሱስ ኪርሰቶሳ፤ ኦቴን ሃራ ኤርንታ ማላ ታ ባጋራ ሙርታዲስ። 3 ታ አንቴኮ ዳር ዳቡራን፣ ያሻቴላኔ ዳር ኮኮራሼ ባዲስ። 4 ታ ቃላይኔ ሳባኮይካ አያና ዋልቃ ቆንጨሴላንቴ ኦቴን ጨሞኒኔ ኤራ ዳርን ገዴና። 5 ሄሲካ አንቴ አማኖይ ያሳ ዋልቃንቴ ኦቴን አሳ ጨንጫቴላ ቦላ ፃጸንታ ማላ ሃኒዴስ።

ዲሎ አያናቴ አሜቴዳ ኤራቴል

6 ኑ ካሃ ኩንሊዳ አሳታ አቻን ኤራ ሃሳያ ሃሳዮስ፤ ገዴ ኦቴን ሃይሳ ሃ አላሜዛ ኤራቴል ገዴና፤ ዋይኮ ዳያና ዲዛ ሃ አላሜዛ ሃሪዛይታ ኤራቴል ገዴና። 7 ገዴ ኦቴን ኑ ሃሳዱዛይ ካሴ ቆቴቴ ዲዛ ያሳ ፀራ ኤራቴል፤ ሄ ኤራቴላይ ያሲ ዳር ዋይቴ ካሴ ኑና ቦንቸስ ካሴቴዲ ወርሲ ዋላዲይሳ። 8 ሃ አላሜዛ ሃሪዛይታቴ ኦቴን ሃ ኤራቴላ ኤሪቤና፤ ኤራዳኮ ኢስቴ ቦንቸ ጎዳ ካቄቴና። 9 ገዴ ኦቴን ጌሻ ማፃፋን “አሳ አይፊይ ቤዮንታዝ፣ አሳ ሃይሌ ሲዮንታዝ፣ አሳ ዋዝናይካ ቆፖንታዝ

ያሲ ባ ደሲዛይታስ ገረሲዴስ” ጌሰ። *

10 ያሲ ገዴኮ ሄሳ ባ አያና ባጋራ ኑስ ቆንጨሲዴስ። አያናይካ ያሳሰ ዲዛ ጨማ ዮፖ አሻንታ ወርሲ ፒልጊ ዪሌስ። 11 አሳ ጋርሳን ኢዛዴስ ዲዛ አያናቴ ኦቴን ኢዛዴ ዋዝና ኤሪዛይ ኦቴ? ሄሳዳካ ያሳ አያናቴ ኦቴን ያሳ ቆፋ ኤሪዛይ ኦቴን ዴና። 12 ያሳፊ ኑስ አሜቴዳይሳ ኦቴ ኤራና ማላ ያሳ አያናይ ኑስ አሜቴዴስ ኦቴን ኦቴ ሃይሳ ሃ አላሜዛ አያና ኤኪቤኮ።

13 ኑ ዮቴዛይ ሃይሳ፤ ኑ አሳቴ ታማሪዳ ቃላ ገዴንታ አያናቴ ታማሪዳ ቃላ ሃሳዮስ። አያና ቴማቴላካ ኑ ቆንጨሲዛይ አያና ቃላና። 14 ያሳ አያናይ ኢዛን ባይንዳ አሲ ያሳ አያናቴ ገዴዳዝ ኤካናስ ዳንዳይና፤ ጋሶይካ ሄሳ ማላ ዮፖይ ኢዛስ ኤያቴላ፤ ኢዚ ባሲ አያናን ፓጤቴዛይ ገዴዳ ገሽ ኢዚ ኤራናስ ዳንዳይና። 15 ያሳ አያናይ ኢዛን ዲዛይይ ቃስ ወርሲካ ፓጤቴ ኦቴን ባሲ ኦቴንካ ፓጤቴና። 16 ሄሲካ

“ጎዳ ቆፋ ኤራናስ ዳንዳይዛይ ኦቴ? ኢዛ ዘራናስ ዳንዳይዛይ ኦቴ?” ጌቴቴ ካሴ ጌሻ ማፃፋን ፃፊቴዳ ማላ፤ ኑስ ገዴኮ ኪርሰቶሳ ዋዝናይ ዴስ። *

3

ዋሳ ኬላ ገዴን ሚጴቴዳ ሻኬቴል

1 ታ አሻቶ! ታ አንቴና አንቴ ኪርሰቶሳን ቡር ጉላ ናይታ ማላ፤ ቡር አማኖይ ጌሎንታ አሳ ማላ፤ ኦቴን አያናን ኩሚዳ አሳ ማላ ጋዳ አንቴሰ ሃሳያናስ

ዳንዳያቤኬ። 2 አንቴ ቡር ሚኖንታ ገሽ ታ አንቴና ማላ ፓሃዲስ ኦቴን ቡር ሚኖ ካል ሚዛቤኬ፤ ሃሲካ ገዴኮ አንቴ ቡር! * 3 አንቴ ሃሲካ ቡር አማኖን ሚኖንታይታ ገዴዳ ገሽ አንቴ ገዴን ቃናቴቴሌኔ ፓላማይ ዴስ፤ ሄሰቴን አንቴ ቡር አማኖን ሚኖንታ አሳ ማላ ገዴኬቴ? አንቴ ኦሶይ ጮ ማላ አሲ ኦሊዛይሳ ማላ ገዴኔ? 4 ጋሶይካ አንቴ ጋርሳፊ ኢሶይ “ታ ጳውሎሳሳ” ሃንኮይስ ቃስ “ታ አጲሎሳሳ” ገኮ አንቴ ጮ አሻ ቆፋን ፃላላ ዲዛ አሳ ማላ ገዴኬቴ? *

5 ኤር! ገዴ ኦቴን አጲሎሲ አዜ? ጳውሎሲካ አዜ? ኢስቴ ጎዳይ ኢስታስ ኢሳስ ኢሳስ አሚዳ ማላ ኦሊዛ ኦላንቻታ፤ አንቴካ ኢስታ ባጋራ አማኒይታ። 6 ታ ቶካዲስ፤ አጲሎሲ ሃሌ ኡሺዴስ፤ ዲቹዳይ ገዴኮ ያሳ። * 7 ሄሳ ገሽ ዲቹዛይ ያሴ ኦቴን ቶኪዛይይካ፣ ሃሌ ኡሺዛይይካ አይኮካ ገዴቴና። 8 ቶኪዛይ ገዴን ዋይኮ ኡሺዛይ ገዴን ኢስቴ ኢሲኖ፤ ኢስታፊ ኢሳይይ ኢሳይይ ባ ኦሶ ማላ ዋይቶ ኤካና። 9 ጋሶይካ ኑ ያሳራ ኢሲፊ ኦሊዛይታ። አንቴካ ያሳ ጎሻ ጋዴኔ ያሳ ኬላታ።

10 ያሳፊ ታስ አሜቴዳ አሞቴላ ገና ኬሌ ኬፂዛ ሃላ ማላ ኬላይ ኤቃናስ ሎዔላ ገረሳዲስ፤ ኢዛ ቦላ ሃራ አሲ ኬላ ኬፂና። ገዴ ኦቴን ኬላ ኬፂዛይይ ዋሰቴ ኬፂናኮኔ ናጌታናስ ቤሴስ። 11 ጋሶይካ ኬላይ ኬፂቴል ኦይኬቴዳ፤ ጉዬ ሃራ ዋሌ ቃሴ ኬፂና ዳንዳይዛይይ ኦቴካ ባሞ፤ ሄሲካ ኬላስ ኮይርይ ዬሱስ ኪርሰቶሳ። 12 ኦቴካ ኬላይ ኮይር ኬፂቴዳይሳ ቦላ ዋርቃን ዋይኮ ቢራን ቦንቸቴዳ ሹቻን ዋይኮ ሚላኒኔ ማታን ዋይኮ ማቃን ኬፂኮ። 13 ኢዛይ ኦሶይ አይ ማላ ፒርዳ ጋሳስ ቆንጫና። ጋሶይካ ሄ ጋላሳይ ኢዛ ሃ ፖፖይ ዲዛሶ ኬላና። ሄ ኦሶይ ታማን ፓጤቴዳ ገሽ ኢሳይ አሳይ ኦሶይ አይ ማላ ቡር ታማን ፓጤቴዳ። 14 ኦቴካ ኬፂዳ ኬሌ ሚኒ ኤቁዛ ገዴኮ ሃሳይይ ባ ዋይቶ ኤካና። 15 ኢዛ ኦሶይ ፀጌቴዳይይ ገዴኮ ዋይቶይ ኢዛስ ዴና ሽን ኢዛይይ ባ ሁዔስ አታና። ገዴ ኦቴን ኢዛይ ኦቴል ታማቴ አሲ ዋይዲ ኦቴዛ ኦቴላ ማላ ገዴና።

16 አንቴ አንቴ ሁዔስ ያሳ ኬሌ ገዴዳይሳኔ ያሳ አያናይ አንቴ ገዴን ዲዛይሳ ኤሬኬቴ? * 17 ኦቴካ ያሳ ኬሌ ላሊኮ ያሲ ኢዛይ ላላና። ያሳ ኬሌ ጌሻ። ሄሲካ አንቴናኮ!

18 ኦቴካ ባርካ ባና ባሌላይ፤ አንቴፊ ኦቴካ ሃይሳ ሃ አላሜዛን ባና ኤራንቻ ማላ ቆፐኮ ኢዛይይ ኤራንቻ ገዴና ማላ ባና ባርካ ኤያ ማላ ቆዶ። 19 ሃይሳ ሃ ዴሬዛ ኤራቴሌ ያሳ አቻን ኤያቴላ። ካሴ ጌሻ ማፃፋን “ኢዚ ኤራንቻታ ኢስታ ጌኔ ኦሶ ገዴን ዛሪዲ ኦይካና” ጌቴቴ ፃፊቴዴስ። * 20 ቃሴካ ሃራሶን

“ኤራንቻታ ቆፋይ ማላ ሃዳ ገዴዳይሳ ጎዳይ ኤሬስ”

ጌቴቴ ፃፊቴዴስ። * 21 ሄሳ ገሽ ወሪካ አንቴሰ ገዴዳ ገሽ ኦቴካ አሳን ጨቁቶፎ። 22 ጳውሎሳ ገዴን፣ አጲሎሳ ገዴን፣ ዋይኮ ኬፋ ገዴን፣ አላሜ ገዴን፣ ዴፖ ገዴን፣ ዋይኮ ሃይቆ ገዴን፣ ሃሲ ዲዛዝ ገዴን፣ ዋይኮ ቡር ያና ሚሽ ገዴን፣ ወሪካ አንቴሳ። 23 አንቴካ ኪርሰቶሳይታ፤ ኪርሰቶሲካ ያሳይሳ።

* 1:31 ኤር 9:24 * 2:9 ኢሳ 64:4 * 2:16 ኢሳ 40:13 * 3:2 ኢብ 5:12-13 * 3:4 1ቆር 1:12 * 3:6 ሃዋ 18:4-11፤ 24-28 * 3:16 1ቆር 6:19፤ 2ቆር 6:16 * 3:19 ኢዮ 5:13 * 3:20 ማዛ 94:11

4

ኪርሰቶሳ ሃዋሬታ

1 ሃሳ ገዲዳ ገሽ አሲ ወሪካ ኑና ኪርሰቶሳ አሳንቻታ ማለኔ ያሳ ፀራ ቆንጩሳና ሃዳራ ኤኪዳ አሳ ማላ ቆዳናሰ ቤሴስ። 2 ሃዳራ ኤኪዳይቲካ አማኔቲዳይታ ገዳናሰ ቤሴስ። 3 ታ ቦላ ኢንቴ ፐርዲንካ ዋይኮ ዲላታ አሳይ ፐርዲንካ ታ ባጋራ ታሰ አይኮይ ባዋ። ሃራይ አቶሺን ታርካ ታ ቦላ ፐርዲኬ። 4 “ታ ኤሪዛ ማላ ታኒ ታ ዋዘናራ ሲጴዛ ሚሺ ባዋ፤ ገደ አቲን ሃሳ ጉሰ ታ ቦላ ሞርይ ባዋ” ጉሰ ገደና። ቡሮ ታ ቦላ ፐርዳናይ ጎዳ። 5 ሃሳ ገሽ ፐርዳና ዋይይ ታኮንታ ሃራ አይ የዎካ ፐርዳና። ጎዳይ ያና ጋካናሰ ናገቲ፤ ኢዚ ጴጫ ገደን ቆቲቲዳይሳ ቡሮ ቆንጩ ኬሳና። አሳ ዋዘና ገደን ዲዛ ቆፋካ ቆንጩ ኬሳና። ሄ ዋይ ኢሲ ኢሲ አሲ ባሲ ቤሲዛ ጋላታ ያሳ አቻፊ ኤካና።

6 ሃሳ ገሽ ታ አሻቶ! ታ ኢንቴና ጎዳና ማላ ሃ የዎዛን ታናኔ አጲሎሳ ኢንቴሰ ለሚሶ ሺሻዲሰ፤ ታ ሃይሳ አሊዳይ “ፃፊቲዳይሳፊ አጴፋ” ገዛይሳ ኢንቴ ኑፔ ታሚራና ማላ ጋዳ። ሃሳ ገሽ ኢንቴ አሳዳ ሳቢዲ ሃራ አሰ ካጳናሰ ቤሴና። 7 ኔኒ አዛን አጳይ? ኔኒ ሃራፔ ኤኮንታ አቲዳ ሚሺ አዜ? ሂሰቲን ኔ ወርሳካ ኤኪዳይ ሃራ አሳፔ ገዲኮ። ሃራ አሳፔ ኤኮንታ አሳ ማላ አዛሰ ጩቁታይ?

8 ሃሳ ገዲኮ ኢንቴሰ ኮሻዛዝ ኢንቴ ወርሲ ዳሚዳታኔ ዲሬቲዳይታ፤ ኑፔካ ሻኬቲዲ ካዋቲዳይታ። ኢንቴ ቱሙካ ካዋቲዳይታ ኑካ ኢንቴናራ ካዋታናኮ ሺን። 9 ጋሶይካ ያሰ ኑና ሃዋሬታ ኑ ቦላ ሃይቆ ፐርዲይ ፐርዲቲዳ አሳታ ማላ አሳ ኡባፊ ወርሴሊ አሊዳዝ ታሰ ሚሳቲሰ። ሃሳ ገሽ አላሚሰ ኪታንቻታሲኔ አሳ ኡባሰ ካሳ ሚሽ ገዲደሰ። 10 ኑ ኪርሰቶሳ ገሽ ኤያታ ገዲደሰ። ኢንቴ ቃሰ ኪርሰቶሳን ኤራንቻታ፤ ኑኒ ዳቡራንቻታ፤ ኢንቴ ገዲኮ ሚናታ፤ ኢንቴ ቦንቸቲዳይታ፤ ኑኒ ገዲኮ ካወሻታ። 11 ሃሮ ጋካናሰ ኑ ጋይሰ፤ ሳሚቶሰ፤ ካሎቶሰ፤ ቡኬቶሰ፤ አቁዛሰይ ጳጼን ዋዬቶሰ። 12 ኑ ኩሼራ አሊ ዳቡራ አቆሰ። ኑና ቃንገሺን ኑ ቃሰ አንጀሰ፤ ኑና ጎዲሺን ኑ ዳንዳዮሰ። * 13 ኑ ሱንላ ኢሰቲ ሞሪሺን ኑ ቃሰ ሎዎ ዛርሰ፤ ሃሮ ጋካናሰ ኑ ቢታፊ ፐቲቲዳ ቡራ ገዲደሰ።

14 ታ ሃይሳ ኢንቴሰ ፃፊዳይ ኢንቴና ታ ደሲዛ ታ ናይታ ማላ ዘራናሰ ጋዳ አቲን ኢንቴና ዬላቻናሰ ገደና። 15 ኢንቴና ኪርሰቶሳን ዲቸዛ ዳር አሳቲ ዲኮካ ኢንቴሰ ዳር አዋቲ ዳቲና። ታኒ ቃሰ ዬሱሰ ኪርሰቶሳ ሚሺራቾ ቃላን ኢንቴና ዬላዲሰ። 16 ሃሳ ገሽ ኢንቴ ታና ሚሳታና ማላ ታ ኢንቴና ዋሳይሰ። 17 ጎዳን ዳር ደሴቲዳይሳኔ አማኔቲዳ ታ ና ጫቶሳ ታ ኢንቴኮ ከቲዳይ ሃሳ ጋሶና። ኢዚካ ዲማ ዲማ ሶን ዲዛ ዋሳ ኬሳ አሳ ወርሲ ታ ታሚርሲዳ ቲሚርቲዛራ ጋገዛይሳ ዬሱሰ ኪርሰቶሳን ዲዛ ዳዎ ኦጌ ገሽ ኢንቴና ኢዚ ቆፊሳና።

18 ኢንቴፊ ኢሲ ኢሲ አሳቲ ታ ናምዓንሉ ኢንቴና ቤያናሰ ቦንታዝ ኢሰታሰ ሚሳቲን ኦቶሬቲዳ። 19 ገደ አቲን ጎዳ ሼኔ ገዲኮ ማታራ ታ ኢንቴኮ ባና። ሃ ባዳ ሄ ኦቶራንቻቲ ሃሳዬዛዝ ፃላላ ገደንታ ኢሰታሰ አዛ ዋልቃይ ዲዛኮኔ ቤያና ኮያይሰ። 20 ጋሶይካ ያሳ ካዋቲሊ ጮ ዲና ፃላላ ገደንታ ዲናፔ ቦላራ ያሳ

* 4:12 ሃዋ 18:3 * 5:1 ዛሬ 22:30 * 5:6 ጋላ 5:9 * 5:7 ኬሳ 12:5 * 5:8 ኬሳ 13:7፤ ዛሬ 16:3

ዋልቃ። 21 ኤር! ኢንቴ ኮዬዛይ አዋይሴ? ዲርቃ ኤካ ቦዬ? ዋይኮ ሲቆራኔ አሽኬቲላ አያናራ ቦ?

5

ዋሳ ኬላን ኦሴቲዳ ዬላቸዛ ናጋራ

1 ኢንቴ ጋርሳን ዬላቸዛ ላይማይ ዲዛይሲ ዋሬቲሰ። ሃሳ ማላ ቲናቴሊ አማኖንታ ዴሬታ አቻንካ ዳና። ባ አዋ ማቾ ኤኪዳ አሲ ኢንቴኮን ዳሰ። * 2 ሂሰቲን ሃሳ ማላ ዬላቸዛ ሚሺ ኢንቴ ገደን ዲሺን አዛሰ ኦቶሬቲቲ? ሃሳፊ ሄ የዎዛን ኢንቴ ሙዞታናሰ ኢንቴና ቤሴኔ? ሃሳ ማላ አሊዳይ ኢንቴ ጋርሳፊ ዲገቲ።

3 ታ ኢንቴናራ አሸን ኢሲፊ ደንታ አገኮካ አያናን ቃሰ ኢንቴናራ ዳይሰ፤ ታ ሃሳ ኢንቴናራ ዲዛ ማላ ሃሳ አሊዳይ ቦላ ፐርዲዲሰ። 4-5 ኢንቴ ሺቁዛሶን ታ ኢንቴናራ ዲዛ ገሽ ጎዳ ዬሱሳ ሱንላኒኔ ኢንቴ ገደን ዲዛ ኑ ጎዳ ዬሱሳ ዋልቃን ሄ ሞራንቻዝ አሸይ ጳጼን ኢዛ ሽሞፖይ ጎዳ ጋላሳን አታና ማላ ሃሳ ማላ አሲ ፃላዴሰ አጴ አሜቶ።

6 ኢንቴ ጩቁቲዛይሲ ሎዎሰ ገደና። ጉላ ኢርሾይ ዳር ቡኬሶ ዳንሌሊዛ ኤሬኬቲ? * 7 ኢንቴ ሃሳ ኢርሾይ ባይንዳ ኦራላ ቡኬሶ ገደና ማላ ካሴ ጫላ ኢርሾዛ ኢንቴ ገደፊ ዲገቲ። ኑ ፓዚጋ ደርሰ ገዲዳ ኪርሰቶሲ ኑሰ ያርሼቲዳሰ። ** 8 ሃሳ ገሽ አኔ ኑኒ ፓዚጋ ባዳሊዛ ቆሆይኔ ኢታቲሊ ኢዛን ኩሚዳ ካሴ ጫላ ኢርሾ ቦላ ገደንታ ኢርሾይ ባይንዳ ኡኬላን ሱሬቲላኒኔ ቱማን ቦንቸሰ። *

9 ኢንቴሰ ላይማቲዛ አሳታራ ኢሲፊቲሊ ደንታ ማላ ታ ኢንቴሰ ካሴ ዳብዳቤ ፃፋዲሰኮሺን። 10-11 ኢንቴ ሚላ አማኖንታ ላይማቲዛ አሳራ ገደንታ ዋይኮ ጮ ጋጲጋጲዛይታራ፣ ካይሶቲዛይታራ፣ ኤቃሰ ጎይኒዛይታራ ጋገፍቲ ጉሰ ገደንታ ዲሺን ሃሳ ታ ፃፊዳይ አማናይሰ ገሼ ላይማቲዛይታራ ዋይኮ ማላቲዛይታራ፣ ጋጲጋጲዛይታራ፣ ኤቃሰ ጎይኒዛይታራ፣ አሳ ሱንላ ሞሪዛይታራ ዋይኮ ጫይዛይታራ፣ አሳ ሚሽ ቦንቁዛይንታራ ኢንቴሰ ኢሲፊቲላ ደፖ። ሃይታንታ ማላራ ሃራይ አቶ ሺን ካሊካ ኢሲፊ ሞፕቲ።

12 ሃንኮ አማኖንታ አሳ ቦላ ፐርዳናሰ ታና አዚ ጋሊዜ? ዋሳ ኬላን ዲዛይታ ቦላ ኢንቴ ፐርዳኬቲ? 13 ዋሳ ኬላፊ ካሬራ ዲዛይታ ቦላ ገዲኮ ያሰ ፐርዳና “ኢንቴ ኢንቴ ገደፊ ኢታ አሰ ዲገቲ” ጌቲቲ ጌሻ ማፃፋን ፃፊቲዳሰ።

6

አማኒዛይቲ ባ ጋርሳን ሞቲታናሰ ቤሴና

1 ኢንቴ ጋርሳፊ አሳዳሰ ሃራ አማኒዛይራ የዎይ ዲኮ ሄ የዎዛ አማኒዛይታ አቾ ሺሻናይሳ ዋሰቲ አማኖንታ አሳ ስንላን ፐርዳታና ሺሺዜ? 2 አማኒዛ አሳይ አማኖንታ አሳ ቦላ ፐርዳናይሳ ኢንቴ ኤሬኬቲ? ኢንቴ ቡሮ አላሚ ቦላ ፐርዳንዳይታ። ገዲኮካ ሃሳ ጉላ የዎ ቦላ ፐርዳናሰ ዳንዳይኬቲ? 3 ሃይሳ ቢታ ቦላ ዲዛ ፐርዳይ አቶሺን ኢንቴ ቡሮ ኪታንቻታ ቦላ ፐርዳናይሳ ኤሬኬቲ? 4 ኢንቴ ኢንቴ ጋርሳን ኦዬቲኮ አማኒዛይታ ማባራፔ ካሬን ዲዛይታኒኔ ካጴቲዳ አሳታ ስንላን ዋሰቲ ኢንቴ የዎ

5:7 ፓዚጋ ቦንቸዛ ዋይ አሳይ ጫላ ኢርሾ ገዲዳ ሚሺ ካላን ዬጌና።

ሺሼት? 5 ታ ሃሳ አንቴስ ገዛይ አንቴና ዩላቻናሳ። አንቴ ጋርሳን አማኒዛይታ ገገሳናስ ዳንዳዪዛ ዋዝናማ ኣሲ ዴኔ? 6 ገደ ኣትን አማኒዛይይ ሃራ አማኒዛይ ዋታናስ ኣላሜ ፐርዳ ኬል ባናስ ቤሲዜ?

7 አንቴ ጋርሳን ኢሶይ ኢሳ ሞቶይ አንቴ ኩንዳሳስ ማላታ ቤሲስ። አንቴ ቆሃናፔ ቆሃቲኮ ሎዔኔ? ቃሴካ አንቴ ኣስ ባሌላናፔ አንቴና ኣሲ ባሌሊኮ ሎዔኔ? 8 አንቴ ሃ ቆሃታናፔ ጌዳ ቆሃታኔ ባሌሊታ። ሄሲካ አንቴ ኣሻታ።

9 ማካላንቻቲ ያሳ ካዎቴል ጌሎንታይሳ ኤሬኬቲ? ሄሳ ማላ ዮጎን ባሌቶፍቴ። ላይማታና ቃቃቲዛይቲ፣ ኤቃ ኤቁዛይቲኔ ኣይይ ኣይራ ላይማቲዛይቲ፣ 10 ዎይኮ ካይሶቲ፣ ጋጺጋጺዛይቲ፣ ማላቲዛይቲ፣ ኣስ ጫይዛይቲኔ ቦንቁዛይቲ ያሳ ካዎቴል ላቴቴና። 11 አንቴፊ ኢሲ ኢሲ ኣሳቲ ሄይታንታ ማላ ሺን ሃሲ ቃስ ጎዳ ዩሶስ ከርሰቶሳ ሱንሳኔ ኑ ያሳ ኣያናን ሜጩቲዳታ፤ ዲማቲዳታኔ ዪሊዳታ።

ባ ኣሳቴላን ያሳ ቦንቻ

12 ሃራይ ወሪካ ታስ አማቲዳስ፤ ገደ ኣትን ወሪካ ጎራዛዝ ገደና። ወሪካ ታስ አማቲዳስ ገደ ኣትን ኣይ ሚሽካ ታና ሃራና። * 13 ቃሴ ካል ኡሎሳ፤ ኡሎይካ ካሳሳ፤ ገደ ኣትን ያሲ ናምዓካ ቆይሳና፤ ኣሳቴል ጎዳሰፊ ኣትን ላይማስ ገደና። ጎዳይካ ኣሳቴላሳ። 14 ያሲ ጎዳ ሃይቆፔ ዳንሊዳ ማላ ኑናካ ቃሴ ኢዚ ባ ዎልቃን ሃይቆፔ ዳንላና።

15 አንቴ ኣሳቴላይ ከርሰቶሳ ኣሳቴል ቢሊቲ ገዲዳይሳ አንቴ ኤሬኬቲ? ሂሰቲን ታ ከርሰቶሳ ኣሳቴላፊ ኢሳ ላይማን ኣቁዛ ኣሳታራ ኢሲና ሂሰቶ? ሙሊካ ቤሲና። 16 ዎይኮ ላይማቲዛሪራ ኣቁዛይይ ኢዚራ ኢሲ ኣሻ ገዲዛይሳ አንቴ ኤሬኬቲ? “ናምዓይ ኢሲ ኣሻ ገደቴስ” ጌቴቲዳስ። * 17 ገደ ኣትን ጎዳራ ኢሲና ገዲዛይይ ኢዚራ ኢሲ ኣያና ገደስ።

18 ላይማፔ ሃኪቴ፤ ኣሲ ኦሊዛ ሃራ ናጋራይ ወሪ ኢዛይ ኣሻፕ ካራራ ሃኔስ። ላይማ ላይማቲዛይይ ገዲኮ ባርካ ባ ኣሳቴል ቦላ ናጋራ ኦሊስ። 19 አንቴ ኣሳቴላይ አንቴ ጋላን ዲዛ ዪሎ ኣያናስ ዲሳሶ ገዲዳይሳ አንቴ ኤሬኬቲ? ሄ ኣያናይካ አንቴ ያሳፊ ኤኪዳይሳ። አንቴካ አንቴስ ገደኬታ። * 20 አንቴ ሚሻን ሻማቲዳታ። ሄሳ ገሽ አንቴ አንቴ ኣሳቴላን ያሴ ቦንቻቴ።

7

ኤኮ ገሺኔ ጌሎ ገሽ ሸቁዳ ኦይሾኔ ዛር

1-2 አንቴ ታስ ያፊዳ ማላ ኣሲ ማጫሳኮ ጋኮንታ ኣገዛኮ ሎጎኮ! ገደ ኣትን ላይማፔ ናጌታናስ ኣቲማሳስ ኢሳስ ኢሳስ ማቻ ዲ። ማጫሳሰካ ኢሲኔይሰ ኢሲኔይሰ ኣዚናይ ደ። 3 ኣዚናይ ባ ማቼይሰ ኮሺዛዝ ወርሲ ኦሎ። ማቻካ ባ ኣዚናስ ኮሺዛዝ ወርሳ ኦሎ። 4 ማቼ ኣሳቴል ኢዚሲ ያላላ ገደንታ ኣዚናራ ኮላ። ሄሳካ ኣዚና ኣሳቴል ኢዛስ ያላላ ገደንታ ማቼይሳራ ኮላ። 5 ናምዓይ ደሳን ዎሳስ ገዲ ዘሬን ገደ ገዲ ቃቸዳ ጋላሳታፔ ኣትን ሃራ ጋላስ ኢሶይ ኢሳስ ኣካይ ጎፐቴ። ሄሳ ጋሶን አንቴስ አንቴና ሃርይ ያንን ያላዔይ አንቴና ፓጮንታ ማላ ናምዓይ ኢሲፊ ኣቁቴ።

6 ታ ሄሳ ገዛይ ጮ ኣዛዞ ማላ ገደንታ ዞሪ ዞሪይስ። 7 ኣሲ ወሪ ታ ማላ ማቻ ኤኮንታ ዲዛኮ

ታ ደሳይስ። ገደ ኣትን ኢሲ ኢሲ ኣሳስ ያሳፊ አማቲዳ ዲማ አሞታይ ዳስ። ኢሳስ ዲማ ኢሲ አሞታይ ዳስ። ሃንኮይሳስ ቃስ ሃራ አሞታይ ዳስ።

8 ቡር ኤኮንታይታኔ ጌሎንታይታ ገሽ ቃሴካ ኣዚናይ ሃይቁዳ ማጫሳታ ገሽ ታ ገዛይ ኢሰቲ ጌሎንታኔ ኤኮንታ ታ ማላ ዲዛኮ ኢሰታስ ሎጎ ጋይስ። 9 ገደ ኣትን ኢሰቲ ባና ናጋናስ ደንዳዮንታይታ ገዲኮ ጌሌቶኔ ኤኮቶ፤ ጮ ኣሞን ፀጌታናፔ ኤኮይኔ ጌሎይ ሎጎ።

10 ኤኪዳይታሲኔ ጌሊዳይታስ ታ አማኒዛ ኣዛዞይ ሃይሳ። ሄሲካ ጎዳ ኣዛዞፔ ኣትን ታ ኣዛዞ ገደና። ኣዚና ጌሊዳ ማጫሳያ ባ ኣዚናፔ ሻኬቱፋ። 11 ሻኬቲዛ ገዲኮ ሃራ ኣዚና ጌሎንታ ኡቱ። ኣካይ ገኮ ባ ኣዚናራ ገጉ። ኣዚናይካ ባ ማቻ ኣንጂ ዩደፎ።

12 ሃንኮ ኣሳስ ቃስ ታ ሂዘጋይስ። ሄሳ ገዛይካ ታና ኣትን ጎዳ ገደና። ኣማኖንታ ማቻ ዲዛ አማኒዛይይ ማቼያ ኢዛራ ደና ደሲኮ ኢዚ ኢዞ ኣንጅናስ ቤሲና።

13 ኣማኖንታ ኣዚናይ ዲዛ አማኒዛ ማጫሲያ ሄ ኣማኖንታ ኣዚናይ ኢዚራ ደናስ ኮይኮ ኢዛ ኢዛፔ ኣንጅታ ባናስ ቤሲና። 14 ጋሶይካ ኣማኖንታ ኣዚናይ ኣማኒዛ ባ ማቼዪን ኣንጅቴስ። ኣማኖንታ ማጫሳያካ ኣማኒዛ ባ ኣዚናን ኣንጅታወሲ። ሄሳላ ሃኖንታ ኣገኮ አንቴ ዩሊዳ ናይቲ ቱናታ ገደና ሺን ሃሲ ቃስ ኣንጅቲዳይታ።

15 ገደ ኣትን ናምዓፊ ኢሶይ ኣማኖንታይይ ሻኬታና ኮይኮ ሻኬቶ። ኣይ ገዲን ማጫ ገዲን ኣማኒዛይይ ሄሳ ማላ ዎጋን ቃሸቴና። ያሲ ኑና ሳርን ደና ማላ ያይገደስ። 16 ሃኔ ኔኒ ኔ ኣዚና ኣሻናኮኔ ኣይ ኤራይ? ዎይኮ ሃይሶ ኔ ኔ ማቻ ኣሻናኮኔ ኣይ ኤራይ?

17 ጮ ኢሲ ኢሲ ኣሲ ያሲ ያይገዳ ማላኔ ጎዳይ ዎሊዳ ማላ ደጎ። ዎሳ ኬላታስ ታ ዎሊዛ ዎጋይ ሄሳ። 18 ኢሳይይ ኣማናናፔ ካሴ ቃጻራቲዳዝ ገዲኮ ቃጻራቶንታ ኣሳ ማላ ሃናፐ። ቃስ ቃጻራቶንታ ዲሼ ኣማኒዳይይካ ቃጻራቶፎ። 19 ቃጻራቲን ቃጻራቶንታ ኣገሽ ናምዓንካ ጎዳይ ባዎ። ዎና ኣይፊ ዮይይ ያሳ ኣዛዞ ፖሎ። 20 ኢሲ ኢሲ ኣሲ ባ ያይገቲዳ ያይገቲላን ሚኒ ዳጎ። 21-22 ኣማኒዛ ዎይ ኔ ኣይሌ? ኔ ሄሳስ ደር ሜቶቶፓ፤ ዎዜታና ደንዳዪኮ ዎዜታ። ጋሶይካ ኣይሌ ገዲ ዲሼ ጎዳ ኣማኒዳይይ ኢዚ ጎዳ ጎቃ። ሄሳካ ኣማኒዛ ዎይ ጎቃ ገደንታይይ ኢዚ ከርሰቶሳስ ኣይሌ። 23 አንቴ ሚሻን ሻማቲዳታ። ሄሳ ገሽ ኣሳ ኣይሌ ገደፐቴ። 24 ታ ኢሻቶ! አንቴፊ ኢሲ ኢሲ ኣሲ ባ ያይገቲዳ ማላ ያሳራ ሚኒ ዳጎ።

ጌላጎታ፣ ፓንላታኔ ኣሞዔታ ገሽ ሸቁዳ ኦይሾ

25 ጌላጎታኔ ፓንላታ ገሽ ታስ ጎዳፔ አማቲዳ ኣዛዞይ ዳና። ገደ ኣትን ጎዳ ማርቲላፊ ዳንዲዳይሳን ታ አንቴስ ኣማኔቲዳይ ገዳዳ አንቴና ዞራይስ። 26 ሃይሳ ሃሲ ዎይ ሜቶ ጋሶን አንቴ ሃሲ ዲዛ ማላ ዲዛኮ ታስ ሎጎ ሚሳቴስ። 27 ኔ ማቸዳይ ገዲኮ ኣንጅናስ ኮዮፓ። ማቸንታይ ገዲኮ ማቻ ኤካናስ ኮዮፓ። 28 ማቻ ኤኮኮካ ናጋራ ገደና። ጌላጎያካ ጌሊኮ ናጋራ ገደና። ገደ ኣትን ኤኮካ ኣሳታኔ ጌሊዛይታ ቦላ ሃይሳ ኣላሜዛን ኢሰታ ደር ሜቶይ ጋካና። ታ ቃስ ሄሲ አንቴ ቦላ ጋኮንታ ኣጋናይሳ ደሳይስ።

29 ታ ኢሻቶ! ታ ቆፋይ ሃይሳ ማላ፤ ዎደዚ ቃንላ ገዲዳ ገሽ ማቻ ዲዛይይ ማቻ ባይንዳይ ማላ

* 6:12 1ቆር 10:23 * 6:16 ሜዲ 2:24 * 6:19 1ቆር 3:16፤ 2ቆር 6:16

ደዎ። 30 ዩኪዛይቲ ዩኮንታ ኣሳ ማላ፣ ኡፋይቲዛይቲ ኡፋይቶንታ ኣሳ ማላ ገደቶ። ሚሼ ሻሚዳዳንቲ ሻሚቲዳ ሚሻ ባስ ገ ቆፖሬቶ። 31 ሃይሳ ኣላሚዛ ሚሻን ጎዔቲዛይቲ ወርሲ ጎዔቶንታ ኣሳ ማላ ገደዱ ደቶ። ጋሶይካ ሃይሳ ኣላሚዛ ሃኖይ ኣጻናሰ ደሰ።

32 ኢንቴ ሃርጋይ ባይንዳ ዳና ማላ ታ ኮያይሰ። ማሻንታዳይ ጎዳ ኡፋይሳናሰ ጎዳ ገሽ ቆፔሰ። 33 ማሻዳዳይ ቃስ ባ ማሻዮ ኡፋይሳናሰ ሃይሳ ኣላሚዛ ሚሽ ቆፔሰ። 34 ሃይሳን ኢዛ ቆፋይ ናምዑ ኬዚ ሻኬቲሰ። ጌሎንታ ማጫሳያ ዋይኮ ጌላያያ ጎዳዝ ፃላላ ቆፓወሰ። ኢዚሰ ገታ ቆፋይካ ኣሻኒካ፣ ኣያናንካ ጎዳሰ ደሚቲላ። ጌሊዳራ ገደኮ ባ ኣዚና ኡፋይሳናሰ ሃይሳ ኣላሚዛ ሃኖ ፃላላ ቆፓወሰ።

35 ታ ሃሳ ገዛይ ኢንቴሰ ሎዓናዝ ቆፓዳፔ ኣቲን ኢንቴና ዳር ቆፋን ዩጋሰ ገደና። ታሰ ገታ ቆፋይ ኢንቴ ዋዝናይ ሻኬቲ ናምዑ ኬዘንታ ኢንቴ ጎዳን ሚኒዲ ዋጋራ ዳፖናሳ።

36 ኣሳዳይ ባ ኣይቸዳ ጌላያዮ ዋጋራ ኣይኮንታ ኣገኮ ኢዚ ዋይይካ ጨሚ ጨሚ ቢኮ ኤካና ኮይኮ ባ ኮይዳ ማላ ኤኮ። ኤኪኮኔ ጌሊኮ ሎዮ። ናጋራ ገደና። 37 ገደ ኣቲን ሃይሳ ሃ ዮዎዛን ኢዛ ዋዝናይ ቃያንታ ባና ሃራዲ ጌላያዮ ኤኪኮ ገደ ሙርቲዳ ኣሲ ሎዮ ኦሊደሰ። 38 ሃሳ ገሽ ጌላያዮ ኤኪዳዳይ ሎዮ ኦሊደሰ። ኤኮንታዳይካ ኣጼሳ ሎዮ ኦሊደሰ።

39 ኢሲ ማጫሲ ኣዚናይ ፓፃ ዲዛ ዋዳ ኮሚሳን ባ ኣዚናራ ቃሼታዲሰ። ኣዚናይ ሃይቂኮ ባ ኮይዳ ኣሰ ጌላና ዳንዳዎወሰ። ኢዛ ጌላናዳይ ኣሚኒዛይ ገደ ኣቲን ጌሉ። 40 ታ ቆፋ ማላ ገደኮ ኢዛ ጌሎንታ ዲዛኮ ዳር ኡፋይሳን ዳዓንዲሰ። ታሰካ ታናን ያሳ ኣያናይ ዲዛ ሚሳቲሰ።

8

ኤቃሰ ያርሼቲዳ ኣሾ ሙሳ ገሽ

1 ኤቃሰ ሹኬቲዳ ኣሾ ገሽ ኢንቴ ታሰ ፃፊዳይሳ ማላ ገደኮ ቲሙካ ኑ ወሪካ ኤሪዛ ሚሽ ደሰ። ኤርይ ኦቶሪሰ፤ ሲቆይ ቃሰ ጎዔሰ። 2 ታ ኤራይሰ ገዛ ኣሲ ኤራናሰ ቤሲዛ ማላ ቡር ኤሪቤና። 3 ያሴ ሲቆዛዳይ ገደኮ ኢዚ ያሳ ኣቻን ኤሪቲዳዳይ።

4 ሃሳ ገሽ ኤቃሰ ያርሼቲዳ ኣሾ ሙሳ ገሽ ታ ኢንቴሰ ገዛይ ሃይሳ ኣላሚዛን ኤቃይ ሃዳ ገደዳይሳኔ ኢሲ ያሳፊ ኣቲን ሃራ ያሲ ባይንዳይሳ ኑ ኤርሰ። 5-6 ኣይዳካ ገደኮ ዳር ኤቃቲኔ ዳር ጎዳቲ ዳቲሰ ሽን ሳሎን ገደን ሳዓ ቦላ ያሴ ጌቲቲዛ ዳር ኤቃቲ ዲኮካ ኑሰ ገደኮ ሃኒዳይ ወሪካ ኢዛን ሃኒደሰ። ኑካ ኢዛሰ ገደዳ ኢሲ ያሲ ኣዋይ ዳሰ። ቃሴካ ሃኒዳዚ ወሪካ ኢዛን ሃኒዳይ ኑካ ኢዛን ሃኒዳ ኢሲ ጎዳይ ዩሱሰ ኪርሰቶሲ ፃላላ ኑሰ ደሰ።

7 ገደ ኣቲን ሃሳ ኣሲ ወሪ ኤሪና። ኢሲ ኢሲ ኣሳቲ ሃኖ ጋካናሰ ኤቃ ጎይኖ ደሲዳ ገሽ ሃሳ ማላ ኣሾ ሚሹ ኣዳካ ኤቃሰ ሹኬቲዳይሳ ቆፔቲሰ። ኢሰታሰ ቆፋይ ላፋ ገደዳ ገሽ ኢሰቲ ቱኔቲሰ። 8 ገደ ኣቲን ካሊ ኑና ያሳ ኣቶ ጋሌና። ኑ ሞንታ ኣገኮካ ኑሰ ፓጪዛይ ዳና። ኑ ሚኮካ ኑሰ ዋይይ ዳና።

9 ገደ ኣቲን ኢንቴ ሚቶይ ባዋ ጉሳን ኦሊደሰ ኣማኖን ሚኖንታ ኣሳሰ ጹጹ ገደንታ ማላ ናጌቲቲ።

10 ኔሰ ሃሳ ሚሳቲዛ ኤራቲላ ዲዛ ገሽ ሃንኮ ኣማኖን ሚኖንታዳይ ኤቃ ኬላን ኔ ሚዛይሳ ቤዩዲ ኤቃሰ ሹኬቲዳይሳ ማናሰ ፃሊኔ? 11 ሃሳ ገሽ ኪርሰቶሲ ኢዛ ገሽ ሃይቂዳ ሃ ኣማኖን ሚኖንታ ኣሻይ ኔ ኤራቲላ ጋሶን ጻዩሰ ጉሳ። 12 ሃሳላካ ኢንቴ ኢንቴ ኣሻታ ቆሆኒኔ ኢሰታ ላፋ ቆፋ ማዲንሎን ኪርሰቶሳ ቆሃታ። 13 ሃሳ ገሽ ታ ሚዛ ሚሹ ታ ኣሻ ጹጹዛዝ ገደኮ ታ ኣሻ ታ ጹጹሎንታ ማላ ሙሊካ ኣሾ ሚኬ።

9

ሃዋሪታሰ ዲዛ ማታ

1 ታኒ ጎቃ ኣሰ ገደኪና? ታ ሃዋሪ ገደኪና? ኑ ጎዳ ዩሱሳ ታኒ ታ ኣይፊራ ቤያቤኪና? ኢንቴካ ጎዳን ታ ኦሶን ቤቲዳ ኣይፊ ገደኬቲ? 2 ሃራታሰ ታ ሃዋሪ ገደንታ ኣገኮካ ታ ኢንቴሰ ቱማፔ ሃዋሪ። ጋሶይካ ጎዳን ታ ሃዋሪቲላ ቤሲዛ ማታሚይ ኢንቴና።

3 ታና ፓጪዛይታሰ ታ ኢሚዛ ማልሌ ሃሳ። 4 ኤር! ማናሲኔ ኡያናሰ ኑሰ ቤሲኔ? 5 ሃራ ሃዋሪታ ማላ ጎዳ ኣሻታ ማላኔ ኬፋንታ ማላ ኑካ ኣማኒዛ ኑ ማቸታ ኤኪ ዩያና ዳንዳዮኮኒ? 6 ዋይኮ ዋይቲ ዳቡሪዲ ዳናሰ ቤሲዛይ ታናኔ ባርናባሳ ፃላላ?

7 ኤር! ባ ሚሻራ ዋታዳራቲላ ኦሊዛይ ኦኔ? ዋይኔ ሚሊ ቶኪዲ፣ ሃ ቶኪዳ ሚላ ኣይፊ ሞንታይ ኦኔ? ሚሃ ሃሚሹ ባ ሃሚዛ ሚሃዛ ማላ ኡዮንታይ ኦኔ?

8 ታ ሃይሳ ገዛይ ጮ ኣሳ ቆፋ ማላ ፃላላ? ሙሴ ዋጋይ ሃሳላ ጌኔ? 9 ሙሴ ዋጋ ጋርሳን “ካላ ቡኪዛ ሚሃ ዲና ቃቸፋ” ጌቲቲ ፃፊቲደሰ። ሂሰቲን ያሴ ሚቲዳይ ሃ ሚሃዛ ቃንሌ? * 10 ኢዚ ሃሳ ገደይ ቱማፔ ኑ ገሽ ገደኔ? ሂሲ ፃፊቲዳይ ኣዳፊ ኑ ገሻሳ። ጎሻንቻይኔ ቃሴካ ቡኪዛይሲ ባ ኦሶ ኣይፊፔ ባና ጋኪዛይሳ ኤካናሰ ኡፋይሰ ኦሌሰ።

11 ኑ ኢንቴ ገደን ኣያና ዜሪላ ዜሪዳይቲ ኣሾሰ ገደዛዝ ማዓኮ ሂሲ ገታ ሚሹ? * 12 ሃራ ኣሳቲ ኢንቴፊ ሃሳ ማላ ጎዳ ኤካናሰ ዳንዳዩኮ ኑ ቃሰ ሃሳፊ ዳር ዳማናሰ ቤሲኔ? ገደ ኣቲን ኦኒ ኑሰ ቤሲዛ ማላ ጎዳቲቤኮ። ሃራፔካ ኑ ኪርሰቶሳ ሚሹራቸ ቃላሰ ጹጹ ገደንታ ማላ ሃኒዛዝ ወርሲካ ዳንዳዮሰ። 13 ያሳ ኬላን ኦሊደይቲ ባ ማናይሳ ያሳ ኬላፊ ኤኪዛይሳ ማላ ያርሾሶን ኦሊደይቲካ ሃ ባ ኦሊዛ ያርሼዛይሳፊ ሚዛይሳ ኢንቴ ኤሪኬቲ? * 14 ሃሳላካ ሚሹራቸ ቃላ ሳባኪዛይቲ ባሲ ኮሽዛይሳ ሚሹራቸ ቃላ ኦሊዛሶፔ ኤካና ማላ ጎዳይ ዋጋ ዋሊደሰ። *

15 ታኒ ገደኮ ሃሳ ኡባፊካ ኣይኮካ ጎዔታቤኬ። ሃዒካ ታ ኢንቴሰ ሃይሳ ፃፊዛይ ሃይታንታ ማላ ሚሽ ታሰ ኦሌቶ ጋዳ ገደና። ኣይሲ ገኮ ኦኒካ ታኒ ታ ጎዳን ጨቁቲዛር ታፔ ዋሊ ኤካናፔ ታሰ ሃይቆይ ሎዮ። 16 ሚሹራቸ ቃላ ሳባኪዳይሲ ታና ጨቁሴና። ታ ሳባኪዛይ ደሳን ገደዳ ገሽ ገደንታ ዋልቃራ ታና ጋኪዳ ገሻሳ። ታ ሚሹራቸ ቃላ ሳባኮንታ ኣገኮ ታና ኣይ-ኣና! 17 ሚሹራቸ ቃላ ታ ደሳን ታ ሳባኪኮ ታሰ ዋይቶይ ደሰ። ታኒ ታ ደሳን ገደንታ ዋልቃራ ኦሊደይሳ ገደኮ ሃዳራ ፖላና ማላ ኦሶ ፃላላ ገደና። 18 ሂሰቲን ታሰ ኣዛ ዋይቶይ ዲዜ? ታሰ ዋይቶይ ዳናይ ሚሹራቸ ቃላ ሳባካሽ ታሰ ቤሲዛይታ ታ ጎዔቶንታ ኣገኮኮ።

* 9:9 ዛሬ 25:4፤ 1፻፵ 5:18 * 9:11 ኦር 15:27 * 9:13 ዛሬ 18:1 * 9:14 ማቶ 10:10፤ ሉቃ 10:7

19 ታ ጎቃፔ ኣቲን ኦናሰካ ኣይሌ ገዲኤ። ገዶ ኣቲን ዳርታ ጎዳኮ ዛራና ገሽ ኣሳ ኡባሰ ኣይሌ ማላ ገዲዲሲ። 20 ኣይሁዳታ ኣሻናሰ ኣይሁዳታራ ኢሰታ ሚሳታዲሲ። ታኒ ታ ባጋራ ሙሴ ዋጋፔ ጋራሳራ ገደንታ ዳሼ ሙሴ ዋጋፔ ጋርሳራ ዲዛይታ ኣሻናሰ ኢሰታ ሚሳታዲሲ። 21 ታኒ ታ ባጋራ ያሳ ዋጋይ ዲዛይኔ ከርሰቶሳ ዋጋሰ ሃራቲዛዳ ገዲኮካ ዋጋይ ባይንዳይታ ኣሻናሰ ኢሰታ ማላ ዋጋይ ባይንዳዳ ገዲዲሲ። 22 ዳቡራንቻታ ኣሻናሰ ጋዳ ታካ ዳቡራንቻታራ ኢሰታ ማላ ዳቡራንቻ ገዲዲሲ። ታሰ ዳንዳዬቲዳ ማላ ኡባን ኢሲ ኢሲ ኣሳታ ኣሻናሰ ኣሳ ኡባራ ኢሰቲ ሃኒዛዝ ሃናዲሲ። 23 ታ ሃይሳ ወርሳ ኦሊዛይ ሚሺራቾ ቃላ ኣንጅ ኢሰታራ ገሺታናሰ ሚሺራቾ ቃላ ገሽ ኦላዲሲ። 24 ጋዴ ዋሊ ዋዲዛይቲ ዳር ሺን ያኒዲ ሺልማቴ ዳሚዛይ ኢሳዳ ያላላ ገዲዲይሳ ኢንቴ ኤሬኬቴ? ሃሳ ገሽ ሺልማቴ ኤካናሰ ዋዲዛዳ ማላ ኢንቴካ ዋዲ። 25 ጋዴን ዋዲ ኣሻናሰ ገሺቲዛዳይ ኦኒካ ሃና ባርካ ባና ናጌሰ። ሃይታንገቲ ኣሻናኔ ቆያና ኣክሊሌ ኤካናሰ ዳቡራቲሰ ሺን ኦቃሰ ማርናሰ ቆዮንታ ኣክሊሌ ዳማናሰ ዳቡርሰ። 26 ሃሳ ገሽ ታ ቃሰ ፖሎይ ባይንዳ ጮ ማላ ዋዲዛዳ ማላ ዋዲኤ። ቃሰካ ጫርኮራ ባይቲዛዳ ማላ ጮ ማላ ጋዴን ባይቲኤ። 27 ታ ቃሰ ሃራታሰ ሳባካ ፔዳዳ ታሰ ኩንዳ ኣቶንታ ማላ ታ ኣሳቴላ ሺሻ ኦይካዳ ሃራይሲ።

10

ኢሰራዔል ናይታ ቦላ ጋኪዳይሲ ጋኮንታ ማላ ናጌቴላ

1 ታ ኢሻቶ! ካሴ ኦ ኣዋቲ ሻራይ ኢሰታፊ ቦላራ ገዲዲ ካሌሊዳይሳ ማላኔ ኢሰቲ ወሪካ ዞዖ ኣባ ፒኒዳይሳ ታ ኢንቴና ቆፐላናሰ ኮያይሰ። * 2 ኢሰቲ ሙሴራ ገዳናሰ ገዲ ሻራኒኔ ኣባን ያማቄቲዳ። 3 ወሪካ ኢሲ ኣያና ቁማ ሚዳ። * 4 ወሪካ ኢሲ ኣያና ኡሺ ኡዩዳ። ኢሰቲ ኡዩዳይካ ባና ካሊዛ ኣያና ዛላፊ ፑልቲዳይሳ። ሃ ዛላይካ ከርሰቶሳ። * 5 ገደ ኣቲን ያሲ ዳርታን ኡፋዬቲቤና። ሃሳ ገሽ ኢሰታ ኣሃይ ባዘን ኩንዲ ኣቲዳሰ። * 6 ኢሰቲ ኢታ ሚሽ ኣሞቲዳይሳላ ኦካ ኣሞቶንታ ማላ ሃ ኢሰታ ሃናይ ኦ ናጌታና ማላ ኦሰ ሌሚሶ ገዲዳሰ። * 7 “ዳሬይ ማናሲኔ ኡያናሰ ኡቲዳሰ፤ ዩፃናሰካ ዳንዲዳሰ” ጌቲቲ ካሴ ጌሻ ማፃፋን ያፊቲዳ ማላ ኢሰታ ጋርሳፊ ኢሲ ኢሲ ኣሳቲ ኦላይሳላ ኢንቴካ ኤቃ ጎይኒዛያታ ገደፐ። * 8 ኢሰታ ጋርሳፊ ኢሲ ኢሲ ኣሳቲ ላይማቲዲ ኢሲ ጋላሰ ናሞቡ ታማኔ ሃቸ ሺ ኣሳይ ዲፐ ገ ወርይሳላ ወርንታ ማላ ኦካ ኣኔ ላይማቶኮ። * 9 ኢሰታ ጋርሳፊ ኢሲ ኢሲ ኣሳቲ ጎዳ ፓጪዲ ሾሻን ዱኬቲ ሃይቁ ቆዩዳይሳ ማላ ኦካ ኣኔ ጎዳ ፓጮኮ። * 10 ኢሰታ ጋርሳፊ ኢሲ ኢሲ ኣሳቲ ዙዙማቲዲ ቆይሲዛ ቦሻ ኪታንቻን ቆዩዳይሳላ ኢንቴካ ቆዮንታ ማላ ዙዙሞፐ። *

11 ሃሲ ወሪ ኦሰ ሌሚሶ ገዳና ማላ ኢሰታ ቦላ ጋኪዳሰ። ዋዴ ወርሴላን ዲዛ ኦሰ ቲሚርቲ ገዳና ማላ ኦሰ ያፊቲዳሰ። 12 ሃሳ ገሽ ታ ሚና ኤቃ ዳይሰ ገዛዳይ ዲኮ ኩንዳንታ ማላ ባሲ ናጌቶ። 13 ኣሳ ቦላ ጋኪዳ ፓጮፔ ሃራ ኣቋዛ ፓጮፔይ ኢንቴ ቦላ ጋኪቤና። ያሲ ኣማኔቲዛ ያሴ ገዲዳ ገሽ ኢንቴ ዳንዳዮንታ ኢንቴ ዋልቃፊ ቦላራ ኢንቴ ፓጮፔና ማላ ኢዚ ኢንቴና ኣጋጌና። ገደ ኣቲን ኢንቴ ፓጮፔቲዛ ዋዴ ሃ ፓጮፔዛ ኢንቴ ዳንዳያና ማላ ዋልቃ ኢሚዲ ፓጮፔ ኢንቴ ኬሲ ኤካና ኦጌ ኢዚ ኢንቴሰ ገሊሳና።

ኤቃራ ኢሲፊቴላ ዳናሰ ቤሴና

14 ሃሳ ገሽ ታ ሲቆቶ! ኤቃሰ ጎይናፐፐ፤ ኢዛፐ ሃኪቴ። 15 ታ ኢንቴሰ ሃይሳ ገዛይ ዋዝናማ ገዲዳ ገሻሳ። ሃሳ ገሽ ታ ዮቲዛይሳ ኣኔ ኢንቴ ኢንቴርካ ፐርዲቴ። 16 ኦኒ ያሳ ጋላቲዲ ኤኪዛ ኡሻይ ከርሰቶሳ ሱላራ ጋጎቴላ ዲዛይሳ ገዴኔ? ሃሳላካ ኦ ባሊ ባሊ ገሽቲ ሚዛ ኡኤላይ ከርሰቶሳ ኣሾራ ጋጎቴላ ዲዛይሳ ገዴኔ? * 17 ኡኤላይ ኢሲኖ ገዲዳ ማላ ኦኒካ ዳር ገዲ ኡቲዲካ ወሪካ ኢሲ ኣሾ። ኦ ወሪካ ኢሲ ኡኤላዛ ገሽቲ ሞሰ።

18 ኣኔ ኢንቴ ኢሰራዔል ናይቲ ኦሊዳይሳ ቆፐ። ሺቅዛ ያርሾዛፔ ሚዛይታሰ ያርሾይ ሺቅዛሶራ ጋጎቴላ ዴኔ? * 19 ሃሰቲን ኤቃሰ ያርሾቲዳ ያርሾ ገዲን ዋይኮ ኤቃይ ባ ባጋራ ጎዳራ ዴሰ ጋዚና? 20 ገዴና! ኣማናንታ ኣሳይ ሺሺዛ ያርሾይ ያሳሰ ገደንታ ያላዔሳ። ኢንቴሰ ያላዔራ ኢሲፊቴላ ዳና ማላ ታ ኮዩኤ። * 21 ያላዔ ኡሺኔ ጎዳ ኡሺ ኢንቴ ኢሲፊ ጋሊ ኡያና ዳንዳዬኤታ። ጎዳ ማዳፊኔ ያላዔ ማዳፊ ጋሊ ማና ዳንዳዬኤታ። 22 ኦኒ ጎዳ ሃንቁሊና? ኦ ኢዛፔ ሚኒዞኒ? *

ኡባካ ያሳ ቦንቾሰ ኦሶ

23 ወሪካ ታሰ ኢሚቲዳሰ ሺን ወሪካ ታና ጎዲዛዝ ገዴና። ወሪካ ታሳ ሺን ወሪካ ታና ማዴና። * 24 ኣሲ ወሪካ ባ ላጌ ጎዳናዝ ጋሊ ያሎ ኣቲን ባና ጎዳናዝ ያላላ ኮዮፖ።

25 ገያን ባይዜቲዛ ኣሾ ወርሲ ሲቆይ ባይንዳ ሚቴ። 26 ቢታይኔ ቢታ ቦላ ዲዛይ ወሪካ ጎዳይሳ።

27 ኣማናንታ ኣሲ ኢንቴና ባሶ ያይገዲ ሺሺዳ ካላ ወርሲ ኣይኮካ ሲቆንታ ሚቴ። 28 ገደ ኣቲን ኢሳዳይ “ሃይሲ ኤቃሰ ያርሾቲዳ ካላ” ገኮ ሃ ካላ ሃ ኣዳዛ ቆፋ ገሺኔ ኢንቴና ሲቆሲኮ ሞፐ። 29 ታ ኢንቴሰ ሃሳ ገዛይ ሃ ዮቲዳዳ ቆፋ ገሽ ጋዲሰ ኣቲን ኢንቴ ቆፋ ገሽ ጋቤይኤ። ታ ያሎ ገዳ ዲሺን ኣዛሰ ሃራ ኣሳ ቆፋ ጌደን ታ ቦላ ፐርዳቲዜ? 30 ታ ያሴ ጋላታዳ ሚዛዳ ገዳ ኡታዳ ኣዛሰ ሃራ ኣሳን ፐርዳቶ?

31 ሃሰቲኮ ኢንቴ ኣይ ሚኮካ፣ ኣይ ኡዩኮካ ዋይኮ ኣይኮ ኦሊኮ ወርሲካ ያሳ ቦንቾሰ ኦሊቴ። 32 ኣይሁዳ ኣሳሰ ገዲን ኣይዛቤታሰ ገዲን ዋይኮ ያሳ ዋሳ ኬላሰ ኦናሰካ ቆጶ ገደፐ። 33 ታ ኣሰ ወርሳካ ኣይ ኦጌራካ ኡፋይሳና ኮዩዛ ማላ ኢንቴካ ሃሳላ ኦሊቴ። ዳርቲ ኣታና ማላ ታ ታና ጎዲዛዝ ገደንታ ኢሰታ ጎዲዛዝ ኮያይሰ።

* 10:1 ኬሳ 13:21-22፤ 14:22-29 * 10:3 ኬሳ 16:35 * 10:4 ኬሳ 17:6 * 10:5 ታይ 14:29-30 * 10:6 ታይ 11:4 * 10:7 ኬሳ 32:6 * 10:8 ታይ 25:1-18 * 10:9 ታይ 21:5-6 * 10:10 ታይ 16:41-49 * 10:16 ማቶ 26:26-28፤ ማር 14:22-24፤ ሉቃ 22:19-20 * 10:18 ሉቁ 7:6 * 10:20 ዛሬ 32:17 * 10:22 ዛሬ 32:21 * 10:23 1ቆር 6:12 * 11:1 1ቆር 4:16፤ ፒሊ 3:17

11

1 ታኒ ኪርሰቶሳ ሚሳታዳ ኢዛ ካሊዛይሳዎ አንቴካ ታና ሚሳቲዲ ካሊቲ። *

የሳ ጎይኖ ዋጋ

2 አንቴ ታሰ ወርሲ ቆፒዛ ገሸኔ ታፔ ኤኪዳ ተሚርቲዛ ሎዔላ እይኪዳ ገሸ ታ አንቴና ጋላታይሰ።
3 ገደ አቲን ታ አንቴ ኤራና ማላ ኮዩዛይ አቲማሳሰ ኡባሰ ሁዔይ ኪርሰቶሳ ገዲዳይሳ ማላ አቲማሳይ ማጫሳሰ ኡባሰ ሁዔ። ቃሴ ያሲ ኪርሰቶሳሰ ሁዔ። 4 ባ ሁዔ ጉሉንቴዲ ያሴ ዋሲዛይይ ዋይኮ ቃላ ዮቲዛይይ እኒካ ባርካ ባና ካወሸሰ።

5 ባ ሁዔ ጎዞንታ ዋሲዛ ማጫሲያ ዋይኮ ቲንቢቲ ቃላ ዮቲዛ አይ ማጫሰካ ባርካ ባና ካወሸወሰ። ሄሲ ኢዛ ባ ሁዔ ቡሊሲዳዴራ ገና። 6 ማጫሲ ባ ሁዔ ጎዞንታ አገኮ ሜዴቲ ዋይኮ ቃንዲሱ። ኢዚሰ ባ ሁዔ ሜዴቲላ ዋይኮ ቃንዲሱላ ዩላቸዛዝ ገዲኮ ጎዞ። 7 አይይ ባ ሁዔ ጉሉንቴናሰ ቤሴና። አቲማሲ ያሳ ለሚሶኔ ያሳ ቦንቾ። ማጫሲ ገዲኮ አዴሰ ቦንቾ። * 8 ጋሶይካ ማጫሲ አዴፊ ሜዴታዲሰ አቲን አቲማሲ ማጫሳፔ ሜዴቲቤና። 9 ቃሴካ ማጫሲ አዴሰ ሜዴታዲሰ አቲን አይይ ማጫሳሰ ሜዴቲቤና። 10 ሄሳ ገሸ ኪታንቻቲ ቤያናሰ ናገዛ ማጫሳሰ አሜቲዳ ማታ ቤሲዛ ጎሴ ባ ሁዔን ጎዞ።

11 ጎዳ አቻን ገዲኮ ማጫሲ አይይ ባይንዳ፣ አይይካ ማጫሲ ባይንዳ ዴይቲና። 12 ማጫሲ አዴፊ ቤቲዳይሳዎ አይይካ ማጫሳፔ ዩሌቲሰ። ገደ አቲን ናምዓይካ ያሳፊ ቤቲዳ።

13 ማጫሲ ባ ሁዔ ጎዞንታ ያሴ ዋሳናሰ ቤሲዛኮኔ እኔ አንቴ ፐርዲቲ። 14 አቲማሲ ባ ሁዔ አዲሲ ዲቸኮ ቦርሶ ገዲዳይሳ አንቴና ሜዴቲላ ሃኖቲላ ኤሪሱዌ? 15 ማጫይ ገዲኮ ባ ሁዔ ቢናና ዲቸኮ ሄሲ ኢዚሰ ቦንቾ ገዴኔ? ኢዚሰ አዲሳ ሁዔ ቢናናይ አሜቲዳይ ሴሎ ገዳናሳ። 16 ሄሳ ገሸ እኒካ ሃይሳ ሃ ዮዮዛን ፓላሚታና ኮይኮ ኡሰ ገዲንካ ያሳ ዋሳ ኬላታሰ ሃይሳፊ ሃራ ዋጋይ ዴና።

ጎዳ ካዎ ኤኮ ዋጋ

17 አንቴ ኢሲ ሶ ሸቄቲዛ ዋዴ ቆሆሰ አቲን ጎዓሰ ገደንታ ገሸ ታ ሃይሳ አዛዞዛ አንቴሰ አላዛይ አንቴና ጋላታሼ ገዴና። 18 አንቴ ዋሳ ኬላን ሸቄዛ ዋዴ አንቴ ጋርሳን ሻኮቲላ ዲዛይሳ ታ ካሴታ ሲያዲሰ። ታ ሲዮይሳፊ ባጋይ ቱሙ ገዳናይሳ ታ አማናይሰ። 19 አንቴ ገደፊ ቱማንቻቲ ሻኬቲ ኤሬታና ማላ ሄሳ ማላ ሻኮይ አንቴ ገደን ዳናይሲ ደሳ ገዴና። 20 አንቴ ኢሲፊ ሸቄቲዲ ሚዛይ ጎዳ ካዎ ገዴና። 21 አንቴ ሸቄቲዲ ኢሶይ አሳ ናጎንታ ዲሼ ካላ ሜታ። አንቴፊ አሳዴይ ጋፋን ዲሺን ሃንኮይሲ ቃሰ ማላቲሰ። 22 ሂሰቲን አንቴሰ ኡያናሶይኔ ማናሶይ ባዌ? ዋይኮ ያሳ ኬላ ለቂዲ አይኮይካ ባይንዳይታ ዩላቸቲ? ሂሰቲን ታ አንቴና አይ ጎ? ሃይሳ ሃ ሃኖዛሰ አንቴና ጋላቶ? ሙሌካ ጋላቲኬ።

23-24 ታ ጎዳፔ ኤኪዳይሳ አንቴሰ አላዲሲ። ሄሲካ ጎዳ ዩሱሲ አዲ አሜቲዳ ኦማርሰ ኡኬላ ዴንላዲኔ ያሴ ጋላቲ ባላዲ “ሄዩቲ! ሚቲ! ሃይሲ አንቴሰ ገዲዛ ታ አሾ። ታና ቆፓናሰ አንቴ ሃይሳ ኦላቲ” ገዴሰ።

* 11:7 ሜዴ 1:26-27 * 11:25 ኬሳ 24:8፤ ኤር 31:31-34 * 12:12 ኦር 12:4-5

25 ሄሳላካ ካዎፔ ጉዬ ኡሻ ዴንላዲ “ሃይሲ ኡሻይ ታ ሱላን ሃኒዛ ኦራላ ጫቆ። ሄሳ ገሸ ኡሻፊ አንቴ ኡዩዛ ዋዴ ሃይሳ ታና ቆፓና ማላ ኦላቲ” ገዴሰ። *

26 ሃይሳ ኡኬላ አንቴ ሚዛ ዋዴኔ ሃይሳ ኡሻካ ኡዩዛ ኡባ ዋዴ ጎዳይ ያና ጋካናሰ አንቴ ኢዛ ሃይቆ ዮታና። 27 ሄሳ ገሸ እኒካ ቤሶንታ ዲሺን ሃይሳ ኡኬላ ሚኮ ዋይኮ ጎዳ ኡሻ ኡዩኮ ኢዛይይ ጎዳ አሾኔ ኢዛ ሱላ ካወሸዲ ገሸ ኢዚ እይሼታና። 28 እኒካ ሃይሳ ሃ ኡኬላ ማናፔኔ ኡሻፊ ኡያናፔ ካሴቲ ባርካ ባና ፓጮ። 29 ጋሶይካ እኒካ ጎዳ አሾ ባሲ ጌሎንታ ዲሺን ሚኮኔ ጎዳ ኡሻ ኡዩኮ ኢዛይይ ባርካ ባ ሶላ ፐርዲ ኤሂሰ። 30 አንቴ ጋርሳን ዳር አሳይ ዳቡሪዳይኔ ሳኬቲዳይ ቃሴካ ባጋይ ሃይቆዳይ ሄሳ ጋሶና። 31 ኑ ኑርካ ኑና ፓጪዛኮ ኑ ሶላ ፐርዲና። 32 ገደ አቲን ጎዳይ ፐርዲዛ ዋዴ ኑ ሃንኮ አማኖንታ አሳራ ፐርዴቶንታ ማላ ኢዚ ኑና ካሴቲ ሙራሰ።

33 ሄሳ ገሸ ታ አሻቶ! አንቴ ማና ሸቄዛ ዋዴ ኢሶይ ኢሳራ ናጌቲቲ። 34 አንቴ ሸቄዛ ሸቆይ ፐርዲሰ ገደንታ ማላ አንቴፊ እኒካ ጋፊዳይይ ዲኮ ካሴቲዲ ባ ሶን ዋ። ሃንኮ አቲዳይሳ ታኒ ሃራ ዋዴ ሄ አንቴኮ ባዳ ዋጋ ዋሳና።

12

ዲሎ አያና አሞታታ

1 ታ አሻቶ! አያናይ አሚዛ አሞቲላ ገሸ አንቴ ኢሲ ሚሸ ኤራና ማላ ታ ኮያይሰ። 2 አንቴ አማናናፔ ካሴ ጮ ሚላ ያኔ ሃኔ ጉሳን አንቴ ኤርንታ ካላላቲዲ ዲና ዲዴ ገዲዳ ኤቃታኮ ቢዳይሳ አንቴካ ኤሬታ። 3 ሄሳ ገሸ እኒካ ያሳ አያናን ሃሳዩሼ “ዩሱሲ ቃንጌቲዳዴ” ጌና። ሄሳላካ ዲሎ አያናን ገዲዲ አቲን እኒካ “ዩሱሲ ጎዳ” ጋና አሲ ደንታይሳ ታ አንቴሰ ዮታይሰ።

4 አሳሰ አሞቲላ ዲማ ዲማ ገዲሺን አያናይ ገዲኮ ኢሲና። 5 አሶይካ ዲማ ዲማ ገዲሺን ጎዳይ ገዲኮ ኢሲና። 6 ዲማ ዲማ ኦሶ ኦጌቲ ዲኮካ ወርሲካ ኦላዛይ ኢሲ ያሳ።

7 ገደ አቲን ዲሎ አያና ቆንጩሶ አሞታይ አሳዴሰ አሜቲዛይ ኢሲፊ ጎዔታናሳ። 8 አሳዴሰ ሂላን ሃሳያና ኤራቲላ አሜቲሰ። ሃራ አሳሰ ቃሰ ሄ አያናንካ ኤራቲላ ቃላን ሃሳያና ቃላይ አሜቲሰ። 9 አሳዴሰ ሄ አያናን አማናይ አሜቲሰ። ሃራ አሳሰ ቃሰ ሄ አያናንካ ሃርገዛይታ ፓላዛ አሞታይ አሜቲሰ። 10 አሳዴሰ ማላሊሲዛ ኦሶ ኡላዛ አሞታይ፤ ቃሴካ ሃራ አሳ ቡር ቲንቢቲ ቃላ ሃሳያ አሞታይ፤ ሃራ አሳ ቃሴካ አያናታ ሻኪ ኤርይ፤ ሃራ አሳሰ ዲማ ዲማ ቃላን ሃሳያይ፤ ቃሴካ ሃራ አሳሰ ሃራ ዲማ ዲማ ቃላን ሃሳዬቲዳይሳ ቢርሻና አሞታይ አሜቲሰ። * 11 ሄይቲ ወሪካ ሄ ኢሲ አያናይ አሚዛ አሞታ ገዲሺን ኢሲ ኢሲ አሳሰ ባ ኮይዳ ማላ አሜቲሰ።

ኢሲ አሳቲላ ሶላ ዲማ ዲማ ቢሊቲቲ ዴቲሰ

12 ኢሲ አሳቲላ ሶላ ዳር ቢሊቲቲ ዲኮካ አሳቲላይ ኢሲና። ገደ አቲን ቢሊቲቲ ዳር ገዲኮካ አሳቲላይ ኢሲና ያላላ። ኪርሰቶሲካ ሄሳ ማላ። * 13 አይሁዳ አሳታ ገዲንካ ገሪኬ አሳታ ገዲንካ፣ አይሌ ገዲንካ ዋይኮ ጎቃ አሳታ ገዲንካ ኑ ወሪካ ኢሲና ገዳናሰ ኢሲ አያናን ዓማቄቲዳሰ። ኑ ወሪካ ሃ ኢሲ አያናፔ ኡዩዳሰ።

* 12:10 ቲንቢቲ ቃላ ያሳ ቃላ ቢርሻላ ዋይኮ ቆንጩሰ ዮቶ።

14 አሳቴሌ ማዴቲዳይ ዳር ቢሊቴታፔ ኣቲን ኢሲ ቢሊቴፔ ፃላላ ገደና። 15 ቶሆይ “ታ ኩሼ ገደንታ ገሽ አሳቴላ ገደን ዲኬ” ገሮ ኢዚ ሂዘገዳ ገሽ ኢዛሰ አሳቴላን ዲሲ አታኔ? 16 ሃይሌ “ታ ኣይፌ ገደንታ ገሽ አሳቴላ ገደን ዲኬ” ገሮ ሃሳ ገሽ አሳቴላ ገደን ዲሲ ኢዛሰ አታኔ? 17 አሳቴሌ ወሪካ ኣይፌ ፃላላ ገደንታ ኣዛን ሲያኔ? አሳቴሌ ወሪካ ሃይሌ ፃላላ ገደንታ ኣዛን ሲንጋኔ? 18 ገደ ኣቲን ያሲ ኢሳ ኢሳ ባ ኮይዳ ማላ አሳቴላ ገደን ዳናሰ ቤሲዛሶን ዋሊደሰ። 19 ቢሊቴይ ወሪካ ኢሲኖ ገደንታ ኩሜላ አሳቴሌ ኣዋፔ ቤታኔ? 20 ሃሳ ገሽ ቢሊቴቲ ዳር ሽን አሳቴሌ ገደንታ ኢሲኖ ፃላላ።

21 ኣይፌይ ኩሼ “ኔና ታ ኮዩኬ” ጋናሰ ዳንዳዩና። ሁዔይ ቶሆ “ኔና ታሰ ኮሼና” ጋና ዳንዳዩና። 22 ሃራይ ኣቶሺን ኡባፌ ላፋ ሚሳቲዛ ቢሊቴቲ ዳር ኮሺዛይታ። 23 ኦኒ ላፋ ገ ሌቁዛ ቢሊቴታ ሃንኮይታፔ ኣሌ ቦንቾሰ። ቃሴካ ኦ ኢሰታን ዩላቲዛ ቢሊቴታ ሃራፔ ኣሌ ናጎሰ። 24 ኦ ኢሰታን ዩላቲንታ ቢሊቴታሰ ገደን ሃሳ ማላ ቦንቾ ኮሼና። ያሲ ገደንታ አሳቴላ ቢሊቴታ ኢሲ ቦላ ኦይሌዲ ቦንቾይ ፓጩዛይታሰ ኣዴላ ቦንቾ ኢሚደሰ። 25 ኢዚ ሃሳ ኦሌዳይ አሳቴላ ቢሊቴታ ጋርሳን ሻኮቴሌ ደንታ ኢሰቲ ባ ጋርሳን ኢሶይ ኢሳ ባናራ ገና ገ ቆፓናሳ። 26 ኢሲ ቢሊቴይ ሳኬቲኮ ሃንኮ ቢሊቴቲ ወሪካ ኢዛራ ኢሲፌ ሳኬቲቴሰ። ኢሲ ቢሊቴይ ቦንቾቲኮ ቢሊቴቲ ወሪካ ኢሲፌ ኡፋዬቴቴሰ።

27 ሂሰቲኮ ኢንቴ ወሪካ ኪርሰቶሳ አሳቴላ፤ ኢንቴ ኢሶይ ኢሶይ ኢዛ አሳቴላ ቢሊቴታ። 28 ያሲ ዋሳ ኬላ ገደን ኮይሮ ሃዋሬታ፣ ናምዓንሎ ቃሴ ናቤታ፣ ሃቫንሎ አሰታማሬታ፣ ካሌሌዲ ማላታ ኦሌዛይታ፣ ፓሌዛ አምቴሌ ዲዛይታ፣ ሃራታካ ኢሰ ማዲዛ አምታይ ዲዛይታ፣ ዳሬ ኣይሶ ኤራቴሌ ዲዛይታኔ ዳማ ዳማ ቃላ ሃሳያና አምቴሌ ዲዛ አሳታ ዋሊደሰ። 29 ወሪካ ሃዋራቴ? ወሪካ ናቤቲ? ወሪካ ኢሰታማሬቲ? ወሪካ ማላሊሲዛ ሚሼ ኦሌዛ? 30 ኡባሰካ ሃርገዛይታ ፓሌዛ አምታይ ዲዛ? ኢሲ ወሪካ ዳማ ቃላን ሃሳዩዜ? ዳማ ቃላን ሃሳዩቶይሳ ኢሲ ወሪ ቢርሺዜ? 31 ገደ ኣቲን ኢንቴ ወሪካ ኡባፌ ኣዲዛ አምቴላ ሎዔሌ ኮዩቴ።

ቃሴካ ሃራ ኡባፌ ኣዲዛ ኦጌ ታ ኢንቴና ቤሳና።

13

ቱሙ ሲቆ

1 ታ ኣሳ ቃላኒኔ ሳሎ ኪታንቻታ ቃላን ሃሳዩኮካ ታሰ ሲቆይ ባይንዳ ኣገኮ ጮ ሚላ ቢራታ ገሪሳ ማላ ዋይኮ ዳላ ገሪላ ማላ። 2 ቲንቢቴ ሃሳዩዛ አምታይ ታሰ ዲኮካ፣ ዋይኮ ፀራ ዮጎታኔ ኤራቴላ ወርሳ ታ ኤሪኮካ፣ ዙማይ ኢዚ ዲዛሰፔ ዶቃዳ ሃራሶ ዲገዛ ኣማናይ ታሰ ዲኮካ ሃሳ ወርሳካ ሲቆይ ባይንዳ ታ ኦሌኮ ሃሲ ሚላ ሃዳ። * 3 ታሰ ዲዛዝ ወርሳ ማንቆታሰ ታ ኢሚኮካ፣ ታ አሳቴላ ታ ታማን ፀገኮካ፣ ሲቆይ ባይንዳ ኣገኮ ታና ሃሲ ኣይኮካ ማዳና። *

4 ሲቆይ ዳንዳያ፣ ቃሴካ ኪያ፣ ሲቆይ ሚቃይኔና፣ ጨቁቴና፣ ኦቶሬቴና፣ 5 ቤሶንታዝ ኦሌና፣ ባርካ ባ ጎዓ ፃላላ ያሌና። ቆሆ ቆዳን ዩጌና። 6 ሲቆይ ቱማንፔ ኣቲን

ማካላን ኡፋዬቴና። 7 ሲቆይ ኡባ ዋዴ ዳንዳዩሰ። ኡባ ዋዴካ ኣማኔሰ። ኡፋይሰ ኦሌሲኔ ሚኒ ኤቁሰ።

8 ሲቆይ ሙሊካ ኩንዳና። ቲንቢቴይ ገደንታ ኣታና። ሃራ ቃላን ሃሳያይካ ኣታና። ኤራቴሌካ ሻሬታና። 9 ጋሶይካ ኦ ኤሪዛይ ወርሲ ገደንታ ሻኪ ኤርሰ። ቲንቢቴ ሃሳያ ገደንታ ካጋ ሃሳዮሰ። 10 ገደ ኣቲን ወርሴሌ ጋኪዛ ዋዴ ኩሜላ ገደንታ አምታይ ሄ ዋዴ ሻሬታና።

11 ታ ጉላ ናቴቴላን ዳሼ ና ማላ ሃሳያይሲኔ ና ማላ ቆፓይሰ። ና ማላካ ዩሻ ቆፓይሰ። ካሃ ኩንሌዳፔ ጉዬ ካሴ ናቴላን ሃኒዛይሳ ወርሳካ ዬጋ ኣጋዲሰ። 12 ኦኒ ሃሲ ቤይዛይሲ ሃላን ያሊዛ ማላ ጮ ቦዢ ቦዢሰ ሽን ሄ ዋዴ ገደንታ ኦ ኢዛ ኣይፌሶ ሎዔሌ ቤያና። ታ ሃሲ ኩሜላ ገደንታ ባጋ ፃላላ ኤራይሰ። ሄ ዋዴ ገደንታ ታኒ ታ ሁዔሰ ኤራቴዳይሳ ማላ ኤራና።

13 ሃሳ ገሽ ኣማናይ፣ ሃደታይኔ ሲቆይ ሃይቲ ሃቫቲ ኤቁ ዳና። ሃይታ ኡባፌ ኣዲዛይ ሲቆ።

14

አምታታን ቤሲዛ ማላ ጎዔቴላ

1 ሲቆ ካሊቴ፤ ኣያና አምቴላታ ሃራፔካ ቲንቢቴ ሃሳዩዛ አምታታ ሎዔሌ ኮዩቴ። 2 ሃራ ቃላን ሃሳዩዛይይ ያሳሰ ኣቲን ኣሳሰ ሃሳዩና። ፀራ ገደንዳ ዮጎ ኣያናን ሃሳዩዛ ገሽ ኢዚ ገዛይ ኣሳሰ ጌሊና። 3 ቲንቢቴ ሃሳዩዛይይ ኣሳ ሚንሌላናሰ፣ ዳንሌላናሲኔ ጎዓናሰ ሃሳዩሰ። 4 ሃራ ቃላን ሃሳዩዛይይ ቃሰ ባርካ ባና ሚንሌሌሰ። ቲንቢቴ ሃሳዩዛይይ ገደንታ ዋሳ ኬላ ጎዔሰ።

5 ኢንቴ ወሪካ ሃራ ቃላን ሃሳዩዛኮ ታ ደሳይሰ ሽን ሃሳፌካ ቦላራ ኢንቴ ቲንቢቴ ቃላን ሃሳዩዛኮ ታ ደሳይሰ። ዋሳ ኬላይ ሚናና ማላ ሃራ ቃላራ ሃሳዩዛይይ ባ ሃሳዩዛይሳ ቢርሾንታ ኢዚ ሃራ ቃላራ ሃሳዩዛይሳፌ ቲንቢቴ ሃሳዩዛይይ ኣዴሰ። 6 ሃሳ ገሽ ታ ኢሻቶ! ታ ኢንቴኮ ቢዛ ዋዴ ታ ኢንቴሰ ቆንጨሴላን ዋይኮ ኤራቴላን ዋይኮ ቲንቢቴን፣ ዋይኮ ቲሚርቴን ዮቶንታ ሃራ ቃላራ ዮቴኮ ሃሲ ኢንቴና ኣይ ጎዔኔ?

7 ሃሲ ጮ ሱሱልዔ ማላኔ ዲላ ማላ ሸምፖይ ባይንዳ ኢሰታ ገሪሳሰ ዳማቴሌ ሻኬቲ ኤራቶንታ ኣገኮ ኢዛ ዋሰቲ ኤራኔ? 8 ቃሴካ ፀራምባይ ኣዛሰ ፔኔቲዛኮ ዋይኮ ዛዬይ ኣዛሰ ዛዬቲዛኮኔ ሻኪ ኤራቶንታ ኦጌራ ፔኔቲኮ ኦኒ ኦላሰ ገጌታኔ?

9 ኢንቴካ ሃሳ ማላ። ኢንቴ ዳናፔ ኤራቴዛ ቃላይ ኬዘንታ ኣገኮ ኢንቴ ገዛይሳ ኦኒ ኤራኔ? ጮ ሚላ ጫርኮን ቆያና። 10 ኣሳሚ ቦላ ዳር ዳማ ዳማ ቃላይ ዳሰ ሽን ቢርሹሌ ባይንዳ ቃላይ ባዋ። 11 ሃሳ ገሽ ኢሳዴይ ሃሳዩዛ ቃላ ቢርሹሌ ታ ኤርንታ ኣገኮ ሃሳዩዛይሰ ታ ኢማሌ ገደይሰ። ኢዛዴይካ ታሰ ኢማሌ ገደሰ። 12 ኢንቴካ ሃሳ ማላ ኣያናን አምቴላታ ዳማናሰ ኮዩዛ ገሽ ዋሳ ኬላ ጎዔዛ አምቴላ ዳማናሰ ሎዔሌ ኮዩቴ።

13 ሃሳ ገሽ ሃራ ቃላን ሃሳዩዛ ኢሲ ባ ሃሳዩዴይሳ ቢርሹሌ ኤራና ማላ ባሲ ዋሶ። 14 ታኒ ሃራ ቃላራ ዋሲዛ ዋዴ ታ ኣያናን ዋሳይሰ ኣቲን ታ ኢዛፔ ኣይኮካ ኤሪኬ። 15 ሂሰቲን ታ ኣይ ኦላና ማላ ታሰ ቤሲዜ? ታኒ ታ ኣያናንካ ዋሳና። ዋዢናን ዋላዳካ ዋሳና። ታ ኣያናንካ ዩፃና። ዋዢናራካ ዩፃና። 16 ሃሳሶ ገደንታ ኣገኮ ኦ

* 13:2 ማቶ 17:20፤ 21:21፤ ማር 11:23 * 13:3 ታማን ፀገኮካ ኢሲ ኢሲ ጌሻ ማፃፋቲ ኦቶሬቴላሰ ገዛ።

የሴ አያናን ጋላቲዛ ዋዴ ሃሳ ኤርንታ ኢሲ አማላ አሲ ኔ ጋላታ ዋሳ ዋሰቲ “አሚን” ጋናሰ ዳንዳዪድ? 17 ኔ ቤሲዛ ማላ ጋላታናሰ ዳንዳያሳ። ሃንኮይሲ ጊዲኮ ኢዛን ጎዔቲና።

18 ታኒ ኢንቴፊ ሰላራ ሃራ ቃላን ሃሳዪዛ ጊሽ ያሴ ጋላታይሰ። 19 ጊዶ አቲን ዋሳ ኬፋን ኤሬቶንታ ዳሮ ሺ ቃላታ ሃሳያናፔ ሃራ አሳታ ታማርሳናሰ አሳይ ኤሪዛ ኢቻሽ ቃላ ሃሳያና ደሳይሰ።

20 ታ አሻቶ! ኢንቴ ኢንቴ ቆፋን ጉላ ናይታ ማላ ጊዶፔቲ። ኢታ ኦሶሰ ጊዲኮ ጉላ ናይታ ማላ ጊዲቲ። ቆፋን ጊዲኮ ካሃ ኩንሲዳ አሳታ ጊዲቲ። 21 ካሴ ዋጋንካ

“ኢሰታ ቃላይ አማላ ጊዲዳ አላጋ አሳታ ቃላራ ታ ሃይሳ አሳሰ ዮታና። ሃሳሶ ዮቲንካ ታ ጊዛዝ ኢሰቲ ሲዬቴና’ ጌሰ ጎዳይ”

ጌቴቲ ካሴ ጌሻ ማፃፋን ፃፊቲዳሰ። *

22 ሃሳ ጊሽ ሃራ ቃላን ሃሳያይ አማኖንታ አሳሰ ማላታ ጊዳሰ አቲን አማኒዛይታሰ ማላታ ጊዳና። ቲንቢቴይ ጊዲኮ አማኒዛይታሰ አቲን አማኖንታይሰ ጊዳና።

23 ሂሰቲኮ ዋሳ ኬፋን አማኒዛ አሳይ ኢሲፊ ሸቁዳሶን ወሪካ ኤርንታ ሃራ ቃላን ሃሳዪሽን አማላ አሳቲ ዋይኮ አማኖንታ አሳይ ሸቁዳ ሃሳዪዛሶ ጌሊኮ “ሃይቲ ጎዬቴሰ” ጌቴኔ? 24 ጊዶ አቲን አሳይ ወሪ ቲንቢቴ ቃላ ሃሳዬቲሽን አማላ ዋይኮ አማኖንታይይ ጌሊኮ ባ ሲዩዳይሳ ኡባ ኤራናኔ ሄ ቃላን ፐርዳታና።

25 ኢዛይይ ባ ዋዝናን ቆቲ ዋሊዳዚ ወሪ ቆንጫናኔ ኢዚካ ባ ባጋራ “ቲማፔ ያሴ ኢንቴናራ ዳሰ” ጊዲ ጉፋኒዲ ያሳሰ ጎይናና።

26 ሃሳ ጊሽ ታ አሻቶ! ሂሰቲን አይ ጊና? ኢንቴ ኢሲፊ ሸቁዛ ዋዴ ኢንቴፊ ኢሲ ኢሲ አሳሰ ዬላ ቃሴ ኢሲ ኢሲ አሳሰ ቲሚርቴይ ዳሰ። ኢሲ ኢሲ አሳሰ ቆንጫንታ ፀራ ሚሻታ ቆንጫሲዛ አምታይ ዳሰ። ሃራ አሳሰ ዲማ ቃላን ሃሳያና አምታይ ዳሰ። ሃራሰ ቃሴ ሄ ቃላ ቢርሼላ አምታይ ዳሰ። ሄሲ ሄ አምታይ ወሪካ አማኒዛይታ ጎናናሰ ቤሴሰ። 27 ሃራ ቃላራ ሃሳዪዛይ ዲኮ ናምዑ አሰ ዋይኮ ዳሪ ዳሪኮ ሄቸ ጊዲዲ ታራን ታራን ዮቴቶ። ሃራ አሲ ቃሴ ቢርሹ። 28 ቢርሹዛይይ ባይንዳ አጊኮ ሸቁዳ አሳ ጊዶን ጮራ ጊዲ ባሲ ፃላላኔ ያሳሰ ፃላላ ዮቶ።

29 ቲንቢቴ ሃሳያ አምታይ ዲዛይቲ ናቤቲ ናምዓቲ ዋይኮ ሃቸቲ ቲንቢቴ ሃሳዬቶ። ሃንኮ አሳይ ዮቴቲዳይሳ ሎዔሌ ፓጮ። 30 ኡቲዳ አሳ ጋርሳፊ አሳዳይ ኢሲ ሚሽ ቆንጫኮ ኮይሮ ሃሳዪዛይሲ ጮራ ጎ። 31 ኢንቴ ጋርሳፊ ኢሲ ኢሲ አሲ ታማራና ማላኔ ሚኔታና ማላ ኢንቴ ወሪካ ታራን ታራን ቲንቢቴ ዮታናሰ ዳንዳዪታ። 32-33 ናቤታ አያናይ ናቤታሰ አዛዜቴሰ። ጋሶይካ ያሴ ሳሮቴላ ያሳፊ አቲን ዋጫማ ያሴ ጊዳና። አማኒዛይታ ዋሳ ኬሌ ኡባሶንካ ሃሳ ማላ። 34 አማኒዛ አሳይ ጎይናሰ ሸቁዛሶን ማጫሳቲ ጮራ ጌቶ። ሙሴ ዋጋይ ካሴ ጊዳ ማላ ኢሰቲ አዛዜቴቶ አቲን ሸቆሶን ኢሰቲ ሃሳያና ማላ ኢሰታሰ አሚቴቤና። 35 ማጫሳቲ ኤራናሰ ኮዩዛ ኢሲ ኢሲ ዮዶቲ ዲኮ ባ ኬፋን ባ አዚናታ ኦይቼቶ። ጋሶይካ ማጫሲ ሸቆሶን ሃሳያይ ዬላቸዛዛ።

36 ያሳ ቃላይ ኢንቴፊ ኬዚዳ? ዋይኮ ኢንቴኮ ፃላላ ጋኪዳ? 37 ኦኒካ ባና “ናቤ” ጊኮ ዋይኮ “ታሰ ዲሎ አያናፔ አምቴሌ ዳሰ” ጊዛይይ ዲኮ ሃይሲ ታ ኢንቴሰ ጎዳዳይሲ ጎዳ አዛዝ ጊዲዳይሳ ኤር። 38 ሃይሳ ኤርንታ አሲ ዲኮ ኢዚ ባ ሁዔሰ ኤሬቴና።

39 ሃሳ ጊሽ ታ አሻቶ! ቡር ቲንቢቴ ሃሳያናሰ ሎዔሌ ኮዩቴ። ዲማ ዲማ ቃላን ሃሳያካ ዲጎፍቴ። 40 ጊዲኮካ ወሪካ ማራራኔ ዋጋራ ጊዶ።

15

ኪርሰቶሳ ዳንዶ

1 ሃሳካ ታ አሻቶ! ታ ኢንቴና ሳባኪን ኢንቴ ኤኪዲኔ ኢዛን ሚኒ ኤቁዳ ሚሽራቾ ቃላ ሃሳ ቆፊሳና ኮያይሰ። 2 ታ ኢንቴሰ ሳባኪዳ ቃላ ኢንቴ ሎዔሌ ኦይኪኮ ሄ ሚሽራቾ ቃላን ኢንቴ አታና። ሃሳ ማላ ጊዶንታ አጊኮ ኢንቴ አማኖይ ጮ ማላ ሃዳ።

3 ታኒ ታሰ ኤኪዳይሳኔ ኡባፊ አጂዛይሳ ኢንቴሰ አላ አማዲሰ። ጌሻ ማፃፋቲ ጊዛይሳ ማላ ኪርሰቶሲ ኑ ናጋራ ጊሽ ሃይቁዳሰ። * 4 ሞጌቲዳሰ፤ ጌሻ ማፃፋታን ፃፊቲዳይሳ ማላ ሄቸንላ ጋላሰ ሃይቆፔ ዳንዲዳሰ። * 5 ሃሳፊ ካሊዲ ጴፀርሳሰ ቤቴዳሰ። ቃሴካ ዬሱሳ ካሊዛ ታማኔ ናምዓታሰ ቤቴዳሰ። * 6 ሃሳፊ ጉዬ ኢቻሹ ቆቴፔ ሰላራ ዲዛ አማኒዛይታሰ ኢሲቶ ቤቴዳሰ። ሄ ኢዛ ቤይዳ አሳፔ ዳሪዛ ባጋይ ፓፃ ዳሰ። ባጋይ ቃሴ ሃይቁዳሰ። 7 ሃሳፊ ጉዬ ያቆሴሰ ቤቴዳሰ። ካሊዲካ ኩሚሳ ሃዋሬታሰ ቤቴዳሰ።

8-9 ታኒ ሃዋሬታ ኡባፊ ላፋኔ * ካሴ ያሳ ዋሳ ኬሌ ጎዲዳ ጊሽ ሃዋሬ ጌቴታናሰ ታኒ ቤሶንታዳኮ ሺን አሳ ወርሶፊ አወጫያ ሚሳቲዛ ታሰካ ቤቴዳሰ። * 10 ጊዶ አቲን ያሳ ኪያቴላን ሃሳ ታ ሃናናይሳ ሃናዲሰ። ታሰካ አሚቴዳ ያሳ ኪያቴሌ ማላ ሃዳ ጊዲቤና። ታኒ ኦናፔካ ሰላራ ዳሮ ሚና ኦላዲሰ። ጊዶ አቲን ሃሳ ኦሊዳይ ታና ጊዶንታ ያሳ አጶ ኪያቴሌ ኦሊዳሰ። 11 ሃሳ ጊሽ ታና ጊዶን ኢሰታካ ጊዶን ኑ ወሪካ ሳባኪዛይ ሃሳ። ኢንቴካ አማኒዳይ ሃሳ።

ሃይቁዳ አሳ ዳንሳ

12 ኪርሰቶሲ ሃይቆፔ ዳንዲዳይሳ ኑ ታማርሲኮ ሂሰቲን ኢንቴ ጋርሳፊ ኢሲ ኢሲ አሳቲ ዋኒዲ ሃይቆፔ ዳንደይ ባዋ ጊዞ? 13 ሃይቁዳ አሳሰ ዳንሌ ደንታዝ ጊዲኮ ኪርሰቶሲካ ዳንዲቤና ጉሳካ? 14 ኪርሰቶሲካ ሃይቆፔ ዳንደንታዝ ጊዲኮ ኑ ሳባኮሰ ጎዳይ ባዋ። ኢንቴ አማኖይካ ጮ ማላ ሃዳ። 15 ሃሳፊካ ሰላራ “የሲ ኪርሰቶሳ ሃይቆፔ ዳንሌዳሰ” ጊዲ ኑ ማርካቲዳ ማርካይካ ኑና ዋርዶ ያሳ ማርካታ ኬሲዳሰካ? ሃይቁዳ አሳይ ሃይቆፔ ዳንደንታዝ ጊዲኮ ያሴ ኪርሰቶሳካ ዳንሌቤና ጉሳ። 16 ጋሶይካ ሃይቁዳይቲ ዳንደንታዝ ጊዲኮ ኪርሰቶሲካ ሃይቆፔ ዳንዲቤና። 17 ኪርሰቶሲ ሃይቆፔ ዳንደንታዝ ጊዲኮ ኢንቴ አማኖይ ጮ ማላ። ኢንቴካ ሃና ጋካናሰ ኢንቴ ናጋራ ዳታ ጉሳ። 18 ሃናይ ሃሳ ማላ ጊዲኮ ኪርሰቶሳ አማኒዲ ሃይቁዳይቲ ወሪካ ቆዩዳ ጉሳ። 19 ኑ ኪርሰቶሳን ኡፋይሰ ኦሊዳዪ ሃና ቢታይ ሰላ ዳሳሰ ፃላላ ጊዲኮ ኑ አሳ ኡባፊ ላፋታ።

20 ጊዶ አቲን ኪርሰቶሲ ሃይቁዳይታሰ ኡባሰ ባይራ ጊዲዲ ሃይቆፔ ተሙ ዳንዲዳሰ። 21 ሃይቆይ ኢሲ አሳ

* 14:21 ኢሳ 28:11-12 * 15:3 ኢሳ 53:5-12 * 15:4 ማዛ 16:8-10፤ ማቶ 12:40፤ ሃዋ 2:24-32 * 15:5 ሉቃ 24:34፥36፤ ማቶ 28:16-17፤ ማር 16:14፤ ዮሃ 20:19 * 15:8-9 ሃዋ 9:3-6 * 15:8-9 ሃዋ 8:3

አዳማ ባጋራ ዩዳ ማላ ሃይቁዳይታ ዳንላ ከርስቶሳ ባጋራ። 22 እሲ ወሪካ አዳማ ባጋራ ሃይቁዳይታ ማላ ሃሳታካ እሲ ወሪካ ከርስቶሳ ባጋራ ሃይቆፔ ዳንዳና። 23 ጊደ ኦቲን ወሪካ ባ ታራራ ታራራ ዳንዳና። ኮይሮ ባይራ ጊደዳ ከርስቶሳ ዳንዳና። ኢዛፔ ካሊዲ ኢዛ ዩዛ ዎዴ ከርስቶሳ ጊደዳይቲ ዳንዳና። 24 ሃሳፌ ጉዩ ሃራቲዛ ዳሪታ ጎዳቲላኔ ዎልቃማታ ወርሲ ጳይሲዳፔ ጉዩ ካዎታ ያሳ አዎሰ አላ ኢሚዛ ዎዴ ሃ ዎዴ ወርሴላ ጊዳና።

25 ኢዛ ባ ሞርኬ ወርሲካ ባ ቶሆ ጋርስ አላና ጋካናስ ኢዛ ካዎታናስ ቤሴስ። * 26 ቡሮ ወርሴላን ያኔቲ ጳያና ሞርኬይ ሃይቆ። 27 “ያሲ ወርሲካ ኢዛ ጎዳቲላፌ ጋርሳን ዎላዴስ” ጊዛዚ ጌሻ ማፃፋን ፃፊቲዳስ። ጊደ ኦቲን “ወሪካ ኢዛ ጎዳቲላ ጋርሳን ጊደዳስ” ጊሺን ወሪካ ኢዛ ጎዳቲላ ጋርሳን ኦላዳ ያሳ አዎ ጉጃና። * 28 ወሪካ ኢዛሰ ሃራቲዳይሳፌ ጉዩ ያሲ ወርሶፌ ቦላ ጊዳና ማላ ያሳ ናይ ቃሴ ኡባ ባሲ ሃራሲዳይሳሰ ያሳ አዎሰ ሃራታና።

29 ሃይቆፔ ዳንላ ደንታ ኦጊኮ ሂሰቲን ሃይቁዳ አሳ ጊሽ ጊደ ማግቂቲዛ ኡባሰ ጎዳይ አዜ? ሃይቁዳይቲ ሙሉካ ዳንደንታዝ ጊደዳ ሂሰቲን አሳይ ኢሰታ ጊሽ አዛሰ ማግቂቲዜ? 30 ኑ ቃሰ ኡባ ዎዴ ኢታ ማቶሰ አዲ ኢሚቲዛይ አዛሴ? 31 ታ አሻቶ! ሃች ሃች ሃይቆይ ታናራ ጋጌስ። ሃሳካ ኑ ጎዳ ዩሱስ ከርስቶሳ ጊደን ኢንቲ ቦላ ዲዛ አማኔቲላ ታ ኢንቲስ ቆንጫሳይስ። 32 ታኒ ኤፌሶንን ደዓ ሚሳቲዛ አሳታራ ባጻቲዳይሲ አሲ ቤያና ማላ ፃላላ ጊደዳ ታስ ኢዛን አዛ ዎዴይ ዲዜ? ሃይቁዳይታስ ዳንላ ደንታ ኦጊኮ “ኑ ዎንቶ ሃይቃና ጊሽ አኔ ሞስ። አኔ ኡዮስ” ጊዛይታ ማላ ኑካ ኢሰታ ማላ ጊደስ። *

33 ኢንቲ ባሌቶፍቲ! ኢታ ላጌቲላ ሎዎ አማሌራ ዲዛይታ ሞሪስ። 34 ዎዝናማ ጊደቲ፤ ናጋራ ኦላፍቲ፤ ያሴ ኤርንታይታ ኢሲ ኢሲ አሳቲ ኢንቲ ጋርሳን ዲዛ ጊሽ ታ ሃሳ ኢንቲና ዩላቻናስ ጋይስ።

ሃይቆፔ ዳንዳና አሳቲላ

35 “ሃይቁዳይቲ ዋኒ ዳንዳኔ? አይ ማላ አሾራ ዳንዳኔ?” ጊዛይይ ዳና ዳንዳዬስ። 36 ኔሮ ኤያዘ! ኔ ዜሪዛ ዜሪላይ ሃይቆንታ ዲሼ ጫሪና። 37 ኔኒ ዜሪዛ ካላ ሞዴያ ጊሰቲ ዎይኮ ሃራ ካላ አይፌ ጊደዳካ ጉዩፔ ኔ ኤካናራ ሃራ ኔ ዜርሮ ጊደኩ። 38 ያሲ ቃሴ ባ ኮይዳ ማላ ሃ ዜሪላሰ ኢዛ ማላ ማዴ አሚስ። ዜሪላ ቆሞታሰ ኢሳሰ ኢሳሰ ኢዛ ሚሳቲዛ አሳቲላ አሚስ።

39 አሾይ ወሪካ ኢሲ ማላ ጊዳና። አሳ አሾይ ኢሳ ጊደሺን ማሃ አሾይ ቃሴ ሃራ፤ ካፎ አሾይ ሃራ፤ ሞሌ አሾይካ ሃራ ቆሞ።

40 ሃሳ ማላካ ሳሎን ዲዛይታሲካ ኢሰታ ሚሳቲዛ ማዴይ ዳስ። ቢታ ቦላ ዲዛይታሲካ ኢሰታ ሚሳቲዛ ማዴይ ዳስ። ጊደ ኦቲን ሳሎይታ ቦንቾይ ኢሲ ማላ። ቢታ ቦላ ዲዛይታ ማዴ ቦንቾይካ ዲማ። 41 አዎ አርሼ ቦንቾይ ኢሲና። ጊደ ኦቲን አጊና ቦንቾይ ቃሴ ዲማ። ያለንቲታ ቦንቾይካ ሃራ። ኢሲ ያለንቲ ቦንቾይ ሃራ ያለንቲ ቦንቾፌ ዲማቲስ።

42 ሃይቁዳ አሳ ዳንላካ ሃሳ ማላ። ዎቂዛ ማዴይ ዜራቲን ዎቆንታ ማዴይ ዳንዳና። 43 ካወሻቲላን

ዜራታና ሺን ቦንቾን ዳንዳና። ዳቡርሳን ዜራታና ሺን ዎልቃማ ጊደዳ ዳንዳና። 44 ማዴቲላ ማዴይ ዜራታና ሺን አያና ማዴይ ዳንዳና። ማዴቲላ ማዴይ ዲኮ ቃሴካ አያና ማዴይካ ዳስ።

45 ሃሳ ጊሽ “ኮይሮ አሰ አዳማይ ዳይይ ዲዛ ማዴቲላ ጊደዳስ” ጌቲቲ ጌሻ ማፃፋን ፃፊቲዳስ። ናምዓንላ አዳማ ጊደዳ ከርስቶሲ ጊደዳ አሳሰ ዳዎ ኢሚዛ አያና። * 46 ጊደ ኦቲን ኮይሮ ዩዳይ አያናይሳ ጊደንታ ማዴቲላይሳ። አያናይሲ ቃሰ ጉዩፔ ዩዳይሳ። 47 ኮይሮ ዩዳ አዳማይ ቢታፌ ማዴቲዳ ጊሽ ኢዛ ቢታፌ። ናምዓንላ ዩዳይሲ ሳሎፔ። 48 ቢታፌ ጊደዳይቲ ኢሰቲ ቢታፌ ማዴቲዳይሳ ማላ። ሳሎፔ ጊደዳይቲ ሳሎፔ ዩዳይሳ ማላ። 49 ኑኒ ቢታ አሳ ማዴ ማዮዎይሳላካ ሳሎይሳ ማዴካ ማይዳና።

50 ታ አሻቶ! ታ ሃይሳ ኢንቲስ ዮታይስ አሾይኔ ሱላ ያሳ ካዎቲላ ላቲቲና። ጳያናይሲ ጳዮንታይሳ ላቲቲና።

51 አኔ ታ ኢንቲስ ኢሲ ፀራ ዮዎ ዮታይስ። ኑኒ ወሪካ ሃይቆኩ። ጊደ ኦቲን ኑ ወሪካ ላሚታና። 52 ሃሲካ ሃናናይ ኑ ቆፖንታ ዲሺን ወርሴላ ፀራምባይ ፔኔቲዛ ዎዴ ቂጲዳ አይፌይ ጸሊዛ ማላ ኢሲቶ ሃናና። ፀራምባይ ፔኔታና፤ ሃይቆዳ አሳይ ዎቆንታይታ ጊደዳ ዳንዳና። ኑኒካ ላሚታና። 53 ጳዩዛይሲ ጳዮንታይሳ ማይዳናስ። ሃይቁዛይ ሃይቆንታይሳ ማይዳናስ ቤሴስ።

54 ጳዩዛይ ጳዮንታዝ። ሃይቁዛይ ሃይቆንታዝ ማይዳዲ ዎዴ “ሃይቆይ ያኔቲ ሚቲቲዳስ” ጌቲቲ ካሴ ጊሻ ማፃፋን ፃፊቲዳ ቃላይ ፖሊታና። * 55 ሃሳታካ “ሃይቆ! ካሴ ኔ ያሮይ አዎን ዲዜ?”

ሃይቆኩ! ኔ ኢዛራ ጫዲዛ ዩሻይ አዎን ዲዜ?” ጌቲቲ ፃፊቲዳስ። * 56 ሃይቆይ ኢዛራ ዲኪዛ ዎልቃይ ናጋራ፤ ናጋራ ዎልቃይ ዎጋ። 57 ጊደ ኦቲን ጎዳ ዩሱስ ከርስቶሳ ባጋራ ኑስ ያኖ ኢሚዛ ያሳሰ ጋላታይ ጊደ።

58 ሃሳ ጊሽ ታ ሲቆ አሻቶ! ሚኒ ኤቂቲ። አይ ሚሻንካ ያርክ ያርኩፍቲ። ጎዳ ኦሶስ ኢንቲ ዳቡሪዛ ዳቡርሳይ ሃዳ ጊደንታይሳ ኤሪዲ ኡባ ዎዴ ጋጩይ ባይንዳ ጎዳሰ አላናስ ሚኔቲቲ።

16

ዩራሳላሚን ዎቂቲዛ አማኒዛይታስ ሚሻ ኬሶ

1 ሃራ ቃሴ አማኒዛይታስ ሚሻ ኬሶ ጊሽ ጋላቲያን ዲዛ ዎሳ ኬላታስ ታኒ ኢሚዳ አዛዘ ማላ ኢንቲካ ኦላቲ። * 2 ሚሻይ ኬዛናይ ቡሮ ታ ሃ ቢን ጊደንታ ማላ ኢንቲፌ ኢሲ ኢሲ አሲ ባሲ ዲዛ ማላ ሳሚንታን ሳሚንታን ኢሲ ጋላስ ዎጋ ዎጋ ኬሲ ዎላ። 3 ታ ሃ ቢዛ ዎዴ ኢንቲ ዶሪዳ አሳታሰ ታ ሞይዘ ዳብዳቤ ፃፋ ኢሚዳ፤ ኢሰቲ ኢንቲ ኢሚዳ አዎታ ዩራሳላሚ ጋላና ማላ ሃፔ ታ ኪታና። 4 ታ ኢሰታራ ባናስ ኮሺዛዝ ጊደዳ ታናራ ባንዴቲስ።

ጳውሎሳስ ኦጌ ባና ቆፋ

5 ታኒ ባሼ ማቂደኒያራ አዳ ቡሲ ታሰ አቶንታ ጊሽ ታ ማቂደኒያ ጋካዳ ሃራ ኢንቲኮ ባና። * 6 ታ አዎካ ቢሺን ታና ኦጌይ ዎይሶንታ ማላ ኢንቲ ታና ማዳና ማላ ባሼ ታ ኢንቲ አቻን ጋምዎንታ አጊኩ። ኦኔ ኤሪዛይ ባልጎይ አዳና ጋካናስ ታ ኢንቲ አቻን ባልጎዛ አላንታ ዎያ አጋና።

* 15:25 ማዛ 110:1 * 15:27 ማዛ 8:6 * 15:32 አሳ 22:13 * 15:45 ሜዴ 2:7 * 15:54 አሳ 25:8 * 15:55 ሆሴ 13:14 * 16:1 ኦር 15:25-26 * 16:5 ሃዎ 19:21

7 ታ ኢንቴ አቻን ዳሮ ዎዴ ጋምዓናስ ኮዩዛ ጊሽ ኢንቴና ጮ ኦጌራ አቆ ባሼ ቤያናስ ኮዩኬ። ጎዳ ሼኔ ጊዲኮ ኢንቴ አቻን አዲሳ ዎዴ ጋምዓናስ ኮያይሰ።

8 ጊዶ አቲን ጳንፃቆስቴ ጌቴቴዛ ባዓሌ ጋላስ ጋካናስ ታ ኤፌሶኔን ጋምዓና። * 9 ታ ሄን ጋምዓና ጋሶይካ ታስ ሄን ጊታ ኦሶ ፔንጌይ ዶዬቴዳስ ሺን ታናራ ኤቁቴዛይቴ ዳሮቴ ዳቴሰ።

10 ዲምቶሲ ኢንቴኮ ቢኮ ኢዚ ታ ማላ ጎዳ ኦሳንቻ ጊዲዳ ጊሽ ኢዚ ባቦይ ባይንዳ ዳና ማላ ኢንቴ ኢዛ ማዲቴ። * 11 ሄሳ ጊሽ ኦኒካ ኢዛ ካጶፖ። ኢዚ ታኮ ሳሮን ሲማና ማላ ኢንቴ ማዲቴ። ኮካ ሃራ አማኒዛይታራ ኢዛ ዩሳ ናጎን ደሰ።

12 ኑ ኢሽ አጲሎሲ ሃራ አማኒዛይታራ ኢንቴኮ ባና ማላ ኬሃ ዎሳዲሰ ሺን ኢዚ ቃስ ሃዒ ኢንቴኮ ባናስ ኮይቤና። ጊዶ አቲን ባና ኦጌይ ጊሺሺን ኢዚ ኢንቴኮ ባና።

ወሪሴሳ ዞሬኔ ሳሮካ

13 ቤጊቴ! አማኖን ማኒ ኤቁቴ፤ ማኒቴ፤ ጎብቴ።

14 ኢንቴ ኦላዛዝ ወርሲካ ሲቆን ኦላቴ።

15 ታ ኢሻቶ! አካያ ቤታን ኮይሮ አማኒዳይ ኢስቴፋኖሴሶ አሳ ጊዲዳይሳኔ አማኒዛ አሳ ማዳናስ ኢስቴ ባና ኦላ ኢሚዳይሳ ኢንቴካ ኤሬታ። * 16 ኢስታ ሚሳቴዛ አሳታሲኔ ኢስታራ ኢሲፌ ዳቡሪዛ አሳታሰ ኡባሰ አዛዜታና ማላ ታ ኢንቴና ዎሳይሰ።

17 ኢስቴፋኖሴ፣ ፊርድናያሲኔ አካይቆሲ ዩዳ ጊሽ ታ ዳሮ ኡፋዬታይሰ። ጋሶይካ ኢንቴ ሃን ታናራ ደንታ ጊሽ ኢስቴ ታስ ፓጪዛዝ ወርሲ ኩንላዳ። 18 ታ ዎዝናኔ ኢንቴ ዎዝና ወርሲ ሸምፒሲዳ። ሄሳ ጊሽ ሄሳንታ ማላ አሳታ ሙሌ ባሎፒቴ።

19 ኢሲያ ቤታን ዲዛ ዎሳ ኬፋቴ ኢንቴና ሳሮ ጌቴሰ። አቁላይኔ ጲርሲቁላይካ ኢስታ ሶን ሺቁዛ አማኒዛ አሳይ ጎዳ ሱንጎን ቦንቾ ሳሮታ ኢንቴሰ ሺሼቴሰ። * 20 ሃን አማኒዛይቴ ወሪካ ኢንቴና ሳሮ ጌቴሰ። ኢንቴ ኢንቴ ጊዶን ኢሶይ ኢሳራ ሲቆ ዩሬቴላ ዩሬቴቴ።

21 ሃይሳ ሳሮካ ታ ኩሼራ ፃፊዳይ ታና ጳወሎሳ።

22 ጎዳ ደሶንታይይ ዲኮ ኢዚ ቃንጌቴዳዴ ጊዶ! ጎዶ ሃያ! 23 ጎዳ ዩሱሳ ኪያቴላ ኢንቴናራ ጊዶ።

24 ታ ሲቆይ ጎዳ ዩሱሰ ኪርሰቶሳ ባጋራ ኢንቴሰ ኡባሰ ጊዶ። አማን።

* 16:8 ለዌ 23:15-21፤ ዛሬ 16:9-11 * 16:10 1ቆር 4:17 * 16:15 1ቆር 1:16 * 16:19 ሃዋ 18:2

**ጳውሎስ
ቆርንቶሴ አሳሰ
ፃፊዳ ለምዳን ስታ
ጊደ ቆፋ**

ጳውሎስ ቆርንቶሴ አሳሰ ለምዳን ስታ ፃፊዳ ጋሶይ ቆርንቶሴን ዲዛ ዋሳ ከላይራ ኢዛሰ ዲዛ ጋይቶቲላይ ዳር ሎጾንታ ዎዴ። ኢሲ ኢሲ አማኒዛ አሳቲ ዳዳዛ ካጄ ቃላታ ኢዛ ቦላ ሸሽኮካ ጳውሎስ ኢስታራ ጊጋናሰ ዳር ኮዩዳይሳ ቤሴሰ። ኢዚ ኢስታራ ጊሊኮ ኢዛሰ ጊታ ኡፋይሲ ሲዩታናይሳ ቆንጨሴሰ።

ባ ፃፊዳ ኮይር ከታ ቦላ ጳውሎስ ቆርንቶሴን ዲዛ ዋሳ ከላይራ ኢዛሰ ዲዛ ጋይቶቲላ ቆንጨሴላን ሄ ዋሳ ከላይን ዳንዲዳ ቦር ዮጸዛሲኔ ኢስታ ኤቁቲላሰ አይሰ ኢዚ ሚኖ ዛር አሚዳኮኔ ኤሪሴሰ። ኢዚ ሄሳራ ኢሲ ቦላ ጋሊዲ ሄ ኢዛ ሃንቆዛን አሳይ ማርቲላሰኔ ማቃይናሰ ጋሊዲ ጊሽ ሄሲ ኢዛሰ ሲዩቲዳ ኡፋይሳ ቆንጨሴሰ። ቃሴካ ዩሁዳን ዲዛ አማኒዛ አሳ ማዳናሰ ኪያቲላ ማዶ አማና ማላ ኢስታ ቆፊሴሰ። ወርሴላ ሸጾጾታ ቦላ ጳውሎስ ባ ሃዋሪቲላ ቦላ ዳንዲዳ ሞቶዛ ጊሽ ቤና ማዲዛ ማካልካያ ዛር አሚሰ። ቆርንቶሴ ዋሳ ከላን ኢሲ ኢሲ አሳቲ ባርካ ባና ቱሙ ሃዋሪቲ ኑና ጉሳን ጳውሎስ ኢዚ ዎርዶ ሃዋሪ ጊዲ ሞቲቲሰ።

ሃ ማፃፋይ ኦይኪዳ ኩሜላ ቆፋ

ጌሎሶ 1:1-11

ጳውሎሳኔ ቆርንቶሴ ዋሳ ከላ 1:12-7:16

ዩሁዳን ዲዛ አማኒዛ አሳ ማዳናሰ ሚሼ ኬሶ 8:1-9:15

ጳውሎስ ባሲ ሃዋሪቲላ ጊሽ ሸሺዲ ማካልካያ ዛር 10:1-13:10

ኩሻ ቆፋ 13:11-14

1 ያሳ ሸኔ ማላ ዩሱሰ ከርሰቶሳሰ ከቲቲዳ ጳውሎሳፔኔ ኑ አሻ ግምቶሳፔ ቆርንቶሴን ዲዛ ያሳ ዋሳ ከሌይሰ ቃሴካ አካያ ቢታን አማኒዛ ኩሜላ አሳሰ። *

2 ኑ አዎ ያሳፊኔ ጎዳ ዩሱሰ ከርሰቶሳፔ ኪያቲላኔ ሳርይ ኢንቲሰ ጊዶ።

ጳውሎስ ያሳሰ ሸሺዲ ጋላታ

3 ማሪዛ አዎሲኔ ወርሲካ ሚንሌሊዛ ኑ ጎዳ ዩሱሰ ከርሰቶሳ አዎ ያሳሰ ጋላታይ ጊዶ። 4 ኑካ ኑ ባጋራ ያሳፊ ዳሚዳ ሚኖቲላን ሜቶቲቲዛይታ ሚንሌላናሰ ዳንዲያና ማላ ኑ ሜቶን ኢዚ ኑና ሚንሌላሰ። 5 ከርሰቶሳ ዋዩይ ኑ ቦላ ዳሪዳይሳ ማላ ኑሰካ ከርሰቶሳ ባጋራ ሚንሌላይ ዳሪሰ። 6 ኑ ሜቶን ኢንቲ አቶቲላኔ ሚኖቲላ ዳሚታ። ኑኔ ሜቶቲሺን ቃሴ ኢንቲካ ካሴ ኤኪዳ ሚቶዛ ማላ ጌንጨ ኤኪዲ ሚኔታንዳታ። 7 ኑ ሜቶ ኢንቲ ኑናራ ሻኪ ኤኪዳ ማላ ኑናራካ ኢንቲ ሚኔታናይሳ ኑኔ ኤሪዛ ጊሽ ኑሰ ኢንቲ ቦላ ዲዛ ኡፋይሲ ጊታ።

8 ታ አሻቶ! ኢሲያ ቢታን ኑ ቦላ ጋኪዳ ሜቶ ጊሽ ኢንቲ ኤሪና ማላ ኑ ኮኖሰ። ሄ ኑ ቦላ ጋኪዳ ሜቶዚ ኑ ቶካናፔ ዳፆ ጊዲዳ ጊሽ ሃይቆንታ ገፃ ዳና ጊዲ ቆፒቤኮ። * 9 አዳፊካ ኑ ቦላ ሃይቆ ፒርዳይ ፒርዳቲዳ ሚሳቲዳሰ፤ ሄሲ ወሪካ ኑ ቦላ ጋኪዳ ጋሶይ

* 1:1 ሃዎ 18:1 * 1:8 1ቆር 15:32

ኑኔ ሃይቆዳይታ ዳንሌዛ ያሳን አማኔታናሳፊ አቲን ኑ ዎልቃን አማኔቶንታ ማላ ሃኒዳሰ። 10 ኢዚ ኑና ሄሳ ማላ ቆፖንታ ሃይቆፔ አሺዳሰ። ሃሪካ ዎዴፔካ ኢዚ ኑና አሻናይሳ ኑ አማኔቶሰ። 11 ኢንቲካ ኢንቲ ዎሳን ኑና ማዲቲ። ዳር አሳ ዎሳን ኑሰ አሜቲዳ አሞታሲኔ ኑ ጊሽ ዳርቲ ያሳ ጋላቲቲሰ።

ጳውሎስ ቤያና ባና ጊደ ቆፋ ለሚዳሰ

12 ሂሰቲኮ ኑ ጨቁቲላ ሃይሳ ማላ። ሃ አላሚዛን ሃሪፔካ ኢንቲሳራ ኑሳራ ዲዛ ጋይቶቲላን ያሳፊ ጊዲዳ ጌሻቲላንኔ ሱሪቲላን ኑ ዳሪዳይሳ ኑ ዎዝናይ ኑሰ ማርካቲሰ። ሄሲካ አሳ ጨንጫቲላን ጊደንታ ያሳ ኪያቲላና። 13 ኢንቲ ናባቢዲ ኤሪናሰ ዳንዳኖንታ ሚሽ ኑ ኢንቲሰ ፃፎኮ። ኢንቲ ወርሲካ ናባቢዲ ኤሪናይሳ ኑ ኤርሰ። 14 ኢንቲ ኑናን ጨቁቲዛይሳ ማላ ኑካ ኢንቲናን ጨቁቲዛይሳ ሃሪ ወርሲ ኤርንታ ኢጊኮካ ጎዳ ዩሱሲ ሲሚ ዩዛ ጋላሰ ወርሲካ ኤሪና።

15 ታ ሃይሳ ሻካ ኤሪዛ ጊሽ ለምዑቶ ኢንቲ ጎዳታና ማላ ኮይር ኢንቲና ቤያና ቆፓዲሰ። 16 ሄሲካ ታ ካሴ ማቂዶኒያ ባሼ ኢንቲና ቤያዳ ማቂዶኒያፔካ ሲማሼ ኢንቲ አቻራ አቆዳ ታ ዩሁዳ ቢሸን ኢንቲ ታና ማዳና ማላ ቆፓዲሰኮሸን። 17 ሃይሲ ታ ቆፋይ ኢንቲሰ ታ ሎዔላ ቆፖንታ ቆፋ ሚሳቲዜ? ዎይኮ አይዛቤታሰ ደሴ ጊዲዳይሳ ታካ ኢሲቶ “ኤር ኤር ቃሴካ አካይ አካይ” ጊዛ ሚሳቲዜ? 18 ያሲ አማኔቲዳ ያሴ ጊዲዳ ማላ ኑ ኢንቲሰ ዮቲዛ ቃላይካ “ኤ” ጊዲ “አካይ” ጊዛዝ ጊዳና። 19 ጋሶይካ ታና ጊዲን ዎይኮ ሲልዎናሴኔ ግምቶሳ ጊዲን ኑ ኢንቲሰ ሳባኪዳ ያሳ ና ዩሱሰ ከርሰቶሴ “ኤኔ አካይ” ጊዳና። ጊዶ አቲን ኡባ ዎዴ ኢዛን “ኤ” ፃላላይ ደሰ።

20 ያሳፊ አሜቲዳ ሂደታቲ ወሪካ “ኤ” ጊዲዳይ ኢዛና። ኑካ ኢዛ ባጋራ ያሳ ቦንቾሰ “አሚን” ጊዛይ ሄሳ ጊሻሳ። 21 ሄሳ ጊሽ ኢንቲካ ኑኒካ ከርሰቶሳን ሚኒ ኤቃና ማላኔ ባ ኦሶሰ ደሪዳይ ያሳ። 22 ኑ ኢዛይታ ጊዲዳይሳ ኤሪሳናሰ ባ ማታሜ ኑ ቦላ ሸጨዳይኔ ኑ ሲንላፊ ዳማና ሚሻሰ አያና ዋሴቲላ ኑ ዎዝናን ዎሊዳይ ኢዛ።

23 ታኒ ቆርንቶሴ ሲማዳ ኢንቲኮ ቦንታ አጊዳይ ኢንቲና ሚሺሲኬ ጋዳኮ፤ ቃሴ ሄሲ ቱሙ ጊደንታ ዎርዶ ጊዲኮ ያሲ ታ ቦላ ማርካቶ። 24 ኢንቲ አማኖን ኤቂዳ ጊሽ ኢንቲና ኡፋይሳናሰ ኑ ኢንቲናራ ኦላና አቲን ኢንቲ አማኖ ቦላ ጎዳታናሰ ጊዳና።

2

1 ታ ኢንቲና ሚሺሳናሰ ኮኖንታ ጊሽ ቃሴካ ኢንቲኮ ቢኬ ጋዳ ቆፋ ቃቻዲሰ። 2 ታ ኢንቲና ሚሺሲዳዝ ጊዲኮካ ሚሹቲዳ ኢንቲፊ አቆ ኡፋይሲዛይ ታሰ ሃሪይ ኑኒ ዲዜ? 3 ታ ካሴ ኢንቲሰ ፃፊዳይ ታ ኢንቲኮ ቢዛ ዎዴ ታና ኡፋይሳናሰ ቤሲዛ አሳቲ ታና ሚሺሶፔቶ ጋዳ ፃፋዲሰ። ጋሶይካ ታ ኡፋይቲኮ ኢንቲሰ ኡባሰካ ኡፋይሰ ጊዳናይሳ ታ አማናይሰ። 4 ታ ኢንቲሰ ሄሳላ ፃፊሺን ታ ዎዝናን ዳር ሚሻይኔ ዳር ቆፋይ ኩሚ ዲሺን ዳር አፋንፃሼ ፃፋዲሰ። ሄሳካ ታ ኦሊዳይ ታ ኢንቲና ዳር ሲቁዛይሳ ኢንቲ ኤሪና ማላ ጋዳ አቲን ኢንቲና ሚሺሳናሰ ጊዳና።

ቆሂዳዳሰ አቶ ጉሰ

5 ኦሪካ አሴ ቆሃዳ ገዲኮ ጉጃኝ ገደንታ ማላ ሃ ቆሃዳዳይ ታና ሃላላ ገደንታ ጉላራ ገዲኮካ አንቴናካ ወርሲ ቆሃዳሰ። 6 ሃሳ ማላ አሳሰ ዳር አሳይ ኢዛ ቦላ ዋሊዳ ቁፃቴይ ኢዛዳሰ ገዳና። 7 ሃ አዳይ ከሃ ሙዙተዳ ሃደታ ቃንገንታ ማላ አንቴ ሃሳዳሰ አቶ ኢዛ ገዲ ሚንጭናሰ ቤሴሰ። 8 ሃሳላካ አንቴ ኢዛ ሰቁዛይሳ ዛሬሊዳ ኢዛ ቤሳና ማላ ታ አንቴና ዋሳይሰ። 9 ታ ሃይሳ አንቴሰ ፃፊዳይ አንቴ አንቴና ጋኪዛ ፓጩ ያረዳ ኡባን አንቴ አዛዘቴዛኮኔ ኤራናሳ። 10 አንቴ አቶ ገዛዳሰ ታካ አቶ ጋይሰ። ቃሴ ታ ቱማፔ አቶ ጋናዚ ዲዛ ገዲኮ ከርሰቶሳ ሲንላን ታ አቶ ገዛይ አንቴ ገሽ ጋዳ። 11 ታ ሃሳላ ኦሊዛይ ሃላዳይ ጌሊዛ ያዔ ዳግንታ ማላ ጋዳኮ! ኑ ኢዛ ጌኔ ቆፋ ባሎኮ።

12 ታኒ ከርሰቶሳ ሚሺራኝ ቃላ ዮታናሰ ሂርዳዳ ቢዳ ዋዴ ጎዳይ ታሰ ኦሪ ኦጌ ደደዳሰ። 13 ገደ አቲን ታኒ ታ አሻ ቲቶሳ ሃን ዳግንታ አገዳ ገሽ ታ ዋዘናይ ሽግግንታ አገዳ ገሽ ኢሰቲ ታና ሃፔ ዋይዚን ማቂደጎ ዳሬ ባዲሰ።

14 ገደ አቲን ከርሰቶሳ ባጋራ ኡባ ዋዴ ኑና ያኖ ኦጌን ካሌሊ ዩሺዛኔ ባ ሎዎ ኤራቴላ ኑ ባጋራ ኡባ ሰን ቆንጨሲዛ ጎዳሰ ጋላታይ ጋኮ። 15 ጋሶይካ ኑኒ ቆንጨይታሰኔ አታናይታሰ ገደን ከርሰቶሳ ባጋራ ያሳሰ ሸቂዳ ሳዎ ቱኑ ገዛ ኤፃኔ ማላ። 16 ቆንጨይታሰ ኑኒ ዋዲዛ ያንቆ። አታናይታሰ ቃሴ ሃይቆፔ ጌዴ ዳዎሶ ኤፊዛ ዳዎ ሳዎ። ሂሰቲን ሃይሳሰ ቤሲዛዳይ ኦኔ? 17 ኑኒ ዋዲ ዳማናሰ ገዲ ያሳ ቃላ ሻቃጫ ማላ ዋላኬሬሊዳ ባይዚዛ ዳር አሳታ ማላ ገደኮ። ገደ አቲን ያሳፊ ከቴቲዳ ሱሬ አሳ ማላ ገዲዳ ከርሰቶሳን ያሳ ሲንላን ሱሬ ዮቶሰ።

3

አራሳ ጫቆ አሳንቻታ

1 ኑኒ ሃዒ ኑርካ ኑና ዛሪዳ ጋላቲና? ዋይኮ ሃራ አሳታ ማላ አንቴሰ ገዲን ዋይኮ አንቴፊ ሃ ኑሰ ፃፊቲዳ ጋላታ ዳብዳቤ ኮሺዜሻ? 2 አንቴ ቃሴ አሲ ወሪ ኤሪዛይኔ ናባቤቲዛ ኑ ዋዘና ጋርሳን ፃፊቲዳ ዳብዳቤታ። 3 አንቴ ቃላሚን ፃፊቲዳይታ ገደንታ ዳዎ ያሳ አያናን ፃፊቲዳይታ፤ ቃሴካ ሹቻ ቦላ ዋጩቲ ፃፊቲዳይታ ገደንታ አሳ ዋዘናን ፃፊቲዳይታኔ አንቴ ኑናን ጎዔቲዳ ከርሰቶሳሰ ቆንጨ ዳብዳቤታ። *

4 ከርሰቶሳ ባጋራ ኑሰ ያሳ ቦላ ዲዛ አማናይ ሃሳ ሚሳቴሰ። 5 ኑና ሃሳሰ ጋሊዳይ ያሳፊ አቲን ኑኒ ኑ ዋልቃን ኦሊዳሰ ገዛ ሚሺ ኢሲናካ ባዎ። 6 ሃሲካ ፒዳሌን ፃፊቲዳ ዋጋን ገደንታ አያናን ፃፊቲዳ ኦራሳ ጫቆ ቃላ አሳንቻታ ኑ ገዳና ማላ ኦሊዳሰ። ጋሶይካ ፒዳሌን ፃፊቲዳ ዋጋይ ዋዴሰ፤ አያናይ ገዲኮ ዳዎ አሚሰ። *

7 ሃሳ ገሽ ኢሰራዔሌ ናይቲ ኢዛ አይፊሶን ዲዛ ቦንቾ ጋሶቴላን ሙሴ አይፊሶ ቲሺ ሂሰቲ ያሎይ ኢሰታ ያናና ጋካናሰ ሃሲ ጉዬፔ ቆንጨሲኔ ሹቻ ቦላ ፒዳሌን ዋጩቲ ፃፊቲዳ ሃይቆ ኦሶሰ ገዲዳይሲ ቦንቾን ቆንጨዛይሳ ገዲኮ፤ * 8 ሂሰቲን አያና ኦሶሰ ዋሪዳ ሃሳፊ አዲዛ ቦንቾይ ዳኔ? 9 አሲ ኢዛን ፒርዳቲዛ ኦሶይ ሃሳ ማላ ቦንቾቲዛይሳ ገዲኮ አሲ ኢዛን ያሊዛ ኦሶይ ሃሳፊ ከሃ አዲዛ ቦንቾይ ኢዛሰ

ዋሪ ዳኔ? 10 ሃይሳፊ ካሴ ቦንቾቲዳይሲ ሃራ ኢዛፔ አዲዛ ቦንቾይ ዲዛይሳራ ገሺሲሽን ቦንቾይ ባይንዳይሳ ገዲዳሰ። 11 ቆሚ ቆሚ ቦዛይሳሰ ሃሳ ማላ ቦንቾይ ዲኮ ሚርናሰ ሚኒ ኤቁ ዳናይሳሰ ሃሳፊ ከሃ አዲዛ ቦንቾይ ዋሪ ዳኔ?

12 ሃሳ ገሽ ሃሳ ማላ ሃደታይ ኑሰ ዲዛ ገሽ ኑኒ ሃላቴላን ሃሳዮሰ። 13 ኢሰራዔሌ ናይቲ ሙሴ አይፊሶይ ያለቁዛይሳ አገ አገ ቢሽን ኢሰቲ ወርሴላ ቤዮንታ ማላ ኢዚ ባ አይፊሶ ጎዚዳ ሙሴ ማላ ገደኮ። *

14 ገደ አቲን ካሴ ጋልዳ ጫቆ ቃላይ ናባቤቲሽን ሃ ዋዴ ጎሳዚ ሃኙ ጋካናሰ ከቾንታ ገሽ ኢሰታ ዋዘናይ ደጪዳ ማላ ዳሰ። ሃ ጎሳይ ሃዒካ ከቾቤና። ኢዚካ ከቾናይ ከርሰቶሳን ሃላላ።

15 ሃኙ ጋካናሲካ ሙሴ ማፃፋቲ ናባቤቲዛ ዋዴ ሃ ዋዴ ጎሳይ ሃዒካ ኢሰታ ዋዘና ጎዚ አይኬሰ። 16 ገደ አቲን ኢሳዳይ ጎዳኮ ሲሚዛ ዋዴ ጎሳዚ ቃሬቲ ከቾሰ። * 17 ጎዳይ አያና። ጎዳ አያናይ ዲዛሶን አይሌቴላ ዳና። 18 ኑኒካ ጎዳ ቦንቾ ማሰቶቲ ማላ ያልቁቴሼ ኢዛ ሚሳታናሰ ሃ ቦንቾፊ ጌዴ ሃራ ቦንቾን ላሚታና። ሃሲካ አያና ገዲዳ ጎዳፔ።

4

ቱሙ ሃዋራቴላ ኦሶ

1 ያሳ ማርቲላ ዳርፔ ዳንዲዳይሳን ሃይሲ ሃ ኦሶዚ ኑሰ ዲዛ ገሽ ኑኒ ሃደታ ቃንገኮ። 2 ገደ አቲን ጌማራ ሃኒዛ ዬላሲዛ ዮዎታ ኑ አገደሰ። አሰ ባሌላኮ፤ ያሳ ቃላ ዋርዶራ ዋላኮኮ። ሃሳ ሂሰታናፔ ቱሙ ዮዎታ ቆንጨራ ዮቲሼ አሲ ወሪካ ኑ ገዛይሳ ኤካና ማላ ኑናቴላ ያሳ ሲንላ ሺሾሰ። 3 ኑ ሚሺራኝ ቃላይ ጎርዳቲኮካ ኢዚ ጎርዳቲዳይ ቆንጨይታሳ።

4 ያሳ ሌሚሶ ገዲዳ ከርሰቶሳ ቦንቾ ሚሺራኝ ቃላ ፖዎዛ ሃ አላሚ አሳይ ቤዮንታ ማላ ሃይሳ ሃ አላሚዛ ያሲ አማናንታ አሳ ዋዘና ሙሚሲዳሰ። 5 ኑኒ ዬሱሰ ከርሰቶሲ ጎዳ ገዲዳይሳ ሳባኮሰ አቲን ኑና ሳባኮኮ። ኑካ ኑ ባጋራ ዬሱሳ ገሽ አንቴሰ ኦሊዳይንታ ገዲዳሰ። 6 ከርሰቶሳ ሲንላን ያሲ ባ ቦንቾ ኤራቴላ ፖዎ ኑሰ አማናሰ “ፖዎይ ቆሚን ፖዎ” ገዲ ያሲ ባ ፖዎ ኑ ዋዘናን ፖሲሲዳሰ። *

7 ገደ አቲን ሃይሲ ገታ ዋልቃይ ኑሰ ያሳፊ አሚቲዳሰ አቲን ኑፔ ገደንታይሳ ቤሳና ማላ ሃይሲ ቦንቾ ሚሻይ ኑናን ኦቶ ሚሳቲዛይታ ገደን ዳሰ። 8 አዎ ባጋራካ ኑና ሱጊኮካ ኑኒ ቲንላ ገ ሚቆኮ። ኑሰ ዮዎይ ቲፒ ጊኮካ ሃደታ ቃንገኮ። 9 ኑ ጎዳቲኮካ ዋራ ዋዲ አቶኮ። ኢሰቲ ኑና ሾጪ ጌንዳርሲኮካ ኑ ቆዮኮ። 10 ዬሱሳ ዳዎይ ኑ አሳቴላን ቆንጨና ማላ ኑኒ ኢዛ ሃይቆ ኡባ ዋዴ ቶኪ ዳዮሰ። 11 ዬሱሳ ዳዎይ ሃይቁዛ ኑ አሳቴላን ቆንጨና ማላ ፓፃ ዲዛ ኑኒ ኡባ ዋዴካ ዬሱሳ ገሻሰ ሃይቆሰ አዲ አሚቶሰ 12 ሃሳ ገሽ ኑ ሃይቆሰ አዲ አሚቲሽን አንቴ ቃሰ ዳዎን ጋኬታ።

13 ካሴ ጌሻ ማፃፋን ፃፊቲዳ ማላ “ታ አሚኒዳ ገሽ ሃሳያዲሰ” ጌቲቲዳይሳ ኑካ ሃሳ ሃ አማና አያናን አሚኒዛ ገሽ ሃሳዮሰ። * 14 ጋሶይካ ጎዳ ዬሱሰ ከርሰቶሳ ሃይቆፔ ዳንጊዳይሲ ኑናካ ኢዛራ ኢሲፊ

* 3:3 ከሳ 24:12፤ ኤር 31:33፤ ሃዚ 11:19፤ 36:26 * 3:6 ኤር 31:31 * 3:7 ከሳ 34:29 * 3:13 ከሳ 34:33 * 3:16 ከሳ 34:34 * 4:6 ሜዴ 1:3 * 4:13 ማዛ 116:10

ዳንሌዲ እንቴናራ ባ ሲንሐ ሺሻናይሳ ኑ ኤርስ። 15 ዳር አሳ ጋኪሼ ዲዛ ኪያቴሌ ያሳ ቦንቸሰ ጋላታ ቦላ ጋላታ ጉጃና ማላ ሃይሲ ወሪካ እንቴና ጎዳናሰ ሃኒደሰ።

16 ሃሳ ጊሽ ኑ ሂደታ ቃንጾኮ፤ ኑስ ካሬ ባጋ አሳቴላይ ጳይ ጳይ ቢኮካ ኑስ ጋላ ባጋ አሳቴላይ ጋላሰ ጋላሰ ኦራዲ ኦራዲ ባሲ። 17 ሃሳሰ ሃሳ ጉላ ዋዴሰ ኑና ጋኪዛ ዋዴይ ኢዛራ ጊጋናሰ ዳንዳዮንታ ማርናሰ ጊዲዛ ቦንቸን ኑና ጋላና። 18 ሃሳ ጊሽ ኑ ቲሺ ሂሰቲ ያሊዛይ ሃሳ አይፊን ቤተዛ ሚሻ ቦላ ጊደንታ ሃሳ አይፊን ቤቶንታ ሚሻ ቦላ ደሰ። ሃሳ ቤተዛይሲ ኢዚ ሃሳሰ ያላላ። ሃሳ አይፊን ቤቶንታይሰ ጊዲኮ ኢዚ ማርናሳ።

5

ሚርናሰ ዳናሶ

1 ኑኒ ኢዛን ቢታ ቦላ ዲዛ ዳንካይይ ላሌተኮካ አሳ ኩሽን ጊደንታ ያሳ ኩሽን ኦሴቲዳ ማርና ኬሌ ኑስ ሳሎን ዲዛይሳ ኑ ኤርስ። 2 ሄ ዋዴይ ጋካናሰ ኑ ኬላ ሳሎይሳ ማይዳናሰ ኑ ላሞቲ ናሳሰ። 3 ቱማፔ ሃሳ ኑ ማይዲዳፔ ጉዬ ካሎቶኮ። 4 ኑኒ ሃይሳ ሃ ዳንካይዛን ዲዛ ዋዴ ኡባን ኢዚ ዳይዛ ጊሽ ዳቡራ ፒጲ ጎሰ። ሃሳሰ ጋሰይካ ሃይቁዛይሲ ዳዮን ላሚታና ማላ ኑኒ ሳሎን ዳና ሰዛ ማይዳና ኦቲን ኑፔ ቃሬታና ማላ ኑ ኮዮኮ። 5 ሃሳሰ ኑና ጊሊሲዳይ ያሳ። ቡር ያናይሳሰ ዋሴ ጊዳና ማላ ኑስ ባ አያና አሚዳይ ኢዛ። 6 ኑኒ አሾን ዲዛ ዋዴ ጎዳፔ ሃኪ ዲዛይሳ ኤሪኮካ ኢዛን አማኔቲዲ ደሰ። 7 ኑኒ ዲዛ ዳሳይ ጎዳን አማኒዲ ኦቲን አይፊን ቤዮን ጊዳና። 8 ኑኒ አሾፔ ሻኬቲዲ ጎዳራ ዲሰ ደራናይሳ ታ ሲታንታ ዮታይሰ። 9 ሃሳ ጊሽ ኑ አሾን ዲኮ ዋይኮ አሾፔ ሻኬቲኮካ ኑስ ዋና ቆፋይ ጎዳ ኡፋይሰ። 10 ኑኒ ወሪካ ከርሰቶሳ ፐርዳ ዋሞቦራ ሲንሐ ሺቃናይሲ አቴና፤ ኑፔ ኢሶይ ኢሶይ ቢታ ቦላ ባ ኦሌዳ ኢታ ጊዲን ዋይኮ ሎዮ ጊዲን ባ ኦሶ ማላ ቤሲዛ ዋጋ ኤካና።

አሳ ያሳራ ማቃይኒላ ኦሶ

11 ሃሳ ጊሽ ጎዳሰ ባቦ ጉሲ አይ ጉሳኮኔ ኑ ኤሪዛ ጊሽ አሳይ ኑ ዮተዛይሳ ኤር ጊ ኤካና ማላ ኦላናሰ ዳቡርሰ። ኑኒ ኦናንታኮኔ ያሳ አቻን ቆንጩ። ቃሴካ እንቴ ዋዛናንካ ቆንጩ ጊዲዳይሳ ታ አማናይሰ። 12 ታ ሃሳ ጊዛይ ኑና እንቴ ሲንላን ጋላታናሰ ጊደንታ ዲሺን እንቴ ኑናን ጩቁታና ማላ አቴን ዋዛናፔ ጊደንታ አይፊን ቤተዛ ሚሻን ጩቁተዛይታሰ እንቴ ዛር አማናሰ ዳንዳያና ማላ ጋዳ ጋይሰ።

13 ኑ ጎሽ ጊዲኮ ያሳ ጊሽ ጊዲ ጎዴደሰ። ኤራታ ጊዲኮካ እንቴሰ ጊዲኮ! 14 ከርሰቶሲ ኡባሰ ኢሲቶ ሃይቆይሳኔ ሃራይ ወሪካ ኢዛራ ኢሲፊ ሃይቁዳይሳ ኑ ኤራዳ ጊሽ ከርሰቶሳ ሲቆይ ኑና ዋልቃራ ኦሲሴሰ። 15 ሺምፖራ ፓዓ ዲዛይቲ ወሪካ ሄ ሃይቁዳይሳሲኔ ሃይቆፔ ዳንዲዳይሳሰ ዳና ማላፔ አቴን ሃይሳፊ ጉዬ ኢሰቲ ባሲ ደንታ ማላ ከርሰቶሲ ኡባሰ ሃይቁዳሰ።

16 ሃሳ ጊሽ ሃይሳፊ ጉዬ ኑኒ ኦና ኦሲካ አሾ አይፊን ያሎኮ። ኑኒ ሃይሳፊ ካሴ ከርሰቶሳ አሾ አይፊን ያሊዳይ ጩ ማላ አሳ ማላ ያሎ። ጊዲኮካ ሃይሳፊ ጉዬ ሲንላሰ ጊዲኮ ሃሳሳ ያሎ። 17 ሃሳ ጊሽ ኦኒካ ከርሰቶሳ ባጋ ጊዲኮ ኢዚ ኦራላ ሜዴቴላ። ካሴ

ጩጋ ሜዴቴላይ አዲዳሰ። ሄ ኢዛ ከቸሳን ሃራ ኦራላ ሜዴቴላ ጌሊዳሰ። 18 ሃሲ ወሪ ሃኒዳይ ኢዚ ኑና ባናራ ከርሰቶሳ ባጋራ ማቃይኒላዲኔ ማቃይኒላ ኦሶ ኑስ አሚዳ ያሳና። 19 ሃሲካ ያሲ ከርሰቶሳ ባጋራ ሃንኮ አላሚ አሳ ወርሲካ ባናራ ማቃይኒላዳሰ ጉሳ። ኢሰቲ ቆሆዛካ ቆዲቤና። ኑስካ ኑ አሳ ጎዳራ ማቃይኒላና ቃላ አሚዳሰ።

20 ያሲ ኑ ባጋራ ኦሰ ያይጊዛ ጊሽ ኑኒ ቃሴ ከርሰቶሳ ኦጋላታ። ሃሳ ጊሽ “እንቴ ያሳራ ማቃይኒቲ!” ጊዲ ኑ እንቴና ከርሰቶሳ ሱንላን ዋሶሰ። 21 ኑኒ ከርሰቶሳ ባጋራ ያሳ ያሎቴላ ጊሹቲ ኤኪዛይታ ጊዳና ማላ ያሲ ኢዛ ቦላ ናጋራይ ባይንዳ ከርሰቶሲ ኢዚ ኑ ናጋራ ቶካና ማላ ኦሌዳሰ።

6

1 ኑኒ ያሳራ ኦሌዛይታ ጊዲዳ ማላ እንቴ ኤኪዳ ያሳ ኪያቴላ ጩ ማላ አሾፍቲ ጊሹ ኑ እንቴና ዋሶሰ። 2 ያሲ “ታኒ ታሰ ጊሊዳ ጋላሰ ኔና ሲያዲሰ! አቴዛ ጋላሰ ታ ኔና ማዳዲሰ!” ጊዛ ጊሽ ሎዮ ዋዴይ ሄኮ ሃሳ! አቴላ ጋላሲካ ሃሳኮ! *

3 ኑ ኦሶይ ለቁቶንታ ማላ አይ ዋዴካ ኦናሰካ ኑኒ ጳይ ጊደኮ። 4 ሃሳፊ አሊዲ ዋይኔ ሜቶ ኡንጾካ ዳንዳያን ያሳሰ ኦሌዛ አሳታ ማላ አይ ኦጌራካ ኑናቴላ አሊ አሞሰ። 5 ኑኒ ያሳሰ ኦሌዛይታ ጊዲዳይሳ ቤሲዛይ ጋራፊቴላን፣ ቃሹቴላን፣ ሂርጋን፣ ዳቡራ ኦሶን፣ ጲሲኮ ጳዮኒኔ ጋፋና። * 6 ሃሳላካ ጌሻቴላን፣ ኤራቴላን፣ ዳንዳያን፣ ኪያቴላን፣ ያሎ አያና ካሎኒኔ ቆዴፔ ቆሞን ጊደንታ ሲቆን፣ 7 ቱማ ቃላኒኔ ያሳ ዋልቃና። ኑ ኢዛን ጌዴ ኦሊ ያኒዛ ኦላ ሚሺኔ ካማቲ አቴዛ ጎንዳሌይ ያሎቴላ። 8 ቦንቸሰ ጊዲን ዋይኮ ካወሻሰ፣ ቆዴታናሰ ዋይኮ ጋላታናሰ ኑኒ ጊጌቲዳይታ። ኑኒ ቱማንቻታ ሺን አሴ ባሌሊዛይታ ጌቴቲደሰ። 9 ኑኒ ኤራቴዳይታ ሺን ኤራቶንታይታ ጊዲደሰ። ኢሰቲ ሃይቁዳይታኮ ጊሺን ኑኒ ፓዓ ደሰ። አሳይ ኑና ቡኪ ቡኪንካ ኑ ሃይቁቤኮ። 10 ሙዛይ ኑና ጋኪኮካ ኡባ ዋዴ ኡፋይቶሰ። ኑ ማንቆኮ ሺን ዳር ማንቆታ ዳሬ ኬሶሰ። ኑስ አይኮይካ ባይንዳይታ ሺን ወሪካ ኑስ ደሰ።

11 እንቴና ቆርንቶሴን ዲዛይቶ! ታ ካሴ እንቴሰ ቆንጩን ዮታዲሰ። ኑኒ ኑ ዋዛና እንቴና ወርሲ ቤሲደሰ። 12 እንቴ ቃሴ ኑና እንቴ ሲቆ ቤሳናሰ ኡዜቲዳታ አቴን ኑ እንቴና ኑ ሲቆ ቤሳናሰ ኡዜቲቤኮ። 13 አዋይ ባ ናሰ ዮተዛ ማላ ታካ እንቴሰ አኔ ዮታይሰ። ኑኒ ኑ ዋዛና ከሄ ደዩዲ ኑ ቆፋ እንቴሰ ቆንጩሶይሳላ እንቴካ ኑስ ሃሳሳ ቆንጩሲቴ።

አማናንታይታራ ዙፔቴላ አሳ

14 አማናንታ አሳራ ጊጋይ ባይንዳ ኢሲፊቴላን ኦይኬቶፍቲ። ያሎቴላኔ ናጋራይ ዋኒ ኢሲፊታናሰ ዳንዳይዜ? ፖይይኔ ጳማይ ኢሲፊ ዋኒ ዳና ዳንዳይዜ? 15 ከርሰቶሲኔ ዳቡሎሲ ዋኒ ጋጋናሰ ዳንዳይዜ? አማኒዛይይ አማናንታዴራ አዛን ላጌታናሰ ዳንዳይዜ? *

16 ያሳ ዋሳ ኬላሰ ኤቃታራ አዛ ጋሳይ ዲዜ? ያሲካ “ታኒ ታ ዳሳሶ ታ ዳሬዛ ጊደን ኦላና፤

ታካ ኢሰታራ ዳና፤ ኢሰታሲካ ጎዳ ጊዳና።

* 6:2 አሳ 49:8 * 6:5 ሃዋ 16:23 * 6:15 ዳቡሎሲ ጊሪኬ ቃላራ “ቤልያል” ዋይኮ “ቤልያር” ጌቴቲሰ፤ አብራዌታ ቃላራ “ቤልያል” ጌቴቲሰ። ቢሪሽፔይ ጎዳይ ባንዳይሳ [አይፊይ ባንዳይሳ] ዋይኮ ዋጋይ ባንዳይሳ ጉሳ። * 6:16 1ቆር 3:16፤ 6:19

አስተካ ታ ዳሬታ ገደና” ገዲ ካሴ የተዳ ማለት ነኝ አሰይ አሰይ ዳዎ ያሳ ኬላታ። * 17 ጎዳይ “እንቲ አስታ ገደፊ ሻኬተዲ ኬዘቲ! ቱና ሚሽ ቦቾናቲ፤ ታካ እንቲና ኤካና። * 18 ታ እንቲስ አዋ ገደና፤ እንቲካ ታሰ አቱማ ናይታኔ ማጫ ናይታ ገደንዳታ” ጌሰ ወርሲካ ዳንዳዪዛ ጎዳይ። *

7

1 ሃሳ ገሽ ታ ሲቆቶ! ሃይሲ ሂዳታይ ኑስ አማቲዳ ገሽ አሾኔ አያና ቱኒሲዛ አይ ሚሻፊካ እኔ ኑና ጌሾሰ። ያሳሰ ያሻን ኑ ገሻቲላ እኔ ኩማላ ሂሰቶሰ።

ጳውሎሳ ኡፋይሰ

2 እንቲ ኑና ኡፋይሳን ሞኪ ኤኪቲ። ኑኒ ኦናካ ቆሂቤኮ፤ ኦናካ ናቆቤኮ፤ ኦና ጎዳካ ኑስ ባሌሊ ኤኪቤኮ። 3 ታኒ ሃሳሉ ገዛይ እንቲ ቦላ ፐርዳናሰ ገደና። ሃይሳፊ ካሴ ታ እንቲሰ የተዳ ማላ እንቲ ኑ ዋዝናን ዳታ። ሃሳ ገሽ ሃይቆንካ ገደን ፓፃንካ ኡባ ዋዳ ኑ እንቲፊ ሻኬቶኮ። 4 ታሰ እንቲ ቦላ ዲዛ አማኖይ፤ ጨቁቲሉ ዳር ገታ። ታ እንቲናን ሚኔታይሰ። ኑና ጋኪዛ ማቶ ኡባን ታኒ ኬሃ ኡፋይታይሰ።

5 ኑኒ ማቁደኒያ ጋኪዳ ዋዳካ ዲማ ዲማ ባጋራ ማቶይ ኑና ጋኪዳሰ አቲን ኑኒ አይኮካ ሼምፖ ዳማቤኮ። ኑስ ሶራ ሂርጋይ፣ ካሬራ ቃሰ ኦሺ ዳሰ። * 6 ገደ አቲን ሙዙቲዳይታ ሚንሌሊዛ ጎዳይ ቲቶሳ ዩሳን ኑና ሚንሌሊዳሰ። 7 ኑኒ ሚኔቲዳይ ኤዛ ዩሳን ፃላላ ገደንታ ዲሸን እንቲ ኤዛ ሚንሌሊዳይሳ ኑ ጉጂ ሲዪዳ ገሻሳ። እንቲ ታና ላሞቲዳይሳ ታሰ ቃጴቲዛይሳ ቆፐዛይሳካ ኢዚ ኑስ የተን ሲያዳ ታኒ ዳር ኡፋይታይሰ።

8 ታኒ ሃይሳፊ ካሴ እንቲሰ ፃፊዳ ኪታይ እንቲና ሚሸሲዳ ገደኮካ ሃ ኪታ ፃፊዳ ገሽ ታኒ ሃሳሉ አዛሰ ፃፋዲና ጋዳ ሞጴቲኬ። ሞጴቲኮካ ታ ሞጴታናይ ጉላ ዋዳሰ እንቲ ታና ሚሸሲዳ ገሻሳ። 9 ሃሳ ገደኮ ታ ኡፋይታይሰ። ታኒ ኡፋይቲዳ ጋሶይ ታኒ እንቲና ሚቺሲዳ ገሽ ገደንታ እንቲ ሃ ሚሻፐ ዳንዲዳይሳን ማርቲላን ጌሊዲ ላማቲዳ ገሻሳ። ሃሳ ገሽ እንቲ ሚሹቲኮካ ያሳ ሼኔ ማላ ገደዳ ገሽ ኑኒ እንቲና አይኮካ ቆሂቤኮ ጉሳ። 10 ያሳ ሼኔ ማላ ገደዳ ሚሹቲሉ ጌዳ ማሬቲ አታናሶ ጋሌሰ። ሃሳሰካ ሞጴቲሉ ዳና፤ ዋዝናፕ ገደንታ ማሬቲሉ ገደኮ ሃይቆን ጋሌሰ።

11 ሃይሲ እንቲ ሙዙቲላይ ያሳ ሼኔ ማላ ገደዳ ገሽ ሃሲ አይ ማላ ሚኖቲላን፣ አይ ማላ ኦይሻ ዛርን፣ አይ ማላ ኤሌ ሃንቁቲላን፣ አይ ማላ ያሻቲላን፣ አይ ማላ ላሞቲላን፣ አይ ማላ ሎዎ አሞን፣ አይ ማላ ሙራን እንቲና ጋሌዳኮኔ እኔ እንቲ ዋዝናን ዩሺ ቆፐቲ። እንቲ ቃሴ ሃኒዳ ኡባንካ ሃ ሃኖዛፕ ጌሽ ገደዳይሳ ማርካሲዳታ። 12 ሃሳ ገሽ ታ እንቲሰ ፃፊዳይሲ እንቲ ኑስ አይ ማላ አማኔቲዛይታኮኔ እንቲ እንቲና ያሳ ሲንላን ቤያና ማላፕ አቲን ቆሂዳይ ገሺኔ ቆሃቲዳይ ገሽ ጋዳ ገደና። 13 ኑኒ ሚኔቲዳይሳፊ ቦላራ ቲቶሲ ዳሚዳ ኡፋይሳን ዳር ኡፋይቲዳሰ። ኑኒ ኡፋይቲዳይካ እንቲ ወሪካ ቲቶሳ ሚንሌሊዳ ገሺኔ ኤዛ ዋዝና ሼምፐሲዳ

ገሻሳ። 14 ታኒ እንቲናን ጨቁቲዛይሳ ካሴ ቲቶሳሰ የታ ዋላዲሰ። እንቲካ ታና ዬላሲቤይኬታ። ኡባ ዋዳ ታ እንቲሰ ቱማ ፃላላ የታሼ ዳይሰ። ሃሲካ ኑኒ እንቲ ገሽ ቲቶሳሰ የተዳ የያይ ቱሙ ገደዳ አማኔቲዳሰ። 15 እንቲ ወሪካ አዛዜቲዛይታ ገደዳይሳ፣ ያሻቲላንኔ ኮኮሪሼ እንቲ ኤዛ ሞኪ ኤኪዳይሳ ቲቶሲ ቆፐ ኤኪዲ ኤዚ እንቲና ሲቁዛይሳሰ ዛዋይ ባዋ። 16 ታካ ኡባ ባጋራ እንቲናን አማኔታናሰ ዳንዳዪዳ ገሽ ታ ዳር ኡፋይታይሰ።

8

ማዶ አሞ

1 ታ ኢሻቶ! ያሲ ማቁደኒያን ዲዛ አማኒዛ አሳሰ አሚዳ ኪያቲላ እንቲ ኤራናይሳ ታ ኮያይሰ። 2 አስቲ ዳር ማቶቲ ዲሼ ዳር ኡፋይቲዳ። ኬሃ ማንቆታ ገደኮካ ዳር ኪያቲዳ። 3 አስቲ ባሲ ዳንዳይቲዛይሳ ማላኔ ባሲ ዳንዳይቲዛይሳፊካ አሌ አሚዳይሳ ታ አስታ ገሽ ማርካታይሰ። 4 ያሁዳን ዲዛ አማኒዛይታሰ ማዶ አማናሰ ዲሼቶንታ ማላ ኑና ኬሂ ዋሲዳ። 5 አስቲ ኑኒ ቆፐዳይሳፊ ቦላራ አሌ ኦሌዳ። አስቲ ኮይር ባና ጎዳሰ አሚዳ። ዛርዳካ ያሳ ሼኔ ማላ ባናካ ኑስ አሚዳ። 6 ሃይሳ ኦሶዛ ኮይር ቲቶሲ ደሚዳ ገሽ ሃሳካ ሃይሳ ማዶ አሞዛ ኢዚ ፖላና ማላ ኑ ኢዛ ዋሲዳሰ። 7 እንቲ አማኖን፣ ሃሳያን፣ ኤራቲላን፣ ሚኖ ኦሶን፣ እንቲ ኑና ሲቁዛ ሲቆን፣ ኡባ የዎን አጴታ። ሃሳላካ ኪያቲላ ኦሶንካ አጴዛይታ ገደቲ።

8 ታ ሃሳ ገዛይ እንቲና ጮ ማላ አዛዛናሰ ገደና። ገደ አቲን ሃንኮ ሃራ አሳይ ሚኒ አሚዛይሳ እንቲናራ ጋላ ቤይሸን እንቲ ሲቆይ ቱሙ ገደዳይሳ ሻካ ኤራናሳ። 9 እንቲ ኑ ጎዳ ዬሱሰ ኪርሰቶሳ ኪያቲላ ኤራታ።

10 ሃይሳ ሃ ሃኖዛን ታሰ ሎዎ ገደዳ ቤቲዳ ዞሬ ታ እንቲሰ አማይሰ። ዘላይሌ እንቲ አሞ ፃላላ ደንታ ዲሸን አማናሰ ኮይርፕ ቆፐዳይ እንቲና። 11 ሃሳ ገሽ እንቲ አማናሰ ኮይዳይሲ ፖሌታና ማላ እንቲሰ ዲዛ ማላ ካሴ እንቲ ቆፐዳይሳ ሃሳ አሌቲ። 12 አሲ አማናሰ ዋዝናፕ ኮይኮ ኤዛይይ ኪያቲላን አሚዛይሲ ኤኬቲዛይ አሲ ባሲ ዲዛሪ ማላ አሚኮ አቲን ባሲ ባይንዳይሳፊ አሚሸን ገደና።

13 ታ ሃይሳሉ ገዛይ እንቲ ወሪካ ገና ገደና ማላ አቲን እንቲ አሞን ዋይቲሸን ሃራቲ ሼምፓና ማላ ጋዳ ገደና። 14 እንቲ ዋይቲሸን አስታ ሚሻይ እንቲ ማቶ አሻና ማላ ሃሳ ቃሴ እንቲ ሚሻይ አስታ ማቶ አሾ። ሃሳ ማላን እንቲ ገደን ገናቲሉ ዳና። 15 ሃሲካ “ዳር ሺሺዳዳሰ ዋጲቤና፤ ጉላ ሺሺዳዳሲካ ፓጪቤና” ጌቲቲ ጌሻ ማፃፋን ፃፊቲዳ ማላ። *

ቲቶሳኔ ሃንኮ ኢዛ ላጌታ

16 ታኒ እንቲሰ ቆፐዛይሳ ማላ ቲቶሳይካ እንቲሰ ዋዝናፕ ቆፐና ማላ አሌዳ ጎዳይ ጋላቲቶ። 17 ቲቶሲ እንቲኮ ቢዛይ ባርካ ባ ቆፋን ኡፋይሳንፕ አቲን ኑኒ ኤዛ ዋሲዳ ገሽ ፃላላ ገደና። 18 ሚሹራቾ ቃላ ኦሶን ዋሳ ኬላታን ኡባን ደሴቲዳ አሻዛ ኑ ኤዛራ ጋሌ ዬደሰ። 19 ሃሳፊካ ቦላራ ሃይሲ ኑ አሻይ ኑኒ ሃይሳ ሎዎ ኦሶዛ ጎዳ ቦንቾሰ ኦሌሺኒኔ ኑኒ ኦላናሰ ኮዪዛይሳ

* 6:17 አሳ 52:11 * 6:18 2ሳሜ 7:14፤ 1ታር 17:13፤ አሳ 43:6፤ ኤር 31:9 * 7:5 2ቆር 2:13 * 8:15 ኪሳ 16:18

ኢዛስ ቆንጨሲሽን ኢዚ ኑናራ ቢዲ ኦላናስ ዋሳ ኬላተ ደሪዳዳ።

20 ሃይሳ ኪያቴላ ኢሚቲዳ ሚሻዛ ኑኒ ኦይኪሽን ኑ ቦላ ኣይኮ ቦርይካ ጋኮንታ ማላ ኑኒ ናጌቶስ።

21 ጋሪይካ ኑስ ዋና ቆፋይ ጎዳ ሲንሳን ፃላላ ገደንታ ኣሳ ሲንሳንካ ሎዎ ኦላናሳ። *

22 ዳር ዋዴ ዳር ሚሻን ፓጩቲዲ ሚኖ ገዲዳ ኑ ኢሻ ቲቶሳራ ኑ ኢዛ ዬዲዳይ ሃሳሳ። ኢዛስ ኢንቴ ቦላ ዲዛ ኣማኖይ ዳር ገታ ገዲዳ ገሽ ኢዚ ሃዒ ኢንቴና ማዳናስ ካሴፔ ኣላ ኮዬስ። 23 ኢንቴ ቲቶሳ ገሽ ኤራናስ ኮይኮ ኢዚ ኢንቴና ማዳናስ ታናራ ኦላዛዴ። ኢዛራ ኢሲፌ ቢዛ ሃንኮ ኢሻቲ ቃሴ ዋሳ ኬላተ ባ ገሽ ዬዲዳ ኪርሰቶሳ ቦንቸሰ ኤቁዳይታ። 24 ሃሳ ገሽ ኢንቴ ኢስታስ ኢንቴ ሲቆ ቤሲቴ። ኢንቴ ሃሳላ ሃሰቲኮ ኢንቴ ሲቆይኔ ኑ ኢንቴናን ጨቁቲዛ ጨቁቲላይ ጮ ማላ ገደንታይሳ ኢንቴ ዋሳ ኬላታስ ቤሳንዳታ።

9

ኣማኒዛይታስ ሚሽ ኬሶ

1 ዩሁዳን ዲዛ ኣማኒዛይታስ ኬሲዛ ሚሻ ገሽ ታ ኢንቴስ ፃፋናስ ኮሼና። 2 ኢንቴስ ኣካያን ዲዛ ኣሳስ ማዳና ሎዎ ቆፋይ ዲዛይሳ ታ ኤራዳ “ኣካያ ኣሳይ ዚላይላፌ ኦይኪዲ ማደስ ገጌቲዳስ” ጋዳ ማቁደኒያ ኣሳስ ዮታዲስ። ሃራፔካ ኢንቴ ማዳናስ ኮይዳ ሱራ ቆፋይ ዳርታ ሎዎ ኦሶስ ዳንጼላዴስ። 3 ሃይሳ ሃ ሃናዛን ኑ ኢንቴናን ጨቁቲዛይሲ ጮ ማላ ገደንታ ማላ ሃይታ ኑ ኢሻታ ታ ኪታዲስ። ኢንቴካ ታ ካሴ ኢንቴስ ገዳ ማላ ናጌቲ ኡቲቴ።

4 ማቁደኒያ ኣሳቲ ታናራ ኢንቴኮ ቢሽን ኢንቴ ገጌቶንታ ዲዛይሳ ቤኮ ኑኒ ኢንቴናን ጨቁቲዛይሳን ዬላታና። ኢንቴ ቃሴ ዳር ዬላታና። 5 ሃሳ ገሽ ኢንቴ ካሴ ኢማና ገዳይሳ ካሴቲዲ ገገሳና ማላ ኢንቴና ቆፊሳናስ ጋዳ ሃይቲ ኢሻቲ ታፔ ካሴቲዲ ኢንቴኮ ጋካና ማላ ኮሺዛይሲ ታስ ቤቲዳስ። ሃሳላካ ታጌ ቢዛ ዋዴ ኢንቴ ኢማናይሲ ገገ ኡቲዳዝ ገዳና። ኢንቴካ ኢማናይሲ ዋልቃራ ገደንታ ዳሳን ገዲዳይሳ ቤሳና።

6 “ጉላ ዜሪዳ ኣሲ ጉላ ሽሻና፤ ዳር ዜሪዳይይ ቃስ ዳር ካላ ሽሻና” ገዛ ቃላ ዩሽ ቆፐቴ። 7 ያሲ ደሲዛይ ባ ደሳን ኢሚዛይ ገዲዳ ገሽ ኢሲ ኢሲ ኣሲ ኢማናስ ባ ዋዛናን ቆፐዳር ኡፋይሳን ኢሞ ኣቲን ሞዴቲሼ ጮ ዋልቃራ ኢሞፎ። 8 ኡባ ዋዴ ሃኒዛ ኡባን ኢንቴ ኢንቴስ ገዲ ፓላሂዲ ሃራ ሎዎ ኦሶስ ገዳና ማላ ያሲ ኢንቴስ ባ ኣንጅ ጉጂ ኢማናስ ዳንዳዩስ። 9 ሃሲካ “ማንቆታስ ኪያቴላን ኢሚዳስ፤

ኢዛ ያሎቴላ ሚርናስ ዴያና”

ጌቲቲ ጌሻ ማፃፋን ፃፊቲዳ ማላ። *

10 ዜሪዛዴስ ዜሪላ፣ ማናስ ካላ ኢሚዛ ጎዳይ ኢንቴ ዜሪዛ ዜሪላ ኢዚ ኬሂ ዳርሲ ኢማና። ኢዚ ኢንቴ ኪያቴላ ኦሶዛ ኣይፌ ኢንቴስ ዳርሳና። * 11 ኢንቴ ኪያቴላን ኢሞይሲ ኑ ባጋራ ኢስታ ጋኪዛ ኣሳቲ ያሴ ጋላታና ማላ ኢንቴ ኡባ ዋዴ ኪያቴላ ኢማና ማላ ያሲ ኢንቴና ኡባሶራ ዲራሳና።

12 ሃይሲ ኢንቴ ኢሚዛ ኪያቴላ ኦሶይ ኣማኒዛይታ ሚቶ ማዶፔ ቦላራ ኣሳይ ያሳ ዳርሲ ጋላታና ማላ ኦላስ። 13 ሃይሲ ኢንቴ ኪያቴላ ኦሶዚ ኢንቴ ኪርሰቶሳ ሚሽራቾ

ቃላን ኣማኒዲ ኣማኔቲዳይታ ገዲዳይሳ፣ ኢስታሲኔ ሃራታሰካ ኢንቴ ኪያቴላ ኢሚዳይሳ ኤሪሲዛዝ ገዲዳ ገሽ ኢስቲ ወሪካ ያሴ ጋላታና። 14 ኢስቲ ቃሴ ያሲ ኢንቴስ ኢሚዳ ገታ ኪያቴላ ጌደን ኢንቴና ሲቁዛ ገሽ ኢንቴስ ዋሳና። 15 ኣሳ ቃላን ቆንጨሲላፌ ቦላ ገዲዳ ያሳ ኢሞቴላ ገሽ ያሲ ጋላቲቶ።

10

ጳውሎሲ ባ ኦሶ ገሽ ኢሚዳ ቆፋ

1 ታ ጳውሎሲ ኢንቴናራ ዲሺን ኢዚ ኣሺኬ ጌቲታዲስ ሽን ታ ኢንቴፌ ሃኪሽን ቃስ ኢንቴ ቦላ ፃሊዳይ ጌቲቲዳ ታ ጳውሎሲ ኪርሰቶሳ ኣሽኬቴላኒኔ ኢዛ ሎዴቴላን ኢንቴና ዋሳይስ። 2 ታጌ ኢንቴና ዋሲዛይ ታ ኢንቴኮ ሂ ቢዛ ዋዴ ኢንቴ ታና ፃላቴላን ሃሳይሶንታ ኣጋና ማላ። ኑኒ ኣሾ ቆፋን ሰሜሬቲዛ ማላ ኑና ፃሊዛ ኢሲ ኢሲ ኣሳታ ሲንሳን ታጌ ፃላቴላን ሃሳናስ ኮያይስ። 3 ኑኒ ዲዛይ ሃይሳ ኣላሚዛ ቦላ ገዲኮካ ኑ ኦላቲዛይ ሃ ኣላሚዛ ኣሳ ኦላ ማላ ገዴና። 4 ኑ ኦላ ሚሻይካ ኦላ ሚፃ ላላናስ ዳንዳዩዛ ያሳ ዋልቃይ ዲዛይሳ ኣቲን ሃይሳ ኣላሚዛ ኦላ ቶራ ገዴና። 5 ያሴ ኤርንታ ማላ ጳዶ ገዲ ዴንዲዛ ፓላማኔ ኦቶራቴላ ኑ ላሎስ። ኣሳ ቆፋ ወርሲ ዲዒ ኤኪዲ ኪርሰቶሳስ ኣዛዜታና ማላ ኦላስ። 6 ኢንቴ ኣዛዜቴላ ፖሊቲዛ ዋዴ ኣዛዜቶንታ ኣይ ሚሼካ ቃፃያናስ ኑኒ ገጌቲ ኡቲደስ።

7 ኢንቴ ፃሊዛይ ካሬ ባጋራ ቤቲዛዚ ፃላላ። ኦኒካ ታጌ ኪርሰቶሳስኮ ገ ኣማኔቲኮ ዛሬላ ቆፖ። ኑካ ኢዛ ማላካ ኪርሰቶሳይታ ገዲዳይሳ ኢዛይይ ዋዛናን ዋላ።

8 ጎዳይ ኑስ ኢሚዳ ማታ ገሽ ታጌ ኢዛን ጨቁኮካ ዬላቲኬ። ሄሲ ማታይ ታስ ኢሚቴዳይ ኑኒ ኢንቴና ሚሲሳናስ ኣቲን ላላናስ ገዴና። 9 ታጌ ሃ ኪታን ኢንቴና ባቢሶስ ኦላዛ ሚሳቶፖ። 10 ኦኔ ኤሪዛይ ኢሲ ኢሲ ኣሳቲ “ጳውሎሳ ኪታቲ ዴዩኔ ዋልቃማ፤ ገደ ኣቲን ኢዚ ኑ ኣቻን ዲዛ ዋዴ ኢዚ ላፋ፤ ኢዛ ሃሳይካ ሌቁቲዳዛኮ!” ገዛዚ ገዴና። 11 ሃሳላ ገዛ ኣሳቲ ኑኒ ሃሆን ዲሼ ፃፊ ኪቲዳይሳሲኔ ቃስ ኢንቴናራ ዲሼ ኑ ኦላዛይሳ ገደን ኣይኮ ዲማቴላ ባይንዳይሳ ሻኪ ኤሪቶ።

12 ገዲኮካ ባርካ ባና ናሺዛ ኢሲ ኢሲ ኣሳታራ ኑና ኑርካ ጋላ ፃላናስ ዋይኮ ኢስታራ ኑና ገገሳናስ ፃሎኮ። ኢስቲ ቃሴ ባርካ ባና ባና ጋላ ፃሊዛ ገሽ ኢስቲ ዩሺ ቆፐዛይታ ገዴቲና። 13 ኑ ቃሴ ኢንቴኮ ጋካና ጋካናስ ያሲ ኑስ ኢሚዳ ኦሶ ዛዋን ሰሜሬቶስ ኣቲን ዋጋፔ ኣላ ጨቁቲዛይታ ገደኮ። 14 ኢንቴ ቃሴ ኑ ኦላዛሶን ዲዛ ገሽ ኪርሰቶሳ ሚሽራቾ ቃላ ታማርሳናስ ኑ ኢንቴኮ ቢዳ ዋዴ ኑኒ ሄ ኑ ዛዋፔ ኣጴቤኮ። 15 ሃሳ ገሽ ያሲ ኑስ ኢሚዳ ዛዋፔ ኣጴዲ ሃራ ኣሳታ ኦሶን ጌሊዲ ዋጋፔ ኣጴ ጨቁቶኮ። ሃሳፌ ቦላራ ኢንቴ ኣማኖይ ዲጫና ማላኔ ኑ ኦሶይካ ያሲ ኑስ ኢሚዳ ዛዋን ኢንቴ ገደን ኣካናይሳ ናጎን ደስ። 16 ሃሳ ገሽ ኑ ሃራ ኣሲ ኦላዛ ዛዋ ኣጴዲ ካሴቲዲ ኦላቲዳ ኦሶን ጨቁቶንታ ዲሼ ኢንቴፌ ሃኒን ዲዛ ዴሬታስ ሚሽራቾ ቃላ ዮታናስ ዳንዳዮስ።

17 ገደ ኣቲን ያሳ ማፃፋይ “ጨቁቲዛ ኣሲ ጎዳን ጨቁቶ” ገዴስ። * 18 ኣሲ ጋላቲታናስ ዳንዳዩዛይ ጎዳይ ጋላቲኮ ኣቲን ባርካ ባና ጋላቲን ገዴና።

* 8:21 ለም 3:4 * 9:9 ማዛ 112:9 * 9:10 ኣሳ 55:10 * 10:17 ኤር 9:24

11

ጳውሎስን ወርዶ ሃዋርያት

1 ታ ጉላ ኤያቴላ እንገድ ዳንዳያና ማላ ታ ሂደታ ኦሎሳ ሃያና ዳንዳዬቴ። 2 ኢሲ ጌሎንታ ጌሻ ጌላያያ ባ ጌላያቴላን ኢሲ አዚናሰ ጊጊዛ ማላ ታካ እንገድና ከርሰቶሳሰ ጊጊሲዳ ጊሽ ታ እንገድ ጊሽ ሎዎ ቆፋ ቆጋይሰ። 3 ሸሻይ ባ ጌኔራ ሄዋኖ ባሌሊዳይሳሉ ኦኔ ኤሪዛይ እንገድ ቆፋይካ ዋሪቴን ከርሰቶሳሰ ዲዛ ሱሬኔ ጌሽ ጊዲዳ አማኔቴላ እንገድና አጋጋንዴቶ ጋዳ ታ ሂርጋይሰ። * 4 ኢሲ አሲ እንገድኩ ዪዲ ኦ ካሴ እንገድሰ ሳባኪዳይሳ ጊደንታ ሃራ ዩሱሳ ሳባኪኮ ዋይኮ ካሴ ኤኪዳ አያና ጊደንታ ሃራ አያና ኤኪኮ ዋይኮ ካሴ እንገድ ኤኪዳ ሚሺራቾ ቃላ ጊደንታ ሃራ ሚሺራቾ ቃላ ኤኪኮ ሙ ማላ እንገድ ያኔቴዳታ ጉሳ።

5 ጊዲኮካ ታኒ ሃይታ ጊታ ሃዋሪታፔ አይኮንካ ጉዳዛ ታሰ ሚሳቴና። 6 ሃሳያን ጨንጫ ጊደንታ አጊኮካ ታሰ ኤራይ ፓጩቤና። ሃሳ ኦኒ እንገድሰ ዲማ ዲማ ኦኔራ ቆንጮን ኤርሲደሰ።

7 ታኒ እንገድሰ ያሳ ሚሺራቾ ቃላ ዳሞዛይ ባይንዳ ሳባኪዳይኔ እንገድና ጶቁ ሂሰታናሰ ታኒ ታና ካወሺዳይሲ ኦኔ ኤሪዛይ ታሰ ናጋራ ጊዲ ቆዳቴዳሻ? 8 እንገድሰ ኦሳናሰ ሃንኮ ዋሳ ከላታፔ ታኒ ማዶ ኤኪዳይሲ ኢሰታፊ ሸሻ ኤካዳኮ። 9 ታኒ እንገድናራ ዲሺን ታና ማቴን ማቂዳይያፔ ዪዳ አሻቴ ታሰ ኮሺዛዛን ታና ማዲዳ ጊሽ አናሰካ ቶሆ ጊዳቤኬ። ሃኖ ጋካናሰካ አይ ሚሻንካ እንገድሰ ቶሆ ጊዳቤኬ። ሲንሳፊካ ታ እንገድሰ ቶሆ ጊዲኬ። * 10 ከርሰቶሳ ቱማቴሊ ታናን ዲዛ ጊሽ ታኒ ጨቁቶንታ ማላ ታና ዲጊዛይ አካያ ዳሬን ኦኒካ ባዋ። 11 ሃሳሰ ጋሶይ አዜ? ታኒ እንገድና ሲቆንታ ጊሹ? ታ እንገድና ሲቁዛይሳ ያሲ ኤሬሰ።

12 ሃይቲ ዋርዶ ሃዋሪታ “ኦካ ኢሰታሉ ኦሎሰ” ጊሹ ኢሰቲ ጨቁቲዛይሳ ዲጋናሰ ታ ሃዲ ኦሊዛይሳሉ ሲንሳፊካ ኦሳና። 13 ሃይታንታ ማላ አሳቲ ከርሰቶሳ ሃዋሪታ ሚሳታናሰ ባርካ ባና ላሚዛ ዋርዳንቻ ሃዋሪታኔ ባሌሊዛ ኦሳንቻታ። 14 ሃሲካ ዳሮ ማላሊሲዛዚ ጊዳና። ያላዔይካ ባና ፖዎ ከታንቻ ሚሳቲሲዲ ላሚቴሰ። 15 ሃሳ ጊሽ ሃይቲ ያላዔ ኦሳንቻቲ ሃንኮ ያሎ ኦሳንቻታ ሚሳታናሰ ባርካ ባናቴላ ላሚኮ አይኮካ ማላሊሲና። ወርሴላን ኢሰቲ ባ ኦሶ ዋጋ ኤካና።

ጳውሎስ ሃዋሪታ ጊደን ቤዪዳ ዋይ

16 አናሰካ ታኒ ኤያ ጊዲዳዚ ሚሳቶፖ ጋዳ ቃሴካ ዮታዲሰ። ታ ኢሰታሰ ኤያ ሚሳቲኮካ ጉላ ዋዴሰ ታ ጨቁታና ማላ ታና እንገድ ኤያ ማላ ቆዲቴ። 17 ታኒ ሃሳሉ ዳና ኩንላ ሃሳዪዛይ ጎዳ ሹኔ ማላ ጊደንታ ኤያ አሳ ማላ ጊዳዳ። 18 ዳሮቲ ባ አሾ ቆፋን ጨቁቲዛይሳሉ ታካ ጨቁታና። 19 እንገድ ቃሰ ዩሺ ቆጠዛይታ ጊዲዳ ማላ ሃንኮ ኤያታ ኡፋይሳናሰ ዳንዳዬታ። 20 ሃሳሉካ ኦኒካ እንገድና ባሲ አይሌሰኮኔ ኦኒካ እንገድና ቦንቁኮ። ኦኒካ እንገድናን ጎዔቲኮ። ኦኒካ እንገድና ሌቁኮ። ኦኒካ እንገድሰ ሻጋላን ባቁኮ እንገድ ዳንዳዬታ። 21 ኢዚ ታና ዩላሲዛዚ ጊዲኮካ ሃይታ ሃ ሃኖታ ኦሳናሰ ኦኒ ሚና ጊደንታይሳ ታኒ እንገድሰ ቆንጩሳይሰ።

ጊዶ አቲን ኦኒካ ጨቁታናሰ ያሊኮ ታካ ኢዛሉ ያላዳ ጨቁታና። ታኒ ሃሳ ጊዛይ ሃዲካ ኤያ ጊዳዳ።

22 ሃይታንቲ ኢሰቲ ኢብራዌ አሳቴ? ታካ ኢብራዌኮ! ኢሰቲ ኢሰራዔሌ አሳቴ? ታካ ኢሰራዔሌ አሳኮ! ኢሰቲ ኢብራሃማ ዜሬላቴ? ታካ ኢብራሃማ ዜሬሊኮ! 23 ሃይታንቲ ከርሰቶሳ አሳንቻቴ? ታኒ ቃሰ ኢሰታፊ ቦላራ ከርሰቶሳሰ ኦሊዛዳ። ታ ሃሳሉ ጊዛይ ጎሻ ማላ ጊዳዳኮ! ታኒ ኢሰታፊ ዳሮ ዋዴ ኦሶን ዳቡራዲሰ፤ ዳሮ ዋዴ ቃሽታዲሰ፤ ዳሮ ዋዴ ጋራፊታዲሰ፤ ዳሮ ዋዴ ሃይቆሰ ጋካዲሰ። *

24 ሃሹ ታማኔ ኡዲፋን ፀርቃፊ ኢቻሹቶ አይሁዳታን ጋራፊታዲሰ። * 25 ሃሹቶ ዲርቃን ቡኬታዲሰ፤ ኢሲቶ ሹቻን ጨቁታዲሰ፤ ሃሹቶ ማርካቤ ጊደን ታ ቦላ ማቶይ ጋኪዳሰ፤ ኢሲ ኦማርሴኔ ኢሲ ጋላሰ አባ ጊደን ጋምዳዲሰ። * 26 ታ ሃሙላ ዳሮ ጋሶን ሃላ ከፃይኔ ዲያይ፣ ፓንጋታፔ ማቶይ ታና ጋኪዳሰ። ታ ቆሞ አይሁዳ አሳቴኔ አይዛቤታፔ ዋይይኔ ማቶይ ታና ጋኪዳሰ። ካታማንካ ባዘንካ አባ ቦላንካ ታና ማቶይ ጋኪዳሰ፤ ሃሳሉካ ዋርዶ አማኒዛይታፔ ማቶይ ታና ጋኪዳሰ። * 27 ዳሮ ኦላ ዳቡራዲሰ፤ ዳሮ ዋዴ ጳሲካቤኬ፤ ጋፋኒኔ ሃላ ሳሞን ዋይታዲሰ፤ ዳሮ ዋዴ ሚዛ ካላ ታሰ ጳዪዳሰ፤ ማጎይኔ ካሎቴላ ታና ጋኪዳሰ። 28 ታኒ ሃራ ሚሺ ቆፖንታ፣ ጋላሰ ጋላሰ ታና ቆፐሲዛይ ዋሳ ኬላታ ኡባ ጊሽ ቆፐዛ ቆፋ። 29 ኢሲ አሲ ዳቡሪሽን ታኒ ኢዛራ ዳቡሮንታ አይዳ አጋዲና? ኢሲ አሲ ናጋራን ኩንዲሺን ታ ቃሴ ኢዛ ሃንቁቶንታ አይዳ አጳ ኤራዚና?

30 ጨቁታናሰ ኮሺዛዚ ጊዲኮ ታ ጨቁታናይ ታ ዳቡራንቻ ጊዲዳይሳ ታና ቤሲዛ ሚሻን ጨቁታይሰ። 31 ሚርናሰ ጋላቲቲዳ ጎዳ ዩሱሰ ከርሰቶሳ አዋ ያሲ ታ ዋርዶቶንታይሳ ኤሬሰ። 32 ታኒ ዳማሰቆ ካታማን ዲሺን ካዋ አርሲዳሲዮሳፔ ጋርሳራ ዳሬ አይሲዛይሲ ታና ኦይካናሰ ኮይዲ ሄ ካታማ ፔንጌታ ዛቤታን ናጊሲዳሰ። 33 ጊዲኮካ አሳይ ታና ኬሽን ዩጊዲ ሄ ካታማ ጊንቤ ማሰኮቴራ ዲጌ ዋሊ ዩዲን ኬሳ ኤካ አታዲሰ።

12

ጳውሎስ ቤዪዳ አጀታ

1 ጨቁቲላን አይኔ ጎዳይ ባይንዳ አጊኮካ ጨቁታናሰ ኮሺኮ ጎዳይ ታሰ ቆንጩሲ አሚዳይሳኒኔ ኢዚ ቤሲዳ አጀታን ታ ጨቁታና። 2 ከርሰቶሳሰ ጊዲዳ አሳዳ ታ ኤራይሰ። ሄ አዳዚ ታማኔ ኦይዲ ላይላፊ ካሴ ሃሻንሉ ሳሎ ኤኬቲ ቤዳሰ። (ኢዚ ኤኬቲዳይ ባ አሾራ ጊዲን ዋይኮ አሾራ ጊደንታ ኢን ኤሪኬ ሺን ያሲ ቃሴ ኤሬሰ።)

3 ጊዲኮካ ኢዚ ባ አሾዛራ ቢን ዋይኮ ማላ ቢን ታ ኤሪኬ። ያሲ ቃሴ ኤሬሰ። 4 ኢዛዳይካ ፑዳ ጋናቴ ኤኬቲዲ አሳ ቃላን ቆንጩሳናሰኔ አሲ ጋናሰ ዳንዳዮንታዝ ኢዚ ሲይዳሰ። 5 ታኒ ሃሳ ማላ አሳን ጨቁታይሰ። ታ ሁዔሰ ጊዲኮ ታ ዳቡርሳፊ ሃራ ታ ኢዛን ጨቁታና ሚሺ ታሰ ዳና። 6 ሃሰቲን ታኒ ቱማ ሃሳዪዛ ጊሽ ጨቁታናሰ ኮይኮካ ታ ኤያ ጊዲኬ። ጊዶ አቲን ኦኒካ ታ ቦላ ባ ቤዪዛዛፔኔ ታፔ ሲዪዛይሳፊ ቦላራ ቆፖንታ ማላ ጋዳ ጨቁታናፔ ናጌታይሰ።

7 ሃይታ ታሰ ቆንጩዳ ጊታ ሃኖታ ጋሶን ታኒ ኦቶቶንታ ማላ ታ አሳቴላ አጉንላ ማላ ጨዲዛ ሳኮይ ታሰ አሚቴዳሰ። ሃሲካ ያላዔፔ ከቲቲዲ ታና ጨቻን ዋይሲዲ ታ ጨቁቶንታ ማላ ዲጌሰ። 8 ሃይሲ ታና

* 11:3 ሜዲ 3:1-5:13 * 11:9 ፒሊ 4:15-18 * 11:23 ሃዋ 16:23 * 11:24 ዛሬ 25:3 * 11:25 ሃዋ 14:19፤ 16:22 * 11:26 ሃዋ 9:23፤ 14:15

ዋይሲዛይሲ ታፔ ኪቻና ማላ ታኒ ጎዳ ሄቸቶ ዋሳዲሰ።
 9 ጊደ ኣቲን ጎዳይ ቃሴ “ታ ዋልቃይ ኩሜል ጊዲ ቆንጫናይ ኔ ዳቡርሳን ጊዲዳ ጊሽ ታ ኪያቴል ኔሰ ጊዳና” ጊዳሰ። ሄሳ ጊሽ ኪርሰቶሳ ዋልቃይ ታ ቦላ ጊዳና ማላ ኣይ ዋዴፔካ ቦላራ ታኒ ዳቡርሺን ሄ ዋዴ ኡፋይሳን ጩቁታናሰ ደሳይሰ። 10 ታኒ ዋልቃ ዳሚዛይ ዳቡሪዛ ዋዴ ጊዲዳ ጊሽ ታ ኪርሰቶሳ ጊሽ ዳቡሪሺን፣ ጫዩቲሺን፣ ሜቶቲሺን፣ ጎዳቲሺን፣ ሙዙቲሺን ታና ኡፋይሴሰ።

ቆርንቶስ ኣሳ ጊሽ ጳውሎሳ ቆፋ

11 ታኒ ኤያ ኣሳ ማላ ሃሳያዲሰ! ታኒ ሄሳላ ሃሳያና ማላ ኣሉዳይ ኣንቴናኮ! ኣንቴ ታና ጋላታናሰ ቤሴሲኮ ሸን ታ ኣናኮኔ ኤሬቶንታዴ ጊዲኮካ ሃንኮ ጊታ ጌቲቲዳ ሃዋሬታፔ ታኒ ኣዛንካ ጉዲኬ። 12 ታኒ ቱሙ ሃዋሬ ጊዲዳይሳ ኤሪሲዛ ሃኖቲ ታ ኣንቴናራ ዳሼ ዳንዳያን ፖሊዳ ኦሶታ። ሄይቲካ ማላታታ፣ ጊታ ኦራላ ሚሼታኔ ማላሊሲዛ ኦሶታ። 13 ታኒ ኣንቴሰ ቶሆ ጊዳንታ ኣጎሪፔ ኣቲን ሃንኮ ሃራ ዋሳ ኬላታፔ ኣንቴና ኣዛን ፓጪሳዲና? ሄሲካ ዋሮ ጊዲኮ ኣንቴ ታና ማሪቲ።

14 ታኒ ሄ ኣንቴኮ ባናሰ ጊጌቲሺን ሃይሲ ሄቸንጎጎ። ታኒ ኣንቴሰ ቶሆ ጊዳናሰ ኮዩኬ። ታኒ ኣንቴና ኮይሴሰ ኣቲን ኣንቴ ሚሻ ኮዩኬ። ኣዋቲ ናይታሰ ሚሻ ሸሼቴሰ ኣቲን ናይቲ ኣዋታሰ ሚሻ ሸሼ ኤሬቴና። 15 ታኒ ኣንቴ ጊሽ ታናካ ታሰ ዲዛዛ ወርሳ ኣንቴሰ ኣላ ኣሚዳኮ ታና ዳሮ ኡፋይሴሰ። ሂሰቲን ታኒ ኣንቴና ሃይሳ ማላ ዳሮ ሲቁሺን ኣንቴ ቃሰ ታና ዋኒ ጉላራ ሲቁቲ?

16 ኣይ ጊዲኮካ ታ ኣንቴሰ ቶሆ ጊዳቤኬ ሸን ኣንቴሰ ታ ኣንቴና ጮ ጌኔን ባሌላ ኦይኪዳዚ ሚሳቲሰ።

17 ታ ኣንቴኮ ኪታ ዩዲዳ ኣሳታፔ ኣሳዴ ባጋራካ ኣንቴፊ ጎዳታዲና? 18 ቲቶሲ ኣንቴኮ ባና ማላ ታ ኢዛ ዋሳዲሰ። ሄሳ ኦ ኣሻዛካ ኢዛራ ጋላ ዩዳዲሰ። ሂሰቲን ቲቶሲ ኣንቴፊ ኣይኮ ጎዳቲዳ? ታኒኔ ኢዚ ኣንቴሰ ኣሉዳይ ኢሲ ዋዘናን ጊዳኔ? ካሴ ኦ ሃኖይ ኢሲ ማላ ጊዳኔ?

19 ኣንቴ ዉሪካ ሃሲ ጋካናሰ ቆፐዛይ ኦ ኣንቴ ሲንላን ኦና ኣሻናሰ ሃኒዛ ሚሻ ማላ ያለቲ? ኦኒ ኪርሰቶሳን ጊዲዲ ኣንቴሰ ዮቲዛይሲ ያሳ ሲንላና። ታ ሲቆቶ! ኦ ሃይሳ ዉርሲ ዮቲዛይ ኣንቴና ጎዳናሰ ጊዲኮ! 20 ታኒ ሄ ቢዛ ዋዴ ኦኔ ኤሪዛይ ኣንቴ ታ ኮይዳ ማላ ሃኖንታ ኣጊኮ ታካ ኣንቴ ኮዩዛ ማላ ጊዳንታ ዳሼ ጋጌታኔሻ ጋዳ ሂርጋይሰ። ሄሳላካ ኣንቴ ጊዳን ኦሽ፣ ቃናቴቴል፣ ሃንቆይ፣ ዙፔቴል፣ ኣሳ ሱንል ኢሶይ፣ ዘጊርሲ፣ ኦቶሬቴል፣ ካቺ ዱሰ ኣጌና ጋዳ ሂርጋይሰ። 21 ታኒ ቃሴካ ሄ ኣንቴኮ ቢሺን ኦኔ ኤሪዛይ ታ ጎዳይ ታና ኣንቴ ሲንላን ካዉሻንዳ ጋዳ ሂርጋይሰ። ሃይሳፊ ካሴ ናጋራ ኣሉዲ ሄ ኦሉዳ ቱናቴላን፣ ሳይማኒኔ ጮ ሚላ ዩዳ ዲሳሰ ማሮቴላን ጌሎንታ ኣሳታ ጋሶን ታ ሙዙቴላን ዋዳንዲና ጋዳ ሂርጋይሰ።

ዮታዲሰኮሺን፣ ሃሲካ ቃሴ ሃሆን ዳዳ ሃይሳፊ ካሴ ናጋራ ኣሉዲይታሰኔ ሃንኮይታሰ ሚንላ ዮታይሰ። ሃሲ ታ ኣንቴኮ ሄ ሲማ ቢኮ ኢሰታፊ ኦናሰካ ሚሼቲኬ። 3 ሄሲካ ቃሴ ታናን ጊዲዲ ኣንቴሰ ዮቲዛይ ኪርሰቶሳ ጊዲዳይሳ ኣንቴ ሻኪ ኤራናሰ ኮዩዛይሳ ቤሴሰ። ኣንቴ ኣቻን ዲዛ ኪርሰቶሲ ዋልቃማ ኣቲን ላፋ ጊዳና። 4 ኢዚ ማሰቃሌ ቦላ ካቁቲዲ ዳቡራን ሃይቁኮካ ሃሲ ቃሰ ያሳ ዋልቃን ፓፃ ዳሰ። ኦካ ኢዛራ ላፋታ ጊዲኮካ ኣንቴ ጊሽ ጊዲ ያሳ ዋልቃን ሚኒ ደሰ።

5 ኣንቴ ኣማኖን ሚኒ ዲዛኮኔ ኤራናሰ ኣኔ ኣንቴርካ ኣንቴና ፓጪ ያለቲ። ዩሱሰ ኪርሰቶሲ ኣንቴናን ዲዛይሳ ሻኪ ኤሪቤይኬቲ? ሄሳላ ሃኖንታ ኣጊኮ ኣንቴ ፓጩን ኩንዲዳታ ጉሳ። 6 ኦኒ ፓጩን ኩንዳንታይሳ ኣንቴ ሻኪ ኤራና ጋዳ ሂደታ ኦላይሰ። 7 ኣንቴ ኢታ ሚሺ ኦሶንታ ማላ ኦኒ ያሴ ዋሶሰ። ኦኒ ዋሲዛይካ ኦ ኣይኮካ ዳንዳዩዛይታ ጊዳንታ ኣጊኮካ ኣንቴ ኡባ ዋዴ ሎዶ ኦሶ ኦላናፔ ኣቲን ኦ ጎባቴል ኣንቴና ቤሳናሰ ጊዳና። 8 ኦኒ ቱማቴላሰ ኦሶሰ ኣቲን ቱማፔ ካሬራ ኣይኮካ ኦላና ዳንዳዮኮ። 9 ኦኒ ዳቡራንቻታ ጊዲን ኣንቴ ቃሰ ሚናታ ጊዲሸን ኦና ኡፋይሴሰ። ኦ ዋሳይ ኣንቴ ቦላ ዋሶይ ባይንዳይታ ጊዳና ማላሳ። 10 ታኒ ሃይሳ ኣንቴሰ ዩዲዛ ኪታዛ ኣንቴፊ ሃካ ዳሼ ፃፊዳይ ሄሳ ጊሻሳ። ሄሳ ማላን ታ ኣንቴኮ ቢዛ ዋዴ ታሰ ጎዳይ ኣሚዳ ኣዋቴላን ታ ኣንቴና ዋይሲኬ። ጎዳይ ታሰ ኣዋቴል ኣሚዳይ ኣንቴና ሚንላናሰ ኣቲን ላላናሰ ጊዳና።

11 ኣኔ ሃሲ ታ ኣሻቶ! ሳሮ ዲቲ፣ ኣንቴ ዲሳ ሎዴልቲ፣ ታ ኣንቴና ዘርይሳ ካለቲ፣ ኣሳይ ኢሶይ ኣሳራ ሲጌቲቲ። ሳሮን ዲቲ፣ ሲቆኔ ሳሮ ጎዳይ ኣንቴናራ ጊዳና። 12 ሲቆ ዩሬቴል ዩሬቲዲ ኢሶይ ኣሳራ ሳሮኬቲቲ።

13 ኣሚኒዛ ኣሳይ ዉሪካ ኣንቴና ሳሮ ጌሰ። 14 ጎዳ ዩሱሰ ኪርሰቶሳ ኪያቴል፣ ያሳ ሲቆይኔ ያሎ ኣያና ኢሲፊቴል ኣንቴናራ ኡባታራ ጊዳ።

13

ዉርሴላ ዞሬኔ ሳርካ

1 ሂሰቲኮ ታኒ ኣንቴኮ ቢሺን ሃይሲ ታሰ ሄቸንጎጎ። ኣይዳካ ጊዲን ዮዶይ ሚኒዛይ ናምዑ ማርካን ዋይኮ ሄቸ ማርካና። * 2 ኣንቴና ቤያናሰ ታ ናምዳንጎ ሶይሳን ታ ኣንቴናራ ዳሼ ኣንቴ ናጌታና ማላ ታ ኣንቴሰ ሚንላ

* 13:1 ዛሬ 17:6፤ 19:15

ጳውሎስ ገላትያ አሳሰ ፃፊዳ ኪታ ገደ ቆፋ

ዩሱሲ አሽዛዴ ገዲዳይሳ የቲዛ ሚሺራች ቃላይ ኡባሶን አይዛቤታሰ ሳባኬቲን አሳይ አማኒ አማኒ ዳሪሽን “አማኒዛዴ ገዲናሰ ካሴ ሙሴ ዋጋ ፖጊ ናጋናሰ ኮሺዜዬ? ኮሺኔ?” ገዛ ኦይሾይ ዴንዲዳሰ። ቁሪ ኢሲያ ጌቲቲዛሶን ኦርሜ ካዋይ ሃሪዛሶን ገላትያን ዲዛ አማኒዛ አሳ ጋርሳን “ኢሲ ያሳ ኣቻን ዓሎ ገዲናሰ ዩሱሳን አማኖ ፃላላ ገዲንታ ሙሴ ባጋራ አሜቲዳ ዋጋዛ ፖሎ ኮሺሰ” ገዲ ጳውሎሳራ ኤቁቲዛይቲ ዴቲሰ።

ጳውሎስ ቃሰ ገላትያ ኪታ ፃፊዳይ ሃይሳ ሃ ቲሚርቲዛን ሳሌቲዳ አሳቲ ቱማ ቲሚርቲኮኔ ቱማ አማኖኮ ዛራናሳ። ጳውሎስ ዩሱሰ ኪርሰቶሳ ሃዋሪ ገዲዳይሳ ቆንጨሴላን ደሜሰ። ኢዛ ሃዋሪቲላሰ ጃይገዲይ ያሳ ኣቲን ኢዚ አሳ ጃይሳን ኪቲቶንታይሳኔ ቃሰ ኢዚ ኪቲቲዳይ አይሁዳ አሳኮ ገዲንታ አይዛቤታሰ ገዲዳይሳ ወርሲ ቢርሽ የቲሰ። ወርሴላ ሽዋፖታ ጋርሳን አማኖ ዲሲ ዩሱሳ አማኖን ቤቲዛ ሲቆፕ ገዲዳይሳ ሎዔላ የቲሰ።

ሃ ማፃፋይ ኦይኪዳ ኩሜላ ቆፋ
ጌሎሶ 1:1-10
ጳውሎሳሰ አሜቲዳ ሃዋሪቲላሰ ማታ 1:11-2:21
ያሳ ኪያቲላ ሚሺራች ቃላ 3:7-4:31
አማኒዝይታ ጎቃቲላኔ አማኖ 5:1-6:10
ኩሻ ቆፋ 6:11-18

1 ኣሲ ኪቲዳዴ ገዲንታ ዩሱሰ ኪርሰቶሳ ሃይቆፕ ዴንላዳ ኢዛ ኣዋ ያሳፊ ኪቲቲዳ ጳውሎሳፕ። 2 ታናራ ዲዛ ኣሻታ ኡባፊ ገላትያን ዲዛ ዋሳ ኬላታሰ። 3 ኑ ኣዋ ያሳፊ ጎዳ ዩሱሰ ኪርሰቶሳፕ ያሳ ኪያቲላኔ ሳርይ ኢንቲሰ ገደ። 4 ኑ ኣዋ ያሳ ሽኔ ገዲን ኢታ ኣላሜዛፕ ኑና ኣሻናሰ ባና ኣላ ኢሚዳይሳሰ። 5 ሚርፕ ሚርና ጋካናሰ ኢዛሰ ቦንቾይ ገደ።

ሚሺራች ቃላይ ሜዒ ኢሲና

6 ኢንቲ ኪርሰቶሳ ኪያቲላን ጃይገዲይሳ ኣጋገዲ ሃራ ዲማ ሻኮ ሚሺራች ቃላኮ ሲሚዳይሲ ታና ዳር ማላሊሴሰ። 7 ታ ሄሳ ገዲ ጋሶይ ኢንቲና ባሌላዛይቲኔ ኪርሰቶሳ ሚሺራች ቃላ ሚርቁዛ ኢሲ ኢሲ አሳቲ ዲዛ ገሻሳ፤ ቱማ ገኮ ሚሺራች ቃላይ ኢሲኖ ፃላ። 8 ገደ ኣቲን ኑና ገዲን ዋይኮ ሳሎ ኪታንቻ ገዲንካ ኑ ኢንቲሰ ሳባኪዳ ሚሺራች ቃላፕ ሃራ ዲማ ሚሺራች ቃላ ሳባኪኮ ሄሳዴይ ሚርናሰ ቃንጌቲዳዴ ገደ። 9 ታ ካሴ ገዲ ማላካ ሃራካ ዛራዳካ ካሴ ኢንቲ ኤኮ ሚሺራች ቃላፕ ሃራ ዲማ ሚሺራች ቃላ ሳባኪኮ ኢዛዴይ ሚርናሰ ቃንጌቲዳዴ ገደ ጋይሰ።

10 ሃራ ታ ኣሲ ታና ኤርሾ! ሃሹ ጋና ማላ ኮያዚናዬ? ያሲ ሃሹ ጋና ማላ ኮያዚና? ዋይኮ ኣሰ

ኡፋይሳና ኮያዚና? ታ ኣሰ ኡፋይሳና ኮዩዛኮ ኪርሰቶሳ ኦሳንቻ ገዲኬ።

ያሲ ጳውሎሳ ጃይገዲዳሰ

11 ታ ኣሻቶ! ታ ኢንቲሰ ሳባኪዳ ሚሺራች ቃላይ ኣሳ ኦሶ ገዲንታይሳ ኢንቲ ኤራና ማላ ኮያይሰ።

12 ሃይሳ ሃ ሚሺራች ቃላዛ ዩሱሰ ኪርሰቶሰ ታሰ ቆንጨሴዳሰ ኣቲን ታ ኦናፕካ ኤካቤኬ፤ ዋይኮ ኦኒካ ታና ታማርሲቤና።

13 ታኒ ካሴ አይሁዳታ አማኖን ዋና ዲዛኮኔ ያሳ ዋሳ ኬሌ ታ ኣይ ማላ ጎዲዳኮኔ ቃሴ ሙሌ ጳይሳናሰ ታ ኣይ ማላ ዳፊቲዳኮኔ ኢንቲ ሲዩዳታ። * 14 ካሴ ታ ዲዛ ዋይን ዲዛ ዳር አይሁዳ አሳታ ዳርታፕ አማኖን ኣጳይሰ። ካሴ ኑ ኣዋታ ዋጋ ናጋናሰ ዳር ዳፊታይሲሺን። *

15 ገደ ኣቲን ካሴ ኮይር ታኒ ታ ኣዩ ኡሎን ዲሺን ባሲ ዶሪዲ ባ ኪያቲላን ታና ጃይገዲ ያሳይ

16 አይዛቤታ ገደን ኢዛ ናዛ ገሽ ታ ሳባካና ማላ ባ ናዛ ታናን ቆንጨሳናሰ ዶሲዳ ገሽ ታ ኦና ኣሳራካ ዙሬታቤኬ። 17 ታፕ ካሴ ሃዋሪ ገዲዳይታኮ ዩራሳላሜ ባቤኬ ሺን አማኒዳ ማላ ሄራካ ኣራቤ ቢታ ባዲሰ፤ ሄፕካ ዳማሰቆ ሲማዲሰ። 18 ሄፕካ ሄቹ ላይላፊ ጉዬ ጳፀርሳራ ጋጋናሰ ዩራሳላሜ ባዲሰ። ኢዛራ ጋጋዳ ታማኔ ኢቻሹ ጋላሰ ጋካናሰ ሄን ጋምዓዲሰ። * 19 ገደ ኣቲን ጎዳ ኣሻ ያቆቤፕ ኣቲን ሃዋሪታፕ ኦናካ ቤያቤኬ።

20 ሃይሳ ታ ኢንቲሰ ፃፊዛይሳን ታ ዋርዶ ሃሳዮንታይሳ ያሳ ሲንላን የታይሰ። 21 ሄሳፊ ጉዬ ጌዬ ሶሪያኔ ኪልቁያ ጌቲቲዛ ዴሬ ባዲሰ። 22 ዩሁዳ ዴሬን ዲዛ ኪርሰቶሳን አማኒዛ አሳይ ታና ቤይቤና። 23 ገደ ኣቲን “ቤኒ ኑና አማኖ ገሽ ጎዲ ጳይሳና ኮዩዛ ኣዴዚ ሃራ ሄ አማኖ ዛሪ ሳባኬሰ” ገዛ ዋሪ ፃላ ሲዩዳ። 24 ሄ ኣሳይ ታ ጋሶን ያሴ ገላትዴሰ።

2

ጳውሎሳ ሃዋሪቲ ሞኪ ኤኪዳ

1 ታማኔ ኣይዲ ላይላፊ ጉዬ ቃሴካ ዩራሳላሜ ባዲሰ፤ ሄ ዋዴ ባርናባሳራ ዳይሰ፤ ቲቶሳካ ታናራ ኤካ ባዲሰ። * 2 ታሰ ቆንጨዳ ገሽ ሄ ባዲሰ። አይዛቤታ ገደን ታ ሳባኪዛ ሚሺራች ቃላካ ኢሰታሰ የታዲሰ። ገደ ኣቲን ታ ካሴ ሚላ ዋዲኮ ጋዳኔ ቃሴካ ሲንላፊ ጮ ሚላ ዋዮንታ ማላ ሂርጋዳ ዋናቲዛይታሰ ዲማ ኤሪሳዲሰ። 3 ሃራይ ኣቶሺን ታናራ ዲዛ ቲቶሲ ኢዚ ገሪኬ ኣሰ ሺን ኢዚ ቃፃሪታና ማላ ዋልቃሊቤቲና። 4 ሃይሲ ሃ የዎዚ ዴንዲዳይ ኢሲ ኢሲ ዋርዶ አማኒዛይቲ ኑኔ ዩሱሰ ኪርሰቶሳን ዴሚዳ ጌሻቲላ ዩዩ ዩዩ ፓጩ ቤያናሲኔ ኑና ኣይሌቲላን ዛሪ ጌልላናሰ ሎዳራ ኑኮ ሳሊ ጌሊዳ ገሻሳ። 5 ሃይታ ሄ ኣሳታሰ ኑኔ ኢሲቶካ ሃራቲቤኮ። ሄሲካ ኢንቲ ሚሺራች ቃላ ቱማቲላን ኤቁ ዳና ማላ ገዲኮ።

6 ዋና ሚሳቲዛ ኣሳቲ ታሰ ኣይኮካ ሚሳቲቲና፤ ያሲ ኣሳ ኣይፊሶ ቤዩዲ ማዶ ኦላ ኤራና። ሄይቲ ሄ ኣሳቲ ታ ኪቲዛ የዎታሰ ታሰ ኣይኮካ ጉጂቤቲና። * 7 ገደ ኣቲን ጳፀርሲ ቃፃሪቲዳይታሰ ሚሺራች ቃላ ሳባካናሰ ሃዳራ ኤኪዳይሳ ማላ ታካ ቃፃሪቶንታይታሰ ሚሺራች ቃላ

* 1:13 ሃዋ 8:3፤ 22:4-5፤ 26:9-11 * 1:14 ሃዋ 22:3 * 1:18 ሃዋ 9:26-30 * 2:1 ሃዋ 11:30፤ 15:2 * 2:6 ዛሬ 10:17

ሳባካና ሃዳራ ኤኪዳይሳ ኢስቲ ኤሪዳ። 8 ጳጳርሲ አይሁዳታስ ሃዋሪ ጊዳ ኦፋና ማላ ኦሊዳ ያሳይ ታካ አይዛቤታስ ሃዋሪ ጊዳ ኦፋና ማላ ታስ ኦሊዳ። 9 ዋናቲ ያቆቤይ፡ ጳጳርሲኔ ዮሃንሲካ ታስ አሜቲዳ ያሳ አሞታ ኣኩኪዳ ታሲኔ ባርናባሳስ ባ ኡሻቻ ኩሼ አሚዳ፤ ሄሳፌ ጉዬ ኮኒ አይዛቤታስ ኢስቲ ቃስ አይሁዳታስ ቃላ ዮታናስ ቃላ ኤር ጊ ኤኪዳ። 10 ኢስቲ ኮስ ሃዳራ ጊዳይ ማንቆታስ ቆፋ ኑ ኣጎንታ ማላ። ታ አሞይካ ሄሳ ኦፋናሳ።

ጳጳርሲ ጳጳርሳ ቆጶዳስ

11 ጳጳርሲ ኣንዮኪያ ዪዳ ዋዴ ኤሬቲዳ ባላ ኦሊዳ ጊሽ ታ ኢዛ ቆንጮን ቆጶዳስ። 12 ኢሲ ኢሲ ኣሳቲ ያቆቤ ኣቻፌ ያናፔ ካሴ ጳጳርሲ አይዛቤታሪ ኢሲፌ ካሳ ሚዛይሳ ኣጊዳ ኣሳቲ ዪዳፔ ጉዬ ቃፃሬቲዳ ኣሳታስ ባቢዳ አይዛቤታፔ ሻኩቲዳ ጉዬ ጉዬ ጉሲ ኦይኪዳ። 13 ባርናባሳካ ኢስታሶ ቆጶፔ ቆሞን ሃኖን ኤኬታና ጋካናስ ሃሪ አይሁዳ ባጋፌ አማኒዳ ኣሳይካ ኢዛሪ ኢሲፌቲዳስ። 14 ኢስታ ኦሶይ ሚሺራቾ ቃላ ቱማን ጊደንታይሳ ታ ኤራዳ ኩሜሳ ኣሳ ኣቻን ጳጳርሳ “ኔ አይሁዳ ኣስ ሺን አይዛቤታ ዋጋን ኣቲን አይሁዳታ ዋጋን ዳቤዪካ፤ ሂስቲን አይዛቤታ አይሁዳታ ዋጋ ካላና ማላ ኣዛስ ዋልቃላይ?” ጋዲስ።

15 “ኮኒ ኑ ዩሌቴላን አይሁዳታፔ ኣቲን አይዛቤታ ማላ ናጋራንቻ ጊደኮ። 16 ኣሲ ዩሱስ ኪርስቶሳን አማኖን ሂላና ኣቲን ዋጋ ናጎን ሂሎንታይሳ ኑ ኤርስ። ሄሳ ጊሽ ዋጋ ናጎን ጊደንታ ኪርስቶሳ አማኖን ኑ ሂላና ማላ ኑካ ቃሴ ዩሱስ ኪርስቶሳ አማኒዳስ። ዋጋ ናጎን ኢኒካ ሂላና። *

17 ኑ ኪርስቶሳን ሂላና ኮይኮ ኑ ናጋራንቻታ ጊዳዳይሲ ቆንጮ ኤሬቲዳስ። ሂስቲን ኪርስቶሲ ናጋራይ ዳሪ ዳሪ ባና ማላ ኮዩዜ? ኮዩና። 18 ታኒ ላሊዳይሳ ዛራዳ ታርካ ታ ኩሼራ ኬይኮ ታካ ዋጋ ሞሪዳይ ጊዳዳይሳ አማኔታይስ። 19 ታኒ ያሳስ ዳና ማላ ዋጋ ባጋራ ሄ ዋጋስ ሃይቃዲስ። 20 ታኒ ኪርስቶሳራ ካቂታዲስ፤ ሃይሳፌ ጉዬ ታኒ ታስ ዲኬ፤ ጊዶ ኣቲን ኪርስቶሲ ታ ጊደን ዳስ። ሃዲካ ታ ኣሻን ዲዛ ዱሳይ ታና ደሲዲ ባና ታ ጊሽ ኣሊ አሚዳ ያሳ ና ቦላ ዲዛ አማኖን ዲዛ ዲሳ። 21 ታኒ ያሳ ኪያቴላ ካዉሺኬ። ሂሎቴላ ዋጋ ናጎን ቤቲዛ ሚሽ ጊዲኮ ኪርስቶሲ ማላ ሃዳ ሃይቂዳስ ጉሳካ!”

3

አማኖን ዲስ ዋይኮ ዋጋ ናጎ

1 ኢንቴኖ ዩሺ ቆፖንታ ጋላቲያ ኣሳቶ! ኢንቴስ ባሌቶንታ ማላ ኢዛ ካቂቴላ ታ ኢንቴ ሲንላን ሚሲሌ ማላ ጊሻ ቤሳዲሰኮ ሺን ኢንቴና ኦኔ ቢቲዳይ። 2 ኢንቴ ሂሎ ኣያና ኤኪዳይ ዋጋ ናጎኔዬ? ሳባኩቲዳ ቃላ አማኖን? ታ ሃኖ ኢሲኒዮ ኢንቴፌ ኤራና ኮያይስ። 3 ኢንቴ ሄሳ ማላ ቆፔ ኤርንታ ኣሴ? ያሳ ኣያናን ኦይኪዳይሳ ዛራዲ ኣሻ ሃኖን ፖላናስ ዋዬቴቲ? 4 ቱሙ ኢንቴ ሃኖ ጋካናስ ዳቡሪዳ ዳቡርሳይ ጮ ሚላ? ጮ ሚላ ጊዲኮ ሃዳ ዳቡሪዳታ። 5 ያሲ ኢንቴስ ኣያና አሚዳይኔ ኢንቴ ኣቻን ማላታ ኦሊዳይ ኢንቴ ዋጋ ናጊዳ ጊሼዬ? ዋይኮ ኢንቴ ሲዩዳ ቃላን አማኒዳ ጊሼ?

6 ኣኔ ኢንቴ ኣብራሃሚ ጊሽ ቆፒቲ፤ ጊሻ ማፃፋን “ኢዚ ያሴ አማኒን አማኖይ ኢዛስ ሂሎቴላን ቆዳቲዳስ” ጌቲቲ ፃፊቲዳስ። * 7 ሄሳ ጊሽ አማኒዛይቲ ኣብራሃሚ ናይታ ጊዲዳይሳ ዋዘናን ዋሊቲ። * 8 አይዛቤይ አማኖን ኣታናይሳ ኤሪዳ ያሲ ካሴ ጊሻ ማፃፋን “ዴሬይ ወሪ ኔ ባጋራ ኣንጃታና” ጊዲ ሚሺራቾ ቃላ ኣብራሃሚስ ዮቲ ዋሊዳስ። * 9 ሄሳ ጊሽ አማኒዛይቲ ወሪ አማኒዛ ኣብራሃሚራ ኢሲፌ ኣንጃቲዳይታ።

10 “ዋጋ ናጎን አማኔቲዛይቲ ወሪካ ቃንጌላ ጋርሳን ዳቲስ። ዋጋ ማፃፋታን ፃፊቲዳይሳ ወርሲ ኦሎንታይይ ኢዚ ቃንጌቲዳይ” ጌቲቲ ፃፊቲዳስ። 11 “ሂሎ ኣሲ አማኖን ዴዴስ” ጊዛ ጊሽ ኦኒካ ያሳ ሲንላን ዋጋን ኣቶንታይሲ ጊሻ። * 12 ዋጋይ አማኖን ፃጺቤና። ጊዶ ኣቲን “ዋጋታ ወርሲ ናጊዛይይ ሄ ኢዚ ናጊዳይሳን ዳዖን ዳና” ጌቲቲዳስ። *

13 “ሚላ ቦላ ካቂቲዛ ኣሲ ቃንጌቲዳይ” ጌቲቲ ፃፊቲዳ ጊሽ ኪርስቶሲ ኑ ጊሽ ቃንጌቲዳይ ጊዲዲ ኑና ዋጋ ቃንጌላፌ ዋዚዳስ። * 14 ኣብራሃሚስ አሚቲዳ ኣንጃይ ዩሱስ ኪርስቶሳ ባጋራ ዴሬስ ጋካና ማላ ኑና ዋዚዳስ። ሄሲካ ኮኒ አማኖን ሂሎ ኣያና ኤካና ማላ ሃኒዳስ።

ዋጋኔ ሂዳታ ዮቲዳ ቃላ

15 ታ ኣሻቶ! ኣኔ ታ ኢንቴስ ኣሲ ባ ዱሳን ሃኒዛ ሚሽ ሌሚሶ አማይስ። ሃራይ ኣቶ ሺን ኣሲ ኢሲቶ ጫቂዳ ቃላ ኢሲቶ ጫቂዳፔ ጉዬ ኦኒካ ሻራናስ ዋይኮ ሃራ ኢዛ ቦላ ጉጃና ደንዳዮንታይሳ ማላ ሃይሲካ ሄሳ ማላ። 16 ያሲ ኣብራሃሚስ ዮቲዳ ቃላይ ኣብራሃሚስኔ ኢዛ ዜሬላሳ። ጊሻ ማፃፋይ ዳር ኣሳስ ዮቲዛ ማላ “ኢዛ ዜሬላታስ” ጌና፤ ጊዶ ኣቲን ኢሲ ኣሳስ ዮቲቲዛ ማላ “ኔ ዜሬላስ” ጌስ። ሄሲካ ኪርስቶሳ።

17 ታ ጊዛይካ ሃይሳ፤ ኦይዲ ፃታኔ ሄሹ ታሙ ላይላፌ ጉዬን አሚቲዳ ዋጋይ ካሴቲዳ ያሲ ሚንሉዳ ጫቆዛ ላሊዲ ቡር ሃናና ሂዳታ ቃላ ሻሬና። * 18 ላታይ ዋጋን ሃኒዛኮ ሂዳታ ቃላን ጌላናስ ኮሼና ሺን፤ ያሲ ባ ኪያቴላ ቃላን ኣብራሃሚስ አሚዳስ። * 19 ሂስቲን ዋጋይ ኣዛስ አሚቲዳ? ዋጋይ አሚቲዳይ ኣሳይ ዋጋ ዩጲ ኣጲዛ ጊሽ ሄ ኡፋይሳይ ቤሲዛ ዜሬላይ ያና ጋካናሳ፤ ዋጋይ ዩዳይካ ኪታንቻታ ባጋራ ጋና ጊዲዛ ኢሳይ ባጋራ ዩዳስ። 20 ጊዲኮካ ጋናዚ ኢሳ ባጋ ያላ ፃሊዛይ ጊዳና። ያሲ ጊዲኮ ኢሳ ያላ።

21 ሂስቲን ዋጋይ ሲንላፌ ያሲ ዋላና ቃላ ዲጊዛዜ? ሙሊካ ዲጌና። ዋጋይ አሚቲዳይ ኣሲ ኢዛን ዴዖ ዴማናስ ጊዲዳኮ ቱሙካ ሂሎቴላ ዋጋ ባጋራ ቤታናኮሺን። 22 ቃሴ ጊሻ ማፃፋይ ሃይሲ ኣላሚይ ወሪካ ናጋራን ቃሹቲዳይሳ አዋጅስ። ሄሲካ ኣሲ ወሪካ ዩሱስ ኪርስቶሳ አማኖን ቤቲዛ ሂዳታይ አማኒዛይታስ ኡባስ አሚታናሳ።

23 ሃይሲ አማኖይ ያናፔ ካሴ ኮኒ ዋጋን ቃሹቲዳ ጎርዳን ደስ። 24 ሄሳ ጊሽ ኑ አማኖን ሂላና ማላ ዋጋይ ኑና ኪርስቶሳኮ ጋላናስ ናጊዛይ ማላ ጊዲዲ ኑና ናጊዳስ። 25 ሃዲ ቃሴ ሄ አማኖይ ዩዳ ጊሽ ሃይሳፌ ጉዬ ኮኒ ዋጋ ጋርሳን ደኮ።

* 2:16 ማዛ 143:2፤ ኦር 3:20፤22 * 3:6 ሜጴ 15:6፤ ኦር 4:3 * 3:7 ኦር 4:16 * 3:8 ሜጴ 12:3 * 3:11 ኢብ 2:4 * 3:12 ሊዋ 18:5 * 3:13 ዛሬ 21:23 * 3:17 ኬሳ 12:40 * 3:18 ኦር 4:14

ጻጋ ናይታ

26 እንቲ ወሪካ ዩሱስ ኪርስቶስ ኣማኖን ጻጋ ናይታ።
 27 እንቲ ኪርስቶስ ኢሲኖ ገዳናስ ፃማቄተዳይቲ ወሪካ ኪርስቶስ ማይዎ ማላ ማይዒዳታ። 28 እንቲ ወሪካ ኪርስቶስ ኢሲኖ ኣቲን ኣይሁዳኔ ገሪኬ፣ ኣይሌኔ ጎቃ፣ ማጫኔ ኣዴ ገዛ ዲማቴሊ ዳና። እንቲ ወሪካ ዩሱስ ኪርስቶስ ኢሲኖ። 29 እንቲ ኪርስቶስይታ ገዲኮ እንቲ ኣብራሃሜ ዜሬላታ፤ ካሴ ኢሜቲዳ ሂደታ ቃላ ማላ እንቲ ላታናይታ። *

4

1 ታ ገዛይ ዩሌቲዳ ናይ ላታይ ኢዛስ ገዲኮካ ኢዚ ቢዲ ላታና ጋካናስ ኣይሌፊ ዲማ ገዳና። 2 ኢዛ ኣዋይ ገዳ ዋይይ ጋካናስ ኢዚ ባና ዲቸዛይታ፣ ታማርሲዛይታ ኩሼን ጋምዔስ። 3 ኑካ ካሴ ኣያና ዮዖስ ጉላ ና ማላ ዲዛ ዋይ ሃይሳ ሃ ኣላሜዛ ዋጋ ጋርሳን ሃሬቲ ዲዒደስ። 4 ገደ ኣቲን ካሴ ባ ቆፒ ዋሊዳ ዋይይ ጋኪን ጻጋይ ማጫሳፔ ዩሌቲዳ ዋጋ ናገዳ ባ ናዛ ኑስ ዩዲዳስ። 5 ሄሲካ ኑኒ ኢዛ ናይታ ገዳና ማላኔ ዋጋ ጋርሳን ዲዛይታ ዋዛና ማላ ሃኒደስ። *

6 እንቲ ኢዛ ናይታ ገዲዳ ገሽ ጻጋ “ኣሶ” ገዲ ፃይገዛ ባ ናዛ ኣያና ኑ ዋዝናን ዩዲዳስ። 7 ሄሳ ገሽ ሃይሳፊ ጉዬ ኔ ናፔ ኣቲን ኣይሌ ገዳካ። ኔኒ ና ገዲዳ ገሽ ጻሲ ኔና ባይሳ ላቲዛዴ ሂሰቲዳስ።

ገላትያ ኣሳስ ጳውሎስ ቆፋ

8 እንቲ ጻሴ ኤራናፔ ካሴ ጻሴ ገደንታ ኤቃታስ ኣይሌታ። 9 ሃሲ ገዲኮ ጻሴ ኤሪይታ፤ ቃሴካ ጻጋን ኤሪይታ። ሂሰቲን ቃሴካ ጉዬ ሰሚዲ ጌዴ ጎዓይ ባይንዳ ጮ ደቡሪሲዛ ቲሚርቲኮ ዋኒዲ ሰሚዳቲ? ሰሚዲ ቃሴካ ኣይሌቲላ ቃምባራን ዋፃታና ኮዬቲ? 10 ዲማ ጋላሳታ፣ ኣገናታ፣ ዋይታኔ ላይላታ እንቲ ቦንቸታ። 11 ታ እንቲናራ ደቡሪዳይሲ ጮ ማላ ገዳንዳ ያዳ ባባይስ።

12 ታ ኣሻቶ! ታ እንቲና ሚሳቲዳ ማላ እንቲካ ታና ሚሳታና ማላ ታ እንቲና ዋሳይስ። እንቲ ታና ኣይኮካ ቆሂቤይኬታ። 13 እንቲ ኤሪዛ ማላ ታ እንቲስ ኮይሮ ሚሽራቾ ቃላ ሳባኪዳይ ሳኮ ጋሶና። 14 ታ ሳኮይ እንቲስ ሜቶ ገዲንካ ታና ሳሌቲቤይኬታ ዋይኮ ታና ሃራሴቲቤይኬታ፤ ገደ ኣቲን እንቲ ታና ጻጋ ኪታንቻ ማላኔ ሃሳፊካ ቦላራ ዩሱስ ኪርስቶስ ማላ ሞኪ ኤኪዳታ።

15 ሂሰቲን ሃሲ ሄ እንቲ ኡፋይሳይ ኣዋ ቢዳ? እንቲስ ሃኒዛዝ ገዲዳኮ እንቲ እንቲ ኣይፊ ታስ ኬሲ ኣማናስ ጉዬ ጎንታይሳ ታ እንቲስ ማርካታይስ። 16 ታኒ ቱማ እንቲስ ኬሳ ዮቲዳ ገሽ እንቲስ ሞርኬ ገዲዲናሻ?

17 ሃይቲ ኣሳቲ እንቲና ባኮ ኤካናስ ዳቡሬቲስ ኣቲን ሎዖስ ዳቡሬቲና። ኢሰቲ ኮዩዛይ እንቲና ኑፔ ሻኪዲ ባ ኣስ ሂሰታናሳኮ! 18 ሎዖስ ሚንዳቲሊ ሎዖ፤ ሄሲካ ሃናናስ ቤሲዛይ ኡባ ዋይ ገዲኮፊ ኣቲን ታ እንቲናራ ዲዛ ዋይ ፃላ ገደ። 19 ታ ናይቶ ኪርስቶሲ እንቲ ዋዝናን ፃፊቲን ታ ቤያና ጋካናስ እንቲ ገሽ ታ ሚፃታይስ። 20 ታ እንቲ ገሽ ቆፋን ሜቶታዲስ። ታ ዳንዳዩዛኮ ሃሲ እንቲ ገደን ቤታዳ እንቲና ሎዔላ ታማርሲዛኮ ኣይ ማላ ዳሳዚና!

ኣጋርኔ ሳራ ለሚሴቲላ

21 እንቲኖ! ዋጋ ጋርሳን ኣቃና ኮዩዛይቶ ኣኔ ታስ ዮቲቲ፤ ዋጋይ ኣይ ገዛኮኔ ሲይቤይኬቲ? 22 ኣብራሃሜስ ኢሲይ ኣይሌፊ ኢሲይ ቃስ ጎቃይፊ ዩሌቲዳ ናምዑ ናይቲ ዲዛይሲ ጌሻ ማፃፋን ፃፊቲዳስ። 23 ኣዩሌፊ ዩሌቲዳ ናዚ ኣሾ ዋጋ ማላ ዩሌቲዳስ። ሃንኮ ጎቃይፔ ዩሌቲዳይሲ ኡፋይሳ ቃላ ማላ ዩሌቲዳስ።

24 ሃይቲ ናምዑ ማጫሳቲ ናምዑ ጫቆታ ቤሲዛይታ ገዲዳ ገሽ ሃይሲ ለሚሶስ ኣሜቲዳስ። ኮይሮ ጫቆያ ሲና ዙማ ቦላ ገዳሼ ኣይሌቲላስ ገዲዛ ናይታ ዩሊዛር፤ ኢዛካ ኣጋር። 25 ሄሳ ገሽ ኣጋራ ኣራቤ ቢታን ዲዛ ሲና ዙማ ገሽ ገዲዳ ሃሲ ዲዛ ዩራሳላሜ ካታማኖ ሚሳታወስ፤ ኢዛ ባ ናይታራ ኣይሌቲላን ዳወስ። 26 ቸዴ ቦላ ሳሎን ዲዛ ዩራሳላሜይ ገዲኮ ጎቃ ገዲዳ ዳወስ፤ ኢዛካ ኑ ኣዮ። 27 “ኔኒ ዩሎንታ ማካራዬ ኡፋይታ! ሃኔ ሚፃታ ኤርንታሬ! ‘ኢሊሊ’ ጋ ዋሳ፤ ኣዚናይ ዲዛሪፔ ኣዚናይ ባይንዳሪ ናይቲ ዳሪዳ” ጌቲቲ ጌሻ ማፃፋን ፃፊቲዳስ። *

28 ሄሳ ገሽ ታ ኣሻቶ! እንቲካ ዩሳቃ ማላ ኡፋይሳ ቃላ ናይታኮ። 29 ኣሾ ሼኔ ማላ ዩሌቲዳይሲ ኣያና ዋልቃን ዩሌቲዳይሳ ጎዲዳስ፤ ሃሲካ ጎዳዳን ዳስ። * 30 ገደ ኣቲን ጌሻ ማፃፋይ ቃሴ ኣይ ገዜ? “ኣይሌዮ ኢዚ ናዛራ ዲጋ፤ ኣይሌ ናይ ጎቃይ ናራ ላቲና” ጌስ። * 31 ሄሳ ገሽ ታ ኣሻቶ! ኑኒ ጎቃይ ናይታ ኣቲን ኣይሌ ናይታ ገደኮ።

5

1 ኑና ኪርስቶሲ ጌሺዳይ ኑኒ ጌሻቲላን ዳናሳ። ሄሳ ገሽ ሚኒ ኤቂቲ፤ ናምዓንሎ ኣይሌቲላ ቃምባራን ጌሎፒቲ። 2 ታ እንቲስ ገዛይሳ ዋዝናን ዋሊቲ፤ እንቲ ቃፃሬታና ኮይኮ ኪርስቶሲ እንቲና ኣይኔ ጎዔና ጋዳ ታ ጳውሎሲ እንቲስ ዮታይስ። 3 ቃፃሬታና ኮዩዛይቲ ወሪ ዋጋ ወርሲ ፖላናይሲ ዳሳ ገደንታይሳ ታ እንቲስ ኢሳስ ኢሳስ ቆንጨን ዮታይስ። 4 እንቲኖ! ዋጋ ናጎን ያላና ዋይቲዛይቶ፤ እንቲ ኪርስቶስ ሻኬቲዳታ፤ ኢዛ ኪያቲላፊካ ሃኪዳታ። 5 ኑ ቃስ ኡፋይሳ ናፔቲዛ ያሎቲላ ጻጋ ኣያና ባጋራ ኣማኖን ላሞቲላን ናጎን ደስ። 6 ኣሲ ዩሱስ ኪርስቶስን ዲኮ ቃፃሬቲን ዋይኮ ቃፃሬቶንታ ኣገን ኣይኔ ጎዔና፤ ጎዓይ ዲዛይ ሲቆን ቆንጨዛ ኣማኖን ፃላ።

7 ካሴ ሎዖ ዋላ ዋፃታ ሽን፤ ሃሲ እንቲስ ቆጶ ገዲዲ ቲማስ እንቲ ኣዛዜቶንታ ማላ እንቲና ዲገዲይ ኣኔ? 8 ሄሳ ማላ ባሌላይ እንቲና ፃይገዳ ጻጋፊ ገዳና። 9 “ጉላ ኢርሾይ ሊፃ ወርሲ ዳንጱስ” ጌቲቲዛ ማላ። * 10 እንቲስ ሃራ ቆፋይ ዳና ጋዳ ታኒ ጎዳን ኣማኔታይስ፤ እንቲስ ቲኪ ገዛዝ ኣሊዛይ ኦና ገዲኮኔ ኢዚ ባ ፒርዳ ኤካና።

11 ታ ኣሻቶ! ሃና ጋካናስ ታ ሳባኪዳይሲ ኣሲ ኣታናስ ቃፃሬታና ቤሴስ ገዛዝ ገዲዳኮ ሂሰቲን ሃና ጋካናስ ኣዛስ ታና ጎዲዞ? ሄሳ ማላ ገዲዳኮ ኪርስቶስ ማስቃሊይ ኣሳስ ቆጶ ገዳናኮሺን። 12 እንቲስ ቲኪ ገዛዝ ኣሊዛ ኣሳቲ ጮ ዋጋራ ቃፃሬቲላ ኣገዲ ሙሌራ ቃንፃ ዩጌቶ። 13 ታ ኣሻቶ! እንቲ ጌሻቲላስ ፃይጌቲዳታ፤ እንቲ እንቲ ጌሻቲላ ዛራዲ እንቲስ ኣሾ ኣሞ ፖላናስ ጎዔቶፍቲ። ሃሳፊ እንቲ እንቲ ጋርሳን ሲቆን

* 3:29 ኦር 4:13 * 4:5 ኦር 8:15-17 * 4:27 ኢሳ 54:1 * 4:29 ሜዴ 21:9 * 4:30 ሜዴ 21:10 * 5:9 1ቆር 5:6

ኢሶይ ኢሳ ማዲቴ። 14 ዋጋይ ወሪ ሸቄቲዲ ኢሲ ቃላን ቃሽቴሰ፤ ሄሲካ “ኔኒ ኣሴ ኔ ማላ ደሳ!” ገዛይሳ። * 15 ጊዶ ኣቲን ኣንቴ ኢሶይ ኢሳራ ሳጃቲዛይታ ገዲኮ ኣንቴ ኣንቴ ጋርሳን ወርንታ ማላ ናጌቴቴ።

ኣያናን ሲሜራቴል

16 ሄሳ ጊሸ ታ ኣንቴና ኣያናን ሲሜራቴቴ፤ ቃሴካ ኣሾ ኣሞካ ፖሎፒቴ ጋይሰ። 17 ኣሾይ ኣያናይ ኮዮንታዝ ኣሞቴሰ። ኣያናይካ ኣሾይ ኮዮንታዝ ኣሞቴሰ፤ ሃይቲ ኢሶይ ኢሳራ ባ ጋርሳን ኢጻቲዛ ጊሸ ኣንቴ ኣንቴ ኮይዳ ማላ ኦፊኬታ። * 18 ኣንቴ ኣያናን ዲዛይታ ገዲኮ ዋጋሰ ሃራቴዛይታ ገዴኬታ።

19 ኣሾ ኦሶይ ቆንጮን ኤራቴሰ፤ ሄሲካ ላይማቴል፡ ቱናቴል፡ ላይማ ካሰ፡ 20 ኤቃሰ ጎይኖ፡ ቢታ፡ ኢጻቴል፡ ኦሽ፡ ቃናቴቴል፡ ሃንቆ፡ ባና ፃላ ደሶ፡ ሻኬቴል፡ ዙፔቴል፡ 21 ቃናቴቴል፡ ማሶቴል፡ ኣላሜ ዬል ዬጻሴ ኔይታንታ ሚሳቲዛይታ። ታኒ ኣንቴሰ ካሴ ዮቲዳ ማላ ሃሲካ ኣንቴ ናጌታና ማላ ቆፊሳይሰ። ሄሳ ማላ ዲሰ ዲዛይቲ ወሪካ ያሳ ካዎቴል ላቴቴና።

22 ኣያና ኣይፌይ ገዲኮ ሲቆ፡ ኡፋይሰ፡ ሳርቴል፡ ዳንዳያ፡ ኪያቴል፡ ሎዔቴል፡ ኣማኔቴል፡ 23 ኣሽኬቴል፡ ባርካ ባና ሃር፤ ሃይታንታ ማላ ዲጊዛ ዋጋይ ባዎ። 24 ዬሱስ ኪርሰቶሳሰ ገዲዳይቲ ኣሾ ኢዛ ኢታ ቆፋራኔ ኢዛ ኢታ ኣሞቴላራ ኢሲፌ ካቂዳ። 25 ኑ ኣያናን ዳና ኮይኮ ኣኔ ኣያናን ሲሜራቶሰ። 26 ኑኒ ኢሶይ ኢሳ ኢታሰ ዴንፊሊሽኔ ቃናቴቲሹ ጮ ማላ ጩቄቲዛይሳ ኣኔ ኣጎሰ።

6

ኣሰ ኡባሰ ሎዎ ኦሶ

1 ታ ኢሻቶ! ኢሲ ኣሲ ናጋራ ኦል ቤቲኮ ኣንቴ ቃሰ ኣያናን ሎዎ ዲዛይቲ ኢዛ ኣሽኬቴላራ ዛራናሰ ቤሴሰ፤ ገዶ ኣቲን ኔካ ኢዛይ ማላ ፓጩቶንታ ማላ ኔ ሁዔሰ ናጌታ። 2 ኣንቴ ኢሶይ ኢሳ ዴዎ ቶሆ ቶከቴ፤ ሄሳ ማላ ኦሶን ኪርሰቶሳ ዋጋ ፖሌታ። 3 ኢሳዴይ ኣይኔ ሃኖንታ ዲሼ ባና ገታሲዛ ሚሳቲኮ ሄሳዴይ ባርካ ባና ባሌሌሰ። 4 ኢሲ ኢሲ ኣሲ ባ ኦሶ ባርካ ፓጩ ጻሎ። ሄሳፌ ጉዬ ሃራ ኣሳራ ባና ገናሶንታ ዲሼ ኢዚ ባና ጩቄሲዛዚ ዴማና። 5 ኢሲ ኢሲ ኣሲ ባርካ ባ ቶሆ ቶካናሰ ቤሴሰ።

6 ቃላ ታማሪዛይ ኦኒካ ባ ታማሪዳ ሎዎ ሚሻ ባ ኣሰታማሪዛራ ጊሹቶ።

7 ባሌቶፍቴ ያሰ ቁሊጫ ኤሬና። ኣሲ ባ ዜሪዳር ኢዞ ዛሪ ማፃና። 8 ባ ኣሾ ኣሞ ኩንፋናሰ ዜሪዛዴይ ኣሾፔ ጻይሲ ማፃና። ኣያና ኡፋይሳናሰ ዜሪዳዴይ ገዲኮ ኣያናፔ ሚርና ዴዎ ማፃና። 9 ኣኔ ኑ ሎዎ ኦሶ ኦላናሰ ኣዛሎኮ፤ ኑ ኡፋይሲ ቃንዮንታ ኣጊኮ ዎዴይ ጋኪሺን ጋኪዳ ካል ኑ ማፃና። 10 ሄሳ ጊሸ ኑሰ ዳንዳይቲኮ ኣሳ ኡባሰ ሃራፔካ ኣማኒዛ ኣሳሰ ኣኔ ሎዎ ኦሶ።

ወርሴላ ዞሪኔ ሳርካ

11 ታኒ ታ ኩሼራ ኣንቴሰ ኣይ ማላ ገታ ፒዳሌን ፃፊዳኮኔ ኣኔ ጻለቴ። 12 ጮ ካሪ ባጋራ ቤታና ኮዩዛ ኣሳቲ ኣንቴ ቃፃሪታና ማላ ዎልቃላና ኮዩቴሰ። ኢሰቲ ሄሳ ኦልዛይ ኪርሰቶሳ ማሰቃሌ ጊሸ ገዲ ጎዴቶንታ ማላሳ። 13 ኢሰቲ ኣንቴ ቃፃሪታና ማላ ኮዩዛይ ኣንቴ ኣሾን ጩቄታናሰ ኮዩዛ ጊሸ ኣቲን ቃፃሪቲዳይቲ ዋጋ ናጊዛይታ ገዴቴና። 14 ቃሴ ኣላሜይ ታሰ፤ ታካ ኣላሜሰ፤

ካቄቲዳ ጎዳ ዬሱስ ኪርሰቶሳ ማሰቃሌንፔ ኣቲን ሃራን ጩቆይ ታፔ ሃኮ። 15 ቃፃሪቲን ዎይኮ ቃፃሪቶንታ ኣጊን ኢዛሰ ጎዳይ ባዎ። ጎዳይ ኦራላ ሜጴቴል ገዴላ። 16 ሃይሳ ሃ ኣዛዘዛ ካሊዛ ኢባታሲኔ ያሳ ዴሬ ገዲዳ ኢሰራዔሌ ኣሳታሰ ሳርቴልኔ ማርቴል ገዴ።

17 ታኒ ዬሱሳ ማላታ ታ ኣሳቴላን ቶካዲሰ፤ ሄሳ ጊሸ ሃሲ ታና ኦኒካ ዎይሴና።

18 ታ ኢሻቶ! ጎዳ ዬሱስ ኪርሰቶሳ ኣጶ ኪያቴል ኣንቴናራ ገደ! ኣሚን።

* 5:14 ሉዌ 19:18 * 5:17 ኦር 7:15-23

ጳውሎስ ኤፌሶን አሳሰ ፃፊዳ ኪታ ገደ ቆፋ

ጳውሎስ ኤፌሶን አሳሰ ፃፊዳ ኪታይ ሃራፕካ ካሴቲዲ ኢዚ ሎዔል ያለዛይ “ዎሳ ሸኔይ ፖሊታናይ ሳሎንኒ ሳዓን ዲዛ ማዴቲታቲ ወሪካ ኢሲፌ ኢሲ ኪርሰቶሳ ጎዳቲታ ጋርሰ አጳዛ ዎዴይ ጋኪሸና” (1:10) ገዛ ቆፋ ቦላ። ቃሴካ ጎዳ ዩሱስ ኪርሰቶሳ ኢሲፌቲታን አሳ ዜሬል ወሪካ ኢሲኖ ገዳና ማላ ሃይሳ ገታ ቆፋ ኦሶን ፔይሻና ማላ ዎሳ ዴሬዛ ቆፕሲዛዛ።

ኤፌሶን ኪታን ኮይር ኪፊሌዛ ፃፊዚ ኢሲፌቲታ ገሽ ደሚዲ አይፌ ዮዎዛ አሲዲ ዎሳ አዎይ ዴሬዛ ዎሰቲ ደሪዳኮ። ባናዛ ዩሱስ ኪርሰቶሳ ባጋራ ኢሰቲ ባናጋራፕ ማሮቲል ደሚዲ ዋኒ አቲዳኮን ዎሳ ገታ ሂደታ ቃላይ ያሎ አያና ባጋራ ዋኒ ቆንጩዳኮ ኤሪሴሰ። ናምዓንሉ ኪፊሌዛን ቃሴ ፃፊዚ ናባቢዛይቲ ኢሲፌቲታ ዴዎን ኪርሰቶሳን ኢሰታሰ ዲዛ ኢሲፌቲታይ ቱሙ ገዳና ማላ ኢሰቲ ዋኒ ዋኒ ዴዓናኮን ኢሰታ ቆፕሲሰ።

አሳይ ኪርሰቶሳን ዲዛ ኢሲፌቲታን አይ ማላ ኢሲፌቲል ኢሰታሰ ዲዛኮን ዴማ ዴማ ሃሳያ ቆሞታን ቆንጩዳሰ። ዎሳ ኬል ኪርሰቶሳ አሳቲል ገዲሺን ኪርሰቶሲ ቃሰ አሳቲታሰ ሁዔ ማላ። ዎሳ ኬልያ ገምቤ ኬል ማላ ገዲሺን ኪርሰቶሲ ቃሰ ኬልሰ ዴንቄሽን ኡቲዛ ሹቻ ማላ። ዎሳ ኬልያ ማቺ ማላ ገዲሺን ኪርሰቶሲ ቃሰ አዚና ማላ። ፃፊዚ ኪርሰቶሳ ባጋራ ቆንጩዳ ዎሳ ኪያቲታ ኬሂ ቶቂሲ ዮቲዛ ዎዴ ጩማቲል ዲዛ ቃላን ዮቲሰ። ኡባ ሚሸካ ኢዚ ያለዛይ ኪርሰቶሳ ሲቆን፣ ኢዛ ያርሸቲታን፣ ኢዛ ማሮቲታን፣ ኢዛ ኪያቲታን፣ ኢዛ ሳርቲታ ባጋራኮ!

ሃ ማፃፋይ ኦይኪዳ ኩማላ ቆፋ
ጌሎሶ 1:1-2
ኪርሰቶሳን ዎሳ ኬል 1:3-3:21
ኪርሰቶሳን ገዲዳ ኦራሳ ዴዎ 4:1-6:20
ኩሻ ቆፋ 6:1-24

1 ዎሳ ሸኔ ማላ ዩሱስ ኪርሰቶሳ ሃዎሬ ገዲዳ ጳውሎሳፕ። ዩሱስ ኪርሰቶሳን ዲዛ አማኔቲዛይታሰ ኤፌሶንን አማኒዛ አሳሰ። * 2 ኦ አዎ ዎሳፌኔ ጎዳ ዩሱስ ኪርሰቶሳፕ ኪያቲልኔ ሳርቲል ኢንቴሰ ገደ።

ኪርሰቶሳፕ ቤቲዛ አያና አንጆ

3 ኦ ጎዳ ዩሱስ ኪርሰቶሳ ባጋራ ሳሎን አያና አንጆ ኡባን ኦና አንጆዳ ጎዳ ዩሱስ ኪርሰቶሳ አዎይ ዎሲ አንጆቶ። 4 ኦ ኢዛ ሲንሳን ገሺኔ ዎሶይ ባይንዳይታ ገዳና ማላ ቡር አላማይ ማዴታናፕ ካሴ ባ ሲቆን ኪርሰቶሳ ባጋራ ኦና ደሪዳሰ። 5 ዩሱስ ኪርሰቶሳ ባጋራ ኦ ኢዛ ና ገዳና ማላ ባ ሎዎ ቆፋን ኮይር ወርሲ ዎላዴሰ። 6 ሄሲካ ባ ደሲዛይ ባጋራ ጮ ማላ ኦሰ አማቲዳ ቦንቾ ኪያቲታይ ጋላቲታና ማላ።

7 ዎሳ አጼ ኪያቲታ ዴሬቲታፌ ዴንደይሳን ዩሱሳ ሱላን ዎዜቲዲ ናጋራፕ ኦ ማሬቲደሰ። * 8 ኢዚ ባ ኪያቲታ፣ ሂላቲታንኔ ኤራቲል ኡባን ኦ ቦላ ኬሂ

* 1:1 ሃዎ 18:19-21 * 1:7 ቆላ 1:14 * 1:19-20 ማዛ 110:1 * 1:22 ማዛ 8:6

ዳርሲዳሰ። 9 ዎሲ ቆፕዳ ፀራ ባ ቆፋ ኪርሰቶሳ ባጋራ ባ ሎዎ ቆፋ ማላ ኦና ኤሪሲዳሰ። 10 ቡርፕ ዎዴ ወርሴላን ሃናናሰ ዲዛ ኢዛ ቆፋይ ሳሎ ቦላን ቦታ ቦላ ዲዛይታሰ ኡባሰ ሁዔ ገዲዳ ዩሱስ ኪርሰቶሳፕ ወርሲ ጋርሰ አሳናሳ። 11 ወርሲካ ባ ሸኔ ማላ ኦላዛ ኢዛ ሸኔን ኮይርካ ኢዚ ቆፕ ዎላዴይቲ ኦኒ ኢዛን ደሬቲደሰ። 12 ኦኒ ካሴቲዲ ኪርሰቶሳ ባጋራ ኤካና ገዲ ኡፋይሳን ናገዛይቲ ዎሳ ቦንቾ ጋላታን ቆንጩሳናሳ።

13 ኢንቴካ ቃሴ ቱማ ቃላ ሄሲካ ኢንቴና አሺዛ ሚሽራቾ ቃላ ሲይዲ ኪርሰቶሳን አማኒዳታ። ኢዛ አማኒዲ ካሴ አማታና ጌቲቲዳ ያሎ አያና ማታሚን አታሚቲዳታ። 14 ሄ አያናዚካ ኢዛ ቦንቾ ጋላታን ቆንጩሳና ማላ ዎሲ ኤራይሰ ገዲዳይታ ኡባታ ዎዛና ጋካናሰ ኦ ላታሰ ኦይሉ።

ጋላታይ ዎሳ

15-16 ሄሳ ገሽ ኢንቴ ጎዳ ዩሱሳ አማኒዳ ገሺኔ አማኒዛ አሳ ኢንቴ ሲቁዛይሳ ታ ሲዮሳፕ ሃ ሲሚን ኢንቴና ቆፕ ቆፕ ኤካዳ ታኒ ታ ዎሳን ኢንቴ ገሽ ዎሳሰ ጋላታ ሺሾ አጋቤይኬ። 17 ቦንቾ አዎ ገዲዳ ኦ ጎዳ ዩሱስ ኪርሰቶሳ አዎ ዎሳ ኢንቴ ሎዔል ኤራና ማላ ቆንጩሲዛ አያናይኔ ኤራቲታ አያናይ ኢንቴሰ አማታና ማላ ታ ኢንቴሰ ፓጩይ ባይንዳ ዎሳይሰ። 18 ሄሳታካ ኢንቴ ኢዛን ያይጌቲዳ ኡፋይሳይ ሄሲካ አማኒዛይታ አቻን ዲዛ ኢዛ ዴሬቲታይ አዛኮን ኢንቴ ኤራና ማላ ኢንቴ ዎዝና አይፌይ ፖዓና ማላ ዎሳይሰ።

19-20 ኦሰ አማኒዛይታሰ ኡባፌ ቦላ ገዲዳ ኢዛ ዎልቃ ቶቃቲል ኢንቴ ኤራና ማላ ታ ዎሳይሰ። ሄ ዎልቃይካ ኢዛ ገታቲታ ሚኖቲታ ኦሶን ቤሲዳይሲ ሃይቆፕ ኪርሰቶሳ ዴንገዲ ሳሎን ባ ኡሻቻን ኡቲሲዳ ኪርሰቶሳ ባጋራ። * 21 አይሲዛይታፕ፣ ጎዳቲላፕ፣ ዎልቃፌኔ ካዎቲላፌ ቃሴካ ሃዲ ያላ ገደንታ ቡርፕ ያና ዎዴካ ገዲን ሱንል ኡባፌ ኢዚ ቦላ። 22 ዎሲ ሃራ ወርሲ ኢዛ ቶሆፕ ጋርሳን ሃሪሲዳሰ። ዎሳ ኬላንካ ኡባ ቦላ ሁዔ ኦላዴሰ። * 23 ዎሳ ኬልያ ኪርሰቶሳ አሳቲታ። ሄ ኢዛካ ኡባሶን ኡባ ሚሽ ኩንገዲዛ ሄ ኢዛ ኩማላ።

2

ኪርሰቶሲ ፓዲ ዴንዲዳሰ

1 ኢንቴ ኢንቴ ቆሂዳ ቆሆ ገሺኔ ኢንቴ ናጋራ ጋሶን ሃይቁዴይታ ሺን፣ 2 ሄሳ ኢንቴ ሃይሳ አላማዛ ኢታ ኦጌ ካሊዴታ። ቦላ ጫርኮ ቦላ ዲዛ ዎልቃማ ሃሪዛይሳሰ ሃዲካ ዎሳሰ አዛዜቶንታ አሳ ቦላ ኦላዛ ኢታ አያናሰ ኢንቴ አዛዜቲሽ ጋምዒዳታ። 3 ሃይሳፌ ካሴ ኦኒ ኦ አሾ አዎቲል ፖሊሽ አሾይ ኮዪዛ ኦጌ ካሊሽ ኢሰታራ ደሰ። ኦኒካ ሃንኮ አሳ ማላ ኦ ማዴቲታፌ ዎሳ ሃንቆ ገደን ዴዎሰ።

4-5 ገደ አቲን ዎሲ ኬሂ ሲቁዳ ገሽ ባ ማሮቲታ ዳርን ኦኒ ኦ ቆሆ ዳሬቲታን ሃይቁዴይታ ገዲ ዲሺን ኪርሰቶሳ ባጋራ ኦና አሺዳሰ። ኢንቴ ፓዲዳይ ኢዛ ኪያቲታና። 6 ዎሲ ኦና ኪርሰቶሳራ ጋል ዴንገዲዳሰ። ዩሱስ ኪርሰቶሳ ባጋራ ኦና ሳሎን ባናራ ኡቲሲዳሰ። 7 ሄሲካ ሃይሳፌ ጉዬ ያና ዎዴዛን ዩሱሰ ኪርሰቶሲ ኦሰ ባ ኪያቲታን ቆንጩሲዳ ዛዎይ ባይንዳ ባ ኪያቲታ ዴሬቲታ ኦና ቤሳናሳ። 8 ኢንቴ ዎሳ ኪያቲታን አማኖን አቲዳታ። ሄሲካ ዎሲ ኢንቴሰ ማላ ጮ አሚዳዛፕ አቲን

* 1:1 ሃዎ 18:19-21 * 1:7 ቆላ 1:14 * 1:19-20 ማዛ 110:1 * 1:22 ማዛ 8:6

አንቲ ኦሪፔ ገደና። 9 ኦኒካ ጨቆቶንታ ማላ ኦሪፔ ገደና። 10 ሄሲካ ያሲ ካሴ ኮይሮ ገገሲ ዋሊዳ ሎዎ ኦሪ ኦኒ ኦላና ማላ ዩሱስ ኪርስቶስ ባጋራ ኦኒ ናምዓንጎ ሜዴቲዳይታኔ ያሳ ሜዴቲዳታ።

ኪርስቶስን በቲዳ ኢሲፊቴል

11 ሄሳ ገሽ አንቲ ካሴ አንቲ ዩሌቴላን ኣይዛቤቲ አንቲ ኣሳቴላ ቦላ ኣሳ ኩሼ ኦሪ ገደን “ኦኒ ቃፃሬቲደስ” ገዛ ኣሳቲ አንቲና “ቃፃሬቶንታይታ” ገዛይቶ! አንቲ ሄሳ ኣኔ ዋዘናን ዋሊቴ። 12 አንቲ ሄ ዋዴ ኪርስቶስፔ ሻኬቲዳ፣ ኢሲራዔል ናይታፔ ሃኪዳ፣ ጫቆ ቃላሲካ ኣላጋ ገዲዳ፣ ሃይሳ ኣላሜዛ ቦላ ሂደታይኔ ያሲ ባይንዳ አንቲ ካሴ ዲዛይሳ ዩሽ ቆፒቴ። 13 ሃሲ ቃሴ አንቲ ካሴ ሃሆን ዲዛይቲ ዩሱስ ኪርስቶስን ገዲዳ ኢዛ ሱላ ባጋራ ሸቂይታ።

14 ናምዓታ ኢሲ ቦላ ጋሊዳ ገደን ሻኪ ኦሽዛ ሚሻ ላሊዳ ኦ ሳርይ ኢዛ። 15 ዋጋ፣ ዋጋ ኣዛዘራ ጋሊ ኢሲፊ ባ ኣሾን ሻራዴስ። ሄሳ ኢዚ ኦሊዳ ጋሪይ ኢዛስ ዋና ቆፋይ ናምዓታፔ ኢሲ ኦራላ ኣስ ባ ባጋራ ሜዲዳ ሳርቴል ኤሃናሳ። 16 ኢዚ ማስቃሌ ቦላ ሃይቂዳ ዋርኬቴል ዲገደስ። ናምዓታካ ኢሲ ኣሾ ሂሰቲዳ ያሳራ ማቃዩንገሊዳስ። * 17 ኢዚ ዩዳ አንቲና ሃኪ ዲዛይታሲኔ ማታን ዲዛይታስ ጋሊ ሳርቴል ሳባኪዳስ። * 18 ኦ ወሪካ ኢዛ ባጋራ ኢሲ ኣያናን ኣዋ ኣኛ ሸቃና።

19 ሄሳ ገሽ አንቲ ኣማኒዛይታራ ኢሲፊ ኢሲ ዴሪ ኣሳኔ ያሳስ ሶ ኣሳ ኣቲን ሃይሳፊ ጉዩ በቲታኔ ኢማላታ ገዴኬታ። 20 አንቲ ሃዋሬታኔ ናቤታ ባሳን ኬፃቲዳታ፣ ኬላስ ወርሴላ ኩሻይ ዩሱስ ኪርስቶስ። 21 ኬላዚ ወሪካ ኢሲፊ ኦይኬቲዳ ጎዳስ ዲማ ኬሌ ገደናስ ዲጩስ። 22 አንቲንካ ያሲ ባ ኣያናን ዳናስ ኢዛስ ዲሳሶ ገደና ማላ ኢሲፊ ኬፃቲሾ ዴታ።

3

ኣይዛቤታስ ሃዋሪ ገዲዳ ጳውሎሳ

1 ሄሳ ገደን ታ ጳውሎሲ አንቲስ ኣማኖንታይታ ገሽ ዩሱስ ኪርስቶስ ቃቺዳዴ ገዲዳስ። 2 ታ አንቲና ጎሃና ማላ ያሲ ኪያቴላን ታስ ኦሪስ ኤፃ ኢሚዳይሳ አንቲ ቱማፔ ሲዩዴታ። 3 ሃይሳፊ ካሴ ታ አንቲስ ቃንሳራ ፃፊዳ ማላ ታስ ቆንጩን ታ ኤራናስ ዳንዳዩዳ ፀራይ ሃይሳ። 4 ሄሳ ገሽ አንቲ ሄሳ ናባቢሾ ኪርስቶስ ፀራ ታ ኣይ ማላ ኤሪዳኮኔ አንቲካ ኤራናስ ዳንዳዩታ። 5 ሄ ፀራይካ ሃሲ ኣማኒዛ ሃዋሪታሲኔ ናቤታስ ቆንጩዳ ማላ ካሴ በኒ ኣዲዳ ዋዴ ዲዛ ኣሳታሰካ ቆንጩቤና። 6 ሄሲ ሄ ፀራይ ኣይዛቤቲ ሚሽራቾ ቃላ ባጋራ ኢሲራዔል ናይታራ ኢሲፊ ላቲዛይታ፣ ኢሲፊ ኣሳዴ ኣሳቴል ማላ ገዲዳ ዩሱስ ኪርስቶስ ባጋራ በቲዳ ሂደታ ኢሲፊ ገሽቲ ላቲዛይታ ገደናሳ።

7 ታካ ኢዛ ዋልቃ ኦሪ ማላ ታስ ኢሜቲዳ ያሳ ኪያቴላ ኢሞታ ማላ ሃይሳ ሚሽራቾ ቃላ ኦሳንቻ ገዲዳስ። 8 ታ ቃስ ሃንኮ ኣማኒዛ ኣሳፔ ላፋ ገዲዳካ ኦኒካ ዛዋይ ባይንዳ ኪርስቶስ ዲሬቴል ኣይዛቤታስ ሳባካና ማላ ያሳ ኪያቴላን ሃይሲ ታስ ኢሜቲዳስ። 9 ሄሳላካ ወርሲካ ሜዲዳ ያሳን በኒ ዋዴ ቆቴቲ ዲዛ ያኦሳስ ፀራ ቆፋይ ኣዛኮኔ ኡባስ ታ ቆንጩሳና ማላ ታስ ያሳ ኪያቴል ኢሜቲዳስ። 10 ኢዛ ቆፋይ ሃሲ ዋዴ ዋሳ ኬላ

ባጋራ ዲማ ዲማ ሜዳይ ዲዛ ያሳ ሂላቴል ሳሎን ዲዛ ሃላቃታሲኔ ጎዳታስ ኤሬታና ማላ ሃኒዴስ።

11 ያሲ ኦ ጎዳ ዩሱስ ኪርስቶስ ባጋራ ሃይሳ ፖሊዳይ ሚርና ባ ቆፋ ማላ። 12 ኦኒ ኢዛይታ ገዲዳ ገሽኔ ኢዛን ኣማኒዳ ገሽ ገሻቴላራኔ ሂርጋይ ባይንዳ ኦኒ ያሳኮ ሸቃና ዳንዳዩስ። 13 ሄሳ ገሽ አንቲ ቦንቼታና ማላ ታኒ አንቲ ገሽ ታ ቦላ ጋኪዳ ዋዩዛን አንቲ ኡፋይስ ቃንጾንታ ማላ ታ አንቲና ሃደራ ጋይስ።

ኤፌሶን ኣማኒዛ ኣሳስ ዋሴቲዳ ዋሳ

14 ሄሳ ገሽ ታኒ ያሳ ሲንላን ጉልባታይስ። 15 ሳሎን ዲዛይኔ ቢታ ቦላ ዲዛ ኢዛሶ ኣሳይ ወሪካ ኢዚ ሱንጉልን ሱሜስ። 16 አንቲ ጋርሳ ባጋራ ሚርና ማላ ኣያና ባጋራ ኢዛ ቦንቾ ዲሬቴላይ አንቲስ ኢሚታና ማላ ታ ዋሳይስ። 17 ሄሲካ ኪርስቶስ አንቲ ዋዘናን ኣማኖን ዳና ማላኔ ቃሴካ አንቲ ኢዛን ፃጲዳ ሲቆን ሚርና ማላ። 18 ኪርስቶስ ሲቆስ ኣሆቴላይ፣ ኣዲሳቴላይ፣ ቶቃቴላይኔ ጨማቴላይ ኣይ ገናኮ አንቲ ኣማኒዛ ኣሳ ኡባራ ኢሲፊ ሻኪ ኤራና ማላ። 19 አንቲ ያሳ ኩሜላራ ሻኪ ኤሪዳ ኢዛን ኩሜል ገደና ማላ ኣሳ ኤራፔ ቦላ ገዲዳ ኪርስቶስ ሲቆ አንቲ ኤራና ማላ ታ ዋሳይስ። 20 ሄሳ ገሽ ኦ ገደን ኦሊዛ ባ ዋልቃ ገና ኦ ዋሲዛይሳፊኔ ዋይኮ ኦ ቆፒዛይሳፊ ኡባፊ ቦላራ ኬሂ ዳርሲ ኦላናስ ዳንዳዩዛ ያሳስ። 21 ዋሳ ኬላን ቃሴካ ዩሱስ ኪርስቶስ ባጋራ ዋዴ ኡባን ሜርናፔ ሚርና ጋካናስ ኢዛስ ቦንቾይ ገደ። ኣሚን።

4

ኪርስቶስ ባጋራ በቲዳ ኢሲፊቴል

1 ሄሳ ገሽ ጎዳ ሱንላን ቃሽቲዳ ታኒ አንቲ ፃይጌቲዳ ፃይሳስ በሲዛ ዲስ ዳና ማላ አንቲና ዋሳይስ። 2 ሙሉካ ኣሽኬታኔ ሹጎታ ገዲቴ። ኢሶይ ኢሳራ ሲቆን ዲቴኔ ኢሶይ ኢሳ ዳንዳዩቴ። * 3 ሳርቴል ኢሚዛ ኣያና ኢሲፊቴል ናጋናስ ሚኒቴ። 4 አንቲ ፃይጌቲዳ ጋላስ ኢሲ ሂደታኮ ፃይጌቲዳ ማላ ኢሲ ኣሳቴልኔ ኢሲ ኣያናይ ዳስ። 5 ኢሲ ጎዳይ፣ ኢሲ ኣማኖይኔ ኢሲ ፃንቃታይ ዳስ። 6 ኡባፊ ቦላራ ገዲዳይ፣ ኡባ ቦላ ኦሊዛይ፣ ኡባሶን ዲዛይ፣ ኡባስ ኣዋ ገዲዳ ኢሲ ያሲ ዳስ።

7 ገዲዳኮካ ኪርስቶስ ኣማና ገ ቃቺዳ ማላ ኦስ ኢሳስ ኢሳስ ዲማ ዲማ ኢሞቴል ኢሜቲዳስ። 8 ሄሳ ገሽ “ኢዚ ፑዴ ኬዚዳ ዋዴ ዲዎ ዲዒዴስ፤ ኣሳስ ኪያቴላ ኢሞታ ኢሚዳስ”

ጌቲቲ ገሻ ማፃፃን ፃፊቲዳስ። * 9 ሂሰቲን “ኢዚ ፑዴ ኬዚዳስ” ጉሲ ቃሴካ ዲጌ ቢታ ጋርስ ዋዲዳስ ጉስ ገደንታ ኣገኮ ሄሲ ኣይ ጉሴ? 10 ኢዚ ዲጌ ጋርሴ ዋዲዳይሲ ኩሜል ኣላሜ ሜዴቴል ኩማና ማላ ሳሎፔካ ቦላ ኬዚዳይ ኢዛ።

11 ኢሲ ኢሲ ኣሳቲ ሃዋሪታ፣ ባጋቲ ናቤታ፣ ሃራቲ ሚሽራቾ ቃላ ሳባኬ፣ ባጋይቲ ቃሴ ሃሚዛይታኔ ታማርሲዛይታ ገደና ማላ ኢዚ ኢሞታ ኢሚዳስ። 12 ሄሲካ ኪርስቶስ ኣሳቴል ገዲዳ ዋሳ ኬሊያ ኬፃታና ማላ ኣማኒዛይታ ኣማኖ ኦሪስ ገገሳናሳ። 13 ሄሲካ ሃናናይ ኦ ወሪካ ያሳ ና ኣማኖኒኔ ኢዛ ኤርን በቲዛ ኢሲፊቴላኮ ጋኪዳ ኩሜላ ኣስ ገደናስ ኪርስቶስን ኦኒ ኪርስቶሳላ ኩሜልኔ ፖሎ ገደና ማላ።

* 2:16 ቆላ 1:20 * 2:17 ኢሳ 57:19 * 4:2 ቆላ 3:12-13 * 4:8 ማዛ 68:18

14 ሃሳ ገሽ አባ ቦላ ዳንዲዛ ጎቴ ጫርኮይ ሄኔ ሃ ሸጩቸዛ ማላ ዲማ ዲማ ተሚርቴ ጫርኮን አሳ ጌኔኔኔ ባሌሉን ኣኔ ኑኒ ሄኔ ሃ ጸንቁቲሽ ቁሪ ጉላ ናይታ ማላ ሃኖኮ። 15 ሃሳሎ ሃኖ ኣገዲ ቱማ ሲቆን ሃሳዩሽ ሁዔ ገዲዳይሳኮ ሃኒዛዛን ኡባን ኣኔ ዲጮሰ። ሄ ሁዔዚካ ከርሰቶሳ። 16 ኢዛ ጌዶን አሳቴላ ወሪ ፃጸን ኣይኬቲዲ ኢሲ ኢሲ አሳቴላ ባ ኦሶ ኦላሽ ወሪካ ሲቆን ዲጩሲኔ ባናካ ሚንጭሰ። *

ፖፖ ናይታ ማላ ዲሰ

17 ኣይዛቤታ ማላ ጮ ማላ ቆፋን ማላ ሲሜሬታናስ ኢንቴሰ ቤሴና ጋዳ ታ ኢንቴና ዘራይሰ። 18 ኢሰታ ዎዝናይ ሙሚዳ ገሺኔ ዩሽ ቆፖንታ ገሽ ኢሰታ ዎዝና ኣይፊይ ቆቁዳሰ። ኢሰቲ ያሳ ዳፖፔ ሻኬቲዳ። 19 ኢሰታ ዎዝናይ ደጪዳ ገሽ ካሎይ ባይንዳ ባ ኮይዳ ማላ ባና ካልሉንታ ኣሞኒኔ ቱናቴላን ዳናስ ዎጋይ ባይንዳ ኢታ ኦሶስ ባና ኣላ ኢሚዳ።

20 ኢንቴ ቃሴ ከርሰቶሳ ሄሳ ማላን ኤሪቤይኬታ። 21 ኤ ቱሙካ ኢንቴ ኢዛ ገሽ ሲዩዳታኔ ዩሱሳን ዲዛ ቱማ ኢዛፔ ታማሪዳታ። 22 ኢንቴ ካሴ ዲዛ ዲሳይ ባሌላዛ ኣሞን ቂታቲዳ ገሽ ካሴ ጩጋ አሳቴላ ኢንቴፊ ቃሪ ዩጋና ማላ ታማሪዳታ። * 23 ቃሴካ ኢንቴ ቆፋይ ኣያናን ኦራፖ። 24 ቱሙ ዓሎቴላኒኔ ጌሻቴላን ያሴ ሚሳታና ሜዴቲዳ ኦራሳ አሳቴላ ማይዲቴ። *

25 ኑ ወሪካ ኢሲ ኣሾ ገዲዳ ገሽ ዎርዶቴላ ዲገዲ ኑኒ ኑ ጋርሳን ኢሶይ ኢሳራ ኣኔ ቱማ ሃሳኖሰ። *

26 ሃንቁቲቲ ሺን ናጋራ ኦሶፍቴ፤ ኢንቴ ሃንቆን ዲሺን ኣዎ ኣርሺይ ወሎፎ። * 27 ያላዔሰ ሶሆ ኣሞፍቴ። 28 ካሴ ካይሶቲዛዳይ ሃይሳፊ ጉዬ ካይሶቶፓ። ገዶ ኣቲን ሜቶቲቲዲ ኢዛ ዎሲዛይታሰ ኢሚዛ ሚሽ ኢዛ ኩሺን ዳና ማላ ሎፖ ሚሽ ባ ኩሺራ ኦላ ዳማናስ ደቡር።

29 ኮሺዛ ማላ ሃንኮ ሲዩዛይታ ጎዲዛዚኔ ማዲዛ ቃላፔ ኣቲን ጎይይ ባይንዳ ቃላይ ኢንቴ ዲናፔ ኬዘፖ። 30 ኢንቴ ኣታና ጋሳሳሰ ኣታሜቲዳ ያሳ ዓሎ ኣያና ሚሽሶፐቴ። 31 ጫዎ ዮፖ ወርሲ ሃንቆካ፣ ዩሎ፣ ኦሽ፣ ጫሽ፣ ቃሴካ ሃንኮ ሃራ ኢታቴላ ወርሲ ኢንቴፊ ዲገቴ። 32 ኢንቴና ያሴ ከርሰቶሳ ባጋራ ኣቶ ገዳ ማላ ኢንቴካ ኢንቴ ጋርሳን ኣቶ ኣቶ ጌቴቴ፤ ኢሶይ ኢሳራ ከያታኔ ኢሶይ ኢሳሰ ቃዴቲዛይታ ገዲቴ። *

5

1 ሃሳ ገሽ ኢንቴ ደሴቲዛ ናይታ ማላ ያሴ ሚሳቲቴ። 2 ከርሰቶሲ ኑና ሰቂዳ ማላ ቃሴካ ኑ ገሽ ባና ሳዊዛ ያርሾ ኦላ ያሳሰ ኢሚዳ ማላ ኢንቴካ ሲቆን ሲሜሬቲቴ። *

3 ላይማይ ዎይኮ ቱናቴላ ዎይኮ ኡዜቴላ ሙሌካ ኢንቴ ገደን ቤቶይ ኣቲን ዘገርሲካ ሲዬቶፎ። ሄሳ ማላይ ጌሻ ያሳ አሳሰ ቤሴና። 4 ኢንቴ ጋላታ ጋላቲዛይታ ገዲቴ ኣቲን ኣሴ ዩላቺዛ ላፋ ሃሳያይ ጮ ኤያቴላ ዮፖይ ኢንቴሰ ቤሶንታ ገሽ ሃሳ ማላይ ኢንቴ ጋርሳን ደፖ። 5 ቃሴካ ኢንቴ ላይማቲዛይታሰ ዎይኮ ቱናታሰ ዎይኮ ኡዜቴዛይታሲኔ ኤቃሰ ጎይኒዛይታሰ ከርሰቶሳ

* 4:16 ቆላ 2:19 * 4:22 ቆላ 3:9 * 4:24 ቆላ 3:10 * 5:2 ኪሳ 29:18፤ ማዛ 40:6 * 5:16 ቆላ 4:5 * 5:22 ማዲ 2:24 * 6:1 ቆላ 3:20

ካዎቴላኒኔ ያሳ ካዎቴላን ኢሰታሰ ላታሶይ ባይንዳይሳ ኢንቴ ኤሪቴ።

6 ኢንቴና ኦኒካ ዎርዶ ሃሳኖን ባሌሎፎ። ጋሶይካ ያሳ ሃንቆይ ኢዛሰ ኣዛዜቶንታ ናይታ ቦላ ያናይ ሃይታንታ ማላና። 7 ሃሳ ገሽ ሃሳንታ ማላራ ዙፔቶፐቴ። 8 ካሴ ኢንቴ ቆማ ሺን ጎዳን ሃዲ ኢንቴ ፖፖ። ኢንቴ ፖፖ ናይታ ማላ ዲቴ። 9 ፖፖሰ ኣይፊይ ሎዔቴላን፣ ዓሎቴላኒኔ ቱማቴላን ኡባን ዴሰ።

10 ሃሳላካ ጎዳ ኡፋይሲዛ ሚሽ ኮዩቴ። 11 ኣይፊይ ባይንዳ ቆማ ኦሶራ ኢንቴሰ ኣይኮ ጋጎቴላ ደፖ። ሃሳፊ ኢታ ኦሶ ቆንጩ ኬሲቴ። 12 ቆማን ዲዛ ኣሳቲ ጌማን ኦላዛ ሚሻ ገሽ ሃሳያይካ ዩላቺሰ። 13 ፖፖይ ፖራዲዚ ወሪ ቆንጩን ቤቴሰ። 14 ጋሶይካ ወርሲ ቤሲዛይ ፖፖ። ሃሳ ገሽ “ኔና፣ ቆሰኪዛይሶ ቤጋ! ሃይቆፔ ዳንዳ፣ ከርሰቶሲ ኔሰ ፖራሳና” ጌቴቲዳሰ።

15 ሃሳ ገሽ ኤሪቴላ ባይንዳይታ ማላ ገደንታ ኢንቴ ዎኒዲ ኤራታ ማላ ዳናኮኔ ናጌቴቴ። 16 ሃይሲ ዎዴዚ ኢታ ገዲዳ ገሽ ሃሳ ሎዔላ ኤሪቴ። * 17 ሃሳ ገሽ ኤያታ ገደፐቴ፤ ጎዳ ሺኔይ ኣዛኮኔ ዩሽ ቆፐቴ።

18 ኣያናይ ኩሚዳይታ ገዲቴ ኣቲን ማሶሲዛ ኡሻን ማሶቶፍቴ። ሄሲ ማላ ሚሻ ላሌላ። 19 ኣያና ዩላን ጋላታራ ጋላ ዩዒሽ ኢንቴ ገደን ኢሶይ ኢሳራ ሃሳዬቴቴ። ኢንቴ ሳባኒኔ ዩላን ኩሚሳ ዎዝናፔ ጎዳ ጋላቲቴ። 20 ሃሳን ያሳ ኣዎ፣ ጎዳ ዩሱሰ ከርሰቶሳ ሱንሳ ኡባ ሚሻሰ ኡባ ዎዴ ጋላቲቴ።

ማቾኔ ኣዚና

21 ኢንቴ ከርሰቶሳ ቦንቾሰ ገዲ ያሻራ ኢሶይ ኢሳሰ ኣዛዜቴቴ።

22 ማቾቶ ኢንቴ ጎዳሰ ሃሬቲዛ ማላ ኢንቴ ኣዚናታሰ ሃሬቲቴ። * 23 ከርሰቶሲ ባ ኣሾ ገዲዳ ዎሳ ኬላይሰ ሁዔ ገዲዳ ማላ ኣዚናይካ ባ ማቾይሲ ሁዔ። 24 ሃሳ ገሽ ዎሳ ኬላያ ከርሰቶሳሰ ኣዛዜቴዛ ማላ ማቾቲካ ባ ኣዚናታሰ ኣይ ሃኖንካ ኣዛዜታናሰ ቤሴሰ።

25 ኣዚናቶ! ከርሰቶሲ ዎሳ ኬላዮ ሰቂዳ ማላኔ ባና ኢዚ ገሽ ኣላ ኢሚዳ ማላ ኢንቴካ ኢንቴ ማቾታ ሰቂቴ። * 26 ባ ቃላ ባጋራ ሃላን ሚጪ ጌሺዲ ኤራይሰ ዲማሲዳ ማላ። 27 ሃሳላካ ቂታይ ዎይኮ ኣይፊሶ ዓርጾቴላ ዎይኮ ኢሲ ኢታይ ኢዚ ቦላ ቤቶንታ ጌሺኔ ባላይ ኢዚ ቦላ ባይንዳር ቦንቾ ዎሳ ኬላ ሃሰቲዲ ኤራይሰ ሺሻናሳ። 28 ኣዚናቲካ ሃሳሶ ባ ማቾታ ባ ኣሾ ማላ ሲቃናሰ ቤሴሰ። ባ ማቾ ሲቁዛዳይ ባና ሲቁሰ። 29 ባርካ ባና ኢዒዛዳይ ኦኒካ ባዎ። ባ ኣሾሰ ሚሲኔ ባና ናጌሰ። ከርሰቶሲካ ዎሳ ኬላሰ ሂኒሶ ኦላዴሰ። 30 ኑኒ ከርሰቶሳ አሳቴላ። 31 ሃሳ ገሽ “ኣሲ ኣዮኔ ኣዎ ኣገዲ ባ ማቾይራ ኢሲኖ ገዴሰ፤ ናሞዳይካ ኢሲ ኣሾ ገዴቴሰ” ጌቴቲ ጌሻ ማፃፋን ያፊቲዳሰ። * 32 ሃይሲ ዳር ፀራ ዮፖ፣ ታካ ሃይሳ ከርሰቶሳ ገሺኔ ዎሳ ኬላ ገሽ ዮታይሰ። 33 ገዲኮካ ኢንቴፊ ኢሲ ኢሳዳይ ባ ማቾ ባና ሲቁዛ ማላ ሲቆ፤ ማቻካ ባ ኣዚና ቦንቾ።

6

ዩሌዳይታኔ ናይታ

* 4:25 ዛካ 8:16 * 4:26 ማዛ 4:4 * 4:32 ቆላ 3:13 ቆላ 3:18፤ 1ጴፅ 3:1 * 5:25 ቆላ 3:19፤ 1ጴፅ 3:7 * 5:31

1 ናይቶ! ኢገቲ ኢገቲና ዩሊዳይታሰ ጎዳን ኣዛዘቲቲ። ሄሲ ኢገቲሰ ቤሴሰ። * 2 “ኔ ኣዋኔ ኔ ኣዩዮ ቦንቻ” ገዛ ኣዛዘ ገደን ዲዛ ሂደታይ ኮይሮ ኣዛዘ። 3 ኔ ሄሳሉ ኦሊኮ ኔሰ ሎዓና ኔሰ ላይሳይ ቢታ ቦላ ኣዲቃና። 4 ዩሊዳይቶ! ኢገቲካ ኢገቲ ናይታ ሃንቁፍቴ፤ ገደ ኣቲን ኢገቲ ናይታ ጎዳ ዘሬኒኔ ሴራን ዲቸቲ። *

22 ኢገቲ ኑ ሃኖቴል ኤራና ማላኔ ኢገቲ ዋዝና ኢዚ ሚንጮላና ማላ ታ ኢዛ ኢገቲኮ ዩዳዲሰ። * 23 ኣዋ ያሳፊ፥ ጎዳ ዩሴሰ ኪርሰቶሳፔ ሳርቴላኔ ሲቆይ ኣማኖራ ኢገቲሰ ታ ኢሻታሰ ገደ። 24 ጎዳ ዩሴሰ ኪርሰቶሳ ፓጩይ ባይንዳ ሲቁዛ ኡባሰ ሳርቴላ ገደ። ኣሚን።

ኦሊሲዛይታኔ ኦሊዛይታ

5 ኦሳንቻቶ ኢገቲ ኪርሰቶሳሰ ኣዛዘቲዛ ማላ ቢታ ቦላ ኢገቲና ኦሊሲዛይታሰ ያሻቴላኒኔ ቦንቻን ሱሬ ዋዝናፔ ኣዛዘቲቲ። 6 ጮ ኣሳ ኣይፊን ቤታና ማላኔ ኦሊሲዛይታፔ ዲና ኣንጆ ኤካናሰ ገደንታ ኢገቲ ኪርሰቶሳ ኣይሌታ ማላ ያሳ ሼኔ ኩሚላ ዋዝናፔ ፖላና ማላ ዋዝናፔ ኣዛዘቲቲ። 7 ኣሳሰ ኦሊዛ ማላ ገደንታ ጎዳሰ ኦሊዛ ማላ ኢገቲ ኩሚላ ዋዝናፔ ኦሊቴ። 8 ጋሶይካ ኣይሌ ገደን ዋይኮ ጎዳ ገደን ባ ኦሊዛ ሎዖ ኦሶሰ ኡባሰ ዋይቶ ኤካናይሳ ኢገቲ ኤሬታ። 9 ኢገቲኖ ጎዳቶ! ኢገቲካ ኢገቲ ኦሊሲዛይታሰ ሄሳሉ ኦሊቴ። ኢሰታሲኔ ኢገቲሰ ጎዳ ገደዲይ ቦላ ሳሎን ዲዛይሳ፤ ኢዚካ ኣሰ ኣይፊሶ ያሊ ማደንታይሳካ ኢገቲካ ኤሬዛ ገሽ ኦሳንቻታ ባቢሶ ኣገዲ ሎዖ ኦሊቴ። *

ያሳፊ ቤቲዛ ኦላ ሚሽ

10 ሃራ ባጋራ ሚኖ ጎዳኒኔ ኢዛ ገታ ዋልቃን ሚኒቲ። 11 ዳቡሎሳ ጌኔ ኦሶ ኢገቲ ኤቁታናሰ ዳንዳያና ማላ ያሳ ኦላ ማይዖታ ማይቲ። 12 ጋሶይካ ኑ ኦሌታናይ ኣሾራኔ ሱላራ ገደንታ ሃይሳ ጳማ ኣላሚዛ ሃሪዛ ጎዳታራኔ ዋልቃማታራ ቃሴካ ሳሎ ቦላ ዲዛ ቲና ኣያና ኦላንቻታራ ኦሌቶሰ። 13 ኢታ ጋላሳይ ጋኪሽን ኢገቲ ሞርኬ ዋልቃራ ኤቁታናሰ ዳንዳያና ማላ ያሳ ኦላ ማይዖታ ኩሚላ ማይዒቲ። ኢገቲ ኡባካ ፖሊዳፔ ጉዬ ሚኒ ኤቃናሰ ዳንዳዬታ። 14 ሄሳ ገሽ ኢገቲ ያሳን ቲማ ዚናሬ ማላ ዳንጩቲዲ ያሎቴላ ፀሩሬታ ማላ ቲራን ማይዒዲ። ** 15 ሳርቴላ ሚሽራቾ ቃላ ቶሆን ጫማ ማላ ኣሊዲ ገጌቲ ኤቁቲ። * 16 ሄይታንታፊካ ቦላራ ታማ ማላ ፖፖልዑ ገዛ ኢታ ኣያና ዋንዳፊታ ኢገቲ ወርሲ ቶይሳና ዳንዳያና ማላ ኣማኖ ጎንዳሌ ማላ ዳንሊቴ። 17 ኣቶቴል ቢራታ ቆቤ ማላ ሁዔን ዋሊቴ። ኣያና ገላ ማሻ ኦይኪቴ፤ ሄሲካ ያሳ ቃላ። * 18 ዋሳን ኣይ ሃኖንካ ኣያናን ዋሲቴ። ሄሳ ቆፒዲ ቤጌቲ፤ ኣማኒዛይታ ኡባ ገሽ ቃንዖንታ ዋኣሲቴ። 19 ታኒ ሚሽራቾ ቃላ ፀራ ኣሳሰ ቆንጨሳናሰ ዲና ዶዩዛ ኡባ ዋዴ ያሽ ባይንዳ ታ ያላቴላን ዮታና ቃላይ ታሰ ኢሚታና ማላ ታሰ ዋሲቴ። 20 ታኒ ሚሽራቾ ቃላ ገሽ ሳንሳላታን ቃሽታዳ ኪቴቲዳዴ ገደዲይ ሄሳሳ። ሄሳ ገሽ ታ ዮታናሰ ቤሲዛይሳ ባቦንታ ዮታና ማላ ታሰ ዋሲቴ።

ወርሴላ ሳርካ

21 ታ ኣይ ማላ ዲዛኮኔ ኣይ ኦሊዛኮ ኢገቲ ኤራና ማላ ደሴቲዳ ታ ኢሻይ ጎዳሰ ኣማኔቲዳ ኦሳንቻቲ ቲቁቆሲ ኢገቲሰ ሃኒዳይሳ ወርሲካ ኢገቲሰ ዮታና። *

* 6:4 ቆላ 3:21 * 6:9 ቆላ 4:1፤ ዛሬ 10:17፤ ቆላ 3:25 * 6:14 ፀሩሬ ጉሲ ቤኒ ዋዴ ኦላ ኣሳቲ ቲራን ማይዒዛ ኦላ ማይዖ። * 6:14 ኢሳ 11:5፤ 59:17 * 6:15 ኢሳ 52:7 * 6:17 ኢሳ 59:17 * 6:21 ሃዋ 20:4፤ 2፻ዎ 4:12 * 6:22 ቆላ 4:7-8

ጳውሎስ ፕሊ.ጲ.ሲ.ዮ.ሴ ኣሳሰ ፃፊ ድ ኪታ ጊዶ ቆፋ

ጳውሎስ ሃ ኪታዛ ፃፊ ድይ ማቁዶኒያ ጌቴቴዛ ኦሮሚ ካዎይ ሃሪዛሶን ዲዛ ፕሊ.ጲ.ሲ.ዮ.ሴ ጌቴቴዛ ዳሬን ዲዛ ዎሳ ኬላይሳ። ሄና ሄ ዎሳ ኬላያ ጳውሎስ ኮይሮ ኣወርፓን ኤሲዳ ዎሳ ኬላ። ፕሊ.ጲ.ሲ.ዮ.ሴ ካታማን ዲዛ ኣሳፔ ዳሪዛ ባጋይ ኦሮሚ ቢታፊ ዪዳ። ሄሳፊ ዳንዲዳይሳን ዳርቲ ኦቶሬቴቴሰ። (ሃዎ 16:21) ኢሰታፊ ባጋቲ ኪርሰቶሳን ኣማኒዛይታ። ሄሳ ጊሽ ባ ኣሳታን ኢፃቴዳይታኔ ጎዳቴዛይታ ጊዲዳ። ሄሲካ ኢሰቲ ሃ ኣላሚ ዲሳን ማንቆ ጊዳና ማላ ኦሲዳሰ። (2ቆር 8:2) ጊዲዳኮካ ኢሰቲ ኣማኖን ሚኒ ኤቁዲ ሃንኮ ኣማኒሼ ዋዩቴዛይታ ማዲዛይታ ጊዲዳ። ሄሳ ጋሶን ጳውሎስ ኢሰታ ኣዳፊ ሲቁሰ።

ሃ ኪታይ ፃፊቴዳይ ጳውሎስ ቃሾሶን ዲሺን ሃንኮ ኣማኒዛ ኦሳንቻታፔ ኤቁቴሌ ኢዛ ጋኪን ፕሊ.ጲ.ሲ.ዮ.ሳን ዲዛ ዎሳ ኬላይ ጋርሳን ዳንዲዳ ዎርዶ ቲሚርቲ ጋሶን ኢዛ ዎዝናይ ሜቁ ዲሺና። ጊዶ ኣቲን ሃ ኪታዛን ቆንጩ ቤቴዛይ ኡፋይሲኔ ኩሜሳ ኣማኔቴላ። ጳውሎስ ሄሳ ሄ ኪታዛ ፃፊ ድ ጋሶይ ኢዚ ሜቶቲ ዲሺን ፕሊ.ጲ.ሲ.ዮ.ሴ ኣማኒዛ ኣሳይ ኢዛሰ ማዶ ዩዲዳ ጊሽ ኢሰታ ጋላታናሲኮ! ኢዛ ቦላ ጊዲን ዎይኮ ኢሰታ ቦላ ዲማ ዲማ ሜቶቲ ጋኪኮካ ኢሰታሰ ዳር ፃላቴላኒኔ ኩሜሳ ሚና ኣማኖይ ኢሰታሰ ዳና ማላ ኢዚ ኢሰታ ማንጮሰ። ኦቶሬቴሌኔ ጩቁቴላ ኣጊዲ ዩሱሰ ኪርሰቶሳን ኣሽኬቴላን ኩማና ማላ ኢዚ ኢሰታ ሚንሳ ቆፊሴሰ። ኢሰቲ ዩሱሰ ኪርሰቶሳን ኣያናን ኢሲና ጊዲዳ ዳሚዳ ዳዎዚ ያሳ ኪያቴላፊ ቤቴዳይሳኔ ኢሰቲ ኣማኖን ኤኪዳይሳፊ ኣቲን ዎጋ ናንን ቤቴዳይሳ ጊዳና ጊዲ ኢዚ ኢሰታ ቆፊሴሰ። ዩሱሰ ኪርሰቶሳን ኢሲፊቴላን ዲዛ ኡባታሰ ያሲ ኢሰታሰ ኢሚዛ ሳርቴላ ጊሺኔ ኡፋይሳ ጊሺካ ፃፊዳሰ።

ሃይሲ ሃ ኪታዚ ኤሬቴዛይ ኡፋይሰ። ኣማኔቴላ። ኢሲፊቴሌኔ ኣማኖን ዳዎን ሚኒ ኤቃና ማላ ቆንጩሲ ቤሲዛይሳና። ቃሴካ ሃዎሬ ጳውሎስ ፕሊ.ጲ.ሲ.ዮ.ሴ ዎሳ ኬላዮ ዳር ሲቁዛይሳ ቆንጩሴሰ።

- ሃ ማፃፋይ ኦይኪዳ ኩሜላ ቆፋ ጌሎሶ 1:1-11
- ጳውሎሳ ዲሳ ጊሽ 1:12-26
- ኣማኖን ዲሳሰ ለሚሶ 1:27-2:18
- ፃዎቶሳኔ ኣፍርዲያ ቆፋ 2:19-30
- ኣማኖ ኢዛዛይታፔ ናጌታና ማላ ዮቶ 3:1-4:9
- ጳውሎስ ፕሊ.ጲ.ሲ.ዮ.ሳን ኣማኒዛይታሰ ሺሺዳ ጋላታኔ ዘሬ 4:10-20
- ኩሻ ቆፋ 4:21-23

1 ዩሱሰ ኪርሰቶሳን ኦሳንቻ ጊዲዳ ጳውሎሳፔኔ ፃዎቶሳፔ ዎሳ ኬላ ጩማታራኔ ዳቆኔታራ ኢሲፊፊ ፕሊ.ጲ.ሲ.ዮ.ሴ ዳሬን ዲዛ ኣማኒዛይታሰ ዩሱሰ

ኪርሰቶሳሰ ዲማቴዳይታሰ ኡባሰ፤ * 2 ኑ ኣዎ ያሳፊ። ጎዳ ዩሱሰ ኪርሰቶሳፔ ኪያቴሌኔ ሳርቴሌ ኢንቴሰ ጊዶ።

ጋላታ ዎሳ

3 ኢንቴና ቆፒዛ ኡባ ጋላሰ ታኒ ታ ያሳ ጋላታይሰ። 4 ኡባ ጋላሰ ኢንቴ ጊሽ ታ ዎሲዛ ዎዴ ኡፋይሳን ዎሳይሰ። 5 ኮይሮ ጋላሳፊ ሃ ሲሚን ሃኖ ጋካናሰ ሚሺራቾ ቃላ ኦሶን ኢንቴ ታናራ ዳታ። 6 ኢንቴናን ሎዎ ኦሶ ዳሚዳይሲ ኢዚ ዩሱሰ ኪርሰቶሲ ዉርሴላ ፕርዳሰ ያና ጋካናሰ ኢንቴና ዳንዳዩሳናይሳ ታ ኣማናይሰ።

7 ታ ሃሲ ቃሾ ኬላን ዲሺኒኔ ታ ቃሽታናፔካ ካሴ ሚሺራቾ ቃላ ቱማ ናጋናሲኔ ሚንጮላናሰ ያሲ ታሰ ባ ኪያቴላን ኢሚዳ ማዶን ኢንቴ ዉሪካ ታናራ ኢሲፊ ኦሲዳይታ ጊዲዳ ጊሽ ኢንቴ ኡባ ጋላሰ ታ ዎዝናፔ ጳዩኬታ። ሄሳ ጊሽ ታ ኢንቴ ጊሽ ቆፓናሰ ታሰ ቤሴሰ። 8 ታ ኢንቴና ዩሱሰ ኪርሰቶሳ ሲቆን ዎሰታ ላሞቴዛኮኔ ያሲ ታሰ ማርካ።

9 ኢንቴ ሲቆይ ኤራቴላኒኔ ኣኬካን ኬሂ ዳራና ማላ ታ ዎሳይሰ። 10 ሄሲካ ኢንቴ ኡባፊ ኣጳዛይሳ ሻኪ ኤራና ማላኔ ዩሱሰ ኪርሰቶሳ ዩሳ ጋላሰ ጋካናሰ ኢንቴ ጌሻታኔ ዎሶይ ባይንዳይታ ጊዳና ማላ ኮያይሰ። 11 ያሳ ቦንቺሲዛይሳኔ ጋላቴሲዛይሳ ኢንቴ ኦላና ማላ ዩሱሰ ኪርሰቶሳን ቤቴዛ ጌሻቴላ ኣይፊን ኢንቴ ዎዝናይ ኩሞ።

ጳውሎሳ ቃሽቴላን ሚሺራቾ ቃላ ዲቻ

12 ሃሲካ ታ ኢሻቶ! ታ ቦላ ጋኪዳ ሜቶይ ሚሺራቾ ቃላይ ካሴፔ ዳሪ ኣካናሰ ጊዲዳይሳ ኢንቴ ኤራና ማላ ታ ኮያይሰ። 13 ሄሳ ጊሽ ታ ቃሽቴላይ ኪርሰቶሳ ጊሽ ጊዲዳይሲ ካዎ ኬላ ዛቤታሲኔ ሃራታሰካ ኤሬቴዳሰ። * 14 ታ ቃሽቴዳይሳ ጌዶን ኣማኒዛይታ ያሳ ቃላ ባቦንታ ፃላቴላን ኣሳሰ ማርካታናሰ ሚኖቴላ ዳሚዳ።

15 ኢሲ ኢሲ ኣሳቲ ጮ ኑ ኢዛፔ ዎኒዶን ጌላኒኔ ሆሎቴላን ሳባኬቴሰ። ባጋይቲ ቃሴ ሎዎ ቆፋራ ኪርሰቶሳ ጊሽ ሳባኬቴሰ። 16 ባጋይቲ ታ ሚሺራቾ ቃላ ጊሽ ሞቴታና ሃን ዲዛይሳ ኤሬዛ ጊሽ ሲቆን ሳባኬቴሰ። 17 ሃንኮይቲ ቃሴ ሎዎ ቆፋን ጊዲንታ ታና ጋኪዳ ቃሾዛ ቦላ ሃራ ዋዩ ጋላናሲኔ ባ ኢታ ቆፋ ፖላናሰ ኪርሰቶሳ ሳባኬቴሰ።

18 ሄሳ ጊዲኮ ኣይ ሜቶ ዲዛይ! ዋና ኣይፊ ዮይ ሱሬቴላን ጊዲን ዎይኮ ሚሳቲሶን ጊዲንካ ኣዎራካ ኪርሰቶሳ ሳባኪዛ ጊሽ ታ ኡፋይታይሰ። ቃሴካ ታ ኡፋይታና። 19 ታ ቦላ ጋኪዳ ሜቶፔ ታ ኣቆናይ ኢንቴ ዎሳኒኔ ዩሱሰ ኪርሰቶሳ ኣያና ማዶን ጊዲዳይሳ ታ ኤራይሰ። 20 ታ ኣይ ኦጌራካ ዩላቶንታ ማላ ሚኖ ኡፋይሲኔ ላሞታይ ታሰ ዳሰ። ጊዶ ኣቲን ካሴካ ሃቺካ፤ ታ ሃይቁንካ ፓፃ ዲንካ ኪርሰቶሲ ታ ኣሾን ቦንቺታናይሳ ታ ፃላቴላን ሃሳይሰ። 21 ታሰ ዲሰ ጉሲ ኪርሰቶሳ። ሃይቆይካ ታሰ ጎዳ። 22 ጊዶ ኣቲን ታኒ ሃይሳ ኣሾ ዲሳን ጉጃ ዲዛኮ ኣይፊ ኢሚዛ ኦሶ ኣሳይሰ ጉሳ። ታ ኣዎይሳ ዶራናኮኔ ታሰ ኤሬቴና። 23 ሃ ናሞ-ሃኖታን ሜቶቴታዲሰ። ታ ባዳ ኪርሰቶሳራ ዳናሰ ላሞታይሰ። ሄሲ ሃራ ኡባፊ ኬሂ ሎዎ። 24 ጊዶ ኣቲን ታሰ ኣሾን ዲሲ ኢንቴሰ ኬሂ ኮሼሰ።

25 ሄሳ ኣኬካዳ ኢንቴ ኣማኖን ዲጫና ማላኔ ኡፋይታና ማላ ኢንቴ ኡባታ ማታን ጋምዳናይሳኔ ዳናይሳ

* 1:1 ሃዎ 16:12 * 1:13 ሃዎ 28:30

ታ ኤራይስ። 26 ታ ሄ ባዳ ኢንቴ ኣቻን ዳዩኮ ታ ጋሶን ኢንቴስ ከርሰቶሳን ዲዛ ጩቁቴሉ ዳራና።

27 ከርሰቶሳ ሚሺራቾ ቃላስ ቤሲዛ ማላ ዲቴ። ሄሳሶ ሃንካ ታ ኢንቴና ሄ ባዳ ቤይዳኮ ዋይኮ ሃሆን ዳዳ ኢንቴ ጊሽ ታ ሲዩዛኮ ኢንቴ ሚሺራቾ ቃላ ኣማኖስ ኢሲኖ ኦሌቴሼ ኢሲ ኣያናን ኢንቴ ሚኒ ኤቅናይሳ ታ ኤራይስ። 28 ኣይ ኦጌራካ ኢንቴናራ ኤቁቴዛይታስ ሂርጎፍቴ። ሄሲ ኢስቴ ቆያናይሳሲኔ ኢንቴ ኣታናይሳስ ያሳፊ ኢማቲዳ ማላታ። 29 ኢንቴ ከርሰቶሳ ኣማኒዛይታ ፃላላ ጊዳንታ ኢዛ ጊሽ ዋዬ ኤከዛይታ ጊዳና ማላ ሃይሲ ያሳ ከያቴሉ ኢንቴስ ኢማቲዳ። 30 ኢንቴ ካሴ ቤዩዳ ማላ ሃዒካ ታ ቦላ ዲዛይሳ ኢንቴ ሲዩዛይሳ ማላ ሄሳሶ ኢንቴናካ ዋዩሶን ዳስ። *

2

ኣሽኬቴሉ ከርሰቶሳጥጥ ታማር

1-2 ኢንቴስ ከርሰቶሳ ባጋራ ቤቴዳ ኢሲፊቴላ ጋሶን ኢሶይ ኢሳ ሚንጩዛዛዘ ሲቆ ጊዳንካ ዋይኮ ኣያና ኢሲፊቴሉ ዋይኮ ማርይኔ ኣሳስ ሚሺቴሉ ኢንቴ ጋርሳን ዲኮ ኢንቴ ኣስ ሲቆን ኢሲ ኣያናኒኔ ኢሲ ቆፋን ጊዲዲ ታ ኡፋይስ ፖሊቴ። 3 ኣስ ኡባ ኢንቴፊ ቦላራ ያሊቴ ኣቴን ኢንቴርካ ኢንቴና ዶሶን ዋይኮ ጎዓይ ባይንዳ ጋላታ ኤካናስ ኢሲ ሚሺካ ኦሶፍቴ። 4 ኢንቴፊ ኢሲ ኢሲ ኣሲ ሃራ ኣስ ጎዒዛይሳ ያሊቴ ኣቴን ኢንቴ ጎዓ ፃላላ ያሎፍቴ።

5 ዬሱስ ከርሰቶሳስ ዲዛ ኣሽኬቴሉ ኢንቴ ኣቻንካ ዳ። 6 ኢዚ ኤራይስ ያሳኮሺን ባና ያሳራ ጊኒሳናስ ኮይቤና።

7 ጊዳ ኣቴን ኣይሌ ሜቆ ኤኪዲ ኣስ ሚሳቲዲ ባርካ ባና ኤያ ኣስ ኬሲዳስ። 8 ኣስ ጊዲ ቆንጨዲካ ባና ኣሳፔ ዚቃ ኦሊዳስ። ሃይቃና ጋካናስ ሄሲካ ማስቃሌ ቦላ ካቁቲ ሃይቃና ጋካናስ ኣዛዜቴዳስ። 9 ሄሳ ጊሽ ያሲ ኢዛ ዳር ዶቁ ሂስቴዳስ። ሱንሳ ኡባፊ ዶቁ ጊዳ ሱንሳ ኢዛስ ኢማዳስ።

10 ሄሲካ ሳሎንካ ቢታ ቦላን ቢታፊ ጋርሳንካ ዲዛ ሜዴቴሉኔ ጉልባቴይ ዉሪ ዬሱሳ ሱንሳስ ጉልባታና ማላ። 11 ኣሳ ኢንግርሲ ዉሪካ ያሳ ኣዋ ቦንቾስ ዬሱስ ከርሰቶሲ ጎዳ ጊዲዳይሳ ማርካታናሳ።

ዴሬ ፖፖ

12 ሄሳ ጊሽ ታ ኢሻቶ! ኢንቴ ካሴ ኡባ ዋዴ ኣዛዜቴዛይታ ጊዲዳ ማላ ሃዒካ ታ ማታን ዶንታ ኢንቴፊ ሃሆን ዲኮካ ኢንቴ ኣቴሳይ ኩሜሉ ጊዳና ማላ ያሻቴላኒ ቦንቾን ፖሊቴ። 13 ያሲ ኢንቴስ ኣዛዜቴሉ ኢማሼ ባ ቆፋ ዉርሴሉ ጋካናስ ኢንቴ ጊዳን ኦሊስ።

14 ኣይ ሚሺካ ዙዙንሉኔ ፓላማይ ባይንዳ ኦሊቴ። 15 ሄሲካ ኢንቴ ኢታኔ ጌላ ኣሳ ጊዳን ጌሻታኔ ዋሶይ ባይንዳ ያሳ ናይታ ጊዲዲ ኣላሜ ቦላ ኣዋ ኣርሼ ማላ ዴሬ ኡባስ ፖዓናሳ። * 16 ኢንቴ ኤኪዳ ዴፖ ቃላ ሎዔሉ ኦይኪኮ ከርሰቶሲ ሃ ሲሚ ዩዛ ዋዴ ታ ሜላ ዳቡርንታይሳ ጊሽ ታ ጩቁታናዚ ታስ ዳስ።

17 ቃሴካ ኢንቴስ ጎዳን ዲዛ ኣማኖይ ኢንቴ ያሳስ ሺሻዳ ዴማ ያርሾ ማላ ታ ሽምፖይ ኢንቴ ያርሾራ ኢሲፊ ያርሾ ማላ ጉኪዛኮ ኢንቴናራ ታካ ኡፋይታና።

18 ሄሳሶካ ኢንቴ ኢንቴስ ኡፋይቴዲ ታናካ ኡፋይሳናስ ቤሴስ።

ዲምቶሳ ዋሳኔ ኣፍርዲፖ ዋሳ

19 ጎዳይ ማዲኮ ዲምቶሳ ኢንቴኮ ዬዳዳ ኢንቴ ሎዔቴላ ጊሽ ሎፖ ዋሪ ሲያናስ ኮያይስ። 20 ኢንቴ ሎዔቴላ ጊሽ ቆፐዛ ኣሲ ሃራ ኢዛ ማላይ ኦኒካ ባዋ። 21 ሃራይ ዉሪካ ዬሱስ ከርሰቶሳይሳ ጊዳንታ ባ ጎዓስ ዋዲዳ ፃላላ። 22 ጊዳ ኣቴን ኢንቴ ኤሪዛይሳ ማላ ዲምቶሲ ኢዚ ኣይ ማላ ኣሳኮኔ ባ ጊሽ ማርካሲዳስ። ናይ ባ ኣዋራ ኦሊዛ ማላ ታናራ ሚሺራቾ ቃላ ዮቴዳስ። 23 ሄሳ ጊሽ ሃይሳፊ ሲንላን ታ ዋናናኮኔ ሻካ ኤሪዳፔ ጉዬ ኢዛ ታ ኢንቴኮ ከታና ቆፓይስ። 24 ታካ ኢንቴኮ ማታ ዋዴ ባናይሳ ጎዳን ኣማኔታይስ።

25 ሄሳሶካ ኢንቴ ታና ኮሺዛ ሚሻን ኡባን ማዳና ማላኔ ሎዔሉ ኦይካና ማላ ዬዳዳ ኣፍርዲፖ ታ ኢንቴኮ ዛራ ዬዳና ማላ ኮሺዛይሲ ታስ ኤሬቴዳስ። 26 ጋሶይካ ኢዚ ኢንቴና ኩሜላታ ቤያናስ ሳሞቲዳ ጊሽኔ ቃሴካ ኢንቴ ኢዛ ሳኮዛ ሲዩዳይሳስ ቆፐዳ ጊሻሳ። 27 ቱማፔካ ሃርጊዲ ሃይቁሼ ኣቴዳስ። ጊዳ ኣቴን ያሲ ኢዛ ማሪዳስ። ታ ካሴ ሙዙቴዛይሳ ቦላ ሃራ ሙዙይ ጉጃቶንታ ማላ ታናካ ማዲዳስ።

28 ሄሳ ጊሽ ኢንቴ ኢዛ ቤይዲ ኡፋይታና ማላኔ ታካ ሃርጋሬ ሽምፖና ማላ ኣሞታይስ። 29 ኢንቴ ኢዛ ኬሂ ኡፋይሳን ሞኪ ኤኪቴ። ኢዛ ማላ ኣሳታካ ቦንቾቴ። 30 ኢንቴ ታና ማታን ዲዲ ኦሊ ማዳናስ ዳንዳዮንታ ጊሽ ኢዚ ባ ሽምፖስ ሚሹቶንታ ታና ኦሊ ማዲዲ ከርሰቶሳ ኦሶን ሃይቁሼ ኣቴዳስ።

3

ኣሾን ጩቁታናስ ቤሴና

1 ታ ኢሻቶ! ሃይሳፊ ሃራ ታ ኢንቴና ጊዛይ ጎዳን ኡፋይቴቴ። ሃዒካ ዛራዳ ኢዛ ታ ኢንቴስ ፃፊኮ ታና ሳሊጩና። ኢንቴናካ ጎዳና።

2 ሄይታ ካና ማላ ሁስካቴዛይታፔ፣ ኢታ ኦሊዛይታፔኔ ኣሳስ ሜቁሉ ሚንጩዛ ኣሳታፔ ናጌቴቴ። 3 ቱሙ ቃፃሪቴዳይቴ፣ ያሴ ዋሲዛይቴ፣ ዬሱስ ከርሰቶሳን ጩቁዛይቴ፣ ኣሾን ጩቁቶንታይቴኔ ኣሾንካ ኣማኔቶንታይቴ ኦና።

4 ታ ጩቃና ኮይኮ ኣሾ ባጋራ ጩቃና ሚሺ ታሰካ ዳስ። ኦናሰካ ኣሾን ጩቁዛ ሚሺ ዲዛ ሚሳቲኮ ታ ኢዛፔ ኣቆይስ። 5 ታኒ ዬሌቴዳ ኦስፑንላ ጋላስ ቃፃሬታዲስ። ታ ኢሰራዔሌ ዜሬሊኔ ቢኒያሜ ኮቻሬ ዬሌታዲስ። ኢብራዌታ ጊዳን ታካ ኣዳ ኢብራዌ። ዋጋ ባጋራ ኦይቹዛዳይ ዲኮ ታ ካሴ ፋርሳዋ። * 6 ሙሴ ዋጋስ ዜልዒቴዛይሳ ጊዲኮ ታኒ ካሴ ዋሳ ኬላ ጎዲዛዳ። ዋጋ ናንን ቤቴዛ ያሎቴሉ ጊዲኮ ካሴ ታ ቦላ ኢሲ ዋሶይካ ዳና። *

7 ጊዳ ኣቴን ታስ ጎዓ ጊዲዳይሳ ኡባ ከርሰቶሳ ጊሽ ጋዳ ጎዓይ ባይንዳ ሚሻ ማላ ቆዳዲስ። 8 ሄሳፊካ ታ ጎዳ ዬሱስ ከርሰቶሳ ኤርፔ ኣቋዛይ ሃራይ ኣይኮይካ ባይንዳይሳ ታ ኣማኒዛ ጊሽ ኡባካ ጮ ሜላ ጎዓይ ባይንዳ ሚሻ ማላ ቆዳዲስ። ታኒ ኢዛ ጊሽ ጋዳ ኡባካ ኣጋዲስ። ታ ከርሰቶሳ ዳማና ጋዳ ኡባ ሚሻካ ዋራ

* 1:30 ሃዋ 16:19-40 * 2:15 ዛሬ 32:5 * 3:5 ኦር 11:1፤ ሃዋ 23:6፤ 26:5 * 3:6 ሃዋ 8:3፤ 22:4፤ 26:9-11

ዎዲዳ ኢታ ሚሻ ማላ ቆዳዲሱ። 9 ታኒ ሄሳላ ኦሊዛ ጋሶይ ካሴ ሙሴ ዎጋን ታሰ ዲዛ ዲሎቴላ ኣጋዳ ኣማኖን ቤተዛ ያሳ ዲሎቴላ ከርሰቶሳን ኣማናዳ ዳማናሲኔ ታ ኢዛራ ኢሲፊ ዳዓናሳ። 10 ከርሰቶሳኔ ኢዚ ሃይቁ ዳንዲዳ ዳንሳ ዎልቃ ታ ኤራና ማላ ኢዛ ዎዌካ ታ ኢዛራ ገሼታና ማላኔ ሃይቆንካ ታ ኢዛ ሚሳታና ማላ ኣሞታይሱ። 11 ሄሳላካ ታ ሃይቃ ዳንዲዳፕ ጉዬ ማርናሰ ዳናሰ ኮያይሰ

ወርሴል ጋካናሰ ዎል

12 ታ ሃይሳ ወርሳ ዳማዲሰ ዎይኮ ሃይሳላ ሃናዲሰ ጉሰ ገደና። ገደ ኣቲን ዬሱሰ ከርሰቶሲ ታና ኤራይሰ ሂሰቲዲ ታሰ ገሊሲዳ ዎይቶ ኤካናሰ ሚና ዎላ ቦላ ዳይሰ። 13 ታ ኢሻቶ! ታ ሃዒ ታ ኮዩዛይሳካ ኦይኪዳ ማላ ቆዲኬ። ገደ ኣቲን ታ ኢሲ ሚሻ ኦላና። ታፕ ጉዬራ ዲዛይሳ ኣጋ ኣጋዳ ታፕ ሲንሳን ዲዛይሳ ኦይካሰ ማላ ዳይሰ። 14 ያሲ ታና ዬሱሰ ከርሰቶሳ ሳጋራ ፑዳ ያይገዳ ገሽ ዎይቶ ጋካ ኤካናሰ ኤሌላይሰ።

15 ሄሳ ገሽ ኦኒ ኣማናን ሚኒዳይቲ ወሪካ ሃኒዛ ዮዎ ወርሲ ሃሳላ ያላናሰ ቤሴን። ኢሲ ኢሲ ዲማ ቆፋይ ኢንቴሰ ዲኮ ሃሳካ ያሲ ኢንቴሰ ቆንጨሳና። 16 ገዲኮካ ኦ ሃዒ ጋኪ ኤሪዳዛን ኣኔ ሲሜራቶሰ።

17 ታ ኢሻቶ! ኣኔ ኢንቴ ታ ሃኒዛ ማላ ታና ካለቴኔ ሃራታራካ ኢሲፊ ዳዒቴ። ኦ ኦና ኢንቴሰ ለሚሶ ሂሰቲ ቤሲዳ ማላ ዲዛ ኣሳታ ዎዝናን ዎላቴ። * 18 ጋሶይካ ሃይሳፊ ካሴ ታ ኢንቴሰ ዛራ ዛራ ዮቲዳ ማላ ሃዒካ ዛራዳ ኣፋንሳራ ኢንቴሰ ዮታይሰ። ዳርቲ ከርሰቶሳ ማሰቃሌሰ ሞርኬ ገዲዲ ሲሜራቴቴሰ። 19 ኢሰታ ወርሴል ዳዮ። ኢሰታ ኡሎይ ኢሰታ ያሳ። ኢሰታሰ ካወሻቴላይ ኢሰታሰ ቦንቶ። ኢሰታ ዎዝናይ ሸምፕዳይ ሃ ቢታ ዳሳና። 20 ኦ ዳሬይ ገዲኮ ሳሎና። ሄፕ ቡሮ ያናይሳ ኦና ኣሺዳ ጎዳ ዬሱሰ ከርሰቶሳ ያሳ ላሞቴላን ናጎን ደሰ። 21 ኢዚካ ወርሲ ባፕ ጋርሳን ሃሪሳና ዳንዳዩዛ ባ ዎልቃና። ዳቡራንቻ ገዲዳ ኦ ኣሳቴላ ቦንቶቲዳ ባ ኣሳቴላ ሚሳቲሲዲ ላማና።

4

ወርሴላ ዞሪ

1 ታ ኢንቴና ደሲዛይቶ! ታ ኢንቴና ላሞቴዛይቶ! ታሰ ኡፋይሰኔ ኦሶ ዛወዳ ገዲዳ ታ ኢሻቶ! ጎዳን ሚኒ ኤቁቴ።

2 ኢንቴ ቆፋይ ጎዳን ኢሲኖ ገዳና ማላ ኤዎዲያኔ ሲንጻኬይ ባ ጋርሳን ሲቁታና ማላ ታ ኢሰታ ዎሳይሰ።

3 ኤር! ኔኖ! ታናራ ኢሲፊ ኣማኔቲዳ ኦሳንቻዞ። ሚሻራቶ ቃላ ዮቶሰ ታናራኔ ቃላሚንያሳራ ቃሴካ ኢሰታ ሱንሳይ ዳዮ ማፃፊን ፃፊቲዳ ሃንኮ ታናራ ኦሶ ላጌታራ ኢሲፊ ዎዩዳይታ ሄ ማጫሳታ ኔ ማዳና ማላ ታ ኔና ዎሳይሰ።

4 ኣይ ዎዳካ ጎዳን ኡፋይቲቴ። ቃሴካ ታ ኢንቴና ኡፋይቲቴ ጋይሰ። 5 ኢንቴ ኪያቴላ ኣሳ ኡባ ኣቻን ኤራቶ። ጎዳይ ያና ማቲዳሰ። 6 ሃኒዛ ዮዮን ኡባን ጋላታን። ዎሳኒኔ ጋናቴላን ያሳ ሲንላ ሸቁቴ ኣቲን ኣይ ሚሻንካ ሂርሳፍቴ።

7 ኣሳ ቆፋፕ ቦላራ ዲዛ ያሳ ሳርቴላ ኢንቴ ዎዝናኔ ኢንቴ ቆፋ ወርሲ ዬሱሰ ከርሰቶሳን ናጌሰ።

8 ወርሴላ ቦላ ታ ኢሻቶ! ቱሙ ገዲዳ ዮዎ ወርሲ። ቦንቶ ገዲዳ ዮዎ ወርሲ። ኣዳ ገዲዳ ዮዎ ወርሲ። ጌሺ ገዲዳ ዮዎ ወርሲ። ደሴቲዳ ሚሻ ወርሲ። ሎዎ ገዲዳ ዮዎ ወርሲ። ሎዔቴላ ገዲዳካ ጋላታካ ሃይታንታ ሚሳቲዛዝ ወርሲ ቆፕቴ። 9 ኢንቴ ታፕ ታማሪዳይሳ ዎይኮ ኢንቴ ታፕ ኤኪዳይሳኔ ሲዩዳይሳ ዎይኮ ቤይዳይሳ ኣይ ገዲኮካ ወርሲ ኦላቴ። ጎዳይ ኢንቴናራ ገዳና።

ጳውሎሲ ማዲዳይታሰ ሺሺዳ ጋላታ

10 ዳር ዎዳፕ ጉዬ ኦራላ ቆፋራ ኢንቴ ታ ገሽ ቆፎ ኦይኪዳታ። ሄሲካ ጎዳ ባጋራ ታና ኬሂ ኡፋይሴሰ። ቱሙካ ኢንቴ ታሰ ቆፎ ኣገቤይኬታሽን ኢንቴ ቆፕዳ ማላ ኦላናሰ ኢንቴሰ ሃኖ ኢዲዳሰ። 11 ታኒ ሃሳ ገዛይ ታና ሜቲዳ ገሽ ገደና። ጋሶይካ ታ ኣይ ሃኒኮካ “ዲዛይሲ ታሰ ገደና” ጉሰ ታማራዲሰ። 12 ፓጩካ ታ ኤራይሰ፤ ዳማዳካ ኤራይሰ፤ ታ ጋፋዳካ፤ ካላዳካ ኤራይሰ፤ ዲንካ ዳዩንካ ኤራይሰ፤ ኣይ ገዲኮካ ታሰ ዲዛይ ታሰ ገደና ጉሳ ፀራ ታ ሎዔሳ ኤራይሰ። 13 ታሰ ዎልቃ ኢሚዛ ከርሰቶሳን ታኒ ኡባ ሚሻ ኦላናሰ ዳንዳይሰ።

14 ገዲኮካ ኢንቴ ታና ታ ዎዩን ማዲዳ ገሽ ሎዎ ኦላይታ። 15 ኢንቴ ፕሊ.ጲ.ሲ.ዮ.ሴ ኣሳቲ ሃሳፊ ቦላራ ኢንቴ ኤሪዛይ ኮይር ሚሻራቶ ቃላ ኢንቴ ኤኪዳ ዎዳ ታኒ ማቁደኒያፕ ዳንዳሺ ኢንቴፊ ኣቲን ጌዳ ኢሚዳካ ሃ ኤኪዳካ ማዳቲዲኔ ማዲዳ ገዛ ዎሳ ኬላ ታሰ ዳና።

* 16 ሃራይ ኣቶ ሺን ታ ካሴ ታሶሎንቁን ዲዛ ዎዳካ ታኒ ሜቶቲን ኢንቴ ዛሪ ዛሪ ታሰ ማዶ ዬዲዳ። 17 ታ ሃሳ ገዛይ ኢሚዳ ገሽ ኢንቴሰ ኣንጅይ ዳራና ማላ ጋዳ ኣቲን ታ ኢንቴፊ ማዶ ኤካናሰ ኣሞታዳ ገደና።

18 ታሰ ኮሺዛይሳኔ ታና ኮሺዛይሳፊካ ቦላራ ኤካዲሰ። ኢንቴ ታሰ ዬዲዳ ማዶ ሚሻ ኣፍርዲዎ ኩሼፕ ኤኪን ታ ፓጩይ ኩሚዳሰ። ሃይሲ ዳርፕ ያሳ ኣቻን ኤኬቲዳ ዳር ሎዎ ሳቂዛ ያርሾ ማላ። * 19 ያሲ ባ ዳራቴላ ገና ኢንቴና ኮሺዛይሳ ጎዳ ዬሱሰ ከርሰቶሳ ባጋራ ኢንቴሰ ኩንላና። 20 ኦ ኣዎሲኔ ኦ ያሳሰ ማርናፕ ማርናሰ ቦንቶይ ገደ። ኣሚን።

ወርሴላ ሳርካ

21 ኣማኒዛ ኣሳ ኡባ ዬሱሰ ከርሰቶሳ ሱንላን ሳር ገቴ። ታናራ ዲዛ ኢሻቲ ወሪካ ኢንቴና ሳር ጌቴሰ። 22 ኣማኒዛይቲ ወሪ ሃራፕካ ቁሳሬሶ ኣሳፕ ኣማኒዛይቲ ወሪካ ኢንቴና ሳር ጌቴሰ።

23 ጎዳ ዬሱሰ ከርሰቶሳ ኣቋ ኪያቴላ ኢንቴናራ ገደ። ኣሚን።

* 3:17 1ቆር 4:16፤ 11:1 * 4:15 2ቆር 11:9 * 4:18 ኬሳ 29:18

ጳውሎስ ቆላሲያሴ አሳሰ ፃፊዳ ኪታ ገደ ቆፋ

ሃይሲ ኪታዚ ፃፊትዳይ ቁሪ ኢሲያን ዲዛ ኤፌሶኔ ካታማፔ ኦርሽይ ሞኪዛ ባጋራ ዲዛ ቆላሲያሴ ካታማን ዲዛ ዋሳ ኬላሳ። ሃኖ ሄ ዋሳ ኬላዮ ኤሲዳይ ጳውሎሳ ገደንታ ኣገኪካ ኢዛ ኦርሜ ካዎቲላ ጋርሳን ዲዛ ኢሲያን ዋና ካታማ ገደዳ ኤፌሶኔፔ ሚሺራቾ ቃላ ዮቲዛይታ ሄ ዩዲዳ ገሽ ቆላሲያሴሰካ ኣላፊቲላ ዳሰ። ቆላሲያሴ ዋሳ ኬላን “ዋሳ ኤራናሴኔ ሙሌራ ኣቶቲላ ዳማናሰ ኢሲ ኢሲ ኣሲ ሁዔን ሁዔን ዎልቃማ ኣያናታሴኔ ጎዳታሰ ጎይናሰ ኮሼሰ” ገዛ ዎርዶ ኣሰታማሬቲ ዲዛይሳ ጳውሎሲ ሲይዳሰ። ሄ ኣሰታማሬቲ ታማርሲዛ ሃራ ዮቲ “ኣሲ ወሪካ ቃፃራ ዎጋሰ ሃሬታናሰ ቤሴሰ፤ ካሳ ሙሳ ዎጋኔ ሃራ ዎጋታካ ናጋናሰ ቤሴሰ” ገደ ታማርሴቲሰ።

ጳውሎሲ ሃ ኪታዛ ፃፊዳይ ቱሙ ገደዳ ኣማኖ ቲሚርቲ ታማሪዲ ሄ ዎርዶ ኣሰታማሬታ ቲሚርቲዛ ዲጋናሳ። ኢዛ ማልቤታፔ ዋናቲዛይ “ዩሱሰ ኪርሰቶሲ ኩሜላ ኣቶቲላ ኢሜሰ፤ ሃንኮይቲ ኣማኒዛ ኣማኖይ ገደኮ ዩሱሳፔ ሃሴቲሰ” ገዛይሳ። ያሲ ሃይሳ ኣላሚዛ ኪርሰቶሳን ሜጲዳሰ። ቃሴካ ያሲ ሃ ኣላሚዛ ኪርሰቶሳ ባጋራ ባኮ ዛሪ ኤሃና። ሃይሲ ኣላሚዚ ኣታናይ ኪርሰቶሳ ዎዝናፔ ኣማኖን ፃላላ። ሃሳን ኤቁዲ ጳውሎሲ ሃይሲ ዎልቃማ ቲሚርቲይ ኣማኒዛይታ ዳዖን ዋኒ ዳናሰ ኮሺዛኮኔ ቤሴሰ።

ሃይሳ ሃ ኪታዛ ጳውሎሳፔ ኤኪዲ ቆላሲያሴ አሳሰ ጋላናሰ ኪቲቲዳ ቲቁቆሳራ ኢሲፊ ዲዛይ ኣናሰዎሳ ገደዳይሳ ኤርይ ማዲዛዛ። ጳውሎሲ ሄ ኣናሰዎሳ ጌቲቲዛ ኣይሌዛ ገሽ ፒልሞናሰ ሃራ ኪታ ፃፊዳሰ። ቆላሲያሴ ኪታ ገደን ዲዛ ቆፋይ ኤፌሶኔ ኪታራ ኣዳፊ ጋይቲሰ። ናምዓይካ ኢሲ ዎዴን ፃፊትዳ። ኢሰታ ገደን ዲዛ ገታ ዲማቲላ ኤፌሶኔ ኪታን ጳውሎሲ ኪርሰቶሳ ዋሳ ኬላ ሁዔ ኦሊዲ ሺሼሰ። ቃሴ ቆላሲያሴ ኪታን ኪርሰቶሳ ሜጲቲላ ኡባሰ ሁዔ ኦሊዲ ሺሼሰ። ሃይሳ ኢዚ ኦሊዲ ኣይ ያሲ ሜጲዳ ኪታንቻታሰ ጎይናይ ኤያቲላ ገደዳይሳ ቤሳናሳ።

ሃ ማፃፋይ ኦይኪዳ ኩሜላ ቆፋ
ጌሎሶ 1:1-8
ኪርሰቶሳ ሃኖኔ ኢዛ ኦሶ 1:9-2:19
ኪርሰቶሳን ዲዛ ኦራሳ ዳዖ 2:20-4:6
ኩሻ ቆፋ 4:7-18

1 ያሳ ሼኔን ዩሱሰ ኪርሰቶሳን ኪቲቲዳ ጳውሎሳፔኔ ኦ ኢሻ ጊምቶሳፔ፤ 2 ቆላሲያሴን ዲዛ ኪርሰቶሳን ዲማቲዳይታሴኔ ኣማኔቲዳ ኢሻታሰ ኦ ኣዎ ያሳፊ ሳርቲላኔ ኪያቲላ ኢንቲሰ ገደ።

ጋላታ ዋሳ

3 ኦ ኢንቲ ገሽ ዎሲዛ ኡባ ጋላሰ ኦ ጎዳ ዩሱሰ ኪርሰቶሳ ኣዎ ያሳ ጋላቶሰ። 4 ጋሶይካ ኢንቲሰ ዩሱሰ

* 1:7 ኦ ገሽ ኢሲ ኢሲ ኢሻ ማፃፋታን ኢንቲ ገሽ ጌቲቲዳሰ። * 1:22-23 * 1:20 ኤፊ 2:16

ኪርሰቶሳን ዲዛ ኣማኖኒኔ ኣማኒዛ ኣሳ ኢንቲ ወርሲ ሲቁዛይሳ ኦ ሲዩዳ ገሻሳ። 5 ሄሲ ወሪካ ሃኒዳይ ሳሎን ኢንቲሰ ገጌቲዳ ሃይታፔ ዳንዲዳይሳና። ሃሳ ሄ ሃይታ ገሽ ሚሺራቾ ቃላ ኢንቲ ካሴቲዲ ሲዩዳታ። 6 ሄሲካ ሄ ኢንቲኮ ጋኪዳሰ። ሃሳ ሚሺራቾ ቃላ ኢንቲ ሲዮሳፔኔ ያሳ ኪያቲላ ቱማቲላ ኢንቲ ኤር ጋላሳፊ ሃ ሲሚን ኣላሜ ዩሾን ኢዚ ኦሊሼ ዲዛይሳ ማላ ኢንቲ ኣቻን ኣይፊ ኣይፊሼኔ ዲጪሼ ዳሰ። 7 ሃሳካ ሃዒ ኦ ገሽ ገደዲ ኪርሰቶሳሰ ኣማኔቲዳ ኦሳንቻ ገደዳይሴኔ ኦናራ ኢሲፊ ኦሊዛኔ ሰቁዛ ኤጳፒራይ ኢንቲና ታማርሲዳሰ። ** 8 ቃሴካ ኢዚ ኢንቲናን ዲዛ ኣያና ሲቆቲላ ኦሰ ዮቲዳሰ።

9 ኦ ቃሴ ሃሳ ሲዮሳፔ ሃ ሲሚን ኢንቲ ያሳ ሼኔ ኤራቲላኒ ኣኬካን ኢንቲና ኩንላና ማላ ኢንቲ ገሽ ዎሳ ቃንጊቤኮ። 10 ሃሳላካ ጎዳሰ ቤሲዛ ዳሰ ዳና ማላ ኢንቲ ኢዛ ገሊ ኡፋይሳና ማላ ሎዖ ኦሶ ኡባን ኣይፊ ኣማና ማላኔ ያሴ ኤርን ዲጪ ዲጪ ሳና ማላ ኦ ኢንቲሰ ዎሶሰ። 11 ጎይይ ባ ገታ ዎልቃን ባ ሚኖቲላ ኡባ ኢንቲሰ ኣሞ፤ ወርሲካ ኢንቲ ዳንዳያና ማላኔ ኡፋይሳን ገጌቲዳይታ ገደና ማላ ኢንቲና ኢዚ ማዶ። 12 ኣማኒዛይቲ ላቲዛሶ ፖዖ ካዎቲላ ላቲዛይታ ኦ ገደና ማላ ኦና ጋሊዳ ኦ ኣዎ ኢንቲ ጋላታናሳ። 13 ኢዚ ኦና ጲማን ሃሬቲላፊ ኣሺዲ ጌዴ ባ ዳሲዛ ናዛ ካዎቲላን ኦና ፒንላዳሰ። 14 ኦ ኢዛን ዎዜቲዲ ናጋራፔ ማሬቲዳሰ። *

ኪርሰቶሲ ኡባፊ ቦላ

15 ኪርሰቶሲ ኣይፊን ቤቶንታ ያሳሰ ቱሙ ለሚሶ፤ ሜጲቲላ ኡባፊ ገታኔ ባይራ። 16 ሜጲቲላ ወሪ ኢዛን ሜጲቲዳሰ። ሳሎኒኔ ሳዓን ዲዛይቲ፤ ኣይፊን ቤቲዛይቲኔ ቤቶንታይታ ገደንካ፤ ዎልቃማታ ገደንካ፤ ሃሪዛይታ ገደንካ ዎይኮ ጎዳቲላ ዲዛይቲ ሃኒዳይ ወሪካ ኢዛን ኢዛሰ ሜጲቲዳሰ። 17 ኢዚ ኡባፊ ካሴ ዳሰ። ወሪካ ኢሲ ቦላ ኦይኬቲ ሚኒዳይ ኢዛና። 18 ኢዚ ባ ኣሳቲላ ገደዳ ዎሳ ኬላይሰ ሁዔ። ኡባሰ ቦላ ገደና ማላ ኢዚ ሃይቁዳ ኣሳ ኡባፊ ኮይር ዳንዲዳሰ። * 19 ሄሲካ ሃኒዳይ ኩሜላ ያሳቲላይ ኢዛ ናዛን ዳዓና ማላ ያሳ ኣዎ ሼኔ ገደዳ ገሻሳ። 20 ማሰቃሌ ቦላ ኢዛፔ ጉኪዳ ሱላን ሳርቲላ ሜጲዲ ቢታ ቦላ ገደን ሳሎ ቦላ ዲዛይሳ ወርሲ ኢዛ ባጋራ ባናራ ማቃዩንላዳሰ። *

21 ኢንቲ ኢታ ኣማሌ ጋሶን ካሴ ኢንቲ ያሳፊ ሻኬቲዲ ኢንቲ ኢንቲ ቆፋራ ኢዛሰ ሞርኬታኮሺን። 22 ሃዒ ቃሴ ኢንቲ ቦላ ባላይኔ ዎሶይ ባይንዳ ገሻታ ኦሊዲ ኢንቲና ባ ሲንላ ሺሻናሰ ኪርሰቶሳ ኣሾ ሃይቆ ባጋራ ያሲ ኢንቲና ባናራ ማቃዩንላዳሰ። 23 ሄሲካ ሃናናይ ኢንቲ ኣማኖን ፃጲዲኔ ገጌቲዲ ኢንቲ ኢንቲ ኣማኖን ኤኪዳ ሚሺራቾ ቃላፔ ቃዖንታ ሚኒ ኤቁኮና። ኢንቲሴኔ ሳሎ ጉፋንላን ዲዛ ሜጲቲላሰ ሳባኬቲዳ ሚሺራቾ ቃላይ ሃሳ። ታ ጳውሎሲካ ሃይሳ ሃ ሚሺራቾ ቃላሰ ኦሳንቻ ገደዳሰ።

ጳውሎሲ ዎሳ ኬላ ገሽ ኤኪዳ ዎዩ

24 ታ ኢንቲ ገሽ ዎዩ ቤይዳይሲ ሃዒካ ታና ኡፋይሴሰ። ኪርሰቶሲ ባ ኣሳቲላ፤ ሄሲካ ዎሳ ኬላ ገሽ ኢዚ ኤኪዳ ዎዩዛፔ ኤኪሺን ፓጪዳይ ዲኮ ታኒ

* 1:7 ቆላ 4:12፤ ፒል 23 * 1:14 ኤፊ 1:7 * 1:18 ኤፊ

ታ እሾን ኩንላና። † 25 ያሳ ቃላ ታ እንቴሰ ፓጩይ ባይንዳ ጋላና ማላ ታሰ ያሳፊ ኢሜቲዳ ሃደራ ማላ ታ ዋሳ ኬላ ኦሳንቻ ገደደሰ። 26 ሃ ቃላይ ቤኒ ዋደፔኔ ካሴ ዩሌቴላፊ ገሚዲ ፀራ ገዲ ጋምዲደሰ። ሃዲ ገዲኮ ኣማኒዛይታሰ ኡባሰ ቆንጨደሰ። 27 ያሲ ባ ኣሳሰ ቆንጨሳናሰ ኮይዳ ፀራይ ኢዛ ቦንቾ ዲሬቴላይ ኣይዘቤ ገዲዳ እንቴ ገደን ኣይ ማላ ገታኮኔ ቤሳናሳ። ኢዚካ ኢዛ ቦንቾ ሃደታ ገዲዳ እንቴ ገደን ዲዛ ከርሰቶሳ።

28 ኑካ ኢሲ ኢሲ ኣሰ ከርሰቶሳሰ ኩሜላ ኣሰ ሂሰቲ ሸሻናሰ ዳንዲያና ማላ ኣሰ ወርሲ ሃላራ ዘሪሼኔ ታማርሲሼ ከርሰቶሳ ገሽ ሳባኮሰ። 29 ታካ ታ ጋርሳን ሚንላ ኦሊዛ ኢዛ ዋልቃን ወርሳ ባይታሼ ሄ ቆፋ ፖላናሰ ዳፊታይሰ።

2

1 እንቴ ገሺኔ ሎዶቁያን ዲዛይታኔ ሃሳላካ ታና ባ ኣይፊራ ቤዩ ኤርንታ ኣሳ ኡባሰ ታ ኣይ ማላ ባይቲኮኔ እንቴ ኤራና ማላ ታ ኮያይሰ። 2 ቃሴካ ኢሰታ ዋዘናይ ሚናና ማላኔ ኢሰቲ ሲቆቴላን ኢሶይ ኢሳራ ኦይኬታና ማላ ኩሜላ ገዲዳይሳ ዩሺ ቆፒ ኤር ዲሬቴላ ዳሚዲ ያሳ ፀራ ገዲዳ ከርሰቶሳ ኢሰቲ ኤራና ማላ ታ ዳፊታይሰ። 3 ቆታን ዲዛ ጨንጫቴላኔ ኤራቴላ ሃርይ ወሪካ ቤተዛይ ከርሰቶሳ ኣቻና። 4 ኦኒካ እንቴና ዲና ማልዔላን ባሌላንታ ማላ ታ እንቴሰ ዮታይሰ። 5 ታ እንቴፊ ኣሾ ኣይፊን ሃካ ዲኮካ ኣያናን እንቴናራ ኢሲፊ ዳይሰ። እንቴ ዋጋራ ዲዛይሳኔ እንቴ ከርሰቶሳ ሎዔሳ ኣማኒዛይሳ ቤያዳ ታ ዳሮ ኡፋዬታይሰ።

ከርሰቶሳን ቤተዛ ኩሜላ ዳዖ

6 ሃሳ ገሽ እንቴ ጎዳ ዩሱሰ ከርሰቶሳ ኣማኒዳ ማላ ኢዛን ዳዒቲ። 7 እንቴ ኢዛን ቶኬቲዲኔ ከፃቲዲ እንቴ ታማሪዳ ማላ ኣማናን ሚኒ ዳር ቲርፓ ጋላታ ኢዛሰ ሸሺሼ ዲቲ።

8 ከርሰቶሳን ያጲዳዝ ገደንታ ኣሳ ዋጋኒ ጎዓይ ባይንዳ ሃ ኣሳሚዛ ላፋ ዋጋን ኤቁዳ ኣሳ ኤራቴላኒኔ ጮ ሚላ ባሌላ ሃሳያን እንቴና ኦኒካ ዲዖንታ ማላ ናገቲቲ። 9 ጋሶይካ ኩሜላ ያሳቴላ ኢዛ ኣሳቴላን ዳሰ። 10 እንቴካ ሃሪዛይታሲኔ ጎዳታ ኡባሰ ሁዔ ገዲዳ ከርሰቶሳን ኩሜላ ገዲቲ።

11 እንቴ ኢዛን ቃፃሬቲዳታ። ሄሲ ሄ ቃፃራዚካ ናጋራ ገዲዳ ኣሾ ቆፋ ዲጋናሰ ከርሰቶሳን ሃኒዳይሳ ኣቲን ኣሳ ኩሼን ሃኒቤና። 12 ዪንቃታን ኢዛራ ኢሲፊ ሞጌቲዳታ። ኢዛ ሃይቆፔ ዳንሊዳ ያሳ ዋልቃን ኣማኒዲ ቃሴካ ኢዛራ ኢሲፊ ዳንዲዳታ። * 13 እንቴ ካሴ እንቴ ሞርኒኔ እንቴ ኣሾ ናጋራ ሃናቴላ እንቴፊ ዲጎንታ ኣገዳ ገሽ ሃይቁዳይታኮ ሺን ያሲ እንቴና ከርሰቶሳ ባጋራ ፓሊደሰ፤ እንቴ ናጋራካ ኡባ ኣቶ ገደሰ። * 14 ካሴ ኑና ሞቴሼኔ ኑናራ ኤቁቲሼ ዲዛ ሙሴ ዋጋን ኣጮ ሞቶሰ ያፊቲዳይሳ ቁጨ ዲገደሰ። ማሰቃሌ ቦላ ቶርገዲ ኑ ቦላፊ ዲገደሰ። 15 ሃላቃታኔ ጎዳቲዛይታ

ጎዳቴላ ኢሰታፊ ዋላ ኤኪዲኔ ማሰቃሌ ቦላ ሃይቁዳ ያኒ ዳንዲዲ ዲዔቲዳይታ ቆንጨን ዩሺ ቤሲዳሰ።

16 ሃሳ ገሽ ሙሳን ዋይኮ ኡሻን፣ ኢሲፊ ቦንቾን ዋይኮ ኣገና ፃርኒኔ ሳምባታ ጋላሰ ቦንቾ ገሽ እንቴ ቦላ ኦኒካ ፒርደይ። * 17 ሃይቲ ወሪካ ቡር ያና ሃናታሰ ኤሾታ ገዲሺን ዋና ኣሳቴላይ ገዲኮ ከርሰቶሳ። 18 ቤሶንታ ኣሸኬቴላኔ ኪታንቻታሰ ጎይኖ ደሲዛ ኣሲ ኦኒካ እንቴና ቆጲዲ ሚላ ኣሾንታ ማላ ናገቲቲ። ሃሳ ማላ ኣሲ ባ ቤዩዳ ኣጉሞሰ ዋጋይ ባይንዳ ባና ናሺሼ ሃዳ ኣሾ ቆፋን ኩሚዲ ኦቶሬቴሰ። 19 ሃሳ ማላ ኣሳሰ ሁዔ ገዲዳ ከርሰቶሳራ ኣይኮ ጋይቶቴላካ ዳና። ኩሜላ ኣሳቴላ ሻያኒኔ ኮልኼ ጋሊ ኦይሌሊ ዲቺዛ ሁዔይ ከርሰቶሳ። ያሲ ከርሰቶሳ ኣሳቴላ ኩሜላ ዲቺዛይ ሃሳ ማላና። *

ዋርዶ ቲሚርቴፊ ናገቲቲ

20 ሃይሳ ሃ ኣላሚዛ ዋጋሰ እንቴ ከርሰቶሳራ ሃይቁዳይታ ገዲኮ ሂሰቲን ሃዒ ኣዛሰ ሄ ዋጋሰ ሃራቴቲ? 21 ኣይኮፋ፣ ላጫ ቤዮፓ፤ ቦቾፋ ገዛይታ ማላ። 22 ሃይቲ ወሪ ኣሳ ኣዛዘኒኔ ኣሳ ቲሚርቴን ዋጲዳ ዋጋታ ገዲዳ ገሽ ኦሌቲዳፔ ጉዬ ጮ ቆያናሰ ዳቲሰ። 23 ሃ ኣዛዘቲ ባርካ ባፔ ሚጲ ኤኪዳ ጎይኖ ቆፋይ ጮ ቤሶንታ ኣሸኬቴላኔ ባ ኣሳቴላ ናቁ ኦይላን ኢሰታሰ ቲሙ ኣቶ ኤራቴላ ዲዛይታ ሚሳቴቲሰ። ገደ ኣቲን ኣሾ ኣሞቴላ ሺሺ ኦይኪዛ ዋልቃይ ኢሰታሰ ባሞ።

3

ገሻቴላ ዲሳሰ ማዲዛ ዋጋ

1 ሂሰቲኮ እንቴ ከርሰቶሳራ ኢሲፊ ዳንዲዳይታ ገዲኮ ከርሰቶሲ ያሳ ኣቻን ኡቲዳሶን ፑይን ዲዛ ሃናቴላ ኮዩቲ። * 2 እንቴ ቆፋይ ፑይ ቦላን ዲዛ ሚሻ ቦላ ገደ ኣቲን ሃ ቢታ ዮዖ ቦላ ገደፖ። 3 ጋሶይካ እንቴ ሃይቁዳታኔ እንቴ ዳዖይካ ከርሰቶሳራ ያሳ ኣቻን ቆቴቲዳሰ። 4 እንቴሰ ዳዖ ገዲዳ ከርሰቶሲ ቆንጨዛ ጋላሰ እንቴካ ሄ ዋዳ ኢዛራ ኢሲፊ ቦንቾና ቆንጨና።

5 ሃሳ ገሽ እንቴሰ ቢታ ቦላ ዲዛ ኣሞቴላ ዲገቲ። ሃይቲካ ላይማ፣ ቱናቴላ፣ ኣሾ ኣሞ፣ ኢታ ኣሞቴላኔ ኤቃሰ ጎይኖ ማላ ገዲዳ ጋጲጋጵ። 6 ሃይታንታ ጋሶን ያሳ ሃንቆይ ያሳሰ ኣዛዜቶንታይታ ቦላ ያና። 7 እንቴካ ካሴ ዲዛ ዲሳን ሃ ሚሻታ ኦሊዳታ።

8 ሃዒ ገዲኮ ሃንቆ፣ ዩሎ፣ ጫሼ፣ ዘገርሲኔ ዩላሲዛ ሃሳያ ሃይታንታ ሚሳቲዛይታ ወርሲ ዲገቲ። 9 ካሴ ጨጋ ኣሳቴላ ኢዛ ኦሶራ ጋሊ እንቴፊ ቃሪ ዩገዳ ገሽ እንቴ እንቴ ጋርሳን ኢሶይ ኢሳራ ዋርዶ ሃሳዮፒቲ። * 10 ባና ሚጲዳይሳ ሚሳታና ማላ ኤራን ኦራዒዳ ኦራላ ኣሳቴላ ማይዒዳታ። * 11 ሃን ገሪኬ ኣሰ ገዲን ዋይኮ ዩሁዳ ኣሰ ዋይኮ ቃፃሬቲዳይታ ዋይኮ ቃፃሬቶንታይታ ዋይኮ ታማሪዳይታኔ ታማርንታይታ ዋይኮ ማሪቶንታይታ ዋይኮ ኣይሌ ዋይኮ ጎቃ ጌቲቲዛ ዲማቴላ ዳና።

† 1:24 ጳውሎስ ሃይሳን “ኢዚ ኤኪዳ ሞዛፔ ኤኪሽን ፓጩዳይ ዲኮ ታኒ ታ እሾን ኩንላና” ጉሲ ናጋራ ማራና ዳንዳዩዛ ከርሰቶሲ ኦሊዳ ኦሶፕ ኣቲዳይሲ ዳሰ ጉሲ ገደና፤ ሃይሳን ጳውሎስ ገዛይሲ ከርሰቶሲ ኣሳ ናጋራ ገሽ ማሰቃሌ ቦላ ካቲቲዳይሳላ ቆዩዳ ሃ ኣላሚዳሰ ሚሺራቾ ቃላ ዮቲሼ ኢዛ ሞዛ ሰካኬቲዛይሳ ቤሲሰ። * 2:12 ኦር 6:4 * 2:13 ኤፊ 2:1-5 * 2:16 ኦር 14:1-6 * 2:19 ኤፊ 4:16 * 3:1 ማዛ 110:1 * 3:9 ኤፊ 4:22 * 3:10 ኤፊ 4:24፤ ሜጲ 1:26 * 3:11 ታማሪዳይታኔ ታማርንታይታ ገዛይሲ ካሴ ኮይር ገሪኬ ቃላን ባርባሪያኔ ኣሲኩቲ ጉሲ ገዲሺን ኢዛካ ዋራ ገደፊ ዩዳ ኣሳታኔ ገሪኬ ቃላ ኤርንታይታ ቤሲሰ * 3:12 ኤፊ 4:2

ኪርሰቶሲ ሄይታጎታ ኡባሳ። ቃሴ ኡባጎካ ዴሰ። * 12 ሄሳ ጊሽ ዲማ ጊዲዲ ደሴተዳይቶ፣ እንቲ ያሳሰ ደሬተዳይታ ጊዲዲ ማላ ሚሼቴሌኔ ኪያቴላ፣ አሽኬቴላ፣ ቦንቾኔ ዳንዳያ ማይዲቴ። * 13 እንቲ ኢሶይ ኢሳ ዳንዳይቶ፣ እንቲፊ ኢሳይይ ኢሳይ ቦላ ሚሼቴኮ ዮጆይካ ኢዛ ቦላ ዲኮ ኢሶይ ኢሳሰ አቶ አቶ ጌቲቲ። ጎዳይካ እንቲሰ አቶ ጊዳ ማላ እንቲካ ሃራ አሳሰ አቶ ጊቲ። * 14 ሄሳ ኡባ ቦላ ኡባ ኩሚሳ ኢሲፊቴላን ሺሺ ቃቸዛ ሲቆ ማይዲቴ። 15 እንቲ ዉሪካ ኢሲ አሽ ጊዲዲ ሳርቴላሰ ያይጌቲዳ ኪርሰቶሳ ሳርቴላ እንቲ ዋዘናን ካዎቶ። እንቲ ጋላተዛይታ ጊዲቴ።

16 ኪርሰቶሳ ቃላይ እንቲናን ኩሚሳ ጊዳ። እንቲ እንቲ ጋርሳን አቶ ኤራቴላን ታማሪቴኔ ዞሬቲቴ፤ ማዛሙራኒኔ ሳባን አያና ዬላን ጋላታራ ጋላ እንቲ ዋዘናራ ያሳሰ ዬይቲ። 17 ኢዛ ባጋራ ያሳ አዋሰ ጋላታ ሺሺሽ ቃላን ጊዲን ዋይኮ ኦሶን እንቲ ኦሊዛይሳ ዉርሲ ጎዳ ዬሱሳ ሱንሳን ኦሊቴ።

አማኒዛ አሳይ ባሶ አሳ ካሌሊዛ ዋጋ

18 ማቼቶ! ጎዳ አቻን እንቲሰ ቤሲዛ ሚሽ ጊዲዲ ጊሽ እንቲ አዚናታሰ አዛዜቲ። * 19 አዚናቶ! እንቲ እንቲ ማቼታ ሲቁቴኔ ኢሰታሰ ሚንፀ ኢቶጊቴ። *

20 ናይቶ! እንቲ ጎዳ ኡፋይሳና ማላ እንቲ እንቲና ዬሊዳይታሰ ኡባ ሚሻን አዛዜቲ። * 21 አዋቶ! ናይቲ ሂደታ ቃንጾንታ ማላ እንቲ ናይታ ሃንቁሶፍቴ። *

22 አይሌቶ! አሰ ኡፋይሳሰኔ ጮ አይፊሶን ቤታናሰ ጊደንታ ሱሬ ዋዘናፕ እንቲ ጎዳሰ ባቢቴ። ሃይሳ ቢታን ሃሪዛ ጎዳታሰካ ሃኖ ኡባን አዛዜቲ። * 23 እንቲ ኦሊዛ ሚሽ ዉርሲ አሳሰ ጊደንታ ጎዳሰ ኦሊዛ ማላ ታይቢዲ ኩሚሳ ዋዘናፕ ኦሊቴ። 24 እንቲ ጎዳ አቻፊ እንቲ አሶ ማላ ኤካናሰ ሳታይ ዲዛይሳ እንቲ ኤሬታ። እንቲ ኦሊዛይ ጎዳ ዬሱሰ ኪርሰቶሳሳ። 25 ቆሆ ኦሊዳይይ ባ ኦሊዳሪ ኩሼ ኤካና። ኢዛ አቻን ዲማ ማደይ ዴና። *

4

1 ጎዳቶ! እንቲሰ ሳሎን ጎዳይ ዲዛይሳ እንቲ ኤሪዛ ጊሽ እንቲሰ ኦሊዛይታሰ ቱማኒኔ ሱሬቴላን ኦሊቴ። *

ጉጃ ዞሬ

2 ቤጊዲ ጋላታራ ጋላ ፓጩይ ባይንዳ ያሳ ዋሲቴ። 3 ታ ኢዛ ጊሽ ቃሹቲዳ ኪርሰቶሳ ፀራ አዋጃናሰ ዳንዳያና ማላ ያሲ ኦሰ ቃላ ዮታናሰ ኦጌ ደያና ማላ ኦ ጊሽካ ዋሲቴ። 4 ቃሴካ ሃሳያናሰ ቤሲዛ ቃላ ቆንጩን ታ ሃሳያና ማላ ታሰ ዋሲቴ።

5 አማኖንታ አሳታራ እንቲሰ ዲዛ ሃኖቴላን አቶ ኤራቴላን ሲሚሬቲቴ። እንቲሰ ቤቲዳ ሎጆ ቃዳን ጎዴቲቴ። * 6 ኢሶሰ ኢሳሰ እንቲ ዛር ዋሰቲ ኢማናኮኔ እንቲ ኤራና ማላ እንቲ ሃሳያይ ማዲኔራ ካዲዳ ካላ ማላ ማልጆ ጊዳ።

ዉርሴላ ሳርካ

* 3:13 ኤፌ 4:32 * 3:18 ኤፌ 5:22፤ 1ጴፀ 3:1 * 3:19 ኤፌ 5:25፤ 1ጴፀ 3:7 * 3:20 ኤፌ 6:1 * 3:21 ኤፌ 6:4
 * 3:22 ኤፌ 6:5-8 * 3:25 ዛሬ 10:17፤ ኤፌ 6:9 * 4:1 ኤፌ 6:9 * 4:5 ኤፌ 5:16 * 4:7 ሃዋ 20:4፤ 2ፂግ 4:12
 * 4:9 ፒላ 10-12 * 4:10 ሃዋ 12:12፤25፤ 13:13፤ 15:37-39፤ 19:29፤ 27:2፤ ፒላ 24 * 4:12 ቆላ 1:7፤ ፒላ 23 * 4:14
 2ፂግ 4:10-11፤ ፒላ 24 * 4:15 ኒሞፑሲሴ ኢዚ ኬላን ዲዛሪሰ። ኢሲ ኢሲ ቢርሼላ ማፃፋቲ ኒሞፑሲሴ ኢዛ ኬላን ሸቁዛ አማኒዛ አሳታ
 ጌቲሰ * 4:17 ፒላ 2

7 ቲቁቆሲ ታ ዲሳ ጊሽ ዉርሲ እንቲሰ ዮታና። ኢዚ ዳር ደሴቲዳ አሻኔ ጎዳሰ ታናራ ኢሲፊ ኦሊዛ አማኔቲዳ አሳንቻ። * 8 ኦ ዲሳ ጊሽ እንቲ ኤራና ማላኔ እንቲ ዋዘና ሚንላና ማላ ታኒ ኢዛ እንቲኮ ኪታዲሰ። 9 ኢዚ እንቲ ባጋ ጊዲዲ አማኔቲዳይኔ ደሴቲዳይ ጊዲዲ ኦ አሻ አናሰሞሳራ እንቲኮ ኤራይሰ። ኢሰቲካ ሃን ዲዛ ሃኖዛ ዉርሲ እንቲሰ ዮታና። * 10 ባርናባሳ አዋ ሚቼይ ና ማርቆሴኔ ታናራ ኢሲፊ ቃሹቲዳ አርፂርኮሲ እንቲና ሳር ጌቲሰ። ማርቆሳ ጊሽ እንቲ አይ ኦላናኮኔ ካሴ እንቲና ታ ቆፊሳ ዋሊዳ ማላ ኢዚ እንቲኮ ጋዚሽን ሞኪ ኤኪቴ። *

11 ኢዮሰያሳ ጌቲቲዛ ኢያሶይካ እንቲና ሳር ጌሰ። አይሁዳ አሳ ጊደፊ ያሳ ካዎቴላሰ ታናራ ኦሊዛይቲ ሃይታጎታ ዓላ። ኢሰቲ ታና ሚንሌሊዳ።

12 እንቲ ባጋፊ ጊዲዲ ዬሱሰ ኪርሰቶሳ አሳንቻ ኤጳፒራይ እንቲና ሳር ጌሰ። ኢዚካ እንቲና አያና ዲሳን ሎዔሊ ሚኒዲኔ ሙሌራ ዋፑ ጊዲ ያሳ ሼኔን ሚኒ ኤቃና ማላ ኡባ ዋይ እንቲ ጊሽ ዋሳን ባፂቴሰ። *

13 ቃሴካ እንቲ ጊሽ ሄሳሶካ ሎዶቂያኒኔ ኢያርፖሊሴ ካታማን ዲዛይታሰ ኢዚ ፓጩይ ባይንዳ ኦሊዛይሳ ታ ኢዛሰ ማርካታይሰ።

14 ዳር ደሴቲዳ አኪሚ ሉቃሴኔ ዴማሲ እንቲና ሳር ጌቲሰ። * 15 ሎዶቂያን ዲዛ ኦ አሻታሰ፣ ኒሞፑሲኔ ኢዚ ኬላን ሸቁዛ አማኒዛ አሳታሰ ታ ሳርካ ዮቲቴ። *

16 ሃና ታ ኪታያ እንቲሰ ናባቤቲዳ ማላ ቃሴካ ሎዶቂያን ዲዛ ዋሳ ኬላይን ናባቤቲዳ ማላ ኦሊቴ። እንቲካ ቃሴ ሎዶቂያፕ እንቲሰ ኪቲቲዳ ኪታ ናባቤቲ። 17 አኪሪጳሰ “ኔኒ ጎዳፕ ኤኪዳ ኦሶዛ ዉርሴላ ጋላናሰ ሚና” ጌቲ። *

18 ሃይሳ ሳርካ ታኒ ጳዉሎሲ ታ ኩሼራ ያፋዲሰ። ታ ቃሹታ ዲዛይሳ ደሳፒቴ። ያሳ ኪያቴላ እንቲናራ ጊዳ።

ጳውሎስ ታሶሎንቄ አሳሰ ፃፊዳ ኮይር ኪታ ገደ ቆፋ

ታሶሎንቄይ ማቀደኒያ ጌቲቲዛ እርሜስ ዋና ካታማ። ጳውሎስ ታሶሎንቄ ዋሳ ከፋዮ ኤሲዳይ ፒሊጲሲዮሴ ዩጊ ቢዳፕ ጉዩና። ሄራካ ኢሲ አገና ኩሞንታ ዲሺን አይሁዳቲ ኢዚ ፒሊጲሲዮሴ ዩጊ ቢዳይሳ ሲዩዳ። ሄሳ ጊሽ ጳውሎስ ኢስታሰ ፃፊዳ ባ ኪታዛን ሚሺራቾ ቃላ ቃንሳራ ቆንጨሲዳ። (1:9-10) ኢስቲካ አይሁዳታ አማኖ ኤካናስ ማቲ ኡቲዳ አይዛቤቲ ጳውሎስ ዮቲዛ አማኖን ዋዝና ቦቹቲዳ። ሄሳ ጊሽ አይሁዳቲ ቃናቲቲሳን ጳውሎሳ ቦላ ፓላማ ዳንጢዳ። ሄሳ ጊሽ ጳውሎስ ታሶሎንቄ ዩጊዲ ጌዴ ቤሪያ ባናይሲ ኢዛሰ ማኔ ገደዳ። ጉላ ጋምቢሽ ቆርንቶሴ ካታማ ቢ ጋኪዳ ማላ ደምቶሲ ዋሳ ከፋይ ሃኒዛይሳ ወርሲካ ኢዛሰ ዮቲዳ።

ጳውሎስ ኮይር ኪታ ታሶሎንቄ አሳሰ ፃፊዳይ አማኒዛይታ ዳንጢሳናሲኔ ሚንጢሳናሳ። ኢዚ ኢስታ ሎዎ አማኖ ጊሽኔ ኢስታ ሲቆቲሳ ጊሽ ሎዎ ዋሪ ሲይዲ ያሴ ጋላቲዳ። ካሴ ጳውሎስ ኢስታራ ዲዛ ዋዴ ኢዚ ኢስታራ አይ ማላ ዱሰ ዳዩዳኮኔ ኢስታ ቆፊሴሰ። ሄሳፊካ ኪርሰቶሳሰ ናምባንሉ ዩሳ ጊሽ ዳንዲዳ ኦይሻታሰ ዛር አሜሰ።

ሄ ኦይሻታፕ ባጋቲ “ኪርሰቶሳሰ ሃ ሲሚ ያናፕ ካሴቲዲ ካሴ ሃይቁዳ አማኒዛ አሳይ ኪርሰቶሳ ዩሳን ቤቲዛ ሜርና ዳዎ ዳማኔ?” ጊዛይታ። ጳውሎስካ ሄሳ ጋሶ ሂሰቲዲ “ኪርሰቶሳሰ ናምባንሉ ዩሳ ቲሚርቲዛ ሂደታን ናጊሽ ሄ ዋዴ ጋካናሰ ጮቡ ገዲ አንቲ ኦሶ ኦሶ” ገዲ ኢስታ ዞሪሰ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1
- ጳውሎሳ ኡፋይሲኔ ኢዛ ጋላታ 1:2-3:13
- አማኒዛ አሳይ ካሳና ዋጋ 4:1-12
- ኪርሰቶሳሰ ናምባንሉ ያና ዩሳ ጊሽ አሜቲዳ ቲሚርቲ 4:13-5:11
- ወርሴሳ ዞሪ 5:12-22
- ኩሻ ቆፋ 5:23-28

1 ጳውሎሳፕ፣ ሲልዋኖሴፕ፣ ደምቶሳፕ፣ ያሳ አዋሲኔ ጎዳ ዩሴሰ ኪርሰቶሳይታ ገዲዳ ታሶሎንቄን ዲዛ አማኒዛ አሳሰ ኦ አዋ ያሳፊኔ ጎዳ ዩሴሰ ኪርሰቶሳ ኪያቲላኔ ሳርቲላ አንቲሰ ገደ። *

ታሶሎንቄን አማኒዛ አሳ አማኖ ጊሽ ሺቁዳ ጋላታ

2 ኦ አንቲና ኦ ዋሳን ቆፕሽ ኡባ ዋዴ ያሳ አንቲ ጊሽ ጋላቶሰ። 3 አማኖኒኔ ሚኖ ሲቆቲሳን አንቲ ኦሶዳ ኦሶ ጊሽ ጎዳ ዩሴሰ ኪርሰቶሳ ቦላ ዲዛ አንቲ ሚኖ ኡፋይሳን ቤቲዳ አንቲ ሚኖቲሳ ጊሽ ኦ ጎዳ ያሳ፣ ኦ አዋ ሲንሳን ኡባ ጋላሰ አንቲ ጊሽ ቆፖሰ።

4 ያሳን ደሴቲዳ ኦ አሻቶ! ኢዚ አንቲና ደሪዳይሳ ኦ ኤርሰ። 5 ጋሶይካ ሚሺራቾ ቃላይ አንቲኮ ዩዳይ

ዋልቃራ ደሎ አያናኒኔ ሎዔላ ሻኪ ኤሪን አቲን ጮ ቃላ ያላን ገደና፣ ቃሴካ ኦ አንቲ ጊሽ ገዲ ዋኒ ዳዒዳኮኔ አንቲ ኤሪታ። 6 ሃዒ አንቲ ኦናኔ ጎዳ ሚሳቲዳታ። አንቲ ቦላ አይ ማቶይ ጋኪዳ ገዲኮካ ደሎ አያና ኡፋይሳ ቃላ አንቲ ኤኪዳታ። * 7 ሄሳፊ ዳንዲዳይሳን አንቲ ማቀደኒያኒኔ አካያን አማኒዛ አሳ ኡባሰ ሎዎ ለሚሶታ ገዲዳታ። 8 ጎዳ ቃላይ አንቲፊ ከዚዲ ማቀደኒያኒኔ አካያን ሲዩቲላ ያላ ገደንታ አንቲሰ ያሳ ቦላ ዲዛ አማኖይ ኡባሰን ኤሪቲዳ። ሄሳ ጊሽ ኦ አንቲሰ ዮታናሰ አይኮካ ኮሼና። 9 አንቲ ኦና ዋሰቲ ሞኪ ኤኪዳኮኔ ዳዎን ዲዛ ቱሙ ያሳሰ ኦሳናሰ አንቲ ኤቃታፕ ያሳኮ ዋኒ ሰሚዳኮ አሳይ አንቲ ጊሽ ሃሳዬሰ። 10 ቃሴካ ያሲ ሃይቆፕ ዳንጢዳይሳ ቡር ያና ሃንቆፊ ኦና አሻና ሳሎፕ ያና ያሳ ና ዩሴሳ ዩሳ አንቲ ዋሰቲ ናጊዛኮኔ አሳይ ሃሳዬሰ።

2

ታሶሎንቄን ጳውሎሳ ኦሶ

1 ኦ አሻቶ! ኦ አንቲኮን ጋምቢዳ ጋምዎይ ጮ ሚላ ገደንታይሳ አንቲካ ኤሪታ። 2 አንቲካ ኤሪዛይሳ ማላ ሃይሳፊ ካሴ ፒሊጲሲዮሴን ኦ ዋዩኔ ሜቶ ቤይደሲኔ ጫዩቲደሰ፣ ገደ አቲን አይኔ ሚኖ ዋዩይ ኦና ጋኪኮካ ያሳ ሚሺራቾ ቃላ አንቲሰ ዮታናሰ ኦ ጎዳፕ ያላቲላ ዳሚደሰ። * 3 ኦ አንቲና ዞሪዳ ዞሪይ ኢታ ቆፋራ ዋይኮ አንቲና ባሌሳናሰ ኮይዲ ገደና። 4 ገደ አቲን ኦ ሚሺራቾ ቃላ ሃደራ ኤካናሰ ዳንደዩዛ አሳታ ማላ ያሲ ኦና ቆዲዳ ጊሽ ኦ ሃሳዮሰ፣ ሄሳካ ኦ ኦሶዛይ ኦ ዋዝና ፓጩ ኤሪዛ ያሳ ኡፋይሳናሰ አቲን አሰ ኡፋይሳናሰ ገዲ ገደና። 5 ኦ ሙሌካ ባሌላ ቃላ ዮቲቤኮ ዋይኮ ኦ ኡዜቲላ ካማናሰ ገዲ ባሌላ ሃኖ ኦ ሃኖታይሳ አንቲ ኤሪታ። ሃይሳሰካ ኦ ማርካይ ያሳ።

6 አንቲፊ ገዲን ዋይኮ ሃራታፕ ኦናፕካ አሳፕ አሚቲዛ ቦንቾ ኦ ኮይቤኮ። 7 ኦ ኪርሰቶሳ ኪቲዳይታ ገዲዳ ጊሽ አንቲሰ ቶሆ ገደናሰ ዳንዳዮሰ፣ ገደ አቲን አያ ባ ናይታ ዲቹዛ ማላ ኦካ አንቲ ገደን አሽኬቲሳን ሲሜሪቲደሰ። 8 ያሳ ቃላ ያላ ገደንታ ዲሺን ኦ ሽምፖካ አንቲ ጊሽ ኡፋይሳን አማኖ ጋካናሰ አንቲና ሲቁደሰ። ጋሶይካ ኦ አንቲና ዳር ሲቁዳ ገሻሳ። 9 ኦ አሻቶ! ኦ ዳፊቲላኔ ኦ ዳቡራ አንቲ ኤሪታ፣ አናሰካ ቶሆ ገደንታ ማላ ቃማኔ ጋላሰ ኦሰ ኦሶ ሚሺራቾ ቃላ አንቲሰ ዮቲደሰ።

10 ኦ አንቲናራ አማኒዛይታራ ዲዛ ዋዴ ደሎቲላኒኔ ጌሻቲሳን ቃሴካ ዋሶይ ባይንዳ ኦ ዋኒ ዳዒዳኮኔ አንቲካ ያሲካ ኦሰ ማርካ። 11 አዋይ ባ ናይታሰ ሃኒዛ ማላ ኦካ አንቲሰ ኢሳሰ ኢሳሰ አይ ሃኒዳኮኔ አንቲ ኤሪታ። 12 አንቲ አንቲና ባ ካዎቲላሲኔ ባ ቦንቾሰ ያይገዳ ያሳሰ ቤሲዛ ማላ አንቲ ዳና ማላ ኦ አንቲና ሚንጢዳ፣ ሎዔላ ዞሪደሲኔ ሃደራ ገደሰ።

13 አንቲ ኦፕ ሲዩዳ ያሳ ቃላ ኤኪዳ ዋዴ አማኒዛ አንቲ አቻን ቱሙ ኦሶዛ ያሳ ቃላ ማላ ኤኪዳታ አቲን ጮ አሳ ቃላ ማላ አንቲ ኤኮንታ ኦጊዳ ጊሽ ኦ ያሳ ቃንያይ ባይንዳ ጋላቶሰ።

14 ኦ አሻቶ! ዩሁዳ ቢታን ዩሴሰ ኪርሰቶሳ አማኒዛ ያሳ ዋሳ ከፋታ ሚሳቲዳታ፣ ኢስቲ አይሁዳታፕ ሜቶኔ

* 1:1 ሃዋ 17:1 * 1:6 ሃዋ 1:5-9 * 2:2 ሃዋ 16:19-24፣ 17:1-9 * 2:14 ሃዋ 17:5

ዋዬ ኤኪዳ ማላ አንቴካ አንቴ አሳፔ ዋዬ ኤኪዳታ።
 * 15 ኢስቲ ጎዳ ዩሱሳኔ ካሴ ናቤታካ ዋዲዳ፤ ኑናካ ጎዲዳ፤ ያሳካ ኡፋይሲቤቴና፤ አሳ ኡባራ ኤቁቲዛይታ ገዲዳ። * 16 ሄሲካ አይዛቤቲ ሲይዲ አታና ቃላ ኑ ኢስታስ ዮቶንታ ማላ ዲጋናሳ። ሄሳ ማላ ኦሶን ባ ናጋራ ኡባ ዋዴ ባ ቦላ ወርሴል ጋካናስ ጉጂ ጉጂ ቤቴስ፤ ያሳ ሃንቆይካ ኢስታ ቦላ ዋዲዳ።

ጳውሎስ ታሰሎንቄ አሳ ቤያናስ ላሞቲዳስ

17 ገዲኮካ ኑ አሻቶ! ኑ ጉላ ዋዴስ አንቴፊ አያናን ገደንታ አሻን ሻኬቲኮካ አንቴ ላሞታይ ኑና ዋዲዳ ገሽ አንቴ አይፊሶ ቤያናስ ዳሮ ዳፊቴላን ደሰ። 18 ኑ አንቴኮ ባናስ ዳሮ ላሞቲዳስ ሽን ሃራፔካ ታ ጳውሎስ ዳሮ ዋዴ ዳፊታዲስ ሽን ፃላዔይ ኑና ዲገዴስ። 19 ጎዳ ዩሱሲ ሃ ዪዛ ዋዴ አዛ ሲንላን ኑ አሞይ ዋይኮ ኑ ኡፋይሲ ዋይኮ ኑ ዛወዴይ ኑስ አንቴፊ ሃራይ ኦኔ? 20 ቱማፔካ ኑ ኡፋይሲኔ ኑ ቦንቾይ አንቴና።

3

1 ሄሳ ገሽ ኑስ ዳንዳዬቶንታ ኢደን ሄ ዋዴ አቴናን ኑርካ ኑ አታናይሲ ኑስ ሎዎ ገዲ ቤቴዳስ። * 2 አንቴና አማኖን ሚንላና ማላ ኑናራ አሳስ ኪርስቶሳ ሚሺራቾ ቃላ ዮቲዛ ያሳ አሽካራ ገዲዳ ደምቶሳ አንቴኮ ዩዲደስ። 3 ሄሲካ ሃይሳ ፓጩዛን ኦኒካ አማኖፔ ቃንዶንታ ማላ፤ ኑካ ሃይሳስ ደሬቲዳይሳ አንቴካ ኤሬታ። 4 ኑ ቃሴ አንቴናራ ዲዛ ዋዴ ዋዬይ ኑ ቦላ ጋካናይሳ ካሴቲዲ አንቴስ ዮቲዳስ፤ አንቴ ኤሬዛ ማላካ ሃኒዳስ። 5 ሄሳ ገሽ አይኮካ ታ ጌንጩጩን ታስ ዳንዳዬቶንታ ኢደዳ ገሽ አንቴ አማኖ ገሽ ኤራናስ ጋዳ ደምቶሳ ኪታዲስ። ታ ሄሳ ኦሌዳይ ኦኒ ኤሬዜ ፓጩዛዳይ ኢስታ ፓጩን ሃኒ ዋዴ ኑ ዳቡራይ ወሪካ ማላ ገደንታ አጌና ጋዳ ባቢዳ ገሻሳ።

ደምቶሲ ኤኪ ዩዳ ሚንጤልዛ ቃላ

6 ሃሲ ቃሴ ደምቶሲ አንቴ አቻፊ ኑኮ ዩዲ አንቴ አማኖ ገሽኔ አንቴ ሲቆቴላ ገሽ ሎዎ ዋሪ ኑና ሲሲዳስ። ቃሴካ አንቴ ኡባ ዋዴ ኑና ሎዔል ቆፐዛይሳኔ ኑካ አንቴና ቤያናስ ላሞቲዛ ማላ አንቴካ ኑና ቤያናስ ላሞቲዛይሳ ኑስ ዮቲዳስ። * 7 ሄሳ ገሽ ኑ አሻቶ! ኑ ዲዛይ ዋዬኒኔ ሜቶ ጋርሳን ገዲኮካ አንቴ አማኖ ጋሶን አንቴናን ሃሲ ኑ ሚኔቶስ። 8 አንቴ ጎዳን ሚኒ ኤቁዳ ገሽ ቱማፔ ሃሲ ኑ ፓዓ ዳና። 9 አንቴ ጌዶን ኑ ያሳ ሲንላን ኑ ዳሚዳ ኡፋይሳ ኡባ ገሽ ያሳ አይ ማላ ጋላታናስ ዳንዳዩዛ? 10 ቃሴካ ኑ አንቴና ቤያናሲኔ አንቴ አማኖፔ ፓጩዳይሳ ኩንላናስ አማርሲኔ ጋላስ ኬሂ ዋሶስ።

11 ሃሲካ ኑ አንቴኮ ባና ማላ ኑ አሞይ ያሲ ጎዳ ዩሱሲ ኪርስቶሲ ኦኒዛ ኢዚ ኑስ ሱሪሶ። 12 ኑ አንቴና ሲቁዛ ማላ አንቴስ አንቴ ጋርሳን ዲዛ ሲቆኔ አንቴ ሃራታ ሲቁዛ ሲቆዛ ጎዳይ ዳርሶኔ ኬሂ ጉጂ። 13 ኑ ጎዳ ዩሱሲ ኪርስቶሲ ጌሻታ ኡባታራ ዩዛ ዋዴ ኑ አሞ ጎዳ ያሳ ሲንላን አንቴ ዋሶይ ባይንዳይታኔ ጌሻታ ገዲዲ ቤታና ማላ አንቴ ዋዛና ኢዚ ሚኒሶ።

* 2:15 ሃዋ 9:23፣29፤ 13:45፣50፤ 14:2፣5፣19፤ 17:5፣13፤ 18:12 ሉቃ 12:39፤ 2ጴፀ 3:10

4

የሴ ኡፋይሲዛ ዲስ

1 ሃሲ ወርሴላን ታ አሻቶ! አንቴ ያሳ ኡፋይሳናስ አንቴ ዋኒ ዋኒ ዳና ቤሲዛኮኔ ኑ አንቴና ታማርሲደስ። ቱማፔካ ኑ ታማርሲዳ ማላ ዳታ፤ ሄሳ ገሽ ጎዳ ዩሱሲ ኪርስቶሳን ኑ አንቴና ዋሲዛይኔ ዘሬዛይ ሃይሳፊካ አጲዛ ሃናራ አንቴ ሲንጤ ጉጂና ማላ። 2 ጎዳ ዩሱሲ ኪርስቶሳ ዋልቃን ኑ አንቴስ አይ አዛዘ አሚዳኮኔ አንቴ ኤሬታ።

3 ያሳ ሸኔይ አንቴ ላይማፔ ሃኪዲ ዲማታናሳ። 4 ቃሴ ኢሲ ኢሲ አሳይ ባ ማቾ ጌሻቴላኒኔ ቦንቾን አይሶ ቤሲዛይሳ ሻኪ ኤር። 5 ሄሲካ ያሴ አማኖንታ አይዛቤታ ማላ ላይማ ቃቁቴላን ገደፖ። 6 ሄሳ ማላን ኦኒካ ባሌቲዲ ባ አሻ ባሌጭ፤ ጋሶይካ ሃይሳፊ ካሴ ኑ አንቴስ ዮቲዳ ማላኔ ናጌታናስ አኬኪሲዳ ማላ ጎዳይ ሄይታንታ ማላ ናጋራ ኦሌዛ ኡባታ ቦላ ባ ሃንቆ ኤሃና። 7 ያሲ ኑና ጌሻቴላስ ያይገዴስ አቲን ቱናቴላስ ያይገቤና። 8 ሄሳ ገሽ ሃይሳ ሃ ዘሬዛ ካጲዲ ኤኮንታዳይ ያሎ አያና ኢዛስ አሚዳ ያሳ ካጲስ አቲን አስ ካጲዛዴ ገዴና።

9 አሻታ ሲቆቴላ ገሽ አንቴስ ኦኒካ ያፋናስ ኮሼና፤ ጋሶይካ አንቴ አንቴ ገደን ሲቁታና ማላ አንቴ አንቴ ባጋራ ያሳፊ ታማሪዳታ። 10 ኩሚላ ማቁደኒያን ዲዛ አማኒዛ አሳ አንቴ ወርሲ ሲቁዛይስ ኤሬቲዳይሳ። ገዴ አቲን ኑ አሻቶ! ሲንላ ባጋን አንቴ ሃይሳፊ አሌ ሲቁታና ማላ ኑ አንቴና ዘርስ። 11 ኑ ሃይሳፊ ካሴ አንቴና አዛዚዳ ማላ አንቴ አንቴ ኩሼራ ኦሌቴ፤ ዋፑ ገ ዲቴ፤ አንቴስ ገዲዛይሳ ሎዔል ያሌቴ። 12 ሄሲካ ጋላስ ጋላስ አንቴ ዲሳይ ሃንኮ አማኖንታ አሳ አቻን አንቴና ቦንቾሳና ማላኔ አንቴ አይ አሳሰካ ቶሆ ገደንታ ማላ።

ጎዳስ ናምዓንሎ ዩስ

13 ታ አሻቶ! አንቴ አሻን ሃይቁዳይታ ገሽ ኤርንታ አታና ማላ ኑ ኮዮኮ። ቃሴካ ሃይታይ ባይንዳ ሃራ አሳታ ማላ አንቴ ካዮታና ማላ ኑ ኮዮኮ። 14 ዩሱሲ ሃይቁዲ ዳንዲዳይሳ ኑ አማኒዛ ገዲኮ ዩሱሳ አማኒዳይታ ያሲ ዩሱሳራ ሃሳላካ ዛሬ ሃ ዩዳና።

15 ኑ ጎዳ ቃላን አንቴስ ገዛይ ሃይሳ። ኦኒ ሃይቆንታ ፓዓ ዲዛይቲኔ ጎዳይ ያና ጋካናስ ጋምዓናይቲ ካሴ ሃይቁዳይታፔ ሲንላቶኮ። 16 ጎዳይ ባ ሁዔራ ጌታ አዛዘን ኪታንቻታ ሃላቃ ጌሪሳራ ያሳ ፀሩሞባ ጌሪሳን ሳሎፔ ዋጳና። ካሴ ኪርስቶሳ አማኒዲ ሃይቁዳይቲ ኢስቲ ካሴቲ ዳንዳና። 17 ሃሳፊ ጉዬ ኑ ቃሴ ፓዓ ዲዛይቲ ጎዳ ጫርኮ ቦላ ጋጋናስ ኢስታራ ኢሲፊ ሻራራ ዳንዳና፤ ሃሳላካ ኑ ሜርናስ ጎዳራ ዳና። 18 ሄሳ ገሽ ሃይሳ ቃላን ኢሶይ አሳራ ሚኔቲቴ።

5

1 ታ አሻቶ! ሄሲ ሃናና ዋዴዛ ገሽ ኑ አንቴስ ያፋናስ ኮሼና። 2 ካይሶይ ቃማን ዩዛ ማላ ጎዳ ጋላሲካ ሄሳ ማላ ያናይሳ አንቴ አንቴ ባጋራ ሎዔል ኤሬታ። * 3 አሳይ “ጋዴይ ሳርኔ ሎዎኮ” ገሽን ሚፃይ ቃንላራ ዲዛ ማጫስ ኦይኪዛ ማላ ሃሳላካ አስ ጳይሲዛይ ቆቻንታ አሳ ቦላ ጋካና። ኦኒካ ኬሲ ኤኬና።

* 3:1 ሃዋ 17:15 * 3:6 ሃዋ 18:5 * 5:2 ማቶ 24:43፤

4 አንቲኖ አሻቶ! ሄ ጋላሳይ ካይሶ ማላ አንቲና ዳጋንላናሰ አንቲ ጳማን ዳኬታ። 5 አንቲ ዉሪካ ፖፖ ናይታ፤ ኑኒ ጳማ ዋይኮ ቃማ ባጋ ጊደኮ። 6 ሂሰቲኮ እኔ ቤጎሰ፤ እኔ ኑርካ ኑና ሃርሰ አቲን ሃንኮ ጳሰኪዛ እሳ ማላ ኑካ እኔ ጳሰኮኮ። 7 ጳሰኪዛይቲ ቃማራ ጳሰኪኬቲ፤ ማላቲዛይቲካ ቃማራ ማላቲቲሰ። 8 ኑ ቃሰ ጋላሳ አሳታ ጊዲዳ ጊሽ አማኔ ሲቆ፣ ቲራን ማይዲዛ ፀሩራ ማይፖ ማላ ማይዲዳ አቶቲላ ሂደታ ሁዔን ዋሊዛ ቢራታ ቆቤ ማላ ሁዔን ዋሊዳ እኔ ኑናቲላ ሃሪዲ ዳፖሰ። * 9 ያሲ ኑ ጎዳ ዩሱሰ ኪርሰቶሳ ባጋራ አቶቲላ ዳማና ማላ አቲን ኑና ሃንቆሰ ያይጊቤና። 10 ኑ ሃይቁኮካ ዋይኮ ፓፖ ዲኮካ ኢዛራ ዳና ማላ ኢዚ ኑ ጊሽ ሃይቁዳሰ። 11 ሄሳ ጊሽ ተማፔ አንቲ ሃዲ ኦሊዛይሳ ማላካ ኢሶይ ኢሳራ ማኔቲቲኔ ማንጴሊቲ።

ዉርሴላ ዘራኔ ሳርካ

12 ሂሰቲኮ ታ አሻቶ! አንቲ ጊደን ማኒ ኦሊዛይታ ጎዳን አንቲፊ ቦላራ ዲዛ ሃላቃታኔ አንቲና ዘሪዛይታ አንቲ ቦንቻና ማላ ኑ አንቲና ዋሶሰ። 13 ኢሰታ ኦሶ ጊሽካ ኢሰታ ሲቆራ ሎዔሊ ቦንቹቲ፤ አንቲ አንቲ ጊደን ሳርን ዲቲ።

14 ታ አሻቶ! ኑ አንቲና “ኦሶ አላንታ አሳታ ሃንቁቲቲ፤ ባቢዛይታ ማኒሲቲ፤ ዳቡራንቻታ ማዲቲ፤ አሰ ኡባ ዳንዳዪቲ” ጊ ዘርሰ። 15 ኦናሰካ ኢታ ጊሽ ኢታ ዘርንታ ማላ ናጌቲቲ፤ ጊዳ አቲን አንቲ አንቲ ጊደን ጊዲን ሃራ አሳራ ጊዲን ኡባ ዋዴ ሎፖ ጊዲዛይሳ ኦላናሰ ባጻቲቲ።

16 ኡባ ዋዴ ኡፋዬቲቲ። 17 ቃንፖንታ ዋሲቲ። 18 አይ ሃናንካ ጋላቲቲ ያሳ ሸኔይ አንቲሰ ዩሱሰ ኪርሰቶሳ ባጋራ ሄሳ።

19 ያሎ አያና ታማ ቶይሶፍቲ። 20 ቲንቢቲ ቃላ ካጶፕቲ። 21 ዉርሴካ ፓጩ ያሊቲ፣ ሎፖ ጊዲዳዘ ኦይኪቲ። 22 ኢታ ጊዲዳ አይ ሚሻፕካ ሃኪቲ።

23 ሳርቲላ ጎዳይ ኢዚ አንቲናቲላ ኤራይሰ ዳማሶ፤ አንቲ አያናይ፣ አንቲ ሸምፖይኔ አንቲ አሻይ ጎዳ ዩሱሰ ኪርሰቶሲ ዪዛ ዋዴ ዋሶይ ባይንዳ ናጌቶ። 24 አንቲና ያይጊዳይሲ አማኔቲዳዴ ጊዲዳ ጊሽ ኢዚ ሄሳ ኦላና።

25 ኑ አሻቶ! ኑ ጊሽካ ዋሲቲ። 26 አማኒዛይታ ኡባ ጌሻ ዩራቲላን ሳርኪቲ። 27 ሃ ኪታይ አማኒዛይታሰ ኡባሰ ናባቤታና ማላ ጎዳ ሱንላን ሃዳራ ጋይሰ።

28 ኑ ጎዳ ዩሱሰ ኪርሰቶሳ አጶ ኪያቲሊ አንቲናራ ጊደ።

* 5:8 አሳ 59:17፤ ኤፌ 6:13-17

**ጳውሎስ
ታሶሎንቄ አሳሰ
ፃፊዳ ናምዓንሉ ኪታ
ጊዶ ቆፋ**

ኪርሰቶስ ናምዓንሉ ያናይሳ ጊሽ ኦይሾይኔ ኦሽ ዳንዲዳ ጊሽ ታሶሎንቄ ዋሳ ኬላ ጋርሳን ሜቶይ ዳሪ ዳሪ ቢዳስ። ጳውሎስ ታሶሎንቄ አሳሰ ፃፊዳ ናምዓንሉ ኪታይ “ኅዳ ዩሳ ጋላሲ ማቲዳስ” ጊዛ አማኖ ቃላ ቲሺ ሂሰቲ ዮቲዳስ። ጳውሎስ ፃፊሽ ኪርሰቶስ ያናፔ ካሴቲዲ “ማካላ አሰ” ጌቲቲዳይ ኪርሰቶሳራ ኤቁቲዳይ ባሌሉን ሃይሳ አላሜዛ ቦላ ኢታቲሌኔ ማካላይ ዳሪ ዳሪ ባና ጉሳን ኢሰታ አማኖ ጊሳናሰ ዳፊቲስ።

ናባቢዳይቲ ዋዬይኔ ሜቶይ ኢሰታ ቦላ ዳሪኮካ ኢሰቲ ባ አማኖን ሚኒ ኤቃና ማላ ጳውሎስኔ ሃራቲ ኢዛራ ኢሲፊ ኦሊዳይቲ ኦሊዳ ማላ ኢሰቲካ ባ ዱሳሰ ኮሺዳይሳ ዳማናሰ ሚኒ ኦላና ማላኔ ሎዖ ኦሶ ኦላናሰ አዛሎንታ ማላ ኢሰታ ሎዔሊ ዘሬስ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1-2
- ጋላታኔ ሃዳራ አሞ 1:3-12
- ኪርሰቶስ ናምዓንሉ ያናይሳ ጊሽ አሜቲዳ ቲሚርቲ 2:1-17
- አማኖን ዱሳ ጊሽ አሜቲዳ ዘሬ 3:1-15
- ኩሻ ቆፋ 3:16-18

1 ጳውሎሳፔ፣ ሲልዋናሴፔኔ ጃምቶሳፔ፣ ኦ አዋ ያሳኒኔ ጎዳ ዬሱሱስ ኪርሰቶሳን ጊዲዳ ታሶሎንቄን አማኒዛ አሳሰ። * 2 ያሳ አዋፔኔ ጎዳ ዬሱሱስ ኪርሰቶሳፔ ኪያቲሌኔ ሳርቲሌ አንቲስ ጊዶ።

ጋላታኔ ዋሳ

3 ታ አሻቶ! አንቲ አማኖይ ዋዶፔ ዋዶን ዲጪ ዲጪ ቢዛ ጊሽኔ አንቲ ሲቆይካ ካሴፔ ጉጃቲ ጉጃቲ ቢዛ ጊሽ ኦ አንቲ ጊሽ ያሳ ሎዔሊ ጋላታናሰ ቤሴስ።

4 ሃሳ ጊሽ አንቲ ቦላ ጋኪዳ ጎዴቲላኒኔ ሜቶ ኡባን አንቲ ሚኒዳ ጊሽ ኦኒ ኦ ባጋራ አንቲ ዳንዲያ ጊሽኔ አንቲ አማኖ ጊሽ አማኒዛ አሳ ኡባ አቻን ጨቁቶሰ።

5 ሃሲ ዉሪካ ያሳ ፒርዳይ ሱሬ ጊዲዳይሳ ቤሴስ። ሃሳ ጌዶን ዋዬ ቤዩዛ አንቲ ያሳ ካዋቲላሰ ቤሲዳይታ ጊዲ ቤቲዳታ። 6 ያሲ ጂሎ ጊዲዳ ጊሽ አንቲና ዋይሲዳይታ ኢዚ ዋይሳና። 7 ዋዬ ኤኪዳ አንቲሰኔ ኦሰ ሸምፖ አማና። ሃሲካ ጎዳ ዬሱሱስ ኪርሰቶስ ዋልቃማ ሳሎ ያሳ ኪታንቻታራ ሳሎ ቦላ ቆንጪዛ ዋዶ ሃናና። 8 ሃ ዋዶ ያሴ ኤርንታ አሳታኔ ጎዳ ዬሱሱስ ኪርሰቶሳ ሚሽራቾ ቃላሰ አዛዘቶንታ አሳታ ቦላ ኢዚ ባ ሃሎ ላጮ ታማን ኬሳና። * 9 ኢሰቲካ ጎዳ ሲንፋፊኔ ኢዛ ቦንቾ ዋልቃ አቻፊ ኪቼዲ ሜርናሰ ጳዮን ቃዖይታና። * 10 ኢሰቲ ቃዖይታናይ ኢዚ ጌሻታ አቻን ቦንቼታናሲኔ አማኒዳይቲ ዉሪ ኢዛን ማላሌታና ማላ ኢዚ ዩዛ

ጋላሳን ሃናና። አንቲካ ሃ አማኒዛ አሳራ ዳና፤ ጋሶይካ ኦ አንቲስ ማርካቲዳይሳ አንቲ አማኒዳ ጊሻሳ።

11 ኦ ሃሳ ቆፒሽ ኦ ያሲ አንቲና ባ ጂይሳሰ ጊዲዳይታ ሂሰቲ ቆዳና ማላ አንቲ ሎዖ ኦላናሰ አሞቲዛ አሞዛኔ አማኖን አንቲ ኦሊዳ ኦሶዛ ዉርሲ ኢዚ አንቲስ ባ ዋልቃን ፖላና ማላ ኦ አንቲስ ኡባ ዋዶ ዋሶስ። 12 ቃሴካ ኦ ጎዳ ያሳኔ ኦ ጎዳ ዬሱሱስ ኪርሰቶሳ ኪያቲላ ማላ ዬሱሱስ ኪርሰቶሳ ሱንፊ አንቲ አቻን ቦንቼታና ማላኔ አንቲካ ኢዛን ቦንቼታና ማላ ኦ አንቲስ ዋሶስ።

2

ማካላ አሰ

1 ታ አሻቶ! ጎዳ ዬሱሱስ ኪርሰቶሳ ዩሳ ጊሽኔ ኦ ኢዛኮ ባና ቡሳ ጊሽ ኦ አንቲና ቆፊሶስ። * 2 አያናይ ቆንጪሲዳስ ዋይኮ ቃላይ ጌሰ ጊዲ ዋይኮ ኦፔ አንቲስ ኪቲቲዳ ኪታ ማላ “ኅዳ ዩሳ ጋላሲ ጋኪዳስ” ጊዲ አንቲ ቆፋን ያርክ ያርኮፊቲኔ ዳጋሞፍቲ። 3 ኦኒካ አይ ሃኖንካ አንቲና ባሌላ። ዳር አሳይ አማኖ ካዳናፔ ሲንፊ ጳያናሰ ቤሲዛ ኢሲ ማካላ አሲ ቆንጮንታ ዲሺን ሃ ጋላሳይ ጋኪና። 4 ኢዚካ ያሴ ጌቲቲ ገይኔቲዛ ኤቃ ያሳታ ኡባፊ ቦላራ ባና ቶቁ ቶቁ ሂሰቲዳይኔ ያሳራ ኤቁቲዳይ። ኢዚካ ያሳ ኬላን ኡቲዲ ባና “ታኒ ያሳ” ጊዲ አዋጃ አዋጃሳና። *

5 ታ አንቲናራ ዲዛ ዋዶ ሃይታ ሃ ዮዖታ አንቲስ ታ ዮቲዳይሲ አንቲስ ቆፊቲዜሻ? 6 ኢዚ ባ ዋዶን ቆንጫና ጋካናሰ ሃዒ ኢዚ ቆንጮንታ ማላ አዚ ዲጊዛኮኔ አንቲ ኤሬታ።

7 ማካላንቻ ፀራይ ሃራይ አቶሺን ሃዒካ ኦሶ ቦላ ዳስ። ጊዶ አቲን ሃይሲ ሃናናይ ኢዚ ሃዒ ኦላንታ ማላ ኢዛ ዲጊዳይ ኢዛ ኦፔ ኪቻና ጋካናሰ ያላ።

8 ሃሳፊካ ካሊዲ ጎዳ ዬሱሱስ ባ ዳና ፔናኒኔ ባ ቦንቾ ዩሳን ጳይሳና፤ ማካላንቻይ ቆንጫና። * 9 ሃ ማካላንቻ ዩሲ ያላዔ ዋልቃን ሃሲካ አሰ ባሌሊዛ ማላታታኒኔ ማላሊሲዛ ሚሻታን ሃናና። * 10 ሃሳላካ ኤኪዲ አቶንታ ማላ ቱማ ኢዲዲ ጳይዛ አሳታ ባሌላናሰ ዲማ ዲማ ኢታ ኦሶይ ያና። 11 ሃሳ ጌዶን ኢሰቲ ዋርዶ ዮዖ አማናና ማላ ያሲ ኢሰታ ቦላ ባላ ኦሶ ኪታና። 12 ሃሲ ሃናናይ ቱማ አማኖንታ ኢዲዲ ዋርዶ ዮዖን ኡፋዬቲዳይቲ ዉሪ ፒርዳታናሳ።

ሚኒ ኤቁቲ

13 ጎዳን ደሴቲዳ ታ አሻቶ! ኦ ጊዲኮ ኡባ ዋዶ አንቲ ጊሽ ያሴ ጋላታናሰ ኦሰ ቤሴስ። ጋሶይካ ያሲ አንቲና ኮይርፔ ኦይኪዲ አንቲ ጂሎ አያናን ዲማቲዳይታኔ ቱሙ አማኒዲ አንቲ አታና ማላ አንቲና ደሪዳስ። 14 ኦ ጎዳ ዬሱሱስ ኪርሰቶስ ቦንቾ ጊሹቲዳይታ አንቲ ጊዳና ማላ ኦ ዮቲዳ ሚሽራቾ ቃላ ባጋራ አንቲና ጂይጊዳስ። 15 ሃሳ ጊሽ ታ አሻቶ! አንቲ ሚኒ ኤቁቲ፣ ኦ ኦ ዱናን ጊዲን ዋይኮ ኪታን ዋይኮ ኦ አንቲስ አሊ ዬዲዳ ቲሚርቲዛ ሎዔሊ ኦይኪቲ።

16 ኢዚ ኦ ጎዳ ዬሱሱስ ኪርሰቶስ ቃሴ ኦና ሲቁዳይኔ ባ ኪያቲላን ሚርና ሚንፊሶኔ ሎዖ ሂዶታ ኢዚ ኦሰ አሚዳ ኦ አዋ ያሳይ፣ 17 ኢዚ አንቲ ዋክና ሎዖ ኦሶኒኔ ቃላን ሚንሉ።

*- 1:1 ሃዋ 17:1 * 1:8 ላጮ ታማን ጊዛይሲ ኢሲ ኢሲ ቃላ ቢርሻላታን ፃፊቲቤና። * 1:9 ኢሳ 2:10 * 2:1 1ታሶ 4:15-17
* 2:4 ሃዚ 28:2 * 2:8 ኢሳ 11:4 * 2:9 ማቶ 24:24

3

ዋሳ ጊሽ ሽቂዳ ኦይሾ

1 ወርሴላን ታ አሻቶ! ቃሴካ ጎዳ ቃላይ አንቴ አቻን ሃኖይሳሉካ ኤሌሊ ኡባሶ ጋካና ማላኔ ቦንቼታና ማላ ኑሰ ዋሴቴ። 2 ቃሴካ አሲ ወሪ አማኒዛይሳ ጊደንታ ጊሽ ማካላንቻታፔኔ ኢታ አሳታፔ ኑ አታና ማላ ኑሰ ዋሴቴ። 3 ጎዳይ ጊዲኮ አማኔቲዳይሳ። ኢዚካ አንቴና ሚንሳና፤ ፃላዔፓካ አንቴና ናጋና። 4 ኑ አንቴና አዛዚዳይሳ አንቴ ሃዒ አሉዴታ ሽን ሲንሳፊካ አንቴ አላናይሳ ኑኒ ጎዳን አማኔቶሰ። 5 ጎዳይ አንቴ ዋዝና ፆሳ ሲቆኮኔ ከርሰቶሳ ዳንዳያኮ ካሌሉ።

አሶ አላና ማላ አማኔቲዳ ዞሪ

6 ታ አሻቶ! አሶ አላንታ አሳፔኔ አንቴ ኑፔ ኤኪዳ ቲሚርቲዛ ማላ ደንታ አማኒዛይታፔ አንቴ ሃካና ማላ ጎዳ ዬሱሰ ከርሰቶሳ ሱንላን አንቴና ኑ አዛዘሰ። 7 አንቴ ኑ ለሚሶ ዋሴቴ ካላናኮኔ አንቴ አንቴ ባጋሪ ኤሬታ። ኑ አንቴናራ ዲዛ ዋይ አሶ አላንታ ጮ ዴዒቤኮ። 8 ቃሴካ ኦና ሶፔካ ካሐ ጮ ማላ ሚቤኮ። ጊደ አቲን አንቴፊ ኦናሲካ ኑ ቶሆ ጊደንታ ማላ ቃማኔ ጋላሰ ዳቡራን ኦሊ ሚደሰ። 9 ኑ ሃሳ አሉዳይ አንቴ ኑና ካላና ማላ አንቴሰ ሎፖ ለሚሶ ጊደና ጊዲፔ አቲን ኑሰ ኮሺዛይሳ አንቴፊ ኤካና ኑና ዲጊዛ ዋጋይ ዲን ጊዴና። 10 ኑ አንቴናራ ዲዛ ዋይ “አሶ አላናሰ ደሶንታ አሲ ካሐ ሞፖ” ጊዛ አዛዘ አንቴሰ አሚደሰ። 11 አንቴ ጊደን ኢሲ ኢሲ አሳቲ አሶ አላንታይሳ ኑ ሲዩደሰ። ሄይታንቲ አሶ አላንታ ማላ አሳ ዮፖን ጌሊዛ አሳታ። 12 ሄይታ ማላ አሳቲ ባ አሶ ጮቡ ጊ አላና ማላኔ ባ ካሐ ማና ማላ ጎዳ ዬሱሰ ከርሰቶሳ ሱንላን ኑ ኢሰታ አዛዘሲኔ ዞሮሰ። 13 አንቴ ጊዲኮ ታ አሻቶ! ሎፖ አሶ አላናፔ ሙሌካ አዛሎፍቴ። 14 ሃይሳ ኑ ከቲዳ ቃላሰ አዛዜቶንታይ ኦኒካ ዲኮ ሃሳ ሚሳቲዛይ ሎዔሊ ካሊቴኔ ኢዚ ባ አሶን ዬላታና ማላ ኢዛራ ጋሳፍቴ። 15 ጊደ አቲን ኢዛ አንቴ አሻ ማላ ሃንቂቴ አቲን ሞርኬ ማላ ፃሎፍቴ።

ወርሴሳ ሳሮካ

16 ሳሮቴላ ጎዳይ ኢዚ ባ ባጋራ ዮፖ ኡባን አንቴሰ ሳሮቴላ አሞ። ጎዳይ አንቴናራ ኡባራ ጊደ። 17 ሃይሳ ሳሮካ ታ ታ ኩሼራ አንቴሰ ፃፊዳይ ታና ጳዉሎሳ። ታ ከታሰ ዲማ ማላታይ ሃይሳ፤ ኢዚካ ሃይሳ ታኒ ታ ኩሼን ፃፎይሳ። 18 ኑ ጎዳ ዬሱሰ ከርሰቶሳ አጾ ከያቴላ አንቴናራ ኡባራ ጊደ።

ጳውሎስ ዓምቶ ሳስ ፃፊ ጉይር ኪታ ጊደ ቆፋ

ዓምቶ ጌቲዛ ኢሲ ናቲፋ ናይ ኢዛሰካ ዩሌቴፋ ዳሬይ ቄሪ ኢሲያ ጊዲሺን፤ ኢዛ ኣዩያ ኣይሁዳ ኣሴ፣ ኣዎይ ቃሴ ገሪኬ ኣሴ። ኢዚ ሚሺራቾ ቃላ ኦሶን ጳውሎሳራ ኢሲፊ ኦሊዛ ማታ ላጌ። (ሃዋ 16:1-3) ጳውሎስ ዓምቶ ሳስ ኮይር ፃፊዳ ኪታዚ ሄቹ ኣይፊ ዮጾታ ኮይኪዳሰ።

ሄ ኪታዛን ኣይፊ ቆፋይ ሲንፋቲዲ ዋሳ ኬፋ ጋርሳን ዳንዲዳ ዋርዶ ቲሚርቲፊ ኣሳይ ናጌታና ማላ። ሃ ዋርዶ ቲሚርቲዚ ባጋይ ኣይሁዳታፔ ባጋይ ቃሰ ኣይዛቤታ ቆፋ ኦይኪዳዚ ጊዲሺን “ሃይሲ ኣይፊን ቤቲዛ ኣላሜዚ ናጋራን ሞሬቲዳ ገሽ ኣሳሰ ፓጻቴላ ቤታናይ ሃራ ዲማ ዲማ ፀራ ኤራቴላኒኔ ኢሲ ኢሲ ቁማታ ሞንታ ኣጎኒኒ ኤኮንታኔ ጌሎንታ ኣጎና” ጊዛ ቆፋ ማላ። ሃሳፊካ ቦላራ ኢዛ ኪታዚ ዋሳ ኬፋ ኣይሶ ገሽኒ ያሴ ጎይና ገሽ ታማርሲዛ ዋጋይ ሃሳላካ ዋሳ ኬፋ ጨማቲኔ ኢሰታ ማዲዛይታሰ ዳናሰ ቤሲዛይ ኣዛኮኔ ዮቴሰ። ወርሴፋን ዓምቶሲ ዩሴሰ ኪርሰቶሳሰ ሎጾ ኣፋንቻ ዋሪ ጊዳናሰ ቤሲዛኮኔ ኢዛሰ ዲማ ዲማ ኣማኒዛይታ ቦላ ዲዛ ኣላፊቴፋ ገሽ ጳውሎስ ኢዛሰ ኢሚዳ ዘሬ ቤዮሰ።

ሃ ማፃፋይ ኦይኪዳ ኩሜፋ ቆፋ
ጌሎሶ 1:1-2
ዋሳ ኬፋ ገሽኒ ዋሳ ኬፋ ጋርሳን ኦሊዛይታ ገሽ
1:3-3:16
ዓምቶ ሳስ ኢዛ ኦላ ገሽ ኢሜቲዳ ቲሚርቲ 4:1-6:21

1 ኑና ኣሺዳ ያሳን፣ ኑሰ ሂደታ ጊዲዳ ዩሴሰ ኪርሰቶሳ ኣዛዘን ሃዋሬ ጊዲዳ ጳውሎሳፔ 2 ኣማኖን ታሰ ቱሙ ና ጊዲዳ ዓምቶ ሳስ ያሳ ኑ ኣዋፔ ኑ ጎዳ ዩሴሰ ኪርሰቶሳፔ ኪያቴላ፣ ማርቲላኔ ሳርይ ነሰ ጊደ። *

ዋርዶ ኣሰታማሬታፔ ናጌታና ማላ ኢሜቲዳ ኣዛዘ
3 ታኒ ማቂዲያ ባሽ ነና ሃዳራ ጊዳ ማላ ሃይሳፊ ሲንፋን ኢሲ ኢሲ ኣሳቲ ዋርዶ ቲሚርቲ ታማርሰንታ ማላ ኔ ኣዛዘናሰ ኤፊሶኔን ዳሻ። 4 ቃሴካ ኣሳይ ዮቴን ወርንታ ቤኒ ዋዴ ሃይሲዳን ባ ዋዴ ወርሰንታ ማላ ኣዛዘ። ሃይታ ማላ ዮጾይ ፓላማ ዳንፊላሰ ኣቲን ኣማኖን ኦሴቲዛ ያሳ ኦሶስ ኣይኮካ ጎዴና። 5 ሃ ኣዛዘዛሰ ዋና ኣይፊ ዮጾይ ጊዲኮ ጌሻ ዋዘናፔ ሎጾ ቆፋራ ሃሳላካ ቱሙ ኣማኖፔ ቤቲዛ ሲቆ። 6 ኢሲ ኢሲ ኣሳይ ሃይታፔ ፖቂ ኤቂዲ ጎዳይ ባይንዳ ዮጾታኮ ሲሚዳሰ። 7 ዋጋ ታማርሲዛይታ ጊዳና ማላ ኮዩቴሰ። ጊዲኮካ ኢሰቲ ባ ዮቴዛይሳ ዋይኮ ኬሂ ማቲቲዛ ዮጾዛ ሎዴላ ኤሬቴና። 8 ጊደ ኣቲን ኣሲ ማራን ጎዴቴዛኮ ዋጋይ ሎጾ ጊዲዳይሳ ኑ ኤርሰ። 9 ቃሴካ ዋጋይ ኢሜቲዳይ ዓሎ ኣሳሰ ጊደንታ ዋጋ ዩጲ ኣጲዛይታሰ፣ ኣዛዜቶንታይታሰ፣ ያሳሰ ባቦንታይታሰ፣ ናጋራንታይታሰ፣ ጌሻቴላ ባይንዳይታሰ፣ ያሴ ለቂዛይታሰ፣ ባ ኣዮኔ ባ ኣዋ

* 1:2 ሃዋ 16:1 * 1:13 ሃዋ 8:3፤ 9:4-5 * 2:7 2ዓም 1:11 * 2:9 1ጴፀ 3:3

ዋጲዛይታሰኔ ሹምፖ ዋጲዛይታሰ ጊዲዳይሳ ኑ ኤርሰ። 10 ሃሳላካ ላይማቲዛይታሰ፣ ኣዴራ ኣቁዛ ኣዴታሰ፣ ኣሰ ባይዚዛይታሰኔ ሻሚዛይታሰ፣ ዋርዳንታሰ፣ ኣሳሰ ዋርዶ፣ ጫቂዛይታሰ፣ ሎጾ ቲሚርቲ፣ ኤቄቲዛ ኡባታሳ። 11 ሄ ሎጾ ቲሚርቲይ ኣንጃቲዳ ያሲ ታሰ ሃዳራ ኢሚዳ ቦንቾ ሚሺራቾ ቃላራ ጋጊዛይሳ።

ጳውሎሳስ ኢሜቲዳ ያሳ ኢሞታ

12 ታና ባ ኦሶስ ሹሚዲኔ ኣማኔቲዛይ ኦሊ ኤኪዲኔ ታሰ ሚኖቴላ ኢሚዳ ኑ ጎዳ ዩሴሰ ኪርሰቶሳ ታ ጋላታይሰ። 13 ሃይሳፊ ካሴ ታ ኣይ ማላ ኣሰ ጫዩዛይኔ ጎዴላዛይ፣ ቃሴ ማካላ ኣሰ ጊዲኮካ ሃሳ ታ ኤርንታኔ ኣማኖንታ ዳሺ ኦሊዳ ገሽ ያሲ ታና ማሪዳሰ። * 14 ዩሴሰ ኪርሰቶሳፔ ጊዲዳ ኣማኖራኔ ሲቆራ ኑ ጎዳ ኪያቴላ ታሰ ኬሂ ዳሪዳሰ።

15 ዩሴሰ ኪርሰቶሰ ናጋራንታ ኣሻናሰ ዲጌ ሃይሳ ሃ ኣላሜ ዩዳሰ ጊዛ ቃላይ ቱማኔ ኣሲ ወሪካ ኤካናሰ ቤሲዛይሳ። ናጋራንታፔካ ኣጲዛ ናጋራንታይ ታና። 16 ጊደ ኣቲን ታ ማራቲዳይካ ዩሴሰ ኪርሰቶሰ ዛዋይ ባይንዳ ባ ዳንዳያ፣ ኡባፊ ኣጲዳ ናጋራንታ ጊዲዳ ታ ቦላ ቤሲዳይ ኢዛን ኣማናይታሰኔ ሚርና ዴጾ ዳማናይታሰ ለሚሶ ጊዳና ማላ። 17 ሃሳ ገሽ ሚርናሰ ሃይቂ ኤርንታ፣ ኣይፊን ቤቲ ኤርንታ ባርካ ፃላ ያሴ ጊዲዳ ካዋሰ ሚርናፔ ሚርና ጋካናሰ ኢዛሰ ቦንቾይኔ ጋላታይ ጊደ። ኣሚን።

18 ታ ና ዓምቶ ሳ ኔ ገሽ ካሴቲዲ ዮቴቲዳ ማላ ሃይሳ ኣዛዘዛ ታ ነሰ ኢማዲሰ። ሃሲካ ኔ ሄ ቃላ ካላሺ ሎጾ ባጼ ባጸታናሳ። 19 ኣማኖይኔ ሎጾ ቆፋይ ነሰ ዴጾ። ኢሲ ኢሲ ኣሳቲ ባ ሎጾ ቆፋ ዩጲ ኣጲዲ ኣባ ቦላ ሜቶይ ኢዛ ቦላ ጋኪን ዋዩቲዛ ማርካቤ ማላ ባ ኣማኖ ጳይሲዳ። 20 ኢሰታ ጊደን ያሳ ጫሽ ኣጊዲ ታማራና ማላ ታኒ ፃላዴሰ ኣፋ ኢሚዳይቲ ሄሜኔዎሲኔ ኢሰኪንዲርሲ ዴቴሰ።

2

ያሳሰ ጎይና ገሽ ኢሜቲዳ ዋጋ

1 ሃሳ ገሽ ኡባፊ ኮይር ሃራ ኣሳሰ ሸቤፋ ዋሳ፣ ጋናቴፋ ዋሳኔ ጋላታ ዋሳ ኣሳ ኡባሰ ካዋታሰኔ ዳሬ ኣይሲዛይታሰ ኡባሰ ዋሳና ማላ ታ ነና ቆፊሳይሰ። 2 ሃሲካ ቱሙ ኣያና ዲሳኒኔ ጌሻቴላ ኡባን ኑኒ ሳርቲላኒኔ ዋጋን ዳና ማላሳ። 3 ሃይሲ ኑና ኣሺዛ ያሳ ኣቻን ሎጾኔ ኡፋይሲዛዛ። 4 ኢዚ ኣሲ ወሪ ኣታና ማላኔ ቱማ ኤራና ማላ ኮዩሰ። 5 ኢሲ ያሲ ፃላ ዴሰ። ቃሴካ ያሳሲኔ ኣሳሰ ጊደን ኢሲ ገገሲዛ ጋናይ ዴሰ። ኢዚካ ኣሰ ጊዲዳ ዩሴሰ ኪርሰቶሳ። 6 ኢዚ ባና ኣሳ ኡባሰ ኣላ ኢሚዳሰ። ሃሲካ ሃራካ ዋዴይ ኣጲንታ ኢዛሰ ማርካቲዳሰ። 7 ታካ ሃይሳሰ ሚሺራቾ ዮጾናሰ ኪቴቲዳዴ። ቃሴካ ዳሬታሰ ቱሙ ኣማኖ ኣሰታማሬ ጊዲዳ ሹሜታዲሰ። ሃሳካ ታ ዋርዶቶንታ ቱሙ ዮጾናሳ። *

8 ሃሳ ገሽ ኣቱማ ኣሳይ ኡባ ሶን ሃንቆይ ባይንዳኔ ፓላማይ ባይንዳ ባ ጌሻ ኩሺታ ዩዴ ቆቂ ሂሰቲዲ ዋሳና ማላ ታ ኮያዩሰ። 9 ሃሳላካ ማጫሳቲ ቦንቾራ ባና ሺሺ ኤኪዲ ቤሲዛ ማይያ ማይዴቶ፣ ኣቲን ባ ሁዴ ዲዲ ኤኪዲ ዋይኮ ኣልጾ ማይያ፣ ዋርቃኔ ኢንቁ ኣላዲ ዋልቁ

* 1:2 ሃዋ 16:1 * 1:13 ሃዋ 8:3፤ 9:4-5 * 2:7 2ዓም 1:11 * 2:9 1ጴፀ 3:3

ዋልቅ ጎጥቶ። * 10 ጊደ አቲን ያሴ ዋሶስ ጊዛ ማጫሳቲ ኢስታስ ኦላና ቤሲዛ ሎፖ ኦሶን ሎዔቶ።

11 ማጫሲ ጮፀ ጋዳ ኩሜላራ አዛዘቱል ታማሩ። 12 ማጫሲ ጮፀ ጋናፕ አቲን ኢዛ ታማርሳና ማላ ዋይኮ አዳ ቦላ ጎዳታና ማላ ታ ኮዪኬ። 13 ጋሶይካ ኮይሮ አዳሜይ ሜዴቲዳስ፤ ካላዳ ሄዋና ሜዴታዲስ።

* 14 ቃሴካ ኮይሮ ባሌቲዳይ አዳሜ ጊዳና። ባሌታዳ ያሳ ዋጋፔ አዲዳይ ማጫሳና። * 15 ጊዲኮካ ማጫሲ አማኖኒኔ ሲቆን ጌሻቴላን ባርካ ባና ሃሮን ሚኒኮ ና ዬሎን አታና።

3

ዋሳ ኬል ካሌሊዛይታ

1 “አኒካ ዋሳ ኬል ጨማ ጊዳና ኮይኮ ሎፖ ኦሶ አሞቴስ” ጊዛ ቃላይ ቱማ። 2 ሄሳ ጊዲኮ ዋሳ ኬል ካሌሊዛይይ ቦሪይ ባይንዳዴ፤ ኢሲ ማቻ ዲዛ አዴ፤ ጊናራ ዲዛዴ፤ ባና ሃሪዛዴ፤ ዋጋራ አቆዛዴ፤ አማል ሞኪዛዴ፤ ታማርሳናስ ዲንዳዪዛዴ፤ 3 ማላቶንታዴ፤ አሽ አዬቶንታዴ፤ ቃስ ማራጌ አስ፤ አሳራ ፓላሜቶንታዴ፤ ሚሽ ጎድንታዴ፤ ጊዳናስ ቤሴስ። 4 ባ ናይታ አዛዘቲዛይታኔ አስ ቦንቸዛይታ ሂስቲ ዲቹዲ ባ ኬል አሳ ዋጋራ አይሲዛይ ጊዳናስ ቤሴስ። 5 አሳዴይ ባ ኬል አሳ ዋጋራ አይሲ ኤሮንታ አጊኮ ያሳ ዋሳ ኬል ዋስቲ ናጋና ዲንዳዪዛይ? 6 ኦቶሬቲላን ፑሮዲ ያላዔይ ከንዲዳ ፐርዳን ኢዚ ከንደንታ ማላ ኦራል አማኒዛይ ጊደፖ። 7 ቃሴካ ኢዛ ሱንላን ቦሪቶንታ ማላኔ ያላዔ ናርዮን ኢዚ ጌሎንታ ማላ አማኖንታ አሳ አቻን ሎፖ ማርካቴል ዳናስ ኮሺስ።

8 ዳቆኔቲካ ሄሳላ ቦንቸቲዳይታኔ ባ ጊዳ ቃላ ላሚ ላሚ ዬጎንታይታ፣ ዳር ዋይኔ ኡሻስ አሞቶንታይታ፣ ኦጌይ ባይንዳ ጎዓ ጎድንታይታ ጊዳናስ ቤሴስ። 9 አማኖ ፀራ፣ ሎፖ ቆፋራ ናጋናስ ቤሴስ። 10 ሃይታንቲካ ኮይሮቲ ፓጮቴቶ። ኢሲ ኢታይ ኢስታ ቦላ ቤቶንታ አጊኮ ሄሳፌ ጉዬ ዳቆኔቲላን ኦሌቶ። 11 ማጫ ዳቆኔቲካ ቦንቸቲዳይታ፣ ዘጊርንታይታ፣ ቃስ ዋጋራ ዲዛይታ፣ ሃኖ ኡባን አማኔቲዳይታ ጊዳናስ ቤሴስ። 12 ዳቆኔቲ ኢሲ ማቻ አዳ ጊዳናስ ቤሴስ። ቃሴካ ባ ናይታኔ ባ ኬል አሳ ዋጋራ አይሲዛይታ ጊዳናስ ቤሴስ። 13 ዋጋራ ኦሊዳይቲ ኤራይስ ጊታ ቦንቸኔ ዬሱስ ኪርሰቶሳን ኢስታስ ዲዛ አማኖን ዳር ያላቴል ዳማና።

14 ታ ኔኮ ኤሌ ባና ኮይኮካ ሃይታ አዛዘታ ኔስ ያፋይስ። 15 ታ ሃኖ ኔስ ያፊዛይ ታ ጋምዒዛ ጊዲኮካ አሳይ ያሳ ኬልን ዋኒ ዳናኮኔ ኔ ኤራና ማላ ጋዳኮ! ኬልይ ዳፖ ያሳ ዋሳ ኬል፤ ሄሲካ ቱሙ ቱሴኔ ያጸ። 16 ቱሙ አያና ዲሳ ፀራይ ሲዴይ ባይንዳ ጊታ፤ ኢዚካ “አሴ ጊዲዳስ፤

ኢዛ ያሎቴል ያሎ አያናን ቆንጨዳስ፤
ኪታንቻታስ ቤቲዳስ፤
ዴሬ ኡባስ ሳባኬቲዳስ፤
አላሜን ዲዛይታን አማኔቲዳስ፤
ቦንቸራ ፑዳ ዴንዲ ቢዳስ” ጊዛይሳ።

4

ዋርደ ታማርሲዛይታ

* 2:13 ሜዴ 2:7፤ 21-22 * 2:14 ሜዴ 3:1-6 * 4:10 “ጫዬቶስ” ጊዲ ቢርሺዳ።

1 ዋዴ ወርሲሴላ ቦላ ኢሲ ኢሲ አሳይ አማኖ አጊዲ ባሌሊዛ አያናታኔ ኢታ አያና ቲሚርቲ ካላናይሳ ያሎ አያናይ ቆንጨራ ዮቴስ። 2 ሄሳ ማላ ቲሚርቲይ ኢስታ ቆፋይ ቦንቆ ቢራታን ፀጌቲዳ ማላ ጌላቴላን ደጨዳ ቆዴፕ ቆሞን ሃኒዛ ዋርዳንቻ አሳታፕ ያና። 3 ሄ አሳቲ አሳይ ኢኮንታ ማላኔ ጌሎንታ ማላ ዲጋና። አማኒዛይቲኔ ቱማ ሻኪ ኤሪዛ አሳይ ያሴ ሜዴዳ ካል ጋላታራካ ኤኪዛይቲ ሞንታ ማላ ዲጋናኔ አዛዘና። 4 ያሴ ሜዴዳይ ወሪካ ሎፖ። አሲ ጋላታራ ኤኪኮ ዋራ ዋዲዛይ ኢሲናካ ባሞ። 5 ወሪካ ያሳ ቃላኒኔ ዋሳን ጌያና።

ኪርሰቶሳስ ሎፖ ኦሊዛ አሳንቻ

6 ሃይሳ ሃ አዛዘዛ አማኒዛ አሳ ኔ ቆፍሲኮ፣ አማኖ ቃላኒኔ ኔ ኤኪዳ ሎፖ ቲሚርቲዛን ሚናዳ ዬሱስ ኪርሰቶሳስ ሎፖ አሳንቻ ጊዳንዳሳ። 7 ያሴ ቦንቸሶንታ ጎዔይ ባይንዳ ሃይሲዔፔኔ ጨማ ማጫሳታ ሃይሲዔፔ ሃካዳ ቱማ አያና ኦሶስ ኔ አሳቴል ጊሻሳ።

8 አሳቴላ አሾ ኦጌን ደሲሶይ ጉላ ዋደስ ጎዔስ ሺን ቱሙ አያና ዲሳስ ባና ታማርሶይ ጊዲኮ ሃይሳ ሃ አላሚዛሲኔ ቡሮ ያና ዲሳስ ሂደታይ ዲዛ ጊሽ ኡባስ ጎዔስ። 9 ሃይሲ ሃ ቃላይ አማኔቲዳይሳኔ ወርሲ ኤካናስ ቤሲዛ ቃላ። 10 ኑ ሄሳስ ጊዲ ዳፊቶሴኔ ዳቡሮስ። ሄሲካ አሳ ኡባስ ሃራፔካ አማኒዛይታስ አሺዛ ዴፖ ያሳን ኑ ሂደታ ኦሊዛ ጊሻሳ። *

11 ሃይታ ዮፖታ አዛዘኔ ታማርሳ። 12 ኔ ያላጋቴላ ኦኒካ ሌቆፎ፤ ጊደ አቲን ኔ ሃሳያን፣ ኔ ዲሳን፣ ሲቆን፣ አማኖኒኔ ጌሻቴላን አማኒዛይታስ ሎፖ ሌሚሶ ጊዳ። 13 ታ ሄ ባና ጋካናስ ቃላ ናባባናስ፣ ዘራናሲኔ ታማርሳናስ ሚና። 14 ጨማቲ ኔ ቦላ ባ ኩሺ ዋሊ ዋሲሺን፣ ኔስ አሚቲዳ ቲንቢቲ አሞቴላ ለፒ ሂስታ አጎፋ። 15 አሲ ወሪ ኔ ዲቻ ቤያና ማላ ሃ ዮፖታ ሎዔላ ሚንላዳ ዲንዳያን ፖላ። 16 ኔ ዲሳ ጊሺኔ ኔ ታማርሲዛ ቲሚርቲዛስ ናጌታ፣ ሃይታን ሚና። ኔ ሄሳ ኦሊኮ ኔና ኔ ጊዛይሳ ሲዪዛይታ አሻና።

5

አምዔታ፣ ጨማታኔ አይሌታ ጊሽ አሜቲዳ ዘሪ

1 ጨማ አሳ ኔ አሞ ማላ ቦንቸራ ዘራ አቲን ደምፖፋ። ናቴላ አቱማ ናይታ ኔ አሻታ ማላ ያላ። 2 ሄሳላካ ጨማ ማጫሳታ፣ ኔ አይ ማላ፣ ናቴላ ማጫሳታ ቃሴ ኔ ሚቹታ ማላ ሱሬ ዋዝናፔ ያላ።

3 አዳፌ ሚቶቴቲዳ አምዔታ ሎዔላ ናጋ። 4 ኢሲ አምዔይስ ናይ ዋይኮ ና ናይ ዲዛ ጊዲኮ፣ ሄ ናይቲ ባሶ አሳታ ማዳናሲኔ ባና ዬሊዳይታስ ካሴ ኢስቲ ኦሊዳይሳ ኩሺ ዛርን ሃራፔ ካሴቲዲ ባ አማኖ ኦሶን ቤሳናሲኔ ታማራናስ ቤሴስ። ሄሲካ ያሳ ኡፋይሲዛይሳ።

5 ቃሴ ቱማፔ ማደይ ባይንዳ፣ ባርካ ዲዛ አምዔያ ያሴ ያላ ያላወሰ። ዋሳሲኔ ያሳፌ ማደ ዳማናስ ጋላሲኔ ቃማ ሚኔታወሰ። 6 ሃ ቢታ ሎፖ ዲሲ ያላ ኮዪዛ አምዔያ ጊዲኮ ኢዛ ፓፃ ዳሺ ሃይቁዳር። 7 ኦና ቦላካ ዋሶይ ደንታ ማላ ሃይሳ አዛዘዛ አሳስ አላ። 8 ኢሲ አሲ ባ ደቦታ ሃራፔካ ባሶ አሳ ማደንታይሳ ጊዲኮ ኢዚ አማኖ ካዲዳይኔ አማኖንታ አሳፔካ አዲ ኢታ አሳ።

9 ኢዚስ ላይላይ ኡሱፑን ታሙ ላይላፌ ጋርሳን ዲዛ አምዔይ ሱንላ፣ አምዔታ ማዘጋባን ፃፎ። ቃሴካ ኢዛ ካሴ አሳዳ ያላ ጌልዳር ጊዳናስ ቤሴስ። 10 ናይታ ዲቻኒኔ አማላ ሞኮን፣ አማኒዛይታ ቶሆ

ዳፊቶሴ ኢሲ ኢሲ ቢርሺታ ማፃፋቲ “ባዴቶስ” ጊሽን ኢሶቲ ኢሶቲ

ሚቻን፡ ሚቶቲዳይታ ማድኒኔ ሎዎ ኦሶን ኡባን ባና ኣላ ኢማዳ ሎዎ ኦሶንካ ኬሃ ኤሬቲዳር ገዳናሰ ቤሴሰ።

11 ናቴላ ኣምዔታ ገዲኮ ሄሳ ማላ ማዘጋባን ፃፎ፡፡ ጋሶይካ ኢሰታሰ ዲዛ ኣዚናራ ዳና ኣሞይ ኢሰቲ ከርሰቶሳሰ ኦላና ገ ገሊዳ ቃላፕ ቦላራ ኣጂዛ ዋዴ ኣዴ ገላና ኮዬቴሰ። 12 ኢሰቲ ካሴ ጫቂዳ ቃላ ሚዛ ገሽ ሄ ዮዎዛን ባ ቦላ ፐርዳ ኤሄቴሰ። 13 ሄሳፊካ ኦሶ ኦላናፕ ዩዩ ዩዩ ኣሳ ኬሌ ገላና ደሴቴሰ። ኦሶ ኢዎ ፃላ ገደንታ ሃሳያናሰ ቤሶንታይሳ ሃሳዩሽ ዚገርዘይታኔ ኮሽንታ ኣሳ ዮዎ ገደ ጮ ዋዩ ገሊዛይታ ገደቴሰ። 14 ሄሳ ገሽ ኣዚናቲ ሃይቂዳ ናቴላ ማጫሳቲ ኣዴ ገላና ማላ፡ ናይታ ዩላና ማላኔ ባሶ ኣሰ ኣይሳና ማላ፡ ሞርኬይካ ኢሰታ ቦላ ዋሊዛ ሚሽ ዳሞንታ ማላ ታ ዘራይሰ። 15 ኣዳካ ሃይሳፊ ካሴ ኢሲ ኢሲ ኣሳቲ ፃላዔ ካላና ጉዬ ሽርዒ ገዳ። 16 ኣማኒዛ ማጫሲ ኦኒካ ባሶ ኣሳ ገደን ኣምዔቲ ዲዛ ገዲኮ ዋሳ ኬሊ ቱሙ ኣምዔታ ፃላ ማዳና ማላ ኢዛካ ባ ባጋራ ባ ኣምዔታ ማዲ ኣቲን ዋሳ ኬላሰ ቶሆ ገዳና ማላ ኣጋጉፑ።

17 ዋሳ ኬላ ሎዔሊ ኣይሲዛይቲ ሃራፔካ ሳባኮኒኔ ታማርሶን ሚኒዛ ጨማቲ ገዲኮ ዳኮ ማዶ ማዶታናሰ ቤሴሰ። 18 ማዳፋን “ካላ ቡኪዛ ቦራ ዲና ቃቕፋ” ቃሴካ “ኦሶ ኣሊዛዴይ ዳሞዛ ኤካና ቤሴሰ” ገሴ። * 19 ናምዑ ማርካይ ዋይኮ ሄቩ ማርካይ ማርካቶንታ ዲሺን ጨማ ቦላ ሽቂዛ ሞቶ ኤኮፋ። * 20 ሃራቲ ቤይዲ ናጌታና ማላ ናጋራ ኣሊዛይታ ኣሳ ኡባ ሲንሳን ሃንቃ።

21 ያሳኒኔ ዩሴሰ ከርሰቶሳን ደሬቲዳ ኪታንቻታ ሲንሳን ሃይታ ኣዛዘታ ኦናካ ማዶንታ ኔ ናጋና ማላኔ ኢሲ ሚሽካ ታ ጎሪፕ ዚቂ ቆቁ ሂሰቶንታ ማላ ታ ኔና ሃዳራ ጋይሰ። 22 ያሳ ኦሶሰ ደራናሰ፡ ኦና ቦላካ ኔ ኩሼ ዋላ ዋሳናሰ ኤሶቶፓ። ቃሴ ሃራታራ ናጋራ ኦላናሰ ዘፕቶፓ። ናጋራፔ ኔና ዒሎቴላን ናጋ።

23 ኔና ቃንላን ሳኪዛይሳሲኔ ዳንላ ሳኮዛ ገሽ ዋይኔ ጫጃፊ ጉላ ጉጃዳ ኡያ ኣቲን ሃይሳፊ ጉዬ ሃሌ ፃላ ኡዮፓ።

24 ኢሲ ኢሲ ኣሳ ናጋራይ ፐርዳይ ያናፔ ካሴቲዲ ቆንጮሰ፤ ባጋይታ ናጋራይ ቃሰ ፐርዳፊ ጉዬ ቆንጮሰ። 25 ሎዎ ኦሶይካ ሄሳ ማላ ቆንጮ። ቆንጮንታይ ዲኮካ ቆቴቲ ኣቴና።

6

1 ያሳ ሱንሊኔ ኢዛ ቲሚርቴይ ጫዬቶንታ ማላ ኣይሌቴላ ቃምባራ ገደን ዲዛይቲ ዉሪ ባ ጎዳሰ ኩሚላ ቦንቻይ ቤሲዛይሳ ኤሬቶ። 2 ኣማኒዛ ጎዳቲ ዲዛ ኣማኒዛ ኣሽካራቲ ጎዳቲ ኢሰታሰ ኣሻታ ገዲዳ ገሽ ጎዳታሰ ቤሲዛ ቦንቻ ኢሚቶ። ሃራፔካ ኢሰታ ኦሶን ማዶቲዛ ኣማኒዛ ጎዳቲ ኢሰታሰ ደሴቴዳይታ ገዲዳ ገሽ ኔካ ሃይታንታ ማላ ዮዎታ ታማርሳናሲኔ ዘራናሰ ቤሴሰ።

ዋርዶ ቲሚርቴይ ቱሙ ዲሬቴላ

3 ኦኒካ ዋርዶ ቲሚርቴ ታማርሰኮ ጎዳ ዩሴሰ ከርሰቶሳ ሎዎ ቃላኔ ኣያና ቱማቴላ ሚኒሲዛ ቲሚርቴራ ጋጎንታይሳ ገዲኮ። 4 ሄሳዴይ ኦቶሬቴላን ኩሚዳሲኔ ኣይኮካ ዩሽ ቆፕና። ኢሲ ኢሲ ቃላታ ገሽ ፓላሚታናሲኔ ኦዩታናሰ ኢታ ኣሞይ ኢዛን ዳሰ። ሄይቲካ ቃናቴቴላ።

* 5:18 ዛሬ 25:4፤ ማቶ 10:10፤ ሉቃ 10:7 * 5:19 ዛሬ 17:5-7፤ 19:15 * 6:13 ዮሃ 18:37

ኦሽ፡ ጫሽ፡ ኢታ ሲዴ ካሌሌቴሰ። 5 ቱማይ ኢሰታፊ ኤኬቲ ገዲን ኤራይሰ ኣያና ኦሶን ዋዴ ዳማና ሚሳቲዛ ኣሳታኔ ቆፋ ፓጮ ኣሳታ ገደን ጎሽቲዲ ዲዮንታ ኦሽ ኤሄቴሰ።

6 ገደ ኣቲን ቱሙ ኣያና ኣሰ ገዴላ ኦሶ ዲዛይሳን ሞፑ ገዲ ዲሳራ ገታ ዋዴ። 7 ጋሶይካ ኦ ሃይሳ ሃ ኣላሚዛ ዩሼ ኣይኮካ ኤኪ ዩቤኮ፤ ቢሼካ ቃሴ ኣይኮካ ኤኪ ቦኮ። 8 ገደ ኣቲን ኦሶ ማናይሲኔ ኦ ማይዳናይሰ ዲኮ ገዳና። 9 ዲሬ ገዳናሰ ኮዩዛይቲ ገዲኮ ገዴ ፓጮኒኔ ናርዓን ገሊዲ ኣይኬቲዛይሳ ማላ ዳር ሃዳኒኔ ኢታ ኣሞን ኤንዔቴቴሰ። 10 ጋሶይካ ሚሻ ሲቆይ ኢታቴላ ኡባሰ ፃጸ። ኢሲ ኢሲ ኣሳቲ ዲሬ ገዳና ገዲ ኣሞፔ ዳንዲዳይሳን ኣማኖ ኦጌፔ ባሌቲዲ ሃራሶ ቢዳኔ ባርካ ባና ዳር ሜቶ ገደ ገልሊዳ።

ጳውሎሲ ዓምቶሳሰ ኢሚዳ ሃዳራ ቃላ

11 ኔና ያሳ ኣሶ! ኔ ሄሳ ኡባፊ ባቃታ። ዒሎቴላ፡ ቱሙ ኣያናን ዲሰ፡ ኣማኖ፡ ሲቆ፡ ዳንዳያኔ ኣሽኬቴላ ካላ። 12 ኣማኖ ባዩ ሎዔላ ባዩታ። ዳር ማርካታ ሲንላን ሎዎ ኣማኔቴላን ኔ ማርካቲዳይሳኔ ኔ ኢዛሰ ዓይጌቲዳ ሚርና ዴዎዛ ሎዔላ ኦይካ። 13 ኡባሰካ ዴዎ ኢሚዛ ያሳ ኣቻን ሃሳላካ ጸንፆሳ ጸሊዎሳ ሲንላን ቱማ ማርካቲዳ ዩሴሰ ከርሰቶሳ ሲንላን ታ ኔና ሃዳራ ገዛይ። * 14 ጎዳ ዩሴሰ ከርሰቶሲ ቆንጫና ጋካናሰ ኔሰ ኢሚቴዳ ኦሶዛ ዋሶይ ባይንዳ ኔ ፖላና ማላ። 15 ሄ ቆንጮላይ ኣንጃቲዳይሲ ባርካ ኡባ ሃሪዛይሲኔ ካዎታ ካዎይ፡ ጎዳታሰ ጎዳይ ኢዚ ባ ዋዴን ቤሳና። 16 ኢዚ ፃላ ሃይቆንታይሳ፡ ኦኒካ ሽቃናሰ ዳንዳዮንታ ፖፑ ገደን ዳሰ። ኢዛ ቤዩዳ ኣሲ ኦኒካ ባዎ፡ ቤያና ዳንዳዩዛዴይካ ዳና። ኢዛሰ ዋልቃይኔ ቦንቻይ ሚርናፔ ሚርናሰ ገደ። ኣሚን።

17 ሃይሳ ሃ ኣላሚዛን ዲሬቲዳይቲ ኦቶሬቶንታ ማላ ኣዛዛ፤ ኦ ኡፋዬታና ማላ ዉርሲካ ዳርሲ ቲርፊሲዲ ኦሶ ኢሚዛ ያሳን ኣቲን ኣማንላንታ ሚሻን ኣማኔቶንታ ማላ ኣሳሰ ዮታ። 18 ሎዎ ኦላና ማላኔ ሎዎ ኦሶን ዲሬታ ገዳና ማላ፡ ኪያታኔ ሻኪ ኣማናሰ ደሲዛይታ ገዳና ማላ ኣሳ ኣዛዛ። 19 ሄሳላካ ቱሙ ገዲዳ ዴዎ ዳማና ማላ ቡርፔ ያና ዋዴሰ ኣሳይ ሚኖ ፃጸ ገዲዛ ሃር ኤራይሰ ሽሻና።

20 ዓምቶሳ፡ ኔ ሃዳራ ኤኪዳይሳ ዉርሳ ናጋ። ያሳ ቦንቻሶንታ ሃዳ ዲና ሎምዑ ሎምዓፔኔ ዋርዶ ኤራቴላ ጌቴቲዛ ኣሲ ባፔ ሜጲ ኬሲዳ ቲሚርቴፊ ሃካ። 21 ኦሶ ሄሳ ማላ ኤራቴላ ዳሰ ገዛ፡ ኢሲ ኢሲ ኣሳቲ ሄሳላ ኦሶን ኣማኖ ኦጌፔ ባሌቲዳ። ያሳ ኪያቴላ ኢንቴናራ ገደ።

ጳውሎስ ዓምቶሳስ ፃፊዳ ናምባንሉ ኪታ ጊዶ ቆፋ

ጳውሎስ ዓምቶሳስ ፃፊዳ ሃ ናምባንሉ ኪታይ ጳውሎስ ኤራይስ ዳር ማዶ ጊዳ ሳና ማዲዛ ኦሶ ላጌ ጊዳዳ ናቱላ ና ዓምቶሳስ ዩዲዳ ዘሬ ቃላ ኦይኪዳስ። ጳውሎስ ዓምቶሳስ ኢዚ ዳር ዳንዳያን ማናና ማላ ዘሪዳስ። ዓምቶሳስ ጳውሎሳፕ ኤኪዳ ማኖ ዘሬ ቃላይ ኢሲ ዩሱስ ኪርሰቶሳ ጊሽ ኣማኔቲዲ ማርካታና ማላ ሚሺራቾ ቃላኔ ካሴ ጋለፃ ጫቆ ጋርሳን ዲዛ ቲሚርቲዛካ ሚንሉ ኦይካና ማላኔ ኢዛሰ ኣይኮ ዋዩይ ዳሪኮካ ታማርሲኔ ሚሺራቾ ቃላ ሳባኮ ኣጎንታ ማናና ማላሳ።

ዓምቶሳስ ኣሜቲዳ ማኖ ዮጋይ ጮ ማላ ኤያቲላን ኣሳይ ፓላማቲዛ ዮጋፕ ኢዚ ሃካና ማላሳ። ሄሳ ማላ ዮጋይ ሲዩዛይታ ሞሬስ ኣቲን ኢዚ ኣሚዛ ሃራ ጎዓይ ዳና።

ሃይሳ ኡባን ዓምቶሳስ ዩሺ ቆፓናስ ቤሲዛይ ጳውሎስ ኣማኖን ዋኒ ዳዒዳኮኔ፣ ኢዚ ኣይ ማላ ጌንጩዳኮኔ ኢዛ ሲቆዛ፣ ኢዛ ሚኖቲላኔ ኢዛ ቦላ ጋኪዳ ዋዩዛ ለሚሶ ኢዚ ካላና ማላ። ጳውሎስ ሃይሳ ሃ ኪታ ፃፊዳይ ባ ላይላ ወርሴላን ሃይቆ ፐርዳይ ኢዛ ቦላ ፐርዳቲ ኡቲን ኢዚ ሃይቆ ናጊዛ ዋዳ። (2ዓም 4:6-8)

ሃ ማፃፋይ ኦይኪዳ ኩሜላ ቆፋ
ጌሎሶ 1:1-2
ዓምቶሳስ ኣሜቲዳ ዘሬ 1:3-2:13
ኣሳይ ካዲዛ ዋዳ ሚኒ ኤቆ 2:14-4:5
ሄ ዋዳ ዲዛ ሃናታኔ ሄይታ ጊሽ ኣሜቲዳ ዘሬታ 4:6-18
ኩሻ ቆፋ 4:19-22

1 ዩሱስ ኪርሰቶሳራ ኢሲፊቲላን ዲዛ ዳጋ ሂዶታ ቃላ ጊሽ ዮታና ማላ ያሳ ሼኔን ዩሱስ ኪርሰቶሳ ሃዋሬ ጊዲዳ ጳውሎሳፕ፣ 2 ዶሴቲዳ ታ ና ዓምቶሳስ ኪያቲላ፣ ማርቲላኔ ሳርቲላ ያሳ ኣዋፕ ጎዳ ዩሱስ ኪርሰቶሳፕ ኔስ ጊዳ። *

ዓምቶሳስ ኣሜቲዳ ዘሬ
3 ፓጩይ ባይንዳ ጋላሲኔ ቃማ ኔ ጊሽ ዋሳን ቆፊሳሽ ካሴ ኣዋቲ ኦሊዳ ማላ ጌሻ ዋዛናራ ታ ጎይኒዛ ያሳ ታ ጋላታይስ። 4 ካሴ ኔ ኣፋንላ ቆፓ ኤካዳ ታ ኔና ቤያዳ ኡፋይታና ላሞታይስ። 5 ቆጶፕ ቆሞን ጊደንታ ኔ ኣማኖዛ ታ ቆፓይስ። ሄ ኣማኖይካ ኮይር ኔ ኣዩይ ኣይን ሎዲዲኔ ቃሴካ ኔ ኣዩይን ኤዎንቄን ዳስ። ሃዒ ቃሰ ኔ ቦላ ዲዛይሳካ ታ ኤራዲስ። * 6 ሄሳ ጊሽ ታኒ ታ ኩሹ ኔ ቦላ ዋላን ኔ ኤኪዳይሳ ኔ ቦላ ዲዛ ያሳ ኣሞታ ኔ ዳንጡላና ማላ ታ ኔና ቆፊሳይስ። 7 ያሲ ኩስ ኩኒ ኩ ሁዔ ሃራናስ ያሳ ዋልቃ ኤራናሲኔ ሲቁታና ኣያና ኣሚዳስ ኣቲን ባቦ ኣያና ኣሚቤና።
8 ሄሳ ጊሽ ጎዳ ጊሽ ማርካታናስ ዋይኮ ጎዳ ጊሽ ቃሹቲዳ ታናን ዩላቶፓ። ጊዶ ኣቲን ያሳ ዋልቃራ

ሚሺራቾ ቃላ ጊሽ ታናራ ሜቶ ኤካ። 9 ኩ ኣይኮካ ኦሊዳ ጊሽ ጊደንታ ዲሺን ባ ቆፋ ማላኔ ባ ኪያቲላ ማላ ኩና ኣሺዳይኔ ኩና ኤራይስ ዲማሲዲ ኢዚ ዪይጊዳስ። ሄ ኢዛ ኪያቲላይ ማርና ዋዳፕ ካሴ ዩሱስ ኪርሰቶሳ ባጋራ ኩስ ኣሜቲዳስ። 10 ሃዒ ቃሰ ኢዚ ሃይቆ ወርሲ ዳይሲዲ ሚሺራቾ ቃላ ባጋራ ኩና ፖጋን ኬሲዳ ኩ ዳሌ ዩሱስ ኪርሰቶሳ ዩሳን ቆንጩዳስ።

11 ታካ ሃይሳ ሃ ሚሺራቾ ቃላ ዮቲዛዳ፣ ኪቲቲዳዳኔ ኣሰታማሬ ጊዳዳ ሹሜታዲስ። * 12 ታኒ ሜቶ ቤዩዛይካ ሄሳ ጊሻሳ። ጊዲኮካ ታ ኦና ኣማኒዛኮኔ ታኒ ታ ኣማኒዛዳ ሻካ ኤሪዛ ጊሽ ኢዛን ዩላቲኮ። ታ ኢዛሰ ኣሚዳ ሃዳራ ሄ ጋላሲያ ጋካናስ ኢዚ ናጋናስ ዳንዳይዛይሳ ታ ሻካ ኤራዲስ።

13 ኔ ታፕ ሲዩዳ ቲሚርቲዛ ዩሱስ ኪርሰቶሳራ ኢሲፊቲላን ዲዛ ኣማኖኒኔ ሲቆን ለሚሶ ሂሰታዳ ኦይካ። 14 ኔስ ኣሜቲዳ ሎጋ ሃዳራ ኩናን ዲዛ ዪሎ ኣያናን ናጋ። 15 ኢሲያ ኣወራጃ ጊደን ዲዛይቲ ወሪካ ታና ኣጊዳይሳ ኔ ኤራሳ። ፊልጎሲኔ ሄርሞጌኒሲ ታና ኣጊዳ ኣሳ ጊደን ዳቲስ። 16 ሄኔሲፎሬ ሶ ኣሳ ጎዳይ ማር፤ ኣይሲ ጊኮ ኢዚ ታና ዳር ዋዳ ሚንጡላዳሲኔ፤ ታ ሳንሳላታን ቃሹታ ዲሺን ታና ቤይዲ ዩላቲቤና። 17 ሃራፕካ ኢዚ ኦርሜ ዩዳ ዋዳ ታና ኮይ ኮይዲ ዳሚዳስ። 18 ወርሴላ ፐርዳ ጋላስ ጎዳይ ኢዛ ፐርዳፊ ኣሾ። ኢዚ ታና ኤፊሶኔን ኣይ ማላ ማዲዳኮኔ ኔ ሎዔላ ኤራሳ።

2

1 ሄሳ ጊሽ፣ ታ ናዞ ኔኒ ጎዳ ዩሱስ ኪርሰቶሳ ኪያቲላን ማና። 2 ዳር ማርካታ ሲንላን ኔ ታፕ ሲዩዳይሳ ሃራታ ታማርሳናስ ዳንዳይዛይታሲኔ ኣማኔቲዳ ኣሳታስ ሃዳራ ኢማ።

3 ዩሱስ ኪርሰቶሳስ ኣማኔቲዳ ሎጋ ዋታዳራ ማላ ታናራ ሜቶ ኤካ። 4 ዋታዳራቲላን ኦሊዳይይ ባ ሃላቃ ኡፋይሳናስ ዳፊቲስ ኣቲን ሃራ ባና ቃፃሊዛ ኦሶን ጌሊ ኤሪና። 5 ሃሳሳካ ጋዳ ዋፂዛይይ ዋሳ ዋጋ ናጎንታ ዋፂኮ ያኖ ኣክሊሌ ኤኮና። 6 ጎባ ጎሻንቻይ ባ ጎዳ ኬሲዳ ካላ ፃራ ሚዛዳ ጊዳናስ ቤሴስ። 7 ታ ኔስ ጊዛይሳ ኔ ዋዛናን ዋላ ሲዩኮ ጎዳይ ኔስ ዮጋ ኡባን ኣኮካ ኣማና።

8 ሃይቆፕ ዳንዲዳ ዳወቲ ዜሬላ ጊዲዳ ዩሱስ ኪርሰቶሳ ቆፓ፤ ታ ዮቲዛ ሚሺራቾ ቃላይካ ሄሳ። 9 ሄሳ ጌደን ኢታ ኦሊዳ ኣሳ ማላ ቃሹታና ጋካናስ ዋዩ ቤያይስ። ጊዶ ኣቲን ያሳ ቃላይ ቃሹቲና። 10 ሄሳ ጊሽ ኪርሰቶሳ ባጋራ ዲዛ ኣቶቲላኔ ማርና ቦንቾ ዳማና ዳሬቲዳይታ ጊሽ ጋዳ ወርሳካ ዳንዳያዲስ።

11 “ኩ ኢዛራ ኢሲፊ ሃይቁኮ ቃሴ ኩ ኢዛራ ዳጋን ዳና።
12 ዳንዳያን ሚኒኮ ኩ ኢዛራ ካዎታና። ኩ ኢዛ ካዲኮ ኢዚካ ኩና ካዳና። *
13 ኩ ኢዛሰ ኣማኔቶንታይታ ጊዲኮ ኢዚ ማርናስ ኣማኔቲዳ ማላ ዳና። ኢዚ ባርካ ባና ካዳና ዳንዳዩና” ጌቲቲዳ ቃላይ ኣማኔቲዳይሳ።

ሚኖ ኣሳንቻ

* 1:2 ሃዋ 16:1 * 1:5 ሃዋ 16:1 * 1:11 1ዓም 2:7 * 2:12 ማቶ 10:33፤ ሉቃ 12:9

14 ሃይታ ሃ የጾታ ገሽ አሳ ቆሬሶ አገፋ። አሳይ ባ ገደን ኢሶይ አሳራ ቃላ ገደን ፓላሜቶንታ ማላ ያሳ ሱንገላን ዘራ። ሃሳ ማላ የጾይ ሲዩዛይታ ሞሪሰ።

15 ቱሙ ያሳ ቃላ የተዛዳ፣ ዩላቸንታ ኦሳንቻኔ አሲ ኔ ገሽ ሎጾ ማርካቲዛዳ ገዳዳ ኔናቴላ ወርሳ ያሳ ሲንላ ሽሻናሰ ማና። 16 ጮ ማላ ዳና ላላቤቴላፊ ሃካ። ሃሳ ማላ የጾን ዋጻቲዳ አሳቲ ያሳፊ ሃኪ ሃኪ ቤቴሰ። 17 ኢስታ ተሚርቴይ ሳኪዱ ፓጾንታ ጌዳ ጉጂ ጉጂ ዳኬቲ ቢዛ ማዲንጎ ማላ። ሃሜኔዎሲኔ ፊልዳሳ ጌቴቲዛይቲ ሃሳ ማላ ተሚርቴ ታማሪዛይታ ገደን ዳቴሰ። 18 ሃይቲ ቱማቴላፊ ሃኪዱ ጮ ማላ ዋጾቴሰ። ኢስቲካ ሃይቆፕ ዳንላ ሃይሳፊ ካሴ ሃኒ አጁዳሰ ገዳ ኢሲ ኢሲ አሳ አማኖ ጉዬ ሺሪ ዩጌቴሰ።

19 ገደ አቲን “ጎዳይ ኤራይሰ ገዳዛይታ ኤሬሰ” ቃሴካ “ጎዳ ሱንላ ጁይገዛይ ወሪ ኢታፕ ሃኪ” ገዛ ማታሚይ ኢዛ ቦላ ዳዛ ላሜቶንታ ያሳ ኮይሮ ቆፋይ ላሜቲቤና።

20 ኢሲ ገታ ኬላን ዋርቃፊኔ ቢራፕ ፃላ ገደንታ ሚላፊኔ ኡርቃፊ ኦሴቲዳይቲ ዳዛይሳላ ሃይታንታፊካ ባጋይቲ ቦንቾ ኦሶሰ፣ ባጋይቲ ቃሰ ሂራይሶ ኦሶሰ ኤኬቴቴሰ። 21 ሃሳ ገሽ ኦኒካ ሃይታ ታ ገዳ ኢታ የጾታፕ ባና ገሽኮ ሃሳዳይ ቦንቾ ኦሶሰ ገዳዛዳይ ኢንጅቲዳዳ፣ ጎዳ ጎሳዛዳይ ሎጾ ኦሶሰ ገጌቲዳዳ ገዳና።

22 ፓንጎላቴላ ኢታ አሞቴላፊ ባቃታ። ገሻ ዋዘናራ ጎዳ ጁይገዛ አሳታሪ ጁሎቴላ፣ አማኖ፣ ሲቆኔ ሳርቴላ ካላ።

23 ጎሳይኔ ሂደታይ ባይንዳ ኤያታ ፓላማፕ ሃካ። አይሲ ገኮ ሃሳንታ ማላይ ኦሽ ካሌላዛይሳ ኔ ኤራሳ።

24 ጎዳ አሳንቻይ አሳራ ኦዩታናሰ ቤሴና። ሃሳፊ አሳ ኡባ አቻን ኪያ፣ አሰ ታማርሳናሰ ዳንዳዩዛዳይ ማኖ አሰ ገዳናሰ ቤሴሰ። 25 ኢዚ ባናራ ኤቁቴዛ አሳታ ኦሽኬቴላራ ኦይኪዛዳ ገዳናሰ ቤሴሰ። ኦኔ ኤሪዛይ ኢስቲ ቱማ ኤራና ማላ ያሲ ኢስታሰ ማሪታናሰ ዋዳ አማና ዳንዳዩሰ። 26 ሃሲካ ኢስቲ ዩሺ ቆፕ ሲሚዱ ኢዛ ሼኔ ኩንጎና ማላ ኢስታ ዳዲ ኤፊዳ ፃላዔ ናርፃፊ ኢስቲ ኬሲ ኤካና።

3

ወርሴላ ዋዳን ያና ሜቶታ

1 ገደ አቲን ዋዳ ወርሴላን አሰ ሜቲዛ ዋዳይ ያናይሳ ኔ ኤራ። 2 አሳይ ባና ደሲዛዳ ገዳና፣ ሚሾ ሲቁዛይታ፣ ባና ገጠቁቴዛይታ፣ ኦቶራንቻታ፣ ጫሻንቻታ፣ ባና ዩሊዳይታሰ አዛዜቶንታይታ፣ ጋላቶንታይታኔ ገሻቴላ ባይንዳይታ፣ 3 ሲቆይ ባይንዳይታ፣ አቶ ገ ማርንታይታ፣ አሳ ሱንላ ሞሪዛይታ፣ ባርካ ባና ሃርንታይታ፣ ሜንጃ ኢታ፣ ሎጾ ሚሽ ደሶንታይታ፣ 4 ካዲዛይታ፣ ናጌቶንታይታ፣ ጮ ማላ ኦቶራቴላን ኩሚዳይታ፣ ያሳፊ አሊዱ ሎጾ ዳላ ደሲዛይታ ገዳና። 5 አማኒዛ አሰ ሚሳታና ሺን አማኖሰ ዳዛ ዋልቃ ካዳና። ሃይታ ማላታፕ ኔ ሃካ።

6 ሃይታንቲ ኢሲ ኢሲ ኬላ ካልፃ ገሊዱ ዳር ዳዎ ናጋራኒኔ ዲማ ዲማ ኢታ አሞቴላ ጋርሰ ገሊዱ ሄኔ ሃ ቃፃዛ አማኖን ላፋ ማጫሳታ ቃፃ ኦይኬቴሰ። 7 ሃይታ ማላ ማጫሳቲ ኡባ ዋዳ ታማሪቴሰ ሺን ቱማ ኤሪ ኤራቴና። 8 ኢያኔሲኔ ኢያንባራሲ ሙሴ ቦላ ዳንዳዳ

ማላ ሃይቲካ ኢስታ ቆፋይ ሞሪቲን ኤራይሰ አማኖፕ ኩንዲዳ ገሽ ቱማቴላ ኢጃቴሰ። * 9 ገደ አቲን ኢስታ ቆፋይ ኩሜና። ጋሶይካ ኢያኔሳኔ ኢያንባራሳ ኤያቴላ አሳሰ ቆንጩዳ ማላካ ሃይታ ሃናይካ ኡባሰ ቆንጫና።

ጳውሎሲ ጊምቶሳሰ አሚዳ ሃዳራ

10 ኔ ገዲኮ ታ ተሚርቴዛ፣ ታ ዳሳ፣ ታ ዋና ቆፋ፣ ታ አማኖዛ፣ ታ ዳንዳያ፣ ታ ሲቆዛኔ ታ ሚኖቴላ ወርሳ ኤራሳ። 11 ታ ጎዳቴላኔ ታ ዋዩዛ አንጾኪያን፣ ኢቆኒዮኒኔ ሲስቲራንካ ታ ቦላ ጋኪዳይሳ ወርሳ ታ ዳንዳያን ኤኪዳይሳ ኔ ኤራሳ። ገዲኮካ ጎዳይ ሃሳ ኡባፊ ታና አሺዳሰ። * 12 ቱማፕ ዩሱሰ ኪርሰቶሳ ገሻ ዋዘናፕ አማኒ ዳና ገዛይቲ ወሪካ ጎዳቴዛይታ ገዳና። 13 ኢታ ባሌሊዛ አሳቲ ኤራይሰ ባሌቲዱ አሳ ባሌሊሼ ኢታቴላ ቦላ ኢታቴላ ጉጂ ጉጂ ባና።

14 ኔ ገዲኮ ካሴ ኔ ታማራዳ ኤሪዳ ኦጌን ሚና። ሃሳ ኦናፕ ታማሪዳኮኔ ኔ ኤራሳ። 15 ኔ ጉላ ናቴላፊ ሃዲ ጋካናሰ ዩሱሰ ኪርሰቶሳ አማኖን አቶቴላ ቤቴዛ ተሚርቴ አሚዛ ጌኤሻ ማፃፋታ ሎዔላ ኤራዳሳ። 16 ገሻ ማፃፋቲ ወሪካ ያሳ አያናይ ካሌሊን ፃፊቴዳይታ፣ ኢስቲካ አሰ ታማርሳናሰ፣ ሃንቃናሰ፣ ሱሪሳናሰ ቃሴካ ጁሎቴላ ኦጌን ካሌላናሰ ጎዳቴሰ። 17 ሃሲካ ያሳ አሲ ሎጾ ኦሶ ኡባሰ ቤሲዛዳ ገዳና ማላሳ።

4

1 ያሳ ሲንጎላኒኔ ሃሳላካ ፓፃ ዳዛይታ ቦላኔ ሃይቁዳይታ ቦላ ፐርዳናሰ ዳዛ ዩሱሰ ኪርሰቶሳ ሲንጎላን ኢዛ ቆንጩላኔ ኢዛ ካዎቴላ ቆፋራ ሃይሳ ኔሰ ሃዳራ ጋይሰ። 2 ቃላ ሳባካ፣ ኔሰ ገገን ዋይኮ ገንታ ኣገን ኔኒ ኔ ባጋራ ገጋ ኤታ። ዳር ዳንዳያራ ታማርሶን አሳ ሱሪሳ፣ ሃንቃኔ ዘራ። 3 ጋሶይካ አሳይ ወሪ ሱራ ገዲዳ ተሚርቴ ኤኮንታ ኢፃና ዋዳይ ያና። ሃሳፊ ቦላራ አሳይ ባ አሞራ ጋገዛይሳ ኢስታ ሃይሌይ ሲያና ኮዩዛይሳ ፃላ ኢስታሰ የታና ማላ ባና ታማርሳና ዳር አሰታማራታ ባ አቺ ሺሻና። 4 ቱማ ሲያናፕ ባ ሃይላ ሃራሶ ዛሪዱ ሃይሲዔ ባጋ ሲማና። 5 ኔ ገዲኮ ሃኒዛ የጾን ኡባን ሎዱ ጋ፣ ሜቶ ዳንዳያ፣ ሚሺራቾ ቃላ የቶ ኔሰ ኦሶ ሂሰታ፣ ኔ ኦዳካ ፖላ።

6 ታ ቃሰ ያርሼታናሰ ማታ ኡታዲሰ፣ ሃይሳ ሃ አላሜዛፕ ሻኬታ ቡሳ ዋዳይ ታሰ ጋኪዳሰ። 7 ሎጾ ባፃ ታ ባጃታዲሰ፣ ታ ዋፃና ዋሌ ወርሲሳዲሰ። አማኖካ ናጋዲሰ። 8 ሲንጎላፊ ታሰ አክሊሌይ ገገ ኡቴዳሰ፣ ሃሲካ ጁሎቴላ። ሃሳካ ቱሙ ፐርዲዛ ጎዳይ ሄ ጋላሰ ታሰ ኢማና። ሃሲካ ታሰ ፃላ ገደንታ ኢዛ ዩሳ ላሞቴዛይታሰ ኡባሰካ አማና።

ጳውሎሲ አዛዚዳ ወርሴላ አዛዘ

9 ታኮ ኤሌላ ያናሰ ኔሰ ዳንዳዩቲዳ ማላ ኦላ። 10 ዳማሲ ሃይሳ አላሜዛ ሲቁዱ ታና ዩጌ ኣገዲ ታሶሎንቁ ቢዳሰ። ቃርቁሲ ጋላቲያ ቢዳሰ። ቲቶሲ ጌዳ ዳልማዲያ ቢዳሰ። * 11 ሉቃሲ ፃላ ታናራ ዳሰ። ማርቆሲ ታና ኦሶን ማዲዛ ገሽ ኢዛ ኔናራ ኤካ ያ። * 12 ቲቁቆሳ ኤፊሶኔ ዩዳዲሰ። * 13 ኔ ሃ ያሹ ታ ጊርዳዳን አኪርጳ አቻን ዋሊዳ ታ ማቃኔ ማፃፋታ ሃራፕካ ጋልባን ፃፊቴዳ ማፃፋታ ታሰ ኤካ ያ። *

* 3:8 ኬሳ 7:11 * 3:11 ሃዋ 13:14-52፣ 14:1-20 * 4:10 ቆላ 4:14፣ ፕላ 24፣ 2ቆር 8:23፣ ጋላ 2:3፣ ቲቶ 1:4 * 4:11 ቆላ 4:14፣ ፕላ 24፣ ሃዋ 12:12፣25፣ 13:13፣ 15:37-39፣ ቆላ 4:10፣ ፕላ 24 * 4:12 ሃዋ 20:4፣ ኤፌ 6:21-22፣ ቆላ 4:7-8 * 4:13 ሃዋ 20:6

14 ዓርቁማላ ቆዳዛ ኢስኪንዲርሲ ታ ቦላ ዳሮ ቆሆ ጋሊዳስ ሸን ጎዳይ ኢዛስ ኢዛ ኦሶ ማላ ኢማና። *
 15 ኢዚ ኑ የተዛ ቃላ ኮሄ ኢዲዳስ። ኔካ ኢዛፔ ናጌታ።
 16 ታና ሞተዛ የግዛስ ኮይሮ ታና አሻና ማርካ ታ ሸሸን ኦኒካ ታና ማዳና ዩቤና። ጌዶ አተን ወሪካ ታና ዩጌዲ ቢዳ። ሄሳካ ኢስታ ቦላ ያሲ ቆሆ ኦሊ ቆዶ።
 17 ጌዶ አተን ቃላ ኪታይ ታ ባጋራ ኩሜላ የቲታና ማላኔ ዳሬ አሳይ ወሪ ሲያና ማላ ጎዳይ ታ አቻን ኤቁዲ ታና ሚኒሲዳስ፤ ጋሞ ዲናፔካ ታና አሸዳስ። 18 ጎዳይ ኢታ የግ ኡባሬ ታና አሻና። ጌዳ ባ ሳሎ ካዎቲሳስ ታና ሳሮራ ጋላና። ኢዛስ ሜርናፔ ሜርና ጋካናስ ቦንቾይ ጌዶ። አሚን።

ወርሴሳ ሳሮካ

19 ጸርሲቁላስ፣ አቁላስ፣ ሄኔሲፎሬ ሶ አሳሰካ ታ ሳሮካ ጋላ። * 20 ኤሪሰግሲ ቆሮንቶሴን አቲዳስ። ዓሮሮሞሲ ሳኬቲዳ ጊሽ ኢዛ ታ ሚሊዳን ኣጋዲስ። * 21 ባልጎይ ጋካናፔ ሲንጮታዳ ታኮ ሃ ጋካናስ ኔስ ዳንዳዬቲዳ ማላ ኦላ። ኤወጉሎሲ፣ ጹዳሲ፣ ቃሴካ ሊኖሲ፣ ቁላወዲያይኔ አማኒዛይቲ ወሪካ ኔና ሳሮ ሳሮ ጌዳ። 22 ጎዳይ ኔናራ ጌዶ። ጎዳ ኪያቲሊ ኢንቴናራ ጌዶ።

* 4:14 1ዓም 1:20፤ ማዛ 62:12፤ ኦሮ 2:6 * 4:19 ሃዋ 18:2፤ 2ዓም 1:16-17 * 4:20 ሃዋ 19:22፤ ኦሮ 16:23፤ ሃዋ 20:4፤ 21:29

ጳውሎስ ተቶሳስ ፃፊዳ ኪታ ጊደ ቆፋ

ተቶሱ አይዘቤቴላፔ ሲሚ አማኖን ጌሊዳ ጳውሎሳ፡ ሚሺራቾ ቃላ ኦሶን ማታን ማዲዛ ኢዛስ አዳ ኤሬቴዳ ላጌ። ጳውሎስ ሃይሳ ሃ ኪታዛ ፃፊዳይ ባፔ ላይላን የጊዛኔ ኢዛራ ማቲዛ ሃይሳ ባናራ ኢሲፌ ኦሊዛ ተቶሳስ ጊዲሺን ተቶሱ ሄ ዋዴ ዋሳ ኬላ ጻሊሼ ቃርፃሴ ጌቲቲዛሶን ዳሰ። ሃ ኪታይ ሎዔላ ሚንላዛይ ሄቸ አይፌ የጾታ ቦላ።

ኮይሮይ፡ ዋሳ ኬላ ጨማቲ ሃራፔካ ቃርፃሴ አሳስ ኢታ ኦሶ ጊሽ ኢስታስ አይ ማላ ሎጾ ኦሶይ ቤሲዛኮኔ ተቶሱ ኢስታ ታማርሳና ማላ ተቶሳ ቆፊሴሰ። ናምዓንጾ ቃስ ዋሳ ኬላ ጊደን ዲዛ ዲማ ዲማ ቡዲኔን ሄሲካ ጨሚዳ ማጫሳታኔ አቱማ አሳ፡ ሄሳሎካ ናቴላ ናይታኔ አሳስ ኦሊ ኦቁዛይታ ኢዚ ታማርሳና ቤሲዛይሳ ታማርሳና ማላ ተቶሳ ዘሬሰ። ወርሴላን ቃስ አማኖን ዲሳ ጊሽ ሃራፔካ አሳይ ሳሮኒኔ ሲቆቴላን ዳዓና ማላ፡ ሄሳሎካ ዋሳ ኬላ ጊደፌ ኢሶይ አሳ ኢዶኔ ኦሽ ባ ጋርሳን ሻኬቴላ አጋና ማላ ተቶሳስ ዘሬ አሚዲ ኦላና ኦጌ ቤሲዳሰ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1-4
- ዋሳ ኬላ ካሌላዛይታ 1:5-16
- ዋሳ ኬላን ዲዛ ዲማ ዲማ አሳታስ አሜቲዳ ኦላ
- 2:1-15
- ዘሬኔ ናጌታና ማላ ቆፊሶ 3:1-11
- ኩሻ ቆፋ 3:12-15

ዋሳ ኬላ ካሌላዛይታይ ዋርዶ አስታማሪታ

1 ያሳስ ደሬቲዳይታ አማኖኒኔ ቱሙ አያናን ካሌላዛ ቱሙ ኤራቴላን ዲቻና ማላ ያሳ አይሌኔ ዬሱስ ኪርሰቶሳ ሃዋሬ ጊዲዳ ጳውሎሳ፤ 2 ኢዛ አማኖይኔ ኤራቴላይ ካሴፔ ኦይኪዳ ዋርዶቶንታ ጎዳይ ዳሮ ዋዴፔ ካሴ ባ አሚዳ ሜርና ዴጾ ሂደታ ማላ። 3 ኢዚ ካሴ ጊዳ ዋዴይ ጋኪዳ ማላ ኦና ኢሺዳ ያሳ አዛዘን ታስ ሳባካናስ አሜቲዳ ሃራ ባጋራ ያሲ ባ ቃላ ቆንጨሲዳሰ።

4 ኦስ ኮሌ ጊዲዳ አማኖ ኢሲፌቴላን አማኖን ታስ ቱሙ ና ጊዲዳ ተቶሳስ “ያሳ አዋፔኔ ኦና ኢሺዳ ዬሱስ ኪርሰቶሳፔ ኪያቴላኔ ሳሮቴላ ኔስ ጊደ” ጊዳሰ። *

ቃርፃሴን ተቶሳ ኦሶ

5 ታ ኦና ቃርፃሴን አጊዳይ ቡሮፔ ጊጋና ቤሲዛ ደሮ ሚሺ ዲዛይሳ ጊሽ ኔ ጊሲሳናሲኔ ታ ኦና አዛዘዳ ማላ ካታማይ ዲዛሶን ዋሳ ኬላ ጨማታ ኔ ደራናሳ። 6 ጨማቴላን ደሬታናይቲ ኢስታ ቦላ ቦሮይ ባይንዳይታ፡ ኢሲ ማቸ አዘናታ፡ ናይቲ አማኒዛይታኔ ዋይሶንታይታ ዋይኮ አዛዘቴዛ ናይታ አዋታ ጊዳቶ። 7 ዋሳ ኬላ ጨማይ ያሳስ ኦላና ሃዳራ ኤኪዳይ ጊዲዳ ማላ ኢዛ ቦላ ዋሶይ ባይንዳይ ጊዳናስ ቤሴሰ። ሄሲካ ጨቁቲዛዳ፡ ጉላ ሚሻን ዪሎቲዛዳይ ማላቲዛዳ፡

ኡሻንቻኔ ኢዛስ ቤሶንታ ኦጌራ ጎሳ ጊዲዳዝ ጎዲ ኤኪ ቢዛዳ ጊዳናስ ቤሴና። 8 ሄሳፌ ቦላራ ኢዚ አማላ ሞኪዛዳ፡ ሎጾ ኦሶ ደሲዛዳ፡ ባርካ ባና ሃሪዛዳ፡ ሱሬ አሰ፡ ጻሎኔ ኤራይሰ ናጌቲዛዳ ጊዳናስ ቤሴሰ። 9 ሃራ አሳታ ሎጾ ተሚርቴን ሚንላዛዳይኔ ሄ ሎጾ ተሚርቴዛ ኢጻዛይታ ሃንቃናስ ባ ታማሪዳ ማላ ቃላን ሚኒዛዳ ጊዳናስ ቤሴሰ።

10 ዋይሲዛይቲኔ ዲናን ፃላላ ባሌላዛይቲ ዳሮቲ ዳቴሰ፤ ሃራፔካ ሄይቲ ቃፃሬቲዳ አይሁዳ አሳታፔ አማኒዳ አሳታ ባጋታ። 11 ሄይታንታ ጮዑ ሂስቲላ ቤሴሰ። ጋሶይካ ኢስቲ ቤሶንታ ኦጌራ ባሲ ጎሳ ዳማናስ ቤሶንታ ተሚርቴ ታማርሶን ኬላ አሳ ወርሲ ሞሮን ዳቴሰ። 12 ኢስታ ናቤታፔ አሳዳይ ኢስታ ጊሽ ሃሳዪሼ “ቃርፃሴ አሳይ ኡባ ዋዴ ዋርዳንቻታ፡ ኢታ ደዓታ፡ ጋንጀማታኔ አዛላታ” ጊዳሰ። 13 ሄ ማርካቴላይ ቱማ፤ ሄሳ ጊሽ ኔ ኢስታ ሎዔላ ሃንቁታ። ጋሶይካ ኢስታስ ቱሙ አማኖይ ዳና ማላኔ፡ 14 አይሁዳታ ሃይሲዔ ዋይኮ ቱሙ የጾፔ ሃኪዳ አሳታ አዛዘ ኢስቲ ሲየንታ ማላሳ። 15 ጌሻታስ ሚሺ ወርካ ጌሻ ሺን ቱታታሲኔ አምንታይታስ ጊዲኮ ወርካ ቱና፡ ሃራፔካ ኢስታ ቆፋይ ወርካ ቱኒዳሰ። 16 ኢስቲ ባ ኦ ያሴ ኤሮስ ጌቲሰ ሺን ባ ሃኖቴላን ጊዲኮ ካዳቴሰ። ኢስቲ ሹኒዛይታ፡ አዛዘቶንታይታኔ ሎጾ ኦሶስ ቤሶንታይታ።

2

ቱሙ ተሚርቴ

1 ኔ ጊዲኮ አሳ ቱሙ ጊዲዳዝ ታማርሳ። 2 ጨማ አሳይ ዋዘናማ፡ ቦንቼቲዳይታ፡ ባና ባርካ ሃሪዛይታ፤ አማኖኒኔ ሲቆን ዳንዳያንካ ሎጾ ጊዳና ማላ ኢስታ ዘራ። 3 ሄሳሎካ ጨማ ማጫሳቲ ባ ዲዛ ዲሳን ቦንቻራ ዲዛይታኔ ሎጾ ሃኖቴላ አሳ ታማርሲዛይታ ጊዳቶ አቲን አሳ ሱንላ ኢሲዛይታ ዋይኮ ዋይኔ ጫጃ ኡሻ ሱኬን ዋፃቲዳይታ ጊደንታ ማላ ኢስታ ታማርሳ። 4 ሄሳሎ ኦሊኮ ናቴላ ማጫሳቲ ባ አዘናታኔ ባ ናይታ ደሳና ማላ ታማርሳናስ ዳንዳዬቴሰ። 5 ያሳ ቃላይ ኦና አቻንካ ጫዬቶንታ ማላ ኢስቲ ባርካ ባና ሃሪዛይታኔ ጌሻታ፡ ኬላ ጊደን ኢስታ ኦሶይ ኦይኪዳይታኔ አሳስ ኪያታ፡ ባ አዘናታስ አዛዘቴዛይታ ጊዳና ማላ ጨማ ማጫሳቲ ኢስታ ታማርሴቶ።

6 ሄሳሎካ ያላጋ አቱማሳይ ባርካ ባና ሃራና ማላ ኔ ኢስታ ዘራ። 7 አይ ሃኖንካ ኔ አሳስ ሎጾ ለሚሶ ጊዳ። ኔ አሳ ታማርሲዛ ተሚርቴዛ ኔካ ዋዘናፔ ታማርሲዛዳይ ናጊዛዳ ጊዳ። 8 ኦ ጊሽ ኢታ ሃሳዪዛ አሳይ ሃሳያናስ ኢታ ዳሞንታ አጊዲ ዬላታና ማላ ኔ ሃሳዪዛ ሃሳያ ጊደን ቦርሶ የጾይ ደፖ። 9 አይሌቲ አዛንካ ባ ጎዳታስ ሃራታና ማላኔ ኡፋይሳና ማላ፤ ቃሴካ አዉቲ ዛርንታ ማላ ታማርሳ። 10 ሃኒዛዛን ኡባን ኦና ኢሺዳ ያሳ ተሚርቴይ ዶሴታና ማላ ኢስቲ ሎጾ ማርካቴላ ቤሳና ማላ ባ ጎዳታ ሚሽ ካይሶቶፔቶ።

11 አሳስ ኢዛፔ ማርይ ቤቲዛ ያሳ ኪያቴላ አሳ ኡባስ ቆንጨዳሰ። 12 ሄ ኪያቴላይካ ኦኒ ናጋራን ዲሲኔ ሃ አላሚ አሞቴላ ካዲዲ ሃይሳ ሃ ዋዴዛን ኦርካ ኦና ሃሪዲኔ ጻሎቴላን ቱሙ አያና ዲሰ ዳናይሳ ኦና ታማርሴሰ። 13 ሄሲካ ኦስ አንጃቲዳ ሂደታ ጊዲዳ ዋጋ ያሳኔ ኦና ኢሺዳ ዬሱስ ኪርሰቶሳ ቦንቻይ ቆንጨናይሳ ናጋናሳ። 14 ኢዚካ ኦና ኢታቴላፌ ዋዘናሲኔ ሎጾ ኦላናስ

* 1:4 2ቆር 8:23፤ ጋላ 2:3፤ 2ጊዎ 4:10 * 2:14 ማዛ 130:8፤ ኬሳ 19:5፤ ዛሬ 4:20፤ 7:6፤ 14:2፤ 1ጴፅ 2:9

ሚኒዛ ባ ዳሬ ኤራይሰ ዶራናሰ ባና ኑሰ ኣሉ ኢሚዴሰ።
*

15 ሄሳ ጊሽ ኔ ታማርሳናይቲ ሄይታንታ። ሄሳካ ኔ ኩሜላ ጎዳቴላራ ዞራኔ ሃንቃ፤ ኔና ኦኒካ ሌቆፎ።

3

ሎዎ ኦሶ

1 ኣሳይ ዳሬ ኣይሲዛይታሰ ሃሬታና ማላኔ ሎዎ ጊዲዳ ሚሽ ወርሲ ኦላናሰ ጊጋ ጊዲና ማላ ኣሳ ቆሬሳ። 2 ቃሴካ ኦኒካ ኣሳ ቦላ ኢታ ሃሳዮንታ ማላኔ ሎዎ ኣሳ ጊዲና ማላ ኣሳ ኡባሰ ኩሜላ ዋዝናፔ ባ ኣሽኬቴላ ቤሳና ማላ ኡባ ቆሬሳ። 3 ኑካ ካሴ ቆፋይ ባይንዳይታ፣ ኣዛዜቶንታይታ፣ ባሌቲዛይታ፣ ዲማ ዲማ ኣሞኒኔ ሎዎ ዲሳሰ ኣይሌቴላን ሃሬቲዛይታ። ኣሳራኔ ኑርካ ኑ ጋርሳንካ ኦይቲሼ ኢታቴላኒኔ ሚቃይኔቴላን ደሰ። 4-5 ጊደ ኣቲን ኑና ኣሺዳ ያሳ ኪያቴላኔ ኢዛ ሲቆይ ቆንጨዳ ዋዴ ኑ ኦሊዳ ዓሎቴላን ጊደንታ ዲሺን ኢዛ ማርቴላ ዳርን ኣቲደሰ፣ ኢዚ ኑና ኣሺዳይ ናሞዓንሎ ልሌቴላ ጊዲዳ ሚቻኒኔ ዓሎ ኣያናን ኦሪዔቴላና። 6 ሄሳካ ዓሎ ኣያናይ ኑ ቦላ ኑ ጎዳ ያሲ ኑና ኣሺዳ ዩሱሰ ኪርሰቶሳ ባጋራ ዳርሲ ጉሲዴሰ። 7 ሄሲካ ኑ ኢዛ ኪያቴላን ዓሊዲ ማርና ዴዎ ሂደታ ኦይኪዲ ላቲዛይታ ጊደናሳ። 8 ሄሲካ ኣማኔቲዳ ቃላ። ያሳ ኣማኒዛይቲ ሎዎ ኦሶሰ ባና ኣሉ ኢማና ማላ ሃይሳ ወርሳ ኔ ሎዔላ ዮታና ማላ ታ ኮያይሰ። ሄሲካ ሎዎኔ ኣይ ኣሲካ ኮዪዛዛ። 9 ቃሴካ ጮ ሃዳ ፓላማፔኔ ኣሳይ ባ ቆሞ ቆዲዛዛፔ፣ ማርሼሬኔ ዋጋ ጊሽ ዳንዲዛ ኦሻሬ ኔ ሃካ። ሄይታንቲ ጎይይ ባይንዳ ፓሎንታ ዮዎ። 10 ኣሳ ጊደን ሻኮቴላ ሜጲዛ ኣሰ ኢሲቶ ናሞዑቶ ኔ ዞሪን ኤኮንታ ኢዒኮ ኢዛዴራ ኔሰ ኢሲሬቴላ ደፖ። 11 ሄሳ ማላ ኣሲ ባሌቲዳ ናጋራንቻ ኣሳ፤ ኢዛዴይ ባርካ ባ ቦላ ፐርዲዳይሳ ኔ ኤራ።

ወርሴላ ዞሬ

12 ኣርዒሞኔ ዋይኮ ቲቂቆሳ ታ ኔኮ ኪቲኮ ኔ ታኮ ኒቆጸሊዮኔ ያናሰ ኔሰ ዳንዳዬቲዛዚ ወርሳ ኦላ። ታኒ ሃላይላ ባልጎ ሄን ኣላና ጋዳ ቃቻዲሰ። * 13 ዋጋ ኤሪዛ ዜማሲኔ ኣጲሎሲ ቢሺን ኢሰታሰ ኮሺዛዝ ወርሳ ኩንላ ማዳ። * 14 ኑ ባጋታሰ ሃቺሰ ሃቺሰ ኢሰታ ኮሺዛዝ ኢሰቲ ዳማና ማላኔ ኢሰታ ዳላይ ጎዳይ ባይንዳዚ ጊደንታ ማላ ኢሰቲ ሎዎ ኦሶ ኦሊ ሚናና ማላ ታማራናሰ ኮሺሰ።

15 ታናራ ዲዛይቲ ኢንቴና ሳር ጌቴሰ። ኣማና ጌደን ኑና ሲቂዛይታ ወርሲ ሳር ጌቴ። ያሳ ኪያቴላ ኢንቴናራ ጊደ።

* 3:12 ሃዋ 20:4፤ ኤሬ 6:21-22፤ ቆላ 4:7-8፤ 2ዓሞ 4:12 * 3:13 ሃዋ 18:24፤ 1ቆር 16:12

ጳውሎስ ፕላጥናስ ፃፊዳ ኪታ ጊዶ ቆፋ

ፕላጥናይ ዳር ኤሬቲዳ አማኒዳ። ኢዚ ቆላስያሴ ዋሳ ኬላን አማኒዳ አሳ ጋርሳን ዲዛዴ ሚሳቲስ። ፕላጥናስ አናስዋሳ ጌቲቲዛ አይሌ ዴስ። ሄሲ ሄሳዴይ ባ ጎዳ ሶፔ ቤቲ ቢዲ ቃሾ ኬላን ዲዛ ጳውሎሳራ ጋጊዴስ። ኢዚ ጳውሎሳ ባጋራ አማኒዳስ። ጳውሎስ ፕላጥናስ ፃፊዳ ኪታይ ፕላጥናይ ሲሚዲ ኢዛኮ ቢዛ ሄ ኦሳንቻዛራ ኢጊንታና ማላ ቆፊሴስ። ቃሴካ አናስዋሲ ሃዲ አማኒዳዴ ጊዲዳ ጊሽ ሃይሳፊ ጉዬ ፕላጥናይ አማኖን ኤራይስ አሻ ማላ ኤካናፔ ኣቲን አይሌሉ ቆዶንታ ማላ ዮቲስ።

ሃ ማፃፋይ እይኪዳ ኩሜላ ቆፋ
ጌሎሶ 1-3
ፕላጥናስ ጳውሎስ ሺሺዳ ቃላታ 4-7
ጳውሎስ አናስዋሳ ጊሽ ሺሺዳ ሚኖ ዋሳ 8-22
ኩሻ ቆፋ 23-25

1 ዬሱስ ኪርስቶሳ ጊሽ ቃሼቲዳ ታፔ ጳውሎሳፔኔ ኑ አሻ ደምቶሳፔ ኑ ሲቆ አሻ ጊዲዲ ኑናራ ኢሲፊ ኦሊዛ ፕላጥናስ፤ 2 ኔ ኬላን ሸቂዛ አማኒዳ አሳሲኔ ኑ ሚቼዮ አምፒብያስ ቃሴካ ኑናራ ኢሲፊ ኪርስቶሳ ዋታዳራ ጊዲዳ ኣርኪጳሴስ፤ *
3 ኑ አዋ ያሳፊ ኑ ጎዳ ዬሱስ ኪርስቶሳፔ ኪያቴሌ ኔ ሳርቴሌ ኢንቴስ ጊዶ።

ፕላጥና ሲቆኔ አማኖ

4 ታኒ ታ ዋሳን ኔና ቆፓሼ ኡባ ዋዴ ያሳ ጋላታይስ። 5 ጋሶይካ ኔ ያሳ አሳ ሲቂዛይሳኔ ጎዳ ዬሱስ ኪርስቶሳን ኔ አማኒዳይሳ ታ ሲያዲስ። 6 ኔኒ ኪርስቶሳስ ጊዲዳይሳኔ ኑስ ዲዛ ሎዎ ዮዎይ ዉሪ ቆንጨን ኤሬታና ማላ ኔካ ኔ አማኖ ሃራ አሳስ ቤሳና ማላ ታ ኔስ ሚና ዋሳይስ። 7 ታ አሻዘ! ኔ ሃኖን ያሳ አሳ ዋዝናይ ኦራዲዳ ጊሽ ኔ ሲቆይ ታ ዋዝና ኬሂ ሚንሊዴስ።

አናስዋሲ ፕላጥናኮ ሲማና ማላ ጳውሎስ ዋሲዴስ

8 ሄሳ ጊሽ ኔ ኦላናስ ቤሲዛይሳ ኦላና ማላ ኔና ኣዛዛናስ ታስ ኪርስቶሳን ፃላቴሌ ዴስኮሺን። 9 ጊዲኮካ ታ ኔና ኣዛዛናፔ ሲቆራ ዋሳይስ። ጋሶይካ ታኒ ዬሱስ ኪርስቶሳ ጊሽ ቃሼታዳ ቃሾ ኬላን ዲዛ ጳውሎሳ። 10 ታ ኔና ዋሲዛይ ታ ቃሾ ኬላን ዳሼ ዬሱስ ኪርስቶሳን ዬሊዳ ና አናስዋሳ ጊሻሳ። * 11 አናስዋሲ ሃይሳፊ ካሴ ኔና ጎዲቤና ሺን ሃዲ ጊዲኮ ኢዚ ኔናካ ታናካ ጎዲዛዴ። *

12 ታ ሃዲ ኢዛ ኔኮ ዛራ ዬዳዲስ። ታ ኔኮ ዬዳዲይ ኢዛ ጊዶንታ ታ ዋዝና ኔኮ ዛራ ዬዳዲ ማላ ቆዳይስ። 13 ሚሽራቾ ቃላ ጋሶን ታ ሃን ቃሼታ ዲሺን ኔ ታና ኦላ ማዳናይሳ ኢዚ ታናራ ዴዩዲኮ ታና ኡፋይሴስ። 14 ጊዶ

ኣቲን ኔ ሎዎ ኦሶይ ኔ ደሳንፔ ኣቲን ዋልቃራ ጊዶንታ ማላ ጋዳ ኔና ኦይቾንታ ኣይኮካ ኦላና ኮያቤይኬ።

15 አናስዋሲ ሃኖ ጋካናስ ኔፔ ጉላ ዋዴ ሻኬቲኮካ ኦኔ ኤሪዛይ ሃይሳፊ ጉዬ ኡባ ዋዴ ኔናራ ዳና ዳንዳዬስ። 16 ሃይሳፊ ጉዬ ኢዚ ኔናራ ዳናይ አይሌ ማላ ጊዶንታ ኣይሌፊ ኣጲ ኔስ አሻ አሻ ማላ ጊዳና። ኢዚ ታስ ደሴቲዳ አሻ። ጊዶ ኣቲን ኢዚ ኔና ኦሊ ጎዳና ኣስ ጊዲዳ ጊሺኔ ኢዚ ኔስ ኪርስቶሳ ባጋራ አሻ ጊዲዳ ጊሽ ኔስ ኬሂ ደሴቲዳይ ጊዳና።

17 ኑስ ዲዛ ኢሲፊቴላ ጋሶን ኔ ታና ኔስ አሻ ማላ ቆዳዛ ጊዲኮ ታና ኔ ሞካ ኤኪዛ ማላ ኢዛካ ሞካ ኤካ። 18 ኢዚ ኔ ቦላ ጋሊዳ ቆሆይ ዲኮ ዋይኮ ኔ ኣጮይ ኢዛ ቦላ ዲኮ ኢዛ ኣጮዛ ታ ቦላ ቆዳ። 19 ሄኮ ታ ጳውሎስ “ኢዛ ኣጮዛ ታ ኔስ ቃንፃና” ጋዳ ታ ኩሼራ ፃፋዲስ። ጊዲኮካ ኔ ኪርስቶሳ አማኒዳይ ታ ባጋራ ጊዲዳ ጊሽ ሃራይ ኣቶሺን ኔካ ታስ ቃንፃና ኣጮይ ዲዛይ ጊዲዳይሳ ታ ኔና ኤሪሳናስ ኮሼና። 20 ሃዳ ታ አሻዘ ሃሳ ሎዎ ኦሶ ኔ ታስ ኦላና ማላ ጎዳ ሱንላን ኪርስቶሳ ጊሽ ጋዳ ኔ ታ ዋዝና ሼምፒሳና ማላ ኔና ዋሳይስ።

21 ታ ኔስ ሃይሳ ፃፊዳይ ኔ ታስ ኣዛዜታናይሳ አማናዲኮ! ታ ኔና ኦይቼዳይሳፊ ኔ ኣላ ኦላናይሳ ታ ኤራይስ። 22 ያሲ አንቴ ዋሳ ሲይዲ ታ አንቴኮ ባና ማላ ታስ ሂዶታይ ዲዛ ጊሽ ታ ባዳ አንቴኮን ሼምፓናሶ ታስ ሃያና ጊሻ።

ዉርሴላ ሳርካ

23 ዬሱስ ኪርስቶሳ ጋሶን ታናራ ቃሼቲዳ ኤጳፒራይ ኔና ሳር ጌስ። * 24 ሄሳላካ ታናራ ኦሊዛይቲ ማርቆሲ ኣርሲደርኮሲ፣ ዴማሲኔ ሉቃሲ ኔና ሳር ጌቲስ። * 25 ጎዳ ዬሱስ ኪርስቶሳ ኪያቴሌ ኢንቴናራ ጊዶ።

* 1:2 ቆላ 4:17 * 1:10 ቆላ 4:9 * 1:11 አናስዋሴ ጉሲ ጊሪኬ ቃላን ጎዲዛዴ ጉሳ። * 1:23 ቆላ 1:7፤ 4:12 * 1:24 ሃዋ 12:12፤25፤ 13:13፤ 15:37-39፤ 19:29፤ 27:2፤ ቆላ 4:10፤14፤ 29ም 4:10-11

ኢብራዊታስ ፃፊቱዳ ኪታ ገደ ቆፋ

ሃይሲ ሃ ኪታዚ ፃፊቱዳይ ኢስታ ቦላ ጋኪዳ ገታ ማቶዛ ጌዶን ባ እማኖ ኣጋናስ ማቲዳ እማኒዛ ኣሳ ገሻሳ። ሃይሳ ፃፊዳይይ ኢብራዊፕ እማኒዳይታስ ዩሱስ ኪርሰቶሲ ቱማኔ ወርሴላን ያሲ ኣሳ ናስ ቆንጨሲዳይ ያሳ ናይ ኢዛ ገዲዳይሳ ቤሳናሳ። ሃ እማኒዛይቲ ባ እማኖን ማኒ ኤቃና ማላ ኢዚ ኢስታ ማኒፊፊስ። ሄሲካ ቱሙ ገዲዳይሳ ሄቹ ቱማ ዮጎታ ቆንጨሲ ቤሴስ።

1. ባ ኤኪዳ ማቶዛ ባጋራ ባ ኣዋስ ቱማፕ ኣዛዜቲዛዳ ገዲዳ ገሽ ካሴ ጋልዓ ጫቆ ማፃፃን ዲዛ ናቤታፕ። ሙሴፔኔ ኪታንቻታፕካ ኬሂ ኣጴስ።

2. ዩሱስ ካሴ ጋልዓ ጫቆ ዎዳ ቁሴታፕካ ኬሂ ኣጴዛ ማርና ቁሴይ ኢዛ ገዲዳይሳ ያሲ ባ ዲናን ዮቲዳስ።

3. እማኒዛዳይ ናጋራፕ። ባቦፔኔ ሃይቆፕ ዩሱሳ ባጋራ ኣታና። ዩሱሲ ቁሴታ ሃላቃ ገዲዳ ማላ ኢብራዊታ እማኖ ዎጋቲኔ ማህታ ያርሾይ ጮ ማላ ኤሾ ማላ ገዲዳ ኣቶቲላይ ኢዚ ቱማ ገዲና ማላ ኣላዳስ።

ሃ ማፃፃ ፃፊዳይይ ኢስራዔል ናይታ ታሪኩን ኤሬቲዳ ኣሳታ እማኖ ለሚሶ ጎዔቲዲ (ሺምፖ 11) ናባቢዛ ኣሳይ እማኖን ማርና ማላ ቆፊሴስ። ሄሳታካ (ሺምፖ 12) ቦላ ናባቢዛ ኣሳይ ባ ኣይፊ ዩሱሳ ቦላ ሎዔላ ዎላዲ እማኖን ማርና ማላኔ ኣይ ማቶይኔ ዎይይካ ኢስታ ቦላ ጋኪኮካ ዳንዳያና ማላ ዘሬስ። ወርሴላንካ ኢዚ ኢስታስ ዲማ ዲማ ዘሬኔ ሴራ ቃላ እሚዲ ኩዩስ።

- ሃ ማፃፃይ ኦይኪዳ ኩሚላ ቆፋ
- ጌሎሶ፣ ያሲ ባና ኪርሰቶሳ ባጋራ ቆንጨሲዳስ 1:1-3
- ኪርሰቶሲ ኪታንቻታፕ ቦላ ገዳል 1:4-2:18
- ኪርሰቶሲ ሙሴፔኔ ኢያሱፕ ቦላ 3:1-4:13
- ኪርሰቶሳ ቁሴቲል 4:14-7:28
- ኪርሰቶሳ ጫቆ ቃላ ቦላቲል 8:1-9:22
- ኪርሰቶሳ ያርሾቲል ቦላቲል 9:23-10:39
- እማኖ ባይራቲል 11:1-12:29
- ያሳ ኡፋይሶ 13:1-19
- ወርሴላ ዎሳ 13:20-21
- ኩሻ ቆፋ 13:22-25

ያሳይ ባ ናዛ ባጋራ ዮቲዳስ
1 ቤኒ ዎዳፕ ኦይኪዲ ያሲ ዲማ ዲማ ኦጌራ ናቤታ ባጋራ ካሴ ኦ ኣዋታስ ዳር ዎዳ ዮቲዳስ። 2 ቃሴ ሃይሳ ወርሴላ ዎዳ ቦላ ወርሲ ላቲሲዳይኔ ሃ ኣላሚዛ ማጴዳ ባ ናዛ ባጋራ ኦስ ዮቲዳስ። 3 ኢዚካ ያሳ ቦንቾ ቤሲዛዳይ ያሳ ያሳቲላስ ሎዎ ለሚሶ ገዲዳ ባ ዎልቃማ ቃላን ወርሲካ ሺሺ ኦይኪዳስ። ኢዚ ኣሳ ናጋራፕ ጌሺዳፕ ጉዬ ሳሎን ቦንቾ ያሳ ኡሻቻን ኡቲዳስ።

ያሳ ናይ ኪታንቻታፕ ኣጴስ

* 1:6 ዛሬ 32:43 * 1:7 ማዛ 104:4 * 1:13 ማዛ 110:1

4 ሄሳ ገሽ ኢዛስ ኢሜቲዳ ሱንላይ ኪታንቻታ ሱንላፊ ኣጴዛይሳ ማላ ኢዚካ ኪታንቻታፕ ኬሂ ኣጴስ። 5 ያሲ ኪታንቻፕ

“ኔኒ ታ ና፤ ታ ኔና ሃቺ ዩላዲስ።

ዎይኮ ታ ኢዛስ ኣዎ ገዲና፤

ኢዚካ ታ ና ገዲና” ኣናስ ገዳ? 6 ቃሴካ ያሲ ባ ባይራ ናዛ ዲጌ ሃ ቢታ ቦላ ዩዲሼ “ዎሳ ኪታንቻቲ ወሪካ ኢዛስ ጎይኔቶ”

ገዳስ። * 7 ኪታንቻታ ገሽ ሃሳዪሼ ቃሴ “ኪታንቻታ ኣያናታ፤ ባ ኦሳንቻታካ ታማ ላጮ ኬሴስ” ገዳስ። *

8 ናዛ ገሽ ቃሴ “ጎዶ! ኔ ዙፋኔይ ማርናፕ ማርና ጋካናስ ማኒ ዳና። ኔኒ ኔ ካዎቲላ ሊኬ ካሌሳሳ። 9 ኔኒ ዒሎቲል ደሳዳሳ፤ ማካላካ ኢያሳ፤ ሄሳ ገሽ ያሲ ኔ ጎዳይ ኔና ኔ ላጌታፕ ቦላ ኬሲዳስ። ኔና ኡፋይሳ ዛይቲ ቲዩዳስ” ጌስ። 10 ቃሴ “ጎዶ ኔኒ ኮይሮ ቢታ ማጴዳሳ።

ሳሎቲካ ኔ ኩሼን ኦሴቲዳ። 11 ኢስቲ ጴዳና፤ ኔኒ ገዲኮ ማርና ዳና። ኢስቲ ወሪካ ማይዎ ማላ ጋልዓና። 12 ኔኒ ኢስታ ማይዎ ማላ ቃላምዓና። ኢስቲካ ማይዎ ማላ ላሚታና። ኔ ገዲኮ ኣይዳካ ኔኒ ኔና። ኔ ዲሳስ ወርሴላ ዳና” ጌስ። 13 ያሲ ኪታንቻታፕ “ታኒ ኔ ሞርኬታ ኔ ቶሆ ጋርሳን ዩጴሳና ጋካናስ ኔ ታ ኡሻቻን ኡታ” ኦና ገዳ? *

14 ኪታንቻቲ ወሪካ ኣቶቲላ ላታና ኣሳታ ኦሳናስ ያሳፊ ኪቲቲዛ ኦሳንቻ ኣያና ገዳቴኔ?

2

ገታ ማርቲል

1 ሄሳ ገሽ ኦኒ ሲዩዳ ቃላፕ ባሌቲዲ ኩንዶንታ ማላ ኦ ሲዩዳ ቃላ ሎዔላ ናጋናስ ቤሴስ። 2 ኣዛስ ገኮ ካሴ ኪታንቻታ ባጋራ ዮቲቲዳ ቃላይ ቱሙ ገዲዳ ሄ ቃላ ዩጴ ኣጴዳይ ባስ ቤሲዛ ቁፃቲ ኤኬስ። 3 ኦ ቃሴ ሄሳ ማላ ገታ ማርቲል ጮ ለፕ ሂስቲኮ ዎኒ ኣታኔ? ሃይሲ ማርቲላይ ኮይሮ ጎዳ ባጋራ ኦስ ዮቲቲዳስ። ኢዛፕ ሲዩዳይቲካ ኦስ ጌሺ ዮቲዳ። 4 ያሲ ቃሴካ ማላታታ፣ ማላሊሲዛ ማሻታ፣ ዲማ ዲማ ማላታታ ኦሶኒ ባ ሺኔ ማላ ኢሚዳ ዒሎ ኣያና ኢሞታታ ባጋራ ኢስታ ማርካቲላ ማኒፊዳስ።

ኣሳ ዜሬል ኣሺዳይ ዩሱሳ

5 ያሲ ሃይሳ ኦ ኢዛ ገሽ ሃሳዪዛ ቡሮ ያና ኣላሚዛ ኪታንቻታ ሃርሲቤና። 6 ገደ ኣቲን ጌሻ ማፃፃይ ሃራሶን “ኔ ኢዛስ ዩሻ ቆፓናስ ኣሲ ኣዜ? ኢዛስ ኔ ቆፓናስ ኣሳናይ ኢዚ ኣዜ?”

7 ኔ ኢዛ ኪታንቻታፕ ጉላራ ጉላዳሳ። ቦንቾ ዛወዳይ ጋላታ ኢዛ ሁዒን ዎላዳሳ። ኔኒ ኢዛ ኔ ኩሼ ኦሶታ ቦላ ሹማዳስ።

8 ኔ ወርሳካ ኢዛ ቶሆ ጋርሳን ሃሪሳዳሳ፤ ያሲ ኡባካ ኢዛፕ ጋርሳራ ኢዛስ ሃሪሲሺን ኣቲዳይ ኣይ ማሺካ ዳና።

ገደ ኣቲን ሃዒ ቃሴ ወሪካ ኢዛስ ሃሬቲሺን ኦ ቤይቤኮ”

ገደስ። 9 ገደ ኣቲን ያሳ ኪያቲላን ኣሳ ኡባ ገሽ ሃይቃናስ ኪታንቻታፕ ጉላ ዎዳ ጉዒዳ ዩሱሲ ዎዩ ሃይቆ

ሃይቂዲ ሃዒ ቦንቸኔ ጋላታ ዛዉዳ ባ ሁዒን ዋሊዲይሳ ኑ ቤዮሰ። 10 ሃኒዛይ ዉሪካ ኢዛፔ ኢዛሰ ሜዴቲዳ ያሲ ዳር ናይታ ቦንቸሰ ኤፋናሰ ኢሰታ ማርቴላሰ ሁዒ ጊዲዳ ዩሱሲ ዋዩን ፖላናሰ ኮሺዛዝ ጊዲዳሰ።

11 ኣሰ ጌሺዛይኔ ኢዛን ጌዩዛ ኣሳይ ሄይቲ ኢሲ ኬላ ኣሳታ። ሄሳ ጊሽ ዩሱሲ ኢሰታ “ታ ኣሻቶ” ጊ ዪይጋናሰ ዩላቴና። 12 “ታኒ ኔ ሱንላን ታ ኣሻታሰ ዮታና ሸቂዳ ዳሬዛ ሲንላን ኔና ጋላቲዛ ዩላ ታ ዩፃና።” *

13 ሄሳሶካ “ታ ኢዛን ኣማኔታና” ቃሴካ “ታኒኔ ታሰ ያሲ ኣሚዳ ናይቲ ኑ ሃን ዶሰ” ጌሰ ጌሻ ማፃፋይ። *

14 ናይታሰ ኣሻይኔ ሱሊ ዲዛ ማላ ኢዚካ ኢሰታ ማላ ኣሳ። ሄሲካ ሃይቆ ቦላ ኢዛሰ ዋልቃይ ዲዛ ዳቡሎሳ ኢዚ ባ ሃይቆ ዋልቃን ዛራናሳ። 15 ሄሳሶካ ባ ዲዛ ዋዴ ኡባን ሃይቆሰ ባቦን ሃሪቲ ቃሺቲዳይታ ሃይቆፔ ዋዛናሳ። 16 ኢዚ ሃ ዩዳይ ኪታንቻታ ማዳናሰ ጊዶንታ ኣብራሃሜ ዜሬላታ ማዳናሰ ዩዳሰ። 17 ሄሳ ጊሽ ኡባ ባጋራ ኢዚ ባ ኣሻታ ሚሳታናሰ ቤሲዛዴ ጊዲዳሰ፤ ኢዚ ሄሳ ኦሊዳይ ማሪዛዴኔ ኣማኔቲዳ ዋና ቁሴ ሃላቃ ጊዲዲ ያሳሰ ኣፋናሲኔ ዳሬዛ ናጋራፔ ማራናሳ። 18 ኢዚ ባ ሁዒን ፓጩቲዲ ሜቶ ኤኪዳ ጊሽ ፓጩቲዛይታ ማዳናሰ ዳንዳዩሰ።

3

ዩሱሲ ሙሴፔ ኣዴሰ

1 ሄሳ ጊሽ ሳሎፔ ዪይሲ ኢንቴና ጋኪን ኣማኒዛ ኑ ኣሻቶ! ኑ ኣማናሰ ሃዋሬኔ ቁሴታ ሃላቃ ጊዲዳ ዩሱሳ ቆፒቴ። 2 ሙሴይ ያሳ ኬላ ኡባ ቦላ ኣማኔቲዳዳ ጊዲዳ ማላ ዩሱሲካ ባና ሹሚዳዳሰ ኣማኔቲዳዳ። 3 ኬላ ኬዲዳዳሰ ኬላሬ ቦላራ ቦንቸይ ዲዛ ማላ ዩሱሳሲካ ሙሴፔ ኣዴዛ ቦንቸይ ቤሲዛዴ ጊዳናሰ ቤሴሰ። 4 ኬላ ኡባሰካ ኬዲዳዳይ ዳሰ፤ ጊዶ ኣቲን ዉርሲካ ኦሊዳዳይ ያሳ። 5 ሙሴይ ቲንቢቲ ማርካቲሽ ያሳ ኬላ ኡባ ቦላ ኢሲ ኣማኔቲዳ ኦሳንቻ ማላ ጊዲ ዳዒዳሰ። 6 ኪርሰቶሲ ጊዲኮ ያሳ ኬላ ቦላ ኣማኔቲዳ ና ማላ። ኦኒካ ኢዛ ቦላ ኣማኔቲዛ ኡፋይሳይኔ ጩቁቲዛ ሂዶታ ሎዒላ ኦይኪኮ ኑ ኢዛሰ ዲሳ ኬላ።

ያሳ ኣሳሰ ኣሚቲዳ ቆፊሶ ቃላ

7 ሄሳ ጊሽ ያሎ ኣያናይ ጊዛ ማላ “ኢንቴ ሃቸ ኢዛ ቃላ ሲዩኮ” * 8 ባዘ ቢታን ኢንቴ ታና ፓጩዳ ዋዴ ማካሊዳይሳላ ኢንቴ ዋዝና ሙሚሶፒቴ። 9 ኢንቴ ኣዋቲ ካሴ ሄን ታና ፓጩዳኔ ታናራ ኤቁቲዳ። ታ ኦሊዳይሳ ዉርሲ ኦይዱ ታሙ ላይላ ጋካናሰ ቤዩዳ። 10 ሄ ዋዴ ዩሌቴላታ ቦላ ታ ሃንቁታዳ፤ ኢሰታ ዋዝናይ ኡባ ዋዴ ባሌቴሰ፤ ኢሰቲ ታ ኦኔ ኤሪቤይቴና። 11 ቃሴ “ታ ኢሰታሰ ኣሚዛ ሹምፖሶ ኢሰቲ ሙሌካ ጌሌቴና!” ጋራ ታኒ ታ ሃንቆን ጫቃዲሰ” ጌሰ።

12 ታ ኣሻቶ! ኢንቴሬ ኦኒካ ዴፖ ያሳሬ ሃራሶ ኢንቴና ሃሲዛ ኢታኔ ኣማናንታ ዋዝናይ ዶንታ ማላ ናጌቴቴ። 13 ሃራፔካ ኢንቴ ጋርሳሬ ኦኒካ ናጋራን ባሌቲዲ ባ

ዋዝና ሙሚሶንታ ማላ “ሃቸ” ጌቴቲሽን ሃቸ ሃቸ ኢንቴ ኢንቴ ጋርሳን ሚኔቲቴ። 14 ኑሰ ካሴ ኮይርፔ ዲዛ ኣማኖ ኦኒ ዉርሴላ ጋካናሰ ሎዒላ ሚንላ ኦይኪኮ ኦኒ ኪርሰቶሳራ ኢሲሬ ላታና።

15 ሃሲካ “ኢንቴ ሃቸ ኢዛ ቃላ ሲዩኮ ካሴ ማካሊዳይታይሳ ማላ ሃዒካ ኢንቴ ዋዝና ኢንቴ ሚንሶንታ ማላ” ጌቴቲ ጌሻ ማፃፋን ያሬቲዳይሳላ ሃኒዳሰ።

16 ሲይዲ ማካልዳይቲ ኢሰቲ ኦናንቴ? ሙሴይ ጊብፃፔ ካሌላ ኬሲዳይታ ኡባታ ጊዴቴኔ? 17 ያሲ ኢሰታ ቦላ ኦይዱ ታሙ ላይላ ሃንቁቲዳይቲ ኢሰቲ ኦናንቴ? ናጋራ ኦሊን ኢሰታ ኣሃይ ባዘ ቢታን ኩንዲ ኣቲዳይታ ጊዴቴኔ? 18 ኢዛሰ ኣዛዜቶንታ ኢዲዳይታፔ ኣቲን ኢዛ ሹምፖሶ ጌሎንታ ማላ ኢዚ ጫቁ ዲጊዳይ ሃራይ ኦናንቴ? 19 ሄሳ ጊሽ ኢሰቲ ጌሎንታ ኣቲዳይ ኣማናይ ባይንዳ ጊሽ ጊዲዳይሳ ኑ ኤርሰ።

4

ያሳ ዳሬሰ ኣሚቲዳ ሳምባታ ሹምፖ

1 ጌዴ ሹምፖሶ ጌላናሰ ኣሚቲዳ ሂዶታይ ሃዒካ ናጌቲ ዲዛ ጊሽ ኢንቴ ጊዶሬ ኦኒካ ሃሳሰ ቤሶንታዴ ጊዶንታ ማላ ኣኔ ናጌቶሰ። 2 ሄይታንታሰ ሳባኬቲዳ ማላ ኦሰካ ሚሺራቸ ቃላይ ሳባኬቲዳሰ። ጊዲኮካ ሲዩዳ ኣሳታራ ሲዩዳ ቃላይ ኢሰታራ ኣማናን ዋላኬቶንታ ኣጊዳ ጊሽ ኢሰታ ማዲቤና። 3 ኑ ቃሰ ኣማኒዛይቲ ሄ ሹምፖሶዛ ጌላና። ያሲ “ሄሳ ጊሽ ታኒ ታ ሃንቆን ኢሰቲ ታ ሹምፖሶ ሙሌካ ጌሌቴና” ጋዳ ታ ጫቃዲሰ” ጊዴሰ። ጊዶ ኣቲን ሃይሲ ኣላሚይ ሜዴቶሳፔ ሃ ሲሚን ኢዛ ኦሶይ ፖሌቴዳሰ። * 4 ኢሲ ሶን ላፑንላ ጋላሳ ጊሽ “ላፑንላ ጋላሲ ያሲ ኦሶ ኡባሬ ሹምፓዳሰ” ጌቴቲ ጌሻ ማፃፋን ያሬቲዳሰ። * 5 ቃሴካ ሄ ሶዛን “ቱማፔ ኢሰቲ ታ ሹምፖሶ ሙሌካ ጌሌቴና” ጌሰ። * 6 ኢዛ ሹምፖሶ ቡር ጌላና ኢሲ ኢሲ ኣሳቲ ዳቴሰ። ካሴ ኢሰታሰ ሚሺራቸ ቃላይ ሳባኬቲዳይቲ ኣዛዜቶንታ ኢዲዳ ጊሽ ኢዛ ሹምፖሶ ኢሰቲ ጌሊቤቴና። 7 ሄሳ ጊሽ ያሲ “ሃቸ” ጊዲ ቃሴካ ሃራ ጋላሰ ዋሊዳሰ፤ ሄሲካ ዳር ላይላታፔ ጉዬ ዳዉቲ ባጋራ “ሃቸ ኢንቴ ኢዛ ቃላ ሲዩኮ ኢንቴ ዋዝና ሙሚሶፒቴ”

ጌቴቲ ካሴ ዮቴቲዳ ማላ ሃኒዳሰ። * 8 ኢያሶይ ኢሰታሰ ሹምፖ ኣሚዳኮ ያሲ ሃራ ጋላሰ ጊዲ ዮቴናኮሺን። *

9 ሄሳ ጊሽ ሳምባታ ጋላሰ ሹምፖይ ያሳ ዳሬሰ ሃዒካ ዳሰ። 10 ጋሶይካ ያሳ ሹምፖሶ ጌሊዛይ ዉሪ ያሲ ኦሊ ሹምፓዳ ማላ ኢዚካ ባ ኦሶፔ ሹምፓና። * 11 ሄሳ ጊሽ ኦኒካ ሄይታንታ ማላ ኣዛዜቶንታ ኢዲዳይሳ ለሚሶ ካሊዲ ኩንዶንታ ማላ ሄ ሹምፖሶና ጌላናሰ ኣኔ ሚናሰ።

12 ያሳ ቃላይ ፓፃ ዲዛይሳኔ ኦሊዛ ቃላ። ናምቡ ባጋ ቃራ ማሻሬካ ኣዴ ቃራ፤ ሹምፖኔ ኣያና፣ ሻያኔ ኮልቼካ ሻካና ጋካናሰ ጫዳሰ፤ ዋዝና ቆፋኔ ኣምቴላካ ፓጩ ያሌሰ። 13 ያሳ ኣይሬፔ ጌሚቲዳ ሜዴታይ ሙሌካ ዳና። ኑ ኢዛሰ ኑ ጊሽ ዛር ኣማናሰ ቤሲዛ ኢዛ ሲንላን ሃናይ ዉሪካ ካሎ ቆንጩን ቤታና።

* 2:12 ማዛ 22:22 * 2:13 ኢሳ 8:17-18 * 3:7 ማዛ 95:7-11 * 4:3 ማዛ 95:11 * 4:4 ሜዴ 2:2 * 4:5 ማዛ 95:11 * 4:7 ማዛ 95:7-8 * 4:8 ዛሬ 31:7፤ ኢያ 22:4 * 4:10 ሜዴ 2:2

ቄሴታ ሃላቃ ዩሱሳ።

14 ሄሳ ገሽ ጉዳ ሳሎ ቢዳ ቄሴታ ሃላቃ ያሳ ና ዩሱሱ ኑስ ዲዛ ገሽ አኔ ኑኒ ኑ አማኖ ሚንሉ ኦይኮስ። 15 ኑ ዳቡሪሽን ኑስ ቃዴታና ዳንዳዱዛ ቄሴታ ሃላቃይ ኑስ ዳስ። ኢዚ ኑ ማላ ኡባ ሚሻን ፓጩቲዳስ፤ ገዲኮካ ኢዚ አይኮ ናጋራካ ኦሊቤና። 16 ሄሳ ገሽ ኑኒ ማሮቴላ ኤካናሲኔ ኑና ኮሽዛ ዎዴ ኑና ማዲዛ ኢዛ ኪያቴላ ኑ ዳማና ማላ ጌዴ ኢዛ ማሮቴላ አልጋኮ አኔ አማኖን ሸቆስ።

5

1 ቄሴታ ሃላቃ ገዲ ሹሜቲዛዳይ ዳር አሳ ገደፊ ደሪቲሲኔ አሳ ገሽ ገዲዲ አሞታኔ ናጋራ ገሽ ያርሾ ሸሻናስ ደሪቲሲ። 2 ኢዚካ ባ ባጋራ ዳቡራንቻ ገዲዳ ገሽ ኤሮንታ አሳታሲኔ ኦኔ ባሊዳይታስ ቃዴታና ዳንዳዱስ። 3 ኢዚ ባ ናጋራ ገሽኔ ሃራ አሳታ ናጋራ ገሽ ያርሾ ሸሻናስ ኢዛስ ቤሲዛይ ሄሳ ገሻሳ። * 4 አርኔይ ያይጌቲዳይሳላ ኢዚ ያሲ ያይጌዳዴ ገዳናስ ቤሴስ አቲን ሄሳ ሄ ቦንቸዛ ባርካ ባስ ኤኪዛዳይ ዳና። *

5 ሄሳላካ ኪርሰቶሲ ቄሴታ ሃላቃ ገዳና ቦንቸ ባርካ ባስ ኤኪቤና። ገደ አቲን
“ኔ ታ ናኮ፤
ታ ኔስ ሃቾ አዎ ገዳዲስ”
ገደ ያሳፊ ኤኪዳስ። * 6 ሄሳላካ ሃራሶን
“ማልኬዴቄ ሹሜታ ማላ
ኔኒ ሜርናስ ቄሴታ ሃላቃ” ገሴ። *

7 ዩሱሱ ሃይሳ ቢታ ቦላ ዲዛ ዎዴ ኢዛ ሃይቆፔ አሻና ዳንዳዱዛይሳኮ አፋንዲሼ ገታ ቃላራ ዎሳ ዎሲዳስ። አዳፊ አሽኬቲላራ ኢዚ አዛዜቲዳ ገሽ ኢዛ ዎሳ ያሲ ሲዩዳስ። * 8 ኢዚ ያሳ ና ገዲኮካ ባ ኤኪዳ ዎዩዛፔ አዛዜቲላ ታማሪዳስ። 9 ሄሳ ባጋራ ፓጩይ ባይንዳዴ ገዲ ቤቲዳይሳፊ ጉዬ ባና አዛዜቲዛይታስ ኡባስ ሜርና አቶቴላስ ጋሶ ገዲዳስ። 10 ማልኬዴቄ ሹሜቲላ ማላ ቄሴታ ሃላቃ ጌቲቲ ያሳን ሹሜቲዳስ።

አማኖን ሚናና ማላ ኢሜቲዳ ቆፍሶ

11 ሄሳ ገሽ ኑ ሃሳያና ሚሽ ቡር ዳርይ ዳስ። ገደ አቲን ኢንቲ ደታባታ ገዲዳ ገሽ ኢንቲና ኤሪሶይ ሜቶ። 12 ኢንቲ ሃኒ ዎዴ አስታማሪ ገዳናስ ቤሲሽን ያሳ ቃላ ቡር ኮይርፔ ዳንሉዲ ኢንቲና ታማርሲዛ አስ ኢንቲስ ኮሽሰ። ኢንቲስ ኮሽዛይ ሚኖ ካላ ገደንታ ማላ። 13 ማላ ፓሃቲዛይ ቂ ጉላ ና ገዲዛ ገሽ ሎዶኔ ኢታ ሻኪዛ ቲሚርቲ ሻኪ ኤሬና። 14 ሚኖ ካላ ገዲኮ ሎዶኔ ኢታ ሻካናስ ባናቴላ ደሲሲዳ ዎዝና ኩንሉዳ አሳታሳ።

6

1 ሄሳ ገሽ ኮይርፔ ኪርሰቶሳ ገሽ ኢሜቲዳ ቲሚርቲዛ አገዲ አኔ ጌዴ ሚኖ ቲሚርቲኮ ቦስ። ሃይቂዳ ኦሶፔ ማሮቴላን ጌሎ ገሽኔ ያሳን አማኖ ገሽ ቡር አኔ ኢዛን ዎዴ ማዶኮ። 2 ሄሳላካ ዲንቃቲ ገሽኔ

* 5:3 ለዌ 9:7 * 5:4 ኬሳ 28:1 * 5:5 ማዛ 2:7 * 5:6 ማዛ 110:4 * 5:7 ማቶ 26:36-46፤ ማር 14:32-42፤ ሉቃ 22:39-46 * 6:8 ሜዴ 3:17-18 * 6:13-14 ሜዴ 22:16-17 * 6:19 ማጋላሻ ገዛይሳ ኢሲ ኢሲ ባጋ ጋሞላን ቃላን ማጋራጃ ጌቲስ። * 6:19 ለዌ 16:2

ኩሼ አሳ ቦላ ዎላ ገሽ ቃሴካ ሃይቂዳይታ ዳንላ ገሽኔ ሜርና ፐርዳ ገሽ ቡር ዎላ ደሞኮ። 3 ያሳ ሽኔ ገዲኮ ኑ ሄሳላ ኦላና።

4 ባ አማኖ ካዲዳ አሳታ ኢስታ ማሮቴላን ዎስቲ ዙሪኔ? ፖይ ኢስታስ ኢሲቶ ፖሲዳይታ ሳሎ አሞቴላ ኤኪ ቤዩዳይታ፤ ዲሎ አያና ኤኪ ቤዩዳይታ፤ 5 ሎዶ ያሳ ቃላኔ ቡር ያና አላሜዛ ዎልቃ ኤኪ ቤዩዳይታ፤ 6 ዛሪዲ ካዲዳይታ ኢስታ ናሞሳንላ ዛሪዲ ማሮቴላን ኤኮይ ዳንዳዩቴና። ጋሶይ ኢስቲ ባ ሞርስ ያሳ ና ዛሪ ካቄቲሲኔ ካወሹቴስ።

7 ኡባ ዎዴ ባ ቦላ ኢራ ኡዩዛ ቢታይ ቃሴካ ኢዛ ጎይዛዳስ አይፊ አሚዛ ቢቲያ ያሳ አቻን አንጃታዲስ። 8 ገደ አቲን አጉንሉኔ ኦዶርይ ሞኪዛ ቢታያ ጎዳይ ቤዩዳር ገዳና። ሄ ቢታይስ ቃንጌቴላ ማታን ዳስ። ኢዚ ወርሴላ ታማን ፀጌቴላ ገዳና። *

9 ታ አሻቶ! ኑኒ ሄሳላ ሃሳይኮካ ኢንቲስ ኢንቲ አቶቴላራ ኦይኬቲዳ ሎዶ ሚሽ ዲዛይሳ ኑ ሲዶኮ። 10 ካሴ ገዲን ዎይኮ ሃሲ ገዲንካ ኢንቲ አማኒዛይታ ማዲዳይሳኔ ኢዛ ሱንላ ገሽ ኢንቲ ቤሲዳ ሲቆቴላ ባላናስ ያሲ ማካላንቻ ገዳና። 11 ኢንቲስ ኢሜቲዳ ሂደታይ ፖሌታና ጋካናስ ኢንቲፊ ኢሲ ኢሲ ኢሲ ሄሳ ማላ ኦሶ ወርሴላ ጋካናስ ጌንጩዲ ኦላና ማላ ኑ አሞቶስ። 12 አማኖኒኔ ዳንዳያን ኢንቲ ኢዛ ሂደታ ቃላ ላቲዛይታ ሚሳታናፔ አቲን ደታባታ ገዳናይሳ ኑ ኮዮኮ።

ያሲ ኢሚዳ ሂደታ ቃላ ቱማቴላ

13-14 ያሲ አብራሃሜስ ሂደታ ኢሚዳ ዎዴ ጫቂሽ ሃራ ኢዛፔ አጃዛዳይ ባይንዳ ገሽ ባርካ ባናን፤ “ታ ኔና ቱማፔ አንጃና፤ ታኒ ኔ ዜሬላ ዳርሳና” ገ ጫቂዳስ። * 15 አብራሃሜይካ ጌንጩ ናጌዳፔ ካሊዲ ኢዛስ ኢሜቲዳ ሂደታ ዳሚዳስ።

16 አሳይ ጫቆ ጫቂሽ ባፔ ዶቃን ጫቄስ። ጫቆዚካ ጌቲቲዳይሲ ፖሌታና ማላ ሚንሉዛ ገሽ ጫቂዳይታ ገዲን ፓላማይ ዳንዲኮ ካሴ ጫቆ ቃላይ ዲጌስ። 17 ያሲ ላሜቶንታ ባ ቆፋ ሂደታ ቃላ ላታናይታስ ቆንጩሳና ማላ ኮይዳ ገሽ ጫቆ ቃላን ሚንሉዳስ። 18 ያሲ አይ ዎዴካ ዎርደታናስ ዳንዳዩና፤ ኢዚ ላሜቶንታ ናሞላ ሚሻታን ኑ ሲንላን ዲዛ ሂደታ ኦይካናስ ኢዛኮ ሸቂዳ ኑኒ ገታ ሚኖቴላ ዳማና ማላ ኦሊዳስ። 19 ኑካ ሹሞፖ ቲቂ ገዲዳ ሚኖኔ አማንሉዛ ሂደታ ዳሚደስ፤ ሄ ሂደታይካ ማጋላሻዛፔ ጉዬ ባጋራ ዲዛ ጌዴ ያሳ ኬላ ገደ ጌሌስ። ** 20 ሄ ሶዚካ ኑ ገሽ ዩሱሱ ካሴቲ ጌሊዳ ሶ፤ ኢዚካ ማልኬዴቄ ሹሜቲላ ማላ ሜርናስ ቄሴታ ሃላቃ ገዲዳስ።

7

ቄሴታ ሃላቃ ማልኬዴቄ

1 ሄሲ ማልኬዴቄይ ሳሌሚ ካዎኔ ያሳ ቄሴ፤ ኢዚካ አብራሃሜይ ካዎታ ኦሊ ያኒዲ ሲሚሽን ዳሚዲ አብራሃሜ አንጃዳስ። 2 አብራሃሜይካ ባስ ዲዛ ኡባፊ ታሙ ኩሼፔ ኢሲ ኩሼ ኢዛስ ኢሚዳስ። ኮይር ኢዛ ሱንላስ ቢርሼላ “ዲሎ ካዎ” ጉሳ። ካሊዲ ቃሴ “ሳሌሚ ካዎ” ጉሲ “ሳርቴላ ካዎ” ጉሳ። 3 ኢዛስ

* 5:3 ለዌ 9:7 * 5:4 ኬሳ 28:1 * 5:5 ማዛ 2:7 * 5:6 ማዛ 110:4 * 5:7 ማቶ 26:36-46፤ ማር 14:32-42፤ ሉቃ 22:39-46 * 6:8 ሜዴ 3:17-18 * 6:13-14 ሜዴ 22:16-17 * 6:19 ማጋላሻ ገዛይሳ ኢሲ ኢሲ ባጋ ጋሞላን ቃላን ማጋራጃ ጌቲስ። * 6:19 ለዌ 16:2

አያካ፣ አዋይካ ወይኮ ኢዛ ዩሌቴላሰ ዛርኬይካ ባዋ። ኢዚ አይዳ ዩሌቴዲ አይዳ ሃይቁዳኮኔ ኤሬቴቤና፤ ኢዛሰ ደሜሌኔ ወርሴሌ ባዋ፤ ገደ ኣቴን ያሳ ና ማላ ሜርናሰ ኢዚ ቁሴ ገዲዲ ዳሰ።

4 ኣኔ ኢንቴ ኢዚ አይ ማላ ገታኮኔ ቆፒቴ። ሃራይ አቶሺን አዋታሰ ኡባሰ ኮይሮይ አብራሃሜይ ባ ዲዒ ኤኪዳይሳ ኡባሬ ታማሬ ኢሳ ኬሲ አሚዳሰ።

5 ኢሰታሰ ቁሴቴሌ አሜቴዳ ለዌ ናይቲ ኢሰታ አሻቲ አብራሃሜ ዜሬላታ ገዲኮካ ዳራፔ ሄሲካ ባ አሻታፔ ታማሬ ኢሳ ኤካና ማላ ኢሰታሰ ዋጋን አዛዜቴዳሰ።

* 6 ሃይሳ ሃ አዳዛ ዜሬሌ ለዌ ዜሬላ ገደና። ገደ ኣቴን ኢዚ አብራሃሜፔ ታማሬ ኢሳ ኤኪዳሰ። ካሴ ኢዛሰ ሂደታ ቃላይ አሜቴዳ አብራሜ ኣንጂዳሰ።

7 ባይራይ ካሎ ኣንጂዳይሲ ዋጋ። 8 ኢሲ ባጋራ ታማሬ ኢሳ ኤኪዳይቲ ሃይቁዳይታ። ሃራ ባጋራ ቃሴ ታማሬ ኢሳ ኤኪዳይይ ሃይቆንታ ፓፃ ዲዛ ማላ ኢዛሰ ማርካቲዳይይ ማልኬዳይቄ።

9 ሃራይ አቶሺን ለዌይካ አብራሃሜ ባጋራ ታማሬ ኢሳ ኬሲዳሰ ጋናሰ ዳንዳዩቴሰ። 10 ጋሶይካ ማልኬዳይቄይ አብራሃሜ ገዚ ዋዳ ለዌይ ቡሮ ባ አዋ አብራሃሜፔ ዩሌቴቤና።

ዩሱሲ ማልኬዳይቄ ማላ

11 ፓጩይ ባይንዳ ፖሎይ ቤቴዳይኔ ዋጋይ ዳሬዛሰ አሜቴዳይ ለዌ ቁሴቴላ ማላ ገዲዳኮ ኣሮኔ ማላ ገደንታ ማልኬዳይቄ ሹሜቴላ ማላይ ሃራ ቁሴይ ያናሰ አዛሰ ኮሺዳ? 12 ቁሴቴላ ዛርኬይ ላሜቴዛ ዋዳ ዋጋይካ ላሜታናይሲ አቶንታ ሚሻ። 13 ሄሲ ወሪካ ኢዛሰ ዮቴቴዳ ቁሴይ ኢዚ ሃራ ዜሬላ። ኢዛ ዜሬላሬ ኦኒካ ያርሾሶን ኦሌ ኤሪዳይይ ባዋ። 14 ኦ ጎዳይ ዩሁዳ ባጋሬ ዩዳይሲ ቱማ። ሙሴይ ቁሴታ ገሽ ዮቴሼ ሃ ዜሬላ ገሽ ዮቴዳይሲ ኢሲ ሚሻካ ባዋ።

15 ማልኬዳይቄ ማላይ ሃራ ቁሴይ ዳንዲኮ ኦ ካሴ ዮቴዳ ዮፆይ ዳሮ ቆንጩ ገደና። 16 ኢዚ ቁሴ ገዲዳይ ቆንጩ ዳዎ ዋልቃን ኣቴን ዜሬላሬ ዩዳ ዋጋፔ ገደና።

17 ኢዛሰ “ኔ ማልኬዳይቄ ሹሜቴላ ማላ ሜርናሰ ቁሴ” ገ ማርካቲዳሰ። * 18 ካሴ አዛዘይ ላፋኔ ጎፆንታይሳ ገዲዳ ገሽ ኣቴዳሰ። 19 ዋጋይ ኦናካ ገሻናሰ ዳንዳዮንታ ገሽ ኦ ያሳ ኣቺ ሺቃናሰ ኢዛፔ ኣጂዛ ሃራ ሂደታይ ኦሰ አሜቴዳሰ።

20 ሄሲካ ጫቆይ ባይንዳ ሃንቤና፤ ሃንኮ ቁሴ ገዲዳይቲ ጫቆይ ባይንዳይታ። 21 ኢዚ ገዲኮ ቁሴቴላ ጫቆን ኤኪዳሰ።

ጋሶይካ ያሲ ኢዛ ገሽ “ጎዳይ ጫቁዳሰ፤ ባ ቆፋ ኢዚ ላሜና፣ ኔ ሚርናሰ ቁሴ” ገደሰ። *

22 ሄሳ ማላ ጫቆፔ ዳንዲዳይሳን ዩሱሲ ሄሳሬ ኣጂዛ ጫቆ ቃላሰ ዋሴ ገዲዳሰ።

23 ካሴ ቁሴቲ ባ ኦሶን ሲንሌ ጉጃንታ ማላ ሃይቆይ ኢሰታ ዲጊዳ ገሽ ቆዳይ ኢሰታሰ ዳሮ። 24 ዩሱሲ ገዲኮ ሜርናሰ ዲዛዳ ገዲዳ ገሽ ኢዛ ቁሴቴሌ ሻሬቶንታ ቁሴቴላ። 25 ሄሳ ገሽ ኢዚ ኢሰታ ገሺሳና ጋናቴሼ ኡባ ዋዳ ሃይቆንታ ፓፃ ኤቂ ዲዛ ገሽ ኢዛ ባጋራ ያሳኮ ዩዳይታ ወርሲ ኣሻናሰ ዳንዳዩሰ። 26 ሄሳ ገሽ ኦሰ ኮሺዛ ቁሴታ ሃላቃይ ሄሳ ማላ ገሺኔ ዋሶይ ኢዛ ቦላ ባይንዳ ያሎኔ ናጋራንታፔ ሻኬቴዲ ሳሎታፔ

ቦላራ ቦንቹቴዳ ቁሴታ ሃላቃ። 27 ኢዚ ሃንኮ ቁሴታ ሃላቃታ ማላ ኮይሮ ባ ናጋራ ገሽ ቃሴካ ካሌሌዲ ሃንኮ ዳሬዛ ናጋራ ገሽ ጋላሰ ጋላሰ ያርሾ ሺሻናሰ ኢዛ ኮሺና። ኢዚ ባና ኣሌ አሚዳ ዋዳ ኣሳ ናጋራ ገሽ ኢሲቶ ሲንላ ባጋሳራ ያርሾ ወርሲ ፖሊዳሰ። * 28 ዋጋይ ዳቡራንቻ ኣሳታ ቁሴታሰ ዋና ሃላቃ ሂሰቲ ሹሜሰ። ዋጋፔ ካሊዲ ዩዳ ጫቆ ቃላይ ገዲኮ ሜርናሰ ኢዛ ቦላ ዋሶይ ባይንዳ ናዛ ሹሚዳሰ።

8

ዩሱሲ ኦራላ ጫቆ ቁሴታ ሃላቃ

1 ሄሳ ገሽ ኦ ሃዒ ኦላና ዋና ዮፆይ ሃይሳ። ሃይሳ ማላ ሳሎ ቦላ ያሳ ቦንቻ ኣልጋ ኡሻቻን ኡቴዳ ቁሴታ ሃላቃይ ኦሰ ዳሰ። * 2 ኢዚ ኣሲ ቶኪዳ ዳንካኔ ገደን ኦሌዛዳ ገደንታ ጎዳ ያሲ ቶኪዳ ቱሙ ዳንካኔን ገሻሶን ኦሌዛዳ።

3 ቁሴታ ሃላቃይ ሹሜቴዛይ ኣሳይ ያሳሰ አሚዳይሳ ያሳሰ ሺሻናሰኔ ያርሾ ያርሻናሳ። ሄሳ ገሽ ሃይሲ ሃ ቁሴታ ሃላቃይካ ያሳሰ ሺሻናሰ ኢሲ ሺሺዛ ሚሺ ኢዛሰ ኮሺሰ። 4 ኢዚ ቢታ ቦላ ዲዛኮ ቁሴ ገደና። ኣዛሰ ገኮ ዋጋይ ገዛ ማላ ያርሾ ሺሺዛ ሃራ ቁሴቲ ዳቴሰ። 5 ኢሰቲ ካሴ ሳሎን ዲዛ ያሳ ኬላይሰ ለሚሶኔ ኤሾ። ሙሴይ ዳንካኔዛ ኦላና ገሺን “ኔሰ ዙማ ቦላ ቆንጩዳይሳ ወርሳ ኦላናሰ ናጌታ” ገዛ አዛዘይ ሄሳ ገሽ ኢዛሰ አሜቴዳሰ። 6 ገደ ኣቴን ዩሱሲ ገደ ጌሊ ጋናቴዛይ ጫቆ ቃላይ ካሴይሳሬ ኣጂዳይሳ ማላ ኢዚ ኤኪዳ ኦሶይካ ካሴይታ ኦሶፔ ኣጂዳሰ። ሄሲካ ካሴይሳሬ ሎዒዛ ሂደታ ቃላና።

7 ካሴ ጫቆ ቃላን ፓጩይ ባይንዳኮ ናምዓንሉ ሃራ ጫቃናሰ ኮሺና። 8 ገደ ኣቴን ያሲ ዳሬዛ ቦላ ፓጩይ ዲዛይሳ ዳሚዳ ገሽ “ኢሰራዔሌ ኣሳራኔ ዩሁዳ ኣሳራ ታኒ ኦራላ ጫቆ ጫቁታና ዋዳይ ያና። * 9 ሄሲካ ታ ኢሰታ ገብፂፔ ኬሳናሰ ኢሰታ ኩሼ ኦይካዳ ካሴ ኢሰታ አዋታራ ጫቁቲዳ ቃላ ማላ ገደና። ጋሶይካ ኢሰቲ ካሴ ታ ጫቆ ቃላን ኤቁቤቴና። ታካ ኢሰታ ዩዳ ቤሳዲሰ።

10 ሄሳሬ ጉዩ ኢሰራዔሌ ኣሳራ ታ ጫቁታና ቃላይ ሃይሳ ማላ ጌሰ ጎዳይ።

ታኒ ታ ዋጋ ኢሰታ ዋዝናን ዋላና። ኢሰታ ዋዝና ቦላካ ዓፋና። ታ ኢሰታ ያሴ ገደና። ኢሰቲካ ታ ዳሬ ገደና።

11 ሃይሳሬ ጉዩ ኣሲ ባ ጉታ ኣሳ ዋይኮ ባ ኢሻ ኔ ጎዳ ኤራ ገ ታማርሴና። ጋሶይካ ኣሲ ጉላሬ ገታታ ጋካናሰ ወሪካ ታና ኤራና።

12 ኢሰታ ቆሆዛ ታ ማራና። ሃይሳሬ ሲንላን ታ ኣሳ ናጋራ ናምዓንሉ ዛራ ቆፒኬ” ጌሰ።

13 ሃይሳ ሃ ጫቆዛ ኢዚ “ኦራላ ጫቆ” ገዲ ካሴ ጫቆዛ ጋልዓ ኬሲዳሰ። ሄሳ ገሽ ጋልዒዲ ወራዳይሲ ጳያና ዋዳይ ማቴዳሰ።

* 7:5 ታይ 18:21 * 7:17 ማዛ 110:4 * 7:21 ማዛ 110:4 * 7:27 ለዌ 9:7 * 8:1 ማዛ 110:1 * 8:8 ኤር 31:31-34

9

ቢታ ቦላኔ ሳሎን ዲዛ ጎይኖ ዋጋ

1 ኮይሮ ጫቆ ቃላዝን ያሳሰ ጎይኒዛ ዋጋይኔ ቢታ ቦላ ዲዛ ያሳ ኬሌ ዴሰ። 2 ካሴ ናምቡ ከፊሌራ ዲዛ ዲንካኔይ ገጌቲ ዴሰ። ኮይሮ ከፊሌዝን ያምፔ ዋሊዛሶይኔ ፃራጾዛይ ቃሴ ኡኬሌ ዴሰ። ሄሳ ሄ ከፊሌዚ ዲማ ከፊሌ ጌቲቲሰ። * 3 ናምባንሶ ከፊሌዚ ናምባንሶ ማጋላሻፔ ጉዬ ባጋራ ዲዛ ከፊሌይ ኡባፌ ዲማ ጌቲቲሰ። * 4 ሄሳ ገደን ዋርቃፌ ኦሴቲዳ ኤፃኔ ጨዋሲዛ ቄሪ ሹልዔ ማላይኔ ዋርቃን ሜሹቲዳ ጫቆ ታቦታይ ዴሰ። ሄ ታቦታይካ ኢዛ ገደን ማናይ ዲዛ ዋርቃ ለማቲይ፣ ጨሊሊዳ ኣርኔ ጉፊይኔ ጫቆ ቃላቲ ኢዛ ቦላ ፃፊቲዳ ሹቻ ማሴሊ ዴሰ። * 5 ሄ ታቦታዛ ቦላ ዲዛ ናጋራፔ ማርቲላ ካማዛ ቦላ ባ ቄፊራ ካሚዛ ቦንቾ ኩሩቤቲ ዴቲሰ። ሃዒ ቃሴ ኑ ሄይታንታ ኢሳ ኢሳ ገሽ ሻኪ ሻኪ ሃሳያናሰ ዳንዳዮኮ። *

6 ወሪካ ሄሳ ገጌቲዳፔ ጉዬ ቄሴቲ ባ ኦሶ ፖላናሰ ዲንካናሰ ኮይሮ ከፊሌ ጌሌቲሰ። * 7 ገደኮካ ኡባፌ ገደቲዛ ከፊሌ ቄሴታ ሃላቃይ ፃላላ ጌሌሰ። ሄሲካ ላይላን ኢሲቶ ፃላላ ገደሺን ኢዚ ባ ናጋራ ገሺኔ ዴሪይ ኤርንታ ኦሊዳ ናጋራ ገሽ ሸሸዛ ያርሾ ሱላ ኦይኮንታ ሙሌካ ጌሌና። * 8 ኮይሮ ዲንካኔዚ ካሴ ዲዛ ዋዴ ጌዴ ኡባፌ ዲማ ጌቲቲዛሶ ኤፊዛ ኦጌይ ሄ ዋዴ ቆንጨ ገደንታይሳ ፃሎ ኣያናይ ቤሴሰ። 9 ሄሲካ ሃይሳ ሃ ዋዴዛሰ ለሚሶ ገደሺን ካሴ ሸቂዛ ያርሾቲኔ ጮ ኣሜቲዛ ኣምታቲ ኣሚዛይታ ዋዝና ሸምፕሳናሲኔ ሙሌ ጌሻናሰ ዳንዳይቤቲና። 10 ሄይታንቲ ወሪካ ኦራሳ ዋጋይ ያና ጋካናሰ ጮ ሚላ ዲና ሃሳያ ማላ። ቃሴካ ኢሰቲ ሙሳ ገሺኔ ኡሻ ገሽ ቃሴካ ዲማ ዲማ ጌሾ ዋጋታ ፃላላ።

ከርሰቶሳ ሱላ

11 ገደኮካ ከርሰቶሳ ቡርፔ ያናሰ ዲዛ ሎፖ ሚሻታሰ ቄሴታ ሃላቃ ገደዲ ቆንጨዴሰ፤ ኢዚ ኢዛን ጌሊዳ ዲንካኔዚ ገታኔ ጌሻ። ሄ ዲንካኔዚ ኣሳ ኩሹን ኦሴቶንታይሳኔ ሃይሳ ሃ ሚጴቲላፌ ገዴና። 12 ኢዚ ሄ ዲንካኔዛን ጌሊሹ ዴይሻታ ሱሉኔ ዋጋኖ ቦራታ ሱላ ኤኪ ጌሊቤና። ገደ ኣቲን ኣሰ ኣሻናሰ ሚርናሰ ባ ሱላ ኤኪዲ ኡባፌ ዲማ ጌቲቲዛ ከፊሌ ሃራ ዋዴ ናምባንሶ ጌሎንታ ማላ ወርሴላ ጌሎ ጌሊዴሰ። 13 ኢሰታሰ ካሪ ባጋ ኣሳቲላይ ቲዲዳ ኣሳታ ቦላ ኣራጨዛ ዴይሻ ሱሉኔ ዋጋኖ ቦራታ ሱላ ሄሳላካ ያርሾሰ ፀጌቲዳ ኡሳ ቢዲንሊ ኢሰታ ጌሺዛይሳ ገደኮ። * 14 ሚርና ኣያናን ባና ዋሶይ ባይንዳ ያርሾ ኦሊ ያሳሰ ሸሸዳ ከርሰቶሳ ሱላ ኦኒ ዴፖ ያሳሰ ጎይናሰ ሃይቄላ ኦሶፔ ኑና ኣይ ማላ ኣሊ ጌሻንዴ?

15 ሄሳ ገሽ ፃይጌቲዳይቲ ኢሰታሰ ኣማና ጌቲቲዳ ሚርና ላታ ኤካና ማላ ከርሰቶሳ ኦራላ ጫቆሰ ጋናቲዛዴ ገደዴሰ። ኮይሮ ጫቆዛ ጋርሳን ዲዛ ዋዴ ኢሰቲ ኦሊዳ ናጋራፔ ጌያና ማላ ኢሰታ ገሽ ኢዚ ሃይቄዴሰ።

* 9:2 ከሳ 25:31-40፤ 26:1-30 * 9:3 ከሳ 26:31-33 * 9:4 ከሳ 16:33፤ 25:10-16፤ 30:1-6፤ ታይ 17:8-10፤ ዛሬ 10:3-5 * 9:5 ከሳ 25:18-22 * 9:6 ታይ 18:2-6 * 9:7 ሊዌ 16:2-34 * 9:13 ሊዌ 16:15-16፤ ታይ 19:9፤17-19 * 9:21 ሊዌ 8:15 * 9:22 ሊዌ 17:11 * 9:28 ኢሳ 53:12 * 10:5 ማዛ 40:6-8

16 ባዛይ ባዜቲዛይሳ ገደኮ ባዚዳዴ ሃይቆ ሻኪ ኤራናሰ ቤሴሰ። 17 ጋሶይካ ባዛይ ሚኒዛይ ባዚዳዴይ ሃይቄና። ባዚዳዴይ ፓፃ ዲሺን ባዛይ ኣይኮካ ኦሌና።

18 ሄሳ ገሽ ኮይሮ ጫቆ ቃላይ ሱሊ ባይንዳ ሚኒቤና። 19 ሙሴይ ባ ኣዛዛ ዋጋ ዴራሰ ዮቲ ሲሚዲ ዴይሻታ ሱሊኔ ዋጋኖ ቦራታ ሱላ ሃላራ ኤኪዲ ዞፖ ደርሳ ኢሲኬን ኤጩራ ወርጩ ማላ ሄሶጾ ጌቲቲዛ ሚላራ ኤኪዲ ባ ፃፊዳ ዋጋ ማፃፋ ቦላኒኔ ዴሬዛ ቦላ ወፃዴሰ። 20 “ኢንቲ ናጋና ማላ ኢንቲና ያሲ ኣዛዚዳ ጫቆ ቃላ ሱላይ ሃይሳ” ገዴሰ። 21 ሄሳላካ ዲንካኔዛኒ ኢዛ ገደን ዲዛ ኦሶ ሚሻ ቦላ ኡባ ሱላ ወፃዴሰ። * 22 ኣዳፊካ ጉላ ሚሻቲ ኣቲሺን ሃንኮ ዳር ሚሻይ ሱላን ጌያናሰ ቤሲዛይሳ ዋጋይ ኣዛዜሰ። ሱሊ ጉኮንታ ዲሺን ማርይ ባዋ። *

23 ሄሳ ገሽ ሳሎ ሚሻታሰ ለሚሶ ገደዳይቲ ሃይታንታን ጌያናይሰ ኣቲና ሺን። ሳሎን ዲዛ ሚሻቲ ገደኮ ሃይሳፊካ ኣጴዛ ያርሾን ጌያናሰ ቤሴሰ።

24 ከርሰቶሳ ቱሙ ዲንካኔይሰ ለሚሶኔ ኣሳ ኩሹን ኦሴቲዳ ያሳ ኬሌ ጌሊቤና፤ ገደ ኣቲን ሃዒ ኑ ገሽ ያሳ ሲንላን ቤታናሰ ፑዴ ሳሎ ጌሊዴሰ። 25 ቄሴታ ሃላቃይ ባ ሱላ ገደንታ ሱላ ኤኪዲ ላይላን ላይላን ኡባፌ ዲማ ከፊሌ ጌሊዛይሳላ ከርሰቶሳ ባና ያርሻናሰ ፑዴ ሳሎ ሸሬቲ ሸሬቲ ጌሊቤና። 26 ሄሳ ማላ ገደዛኮ ከርሰቶሳ ኣላሚይ ሚጴቶሳፔ ሃ ሲሚን ዳር ዋዴ ሚቶ ኤካናሰ ቤሴሰ፤ ሃዒ ቃሴ ዋዴ ወርሴላን ባና ያርሺዲ ናጋራ ዲጋናሰ ወርሴላሰ ኢሲቶ ቆንጨዴሰ።

27 ሄሳላካ ኣሲ ኢሲቶ ሃይቄሰ፤ ሃሳፌ ካሊዲ ፐርዳ ሲንላን ኤቃናሰ ገሺ ኡቲዴሰ። 28 ከርሰቶሳ ዳር ኣሳ ናጋራ ዲጋናሰ ኢሲቶ ያርሹቲዴሰ። ናምባንሶካ ኢዚ ቆንጨና፤ ሄሲ ኢዛ ናገዛይታሰ ኣቶቲሊ ኤኪ ያናሰ ኣቲን ናምባንሶ ዛሪ ናጋራ ቶካናሰ ገዴና። *

10

ከርሰቶሳ ኢሲቶ ሚርናሰ ሸሸዳ ያርሾ

1 ሙሴ ዋጋይ ቡር ሲንላራ ያና ሎፖ ሃኖታሰ ኤሾፔ ኣቲን ቱሙ ኣዳ ሚጴይ ኢዛሰ ዴና። ሄሳ ገሽ ላይላን ላይላን ፓጩይ ባይንዳ ሸሪ ሸሪ ሸሸዛ ያርሾይ ያሴ ጎይናሰ ሸቂዛ ኣሳ ጌሻናሰ ሙሌካ ዳንዳይቤና። 2 ኣሳ ሙሌራ ጌሻና ዳንዳይዛይሳ ገደዳኮ ኢሰቲ ያርሾ ያርሻናይሳ ኣጋጌቲኔ? ቃሴካ ያሴ ጎይናና ሸቂዛ ኣሳይ ኢሲቶ ጌዴዛኮ ባ ዋዝናራ ናጋራንቻ ገደዳይሳ ሲጻና። 3 ገደ ኣቲን ሃይቲ ያርሾቲ ላይላን ላይላን ናጋራ ዛሪ ዛሪ ቆፊሴቲሰ። 4 ጋሶይካ ዋጋኖታኔ ዴይሻታ ሱሊ ኣሳፔ ናጋራ ዲጋናሰ ዳንዳይና።

5 ሄሳ ገሽ ከርሰቶሳ ሃይሳ ሃ ኣላሚዛ ዱዲ “ኦኒ ኣምታኔ ያርሾ ኮያቤይካ ሺን ኔ ታሰ ኣሾ ገረሳዳሳ። *

6 ታማን ፀጌቲዛ ያርሾኔ ናጋራ ገሽ ሸቂዛ ያርሾን ኡፋዴታቤይካ” ገዴሰ።

7 ሄ ዋዴ ታኒ

“ታ ገሽ ገሻ ማፃፋን ፃፊቲዳ ማላ
 ‘ፆሶ ሄሶ ታኒ ኔ ሼኔ ኦፋናሰ ያዲሰ’ ጋዲሰ”
 ገዴሰ። * 8 ሙሴ ዋጋይ ሄሲ ሄሳሶ ሃናና ማላ
 አዛዚኮካ ኢዚ ቃሴ ኮይሮ “ያርሾ፣ አዋታ፣ ፀጌጌተዛ
 ያርሾኔ ናጋራ ገሽ ሸቁዛ ያርሾ ኔ ኮያቤይካኔ ኢዛን
 ኡፋይታቤይካ” ጌሰ። * 9 ካሌሊዲካ “ሄሶ ታ ኔ ሼኔ
 ኦፋና ያዲሰ” ገዴሰ። ናምዓንሶዞ ኤሳናሰ ኮይሮይሳ
 ዲገዴሰ። * 10 ሃይሳ ሃ “ኢዛ ሼኔ” ገዛ ቃላ ማላ ሃራ
 ያርሾ ዛሬሌ ሸሻናሰ ኮሾንታ ማላ ዩሱሰ ከርሰቶሳ
 ባጋራ ኢሲቶ ሸቁዳ ያርሾን ገዩደሰ።

11 ቁሴይ ሃቶ ሃቶ ኤቁዲ ባ ኦሶ ፖሌሰ። አሰ
 ናጋራፔ ገሻናሰ ዳንዳዮንታታ ዋንቲን ዋንቲን ሸሸሰ።
 * 12 ከርሰቶሲ ገዲኮ ያርሾ ኢሲቶ ሜርናሰ ገዳናይሳ
 ሸሸዲ አዋ ኡሻታን ኡቲዳሰ። * 13 ሄ ጋላሳፌ ሰሚን
 ኢዛ ሞርኬቲ ኢዛ ቶሆ ጋርሳን ዩዴታና ጋካናሰ ናን
 ዳሰ። * 14 ጋሶይካ ኢሲቶ ሸሸዲ ያርሾን ጌያና አሳታ
 ሜርናሰ ገሸደሰ።

15 ሄሳ ሄ ሃናዛ ገሽ ያሎ አያናይካ ኦሰ ማርካቲሰ።
 ኮይሮ።

16 “ሄሳፌ ጉዬ
 ታ ኢሰታራ ጌላና ጫቆ ቃላይ ሃይሳ።
 ታ ዋጋ ታ ኢሰታ ዋዘናን ዋላና።
 ኢሰታ ዋዘናን ታ ፃፋና”

ጌሰ ጎዳይ። * 17 ቃሴካ “ታ ኢሰታ ናጋራኔ ማካላ
 ናምዓንሶ ቆፒኬ” ጌሰ ጎዳይ። *

18 ሄይታንቲ ዉሪካ አቶ ጌቲቲዳፔ ጉዬ ናምዓንሶ
 ናጋራሰ ሸቃና ሃራ ያርሾይ ዳና።

ዉርሴላ ጋካናሰ ሚኒ ዳና ማላ ሸቁዳ ያይሰ

19 ሄሳ ገሽ ታ ኢሻቶ፤ ኦኒ ዩሱሰ ከርሰቶሳ ሱላ
 ባጋራ ጌዴ ኡባፌ ዲማ ገሽ ጌቲቲዛሶዮ ጌላናሰ ፃላቲላ
 ዳሚደሰ። * 20 ሄሲካ ማጋላሻ ባጋራ፤ ሄሲካ ኢዚ ባ አሾ
 ባጋራ ኦሰ ደዩዳ ኦራሴኔ ዳዎ ገዲዳ ኦፔና። * 21 ያሳ
 ኬላ ቦላ ሹሜቲዳ ቁሴታ ሃላቃይ ኦሰ ዲዛ ገሽ።
 * 22 ኦኒ ኦ ኢታ ቆፋፔ ጌያናሰ ኦ ዋዘና አራጩቲዲ
 ኦ አሳቲላካ ያሎ ሃላን ሚጩቲዲ ቱሙ ዋዘናፔኔ
 ኩሜላ አማኖን ያሳኮ አኔ ሸቆሰ። * 23 ኦሰ ሃይታ
 ቃላ አሚዳዳይ አማኔቲዛዴ ገዲዳ ገሽ ኦኒ አማኒዲ
 ኢዛ ገሽ ማርካቲዛ ሃይታፔ ሄ ሃ ጎንታ አኔ ሎዔሊ
 ኦይኮሰ። * 24 ሰቆኒኔ ሎዎ ኦሶን ኦ ሚኒ ዳና ማላ አኔ
 ኢሶይ ኢሳ ቆፊሶሰ። * 25 አኔ ኦ ኡባ ጋላሰ ኢሶይ ኢሳራ
 ጋኪ ጋኪ ኢሶይ ኢሳ ሚንሎሶሰ አቲን ኢሲ ኢሲ አሳቲ
 ሸቆ አገዳ ማላ አኔ ኦኒ ሸቆዛ አጎኮ፤ ሃራፔካ ጎዳ
 ዩሱሲ ማታቲዳይሳ ቆፒሼ ካሴፔ ሚኒ ሸቁቲ።

26 ኦኒ ቱማ ሻኪ ኤሪዲ ኤኪዳይሳፌ ጉዬ ኤሪሽ
 ናጋራ ኢሊኮ ሃይሳፌ ጉዬ ናጋራሰ ሸቃናሰ ሃራ ያርሾይ
 ዳና። * 27 ሃራ ቡር ሃናናይ ዳር ባቢሲዛ ፒርዳይ
 ያሳ ሞርኬታ ፀጋና ናገዛ ሚኖ ታማይ ፃላላ ዳሰ።

* 28 ሙሴ ዋጋ ካዲዳ አሲ ናምዑ ዋይኮ ሄዥ
 ማርካቲ ማርካቲኮ ማርይ ባይንዳ ሃይቆን ቃፃዩቲሰ።

* 29 ሂሰቲን ያሳ ና ካዲዳ አሲ ኢዛን ጌዩዳ ጫቆ
 ሱላ ሃራይሶ ሚሻ ማላ ቆዲዳዴሰኔ ኢዛ ኪያቴላ አያና

ኢሴሊዳዴሰ አይ ማላ ሃሳፌ አዲዛ ፒርዳይ ኢዛሰ
 ቤሲዛ ኢንቲሰ ሚሳቲዜ? * 30 ታኒ ኢዛሰ ሃሎ
 ኬሳና፤ ኢዛዴ ኦሶ ማላ ኢዛዴሰ ታ ዛራና” ገዳይሳ
 ኦ ኤርሰ። ቃሴካ “ጎዳይ ባ ዴሪዛ ቦላ ፒርዳና” ጌሰ
 ጎዳይ። * 31 ዳዎ ያሳ ኩሼን ኩንዴሊ ዳር ባቢሴሰ።

32 ኢንቲሰ ኢሲቶ ፖይ ፖዒዳፔ ጉዬ ሚቶ ዋዴ ዳር
 ባዴን ኢንቲ ካሴ ሚኒ ኤቁዳ ቤኒ ዋዴዛ ዩሺ ቆፒቲ።
 * 33 ኢሲ ኢሲ ዋዴ ኢንቲ ዲላታ ዳሪ ሲንላን ጫሻሲኔ
 ጎዴቲላሰ አዲ አሚቲዴታ። ቃሴ ሃራ ዋዴካ ሃሳ ማላ
 ዋዴይ ኢሰታ ቦላ ጋኪዳ አሳታራ ኢንቲካ ኢሲፌ ዋዴ
 ቤይዴታ። * 34 ኢንቲ ኢንቲሰ ሃራፔ አዲዛ ሚርናሰ ዳና
 ሃርይ ዲዛይሳ ኤሪዛ ገሽ ቃሹቲዳይታሰ ሚሹቲዴታኔ
 ኢንቲ ሃርይ ቦንቁቲሸን ኡፋይሳን ዳንዳይዴታ።

35 ሄሳ ገሽ ገታ ዋጋይ ዲዛ ካሴ ኢንቲ አማኔቲላ
 አጎፍቲ። * 36 ኢንቲ ያሳ ሼኔ ፖሊዲ ኢዚ ኢንቲሰ አሚዳ
 ኡፋይሳ ቃላ ኤካናሰ ሚኒ ኤቃናሰ ኢንቲና ኮሼሰ።
 * 37 ጋሶይካ ጉላ ዋዴፔ ካሊዲ “ያናይሲ ኢዚ ያና፤
 ጋምዔና” * 38 ያሎ አሲ ገዲኮ አማኖን ዳዎ ዳማና፤ ጉዬ
 ኡንዲዲዛዴይ ዲኮ ታ ሸምፖያ ኢዛዴ ቦላ ኡፋይቲኮ።

39 “ኦኒ ገዲኮ አማኒዲ አቲዳይታ ባጋ አቲን ጌዴ
 ጉዬ ኡንዲዲ ዳዩዛይታ ባጋ ገደኮ” ገዴሰ።

11

አማኖ
 1 አማኖ ጌሊ ኢሲ ሚሹ ሃናና ገዲ ኦ ሲዶንታ ዲሼ
 ቤዮንታ ሚሹካ ቤዩዳ ማላ ኤር ጌ ኤኮ። * 2 ካሴ አዋቲ
 ጋላቲቲዳይ ሃሳ ማላ አማኖና።

3 ሃይሲ ሃ አላሚይ ያሳ ቃላን ሚዴቲዳይሳ ኦ አማኖን
 ኤርሰ። ሃሳሶካ አይፊን ቤቲዛይሲ ሚዴቲዳይ ቤቲዛ
 ሚሻፌ ገደንታይሳ ኦኒ ኤርሰ። *

4 አቤሌይ ያሳሰ ቃዬሌ ያርሾፌ አዲዛ ያርሾ አማኖን
 ሸሸደሰ። ያሲ ኢዛ ያርሾዛ ገሽ ሃሳዩሼ ኢዚ አማኖን
 ገሽ ገዲዳይሳ ማርካቲዳሰ። ኢዚ ሃይቁንካ ኢዛ
 አማኖይ ሃሲ ጋካናሰ ሃሳዩቲሰ። *

5 ሄናኬይ ሃይቆ ቤዮንታ ማላ ሃይሳ አላሚዛፔ
 አማኖን ኤኬቲዳሰ። ያሲ ኢዛ ኤኪዳ ገሽ ኢዚ ቤቲቤና፤
 ኤኬታናፔ ካሴቲዲ ኢዚ ያሳ ኡፋይሲዳይሲ ዮቲቲዳ
 ገሽ ኢዚ ኤኬቲዳሰ። * 6 ቃሴካ አማኖይ ባይንዳ
 ዲሺን ያሳ ኡፋይሳናሰ ሙሊካ ዳንዳዩቲና። ጋሶይካ
 ያሳኮ ሸቁዛዴይ ዉሪካ ያሲ ገዛይሳኔ ዋዘናፔ ኢዛ
 ኮዩዛይታሰ ኢዚ ዋጋ አማኖይሳ አማናናሰ ቤሴሰ።

7 ኖሄሰ ያሲ ቡር ኖሄይ ባ አይፊን ቤዮንታ ሚሻ ገሽ
 ናጌታና ማላ ዮቲን ኖሄይ ያሳ ባቢዲ ባሶ አሳ አሻናሰ
 አማኖን ማርካቤ ኬዲዲ አላሚ አሳ ፒርዲሲዳሰ፤
 አማኖን ቤቲዛ ያሎቲላ ላቲዛዴ ገዲዳሰ። *

8 አብራሃሚይ ባሰ ላታ ቢታ ኤካናሰ ያይጌቲዳ ዋዴ
 አማኖን አዛዜቲዳሰ። አዋ ቢዛኮኔ ኤርንታ አገኮካ ኤር
 ገዲ ቢዳሰ። * 9 አላጋ ቢታን ቤቲ አሳ ማላ ቡር
 ኔሰ አሚታና ጌቲቲዳ ቢታን አማኖን ኡቲዳሰ። ኢዛሰ
 አሚቲዳ ሃይታ ቃላ ኢዛራ ኢሲፌ ላታና ዩሳቃ ማላኔ
 ያቆቤ ማላ ዲንካኔን ዳዒዳሰ። * 10 ጋሶይካ ሚና
 ዲዛር ያሲ ኢዛ ቆፒ ሚዴዳ ካታማዮ ኤካና ናጌዳሰ።

* 10:11 ኬሳ 29:38 * 10:16 ኤር 31:33 * 10:17 ኤር 31:34 * 10:22 ለዌ 8:30፤ ሃዚ 36:25 * 10:27 ኢሳ 26:11
 * 10:28 ዛሬ 17:5-7፤ 19:15 * 10:29 ኬሳ 24:8 * 10:30 ዛሬ 32:35-36 * 11:3 ሜዴ 1:1፤ ማዛ 33:6-9፤ ዮሃ 1:3
 * 11:4 ሜዴ 4:3-10 * 11:5 ሜዴ 5:21-24 * 11:7 ሜዴ 6:13-22 * 11:8 ሜዴ 12:1-5 * 11:9 ሜዴ 35:27

11 አብራሃምስ ወደ ጌዴ ቢዳዴ ገዲኮካ ሳራይካ ዩሎንታ ማካራ ገዲኮካ ሂደታ ኢስታስ አሚዳዴይ አማኔቲዳዴ ሂስቲ ያለዲ አማኖን ና አዋ ገዲናስ ጋኪደስ። * 12 ሄሳ ጊሽ ሃይሳ ሃይቁዳ አሳ ማላ ቆዳቲዳ ኢሲ አብራሃምፔ ሳሎ ያለንቲ ማላኔ አባ አጩ ማላ ቆዳይ ባይንዳ ዳር ዜራላይ ቤቲደስ። *

13 ሄይቲ ወሪካ ኢስታስ አሚቲዳ ሂደታ ቃላ ዳሞንታ ባ አማኖን ናገዳ ማላ ሃይቁዳ። ገዲኮካ ኢስቲ ሃይሳ ቢታ ቦላ አሞሌኔ ቤቲ አስ ገዲዳይሳ ኤሪዳ ጊሽ ሃሆን ዲሼ ቤዩዲ ኩሼን አሉዳ ማላ ኡፋይሳን ኤኪዳ። *

14 ሃሳ ማላ ገዛ አሳቲ ኢስታ ዴሪይ አዋኮኔ ባ ዴሪ ናገዛይሳ ቆንጩን ቤሴቲስ። 15 ኢስቲ ባ ዩጊ ኬዚዳ ዴሪ ዛሪ ቆፒዘኮ ገዬ ሲሚ ባና ዳንዳዬቲስ። 16 ሃሳ ሄሳፌ አጂዛ ፑዴ ሳሎን ዲዛ ዴሪ ላሞቲቲስ። ሃሳ ጊሽ ያሲ ኢስታስ ሳሎን ካታማ ጊሲዳ ጊሽ “ኢስታ ያላ ያሳ” ጌቲቲ ያይጌታናስ ዩላቲቤና።

17 ያሲ አብራሃምይ ባ ናዛ ዩሳቃ ሹካና ማላ ፓጩን አብራሃምይ ዩሳቃ ያርሻናስ አማኖን ሺሺደስ። ያሲ ኢዛስ አማና ገዳይሳ ኢዚካ ባ ና ኢሲኔዛ ሹካናስ ጊጌቲደስ። * 18 ሄሲካ ያሲ ኢዛስ “ኔ ዜራሉ ዩሳቃ ባጋሪ ያይጌታና” ገዳይሳ ማላ። *

19 ያሲ ሃይቁዳዴ ዳንላናስ ዳንዳዩዛይሳ አብራሃምይ አማኒዳ ጊሽ ዩሳቃካ ሃይቆፔ ዳንዲዳ አሳ ማላ ናሞሳንሉ ዴሚደስ። 20 ዩሳቃይ ቡርፔ ሃናናይሳ ቆፒ ኤኪዳ ያቆቤኔ ኤሳቁ አማኖን አንጂደስ።

21 ያቆቤይ ሃይቃና ጊሽ ዮሴፌ ናይታ አሳ አሳ አማኖን አንጂዳይኔ ባ ጉፌ ቦላ ዳርቲ ኤቁዲ ጎይኒዳይ አማኖና። *

22 ዮሴፌ ሃይቃና ጊሽ ኢስራዔሌ አሳይ ገብፀፔ ኬዛናይሳ ኢዚ ዮቲዳይኔ ባ ሜቁላ ጊሽ ኢስቲ አይ ኦላናኮኔ ኢስታ አዛዚዳይ አማኖና። *

23 ሙሴይ ዩላቲን ኢዛስ ማላይ ሎዎ ገዲዳይሳ ቤዩዲ ኢዛ ዩላዳይቲ ኢዛ ሃቡ አገና ጋካናስ ካዎዛ አዛዛ ባቦንታ ቆቲዳይ አማኖና። * 24 ሙሴይ ዲጪ ጋኪዲ “ፓርኔስ ናይ ና” ጌቲታናይሳ አማኖን አጂደስ። * 25 ጉላ ዎዴስ ናጋራን ቤቲዛ ኡፋይሳፌ አሉዲ ያሳ አሳራ ሜቶ ቤያናስ ደሪደስ። 26 ገብፀ ዴሪን ዲዛ ሃርፔ ቦላራ ኪርሰቶሳ ጊሽ ዋዬ ኤኮይ ዳር አጂዛ ሃር ገዲዳይሳ ዩሺ ቆፒደስ። ጋሶይካ ኢዚ ሲንሳፌ ኤካናይሳ ቡር ሃሆን ቤዩዳ ጊሻሳ።

27 ካዎ ሃንቆስ ባቦንታ አማኖን ገብፀ ዩጊ ኬዚደስ። ቡር ቤቶንታይሳ ቤዩዛ ማላ ቆፒዲ ሄ ቆፋን ሚኒ ኤቁደስ። 28 ባይራታ ወርሲ ዎጂዛይሲ ኢስራዔሌታ ባይራ ናይታ ዎጂንታ ማላ አማኖን ፓዚጋኔ ሱላ ወፃላ ዎጋ ዎሉደስ። *

29 ኢስራዔሌ አሳይ ሚላ ቢታ ቦላ ሃሙቲዛ ማላ ዘዎ አባ ገደራ አማኖን ፒኒደስ። ገብፀ አሳይ ቃሴ ኢስታሉ ሃናና ጊሽ አባን ሚቲቲደስ። *

30 ኢስራዔሌ አሳይ ኢያርኮ ገሞቤዛ ላፑን ቃማ ዩዩ ዩዩ አጂዳፔ ጉዬ ገሞቤዛ አማኖን ላሊደስ። * 31 ላይማን አቁዛ ኤራባባ ዴሪ ያሞሳና ዩዳይታ ሳርን ሞካ ኤኪዳ ጊሽ ሃንኮ አዛዜቶንታ አሳራ ጳዮንታ አማኖን አታዲስ። *

32 ሃይሳፌ አጂላ ሃራ አይ ጋኔ? ጌዶኔ ጊሽ፣ ባራቁ ጊሽ፣ ሳሞሶኔ ጊሽ፣ ዮፊታሄ ጊሽ፣ ዳወቲ ጊሽ፣ ሳሜላ ጊሽ ቃሴ ናቤታ ጊሽ ታ ዮቶንታ ማላ ታስ ዎዴይ ዴና። *

33 ሃይታንቲ አማኖን ካዎታ ያኒዳ፣ ሱሪ ፐርዳ ፐርዲዳ፣ ባስ አሚቲዳ ሂደታ ቃላ ኤኪዳ፣ ጋሞታ ዴና ጎርዲዳ፣ *

34 ታማ ዎልቃ ቶይሲዳ፣ ቃራ ማሻፌ ኬሲ ኤኪ አቲዳ፣ ዳቡራፔ ሚኒዳ፣ አላሶን ጎባታ ገዲዳ፣ አላጋ አሳ አላ ጎዲዳ፣ * 35 ማጫሳታስ ሃይቁዳይቲ ፓፂዳ፣ ባጋይቲ ቃሴ ሄሳፌ አጂዛ ሃይቆፔ ዴንሲ ዴማናስ ገዲ ሃይቆፔ አቲሉ ለቁዲ ሃይቆስ ባና አሉ አሚዳ፣ ዋዬፔ አታናስ ኮይቤቲና። * 36 ኢሲ ኢሲ አሳቲ አሳን ካዔቲዳ፣ ጋራፌቲዳ፣ ባጋይቲ ቃሴ ቃሾ ኬሉ ጌሊዳ። *

37 ሹቻን ጫዴቲዳ፣ ማጋዜንካ ናሞዑ ኬዚ ጸለቁቲዳ፣ ማሻን ሹኬቲ ሃይቁዳ፣ ዋዬቲሹ፣ ጎዴቲሼኔ ዳቡርሼ ደርሳ አቲኔ ዴይሻ አቲ ማይዒዲ ዋዬቲዳ። * 38 ሃ አላሚይ ኢስታስ ቤሶንታይሳ ገዲዳ ጊሽ ባዛኒኔ ጌዜን ጎንጎሎኒኔ ኦላ ገደን ዋዬቲዳ።

39 ሃይታንታ ኡባታ አማኖ ጊሽ ማርካቲኮካ ኢስታፌ አኒካ አሚታና ጌቲቲዳ ሂደታ ቃላ ጋኪዲ ኤኪዳዴይ ዴና። 40 ያሲ ኮስ ሃሳፌ አጂዛዝ ጊሲዳ ጊሽ ኮ ባይንዳ ኢስቲ ያላላ ኩሚላ ገደና ዳንዳይቤቲና።

12

ያሲ ባ ናይታ ሴሬስ

1 ሃሳ ጊሽ ሻራ ማላ ኦና ዩይ አጂዳ ዳር ማርካቲ ኮስ ዲሺን ኦና ዴፂዛ ቶሆኔ ቃሴ ኦና ቃቺ አይኪዛ ናጋራ ወርሲ ኦፔ ዎራ ዩጊዲ ኦ ሲንላን ዲዛ ዎላ ጌንጫኒኔ ዳንዳያን አኔ ዎያስ። 2 ኦ አማኒዛ አማናዛስ ኮይሮኔ ፖሎ ገዲዳ ዩሱሳ አኔ ያሎስ። ኢዚ ባ ሲንላን ዲዛ ኡፋይሳ ጊሽ ማስቃሌ ቦላ ሃይቆ ዳንዳዩዲ ማስቃሌ ቦላ ባና ጋካና ካወሻቲላ ለቁዲ ያሳ አላጋስ ኡሻቻን ኡቲደስ።

3 ሂስቲኮ አንቲ ዳቡሪዲ ሂደታ ቃንዮንታ ማላ ሃሳላካ ናጋራንታፔ ካሴ ኢዛ ቦላ ጋኪዳ ሃሳ ማላ ኤቁቲላ ዳንዳዩዲ ዩሱሳ ቆፒቲ። 4 ሱሉ ጉካና ጋካናስ ናጋራ አንቲ ቡር ኤቁቲቤይኬታ። 5 አንቲ ያሳ ናይታ ገዲ ኡቲዲ ቃላይ ገዛይሳ ባሊዳታ። “ታ ናዞ ያሳ ሴራ ካወሻን ያሎፋ፣ ኔና ኢዚ ሴሪዛ ዎዴ ሂደታ ቃንዮ። 6 ጋሶይካ ጎዳይ ባ ደሲዛዴ ሃንቁስ፣ ኢዚ ባ ደሲዛዴ ሴሬስ። ኢዚ ባ ና ማላ ያለዛዴ ቃዎዩስ” ገደስ።

7 ያሲ አንቲና ባ ና ማላ ቆዲዛ ጊሽ ሃንቆ ዳንዳዩቲ። አዎይ ሃንቆንታ ናይ ኦኔ? 8 ናይ ወሪ ሴራን ዲጪዛላ አንቲ ዲጫንታ አገኮ አንቲ ካራን ዩላቲዳ ና አቲን ሶ ና ገዴኬታ። 9 ሃሳ ኡባፌ ቦላራ ሃይሳ ቢታ ቦላ ኦና

* 11:11 ሜዴ 18:11-14፤ 21:2 * 11:12 ሜዴ 15:5፤ 22:17፤ 32:12 * 11:13 ሜዴ 23:4፤ 1ታር 29:15፤ ማዛ 39:12
 * 11:17 ሜዴ 22:1-14 * 11:18 ሜዴ 21:12 * 11:21 ሜዴ 47:31፤ 48:1-20 * 11:22 ሜዴ 50:24፤25፤ ኬሳ 13:19
 * 11:23 ኬሳ 2:2፤ 1:22 * 11:24 ኬሳ 2:10-12 * 11:28 ኬሳ 12:21-30 * 11:29 ኬሳ 14:21-31 * 11:30 ኢያ 6:12-21 * 11:31 ኢያ 2:1-21፤ 6:21-25 * 11:32 ዳና 6:11-8:32፤ 4:6-5:31፤ 13:2-16:31፤ 11:1-12:7፤ 1ሳሜ 16:1፤ 1ካዎ 2:11 * 11:33 ዳኔ 6:1-27 * 11:34 ዳኔ 3:21-30 * 11:35 1ካዎ 17:17-24፤ 2ካዎ 4:25-37 * 11:36 1ካዎ 22:26-27፤ 2ታር 18:25-26፤ ኤር 20:2፤ 37:15-16፤ 38:6 * 11:37 2ታር 24:21

ሃንቁ ዲቺዳ አሾ አዋቲ ዳቴስ። ኑካ ኢስታ ቦንቸሰ። ሂሰቲን ዴዎን ዴያናስ ኑስ ኣያና አዋ ገዲዲይሳስ ኣዛስ ሃሳፌ ኣሌ ኣዛዜቶኮኒ? 10 ኑ አዋቲ ኑና ባስ ሎዎ ሚሳቲ ቤቲዳ ማላ ጉላ ዎዴስ ቃዓዬቴስ። ያሲ ገዲኮ ኑኒ ኢዛ ጌሻቴላ ኢዛፔ ዴማና ማላ ኑና ጎዳናስ ቃዓዬስ። 11 ቁዓቴይ ወሪካ ሃዲስ ኡፋይሶንታ ኢታ ሚሳቴስ ሺን ጉዬፔ ቃሴ ዶሲ ኤኪዳ ኣሳታስ ሳርቴሌ ኢዛን ኩሚዳ ዲሎቴላ ኣይፌን ጋሌስ።

12 ሃሳ ጊሽ ዳቡሪዳ ኢንቴ ቁሴኔ ኢንቴ ጉልባቴ ሚኒሲቴ። * 13 ዎቤይ ፓዓና ማላ ኣቲን ካሴፔ ኣሌ ዎቦንታ ማላ ኢንቴ ቶሆስ ሎዎ ኦጌ ገሊሲቴ። *

ያሳስ ኣዛዜቶንታዴስ ኢሜቲዳ ኣዛዛ

14 ኣሲ ኡባራ ሳር ዳና ማላ ኢንቴስ ዳንዳዬቲዛይሳ ወርሲ ኦሌቴ። ጌያና ማላ ኮዩቴ። ጌሻቴሌ ባይንዳ ጎዳ ቤያናስ ዳንዳዬቴና። 15 ኢንቴፌ ኢሳዴሰካ ያሳ ኪያቴሌ ፓጮንታ ማላ ቃሴካ ጫዋ ኣይፌ ኣይፊዛ ሚሊ ዋኪዲ ሜቶ ሜጶንታ ማላኔ ዳርታ ዋርንታ ማላ ናጌቴቴ። * 16 ኢሲቶ ማና ካሳስ ባ ባይራቴላ ባይዚዳ ኡሳዌ ማላ ኢንቴፌ ኦኒካ ላይማቲዛዳ ዎይኮ ያሴ ቦንቸንታዳ ገዲ ቤቶንታ ማላ ናጌቴቴ። * 17 ኤሳዌይ ጉዬፔ ካሴ ባ ኣንጅዛ ላታናስ ዛሪ ኮዩን ኢዛስ ኢሜቶንታ ዲጌቲዳይሳ ኢንቴ ኤሬታ። ኢዚ ባና ጋኪዛ ኣንጅዛሰካ ዳር ዩኪሼ ኮዩዲካ ዛሪ ዴማናስ ዳንዳይቤና። **

18 ኩሼን ቦቺኮ ቦሽቲዛ ታማይ ኢዛ ቦላ ኤዊዛ ሲና ዙማኮ ሄ ጶማኮ፣ ሄ ቲላሌዛኮኔ ሄ ጎቴ ጫርኮዛኮ ኢንቴ ጋኪቤይኬታ። 19 ኢንቴ ዛዬ ገሪሳኮ ዎይኮ ሃይሳን ሲዬቲዛ ቃላ ገሪሳኮ ጋኪቤይኬታ። ሃሳ ሲዩዳ ኣሳቲካ ሃራ ቃላ ጉጅንታ ማላ ዎሲዳ። 20 ሃሳስ ጋሶይካ “ሃራይ ኣቶሺን ሜሃይካ ዙማ ቦቺዛ ገዲኮ ሹቻን ጫዳቲ ሃይቆ” ገዛ ኣዛዛዛ ኣሳይ ናጋናስ ዳንዳይቤና። * 21 ሄ ዎዴ ሃን ሃኒዛይሲ ወሪካ ዳር ባቢሲዛይሳ ገዲዳ ጊሽ ሙሴይካ “ታ ባባዳ ኮኮራዲስ” ገዴስ።

22 ኢንቴ ቃሴ ሃ ዲዮኔ ዙማ ቦላ፣ ፑዴ ሳሎ ዩሩሳላሜ፣ ዴዎ ያሳ ካታማ ኡፋይሳን ሸቁዳ ቆዳይ ባይንዳ ኪታንቻታኮ ዩዴታ። 23 ኢስታ ሱንጌ ሳሎን ዓፌቲዳ ባይራታ ማባራንኮ፤ ኡባስ ዳና ገዲዳ ያሳኮ ኢስታ ቦላ ዎሶይ ባይንዳ ዲሎ ኣሳታ ሸዎፖይ ዲዛሶ ማቲዴታ። 24 ኦራሳ ጫቆን ማቃዩንጌዛ ዩሱሳኮ ሃሳሳካ ኣቤሌይ ሺሺዳ ሱላፌ ኣጲዛ ጫቆ ቃላ ዮቲዛ ኣራጩቲዳ ሱሳኮ ጋኪዴታ። *

25 ኢንቴስ ዮቲዛይሳ ኢንቴ ኣካይ ጎንታ ማላ ናጌቴቴ፤ ሃይታንቴ ያሲ ቢታ ቦላ ዲዛ ኣሳ ባጋራ ኢስታስ ዮቲዛይሳ ኤኮንታ ኢዲዲ ኢዛፔ ኣታናስ ዳንዳዮንታ ኣገኮ ኑኒ ሳሎፔ ዩዳይሲ ኑስ ዮቲሺን ኑ ኤኮንታ ኢዲኮ ኢዛፔ ዋኒዲ ኣታኔ? * 26 ሄ ዎዴ ቃላ ገሪሳን ቢታ ቃሌዴስ። ሃዲ ቃሴ ቢታ ዓላላ ገዲንታ ታ ሳሎካ ቃሴካ ዛራዳ ኢሲቶ ቃላና” ገዛ ቃላ ዮቲ ዎሌዴስ። * 27 ሃይሲ “ቃሴካ ታ ዛራዳ ኢሲቶ” ገዛ ቃላይ ኑና ቤሲዛይ ቃዎንታይቲ ሚኒ ዳና ማላኔ ቃዊዛይቲ ሃይቲካ ሜጶቲዳይቲ ኪቻናይሳ ቤሴስ።

28 ሃሳ ጊሽ ኑኒ ሙሌካ ቃዎንታ ካዎቴላ ላታና ጊሽ ኣኔ ያሴ ጋላቶስ። ቃሴካ ኢዛ ኡፋይሲዛ ኦጌራ ቦንቸሲኔ ያሻቴላን ኣኔ ኢዛስ ጎይናስ። 29 ኑ ያሳይ ፀጊዛ ታማ ማላ። *

13

ወርሴላ ዛሪ

1 ኢንቴ ኢንቴ ገዲን ኢሻታ ማላ ደሴቲቴ። 2 ኢማላ ዋኮ ባሎፒቴ፤ ኢሲ ኢሲ ኣሳቲ ሃሳሶ ኦሊሼ ኤርንታ ኪታንቻታ ኢማላቴላ ዋኪ ኤኪዳ። * 3 ቃሾ ኬላን ዲዛይታራ ኢንቴካ ቃሽቲዳ ማላ ኢስታስ ቆፒቴ። ሃሳሳካ ኣሳ ኩሼን ዎይቲዛይታራ ኢንቴካ ዎይቲዛ ማላ ኢስታስ ቆፒቴ።

4 ኤኮይ ጌሎይ ኡባ ኣሳ ኣቻን ቦንቸቶ። ኢንቴ ሃሌይ ጌሽ ገዴ። ጋሶይካ ላይማ ኣዎይ ዲዛይታኔ ላይማቲዛይታ ቦላ ያሲ ፒርዳና።

5 ሚሻ ሲቆፔ ናጌቴቴ። ኢንቴስ ዲዛይሲ ገዳና፤ ሃሳስ ጋሶይ ያሲ “ታ ኢንቴና ሙሌካ ኣገኪኔ ዩገኪኤ” ገዴስ። * 6 ሃሳ ጊሽ ኩሚላ ዎዝናፔ ኑኒ “ጎዳይ ታስ ማዶ፤ ታ ባቢኤ። ታና ኣሲ ኣይ ኦላና ዳንዳዩዜ?” ጎሰ። *

7 ኢንቴስ ያሳ ቃላ ኮይርፔ ዮቲ ካሌላዛይታ ባሎፒቴ። ኢስታ ዳሳን ቤቲዛ ሎዎ ኣይፌይ ዲዛይሳ ዩሺ ቆፒቴ። ኢንቴካ ኣማናን ኢስታ ሚሳቲቴ። 8 ዩሱስ ኪርሰቶሲ ሃቺካ ዎንቶካ ሚርናሰካ ኢዚ ኢዛኮ! 9 ዲማ ዲማ ኢማላ ቲሚርቴ ኤኮፍቴ፤ ኑ ዎዝናይ ሚኒ ኤቁዛይ ያሳ ኪያቴላን ኣቲን ካሳ ዎጋ ናጎን ገዴና። ሃሳ ሄ ዎጋ ናገዛይቲካ ኢዛን ጎዴቲቤቴና።

10 ኑስ ያርሾሶይ ዴስ። ገዲኮካ ዳንካኔዛ ገዲን ኦሊዛ ቁሴቲ ሃ ያርሾሶዛ ቦላ ዲዛ ካላፌ ኤኪ ዋንታ ማላ ዲጌቲዳ። 11 ቁሴታ ሃላቃይ ናጋራ ቴቁዛ ሜሃ ሱላ ኤኪዲ ኡባፌ ዲማ ጌቴቲዛ ኪፊሌ ጌሌስ። ሜሃታ ኣሾይ ገዲኮ ካታማፔ ካሬን ፀጌቴሰ። * 12 ሃሳሳካ ዩሱሲ ባ ሱላ ባጋራ ኣሳ ጌሻናስ ካታማ ፔንጌፌ ካሬን ሜቶ ቤዩዴስ።

13 ሃሳ ጊሽ ኑኒ ኢዚ ቶኪዲ ካወሻቴላ ቶኪዳ ኑ ዲዛሶፔ ጌዴ ኢዛኮ ካሬ ኣኔ ኬዘስ። 14 ጋሶይካ ሃይሳን ኤቁ ዳና ካታማይ ኑስ ዴና። ገዴ ኣቲን ቡር ሲንላፌ ያና ካታማዮ ናጎስ። 15 ሃሳ ጊሽ ኡባ ዎዴ ጋላታ ያርሾ ሂሲካ ኢዛ ሱንላስ ማርካቲዛ ኑ ዳናፔ ቤቲዛ ኣይፌ ገዲዳዝ ዩሱሳ ባጋራ ያሳስ ኣኔ ሺሾስ። 16 ቃሴካ ሎዎ ኦሶኔ ኢንቴስ ዲዛይሳፌ ሃራታስ ኢዎ ባሎፒቴ። ያሲ ሃይታንታ ማላ ያርሾን ኡፋይቴስ።

17 ኢንቴና ካሌላዛይታስ ኣዛዜቲቴኔ ሃራቲቴ። ሃሳስ ጋሶይካ ኢንቴ ጊሽ ኢስታ ኣላፊቴላን ዳር ኦይቺዛ ጉዳይ ዲዛ ጊሽ ኢንቴ ሸዎፖ ጊሽ ዳር ባዌቴቴስ። ሃሳ ጊሽ ኢስቲ ባ ኦሊዛ ኦሶዛ ላንጩቲሽ ገዲንታ ኡፋይሳን ኦላና ማላ ኢንቴ ኢስታስ ኣዛዜቲቴ። ኢንቴ ሃሳሳ ሂሰቶንታ ኣገኮ ኢንቴስ ሎዴና። 18 ኑስካ ዎሲቴ። ኡባሶራካ ሎዎ ዴስ ዳናስ ላዎቲዛ ሎዎ ቆፋይ ኑስ

* 12:12 ኢሳ 3:3 * 12:13 ለዎ 4:26 * 12:15 ዛሪ 29:18 * 12:16 ሜዴ 25:29-34 * 12:17 ዴማናስ ዳንዳይቤና ማሪታናስ ኣይኮ ኢዲሌ [ቃዳ] ዴሚቤና ጉሳ። * 12:17 ሜዴ 27:30-40 * 12:20 ኬሳ 19:12-13 * 12:24 ሜዴ 4:10 * 12:25 ኬሳ 20:22 * 12:26 ሃጌ 2:6 * 12:29 ዛሪ 4:24 * 13:2 ሜዴ 18:1-8፤ 19:1-3 * 13:5 ዛሪ 31:6፤8፤ ኢያ 1:5 * 13:6 ማዛ 118:6 * 13:11 ለዎ 16:27

ዲዛይሳ ኑ ሲጾኩ። 19 ሃራፔካ ታ ኢንቴኮ ኤሌን ሲማ ባና ማላ ታሰ ኢንቴ ዋሳና ማላ ሃዳራ ጋይሰ።

20 ደርሳታ ሃንፋንቻይ ዋጋ ጎዳ ዩሱሰ ኪርሰቶሳ ባ ሜርና ጫቆ ቃላ ሱፋን ኢዛ ሃይቆፔ ዳንሊዳ ሳሮቴላ ያሲ። 21 ኢንቴ ኢዛ ሸኔ ፖላና ማላ ሎዔቴላን ኢንቴና ገደሶ። ያሳ ኡፋይሲዛይሳ ዩሱሰ ኪርሰቶሳ ባጋራ ኑናን

ኦሎ። ኢዛሰ ሜርናፔ ሜርናሰ ቦንቸይ ገደ። ኣሚን።

22 ታ ኢሻቶ! ኢንቴሰ ፃፊዳ ዘሬ ቃላይ ጉሐ ገዲዳ ገሽ ኢንቴ ሃንቄቶንታ ማላ ታ ኢንቴና ሃዳራ ጋይሰ።

23 ኑ ኢሻ ዓምቶሲ ቢርሸቴዳይሳ ኢንቴ ኤራና ማላ ታ ኮያይሰ። ኢዚ ኤሶን ታኮ ዪኮ ታ ኢዛራ ሄ ባዳ ኢንቴና ሄን ቤያና።

24 ኢንቴና ካሌሊዛይታ ኡባታሲኔ ኣማኒዛ ኣሳ ኡባሰ ታ ሳሮካ ዮቲቴ። ኢፃሊያን ዲዛ ኣማኒዛ ኣሳይካ ኢንቴና ሳሮ ጌሰ። 25 ያሳ ኪያቴላ ኢንቴናራ ገደ። ኣሚን።

ያቆቤ ግፊዳ ኪታ ጊዶ ቆፋ

ሃይሲ ያቆቤ ኪታዚ ኣሲ ሃቕ ሃቕ ዳና ዳሳ ጊሽ የተዛዘ ጊዲሺን ኢዚ ግፊተዳይ ዳማ ዳማ ዳሬን ላሌተ ዳዛ ታማኔ ናምዑ ኢሰራዔል ዛርኬታሳ፤ ሂሳ ግፊዳዳይ ኮኒ ኑ ኤራቴል ኦሶን ፔይሻና ኦጌ ጊሽ ኣማኒዛ ኣሳ ሞኮ ጊሽኔ ኣማሌ ሎዔላና ኦጌ ቤሲዛ ዮጋታ ቆንጨሲዛ ሃሳያታ ለሚሶራ ቤሴሰ። ማንቆቴላ ጊሽ፣ ፓጩ ጊሽ፣ ሎጋ ኣማሌ ጊሽ፣ ቃንጌቴላ ጊሽ፣ ኣማኖ ጊሽኔ ሎጋ ኦሶ ጊሽ ኢንግርሳ ኢታቴላ ጊሽኔ ሎዔቴላ ጊሽ፣ ኣቶ ኤራቴላ ጊሽ ኢሶይ ኢሳራ ኦሻ ጊሽ፣ ኦቶሬቴላ ጊሽኔ ኣሽኬቴላ ጊሽ፣ ሃራ ኣሳ ቦላ ፒርዳ ጊሽ፣ ጨቁቴላ ጊሽ፣ ዳንዳያ ጊሽኔ ዋሳ ጊሽ፣ ኣማኒዛይት ኦላናሰ ቤሲዛ ሚሻታ ሁዔን ሁዔን ግፊዳ።

ሃ ኪታዚ ኣማኖይ ኣማኖ ዳዓን ኦፊታና ቤሲዛ ኦጌታ ሎዔል ቆንጨሲሰ።

- ሃ ማግፋይ ኦይኪዳ ኩሜላ ቆፋ
- ጌሎሶ 1:1
- ኣማኖኔ ኣቶ ኤራቴል 1:2-8
- ማንቆቴላኔ ዳሬቴል 1:9-11
- ፓጩ 1:12-18
- ዖሳ ቃላ ሲይዲ ኦሶን ፔይሾ 1:19-27
- ኦጌይ ባይንዳ ማዶ ማዶንታ ማላ ኢሜቲዳ ቆፊሶ 2:1-13
- ኣማኖኔ ኦሶ 2:14-26
- ኣማኒዛዳኔ ኢዛ ሃሳያ 3:1-18
- ኣማኒዛዳኔ ሃይሳ ሃ ኣላሚዛ 4:1-5:6
- ዳማ ዳማ ሃናታ ጊሽ ኢሜቲዳ ዞሬ 5:7-20

1 ዖሳ ኦሳንቻኔ ዩሱሰ ኪርሰቶሳ ኦሳንቻ ጊዲዳ ያቆቤ፤ ቢታ ቦላ ላሌተዳ ታማኔ ናምዑ ኮቻታሰ ሳርቴል ኢንቴሰ ጊዶ። *

ሜቶኔ ፓጩ

2 ታ ኢሻቶ! ኢንቴ ቦላ ዳማ ዳማ ዋይይ ጋኪኮ ሂሳ ወርሲ ኡፋይሳን ቆዲቴ። 3 ጋሶይካ ኢንቴ ኣማኖ ፓጩቴል ኢንቴሰ ዳንዳያ ኢሚዛይሳ ኢንቴ ኤሬታ። 4 ኢንቴ ዳንዳያን ሚኒ ኤቃናይሲ ኢንቴሰ ኢሲ ሚሽካ ፓጩንታ ኩሜላ ኣሲኔ ዋሶይ ባይንዳይታ ጊዳና ማላ ኦሶ። 5 ኢንቴ ጊዶሬ ኦናሰካ ኤራቴል ፓጩኮ ኦናካ ሌቆንታ ባ ኪያቴላራ ኡባሰ ኢሚዛ ዖሳ ዋሶ፤ ኢዛዳሰካ ኢሜታና። 6 ጊዶ ኣተን ሲዴይ ባይንዳ ኣማኖን ዋሶ። ጋሶይካ ሲዳዳይ ኣሳ ቃልዛ ዳምባላ ጫርኮ ማላ። 7 ሃሳዳይ ጎዳፔ ኣይኮካ ዳማና ጊዲ ቆፖፎ። 8 ሃሳዳይ ናምዑ ቆፋን ኦይኬቴዲ ባ ቢዛ ኦጌ ቦላ ያኔ ሃኔ ጊዛ ኣሳ ማላ።

9 ካሲ ዚቃ ዳሳን ዲዛዳ ዖሲ ቶቁ ሂሰታና ጊሽ ኡፋዩቶ። 10 ኣሳ ዳሬቴል ማታ ጨሻ ማላ ቆካና ጊሽ ዳሳን ቶቁ ጊዳዳይ ዖሲ ኢዛ ዚቁ ሂሰቲኮ ኡፋዩቶ። 11 ኣዋ ኣርሼይ ፀጊዲ ማታ ሹሊሴሰ፤ ማታ ጨሻይካ ሹሊሴ፤ ኢዛ ሎዔቴልካ ቆይሰ፤ ሃሳፋካ ዳሬይ ሃቕ ሃቕ ዳቡርሳን ዲሺን ኢዛ ዳሬቴል ቆይሰ።

* 1:1 ማቶ 13:55፤ ማር 6:3፤ ሃዋ 15:13፤ ጋላ 1:19

12 ፓጩን ሚኒ ኤቁዳዳይ ኢዚ ኣንጅቲዳዳ። ጋሶይካ ኢዚ ፓጩራ ኤቁቴሺን ዖሲ ባና ደሲዛይታሰ ኢሚዳ ሂደታ ዳዎ ኣክሊሌ ኢዚ ኤካና። 13 ኦኒካ ፓጩቴዛ ጊዲኮ ታና ዖሲ ፓጩሰ ጎፖ፤ ጋሶይካ ዖሲ ኣሴ ኢታን ፓጩና፤ ኢዚ ኦናካ ፓጩ ኤሬና። 14 ጊዶ ኣተን ኢሲ ኢሲ ኣሲ ፓጩቴዛይ ባርካ ባ ኢታ ኣሞ ካሊሼኔ ባሌቴሼ ፓጩቴሰ። 15 ኣሞይ ቃንላቴዲ ናጋራ ዩሌሰ፤ ናጋራይካ ዲጨዳፔ ጉዬ ሃይቆ ዩሌሰ።

16 ታ ሲቆ ኢሻቶ! ኢንቴ ባሌቶፍቴ። 17 ሎጋ ኢሞቴላኔ ኩሜላ ኣንጅይ ወሪ ቦላ ሳሎ ፖጋታ ኣዋፔ ዋዴቴሰ። ኢዛ ኣቻን ሃኔ ሃ ዩዩዛ ኤሾይካ ዳና። 18 ኦ ኢዛ ሜዴቴላሰ ኮይር ባይራታ ጊዳና ማላ ባ ሼኔኔኔ ባ ቱማ ቃላን ኦና ዩሊዳሰ።

ሲዩዳይሳ ኦሶ

19 ደሴቴዳ ታ ኢሻቶ! ሃይሳ ዩሺ ቆፐፐ፤ ኣሲ ወሪካ ሲያናሰ ኤሶቶ፤ ሃሳያሲኔ ሃንቆሰ ኤሶቶ። 20 ኣሳ ሃንቆይ ዖሳ ደሎቴል ኦፊና። 21 ሃሳ ጊሽ ቱናቴላኔ ዳልጊዳ ኢታቴል ኢንቴሬ ኬሲ ዩጊዲ ኢንቴ ሽምፖ ኣሻናሰ ዳንዳዩዛ ኢንቴ ጊዶን ቶኬቴዳ ቃላ ኣሽኬቴላራ ኤኪቴ።

22 ቃላይ ጊዛይሳ ኦፊቴ ኣተን ማላ ሲሲ ግላላ ሲዩዳይንታ ጊዲዲ ኢንቴርካ ኢንቴና ባሌቶፍቴ። 23 ቃላ ሲዩሼ ሲዩዳ ቃላይ ጊዛይሳ ኦፊንታይይ ባ ኣይሬሶ ማሰቶቴራ ያሊዛ ኣሳ ማላ። 24 ባና ያሊ ቤዩዲ ቤሰ፤ ኢዚ ኣይ ሚሳቴዛኮኔ ሂራካ ባሌቴቸሰ። 25 ጊዶ ኣተን ባና ጌሽዛ ሎጋ ዋጋ ያሊ ቤዩዲ ኢዛን ሚኒዛዳይ ባ ሲዩዳይሳ ኦፊዛዳይኔ ባሎንታይይ ኢዚ ባ ኦሶን ኣንጅቲዳዳ ጊዳና።

26 ባ ዳና ናጎንታ ባርካ ባ ዋዝና ባሌሊሼ ታ ኣማናይሰ ጊዛዳይ ባርካ ባና ባሌሊሰ። ኢዛ ኣማኖይካ ማላ ሃዳ ኣማኖ። 27 ዖሳ ኣዋ ሲንላን ኢታቴል ባይንዳ ሎጋ ኣማኖይ፤ “ኣያኔ ኣዋይ ሃይቁዳ ናይታ፣ ኢሰታ ኣዚናቴ ሃይቁዳ ማጫሳታ ሜቶቴሺን ማዶኔ ሃይሳ ኣላሚዛ ቱናቴላሬ ባና ናጎ።

2

ኣጌይ ባይንዳ ማዶ ኮሼና

1 ታ ኢሻቶ! ኢንቴ ቦንቹቴዳ ጎዳ ዩሱሰ ኪርሰቶሳ ኣማኒዛይታ ጊዲዳ ማላ ኣሴ ቤሶንታ ኦጌራ ማዶፍቴ። 2-3 ዋርቃ ዩቕ ቢራዴን ኣሊዲ ሎጋ ማይያ ማይዲዳ ኣሲ ኢንቴ ሺቁዛሶ ዩኮ ሃሳፋካ ቁታ ማይያ ማይዲዳዳይ ሄ ሺቁዛሶ ዩኮ ቃሴካ ሃራ ቁታ ማይያ ማይዲዳ ማንቆ ኣሲ ጌሊኮ ሎጋ ማይዲዳይሳ ዳማ ቦንቾ ቦንቹዲ “ኔሰ ቤሲዛ ሎጋ ኡቴዛሶ ሃሳ ቤያ” ጊዲ ሃንኮ ማንቆዛ ቃሴ “ኔ ሃን ሃሳን ኤቃ፤ ዋይኮ ሃ ያ፣ ታ ጋርሳን ወጌን ኡታ” ኢንቴ ጌኮ። 4 ኢንቴ ኢንቴ ጊዶን ቤሶንታ ማዶ ኦፊታ ጊዳኬቴ? ቃሴካ ኢንቴ ኢታ ቆፋን ኦይኬቴዳ ኢታ ፒርዳ ፒርዲዛይታ ጊዳኬቴ?

5 ታ ሲቆ ኢሻቶ! ኣኔ ሲዩቴ፤ ኢሰቲ ኣማኖን ዳሬታ ጊዳና ማላ ዖሲ ባና ደሲዛይታሰ ሂደታ ኢሰታሰ ኢሚዳ ካዋቴላ ኢሰቲ ላታና ማላ ሃይሳ ሃ ኣላሚዛን ዲዛ ማንቆታ ደሪቤኔ? 6 ኢንቴ ቃሴ ማንቆታ ካወሽታ። ኢንቴና ዋይሲዛይ ዳሬታ ጊዳኬቴ? ኢንቴና ፒርዳሶ ጎቹዛይ ኢሰታ ጊዳኬቴ? 7 ኢንቴናን ያይጌቴዳ ቦንቾ ዖሳ ሱንላ ዘጊርዛይቲ ኢሰታ ጊዳኬቴ?

8 ማፃፋን “ኔ ላጌ ኔ ሁዔ ማላ ሲቃ” ጌቴቴ ፃፊቴዳ ካዎ ዋጋ ኢንቴ ፖሊኮ ሎፖ ኦቆታ። 9 ኢንቴ ቤሶንታ ማዶ ማዶኮ ናጋራ ኦቆታ። ዋጋ ሲንገላንካ ኢንቴ ዋጋ ዩቆዳዳ ገዲ ቆዳታና። 10 ጋሶይካ ዋጋ ወርሲ ፖሊዛዳይ ቃሴካ ዋጋ፤ ኢሲኔዩን ቆዳታዛ ኢሲ ወርሲካ ሞሪዳዳ ማላ ቆዳታ። 11 “ላይማቶፓ” ገዳዳይ ኢዚካ ዛሪዲ “ዋቆፓ” ገዳሰ። ኔ ላይማቶፓ ኣገኮካ ኔ ኣሳ ዋቆፓ ዋጋ፤ ኣቆዳዳ ገዳሳ። * 12 ኢንቴ ሃሳፃ ሃሳዩሽ ዋይኮ ኢሲ ሚሽ ኦቆቆ ኢንቴና ያሊሲዛ ኣሳ ማላ ገዳቲ። 13 ጋሶይካ ማርንታይ ወሪካ ማርይ ባይንዳ ፐርዳታና። ማርይ ፐርዳ ያኔሰ።

አማኖ ኦሶ

14 ታ ኢሻቶ! ኢሲ ኣሲ ታሰ አማኖይ ዳሰ ገኮ ቃሴ ኦሶን ቤሶንታይ ገዲኮ ኢዛ ኣይ ማዳኔ? ሃሳ ማላ አማኖይ ኢዛ ኣሻኔ? 15-16 ኣኔ ቆፐቴ፡ ኢሲ ኣሻይ ዋይኮ ኢሲ ሚቶፖ ማይዶይ ዋይኮ ሚዛይሲ ባይንዳ ኣገኮ ኢንቴፊ ኢሳዳይ “ኢንቴ ሳርን ቢቴ! ኢንቴና ሜጎፎ! ካሊቴ!” ገኮ ኢሰታ ኣሾሰ ኮሺዛይሳ ኢሞንታ ኣገኮ ኣይ ማዳኔ? 17 ሃሳባካ ኦሶይ ባይንዳ አማኖይካ ባሰ ሃይቁዳይሳ።

18 ገዶ ኣቴን ኢሳዳይ “ታሰ ኦሶይ ዳሰ ኔሰ አማኖይ ዳሰ። ኔኔ ኔ አማኖ ኦሶፐ ሻካዳ ታና ቤሳ፤ ታ ቃሴ ታ አማኖ ኦሶን ኔና ቤሳና” ገኮ። 19 ኔ “ኢሲ ያሲ ዲዛይሳ አማኖና” ሄሲካ ሎፖ፤ ዳይዳንጎቴካ ሃሳ ማላ አማኖይሲኔ ኬሂ ኮኮሬቴሰ። 20 ኔኖ ኤያዘ! ኦሶይ ባይንዳ አማኖሰ ጎዳይ ባይንዳይሳ ኤራናሰ ማርካ ኮያይ? 21 ኦ አዎ ኣብራሃሜይ ባ ና ዩሳቃ ያርሺዛሰዛ ቦላ ሺሺዳ ዋዴ ኦሶን ያሊቤኔ? * 22 ሃሳን አማኖዛ ኦሶራ ጋሊ ኦሊዛይሳ ኔ ቤያሳ፤ አማኖይካ ኦሶን ፖሊቴዳሰ። 23 “ኣብራሃሜይ ያሴ አማኖይሰ፤ ሄ አማኖይ ኢዛሰ ያሎቴሳን ቆዳቲዳሰ” ገዛ ማፃፋ ቃላይ ፖሊቴዳሰ፤ ኢዚካ ያሲ ዶሲዳዳ ጌቴቴዳሰ። * 24 ሃሳ ገሽ ኣሲ አማኖን ፃላላ ገዶንታ ኦሶንካ ያሊዛይሳ ኢንቴ ቤዬታ። *

25 ሃሳባካ ላይማን ዲዛ ኤራዓባ ኪቴቴ ቢዳ ኣሳታ ሞካ ኤካዳ ሃራ ኦጌራ ሞዩዛ ዬዲዳ ገሽ ባ ኦሶን ያላቤይኬ? 26 ሺሞፖጌ ሻኬቴዳ ኣሾይ ሃይቁላ ገዲዳ ማላ ኦሶፐካ ሻኬቴዳ አማኖይ ሃይቁላ።

3

ባ ዲና ናጎ

1 ታ ኢሻቶ! ኢንቴፊ ዳርቴ ኣሰታማራታ ገዶፐቶ፤ ጋሶይካ ኦ ኣሰታማራ ገዲዳይቴ ኣቆላ ፐርዳ ኤካናይሳ ኢንቴ ኤራታ። 2 ኦ ወሪካ ዳር ሚሻን ቆዳቶሰ። ሃሳፖን ቆዳቶንታይ ዲኮ ኢዚ ባ ኣሳቴላ ሎዔላ ናጎናሰ ዳንዳዩዛ ኩሜላ ኣሳ። 3 ኦጌ ፓራታ ኣዛዛናሰ ቢፃላ ባርሲዲ ኦ ኮይዳ ማላ ኢሰታ ኣዛዘሰ። 4 ዋይኮ ኣኔ ማርካቤታ ያሊቴ። ኢሰቴ ኣይ ገታታኔ ጫርኮን ሱጌቴ ቢዛይታ ገዲኮካ ማርካቤ ላገዛዳይ ቁሪ ላፋ ላገዛ ሚሻራ ባ ኮዩዛሶ ኤፊሰ። 5 ሃሳባካ ኣሳቴላ ጋርሳን ኢንፃርሲ ጉላ ገዳ ኡታዳ ገታ ዋልቃማ ኦቶር ኦቶራታወሰ፤ ቁሪ ታማይ ገታ ዋራ ዋሰቴ ፀ-ጊ ቆይሲዛኮኔ ኣኔ ዩሺ ቆፐቴ። 6 ኢንፃራሲካ ባ ባጋራ ታማ ማላ፤ ኦ ኣሳቴላ ገዶን ዲዛ ኢታ ኣላሜ። ኣሳቴላ ወርሳ

ቴኒሳወሲኔ ኣሳቴላ ቦላ ታማ ጉጃወሰ፤ ባሰካ ጋናሜ ታማን ፀጌታና።

7 ሚሃይ፡ ደዓይ፡ ካፎቴ ሃይሳባካ ቢታ ቦላ ጎሹቴዛይታኔ ኣባ ገዶን ዲዛ ሜቆቴሳታ ወርሲ ኣሲ ሃራና ዳንዳዩሰ፤ ኢሰቴካ ሃራቴዳ። 8 ገዶ ኣቴን ኢንፃርሰ ሃራናሰ ዳንዳዩዳይ ኣኒካ ዳና። ዋቆዛ ማርሺይ ኢዚን ኩሚዳርኔ ኢዛ ሺሞፓ ኤኮንታ ኢታ ሚሻ። 9 ኦጌ ኦ ኢንፃርሳይራ ጎዳኔ ኣዎ ኣንጅሰ። ኢዚንካ ያሳ ለሚሶን ሚቆቴዳ ኣሳ ናይታ ዛሪዲ ቃንጎሰ። * 10 ኣንጅይኔ ቃንጌላ ኢሲ ዲናራ ኬዜሰ። ታ ኢሻቶ! ሃሲ ሃሳባ ሃናሰ ቤሰና። 11 ኢሲ ፑልቶ ኦላፊ ማልፖ ሃላኔ ጫሞ ሃላ ፑልቴ ኤሪዜ? 12 ታ ኢሻቶ! ባላሴ ጌቴቴዛ ሚላ ዋጋራ ኣይፊ ዋይኮ ዋይኔ ሚላ ባላሴ ሚላ ኣይፊ ኣይፋናሰ ዳንዳዩዜ? ሃሳባካ ጫሚዛ ሃላፊ ማልፖዛ ሃላ ቤታና ዳንዳዩና።

ናሞዑ ቆሞ ኤራቴላ

13 ኢንቴ ጋራሳፊ ኣኬካራ ዲዛ ኤራ ኣሲ ኦኔ? ኤራይ ዲዛ ገዲኮ ኣኔ ባ ኦሶ ኣሽኬቴላኒኔ ኣቆ ኤራቴላራ ባ ሎፖ ዲሳን ቤሶ። 14 ቃሴ ጫሞኔ ቃናቴይ፡ ኢንቴና ፃላላ ዶሲዛ ሃናይ ኢንቴ ሞዘናን ዲዛ ገዲኮ ኦቶራቴላ ኢንቴሰ ሲዬቶፎ። ቱሞካ ካዶፊቴ። 15 ሂኒ ማላ ኤራቴላፃ ሳሎፔ ገዲኮ። ሂና ቃሴ ቢታፊ፡ ኣሾፔኔ ፃላዔፔኮ! 16 ቃናቴይ ባርካ ባና ሲቆይ ዲዛሶን ዋሶይኔ ኢታ ኦሶይ ወሪ ዳሰ።

17 ሳሎፔ ገዲዳ ኤራቴላፃ ገዲኮ ኮይር ጌሻ፡ ጉዬፔካ ሳርቴላ ዶሲዛር፡ ዳንዳዩዛር፡ ኤር ገዛር፡ ማርቴላኔ ሎፖ ኣይፊይ ኩሚዳር፤ ቃሴ ዋርዶ ማዶንታርኔ ኡሎን ጌኔይ ባይንዳር። 18 ሳርቴላ ዶሲዛ ኣሳቴ ሳርቴላን ዜሪዲ ያሎቴላ ኣይፊ ማፃቴሰ።

4

ኢንቴናቴላ ያሳሰ ሃሪሲቴ

1 ኢንቴ ገዶን ዲዛ ኦላይኔ ኣሻይ ኣዎፔ ዩዴ? ኢንቴ ዋዘናን ዲዛ ኣሞቴላፊ ዳንዲዳ ኦላ ገዴኔ? 2 ኢንቴ ኣሞቴታ ሺን ዳሜኬታ። ኢንቴ ኣሰ ዋቆታኔ ኬሂ ኣሞቴታ ሺን ዳማና ዳንዳዩኬታ። ኢንቴ ኢንቴ ጋርሳን ኦዬቴዛ ገሻኔ ኦሌቴዛ ገሽ ቃሴ ዋሶንታ ገሽ ኢንቴሰ ኢሜቴና። 3 ኢንቴ ኢንቴ ኣሾ ኡፋይሳናሰ ኢታ ቆፋን ዋሲዛ ገሽ ዋሲዳይሳ ኢንቴ ኤኬኬታ። 4 ኢንቴኖ ላይማቴዛይቶ! ኣላሜራ ሲቁቴላ ያሳራ ሞርኬቴላ ገዲዳይሳ ኤሬኬቴ? ሃሳ ገሽ ሃይሳ ኣላሜዛራ ሲቁቴላ ኮዩዛይ ወሪካ ያሳሰ ሞርኬ። 5 ዋይኮ ጌሻ ማፃፋ ገዶን “ኦናን ኢዚ ኣይሲዳ ኣያናይ ኦ ኢዛይታ ገዳና ማላ ዳር ኣሞቴሰ” ገዛይሲ ኢንቴሰ ጮ ሜላ ገዳ ሚሳቴዜ? 6 ገዶ ኣቴን ኢዚ ባ ኪያቴላ ኦሰ ጉጂ ኢሜሰ። ማፃፋይካ “ያሲ ኦቶራንቻታራ ኤቁቴሰ፡ ኣሽኬታሰ ቃሴ ባ ኪያቴላ ኢሜሰ” ገዳይ ሃሳሳ። *

7 ሃሳ ገሽ ኢንቴና ያሳሰ ሃሪሲቴ። ዳቡሎሳራ ኤቁቴቴ፡ ኢዚ ኢንቴፊ ባቃታና። 8 ያሳኮ ሺቁቴ፤ ኢዚካ ኢንቴኮ ሺቃና። ኢንቴኖ ናጋራንቻቶ! ኢንቴ ኢንቴ ኩሺ ጌሺቴ፡ ኢንቴ ናሞዑ ቆፋን ቃይዛይቶ! ኢንቴ ኢንቴ ዋዘና ጌሺቴ። 9 ዳርሲ ቆፐቴ፤ ሙዞቴቴ፤ ዩኪቴ፤ ኢንቴ ሚቻይ ዩሆን፤ ኡፋይሳይ ቃሴ ሙዞቴላን ሲሞ። 10 ጎዳ

* 2:11 ኬሳ 20:13-14፤ ዛሬ 5:17-18 * 2:21 ሜጴ 22:1-14 * 2:23 ሜጴ 15:6፤ 2ታር 20:7፤ ኢሳ 41:8 * 2:24 ኢያ 2:1-21 * 3:9 ሜጴ 1:26 * 4:6 ለሞ 3:34

ሲንላን እንገት እንገትና ካወሸጉ፤ ቃሴ ኢዚ እንገትና ቶቆ ቶቆ ሂሰታና።

11 ታ አሻቶ! እንገት እንገት ጋርሳን አሰይ አሳ ሞቶጥቴ፤ ባ አሻ ሞቶዛዳይይ ባ አሻ ቦላ ፕርዲዛዳይ ዋጋ ቦላ ኢታ ሃሳዬሴኔ ዋጋ ቦላ ፕርዳሰ። ሂሰቲኮ ኔ ዋጋ ቦላ ፕርዲዛዳይ ኣቲን ዋጋ ናጊዛዳ ጊዳካ።

12 ዋጋ ዋሊዳዳይይ ፕርዲዛዳይ አሳዳ ፃላላ። ኢዚካ ቆይሳናሴኔ ኣሻናሰ ዳንዳዩዛዳ። ጊዳ ኣቲን ኔኔ ኔ ላጌ ቦላ ፕርዲዛዳይ ኣኔ?

ጨቁታናሰ ቤሴና

13 “እንገት ሃቺ ዋይኮ ዋንቶ ሃና ሃ ካታማዮ ዋይኮ ሃና ሃ ካታማዮ ኑ ባና፤ ቢዲ ሃን ኢዚን ኢሲ ላይሳ ኡታና ከልዳ ዋቋሳና” ጊዛይቶ! ኣኔ ሃ ሲዩቴ።

14 ዋንቶ ሃናናይሳ እንገት ኤሬኬታ። እንገት ሼምፖይ ኢዛ ኣዜ? እንገት ጉላ ዋይ ኣይፊን ቤቲዲ ቆይዛ ሃላ ፔንታ ማላ። 15 ሃይሳ ጋናፔ “ጎዳ ሼኔ ጊዲኮኔ ኑ ፓፃ ዲኮ ሃሳካ ሃይሳካ ኣላና” ጋናሰ እንገትሰ ቤሴሰ።

16 ሃሳ ጊዲኮ እንገት ኦቶሬቲላን ጨቁቲታ። ሃሳ ማላ ኦቶሬቲላ ወሪካ ኢታ። 17 ሃሳ ጊሽ ሎፖ ጊዲዛይሳ ኣላናሰ ቤሴዛይሳ ኤሪሼ ኦቶንታዳሰ ናጋራ ጊዳና።

5

ዱሬታሰ እማቲዳ ዞሬ

1 ሂሰቲኮ እንገትና ዱሬ ኣሳቶ! ኣኔ ሲዩቴ። ቡሮ እንገት ቦላ ጋካና ማቶዛ ጊሽ ዩኪቴ፤ ወ ወይ! ጊ ዋሲቴ። 2 እንገት ሃሮይ ቡቁዳሰ፤ እንገት ማይፖካ ቢላይ ማዳሰ። 3 እንገት ዋርቃይኔ እንገት ቢራይ ሺይዳሰ። ሃ ሺይዳይሲካ እንገት ቦላ ማርካቴሲኔ እንገት ኣሻ ታማ ማላ ፀጌሰ። እንገት ዋይ ወርሴላሰ ማሼ ሺሺዳታ።

4 እንገት እንገት ዋዝናን ዋሊቴ፤ እንገት ካሳ ማዳሼ ፔይዳይታሰ ኢሰታ ዋልቃ ዋጋ እንገት ቃንፖንታ ኣጊዳ ጊሽ እንገት ቦላ ዋሲሼ እንገት ኣታን ዳቴሰ። ካሳ ማዳዛይታ ዋሶይ ኡባ ዳንዳዩዛ ጎዳ ሃይላን ጋኪዳሰ። * 5 እንገት ቢታ ቦላ አሻሎኔ ኣልዔቴላን ዳዒዳታ፤ እንገት ዋዝና ሹካሰ ቋኪዳ ማሄ ማላ ሞቋሲዳታ። 6 እንገት እንገትናራ ኤቁቶንታ ደሎ ኣሳታ ቦላ ዋርዶ ዋሊዲ ዋቋዳታ።

ማቶ ዳንዳዮ

7 ሃሳ ጊሽ ታ አሻቶ! ጎዳይ ሃ ሃና ጋካናሰ ዳንዳዩቴ። ጎሼ ጎዩዛዳይ ቢታይ ሎፖ ካሊ ካፃና ጋካናሰ ዋኒ ዳንዳዩዛኮኔ ኮይሮ ኢራኔ ወርሴላ ኢራ ኢዚ ዋሰቲ ናጊዛኮ ኣኔ ኣኬኪቴ። 8 እንገትካ ሃሳላ ዳንዳዩቴ። እንገት ዋዝና ማንሊቴ። ጋሶይካ ጎዳ ዩሳ ጋላሲ ማቲዳሰ።

9 ታ አሻቶ! እንገት እንገት ጊዲን ዘግሬቶፊቴ፤ እንገት ዘግሬቲኮ እንገት ቦላ ፕርዳታና። ፕርዳናይይ ሃኮ እንገት ፔንጌ ቦላ ኤቁዳሰ። 10 ታ አሻቶ! ጎዳ ሱንላን እንገትሰ ዮቲዳ ናቤታ ዋይቴሊኔ ኢሰታ ዳንዳዮ እንገትሰ ሌሚሶ ሂሰቲ ያሊቴ። 11 ዳንዳዮን ጌንጨዳ ኣሳታ ኑ ኢሰታ “ኢሰቲ ኣንጃቲዳይታ” ጊ ቆዲዛይሳ እንገት ኤሬታ። ኢዮቤይ ዋኒ ዳንዳዩዳኮኔ እንገት ኢዛ ጊሽ ሲዩዳታ። ጎዳይ ኢዛ ወርሴላን ኣይ ኦሊዳኮኔ እንገት ቤይዳታ። ጎዳይ ኣሳሰ ኬሂ ማሼቲዛዳኔ ማሪዛዳ። *

12 ሃራፔካ ታ አሻቶ! ጎላሎን ጊዲን ዋይኮ ጎዳን ጊዲን ዋይኮ ኣይ ማሻንካ ጨቆፍቴ፤ “ኤ” ጋናሰ ቤሴዛ ማሽ ጊዲኮ “ኤ” ጊቴ። “ኣካይ” ጋናሰ ጊዲኮ “ኣካይ” ጊቴ ሃሳፊ ሃራ ጊኮ እንገት ቦላ ፕርዳታና። *

13 እንገት ጋርሳን ማቶቲዛ ኣሲ ዲዜ? ዲዛ ጊዲኮ ኢዚ ዋሶ። ኡፋዬቲዛዳይ ዲዜ? ዲዛ ጊዲኮ ኡፋይሳ ዬሳ ዩፖ። 14 እንገት ጊዲን ጎኬቲዛ ኣሲ ዲዜ? ዲኮ ዋሳ ኬላ ጨማታ ያይን። ኢሰቲካ ጎዳ ሱንላን ዛይቴ ኢዛ ቦላ ቲይዲ ኢዛሰ ዋሶቶ። * 15 ኣማናን ዋሲዳ ዋሳይ ሃርጊዳዳ ፓላና። ጎዳይካ ኢዛ ዳንላና። ኢዚ ናጋራ ኦሊዳዳ ጊዲኮካ ያሲ ኢዛ ማራና። 16 ሃሳ ጊሽ እንገትካ እንገት ጋርሳን ኢሰይ ኢሳራ እንገት ናጋራ ፓዳቲቴ፤ ፓፃና ማላ ኢሰይ ኢሳሰ ዋሲቴ። ደሎ ኣሳ ዋሳይ ዋልቃራ ዳሰ፤ ዋልቃማ ኦሶካ ኦሴሰ። 17 ኤላሲ ኑ ማላካ ኣሳ። ኢዚ ኢራይ ቡኮንታ ማላ ማንሊ ዋሲን ቢታ ቦላ ሃቶ ላይሊኔ ባጋ ጋካናሰ ኢራይ ቡኪቤና። * 18 ቃሴካ ዛሪ ዋሲን ኢራይ ጎላሎፔ ቢታ ቦላ ቡኪዳሰ። ቢታይካ ካሳ ኢማዳሰ። *

19-20 ታ አሻቶ! እንገትፊ ኢሳዳይ ቱማፔ ባሌቲን ሃራ ኣሲ ኢዛ ዛሪኮ ሃሳ ዋዝናን ዋሊቴ። ናጋራንቻ ኢዚ ባሌቲዳ ኦጌፔ ኢዛ ዛሪዳዳይ ሃሳዳ ሼምፖ ሃይቆፔ ኣሼሲኔ ኢዛዳ ናጋራ ዳርዛካ ካማሰ። *

* 5:4 ዛሬ 24:14-15 * 5:11 ኢዮ 1:21-22፤ 2:10፤ ማዛ 103:8 * 5:12 ማቶ 5:34-37 * 5:14 ማር 6:13 * 5:17 1ካዋ 17:1፤ 18:1 * 5:18 1ካዋ 18:42-45 * 5:19-20 ሊም 10:12፤ 1ጴፅ 4:8

ጴጥሮስ ፃፊዳ ኮይር ከታ ገዶ ቆፋ

ሃዋሪ ጴጥሮስ ፃፊዳ ኮይር ከታዛ ገደን “የሳስ ደሬቲዳ ዴሬ” ጌቲቲ ያይጌቲዛይታሲኔ ፑዳሃ ባጋራ ቄሪ ኢሲያ ዴሬን ላሊቲ ዲዛ አማኒዛይታሳ። ሄ ከታሰ ዋና ቆፋይ አማኖ ጌደን ዳር ሜቶይኔ ጎዴቲል ኢሰታ ቦላ ጋኪዳይታ ሚንጤፋናሲኔ ዴንጤፋናሲኮ። ፃፊዚ ሄሳፉ ኦሊዳይ ዩሱሳ ሃይቆ ገሽ፣ ሃይቆፔ ዴንፋ ገሺኔ ኢዚ ናምዓንፉ ሃ ሲሚ ያና ዩሳ ሂደታ ቆንጨሲዛ ዩሱሰ ከርሰቶሳ ሚሺራቾ ቃላ ናባቢዛይታ ቆፊሳናሳ። ዩሱሰ ከርሰቶሲ ካሴ ዴዩዳ ዲሳ ለሚሶ ማላ ያሊዲ ኢሰታካ ሜቶ ጌንጨ አሳናሰ ቤሲዛይሳ ቆፊሴስ። ሂይታራ ወርሲ ጋሊዲ ሜቶይ ኢሰታ አማኖ ሚኖቲል ፓጨዛይሳኔ “ዩሱሰ ከርሰቶሲ ቆንጨዛ ጋላስ” ኢሰቲ ባሰ ቤሲዛ ዋጋ ኤካናይሳ ኢሰታ ቆፊሴስ።

ፃፊዚ ኢሰቲ ሜቶ ዴንዳያና ማላ ኢሰታ ሚንጤፋፊካ ቦላራ ሄሳ ናባቢዛይቲ ከርሰቶሳ ካሊዛይቲ ዴዳናሰ ቤሲዛ ዴሰ ዳና ማላ ቆፊሴስ።

ሃ ማፃፋይ ኦይኪዳ ኩሜላ ቆፋ

ጌሎሶ 1:1-2

የሲ አሺዛይ ገዲዳይሳ ኤሪሶ 1:3-12

የሳስ ዲማቲ ዳና ማላ ኢሜቲዳ ዞሬ 1:13-2:10

ሜቶ ዋዴ አማኒዛይታ አላፊቲል 2:11-4:19

አማኒዛይታ አሺኬቲልኔ ኢሰታ ኦሶ 5:1-11

ኩሻ ቆፋ 5:12-14

1 ዩሱሰ ከርሰቶሳ ሃዋሪ ገዲዳ ጴጥሮሳፔ፣ አሳ ቢታን ቤቲን ዲዛይታስ ጳንዮሳን፣ ጋላቲያን፣ ቃጳዶቂያን፣ ኢሲያኒኔ ቢቲኒያ ቢታን ላሊቲ ዲዛ ኢንቲስ፣ 2 አዋይ ዮሲ ካሴ ኢንቲና ኤሪዳ ማላ ደሬቲዳይታስ፣ ዩሱሰ ከርሰቶሳስ አዛዜታናሲኔ ኢንቲ ኢዛ ሱላን አራጮቲዲ ጌያና ማላ ያሊ ዳናና ዲማቲዳ ኢንቲስ ከያቲልኔ ሳርቲል ዳር።

ገታ ሂደታ

3 ዩሱሰ ከርሰቶሲ ሃይቆፔ ዴንዲዳ ገሽ ኩስ ዴዎ ገዲዳ ሂደታ አሚዳይሲ ባ ገታ ማርቲላን ኩና ባሰ ኦራላ ናይታ ሂሰቲዳ ኩ ጎዳ ዩሱሰ ከርሰቶሳ አዋይ ዮሲ ጋላቲቶ። 4 ኢዚ ጳዮንታ፣ ሞሪቶንታኔ ጨጎንታ ላታሶ ኢንቲስ ሳሎን ገሺሲ ዋሊዳስ። 5 ኢንቲካ ወርሴላ ጋላሳን ቡር ቆንጨና አቶቲላስ አማኖ ጌደን ዮሳ ዋልቃን ናጌቲዴታ።

6 ሃሲ ጉላ ዋዴስ ዲማ ዲማ ፓጨቲ ኢንቲና ዋይሲኮካ ኢንቲ ሄሳን ኡፋዬቲቲ። 7 ሄሲ ሄ ፓጨዚ ኢንቲ ቦላ ጋኪዛይ ኢንቲ አማኖዚ ቱሙ ገዲዳይሳ ቆንጨሳናሳ። ጳያና ዋርቃይካ ታማን ፓጨቲስ። ዋርቃፊ አጂ ቦንቾ ገዲዳ ኢንቲ አማኖይካ ሄሳላ ፓጨታናሰ ቤሴስ። ሄሲ ሄ ፓጨቲዳ ኢንቲ አማኖይ ዩሱሰ ከርሰቶሲ ቆንጨዛ ጋላስ ጋላታስ፣ ቦንቾሲኔ ሳባሰ ኢንቲና ጋላና። 8 ኢንቲ ዩሱሰ ከርሰቶሳ አይፊራ ቤዮንታ ኣገኮካ ኢንቲ ኢዛ ዶሴታ፤ ሃሲካ ኢንቲ ኢዛ ቤዮንታ ኣገኮካ ኢዛ አማኔታ፤ ጮ ቃላን ቆንጨሳና ዴንዳዮንታ

ገታ ቦንቾ ኡፋይሰ ኢንቲ ኡፋዬቲታ። 9 ኢንቲ ናገዛ ኢንቲ ሸምፖይሰ አቶቲል ኢንቲ አማኖን ዴሚዴታ።

10 ሄ አቶቲላዛ ገሽ ኢንቲስ አሚታና ከያቲላስ ካሴ ናቤቲ ሎዔሊ ዋዛናፔ ፒልገ ያሊዳ። 11 ካሴ ኢሰታን ዲዛ ከርሰቶሳ አያናይ ያሳፊ ቲዬቲዳይሳ ቦላ ጋካና ዋዬዛኔ ሄ ዋዬዛፔ ጉዬ ኢዚ ዴማና ቦንቾዛ ገሽ ካሴ ባሰ ዋሊዳስ። ኢሰቲ ቃሰ ሄሲ ወሪካ አይዳ ዋሪ ሃናናኮኔ ዩሺ ቆፒዳ። 12 ሄ ካሴ ናቤቲ ኢንቲስ ኦሊዳ አቲን ኢሰቲ ባሰ አዎንታይሲ ኢሰታስ ቆንጨን ኤሬቲዴስ። ኢሰቲ ኢንቲስ ኦሊዳይ ቦላ ሳሎፔ ከቲቲዳ ያሎ አያና ባጋራ ሃሲ ኢንቲስ ሚሺራቾ ቃላ ዮቲዳ አሳቲ ኢንቲስ ዮቲዳይሳ ቆንጨሳናሳ። ሄሳ ኔ ቃላ ከታንቻቲካ ቤያናሰ አሞቲዳ።

የሳስ ዲማቲ ዴሰ

13 ሄሳ ገሽ ኢንቲ ኢንቲ ዋዛና ሱሪሲዲ ኦሶስ ገጌቲቲ። ዋጋራ ዴዲቲ። ዩሱሰ ከርሰቶሲ ቆንጨዛ ዋዴ ኢንቲ ኢዛ ከያቲላ ዴማናሰ ኢንቲስ ኩሜላ ሂደታይ ዴዎ። 14 ኢንቲ አዛዜቲዛ ናይታ ገዲዳ ኤርሪንታ ዲሺ ኢንቲ ካሴ ኢዛን ዲዛ ገታ ቆፋ ካሎፍቲ። 15 ኢንቲና ያይገዳ ያሳይ ዲማ ገዲዳ ማላ ኢንቲካ ኢንቲ ዴሳን ኡባን ዲማቲቲ። 16 ጋሶይካ “ታገ ጌሽ ገዲዳ ገሽ ኢንቲካ ጌሽ ገዲቲ” ጌቲቲ ጌሻ ማፃፋን ካሴ ፃፊቲዴስ። *

17 አናካ ዲማ ሻኪ ማደንታ አሳ ኢሳሰ ኢዛዴ ኦሶ ማላ ፐርዲዛ ያሳ “ኢዚ ኩ አዋ” ገዲ ኢንቲ ያይገኪ ሃይሳ አላሚዛን ኢንቲ አሚጤኔ ቤቲ አሰ ገዲዲ ዲዛ ዋዴ ኡባን ኢዛሰ ባቢቲ። 18 ኢንቲ ካሴ ኢንቲ አዋታፔ ላቲዳ ጮ ሚላ ሃዳ ዴሳፊ ዋዜቲዳይ ጳዩዛ ቢራን ዋይኮ ዋርቃን ገደንታይሳ ኢንቲ ኤሬታ። 19 ገዶ አቲን ኢንቲ ዋዜቲዳይ ኢታይኔ ዋሶይ ኢዛ ቦላ ባይንዳ ጌሻ ደርሳ ማላ ገዲዳ ከርሰቶሳ ቦንቾ ሱላና። 20 ኢዚ ኤሬቲዳይ ሃይሲ አላሚዚ ሚጂታናፔ ካሴ ገዲሺን ሃሲ ቃሰ ወርሴላ ዋዴን ኢንቲስ ቆንጨዴስ። 21 ኢንቲስ አማኖይኔ ኢንቲ ሂደታይ ያሳን ገዲና ማላ ዩሱሰ ከርሰቶሳ ባጋራ ሄ ኢዛ ሃይቆፔ ዴንጤዲ ኢዛሰ ቦንቾ አሚዳ ያሳን ኢንቲ አማኔቲታ።

22 ኢንቲ አማኒዛይታ ሱራ ዋዛናፔ ሲቃና ማላ ቱማሰ አዛዜቲላን ኢንቲ ኢንቲ አሳቲል ጌሺዴታ። ሄሳ ገሽ ኢንቲ ኢንቲ ገደን ኢሶይ ኢሳራ ሎዔሊ ሰቁቲቲ። * 23 ኢንቲ ናምዓንፉ ዩሎቲዳይ ሜርናሰ ሚኒ ዲዛ ጳዮንታ ዴዎ ያሳ ቃላን ጳዮንታ ዜሬላፊ አቲን ጳዩዛ ዜሬላፊ ገዴና።

24 ጌሻ ማፃፋይ ገዛ ማላ “አሻ ማይዲዳይ ወሪካ ማታ ማላ፤

ኢዛ ቦንቾይካ ወሪካ ዋራ ጨሻ ማላ፤ ማታይካ ሜሌስ፤ ጨሻይካ ቆኬስ።

25 ጎዳ ቃላይ ገዲኮ ሚርናሰ ኤቂ ዴስ።” ኢንቲስ ሳባኬቲዳ ሚሺራቾ ቃላይካ ሄሳ።

2

ዴዎ ሹቺኔ ጌሻ ዴሬ

1 ሄሳ ገሽ ኢታቲል ወርሲ፣ ባሌላ ወርሲ፣ ቆጄፔ ቆሞን ሃና፣ ቃናቲቲል አይኮ ቆሞ ዘገርሰ ኢንቲፊ ዲጌቲ። 2 ሃሲ ዩሎቲዳ ጉላ ናይቲ ማላ አሞቲዛይሳ ማላ ኢንቲካ አታናሰ፣ ኢዛን ዲጨ ዲጨ ባናሰ ጌሽ ገዲዳ

* 1:16 ለዌ 11:44-45፤ 19:2 * 1:22 ሱራ ዋዛናፔ ኢሲ ኢሲ ጌሻ ማፃፋቲ ኩሜላ ዋዛናፔ ጌቲስ። * 2:3 ማዛ 34:8

አያና ተሟርቱ ላዎታቱ። 3 አንቱ ላዎታናሰ ቤሲዛይ ጎዳይ ከያ ገዲዳይሳ ሻኪ ኤርኮሮ! *

4 ሃሳ ገሽ ጌዴ ዴያ ሹቶ ገዲዳ ዩሱሳኮ ሸቂቱ። ሄ ሹቶይ አሳይ ለቁ አገዳይሳ ሸን ያሳ አቻን ቃሰ ዳሬቲዳይሳኔ ቦንቾ ዋጋይ ዲዛይሳ። 5 አንቱ ጌዴ ጎዳ ዩሱሳኮ ሸቃናይካ ዴያ ሹቶ ማላ ዲሎ አያና ዱሳሶ ገዳና ማላ ኦሴቲታ፤ ሃሳላካ አንቱ ዩሱሳኮ ከርሰቶሳ ባጋራ ኡፋይሲዛ አያና ያርሾ ያሳሰ ሸሻናሰ ገሻ ቁሴታ ገዳንዴታ። 6 ገሻ ማፃፋን “ሄኮ ዳሬቲዳ ቦንቾ ገዲዳ ኬላሰ ማዜኔን ኡቲዛ ሹቶ ታኒ ዲዮኔን ዋላና። ኢዛን አማኒዛይይ ዩላቴና” ገዛ ቃላይ ፃፊቲ ኡቲዳ። * 7 ሃሳ ገሽ አንቱሰ አማኒዛይታሰ ሄ ሹቶይ ቦንቾ ሹቶኮ ሸን ሃንኮ ኢዛን አማኖንታይታሰ ቃሰ “ሹቶን ከዲዛ ኬላ ሃላቲ ለቁ ዋራ ዩገዳይሰ ኢዚ ኬላ ማዜኔሰ ሁዔ ገዲዳ።” * 8 ቃሴካ “ሄኮ አሴ ቆጶዚዛ ሹቶይ ሃይሲቶ! አሳ ቆጶ ኩንዲሲዛ ዛላ ሹቶይ ሃይሳኮ” ጌሰ። ኢሰቲ ቃላ አማኖንታ ኢዲዳ ገሽ ቆጶቲቲ። ካሴካ ኢሰቲ ሃሳሰ ዲዛይታ። *

9 አንቱ ቃሰ ቆማፔ ጌዴ ዳር ማላሊሲዛ ኢዛ ፖዮኮ ያይገዲ ማላሊሲዛ ያሳ ኦሶ አዋጃናሰ ዳሬቲዳ ዩላቴላ። ካዎ ቁሴታ፣ ያሴ አንቱና ባሰ ሂሰቲዳ አንቱ ዲማ ዳሬታ። * 10 አንቱ ካሴ ያሳ ዳሬ ገዳኬታ ሸን ሃሳ ገዲኮ አንቱ ያሳ ዳሬ። አንቱ ካሴ አንቱሰ ያሴ ቃጶቶንታ ዳሬኮ ሸን ሃሳ ገዲኮ ቃጶቲዳ። *

ያሳ አሳንቻታ

11 ታ ሲቆቶ! አንቱ ሃይሳ አላሜዛ ቦላ አማሌኔ ቤቲ አሰ ገዲዳ ገሽ ሸምፖራ ኦላቲዛ አሾ አዎቲላታፔ ሃካና ማላ ታ አንቱና ሃዳራ ጋይሰ። 12 ኦኔ ኤሪዛይ “አንቱና ኢሰቲ ኢታ ኦላቲሰ” ገዲ አሳይ ዘገሪኮካ ያሴ ኦና ቤያናሰ ዩዛ ጋላሰ አይዛቤቲ አንቱ ኦሶይ ሎፖ ገዲዳይሳ ቤዒዲ ያሴ ጋላታና ማላ አንቱ ኢሰታራ ዲዛ ዎዴ አንቱ አማሌይ ሎፖ ገደ።

13 አንቱ ጎዳ ዩሱሳኮ ገሽ ገዲ ዳሬ አይሲዛይታሰ አዛዜቲቱ። ካዎይ ቃሰ ኡባፌ ቦላራ ዲዛ ገሽ ካዎሲካ አዛዜቲቱ። 14 ዳሬ አይሲዛይታሰ አዛዜቲቱ። ኢሰቲ ኢታ ኦላዛይታ ቃፃፃናሲኔ ሎፖ ኦላዛይታ ጋላታናሰ ካዎፔ ከቲቲዛይታ። 15 አንቱ ሎፖ ኦሶን ሃንኮ ኤራይ ባይንዳ ኤያቲላን ሃሳዩዛይታ ጮሁ ሂሰታና ማላ ሃሲካ ያሳ ሸኔ። 16 አንቱ ያሳሰ ኦላዛ አሳታ ማላ ገዲዲ ሂርጋይ ባይንዳ ዳሳቲ ኣቲን አንቱ አንቱ ሸኔ ማላ ዲዛ ዱሳ ኢታቲላ ካሚዛ ሚሽ ሂሰቶፍቲ። 17 አሰ ኡባካ ቦንቾቲ። አማኒዛይታ ሲቂቲ። ያሳሰ ባቢቲ። ካዎ ቦንቾቲ።

ከርሰቶሳ ዋይቲላ ለሚሶ

18 አንቱኖ አሳሰ ኦላ አቂዛይቶ! አንቱና ኦሲሲዛ ጎዳታሰ ቦንቾን አዛዜቲቱ። አንቱ አዛዜታናይ ሎፖታሲኔ አሽኬታሰ ፃላላ ገደንታ ሃንኮ ኢታታሳራኮ! 19 አሲ ጋላቲቲዛይ ጮ ማላ ቆሃቲሸ፤ ሃሲካ ያሳ ገሽ ገዲ ዳንዳያና። 20 አንቱ ኢታ ኦላዳ ገሽ ቃፃዩቲሸ ዳንዳዩኮ አንቱሰ አዛ ጋላታይ ዳኔ? አንቱ ሎፖ ኦላዲ ዋይ ኤኪሽ ዳንዳዩኮ አንቱ ያሳፌ ጋላታ ኤካንዴታ። 21 አንቱ

ያይጌቲዳይካ ሃሳሳ። አንቱ ኢዛ ለሚሶ ካላና ማላ ከርሰቶሲ አንቱ ገሽ ዋይ ኤኪዲ አንቱሰ ለሚሶ ገዲዳ። 22 ኢዚ አይኮ ናጋራካ ኦላቤና። ኢዛ ዱናን ጌኔይ ቤቲቤና። * 23 አሳይ ኢዛ ጫዩሽን ኢዚ ዛሪ ጫዩቤና። ዋይቲሸ ባና ቲሙ ፐርዲዛ ጎዳሰ ሃዳራ አላ አሚዳሰ ኣቲን ሃሎ ኬሳና ማንዲቤና። * 24 ኦኒ ናጋራፔ ሻካቲዲ ዲሎቲላን ዳና ማላ ኢዚ ባርካ ባ አሾን ኦ ናጋራ ማሰቃሌ ቦላ ቶኪዳሰ። አንቱ ኢዛ ማዲንላን ፓዲዳ። * 25 አንቱ ቆዩዳ ዳርሳታ ማላ ጮ ሚላ ቲይሩ ቲይሪዳታ ሸን ሃሳ ቃሰ አንቱ ሸምፖ ሃሚዛይሳኮኔ ናገዛይሳኮ ሲሚዳታ።

3

አዚና ገሽኔ ማቼ ገሽ

1 ሃሳላካ ማቼቶ! አንቱ አንቱ አዚናታሰ አዛዜቲቱ። ሃሳላ ኢሲ ኢሲ አዚናቲ ያሳ ቃላ አማኖንታይታ ገዲኮካ ጮ ሚላ ባ ማቼታ ሎዔቲላን ፃላላ ሲሞንታ ኣጌቲና። *

2 ኢሰቲ ሲማና ዳንዳዩዛይ አንቱ ገሻቲላኔ አንቱ አሴ ቦንቾዛ ዱሰ ዲዛይሳ ቤዩዲኮ። 3 አንቱ ሎዔቲላ ጮ ሚላ ሁዔ ዳላኒኔ ዋርቃን ጌዳቲላን፣ አልፖ ማኖ ማይፖን፣ ጮ ሚላ አይፊን ቤቲዛ ጌዳን ገደፖ። *

4 አንቱ ሎፖይ ያሳ ሲንላን ዋጋራ ዲዛ ኬሂ ቦንቾቲዳዚኔ ቆዮንታ ጌዳን፣ አሽኬቲላን፣ አዳቲላኒኔ አያናን ጌዳቲዳ ዎዝና ጋርሳን ቆቲቲ ዲዛ ገደ ዎዝና ሎዔቲላ ገደ።

5 ቤኒ ዎዴ ባ ሂደታ ያሳን ኦላዳ ገሻ ማጫሳቲ ጌዳቲዳይ ሃይሳ ማላና። ኢሰቲ ባ አዚናታሰ አዛዜቲቱ። 6 ኢሰቲ አዛዜቲዳይካ ሳራይ አብራሃሜ “ታ ጎደ!” ጋዳ አዛዜቲዳይሳ ማላ። አንቲካ ሎፖ ሚሽ ኦላኮኔ ኢሲ ኢታ ሚሽ አንቱና ዳጋንሎንታ ኣገኮ አንቱ ሳራ ናይታ።

7 አዚናቶ! አንቱ አንቱ ማቼታራ አኬካን ኢሲፌ ዳሳቲ። ኢሰቲ አንቲፌ ዳቡራንቻ ሜዴቲላ ገዲዳ ገሽኔ ቃሴካ ያሴ ጮ ሚላ ከያቲላን አሚዛ ዴያ ኢሰቲ አንቲናራ ኢሲፌ ላታናይሳ ገሽ አንቱ ኢሰታ ቦንቾቲ። አንቱ ሃይሳላ ኦላኮ አንቱ ዋሳ ቆጶዚዛ ሚሽ ዳና። *

8 አዚናቶ! አንቱ አንቱ ማቼታራ አኬካን ኢሲፌ ዳሳቲ። ኢሰቲ አንቲፌ ዳቡራንቻ ሜዴቲላ ገዲዳ ገሽኔ ቃሴካ ያሴ ጮ ሚላ ከያቲላን አሚዛ ዴያ ኢሰቲ አንቲናራ ኢሲፌ ላታናይሳ ገሽ አንቱ ኢሰታ ቦንቾቲ። አንቱ ሃይሳላ ኦላኮ አንቱ ዋሳ ቆጶዚዛ ሚሽ ዳና። *

ሎፖ ኦላዛ ገሽ ዋይ ቤፖ

8 ሃሳፌ አሳ ባጋራ ቃሰ አንቱ ኢሶይ ኢሳራ ሲቆን ዲቲ። ሃራ አሳ ቦላ ጋኪዛ ሜቶ አንቱ ሜቶ ማላ ያላቴ። አንቱ አንቱ ጋርሳን አሻንታ ማላ ሲቁቲቲ። አሽኬታኔ ከያታ ገዲቲ። 9 አንጂቲ ኣቲን ኢሰታሰ ኢታ ጫሻሰ ጫሽ ዛርፐቲ። አንቱ ያይጌቲዳይ ሃሳላ ኦላዲ አንጆ ላታናሳ። 10 ገሻ ማፃፋይ ገዛ ማላ “ዴፖን ዳና ኮዩዛይኔ ሎፖ ጋላሳታ ቤያናሰ ኮዩዛ አሲ ባ ዱናፔ ኢታ ሃሳዮንታ ማላኔ ባ ሜቲርሻቲካ ጌኔ ሃሳዮንታ ማላ ናጌቶ። 11 ኢታ ዮፖፔ ሃኮ፣ ሎፖ ኦላ፤ ሳርቲላ ኮዮኔ ካሎ። 12 ጎዳ አይፊቲ ዲሎታ ባጋ ያላቴሰ። ኢዛ ሃይላቲካ ኢሰታ ዋሳ ሲያናሰ ደያ ዳቲሰ። ሃንኮ ኢታ ኦላዛይታ ቃሰ ጎዳይ ባ ሃንቆ አይፊሶ ቤሳና” ገደሰ።

13 አንቱ ሎፖ ኦላናሰ ሚኔቲኮ አንቱ ቦላ ኢታ ሚሽ ጋላናይ ኦኔ? 14 አንቱ ሎፖ ኦላዳ ገሽ ዋይ ቤዒኮካ አንቱ አንጆ ኤካና። አሳይ አንቱ ቦላ ኢታ ኦላናሰ

* 2:6 አሳ 28:16 * 2:7 ማዛ 118:22 * 2:8 አሳ 8:14-15 * 2:9 ኬሳ 19:5-6፤ አሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ አሳ 9:2 * 2:10 ሆሴ 2:23 * 2:22 አሳ 53:9 * 2:23 አሳ 53:7 * 2:24 አሳ 53:5 * 3:1 ኤፌ 5:22፤ ቆላ 3:18 * 3:3 1ፃፖ 2:9 * 3:7 ኤፌ 5:25፤ ቆላ 3:19 * 3:14 ማቶ 5:10፤ አሳ 8:12-13

ማንዳቲዛይሳስ ባቦፊቴኔ ዳር ቆፖፍቴ። * 15 ጎዳ ከርሰቶሳ ኢንቴ ዋዝናን ቦንቺቴኔ ኢዛ ኢንቴ ዴዎስ ጎዳ ሂሰቲቴ። ኢንቴስ ዲዛ ሂደታ ገሽ ኢንቴና ኦይቺዛይታስ ኡባስ ዛር ኢማናስ ኡባ ዎዴ ገጌቲ ኡቲቴ። 16 ኢንቴ ኢስታስ ኢማና ዛርይ ቃስ ኣሽኬቴፋኒኔ ቦንቺን ገደ። ኢንቴ ከርሰቶሳይታ ገዲዳ ገሽ ኢንቴስ ዲዛ ሎዎ ኣማሌዛ ገሽ ኢታ ሃሳዪዛ ኣሳይ ባ ኢታ ሃሳያን ዩላታና ማላ ኢንቴስ ሎዎ ቆፋይ ዴዎ። 17 ያሳ ሼኔ ገዲኮ ኢንቴ ኢታ ኦሶ ኦሌዲ ዋይታናይሳፊ ሎዎ ኦሶ ኦሌዲ ዋይቲኮ ሎዎ። 18 ከርሰቶሳካ ኦና ያሳኮ ሽሻናስ ኢዚ ባ ሁዔስ ያሎኮ ሺን ሃንኮ ያሎ ገደንታ ኦ ናጋራ ገሽ ናምዓንፊቶንታ ማላ ኢሲቶ ዋይቲዲ ሃይቂዴስ። ኢዚ ኣሾን ሃይቂዴስ ሺን ኣያናን ቃስ ፓዲዴስ። 19 ሃሳ ሄ ኣያናን ቃሾ ኬፋን ዲዛ ሺምፖታኮ ቢዲ ኢስታስ ሚሺራቾ ቃላ ዮቲዴስ። 20 ሄይቲ ሄን ዎይኔ ኬፋን ዲዛ ሺምፖቲ ካሴ ናሄ ዎዴ ማርካቤዚ ኦፊቲ ገረሺን ኢስቲ ሲማና ማላ ያሲ ዲንዲያን ናገሺን ኦኒ ኔስ ኣዛዜቶኮ ገደይታ። ሄ ማርካቤዛን ገረሺን ሃፌፊ ኣቲዳይታ ቆዳይ ኦሶቸን ገዲዳ ጉላ ኣሳታ ዓላላ። * 21 ሄሲ ሄ ሃሳይ ሃዒ ቃስ ኢንቴ ኢዛን ኣቲዛ ያንቃቴ ለሚሶ። ሃይሲ ያንቃቴይ ቂታ ቦላ ጌናናስ ሜጬቴሌ ገደንታ ገሻ ቆፋ ኤካናስ ያሳኮ ሺሺዛ ያሳ። ኢዚ ኢንቴና ኣሻናይካ ዩሱስ ከርሰቶሳ ዴንሳ ባጋራ። 22 ኢዚ ፑዴ ሳሎ ቢዲ ሃዒ ያሳ ኣታን ዴስ። ከታንቻቲኔ ጎዳቴሌ ኢስታስ ዲዛይቲ ዎልቃማታካ ኢዛስ ሃራቲዳ።

4

ገሻቴላን ዲስ

1 ከርሰቶሳ ባ ኣሾን ዋይ ኤኪዳ ገሽ ኢንቴካ ኦላ ኦሌቲዛ ሚሼ ገዲዳ ኣሳ ማላ ሃይሳ ሃ ቆፋን ሚኒዲ ገጌቲቴ። ባ ኣሾን ዋይ ቤዱዳ ኣሲ ናጋራ ኦሶ ኣገደዴስ። 2 ሃሳፊ ጉዬ ባ ዲዛ ዎዴ ኡባን ኢዚ ዳናይ ኢታ ኣሾ ኣሞቴሌ ኦሶን ገደንታ ዲሼ ያሳ ሼኔ ፖሎና። 3 ሃንኮ ዴሬ ኣሳቲ ኦሌዛይሳ ማላ ኢንቴ ጮ ማላ ዬዳ ዲሳን ኣሾ ኣሞን፣ ማሉን፣ ኦጌይ ባይንዳ ካሳን፣ ዎጋፔ ኣሌ ኡዱዲ ዲሩሳኒኔ ሃራሲዛ ኤቃ ጎይናን ካሴ ኢንቴ ኣሌዳ ዎዴዚ ኢንቴስ ገደና። 4 ሃዒ ቃስ ኢንቴ ሃ ዮዎዛን ኢስታራ ዎጋይ ባይንዳ ቂዳ ቂደንታ ገሽ ኢስቲ ማላሌቴቲሲኔ ኢንቴና ጫዬቴስ። 5 ገደ ኣቲን ሃይቂዳይታ ቦላኒ ፓዳ ዲዛይታ ቦላ ፐርዳናስ ገረ ኡቲዳይሳስ ኢስቲ ዛር ኢማና። 6 ሃይቂዳይታሳራ ሚሺራቾ ቃላይ ዮቲቲዳይ ሃሳ ገሻሳ። ሃሳላካ ኣይ ኣሳ ቦላካ ፐርዲዛ ማላ ኢስታ ኣሾ ቦላ ፐርዳና። ኢስታ ሺምፖይ ቃስ ያሲ ዲዛ ማላ ዴዎን ዴያና።

ያሳ ኣሞታታ ዎጋራ ጎዔቴሌ

7 ሃሳ ገሽ ዎዴ ወርሴሌ ማቲዴስ። ኢንቴ ሚኒ ዎሳናስ ዲንዲያና ማላ ዎጋራ ዲቴኔ ዎፑ ገዳ ቆፋይ ኢንቴስ ዴዎ። 8 ሲቆይ ዳር ናጋራ ካሚዛ ገሽ ሃራፔ ቦላራ ኢንቴ ኢንቴ ጋርሳን ሎዔሌ ሲቁቲቴ። * 9 ዙዙገሌ ባይንዳ ኢሶይ ኢሳ ኢማላቴሌ ሞኪ ኤከቴ። 10 ዲማ ዲማ ገዲዳ ያሳ ኪያቴላ ኣሞታታ ኣማኔቴላን ኦይኪዲ ኢንቴፊ ኢሲ ኢሲ ኣሲ ባስ ኢማቲዳ ያሳ ኪያቴላ ኣሞታን ሃራ ኣስ ማዴ። 11 ታማርሲዛዴይ ያሳ

ቃላ ታማርሲዛ ማላ ታማርሶ፤ ሃጋዚዛዴይ ያሲ ኢዛስ ኢሚዛ ዎልቃን ሃጋዘ፤ ሃሳ ማላን ያሲ ዩሱስ ከርሰቶሳ ባጋራ ሃኒዛ ኡባን ጋላቴታና። ቦንቺይኔ ጎዳቴሌ ሜርናፔ ሜርና ጋካናስ ኢዛስ ገደ። ኣሚን!

ሜቶ ዲንዳዮ

12 ታ ሲቆቶ! ኢንቴ ታማ ማላ ፓጩዛ ሜቶ ገደን ጌሊዛ ዎዴ ሃሳ ማላይ ካሴ ባይንዳ ኦራፋ ሚሺ ጋኪዳዝ ኢንቴስ ሚሳቲን ማላሌቶፍቴ። 13 ሃሳፊ ቦላራ ከርሰቶሳ ቦንቺይ ቆንጩዛ ዎዴ ኢንቴ ኬሂ ኡፋይታና ማላ ኢንቴ ኢዛራ ኢዛ ዋይዛ ኤኪዛይታ ገዲዳ ማላ ኡፋይቲቴ። 14 ኢንቴ ከርሰቶሳ ሱንሳ ገሽ ጫዬቲኮ ቦንቺ ኣያናይ ሄሲካ ያሳ ኣያናይ ኢንቴ ቦላ ሺምፐዝ ገሽ ኡፋይቲቴ። 15 ኢንቴፊ ኦና ቦላካ ሜቶይ ጋኪኮ ሃሳዴይ ሺምፖ ዎዲዳ ኣሳ ማላ፣ ካይሶ ማላ፣ ኢታ ኦሌዳ ኣሳ ማላኔ ኣሳ ዮዎ ገደ ጮ ዎዲ ጌሊዳዴ ማላ ገደ። 16 ኢዚ ኣማኒዛዴ ገዲዳ ገሽ ኢዛ ቦላ ጋኪዛ ሚቶይ ዲኮ ቃስ ከርሰቶሳ ሱንሳን ኢዚ ያሳ ጋላቶ ኣቲን ዩላቶ።

17 ፐርዳይ ደሚታናስ ዎዴይ ማቲዴስ። ሄ ፐርዳይ ደሚታናይ ኮይር ያሳ ኣሳ ቦላኮ! ሂሰቲን ፐርዳይ ኦናን ደሚኮ ያሳ ሚሺራቾ ቃላስ ኣዛዜቶንታ ኢዲዳ ኣሳ ወርሴሌ ኣይ ገደኔ? 18 ገሻ ማፃፋይ “ዲሎይካ ዎይዲ ኣታናዝ ገዲኮ፣ ሃንኮ ያሳስ ጎይናንታ ኣሳይኔ ናጋራንቻቲ ዋናንዴቶ?” ገዛ ማላ። * 19 ሃሳ ገሽ ያሳ ሼኔ ማላ ዋይቲዛ ኣሳቲ ባናቴላ ወርሲ ኣማኔቴዳ ባና ሜዲዳይሳስ ሃዳራ ኢሚዲ ሎዎ ኦሶ ኦሶንታ ኣጎፊቶ።

5

ያሳ ኣሳ ኣይሳናስ ኢማቲዳ ዎጋ

1 ሃሳ ገሽ ታካ ኢስታራ ኢሲፊ ዎሳ ኬፋስ ጨማኔ ከርሰቶሳ ዋይዛስ ማርካ ገዲዳ ታኒ ቃሴካ ቡሮፔ ቆንጫና ቦንቺዛ ገሽታናስ ዲዛ ታኒ ኢንቴናራ ዲዛ ዎሳ ኬፋ ጨማታ ዙሪይስ። 2 ኢንቴስ ሃዳራ ኢማቲዳ ያሳ ወዴ ናገቴ። ሄ ኢዛ ወዴዛ ዎልቃራ ገደንታ ያሲ ኮዪዛ ኦጌራ ደሳራ ሄሚቴ። ሚሼስ ዩቁቴላን ገደንታ ሃጋዛናስ ዎዝናፔ ኮሻን ገደ። * 3 ሃሳላካ ኢንቴ ኣላፊቴላ ጋርሳን ዲዛይታ ዬዲ ሃርን ገደንታ ወዴዛስ ሎዎ ለሚሶ ቤሶን ገደ። 4 ኢንቴ ሃሳላ ኦሌኮ ሃንኮ ዋና ሃሚዛይሲ ቆንጩዛ ዎዴ ኢንቴ ሞራቶንታ ቦንቺ ኣክሊሌ ኤካና።

5 ሃሳላካ ኢንቴኖ ናቴላቶ! ኢንቴ ጨማታስ ኣዛዜቲቴ። ኢንቴ ወሪካ ኣሽኬቴሌ ኣፋላ ማላ ማይዒዲ ኢሶይ ኢሳስ ኦሌቴ። “ያሲ ኦቶሪዛይታ ኢፃስ። ኣሽኬታስ ቃሴ ባ ኪያቴሌ ኢማስ” ጌቲቴ ካሴ ገሻ ማፃፋን ፃፊቲዴስ። * 6 ሃሳ ገሽ ያሲ ባ ዎዴን ዶቁ ሂሰታና ማላ ሚኖ ያሳ ኩሼፔ ጋርሳራ ኢንቴና ዘቂ ሂሰቲቴ። * 7 ኢዚ ኢንቴስ ቆፐዝ ገሽ ኢንቴና ሜቲዛ ቆፋ ወርሲ ኢዛ ቦላ ዩገቴ።

8 ዎጋራ ዴዒቴ! ቤጌቴ! ኢንቴ ሞርኬ ዳቡሎሲ ባስ ሚታና ሚሽ ኮዪሼ ፃገዛ ጋሞ ማላ ኢንቴ ዩሾን ሃርቡቁስ። 9 ኣላሜ ኩሜላን ዲዛ ኢንቴ ኢሻቲ ሃሳ ማላ ሚቶ ኤካና ዲዛይሳ ኢንቴ ኤራዲ ኣማኖን ሚኒ ኤቁዲ ኢዛራ ኤቁቴቴ። 10 ኢንቴ ጉላ ዎዴስ ዋይቲዳይሳፊ

* 3:20 ሜዴ 6:1-7:24 * 4:8 ሊሞ 10:12 * 4:18 ሊሞ 11:31 * 5:2 ዮሃ 21:15-17 * 5:5 ሊሞ 3:34 * 5:6 ማቶ 23:12፤ ሊቃ 14:11፤ 18:14

ጉዬ እንቴና ኪርሰቶሳ ባጋራ ጌዴ ሜርና ቦንቸሰ ዪይጊዳ ኪያቴሉ ኡባሰ ጎዳይ ኢዚ ባርካ እንቴና ጋኪዳ ዋዬዛፔ ኣሻና፡ ማዳናኔ ሚንጼላና ቃሴካ ዳዝጊሳና። 11 ቦንቸይኔ ዋልቃይ ሜርናፔ ሜርና ጋካናሰ ኢዛሰ ጊዶ። ኣሚን።

ወርሴላ ሳርካ

12 ታኒ ኢዛን ኣማኔቲዳ ኢሻ ጋ ቆፒዛ ሲልዋኖሴ ባጋራ ሃይሳ ኪታዛ ቃንሳራ እንቴሰ ፃፋዲሰ። ታ ሄሳ ፃፊዳይ እንቴና ዞራናሴኔ ሃይሲ ቱሙ ያሳ ኪያቴሉ ጊዲዳይሳ እንቴሰ ቆንጨሳናሰ ጋዳ። ሄሳ ጊሽ እንቴ ሃይሳን ያሳ ኪያቴላን ሚኒ ኤቂቴ። *

13 እንቴ ማላ ዶሬቲዳራ ባቢሎኔን ዲዛ ሚቸ ጊዲዳ ዋሳ ኬላያ እንቴሰ ሳርካ ሸሻዉሰ። ታ ና ማርቆሰካ እንቴና ሳርኬሰ። * 14 ኣማኖ ሲቆቴላን እንቴ ኢሶይ ኢሳ ዬሪ ኤኪዲ ሳርኬቲቴ።

እንቴሰ ኪርሰቶሳይታሰ ኡባሰ ሳርይ ጊዶ።

* 5:12 ሃዋ 15:22፣40 * 5:13 ሃዋ 12:12፣25፣ 13:13፣ 15:37-39፣ ቆላ 4:10፣ ፒል 24

ጸፅርሳ ፃፊዳ ናምዓንጎላ ኪታ ጊዶ ቆፋ

ሃዋሪ ጸፅርሳ ናምዓንጎላ ኪታ ፃፊዳይ ዲማ ዲማሶን ዲዛ ቤኒ እማኒዛ አሳሳ። ሄ እዛ ኪታሰ እይፊ ዮፆይ ዋርዶ አሰታማሬታ ኢታ ኦሎኔ ሄ ኢሰታ ተሚርቲ ጌዶን ዪዳ ባላ ዴዎ አሳይ አገና ማላ። ሄ ዋዴ ሜዴቲዳ ሜቶታ ቢርሻናሰ ዳንዳያናይ ዩሱሰ ኪርሰቶሳ ካሴ ባ አይፊራ ቤዩዳይታኔ ኢዚ ታማርሲሽን ባ ሃይላን ሲዩዳ አሳቲ አሚዳ ተሚርቲ ባጋራ ያሳ ጊሽኔ ጎዳ ዩሱሰ ኪርሰቶሳ ጊሽ ቱማ ኤራቴል ዳሜቶ። ፃፊዚ ሃራቴካ ሎዔል ናጌቲዳይ “ኪርሰቶሰ ሃ ሲሚ ዩና” ጊዛ ዋርዶ ተሚርቲ ጊሻሳ። ኢዚ ሃሳ ጊሽ ዮቲሼ “ኪርሰቶሰ ኤሌሊ ሲሚ ዮንታ ማላ ኢዛ ዲጊዛይ አሲ ዉሪካ ባ ናጋራፔ ሲሚዲ አታና ማላፔ አቲን ኢኒካ ቆያና ማላ ኮዮንታ ጊሻሳ” ጌሰ።

ሃ ማፃፋይ እይኪዳ ኩሜላ ቆፋ
ጌሎሶ 1:1-2
እማኒዛይታ ያይጌቴል 1:3-21
ዋርዶ አሰታማሬታ 2:1-22
ኪርሰቶሳሰ ናምዓንጎላ ዩሳ 3:1-18

1 ዩሱሰ ኪርሰቶሳ ኦሳንቻኔ ኢዛን ሃዋሪ ሲሞና ጸፅርሳፔ፣ ኦ ጎዳቴኔ ኦ ቆሌ ዩሱሰ ኪርሰቶሳፔ ቤቲዳ ያሎቴል ባጋራ ኦ ዳሚዳ አማኖ ማላ ቦንቹቲዳ አማኖ ዳሚዳይቶ! 2 ያሳኔ ኦ ጎዳ ዩሱሳ ኤርን ኪያቴልኔ ሳርይ አንቲሰ ጊዶ።

ያሳን ያይጌቲ ኢዛን ዶሬቴል

3 ባ ቦንቻኒኔ ባ ኪያቴላን ኦና ያይጌዳይሳ ኦኒ ኢዛ ኤሪዳ ጊሽ ኢዛ ያሳቴል ዋልቃይ ዳዎሲኔ ያሴ ጎይናሰ ኦሰ ኮሽዛዝ ዉርሲ አሚዳሰ። 4 ባ ቦንቻኒኔ ባ ኪያቴላን ቦንቻ ዋጋይ ዲዛይሳኔ ኬሂ ጌታ ጊዲዳ ኢዛ ሂደታ ኦኒ ዳሚዳሰ። ሄይታንታ ባጋራ አንቲ ኢታ አዋ ጋሶን ሃይሳ ሃ አላሚዛን ዲዛ ቆዮፔ ኬሲ ኤኪዲ ያሳቴል ሃናዛፔ ኢዛራ ጊሽቲዛዳንታ ጊዲዳታ።

5 ሃሳ ጌዶን ሃይሳፊ ካሊዛ ሚሻቲ አንቲሰ ጉጃታና ማላ አኔ ሚኒቲ። አማኖ ቦላ ኪያቴል፣ ኪያቴል ቦላ ኤራቴል፤ 6 ኤራቴል ቦላ ባና ሃር ባና ሃር ቦላ ዳንዳያን ሚኒቲል፤ ዳንዳያን ሚኒቲል ቦላ ያሴ ጎይና፣ 7 ያሴ ጎይና ቦላ አሻንታ ዶሴቴል፣ አሻንታ ዶሴቴል ቦላ ሲቆ ጉጃቲ። 8 ሃይቲ አንቲሰ ዳሪ ዲዛዝ ጊዲኮ ሃይቲ አንቲና አንቲ ጎዳ ዩሱሰ ኪርሰቶሳ ኤርን ጎዳይኔ አይፊይ ባይንዳይታ ጊዶንታ ማላ ናጋና። 9 ሃይቲ ሃ ሚሻቲ ባይንዳ አሲ ጊዲኮ ሃሆን ዲዛ ሚሽ ዳሞንታ ቆቄ አሳ ማላ። ሃሳይይ ካሴ አዲዳ ባ ናጋራፔ ጌይዳይሳካ ባለቲዳሰ።

10 ታ አሻቶ! ሃሳ ጊሽ አንቲ ያይጌቲዳይሳኔ ዶሬቲዳይሳ ሻኪ ኤራናሰ ኬሂ አሞቲዛይታ ጊዲቲ። አንቲ ሃሳል ኦሊኮ ሙሉካ ቆዳቴኬታ። 11 አንቲ ሃሳል ሃኒኮ ሚርናፔ ሚርናሰ ዲዛ ኦ ጎዳ ዩሱሰ ኪርሰቶሳ ካዋቴላን ጌላናሰ አንቲሰ ኩሜላ ማታይ አሜታና።

* 1:18 ማቶሆሳ 17:1-5፤ ማር 9:2-7 * 2:5 ሜዴ 6:1-7:24

12 አንቲ ሃይታ ሃ ዮፆታ ኤሪዳኔ ሄ አንቲ ኤሪዳ ቱማን ሚኒ ዳዒኮካ ሃይታ ታኒ አንቲና ቆፊሳናፔ ጉዩ ጊኬ። 13 ታኒ ጋፃ ዲዛ ዋዴ ኡባን አንቲና ኡባ ዋዴ ዴንሌላናይሲ ቤሲዛዝ ሚሳቲዲ ታሰ ቤቲሰ። 14 ኦ ጎዳ ዩሱሰ ኪርሰቶሰ ታሰ ቆንጨሲዳ ማላ ታኒ ሃይሳ አላሚዛፔ ኤሌላዳ ሃይቃናይሳ ታ ኤራይሰ። 15 ታኒ ሃዒ ሚኔቲዛይ ታ ሃይቃዳ አንቲፊ ሻኬቲዳፔ ጉዩ አንቲ ሃይታ ሃ ዮፆታ ኡባ ዋዴ ቆጋና ማላሳ።

ኪርሰቶሳ ቦንቻ ባ አይፊን ቤዩዳ ማርካታ

16 ጎዳ ዩሱሰ ኪርሰቶሳ ዋልቃፊ ኢዛሰ ዩሳ ጊሽ ኦ አንቲሰ ዮቲዳ ዋዴ ኦኒ ኦ አይፊራ ኢዛ ቦንቻዛ ቤዩዲ ማርካቶሰ አቲን አሲ ጮ ሜላ ሜዲ ኤኪዲ ጌኔ ሃሳዩዛ ሃይሲዒ ማላ ጊዳና። 17 “ታኒ ኢዛን ኡፋዩቲዛዳይ ታ ዶሲዛ ታ ናዚ ሃይሳ” ጊዛ ቃላ ጊሪሳይ ጌታ ቦንቻራ ኢዛሰ ዩዳ ዋዴ ኢዚ ያሳ አዋፔ ቦንቻኔ ጌታቴል ኤኪዳሰ። 18 ኦኒ ኢዛራ አንጃቲዳ ዙማ ቦላ ዲሼ ሃይሳ ሃ ሳሎፔ ዩዳ ጊሪሳ ኦኒ ኦ ሃይላን ሲዩዳሰ። *

19 ሄሲ ዉሪካ ካሴ ናቤቲ ዮቲዳይሲ ቱሙ ጊዲዳይሳ ሎዔል ቆንጨሲሰ። ሃሳ ጊሽ አንቲ ቆሚሶን ያምፔሰ ሎዔል ናጌቲዛይሳ ማላ ካሴ ናቤቲ ዮቲዳይሳ ሎዔል ናጌቲቲ። አንቲ ሃሳል ኦላናይ ጋይይ ዋንታናሰ፣ ባዘይ ዘዓና ጋካናሲኔ ዋንታ ማላ ያለንቲዚ አንቲ ዋዝናን ፖሳና ጋካናሳ። 20 አንቲ ሃራፔ አሊ ቆጋናሰ ቤሲዛይ ጌሻ ማፃፋን ዲዛ ቲንቢቲ ቃላን ዮቲቲዳ አይ ሚሽካ ኦኒካ ባሰ ሚሳቲዳ ማላ ቢርሻናሰ ቤሲና። 21 አይ ቲንቢቲይካ አሳ ሼኔ ማላ ሙሉካ ዩቤና። ጊዶ አቲን ቲንቢቲይ ዉሪካ ያሎ አያናይ ካሌሊን ኢዛ ካሊዳ አሳቲ ያሳፊ ኤኪዲ ዮቲዳዛ።

2

ዋርዶ አሰታማሬታ

1 ጊዶ አቲን ቤኒ ዋዴ ዋርዶ ናቤቲ ዳሪዛ ጊዶን ዲዛይሳ ማላ ሃሳልካ ሃዒ አንቲ ጊዶን ዋርዶ አሰታማሬቲ ዳዓንዳቴሰ። ሄይታንቲ አሳ ቆይሲዛ ዋርዶ ተሚርቲ ቆታራ ዲጫና ማላ ኦሌቴሰ። ባና አሽዳ ጎዳካ ካዲዲ ባና ኤሶን ቆይሲዛዝ ባ ቦላ ኤሄቴሰ። 2 ሃሳ ጌዶን ዳር አሳይ ዩላቸዛ ኢሰታ ኦኒዛ ካሌሰ። ሄ ኢሰታ ኦሶዛ ጌዶን ቱማ ኦጌይ ጫዩቴሰ። 3 ሃይቲ ዋርዶ አሰታማሬቲ ሚሻሰ ጋጲጋጲዛ ጊሽ ባርካ ሜዲ ኤኪዳ ዮፆ ዮቲ ዮቲዲ አንቲሰ ዲዛዝ ባሰ ቦንቄ ኤኬቴሰ። ቤኒ ቤኒ ዋዴሶፔ ፐርዳይ ኢሰታሰ ጊጌቲ ኡቲዳሰ። አዳፊ ኢሰታ ቆዮይ ናጌሰ።

4 ሃራይ አቶ ሺን ናጋራ ኦሊዳ ኪታንቻታሰ ያሲ ሚሹቶንታ ኢሰቲ ጨማ ጊዲዳ ቆማ ኦላ ጊዶን ዳዒዲ ፐርዳ ጋላሰ ጋካናሰ ናጌታና ማላ ጌዴ ጋናሜን ዩጊዳሰ። 5 ሃሳልካ ያሎቴል ጊሽ ሳባኬ ጊዲዳ ኖሃ ሃንኮ ላፑን አሳታራ አሽዲ ያሳሰ ጎይናንታ አሳቲ ዲዛ አላሚዛ ቦላ ቆይሲዛ ሃሌ ኤሂሼ ቃዴቲዲ ካሴ ሄ ዋዴ አላሚዛ ማሪቤና። * 6 ቃሴካ ያሴ ጎይናንታይታ ቃፃፃናሰ ኡባሰ ለሚሶ ጊዳና ማላ ሶዶሜይኔ ጋሞራ ካታማቲ ቢዲንል ጊዳና ጋካናሲኔ ፀጌቲ ቆያና ጋካናሰ ኢሰታ ቦላ ፐርዲዳሰ። *

* 2:6 ሜዴ 19:24 * 2:7 ሜዴ 19:1-16

7 ዋጋይ ባይንዳ ዩላቸዛ ኦሶ ኦሊዛ ኣሳታ ኦሶን ኡባ ዋዴ ሶዑ ጊሼ ዲዛ ዓሎ ሎዳ ጊዲኮ ኣሺ ኤኪዳስ። * 8 ሄ ዓሎ ኣዳዚ ኢስታ ጊደን ዲሺን ጋላስ ጋላስ ኢዚ ቤዩዛይሳኒኔ ሲዩዛይሳን ሄ ዋጋይ ባይንዳ ኣሳታ ኦሶዛን ኢዛ ሸምፖያ ዋዴታዲስ። 9 ሂሰቲን ሄሲ ወሪካ ሄሳ ማላ ጊዲኮ ጎዳይ ባስ ጎይኒሼ ዲዛ ኣሳታ ፓጩፔ ኣሻናይሳኔ ናጋራንቻታካ ዋስቲ ቃፃፃናኮኔካ ፐርዳ ጋላሳስ ዋስቲ ኢስታ ናጊዲ ጋላናኮኔ ሄሳ ኢዚ ኤሪስ ጉሳ።

10 ሃራፔካ ሄይቲ ቱና ጊዲዳ ባ ኣሾ ኣሞ ካሊዛይታኔ ያሳ ጎዳቴላ ካዲዛይታ ፐርዳ ጋላሳስ ናጊ ዋላዲስ። ሄይቲ ዋርዶ ኣስታማራቲ ኢስቲ ዓላታኔ ኦቶራንቻታ ጊዲዳ ጊሽ ሳሎ ቦላ ኢስታስ ጎዳቴላ ዲዛይታ ጫዩሼ ባቤቴና። 11 ኪታንቻቲ ኢስታፊ ቦላራ ዋልቃይኔ ጎዳቴላ ዲዛይታ ጊዲኮካ ጎዳ ሲንሳን ኢስታ ቦላ ካዴ ቃላ ኬሲ ሞቴቴና።

12 ሄይቲ ዋርዶ ኣስታማራቲ ቃስ ባስ ኤሪቶንታ ኢዳዳ ሚሽ ወርሲ ጫሽ ጫዬቴስ። ሄይታንጉቲ ናርፃን ኦይኬታናሲኔ ሃይቃናስ ዩሎቲዳ። ጮ ማላ ባ ሼኔን ዲዛይታኔ ቆፋይ ባይንዳ ደዓታ ማላ። ደዓቲ ጮ ማላ ዳዩዛይሳላ ኢስቲካ ሙሌራ ዳያና። 13 ቆሆ ኦሶ ኦሊዳ ጊሽ ኢስቲ ሙሌራ ባ ኦሶ ዋጋ ኤካና። ኢስታ ኡፋይሲ ሴታ ጋላስ ማላቴላኔ ዋጋይ ባይንዳ ቡራቆ። ኢስቲ ሄሳ ማላ ዋጋይ ባይንዳ ጉፋን ኢንቴናራ ኢሲፊ ዳይጌቲዛ ዋዴ ኣስ ባሌላዛ ባ ኣሾ ኦሶዛን ኢስቲ ኢታኔ ዩላቸዛይታ። 14 ኢስታስ ናጋራ ኦሶፔ ናጌቶንታ ኣሞቲዛ ኣይፊይ ዳስ። ኢስታስ ናጋራ ኦሶ ሰቂዛ ኣሞቴላ ኣይ ዋዴካ ሲሚና። ኣማኖን ቡር ሚኒ ኤቆንታ ኣሳታ ባሌላቴስ። ሚሻስ ጋዲጋዴቴስ። ኢስቲ ቃንጌቲዳይታ። 15 ኢስቲ ሱራ ኦጌዛ ኣጋጊዲ ዳዩዳ። ኢታ ኦሶ ኦሊዳ ዳሚዛ ሚሽ ሲቂዳ ቢዖሪ ና ባላዓማ ኦጌ ቢዲ ባሌቲዳ። 16 ባላዓማይ ጊዲኮ ባ ኦሊዳ ናጋራ ጊሽ ሴራቲዳስ ሺን ሃሳያ ኤርንታ ሃሪያ ኣሳ ቃላን ኢዛስ ሃሳያዳ ሄ ናቤዛ ባላፔ ሴራ ዛራዲስ።

17 ሄይቲ ሄ ኣሳቲ ሃላ ባይንዳ ፑልቶታ። ጎቲ ጫርኮን ቢዛ ሻራ ማላ፤ ኢስታ ሳካና ዳማይ ናጌስ። 18 ካሴ ባላ ጋርሳን ዲዛ ኣሳታ ጊደፊ ኬሲ ኤኪ ዩዲ ዳር ጋምዖንታ ኣሳታ። ጮ ማላ ሃዳ ጊዲዳ ኦቶር ቃላ ሃሳያን፣ ኣሾ ኣሞኒኔ ላይማን ባሌላቴስ። 19 “ኢንቴ ዋዜታና” ጊሼ ኢንቴስ ኡፋይስ ኢሜቴስ። ያኔቲዳ ኣሲ ባና ያኒዳዴስ ኣይሌ ጊዲ ሃራፔዛይሳላ ኢስቲካ ባስ ናጋራስ ኣይሌ። 20 ኦ ጎዳኔ ኦና ኣሺዳ ዩሱስ ከርሰቶሳ ኤሪዲ ሃ ኣላሚዛ ቱናቴላፊ ኬሲ ኤኪዳፔ ጉዩ ቃሴካ ጉዩ ሲሚዲ ሄ ካሴ ቱናቴላን ያኔቲዳ ጌሊኮ ኢስታስ ካሴይሳፊ ጉዩይሲ ኣዶ ኢታ ጊዳና። 21 ኢስቲ ዓሎቴላ ኦጌ ሻኪ ኤሪዳፔ ጉዩ ኢስታስ ኢሜቲዳ ጌሻ ኣዛዛዛፔ ጉዩ ሲማናፔ ኢስቲ ካሴ ሄ ዓሎቴላ ኦጌዛ ኤርንታ ኣጊዳኮ ኢስታስ ሎሾሺን። 22 “ካናይ ባ ጮዩዳ ጮሻ ማናስ ጉዩ ሲሚስ” ሄሳላካ “ጉዲንላ ሚጮቴዲ ጉዩ ሲሚ ኡርቃን ጌንዴሪቴስ” ጌቴቲዛ ቱሙ ለሚሶይ ኢስታ ቦላ ጋኪዳስ። *

3

ጎዳ ዩሱስ ከርሰቶሳስ ናምዓንሉ ዩስ

* 2:22 ለም 26:11 * 3:3 ዩሁ 18 * 3:5 ሜዴ 1:6-9 * 3:6 ሜዴ 7:11 * 3:8 ማዛ 90:4 * 3:10 ማቶ 24:43፤ ሉቃ 12:39፤ 1ታሶ 5:2፤ ኣጁ 16:15 * 3:13 ኣሳ 65:17፤ 66:22፤ ኣጁ 21:1

1 ታ ሲቆቶ! ታኒ ኢንቴስ ዓፊሺን ሃይሲ ናምዓንሉ ኪታ። ታኒ ኢንቴስ ናምዑ ኪታታካ ዓፊዳይ ሃይታ ሃ ዮዖታ ኣኬኪ ኤኪዲ ኢንቴ ሱራ ቆፋ ቆፓና ማላ ኢንቴና ቤጎላና ጋዳ። 2 ሃይሳፊ ካሴ ጌሻ ናቤቲ ዮቲዳ ቃላኔ ቃስ ኢንቴ ሃዋራታ ባጋራ ኢንቴ ዳሚዳ ኦ ጎዳኔ ኦና ኣሺዳይሳ ኣዛዛ ኢንቴ ዩሺ ቆፓና ማላ ታ ኮያይስ።

3 ሃራ ኡባፊ ካሴቲዲ ሃይሳ ዩሺ ቆፐቴ። ወርሴላ ጋላሳታን ቁዲዛይቲኔ ባ ኢታ ኣሞ ካሊሼ ኣሳ ካዲዛይቲ ያና። * 4 ኢስቲ ቃስ “ጎዳ ዩሱስ ‘ያና’ ጊዛ ሂደታይ ዮቴቲቤኔ? ሂሰቲን ኢዚ ኣዋን ዲዜ? ቤኒ ኦ ኣዋቲ ሃይቆሳፔ ሃ ሲሚን፣ ሃኒዛ ሚሽ ወሪካ ሜዴቶሳፔ ሃ ሲሚን ሄኮ ካሴ ባ ዲዛ ማላ ዳስ” ጌቴስ። 5 ሄይቲ ሄ ኣሳቲ ካሴ ዳር ዋዴፔ ካሴ ሳሎይ ያሳ ቃላን ሜዴቶይሳኔ ቢታይካ ሃላፊኔ ሃላን ዲዛይሳ ኤሪሼ ካዴቴስ። * 6 ሄ ዋዴ ዲዛ ኣላሚዛ ሃላን ሚቴቲ ዳዩዳስ። * 7 ሄሳላካ ሃራ ዲዛ ሳሎይኔ ቢታይ ናጋራንቻቲ ዳያና ዲዛ ፐርዳ ጋላስ ጋካናስ ታማስ ጊሺ ኡቲዳ።

8 ታ ሲቆቶ! ኢንቴ ጊዲኮ ጎዳ ኣቻን ኢሲ ጋላስ ሺ ላይላ ማላ፣ ቃሴካ ሺ ላይላ ኢሲ ጋላሳ ማላ ጊዲዳይሳ ሄሳ ሄ ሃናዛ ባሎፐቴ። * 9 ኢሲ ኢሲ ኣሳታስ ሚሳቲዛ ማላ ጎዳይ ባ ዮቲዳ ሂደታ ቃላ ፖላናስ ጋምዔናኮ ሺን ኣሲ ወሪካ ማራታና ማላኔ ኣይ ኣሲካ ዳዮንታ ማላ ኮይዲ ኢዚ ኢንቴ ጊሽ ታኬስ።

10 ጎዳ ጋላሳይ ቃሴ ካይሶ ዩላ ማላ ቆፖንታ ዲሺን ጋኪ ዋዳና። ሄ ጋላስ ሳሎቲ ጊታ ጊሪሳን ኣዳና። ሜዴቴላ ወሪካ ታማን ፀጌቲ ዳያና፤ ቢታይኔ ኢዛ ቦላ ዲዛዚ ወሪካ ፀጌታና። * 11 ሃሳ ጊሽ ሄይቲ ወሪካ ሃሳላ ዳያናዚ ጊዲኮ ሂሰቲን ኢንቴ ጌሻቴላን ያሳስ ጎይኒሼ ዳናስ ኢንቴስ ዋኒ ቤሴኔ? 12 ሃሳ ጊሽ ያሳ ጋላሳይ ያናይሳ ኢንቴ ላሞቲዛይታኔ ኢዚ ኤሌሊ ያና ማላ ኦሊዛይታ ጊዲቴ። ሄ ጋላስ ሳሎይ ታማን ፀጌቲ ዳያና። ሜዴቴላቲካ ታማ ሴላን ሴራና። 13 ጊደ ኣቲን ኦኒ ኢዚ ኦስ ኢሚዳ ሂደታ ማላ ዓሎቴላ ኦሶይ ኦሴቲዛሶ ኦራላ ሳሎኔ ኦራላ ቢታ ናጎስ። * 14 ሃሳ ጊሽ ታ ሲቆቶ! ሄሲ ወሪካ ሃናና ጋላስ ኢንቴ ናጊሼ ዲኮ ጎዳይ ኢንቴና ኢንቴ ቦላ ቦርይ ባይንዳ ዲሺን ሳርቴላን ዳማና ማላ ሚኒ ዲቴ። 15 ኦ ጎዳ ዳንዳያይ ኢንቴና ኣሻናስ ጊዲዳይሳ ኢንቴ ኤሪቴ። ኦ ሲቆ ኣሻ ዳወሎሲ ባስ ኢሜቲዳ ኤራቴላ ማላ ኢዚ ኢንቴስ ዓፊዳይሲ ሃይሳ። 16 ኢዚ ሃይሳ ሃ ሃናዛ ጊሽ ባ ኪታታን ኡባን ሃይሳላካ ዓፊዳስ። ኢዛ ኪታታ ጊደን ኤራናስ ዋይሲዛ ኢሲ ኢሲ ሃናቲ ዳቴስ። ኤራቴላ ኢስታስ ፓጩዳይቲኔ ናምዑ ቆፋን ዮቁ ጊዛይቲ ሃራ ጌሻ ማፃፋታ ሚርቁዛይሳላካ ሃይታካ ኢስቲ ሚርቃና። ኢስቲ ሃሳላ ኦሊዛይ ባስ ዳያናሳ።

17 ታ ኢሻቶ! ኢንቴ ቃስ ሃሳ ካሴቲዲ ኤሪዳ ጊሽ ሃንኮ ማካላታ ባላ ጌደን ጎሹቲ ቢዲ ካሴ ኢንቴ ሚኒ ዲዛሶፔ ኩንደንታ ማላ ናጌቴቴ። 18 ሃሳፊ ቦላራ ኦ ጎዳኔ ኦ ዳሌ ዩሱስ ከርሰቶሳ ኪያቴላኒኔ ኢዛ ሻኪ ኤርን ፑዴ ዲጩቴ። ኢዛስ ሃራካ ሜርናሰካ ቦንቻይ ጊደ። ኣሚን።

ኡፋይሳይ ኩሜል ገዳና ማላ ኑ ሃይሳ አንቴስ ዓፎስ።
*

ዮሀንሳ ግፊዳ ኮይር ከታ ጊዶ ቆፋ

ዮሀንሳ ኮይር ዩዲዳ ከታዛን ናምዑ አይፊ ዮቲ ዳቴስ። ሄይቲካ ሄ ከታዛ ናባቢዛይታስ ያሳራኔ ያሳ ና ዩሱስ ከርስቶሳራ ኢሲፊቴል ዳዓና ማላ ኢስታ ማንጭጭሲኔ ሄሳ ሄ ኢሲፊቴል ቆይሲዛ ዋርዶ ቲሚርቲፊ ኢስቲ ናጌታና ማላ። ሃይሲ ከታይ ግፊቲዛ ዋዴ ሄ አላሜዛ ቦላ ዳር ዋልቃማ ዋርዶ ቲሚርቲይ ዳስ። ሄ ቲሚርቲዚካ ኢሲ ኢሲ አማኒዛ አሳታ አማኖፕ ካሬ ኬሲዳስ። ሄ ዋርዶ አስታማሬቲ ታማርሲዛ ኢታ ቲሚርቲይ 1. “ዮሲ አያና አላሜ ዓላላ ሜዲዳስ። 2. ሃይሳ ሃ አላሜዛን ዲዛ አይፊን ቤቲዛ ሚሽ ኡባኔ ኑ አሳቴል ያሲ ሜዲቤና። ሄሳ ገሽ ሄ ሜዲቴላቲ ወሪካ ኢታ ዓላ። 3. ሃይሲ አይፊን ቤቲዛ አላሜዚኔ ኑ አሳቴላይ ኑ አያና ቆሃናሲኔ ቱኒሳናሲ ዳንዳዬና።” ሃይሳ ጉሲ “ኮይር ያሳፊ ዩዳ ዩሱሳስ አሳ አሳቴል ዳና። ቃሴካ ናምዓንጭ አሳዳይ ሃራ አሳ ቦላ ናጋራ ኦሊኮኔ ኢዚ ሃራ አስ ኢዳኮ ሃሳዴ ኦሊዚ ኢዛ አያና ቆሃናሲኔ ቱኒሳናሲ ዳንዳዬና” ጉሳ። ሃይቲ ሄ አስታማሬቲ “አቶቴላ ጉሲ ሃይሳ አላሜዛ ዲሳስ ቆፖንታ አጎ ኮሼስ” ገ ታማርሲቴስ። ሃሳራካ ጋሊዲ “ሎዖ ኦሲን ገዲን ዋይኮ አሴ ሲቆይ ሙሌካ ኮሼና” ገ ታማርሲቴስ።

ሃሳ ገሽ ዮሀንሳ ባ ከታን ሃሳላ ዋርዶ ቲሚርቲይ ቱሙ አማኖ ቲሚርቲፊ ካሬ ገዲዲይሳ ታማርሲቴስ። ሃሳ ሄ ቲሚርቲዛ ኢያን ዩሱስ ከርስቶሲ ኩሜላራ አሴኮ፤ ዩሱሳን አማኒዛይቲኔ ያሴ ሲቆዛይቲ ወሪካ ባ ጋርሳን ኢሶይ ኢሳራ ሲቆታናሲ ቤሴስ ገዲ ኤሪሲዳስ። ቃሴካ ዩሱሲ ቱሙ አሳ አሾ ማይዲዲይሳኔ ዩሌቲዲይሳ ካዲዛይይ ያሳፊ ዩሌቲቤና። (4:2-3) ጎዳ ያሳፊ ዩሌቶንታይይ ቃሴ ያሳፕ ገዲዲዳ ሲቃናዉ ዳንዳዬና። ያሳፊ ዩሌቲዲዳይ ኡባ ዋዴ ናጋራን ዳዓናሲ ዳንዳዬና። (3:10)

- ሃ ማግፋይ ኦይኪዳ ኩሜላ ቆፋ
- ጌሎሶ 1:1-4
- ፖዎኔ ቆማ 1:5-2:29
- ዮሳ ናይታኔ ያላዔ ናይታ 3:1-24
- ቱማኔ ዋርዶ 4:1-6
- ቱማ ሲቆ 4:7-21
- ዮኒዛ አማኖ 5:1-21

ዴዖ ቃላ

1 ዴዖ ቃላ ገሽ ኮይርፕ ዲዛይሳ ኑኒ ኑ ሃይሳን ሲዩዲይሳኔ ኑ አይፊራ ቤዩዲይሳ ሎዔል ያሊዲይሳ። ኑ ኩሼራ ኦይኪ ቤዩዲይሳ ገሽ ሃሳዮስ። * 2 ዴዖይካ ቆንጨዳስ፤ ኑካ ኑ አይፊራ ቤዩዲ ማርካቶስ። ኢዛስ ኢዛ አዋ አቻን ዲዛይሳኔ ኑሰካ ቆንጨዳ ማርና ዴዖ ገሽ ኑ አንቴስ ዮቶስ። * 3 አንቴሰካ ኑናራ ኢሲፊቴል ዳና ማላ ኑኒ ቤዩዲይሳኔ ሲዩዲይሳ አንቴስ ዮቶስ። ኑ ኢሲፊቴላይካ አዋራኔ ኢዛ ና ዩሱስ ከርስቶሳራ። 4 ኑ

* 1:1 ዮሃ 1:1 * 1:2 ዮሃ 1:14 * 1:4 ኑ ኡፋይሳይ ኢሲ ኢሲ ቢርሹቻታን አንቴ ኡፋይሳይ ጌቲቲዳስ።

ፖዎን ሲሜሬቲል

5 ኑ ኢዛፕ ሲይዲ አንቴስ ዮቲዛ ከታይ “ዮሲ ፖዎ፤ ኢዛ አቻን ሙሌካ ቆማይ ዳና” ገዛይሳ። 6 “ኑ ቆማን ሲሜሬቲሼ ኢዛራ ኑስ ኢሲፊቴል ዳስ” ገኮ ዋርዶቶስ አቲን ቱማን ደኮ። 7 ገዶ አቲን ኢዚ ፖዎን ዲዛ ማላ ኑካ ፖዎን ሲሜሬቲኮ ኑ ጋርሳን ኑስ ኢሲፊቴል ዳስ፤ ኢዛ ና ዩሱስ ከርስቶሳ ሱሊ ኑና ናጋራ ኡባፊ ጌሼስ። 8 ኑ ኑናን ናጋራይ ባዋ ገኮ ኑርካ ኑና ባሌላስ፤ ቱማይካ ኑናን ዳና። 9 ኑኒ ኑ ናጋራ ፓዲኮ ኢዚ ኑ ናጋራ አቶ ጋናሲኔ ኑ ቆሆፕ ኑና ወርሲ ጌሻናሲ ኢዚ አማኔቲዳዴኔ ያሎ። 10 ኑ ናጋራ ኦሊቤኮ ገኮ ኢዛ ኑ ዋርዳንቻ ኬሶሲኔ ኢዛ ቃላይካ ኑናን ዳና።

2

1 ታ ናይቶ! ታ አንቴስ ሃይሳ ግፊዛይ አንቴ ናጋራ ኦላንታ ማላሳ። ገዶ አቲን ኦኒካ ናጋራ ኦሊኮ አዋ አቻን ኑስ ግባቃይ ዳስ። ኢዚካ ያሎከ ዩሱስ ከርስቶሳ።

2 ኢዚ ኑ ናጋራይ አቶ ጌቲታና ማላ ኦጌ ገሲዚዛዴ፤ ሃሲካ ኑና ያላላ ገዶንታ ኩሜላ አላሜ አሳሳራ አቲን ኑስ ያላ ገደና። 3 ኑ ኢዛ አዛዘታ ፖሊኮ ኑ ኢዛ ኤሪዳይሳ ሃሳን አማኔቶስ። 4 “ታ ኢዛ ኤሪይስ” ገሼ ኢዛ አዛዘ ፖሎንታይ ገዲኮ ሃሳዴይ ዋርዶ አሳ አቲን ቱማይ ኢዛዴን ዳና። 5 ቃሴ ኦኒካ ኢዛ ቃላ ናገኮ ቱሙ ያሳ ሲቆይ ኢዛዴን ፖሊቲዳስ። ኑኒ ኢዛን ዲዛይሳ ኤሪዛይ ሃሳና። 6 ታ ኢዛን ዳይሰ ገዛ አሲ ኦኒካ ዩሱሲ ሲሜሬቲዳ ማላ ሲሜሬታናሲ ቤሴስ።

ኦራላ አዛዘ

7 ታ ሲቆቶ! ታ አንቴስ ግፊዛይሲ ካሴ አንቴስ ዲዛር አንቴኮን ጋምዒዳ አዛዘዮ አቲን ሃራ ኦራላ አዛዘ ገደና፤ ጋምዒዳ አዛዘያ ካሴ አንቴ ሲዩዳ ቃላ። 8 ሃራ ባጋራ ታ አንቴስ ግፊዛይ ከርስቶሳ አቻኒኔ አንቴ አቻን ቱሙ ገዲዳ ኦራላ አዛዘ፤ ጋሶይካ ቆማይ አዲን ቱሙ ፖይፕ ፖዎ ቦላ ዳስ።

9 ፖዎን ዳይሲ ገሼ ባ አሻ ኢዳዛይይ ሃዒካ ቆማን ዳስ። 10 ባ አሻ ሲቆዛይይ ፖዎን ዳስ፤ ሃሳዳስ ቆዴ ገዲዛ ሚሽ ዳና። 11 ገዶ አቲን ባ አሻ ኢዳዛይይ ገዲኮ ቆማ ገዶን ዳስ፤ ቆማን ሲሜሬቲስ፤ ቆማይ ኢዛ ቆቁሲዳ ገሽ ኢዚ አዋ ቢዛኮኔ ባ ቢዛሶ ኤሪና።

12 ታ ናይቶ! አንቴ ናጋራይ ዩሱስ ከርስቶሳ፤ ዳንዲዲይሳን አቶ ጌቲቲዳ ገሽ ታ አንቴስ ግፋይስ። 13 አዋቶ! ካሴ ኮይርፕ ዲዛይሳ ኢዛ አንቴ ኤሪዛ ገሽ ታ አንቴስ ግፋይስ፤ ናቴላቶ! አንቴ ኢታ ገዲዳ ግላዔ ያኒዳ ገሽ ታ አንቴስ ግፋይስ።

14 ናቴላ ናይቶ! አንቴ አዋ ኤሪዳ ገሽ ታ አንቴስ ግፋይስ። አዋቶ! ኮይርፕ ዲዛይሳ ኢዛ አንቴ ኤሪዳ ገሽ ታ አንቴስ ግፋይስ። ናቴላቶ! አንቴ ሚናታ ገዲዳ ገሼኔ ያሳ ቃላይ አንቴናን ዲዛ ገሽ አንቴ ኢታ ገዲዳ ግላዔ ያኒዳ ገሽ ታ አንቴስ ግፋይስ።

አላሜ ደሶፕቲ

15 ሃይሳ አላሜዛ ዋይኮ ሃ አላሜዛን ዲዛ አይ ሚሼካ ደሶፕቲ። ኦኒካ ሃ አላሜዛ ደሲኮ አዋ ሲቆይ ኢዛዴ አቻን ዳና። 16 ጋሶይካ ሃ አላሜዛን ዲዛይ ወሪ

አሾ አሞቴል። አይፊስ ሎዎኔ ዲሳን ጨቁቴል፤ ሃይተ አላሜፕ ኣቲን ያሳ አሞፕ ዩዛይታ ገዴቴና። 17 አላሜይኔ አላሜን ዲዛ አሞቴል ኣፋና ሺን ያሳ ሺኔ ፖሊዛይተ ገዲኮ ሚርናሰ ዳና።

ኪርሰቶሳራ ኤቁቴዛይታፕ ናጌቴል

18 ናይቶ! ሃይሲ ወርሴላ ሳቴ። ኣንቴ ሲዩዳ ማላ ኪርሰቶሳራ ኤቁቴዛይይ ያና። ሃሲካ ኪርሰቶሳራ ኤቁቴዛ ዳርቲ ዩዳ። ሃይሲ ወርሴላ ሳቴ ገዲዳይሳ ኑ ሃይሳን ኤርሰ። 19 ኢሰቲ ኑ ገደፌ ከዚዳ። ገደ ኣቲን ኢሰቲ ካሴካ ኑ ባጋ ገዴቴና። ኢሰቲ ኑ ባጋ ገዲዳይኮ ኑናራ ሚኒ ኤቃናኮሽን፤ ገደ ኣቲን ኢሰቲ ወሪ ኑ ባጋ ገደንታይሲ ኤሬታና ማላ ኑፕ ሻኬተዳ

20 ኣንቴና ቃሴ ኪርሰቶሲ ዓሎ ኣያናን ተዩዳሰ፤ ሃሳ ገሽ ኣንቴ ወሪካ ቱማ ኤሬታ። 21 ታ ኣንቴሰ ዓወዛይ ኣንቴ ቱማ ኤርንታ ገሽ ገዴና፤ ገደ ኣቲን ኣንቴ ቱማ ኤሪዛ ገሺኔ ቱማ ጋርሳፌ ኣይኮ ዋርዶይካ ቤቶንታይሳ ኣንቴ ኤሪዛ ገሻሳ።

22 ዩሱሳ ኢዚ ኪርሰቶሳ ገዴና ገ ካዲዛዴፌ ሃራ ዋርዳንታይ ኦኔ? ሃሳዴይ ኣዋኔ ናዛ ካዲዛ ኪርሰቶሳራ ኤቁቴዛዴ። 23 ናዛ ካዲዛዴሰ ኦናሲካ ኣዋይ ዳና፤ ናዛ ኤኪዛዴሰ ኡባሰ ኢዛሰ ኣዋይካ ዳሰ።

24 ኣንቴ ኮይር ሲዩዳ ቃላያ ኣንቴናን ዱ፤ ኣንቴ ኮይር ሲዩዳራ ኣንቴናን ዲኮ ኣንቴካ ናዛኔ ኣዋን ዳና። 25 ሚርና ዳይይ ኢዚ ኑሰ ኢማና ገዳ ሂዶታ ቃላ።

26 ኣንቴና ባሌዛዛ ኣሳታ ገሽ ሃይሳ ኣንቴሰ ዓፋዲሰ።

27 ኣንቴ ቃሴ ኢዛፕ ኤኪዳ ዓሎ ኣያናይ ኣንቴናን ዲዛ ገሽ ሃራይ ኦኒካ ኣንቴና ታማርሳናሰ ቤሴና። ኢዚ ኣንቴና ታማርሳናይሲ ቱሙ ኣቲን ዋርዶ ገዴና፤ ሃሳ ገሽ ዓሎ ኣያናይ ኣንቴና ታማርሲዳ ማላ ኪርሰቶሳን ዳዒቴ።

28 ሃሳ ገሽ ናይቶ! ኢዚ ቆንጨዛ ዋዴ ኑሰ ዓላቴል ዳና ማላ ኢዚ ዩዛ ዋዴካ ኑ ኢዛ ሲንሳን ዩሌቶንታ ማላ ኣንቴ ኢዛን ዳዒቴ። 29 ኢዚ ዓሎ ገዲዳይሳ ኣንቴ ኤሪዛ ገዲኮ ዓሎ ኦሊዛይ ወሪ ኢዛፕ ዩሌተዳይሳ ኣንቴ ኤሬታ።

3

ያሳ ናይታ

1 ኦኒ ያሳ ናይታ ጌቴታና ማላ ኣዋይ ዳርሲ ሰቁዳ ኢዛ ሰቆይ ኑሰ ኣይ ማላ ገታኮኔ ኣኔ ቤዩቴ! ቱሙካ ኑ ኢዛ ናይታ። አላሜይ ኑና ኤርንታ ኣገዳይ ኢዛ ኤርንታ ኣገዳ ገሻሳ። 2 ታ ኣሻቶ! ኦኒ ሃሲ ያሳ ናይታ፤ ቡር ኑ ኣይ ሃናናኮኔ ሃሲ ቆንጨቤና፤ ኪርሰቶሲ ቆንጨዛ ዋዴ ኑ ኢዛ ቤያናኔ ኑካ ኢዛ ሚሳታናይሳ ኑ ኤርሰ። 3 ሃይሳ ኢዛን ሂዶታ ኦሊዛይ ወሪ ኢዚ ጌሽ ገዲዳ ማላ ባና ጌሹሰ።

4 ናጋራ ኦሊዛይ ወሪካ ማካላ ኦሊሰ፤ ናጋራይካ ማካላ። 5 ኢዚ ናጋራ ዳይሳናሰ ቆንጨዳይሳ ኣንቴ ኤሬታ። ኢዛን ናጋራይ ባዋ። * 6 ኢዛን ዲዛ ኣሲ ኦኒካ ናጋራ ኦሊሰ። ናጋራ ኦሊዛይ ኦኒካ ገዲኮ ኢዛ ቤይቤና ዋይኮ ኤሪቤና።

7 ታ ናይቶ! ኣንቴና ኦኒካ ባሌዳንታ ማላ ናጌቴቴ። ኢዚ ዓሎ ገዲዳ ማላ ዓሎ ኦሊዛይካ ዓሎ። 8 ናጋራ ኦሊዛይ ዓላዔፕ፤ ጋሶይካ ዓላዔይ ኮይርፕካ ናጋራ ኦሊዛዴ። ያሳ ናይ ቆንጨዳይካ ዓላዔ ኦሶ ላላናሳ።

* 3:5 ዮሃ 1:29 * 3:11 ዮሃ 13:34 * 3:12 ሜዲ 4:8

9 ያሳፌ ዩሌተዳይ ወሪ ናጋራ ኦሊሰ። ያሳ ዜሬላ ኢዛን ዲዛ ገሺኔ ኢዚ ያሳፌ ዩሌተዳ ገሽ ናጋራ ኦላና ዳንዳዩና። 10 ያሳ ናይቲኔ ዓላዔ ናይቲ ሻኬተ ኤሬቴዛይ ሃሳና። ዓሎ ኦሶንታይኔ ባ ኣሻ ሲቆንታይ ወሪ ያሳፌ ገዴና።

ኣንቴ ኢሶይ ኢሳራ ሲቁቴቴ

11 ኣንቴ ኮይር ሲዩዳራ “ኑ ኑ ጋርሳን ሲቁታና ቤሴሰ” ጌቴተዳ ኪታያ ሃና። * 12 ኢታ ባጋ ገዲዲ ባ ኣሻ ዋዴዳ ቃዩሌ ማላ ገደፕቴ። ኢዚ ኣዛሰ ዋዴዳ? ጋሶይካ ኢዛ ኦሶይ ኢታ፤ ኣሻ ኦሶይ ሎዎ ገዲዳ ገሻሳ። *

13 ታ ኣሻቶ! ኣንቴና ኣላሜ ኣሳይ ኢዛኮ ማላሌቶፍቴ። 14 ኦኒ ኑ ኣሻታ ደሲዛ ገሽ ሃይቆፕ ጌዴ ዴዎን ፕኒዳይሳ ኑ ኤርሰ። ሲቆይ ባይንዳይይ ወሪ ሃይቆ ገደን ዴሰ። * 15 ባ ኣሻ ኢዓዛዴይ ሽምፖ ዋዴዳ ኣሳ። ሽምፖ ዋዴዳዴሰ ሚርና ዴይይ ባይንዳይሳ ኣንቴ ኤሬታ። 16 ዩሱሰ ኪርሰቶሲ ባ ሽምፖ ኑ ገሽ ኣላ ኢሚዳ ገሽ ሲቆይ ኣዛኮኔ ኑ ሃሳን ኤርሰ። ኦካ ኑ ሽምፖ ኑ ኣሻታ ገሽ ኣላ ኢማናሰ ኑሰ ቤሴሰ።

17 ሚሺ ዲዛዴይ ኦኒካ ባ ኣሻይ ዋይቴሺን ቤዩዲ ኢዛሰ ሚሹቶንታ ኣገኮ ያሳ ሲቆይ ኢዛን ዋኒ ዳኔ? 18 ታ ናይቶ! ቱሙ ኦሶንፕ ኣቲን ሙ ዲናኒኔ ቃላን ያላላ ሲቁቴል ኣኔ ኣጎሰ።

19 ኦኒ ቱሙ ባጋ ገዲዳይሳ ሃይሳን ኤርሲኔ ኑ ዋዛናካ ኢዛ ሲንሳን ሽምፕሶሰ። 20 ሃሲካ ኑ ዋዛናይ ኑ ቦላ ፕርዲዛ ሚሻን ኡባን ያሲ ኑ ዋዛና ቆፋፕ ቦላራ ገዲዳ ገሽ ኢዚ ወርሲ ኤሬሰ። 21 ታ ኣሻቶ! ኑ ዋዛናይ ኑ ቦላ ፕርደንታ ኣገኮ ኑሰ ያሳ ሲንሳን ባቢዛ ሚሺ ዳና። 22 ኑ ኣዛዞታ ናገዛ ገሺኔ ኢዛ ኡፋይሲዛዛ ኦሊዛ ገሽ ኑ ኢዛ ዋሲዛዛ ወርሲ ኑ ኢዛፕ ኤካና። 23 ኢዛ ኣዛዞይካ ኑ ኢዛ ናዛ ዩሱሰ ኪርሰቶሳ ኣማናናሲኔ ኢዚ ኑና ኣዛዚዳ ማላ ኦኒ ኑ ገደን ደሴታና ማላሳ። * 24 ኢዛ ኣዛዞታ ናገዛይቲ ወሪ ኢዛን ዳቴሰ፤ ኢዚካ ኢሰታን ዳሰ። ኢዚ ኑናን ዲዛይሳ ኑ ኢዚ ኑሰ ኢሚዳ ኣያናን ኤርሰ።

4

ኣያና ፓጩ ዓሊቴ

1 ታ ኣሻቶ! ኣያና ወርሲ ኣማናፕቴ፤ ገደ ኣቲን ኣያናቴ ያሳፊኮኔ ፓጩ ቤይቴ። ጋሶይካ ዳር ዋርዶ ናቤቴ ቤታ ቦላ ላሌተዳ። 2 ኣንቴ ያሳ ኣያና ኤራና ኦኔይ “ዩሱሰ ኪርሰቶሲ ኣሳ ኣሾ ማይዒዲ ዩዳሰ” ገዛ ኣያናይ ወሪ ያሳፊኮ! 3 “ዩሱሰ ኪርሰቶሲ ኣሳ ኣሾ ማይዒዲ ዩዳሰ” ጎንታ ኣያናይ ያሳፌ ገዴና፤ ካሴ ኢዚ ያና ገሺን ኣንቴ ሲዩዳ ኪርሰቶሳራ ኤቁቴዛ ኣያናይ ሃሳ፤ ሃሲካ ኢዚ ኣላሜ ቦላ ዳሰ።

4 ታ ናይቶ! ኣንቴ ያሳይታ። ኣንቴ ኢሰታ ያኒዳታ፤ ጋሶይካ ኣንቴናን ዲዛይ ኣላሜን ዲዛይሳፌ ኣዴሰ። 5 ኢሰቲ ኣላሜ ባጋኮ፤ ሃሳ ገሽ ኢሰቲ ሃሳዩዛይ ወሪ ኣላሜፕ ኬዚዛይሳ፤ ኣላሜ ኣሳይ ኢሰቲ ገዛይሳ ሲዩሰ። 6 ኑ ቃሴ ያሳ ባጋ፤ ያሴ ኤሪዛይ ኑ ገዛዝ ሲያና ሺን ያሳ ባጋ ገደንታይይ ገዲኮ ኑ ገዛዝ ሲዩና። ቱማ ኣያናኔ ዋርዶ ኣያና ኑ ሻኪ ኤሪዛይ ሃይሳና።

* 3:14 ዮሃ 5:24 * 3:23 ዮሃ 13:34፤ 15:12፤17

የሳ ሲቆ

7 ታ አሻቶ! ሲቆይ የሳፌ ገዲዳ ገሽ ኑኒ እኔ ሲቆቶስ። አሳ ሲቆዛ አሲ ወሪ የሳፌ ዩሌቲዳዴኔ ያሴ ኤሪዛዴ። 8 አሰ ሲቆንታ አሲ ያሴ ኤሪና። አዛሰ ገኑ ያሴ ሲቆ። 9 የሳይ ኑ ገደን ባ ሲቆ ቆንጨሲዳይ ኑ አዛ ባጋራ ዴዎ ዴማና ማላ ባ ና አሲኔዛ ሃ ዱጌ ሃ አላሜዛን ዩዲዳይሳና። 10 ኑኒ ያሴ ሲቆቤይኮ ሽን አዚ ኑና ሲቆዴስ። ኑ ናጋራ ዳይሳና ማላ ባ ናዛ ዩዲዳስ። ሲቆ ጉሲካ ሃሳ።

11 ታ አሻቶ! ያሴ ኑና ሃይሳላ ሲቆኮ ኑካ ኑ ገደን ሲቆታናሰ ቤሴስ። 12 ያሴ ቤዩዳ አሲ ኦኒካ ባዎ። ኑኒ ኑ ገደን ሲቆቲዛ ገዲኮ ያሴ ኑናን ዳና። አዛ ሲቆይካ ኑናን ፖሌታና። *

13 አዚ ኑስ ባ አያና አሚዳ ገሽ ኑ አዛን ዲዛይሳኔ አዚካ ኑናን ዲዛይሳ ኑ ሃሳን ኤሮስ። 14 አዎይ ባ ናዛ ሃይሳ ሃ አላሜ አሳ አሻናሰ ዩዲዳይሳ ኑ ቤይዶሲኔ አዛ ገሽ ማርካቶስ። 15 ዩሱሲ ያሳ ና ገዲዳይሳ አማኒዲ ማርካቲዛ ኡባን ያሴ ዴሲኔ፣ አዛዴይካ ያሳን ዴስ። 16 ሃሳ ገሽ ያሴ ኑና ሲቆዛ ሲቆ ኑ ኤሮስ። ኑ አዛ ሲቆን አማኔቶስ። ያሴ ሲቆ። ሲቆን ዲዛይይ ያሳን ዴስ። ያሴካ ሃሳዴን ዴስ። 17 ኑኒ ሃይሳ ቢታ ቦላ ዴዲዛይ ከርሰቶሲ ዴዲዳ ማላ ገዲዳ ገሽ ኑስ ፐርዳ ጋላሰ ባቦይ ዴና። ሃሳንካ ሲቆይ ኑናን ኩሜል ገዴስ። 18 ሲቆ ገደን ባቦይ ባዎ፤ ቱሙ ሲቆይ ገዲኮ ባቦ ኬሲ ዎራ ዩጌስ። ባቦይ ቁፀፎራ አሲፌ ኦይኬቲ ዴስ። ባቢዛዴ ሲቆይ ኩሜል ገዴና።

19 አዚ ካሴቲዲ ኑና ሲቆዳ ገሽ ኑካ አዛ ሲቆስ። 20 ኦኒካ ያሴ ሲቆይሰ ገሼ ባ አሻ አዳኮ ሃሳዴይ ዎርዶ። ባ አይፌራ ቤዩዛ ባ አሻ ሲቆንታ አሲ ባ አይፌን ቤዮንታ ያሳ ሲቆናሰ ዴንዳዬና። 21 “የሴ ሲቆዛ አሲ ወሪካ ባ አሻ ሲቆናሰ ቤሴስ” ገዛ ሃ አዛዞዛ አዚ ኑስ አሚዴስ።

5

የሳ ናን አማኖ

1 ዩሱሲ አዚ ከርሰቶሳ ገዲዳይሳ አማኒዛይ ወሪ የሳፌ ዩሌቲዳስ። አዎ ደሲዛይ ወሪ ናዛካ አዛላ ደሴስ። 2 ኑኒ ያሴ ደሲኮኔ አዛ አዛዞ ናገኮ ኑ ያሳ ናይታ ሲቆዛይሳ ሃሳን ኤሮስ። 3 ያሳ ዶሶ ጉሲ አዛ አዛዞ ናገ፤ አዛ አዛዞቲ ዴዎ ገዴቲና። 4 ጋሶይካ ያሳፌ ዩሌቲዳይ ወሪ አላሜ ያኔስ። አላሜ ያኒዛይካ ኑ አማኖ። 5 ዩሱሲ ያሳ ና ገዲዳይሳ አማኒዛዴፌ አቲን አላሜ ያኒዛይ ሃራይ ኦኔ?

6 ሃሳኒኔ ሱላን ዩዳይ ሃይሳ ዩሱሰ ከርሰቶሳ። አዚ ሃሳኒኔ ሱላን ዩዳስ አቲን ሃሳን ፃላ ዩቤና። ሃሳካ አዛ ገሽ ማርካቲዛይ አያና። ሄ አያናይ ቱሙ አያና። 7 ሃሳ ገሽ አዛሰ ሃዙ ማርካቲ ዴቲስ። 8 ሃይቲካ አያና፣ ሃሴኔ ሱላ፤ ሃዘታ ቃላይካ አሲና። 9 ኑ አሳ ማርካቲል አማኒኮ ያሳ ማርካቲል ሃሳፌ አዴስ። ሃሲካ አዚ ባ ናዛ ገሽ አሚዳ ያሳ ማርካቲላ። 10 ያሳ ናን አማኒዛዴ ኡባ ዎዝናን አዛ ገሽ ማርካይ ዴስ። ያሴ አማኖንታይ ወሪካ ያሴ ባ ናዛ ገሽ አሚዳ ማርካቲላ አማኖንታ ገሽ አዛ ዎርዶሴስ።

11 አዛ ማርካቲላይካ ያሴ ሜርና ዴዎ ኑስ አሚዴስ፤ ሄ ዴዎይካ አዛ ናዛን ዴስ ገዛይሳ። * 12 ናዚ ዲዛዴስ ዴዎይ ዴስ፤ ያሳ ናይ ባይንዳዴስ ዴዎይ ባዎ።

* 4:12 ዮሃ 1:18 * 5:11 ዮሃ 3:36

ኩሻ ቆፋ

13 አንቲስ ያሳ ናን አማኒዛይታሰ ሜርና ዴዎይ ዲዛይሳ አንቲ ኤራና ማላ ታ ሃይሳ አንቲስ ፃፋይስ። 14 ኑ ያሳ ሲንል ሺቃናሰ ኑስ ዲዛ ፃላቴል ሃይሳ። ኑ አይ ሚሺካ አዛ ሼኔ ማላ ዎሲኮ አዚ ኑ ዎሳ ሲያና። 15 ኑ አዛ ዎሲዛ ሚሽ አዚ ወርሲ ሲዩዛይሳ ኑ ኤሪዛ ገዲኮ ኑ ዎሲዳ ሚሻ ወርሲ ኤካናይሳ ኑ ኤሮስ።

16 ኦኒካ ባ አሻይ ባና ሃይቆስ ጋላንታ ናጋራ ኦልሺን ቤዩኮ አዛሰ ዎሶ። ያሴካ ሃይቆስ ጋላንታ ናጋራ ኦልዳይታሰ ዴዎ አማና። ሃይቆስ ጋላዛ ናጋራይካ ዴስ። ሃይቆስ ጋላዛ ናጋራ ገሽ ዎሶ ገኬ። 17 ማካላይ ወሪካ ናጋራ፤ ሃይቆስ ጋላንታ ናጋራይካ ዴስ።

18 ያሳፌ ዩሌቲዳይ ወሪ ናጋራ ኦልፍ፤ ጋሶይካ ያሳ ናይ አዛ ናገዛይሳኔ አታይ አዛ ቦቾንታይሳ ኑ ኤሮስ።

19 ኑኒ ያሳፌ ገዲዳይሳኔ አላሜይ ኩሜል አታ አሳ ኩሼን ዲዛይሳ ኑ ኤሮስ።

20 ያሳ ናይ ዩዳይሳ ቱሙ ገዲዳ አዛ ኑ ኤራና ማላ አኬካ አዚ ኑስ አሚዳይሳ ኑ ኤሮስ። ኑካ ቱሙ ገዲዳ አዛ ናዛ ዩሱሰ ከርሰቶሳን ደስ፤ አዚካ ቱሙ ያሳን ሜርና ዴዎ።

21 ናይቶ! አንቲናቴላ ኤቃታፔ ናገቲ።

ዮሀንሳ ፃፊዳ ናምዓንሉ ኪታ ጊደ ቆፋ

ናምዓንሉ ኪታዚ ፃፊቲዳይ ጨማ ጊደዳ ሃዋሬ ዮሀንሳን ጊደሽን ኪታዚ ፃፊቲዳይ ኢሲ ዶሬቲዳ ጎዳቲይሲኔ ኢዚ ናይታሰ። ኦኔ ኤሪዛይ ኢሲ ዋሳ ኬላን ዲዛ እማኒዛይታሰ ፃፊቶንታ ኣኔና። ሃይሲ ሃ ቃንላ ኪታዚ ፃፊቲዳይ ኣሳይ ባ ጋርሳን ኢሳይ ኢሳራ ሰቋታና ማላ ቆፊሳናሲኔ ዋርዶ ኣስታማሬታፕ ኢሰታ ቲሚርቲፊካ ኣሳይ ናጌታና ማላሳ።

ሃ ማፃፋይ ኦይኪዳ ኩሜላ ቆፋ
ጌሎሶ 1-3
ሲቆይ ኡባፌ ኣዲስ 4-6
ዋርዶ ቲሚርቲፊ ናጌታና ማላ ቆፊሶ 7-11
ኩሻ ቆፋ 12-13

1 ታፕ ጨማዛፕ፤ ቱማፕ ታ ዶሲዛ ዶሬቲዳ ጎዳቲይሲኔ ኢዚ ናይታሰ፤ ታና ፃላ ጊደንታ ቱሙ ኤሪዛይቲ ወሪ ዶሲዛሪሰ ኪቲቲዳ ኪታ። * 2 ጋሶይካ ሃይሲ ቱማይ ሃዲካ ኑ ጊደን ዲዛይሳኔ ሲንሳፊካ ሜርናሰ ዳናይሳ።

3 ፆሳ ኣዋፕኔ ኢዛ ና ዬሱሰ ኪርሰቶሳፕ ኪያፕ። ማርፕ። ሳርይ ቱማኒኔ ሲቆን ኑናራ ጊደ።

4 ኔ ናይታፕ ባጋቲ ኣዋፕ ኦሰ እሜቲዳ ኣዛዘዛ ማላ ቱማን ሚኒ ዲዛይታ ታ ቤዱዳ ጊሽ ዳር ኡፋይታዲሰ።

5 ሃዲካ ጎዳቲዬ! ካሴፕካ ዲዛር ኣቲን ታ ኔሰ ሃራ ኦራፋ ኣዛዘ ፃፊኩ፤ ሃሲካ ኦኒ ኑ ጊደን ሲቋታናይሳ። *

6 ሄ ሲቆይካ ኑ ኢዛ ኣዛዘዛ ማላ ዳናይሳ። ኣዛዘዚካ ኢንቲ ኮይር ሲዱዳ ማላ ሲቆን ዳና ማላ።

7 ዬሱሰ ኪርሰቶሲ ኣሳ ኣሾ ማይዲዲ ዪቤና ጊዛ ኣማናንታ ዳር ባሌላዛይቲ ኣላሜ ቦላ ላሌቲዳ። ሃይታ ማላይ ኣይ ኣሲካ ኣሰ ባሌላዛይኔ ኪርሰቶሳራ ኤቋቲዛዳ።

8 ኢንቲ ጊዲኮ ኢንቲ ዳቡራ ዋጋፕ ሜላ ኣቶንታ ማላኔ ኩሜላ ዋይቶ ኤካና ማላ ኢንቲ ሁዔሰ ናጌቲ።

9 ኪርሰቶሳ ቲሚርቲ ማላ ዶንታ ኣሲኔ ኢዛ ቲሚርቲፊ ባሌቲዲ ካሬ ኬዚዛ ኣሰ ኦናንካ ፆሲ ዳና። ኪርሰቶሳ ቲሚርቲን ዲዛይይ ጊዲኮ ኢዛሰ ኣዋይኔ ኣዋ ናይ ዳቴሰ።

10 ኦኒካ ኢንቲኮ ዪሼ ሃሳ ሄ ቲሚርቲዛ ኤኪ ዮንታ ኣሰ ሞኪ ኤኮፍቴኔ ሳርካ ጎፒ።

11 ሞኪ ኤኪዲ ባሶ ጌልላዛይይ ሃሳዳ ኦሶን ኢዛራ ኢሲና ጊደሰ።

ወርሴላ ሳርካ

12 ታ ኢንቲሰ ፃፋናሰ ኮዪዛ ዳር ሚሺ ዳሲሺን ዋራቃታኒኔ ቃላሜን ፃፋና ማላ ኮይኩ። ጊዲኮካ ኑ ኡፋይሳይ ኩሜላ ጊዳና ማላ ታ ኢንቲኮ ባዳ ኢንቲ ሲንሳን ኢንቲናራ ሃሳያናሰ ሂዶታ ኦላይሰ። 13 ዶሬቲዳ ኔ ሚቹይ ናይቲ ኔና ሳር ጌቲሰ።

* 1:1 ጎዳቲይሲኔ ኢዚ ናይታሰ ዋሳ ኬላን ዲዛ ኣባሌታ (እማኒዛ ኣሳ) ቤሴሰ። ፓይዶ 4-5 ያላ። * 1:5 ዮሃ 13:34፤ 15:12፤17

15 እኔ ሳርን ዳ፤ ኔ ላጌቲ ኔና ሳር ሳር ጌቴሰ፤ ታ ላጌታ ሱንላን ሱንላን ጃይጋዳ ሳር ጋ።

ዮሀንሳ ፃፊዳ ሄሻንሳ ኪታ ጊደ ቆፋ

ሄሻንሳ ኪታዚካ ፃፊቲዳይ “ጨማ ጊደዳ ሃዋሪ ዮሀንሳፕ” ገሸን ሄ ኪታዚ ኢሲ ዋሳ ኬላ ካሌሊዛ ጋዪዮሳ ጌቴቲዛዳሳ። ጋዪዮሲ ሃንኮ አማኒዛይታ ማዲዳ ገሸ ፃፊዚ ጋላቴሰ። ሃራ ባጋራ ቃሰ ዲዮትራፊሴ ጌቴቲዛዳ ኢሲ ኢታ አሳፔ ናጌታና ማላ ቆፊሴሰ። ጋሶይካ ኢዚ ዋሳ ኬላ ቦላ ኦቶሬቴላፊ ዳንዲዳይሳን ዳና ጊዳና ኮይዛ ገሻሳ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1-4
- ጋዪዮሳስ ኢሜቲዳ ጋላታ 5-8
- ዲዮጂርሳስ ሸቂዳ ዋላሴ 9-10
- ዲሚጂርሳስ ኢሜቲዳ ቃላታ 11-12
- ኩሻ ቆፋ 13-15

1 ታፔ ጨማዛፔ ቱማፔ ታ ሲቁዛ ታ ሲቆ ላጌ ጋዪዮሳስ። *

2 ታ አሻዘ! ኔ ሸምፖይ ሎዖን ዲዛ ማላ ኔ አሳቴላይ ሎዖ ዳና ማላኔ ኔ አሊዛዚ ወሪካ ኔሰ ጊጋ ጊዳና ማላ ታ ኔሰ ዋሳይሰ። 3 ኔ ቱማሰ አማኔቲዳዳ ጊዲዳ ማላ ቃሴካ ኔ ሃኖይ ወሪ ቱሙ ጊዲዳይሳ ኢሲ ኢሲ አማኒዛ አሳቲ ታኮ ዪዲ ኔ ገሸ ዮቲን ሲያዳ ታ ዳሮ ኡፋይታዲሰ። 4 ጋሶይካ ታ ናይቲ ሎዖኔ ቱማን ሲሜሬቲሺን ሲሳፊ አጂዛ ሃራ ኡፋይሲ ታሰ ዳና።

ጋዪዮሳስ ኢሜቲዳ ሎዖ ማርካቴላ

5 ታ አሻዘ! ኢሰቲ ኔሰ አማሕ ጊዲኮካ ኔኒ ኔ አሻታሰ ኦሊዳ ሚሽ ኡባን አማኔታዳሳ። 6 ኔ ቦላ አይ ማላ ሲቆይ ዲዛኮኔ ኢሰቲ ኔ ገሸ ዋሳ ኬላ አሳ ሲንላን ማርካቴዳ። ኢሰቲ ቢዛ ኦጌን ያሴ ኡፋይሲዛ ሃኖን ኔ ኢሰታ ማዲኮ ሎዖ ኦላሳ። 7 አይሲ ጊኮ ኢሰቲ ያሳ አማኖንታይታፔ አይኮካ ኤኮንታ ኪርሰቶሳ ሱንላ ገሸ ሜላ ኬዚዳ። 8 ሃሳ ገሸ ኦ ኢሲፊ ቱማሰ ኦላና ማላ ሄይታንታ ማላታ ሞኪ ኤካናሰ ቤሴሰ።

9 ታ ዋሳ ኬላሰ ሃይሳፊ ካሴ ፃፋዲሰ። ጊደ አቲን ካሌሊዛዳ ጊዳና ኮዪዛ ዲዮጂራዖሲ ኦ ጊዛዝ ኤኬና። 10 ሃሳ ገሸ፤ ታ ሄ ቢኮ ኢዚ ባ ኢታ ቃላን ኦ ሱንሕ ሞራናሰ ኦሊዳይሳ ታ አንቴሰ ቆንጨሳና። ሄሲካ ኢዛሰ ጊደንታ ኢጂን አማኒዛ አሳ ሞኪ ኤኬና፤ ሞኪ ኤካና ኮዪዛይታካ ዲጌሲኔ ዋሳ ኬላፊ ኬሲ ጎዳሰ።

11 ታ አሻዘ! ሎዖታ ሚሳታ አቲን ኢታ አሳታ ሚሳቶፓ። ሎዖ ኦሊዛዳይ ወሪካ ያሳ አሳ። ኢታ ኦሊዛዳይ ቃሴ ያሴ ቤይቤና። 12 ዲሚጂርሳስ አሲ ወሪ ሎዖ ማርካቴሰ። ቱማይካ ኢዛሰ ማርካታወሰ። ኦካ ኢዛሰ ማርካቶሰ፤ አንቴካ ኦ ማርካይ ቱሙ ጊዲዳይሳ ኤሬታ።

ወርሴላ ሳርካ

13 ታ ኔሰ ፃፋና ቡሮ ዳሮ ዮዖይ ዳሰ ሺን ታ ኔሰ ሞራቃታን ፃፋናሰ ኮዪኬ። 14 ታ ኔና ማታ ዋዴ ቤያናሰ ሂዶታ ኦላይሰ፤ ሄ ዋዴ ኦ ኢሲፊ ኡቲ ሃሳያና።

* 1:1 ሃዋ 19:29፤ ኦር 16:23-24፤ 1ቆር 1:14

የሁዳይ ፃፊዳ ኪታ ጊዳ ቆፋ

የሁዳ ኪታይ ፃፊቲዳይ አማኒዛይታሰ ጊዳንታ አማኒዛ አሲ ሚሳቲዳ ዋርዳ ቲሚርቲ ቢታ ጋሌዛ አሳታፔ አማኒዛይቲ ናጌታና ማላሳ። ናምዓንገላ ጸፀርሳ ኪታ ሚሳቲዛ ሃይሳ ሃ ቃንሳ ኪታዛን ፃፊዚ “ፆሳይ ዛሪ ናምዓንገላ ማላ ባ ዳሬዛሰ ኢሲቶ አሚዳ አማኖ ጊሽ አሳይ ሚኒ ኦሌታና ማላ” ናባቢዛይታ ሎዔል ቆሬሴሰ።

ሃ ማፃፋይ ኦይኪዳ ኩሜላ ቆፋ
ጌሎሶ 1-2
ዋርዳ አስታማሪታ ቲሚርቲ፣ ሃኖኔ ኩንዳሳ 3-16
አማኒዛይቲ ባ አማኖ ናጋና ማላ አሜቲዳ ዞሬ 17-23
ወርሴላ አንጅ 24-25

1 ዩሱስ ኪርሰቶሳሰ ኦሌዛ ያቆቤ ኢሻ የሁዳ፣ ኢንቴሰ ያይጌቲዳይታሰ፣ ያሲ አዋይ ሲቁዛይታሲኔ ዩሱስ ኪርሰቶሲ ናጊዳይታሰ ኡባታሰ፤ * 2 ማርቲላ፣ ሳርቲላኔ ሲቆይ ኢንቴሰ ዳር።

ዋርዳ አስታማሪታ

3 ታ ሲቆቶ! ኑ ኢሲሬ ኦቲዳ አቶቲላ ጊሽ ታ ኢንቴሰ ፃፋናሰ ዳር ኮያዲሲሺን ሃዒ ቃሴ ናምዓንገላ ኢሲቶ ያሲ አሳሰ አሚዳ አማኖ ጊሽ ኢንቴ ዳር ባፃታና ማላ ታ ኢንቴና ዞራይሰ። ታ ኢንቴሰ ፃፋናሰ ታሰ ቶሆ ጊዳዴሰ። 4 ኢሰታ ቦላ ፐርዳታናይሰ ዳር ዋይፔ ካሴ ኢሰታ ጊሽ ፃፊቲዳ አሳቲ ኢንቴኮ ካልፂ ጌሊዳ። ሄይታንቲ ያሴ ኤርንታይታ፤ ኑ ጎዳ ኪያቲላ ጮ ሚላ ላሚዛይታኔ ያሳ ጎይኖንታይታ። ኢዚ ባርካ ኑና ሃሪዛይሳኔ ኑሰ ጎዳ ጊዳዳ ዩሱስ ኪርሰቶሳካ ካዳቲሰ።

5 ኢንቴ ሄሳ ኡባካ ካሴቲ ኤሪኮካ ጎዳይ ባ ዳሬዛ ጊብፀፔ ኬሲዳ አሺዳይሳኔ ሃንኮ አማኖንታይታ ጉዩፔ ቆይሲዳይሳ ታ ኢንቴና ኦኬኪሳና ኮያይሰ። * 6 ሄሳላካ ባ ቦንቾ ናጎንታ ኢፂዳ ባ ዲዛሶ ዩዲዳ ኪታንቻታ ኢንቴ ዩሺ ቆጋና ማላ፤ ያሲ ኢሰታ ጌታ ፐርዳ ጋላሰ ጋካናሰ ሚርና ቃሾሰ ጊርድ ጊዳ ቆማን ናጊ ዋሌዴሰ። 7 ሄሳላካ ሶዶሜይኔ ጋሞራይ ቃሴካ ኢሰታ ሄራን ዲዛ ካታማቲካ ላይማቲዳኔ ሳሎ ሜጴቲላታራ ላይማታናሰ አሞቲዳ። ሄሳ ጊሽ ኢሰቲ ሚርና ታማን ፀጌታናይታሰ ሌሚሶ ጊዳዳ። **

8 ሄሳላካ ሄይቲ ሄ አሳቲ ባርካ ባ አጉሞ ካሊዳ ባርካ ባ አሾ ቱኒሴቲሰ። ባፔ ቦላራ ዲዛይታሰ አዛዜቲቲና። ኢሰቲ ሳሎን ቦንቾራ ዲዛይታካ ጫዩቲሰ። 9 ሃራይ አቶሺን ሳሎ ኪታንቻታ ሃላቃይ ሚካሌይ ሙሴ አሾ ጊሽ ኢዛራ ፓላሜቲሽ “ኔና ጎዳይ ሃንቁቶ!” ጊዴሰ ኦቲን ኢዛሰ ጫሻ ቃላ ዛሪቤና። * 10 ሃይቲ አሳቲ ቃሴ ኢሰታሰ ኤሬቶንታ ኢፂዳ ሚሽ ወርሲ ጫሽ ጫዩቲሰ። አይኮካ ኤርንታ ሚሄታ ማላ ጮ ሚላ ቆፐ ኤኪዳ ሚሺ ኢሰታሰ ዲኮ ኢሰቲ ሄሳን

ቆያና። 11 ኢሰቲ ቃዩሌ ኦጌን ቢዳ ጊሽ ሚሻሰ ጊዳ ባላዓሜ ማላ ባላን ኩንዲዳ። ቃሴ ቆሬይ ኤቁቲዳ ማላ ኢሰቲካ ኤቁቲዳ ቆይዳ ጊሽ ኢሰታሰ አይ-አና! *

12 ሃይቲ ሃ አሳቲ ዩላይ ባይንዳ ላይማ ሃኖራ ኢሲ ቦላ ኢንቴ ዲጊሴሶን ቤቲዛ ዋይ ኢንቴሰ ቆይ ጊዳቲሰ። ኢሰቲ ባሰ ፃላላ ቆፔቲሰ። ኢሰቲ ጫርኮን ቢዛ ኢራይ ባይንዳ ሻራ ማላ። አይሬይ አይሬዛ ዋይን አይሬይ ባይንዳ ፃጾፔ ቆይቲዳ ናምዑቶ ሚሊዳ ሚላ ማላ። 13 ኢሰቲ ዩላቺዛ ባ ኦሶዛ ዋልቃማ አባ ዳምባላ ማላ ጎፖንቶ ጮፑ ሂሰቲዛይታ። ጊርድ ጊዳ ቆማይ ኢሰታ ሚርናሰ ናጊዛይሳኔ ጮ ሚላ ዋይቲዛ ያለንቲታ ማላኮ!

14 አዳሜፔ ሃ ሰሚን ላፑንሶ ዩሌቲላ ጊዳዳ ሃኖኬይ “ሄኮ ያሲ ቆዳይ ባይንዳ ጌሻ ኪታንቻታራ አሳ ኡባ ቦላ ፐርዳናሰ ያና። * 15 ሄይታ ያሳሰ ጎይኖንታ አሳቲ ኦሌዳ ኢታ ኦሶ ጌዶን ኢሰታ ኢዚ ቃፃያና። አዳሬካ ያሲ ሄይታ ባሰ ጎይኖንታ ናጋራንቻታ ቦላ ኢሰቲ ሃሳዩዳ ኢታ ሚሻታ ጊሽ ኢዚ ኢሰታ ቦላ ፐርዳና” ጊዳሰ።

16 ሃይቲ ሄ አሳቲ ኡባ ዋይ ዙዙሜቲዛይታኔ አይ ሚሻንካ ኡፋይቲ ኤርንታይታ። ኢሰቲ ባ ኢታ አሞ ካሊዛይታ፤ ኢሰታ ዲናን ኦቶሬቲላ ቃላይ ኩሚዴሰ። ባሰ ባ ጎዳ ኮዩሽ አሰ አዳሼቲሰ።

አኬኪሶ ዞሬ

17 ኢንቴ ታ ሲቆቶ! ኑ ጎዳ ዩሱስ ኪርሰቶሳ ሃሞሬቲ ሃይሳሬ ካሴ ዮቲዳ ቃላ አኬኪቲ። 18 ኢሰቲ “ዋይ ወርሴላን ያሳ ሸኔፔ ሃኪዳይቲ ባርካ ባ ኢታ አሞ ካሊሽ አሰ ቁጵዛይቲ ያና” ጊዳ ኢንቴሰ ካሴ ዮቲ ዋሌዳ። * 19 ሃይቲ አሳ አሳ አሳሬ ሻኪዛይታ፤ አሾ አሞቲላ ካሊዛይታኔ ኢሰታን ያሎ አያናይ ባይንዳይታ። 20 ታ አሻቶ! ኢንቴ ቃሴ ኡባሬ ቦላራ ኢንቴ ጌሻ አማኖን ሚኒ ኤቁቲ፤ ያሎ አያናንካ ሚኒ ዋሲቲ። 21 ኑ ጎዳ ዩሱስ ኪርሰቶሲ ባ ማርቲላን ኢንቴና ሚርና ዳዎን ጋላናይሳ ናጌቲሽ ኢንቴናቲላ ያሳ ሲቆን ናጌቲ።

22 ሲጴሽ ዲዛ አሳታሰ ሚሽቲቲ፤ 23 ኢሲ ኢሲ አሳታ ታማፔ ኬሲ አሺቲ፤ ሃራታሰ ያሻቲላን ሚሽቲቲ ሽን ናጋራን ቲኒዳ ኢሰታ አሳቲላ ቦቺዳ ማዮካ ወርሲ ኢፂ።

ጋላታ ዋሳ

24 ኢንቴና ኩንዳላሬ አሻናሲኔ ኢንቴና ዋሶይ ባይንዳይታ ሂሰቲዳ ኡፋይሳን ባ ቦንቾ ሲንላ ሸሻናሰ ዳንዳዩዛይሳሰ፤ 25 ኢዚ ፃላላ ኑሰ ያሳኔ ቆሌ ጊዳዳ ጎዳ ዩሱስ ኪርሰቶሳ ባጋራ ቤኒፔ ዶሚዳ ሃዒ ጋካናሲኔ ሚርናሰካ ቦንቾይኔ ጌታቲላ፣ ዋልቃይኔ ጎዳቲላ ኢዛሰ ጊዳ። አሚን።

* 1:1 ማቶ 13:55፤ ማር 6:3 * 1:5 ኬሳ 12:51፤ ታይ 14:29-30 * 1:7 ሶዶሜ አሳይ ሎፀኮ ዩዳ አምላታራ ላይማታና ኮዩዳይሳ ቤሴሰ። * 1:7 ሜጴ 19:1-24 * 1:9 ዳኔ 10:13:21፤ 12:1፤ አጁ 12:7፤ ዛሬ 34:6፤ ዛካ 3:2 * 1:11 ሜጴ 4:3-8፤ ታይ 22:1-35፤ 16:1-35 * 1:14 ሜጴ 5:18:21-24 * 1:18 2ጴፀ 3:3

የሃኒሳ አጃታ ገደ ቆፋ

የሃኒሳ አጃታይ ፃፊትዳይ አማኒዛይት ዩሱስ ኪርስቶስ ኢስታሰ ጎዳ ገደዳይሳ ኤሪዲ አማኒዳ ገሽ ጎዳቴላኔ ዋዩይ ኢስታ ቦላ ጋኪዳ ዋዩና። ፃፊዚ ማፃፋዛ ናባቢዛይት ባ ሂደታ ቃንግንታ ማላ ኢስታ ማንሱላናሰኔ ቤና ጋኪዳ ጎዳቴላኒኔ ሜቶ ጋርሳን ኢስቲ ባ አማኖን ማኒ ኤቃና ማላ ማንሱላናሳ።

ሃ ማፃፋን ዳሪዛ ባጋይ ዳሮ ዳማ ዳማ ኦይኬት ዲዛ አጃታታ ኢሲ ቦላ ጋሳ ኦይኪዳሰ፤ አጃታቲካ ሄ ዋዩ ዲዛ አማኒዛ አሳይ ኤሪናሰ ዳንዳዩዛዚ ገደሺን ሃንኮ አሳሰ ቃሰ ጌሎንታ ፀራ ገደዲ ሸቂዳ ለሚሶ ማላን ሸቂዳ ዮጋኮ። ሸሪ ሸሪ ዩዌዛ ማላ ማፃፋዛሰ ዋና ቆፋቲ ዳማ ዳማ አጃታታ ባጋራ ዳማ ዳማ ሜቶን ዛሬቲ ዛሬቲ ሸቂዳ። ሃ ማፃፋዛ ቢርሼላ ዳማ ዳማ ገደሶካ ኢዛሰ አይፊ ቆፋይ ቃሰ ቆንጩ። ሄሲካ ያሲ ጎዳ ዩሱሳ ባጋራ ናምዓንሶይ ባይንዳ ኦጌራ ያላዔራ ኢዛ ሞርኬታ ወርሲ ያናና። ሄ ያኖዚካ ወሪዳፔ ጉዩ ባሰ አማኔቲዳ ባ ላጌታሰ ኢዚ ኦራላ ሳሎኔ ኦራላ ቢታ አንጃ ላቲሳና ገዛይሳ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1-8
- ኮይሮ ቤቲዳ አጃታ 1:9-20
- ላፑን ዋሳ ኬላታሰ ዩዳቲዳ ኪታታ 2:1-3:22
- ማፃፋዛኔ ላፑን ማታሜታ 4:1-8:1
- ላፑን ፀራምባታ 8:2-11:19
- ዳዌዛኔ ናምዑ ደዓታ 12:1-13:18
- ዳማ ዳማ አጃታታ 14:1-15:8
- ያሳ ሃንቆ ፀዓታ ላፑናታ 16:1-21
- ባቢሎኔ ኩንዴላ፣ ደዓዛ ዋርዶ ናቤታኔ ዳቡሎሳ ያኔቴላ 17:1-20:10
- ወርሴላ ፐርዳ 20:11-15
- ኦራላ ሳሎ፣ ኦራላ ቢታኔ ኦራላ ዩሩሳላሜ 21:1-22:5 ኩሻ ቆፋ 22:6-21

1 ሃይሲ አጃታዚ ማታ ዋዩ ቢታ ቦላ ሃናናይሳ ባሰ ኦሊዛይታ ቤሳና ማላ ያሲ ዩሱሰ ኪርስቶሳሰ አሚዳይሳ። ዩሱሰ ኪርስቶሳካ ባ ኪታንቻ ከቲዲ ባ ኦሳንቻዛ የሃኒሳሰ ሃይሳ አጃታዛ ቆንጩሲዳሰ።
2 የሃኒሲካ ያሳ ቃላ ገሺኔ ዩሱሰ ኪርስቶሳሰ ታማርሲዳ ቱማ ገሽ ቃሴካ ኢዚ ባ አይፊን ቤዩዳይሳካ ወርሲ ማርካቲዳሰ።³ ሃይሲ ወሪካ ሃናናይ ማታ ዋዩን ገደዳ ገሽ ሃይሳ ቲንቢቲ ቃላ ናባቢዛ አሲ አንጃቲዳዩ። ሄሳሶካ ቲንቢቲ ቃላ ሲዩዛይቲኔ ሃ ቲንቢቲ ቃላ ፃፊቲዳይሳ ፖሊ ኦሊዛይቲ ኢስቲ አንጃቲዳይታ።

ኢሲያን ዲዛ ላፑን ዋሳ ኬላታሰ ከቲቲዳ ሳርካ
4-5 ኢሲያን ዲዛ ላፑን ዋሳ ኬላታሰ ካሴካ ዲዛይሳፊ፣ ሃዒካ ዲዛይሳፊ፣ * ቡሮካ ያና ያሳፊ ኢዛ አልጋ ሲንሳን ዲዛ ላፑን አያናታፔ ሄሳሶካ ሃይቆፔ ዴንሳን ባይራ ገደዳይሳፊ፣ ሃ ቢታ ካዎታሰ ካዎኔ

* 1:4-5 ኬሳ 3:14፤ አጃ. 4:5 * 1:4-5 ኢሳ 55:4፤ ማዛ 89:27 ማር 13:26፤ ሉቃ 21:27፤ 1ታሶ 4:17፤ ዛካ 12:10፤ የሃ 19:34፣37 7:9፤ 10:6 * 1:15 ሃዚ 1:24፤ 43:2 * 1:17 ኢሳ 44:6፤ 48:12፤ አጃ. 2:8፤ 22:13

አማኔቲዳ ማርካ ገደዳይሳፊ፣ ኦና ሲቁዛይሳፊ፣ ባ ሱላን ኦና ኦ ናጋራፔ ጌሺዳ ዩሱሰ ኪርስቶሳካ ኪያቴላኔ ሳርቴላ ኢንቴሰ ገደ። * 6 ኦኒ ዩሱሰ ኪርስቶሳ አዋ ያሳሰ ኦላና ማላ ኦና ኢዚ ካዎታኔ ቄሴታ ኬሲዳ ዩሱሰ ኪርስቶሳሰ ቦንቾይኔ ዋልቃይ ሜርናፔ ሜርና ጋካናሰ ኢዛሰ ገደ! አሚን። *

7 ሄኮ ኢዚ ሳሎፔ ሻራራ ገታ ቦንቾራ ያና። ካሴ ኢዛ ጫዲ ዋዳይቲካ አቶንታ አሲ ወሪካ ኢዛ ቤያና። ቢታ ቦላ ዲዛ ዳሬይካ ወሪካ ኢዛ ገሽ ዩካና። ሃይሲ ሃ ዮጋዚ ቱሙኮ! አሚን። *

8 ካሴካ፣ ሃዒካ ዲዛይሲ ቡሮፔካ ያናይሲ ወርሲ ዳንዳዩዛ ጎዳ ያሲ “አልፋይኔ ኦሜጋይ፣ ኮይሮይኔ ወርሴላ ታና” ጌሰ። *

ኪርስቶሳ አጃታን ቆንጩሺን
9 ታኒ ዩሱሳ ዋዩዛ ኢዛ ካዎቴላ ቃሴካ ኢዛ ዳንዳይን ኢንቴናራ ኢሲፊ ገደዳ ታ ኢንቴ አሻይ የሃኒሲ ያሳ ቃላኒኔ ዩሱሳሰ ማርካቲዳ ገሽ ቃሸታዳ ፊጻም ጌቲቲዛ አባ ገደን ዲዛ ዳሬ ዳሪን ዳይሰ።
10 ታኒ ጎዳ ጋላሰ ጂሎ አያናን ጂሶኮ ማላ ጮ ሊጰጰ ገሺን ዳንኬ ገሪሳ ማላይ ገታ ገሪሰ ታፔ ጉዩራ፣
11 “ኦኒ ቤዩዛይሳ ዋራቃታን ፃፋዳ ላፑን ዋሳ ኬላታሰ ሄይቲካ ኤፔሶኔሰ፣ ሳሜርኔሴሰ፣ ጰርጋሞኔሰ፣ ቲያጂሮኔሰ፣ ሳርዴሴሰ፣ ፒላዳልፊያሲኔ ሎዶቂያሰ ዩዳ” ገሺን ሲያዲሰ።

12 ሄሳ ታሰ ኦኒ የቲዳኮኔ ኤራና ጋዳ ታ ጉዩ ዩያ ጻሊዛ ዋዩ ያምፔ ኢስታ ቦላ ዋሊዛ ዋርቃፊ ኦሴቲዳ ላፑን ባላታ ቤያዲሰ።¹³ ሄ ኢስታ ቦላ ያምፔ ዋሊዛ ባላታ ገደን አሳ ና ሚሳቲዛዳ ዳማዲሰ። ኢዚካ ሂርኪ ቶሆ ቂርጶ ጋኪዛ አዳሳ ማይያ ማይዲዳሰ፤ ቲራ ቦላካ ዋርቃ ማይያ ማይዲዳሰ። * 14 ኢዛ ሁዔይኔ ኢዛ ሁዔ ቢናናይ ቃሰ ቦላ ሻቾ ሚሳቲዛ ቦላ ሱፊ ጌቲቲዛ ካላ ማላ። ኢዛ አይፊቲካ ታማ ላጮ ሚሳቲቲሰ። * 15 ኢዛ ቶሆቲ ታማ ቦንቆን ቆጃቲ ኬዚዳ ፃርቂማላ ሚሳቲቲሰ። ኢዛ ቃላይካ ዋልቃማ ፐሳ ሃሌ ገሪዛ ማላ ገሪሰ። * 16 ኢዚ ባ ኡሻቻ ኩሺን ላፑን ያለንቴታ ኦይኪዳ ኡቲዳሰ። ኢዛ ዱናፔ ናምዑ ባጋራ ቃራ ማሻይ ኬዜሰ። ኢዛ አይፊሶይ አዋ አርሼ ማላ ያልቂቲሰ።

17 ታኒ ሄሳ ቤያዳ ሃይቂዳ አሰ ሚሳታዳ ኢዛ ቶሆ ጋርሳን ኩንዳዲሰ። ኢዚ ቃሰ ታ ቦላ ባ ኡሻቻ ኩሺ ዋሊዳ “ኦ ባቦፋ! ኮይሮይኔ ወርሴላ ታና። * 18 ታኒ ፓፃ ዳይሰ። ካሴ ሃይቃዲሰኮሺን ሄኮ ታኒ ሃይሳፊ ሜርናሰ ፓፃ ዳና። ሃይቆ ቦላኔ ሲጶሌ ቦላ ታኒ ጎዳ።
19 ሄሳ ገሽ ኦኒ ቤዩዳይሳ ሃዒ ዲዛይሳኔ ጉዩፔ ሃናናይሳ ፃፋ።
20 ኦኒ ታ ኡሻቻ ኩሺን ቤዩዳ ላፑን ያለንቴታኔ ያምፔ ኢስታ ቦላ ዋሊዛ ዋርቃፊ ኦሴቲዳ ላፑን ባላታ ፀራይ ሄኮ ሃይሳ። ላፑን ያለንቴቲ ላፑን ዋሳ ኬላታ ኪታንቻታ። ያምፔ ኢስታ ቦላ ዋሊዛ ላፑን ዋርቃ ባላቲ ላፑን ዋሳ ኬላታ።”

2

ኤፊሶኔ ዋሳ ኬላ

* 1:6 ኬሳ 19:6፤ አጃ. 5:10 * 1:7 ዳኔ 7:13፤ ማቶ 24:30፤ * 1:8 ኬሳ 3:14 * 1:13 ዳኔ 7:13፤ 10:5 * 1:14 ዳኔ

1 “ኤፌሶንን ዋሳ ኩላ ከታንቻሰ ላይሲ ላቸን ያለንቲታ ባ ኡሻቻ ኩሼን ኮይኪዳዳፊ ኢስታ ቦላ ያምፔ ዋሊዛ ላቸን ዋርቃ ባላታ ጊደን ሲሜሬቲዛዳፊ ዮቲቲዳስ። 2 ታኒ ኔ ኦሶዛ፣ ዳሬቲላኔ ዳንዳያካ ኤራይሰ። ኔኒ ቃሰ ኢታታ ዬጋ ኣቆናሰ ዳንዳያንታይሳ ሃዋሬታ ጊደንታ ዲሼ ባና ሃዋሬታ ጊዛይታካ ሻካዳ ኢስቲ ዋርዳንቻታ ጊደይሳ ኔ ጋካ ዳሚዳይሳ ታ ኤራይሰ። 3 ኔኒ ዳንዳያን ሚና ኤቁዳይሳኔ ታ ሱንላ ጊሽ ሳሌቶንታ ኔ ዋዬ ቤዩዳይሳ ታ ኤራይሰ። 4 ጊደኮካ ታ ኔና ካጂዛ ኢሲ ሚሺ ዳስ። ሄሲካ ኔኒ ካሴ ኔ ሲቆዛ ኣጋዳሳ። 5 ኔኒ ካሴ ኣይ ማላ ጶቃሶን ዳሼ ሃዒ ቃሰ ኔ ዋና ኩንዲዳኮኔ ኣኔ ዩሻ ቆጋዳ ማርቲላን ሲማ ጌላ። ኔ ካሴ ኦሊዛ ቤኒ ኔ ኦሶዛ ዛራ ኦላ። ኔ ሄሳ ወርሳ ዛራ ኦሶንታ ኢደኮ ታ ኔኮ ያና። ኔኒ ማርቲላን ጌሎንታ ኢደኮ ኔ ያምፔ ኢዛ ቦላ ዋሊዛ ባላ ሄ ኢዚ ዲዛሶፔ ታ ዳንላዩቻና። 6 ጊደ ኣቲን ታ ኔና ጋላቲዛ ኢሲ ሚሺ ዳስ። ሄሲካ ታኒ ኢደዛ ኒቆላ ባጋ ኣሳ ኦሶ ኔካ ኢዳዳሳ።

7 “ኣያናይ ዋሳ ኩላታሰ ጊዛይሳ ሃይሊ ዲዛዳይ ወሪካ ሲዮ! ‘ዮኒዳዳይ ያሳ ጋናቲ ጊደን ዲዛ ዳዎ ሚላ ኣይፊ ማና ማላ ታ ኦላና።’

ሳማርያኔ ዋሳ ኩላ

8 “ሳማርያኔ ዋሳ ኩላ ከታንቻሰ፣ ሃይሲ ኮይርኔ ወርሴላ ጊደዳይሳፊ ካሴ ሃይቁዳይሳፊኔ ሃዒ ቃሰ ገዳ ዲዛይሳፊ ዮቲቲዳዛ። * 9 ታኒ ኔ ዋዬዛኔ ኔ ማንቆቲላ ኤራይሰ። ጊደኮካ ኔኒ ዳሬኮ። ኣይሁዳ ጊደንታ ዲሼ ባና ኔኒ ኣይሁዳኮ ጊዛ ያላዔ ማባራ ጊደዳይቲ ሄይቲ ኔ ሱንላ ሞርይሳ ታ ኤራይሰ። 10 ቡር ሲንላፊ ኔ ቦላ ጋካና ማቶሰ ባቦ። ኣንቲ ፓጩታና ማላ ኢንቲፊ ኢሲ ኢሲ ኣሰ ዳቡሎሲ ቃሾ ኩሌ ጌልላና። ታሙ ጋላሰ ጋካናሰ ኢንቲ ዋዬ ቤያናሽን ኔ ሃይቃና ጋካናሰ ኣማኔቲዳዳ ጊዳ። ታኒ ኔሰ ሜርና ዳዎ ኣክሊሌ ሂሰታ ኢማና።

11 “ኣያናይ ዋሳ ኩላታሰ ጊዛይሳ ሃይሊ ዲዛዳይ ሲዮ! ዮኒዳዳይ ናምዓንላ ሃይቆን ቆሄቲና” ጋ 9ፋ ጊደሰ። *

ጴርጋሞኔ ዋሳ ኩላ

12 ጴርጋሞኔ ዋሳ ኩላ ከታንቻሰ “ሃይሲ ናምዑ ባጋራ ቃራ ማሻ ኦይኪዳይሳፊ ዮቲቲዳዛ። 13 ኔኒ ያላዔ ኣልጋይ ዲዛሶን ዲዛይሳ ታኒ ኤራይሰ። ጊደ ኣቲን ኔኒ ታ ሱንላ ሎዔላ ኦይካዳሳ። ኔ ታና ኣማኒዛይሳ ኣጋቤይካ። ታሰ ኣማኔቲዳ ማርካ ጊደዳ ኣንቲጳሲ ያላዔይ ዲዛ ኢንቲ ካታማን ኣሳ ኩሼን ሃይቁዳ ዋዳካ ኔ ታና ኣማና ኣጋቤይካ። 14 ጊደኮካ ታ ኔና ካጂዛ ኢሲ ሚሺ ኔ ቦላ ዳስ። ሄሲካ ባላዓሜ ቲሚርቲ ኦይኪዳ ኢሲ ኢሲ ኣሳቲ ኢንቲ ጊደን ዳቲሰ። ሄሲ ባላዓሜይ ኢሰራዔሌ ኣሳይ ኤቃሰ ያርሼቲዳ ካላ ሚዲኔ ላይማ ላይማቲዲ ጶጶታና ማላ ባላቁ ዘራዳዳ። * 15 ሄሳላካ ኒቆላ ባጋ ኣሳታ ቲሚርቲ ኦይኪዳ ኣሳቲካ ኢንቲ ጊደን ዳቲሰ። 16 ሄሳ ጊሽ ማርቲላን ጌላ፤ ኣካይ ጊኮ ታኒ ኤሌሳዳ ኔኮ ባዳ ኔና ታ ዲናፔ ኬዚዛ ማሻ ሚሳቲዛ ቃላራ ኦላና።

* 2:8 ኢሳ 44:6፤ 48:12፤ ኣጁ 1:17፤ 22:13 * 2:11 ኣጁ 20:14፤ 21:8 * 2:14 ታይ 22:5፣7፤ 31:16፤ ዛሬ 23:4፤ ታይ 25:1-3 * 2:17 ኬሳ 16:14-15፤ 16:33-34፤ የሃ 6:48-50፤ ኢሳ 62:2፤ 65:15 * 2:20 1ካዎ 16:31፤ 2ካዎ 9:22፣30 * 3:3 ማቶ 24:43-44፤ ሉቃ 12:39-40፤ ኣጁ 16:15 * 3:5 ኬሳ 32:32-33፤ ማዛ 69:28፤ ኣጁ 20:12፤ ማቶ 10:32፤ ሉቃ 12:8

17 “ኣያናይ ዋሳ ኩላታሰ ጊዛይሳ ሃይሊ ዲዛዳይ ሲዮ! ዮኒዳዳይ ታ ቆታን ዲዛ ማናፊ ኢማና። ኢዚ ታሰ ጊደዳይሳ ቤሳናሰ ኢዛ ቦላ ኦራላ ሱንላ ያሬቲዳ ቦላ ሹቶ ኢዛሰ ታ ኢማና። ሄሳካ ኦይኪዳዳፊ ኣቲን ሃራ ኣሲ ኦኒካ ኤራና። *

ቲያዒርኔ ዋሳ ኩላ

18 “ቲያዒርኔ ዋሳ ኩላ ከታንቻሰ ሂዘጋ ያፋ ላይሲ ታማ ላጮ ሚሳቲዛ ኣይፊፊቲ ዲዛዳፊኔ ቦንቁዳ ታማን ጌሊ ቆጃቲ ኬዚዳ ያርቁማላ ሚሳቲዛ ቶሆቲ ዲዛዳፊ ያሳ ናፔ ከቲቲዳዛ። 19 ታኒ ኔ ኦሶኔ ኔ ሲቆ፣ ኔ ኣማናኔ ኔ ሃጋዞ፣ ኔ ዳንዳያን ሚናይሳካ ኤራይሰ። ካሴ ኦሶዛፔ ጉዬይሲ ኣጂዛይሳካ ታ ኤራይሰ። 20 ጊደ ኣቲን ታ ኔና ካጂዛ ሚሺ ዳስ። ሄሲካ ባና ሓ ናቡ፣ ጊዛ ማጫሳዮ ኤሊዛቤሎ ኔኒ ቤሳ ኣጊዳ ጊሽ ኢዛ ታሰ ኦሊዛይቲ ላይማ ላይማታና ማላኔ ኤቃሰ ያርሼቲዳ ካላ ማና ማላ ኢዛ ታማርሳዳ ባሌላዳሲ። * 21 ኢዛ ማርቲላን ጌላና ማላ ታ ኢዚሰ ዋዳ ኢማዲሰሂን፣ ኢዛ ቃሰ ባ ላይማቲላፊ ሲማናሰ ኮያቤይኮ። 22 ሄሳ ጊሽ ታ ኢዛ ዋዬ ኣልጋ ቦላ ዩጋና። ኢዚራ ኦሊዳ ኣሳቲ ባ ኢታ ኦሶፔ ማርቲላን ሲሞንታ ኢደኮ ኢዚራ ኢሲፊ ላይማቲዳ ኡባታ ቦላ ጊታ ሚቶ ታ ኤሃና። 23 ታኒ ኢዚ ናይታ ሃይቆን ቃዳያና። ዋሳ ኩላቲ ወሪካ ኣሳ ቆፋኔ ኣሳ ኣሞ ሻካ ኤሪዛይ ታና ጊደዳይሳ ኤራና። ታኒ ኢንቲሰ ኢሳሰ ኢሳሰ ኢዛዳ ኦሶ ማላ ኢማና።

24 “ቲያዒርኔን ዲዛይታሰ ኢንቲሴኔ ሃይሳ ኢታ ቲሚርቲ ታማርንታይታሰ ኡባሰ ሄሳላካ ኢሲ ኢሲ ሳላዔሰ ሃይሲ ጨማ ፀራ፣ ጌቲቲዛይሳ ካሎንታይታ ኢንቲና ታኒ ሃራ ቶሆ ቶሲኬ። 25 ጊደኮካ ታ ሄ ባና ጋካናሰ ኢንቲሰ ዲዛዘ ወርሲ ሚንላ ኦይኪቲ። 26 ዮኒዳዳይኔ ታ ኦሶን ወርሴላ ጋካናሰ ሚኒዛዳሰ ኣይዛቤታ ቦላ ታ ጎዳቲላ ኢማና። 27 ኢዚ ኢሰታ ቢራታ ጉፊራ ሃራና። ኡርቃፊ ሚጴቲዳ ሚሻ ማላ ኢዚ ቡኪዲ ለቆሳና። ሄሲ ሄ ጎዳቲላይካ ታኒ ታ ኣሞፔ ኤኮ ጎዳቲላ ማላ። 28 ታ ኢዛሰ ዋንታ ቦላ ኬዚዛ ያለንቲዛ ኢማና። 29 ኣያናይ ዋሳ ኩላታሰ ጊዛይሳ ሃይሊ ዲዛይ ወሪ ሲዮ!” ጋዳ 9ፋ ጊደሰ።

3

ሳርዴሴ ዋሳ ኩላ

1 ሳርዴሴ ዋሳ ኩላ ከታንቻሰ፣ “ሃይሲ ያሳ ኣያና ላቸናታፔኔ ያለንቲታ ኦይኪዳዳፊ ዮቲቲዳዛ። ታ ኔ ኦሶ ኤራይሰ። ኔኒ ሱንላን ገዳ ዳሳ ሺን ቃሰ ሃይቃዳሳ። 2 ቤጋ! ሃይቃና ማቲዳይሳኔ ኔሰ ወራሹ ጉላ ኣቲዳ ዋልቃዮ ዛራ ሚንላ። ታኒ ታ ጎዳ ሱንላን ኔ ኦሶይ ኩሜላ ጊደን ቤያቤኬ። 3 ሄሳ ጊሽ ኔኒ ኣይ ማላ ቲሚርቲ ኤኪዳኮኔ ኔ ሲዮይሳ ዩሻ ቆጋፔ ናጋ። ማርቲላንካ ጌላ፤ ኔኒ ቤሳንታ ኣጊኮ ቃሰ ታ ካይሶ ማላ ኔ ቆጋንታ ፑቱ ጋና። ታ ኣይ ሳቲን ኔኮ ያናኮኔ ኔ ኤራካ። * 4 ጊደ ኣቲን ባ ማይዎ ቱኒሶንታይቲ ሳርዴሴን ጉላ ኣሳቲ ኔናራ ዳቲሰ። ሃይቲ ቦላ ማይዎ ማይዳናይሲ ኢሰታሰ ቤሲዛ ጊሽ ኢስቲ ቦላ ማይዎ ማይዲቲ ታናራ ባና። 5 ዮኒዳዳይ ኢስታላካ ቦላ ማይዎ ማይዳና። ኢዛዳ ሱንላ ታኒ ታ

አዋ ሲንሳኒኔ ኪታንቻታ ሲንሳን ኤሪሳና። ዴዎን ዲዛይታ ሱንሳ ዓፊቲዳ ዴዎ ማዘጋገፔ ቁጨኬ። *

6 “እያናይ ዋሳ ኬላታሰ ገዛይሳ ሃይሌ ዲዛይይ ሲዮ!

ፊላዴልፊያ ዋሳ ኬላ

7 ፊላዴልፊያ ዋሳ ኬላ ኪታንቻሰ “ሃይሲ ገሸኔ ቱማንቻ ገዲዳይሳፊ ዳወቲ ኬላ ቁልፔ ኦይኪዳይሳፊ ዮቲቲዳይሳ። ኢዚ ዶዩዳይሳ ኦኒካ ጎርዳና። ኢዚ ጎርዳዳዛ ኦኒካ ዶዩና። * 8 ታኒ ኔ ኦሶ ኤሪይሰ፤ ሄኮ ኦኒካ ጎርዳናሰ ዳንዳዮንታ ዶያ ፔንጌ ኔ ሲንሳን ዋሳዲሰ፤ ኔ ዋልቃይ ጉላ ገዲዳይሳ ታ ኤሪይሰ፤ ገዲኮካ ኔ ታ ቃላ ናጋዳሳ፤ ታ ሱንሳካ ኔ ካዳቤይካ። 9 ሃሳ ገሸ ባሰ አይሁዳ ገደንታ ዲሸ ባና አይሁዳ ገዛይቲ ሃይቲ ፃላዔ ማባራፔ ገዲዳ ዋርዶቲ ዩዲ ኔ ቶሆ ሰላ ኩንዳና ማላ ታ ኦላና። ታኒ ኔና ሲቁዳይሳ ኢሰቲ ኤሪና ማላ ታ ኦላና። 10 ኔኒ ዳንዳዩዛይ ገደ ጋዳ ታ ኔሰ ዮቶ ቃላ ኔ ናገዲ ገሸ ታካ ቡር ቢታ ሰላ ዲዛ አሳ ፓጫናሰ ኩሚላ አላሜ ሰላ ያና ዋዩዛ ጋላሳፊ ታ ኔና ናጋና። 11 ሄኮ ታ ኤሶን ያና። ኔ አክሊሌ ኦኒካ ኤኮንታ ማላ ኔሰ ዲዛዝ ሎዔላ ኦይካ። 12 ያኒዳዳ ታኒ ታ ጎዳ ያሳ ኬላን ቱሰ ኦላና። ኢዚ ሄፔ ሙሌካ ኬዜና። ታ ጎዳ ሱንሳኔ ታ ጎዳ ካታማዛ ሱንሳካ ታ ኢዛ ሰላ ፃፋና። ሃና ካታማያ ሳሎፔ ታ ጎዳ አቻፊ ዋዳና ኦሪላ ዩራሳላሜ። ታካ ታ ኦሪላ ሱንሳ ሄ ኢዛይ ሰላ ፃፋና። *

13 እያናይ ዋሳ ኬላታሰ ዮቲዛይሳ ሃይሌ ዲዛይይ ሲዮ!

ሎዶቂያ ዋሳ ኬላ

14 “ሎዶቂያ ዋሳ ኬላ ኪታንቻሰ ሃይሲ አሚንን ገዲይሳፊ ቱሙ አማኔቲዳ ማርካ ገዲዳዴፊ ያሳ ሜዴቲሌ ወሪ ኢዛፔ ቤቲዳዴፊ ዮቲቲዳዛ። * 15 ታኒ ኔ ኦሶ ኤሪይሰ። ኔኒ ኢርፃ ዋይኮ ሚሻ ገዳካ። ኔኒ ኢርፃ ዋይኮ ሚሻ ገዲዳኮ ሎዎኮሺን። 16 ኢርፃ ዋይኮ ሚሻ ገደንታ ኔ ጮ ደንቦላ ገዲዳ ገሸ ታ ኔና ታ ዳናፔ ኬሳ ጨታና ጋይሰ። 17 ሳታ ዱራኮ፤ ታሰ ዳር ሃርይ ዳሰ፤ ታሰ አይኮይካ ፓጨቤና፣ ጋሳ ሺን ኔ ቃሰ ገልቃ፤ አይኮይ ባይንዳ ሂዬሳ፣ ማንቆ፣ ቆቄኔ ኔ ካሎ ዲዛይ ገዲዳይሳ ኤሪቤካ። 18 ኔ ዱሪ ገዳና ኮይኮ ታፔ ታማን ፓጨቲዳ ዋርቃ ሻማና ማላ ኔኒ ኔ ካሎቲላ ዩላቲላ ካማናሰ ሰላ ማይዎ ማይዳና ማላኔ ፃላናሰካ ዳንዳዳና ማላ አይፊ ቆሌ ሻማዳ ኔ ቲዬታና ማላ ታ ኔና ዙሪይሰ። 19 ታኒ ታ ደሲዛይታ ወርሳ ሃንቃይሲኔ ቃፃያይሰ፤ ሄሳ ገሸ ኔኒ ሚና፤ ማርቲላንካ ጌላ። * 20 ሄኮ! ታኒ ፔንጌን ኤቃዳ ፃይጋይሰ፤ ኦኒካ ታ ቃላ ሲይዲ ባ ፔንጌዛ ታሰ ዶዩኮ ታ ኢዛኮ ጌላዳ ኢዛዴሪ ማና። ኢዛዴይካ ታናራ ማና። 21 ታኒ ያናዳ ታ አዋራ ኢዛ አልጋን ኡቲዳይሳላ ያኒዳዴይ ታናራ ኢሲፊ ታ አልጋ ሰላ ታ ኡቲሳና።

22 “እያናይ ዋሳ ኬላታሰ ገዛይሳ ሃይሌ ዲዛይ ሲዮ!” ጋ ፃፋ ገዴሰ።

4

ሳሎን ዲዛ ጎይኖ ዋጋ

* 3:7 ኢሳ 22:22፤ ኢዮ 12:14 * 3:12 እጁ 21:2፤ ኢሳ 62:2፤ 65:15 * 3:14 ለም 8:22 * 3:19 ለም 3:12፤ ኢሳ 12:6 * 4:5 ኬሳ 19:16፤ እጁ 8:5፤ 11:19፤ 16:18፤ ሃዚ 1:13፤ እጁ 1:4፤ ዛካ 4:2 * 4:8 ሃዚ 1:18፤ 10:12፤ ኢሳ 6:2-3 * 5:5 ሜዴ 49:9፤ ኢሳ 11:1፤10

1 ሃሳፍ ጉዬ ታኒ ሳሎን ዶያ ዲዛ ፔንጌ ቤያዲሰ። ታኒ ኮይር ሲዩዳይ ዲንኬ ገሪሳ ማላ ገሪሰ “ሃ ፑዴ ኬዛ፣ ቡርፔ ሃናና ሚሻታ ታ ኔና ቤሳና” ገዴሰ። 2 ታኒ ሄራካ እያናን ሊጲጲ ጋዳ ሳሎን ዲዛ አልጋ ቤያዲሰ። ሄ አልጋዛ ሰላካ ኢሳይይ ኡቲዳሰ። 3 ሄ አልጋ ሰላ ኡቲዳይሳ ሜዳይ ኢያሲጲዴኔ ስርዲኖኔ አንቁ ሚሳቲዛ አልጋዛ ዩዩ አዲዲ ማርገዴ ጌቲቲዛ አንቁ ሚሳቲዛ ዙላይ ዴሰ። 4 ሃሳላካ ሄ አልጋዛ ዩዩ አዲዳ ናምቡ ታማኔ ኦይዲ አልጋቲ ዴቲሰ። ሄ አልጋታ ሰላ ቃሰ ሰላ ማይዎ ማይዲ ባ ሁዔ ሰላ ዋርቃ አክሊሌ ዋላዳ ናምቡ ታማኔ ኦይዲ ጨማቲ ኡቲዳ። 5 ሄ አልጋፊ ቃሰ ዋልቃንሌ ኔ ዳዳ ገሪሰ ኬዜሰ። ሄ አልጋ ሲንሳን ፖሲዛ ላፑን ያምፔቲ ዴቲሰ። ሄይቲካ ያሳ እያና ላፑናታ። * 6 ሄ አልጋ ሲንሳን ገሸ ሚልዲ ገዳ ያልቁዛ ማሰቶቲ ሚሳቲዛ አባይ ዴሰ። ኢዛ ገደን አልጋ ዩሾን ዳር አይፊራ ዲዛ ኦይዲ ደዓቲ ዴቲሰ። 7 ኮይር ደዓዚ ጋሞ ሚሳቲሰ። ናምባንላዚ ቃሰ ቦራ ሚሳቲሰ። ሄዝንላዚ አይፊሶይ አሳ አይፊሶ ሚሳቲሰ። ኦይዳንላዚ ቃሰ ፕራዲዛ ጎሌ ካፎ ሚሳቲሰ። 8 ሄ ኦይዲ ደዓቲ ኢሶይ ኢሶይ ኡሱፑን ቆፊራ ዴቲሰ። ቆፊታ ዩሾኒኔ ቆፊታ ገደን አይፊይ ኩሚዳሰ። ኢሰቲ ቃማኔ ጋላሰ። “ጌሻወ! ጌሻወ! ጌሻወ! ወርሳ ዳንዳዩዛ ጎደ! ካሴካ ሃዒካ ዲዛይሶ። ቡርካ ያናይሶ ጉሳፊ ሽምፔ ኤሪቲና። *

9 ሄ ደዓቲ ሄ አልጋ ሰላ ኡቲዳይሳሲኔ ሚርናፔ ሚርና ጋካናሰ ዲዛይሳሰ ገታቲላ፣ ቦንቾኔ ጋላታካ ሸሺዛ ዋዴ ኡባን፣ 10 ናምቡ ታማኔ ኦይዲ ጨማቲ ሚርናፔ ሚርና ጋካናሰ ዲዛ ባ አልጋ ሰላ ኡቲዳይሳ ሲንሳን ጉፓኒዲ ኢዛሰ ጎይኔቲሰ። ባ አክሊሌታካ ሄ አልጋ ሲንሳን ዋላዲ፣

11 “ኦ ጎዳ ያሶ፣ ኔኒ ወርሳ ሜዲዳ ገሸ ሜዴቲሌ ወሪካ ሜዴቲዳይኔ ሽምፖራ ዲዛይ ኔ ሽኔን ገዲዳ ገሸ ገታቲላ፣ ቦንቾይኔ ዋልቃይካ ኔሰ ቤሴሰ” ገዴ።

5

ዶርሳዛኔ ኢዛ ማፃፋ

1 ሄ አልጋ ሰላ ኡቲዳይሳ ኡሻቻ ኩሼ ቃዓ ጋርሳኒኔ ሰላ ባጋራ ፃፊቲ ኡቲዳ ላፑን ማታሚን ጎርዴቲዳ ኢሲ ፃፃቲ ኡቲዳ ማፃፋ ቤያዲሰ። 2 ኢሲ ሚኖ ኪታንቻ ዳይሲ ገታ ቃላራ “ሃይታ ማታሚታ ቢርሺዲ ሃ ፃላ ማፃፋ ደያናሰ ቤሲዛይይ ኦኒ?” ገ ሃሳዩሺን ታ ቤያዲሰ። 3 ገደ አቲን ሳሎንካ ገደን ዋይኮ ሳዓ ሰላ ዋይኮ ቢታፊ ጋርሳ ባጋንካ ሄ ፃላ ማፃፋ ዶዩዲ ኢዛ ገደን ዲዛይሳ ፃላናሰ ዳንዳዩዳ ኢሲ ኦኒካ ቤቲቤና። 4 ታካ ሄ ፃላ ማፃፋ ቢርሺዲ ኢዛ ገደ ፃላናሰ ቤሲዛይይ ቤቶንታ አገዳ ገሸ ዳር ዩካዲሰ። 5 ሄ ዋዴ ጨማታፔ አሳይይ ታሰ “ኔ ዩኮፋ! ሄኮ ዩሁዳ ባጋ ገዲዳ ዳወቲ ዛርኬፊ ዳንዲዳ ጋሞይ ኢዚ ካሴ ያኒዴሰ። ኢዚ ሄ ፃላ ማፃፋዛኔ ሄ ላፑን ማታሚዛ ደያናሰ ዳንዳዩሰ” ገዴሰ። *

6 ሃሳፊ ጉዬ አልጋ ቦላን ኦይዱ ደዓታ ጊደን ሃ ጨማታ ጊደንካ ሹኩቲዳ ደርሳ ሚሳቲዛይሲ ኤቁዳይሳ ታ ቤያዲሰ። ሃ ደርሳዛሰ ላፑን ካጩይኔ ላፑን አይፊይ ደሰ። ሃ አይፊቲካ ኩሜላ አላሜ ከቲቲዳ ያሳ አያና ላፑናታ። * 7 ሃ ደርሳይ ዪዲኔ አልጋ ቦላ ኡቲዳይሳ፡ ኡሻቻ ኩሹን ዲዛ ፃላ ማፃፋ ኤኪደሰ። 8 ሃ ፃላ ማፃፋዛ ኤኪዳ ማላ ኦይዱ ደዓቲኔ ናሞቡ ታማኔ ኦይዱ ጨማቲ ሃ ደርሳ ሲንላን ባ ሊጶን ጉጉኒዳ። ኢሰቲካ ኢሶይ ኢሶይ ባ ኩሹን ዲላ ማላ ሚሽ ኦይኪደሰ። ሃሳታካ ጌሻታ ዋሳ ጊዲዳ ኢዛን ኤፃኔይ ኩሚዳ ዋርቃ ፃር ባ ኩሹን ኦይኪ ዴቲሰ። *

9 ኦራላ ዬላ ሂዘጊ ዬጂዳ
 “ኔኒ አሳ ዲማ ዲማ ኮቻፊ፡
 ዲማ ዲማ ቃላን ሃሳዪዛይታ፤
 ዲማ ዲማ ቆሞፊኔ
 ዲማ ዲማ ዴሬፊ

ያሳሰ ዋዛናሰ ኔ ሹኩቲዳ ጊሽ ሃ ፃላ ማፃፋዛ ኤካናሲኔ ማታማታካ ደያናሰ ቤሲዛዴ ጊዲዳሳ። *

10 ኔ ኢሰታ ኦ ጎዳ ያሳሰ
 ካዋታኔ ቄሴታ አላዳሳ።
 ኢሰቲካ ቢታ ቦላ ካዋታና።” *

11 ታኒ ጌዴ ዛራ ጂሊሽን ሃ አልጋዛ፡ ደዓታኔ ጨማታ ዩዩ አጲዳ ዳር ኪታንቻታ ቃላ ጊሪሰ ሲያዲሰ። ኢሰታሰ ጮራቲላይ ዳር ሺያኒኔ ዳር ሚሎኔን ቆዴቲሰ። *

12 ኢሰቲ ዳር ጊታ ቃላን “ሃ ሹኩቲዳ ደርሳይ ዋልቃ፡ ዱሬቲላ፡ ኤራቲላ፡ ሚኖቲላ፡ ጊታቲላ፡ ቦንቸኔ ጋላታ ኤካናሰ ቤሴሰ” ጊዳ።

13 ሳሎንካ ሳዓ ቦላካ፡ ቢታፊ ጋርሳንካ፡ አባ ጊደን ዲዛ ሜዴቲላ ኡባን “አልጋ ቦላ ኡቲዳይሳሲኔ ደርሳሰ ጋላታይኔ ቶቃቲላ፡ ቦንቸይኔ ዋልቃይ ሜርናፕ ሚርና ጋካናሰ ኢዛሰ ጊደ።” ጊሽን ታ ሲያዲሰ። 14 ኦይዱ ደዓቲካ “አሚን” ጊዳ። ጨማቲካ ባ ሊጶን ጉፋኒዲ ኢዛሰ ጎይኒዳ።

6

ላፑን ማታሜታ ደዬቲላ

1 ሃሳፊ ጉዬካ ሃ ደርሳይ ላፑን ማታሜታፕ ኮይር ማታሜዛ ደዩሺን ታ ቤያዲሰ። ሃ ኦይዱ ደዓታፕ ኢሶይ ዳዳ ጉጉንላ ማላ ቃላራ “ሃ ያ!” ጊሽን ሲያዲሰ። 2 ቃሴካ ቦላ ፓራ ቤያዲሰ። ሃ ፓራዛ ቦላ ባ ኩሹን ዋንዳፊ ኦይኪዳዴይ ዴሰ። ኢዛሰ ቃሰ አክሊሌይካ ኢሜቲዴሰ። ኢዘካ ያኒዛዴ ጊዲዲ ያኖፕ ጌዴ ያኖን ባናሰ ኬዚዴሰ። *

3 ሃ ደርሳይ ናሞዓንላ ማታሜዛ ደይዳ ማላ ናሞዓንላ ደዓዚ “ሃ ያ!” ጊሽን ታ ሲያዲሰ። 4 ቃሴካ ሃራ ጂቃ ዘያ ፓራይ ኬዚዴሰ። ሃ ፓራ ቶጊዳዴይ ቢታ ቦላፊ ሳርቲላ ጳይሳና ማላኔ አሳይ ባ ጋርሳን ኢሶይ አሳ ወርሳና ማላ ኦላሳናሰ ኢዛሰ ጎዳቲላኔ ዋጋ ጊታ ማሻይ ኢሜቲዴሰ። *

* 5:6 ኢሳ 53:7፤ ዛካ 4:10 * 5:8 ማዛ 141:2 * 5:9 ማዛ 33:3፤ 98:1፤ ኢሳ 42:10 * 5:10 ኬሳ 19:6፤ አጁ 1:6 * 5:11 ዳኔ 7:10 * 6:2 ዛካ 1:7-8፤ 6:3፤6 * 6:4 ዛካ 1:7-8፤ 6:2 * 6:5 ዛካ 6:2፤6 * 6:8 ሂዘ 14:21 * 6:12 አጁ 11:13፤ 16:18፤ ኢሳ 13:10፤ ኢዩ 2:10፤31፤ 3:15፤ ማቶ 24:29፤ ማር 13:24-25፤ ሉቃ 21:25 * 6:13 ኢሳ 34:4 * 6:14 አጁ 16:20 * 6:15 ኢሳ 2:19፤21 * 6:16 ሆሴ 10:8፤ ሉቃ 23:30 * 6:17 ኢዩ 2:11፤ ሚላ 3:2 * 7:1 ኤር 49:36፤ ዳኔ 7:2፤ ዛካ 6:5 * 7:3 ሂዘ 9:4-6

5 ደርሳዚ ሃሻንላ ማታሜዛ ደዩን ሃሻንላ ደዓዚ “ሃ ያ!” ጊሽን ታ ሲያዲሰ። ቃሴ ካሬላ ፓራ ቤያዲሰ። ሃ ፓራ ቦላ ኡቲዳይሲ ባ ኩሹን ማካ ሚሽ ኦይኪደሰ። * 6 ኦይዱ ደዓታ ጊደፊ ዩዳ ሚሳቲካ ቃላ ሲያዲሰ፤ ሃ ጊሪሳይካ “ባጋ ኪሎ ጊዲዛ ጊሰቲ ኢሳዴሰ ኢሲ ጋላሳ ዳሞዛ፤ ቃሴ ኢሲ ኪሎ ኩሚና ሳይሶ ፓጩ ጊዲዛ ባንጋይ ኢሲ ጋላሳ ዳሞዛ ጊደ። ጊደ አቲን ዛይቲኔ ዋይኔ ሚላ ቆሆፓ” ጊሽን ታ ሲያዲሰ።

7 ሃ ደርሳይ ኦይዳንላ ማታሜዛ ደዩን ኦይዳንላ ደዓዛ ቃላይ “ሃ ያ!” ጊሽን ሲያዲሰ። 8 ቃሴካ ጮሎሎ ፓራ ቤያዲሰ። ፓራ ቶጊዳይሳ ሱንላ ሃይቆ ጌቲቲሰ። ኢዛ ቃሰ ዱፎይ ካሌሰ። ሃይቆይኔ ዱፎይ ቢታፊ ሳይሶ ኦላን፡ ጋፋን፡ ቦሻኒኔ ባዘ ደዓን ዋጳና ማላ ጎዳቲላ ኢሰታሰ ኢሜቲዴሰ። *

9 ኢቻሻንላ ማታሜዛ ኢዚ ደዩን ያሳ ቃላ ጊሽኔ ባ ማርካቲዳ ማርካቲላ ጊሽ ሃይቁዳይታ ሹሞፓታ ያርሾ ያርሺዛሶዛ ጋርሳን ቤያዲሰ። 10 ኢሰቲ ቃሰ ቃላ ቶቁ ሂሰቲዳ “ጊሻኔ ቱማንቻ ጎዳዉ! ኔኒ ቢታ ቦላ ዲዛ አሳ ቦላ ፐርደንታይኔ ኦ ሱላ ጊሽ ኔ ሃሎ ኬሶንታይ አዩዴ ጋካናሴ?” ጊዲ ዋሲዳ። 11 ኢሰታሰ ኢሳሰ ኢሳሰ ቦላ ማይይይ ኢሜቲዴሰ። ኢሰታ ማላቲካ ቡር ሃይቃና። ኢሰታ ማላ ኦሳንቻ ጊዲዳ ኢሰታ ላጌቲኔ ኢሰታ ኢሻታ ቆዳይ ኩሚና ጋካናሰ ኢሰቲ ጉላ ዋዴሰ ሹሞፕዲ ታካና ማላ ኢሰታሰ ዮቲቲዴሰ።

12 ሃሳፊ ጉዬ ሃ ደርሳይ ኡሱፑንላ ማታሜዛ ደዩን ታኒ ጌዴ ኢዛኮ ጃላዲሰ፤ ሄኮ ቢታይ ዋልቃማ ቃላ ቃጂዴሰ። አዋ አርሼይ አሲ ካኖሰ ማይዲዛ ካሬላ ማይያ ማላ ካሬጂዴሰ። አገናይካ ኩሚላራ ሱላ ማላ ዘዓዲሰ። * 13 ዋልቃማ አሱራ ጫርኮይ ጫርኪዲ ሚላ አይፊ ቆቆፊዛ ማላ ሳሎፕ ያሊንቲይ ቆቆፊቲዴሰ። *

14 ሳሎይካ ዋራቃታ ማላ ፃፀቲዲ ኪቺዴሰ። ዙማቲኔ አባ ጊደን ዲዛ ጋዴቲ ወሪካ ባ ዲዛሶፕ ጳዩቺዳ። * 15 ቢታ ቦላ ዲዛ ካዋቲ ቢታ ሃሪዛይቲ፡ ኦላ ሃላቃቲ፡ ዱሬቲ፡ ዋልቃማቲ፡ አሽካራቲኔ ጎዳቲ ወሪካ ጎንጎሎ ጊደኒኔ ዙማታ ጋርሳን ዛላታ ጋርሳን ቆቲቲዳ። * 16 ዙማታኔ ዛላታካ “ኡና ካሚቲ! አልጋ ቦላ ኡቲዳይሳ ሲንላፊ፡ ሃ ደርሳዛ ሃንቆፊ ኡና ቆቲቲ። * 17 ዋልቃማ ሃንቆ ጋላሳይ ጋኪዴሰ። ኢዛ ኦኔ ዳንዳያናይ?” ጊዳ። *

7

ፃታኔ ኦይዱ ታማኔ ኦይዱ ሺ አሳ አታሜቲላ

1 ሃሳፊ ጉዬ ኦይዱ ኪታንቻታ ቢታ ቦላ ኦይዱ ባጋራ ኤቁዳይታ ቤያዲሰ። ኢሰቲካ ቢታ ቦላ ጊዲን ዋይኮ አባ ቦላ ዋይኮ ሚላ ቦላ አይ ጫርኮይካ ጫርኮንታ ማላ ኦይዱ ባጋራ ዩዛ ቦሻ ጫርኮ ወርሲ ኦይኪዳ። * 2 ዴያ ያሳ ማታማ ኦይኪዳ ሃራ ኪታንቻይ አዋ አርሼይ ሞኪዛ ባጋራ ሃ ዩሺን ታ ቤያዲሰ። ቢታኔ አባ ቆሃናሰ ኢሰታሰ ጎዳቲላ ኢሜቲዳ ኦይዱ ኪታንቻታ ባ ቃላ ቶቁ

ሂሰቲዲ፣ 3 “ኑኒ ኑ ጎዳ ኦሳንቻታ ሊጾ ቦላ ማታሚ ዋላና ጋካናሰ ቢታ ቦላ ገደን ዋይኮ ኣባ ገደን ዲዛይታ ገደን ዋይኮ ሚላታ ገደንካ ሄይታንታ ቆሆፒቲ” ገ ዋሲዳስ። *

4 ታካ ማታሚይ ኢስታ ቦላ ዋዲዳይታ ቆዳ ሲያዲስ። ኢስራዔል ኣሳ ኮቻ ኡባፌ ማታሚይ ኢስታ ቦላ ሾጩቲዳይታ ቆዳይ ዓታኔ ኦይዱ ታማኔ ኦይዱ ሺ ኣሳ።

5 ዩሁዳ ቆሞፌ ማታሚይ ኢስታ ቦላ ሾጩቲዳይቲ፣ ታማኔ ናምቡ ሺ፣

ርቤሌ ቆሞፌ ታማኔ ናምቡ ሺ፣

ጋዴ ቆሞፌ ታማኔ ናምቡ ሺ፣

6 ኣሴሬ ቆሞፌ ታማኔ ናምቡ ሺ፣

ኒፍታሌሜ ቆሞፌ ታማኔ ናምቡ ሺ፣

ሚናሴ ቆሞፌ ታማኔ ናምቡ ሺ፣

7 ሲሞና ቆሞፌ ታማኔ ናምቡ ሺ፣

ሌዌ ቆሞፌ ታማኔ ናምቡ ሺ፣

ዪሳኮሬ ቆሞፌ ታማኔ ናምቡ ሺ፣

8 ዛቢሎኔ ቆሞፌ ታማኔ ናምቡ ሺ፣

ዮሴፌ ቆሞፌ ታማኔ ናምቡ ሺ፣

ቢኒያሜ ቆሞፌ ታማኔ ናምቡ ሺ።

ቦላ ማይዖ ማይዒዳ ዳር ዳሬ

9 ሄሳፌ ጉዬ ታ ዪሊሺን ቆዳይ ባይንዳ ዳር ዳሬይ ዲዛይሳ ቤያዲስ። ሄይታንቲካ ዳሬፔ፣ ዲማ ዲማ ቆሞፌ፣ ዲማ ዲማ ዛርኬፌኔ ዲማ ዲማ ቃላ ሃሳዩዛይታፔ ሸቄቲዳይታ። ሄይቲ ወሪ ቦላ ማይዖ ማይዒዳ ዛሞባ ሃይሉ ባ ኩሺን ኦይኪዲ ኣልጋ ሲንሳኒ ደርሳዛ ሲንሳን ኤቁዳ። 10 ቃላ ቶቁ ሂሰቲዲ “ኣቶቴሉ ኣልጋ ቦላ ኡቲዳ ኑ ጎዳቴኔ ደርሳዛፔኮ!” ገዳ።

11 ኢዛ ኪታንቻቲ ወሪካ ኢዛ ኣልጋስ፣ ጨማታኔ ኦይዱ ደዓታ ዩይ ኣጂ ኤቁዳ ኣልጋዛ ሲንሳን ጉፋኒዲ ያሳሰ ጎይኒዳ።

12 “ኣሚን! ሳባይ፣ ገታቴሉ፣

ኤራቴሉ፣ ጋላታይ፣ ቦንቾይ፣

ዋልቃይኔ ሚናቴሉ ኑ ጎዳስ ያሳሰ ማርናፔ ማርናሰ ገዳ። ኣሚን!” ገዳ።

13 ጨማታ ገደፌ ኢሳዳይ ታኮ ሲሚዲ ታና “ሃይቲ ቦላ ማይዖ ማይዒዳይቲ ኦናንቴ? ኢስቲ ኣዋፔ ዪዳይቲ?” ገዳስ።

14 ታካ “ጎዳወ! ኔ ኤራሳ” ጋዲስ። ኢዛካ ታሰ “ሃይቲ ዋልቃማ ዋይዛ ካንሉዲ ዪዳይታ። ኢስቲ ባ ማዮካ ደርሳ ሱላን ማጪ ገሺዳ። * 15 ሄሳ ገሺ ያሳ ኣልጋ ሲንሳን ዳዒዲ ቃማኔ ጋላስ ኢዛ ኬላን ኢዛሰ ኦሎቴስ። ኣልጋ ቦላ ኡቲዳይሲ ባ ቦንቾራ ቤቲዲ ኢስታሰ ኩዋሶ ገዳና። 16 ሃይሳፌ ጉዬ ኢስቲ ጋፌቴና፣ ሳሞቴቴና፣ ኣዋ ኣርሼ ሴላይካ ኢስታ ቦፔናኔ ሆምቤይካ ኢስታ ሆምቤና። * 17 ኣልጋዛሰ ገደ ኣዳን ኡቲዳ ደርሳይ ኢስታ ሃሚዛይ ገዳና። ኢስታካ ጌዴ ዴዖ ሃላ ፑልቶይ ዲዛሶ ካሌላና። ያሲ ኢስታ ኣይፌፔ ኣፋንሳ ቁጫና” ገዳስ። *

* 7:14 ዳኔ 12:1፤ ማፆ 24:21፤ ማር 13:19 * 7:16 ኢሳ 49:10 * 7:17 ማዛ 23:1፤ ሂዘ 34:23፤ ማዛ 23:2፤ ኢሳ 49:10፤ ኢሳ 25:8 * 8:3 ኣሞ 9:1፤ ኬሳ 30:1፣3 * 8:5 ሌዌ 16:12፤ ሂዘ 10:2፤ ኬሳ 19:16፤ ኣጂ 11:19፤ 16:18 * 8:7 ኬሳ 9:23-25፤ ሂዘ 38:22 * 8:10 ኢሳ 14:12 * 8:11 ኤር 9:15 * 8:12 ኢሳ 13:10፤ ሂዘ 32:7፤ ኢዩ 2:10፣31፤ 3:15

8

ላፑንላ ማታሚ ደዬቴሉ

1 ደርሳይ ላፑንላ ማታሚዛ ደዩን ባጋ ሳቲ ገዲዛይሳ ኬና ሳሎይ ጮቡ ገዳስ። 2 ያሳ ሲንሳን ኤቁዛ ላፑን ኪታንቻታ ታኒ ቤያዲስ። ሄ ኣሳታሰካ ላፑን ዲንኬይ ኢሜቲዳስ።

3 ኤፃኔ ኢዛን ጨዋሲዛ ዋርቃፍ ኦሴቲዳይሳ ኦይኪዳ ኪታንቻይ ዪዲ ያርሾ ኢዛን ያርሺዛሶዛ ኣቻን ኤቁዳስ። ኣልጋ ሲንሳን ዲዛ ዋርቃፌ ኦሴቲዳ ያርሾ ኢዛ ቦላ ያርሺዛይሳ ቦላ ገሻታ ዋሳራ ኢሲፌ ሺሺዛ ዳር ኤፃኔይ ኢዛሰ ኢሜቲዳስ። * 4 ሄ ኤፃኔዛ ጨዋይ ያሳሰ ዲማቲዳ ኣሳታ ዋሳሰ ሄ ኪታንቻ ኩሺፔ ፑዴ ያሳ ሲንሳ ኬዚዳስ።

5 ሄሳፌ ጉዬ ኪታንቻዚ ኤፃኔ ኢዛን ጨዋሲዛይሳ ኦይኪዳ ያርሾ ያርሺዛሶዛፔ ታማ ኤኪ ኢዛን ኩንሉዲ ዲጌ ቢታ ቦላ ዩገዳስ። ዳዳይ ዳዳቲዳስ፤ ገርሲ ገርዳስ፤ ዋልቃንሉ ዋልቃሚዳስ፤ ቢታይካ ቃዲዳስ። *

ዛዬይ ፑኔቲዳስ

6 ላፑን ዛዬ ኦይኪዳ ላፑን ኪታንቻቲ ባ ዛዬ ፑናናሰ ገሺቲዳ።

7 ኮይር ኪታንቻዚ ባ ዛዬዛ ፑኒዳስ፤ ሻቺኔ ሱሉ ዋላኩቲዳ ታማይ ሜዴቲዲ ዲጌ ቢታ ቦላ ዩገቲዳስ፤ ቢታፌ ጨጎይ ፀ-ጌቲዳስ፤ ሚላፌካ ጨጎይ ፀ-ጌቲዳስ፤ ጨሊላ ማታይካ ወሪ ፀ-ጌቲዳስ። *

8 ናምዓንላ ኪታንቻይካ ባ ዛዬዛ ፑኒዳስ፤ ኢሲ ገታ ዙማ ሚሳቲዛ ሚሺ ኤፂሼ ዲጌ ኣባ ገደ ዩገቲዳስ፤ ኣባሰ ጨጎይ ሱሉ ገዲዳስ። 9 ኣባ ገደን ሸምፖራ ዲዛ ሜዴቴላፌ ጨጎይ ወሪ ሃይቁዳስ። ማርካቤታፔካ ጨጎይ ኩሚሳ ጳዩዳስ።

10 ሄዳንላ ኪታንቻዚ ባ ዛዬዛ ፑኒዳስ። ያምፔ ማላ ኤፂዛ ኢሲ ገታ ያለንቴይ ሳሎፔ ዲጌ ኩንዲዳስ። ኢዚ ኩንዲዳይ ሻፋታ ጨጎ ቦላኔ ሃላ ፑልቶታ ጨጎ ቦላ። * 11 ሄ ያለንቴዛ ሱንሳይ ጫሞ ጌቲቴስ፤ ሃሳሰ ጨጎይ ጫሞ ገዲዳስ፤ ሄ ጫሞ ሃላ ጋሶን ዳር ዳሬይ ሃይቁዳስ። *

12 ኦይዳንላ ኪታንቻይ ባ ዛዬዛ ፑኒዳስ፤ ኣዋ ኣርሼሰ ጨጎይ፣ ኣገናሰ ጨጎይ፣ ያለንቴታሰ ጨጎይ ሾጩቲዳስ፤ ሄሳ ገሺ ሄይታንታ ፖፖፔ ጨጎይ ቆሚዳስ፤ ሄሳ ማላንካ ጋሳሳፌ ጨጎይ ኦማርሰ ገዲዳስ። ሄሳላካ ኦማርሳፔ ጨጎይ ፖፖይ ባይንዳ ቆሚ ገዲዳስ። *

13 ታ ቃሰ ዛራ ዪሊሺን ኢሲ ጎሌ ካሮይ ሳሎ ቦላ ፒራጂሼ ገታ ቃላን “ሃንኮ ኣቲዳ ሄቭ ኪታንቻቲ ባ ዲንኬታ ገሪሰ ሲሲዛ ዋዴ ቢታ ቦላ ዲዛ ኣሳሰ ኣዬ-ኣና! ኣዬ-ኣና! ኣዬ-ኣና!” ገሺን ሲያዲስ።

9

1 ኢቻሻንላ ኪታንቻይ ባ ዛዬዛ ፑኒዳስ። ታ ቃሰ ሳሎፔ ካሴ ዲጌ ቢታ ቦላ ኩንዲዳ ያለንቴዛ ቤያዲስ። ኢዛሰ ቃሰ ጨማ ኦላ ደዩዛ ቁልፔይ ኢሜቲዳስ።

2 ኢዚካ ሄ ጨማ ኦላዛ ደደደሰ። ሄ ጨማ ኦላፕ ዋልቃማ ታማ ጨዋ ማላ ጨዋይ ኬዚደሰ። ሄ ኦላፊ ኬዚደ ጨዋዛ ጌደን አዋ አርሼይኔ ሳሎይ ቋሚደሰ። *

3 ሄ ጨዋፔ ቢታ ቦላ ቦሌይ ኬዚደሰ። ቢታ ቦላ ዲዛ ማሰማሶታሰ ዲዛ ዋልቃ ማላ ዋልቃይ ኢሰታሰ ኢሜቲደሰ። * 4 ቢታ ቦላ ዲዛ ማታ ጊደን ዋይኮ አይ ሚሺካ ሃራ ጨሊላ ሚሽ ሞንታ ማላ ዋይኮ አይ ሚሊካ ቆሆንታ ማላ ኢሰታሰ ዮቲቲደሰ። ኢሰቲ ቆሃና ቤሲዛይ ቃሰ ሊጶ ቦላ ያሳ ማታሚይ ባይንዳ አሳታ ያላላ ጊደና ማላ። * 5 ሄ ኢሰታካ ኢቻሹ አገና ጋካናሰ ዋዬ ያላላ ዋዬሳና አቲን ዋዶ ዋዳና ማላ ፒቃዴይ ኢሰታሰ ኢሜቲቤና። ሄ ቦሌቲ አሳ ቦላ ጋሊዛ ዋዬዚ ማሰማሶይ አሰ ዱኪኮ አሰ ሴሊዛ ሴላ ማላ። 6 ሄ ጋላሳታን አሳይ ሃይቃና ኮያና ሺን ሃይቆ ዴሜና። ሃይቃናሰ አሞታና ሺን ሃይቆይ ኢሰታፊ ባቃታና። *

7 ቦሌቲ ቃሰ ኦላሰ ገቢቲዳ ፓራታ ሚሳቲቲሰ፤ ኢሰታሰ ሁዔ ቦላ ዋርቃ አክሊሌ ሚሳቲዛ ሚሺ ደሰ። ኢሰታ አይፊሶይ አሳ አይፊሶ ሚሳቲሰ። * 8 ኢሰታ ሁዔ ኢሊኬይ ማጫሳ ሁዔ ኢሲኬ ሚሳቲሰ፤ ኢሰታ አቺይ ቃሰ ጋሞ አቺ ሚሳቲሰ። * 9 ቢራታፔ ኦሴቲዳ ፀራሪ ጌቲቲዛ ማይዎ ማላ ቲራ ቦላ ማይዒዛ ማይዎይ ኢሰታሰ ደሰ፤ ኢሰታ ቁፊይ ገሪዛ ገሪሳይ ኦላሰ ቶጌቲዛ ዳር ፓራ፤ ፓራ-ጋሬታ ገሪሳ ማላ ገሪሰ። * 10 ኢሰታሰ ማሰማሶ ሳይና ማላይኔ ዱኪዛሶይ ደሰ። ኢሰታሰ ሳይና ጊደን ኢቻሹ አገና ጋካናሰ አሰ ቆሃዛ ዋልቃይ ደሰ። 11 ካዎይካ ኢሰታሰ ደሰ። ሄ ኢዚካ ጨማ ኦላ ኪታንቻዛ። ኢዛ ሱንላይካ ኢብራዌታ ቃላራ “አባደኔ” ጌቲቲሰ። ቃሴ ገሪኬ ቃላራ “አጲሊዮኔ” ጌቲቲሰ። ሄሳ ጉሲካ ፒቲ ቆይሲዛይሳ ጉሳ። *

12 ኮይሮ ሃርጊሶ ዋሶይ አቋደሰ። ሄሳፊ ቃሰ ሃራ ናሞ-ዋሶይ ቡሮ ያና።

13 ኡሱፑንላ ኪታንቻይካ ባ ዛዬዛ ፑኒደሰ። ሄኮ! ያሳ ሲንላን ዲዛ ዋርቃፊ ኦሴቲዳ ያርሾ ያርሺዛሶዛን ዲዛ ካጩታ ጊደፊ ገሪሰ ሲያዲሰ። * 14 ሄ ገሪሳይካ ዲንኬ ኦይኪዳ ኡሱፑንላ ኪታንቻዛ “ዋጋ ሻፋን ኤፊራዲሰን ቃሹቲ ዲዛ ኦይዱ ኪታንቻታ ቢርሻ ዮዳ” ጊደሰ። 15 ሃይሳ ሃ ሳቲዛሲኔ ሃ ጋላሳሰ። ሃ አገናሲኔ ሃ ላይላሰ ገቢቲዳ ኦይዱ ኪታንቻቲ አሳ ዜሬላፊ ጨሳ ባጋ ዋዳና ማላ ቢርሹቲዳ። 16 ሄ ፓራን ኦሊዛ አሳታ ጮራቲላይ ያታታን ቆዴቲዛ ሚሎኔ ጊዲዳይሳ ታኒ ሲያዲሰ።

17 ፓራቲኔ ሄ ፓራታ ቶጊዳ አሳታ ታኒ አጅታን ቤዱዳይቲ ሃይሳፊ ካሊዛይሳ ማላኮ! ኢሰታሰ ቲራ ቦላ ዲዛ ፀራሪዚ ታማ ቦንቆ ማላ ዘዎ፤ ሳሎ ማላ ካሬሊኔ ጋላልዎ ሚሳቲሰ። ፓራታ ሁዔይ ጋሞ ሁዔ ሚሳቲሰ። ኢሰታ ዲናፔ ታማይኔ ጨዋይ ዲኔ ጌቲቲዛ ሚሽ ኬዜሰ። 18 ኢሰቲ ባ ዲናፔ ኬሲዳ ታማይ ጨዋይኔ ዲኔይ ሃ ሄቭ-ቦቻታን አሳ ዜሬላፊ ጨሳይ ሃይቁደሰ። 19 ሄ ፓራታ ዋልቃይ ኢሰታሰ ዲና ጊደኒኔ ሳይና ቦላ ደሰ። ኢሰታ ሳይናይ ሾሽ ሚሳቲሰ። ኢዛሰ ሾሻ ሁዔይካ ደሰ። ኢሰቲ አሴ ሄሳን ቆሃቲሰ።

20 ሃይታ ሃ ቦቻታን ሃይቆፔ አቲዳ አሳ ዜሬላቲ ካሴ ባ ኦሊዳ ኢታ ኦሶፔ ሲሚዲ ማርቲላን ጌሊቤይቲና። ዳይዳንላሰ ዋርቃፊ፣ ቢራፔ፣ ዓርቁማላፔ፣ ሹቻፊ፣ ሚሳፊ፣ ኦሴቲዳ ያላናሰ ዋይኮ ሃይላን ሲያናሰ ዋይኮ ሃሙታናሰ ዳንዳዮንታ ኤቃታሰ ሳይኖ አገቤይቲና። * 21 ሄሳላካ ሹሞፖ ዋዶፔ፣ ቢታፔ፣ ላይማፊኔ ካይሶቲላፊ ሲሚዲ ማርቲላን ጌሊቤይቲና።

10

ኪታንቻኔ ያሳ ማፃፋ ጉላዮ

1 ሄሳፊ ጉዬ ሻራ ማይዒዳ ሃራ ሚኖ ኪታንቻይ ሳሎፔ ዱጌ ዋዳዛይሳ ቤያዲሰ፤ ዙላይ ኢዛ ሁዔ ዩይ አቋደሰ። ኢዛ አይፊሶይ አዋ አርሼ ሚሳቲሰ። ኢዛ ቶሆቲካ ታማ ቲሰ ሚሳቲቲሰ። 2 ዓላፊ ቢርሹቲዳ ኢሲ ጉላ ማፃፋ ዲዛር ባ ኩሺን ኦይኪ ኡቲደሰ። ኢዚ ባ ኡሻቻ ቶሆዛን አባ ሃዲሪሳ ቶሆዛን ቃሰ ቢታ ዬቋ ኤቁደሰ። 3 ጋሞ ዓሳ ማላ ጊታ ቃላራ ያጊደሰ። ኢዚ ያጊዳ ማላ ላፑን ዳዳቲ ባ ገሪሳ ሲሲዳ።

4 ላፑን ዳዳቲ ባ ገሪሳ ሲሲዳ ማላ ታ ዓፋና ጋዳ ቆፓዲሰ ሺን “ሃ ላፑን ዳዳቲ ዮቶይሳ ቁሞዓ ዋላ አቲን ዓፎፓ!” ጊዛ ቃላ ሳሎፔ ሲያዲሰ።

5 ሄሳፊ ካሊዲ አባ ቦላኔ ቢታ ቦላ ኤቁ ዲሺን ታ ቤዱዳ ኪታንቻዚ ባ ኡሻቻ ኩሺ ፑዴ ሳሎ ዳንሊዲ፣ 6 ሚርናፔ ሚርናሰ ዲዛይሳን ሳሎኔ ሳሎን ዲዛይታ ቃሴካ ቢታኔ ቢታ ጋርሳን ዲዛይታ፣ አባኔ አባ ጊደን ዲዛይታ ሜቋዳ ያሳ ሱንላ ያይጊ ጫቁዲ “ሃይሳፊ ጉዬ ኢዚ ጋሞዔና! 7 ጊደ አቲን ላፑንላ ኪታንቻይ ባ ዛዬዛ ፑኒ ሲሲዛ ጋላሳታን ኢዚ ባ አሳንቻታሰኔ ናቤታሰ ኤሪሲዳ ማላ ያሳ ፀራይ ፖሌታና” ጊደሰ። 8 ሄሳፊ ጉዬ ታኒ ሳሎፔ ሲዱዳ ቃላይ “አባ ቦላኔ ቢታ ቦላ ኤቁዳ ኪታንቻ ኩሺን ደዌቲ ዲዛ ዓላ ማፃፋዛ ባዳ ኤካ!” ጊዲ ቃሴካ ታሰ ዮቲደሰ።

9 ታኒ ቃሰ ኪታንቻዛኮ ባዳ “ሂኖ ቄሪ ዓላን ዲዛ ማፃፋዮ ታሰ አማ” ጋዲሰ። ኢዚካ “ሃይ ኤካዳ ማ! ኢዛ ኔና ኔ ኡሎ ጊደን ጫማና ሺን ዲናን ቃሴ ኔና ኤሳ ማላ ማልዓና” ጊደሰ።

10 ታካ ሄ ቄሪ ዓላ ማፃፋዮ ኪታንቻዛ ኩሺፔ ኤካዳ ማዲሰ። ኢዛካ ታ ዲናን ታና ኤሳ ማላ ማልዓዲሰ ሺን ታ ማዳ አገን ጉዬፔ ታ ኡሎ ጊደን ታና ጫማዲሰ። 11 ሄሳፊ ቃሴ “ዳር ዲማ ዲማ ቆሞ አሳ ገሽ ዲማ ዲማ ቃላን ሃሳዬዛ አሳታ ገሺኔ ካዎታ ገሽ ቃሴካ ቲንቢቲ ኔ ዮታና ማላ ኔሰ ቤሴሰ” ጌቲቲዲ ታሰ ዮቲቲደሰ።

11

ናሞ-ማርካታ

1 ሄሳፊ ጉዬ ታ ኢዛራ ዋዳ ዋዳናሰ ጉፊ ሚሳቲዛ ሾሞቦቆይ ታሰ አሚቲደሰ። ታሰ ሂዝጌቲደሰ “ኔኒ ዳንዳዳ ያሳ ኬላዛኔ ጊደ ከሬሌታ ዋዳ! ሄን ገይኒዛያታ ታይባ። * 2 ያሳ ዋሳ ኬላፊ ካሬራ ጮ ዲዛሶዛ አጋጋ። ሄሲ አይዛቤታሰ ኢሜቲዳሶ ጊዲዳ ገሽ ኔ ኢዛ ዋዶፋ። አይዛቤቲ ገሻ ካታማዮ ኦይዱ ታማኔ ናሞ- አገና

* 9:2 ሜዳ 19:28 * 9:3 ኬሳ 10:12-15 * 9:4 ሂዚ 9:4 * 9:6 እዮ 3:21፤ ኤር 8:3 * 9:7 ኢዩ 2:4 * 9:8 ኢዩ 1:6 * 9:9 ኢዩ 2:5 * 9:11 አባደኔ፣ አባደኔይ ገሪኬ ቃላራ “አጲሊዮኔ” ጌቲቲሰ፤ ቢርሹላይካ “ፒቲ ቆይሳ” ጉሳ * 9:13 ኬሳ 30:1-3 * 9:20 ማዛ 115:4-7፤ 135:15-17፤ ዳኔ 5:23 * 11:1 ሂዚ 40:3፤ ዛካ 2:1-2 * 11:2 ሉቃ 21:24

ጋካናስ ዩጲ ሃራና። * 3 ታ ማርካ ናምዓቲ ካዮ ማይዎ ማይዒ ዲ ኢሲ ሺያኔ ናምዑ ያታኔ ኡሱቸን ታሙ ጋላስ ጋካናስ ቲንቢቲ ዮታና ማላ ታ ኢስታስ ዋልቃ ኢማናና።”

4 ሄይቲ ቢታ ጎዳ ሲንፋን ኤቁዛ ናምዑ ዋጋራ ማላቲኔ ኢስታ ሶላ ያምፔ ዋሊዛ ናምዑ ባላታ። * 5 ኢኒካ ኢስታ ቆሃናስ ኮይኮ ኢስታ ዲናፕ ታማይ ኬዚዲ ኢስታ ሞርኬታ ፀጋና። ኢስታ ቆሃና ኮዩዛዳንቲ ዉሪ ሃይቃናይ ሄሳ ማላና። 6 ኢስቲ ቲንቢቲ ዮቲዛ ሄ ጋላሳታን ኢራይ ቡኮንታ ማላ ሳሎ ጎርዳናስ ማታይ ኢስታስ ዳስ። ሄሳሶካ ሃላታ ሱፋን ላማናስ ኮይኮካ ሃራ ኣይ ማላ ቦሻንካ ቢታ ሾጫናስ ዋልቃይ ኢስታስ ዳስ። *

7 ኢስቲ ባ ማርካቴላ ዉርሲዳፕ ጉዬ ሂርኪ ጨማ ኦላፌ ኬዚዛ ደዓይ ኢስታራ ኦሌቲዲ ኢስታ ያናና ዋቆና። * 8 ኢስታ ኣሃይ ለሚሶራ ሶዶሜኔ ገብዔ ጌቲቲዛ ገታ ካታማይን ጮ ዴንባን ዚንባና። ሂና ካታማያ ካሴ ኢስታ ጎዳይ ኢዚን ካቁቲዳሶዮ። *

9 ዲማ ዲማ ቆሞቲኔ ዲማ ዲማ ዛርኬቲ፣ ዲማ ዲማ ቃላን ሃሳዩዛይቲኔ ዴሬቲ ሄቭ ጋላሲኔ ባጋ ጋካናስ ኢስታ ኣሃ ያላናኔ ሄ ኢስታ ኣሃይ ሞጌቶንታ ማላ ዲጋና።

10 ሄይቲ ናምዑ ናቤቲ ካሴ ቢታ ሶላ ዲዛ ኣሳ ዋይሲዳ ጊሽ ሃዒ ቃስ ቢታ ሶላ ዲዛ ኣሳይ ሃ ናቤቲ ሃይቁዳ ጊሽ ኡፋይታና። ሄ ኡፋይሳስ ባዓሌ ኦሊዲ ኢሶይ ኢሳስ ዩስ ኢማና። 11 ገዶ ኣቲን ሄቭ ጋላሲኔ ባጋይ ኣቋዳፕ ጉዬ ኢስታስ ሾምፖ ኢሚዛ ፔናይ ያሳ ኣቻፌ ዩዲ ኢስታ ኣሃን ጌሊዳስ። ኢስቲካ ባ ቶሆን ኤቁዳ ኢስታ ቤዩዳ ኣሳይ ዳር ባቢዳስ። *

12 ሃሳፌ ጉዬ ሄ ናምዑ ናቤቲ “ሃ ፑዴ ኬዚቲ!” ገዛ ቃላ ሳሎፕ ሲዩዳ። ኢስታ ሞርኬቲ ኢስታ ያሊሺን ኢስቲ ሻራራ ፑዴ ሳሎ ኬዚዳ። * 13 ሄ ሳቲዩንካ ዋልቃማ ቢታ ቃሊ ሃንደስ። ሄ ካታማስ ታማሬ ኢሲ ኩሼይ ላሌቲዳስ። ቢታ ቃላ ጋሶን ላቸን ሺ ዴሬይ ሃይቁዳስ። ሃይቆንታ ኣቲዳ ኣሳይ ቃስ ዳር ባቢዳስኔ ሳሎ ያሳካ ቦንቸዳስ። *

14 ኣዬ ኣና! ገዛ ቃላ ናምዓንፊዚ ኣቋን ሄቭንፊዛ ዋሶይ ኤሶን ጋካና።

ላቸንፊ ዛዬ

15 ላቸንፊ ኪታንቻይካ ባ ዛዬዛ ፑኒዳስ። ሳሎን ቃስ “ኣላማ ካዋቲሊ ኑ ጎዳ ያሳሲኔ ኪርስቶሳስ ገዲዳስ። ኢዚካ ሜርናፕ ሜርና ጋካናስ ካዋታና” ገዛ ገታ ቃላይ ሲዬቲዳስ። * 16 ያሳ ሲንፋን ባ ኣልጋ ኣልጋ ሶላ ኡቲዳ ናምዑ ታማኔ ኦይዲ ጨማቲካ ባ ሊጶን ጉፋኒዲ ያሳስ ጎይኒዳ። 17 ቃሴካ

“ካሴካ፣ ሃዒካ ዲዛይሶ!
ኡባካ ዳንዳዩዛ ጎዳ ያሶ!
ኔኒ ኔ ገታ ጎዳቲላ ኔ ኩሼን ኦይኪዳ ጊሺኔ
ካዋቲዳ ጊሽ ኔኒ ኔና ጋላቶስ።
18 ኣይዛቤይ ሃንቁቲዳስ፤
ካሴ ሃይቁዳይቲ ፐርዳ ዴሚዛ ዋዴይ ጋኪዳስ፤
ካሴ ኔ ኦሳንቻታ ናቤታሲኔ
ጌሻታስ ኔ ሱንፋን ቦንቸዛይታስ፤
ጉላታሲኔ ገታታስ፤

ኔኒ ኢስታስ ኢስታ ዋጋ ኢሚዛ ዋዴይ ሃዒ ጋኪዳስ።

ቢታ ቆይሲዳይታ ኔ ቆይሳናስ ዋዴይ ጋኪዳስ” ገዲ።
19 ሳሎን ዲዛ ያሳ ኬፋ ገዶ ኪፊሌይ ደዩቲዳስ። ኢዛ ጫቆ ታቦታዚካ ሄን ያሳ ኬፋስ ገዶ ኪፊሌን ቤቲዳስ። ዋልቃንፊ ዋልቃሚዳስ፤ ገርሲ ገርዳስ፤ ዳዳይ ዳዳቲዳስ፤ ቢታ ቃሊኔ ዋልቃማ ሻቺ ቡኪዳስ። *

12

ማጫሳዮ ኣዌ ሾሻ

1 ሃሳፌ ጉዬ ገታ ማላሊሲዛ ማላታይ ሶላ ሳሎ ሶላ ቤቲዳስ። ኢሲ ማጫሲያ ኣዋ ኣርሼ ማይዳዳ፣ ኣገና ባ ቶሆን ዩቆዳ ታማኔ ናምዑ ያለንቲታ ኣክሊሌ ማላ ባ ሁዒን ዋላዳ ቤታዲስ። 2 ኢዛካ ሻራራ ዳዉስ። ዩሎ ማይዳይ ኢዛ ኦይኪን ማቶታዳ ዋሳዲስ።

3 ሃሳሶካ ሃራ ማላታይ ሳሎ ሶላ ቤቲዳስ። ኢዛስ ላቸን ሁዒይኔ ታሙ ካጩቲ ዲዛ ኢሲ ገታ ዳዌይ ቤቲዳስ። ኢዛ ሁዒታ ሶላካ ላቸን ዛዉዴቲ ዳቲስ። *

4 ኢዚ ባ ጎይናራ ሳሎ ያለንቲታፕ ጨጎ ገዲዛይታ ሳሎፕ ዲጌ ቢታን ዩጌዳስ። ሄ ማጫሳዮ ዩሊሺን ኢዛ ዩሊዛ ናዛ ሚታናስ ቆፕዲ ዳዌዚ ሄ ዩላናስ ማቲዳ ማጫሳይስ ሲንፋን ኤቁዳስ። *

5 ማጫሳዮካ ካሴ ዴሬታ ኡባ ቢራታ ጉፌራ ሃሪዛ ኣቲማ ና ዩላዲስ ሺን ናዚ ቃስ ፑዴ ያሳኮኔ ያሳ ኣልጋኮ ኤኬቲዳስ። * 6 ማጫሳዮካ ዲጌ ባዘ ቢታ ቤታዲስ። ሄ ባዳ ኢሲ ሺያኔ ናምዑ ያታኔ ኡሱቸን ታሙ ጋላስ ጋካናስ ቦንቻን ዳናሶ ያሲ ካሴ ኢዚስ ገገስ ዋሊዳስ።

7 ሳሎ ሶላ ኦላይ ዴንዲዳስ። ሚካሌይኔ ኢዛ ኪታንቻቲ ዳዌዛራ ኦሌቲዳ። ዳዌዚኔ ኢዛ ኪታንቻቲካ ዛሪዲ ሚካሌራኔ ኢዛ ኪታንቻታራ ኦሌቲዳ። * 8 ገዶ ኣቲን ዳዌዚኔ ኢዛ ኪታንቻቲ ያኔቲዳ። ሃሳፌ ጉዬ ኢስታስ ሳሎን ዳናሶይ ቤቲቤና። 9 ሄ ገታ ዳዌዚ ዲጌ ዩጌቲዳስ። ኢዚካ ኩሚላ ኣላሚዛ ባሌሊዛ ዳሱሎሳ ዋይኮ ያላዒ ጌቲቲ ያይጌቲዛ ቤኒ ዋዴ ሾሻዛ። ኢዚ ቃስ ዲጌ ቢታ ሶላ ዩጌቲዳስ። ኢዛ ኪታንቻቲካ ኢዛራ ኢሲፌ ዩጌቲዳ። *

10 ሃሳፌ ጉዬ ኢሲ ገታ ገሪስ ሳሎፕ ሂዘጊሺን ታ ሲያዲስ “ሃኮ ኣሴ ኣሾይ፣ ዋልቃይኔ ካዋቲሊካ ኑ ጎዳስ ገዲዳስ። ማታይካ ኪርስቶሳስ ገዲዳስ። ኑ ኣሻታ ኑ ጎዳ ሲንፋን ጋላሲኔ ቃማ ሞቲዛ ኑ ኣሻታ ባርጋራይ ዲጌ ዩጌቲዳስ። * 11 ኢስቲ ዶርሳዛ ሱፋኒኔ ባ ዮቲዳ ማርካቴላ ቃላን ኢዛ ያኒዳ። ኢስቲ ባ ሾምፖስ ሚሾቶንታ ዲሼ ባና ሃይቆስ ኣሊ ኢሚዳ። 12 ሃሳ ጊሽ ሳሎቲኔ ኢስታ ገዶን ዲዛይቲ ኢንቲ ዉሪካ ኡፋይቲቲ። ኢዛስ ጉላ ዋዴይ ኣቲዳይሳ ኤሪዳ ጊሽ ዳሱሎሲ ገታ ሃንቆራ ዲጌ ኢንቲኮ ዋቋዳ ጊሽ ቢታሲኔ ኣባስ ኣዬ ኣና! ኣዬ ኣና!”

13 ዳዌዚ ዲጌ ቢታ ሶላ ዩጌቲዳይሳ ቤዩዲ ኣቲማ ና ዩሊዳ ማጫሳዮ ጎዴሬሊዳስ። 14 ማጫሳዮካ ባስ ጊጌቲ ዲዛሶ ፐራቆዳ ዲጌ ባዘ ባና ማላ ኢዚስ ገታ

* 11:4 ዛካ 4:3፣11-14 * 11:6 2ካዎ 17:1፤ ኪሳ 7:17-19፤ 1ሳሜ 4:8 * 11:7 ዳኔ 7:7፣21፤ እጁ 13:5-7፤ 17:8 * 11:8 ኢሳ 1:9-10 * 11:11 ሂዚ 37:10 * 11:12 2ካዎ 2:11 * 11:13 እጁ 6:12፤ 16:18 * 11:15 ኪሳ 15:18፤ ዳኔ 2:44፤ 7:14፣27 * 11:19 እጁ 8:5፤ 16:21 * 12:3 ዳኔ 7:7 * 12:4 ዳኔ 8:10 * 12:5 ኢሳ 66:7፤ ማዛ 2:9 * 12:7 ዳኔ 10:13፣21፤ 12:1፤ የሁ 9 * 12:9 ሜጲ 3:1፤ ሉቃ 10:18 * 12:10 ኢዮ 1:9-11፤ ዛካ 3:1 * 12:14 ዳኔ 7:25፤ 12:7

ጎሌ ካፎ ቁፌ ሚሳቲዛ ናምዑ ቁፌቲ አሜቲዳ። እዛ ሄን ዳዌዛ ሲንሳፌ ሃካዳ ሄቩ ላይሌኔ ባጋ ጋካናሰ ሎዎ ቦንቸን ናጌታዲሱ። *

15 ሄ ማጫሳዮ ዲያይ ኤኪ ባና ማላ ሾሻዚ ሻፋ ሃሌ ከና ሃሌ ባ ዲናፔ ጩቲዲ ኢዚፔ ጉዬ ባጋራ ጉሲዳሰ። 16 ጊደ ኦቲን ቢታያ ሄ ማጫሳዮ ማዳዲሰ። ባ ዲና ደያዳኔ ሄ ዳዌዚ ጩቲዲ ጉሲዳ ሃላካ ፀንፃዲሰ። 17 ዳዌዚ ማጫሳይ ቦላ ሃንቁቲዲ ሃንኮ ኦቲዳ እዚ ዜሬላታራ ኦሌታናሰ ቢዳሰ። እሰቲካ ያሳ አዛዘታ ናጊዛይታኔ ዬሱሳሰ አማኔቲዲ ማርካቲዛይታ። 18 ዳዌዚካ ኦባ ኦቻን ኦጩ ቦላ ኤቁዳሰ።

13

ናምዑ ደዓታ

1 ሃሳፌ ጉዬ ኢሲ ደዓይ ኦባፌ ኬዚሺን ቤያዲሰ። ኢዛሰ ታሙ ካጩይኔ ላፑን ሁዔይ ዳሰ። ካጩታ ቦላ ታሙ ዛወዳቲ ዳቲሰ። ሁዔታ ቦላ ጫሻ ሱንላቲ ዳቲሰ። * 2 ታ ቤዪዳ ደዓዚ ማሄ ሚሳቲሰ። እዛ ቶሆይ ደዓ ዛርዶ ቶሆ ሚሳቲሰ። እዛ ዲናይ ቃሰ ጋሞ ዲና ሚሳቲሰ፤ ዳዌዚ ባ ዋልቃ፣ ባ አልጋዛኔ ባ ጎዳቲላካ ሄ ደዓዛሰ አሚዳሰ። *

3 ሄ ደዓዛ ሁዔታፔ ኢሳ ቦላ ዋዲዛ ማዲንሌ ዲዛይሳ ታ ቤያዲሰ ሺን እዛ ሃይቆሰ ጋሊዛ ማዲንላዚ ፓዲዳሰ። ኩሜላ አላሜይ ማላላቲዲ ሄ ደዓዛ ካሊዳሰ። 4 ሄ ደዓዛሰ ጎዳቲሌ አሜቲዳ ጊሽ ኦሳይ ወሪካ ሄ ዳዌዛሰ ጎይኒዳሰ። “ሃይሳ ደዓዛ ሚሳቲዛይ ኦኔ? ኢዛራ ኦሌታናሰ ዳንዳዪዛይ ኦኔ?” ጊሽ ኢዛሰ ጎይኒዳሰ።

5 ኢዛሰ ቃሰ ኦቶሬቲሌኔ ጫሻ ቃላ ሃሳይዛ ዲናይ አሜቲዳሰ። እዚ ኦይዱ ታማኔ ናምዑ አገና ጋካናሰ ጎዳቲላን ኦላና ማላ ኢዛሰ አሜቲዳሰ። 6 ያሳኔ ያሳ ሱንላ እዚ ዲዛሰዛኔ ሳሎን ዲዛይታ ጫሽ ኦይኪዳሰ። 7 ኢዚ ጌሻታ ኦላና ማላኔ ያናና ማላ ኢዛሰ ጎዳቲሌ አሜቲዳሰ። ዲማ ዲማ ቆሞታኔ ዛርኬታ፣ ዲማ ዲማ ቃላን ሃሳዪዛ ዳሬታ ኡባ ቦላ ኢዛሰ ጎዳቲሌ አሜቲዳሰ። * 8 አላሜይ ሜዴቶሳፔ ሃ ሲሚን ኢሰታ ሱንላ ሹኬቲዳ ደርሳዛ ዳዎ ማፃፋን ፃፌቶንታ አላሜ ቦላ ዲዛ ኦሳይ ወሪካ ሄ ደዓዛሰ ሆኪ ጎይናና። *

9 ሃይሌ ዲዛይይ ሲዮ! 10 “ዲዔታናሰ ዲዛይይ ዲዔታና፤ ማሻን ሃይቃናሰ ዲዛይይ ማሻን ሃይቃና” ሃሳ ጊዲዳ ጊሽ አማኒዛይታ ዳንዳያይኔ ኢሰታ አማኔቲሌ ኮሺዛይ ሃኒና። *

11 ቃሴካ ሃራ ደዓይ ቢታፌ ኬዚሺን ቤያዲሰ። ኢዛሰ ቃሰ ደርሳ ካጩ ማላ ናምዑ ካጩይ ዳሰ። እዚ ዳዌላ ሃሳዬሰ። 12 ኢዚ ካሴ ኮይር ደዓዛ ኦላ ጌሊዲ ሄ ካሴይሳ ጎዳቲላን ኦሌሰ። ቢታያኔ ቢታ ቦላ ዲዛይቲ ወሪካ ካሴ ኮይር ደዓዛሰ ጎይናና ማላ ኦሌዳሰ። ሄ ደዓዚ ቃሰ ካሴ እዛ ሃይቆሰ ጋሊዛ ማዲንላይ ፓዲዳ ኮይር ደዓዛ። 13 ሄሲ ናምዓንሉ ደዓዚ ቃሰ ኦሳ ሲንላን ታማ ሳሎፔ ዲጌ ዬጋና ጋካናሰ ጊታ ማላታታ ኦሌዳሰ። 14 ኢዚ ኮይር ደዓዛ ሲንላን ማላታ ኦላና ማላ ኢዛሰ አሜቲዳ ማላታ ጌዶን ቢታ ቦላ ዲዛ ኦሳ እዚ ባሌዳሰ። ማሻን ማዲንፃዲ ፓዲዳ

ደዓዛ ቦንቸሰ ሚሲሌ ኦላና ማላ ቢታ ቦላ ዲዛ ኦሳ ወርሲ እዚ አዛዛና። 15 ናምዓንሉ ደዓዚ ኮይር ደዓዛ ሚሲሌዛሰ ሹምፖ አሚና ማላ ኢዛሰ ጎዳቲሌ አሜቲዳሰ። ዳዎ ሹምፖ አሚናሰ ኢዛሰ ጎዳቲሌ አሜቲዳ ሚሲሌዚ ሃሳያና ማላኔ ሄ ኢዛሰ ሆኪ ጎይናንታዳ እዚ ወርሲካ ዋዳና ማላሳ።

16 ናምዓንሉ ደዓዚ ቃሰ ጉላታ ጊዲን ዋይኮ ጊታታ ጊዲን፣ ዲሬታ ጊዲን ዋይኮ ማንቆታ ጊዲን፣ ጎዳታ ጊዲን፣ ዋይኮ አሸካራታ ጊዲን፣ ወሪካ ባ ኡሻቻ ኩሼን ዋይኮ ባ ሊጴ ቦላ ማላታ ዋልቃራ ዋሊሳና። 17 ሃሳ ማላን ሄ ደዓዛ ሱንላ ኤሪሲዛ ዲማ ማላታይ ዋይኮ ኢዛ ሱንላ እዚ ቦላ ፃፌቲዳ ቁፀራይ ባይንዳይይ ኦኒካ ጊያ ጌሊዲ ሻማናሲኔ ባይዛናሰ ዳንዳዬና።

18 ሃሳ ጊሽ ኦሲ ኤራ ጊዳናይ ሃኒና። ዋዛናራ ዲዛይይ አኬኮ፤ ሄ ደዓዛ ቁፀራዚካ ሃይሳፌ ካሊ ዲዛይሳኮ። ሄሲካ ኡሱፑን ፃታኔ ኡሱፑን ታማኔ ኡሱፑና።

14

ደርሳዛኔ ፃታኔ ኦይዲ ታማኔ ኦይዲ ሺ ኦሳ

1 ሃሳፌ ጉዬ ሄኮ ሄ ደርሳዚ ፃዮኔ ዙማ ቦላ ኤቁዳይሳ ታ ቤያዲሰ። እዛ ሱንላኔ እዛ አዋ ሱንላ ኢሰታ ሊጴ ቦላ ፃፌቲዳይቲ ፃታኔ ኦይዲ ታማኔ ኦይዲ ሺ ኦሳቲ እዛራ ኢሲፌ ዳቲሰ። 2 ሳሎፔ ዋልቃማ ፒሳ ሃላ ጌሪሲኔ ዋልቃማ ዳዳ ጌሪሰ ሚሳቲዛ ጌሪሲካ ሲያዲሰ። ታኒ ሲዪዳ ጌሪሳይ ዲሌ ሚሳቲዛ ባጋና ጌቲቲዛይሳ ዲዲዲ ኦሳይ ሲሲዛ ጌሪሳ ማላ ጌሪዛይሳ። 3 አልጋ ሲንላኒኔ ኦይዲ ደዓታ ሲንላን ጨማታ ሲንላን ፃታኔ ኦይዲ ታማኔ ኦይዲ ሺ ኦሳይ ኦራላ ዬሌ ዬዲዳሰ። ሄ ዬላዛካ ዳራ ጋርሳፌ ደሬቲዳ ፃታኔ ኦይዲ ታማኔ ኦይዲ ሺ ኦሳቲ ኦሳቲ ሃራ ኦኒካ እዚ ታማራናሰ ዳንዳይቤና። 4 ሄይቲ ማቸንታይታ ጊዲዳ ጊሽ ኢሰቲ ማጫራ ኦቁዲ ቲንቤቲና። ኢሰቲ ደርሳይ ቢዛሰ እዛ ካሌቲሰ። ኢሰቲ ያሳሲኔ እዛ ደርሳዛሰ ኦሳ ጋርሳፌ ፃራ ካላ ማላ ሽቁዳይታ። 5 ኢሰቲ ዋርዶ ሃሳያ ኤሬቲና። ዋሶይካ ኢሰታ ቦላ ባዋ። *

ያሳ ፐርዳ ኤሪሲዛ ሄቩ ኪታንቻታ

6 ሃሳፌ ጉዬ ቢታ ቦላ ዲዛ ዲማ ዲማ ቃላን ሃሳዪዛ ዲማ ዲማ ዳሬታ፣ ዛርኬታሰ፣ ቆሞታሰ፣ ኡባሰ ዮታናሰ ሜርና ሚሽራቾ ቃላ ኦይኪዳ ሃራ ኢሲ ኪታንቻይ ሳሎን ቦላን ፕራዲሺን ቤያዲሰ። 7 ኢዚካ ባ ቃላ ቶቁ ሂሰቲዲ “ያሳሰ ባቢቲኔ እዛ ቦንቸቲ። እዛ ፐርዳ ዋዴይ ጋኪዳሰ። ሳሎኔ ቢታ፣ ኦሳኔ ሃላ፣ ፑልቶካ ሜዲዳ ያሳሰ ጎይኒቲ” ጊዳሰ።

8 ሃራ ናምዓንሉ ኪታንቻይ ቃሰ “ዳሬዛ ወርሳ ማሶሲዛ ላይማ ዋይኔ ጫጃ ኡሺዳ ማጫሳያ ሂናካ ዋጋ ጊታ ባቢሎና ኩንዳዲሰ! ኩንዳዲሰ!” ጊሽ ኮይር ኪታንቻዛ ካሊዳሰ። *

9 ሃራይ ሄቫንሉ ኪታንቻይ ቃሰ ጊታ ቶቃ ቃላን ሂዘጊሽ ኢሰታ ካሊዳሰ “ሄ ደዓዛሰኔ እዛ ሚሲሌዛሰ ጎይኒዛይቲኔ ባ ሊጴ ቦላ ዋይኮ ባ ኩሼ ቦላ ዋሊዛይቲ ወሪካ፣ 10 ያሳ ሃንቆ ዋይኔ ጫጃዛ ኡያና። ሄሲካ ሄ ዋይኔ ጫጃዚ ሃራራ ዋላኬቶንታ እዛ ሃንቆ ፀዓፔ

* 13:1 ዳኔ 7:3፤ እጅጋ 17:3፣7-12 * 13:2 ዳኔ 7:4-6 * 13:7 ዳኔ 7:21 * 13:8 ማዛ 69:28 * 13:10 ኤር 15:2፤ 43:11 * 14:5 ሲር 3:13 * 14:8 ኢሳ 21:9፤ ኤር 51:8፤ እጅጋ 18:2 * 14:10 ኢሳ 51:17፤ ሜዴ 19:24፤ ሂዘ 38:22

ደቁትደቁት። ሃሳብ ሃንቲ ገሻ ከታንቻታ ሲንሳኒኔ ደርሳዛ ሲንሳን ታማኒኔ ዲኔ ታማን ፀጌታና። *
 11 ኢስቲ ኢዛን ፀጌቲዛ ታማፔ ኬዚዛ ጩዋዚ ሜርፔ ሜርናስ ፑዴ ኬዚሽ ዳና። ሄ ደዓዛሲኔ ኢዛ ሚሲሌዛስ ጎይኒዛይቲ ዋይኮ ኢዛ ሱንሳ ማላታ ባ ቦላ ዋሉዳይቲ ወሪካ ዋንታኔ ቃማን ኢስታስ ሽምፖይ ዳና።” *
 12 ያሳ ኣዛዘ ናገዛይታፔኔ ዩሱሳ ኣማኖን ሚኒዳ ጌሻታፔ ኮዩቲዛ ዳንዳያይ ሃኒንኮ።
 13 ታኒ ሳሎፔ ሂዘገዛ ቃላ ሲያዲስ “ሃይሳፌ ጉዬ ጎዳ ዩሱሳይታ ገዲዲ ሃይቃናይቲ ኢስቲ ኣንጃቲዳይታ።” ያሎ ኣያናይካ “ኤ፣ ኢስቲ ባ ደቡርሳፌ ሽምፓና ማላ ኢስታ ኦሶይ ኢስታ ካላና” ጌሰ።

ቢታ ቦላ ጎዳ ሃንቆ

14 ሃሳፌ ጉዬ ታ ያሊሽን ታስ ቦላ ሻራይ ቤቲዳስ። ሄ ሻራ ቦላ ቃስ ና ሚሳቲዛይ ኡቲዳስ። ኢዚ ቃስ ባ ሁዔ ቦላ ዋርቃ ኣክሊሌ ዋሉዳስ። ባ ኩሼንካ ቃራ ባጫ ኦይኪዳስ። * 15 ሃራ ከታንቻይ ያሳ ኬላፌ ኬዚዲኔ ሻራ ቦላ ኡቲዳይሳስ ቶቃ ቃላራ “ቢታ ቦላ ቦኔይ ጋኪዳስ! ካላይ ጫኬቲዛ ሳቲይ ማቲዳስ” ገሽ ዋሲዳስ። * 16 ሄ ሻራ ቦላ ኡቲዳይሲ ባጫዛ ዱጌ ቢታ ቦላ ዩዲዳስ። ቢታይካ ጫኬቲዳስ።
 17 ቃስ ሃራ ከታንቻይ ቦላ ሳሎን ዲዛ ዋሳ ኬላፌ ኬዚዳስ። ሄ ኢዚካ ቃራ ባጫ ባ ኩሼን ኦይኪዳስ።
 18 ታማ ቦላ ኢዛስ ጎዳቲሉ ዲዛ ሃራ ከታንቻይ ያርሾ ኢዛ ቦላ ሽሽዛሶዛ ኣቻፌ ኬዚዲ ሄ ቃራ ባጫ ኦይኪዳ ከታንቻዛስ “ሚሳ ኣይፌይ ካዲዳ ገሽ ኔኒ ሃራ ኔ ቃራ ባጫዛ ዩዳዳ ዋይኔ ሚሳ ኣይፌዛ ወርሳ ጫካዳ ቢታፌ ሽሻ” ገዲ ጌታ ቃላን ዋሲዳስ።
 19 ከታንቻዚካ ባጫዛ ዱጌ ቢታ ቦላ ዩዲዲ ቢታን ዲዛ ዋይኔ ሚሳ ኣይፌዛ ጫኪዲ ዋጋ ያሳ ሃንቆ ዋይኔ ኣይፌ ጉምዒዛሶን ዩጊዳስ። 20 ካታማፔ ካሬ ባጋራ ዲዛ ዋይኔ ሚሳ ኣይፌ ጉምዒዛሶን ጉምዒቲዳስ። ሄ ጉምዒዛሶዛፔካ ቢታፌ ቶቃቲሉ ፓራ ቢፃላ ጋካናሲኔ ኢሲ ሽያኔ ኡሱፑን ያት ከሎሜቲሬ ገዲዛሶ ጋካናስ ሱሉ ጎጊዳስ። *

15

ወርሴላ ቦሻታ ኦይኪዳ ከታንቻታ

1 ታኒ ሃራ ዋልቃማ ማላታ ሳሎ ቦላ ቤያዲስ። ያሳ ሃንቆይ ኢስታን ፖሌታናስ ወርሴላ ገዲዲ ላፑን ቦሻታ ኦይኪዳ ላፑን ከታንቻታ ቤያዲስ።
 2 ሃሳፌ ጉዬ ታማራ ዋላኬቲዳ ማሰቶቲ ኣባ ሚሳቲዛ ሚሽ ቤያዲስ። ሃሳብካ ሄ ደዓዛኔ ኢዛ ሚሲሌዛ ኢዛ ሱንሳ ቁፀራዛ ማላታ ያኒዳይታ ቤያዲስ። ያሲ ኢስታስ ኢሚዳ ዲሳ ማላ ባጋና ጌቲቲዛይሳ ኦይኪዲ ማሰቶቲ ሚሳቲዛ ኣባ ኣቻን ኤቁዳ። 3 ያሳ ኣሳንቻ ሙሴ ዩሉኔ ደርሳዛ ዩሉ፣
 “ኡባ ዳንዳዩዛ ጎዳ ያሶ!
 ኔ ኦሶይ ጌታኔ ማላሊሲዛዛ፤
 ዳሬ ካዋዞ!

* 14:11 ኢሳ 34:10 * 14:14 ዳኔ 7:13 * 14:15 ኢዩ 3:13 * 14:20 ኢሳ 63:3፤ ኤር ዘላ 1:15፤ ኣጁ 19:15 * 15:3 ዳሬ ካዋዞ፣ ኢሲ ኢሲ ቢርሹላቲ ዋይታ ካዋዞ ጌቲሰ። * 15:3 ኬሳ 15:1 * 15:4 ኤር 10:7፤ ማዛ 86:9 * 15:5 ኬሳ 38:21 * 15:8 ኬሳ 40:34፤ 1ካዎ 8:10-11፤ 2ታር 5:11-14፤ ኢሳ 6:4 * 16:2 ኬሳ 9:10

ኔ ኦይ ሊኬኔ ቱማ። **
 4 ጎዳ ኔስ ባቦንታ ኣሲኔ
 ኔ ሱንሳ ቦንቸንታ ኣሲ ኦኔ?
 ኔኒ ኔርካ ጌሻ፣
 ኔ ቱማ ፐርዳይ ቆንጨዳ ገሽ ዳሬቲ ወሪ ዩዲ
 ኔ ሲንሳን ኔስ ጎይናና” ገ ዩዲዳ *
 5 ሃሳፌ ጉዬ ታ ዛራ ያሊሽን ካሴ ማርካቲላ ዲንካኔ ገዲዲይሲ ያሳ ኬሉ ሳሎን ደይቲዳስ። * 6 ላፑን ቦሻታ ኦይኪዳ ላፑን ከታንቻቲ ያሳ ኬላፌ ኬዚዳ። ኢስቲ ቃስ ጌሽ ገዲዲ ያልቁዛ ቦላ ማይያ ማይዲዳ። ዋርቃፌ ኦሴቲዳ ዳንጮ ማላ ማይያ ቲራ ቦላ ቃቸዳ። 7 ኣይዲ ደዓታፔ ኢሶይ ላፑን ከታንቻታስ ሜርናፔ ሜርናስ ዲዛ ያሳ ሃንቆይ ኢስታን ኩሚ ኡቲዳ ላፑን ዋርቃ ፀዓታ ኢሚዳስ። 8 ያሳ ኬላይካ ያሳ ቦንቸፌኔ ኢዛ ዋልቃፌ ዳንዲዳይሳን ጩዋይ ኢዛን ኩሚዳስ። ላፑን ከታንቻቲ ባ ኩሼን ኦይኪዳ ላፑን ቦሻቲ ፖሌታና ጋካናስ ኦኒካ ሄ ያሳ ኬሉ ጌላናስ ዳንዳይቤና። *

16

ያሳ ሃንቆራ ዲዛ ፀዓታ

1 ሃሳፌ ጉዬ ላፑን ከታንቻታ “ኣንቲ ቢዲ ያሳ ሃንቆ ኦይኪዳ ላፑን ፀዓታ ዲጌ ቢታ ቦላ ጉሲቲ!” ገዛ ጌታ ቃላይ ያሳ ኬላፌ ኬዚሽን ታ ሲያዲስ።
 2 ኮይር ከታንቻዚ ቢዲ ፀዓዛ ቢታ ቦላ ጉሲዳስ። ደዓዛ ማላታይ ኢስታ ቦላኔ ሄ ደዓዛ ሚሲሌስ ጎይኒዛያታ ቦላ ኢታ ዋይሲዛ ማዳንሳ ኬዚዳስ። *
 3 ናምዓንሳ ከታንቻዚ ቃስ ፀዓዛ ኣባ ቦላ ጉሲዳስ። ኣባይካ ሃይቁዳ ኣሳ ሱላ ማላ ገዲዳስ። ኣባ ገደን ሽምፖራ ዲዛይቲ ወሪካ ሃይቁዳ።
 4 ሃሻንሳ ከታንቻይ ባ ፀዓዛ ሻፋታ ቦላኔ ፑልቶ ሃላታ ቦላ ጉሲዳስ። ሄ ኢስቲካ ሱሉ ገዲዲ። 5 ሃላ ቦላ ኢዛስ ጎዳቲሉ ዲዛ ከታንቻዚ፣ “ካሴካ ሃራካ ዲዛ ጌሻ ጎዳ! ኔኒ ሃሳሉ ፐርዲዳ ገሽ ኔኒ ቱማንቻ። 6 ኣሳይ ካሴ ኣማኒዛይታ ሱሉኔ ናቤታ ሱሉ ጉሲዳ ገሽ ኔ ኢስታ ሱሉ ኡሻዳሳ። ሄሲካ ኢስታስ ቤሴስ” 7 ያርሾ ያርሽዛሶዛፔ ቃስ “ኤ ወርሳ ዳንዳዩዛ ጎዳ ያሶ! ኔ ፐርዳቲ ወሪካ ቱማኔ ሊኬ” ገዛ ቃላ ሲያዲስ።
 8 ኣይዳንሳ ከታንቻዚ ባ ፀዓዛ ኣዋ ኣርሼ ቦላ ጉሲዳስ። ኣዋ ኣርሼይካ ኣሳ ባ ሴላን ፀጋና ማላ ኣዋ ኣርሼስ ዋልቃይ ኢሚቲዳስ። 9 ኣሳይካ ዋልቃማ ሴላን ፀጌቲዳስ። ሄ ቦሻታ ቦላ ሼኔይ ኢዛስ ዲዛ ያሳ ሱንሳ ኣሳይ ጫዩዳስ ኣቲን ማርቲላን ጌሊቤናኔ ኢዛካ ቦንቸቤና።
 10 ኢቻሻንሳ ከታንቻይ ባ ፀዓ ደዓዛ ኣልጋ ቦላ ጉሲዳስ። ሄ ደዓዛ ካዋቲሉ ቃስ ቶሚዳስ። ኣሳይ ቃስ ዋይዛፔ ዳንዲዳይሳን ባርካ ባ ኣንፃርስ ጋርጨዳስ።
 11 ኢስቲ ቃስ ሄ ማዳንሳ ሳኮፔ ዳንዲዳይሳን ሳሎ ያሳ ቃንጊዳ ኣቲን ማርቲላን ጌሊቤና።
 12 ኡሱፑንሳ ከታንቻይ ቃስ ባ ፀዓዛ ዋጋ ኤፊራዲሴ ሻፋን ጉሲዳስ። ኣዋ ኣርሼይ ሞኪዛ ባጋፌ ያና ካዋታስ ኦጌ ገሊሳና ማላ ሻፋዚ ሚሊዳስ። 13 ሄ ደዋዘ ዲናፔኔ

ህ ደዓዛ ደናፔ፣ ዋርዶ ናበዛ ደናፔ ኦቃርስ ሚሳቲዛ ህቸ ቱና ኣያናቲ ከዚህን ታ ቤያዲስ። 14 ህይቲ ቃስ ማለታታ ኦሊዛ ዳይዳንሳ ኣያናታ። ህይቲ ኣያናቲ ወርሲ ዳንዳዪዛ ጎዳ ገታ ጋለስ ሃናና ኦለስ ኣሳ ሺሻናስ ኣላማ ካዋቲ ዲዛሶ ኡባ ባና።

15 “ህኮ ታኒ ካይሶ ማለ ቆፖንታ ጋካ ዋቆና። ኢዚ ካሎቲን ኣሳይ ኢዛ ካሎቲል ቤዮንታ ማለ ቤጊዲኔ ባ ማይዎ ናገዛ ኣሲ ጋለቲቲዳዳ!” *

16 ኣያናቲካ ካዋታ ኢብራዌ ኣሳ ቃላራ። “ኣርማጌዶኔ” ጌቲቲዛ ሶ ሺሺዳ። * 17 ላፑንሶ ኪታንቻዚ ባ ፀዓዛ ጫርኮ ቦላ ጉሲዳስ። ያሳ ኬላ ገደን ዲዛ ኣልጋዛፔ “ፖሎቲዳስ” ገዛ ዋልቃማ ቃላይ ከዚዳስ። 18 ዋልቃንሳ፣ ዳዳ ገሪሲኔ ጉጉንሳ፣ ገታ ቤታ ቃላ ሃኒዳስ። ኣሲ ቤታ ቦላ ሜዴቶሳፔ ሃኖ ጋካናስ ህሳ ማለይ ቤታ ቦላ ሃኒ ኤሪና። * 19 ዋጋ ካታማያ ህቸ ከዛ ሻኬታ ዋቆዳስ። ኣይዛቤታ ካታማቲ ላሎቲዳ ያሲ ዋጋ ካታማዮ ባቢሎኔ ዛሪ ቆፕዳስ። ሚኖ ሃንቆ ፀዓን ኩሚ ኣቲዳ ዋይኔ ጫጃ ኡሻ ኡያና ማለ ኦሊዳስ። * 20 ኣባ ገደን ዲዛ ዳሬቲ ወሪካ ባቃቲዳ፤ ዙማቲካ ቤቲቤቲና። * 21 ኢሲ ኢሲ ሻቺ ኣይዳ ታማኔ ኢቻሹ ከሎ ገደዛ ሻቺ ሳሎፔ ዳጌ ኣሳ ቦላ ዋቆዳስ። ቦቻዚ ዳሮ ኢታ ገደዳ ገሺ ኣሳይ ህ ሻቻ ቦሻ ገደን ያሳ ጫዪዳስ። *

17

ላይማን ኤሬቲዳ ማጫሳዮን ደዓዛ

1 ላፑን ፀዓታ ባ ኩሺን ኣይኪዳ ላፑን ኪታንቻታፔ ኢሶይ ሃ ታኮ ዪዲ ታስ “ሃ ያ፣ ዳሮ ሃላታ ቦላ ኡቲዳ ህ ኢታ ላይማ ማጫሳይ ቦላ ጋኪዛ ፐርዳ ታ ኔና ቤሳና።

* 2 ቤታ ቦላ ዲዛ ካዋቲ ወሪካ ኢዚራ ላይማቲዳ። ቤታ ቦላ ዲዛ ኣሳይካ ኢዚ ላይማቲላ ዋይኔ ጫጃን ማላቲዳስ” ገደስ። *

3 ህሳፌ ጉዬ ኪታንቻዚ ታና ኣያናን ዳጌ ባዘ ቤታ ኤሬዳስ። ኢዛ ኣሳቲላዚ ኩሚል ጫሻ ሱንሳን ፃፊቲዳ ላፑን ሁዔቲኔ ታሙ ካጩቲ ዲዛ ኢሲ ዘዎ ደዓዛ ቦላ ኡቲዳ ኢሲ ማጫሳዮ ቤያዲስ። * 4 ህ ማጫሳያ ጋለልዎ ማለ ማይዮን ዘዎ ማይዮ ማይዳዲስ፤ ዋርቃን፣ ቦንቻ ሹቻኒኔ ኢንቆ ጌቲቲዛ ኣልዎ ሚሺ ማይዳዳ ጸላወስ፤ ኢዛ ባ ኩሺን ቃስ ኢታ ሹኒዛ ሚሺኔ ባ ቱና ላይማቲላ ኢዛን ኩሚዳ ዋርቃ ፀዓ ኦይካ ኡታዲስ። * 5 ኢዚ ሊጴ ቦላ “ፀራ፣ ላይማቲዛይታሲኔ ቤታ ቦላ ቱና ኦሊዛይታስ ኣዮ ዋጋ ባቢሎኔ” ጌቲቲዛ ሱንሳ ፃፊቲ ኡቲዳስ። 6 ህና ህ ማጫሳያ ጌሻታ ሱላኒኔ ዩሱሳን ሱንሳን ሃይቁዳ ኣሳ ሱሳን ማላቲዳሮ ታኒ ቤያዲስ። ታ ኢዛ ቤያዳ ዳሮ ማለታዲስ። 7 ገደ ኣቲን ኪታንቻዚ ቃስ ታና “ኔ ኣዛስ ማለታይ? ሃ ማጫሳያ ፀራ ዮዎኔ ኢዛ ኢስታ ቦላ ኡቲዳ ላፑን ሁዔታኔ ታሙ ካጩቲ ኢዛስ ዲዛ ደዓዛ ፀራ ታ ኔስ ቆንጫሳና። 8 ኔ ቤዪዳ ደዓዚ ካሴካ ዲዛይሳኮ ሺን ሃዒ ዳና። ኢዚ ጉዬፔ

ጨማ ኦላ ገደፌ ከዛናኔ ጌዴ ቆዮሶ ባና፤ ኣላሚይ ሚዴቶሳፔ ኢስታ ሱንሳ ዴዎ ማፃፋን ፃፊቶንታ ቤታ ቦላ ዲዛ ኣሳይ ህ ደዓዚ ካሴካ ዲዛይሳ ሃዒ ቃስ ደንታይሳ ጉዬፔ ያናይሳ ገደዳይሳ ቤዪዳ ማለሌታና። *

9 “ዩሺ ቆፐዛ ኤራ ኣሲ ኮዬቲዛይ ሃኒና። ላፑን ሁዔቲ ህ ማጫሳያ ኢስታ ቦላ ኡቲዳ ላፑን ዙማታ። ህይቲካ ላፑን ካዋታኮ። 10 ህ ላፑን ካዋታፔ ኢቻሻቲ ኩንዲዳ። ኢሶይ ሃዒ ዳስ። ሃንኮይሲ ቃስ ቡር ዪቤና። ኢዚ ዪዲ ጉላ ዋይ ታካናስ ቤሴስ። 11 ኦስፑንሶ ካዋዚ ካሴ ዲዛይ ሺን ሃዒ ቃስ ባይንዳ ደዓኮ። ኢዚ ላፑናታፔ ኢሳ። ኢዚካ ጌዴ ቆዮሶ ባና።

12 “ኔ ቤዪዳ ታሙ ካጩቲ ቡር ካዋቶንታ ታሙ ካዋታ። ገደኮካ ኢስቲ ህ ደዓዛራ ኢሲፌ ኢሲ ሳቲስ ደዓዛራ ካዋታናስ ካዋቲላ ዋልቃ ዳማና። * 13 ህ ታሙ ካዋታስ ኢሲ ቆፋይ ዳናና። ኢስቲ ባ ዋልቃኔ ባ ጎዳቲላ ህ ደዓዛስ ኣላ ኢማና። 14 ኢስቲ ደርሳዛ ቦላ ኦላ ዳንላና ሺን ደርሳዚ ጎዳታስ ጎዳኔ ካዋታስ ካዋ ገደዳ ገሺ ኢዚ ኢስታ ያናና። ኢዛራ ዲዛይቲ ዪይጌቲዳይታ፣ ደሬቲዳይታኔ ኣማኔቲዳይታ” ገደስ። 15 ህ ኪታንቻዚካ ታስ “ሃ ላይማ ማጫሳያ ኢስታ ቦላ ኡታ ዲሺን ኔኒ ቤዪዳ ሃላታ፣ ዳሬታ፣ ኣሳታ፣ ዳማ ዳማ ቆሞታ ቃሴካ ዲማ ዲማ ቃላን ሃሳዪዛይታ። 16 ህ ደዓዚኔ ኔ ቤዪዳ ታሙ ካጩቲ ህ ላይማ ማጫሳዮ ኢፃቴስ። ኢስቲ ኢዛ ቆዮሶ ጋላና፤ ካሎ ማለ ኣሻና፤ ኢስቲ ኢዚ ኣሾ ማናኔ ኢዛ ታማንካ ፀጋና። 17 ባ ቆፋ ፖላናስ ሃይሳላ ኣላና ማለ ህሳ ህ ቆፋ ኢስታ ዋዝናን ዋላዳይ ያሳ። ህሳ ገሺ ያሳ ቃላይ ፖሌታና ጋካናስ ኢስቲ ቆፋን ኢሲኖ ገደና። ባ ካዋቲላ ጎዳቲላካ ህ ደዓዛስ ኣላ ኢማና። 18 ኔ ቤዪዳ ማጫሳያ ቤታ ካዋታፔ ቦላራ ካዋታና ዲዛ ዋጋ ገታ ካታማዮ” ገደስ።

18

ባቢሎኔ ኩንዳላ

1 ህሳፌ ጉዬ ጎዳቲላ ኢዛስ ዲዛ ሃራ ኪታንቻይ ሳሎፔ ዳጌ ዋቆሺን ቤያዲስ። ኢዛ ቦንቻ ፖፖፔ ዳንዲዳይሳን ቤታይካ ፖሊዳስ።

2 ኢዚ ቃስ ቆቃ ቃላን “ገታ ባቢሎና ኩንዳዲስ! ኩንዳዲስ! ኩንዳዲስ! ዳይዳንሳ ዲሳ ሶ ገደዳስ! ቱና ኣያናታስ ኣቆሶ ገደዳስ! ሃራሲዛ ኢታ ካፎታስ ሹምፖሶ፣ ኢታኔ ሃራሲዛ ደዓታሲካ ኣቆሶ ገደዳስ። *

3 ዳሬ ኣሳ ወርሳ ማላሲዛ ባ ላይማቲላ ዋይኔ ጫጃዛ ኡሻዲስ። ቤታ ቦላ ዲዛ ካዋቲ ኢዚራ ላይማቲዳ። ቤታ ቦላ ዲዛ ዛልዓንቻቲ ኢዚሲ ዲዛ ኢሻሎ ዳሳፌ ዳንዲዳይሳን ዳሮ ዳሬቲዳ” ገ ዋሲዳስ *

4 ቃሴካ ሃራ ቃላይ ሳሎፔ “ታ ዳሬቶ! ኢንቲ ኢዚራ ኢዚ ናጋራን ዙፔቶንታ ማላኔ ኢዛ ጋኪዛ ቦሻ ኢንቲ ኢዚራ ገሺቲ ኤኮንታ ማለ ኢዚፔ ሻኬቲ ኬዚቲ። * 5 ኢዚ ናጋራይ ደሬቲዳ ፑዴ ሳሎ ጋኪዳስ። ያሲካ ኢዚ ሞርዛ ኣኬኪዳስ። * 6 ኢዚ ኢሚዳሪ ገና ኢዚሲ ኩሹ ዛሪቲ፤ ኢዚ ኦሶ ገሺ ኢዚሲ ናምዑ ኩሹ ጨጌቲ፤

* 16:15 ማቶ 24:43-44፤ ሉቃ 12:39-40፤ እጁ 3:3 * 16:16 2ካዎ 23:29፤ ዛካ 12:11 * 16:18 እጁ 8:5፤ 11:13:19 * 16:19 ኢሳ 51:17 * 16:20 እጁ 6:14 * 16:21 ኪሳ 9:23-24፤ እጁ 11:19 * 17:1 ኤር 51:13 * 17:2 ኢሳ 23:17፤ ኤር 51:7 * 17:3 እጁ 13:1 * 17:4 ኤር 51:7 * 17:8 ዳኔ 7:7፤ እጁ 11:7፤ ማዛ 69:28 * 17:12 ዳኔ 7:24 * 18:2 ኢሳ 21:9፤ ኤር 51:8፤ እጁ 14:8፤ ኢሳ 13:21፤ ኤር 50:39 * 18:3 ኢሳ 23:17፤ ኤር 51:7 * 18:4 ኢሳ 48:20፤ ኤር 50:8፤ 51:6:45 * 18:5 ሜዴ 18:20-21፤ ኤር 51:9 * 18:6 ማዛ 137:8፤ ኤር 50:29

ኢዚሰ ናምዑ ኩሼ ኢዚይሳፌ አል ዋላኪቲ። * 7 ኢዛ ባሰ፡ ባ ቦንቸሲኔ ባሰ ገጋና ማላ አምይሳ ገና ዋዬኔ ሙዞቲል ኢዚሰ አሚቲ፤ ኢዛ ባ ዋዝናራ ታኒ ካዎ ማቺ ማላ ኡታዲሰ አቲን አምራ ማላ ገዲኬ። ታና ሙዞቲል ሙሌካ ጋኬና ጋዳ ጨቁታወሰ። 8 ሄሳ ገሽ ኢዚ ቦላ ቦቻይ ወሪካ ኢሲ ጋላሰ ጋካና። ሃይቆይ፡ ሙዞቲል፤ ጋፋይ ኢዛ ጋካና፤ ኢዛ ታማን ፀጌታና፤ ኢዚ ቦላ ፐርዲዛ ጎዳይ ያሲ ኢዚ ሚኖ” ገሽን ታኒ ሲያዲሰ።

9 ኢዚራ ላይማቲሼ አሻሎ ዲሰ ዳዩዳ ሃ ቢታ ካዎቲ ኢዛ ፀጌቲሽን ጨዋቲዛ ጨዋ ቤዩዲ ኢዚ ገሽ ዋሲዲ ዩካና። 10 ኢዚ ዋዬዛሰ ባቢዲ ገሽ ሃሆን ኤቁዲ “ሃኔ ገታ ካታማዬ! ሃኔ ሚኖ ካታማዬ ባቢሎኔ! ኔ ፐርዲይ ማፂ ኢሲ ሳቲ ገደን ዩዳ ገሽ ኔሰ አዬ አና! አዬ አና!” ጋና።

11 ሃይሳፌ ጉዬ ኢሰታ ማርካቤን ጨኔቲዳዝ ሻሚዛ አሲ ባይንዳ ገሽ ቢታ ቦላ ዲዛ ዛልባንቻቲ ኢዚሰ ዩካናኔ ካዮታና። * 12 ኢሰታ ማርካቤን ጨኔቲዳይ ዋርቃ፡ ቢራ፡ አልዎ ሹቾ አንቁ፡ ሌዔ ማይዎ፡ ጋላልዎ ማላ ማይዎ፡ ሃሪ ጌቲቲዛ ማይዎ፡ ዘዎ ማይዎ፤ ሎዎ ሳዎ ሳዊዛ ሚል ኡባ፡ ዳንጋርሳ ዛሌ፡ አልዎ ሚላፌ፡ ዓርቁማላ፤ ቢራታ፤ ዋሊዎ፤ ኦሴቲዳ ሚሽ ወሪካ 13 ቃራፋ፡ ሳዎ፡ ሳዊዛ ሚላ፡ ካርቤ፡ ኤፃኔ፡ ዋይኔ ጨጃ፡ ዋጋራ ዛይቲ፡ ጳሌ፡ ገሰቲ፡ ሚዝ፡ ዶርሳታ፡ ፓራታ፡ ፓራ-ጋራታ፡ አይሌታኔ ሃራ አሳታኮ።

14 ዛልባንቻቲ “ሃኔ ኔኒ አምቲዳ ሎዎ ሚሻቲ ወሪካ ኔፔ ሃኪ ቢ ገዲዳ። ኔ ሃርይካ ኔ ጌይይካ ወሪካ ጳዩዳሰ። ሃይሳፌ ጉዬ ኔኒ ሃይታንታ ሙሌካ ዛራ ዳማካ!” ጋና። 15 ሃይታንታ ወርሲ ሻሚ ሻሚዲ ዲሬቲዳ። ዛልባንቻቲ ኢዚ ቦላ ጋኪዳ ዋዬዛሰ ባቢዲ ሃሆን ኤቃና፡ ዩኪሼኔ ሙዞቲሼ * 16 “ካሴ ሌዔ ማይዎ፤ ጋላልዎ ማይዎ ቃሴካ ዘዎ ማይዎ ማይዲዛሪሰ፡ ዋርቃኒኔ ቦንቸ ሹቻን፡ አንቁንካ ጸሊዳ ገታ ካታማይሰ አዬ አና! አዬ አና! 17 ሄሳ ማላ ሃርይ ኢሲ ሳቲ ጋርሳን ጳዩዳሰ” ጋና።

ማርካቤ አዛዚዛይቲ ወሪ ማርካቤን ቢዛይቲ ወሪ ማርካቤ ገደን ኦሊዛይቲ ወሪካ አባ ገደን ዛልባንቻቲ ወሪካ ሃሆን ኤቃና። * 18 ኢዛ ፀጌቲሽን ጨዋቲዛ ጨዋ ቤዩዲ “ሃኖ ሃ ገታ ካታማዮ ሚሳቲዛ ካታማይ ሃራይ አዋን ዳንዴ?” ገሽ ዋሲዳ። * 19 ባ ሁዔን ጉዳላ ቆሊዲ ዩኪሼኔ ሙዞቲሼ “አባ ቦላ ማርካቤይ ዲዛይቲ ወሪካ ኢዚ ሚሽን ዲሬቲዳይቲ፡ ሃና ገታ ካታማያ ኢሲ ሳቲ ገደን ሙሌራ ጳይዳ ገሽ ኢዚሰ አዬ-አና! አዬ-አና!” ገ ዋሲዳ። * 20 ሳሎዘ! ኢዚ ገደን ኔ ኡፋዬታ፤ ያሲ አንቲ ገሽ ኢዚ ቦላ ፐርዲዳ ገሽ አንቲ ጌሻቲ፡ ሃዋሪቲኔ ናቤቲካ ኡፋዬቲቲ። *

21 ሃሳፌ ጉዬ ኢሲ ሚኖ ኪታንቻይ ዋልቃማ ዋፃ ሹቾ ሚሳቲዛ ኢሲ ሹቾ ዳንሳዲ “ገታ ካታማያ ባቢሎና ሃሳባካ ዋልቃራ ሱጌታዳ ኩንዳና። ሃይሳፌ ጉዬ ሙሌካ ቤቱኩ። * 22 ዲል ሚሳቲዛ ባጋና ጌቲቲዛይሳ

ሹጨዛይታኔ ዩል ዩይዛይታ ዩል ሱሱልዔ ሱሱልዒዛ አሳይኔ ዲንኬ ፑኒዛይታ ገሪሰ ናምባንታ ኔናን ሲዬቲና። አይ ማላ ኩሼ ሃላቲል ኦሊዛ ኤራ አሲ ሃይሳፌ ጉዬ ኔናን ቤቲና፤ ዋፃ ገሪሰ ሃይሳፌ ጉዬ ኔናን ሲዬቲና።

* 23 ታማ ፖይይ ሃይሳፌ ጉዬ ኔናን ፖዔና። አዴኔ ማጫ ሚሽራ ቃላይ ሃይሳፌ ጉዬ ኔናን ሲዬቲና። ኔ ዛልባንቻቲ ካሴ አላሚን ኤሬቲዳይታ። ኔኒ ቃሰ አሳ ወርሳ ሙሪኖን ባሌላዳሳ።

24 ኢዚ ገደን ናቤታ ሱንላ፡ ጌሻታ ሱንላኔ ቢታ ቦላ አሳ ኩሼን ሃይቁዳይታ ኡባታ ሱንላ ቤቲዳሰ” ገሽ ዲጌ አባ ገደ ዩገዴሰ። *

19

1 ሃሳፌ ጉዬ ዳር አሳ ቃላ ገሪሰ ሚሳቲዛ ገታ ቃላ ገሪሰ ሳሎፔ “ሃሌ ሉያ! አቶቲል፡ ቦንቸይ፡ ዋልቃይካ ኑ ጎዳሳ። * 2 ኢዛ ፐርዲይ ቱማኔ አዳ፤ ኢዛ ቢታ ባ ላይማቲላን ቱኒሲዳ ዋጋ ገታ ላይማዮ ኢዚ ባ ፐርዲን ኢዛ ቃፃይዳሰ፤ ኢዛ ቃፃይዲ ባ ኦሳንቻታ ሱላ ሃሎ ኬሲዳሰ” ገሽን ታ ሲያዲሰ። 3 ቃሴካ “ሃሌ ሉያ፤ ኢዚፔ ኬዚዛ ጨዋይ ሚርናፔ ሚርና ጋካናሰ ፑዴ ጨዋቲሼ ዳዓና” ገሽ ዋሲዳ። *

4 ናምዑ ታማኔ ኦይዲ ጨማቲኔ ኦይዲ ዶዓቲ አልጋ ቦላ ኡቲዳ ያሳሰ ባ ሊጴ ቦላ ኩንዲዲ “አሚን፤ ሃሌ ሉያ!” ገሽ ኢዛሰ ጎይኒዳ።

ዶርሳዛ ሳርጌ ዲጊሳ

5 ሃሳፌ ጉዬ “ኢዛሰ ያዩዛ ኢዛ ኦሳንቻቲ ወሪካ ጉላቲኔ ገታቲ ኑ ጎዳ ጋላቲቲ” ገዛ ቃላይ አልጋፌ ኬዚዳሰ። * 6 ዳር አሳ ቃላ ገሪሰ ሚሳቲዛይ፡ ሻፋ ሃሳ ገሪሰ ሚሳቲዛ ገሪሰ፡ ዋልቃማ ዳዳ ገሪሰ ሚሳቲዛ ገሪሰ “ሃሌ ሉያ! ወርሲ ዳንዳዩዛ ጎዳይ ካዎቲሰ! * 7 ዶርሳዛ ሳርጌ ጋላሲ ጋኪዳ ገሽኔ ኢዛ ሚሽራያ ገጌታ ኡቲዳ ገሽ ሃ ዩቲ፤ አኔ ኡፋዬቶሰ! አኔ ኡፋይሳን ኢዛ ቦንቸሰ። 8 ኢዛ ያልቁቲዛ ጌሻ ሎዎ ማይዎ ማይዳና ማላ ኢዚሰ አሚቲዳሰ” ገሽን ሲያዲሰ። ሄ ሌዔ ማይዎዚ ጌሻታ ያሎቲላ ኦሶ።

9 ሃሳፌ ኪታንቻዚ ታና “ጌዴ ዶርሳዛ ሳርጌሰ ያይጌቲዳይቲ አንጃቲዳይታ ጋዳ ፻ፋ” ገዴሰ። ካሌሊዲካ “ሃይሲ ቱሙ ያሳ ቃላ” ገዴሰ። *

10 ታካ ሄ ኪታንቻዛሰ ጎይናሰ ኢዛ ቶሆ ቦላ ታ ሊጴን ጉፋናዲሰ-ሽን ኢዚ ታና “አጋ! ሃሳላ ኦሶፋ! ታካ ኔናራ ዩሱሰ ኪርሰቶሳ ማርካቲል ኦይኪዳ አሻታራ ኢሲፌ ኦሊዛዳ፤ ኔኒ ያሳሰ ጎይና! ዩሱሳ ማርካይ ቲንቢቲ አያና” ገዴሰ።

ቦላ ፓራ ቶጊዳዴ

11 ሃሳፌ ጉዬ ሳሎይ ዶይቲዳይሳ ታ ቤያዲሰ። ቃሴካ ቦላ ፓራካ ቤያዲሰ። ሄ ፓራዛ ቶጊዳይሲ አማኔቲዳዴኔ ቱማንቻ ጌቲቲዛዴ። ኢዚ ቃሰ ቱማን ፐርዴሲኔ ኦሊቲሰ። * 12 ኢዛ አይፌቲ ታማ ላጮ

* 18:11 ሂዚ 27:31፡36 * 18:15 ሂዚ 27:31፡36 * 18:17 አሳ 23:14፤ ሂዚ 27:26-30 * 18:18 ሂዚ 27:32 * 18:19 ሂዚ 27:30-34 * 18:20 ዛሬ 32:43፤ ኤር 51:48 * 18:21 ኤር 51:63-64፤ ሂዚ 26:21 * 18:22 አሳ 24:8፤ ሂዚ 26:13 * 18:24 ኤር 51:49 * 19:1 ሃሌ ሉያ ቢሪሽላይ ኢብርቁታ ቃላራ “ያሲ ጋላቲቶ” ጉሳ። * 19:3 አሳ 34:10 * 19:5 ማዛ 115:13 * 19:6 ሂዚ 1:24፤ ማዛ 93:1፤ 97:1፤ 99:1 * 19:9 ማቶ 22:2-3 * 19:11 ሂዚ 1:1-3፤ ማዛ 96:13፤ አሳ 11:4 * 19:12 ዳኔ 10:6

ሚሳቱቲስ። ኢዛ ሁዔ ቦላ ዳር ዛወዳቲ ዳቲስ። ኢዛፔ ኣቲን ሃራ ኣሲ ኦኒካ ኤርንታ ሱንሳ ኢዛ ቦላ ዓፌቲ ኡቲዳስ። * 13 ኢዚ ቃስ ሱላን ማዴቲዳ ማይዖ ማይዒዳስ። ኢዛ ሱንሳይ ቃስ “የሳ ቃላ” ጌኣቲቲስ። 14 ቦላ ፓራታ ቶጊዲ ቦሌኔ ጌሽ ጊዲዳ ሎዖ ማይዖ ማይዒዳ ሳሎ ኦላንቻቲ ኢዛ ካሊዳ። 15 ኣይዛቤታ ኢዛራ ቃንጻዛ ቃራ ማሻይ ኢዛ ዱናፔ ኬዜስ። ኢዚ ኢስታ ቢራታ ጉፊራ ሃራና። ኢዚ ወርሲካ ዳንዳዪዛ ያሳ ማና ሃንቆ ቆንጨሲዛ ዋይኔ ጫጃ ዩዲዳሶን ኢስታ ዩዳና። * 16 ኢዛ ማይዖ ቦላኔ ኢዛ ዋዲራ ቦላ “ኢዚ ካዎታስ ካዎ፣ ጎዳታስ ጎዳ” ጊዛ ሱንሳ ዓፌቲ ኡቲዳስ። 17 ሄሳፌ ጉዬ ቃስ ኣዎ ኣርሼ ቦላ ኤቁዳ ኢሲ ኪታንቻ ቤያዲስ። ኢዚ ቃስ ሳሎ ቦላ ፒራዲዛ ካርታስ “ዋጋ ያሳ ዲጊሳ ማናስ ሃ ዩቲ! ሃ ሸቂቲ! 18 ካዎታ ኣሾ፣ ኦላንቻታ ኣዛዚዛይታ ኣሾ፣ ጎባ ኦላንቻታ ኣሾ፣ ፓራታ ኣሾኔ ፓራ ቶጊዛይታ ኣሾ፣ ጎዳታ ኣሾኔ ኢስታ ኣሽካራታ ኣሾ፣ ጉላ ናይታኔ ጨማ ኣሳታ ኣሾ ጊዲዳ ኣሳ ኡባ ኣሾ ሃ ዩዲ ሚቲ!” ጊሼ ጌታ ቃላን ዋሲዳስ 19 ሄሳላካ ደባዚኔ ቢታ ካዎቲ ኢስታ ኦላ ኣሲካ ቦላ ፓራ ቶጊዳይሳራኔ ኢዛ ኦላ ኣሳራ ኦሌታናስ ሸቂዳይታ ቤያዲስ። 20 ጊዶ ኣቲን ሄ ደባዚ ኦይኬቲዳስ። ካሴ ኢዛራ ዳር ማላታ ኦሊዳ ዋርዶ ናቤዚካ ኢዛራ ኦይኬቲዳስ። ኢዚ ቃስ ሄ ደባዛ ማላታይ ኢስታ ቦላ ዲዛይታኔ ሄ ደባዛ ሚሲሌዛስ ጎይኒዳይታኔ ጌታ ማላታታ ኦሊ ኦሊዲ ኢስታ ባሌሊሽ ጋምዒዳስ። ሄይቲ ናምባቲ ዲኔ ጌቲቲዛ ታማን ኤጻዛ ታማ ኣባን ሃይቆንታ ፓዓ ዲሽ ዩጌቲዳ። * 21 ሃንኮ ኣቲዳይቲ ቃስ ቦላ ፓራ ቶጊዳይሳ ዱናፔ ኬዚዳ ማሻን ሃይቁዳ፤ ካርቲካ ወሪ ኢስታ ኣሾዛ ሚ ካሊዳ።

20

ሺ ላይላ ካዎቲላ

1 ሄሳፌ ጉዬ ጨማ ኦላዛ ደዪዛ ቁልፔኔ ጌታ ሳንሳላታ ባ ኩሼን ኦይኪዳ ኪታንቻይ ሳሎፔ ዱጌ ዋዲሽን ታ ቤያዲስ። 2 ሄ ዳዌዛ ኦይኪዳ ሺ ላይላ ቃቸዳስ። ሄሲ ዳዌዚ ዳቡሎሳ ዋይኮ ዓላዔ ጌቲቲዛ ካሴ ቤኒ ሾሻዛ። * 3 ሺ ላይላ ጋካናስ ኢዚ ዳሬ ኣሳ ባሌላንታ ማላ ሄ ኪታንቻዚ ዳዌዛ ዱጌ ጨማ ኦላን ዩጊዳስ፤ ኢዛ ቦላ ጎርዲዲ ማታማ ዋሊዳስ። ኢዚ ሄሳፌ ጉላ ዋዳስ ቢርሼታናስ ቤሴስ። 4 ሄሳፌ ጉዬ ታኒ ኣልጋታ ቤያዲስ። ሄ ኣልጋታ ቦላ ፒርዳ ፒርዳናስ ጎዳቲላ ኢስታስ ኢማቲዳይቲ ኡቲዳይታ ቤያዲስ። ቃሴካ ዩሱሳ ጊሽ ኢስቲ ማርካቲዳ ጊሼኔ ያሳ ቃላ ጊሽ ኢስታ ቆዴይ ቃንጻቲዳ ኣሳታ ሸምፖካ ቤያዲስ። ሄይታንቲ ደባዛሲኔ ኢዛ ሚሲሌዛስ ጎይኒቤቲና። ኢዛ ማላታካ ባ ሊጶ ቦላ ጊዲን ባ ኩሼ ቦላ ዋላንታይታ። ኢስቲ ሃይቆፔ ዳንዲዳ ኪርሰቶሳራ ኢሲፌ ሺ ላይላ ካዎቲዳ። * 5 ሃንኮ ኣቲዳ ሃይቁላቲ ቃስ ሄ ሺ ላይላይ ፖሌታና ጋካናስ ሃይቆፔ ዳንዲቤቲና። ሄሲካ ሃይቆፔ ኮይሮ ዳንላ። 6 ኮይሮ ዳንላን ዲዛይቲ ሄይቲ ኣንጃቲዳይታኔ ጌሻታ። ናምባንላ

ሃይቆይ ኢስታ ቦላ ዋልቃይ ዳና። ኢስቲ ያሳ ቁሴታኔ ኪርሰቶሳ ቁሴታ ጊዳና። ኢስቲ ኪርሰቶሳራ ሺ ላይላ ካዎታና።

ዓላዔ ያኔቲላ

7 ሄ ሺ ላይላይ ፖሌቲዳ ማላ ዓላዔይ ባ ቃሼቲዳሶፕ ቢርሼታና። 8 ኣላሚ ቦላ ዲዛይቲ ሄይቲካ ጎጌኔ ማጎጌ ጌቲቲዛይታ ባሌላናሲኔ ኢስታ ኦላስ ኤኪ ባናስ ኬዛና፤ ሃይታንታ ቆዳይ ኣባ ኣቻን ዲዛ ኣጩ ማላ። * 9 ኢስቲ ኩሜላ ቢታ ቦላ ላሌቲዲ ጌሻቲ ዲዛሶዮ ደሴቲዳ ካታማዮ ጊዳሊዳ ሺን ሳሎፔ ዋዲዳ ታማይ ኢስታ ዲፒ ሂስቲ ፀ-ጊዳስ። 10 ካሴ ኢስታ ባሌሊዳ ዳቡሎሲ ሄ ደባዚኔ ዋርዶ ናቤዚ ዲዛሶይ ዲኔን ኤጻዛ ታማ ኣባ ጊዳን ዩጌቲዳ። ኢስቲ ሄን ቃማኔ ጋላስ ሚርናፔ ሚርና ጋካናስ ፀ-ጌታና። 11 ሄሳፌ ጉዬ ኢሲ ጌታ ቦላ ኣልጋኔ ሄ ኣልጋ ቦላ ኡቲዳይሳ ቤያዲስ፤ ቢታይኔ ሳሎይ ኢዛ ሲንሳፌ ባቃቲዳ ሺን ኢስቲ ቢዲ ጌላናሶይ ቤቲቤና። * 12 ሄ ኣልጋዛ ሲንሳን ሃይቁዳ ጨማታኔ ናቲላታ ቤያዲስ። ማፃፋቲካ ደዩቲዳ ሃራ ዴዖ ማፃፋይካ ደዩቲዳስ፤ ሃይቁዳይቲካ ማፃፋታን ካሴ ዓፌቲ ዲዛ ባ ኦሶ ኦሶ ማላ ፒርዳ ኤኪዳ። 13 ኣባይካ ባ ጋርሳን ዲዛ ሃይቁላታ ኢሚዳስ። ሃይቆይኔ ዲፎይ ቃስ ባ ጊዳን ዲዛይቲ ካሴ ሃይቁዳይታ ኢሚዳ። ኢሲ ኢሲ ኣሲ ባ ኦሶ ኦሶ ማላ ፒርዳ ኤኪዳስ። 14 ሃይቆይኔ ዲፎይ ታማ ኣባ ጊዳ ዩጌቲዳ። ሄ ታማ ኣባዚ ናምባንላ ሃይቆ። 15 ኢዛ ሱንሳ ዴዖ ማፃፋን ዓፌቶንታይ ወሪካ ታማ ኣባን ዩጌቲዳስ።

21

ኦራላ ሳሎኔ ኦራላ ሳባ

1 ሄሳፌ ጉዬ ታኒ ኦራላ ሳሎኔ ኦራላ ሳባ ቤያዲስ። ካሴ ሳሎይኔ ካሴ ቢታይ ኣዲ ቢዳ። ሃይሳፌ ጉዬ ኣባይካ ዳና። * 2 ጌሻ ካታማያ ኦራላ ዩራሳላሚይ ባ ኣዚናስ ጊጌቲዳ ሚሸራ ማላ ሎዓ ጊጌታዳ ሳሎ ያሳ ኣቻፌ ዋዲሽን ታኒ ቤያዲስ። * 3 ኣልጋዛፔ “ሄኮ ያሳ ኣቆሶይ ኣሳራ ዳስ። ኢዚ ኢስታራ ዳና። ኢስቲካ ኢዛ ዳሬታ ጊዳና። ያሲ ባ ቦንቸን ኢስታራ ኢሲፌ ጊዳና። ኢዚ ኢስታ ያስ ጊዳና። * 4 ኢዚ ኢስታ ኣይፌፔ ኣፋንላ ወርሲ ቁጫና። ካሴ ዋጋይ ኣዲዳ ጊሽ ሃይቆይ ዋይኮ ሙዞቲላ ዋይኮ ዩሆይ ዋይኮ ዋይይ ሃይሳፌ ጉዬ ዳና” ጊዛ ጌታ ቃላይ ኬዚሽን ታኒ ሲያዲስ። * 5 ሄ ኣልጋ ቦላ ኡቲዳይሲካ “ሄኮ ታኒ ወርሳካ ኦራላ ኬሳና!” ጊዳስ። ቃሴካ ታና “ሃይሲ ቃላዚ ኣማኔቲዳ ቱሙ ጊዲዳ ጊሽ ኔ ሃይሳ ዓፋ!” ጊዳስ። 6 ሄሳፌ ጉዬ ታስ “ፖሌቲዳስ! ኣልፋይኔ ኦሚጋይ፤ ኮይሮይኔ ወርሴላ ታና፤ ሳሞቲዳዳስ ታኒ ዴዖ ፑልቶ ሃሌ ሚሼ ቃንጻሶንታ ኢዛስ ጮ ሚላ ኢማና። * 7 ያኒዳዴይ ሃይሳ ላታና። ታካ ኢዛዳስ ያሳ ጊዳና። ኢዚካ ታስ ና ጊዳና። * 8 ጊዶ ኣቲን ሃንኮ ባቦቲ፣ ኢስታስ ኣማኔቶንታይቲ፣ ቱናቲ፣ ኣሳ ሸምፖ ዋዲዛይቲ፣ ላይማቲዛይቲ፣ ቢቲዛይቲ፣ ኤቃስ ጎይኒዛይቲ፣ ዋርዶቲዛይቲ፣ ሄይታ ኡባታ ቃዳይ ዲኔን

* 19:15 ማዛ 2:9፤ ኢሳ 63:3፤ ኢዩ 3:13፤ ኣጁ 14:20 * 19:20 ኣጁ 13:1-18 * 20:2 ሜዶ 3:1 * 20:4 ዳኔ 7:9፤22 * 20:8 ሄዚ 38:2፤9፤15 * 20:11 ዳኔ 7:9-10 * 21:1 ኢሳ 65:17፤ 66:22፤ 2ጶፀ 3:13 * 21:2 ኢሳ 52:1፤ ኣጁ 3:12፤ ኢሳ 61:10 * 21:3 ሄዚ 37:27፤ ለዌ 26:11-12 * 21:4 ኢሳ 25:8፤ 35:10፤ 65:19 * 21:6 ኢሳ 55:1 * 21:7 2ሳሜ 7:14፤ ማዛ 89:26-27

አዲስ ታማ አባ ገደን ገደና። ሄሲካ ናምዓንላ ሃይቆ። ገደሰ።

ኦራላ ዩራሳላማ

9 ወርሱላን ላፑን ቦሻቲ አሰታን ኩሚዳ ላፑን ፀዋታ አይኪዳ ላፑን ከታንቻታፔ አሰይ ታኮ ዩዲ ታና “ሃ ያ! ታ ኔና ደርሳዛ ማቼዮ ሚሺራዮ ቤሳና” ገደሰ። 10 ኢዚ ታና አያናን ኢሲ ገታ ቶቃ ዙማ ቦላ ኬሲዲ ገሻ ካታማያ ኦራላ ዩራሳላማይ ያሳ አቻፊ ሳሎፔ ዋቋዛሮ ቤሲዳሰ። * 11 ኢዛካ ያሳ ቦንቸን ፖራሳወሰ። ኢዚ ፖራዛ ሎዔቲላይ ቃሰ ኬሂ ቦንቸቲዛ ሹቻ ማላኔ ቢሪሌ ማላ ገሺኔ ኢያሲዲዳ ገቲቲዛ አንቆ ማላ። 12 ኢዚሰ ታማኔ ናምዑ ፔንገታራ ዲዛ ገታ አዲሳ ገንቤ ላሻይ ዳሰ። ሄ ታማኔ ናምዑ ፔንገታን ታማኔ ናምዑ ከታንቻቲ ኤቁዲ ናገቲሰ። ሄ ፔንገታ ቦላ ታማኔ ናምዑ አሰራዔሌ ኮቻታ ሱንላ ዓፊቲ ኡቲዳሰ። 13 አርሼይ ሞኪዛ ባጋራ ሄቸ ፔንገይ ዳሰ። ፑዳ ባጋራ ሄቸ ፔንገይ ዳሰ። ዲጌሃ ባጋራ ሄቸ ፔንገይ ዳሰ። አርሼይ ወሊዛ ባጋራ ሄቸ ፔንገይ ዳሰ። 14 ሄ ካታማይ ገንቤ ላሻዛሰ ታማኔ ናምዑ ዋና ማሳራቲቲ ዳቲሰ። ሄ ማሳራቲታ ቦላ ታማኔ ናምዑ ሄ ደርሳዛ ሃዋሬታ ሱንላ ዓፊቲ ኡቲዳሰ።

15 ሄሳ ታሰ ዮቲዳ ከታንቻዛሰ ሄ ካታማዮኔ ኢዚ ፔንገታ ቃሴካ ሄ ገንቤ ላሻዛ ኢዛራ ዋቋዛ ዋርቃ ዛንገይ ዳሰ። * 16 ሄ ካታማይ አዲሳቲላኔ አሆቴላ ኦይዲ ባጋራካ ኢሲ ገና። ሄ ከታንቻይካ ካታማዮ ባ ኢዛራ ዋቋዛ ዋቋ ዛንገዛራ ዋቋን አዲሳቲላይ ታማኔ ናምዑ ሺ ከሎማቲሬ ማላ ገዲዳሰ። ኢዚ ቶቃቲላኔ አሆቴላካ ኢዚ አዲሳቲላ ገና ገዲዳሰ። 17 ከታንቻዚ ገንቤዛ ዋቋዳሰ። ሄ ከታንቻዚ ኢዛራ ዋቋዛ ሚሻዚ ኤሬቲዳ ዋቋ ሚሻዚ ያታኔ ኦይዲ ታማኔ ኦይዲ ሜትራ ማላ ገዲዳሰ። 18 ሄ ገንቤዚ ገንቤቲዳይ ኢያሲዲዳ ገቲቲዛ ሹቻና። ሄ ካታማያካ ማሰቶቲ ማላ ጌያ ኡቲዳ ገሻ ዋርቃፊ ኦሴታዲሰ። * 19 ሄ ካታማይሲ ገደ ማሳራቲ ሹቻይ ዲማ ዲማ አልዮ ሹቻን ሎዒ ገገዳሰ። ኮይሮ ማሳራቲዚ ኢያሲዲዳ፣ ናምዓንላዚ ሲምፔሬ፣ ሄቸንላዚ ኬልቁይኔ፣ ኦይዳንላዚ ማርገዳ፣ 20 አቻሻንላይ ሳርደንኪሲ፣ ኡሱፑንላይ ሳርዲዮኔ፣ ላፑንላይ ከርሰቶሎቤ፣ ኦሱፑንላይ ቢሪሌ፣ ኡዲፋንላይ ቶጳዚዮኔ [ወራወራ]፣ ታማንላይ ከሪሰጲራሲሲ፣ ታማኔ ኢሲንላይ ያከንቴ፣ ታማኔ ናምዓንላይ አማቲሰዲሶ ገቲቲዛ ሹቻታፔ። 21 ሄ ታማኔ ናምዑ ፔንገቲካ ታማኔ ናምዑ አንቆታ። ፔንገቲ ወሪካ ኢሰይ ኢሰይ ኢሲ አንቆፊ ኦሴቲዳ ሄ ካታማይ ገደ ኦይ ማሰቶቲ ማላ ሃ ዛሪ ቤሲዛ ሙሩታ ዋርቃፊ ኦሴቲዳሰ።

22 ወርሲ ዳንዳዩዛ ጎዳ ያሲኔ ደርሳዛ ኢዚሰ ያሳ ኬላ ገዲዳ ገሽ ሄ ካታማይ ገደን ሃራ ያሳ ኬላ ቤያቤኬ። 23 ያሳ ቦንቸይ ኢዚሰ ፖራዛ ገሺኔ ደርሳዚ ኢዚ ፖራ ገዲዳ ገሽ ሄ ካታማይሰ አዋ አርሼይ ዋይኮ አገናይ ፖራሳናሰ ኮሼና። * 24 ዳሬቲ ኢዚ ፖራዛን ሲሜሬታና። ቢታ ካዋቲ ወሪካ ባ ቦንቸ ኢዚሰ ኤሃና። 25 ሄ ካታማይን ቃማይ ባይንዳ ገሽ ኢዚ ፔንገቲ አይ ዋይካ ጎርዳቲቲና። 26 ሃራ ካዋታ ገታቲላኔ ቦንቸይ ኢዚሰ ያና። 27 ሃራሲዛ ሚሺ ሙሉካ ገዳ ኢዚን

ገሌና። ቱናቴላ ኦላዚቲኔ ዋርዶ ሃሳዩዚቲ ሙሉካ ሄ ኢዚኮ ገሌቴና። ሄ ኢዚን ገላናይታ ሱንላ ካሴ ሄ ደርሳዛ ዳዮ ማፃፋን ዓፊቲዳይታ ዓላላ። *

22

1 ሄሳፊ ጉዬ ሄ ከታንቻዚ ያሳ አልጋፊኔ ደርሳዛ አልጋፊ ኬዚዛ ማሰቶቲ ማላ ዓሎ ቁዢ ገዲዳ ዳዮ ሃላ ሻፋ ታና ቤሲዳሰ። 2 ሄ ሻፋዚ ሄ ካታማይሰ ዋና አገዛ ገደ አዳን ሻኪ ዩገዲ አቋ ቤሰ። ሄ ሻፋዛሰ ሃዲርሳ ባጋራኔ ኡሻቻ ባጋራ አገናን አገናን ፓጩይ ባይንዳ ላይላን ታማኔ ናምዑ አገና ኩሚላ አይፊዛ ዳዮ ሚላ ዳሰ። ሄ ሚላ ሃይላይ ዳሬ ፓሌሰ። 3 ሄሳፊ ጉዬ ቃንጌላ ሙሉካ ዳና። ያሳ አልጋይኔ ደርሳ አልጋይ ሄ ካታማይን ዳና። ኢዛ አሳንቻቲ ኢዛሰ ጎይናና። 4 ኢሰቲ ኢዛ አይፊሶ ቤያና። ኢዛ ሱንላ ኢሰታ ሊጴ ቦላ ዳና። 5 ሄሳፊ ጉዬ ቃማይ ዳና። ጎዳ ያሲ ኢሰታሰ ፖራዚ ገሽ ታማ ፖይይ ዋይኮ አዋ አርሼ ፖይይ ኢሰታሰ ኮሼና። ኢሰቲ ሜርናፔ ሜርናሰ ካዋታና።

ዩሱሳሰ ናምዓንላ ዩሰ

6 ሄሳፊ ጉዬ ከታንቻዚ ታሰ “ሃይቲ ቃላቲ አማኔቲዳይታኔ ቱማታ። ናቤታ ሃሳይሲዛ ጎዳ ያሲ ማታ ዋይ ሃናናይሳ ባ አሳንቻታሰ ቆንጩሳናሰ ባ ከታንቻዛ ከቲዳሰ” ገደሰ።

7 ዩሱሲካ “ሄኮ ታ ኤሶን ያና፤ ሃይሳ ማፃፋዛ ቲንቢቲ ቃላ ናገዛዳይ ኢዚ አንጃቲዳዳ” ገደሰ።

8 ሃይታ ሃ ዮዖታ ሲዩዳይኔ ቤዩዳይ ታና ዮሃሳ። ታኒ ሃይታ ሃ ዮዖታ ሲዩዳ ዋይኔ ቤዩዳ ዋይ ሃይታ ሃ ዮዖታ ታና ቤሲዳ ከታንቻዛ ሲንላን ኢዛሰ ጎይናናሰ ሆካዳ ኢዛ ቶሆ ቦላ ኩንዳዲሰ። 9 ሄ ከታንቻዚ ቃሴ “ሃይሶ አጋ! ሃይሳላ ኦሶፋ! ታካ ኔናራ ኔ ኢሻታራኔ ናቤታራ ቃሴካ ሃይሳ ማፃፋዛ ቃላ ፖሊዛ አሳታራ ኦላዚዳ። ኔኒ ያሳሰ ዓላላ ጎይና” ገደሰ። 10 ቃሴካ “ዋይይ ማቲዳ ገሽ ኔኒ ሃይሳ ማፃፋዛን ዓፊቲዳ ቲንቢቲ ቃላ ማታማን ጎርዳ። 11 ሃይሳፊ ጉዬ ማካልዘይ ጉጂ ማካሎ፣ ቱናይካ ቱና፣ ዒሎይካ ዒሊ ካሎ፣ ገሻይካ ጌዮ” ገደሰ

12 “ሄኮ! ታ ኤሶን ያና! አሳዳሰ አሳዳሰ ኢዛ አሶ ማላ ታ ኢዛሰ ኢዛሰ አማና ዋጋ ታኒ ታ ኩሼን ኦይካ ኡታዲሰ። 13 አልፋይኔ ኦማጋይ፣ ሲንላኔ ጉዬይ፣ ኮይሮይኔ ወርሴላ ታና” ገደሰ።

14 ሄ ዳዮ ሚላ አይፊ ማናሲኔ ሄ ካታማዮ ኢዚ ፔንገታ ገላናሰ ቤሲዛይቲ ባ ማይዮ ሚጩዳይቲ አንጃቲዳይታ። 15 ካና ማላ ጮ ሆሉ ሆላዚይቲ ቢታ ቢቲዛይቲ፣ ላይማቲዛይቲ፣ ሼምፖ ዋቋዚይቲ፣ ኤቃሰ ጎይኒዛይቲ፣ ዋርዶ ሲቁዛይቲኔ ዋርዶ ኦላዚይቲ ወሪካ ሄ ካታማይፔ ካሬን አታና።

16 “ታኒ ዩሱሲ ሃይሳ አንቴሰ ማርካታና ማላ ታ ከታንቻዛ ዋሳ ኬላታሰ ዩዳዲሰ። ታሰ ዩሌቲላ ዛርኬይኔ ቆዋይ ካሴ ዳወቲኮ። ታኒ ፖራሲዛ ዋንታ ያለንቴ።”

17 ዓሎ አያናይኔ ኢዛ ሚሺራዮ “ሃያ!” ገቲሰ። ሃሳ ሲዩዳይካ “ኔ ሃያ!” ጎ። ሳምቲዳይይካ ሃዮ፣ ኮይዳይ ዳዮ ሃሌ አይኮ ዋጋካ ቃንጆንታ ጮ ሚላ ኡዮ።

* 21:10 ሂዚ 40:1-2 * 21:15 ሂዚ 40:3 * 21:18 አሳ 54:11-12 * 21:23 አሳ 60:19-20 * 21:27 አሳ 52:1፤ ሂዚ 44:9

18 ሄኮ ታኒ ሃይሳ ማፃፋዛን ፃፊቲዳ ቲንቢቲ ቃላ ሲጻፍይቲ ናጌታና ማላ ዮታይሰ። ኦኒካ ሃይሳ ሃ ቃላ ቦላ አይኮካ ጉጂኮ ሃይሳ ሃ ማፃፋዛን ፃፊቲዳ ቦሻታ ያሲ ኢዛ ቦላ ጉጃና። 19 ኦኒካ ሃይሳ ቲንቢቲ ማፃፋን ፃፊቲዳ ቃላታፔ ኢሲኖካ ፓጨሲኮ ሃይሳ ሃ ማፃፋዛን

ዮቴቲዳ ዴዖ ሚላ አይፊፔኔ ጌሻ ካታማይፔ ያሲ ኢዛ ጊሻዛ ፓጨሳና።

20 ሃይታንታ ታ ማርካቲዛይሲ “ታኒ አዳፊ ኤሶን ያና!” ጌሰ። አሚን! ጎዳ ዬሱሳ ሃያ።

21 ጎዳ ዬሱሳ ኪያቴሲ አንቴናራ ኡባትራ ጊዳ። አሚን! *

* 22:21 ኡባታራ ኢሲ ኢሲ ጌሻ ማፃፋቲ “ወሪሶታራ” ጊሸን ሃራይቲ ቃሴ “ያሳ ዳሬታራ” ጌቴሰ። ቃሴካ “ያሳ ዳሬ ኡባታራ” ጊዛይቲካ ዳቴሰ።